

SC. 19. PL. 6.






1812 2181







SCOTUS ACADEMICUS

S E U

Univerſa Doctoris Subtilis
THEOLOGICA DOGMATA
R. P. CLAUDII

FRASSEN

Ordinis Min. Reg. Obſ. Lectoris Jubilati, & Sacre
Facultatis Pariſienſis Doctoris.

TOMUS SEPTIMUS.

De Divini Verbi Incarnatione.



VENETIIS,
Apud NICOLAUM PEZZANA,

MDCCXLIV.

SUPERIORUM PERMISSU, AC PRIVILEGIO.

2002

RECEIVED

2002

ALL INFORMATION CONTAINED

HEREIN IS UNCLASSIFIED

DATE 10/1/01 BY 1043

1043

DATE 10/1/01 BY 1043

ALL INFORMATION CONTAINED

HEREIN IS UNCLASSIFIED



I N D E X

Disputationum, Articulorum, Sectionum, & Quæstionum,

Quæ in hoc Septimo Tomo continentur.

TRACTATUS PRIMUS.

De Incarnatione Verbi Divini.

QUÆSTIO PROÆMIALIS.

<i>Quæ, & quæ fuerint Hæreticorum erronea dogmata circa incarnati Verbi mysterium.</i>	6
<i>Prima Classis Hæreticorum, qui Christi Domini Divinitatem impugnaverunt.</i>	ibid.
<i>Secunda Classis Hæreticorum, eorum scilicet qui circa Christi Domini Humanitatem erraverunt.</i>	9
<i>Erroris circa corpus Christi.</i>	ibid.
<i>Erroris circa animam Christi.</i>	10
<i>Erroris circa facultates animæ Christi.</i>	11
<i>Erroris circa voluntatem Christi.</i>	12
<i>Tertia Classis Hæreticorum, circa Unionem naturæ divinæ cum humana in Christo.</i>	13
<i>Nestoriani.</i>	ibid.
<i>Eutichiani.</i>	20
<i>Erroris circa filiationem Christi.</i>	23

DISPUTATIO PRIMA.

<i>De existentia, natura, & causis Incarnationis.</i>	24
ARTICULUS I. <i>De possibilitate, convenientia, & complemento seu peractione Mysteriorum Incarnationis.</i>	25
<i>Seccio I. De possibilitate Incarnationis.</i>	ibid.
<i>Quæstio I. An uno divina natura cum humana in unitate persona sit possibilis.</i>	26
<i>Quæstio II. An, & quo lumine cognosci possit, & suaderi Incarnationis Mysterium.</i>	31
<i>Seccio II. De convenientia Incarnationis Verbi.</i>	38
<i>Quæstio I. An convenientius fuerit Deum incarnari.</i>	ib.
<i>Quæstio II. An convenientius fuerit naturam humanam, quàm Angelicam aut aliam, à Verbo assumi.</i>	47
<i>Quæstio III. Utrum convenientius fuerit, Filium, quàm Patrem, aut Spiritum sanctum incarnari.</i>	51
<i>Quæstio IV. An convenientius tempore facta fuerit Incarnatio.</i>	54
<i>Seccio III. De necessitate Incarnationis.</i>	57
<i>Quæstio I. An, & qualiter necessaria fuerit Incarnatio.</i>	ibid.
<i>Quæstio II. Utrum purus homo Deo satisfacere poterit pro hominum offensa, eorumque salutem resuscitare.</i>	62

<i>Quæstio III. Utrum Christus Deo condignam satisfactionem exhibuerit.</i>	69
<i>Quæstio IV. Utrum Christus pro nobis satisfecerit ad juris apices, seu ex rigore iustitiæ.</i>	76
<i>Quæstio V. Utrum revera peractum sit Incarnationis Mysterium, & Judæis promissis Idæis advenierit.</i>	85
ARTICULUS II. <i>De Unionem hypostaticam.</i>	113
<i>Seccio I. De Unionem hypostaticam secundum se spectata.</i>	ibid.
<i>Quæstio I. Quid sit Unio hypostatica.</i>	114
<i>Quæstio II. An uno hypostatica facta fuerit in unitate naturæ, aut personæ, idque per veram, & propriam dictam compositionem, an per utriusque commixtionem.</i>	124
<i>Quæstio III. Quid sit terminus Unionis hypostaticæ.</i>	134
<i>Quæstio IV. Utrum Unio hypostatica sit immoderata, & omnium unionum maxima.</i>	136
<i>Seccio II. De Persona assumptæ.</i>	139
<i>Quæstio I. Qualiter, & per quid Verbum divinum naturam humanam terminavit, & assumpsit.</i>	140
<i>Quæstio II. Utrum substantia Dei absoluta, & communis tribus personis possit naturam humanam assumere, illique immediatè uniri.</i>	145
<i>Quæstio III. Utrum plures personæ divina possent assumere eandem humanitatem, & eandem personam plures humanitates.</i>	150
<i>Quæstio IV. An persona creata possit alienam naturam terminare, & assumere.</i>	157
<i>Seccio III. De Unionem hypostaticam ex parte naturæ assumptæ.</i>	161
<i>Quæstio I. An natura tam Angelica quàm irrationalis, sit assumptibilis à personâ divina.</i>	ibid.
<i>Quæstio II. An natura accidentis possit assumi à personâ divina.</i>	165
<i>Quæstio III. Qualiter, & quo ordine Verbum divinum humanitatem, & ejus partes assumpsit.</i>	167
ARTICULUS III. <i>De causis Incarnationis.</i>	172
<i>Seccio I. De causa efficiens Incarnationis.</i>	174
<i>Quæstio I. Quæ fuerit vel esse poterit causa efficiens, & instrumentaria Incarnationis.</i>	ibid.
<i>Quæstio II. An aliqua fuerit causa media, seu præparativa ad Incarnationem per modum efficientis, & dispositionis, seu præparationis.</i>	177
<i>Seccio II. De causa morali, & meritoria Incarnationis.</i>	179

A 2

Quæ-

Quæstio I. An Christus per opera priora, vel subsequenta Unionem hypostaticam, ipsam potuerit promereri, tam secundum substantiam, quam secundum aliquas circumstantias.	180
Quæstio II. An, & qualiter beata Virgo meruerit esse Mater Dei.	186
Quæstio III. Utrum sancti Patres meruerint, aut saltem mereri potuerint de congruo, locutionem, & iussus circumstantias.	190
Sectio III. De causa finali, & motiva Incarnationis.	193
Quæstio I. Utrum si Adamus non peccasset, Filius Dei non minus esset incarnandus.	ibid
Quæstio II. Propter quod peccatum expiandum Christus principaliter uenerit.	207

DISPUTATIO SECUNDA.

De Christi Domini unitate, præcellentijs, & operationibus.	210
ARTICULUS I. De Christi Domini diuinitate, & humanitate.	ibid
Sectio I. De Christi Domini diuinitate.	211
Quæstio I. An uerè Christus sit idem unus Deus cum Patre, & eandem indiuisum cum eo naturam diuinam habeat.	ibid.
Quæstio II. Utrum Christus in quantum homo, sit Filius Dei adoptiuus aut naturalis.	226
Quæstio III. Utrum in Christo sint dua filiationes, una æterna ad Patrem, alia temporalis ad Matrem.	236
Quæstio IV. Utrum Christus Dominus sit, & dici possit Dei seruus, & æterno Patri subiectus.	242
Sectio II. De humanitate Christi.	248
Quæstio I. An Christus uerè integram humanitatem animæ rationalis, & humano corpore constantem habeat.	249
Quæstio II. An Verbum diuinum assumpsit hypostaticè omnes humani corporis partes, maxime uerè sanguinem, & alios humores.	256
Quæstio III. Utrum Verbum assumpsit animæ rationalis facultates; nempè Intellectum, & Voluntatem.	264
Quæstio IV. Utrum natura humana in Christo propriam habuerit existentiam, & subsistentiam creatam substantialem.	281
Sectio III. De modo loquendi in hoc mysterio.	288
Quæstio I. Utrum per communicationem idiomatum omnia, quæ sunt Dei, de homine, & ui-	

cissimæ quæ sunt hominis, de Deo prædicentur.	ib.
Quæstio II. Utrum tres illæ propositiones sint ueræ: Deus est homo, Deus factus est homo, & Homo factus est Deus.	293
Quæstio III. An hæc propositio sit uera Christus est creatura.	299
ARTICULUS II. De præcellentijs Christi Domini.	306
Sectio I. De Gratia Christi.	ibid.
Quæstio I. Utrum humanitas Christi sanctificetur per gratiam unionis, an uerò requirat aliquid denum ab ipsa unionis distinctum.	307
Quæstio II. Utrum in anima Christi fuerit gratia habitualis; & ad quid necessaria.	314
Quæstio III. Qualis fuerit gratia habitualis Christi.	320
Quæstio IV. Utrum gratia gratis data fuerint in Christo.	331
Sectio II. De uirtutibus Animæ Christi, & donis Spiritus sancti.	337
Quæstio I. An Christus habuerit omnes uirtutes Theologicas.	ibid.
Quæstio II. An, & qualiter uirtutes morales fuerint in Christo.	339
Quæstio III. Utrum Christus habuerit omnino donum Spiritus sancti.	342
Sectio III. De scientia, ac sapientia Christi Domini.	346
Quæstio I. Utrum in Christo sit duplex scientia: creata simul & increata.	ibid.
Quæstio II. Utrum, & qualiter scientia beatifica fuerit in Christo.	350
Quæstio III. Utrum præter scientiam beatificam Christus habuerit scientiam infusam, quæ dissipatur in propria earum natura cognosceret.	359
Quæstio IV. Utrum præter scientiam beatificam, & infusam Christus habuerit etiam scientiam acquisitam.	369
ARTICULUS III. De defectibus, & passionibus corporis, & animæ à Christo Domino assumptis.	380
Quæstio I. Utrum in Christo fuerint defectus, & passiones humani corporis.	381
Quæstio II. Utrum in Christo fuerit aliqua ignorantia, aut aliquis error.	387
Quæstio III. An Christus assumpsit defectum appetitus rationalis.	392
Quæstio IV. An Christus Dominus assumpsit passionem animæ, seu appetitus rationalis tam secundum portionem superiorem, quam inferiorem.	404



IN TERTIUM LIBRUM SENTENTIARUM PRÆFATIO.



Rande sanè, si aliquid unquam, *impræsentiarum* molimur opus; utpotè qui Deum intrà Divinitatis, & Naturæ lineam existentem, & operantem hætenus suspeximus, eum itidem intrà Gratiae ordinem subsistentem, & mirabiles effectus edentem auspicamur investigare; Scire etiam investigabiles divitias Christi, & illuminare omnes, quæ sit dispensatio Sacramenti absconditi à sæculis. Equis enim, quantumvis oculatus, non acie palpitet, vertiginemque incurrat, dum immensas divinae Gratiae opes in abditis Dei Thesauris consignatas, suspicere nedum, sed effodere, ac effundere teneat? Quod quàm arduum sit, quàmque paucis concessum, disertè aperuit ipsius divinae Gratiae verus Aquilex Sanctus Augustinus, dum quaestionem de Gratia Dei, Difficillimam, & paucis intelligibilem appellat. Sed quis vel à longè speculari audeat Incarnati divini Verbi mysterium, possetque comprehendere, quæ sit latitudo, & longitudo, & sublimitas, & profundum, scire etiam supereminentem scientiæ charitatem Christi, & præ-

tiosissima Fidei, Spei, ac Charitatis dona speculari? Abyssus quidem sunt lac, in qua non merguntur, qui fundum Humilitatis tenent; quam irretorta mentis acie penetrant, sed agrestes non raro Opinionibus sub vilibus dumetis moram legentes, quos non inflat Scientia, sed charitas ædificat; cujus tandem recessus omnes securo pede pervadunt; at non multarum Bibliothecarum urinatores, è pulpitis, ac subsellis phaleras verborum eructantes; sed sub ramnis humilibus sentibusque horridis purissimo, ardentissimoque Dei amore liquecentes; atque præ animi sui demissione in favillas, & cineres Humilitatis evanescentes. Illi sunt dubio procul, quibus sapè datum est nosse mysterium Regni Dei, cæteris autem in Parabolis, ut videntes non videant, & audientes non intelligant. Nam, inquit Apostolus, Non multi potentes, non multi nobiles, sed quæ stulta sunt mundi elegit Deus, ut confundat sapientes, &c.

Nihil tamen æquius, nihil gratius, nihil sublimius commendatione, & investigatione divina ipsius in nos Charitatis, Redemptionis, & Gratia beneficio. Primum namque filios admonet pietatis erga benignissimum Parentem, quod est debiti nostri: Alterum Liberatoris memoriam refricat, quod est animi grati; Postremum, reptantem in foribus Naturam emaculat, & ad Deum usque, ac Mediatorem sublevat, quod est fastigium, & apex Christianismi, ut Qui gloriatur, in Domino gloriatur. Non arctius certè inter se Charitas, quàm hæc tria Dei in nos beneficia, simul coherent & implicantur. Nam ex pia Patris benignitate Incarnatio Filii; ex utraque conjunctim, & ad utramque Gratia religatur. Recta igitur justaque methodo tres Tractatus, de divino Incarnationis, Gratiæ Cælestis ac Theologicarum virtutum Fidei, Spei, & Charitatis beneficio, suscipimus explanandos.

Ne autem in evulgando, ac referendo divinæ Gratiæ fonte, & effluvio, quidpiam ipsi Gratiæ minus gratum proferamus, juvat audire Lugdunensem Ecclesiam ita monentem. Habemus magnum depositum Fidei, & doctrinæ veritatis, ex divinis Scripturis, & Sanctorum Patrum dictis, velut pretiosum, & multiplicem Thesaurum divinitus nobis ad custodiam commendatum, quem sine intermissione, Domino auxiliante, debemus inspicere, extergere, polire, atque excutere, ac diligentissi-

mè

mè fervare; ne per incuriam, & ignaviam nostram, aut pulvere sordescat, aut ærugine, vel tineis demoliatur, aut malignorum spirituum insidiis, velut à nocturnis, & occultis furibus, effodiatur ac diripiatur. Unde ipsa Charitate provocati, & commoniti, per quam in uno Christi corpore omnes unum esse debemus, ut sicut Apostolus dicit, *invicem pro se sollicita sint membra, & sive gloriatur unum membrum, congaudeant omnia membra*. Hac, inquam, Charitatis affectione, visum est nobis atque complacuit, ut hæc qualiacumque sunt, ad commonitionem nostram, & ad eorum, qui legere voluerint ædificationem, & confirmationem compendioso, & lucido, prout Dominus aspirare dignatur, sermone, scriberemus; quidquid in eo dicendum putavimus, non nostro sensu, aut præsumptione; sed manifestissimis Scripturarum testimoniis, & præfatorum Sanctorum Patrum venerabili auctoritate firmantes: à quorum vestigiis, & unitate absit ut vel nos, vel illi quorum Charitate compulsi hæc dicimus, recedamus; ne ab ipsis divisi, etiam ab ipso Domino dividamur, qui illis specialiter dicit: *Qui vos audit, me audit, qui vos spernit, me spernit*.

Ignitur quod in ceteris Christianæ religionis Mysteriis investigandis, sanctissimi Ecclesiæ Patres præscribunt, ut præpositarum rerum fides humana rationis conatus antecedit, illud maxime amplecti debet omnis, qui ad investigandum divinæ Gratiæ principium, naturam, & fecunditatem sese accingit, ut aurem præbeat S. Augustino sic præclare monenti. De credendis nulla infidelitate dubitemus: De intelligendis nulla temeritate affirmemus; in illis Auctoritas tenenda est; in his Veritas. Hoc enim constans & antiquum fuit penes Ecclesiæ, quæ, ut docet S. Gregorius, in omne, quod veraciter sapit, sensum suum humiliter deprimit, ne in requisione occultorum tumeat; & perscrutari aliqua, quæ ultra vires sunt illius, præsumat. Divinarum equidem rerum notitia summo studio indaganda est, ait Iustinus in Expositione Fidei: Cùm autem eam præ imbecillitate minùs assequi poterimus, revereri eam nos oportet, ut comprehensione majorem, ne evacuetur Fides nostra.

His itaque præclaris Monitis illustrati, tertium hunc Sententiarum librum tribus Tractatibus, ut jam prælibavimus, suscipimus explanandum: Quorum Primus ipsius divina Gratia fontem referabit, Incarnationem nempe Christi Domini, de cujus plenitudine omnes nos accepimus. Secundus, ipsius Gratia naturam, necessitatem, species ac fecunditatem aperiet. Tertius tandem, illustres ipsius Gratie fœtus ac præclara germina, nempe divinas ac Theologicas virtutes, Fidei, Spei, & Charitatis, explicabit.



TRACTATUS PRIMUS

De Incarnatione Verbi Divini.



Am altum tamque abditum, ac ineffabile est Incarnati Verbi divini mysterium, ut meritò dixerit Apostolus, illud esse absconditum à saeculis, & à generationibus; nam, ait sanctus Cyrillus Alexandrinus, *Est vera sapientia, nec humana quidem ullo modo: sed divina potius atque inreconditis quibusdam difficultatibus posita, illud Christi mysterium: igitur beatus David in Psalmo cecinit; Et posuit tenebras latibulum suum, &c. ex quo ibidem colligit, Non sublimibus inquisitionibus, aut ejusmodi curiosa indagatione, quæ ingenii humani captum superet, opus esse illi Christi mysterio, sed fide potius, quæ simplici, nec ullo fuso adulterata traditione consistet. Quæ verba postrema non sic accipienda sunt, quasi vir ille summus in aperiendo divinæ Incarnationis mysterio, nihil præter nudam, ac simplicem fidei professionem adhiberi velit: verum contendit tantum ut in illoscrutando mysterio potiores partes sibi fides Christiana vendicat, ejusque ductu ac prævio lumine humana ratio gubernetur; quippe ait S. Fulgentius: Magnum bonum inferi inquisitio veritatis, quæ tamen tunc desiderato non frustratur effectu, si rectis ad veri cognitionem lineis animus innitatur.*

Hinc est quòd celebres Ecclesiæ Patres ac Doctores quotquot ineffabile hoc mysterium propugnandum, aut explicandum suscepserunt, illud ita commendarunt, ut obscuritatis & periculi simul moneant, nisi rationem in his mysteriis cæcæ fides ducat. Ea namque ratione S. Dionysius, ineffabilem Jesu in carne apparitionem appellat; Cyrillus Alexandrinus, *enigma sacratissimum, quod summa potius veneratione suscipiendum est, quam humani iudicii trutinæ subiiciendum*: Damascenus, *novum novorum, & solum sub sole novum*: Augustinus, *mirabilem mixturam*: Gregorius, *cardinem & verticem omnium miraculorum*: Denique S. Bernardus, *mixturam singulariter mirabilem, & mirabiliter singularem*; nam, ut subdit, *Tria opera, & tres mixturas fecit omnipotens illa Majestas*

in assumptione carnis nostræ, ita singulariter mirabilia, & mirabiliter singularia, ut talia nec facta sint, nec facienda sint amplius super terram; conjuncta quippe fuerunt invicem Deus, & homo, Mater & Virgo, filius & cor humanum: admirabiles istæ mixturæ, & omni miraculo mirabilius, quoniam tam diversa, tamque diversa ab invicem, invicem potuerunt conjungi? Hinc rectè monbat S. Leo: Cùm ad intelligendum sacramentum Nativitatis Christi, quæ de Matre Virgine est oritur, accedimus; & abigatur precul terræ caligo rationum, & ab illuminatæ fidei oculo mundanæ sapientiæ fumus abscedat.

Cæterum ut prælucente methodo, præviaque iusta materiæ tam amplissimæ, ac obscurissimæ distributione, aliquid lucis affulgeat, præsentem Tractatum juxta servatum à nobis, tres in Disputationes totidem Articulis & Sectionibus divisas, distribuimus: quarum *Prima* refert existentiam, naturam, & causas Incarnationis; *Secunda* Christi Domini entitatem divinam, & humanam, ejusque præcellentias, & operationes aperiet; *Tertia* denique supremam illius dignitatem, & debitum tam illi, quam Deiparæ Virgini, aliisque Sanctis cultum, & honorem edocebit.

Verum quoniam certum est, inquit Sancti Fulgentius, *pene omnes hæretica pravitas errores hinc multipliciter subrepsisse, cùm magnum pietatis sacramentum, quod manifestandum est in carne, justificatum est in Spiritu, apparuit Angelis, prædicatum est Gentibus, creditum est in hoc mundo, assumptum est in gloria, nonnulli aut non sicut est credunt; aut omnino non credunt*: nullum enim fuit totius Religionis mysterium, quod Diabolus variis hæreticorum erroribus acutius vel insuscare, vel penitus extinguere tentaverit: ideo non ingratum fore arbitror studioso nostro Lectori, si in hujus operis limine, Incarnati Verbi mysterio inimica dogmata, & in ipsum pugnantia hæresum varia monstra sigillatim exponam: nam, ut bellè annotat S. Augustinus, *Multa ad Fidem Catholicam pertinentia, dum hæreticorum callida inquietudine agitantur, ut adversus eos desca-*

defendi possint, & considerantur diligentiùs, & intelliguntur clariùs, & instantius prædicantur, & ab adversario mora quæstio discendi exisist occasio. Vel ut eleganter addit S. Gregorius, cum graviora bestium prodere certamina, tunc sunt profectio subtiliora sensuum spicula requisita, tunc argumentorum obstacula, tunc perplexior indago verborum.

QUÆSTIO PROEMIALIS.

Quot, & quæ fuerint Hæreticorum erronea dogmata circa Incarnati Verbi mysterium.

Cum Incarnati Verbi mysterium inter cætera divina opera maximè humanam rationem transcendat nihil enim mirabilius cogitari potest, quàm quòd, ut Ecclesia proficitur in Symbolo sancti Athanasii, Dominus noster Jesus Christus Dei Filius Deus, & homo est: Deus ex substantia Patris ante sæcula genitus, & homo ex substantia Matris in sæculo natus: perfectus Deus, perfectus homo ex anima rationali, & humana carne subsistens; æqualis Patri secundum divinitatem; minor Patri secundum humanitatem.

Quare nihil mirum si circa tam ineffabile, tamque humanæ menti impervium mysterium, pluribus longè modis erratum fuerit, quàm circa quemlibet alterum ex nostris fidei Articulis. Nam, ut missos faciam Gentiles, qui impossibile judicant Deum hominem fieri, necnon & peridos Judæos, qui Christum merum esse hominem crediderunt; imò etiam, ut hominem infirmum, ac deterrimum, ignominiosa necesse sustulerunt, vix numerari, ac recenseri possunt varia hæreticorum impia dogmata circa Incarnati Verbi assertionem. Nihilominus, ut eos errores ad certum ordinem perstringamus, triplicem in classis distribuemus: quatum *Prima* aperiet principes Hæresarchas qui Christi Domini divinitatem impugnarunt: *Secunda* refert eos omnes, qui circa ejus humanitatem erraverunt. *Tertia* denique varios, ac multiplices refert errores eorum omnium qui utriusque, divinitatis, & humanitatis, unionem negaverunt, vel adulterare, & obscurare tentaverunt. *Quidam* enim, ut scribit sanctus Leo Papa Sermone decimo de Nativitate cap. 2. ex *documentis Nativitatis Domini nostri Jesu Chri-*

sti, quæ cum verum hominis filium demonstrabant, nihil ipsum amplius, quàm hominis filium crediderunt, non putantes illi adscribendam esse divinitatem, quem, & primordia infantie, & incrementa corporea, & passionum usque ad crucem, mortemque conditio, non dissimilem cæteris mortalibus approbassent.

Cæterum hac in texenda Hæresum, ac Hæresarcharum in Incarnationem divini Verbi militantium serie, ne quid ex proprio cerebro confictum proferte videar, Lectorem monitum volui, omnia quæ narraturus sum, ex SS. Patribus illorum errorum expugnantioribus, & antiquioribus Ecclesiasticæ Historiæ Scriptoribus esse deprompta, ac testimonio roborata: quamquam, ut cuique meritas, ac debitas grates, & laudes rependam, non denegem me plurima debere Baronio, Petavio, aliisque modernis Annalistis, & Theologis Professoribus, qui suis doctissimis studiis, & scriptis, nobis in hac texenda Hæresum Encyclopædia, imò & in difficillimo hoc Tractatu elucubrando in suppetias venerunt.

Prima Classis Hæreticorum,

Qui Christi Domini Divinitatem impugnaverunt.

TRedecim circiter apud Antiquos celebrantur nefandi illius erroris assertores, & Artifices: quorum impium agmen duxit Carpocrates, qui ipsis Apostolorum temporibus, ut recenset Irenæus lib. 1. cap. 4. præcipuus fuit Gnosticorum author, perinde, ac Simon ille Samaritanæ magus, & fornicarius, qui affirmabat inter cætera, *Jesum ex Josephi, & Mariæ conjugio cæterorum more progenium esse, in quem post Baptismum Christus illapsus est; ac totam animam accepisse dicebat, quæ sciret ea, quæ superna essent, atque nuntiaret: ut doceret, Tertullianus lib. de Anima cap. 2. Epiphanius, lib. 1. de Hæresibus cap. 5. & Augustinus ibidem cap. 7.*

Cæteribus Carpocratis discipulis, nihil ab impio præceptore dissentiebant: cum eo siquidem affirmabat descendisse Christum, hoc est Spiritum sanctum, in Jesum ad Jordanem in columbæ specie, ac postquam passus est Jesus, Christum revolasse sursum, Jesum autem resurrexisse. Ita refert Irenæus, lib. 2. cap. 3. Epiphanius, hær. 28. At Augusti-

gustinus, lib. de Hær. cap. 8. ait Cerinthum asseverasse non resurrexisse Jesum, sed resurrecturum esse. Porro iidem auctores testantur ipsum Cerinthum unum fuisse ex illis, qui commoverunt multitudinem credentium adversus Petrum, eo quod ad baptizandum Cornelium ingressus esset ad viros præputium habentes: huncque præterea esse, qui sub Apostolis quæstionem illam movit de Circumcisione, ac cæteris Judæorum adhibendis ceremoniis; ad quam disceptandam primum Hierosolymis Concilium habitum est, ut legimus *Act. 15.* Quæ si vera sint, oportet ipsum antiquiorem esse Carpocrate, quem sub Adriano collocat Theodoretus, qui in Ægypto Cerinthum diu versatum esse refert, ibique Philosophiæ operam dedisse, atque in Asiam transisse postea; unde illud memorabile narrat Irenæus lib. 3. cap. quod cum sanctus Joannes Evangelista ad balneum venisset, animadvertens ibi accessisse Cerinthum statim inde exiit; *ne balneum*, inquit, *subito cadens nos cum Cerinbo opprimat.*

Ebion, à quo *Ebionitæ*, Cærinthi discipuli, cum scilicet Samaritanus esset, Judæus haberi maluit, idcirco Legem Mosaicam, ac ritus Judaicos cum Christiana professione conjunxit, & Evangelii cæteris abjectis, solum illud suscipiunt Ebionitæ, quod est secundum Matthæum: à Apostolorum verò Apostolum recusant, Apostolatam eum legis dicentes, ut refert Irenæus cap. 26. & Epiphanius hær. 30. qui pariter probant Ebionem putasse Christum de Josephi, ac Mariæ consortio esse genitum; quamquam Origenes lib. 2. contra Celsum, cap. 3. dicat duo esse Ebionitarum genera; quorum aliqui Christum ex Virgine natum fatentur; alii vero ipsum communi cum cæteris statu procreatum. Hoc autem pessimum Dogma sancto Joanne Evangelista adhuc vivo emisisset, testis est S. Hieronymus, lib. de Scripturis Ecclesiasticis, cap. 19. ubi scribit de S. Joanne, *Novissimus omnium scripsit Evangelium adversus Cerinthum, aliosque hæreticos, & maxime tunc Ebionitarum Dogma confurgens, qui asserunt Christum ante Mariam non fuisse.* Quod antea dicebat Tertullianus lib. de Carne Christi cap. 14. *Poterit, inquit, hæc opinio Ebioni convenire, qui nudum hominem, & tantum ex semine David natum, non item Dei filium constituit Jesum.* Hinc apprimè notat Eusebius lib. 4. historiæ Ecclesiasticæ, cap. 21. ejus secta-

tores merito dictos *Ebionites*, hoc est *gentis, & intelligentiæ impotes*; Ebion enim lingua Hebraica pauperem, & egentem significat, quippe qui de Christo, ejusque doctrina tenuiter, & abjectè staterentur, ac opinarentur.

Elxai, Judæus quidam impostor, & Pseudo-propheta, sectam mediam Judæos inter, & Christianos instituit ad annum 249. Scripsit autem librum, quem tamquam propheticum mirè Sectatores ejus venerati sunt; quem & cælo delapsum esse finxerunt: quo in libro Christum magnum esse regem prædicabat, sed cum nihilominus esse puram creaturam dicebat; ab initio quidem creatam, sed quæ ut diversis temporibus variè appareret, varias induceret formas. Erat enim virtus quædam celestis, cujus soror est Spiritus sanctus, qui cum ipso Christo illapsus est in Jesum ex Maria, & Josepho genitum. Ita Epiphanius hær. 19. His affinis fuit *Helcesorum* hæresis; cujus parentem agnoscit Theodoretus lib. 2. cap. 4. Alcibiadem Apamæensem. Narrat autem cap. 4. hanc hæresim ab origine statim repressam, & extinctam, restauratam fuisse per Artemonem, sive Artemam, qui Jesum Christum merum esse hominem asseruit, ex Virgine procreatum, & Prophetis excellentiorem; idque Apostolos docuisse quidem, sed eorum successores, eundem pro Deo veneratos esse.

Circa finem secundi sæculi erupit impium *Theodotianorum* dogma, auctore *Theodoto*, patria Bisantino, arte coriario, litteris apprime erudito, qui in persecutione comprehensus cùm fidem ejurasset, pudore affectus Romam se contulit, ubi cum nec latere potuisset, nec ferre ignominiam, & reprehensionem suæ perfidiæ, quod eam elevarat, prædicare instituit Christum non esse Deum, sed nudum hominem, ac cæterorum more genitum. Ita Tertullianus lib. de præf. & August. hær. 33. ubi cum Theodotionem appellat; forte ut perfectius eum distinguat à Theodoto argentario, vel trapézita, qui & ipse, inquit Tertullianus hæresi 55. introduxit alteram sectam, & ipsum hominem Christum tantummodo dicit, ex Spiritu sancto, & Virgine Maria conceptum pariter, & natum, sed hunc inferioriorem esse, quam Melchisedech.

Paulus Samosatenus Antiochenus Episcopus ad Annum 265. Judæorum, & Ebionitarum hæreticam instauravit; qui cùm unicam

cant in Deo personam esse dicere, duplexque Verbum distingueret: aliud æternum, quod eadem esset cum Patre persona; & aliud prolatum, quod quasi acrem quemdam asseverabat; hinc docebat Christum hominem iustum, non Deum verum esse, quem nihilominus Deum appellabat. Sic enim de eo scribit S. Athanasius in libro de salutari adventu: *Paulus, inquit, Deum ex Virgine confitetur, Deum Nazarethi in lucem editum, & inde existendi primordium, Regniq; consecutum. Verbum tamen efficax è cælo, & sapientiam in eodem agroscit, ac prædestinatio quidem ante sæcula fuisse putat, sed Nazarethi primum exire cœpisse, ut unus, inquit, sit Deus Pater. Non tamen existimabat Christum fuisse Deum simul atque editus, sed ex profectu virtutis Deum esse factum, ut idem refert Athanasius oratione quarta contra Arianos. Adversus illius impium dogma celebratæ sunt duæ Synodi Antiochiæ. Prima quidem circa annum 265. cui interfuit Firmilianus Episcopus Cæsareæ, Gregorius Neocæsareæ, & plures alii sanctissimi Patres: non potuit autem adesse Dionysius Alexandrinus ætatem, & valetudinem excusans, ac vice sua Epistolam misit, qua fidem suam de Christi divinitate exposuit. Idem antea Paulum ipsam alia epistola redarguerat; & cui vicissim hæreticus iste rescripsit, ac decem pro nefaria opinione sua capita proposuit adversus Christi divinitatem; quibus Dionysius exiguo libello respondit, qui extat Tomo secundo Bibliothecæ Patrum.*

Interim coram Episcopis Antiochiæ congregatis comparere coactus Paulus, eorum sedulitatem frustratus est, pollicendo se priorem sententiam revocaturum, ac subdole Catholicum dogma præse ferens, lussit Patrum existimationem, qui eum revera conversum existimantes Antiochia discesserunt. Sed cum postea hæresis patrocinium maiore fiducia resumpisset, iterum Antiochiam conveniunt Episcopi numero 70. ut affirmat S. Athanasius in libro de Synodis; vel 180. ut refertur in libello supplicii, quem Basilus Diaconus in Concilio Ephesino contra Nestorium obtulit: à quibus ipse Paulus citatus, & hæresis convictus industria Malchionis Presbyteri, viri eruditi, & acerrimi disputatoris, de sede sua deiectus est. Sed cum cedere nollet, interpellatus à Christianis Præsulibus Imperator Aurelianus, vi illum expelli iussit.

Eodem ferme tempore erupit impium Sabellianorum dogma auctore Sabellio; qui cum unicam in Deitate personam agnosceret, etiam negabat Verbum divinum incarnatum fuisse, sed volebat unicam in Deo personam homini fuisse intimè conjunctam; seu, ut narrat Ferrandus Diaconus in Epistola ad Severum, quæ extat Tomo 3. Bibliothecæ Patrum dicens: *Illos veritas confutavit hæreticos, qui sic unum Deum Trinitatem dicere voluerunt, ut quem Patrem fitebantur, ipsum sibi Filium, ipsum fugerent Spiritum sanctum, Deum scilicet, qui manens in cœlestibus, creatura totius Pater fuit, ut protensus in Virginem etiam nascendo inter homines Filius fieret; rursumque dispensationis humane consummato mysterio, super Apolos in linguis igneis veniens Spiritus sanctus vocaretur. Hoc errore compulsi non solum Filium Dei Patris, sed Patrem credere Crucifixum. Unde etiam Patrispassianos appellari vetustas ostendit.*

Hinc Epiphanius hæresi 62. refert illos hæreticos hac similitudine suum impium dogma declarasse, dicendo Deum esse velut solem, cuius una est hypostasis, in qua tria discernuntur: illuminandi vis, nec non calefaciendi, & orbis, seu globus: sic in una, & singulari persona Dei dicebant Patrem appellari formam totius hypostasis; Filium verò vim esse quamdam illuminandi, spiritum verò sanctum velut ardorem, & fovendi, ac calefaciendi insitam facultatem: unde de Christo pronuntiarent, ipsum esse emissum Filium; hoc est radium divinitatis, qui omnia illa perfecit, quæ ad illustrandas hominum mentes lumine, ac veritate Evangelicæ spectabant.

Sabellii fautor, imitatorque fuit Marcellus Ancyranus; quidam Arianos vehementius infestatur, & unitatem divinæ substantiæ adversus eos acerrimè propugnat, in contrarium est lapsus errorum, & eandem unitatem, ad hypostases ipsas, personasque transulit. Hinc, ut refert Eutychius Cæsariensis, qui quinque libris eum impugnavit, dicebat Verbum esse expert propriæ substantiæ, ac nonnisi imperantem Sermonem in carnem subisse, in eaque operatum esse: tuncque Christum extitisse, ac Jesum, & Regem, & imaginem Dei. Quod confirmat Iheodoretus lib. 2. cap. 10. dicens, *excogitatum esse extensionem quandam ab illo Paterna Deitatis, talemque Sermonem esse, qui in Christum illapsus est: quique peractis*

*Omni functione ad Deum reducus, & contra-
rius est, à quo extensus fuerat. Addebatque
post occasum mundi, ac Judicium Sermo-
nem à carne discessurum, & ad Patrem
rediturum esse; ita ut sola Verbo desti-
tuta caro relinqueretur.*

*Marcelli discipulus fuit Photinus Sirmii
Episcopus, qui disertus, ac disputandi fa-
cultate peritus circa annum 337. Pauli Sa-
mosateni, ut Marcellus, dogma instaura-
vit; ita ut Paulianistæ demum appellati fue-
rint Photiniani. In Concilio Sardicensi
damnatus fuit, sed latè sententiæ non ac-
quiescens, Constantium Imperatorem adiit,
petiitque Judices, à quibus denuò audire-
tura cui eum annuisset Imperator, dele-
gavit ipsi Episcopos Semiarianos, qui Sir-
mii convenientes ipsum denuò damnave-
runt, & sede sua deiecerunt; ut ea ratio-
ne Judices illi Catholici apparerent, qua-
tenus damnarent hominem, qui negabat
Filium Dei ante Mariam extitisse. At il-
lorum dolum brevi detexit Lucifer Calari-
tanus lib. de non parcendo delinquentibus
in Deum, ubi Constantium Semiaria-
num Photini Judicem, & damnatorem sic
interpellat. *Eccè Photinus hominem tantum
prophetur Dei Filium: dicit illum non fuisse
ante beatissimam Mariam; tua quoque hæc est
propositio, quod nimirum ante omnia quidem,
hoc est ante cælum, terram, mare, & om-
nia, quæ in eis sunt, Filius Dei; sed quod
extiterit ex nihilo, sed quod sit creatura, quid
interesse arbitraris inter te, & Paulum Sama-
satenum, vel eum tum ejus discipulum tuum
Comphotinum, nisi quia tu ante omnia dicti,
ille verò post omnia? Ceterum una vobis cre-
dulitatis, & incredulitatis mens est, ut dica-
tis non habere Deum verum Filium.**

Secunda Classis Hæreticorum.

*Eorum scilicet, qui circa Christi Domini
humanitatem erraverunt.*

Cum in homine duo sint, quibus con-
stat, & ex integro constituitur; cor-
pus videlicet humanum, & anima ratio-
nalis, quæ invicem communiquodam vin-
culo sociantur, ex quorum unione sequi-
tur hominem varias habere facultates, tum
ex anima, tum ex corpore promanantes,
inde circa humanitatem Christi Domini va-
riè erratum est ab hæreticis; quorum erro-
res, ut clarior, & distinctius appareant,

proferemus primum eos, qui nefaria quæ-
dam dogmata circa Christi Domini cor-
pus venditarunt.

Errores circa Corpus Christi Domini.

Hic non refero eos omnes Errores, qui
ludicram, & fictam, ac speciem tenus
adumbratam fuisse Incarnationem defende-
bant. Inter quos præcipuus, & omnium
antesignanus videtur Simon Magus; qui,
ut refert S. Irenæus lib. 7. cap. 20. à multis
quasi Deus glorificatus, docuit semetipsum
esse, qui inter Judæos quidem quasi Filius
apparuerit; in Samaria autem quasi Pater
descenderit; in reliquis verò Gentibus quasi
Spiritus sanctus adventaverit. Unde con-
sequens erat, ut Incarnationem negaret,
& carnem non reverà, sed sola specie à
Deo susceptam assereret. Sed his præter-
missis eorum duntaxat mentionem facio,
qui veram Christi carnem negabant; quo-
rum primus prodit

*Satur-ninus, vel ut volunt aliqui, Satur-
ninus ejusdem Simonis discipulus, qui Si-
monis propagavit hæresim, atque inter cæ-
tera docuit Christum reverà natum non
fuisse, sed putativè tantum hominem, ut
ait Irenæus lib. 1. cap. 22. vel in phantasma-
te tantum venisse, ut docet Tertull. de præ-
scriptionibus cap. 46. cujus condiscipulus
Basilius ei in omnibus adhesit, docens
Christum fuisse phantasma, ac reverà neu-
tiquam passum, sed pro eo Simonem illum
Cyrænum, cui cum Judæi Christi crucem
imposuissent, hunc Jesus in suam commu-
tavit figuram, & ejus vicissim propriam
induit, atque ita Judæorum luse, irrise-
que conatum. Hinc negabat pro Christo
martyrium subeundum esse, eo quod non
ille mortem perpeffus esset, ut refertur
præter Irenæum Clemens Alexandrinus lib.
4. Stromatum, & alii plurimi.*

Sub idem tempus idem nefarium dogma
docuit *Valentinus*; qui, ut observat Euse-
bius lib. 4. historie cap. 10. viguit sub Pio,
hoc est anno Christi 158. & permansit ul-
que ad Anicetum, nempe ad annum 167.
qui inter cætera deliria docuit, Christum à
Patre ad totius mundi salutem demissum ha-
buisse corpus, non terrenum, sed celeste,
ac per Mariam Virginem velut aquam per
canalem transisse, nec ex ejus utero quic-
quam sumpsisse, ut scribit Epiphanius here-
si 31. Addit quoque Tertullianus contra Va-
len-

Ientinianos c. 15. ipsum Christo spirituale dedidit corpus, idque veluti aquam per fistulam, sic per Mariam Virginem transmississe, nihil inde vel accipientem, vel mutantem.

Valentino annumerandi sunt plures alii, qui non minus insanè, quàm ineptè de Christi Domini vero corpore senserunt. Præ cæteris verò eminent *Cerdoniani* à Cerdone, qui primus duos dixisse Deos fertur; unum bonum, alterum malum. Hic, inquit Tertull. lib. de Præscriptionibus cap. 51. *introducitur initia duo, id est duos Deos; unum bonum, alterum scilicet; bonum superiorem, scilicet hunc mundi Creatorem. Hic Prophetas, & Legem repudiatur, Deo creatori reuerentias, & Legem Filium Christum venisse tradit: hunc in substantia carnis negat, in phantasmate solo fuisse pronuntiat, nec omnino passum, sed quasi passum; nec ex Virgine natum, sed omnino nec natum.*

Cerdonis discipulus, & pessimi dogmatis imitator, ac dissiminator fuit Marcion, qui, inquit Tertull. lib. de Carne Christi, Christi negavit naturam, & ut naturam negaret, negavit & carnem. Et ut addit lib. contra Marcionem cap. 5. duos Christos constituit: alterum qui Tiberianis temporibus à Deo quodam ignoto revelatus sit in salutem omnium Gentium: alterum qui Deo Creatori (hoc est malo) in restitutionem Judaici status sit destinatus quandoque venturus. Inter hos diversitatem, & magnam differentiam scindit, quantum inter justum, & bonum; quantum inter legem, & Evangelium, quantum inter Judæismum, & Christianismum.

Sequitur omnium pessimus, ac pestilentissimus Manes, sive Manichæus; Magister falsitatis diabolice, & conditor superflitionis obsecræ, inquit sanctus Leo serm. 2. de Pentecoste: cujus discipuli, ait S. Aug. de hæresibus c. 46. Christum affirmabant fuisse, quem dicit nostra Scriptura serpentem, à quo illuminatos primos Parentes asserunt, ut cognitionis oculos aperirent, & bonum, malumque dignoscere, cumque Christum novissimis temporibus venisse ad animas, non ad corpora, liberandas; nec fuisse in carne vera, sed simulatam speciem carnis ludificandis humanis sensibus præbuisse: ubi non solum mortem, verum etiam resurrectionem similiter mentietur. Huic, ut ait Tertull. de præscriptionibus cap. 51. adscribendus est Appelles ejus discipulus, qui Christum neque in phantasmate dicit fuisse sicut Mar-

cion, neque in substantia veri corporis, ut Evangelium docet: sed in eo, quod è superioribus partibus descenderet, ipso descensu siderem sibi carnem, & æream contexuisse: hunc in resurrectione singulis quibusque elementis, quæ in descensu suo mutuata fuissent, in ascensu reddidisse; & sic dispersis quibusque corporis sui partibus in celo spiritum tantum constituisse. Non tescro omnes alios hæreticos; puta Priscillianistas, & alios similes, qui inquit S. Leo epist. 93. Christum Dominum in vera hominis natura natum esse non credunt, sed per quandam illusionem essentata videri volunt, quæ vera non fuerint; sequentes dogma Cerdonis, atque Marcionis, & cognatis suis Manichæis per omnia concordantes. Nec Phantasticos illos Arianos, qui Patripassianorum dogma renovantes, inquit sanctus Fulgentius lib. contra Bermonem Fastidiosus cap. 11. Eos sua perversitas consequens ad hanc absurditatem præcipiat, ut naturam quidem divinam nullatenus credant; naturam vero secundum carnem, nihilominus passionem, ac mortem, resurrectionem quoque ab infirmit, & Ascensionem in caelum, & omnia illa, quæ in Sacramento Incarnationis ad personam unius Filii pertinent, Patri consequenter adsignent. Nec denique Gajanitas, qui, ut scribit Leontius Scholasticus actione 10. lib. de Sectis, consensit Deum Verbum è Virgine naturam humanam sumpsisse perfectè, & verè, sed post unionem esse corpus incorruptibile dicunt.

Errores circa Animam Christi.

PRodeunt imprimis *Ariani*; Arius namque, ut observat Manuel Caleca, assumptam cum carne animam à Christo, ante Incarnationem existere, atque è cælo venisse credit; siquidem animarum, & ipse corporibus anteriorem extantiam ponebat; vel ut observat S. August. de quibusdam Ariani, Christum sine anima solam carnem suscepisse arbitrantur: quod verum esse Epiphanius non tacuit. Et ego, inquit, ex eorum quibusdam scriptis, & colloquutionibus certissime comperi.

Quibus in errore successerunt *Apollinaristæ*, affirmantes Deum Christum carnem sine anima suscepisse; docente, ac dicente Apollinari hæresiarca, qui vir erat insignis doctrinæ, & antequàm in hæresim laberetur, pietate, ac virtute illustis,

ipia

ipsique Epiphanio, & Athanasio, ac Catholicis omnibus longè charissimus. Non enim, inquit de eo Epiphanius hæresi 77. *mediocrem litterarum scientiam fuerat vir ille consecutus: cum & humanioribus, Græcisque disciplinis esset excultus, & Dialecticam, ac Sophisticam omnem imprimis calleret: esset idem porro præcipua gravitate præditus: & cum fidei Catholica propugnatoribus summa charitate conjunctus, antequam in illud dogma laboretur: quin etiam exitum perpeffus esset idem, quod cum Ariani contemneret mullet.* Tanta erat ejus eruditio, ut de eo scribat S. Hier. lib. de Scriptoribus Ecclesiasticis cap. 114. *Innumerabilia scripsit volumina, & ejus adversus Porphyrium tringenta Libri inter cætera ejus Opera maximè probantur.*

Erroris illius, hæresisque capita varia, ac multiplicia afferuntur; sed quantum spectat ad Incarnationis mysterium, tripliciter aberravit. Primò namque censuit naturam hominis in Christo esse semi-plenam, hoc est animam carentem, cujus vicem supplebat corpori Verbum ipsum caro factum. Nam, inquit Socrates, lib. 2. cap. ultimo, *Apollinæres ambo animam à Deo Verbo in dispensatione Incarnationis non assumptam: deinde quasi penitentia ducti, corrigentes semetipsos adjecterunt, animam quidem assumptam, quæ tamen non haberet mentem, sed Deum Verbum esse pro mente in hominem assumptum.* Quæ sententia fuit secundus illius error; ita quòd sentiret animam quidem à Verbo assumptam esse ea parte, qua vegetatur, ac sentimus, & communia cæteris animantibus officia præstamus; non autem ea parte, qua rationalis est. Unde Augustinus Tractatu 47. in Joannem sic in eos declamat: *Videte absurditatem, & insaniam non ferendam. Animam irrationalem eum habere voluerunt, rationalem negaverunt: dederunt ei animam pecoris, subtraxerunt animam hominis.* Tertius denique error ejus fuit, quòd carnem Christi dissimilem, nec de Beatæ Virginis carne sumptam arbitratu est; sed partem ipsius substantiæ Dei in carnem esse convertam, è cæloque delapsam. Hinc Athanasius in Epistola ad Epictetum sic adversus nefarium illud dogma exclamat: *Undenam, inquit, ista prodierunt? quinam porro inferi illud erudiarunt, consubstantialitè Deitati corpus esse, quod ex Maria genitum est, aut Verbum ipsum in carnem, ossa, corporis, ut inquit adde c. r. ejus es-*

se convertum, & suapte natura mutatum? &c. Magis verò ad stuporem insanum fuit, quod, ut refert Nazianzenus oratione 46. affirmavit Apollinaris, neutiquam adventitiam esse carnem, quam ad instaurandam naturam nostram unigenitus Filius secundum dispensationem assumpsit: verum jam tum à principio carnalem illam naturam esse in Filio. Quod quidem impium commentum probabat ex illo Joann. 3. Nemo ascendit in cælum, nisi qui descendit de cælo Filius hominis.

Ex illis nefandis erroribus alius ex consequenti ab eis hæreticis asserbatur; nempe Divinitatem Christi passam fuisse, & mortuam, ut tacito Apollinistarum nomine refert S. Ambrosius in lib. de Incarnatione Christi cap. 6. *Sunt qui in tantum impietatis prodierint, inquit, ut putent, quia Divinitas Domini circumcisa est, & imperfecta de perfecta facta est, & in ligno non caro, sed illa operatrix omnium substantia divina in carnis specie coagulata pendebat. Quis autem non horreat? quis audiat, quia non ex Maria Virgine, sed ex divina substantia possibilem sibi carnem fecerit Verbum? Quod asserendo se prolabantur, ut non ex tempore corpus Domini esse susceptum, sed cæternum Dei Verbo semper fuisse contendant. Horum omnium auctores sunt, qui Divinitatem, & carnem Domini unius naturæ fuisse dixerunt.*

Errores circa facultates Animæ Christi.

Certum est Apollinaristas, de quibus mox dictum est, errasse circa intellectum humanum Christi Domini; ut potè qui affirmarent Animam in Christo propria caruisse mente, ac intelligendi virtute; cujus vicem supplebat Divinitas Verbi, quæ mens longè est potior, quàm humanus intellectus. Quam utique opinionem expresserat Apollinaris ex Platonica Philosophia, ut testis est Nemelius, initio libri, quem de Natura hominis inscripsit. *Quidam enim, ait, à quibus est Plotinus, aliud esse animam, & aliud mentem statuunt, ex tribus constare volunt hominem, è corpore, anima, & mente.* Hoc secutus est Apollinaris Laodiceæ Episcopus: hoc enim jactò fundamentò sententiæ suæ, reliqua dogmata suo consentanea superstruxit.

Errarunt etiam Agnoitæ circa annum Christi 535. sic dicti ab ignoratione, eo quod

quod ignorantiam Christi Domini intellectui attribuerint. De quibus Leontius Scholasticus lib. de Sæctis, Actione 3. hæc refert: *Cum privatus Bizantii Theodosius degeret, Agnoitarum, seu ab ignorantia dislorum, dogma motum fuit. Nam quia Dominus ait neminem bonam iudicii scire, ne Filium quidem, extra solum Patrem, quæsum est, an Christus eam ignoraret, ut homo: Theodosius Christum ignorare negabat, & adversus Agnoitas scripsit. Alii vero bonam Christum ignorare tradebant, quem admodum ipsum sensisse dolorem diximus. Inde divulsi sunt a Theodosio, qui Agnoitas vocantur, cumque sibi peculiarem fecissent Ecclesiam, seorsum communicabant: Extrusos. Ajunt per omnia nobis Christum assimilari: quod si nos ignoremus, & ipsum ignorasse. Eorum etiam meminisse sanctus Joannes Damascenus lib. de hæresibus, qui observat eos etiam dictos fuisse Themistianos à Themistio, qui ex secta Theodosianorum fuerat. Quem pridem sepulchrum errorem denuò excitavit Lutherus: multa namque ignorasse Christum ut hominem, docuit in Concione de Natali Domini, explicans illum locum Marci 13. De die autem illa, &c. Et Homil. 1. Dominice post Epiph. ad hæc verba, Proficiebat sapientia, & ætate.*

Errores circa Voluntatem Christi.

Missos facio Apollinaristas, qui eo ipso quod in Christo Domino negabant animam rationalem, etiam voluntatem humanam ei adimebant; necnon & Arianos eodem principio nixos; ac Eutychnos, de quibus infra. Nam ex eo quod unicam in Christo Domino naturam stabili- rent, inquam volebant humanam esse conversam, consequenter unicam voluntatem in ipso agnoscebant. Profero tantum eos, qui bene sentientes de duplici natura, divina scilicet, & humana Christi Domini, in hypostasi Verbi divini conjunctis: unicam tamen voluntatem divinam in illo esse, humanam autem nullam sustinuerunt.

Prodeunt imprimis *Monothelæ*: cujus hæresis hac occasione initium datum esse circa annum Christi 633. Theophanes, Cedrenus, alique passim Annales Græci perhibent; ut narrat Baronius, & Petavius. Nam eum Heraclius Imperator confecto bello Persico Orientem peragrans Hierapolim venisset, eum adiit Athanasius quidam Patriarcha Jacobitarum, qui Sæcra erant Eutychniani; cui cum Imperator di-

xisset illum institutum Patriarcham Antiochenum, si Concilium Chalcedonense approbaret, duasque in Christo naturas confitens, Eutychnianum dogma ejuraret. Hæc spe illectus Athanasius duas in Christo naturas proficiteri coepit: eum quæstionem non ita pridem à Theodoro Pharanita agitatam viciisim Imperatori proposuit de voluntate, & actione Christi duplicemne credere oporteret, an unicam. Ad quam interrogationem hæsitans Imperator, Sergium Patriarcham Constantinopolitanum per litteras consuluit, qui cum & ipse Syrus, ac Jacobitis ortus parentibus, atque ejusdem clanculum defensor hæresis, quæ unam in Christo naturam, adeoque voluntatem, & actionem unam agnoscebat, consentaneum errori suo responsum dedit: quod cum accepisset Imperator, easque Cyro Phasidis Episcopo, & paulo post Patriarcha Alexandrino communicasset, cum Cyrus ipse simili labe, ac hæresi esset infectus, ex tunc communicatis consiliis duo illi Patriarchæ, nempe Sergius Constantinopolitanus, & Cyrus Alexandrinus, unâ cum Machario Patriarcha Antiocheno, robur & vires dederunt huic hæresi; maxime verò Cyrus, qui initio suæ ad Patriarchatum Alexandrinum promotionis, prætextu reducendorum ad Ecclesiam Theodosianorum hæreticorum, & Acephalorum, quorum ingens erat in illa urbe numerus, Synodum congregavit; in qua novem Capita cum anathematismis palam exposuit: quorum septimum erat, unam in Christo Theandricam, seu Deivirilem esse operationem. Extant autem illa Capita in actione 13. sextæ Synodi.

Florbat tunc Alexandriæ Sophronius Monachus, vir singularis pietatis, ac doctrinæ, qui eum probè cognosceret dolos, ac fallacias pacis involuero reatas, apud Cyrum vehementer insitit, ut septimum illud Capitulum rescinderet, quod utique obtinere non potuit. Quapropter Constantinopolim ad Sergium Patriarcham profectus est, ut illius opem adversus suborientem hæresim imploraret; verum etiam eadem labe infectus esset Sergius, nec tamen, ut erat vir astutus, adhuc suum errorem propalare vellet, cum ipso Sophronio convenit, supprimendam esse mentionem unius, aut duarum voluntatum, ut videte est in Epistola ipsius Ser-

gii ad Honorium Summum Pontificem : ubi inter cetera hæc habet . *Ad ultimum Actis, Un placuit, quatenus prædictus Sophronius venerabilis, nullum sermonem de catæro, de una sive duabus operationibus movere debeat, sed ei sufficiat præfata, cautaque, ac trita sanctorum Patrum traditio, atque doctrina, &c.*

Verum cum ipse Sophronius paulò post Hierosolimorum factus esset Episcopus, celebrata Synodo, duas in Christo operationes, ac voluntates admittendas esse decrevit, ut constat ex illa Epistola, quam scripsit ad Sergium, quæ lecta est, & approbata in sexta Synodo Oecumenica; quin etiam Romam ad Honorium Summum Pontificem litteras misit per Stephanum Dorensem Episcopum, quibus de nova Monothelitarum hæresi eum certiorum facit, & paulò post obiit.

Scriptis ad eundem Honorium Sergius eodem anno, de controversia inter Cyrum, & Sophronium, non sine maligna interpretatione mentis eorum, & sententiæ, qui duas operationes asserbat; tanquam inde consequens esset, duas esse voluntates contrarias, & confligentes invicem: quare consultus videri sibi, ut nec una, nec duæ operationes in Christo nominarentur, sed unus dumtaxat operans. Ad quæ respondens Honorius, illud Sergii consilium probavit, retinendæ concordie gratia, alioqui non duas esse voluntates professus in Christo contrarias inter se, sed unam tantummodò, ut pugnam illam, ac discordiam voluntatum intercluderet.

Moritur post hæc Honorius Papa, cui successit Severinus, cuius ordinatio dilata est, quòd nondum ab Imperatore, uti mos erat, rata esset habita illius electio; siquæ Romana sedes diu vacavit. Interim cum Monothelitarum factio in dies vires acciperet, ac suum viruseffunderet, Heraclius Imperator auctore Sergio fidei *Ekthesis*, sive expositionem promulgavit; qua unicam in Christo voluntatem asseveravit quidem, sed quasi aliud agendo; cum discretè, ac palam constitueret, ne quis tam unam, quam duas operationes, & voluntates in Christo nominaret. Quam utique *Ekthesis* habita Synodo Constantinopoli probavit Sergius, ac publicè proposuit, eodemque anno mortuus est, inque illius locum subrogatus est Pyrrus, ejusdem cum Sergio particeps hæresis; apud quem Joannes Quar-

Frassen Theol. Tom. VII.

tus, qui Severino Pontifici mortuo successerat, infligit, ut *Ekthesis* illa publicis in locis affixa detraheretur, ac dampnaretur; quod cum obtinere non potuisset, coacto Romæ Concilio, Monothelitas damnavit. Hoc cum rescisset Imperator Heraclius, Epistola ad Joannem Pontificem professus est non se auctorem fuisse illius *Ekthesis*, sed Sergium, qui illam composuerat, rogaveratque, ut illi subscriberet, suoque nomine promulgari juberet.

Biennio post promulgatam *Ekthesis* obiit Heraclius, cui successit Constantinus ejus Filius Princeps Catholicus: at ipso post menses quatuor mortuo, non sine veneni suspitione ab overca Martina dati, cujus consilii particeps Pyrrus ferebatur, imperavit alter Heraclius, sive Heraclionas cum Martina matre, sed illis exilio dampnatis, & naribus Heraclionæ, Martine lingua Senatus decreto resectis, eorum in locum substitutus est Imperator Heraclius alter Constantini filius, qui idcirco Constantinus, ac Constans à populo nominatus est, & potius avum, quam Patrem, æmulatus, Monothelitarum hæresin accrimè propugnavit.

Interim Pyrrus seditione populari ob Constantini necem exagitatus, Constantinopoli profugit, & in Africam sese recepit, ubi celebrem collationem habuit cum sancto Maximo Abbate viro religiosissimo, & doctissimo in conventu Episcoporum, ac virorum nobilium; eoque res deducta est, ut Pyrrhus convictus erroris, veritati Catholicæ manus daret: quapropter Romanus profectus, Theodoro Papæ, qui Joanni Quarto successerat, libellum obtulit, quo damnata hæresi sua Catholicæ fidei subscripta, atque ita in communionem receptus est. Verum postea Constantis Imperatoris jussu Olympius Exarchus Ravennam exciuit Pyrrum ad resumendam professionem suam hereticam adduxit; qua de causa Theodorus Pontifex, Pyrrum deposuit, & anathemate damnavit, eandemque sententiam tulit in Paulum, qui successus fuerat in locum Pyrrhi. Suadente autem ipso Paulo, Constans Imperator Edictum promulgavit, quem *Typum* vocant, in quo ad faciendam concordiam prohibuit, ne quis tam unam, quam duas in Christo voluntates usurparet.

Post obitum Theodori, Martinus primus ejus successor Romæ Lateranensem coegit synodum Episcoporum 105. in qua

B He-

Heraclisive Sergii *Æthefis*, & *Typus* Constantis, ac propterea Monothelitarum fautores, & dogmata damnantur. Quibus commotus Imperator Constantinus Martinum variè exagitavit, ut damnationem revocaret: at perleverans mittitur in Exilium, ubi varias ærumnas passus martyrii coronam promeretur.

Demum Constante Imperatore Syracusis in Sicilia per insidias occiso, Constantinus ejus filius cognomento *Pogonatus*, id est *Barbatus*, in Imperialem dignitatem successit, qui cum esset pius, & Catholicus princeps, egit primum cum *Dumno*, deinde cum ejus successore *Agathone* de Pace Ecclesie componenda, quapropter Concilium Generale celebratum est Constantinopoli; cui præfuerunt Legati sedis Apostolicæ, præsens adfuit Imperator, in quo auditis denuò Monothelitis, quorum signifer erat *Macarius* Antiochenus, decretum est duas in Christo voluntates, totidemque naturales actiones inesse. Inchoatum autem fuit Concilium anno 880. sequenti verò perfectum.

Controvertitur autem, an reverà Monothelitz assererent unicam esse in Christo voluntatem; an verò dumtaxat negaverint voluntatis humanæ operationem; ita quòd duplex esset quidem in Christo voluntas; sola tamen divina suam operationem exerceret: tamen probabilius est illos unicam dumtaxat voluntatem, seu volitivam facultatem admisisse: nam imprimis supradicta *Æthefis*, licet prima fronte expressè, nec unius dumtaxat, nec duarum voluntatum, & operationum videatur meminisse, sed dumtaxat constituisse ne pacis imperturbandæ causa quis tam unam, quàm duas operationes, & voluntates nominaret in Christo; tamen exclusa operatione duplici, unicam voluntatem asserendam esse pronuntiat; quod ut appareat quædam ex ea profero. Nam post longam, & Catholicam explanationem Trinitatis, & Incarnationis, Nullo modo concedit alicui ex omnibus unam, vel duas dicere, sive docere operationem in divina Domini Incarnatione: sed magis sicut sanctæ, & universales tradiderunt Synodi, unum, eundemque Filium unigenitum Dominum nostrum Jesum Christum verum Deum consisteri, operari divina, & humana. Addit subinde rationem, ob quam nec unam, nec duas patiatur operationes. Eò quædam, inquit, *unius quidem operationis vox*, licet

ob aliquibus Patribus dicta est, tamen turbat, & extraneat quorundam aures, arbitrantium in interitum eandem prolata esse duarum naturarum, quæ in una subsistentia unitæ sunt in Christo Deo nostro. Similiter autem, & duarum operationum vocem multos scandalizare, utpote à nemine dictam Sanctorum, ac præcipuorum Patrum: sed & sequi in eo, ut duas confiteamur voluntates contrariè ad invicem venientes: Deo quidem Verbo volente saluberrimam Passionem explere, Incarnationem autem in eo factam obviam euntem ipsius voluntati, & oppugnantem, & exinde duo contraria volentes introduci: quod impium est, & extraneum Christianici dogmatis. Postquam autem de operatione sic statuit, ut neutri parti præjudicare, sed utraque suppressa paci, & concordiz cavere videretur, mox de voluntate manifestè virum hæreticum exprimit, unam in Christo confitens; Unde sanctus Pater, inquit, in omnibus, & in hoc sequentes, unam voluntatem Domini nostri Jesu Christi verissimi Dei confitemur. Igitur *Æthefis* hoc habet proprium, ut operationem dici unam, dualve prohibeat: voluntatem verò unam aperte confiteatur.

Probat ut super ex illa celebri disputatione sancti Maximi cum *Pyrrho*; in qua præsertim immoratur sanctissimus ille vir, ut probet quòd, quia duæ naturæ sunt in Christo, convenienter unicuique apta est ut vellet, & operetur: item quòd Christus habet voluntatem humanam, quia habet naturam humanam perfectam, naturæ autem sine suis proprietatibus perfectæ dici non possunt. Item quòd Christus habuit voluntatem, quia habuit vim instam ad tuendam suam humanitatem, unde subinfert: *Quid igitur absoni fecit Ecclesia Dei, si cum humanitate ejus, & natura creata, ea etiam quæ ab ipso in creatione eidem animæ indita sunt, sine quibus natura esse non potest, planè confiteretur?* Denique idiplum testatur Martinus primus in allocutione, quam habuit ad Patres Synodi Lateranensis his verbis: Et *Cyrus* quidem ante hoc decem, & octo annos unam operationem in Christo in eadem Alexandria urbe definient, divinitatis ejus, & humanitatis ad similitudinem *Acephalorum* hæreticorum ordinando, capitula numero novem in ambone prædicans, cum anathemate, qui sic non saperet, impiè promulgavit. *Sergius* autem per Epistolam propriam ad denominatum *Cyrum* scriptam, eandem simili-

ter unam operationem suscipiens, cum eo irrationabili præsumptione ausus est confirmare. Et non solum hoc, sed etiam post aliquot annos ejusdem Cyri novam adinventiorem, hoc est per nuper duodecimam indictionem delapsam, hæreticam & ipse conscribens Ebbesim fidei, sub nomine tunc imperantis Heraclii, unam in eadem Salvatoris nostri, secundum impium Apollinarem, voluntatem, & operationem instituit, ex hoc quod dicit imprudenter, sequi operationem voluntatem.

Tertia Classis Hæreticorum.

Circa unionem naturæ Divinæ cum humana in Christo.

Inter omnes hæreticos, qui Divinæ naturæ cum humana in unitate personæ unionem impugnarunt, omnium nequissimi fuerunt Nestoriani, & Eutychiani; at diversa, & omnino opposita ratione; siquidem Eutychiani humanam naturam per Incarnationem in divinam tractant, & veluti transubstantiatam esse contendebant: Nestoriani verò è contra duas naturas simul, & personas in Christo distinctas asseverabant: hæc autem hæresis cum alteram tempore præcesserit, idcirco ab ea auspicandum esse duximus.

NESTORIANI.

Id est sunt à Nestorio, impio illo, ac nefando architecto illius erroris, quem Suidas Nepotem, ac filium, hoc est, discipulum Pauli Samosatani, id est, illiusdamnati erroris instauratorem profert. Natus est Germaniciz in Syria: at variis peragratis provinciis, ut scribit Theodoretus lib. 4. de hæreticis c. 12. Antiochiæ tandem, resedit ubi Sacerdotum numero adscriptus, liberalibus artibus medicocriter eruditus, exercendæ voci, quæ natura suavis, & sonora illi inerat, primum maxime operam dabat: deinde quod cum sermone promptus, ac disertus esset, docendique populi munus inunctum ei fuisset, non ingenuum, inquit Theodoretus Epistola ad Coradium, & frutuofum dicendi caracterem imitatus est, qui hominum animos pascere possit, sed ad popularem auram declinando, & vanum populi applausum, ut quisvis alius aucupando, instabile, & abjectum vulgus ad sui deside-

rium concitavit. Accedebat affectata quædam sanctitatis species, quam & pulla vestis ostentabat, & vultus ad tristitiam, gravitatemque compositus, & index inædiæ, ac mortificationis pallor: insuper populi frequentiam devitans domo se continebat, ubi inter libros nihil rerum mundialium curare visus, tranquillam, quietamque vitam degebat; quibus artibus, plerisque in sui admirationem, & affectum concitabat: in eoque vivendi instituto, cum maximam vitæ partem insumpisset, summamque sibi hac vivendi ratione apud omnes venerationem conciliasset, tandem contigit circa annum Christi 428. quod mortuo Sisinio Constantinopolitano Episcopo in ejus locum selectus fuerit; cum enim visum fuisset Imperatori externum potius, quam indigenam ad illam dignitatem promovere, judicavit ab ea urbe præfulem esse petendum, quæ tam felici successu Joannem antea dederat cognomento Chrysostomum.

Venit ergo Constantinopolim an. 428. ordiatusque est Episcopus Aprilis die 10. summa omnium Catholicorum gratulatione, quod cum fidei defensorem acerrimum existimarent. Hinc S. Cyrillus statim, atque renuntiatum illum Episcopum audivit, officii plenas ad cum litteras rescripsit, ut colligitur ex Epistola illius ad Theodosium Imperatorem. Quam de se existimationem, ut foveret Nestorius, vehemens in Catholicam religionem studium suum, & in hæreticos odium præ se tulit: quod utique maxime demonstravit in prima concione, quam habuit coram Imperatore Theodosio, in qua memorabilem hanc vocem, ut narrat Socrates, edidit. *Da mihi Imperator puram ob hæreticis terram, & ego tibi cælum vicissim dabo, evertite mecum hæreticos, & ego tecum Persas vertam.* Hujus itaque perussione Theodosius Imperator sanctionem adversus hæreticos edidit: sed dum præclarum videbatur Catholicum facinus moliri, non solum clam favebat Pelagianis suis amicis; nulla siquidem in ea sanctione fit Pelagianorum mentio; sed etiam eo progressus fuit postmodum audaciz, ut ipse novæ hæresis artifex appareret, Filium Deinegans reverà incarnatum hominem factum, sive ex Maria Virgine secundum carnem genitum; quia propter Virginem sacram non *βίωσαν*, hoc est *Deiparam* appellandam esse impurus homo negabat: proque nomine isto *Χριστιανισμός* hoc est, *Christiparam* usurpare volebat: ac

propterea totus illius furor in eradendam voculam istam *Deiparam* exarsit, ut refert Theodoretus.

Statuebat igitur Nestorius aliam esse Personam Filii Dei, & aliam filii Virginis Mariæ, atque ex eo negabat genuisse Deum, & esse Matrem Dei, sed affirmabat genuisse purum hominem, qui Filius Dei progressu temporis dictus fuerat propter unionem aliquam accidentalem cum Verbo: quam quidem unionem primò explicabat ratione *inhabitationis*, quia Verbum Divinum in persona filii Mariæ tanquam in templo suo habitabat, juxta illud Joan. 2. *Solvite templum, &c.* & illud 1. ad Colossenses, *in ipso complacuit omnem plenitudinem divinitatis habitare corporaliter*; Quam quidem expositionem sic impugnat S. Cyrillus in defensione primi anathematismi, Christum, inquit, tanquam unum Sanctorum inhabitantem habuisse Deum prædicare conantur, & hoc sentiendum suadent, non considerantes, quòd & in nobis est per Spiritum sicut in sanctis Templis omnium Deus; scriptum est enim: *Nescitis quia Templum Dei estis, & Spiritus Dei habitat in vobis?* Si quis ergo templum Dei corrumperit, corrumpet illum Deus; templum enim Dei sanctum est, quòd estis vos. Sed licet nominemur templum Dei, cum Deum habeamus inhabitantem per Spiritum: attamen alterum novimus modum Sacramenti secundum Christum.

Docet insuper ex hac unionem inhabitationis secutam esse ulteriùs aliquam aliam unionem affectus inter Filium Dei, & filium Mariæ Virginis. Juxta illud Joan. 8. Qui misit me mecum est, &c. non reliquit me solum: quia, quæ placita sunt ei, facio semper: Ut sic intelligatur talis unio hominis ad Deum, qualis est illa, de qua loquitur Apostolus primò Corinth. 6. *Qui adhaeret Deo unus Spiritus est.* Tertiò ex hac unionem affectus deducebat esse aliquam aliam unionem, quæ est *operationis*, per quam videlicet Verbum Dei utitur filio Mariæ tanquam instrumento quodam ad opera miraculosa patranda. Hinc in suo nono anathematismo damnabat eos, qui secus sentirent. Quartiò ex hac triplici unionem inhabitationis, affectus, & operationis, alteram affirmabat oriri unionem, quam *participationis*, & *communicationis ejusdem excellentiæ, ac dignitatis* appellabat; sicut enim ex unionem affectus

inter duos homines contingit interdum, ut nomina, quæ propriè Deo conveniunt, ad homines transferantur, unde dicuntur dii, Filii Dei, sancti, & Christi; ita etiam nomina divina propter eminentem sanctitatem filio Virginis singulari quodam privilegio deferuntur. Ita sensè Nestorius anathematismo 8. *Quintò* denique docebat, quòd etsi Filius Dei, & Filius Mariæ sint duæ personæ aliquando tamen duo illæ personæ dici possunt una persona, sicut dicitur de viro, & muliere, quòd jam non sunt duo, sed una caro, idque ratione unionis istius per affectum, & consensum voluntatis, quapropter Theodorus Mopsuestenus, ut refertur in 5. Synodo Collatione 8. Canone 12. dicebat talem factam esse unionem Dei Verbi ad Christum, qualem dixit Apostolus de viro, & muliere, *Erant duo in carne una.*

Porrò his in erroneis assertionibus consensiebat hæresi Pauli Samosatani, Marcelli, & Photini, de quibus supra; ut probantur Cletici Constantinopolitani adversus eundem Nestorium, comparatis inter se præcipuis utriusque Dogmarum capitibus, sicut videre est actione prima Concilii Ephesini: maximè quòd sicut Paulus Samosatenus Mariam negabat peperisse Verbum, ita Nestorius Divinitatem; Ille hominem nostri Similem ex Maria natum esse dixit: idem hoc iste docuit; Paulus Christum asseruit gratiam omnem ex Spiritu sancto assecutum esse, ex qua adoptionis dumtaxat dignitatem obtinuit: Nestorius verò docuit Christum qualemcumque divinitatis communionem habuisse, quando post Baptismum Spiritus sanctus columbæ specie in eum delapsus est. Ambo denique non aliter in Christo sapientiam, vel Deum habitasse, quam in Prophetis, arbitrati sunt, nisi quòd uberior in illum, quam in istos cœlestis gratiæ copia effusa est.

Hujus autem hæresis promulgatæ primordium hoc refert Socrates lib. 7. cap. 32. Nestorius duxerat secum Antiochia Constantinopolim Anastasium quemdam presbyterum arcanorum omnium, consiliorumque socium, ac participem: hic cum aliquando concionem ad populum haberet præsentem Nestorio, audacter hanc sceleratam vocem protulit, *Deiparam Mariam nullus nomine: Nam Maria homo erat, impossibile est autem, ut homo Deum pariat*; quæ cum magnos tumultus apud Clerum, & populum excitasset, tantum abest, ut Nestorius hunc

sec-

fecleratum hominem emendaverit, quinimo ejus sacrilegum dictum probavit. Quod & præstitit quidam Episcopus nomine Dorotheus, spe sordidi questus, adulationi impensè deditus, qui cum Nestorio assentari vellet, in Ecclesiæ synaxi præsentem ipso Nestorio verba faciens ad populum, inclamare ausus est; *Si quis Mariam Deiparam dixerit, anathema sit*; quod impium facinus probavit Nestorius, nam illum Dorotheum statim ad communionem admisit, ut constet ex Epistola sexta S. Cyrilli.

Hinc factum est, ut narrat idem Cyrillus Epistol. 9. ad Cælestinum Summum Pontificem, quod Constantinopolitanus populus universus præter paucos, leves, ac varios homines, & Nestorii assentatores, à communione ejus abstinerent, necnon Monasteria omnia, & eorum Archimandritæ: quintetiam, ut refert Socrates cap. 28. Proclus Cyfici Episcopus illo tempore Constantinopoli degens, cum Dominica quadam die concionem haberet ad populum, eam dixit Homiliam de laudibus Virginis, quæ initio Concilii Ephesini præfixa legitur, in qua Mariam *Deiparam* appellat. Refert etiam S. Cyrillus lib. 1. contra Nestorium, quod cum ipse Nestorius sermonem ad populum habens quedam excercanda contra Christi divinitatem efficeret, Laicus quidam è media turba, exclamavit, quanta potuit vocis contentione, *Verbum divinum ante seculum genitum à Patre, alteram subiisse generationem secundum Carnem, & ex muliere*; quod audiens Nestorius acri bile percitus, plurima in ipsum monitore convicta evomuit, gravesque minas intentavit, quibus auditis, varium in concione murmur exortum est, plurimis in Nestorium flementibus, clamantibusque, *Regulum habemus, Episcopum non habemus*.

Interià Nestorius varias pro tuendo suo errore dixit, & scripsit Homilias, quæ per Orientem vulgatæ sunt. Quo audito Cyrillus Alexandriæ præfatus Epistolam scripsit ad Aegyptios Monachos, qua illos contra pestilentem hæresim præmunire conatus est, nulla tamen authoris facta mentione. Cujus Epistolæ exemplar Constantinopolim delatum, cum accepisset, & legisset Nestorius, adversus Cyrillum frendens, primum blanditiis cum eo egit, ut Virginem Deiparam non esse assereret: at cum Cyrillus ad ipsum rescripisset varias litteras, quibus illius hæresim impugnabat, & damnabat,

Frasen Theol. Tom. VII.

Nestorius per se, suosque inaudita contra Cyrillum crimina, calumniasque confingens illius apud fideles, & Catholicos auctoritatem elevare nixus est, ac diffeminatis ubique libellis eum refellere, suoque erroneo dogmati robur addere non desuit. Quintetiam ad Cælestinum Papam prior ipse scripsit, & expositionum suarum libellos ad eum direxit; quo audito scripsit, & ipse Cyrillus ad Cælestinum, qui utrique respondens mandat Nestorio, ut hæresim ejuret, & Cyrillo suas vires committit, ac præcipit, ut nisi intra decem dies postquam fuerit admonitus, Nestorius Catholicam fidem profiteatur, renunciet, ipsum à Romanæ Sedis, & omnium Episcoporum communione esse rejectum.

Cyrillus Cælestini Papæ autoritate fretus, cum videret Nestorium in hæresi firmatum, congregata Synodo scripsit ad Nestorium Epistolam cum duodecim capitulis, quæ totidem anathematismis illius seriebant hæresim, denuncians ei, nisi damnato errore capitulis istis subscriberet, latam in ipsum ab Cælestino ratam fore sententiam. Dedit & ad Constantinopolitanos litteras, Celerum videlicet, ac populum, necnon ad Monachos, quibus eadem significavit: at Nestorius in furore actus, duodecim, & ipse capitula, sive anathematismos Cyrilli totidem opposuit quibus contra Catholicum dogma hæresim suam affirmavit.

Nec verbis solum adversus fideles infamare, sed etiam eos insectari aggressus est: nam Constantinopolitanos, qui penes omnes ab ejus communione discesserant variis modis exagitavit, Præfectorum abusus potentia, præsertim adversus Monachos, quos insensibilissimos sui erroris oppugnatores agnoscebat. Imperatorem quoque Theodosium adversus Cyrillum, calumniis suis commotior reddidit, quasi in Ecclesiæ turbas excitaret: verim precibus Juvenalis, Ierosolymitani Episcopi, & Archimandritarum, Monachorumque, ad id sollicitatorum à Cyrillo, scripsit ipsemet Imperator Cyrillo, aliisque Episcopis, se permittere, ut Synodus congregaretur Ephesi post Pascha anni sequentis Christi 431. ipso die sacro Pentecostes. Misit & qui interseret Candidianum domesticorum comitem, ut constaret ex sacra, quæ habetur cap. 35. sed ea lege, & conditione, ut cum questionibus, & controversiis, quæ circa hæc dogmata incidunt, nihil quisquam commu-

B 3 nc

ne habeat: *Nefas esse subiunxit, qui sanctissimorum Episcoporum Catalogo ascriptus non est, illum Ecclesiasticis negotiis, & consultationibus sese immiscere:* verum tùm ut modis omnibus ab illa civitate amoveret Monachos, Laicos, cæterosque qui Synodi videndæ causa eo confluentes, tumultu suo obstackulum Patribus afferrent: trim ad impediendas graviores contentioncs, quæ ex mutuo repugnandi studio in ipsa Synodo possent suboriri: tùm ut curaret omnia proponi, quæ ad fidem spectarent, omnibus responderi: tùm nequis è Synodo discederet etiam ad Imperatorem reditum affectans ante causam finitam: tùm ne ullum negotium Ecclesiasticum ullave controversia ante moveretur, quàm quæstio à Nestorio inchoata, conclusa fuisset: tùm denique ut nulla omnino ibidem pecuniaria, vel criminalis causa adversus aliquem ageretur.

Cogitur itaque Concilium statuto tempore Ephesi, adfuit in urbe longè antea, hoc est paulò post Pascha Nestorius. Interfuit ad diem datum Juvenalis Jerosolymitanus cum Episcopis Palæstinæ: absuit Capreolus Carthaginensis, & cum eo abfuerunt quoque Africani Præsules: rationem absentæ suæ dederunt Concilio per litteras quod nimirum sibi ob Vandalorum feritatem libera non essent itinera. Augustinum addiderunt vita functum fuisse ante ipsas Litteras Imperatoris acceptas, quibus Litteris in Concilium specialiter venire jubebatur. Expectabatur Joannes Antiochenus, qui post elapsas duas hebdomodas significavit non esse, quod ipsum diutius expectarent Patres. Mora hæc erat, ut morem generet Nestorio. Ita esse asserunt Ephesini Patres Epistola ad Cælestinum aliquantò post medium *Actione tertia*.

Inchoatur Concilium præside Cyrillo Alexandrino, qui Cælestini locum obtinebat, elapsis sexdecim diebus, ut testatur est Memnon Episcopus Ephesinus ab adventu Patrum, qui erant numero ducenti. Ante omnia lectæ sunt Imperiales Litteræ, quibus Concilium indicabatur. Habentur 1. *part. c. 32.* quibus lectis retulit Hermogenes Rhinoculorum Episcopus, & cum eo tres alii se ex ordinatione Patrum convcnisse Nestorium, quem monuerunt ne vellet à Synodo ipsa abesse die præsentis dicta: qui respondit, *Se deliberaturum, & si necessarium judicaverit adfuturum.* Addideruntque diem quoque se sex vel septem aliis Episcopis, qui

erant in comitatu Nestorii significavisse, quorum haud absimilis fuit responsio. Jubet Concilium, ut denuò per Episcopos aliquot adesse moneatur. Illi in ejusdem domum veniunt, reperiunt multitudinem militum cum susibus, qui impediunt ne eorum adventus Nestorio significetur, justosque se dicunt ne quempiam inromitterent conveniendi illius causa. Eadem quorundam Clericorum, quos allocuti sunt Antislites isti, Responsio. Tandem ad eos accedit Tribunus quidam, qui cum expectare jussisset, responsum allaturus, rediens post aliquod tempus cum clerico quodam, dixit sibi non licuisse videre Nestorium, qui tamen per alios ipsi significavit, cum omnes Episcopi simul convenerint, tum se quoque adfuturum. Quo relato ad Synodum, decernitur, ut per nonnullos Episcopos tertia citatione accerfatur. Parant: intra vestibulum armatos milites reperiunt, qui ajunt se in mandatis habere ne ullum omnino, qui à Synodo missus esset, ad ipsum ingredi permitterent. Sed tanta est eorum insolentia, ut ne quidem venerandos Præsules sub umbra consistere permitrant, neque illos huc, illucve propellentes tantillum loci concedant, ubi pedem figere possint.

Redeunt cum multis horas expectassent absque alio responso. Post trinam citationem Doctrina Nestorii expenditur. Legitur Symbolum Nicænum. Legitur Epistola Cyrilli ad Nestorium, quæ extat 1. *part. cap. 8.* & definitur, quod sit Nicæno Symbolo consona: Legitur Epistola Nestorii ad Cyrillum, quæ extat *ibidem cap. 9.* & judicatur contraria Symbolo Nicæno: quare omnes anathema ea audita dixerunt Nestorio. Postea lecta est Epistola Cælestini ad Nestorium, quæ habetur *cap. 18.* & judicata est consona Epistolæ Cyrilli. Lecta Epistola Synodi Alexandrinæ ad Nestorium, quæ extat *cap. 26.* audiuntur Episcopi per quos Litteræ istæ datæ fuerunt ipsi Nestorio, qui referunt quod nec responsum illis fecit, nec per eas mutatus est in melius, sed è contra multò pejora doceret ad hunc usque diem. Auditi sunt & Præsules, qui etiamnum in errore suo persistere Nestorium testificati sunt. Lectæ sunt postea sanctorum Patrum, Episcoporum, & Martyrum ea de re sententiæ, quibus constare posset de traditione. Lecti sunt, & istius Nestorii Commentarii, in quibus apertè affirmabat, *Neminem ex Doctoribus, qui ante se exist-*
rant

rant, ea populus locutum, quæ ipse locutus est. Ilecta denique est Capreoli Carthaginensis Epistola, de qua supra, ubi expresse sentit, *Se antiquis fidei dogmatibus stare*, quæ etiam fuit vox omnium Episcoporum; tandem processum est ad condemnationem Nestorii ab Episcopis, lacrimis subinde profusis, quapropter blasphemias in Christum Dominum voces Episcopali dignitate privatus est, & ab universo Sacerdotum consortio, & cætu alienus esse definitus est. Habes ista *Adiane* 1.

Quod ut auditum est à populo universo civitatis, qui à primo mane usque ad vesperam iudicium Synodi expectaverat, Deum coepit glorificare, & Synodum laudare, quoniam fidei hostis concidisset, quin, & faustis acclamationibus discedentes Episcopos, ac cum tædis, & facibus ad diversorium usque profectus est. Quos & Martonæ thuribula gestantes antecedeabant. Tum per totam urbem appensa lumina, in lætitiæ signum. Posttridie depositionis sententia missa est ad Nestorium ab Synodo, quæ & Constantinopolitanum Clerum certiorum de ea fecit. Interim Candidianus comes Nestorio addictus, antequam Synodalia acta conficerentur, & ad Imperatorem mitterentur, relationem ad eum scripsit mendacis, & in Synodum calumniis plenam; Idem & Nestorius cum decem Episcopis fecit, de vi, & injuria ab Memnone Ephesino sibi illata conquerens: maxime quod Joannis, & Orientalium adventum expectare noluisse. Definitionem hanc Concilii approbaverunt Legati Cæsælini, qui ex facta in Synodum venerunt, postquam Epistolam Cæsælini, quam detulerunt juxta Ecclesiæ veterem consuetudinem primo Latino Sermone, deinde Græco legi curassent, quæ unanimiter à Synodo recepta est, ut constat ex *Adiane* 2.

Sed Joannes Antiochenus, qui post factam condemnationem, & ante Legatorum adventum accesserat ad Synodum, favens Nestorio, & Candidiano, indignèque ferens damnatum se absente, atque inconsulto Nestorium, coegit Conciliabulum ex triginta Episcopis fautoribus Nestorii, vel discipulis Pelagii, vel rei alicujus criminis, in quo refutare jussum est Theodoro anathematizatos Cyrilli, Episcopalis honor, & nomen ablata Cyrillo, & Memnoni, quasi idem cum Appollinari senti. ent, & quicumque Concilio interfuerant, excom-

municati. Huic pseudo-Concilio nomen dant Concilii Ephesini.

Scribunt ad Imperatorem deiectos Cyrillum, & Memnonem, qui falsa schismaticorum relatione delusus, ad Ephesinam Synodum per Palladium Magistratum scripsit, jubens irrita esse, quæ hæcenus facta fuerant, ac de integro legitimum iudicium institui. Interim Orientales schismatici cum Nestorianis, nihil non machinabantur ad opprimendam Catholicam Synodum, & acta ejus obliteranda. Quippe fictis adversus illam calumniis, ac mendaciis, aures Imperatorum, ac Principum impleverunt: strenuam ad hoc operam navantibus Candidiano, & Irenæo Comitibus, qui vias omnes, ac portus, & navigia in potestate habentes, sedulo id egerunt, ne quid litterarum ab Oecumenica Synodo ad Imperatorem perveniret, quo rem, ut gesta erat certò cognosceret; cum interim soli Orientalium commentarii, & Epistolæ Constantinopolim perferrentur.

Patres Concilii accepta Imperatoris Epistola ad ipsum per eundem Palladium rescribunt, rei gesta ordinem ex veritate narrantes, ac de comitibus Candidiano, & Irenæo, à quibus multa, & indigna patiebantur, querimoniam formant. Verum Palladius acceptam Synodi Epistolam Imperatori non dedit; quocirca Patres Concilii alias literas commiserunt mendico homini ad Episcopos, & Monachos scriptas, quibus veritatem rei exponebant. His acceptis litteris Monachi strenuè operam suam dederunt, ac præ cæteris Dalmatius Archimandrita, vir sanctissimus, qui annos totos quadraginta, & octo pedem Monasterio non extulerat, quamvis de eò sæpè rogatus ab Imperatore fuisset. Verum ut tunc exiret missa de cælo voce compulsus est, & cum aliis Archimandritis, ac plurimis Monachis Imperatore adiens rem omnem, ut erat, aperuit.

Imperator ab utraque parte legatos mitti ad se postulat. Mittitur pro Orientalibus Irenæus comes, qui Constantinopolim profectus Catholicæ Synodi legatos ibi reperit, ac fraudibus, & mendaciis, adeo profecit, ut Imperator circumventus iterum, quod valde mirum sit, cò duci se pateretur, uti ratam juberet trion esse depositionem, Nestorii, Cyrilli, & Memnonis, quos ab legitima Synodo damnatos omnes arbitrabatur, de quo sacram, ut appellare mos

erat, scripsit ad Ephesinos Patres per Joannem Comitem sacrarum largitionum: qui cum Ephesum pervenisset, tres illos in privatam custodiam dedit, ac litteras Imperatoris illis, quibus Patribus abundi potestas fiebat. Tandem ab utraque parte electi septem Episcopi ad Imperatorem mittuntur, qui veritate comperta Cyrillum, & Memnonem liberos suis Ecclesiis restituit, Nestorium damnat eumque exulare jubet, & alium in sede Constantinopolitana ejus loco sufficit. Nestorius Antiochiam reversus, in Monasterio sancti Euprepii ubi aliquando versatus fuerat, quatuor annis habitavit; sed cum ibi plures suis colloquiis, ac litteris corrumperet, Joannis Antiocheni monitu, Theodosius illum in Ceziam relegari jussit; ubi multis calamitatibus agitatus lingua eadem qua sacrilegas in Dei Matrem voces emiserat, à verbibus depasta cum adhuc viveret, paulo post, vel ad terram elisus, quod vult Evagrius lib.1. cap.7. ex amentia, ac furore; vel ut habet Theodoretus lib.4. hereticarum fabulatum, absorptus terræ delitescens voragine miserrime obiit.

At eo licetiam infelicitate extincto non omnino sculpita jacuit illius hæresis: cum enim illius libri Ecclesiastica, & Imperiali constitutione fuissent prohibiti, illius defensores tres libros emiscent, quorum primus erat Theodori Mopsuesteni Nestorii Magistri, quem in varia idiomatica transtulerunt. Secundus Theodoretus. Tertius fuit ille liber, seu Epistola Idæ Edessæ civitatis Episcopi ad Marim Persam; de quibus tribus libris, seu capitulis in quinta Synodo actum est.

EUTICHIANI.

Hæresis Eutichiana cepit circa annum Christi 448. auctore Eutiche, qui erat Constantinopoli Presbyter, & Monachorum in celeberrimo Monasterio, ut ait Liberatus, *president, & archimandrita*. Pietate eximia clarus, sed longè clarior ob navatam strenuè operam in hæresi Nestoriana, tam cretiscens, quam repullulante post condemnationem revincenda, quicum insensibilis in Nestorianos duas in Christo personas admittentes invehetur, in alium non mintis exitiolum errorem extremè declinavit, affirmans duas quidem in Christo fuisse naturas ante unionem, sed in unionem huma-

nam à divina absorptam esse, & subinde unicam subsistere. Cujus quidem erroris initium dedit ignorantia magis, quam affectata malitia, ut testatur Leo Magnus in Epistola 13. quam scripsit ad Pulcheriam Augustam, *Ut error, ait, qui ut arbitror, de imperitia magis, quam de versutia natus est, auferatur, priusquam ullas sibi vires de consensu imprudentium pernicia prævaritæ acquirat: quia etiam ignorantia in graves nonnumquam incidit lapsus, & plerumque in diaboli ruit foveas incauta simplicitas, per quam in supradicto subrepsisse intelligo Spiritum falsitatis.*

Triplex autem fuit Eutichianæ hæresis capitale dogma. Primum quidem, quod carnem Christi ex Virgine negabat esse sumptam. Sic testatur Vigilius initio lib.3. contra Eutichem; *Eutichiana, inquit, hæresis in hunc impietatis prolapsa est errorem, ut non solum Verbi, & carnis unam credat esse naturam: verum etiam hanc eandem carnem non de sacro Maria Virginis corpore assumptam, sed de cælo dicat, juxta insanabilem Valentini, & Marcionis errorem, fuisse deducam, ita perinatuer Verbum asserens factum, ut per Virginem, ac si aqua per fistulam transisse videatur, non tamen, ut de Virgine aliquid, quod nostri sui generis, assumpsisse videatur.* Hoc idem ipsemet Eutyches contestatus fuerat in Concilio Constantinopolitano, ut refert Flavianus in Epist. ad Leonem, quæ est in actis Chalcedonenfis Concilii. Theodoretus similiter affirmat lib.4. hereticarum fabularum, cap.13. Eutichem negasse assumptum esse corpus à Deo, *Nihil enim, inquit, hominis proprium è Virgine accepisse Deum Verbum, sed ipsum sine ulla mutatione conversum, & carnem tantum, transisse tantummodo per Virginem.*

Secundum Eutychiani erroris caput fuit quod ante unionem naturæ existissent duæ; ut indicat Leo Pontifex Epist. 10. ad Flavianum: ubi miratur, quod tam absurda, tamque perversa ejus professio nulla judicantium increpatione reprehensa fuerit; & quod sermo nimis insipiens, nimique blasphemus, ita omissus, quasi nihil, quo offenderet esset auditum. Subditque in Epist. ad Julianum Coaccensem se suspicari talia proloquentem hoc habere persuasum, quod anima, quam Salvator assumptus, prius in calis sit commemorata, quam de Maria Virgine nasceretur, eamque sibi Verbum in utero copulari. Quibus constat Eutychem sensisse prioritatem ih-

Iam, qua Christi humanitatem affirmabat existisse antequam assumeretur à Verbo, non esse dumtaxat prioritatem naturæ, sed temporis; cum enim, & Deum hominem esse factum ex communi Christianorum professione didicisset, & unam nihilominus naturam in Christo assereret; non aliter conciliare illa, & extricare se potuit, quam ut ex duabus unam factam esse naturam diceret: adeoque duas antequam inter se sociarentur naturas existisse.

Tertium denique, & quidem præcipuum Eutychiez hæresis caput fuit, quod unam tantum agnosceret in Christo naturam post unionem: quod ipsemet professus est coram Flaviano, & Patribus Synodi Constantinopolitanz, de qua mox dicemus: rogatus enim utrum consubstantialem, & ex naturis duabus constantem post incarnationem esse sentiret Dominum nostrum, qui ex Virgine natus est, mentem suam sic aperuit: *Confiteor ex duabus naturis fuisse Dominum nostrum ante unionem: post unionem verò unam naturam profiteor.* Idem testatur Flavianus Epistol. ad Leonem, ubi Eutychie dogma referens, ait, *Ante incarnationem quidem Salvatoris nostri Jesu Christi duas naturas esse, divinitatis, & humanitatis; post unionem verò unam naturam factam.*

Quod utique erroneum dogma variè explicabant illius Assertores, sicut & ipsemet Eutyches, (urbæreticorum moris est) nunquam sibi constans, nam nunc asserbat super manentem illam naturam esse humanam in quam conversa, & velut absorpta videretur Divinitas, unde Theodoretus refert, quod Eutyches assereret *Deum sine conversione conversum, & carnem esse factum*: unde docebat *clavis suffixam, & cruci affixam fuisse incircumscriptam, indeterminatam, & incomprehensam Unigeniti Divinitatem*, utpote, quæ in humanam naturam delictar. At ipsemet Theodoretus dialogo secundo Eranitem, seu Patronum Eutychianicerroris, qui cum Orthodoxo disputat, irapromittentem introducit, ut Divinitate sola manente humanam dicat absorptam esse naturam: nam Catholicos seiscitanæ quomodo post unionem unam naturam agnosceret, utrum ex ambabus unam esse constitutam; an altera manente, extinctam putaret alteram? Respondet Eranites, *Ego Divinitatem ajo mansisse; ab hac verò absorptam esse humanitatem.* In quo potissimum

dogmate Eutyches, maximè Apollinari, ac Valentinio consentiebat, qui unam dicebat Christi esse naturam.

Hic Eutychianus error hac ratione in publicum traductus est, & damnatus anno 448. Cum esset Constantinopoli collecta Synodus Episcoporum 40. ad discipendam controversiam inter Florentium Sardinum Episcopum, Lyliæ Metropolitanum, & duos ejusdem Provincie Episcopos Joannem, & Coslinum. Hac lre decisa cum inter Judices sederet Eusebius Dorylei Episcopus Eutychi familiaris, & amicissimus, qui ipsum privatis colloquiis erroris arguerat, & neralia loqueretur sapius monuerat, libellum supplicem detulit Synodo, quo continebatur Eutychianus error postulans accessiri Eutychem ad causam dicendam; at ille tertio vocatus cum semel, & iterum respondisset delegatis à Synodo, *Sibi fas non esse septis Monasterii egredi, in quo tamquam in sepulchro vivus jacebat*, tandem tertio citatus, valetudinem excusans tempus sibi prorogari petiit ad septimum usque diem: quo impetrato, tandem venit, non tanquam ad Concilium, sed tanquam ad bellum; stipatus videlicet, non solim ingenti Monachorum, sed etiam numerosa militum corona, sibi commodata à Florentino Patricio favore Chrysaphii Eunuchi, quem è baptismo susceperat. Ibi ab Episcopis, & ab ipso Florentino interrogatus, hæreticum suum dogma coram omnibus professus, nec adduci potuit, ut illud ejureret: itaque de Concilii sententia damnatur, ac Sacerdotali dignitate, & omni præfectura Monasterii spoliatur, ab omni communione Ecclesiastica submovetur, ut videre est actione prima Concilii Chalcedonensis.

Verum ejusdem Chrysaphii auxilio fretus, nil non molitur adversis Flavianum illius Synodi principem, conqueritur maximè de eo, ac de cæteris Synodi Patribus apud Leonem summum Pontificem; ad eum pariter scripsit Flavianus, & acta Synodalia transmisit; quibus acceptis Eutychie damnationem ratam habuit Leo, & inter alias celeberrimam illam Epistolam scripsit ad Flavianum, qua Incarnationis dominicæ dogma Catholicum uberrimè, eruditissimèque declaravit.

Interim Chrysaphius nihil non in Eutychie gratiam, & ad Flavianum opprimendum moliebatur apud Theodosium, hæc enim

minationibus, & calumniis in suspensionem Flavianum vocare nitens; quo illum ab Episcopali sede deieceret, quocirca Imperator jubet congregari Synodum generalem Ephesi anno 449. cui jubet præesse Dioseorum Alexandrinum, & adesse Juvenalem Hierosolymitanum, Domnum Antiochenum, Flavianum Constantinopolitanum, rogans pariter Leonem Pontificem Romanum, ut Synodo adesse dignaretur, quod cum præstare non posset, Legatos misit Julianum, Veligibum Episcopum Puteolanum, Renatum Presbyterum, & Hyllarium Diaconum cum litteris ipsius Leonis; altera ad Savianum, altera ad Synodum, continentibus rectam, ac Catholicam fidem. Barsumam quoque Syrum Archimandritam, ad verius dicam immanem scicarium Concilio adesse voluit Imperator, qui ageret pro Eutyche contra Episcopos, qui illum damnaverant, quos pariter adesse voluit Concilio non ut iudices, sed ut actores.

Cogitur itaque Concilium, petuntque Legati Romani Pontificis, ut illius Epistolæ juxta veterem Ecclesiæ consuetudinem primis legantur. Obstat Dioscorus procurante Eutyche, qui ante omnia examinari faciunt acta Constantinopolitana, quocirca Legati recedunt a Concilio tum ob litteras non lectas, tum etiam ob non delatum ipsis primum locum. Deinde Dioscorus lectis Constantinopolitanæ Synodi actis, mox decretum Ephesinæ primæ Synodi contra Nestorium legi voluit, quo prohibitum erat ne quis præter ea, quæ ibi constituta erant de fide amplius quæreret, aut retractaret, alioquin si Episcopos, aut Clericos esset, deponeretur; post hæc Dioscorus contra Flavianum, & Eusebium Dorilei Episcopum tamquam Decreti illius violatores; quod novi aliquid de fide constituisent, depositionis sententiam tulit, & Eutychem in integrum restituit, suæ sententiæ subscribere cogens ceteros Episcopos per viminentatam à trecentis Monachis, & plurimis militibus, qui armata manu audita Dioskori sententia in Synodum irrumpunt, extorquent judicia Episcoporum adversus Flavianum, illosque adigunt, ut subscribant in albis membranis, in quibus quidquid voluerint postea adicerent, ut testatum est *actibus prima* Concilii Chalcedonenfis. Reclamant Legati summi Pontificis, sed & ipsi salutem suam in fuga ponere coguntur, Flavianus Romanum Pontificem ap-

pellat; ac illico conjecitur in vincula à Dioscoro, calcibus appetitur, ut refert Evagrius lib. 2. cap. 2. plurimis plagis etiam, & injuriis à militibus lacessitur, ait Liberatus; & ut acta Chalcedonenfis Synodi referunt, occiditur à Barsuma cum suis Monachis vociferante, *Occide, Occide.*

Interim gemit Leo Pontifex, qui coacta Romæ Synodo rescindit quidquid Ephesi gestum fuerat. Tandem Theodosius Imperator acceptis à Leone summo Pontifice Epistolis, damnatam, ac proscriptam audiens Eutychanam hæresin, & flagitiosam acta Synodi Ephesinæ, quæ postmodum dicta est *Latrocinium Ephesium*, rei veritate comperita, in eos à quibus circumventus erat animadvertit: Chrysaphium malorum omnium auctorem relegavit, ac paulo post moritur: cui succedens Marcianus Pulcheriam Augustam uxorem duxit; qui Leonis Pontificis hortatu animadvertit primum in Clericos, & Monachos, qui relicto vero orthodoxæ Religionis cultu, Apollinaris, vel Eutychetis hæresim, & dogmata abominanda secuti fuissent. Deinde Synodum generalem cogere decrevit.

Cogitur itaque Concilium generale anno 451. Chalcedonense ex 630. Episcopis; præstant Legati Leonis, videlicet Paschasius, & Asculanus Episcopi, necnon Basilii, & Bonifacii Presbyteri. Interest etiam Dioscorus, ac lectis quæ in Constantinopolitana Synodo, & pseudo-Ephesina ab Eutychete, & Dioscoro acta fuerant, discedere jubetur; ac postmodum omnibus ritè ponderatis, Episcopali honore, omnibusque Sacerdotum functionibus à Synodo privatur. Post hæc plurimi ex Episcopis, qui Ephesi sederant, veniam petunt, crimenque fatentur: leguntur Epistolæ Leonis ad Flavianum, cui in hunc modum acclamaverunt Patres, Petrus in Leone locutus est. Eusebius Dorilei Episcopus verè Catholicus pronuntiatur: Flavianus martyr declaratur, qui pro fidei Orthodoxæ defensione occubuit, & actione undecima legitur hæc vox, Flavianus post mortem vivit martyr; pro nobis oret.

Interea Chrysaphius *Pulcheria* nutu, ut ait Marcellinus, interemptus est, & Eutyches iussu Marciani in Exilium mittitur; quid autem deinceps de eo factum sit, quemve in locum deportatus sit, & quem vitæ exitum habuerit, altum silentium est apud auctores: sic scilicet exitum habuit cele-

bet-

berrima illa Synodus, in qua Ephesine latrocinialis acta recisa sunt, & certa, rataque fidei forma conscripta.

Verum diabolus, qui semper superfeminat zizania, maximis hæreticorum conatibus Synodum Chalcedonensem impugnavit. Scribit enim Eulogius Alexandrinus Patriarcha post Marciani obitum, cum ei successisset Leo, Aegyptios à Synodo reverbos per totum orbem maximos excitasse tumultus; ubique diffeminantes Cyrillum in illa Synodo damnatum, & Nestorium pro Catholico receptum fuisse. Inde plurimi eruperunt illius Chalcedonensis Synodi detractores, maxime verò Alexandriæ, qui Acephali dicti sunt; quod à Petro Mogo Patriarcha suo, & ipso Eurychiano sceudentes, scorsim, & sine suo capite communicarent: neque enim ille manifestè impugnabat Chalcedonense Concilium, sed tantum latenter ejusdem authoritatem elevare nitebatur. Severini tamen postea dicti sunt à Severo Eurychiano Monacho, deinde Antiocheno Episcopo constituto. Ac denique in plura alia capita pullulantes, nunc Gajanitæ à Gajano, Theodosiani à Theodosio, Jacobitæ à Jacobo nuncupati sunt. Conquerebantur omnes, quod Concilium Chalcedonense conventus fuit Nestorianorum: sic enim familiare est hæreticis Catholicos hæresis ex adverso veritati Catholicæ oppositæ accusare.

Errores circa filiationem Christi.

Commune est Ecclesiæ Catholicæ dogma, Christum Dominum, etiam ut hominem, Filium Dei esse naturalem, nihilominus duo Episcopi Felix Urgelitanus, & Elipandus Toletanus regnante in Galliis Carolo Magno; Romæ vero sedente Adriano I. circa annum Domini 790. Nestorii extinctam, & compressam hæresim ex parte restaurantes, Christum Deum, hominemque confessi, totidem quot naturæ sunt in eo, filios inesse docuerunt; alterum naturalem, qui est Deus, & Verbum; alterum adoptivum, qui est homo; de quibus ita scribit Eginhardus in Annalibus. Orgellius (hanc Urgellam alii nominant) est civitas in Pyrenæi montis jugo sita: cujus Episcopus nomine Felix, natione Hispanus, ab Elipando Toleti Episcopo per litteras consultus, quid de humanitate Salvatoris Dei, & Domini nostri Jesu

Christi sentire deberet: utrum secundum quod homo est, proprius an adoptivus Dei Filius credendus esset, accedendus: valde incautè, atque inconsideratè, & contra antiquam Catholicæ Ecclesiæ doctrinam, adoptivum non solum pronuntiavit, sed etiam scriptis ad memoratum Episcopum libris pertinacissimè pravitatem opinionis suæ defendere curavit. Hujus rei causa ductus ad Palatium Regis, qui tunc apud Reginum (*Ratisbona*) Bajozæ civitatem, in qua, & hic maverat, residebat; ubi congregato Episcoporum Concilio auditus est, & errasse convictus, ad præsentiam Adriani Pontificis Romam missus; ubi etiam coram ipso hæresim confessus est, atque abdicavit; quo facto ad civitatem suam, reversus est.

Verum biennio post, cum Elipandus eandem erroris pravitatem jam in plurimis Conciliis damnatam, maxime verò *Foro-Julienſi*, & *Ratisbonensi*, tueri, ac propagare pergeret: ac Felicem ad illius regendum patrocinium impulsisset: quin etiam ad Carolum Regem pro ea scripsisset Epistolam; hic ex omnibus suæ ditionis Provinciis Episcopos, & eruditionis fama celebres viros lanceofurtum ad Synodum accivie, qui invicem convenientes lecta Elipandi epistola, necnon Adriani Papæ ad Hispaniarum Episcopos, & libro sacro-syllabo Paulini Aquilejensis contra Felicis, & Elipandi hæresim, unanimi omnium consensu in illo Concilio hæc hæresis damnata fuit, ac proscripta. Insuper Carolus Rex luculentam ad Hispanos contra eandem hæresim epistolam scripsit, quam cum Adriani, & totius Synodi epistolis, ac Paulini libro ad eos direxit.

Hæc sunt præcipua hæresum capita Christi Domini Incarnationem impugnantia: cætera enim, quæ in Christum pugnant, vel in ejus divinitatem, aut meritum, aut cultum potius, quam in Incarnationis Mysteriorum militare videntur. Si quæ vero supersint ab illis antiquioribus hæresibus repullulantes, ut revera plures esse non diffiteor, maxime hiæcæ posterioribus temporibus, in quæ non solum sæculorum fines devenisse, sed & errorum sæces effluxisse videntur, in sequentium Disputationum, ac Quæstionum enucleatione sparsim commemorabimus. Quocirca ampliori hæresum relatione prætermitta, jam auspiciandus est Theologiæ Tractatus.

DISPUTATIO PRIMA.

*De Existentia, Natura, & Causis
Incarnationis.*

PRæclare quidem monuit S. Maximus martyr in disput. contra Pyrrhum, quod dicere aliquid, nec ejus quod dicitur varias significationes discernere, nihil aliud sit, quam confundere: cum enim nomina sint rerum latentium indicia, & naturis earum proprietatibusque significandis accommodata; ubi varias significationes pre se ferunt, aut ipse res variis nominibus confertur, consulto quidem, ac perite suspicantur Tractatores ab earum rerum, quas explicandas suscipiunt, nominum declaratione, & delineatione.

Merito igitur abditissimi hujusce Mysteriorum, qualemcumque explicationem auspicamur ab illis nominibus, quibus veteres sapientissimiue Partes, ac Doctores Mysteriorum hoc explicandum, ac celebrandum susceperunt.

Porro varia sunt, tum à Scriptura, tum à sanctis Patribus usurpata vocabula ad istud Misterium significandum. Dicitur *homo*, idest Dei, vel *divina apparitio*; quippe Deus per Incarnationem nobis se videndum in humanitate exhibuit, ac contubernalem, juxta illud Baruch 30. *Post hoc in terris visus est, & cum hominibus conversatus est*. Visus, inquam, tum quia per miracula facta mediante humanitate se Deum probavit, tum quia, ait S. Paulus, *in Christo inhabitat omnis plenitudo Divinitatis corporaliter*; tum denique quia per communicationem idiomaticam, fundatam in unione hypostatica, verè, & propriè Deus dici potest videri, quia videtur homo, qui verè Deus est.

Dicitur etiam interdum *descensus*. Sic Isaia 64. *Unam disrumpere celos, & descendere*. Joan. 3. *Nemo ascendit in celum, nisi qui descendit de celo*: non quod Divinitas descenderit, quippe cælum, & terram implet, sed quia Deus, qui in cælo maxime suam gloriam, ac majestatem beatissimis mentibus manifestat, per Incarnationem cepit eam hominibus revelare.

Appellatur etiam *Missio*, quippe ait Apostolus ad Gal. 4. *Missi Deus Filium suum factum ex muliere*: hinc Christus Joan. 6. *Sicut misit me verum Pater*.

Nominatur etiam *adventus*. Sic Aggæi 2. *Et veniet desideratus cunctis Gentibus*: & Malachia 3. *Quis poterit cogitare diem adventus ejus?* Similia habent sancti Patres: nam S. Athanasius orat. 3. dispensationem Verbi secundum hominem vocat: S. Ambrosius libello de Paschate, cap. 4. humanæ carnis ad Deum attemperationem: S. Damascenus lib. 4. cap. 2. *salutarem œconomiam*, quæ appellatio ceteris Patribus Græcis est usatissima. Hilarius Prosa, in Psalmum, *corporationem*, seu incorporationem nominat. Epiphanius hæresi 30. carnalem *inbumanationem*. Frequentius tamen tum à Patribus, tum à Theologis usurpatum est *Incarnationis* nomen ad significandam illam ineffabilem Divinitatis, & humanitatis in una persona unionem. A Patribus, inquam, frequentatum est, nam Irenæus libro 3. cap. 21. à Theodoro laudatus in Dialogo primo, illud usurpat: quod & fecerunt Leo Magnus, Sermone 2. de Nativitate; August. lib. 10. de civit. Dei, cap. 29. Hieronymus super primum caput Marci, imò & ab ipso Concilio Nicæno in Symbolo, Filius Dei dicitur *Incarnatus de Spiritu sancto ex Maria Virgine*. Quantum ad Theologos spectat nullus penè eorum est cui hoc vocabulum non sit familiare.

Nec quidem incongruè licet enim humanitas ex carne componatur, & spiritu, maturè tamen nomine *carnis*, assumptio humanitatis à Verbo declaratur. Fundamentum enim hujus vocis colligitur ex Joan. 1. *Verbum caro factum est*, nam inquit S. Aug. lib. 13. de Trinit. cap. 19. *cum lego Verbum caro factum est, & habitavit in nobis, in Verbo intelligo verum Dei Filium, in Carne agnosco verum hominis Filium, & utrumque simul in una persona Dei hominis ineffabilis gratia largitate conjunctum*. Nec insolitum est in Scriptura nomine *carnis* per figuram synecdochen, totum hominem significari. Sic Genesis 6. *Omni caro corruerat viam suam*, Psal. 77. *Recordatus est, quia caro sunt*, Luc. 3. *Videbit omnis caro salutem Dei*, Et ad Rom. 3. *Non justificabitur omnis caro ex operibus legis*: in quibus, & similibus textibus, evidens est totum hominem significari: sic & interdum idem declaratur animæ vocabulo, ut videtur est, maxime, Genesis cap. 46.

Congruentius autem, ac maturius à carne, quam ab anima Misterium istud nomen accepit, tum ut Incarnationis veritas contra

tra Manichæos, & alios hujusmodi hæreticos negantes Verbum Divinum veram carnem assumpsisse clariis apparet; tum ad significandam nimiam illam divini in nos amoris perfusionem, qua Divina majestas adeo depreffa est, ut tam vilem, & abjectam carnis naturam, ad salutem nostram operandam suum in consortium assumere non fuerit designata: quocirca signanter, ait S. Paulus ad Tim. 3. *Magnum est pietatis Sacramentum, quod manifestatum est in carne*; tum denique, ut inde luculentius apparet, non solum naturam humanam à Verbo Divino assumptam esse; sed & omnes illius humanitatis infirmitates, & appendices, quæ voce *carnis* plerumque designantur, unde Apostolus ad Hebræos 5. de Christo Domino loquens ait: *Qui in diebus carnis sue preces, & supplicationes offerens, exauditus est pro sua reverentia*. Ut autem præsentem disputationem ab hujus Mysteriorum questionibus præludiaris ordiamur, ac congruenti methodo distribuamus, eam tres in Articulos, & eorum quemlibet totidem in Sectiones partiemur: quorum *Primus* erit de possibilitate, convenientia, & complemento Incarnationis. *Secundus*, de illius essentia, deque terminis unionis naturæ Divinæ cum humana. *Tertius* denique ejusdem causas, Physicam, Moralem, & Finalem explicabit.

ARTICULUS PRIMUS.

De possibilitate, convenientia, & complemento, seu perfectione Mysteriorum Incarnationis.

CUM ad hoc maximè apparuerit Filius Dei, ut dissolveret opera diaboli, & Princeps mundi eiecetur foras; inde est, quòd demones omnem moverint lapidem, ut qui divinæ illius apparitionis non potuerant præpedire complementum, saltem illius fidem, ac notitiam ab hominum cordibus elearent. Illorum namque infligatione ab hostium triplici cuncto in hujus Mysteriorum assertionem depugnatum est; Philosophi enim Gentiles illud, ut ridiculam, ac inanem fabulam apertis contradictionibus pugnantem, ac subinde, ut commentum factu impossibile censuerunt: Judæi Messiam expectantes, illius adventum adhuc in dies præstolantur: Hæretici verò plurimi, ut supra observatum est, sacram hanc, ac mirabilem hominis cum Deo con-

junctionem, ut Divinæ illius sapientiæ, ac majestati minis congruentem respiciunt. Quocirca, ut plena sit, & inconcussa tanti Mysteriorum veritas, ac fides, operæ pretium duxi tres illos infestissimos ipsius hostes tribus in sequentibus Sectionibus adoriri, quarum *Prima* aperiet Incarnationis possibilitatem contra Gentiles Philosophos: *Secunda* ejusdem contra Hæreticos egre-giam, sapientemque institutionem, & œconomiam declarabit: *Tertia* denique ejusdem complementum, & perfectionem contra Judæos evincet.

SECTIO PRIMA.

De possibilitate Incarnationis.

QUONIAM Theologia est illa mystica *Turris David*, ex qua mille *Clypei* pendunt, omnis armatura fortium, Cant. 4. debetque vir Theologus comparare se ad omnes prorsus eventus, congressus, & disputationes, prout varia quotidie occurrunt hominum ingenia, idque monente Apostolorum Principe. *Parati*, inquit, *sumus satisfacere omni poscenti rationem, de ea, quæ in nobis est spe, & fide*. Hinc est, quòd maturo consilio Theologiæ Principes suas de Divina Verbi Incarnatione disputationes ordiantur ab illius possibilitate, & non repugnantia; quatenus dum sese offerret oculo cum Gentilibus Philosophis de Religione Christiana congregiendi, instructi sint, & parati, nedum ad refellenda omnia, quæ adversus hoc ineffabile Mystrium humana mens fingere posset, & obijcere: sed insuper momenta ex proprio promptuario ipsi subiciant, quibus illud esse possibile, ac Deo congruum, nobisque summè necessarium suadere valeant. In quo certè subtilis Doctor ordine convenientiori, quàm S. Thomas, videtur egisse: Hic enim primùm de convenientia disputat, ille verò à possibilitate quæstiones auspicatur; prius autem statuendum esse rem aliquam esse possibilem, quàm convenientem, quippe ex possibilitate rei congruitas, non vicissim ex congruitate possibilitas est judicanda.

Cum autem tria maximè circa præsentem difficultatem occurrere possint dubia. *Primum*, an illa unio divinæ naturæ cum humana in unitate personæ sit possibilis factu. *Secundum*, an illa possibilitas sit cognoscibilis, ac demonstrabilis aliqua natura-

li ratione, *Tertium*, quænam sint momenta, quæve rationes, quibus illa possibilitas possit suaderi. Hinc tres illas difficultates totidem quæstionibus in præsentia Sectione resolvemus.

QUÆSTIO PRIMA.

An Unio divinæ nature cum humana in unitate persona sit possibilis.

Notandum 1. ex subtili Doctore in 1. dist. 2. qu. 7. n. 10. possibile duplex distingui: Logicum scilicet, & Physicum. *Possibile Logicum*, inquit, est *modus compositionis formate ab intellectu, cujus termini non includunt contradictionem*, & ita hoc modo *possibilis est hæc propositio, Deum posse produci, & Deum esse Deum*: Possibile verò reale, seu Physicum est, *quod accipitur ab aliqua potentia in re, sicut à potentia inherente alicui, vel terminata ad illud sicut ad terminum*. Hoc est, illud dicitur possibile Physicum, quod potest esse terminus realis alicujus potentie productivæ, qualiter ante creationem mundus erat possibilis, & innumera dicuntur adhuc creaturæ possibiles, quas Deus ex infinita sua potentia producere potest, nec tamen pro suo sapienti consilio producat unquam. De utraque possibilitate hic futurus est sermo: quippe determinandum suscepimus, an propositio illa, Deus est homo, contradictionem aliquam implicet, anve unio Divinitatis cum humanitate supremam Dei potentiam non excedat, nec fugiat.

Notandum 2. certum esse quod non datur medium inter hæc duo, *esse possibile, & esse impossibile*; non enim datur aliquod medium inter implicare contradictionem, quod est impossibile; & non implicare contradictionem, quod est possibile; medium tamen admittitur inter hæc duo; *demonstrare, quod aliquid sit possibile, & demonstrare quod aliquid sit impossibile*, multa namque sunt possibilia, de quibus tamen nulum datur medium positivum naturale per quod demonstretur possibilitas illorum; hæc autem, quia possibilia sunt, non possunt demonstrative probari esse impossibilia, nam verum vero non opponitur, sed soli falso: quare si verum sit, quod aliquid sit possibile, falsum est, quod sit impossibile, argumentatio autem, quæ falsum concludit, nullatenus potest esse demonstrativa.

Notandum 3. Deum incarnari, non esse Deum in carne transmutari, sed Deum manentem Deum, fieri hominem in unitate suppositi; ita ut persona Divina non solum terminet, ac supponat naturam Divinam, sed etiam humanam; quare sicut Petrus dicitur homo, quia ejus persona sustentat, & personat naturam humanam; sic Deus dicitur homo, quia Divina persona Verbi sustentat, ac terminat naturam humanam. Ex ea autem terminatione sequitur in Deo denominatio intrinseca, qua dicitur intrinsece unitus homini: ad hanc enim denominationem sufficit, quod natura humana substantialiter, & intime uniatu divinæ personæ. Non tamen ea ratione est denominatio intrinseca, quasi natura humana informet Deum, qui dicitur homo: hinc illa denominatio, Deus est homo, accedit aliquo modo ad denominationem extrinsecam, & ab ea etiam recedit. Accedit quidem, quia natura humana non informat Deum, qui dicitur homo, cum tamen aliæ denominationes intrinsece desumantur à forma informante. Recedit verò, quia aliæ denominationes extrinsece, sunt vel à formis accidentaliter unitis, vel à terminis extra subjectum denominatum existentibus: hæc verò denominatio sumitur à natura humana personaliter, & substantialiter unita Verbo, quod ejus personalem dependentiam terminat.

His ita præmissis, dubiè maxime hac quæstione sunt determinanda. *Primum* quidem, an illa unio personalis divinæ naturæ cum humana sit possibilis. *Secundum*, an solvi possint omnes rationes, quæ illam possibilitatem videntur impugnare.

CONCLUSIO PRIMA.

Possibile fuit Naturam humanam uniri Verbo divino in unitate suppositi. Probatu primo. Ab actu ad posse legitima est consecutio: sed illa unio de facto est peracta; igitur est factu possibilis. Major constat, quod enim reverè est, non habet repugnantiam ad existendum. Minor est de fide, constatque illis omnibus momentis, quibus Sectione tertia sequenti probabimus adversus Judæos Messiam venisse, ac peractum esse Incarnationis Mysterium.

Probat secundò Doctor in 3. dist. 1. qu. 1. n. 4. Illud est possibile, quod nullam repugnantiam præ se fert: sed nullatenus repug-

pugnat naturam uniri Verbo in unitate suppositi: ergo potest id fieri. Probat minorem: Si quæ esset repugnantia, peteretur vel ex parte Verbi assumptis, vel ex parte naturæ assumptæ: sed ex neutro capite repugnantia deduci potest. *Non quidem ex parte Verbi assumptis*: idem repugnaret, vel quia persona divina est, vel quia peculiaris est persona Verbi. Non primum, quia, inquit Doctor, terminare dependentiam naturæ humanæ, non infert aliquid repugnans personæ divinæ; quippe cum non importet compositionem, ad quam requiritur actus, & potentia; siquidem persona divina non est actus informans, sed dumtaxat terminus humanæ naturæ dependentiam terminans. Nec pariter infert potentialitatem aliquam, aut limitationem, aut dependentiam, quia ad illam terminationem, seu unionem non requiritur aliud per se, quam quod terminans sit independens ab eo quod terminat; Verbum autem independens est à natura humana, quam terminat, sicut Deus licet terminet dependentiam creaturarum ab ipso, non censetur ab eis ullatenus pendere.

Non etiam repugnat, quia peculiaris est persona Verbi, quia si ex hoc capite aliqua repugnantia exurgeret, maximè quia non posset dari unio ad unam personam, quin necessariò daretur ad reliquas, alia namque ratio assignari non potest: sed ita non est, licet enim quod convenit naturæ divinæ, etiam singulis tribus personis indivisim commune sit; non tamen, quod convenit uni personalitati, omnibus debet esse commune: nam paternitati convenit constituere Patrem; id ipsum autem non convenit filiationi, neque spirationi passivæ: Potest igitur uni ex divinis personis convenire ratio terminandi hypostaticè naturam humanam, absque eo, quod aliis id ipsum conveniat. Ratio autem, inquit Doctor, quare quælibet persona divina potest terminare dependentiam naturæ alienæ est, quia quælibet personalitas divina est in se, & ex se formaliter independens: quodlibet autem independens in aliquo genere, potest terminare aliud, quod in tali genere dependentiam habet: igitur persona divina in se, & ex se independens, potest sufficienter terminare talem dependentiam naturæ creatæ.

Denique non repugnat illa unio hypostatica ex parte naturæ assumptæ: si enim repu-

gnaret, maximè quia singularitas personæ alicujus non posset ab ejusdem personalitate separari, ac subinde cum non possit ulla natura assumi nisi existens, & consequenter, nisi singularis, quia existentia singularium est, idcirco nec assumi posset, nisi personata, quod cum repugnet, etiam repugnaret naturam singularem assumi: sed hæc ratio nulla est, sufficienter enim probatum est in Metaphysica, personalitatem à singularitate realiter esse distinctam, & separabilem, nec repugnare, ut substantia aliqua sit singularis, & tamen ulterius communicabilis; igitur Deus poterit sibi naturam singularem unire seculæ ejus personalitate, & consequenter ex nullo capite repugnat illa divinitatis cum humanitate unio in unitate personæ.

CONCLUSIO SECUNDA.

Nulla ratione naturali demonstrari potest divinæ Incarnationis impossibilitas.

Probatur. Verum vero non potest esse contrarium: sed verum est Incarnationem esse possibilem, ut liquet ex præcedenti conclusione: ergo nulla ratio naturalis, quæ veritatem aliquam præ se ferat, potest illius impossibilitatem suadere. *Deinde*, si quæ ratio hanc impossibilitatem evincere posset, peteretur vel ex parte Dei non valentis naturam humanam assumere in unitate personæ, vel ex parte ipsiusmet naturæ, quæ taliter non esset assumptibilis: sed ex neutro capite repugnat, ut supra probatum est, & constabit amplius ex solutione omnium rationum mox obijciendarum: igitur &c.

Obijciens primò. Actus purus non est unibilis cum ullo alio, sed quælibet persona divina est actus purus: ergo non est unibilis cum natura extranea. Minor constat. Major pariter. Si enim actus uniretur, jam non esset actus purus, quia diceret potentialitatem ad aliud cum quo uniretur: ergo &c.

Distinguit majorem Doctor num. 16. Actus purus non est unibilis cum altero per modum partis componentis, ita ut cum alio, cui unitur, faciat unum per se, quod constet partibus se habentibus, ut materia, & forma, concedit: non est unibilis per modum termini infiniti suppletis vices alicujus termini creati, negat, & concessa minore, negat consequentiam.

Inflabit. Persona divina non potest uni-ri humanitati, nisi cum ipsa constituat ali-quod unum per se: sed unum per se non constituitur ex pluribus, nisi unum eorum habeat rationem actus, aliud verò ratio-nem potentie: igitur si Verbum divinum uniatur humanitati, necessum est, quod habeat rationem partis componentis.

Distinguo minorem. Unum per se, quod fit per compositionem, & informationem, fieri nequit, nisi ex partibus, quarum una sit actus, alia potentia, concedo: quod fit per terminationem dependentie unius ad alterum, nego; Verbum autem divinum unitur humanitati, ut constituat unum per se Christum, non quidem per modum compositionis formalis, sed dumtaxat per mo-dum personæ divinæ terminantis, ac sup-pletis vices personæ creatæ.

Urgebis. Illa unio, quæ fieret per mo-dum termini, suppleret vices personalita-tis humanæ, ergo veram, & realem com-positionem efficere. Probatur consequen-tia. Quidquid supplet vicem personalita-tis, idem præstare debet, quod ipsa per-sonalitas: sed personalitas humana veram efficit compositionem cum natura indivi-duali; est enim actus informans, & per-ficiens ipsam naturam: ergo si persona di-vina suppleat vicem personalitatis huma-næ, debet efficere compositionem cum ip-sa natura assumpta.

Nego consequentiam; & ad ejus probatio-nem, Respondeo primò, distinguendo ma-jorem: Id quod supplet vicem personalita-tis debet idem præstare, quod ipsa persona-litas: quatenus est terminus ultimus effi-ciens, ne natura ulteriorem habeat commu-nicationem, concedo: quatenus est actus ip-sam naturam afficiens, & perficiens per mo-dum formæ, nego. Primum est de ratione formali, & speciali personalitatis, quatenus præcisè personalitas est; non ita secundum, quia ratio afficiendi, & perficiendi commu-nis est personalitati cum cæteris modis, & formis tam accidentalibus, quàm substan-tialibus, si, ut volunt aliqui, personalitas ipsa creata sit modus, vel forma positiva.

Respondeo secundò negando minorem; nam ut fuscè probavimus in nostra Metaphysica, probabilius est ex mente Doctoris subtilis, quod ratio formalis personæ non sit aliquid positivum, sed tantum connotet, supra ra-tionem individui, negationem ulterioris communicationis ipsius naturæ individue

alteri tamquam supposito, cum quo cen-seretur facere unum ens per se.

Obijcies secundò. Inter ea, quæ inter se invicem unibilia sunt, debet intercedere quædam proportio: sed inter personam di-vinam, & naturam creatam nullam interve-nit proportio; quippe persona divina infi-nita est, natura verò creata finita; finiti autem ad infinitum nulla est proportio: ergo non sunt invicem unibilia.

Distinguit majorem Doctor ibidem. Debet esse proportio entitatis ad entitatem, negat: habitudinis, qualis est inter causam, & effectum, objectum, & potentiam, ter-minans, & terminatum, concedit. Inter Deum equidem, & creaturam non est pro-portio entitatis, sed terminationis, tunc ex parte Dei, tunc ex parte ipsius creaturæ: nam creatura in ratione effectus, terminat secunditatem, & causalitatem divinam, per quam producitur, & Deus vicissim in ra-tione objecti, terminat activitatem intelle-ctus, & voluntatis creatæ, à quibus percipi-tur: ergo quamvis non sit proportio en-titativa, inter Verbum, & ipsam humani-tatem, quia Verbum illam infinities excedit in perfectione, & dignitate: tamen est proportio terminativa personalis sufficiens ad unionem, de qua loquimur: quippe cum Verbum sit persona infinita, virtutem habet terminandi omnem communicationem naturæ personabilis, quæ ab ipso tamquam à causa dependet.

Subjumes. Infinitum, & finitum non pos-sunt etiam esse simul in ratione terminan-tis, & terminati: ergo nulla solutio. Pro-batur subsumptum. Contraria nequeunt si-mul existere propter eorum repugnantiam: sed finitum, & infinitum magis invicem pu-gnant, quàm contraria, quia sunt magis diversa, quippe cum in aliquo genere in-vicem non conveniant, sicut conveniunt contraria in genere qualitatibus, & acciden-tis: igitur nequeunt simul subsistere.

Negat subsumptum Doctor, & ejus pro-bationis negat minorem. Non enim idcir-co contraria sunt invicem impossibilia, quia habent diversitatem; quia quantitas, & albedo sunt magis diversæ, quàm albe-do, & nigredo, quandoquidem quantitas, & albedo spectant ad diversa prædicamen-ta; albedo verò, & nigredo sunt ejusdem prædicamenti; unde quæ sunt diverſi gene-ris possunt invicem subsistere, ut quantitas, & albedo, licet ea, quæ sunt ejusdem præ-dica-

dicamenti simul esse nequeant propter naturam suam oppositionem: & consequenter impossibilitas contrariorum provenit dumtaxat ex eorum repugnantia naturali. Natura autem divina, & humana non habent ex natura sua particulari repugnantiam aliquam respectu ejusdem supposito, & subinde quamvis sint magis diversæ, quam contraria, possunt facilius invicem subsistere in eodem supposito, quam contraria.

Obijcies tertio. Si Verbum divinum posset incarnari, etiam posset pati: sed pati nequit: ergo nec incarnari. Major constat: quia sicut *Incarnare* est agere, ita *Incarnari* est pati; nam actioni omni correspondet passio.

Negat majorem Doctor, ad cujus probationem dicit, quod quamvis actioni omni transcurrenti correspondeat passio, & consequenter, quamvis incarnationi activæ correspondeat aliqua passio, sicut calefactioni activæ correspondet passio calefactionis passivæ: tamen illa passio correspondens actioni incarnativæ non significatur hoc verbo *Incarnari*, sed designatur per verbum *assumi*, vel *uniri*; ex eo quod *Incarnare* significet effectivè unire carnem, seu naturam humanam supposito Verbi, efficiendo, ut sit assumpta à Verbo per dependentiam illam specialem, quam habet ab ipso ratione unionis hypostaticæ. Igitur verbum passivum propriè correspondens verbo activo *Incarnare*, non est Verbum *Incarnari*, sed verbum *uniri*, vel *assumi*. Ex quo sequitur, quod illa passio correspondens incarnationi activæ, sit tantum in natura humana, quæ assumitur, & non in Verbo, quod assumit. Quamvis ergo grammaticaliter loquendo, inquit Doctor, incarnari sit verbum passivum, quod videtur correspondere verbo activo incarnare, tamen realiter, & significativè non est verbum passivum ipsi correspondens.

Obijcies quarto. Implicat Deum mutari; sed si incarnaretur, reverà mutaretur, acquireret enim novam naturam, eamque terminaret, quam prius non habebat, nec terminabat: ergo, &c.

Nego minorem: non enim posita possibilitate Mystetii Incarnationis, propterea sequitur Deum mutari, tota enim illa mutatio Verbo Divino extrinseca est, cum nullam formam in se recipiat, per quam in se affectu afficiatur de novo; sed tota illa mu-

tatio in naturam humanam refunditur, quæ recipit personam Verbi, cui substantialiter unitur, & per quam terminatur omnimoda illius communicatio. *Ad rationem* dico, quod id quod acquirit novam naturam, mutatur quidem si acquirit illam tantquam recipiens; non verò sitantquam se tribuens, & communicans illi: at quando Deus in Mystero Incarnationis acquirit humanam naturam, non illam in se recipit, sed se ipsum illi communicat, subindeque non mutatur: sic quando aliqua creatura de novo producit, habet relationem realem ad Deum creatorem, ratione cujus Deus, qui se illi creaturæ communicat, acquirit rationem termini respectu illius, nec tamen propterea mutatur.

Inflabis. Qua ratione natura humana dicitur mutari per Incarnationem, eadem Verbum Divinum diceretur mutatum: ergo, &c. Probatur antecedens. Idcirco natura humana dicitur mutari, quia recipit in se naturam divinam, quam non habebat in se, seu cui non erat unita personaliter: atqui etiam Verbum Divinum per Incarnationem habet sibi copulatam personaliter naturam humanam, cui antea non erat unitum: ergo pari ratione per Incarnationem dicitur mutari.

Nego antecedens: Et ratio disparitatis est, quod, Verbum Divinum sibi copulat naturam humanam per modum terminantis illius dependentiam in ratione personæ; natura verò humana in se recipit personam Verbi tantquam sui complementum intrinsecum; quippe, cum Verbum gerat vires personalitatis creatæ, quæ spectat ad complementum substantiale ipsius naturæ, quo fit, ut ipsa natura dicatur perfici per illam unionem personalem Verbi, quia Verbi personalitas gerens vires personæ creatæ, confert ipsi naturæ complementum, sine quo illa natura censetur incompleta. Secus autem est de Verbo Divino, quia Verbum Divinum nihil perfectionis, nec complementi per illam terminationem acquirit: non enim minus esset infinite perfectum, etsi ipsius personalitatis creatæ vires non gereret.

Urgebis. Quamquam Verbum Divinum habeat rationem terminantis respectu naturæ assumptæ, non minus reverà diceretur mutari: igitur præfata solutio nulla. Probatur antecedens. Ita se habet proportione servata personalitas divina in ratione ter-

minantis, ad naturam, sicut se habet intellectus divinus ad objectum intelligibile: sed intellectus divinus revera dicere- tur mutari, si terminaretur de novo ad aliquod objectum intelligibile, ad quod antea non terminabatur: quippe Deus censeretur aliquid cognoscere de novo; quod prius non cognoscebat: ergo, &c.

Nego antecedens, & ad illius probationem, nego paritatem. Ratio disparitatis est, quod intellectus divinus habeat pro objecto omne ens intelligibile, quacumque ratione intelligibile sit; unde si de novo terminaretur ad aliquod objectum, quod prius non attingebat, revera mutaretur; quia consequens esset, quod non sese extenderet ad id omne, quod est intelligibile, nec consequenter adæquaret latitudinem sui objecti, ad quod ex infinita sua virtute naturaliter tendit, secus autem est de personalitate divina, quæ ex innata sua virtute non postulat terminare personaliter omnem omnino naturam tam increatam, quam creatam, sed præcisè, & ex se fertur dumtaxat ad terminandam naturam divinam: quapropter non minus completa est ejus virtus, ubi naturam divinam terminat dumtaxat, quam si quaslibet naturas creatas terminaret.

Subjumes. Idcirco intellectus divinus se extendit ad id omne, quod est intelligibile, & mutaretur, si illud non attingeret ab æterno, si vim infinitam haberet intelligendi: sed etiam personalitas divina vim habet infinitam terminandi communicationem naturæ: ergo quæ ratione intellectus divinus censeretur mutari, si de novo perciperet aliquod objectum intelligibile, pari ratione divina personalitas censeretur mutari, si alicujus naturæ communicationem de novo terminaret.

Nego paritatem: Quia objectum cognoscibile, qua cognoscibile est, per se spectat ad adæquatam objectum intellectus divini, quod est omne ens intelligibile: natura autem omnis terminabilis hypostaticè, non per se spectat ad personalitatem divinam, quia quaslibet natura ex ratione sua formali, & naturali postulat terminari per propriam personalitatem: unde non est eadem ratio de objecto cognoscibili ab intellectu divino, ac de natura terminabili a personalitate divina. His adde quod objectum cognoscibile consistit ad perfectionem potentie cognoscentis: quod enim

objectum præstantius cognoscitur, eo præstantior est intellectus notitia: terminabilis autem natura non per se confert ad perfectionem personalitatis terminantis; imò ipsa personalitas ex se confert ad ipsius naturæ personatæ, & terminatæ dignitatem, ac præstantiam, quantum enim dignus est suppositum, tanto dignior est natura personata.

Urgebis insuper. Quod transit de potentia ad actum, revera mutatur: sed natura divina per Incarnationem transiret de potentia ad actum, quia de unibili fieret unica: ergo mutaretur.

Distinguo majorem. Quod transit de potentia ad actum passivè, vel subjectivè, hoc est per modum inherētis, vel informantis, mutatur, quia novam recipi formam, quam non habebat, concedo: activè, & per communicationem, nego. Et similiter distincta minore, nego consequentiam: Natura enim divina unitur humanæ per modum potentie activæ; quia illa unio nihil aliud est, quam communicatio personalitatis divinæ, qua Verbum Divinum assumit naturam humanam in unitatem personæ.

Dices 4. Ex duobus entibus in actu non potest fieri unum per se; sed natura divina, & humana sunt entia in actu; utraque enim habet id omne, quod requiritur ad sui perfectionem; igitur vel non potest fieri utriusque unio, vel unicum non erit ens per se.

Respondes, naturam humanam in Christo esse quidem perfectam in ratione naturæ, imperfectam tamen, & incompletam in ratione personæ: quia propria personalitate caret, & ita potest subsistere per personatam divinam, & cum illa efficere unum per se, nempe Christum.

Obijcies 5. Duo contradictoria de eodem verificari nequeunt: sed si divina natura cum humana possit sociari in eadem persona, sequeretur illam esse simul finitam, & infinitam, creatorem, & creaturam, mortalem, & immortalem, quæ sunt contradictoria: igitur hæc fieri nequeunt.

Distinguo majorem. Contradictoria nequeunt esse vera de eodem secundum idem, concedo: secundum diversa, nego; nam homo sive I est mortalis; & in mortali mortalis quidem ratione corporis, immortalis autem ratione ipsius anime. Christus autem dicitur mortalis ratione humanita-

nitatis et sumptæ, immortalis autem ratione naturæ divinæ.

Obijciat ultimum. Deus supplere nequit effectum causæ formalis: Ergo nec supplere potest effectum subsistentiæ creatæ, & humanæ.

Distinguo antecedens. Omnem effectum concedo, aliquem nego. Subsistentia autem humana duo habet. Primum ut efficiat per modum formæ, si sit aliquis modus substantialis ipsam naturam individualement afficiens, ut voluntaliqui, & hunc effectum non potest Deus supplere. Alterum ut terminet naturam ultimam, & sic terminando denominet illam subsistentem, & hoc Deus supplere potest æquivalenter per suam subsistentiam, non quidem connaturalem subsistentiam largiendo, sed aliam æquivalentem & longè digniorem, puta propriam subsistentiam, quæ terminat ulteriorem communicationem naturæ creatæ; sed longè digniori modo, ac præstantiori, quàm à propria personalitate terminaretur.

Instabis. Non potest personalitas Verbi gerere vices personæ creatæ nisi contineat illam eminenter & virtualiter: sed ita non est, quippe inquit Doctor, cum personalitates divinæ non sint formaliter perfectæ, nec infinitæ, non possunt virtute continere perfectionem creatæ personalitatis. Adde quod etiam si taliter eam contineret, non propterea posset illius vices supplere; siquidem natura divina, quæ continet virtualiter personalitates creatas, sicut & quamlibet creaturam, quia est formaliter infinita, nequit tamen supplere vices personalitatis creatæ: ergo neque id poterit exequi personalitas Verbi.

Negat majorem Doct. ibid. num. 4. Non enim idcirco persona Verbi supplere potest vices personalitatis creatæ, quia est infinita vel perfecta, sed quia est omnimodè independens in ratione personæ, idcirco supplere potest vices cujuslibet personæ dependentis: & hac ratione licet essentia divina virtualiter & eminenter contineat personalitates creatas, nequit tamen earum vices gerere, quia ipsa non est formaliter independens in ratione personæ. Ideo, inquit Doctor, non ex perfectione entis personalis colligitur quod personalitas Verbi possit supplere personalitatem creatam, *Sed ex hoc quod illa entitas personalis est independens; & independens in quantum tale, potest terminare dependentiam alterius ad ipsum, quod nature est habere termi-*

num tale: ista autem dependentia nata est habere personam pro termino, & non naturam: igitur persona divina independens potest sufficere terminare talem dependentiam nature creatæ ad ipsum.

QUÆSTIO SECUNDA.

An, & quomodo cognosci possit, & suaderi Incarnationis Mysterium.

Notandum primum, triplex solitè nobis affulgere lumen, quo res divinæ ac supernaturales possunt innoscere. Primum est lumen fidei infusæ, quo percipiuntur per speculum, & in ænigmatibus: Secundum est demonstrationis, vel scientiæ divinitus inditæ, aut ex principiis revelatis, & rationationis adminiculo comparatæ. Tertium denique est suasionis, quæ petitur ex conjecturis & rationibus, ac similitudinibus nitiatur & firmatur. Fides informat, ac illustrat fidem per autoritatem revelantis cui credit: Scientia Philosophum confirmat, & convincit per evidentiam demonstrationis, & illationis unius veritatis minis notæ, ex principiis naturaliter evidentibus. Suasio denique rudes, & ignaros instruit, ac ad suscipiendam veritatem disponit per notitiam eorum quæ in prospectu habent. An autem triplici hoc lumine probeatur Incarnationis Mysterium, queritur apud Theologos. Conveniunt autem omnes illud quidem innoscere lumine fidei; quippe scripturæ sacræ nihil frequentius effertur quàm adorandum hoc Mysterium: quocirca rectè Christus monebat Judæos Joan. 5. *Scrutamini Scripturas, quia vos putatis in ipsi vitam æternam habere; & illos sunt quæ testimonium perhibent de me.* Difficulas ergo est duntaxat de lumine scientiæ ac suasionis; an videlicet per demonstrationem, aut per conjecturam aliquam evidenter detegi possit hoc Mysterium, tum à Philosophis, tum à rudioribus, & ignaris.

Notandum secundò, res supernaturales esse in duplici differentia: quædam enim supernaturales dicuntur quantum ad substantiam, aliz verò duntaxat quantum ad modum. Prioris generis, & ordinis sunt illa omnia quæ naturam ita excedunt, ut nullo prorsus ejusvis intellectus conamine, nativa ac propria virtute deprehendi possint, & cognosci: puta personarum Trinitas in unitate essentiz, decretum prædestinationis

hujus, aut illius hominis, *Quis enim hominum ſcit quæ ſunt hominibus*, inquit S. Paulus 1. ad Corinth. 2. *niſi ſpiritus hominibus, qui in ipſo eſt? ita quæ ſunt Dei nemo cognoviſi niſi ſpiritus Dei*. Poſterioris verò generis ſunt res illæ ordinis quidem naturalis quantum ad entitatem, licet non ita ſint quantum ad modum exiſtendi. Sic v.g. viſus reſtitutus cæco nato naturalis eſt ſecundum entitatem, quippe facultas illa viſiva ejuſdem ordinis eſt, & rationis cum ea quæ per generationem habetur: ſed eſt ſupernaturalis quantum ad modum; quia excedit vires naturæ, & modum ac ordinem quem Deus ex ordinaria ſua providentia ſervare ſolet in agendo. Controvertitur autem inter Theologos an ſecluſa omni fide, ac revelatione divina, Incarnatio Verbi ita ſit ſupernaturalis ſecundum entitatem, ut naturaliter percipi non poſſit. Conſentit aliqui quod cum illa non niſi extraordinaria Dei virtute parata fuerit, inde conſtare eam evidentiatione non poſſe probari. Verum, nonnulli Theologi, quibus præviſſe dicitur Raymundus Lullius, contendunt Incarnationem adverſus obnitentes philoſophos evidenter poſſe probari.

Notandum tertio, Incarnationem ſpectari poſſe vel, ut poſſibilem, vel, ut futuram, vel, ut peractam, de quo triplici ſtatu poſſe eſſe difficultas; qualiter ab homine viatore nec non & ab Angelis, tum beatis, tum damnatis poſſit cognosci.

CONCLUSIO PRIMA.

Nullus intellectus Angelicus aut humanus poſſe naturæ viribus Incarnationis poſſibilitatem, aut futuritionem detegere; nec exiſtentiam evidenter, & certo cognoscere.

Probatur prima pars. Entia ſupernaturalia ſecundum ſubſtantiam non poſſunt naturæ viribus attingi: ſed Incarnatio ſupernaturalis eſt ſecundum entitatem: ergo nullo intellectus naturalis concamine percipi poſſeſt. Major conſtat, cõ enim entia ſupernaturalis ordinis ſecundum entitatem talia dicuntur, quod omnimodum naturæ captum tranſcendant. Minor etiam patet, ſiquidem omnino ſupernaturale eſt, quod Deus hypotatiſcẽ ſit unitus homini, quod natura creata ſuo ſpolietur connaturali ſubſiſtendi modo: quod naturalis ſubſiſtentia vices à perſonalitate divina ſuppleantur, &c.

Deinde, ut intellectus comprehendere poſſet Incarnationis Myſterium, deberet evidenter cognoscere potentiam obedientialem naturæ rationalis ſecundum id omne ad quod illa potentia ſe ſe extendere poſſeſt; deberet pariter cognoscere virtutem Omnipotentia divina penes ſupremum effectum, quem ipſa poſſeſt edere; ſiquidem Incarnatio eſt maximum, & præſtantiffimum opus divina Omnipotentia: ſed hoc utrumque capere non poſſeſt evidenter intellectus creatus propriis viribus: igitur nec Myſterium Incarnationis certo, & evidenter detegere.

Denique, ut illa poſſibilitas poſſet conſpici, & alicui venire in mentem, oportet eſſe aliquod medium in rebus creatis ex quo creatus intellectus illam poſſibilitatem poſſet deprehendere: ſed nullum eſt tale medium: tum quia myſterium illud opus eſt ſummæ Dei liberalitatis, ac libertatis; & ſubinde nulla illius eſt cum naturalibus cauſis, & effectibus connexio: tum quia cum natura quaque creata infinitè diſtẽt à Deo, ex ſe nihil proſiſſi habet, quo poſſibilem ſibi cum Deo intimam unionem offendaſt: Igitur nullo medio, nullaque virtute creatus intellectus, ſecluſa fide, & revelatione, poſſeſt huius myſterii poſſibilitatem detegere.

Secunda, & tertia pars ſimul probantur. *Primò* quidem ex Scriptura, quæ myſterium hoc creaturis abſconditum pronunciat. Sic Paulus ad Ephẽſios 3. loquens de Myſterio Incarnationis illud appellat *Inviſigabiles divitias Chriſti, & Sacramentum abſconditum à ſæculis in Deo*: & 1. ad Corinth. 2. vocat *Sapientiam in myſterio quæ abſcondita eſt*. Quapropter Chriſtus ſap. 8. dicitur *Deus abſconditus*, propter videlicet hominis aſſumpti Sacramentum. Quod eximie probat ſanctus Ambroſius in ſecundum caput poſterioris ad Corinthios ubi ita concludit, *Abſcondita eſt ergo Dei ſapientia dum non in verbis, ſed in virtute eſt: non humana ratione poſſibilis, ſed Spiritus efficacia credibilis*. Quibus pariter quadrat illud ſap. 35. *Generationem ejus quis enarrabit?* Unde S. Ambroſius lib. 1. de Fide cap. 3. *Mibi quidem impoſſibile eſt generationis ſecreſtum: mens deficit, vox ſilet, non mea tantum, ſed Angelorum*. Et poſt pauca: *Non ſola admirabilis ex Patre generatio Chriſti: admirabilis etiam ejus generatio ex Virgine*.

Idipsum testantur cæteri sancti Patres: imprimis Dionysius lib. de divinis Nominibus cap. 2. *Jesu, inquit, in carne apparitio, & ineffabilis est sermone, & omni ignota intelligentiæ; ipsi quoque antiquissimo Angelorum primati non satis perspecta.* Cui concinit sanctus Cyrillus Alexand. lib. de Incarnatione Unigeniti cap. 7. dicens adunationem Verbi cum carne, omni humana cognitione esse superiorem. Quod aptè demonstrat sanctus Augustinus Epist. 3. ad Volusianum, ubi de hoc mysterio loquens ait: *Hic si ratio queritur, non erit mirabile: si exemplum ponitur, non erit singulare. Demus Deum aliquid posse, quod nos fateamur investigare non posse. In talibus rebus tota ratio facti est potentia facientis.*

Dices primò. Ratio naturalis non judicat evidentem incarnationem esse impossibilem: ergo judicare potest illam esse possibilem. Consequentia patet: quia inter contradictoria, qualia sunt possibile, & impossibile, non datur medium.

Nego consequentiam: licet enim à parte rei inter mysterium esse possibile, & impossibile non detur medium; tamen datur inter judicare illud mysterium esse possibile, & judicare esse impossibile: etenim inter utrumque hoc judicium datur suspensio & negatio actus. Unde si aliquis Philosophus requiretur an judicaret unionem Dei cum homine esse possibilem aut impossibilem; vel suspenderet actum nihil affirmando, aut negando; vel si aliquid proferret, illud certè excederet captum ipsius intellectus, mitteretque falcem in messem alienam: cum enim Incarnatio sit ordinis supernaturalis, excedit sphaeram naturalem intellectus creati, nullamque habet connexionem cum principiis naturalibus, ex quibus dumtaxat Philosophus suam mutuari potest certam notitiam.

Dices secundò. Angelus evidenter cognoscit Deum posse efficere quidquid non implicat contradictionem; sed etiam ipsi est evidens nullam esse contradictionem, quod Deus fiat homo; siquidem naturaliter novit quod Deus sit subsistens & independens in ratione personæ, novit pariter subsistentiam naturæ humanæ ab illa esse separabilem: igitur colligere potest, quod divina persona ratione suæ independentiæ possit supplere vices personalitatis creatæ.

Nego minorem: quamquam enim Angelus cognoscere possit subsistentiam divinam esse
Froffen Theol. Tom VII,

se communicabilem, & subsistentiam creatam esse distinctam naturaliter à natura humana, tamen nesciret quo pacto Verbum uniri posset naturæ naturæ; quippe ipsi non esset notum, an subsistentia illa humana realiter esset à sua natura separata, & utrum ipsa natura subsisteret subsistentia Verbi, siquidem modus ille subsistendi est supernaturalis ordinis.

Insuper. Subsistentia creata est ordinis naturalis, & intra latitudinem objecti naturalis Angeli: ergo potest nosse Angelus illam abesse à natura individuali Christi; & proinde nosse potest naturam illam subsistere subsistentia Verbi.

Nego banc ultimam consequentiam; quamquam enim Angelus agnoscere possit naturam humanam Christi non habere propriam subsistentiam, tamen inferre non potest exinde, illam subsistere subsistentia Verbi; quippe judicare posset Deum conservare illam naturam individualement abque omni subsistentia, sicut de facto conservat species Eucharisticas absque omni subiecto.

Dices tertio. Angelus cognoscere potest resurrectionem hominis esse possibilem; ergo etiam judicare potest incarnationem esse possibilem.

Nego antecedens: quamquam enim hominis resurrectio non sit supernaturalis quoad substantiam sicut Incarnatio, tamen cum sit ordinis supernaturalis quoad modum, pendeatque ex libera Dei voluntate, & nulla sit causa naturalis per quam possit fieri, hinc est quod Angelus certò non potest cognoscere naturali lumine resurrectionem esse possibilem.

Dices quarto. Philosophus aliquis peritissimus solvere poterit evidenter omnia argumenta suadentia impossibilitatem Incarnationis: igitur inferre poterit illam esse possibilem.

Distinguo antecedens. Solvere poterit negativè, hoc est negando principia ex quibus inferuntur, & ostendendo illationes ex illis principiis non convincere, nec omnimodè persuadere, concedo: solvere poterit positivè, evidenter ostendendo, quod principia ex quibus procedunt, falsa sunt, & subinde quod eorum contradictoria sunt vera, nego: non enim confusquens est, quod qui probat evidenter a liquous rationibus, aliquid non esse impossibile, iisdem rationibus suadeat & evincat illud esse

possibile; quia possibilitas alicujus rei non pender à rationibus, quæ illam suadent, sed à suis intrinsicis principiis ex quibus sit quod res illa sit possibilis.

His addæ, quod etiam Philosophus solveret omnes sibi propositas rationes contra possibilitatem Incarnationis, tamen certo judicare non posset nullam esse rationem, quæ illam impossibilitatem astrueret; imò posset suspicari longè urgentiores proponi posse rationes, quæ illam impossibilitatem evincerent.

Dices quintò. Ratio naturalis suadet Mystrium Incarnationis esse evidenter credibile; ergo pariter suadet esse evidenter possibile.

Nego consequentiam; nam aliundè petitur credibilitas, & aliundè possibilitas rei: possibilitas namque provenit ex principiis internis illius rei, à quibus habet, quod non repugnet, nec sit contradictio illam esse; credibilitas autem sumitur ex autoritate dicentis fide digni, unde quò quis magis judicatur verax in dicendo, eò etiam facilius, & firmius ei datur fides.

Dices sextò. Reverà dæmones novērunt Incarnationis Mystrium, & Christum esse Deum-hominem: sed illud non cognoverunt per revelationem, utpotè cum omnis divini beneficii sint incapaces: igitur oportet novērunt per nativam intelligendi virtutem. Major constat: Primò quidem ex illo Matthæi 8. ubi dicitur, quod cum Christus Dominus venisset trans fretum in regionem Cæsarienorum, *Occurrerunt ei duo habentes dæmonia, sevi nimis, ita ut nemo posset transire per viam illam, & exclamaverunt dicentes: Quid nobis, & tibi, Jesu Fili Dei? venisti hic ante tempus torquere nos?* Et Lucæ 4. *Exibant autem dæmonia à multis clamanntia, & dicentia: Quia tu es Filius Dei: & increpans non sinit ea loqui, quia sciebant ipsum esse Christum.*

Secundò, idem constat ex omnibus oraculis ab ipso dæmone in idolis editis: constat enim, ut referunt Svetonius in Octavio cap. 94. Nicephorus libro primo c. 17. & plures alii sacri Annalists, quod cum Augustus Imperator Apollinem Delphicum consulivisset, nec oclusus dæmon solita responsa daret, quænam esset causa tanti silentii obmutescens Apollinis cum requireret Imperator, hæc tandem ab eo responsa elicit.

Nos puer Hebraeus divos Deus ipse gubernans,

*Cedere sede jubet, tristemque redire sub
arcum:*

Aris ergo debinc tacitus abscedito nostris.
Quapropter addunt iidem Scriptores Augustum Romam reversum: aram in Capitolio erexisse, hac inscriptione notatam: *Ara Primogeniti Dei.*

Respondoo distinguendo minorem. Id non acceperunt per revelationem sibi immediate factam, concedo: per revelationem factam, tum per Prophetas, tum per Angelos, & exaratam in divinis Scripturis, ac miraculis declaratam, nego. Certum enim est, quod dæmones, inquit Tertullianus in Apologetico cap. 22. *Quid ubique geratur iam facile sciunt, quam enunciant; velocitas, divinitas creditur, quia substantia ignoratur; dispositiones etiam Dei, & nunc præpositis concionantibus excerpunt, & nunc lectionibus resonantibus carpunt, ita & hinc sumentes quasdam temporum sortes, emulantur divinitatem dum furantur divinationem.* Potuerunt ergo nosse dæmones ex vaticiniis Prophetarum, Christum esse illum Messiam tot votis expetitur, totque promissum oraculis, etenim si Judæi ex promissionibus factis, & exaratis in divina Scriptura nosse poterant Christum esse Messiam, multò facilius id cognoscere potuerunt dæmones; non quidem certò, & evidenter, sed conjecturaliter, tum propter illa vaticinia; tum propter miranda opera, quæ Christus ipse patrarat; *Si enim cum reverà cognovissent, nunquam Dominum gloriæ crucifixissent,* id est crucifixi suggestissent, ut dixit glossa primæ ad Corint. 2. Hinc nix sunt etiam dæmones Christi Domini mortem præpedire, ut colligitur ex somnio uxoris Pilati, quæ sicut legimus Matth. 27. marito suo dixit, *Nihil tibi, & iusto illi multa enim passa sum bodie per visum propter illum:* tunc enim diabolus valde subdubitanz Christum esse Messiam, dissuadere conabatur ejus mortem: unde licet plurima divinz virtutis signa in Christo dæmones agnoscerent, tamen quia etiam in eo conspiciebant humanæ infirmitatis exempla; non habebant pro certo eum esse reverà Filium Dei, unde ad eum accessit tentator dicens: *Si Filius Dei es, dic ut lapides isti panes fiant.*

Nec obest, quod Evangelista dixerit, *Non sinebat ea loqui quia sciebant ipsum esse Christum:* nam particula (*quia*) non sumitur ibi causaliter, sed historialiter, & recitative: hoc

hoc est, Christus non sinebat dæmones asserere, quod sciebant illum esse Filium Dei, tum quia mentiebantur illi, cum significare intenderent se illud certo cognoscere, cum illud duntaxat conjecturaliter novissent: tum quia id maxime dicebant ad explorandum, an revera ita esset.

Urgetur. Doctor Subtilis in 4. dist. 10. quæst. 8. num. 12. docet, quod quicumque Angelus, etiam malus, si absolute permittatur uti sua potentia cognoscitiva naturali, possit intelligere mysteria gratiæ jam existentia: quod etiam videtur asserere de Mysterio Incarnationis, & expressè probat per illam totam quæstionem de Existencia Corporis Christi. Ait enim respondens ad tertium: *De malis Angelis dico, quod absolute permittatur quicumque Angelus malus uti sua potentia cognoscitiva naturali, potest intelligere quodcumque intelligibile causatum; & per consequens posset intelligere cogitationes cordium, & Mysteria Gratia.* Unde infert, quod si dæmon non cognoverit Mysterium Incarnationis, illud idcirco contigisse, quia, inquit, *Non fuit permixtum propter certas causas, ne impediretur redemptionis nostra; si enim cognovissent, nunquam Dominum gloriæ crucifixissent, id est, nunquam me redimi ejus morte procurassent.* Igitur Doctor Subtilis nobis adversatur, & nos illi.

Nego consequentiam. Loquitur enim Doctor, non de cognitione evidenti, & certa, sed argutiva, & conjecturali. Vel si contendas cum de priori cognitione intelligendum; *Respondeo* cum Fabro in 4. Disputatione 43. capite ultimo, quod loquitur Doctor de Mysteriis gratiæ supernaturalibus, quæ non involvunt ordinem ad aliquid increatum, quale est Mysterium Incarnationis, quod involvit ordinem ad Verbum, qui utique supernaturalis ordo, ita cujusvis intellectus naturalis vires transcendit, ut absque revelatione non possit cognitione clara, & evidenti, sive mediata, sive immediata, illud percipere, sed duntaxat argutiva, & connaturali.

Dices ultimum: Plurimi infideles aliquam habuerunt notitiam Incarnationis Verbi, ut colligitur ex Theodoro libro de Græcanicis affectionibus, Eugubio lib. 1. de perenni Philosophia cap. 3. Sixto Senensi lib. 2. Bibliothecæ sanctæ verbo *Sybilla*, & S. Augustino lib. 18. de civitate cap. 23. ubi profert, & expendit vaticinia Sybilla-

rum, maxime verò Sybillæ Cumanæ, de Incarnatione Verbi; idque ita distinctè, & expressè, ut etiam Christi Jesu Achrolicè nomen expresserit; quo etiam testimonio usi sunt SS. PP. quotquot adversus Gentiles causam Christianæ Religionis propugnandam susceperunt. Imò earum Sybillarum testimonium usurpare non est indignatus S. Paulus, ut refert Clemens Alexandrinus lib. 6. Stromatum his verbis: *Quomodo Deus Judæos salvos esse voluit, dans eis Prophetas; ita etiam Græcorum spectatissimos propriæ suæ lingue exercitatos, prout capere poterant Dei beneficentiam a vulgo se credi, præter Petri prædicationem, declaravit Paulus dicens: Libros quoque sumite, agnoscite Sybillam, quomodo unum Deum significat, & ea quæ sunt futura, Hydaspem sumite, & legite, & invenietis Dei Filium multo clarior, & apertius esse scriptum, & quem admodum adversus Christum multi Reges instruerent aciem, qui cum habent odio, agnoscite nomen ejus gestant, & ejus fideles, & adventum, ac tolerantiam.* Quod utique Clemens recitat non ex Epistolis Pauli, sed ex concionibus ad populos habitis, quarum nonnulla verba in audientium aures sic esse illapsa putandum est, ut nunquam ea deleverit oblivio, sed felici, ac succedanea Traditione ad ipsos sancti Clementis tempora propagata fuerint. Quidni enim S. Paulus Sybillinum testimonium usurpasset credendus sit, cum & Græcos Poetas citare consueverit, ut legimus Aëtiorum 17. Hinc frequentes erant primitus Christiani in legendis libris Sybillinis, ut exinde adversus Gentiles pro Christiana Religione testimonium usurparent: quapropter, ut auctor est Origenes lib. 5. contra Celsum, Gentiles ipsi Christianos, *Sybillistas*, nominare consueverant.

Unde refert Justinus Martyr in orat. ad Antoninum Pium, opera, & instinctu malorum dæmonum, mortis supplicium adversus librorum Hydaspis, Sybillæ, aut Prophetarum labores constitutum fuisse, ut per timorem homines ab illis (quominus scripta legentes, rerum bonarum notitiam perciperant, sed in servitute eorum retineantur) abstergerentur: quod quidem efficere, & ad finem suum perducere nequiverunt. Inde factum est, ut refert Lactantius libro 4. cap. 15. quod his testimoniis Gentiles victi, eo confugere solebant, ut dicerent; illa quidem esse Carmina Sybillina, sed à nostris ficta, atque composita: *Quod profecto non putavit,*

vit, inquit idem Lactantius, qui Ciceronem, Varronemque legerit, aliosque veteres, qui Erythream Sybillam, ceteraque commemorant, ex quarum libris ista exempla proficimus; qui auctores obierunt, antequam Christus secundum carnem nasceretur. Nec etiam ista ignoravit Virgilius, quippe ex hisdem Sybillinis Carminibus Egloga 4. quæ de Christo ex Virgine nascituro prædicta erant, tribuit magna adulatione Salonio Pollionis filio. Canit enim:

Te duce, si qua manent sceleris vestigia nostri,

Irrita perpetuo solvunt formidine terras,
Ille Deum vitam accipiet, &c.

Clara Deum soboles, magnum Jovis incrementum, &c.

Sed ista de Verbi Incarnatione esse intelligenda Constantinus Imperator oratione ad sanctum cœtum egregie adversus Gentiles disputavit.

Inde constans apud Gentiles etiam percrebuerat persuasio, ut refert Svetonius in Vespasiano cap. 14. *Esse in fatis, ut eo tempore Judæa petiti rerum potirentur, quod utique rerum ignarus Svetonius Vespasiano Augustotribuendum esse putavit.* His adde, id quod refert S. Thomas 2. 2. q. 2. art. 7. ad 3. *Invenitur, inquit, in historiis Romanorum, quod Constantinopoli tempore Constantini, & Helene matris ejus, inventum fuit quoddam sepulchrum, in quo jacebat homo laminæ aureæ gerens in pectore, in qua exaratum erat hec vaticinium: Christus nascitur ex Virgine, & ego credo in eum! O solus sub Helena, & Constantini temporibus iterum me videbis:* Igitur ex his, & similibus testimoniis constat Gentiles habuisse notitiam Incarnationis Verbi, ac proinde illud Mysterium naturalem hominis caput non transcendit.

Nego consequentiam: Quamquam enim hæc omnia in objectione narrata, vera esse non dubitem; inde tamen non liquet, hanc notitiam à Gentilibus fuisse comparatam solo naturæ ductu, ac lumine; aliunde enim hæc accersiri potuit. *Primo* quidem traditione, quæ ab Adamo per Patriarchas ad Noe posteros potuit invalescere: nam Protoparenti nostro factam fuisse repositionem incarnandi Verbi Divini reparatoris, ac salvatoris hominum, nemini dubium est, quæ utique felicitra ditione ad ejus posteros invaluit.

Secundò; Ex dono Prophetiæ plurimis

Gentilibus à Deo liberaliter concessio: quæ libenter S. Hieronymus libro 7. contra Jovinianum existimat Sybillas dono Prophetiæ fuisse illustres: *Quarum, inquit, insignis fuit Virginitas, & Virginitatis premium divinitio,* unde concors est Christianorum sententia, ut refert Lactantius lib. 1. cap. 6. Sybillas divino instinctu plura vaticinatas esse de Mysteriis Christianæ Religionis, maxime verò de Incarnatione Filii Dei, ejusque præsertim passione.

Tertiò; Ex oraculis ipsorum dæmonum, quibus hoc Mysterium antecorum lapsum revelatum fuerat. Nam censet S. Bernardus dæmones idcirco corruisse, & in Deum extitisse perdulles, quod ipsis propositus Deus homo futurus, ut omnium caput, & princeps, quibus omnes creaturæ, ut superiori parere deberent, noluerint se se subicere. Imò etiam post eorum lapsum hoc Mysterium dæmoni fuisse intimatum colligunt sacri Interpretes ex illis Genesim verbis, cap. 3. ubi Deus, diabolum Protoparentum exploratorem, & expugnatorem sub larvata serpentis effigie sic affatur: *Inimicias ponam inter te, & mulierem, & semen tuum, & semen illius: ipsa conteret caput tuum, & tu insidiaberis calcaneo ejus.*

Adde quòd, ut supra diximus, dæmones utpote summa intelligendi virtute præditi potuerint omnia SS. Prophetarum de Christo venturo in scripturis exarata vaticinia cognoscere, & suis sectatoribus intimare.

Denique, cum notitiam mutuare potuerunt Gentiles ex communicatione cum Hebræis; qui plurimis captivitatibus apud varias nationes dispersi, potuerunt eis denuntiare, quæ in sacris suis, ac vaticiniis habebant: cum enim tota Hebræorum spes in Christo venturo, qui eorum omnes miserrimas solveret, totiusque mundi imperium teneret maxime esset reposita, idque suis in angustiis solatii potissimum haberent, mirum non est si hanc eximiam suam spem Gentilibus intimarint.

CONCLUSIO SECUNDA.

Supposita fide, ac revelatione divina, potest naturalis ratio illo divino lumine illustrata, conjecturis, & exemplis Mysterium Incarnationis suadere. Patet hujus conclusionis veritas ex SS. Patribus, qui variis

excm-

exemplis, & similitudinibus, Myſterium hoc infidelibus, ac rudioribus, enixi ſunt intimare. Idque maximè exemplo unionis animæ rationalis cum corpore, quo uirque eleganter utitur S. Auguſtinus Epifkola 3. quæ eſt ad Voluſianum, ubi de hoc Myſterio loquens, Sic autem, inquit, quidam reddi ſibi rationem ſtagitant, quomodo Deus homini permixtus ſit, ut una fieret perſona Chriſti, eum hoc ſemel fieri oportuerit, quaſi rationem ipſi reddant de re, quæ quotidie ſit, quomodo miſceatur anima corpori, ut una perſona fiat hominis. Nam ſicut in unitate perſonæ anima unitur corpori, ut homo ſit: ita in unitate perſonæ Deus unitur homini, ut Chriſtus ſit.

In illa ergo perſona, mixtura eſt animæ, & corporis, in hac perſona mixtura eſt Dei, & hominis; ſi tamen recedat auditor à conſuetudine corporum, qua ſolent duo liquores ita commiſceri, ut neuter ſeruet integritatem ſuam, quam & in ipſis corporibus aeri lux incorrupta miſceatur: Ergo perſona hominis, mixtura eſt animæ, & corporis: perſona autem Chriſti, mixtura eſt Dei, & hominis. Cum enim Verbum Dei permixtum eſt animæ habenti corpus, ſimul & animam ſuſcepit, & corpus. Illud quotidie ſit ad procreandos homines: hoc ſemel factum eſt ad liberandos homines. Veruntamen duarum rerum incorporearum commixtio facilius credi debuit, quam unius incorporeæ, & alterius corporeæ. Nam ſi anima in ſua natura non fallitur, incorpoream ſe eſſe comprehendit, multò magis incorporeum eſt Verbum Dei, ac per hoc Verbi Dei, & animæ credibilior debuit eſſe permixtio, quam animæ, & corporis. Sed hoc in nobis ipſis experimur, illud in Chriſto credere iubemur. Si autem utrumque nobis pariter inexpertum credendum præciperetur, quid horum citius crederetur? quomodo non fateremur duo incorporeæ, quam unum corporeum, alterumque incorporeum facilius potuiſſe miſceri, ſi tamen non indignè ad iſta mixtionis, vel mixturæ nomen admittitur, propter conſuetudinem corporaliū rerum, longè ſe habentium, aliterque notarum?

Verbum igitur Dei, idemque Dei Filius, Patri cœternus, eademque vir-

tus, & Sapientia Dei à ſuperno ſine creaturæ rationalis uſque ad infimum ſinem creaturæ corporalis attingens fortiter, & diſponens omnia ſuauiter, præſens, & latens, nuſquam concluda, nuſquam diſciſſa, nuſquam tumida: ſed ſine mole ubique tota, longè alio modo quodam, quam eo quo creaturis cæteris adeſt, ſuſcepit hominem, ſequæ & illum fecit unum Jeſum Chriſtum, mediatorem Dei, & hominum, æqualem Patri ſecundum diuinitatem, minorem Patre ſecundum carnem, hoc eſt ſecundum hominem, incommutabiliter immortalẽ æqualem Patri ſecundum diuinitatem, eundemque mutabilem, atque mortalem ſecundum cognitam nobis infirmitatem, in qua Chriſtus eo tempore, quod opportunifſimum ipſe noverat, & ante ſecula diſpoſuerat, venit hominibus magiſterium, & adiutorium, ad capeſſendam ſempiternam ſalutem.

Congruè etiam unio iſta mirabilis explicatur per unionem accidentis cum ſubjecto, qua uſus eſt Doctör in 3. diſt. quæſt. 1. Ut autem hæc ſimilitudo appareat, primò venit diſtinguenda duplex relatio accidentis ad ſubjectum. Prima eſt informationis ad informatum, ſeu perfectiui ad perfectibile: & hæc, inquit Poncius ibidem, dicit imperfectionem in ſubjecto, quia potentialitas, & perfectibilitas in Deo non conuenit noſtro propoſito. Secunda eſt relatio ſubſtentati naturaliter poſterioris ad prius ſubſtens, à quo dependet tanquam à termino puro, & hæc poſterior nullam notat imperfectionem in ſubjecto; quia dicit tantum proprietates naturales in illo, & ſubſtentationem accidentis, quod eſt nota perfectionis. Itaque ſublatis imperfectionibus ab hac unionẽ, ſimillima erit unioni hypoſtaticæ, & per conſequens eam maximè intelligibilem reddet, propter multiplicem illius conuenientiam. Prima eſt, ſicut ſubjectum ſubſtentat accidens, & accidens à ſubjecto dependet, ita Verbum Diuinum ſubſtentat naturam humanam, & hæc dependet ab ipſo ſpeciali motivo. Secunda: Sicut accidens, & ſubjectum ſimul unita, unum quoddam ſuppoſitum efficiunt, ita in hac unionẽ, licet duæ ſint naturæ, unicum tamen ſuppoſitum habent. Sed tertia eſt: Sicut accidens aduenit ſubjecto jam exiſtenti, ſic humanitas Verbo. Quarta: Sicut accidens non eſt de

Eſſen-

Essentia subiecti, sic nec humanitas de Essentia Verbi. Quinta: Sicut natura subiecti non confunditur, nec petmifcetur cum natura accidentis, nec è converso; sed utrumque manet integrum, & impermixtum, ita de natura divina, & humana dicitur: Sexta tandem: Sicut proprietates accidentis, & accidens ipsum in concreto communicantur subiecto, & de eo nuntiantur, & è converso; ita proprietates humanæ naturæ, & ipsa natura, communicantur Verbo Divino, & de eo nuntiantur, & è converso; ut videbitur ubi de communicatione idiomatum agemus.

Suadet etiam id ipsum ratio. Constat namque ipso naturali lumine, Deum, utpotè bonorum omnium maximum, sui esse summè communicativum: ac subindè conveniens esse, ut communicet se penes id omne, quod infinita sua entitate continet; videlicet, secundum entitatem, perfectionem, & hypostasiam; igitur sicut suam entitatem communicaverat in ordine naturæ omnibus creaturis, quæ illius sunt infinitæ entitatis participationes, ac defluxiones quædam; maxime verò homini, qui est ejus divinæ entitatis spirans, ac verax imago: Sicut suas divinas præcellencias in sublimi sanctitate sua velut adunatas, & expressas, hominibus iustis indiderat in statu gratiæ, ut eos constitueret suos filios adoptivos: Denique, sicut beatissimis mentibus felicitatem, ac beatitudinem suam indiderat in ordine gloriæ: Ita pariter conveniens erat ejus summæ bonitati, ut sese alicui humanæ naturæ individuo communicaret hypostaticè, ac personaliter, quatenus homo ad divinitatis ordinem posset sublimari.

Dices. Si fide supposita possit intellectus humanus sua naturali virtute, Mysterium hoc probabilibus rationibus suadere; igitur etiam absque ullo lumine fidei, idem intellectus poterit illis conjecturis, & rationibus Mysterium hoc possibile, aut futurum judicare.

Nego consequentiæ. Plura naniq̃ potest intellectus fidei lumine illustratus investigare ad veritatem aliquam confirmandam, quam possit illis subdiis destitutus, facilius enim probantur inventa, & cognita, quam inveniantur ignota.

Adde, quod hæ rationes, ac conjecturæ; quibus nunc fide illustratus intellectus utitur, ea fide seclusa non sufficient ad vincendam difficultatem, & repugnantiam,

quam lumen naturale patitur circa hoc mysterium; & ideo seclusa fide non forent illæ rationes, ac conjecturæ sufficientes ad ferendum iudicium etiam probabile, quòd tale mysterium possibile sit, aut futurum.

SECTIO SECUNDA.

De Convenientia Incarnationis Verbi.

QUamquam nobiscum haud difficulter conveniant infideles, unionem hypostaticam Dei cum homine nullis implicari contradictionibus; nec subindè impossibilem judicari: inde tamen non eis liquet hanc unionem convenientem fuisse; plurima namque possibilia sunt, quæ cum minus expediant, etiam nusquam futura sunt, & à Deo producenda: quapropter stabilita, ac sufficienter probata possibilitate hujus mysterii, jam aperientiæ sunt rationes, quibus illud congruum, ac decens æstimari potest. Quod utique præstabimus, tribus in sequentibus questionibus, Quarum 1. aperiet qualiter decens fuerit, summèq̃ congruum, ut Deus per assumptionem humanitatis hominem ex integro restitueret. 2. Quòd convenienti fuerit humanam naturam, quàm Angelicam reparari. 3. denique, Quòd convenientius fuerit, Filium quam Patrem, vel Spiritum sanctum, hoc reparationis munus assumere.

QUÆSTIO PRIMA.

An conveniens fuerit Deum Incarnari.

NOtandum 1. Duplicem distingui posse convenientiam. Unam quidem rei *Intrinsicam*, secundum quam aliquid dicitur esse conveniens, quatenus à Deo ordinatur. Nam, inquit Apostolus ad Rom. 13. *Quæ sunt, à Deo ordinatæ sunt.* Alteram verò *Extrinsicam*, quæ consistit in quadam relatione, seu habitudine ipsius rei ad illa quibus congruit. Cum autem Incarnatio spectari possit per respectum, vel ad Deum auctorem, vel ad naturam humanam ipsius terminum, vel ad universum orbem terrarum, totamque terrarum encyclopediam; idcirco de convenientia illius per respectum ad illa tria agendum est: an videlicet Incarnatio conveniens fuerit, tum respectu Dei, tum respectu homi-

hominis, tum respectu cæterarum creaturarum.

Notandum 2. Quod cum bonum quodlibet sui diffusivum sit, ac communicativum; cumque Deus bonorum omnium præstantissimum sit; etiam ipsi maximè convenit sui ipsius diffusio, & communicatio. *Duplex* autem est Dei communicatio. Una quidem *ad intra*, vel per fecunditatem luminis, & cognitionis, quâ Pater æternus sese communicat Filio, *Qui Deus est de Deo, lumen de lumine, Deus verus de Deo vero*, vel per fecunditatem amoris, qua Pater, & Filius divino erga seipsos amore æstuantis, producunt Spiritum sanctum, qui Patris, & Filii mutui amoris fructus est, ac terminus. Altera verò communicatio est *ad extra*, qua tres illæ adorandæ personæ sese creaturis communicant in ordine naturæ, gratiæ, gloriæ, & divinitatis. In ordine quidem naturæ, largiendo videlicet ipsis omnia bona naturalia cōnaturaliter debita ad earum integritatem, & perfectionem. In ordine verò gratiæ, conferendo creaturæ rationali dona illa gratuita, quibus ad ordinem, & finem supernaturalem promoveri potest. In ordine gloriæ omnes suæ divinitatis præcellentias, ac delicias exhibendo purissimis, ac beatissimis mentibus conspiciendas, ac fruendas. Denique in ordine divinitatis, per unionem hypostaticam; per quam una ex illis adorandis personis sc̃ substantiæ alteri communicat humanæ naturæ per propriam suam subsistentiam, qua fit, ut Deus fiat homo, & vicissim homo Deus: assumendo quippè corpus, & animam in unitate personæ, fit ut in homine inhabitet tota plenitudo divinitatis corporaliter.

Notandum 3. Hanc postremam communicationem omnium esse præstantissimam, ac maximam. Communicatio enim aliqua censeri potest altera major duobus modis: nimirum, vel *intensivè*, vel *extensivè*. Dicitur quidem major priori modo, quando aliquid nobilius, & perfectius communicatur: secundo verò, quando ad plura subiecta, vel supposita sese extendit: qua ratione communicatio bonorum naturalium est majore extensivè; communicatio verò bonorum supernaturalium major est intensivè: quippè supernaturalia bona naturalibus præcellunt. Communicatio autem, quæ fit per Incarnationem, haud dubiè omnium communicationum est maxima, non solum in-

tensivè, quia ipsa substantia increata Verbi, quæ est infinitæ dignitatis, & perfectionis, ac subinde omnia bona ordinis naturæ, gratiæ, & gloriæ superat, sese communicat humanitati: sed etiam extensivè; cum non solum ad hominem, & Angelorum, sed etiam ad cæterarum creaturarum decus, & ornamentum conferat, ut patebit in sequentibus Conclusionibus.

CONCLUSIO PRIMA:

Incarnatio Verbi maximè fuit conveniens Deo.

Probat. Illud maximè Deo congruit, quod confert ad manifestandas ejus divinas præcellentias: at per Incarnationem maximè elucet Dei perfectiones, ac præcellentias: igitur illa Deo fuit convenientissima. Major constat. Conveniens est enim Deo, ut per visibiles effectus invisibiles suas perfectiones demonstret. Ad hoc quippè universum condidit, ut invisibilia Dei, per ea, quæ facta sunt intellecta conspicerentur; sempiterna quoque ejus virtus, & divinitas, inquit sanctus Paulus ad Romanos 1. Minor verò probatur. Quamquam innumeræ sint divinæ præcellentias, & divinæ dotes; maximè tamen per respectum ad Deum, & creaturas, præ cæteris fulgent, Bonitas, Omnipotentia, Sapientia, Justitia, & Misericordia. Bonitas, inquam, qua vult seipsum eis communicare, & sui esse participationem largiri: Potentia, qua idipsum præstat, & exequitur: Sapientia, qua creaturas debito, ac decenti ordine librat, ordinat, & statuit, ac convenientem in finem dirigit: Justitia, qua cuicque, quod perfectioni congruit, distribuit: Misericordia denique, qua rationalis creaturæ defectus supplet, & reficit: atqui omnes illæ quinque divinæ perfectiones maximè relucunt in Mysterio Incarnationis.

Primò quidem divina Bonitas in illò mysterio summè resulget: Verbum quippè divinum suam personam largiendo humanitati, largitur pariter ipsam divinitatem, & omnes suas divinas præcellentias velut in hominem effundit. Hinc divina illa communicatio dicitur divini erga homines amoris meta; unde Christus ipse ex hoc ineffabili Mysterio, Dei bonitatem, & charitatem erga homines maximè commendat, dicens Joan. 3. *Sic Deus dilexit mundum, ut*

Fi.

Filium suum unigenitum daret: eumque amorem, ita summum, & excellentem censet Apostolus, ut superexcellentem, ac nimium appellare non erubuerit ad Ephes. 2. dicens, Deus qui dives est in misericordia, propter nimiam charitatem suam, qua dilexit nos, & cum essemus mortui peccatis, convivificavit nos in Christo (cujus gratia estis salvati) & conresuscitavit, & condescendere fecit in cælestibus in Christo Jesu; ut ostenderet in sæculis supervenientibus abundantes divitias gratiæ suæ in bonitate super nos in Christo Jesu. Hinc idem Apostolus ad Rom. 8. divinam illam erga nos bonitatem commendans, ait: Si Deus pro nobis, quis contra nos? qui etiam proprio Filio suo non pepercit, sed pro nobis omnibus tradidit illum: quomodo non etiam cum illo omnia nobis donavit?

Quapropter ad Titum 3. ait. *Apparuit benignitas, & humanitas Salvatoris nostri Dei.* Quæ sic expendit S. Bernardus, serm. 1. de Nativit. Domini. *Apparuerat, inquit, ante potentia in rerum creatione: apparebat sapientia in earum gubernatione: sed benignitas misericordiae nunc maxime apparuit in humanitate. Innocebat Judæis potestas, in signis, atque portentis; unde & in Lege scriptis invenies: Ego Dominus, ego Deus; Philosophis quoque abundantibus in sensu suo majestas innotuit, quoniam juxta Apostoli verba, quod notum est Dei manifestum est illis. Veruntamen & Judæi potestate ipsa premebantur, & Philosophi scrutatores maiestatis opprimebantur à gloria. Potestas subjectionem, majestas exigit admirationem, neutra imitationem. Appareat, Domine, bonitas, cui possis homo, qui ad imaginem tuam creatus est, conformari: nam maiestatem, potestatem, sapientiam, nec imitari possumus, nec expedire æmulari.*

Omnipotentia similiter mirum in modum in Incarnationis Mystério relucet; unde Propheta Jeremias 31. ut præstantissimum hoc opus commendaret, novum appellat. Notum, inquit, creavit Dominus super terram, mulier circumdabit virum. Quæ verba sic expendit S. Bernardus hom. 2. super Missus est: Vir, inquit, erat Jesus, nedum etiam natus, sapientia, non ætate; animi vigore, non viribus corporis; maturitate sensuum, non corpulentia membrorum. Et paulo ante: In hoc novo, & inaudito prodigio agnoscitur longitudo brevis, latitudo angusta, altitudo subdita, profunditas plena. Ibi agnoscitur lux non lucens, Verbum infans, aqua

fiens, panis esuriens. Videas fiattendas, potentiam regi, sapientiam instrui, virtutem sustentari: Deum denique labentem, sed Angelos reficientem: vagientem, sed miseros consolantem. Videas fiattendas, tristitiam lætitiis, pavore fiduciam, salutem pati, vitam mori, fortitudinem infirmari. Sed quod non minus mirandum est, ipsa ibi cernitur tristitia lætificans, pavor confortans, passio salvans, mors vivificans, infirmitas roborans.

Quapropter Incarnatio propter sui excellentiam *Opus Dei* dicitur Abacuc 3. *Domine opus tuum, in medio annorum vivifica illud: & beatissima Virgo in suo Canticò dicit illud esse opus omnipotentis brachii Dei: Fecit potentiam in brachio suo.* Quam utique veritatem S. Bernardus Sermone 3. in Vigilia natalis Domini sic commendat: Tria, inquit, opera, tres mixturas fecit omnipotens illa Majestas, in assumptione nostræ carnis ita singulariter mirabilia, & mirabiliter singularia, ut talia, nec facta sint, nec facienda sint amplius super terram. Conjuncta quippe sunt ad invicem Deus, & homo, Mater, & Virgo, fides, & cor humanum, Primam autem illam *commixtionem* sic commendat: *Vult, inquit, infirmiora nostra abundantiore gloria sublimare, & contraxit fe majestas, ut quod melius habebat, videlicet seipsum, limo nostro conjungeret; ut in persona una sibi invicem unirentur Deus, & limus, majestas, & infirmitas, tanta vilitas, & sublimitas tanta; nihil enim Deo sublimius, nihil vilius limo, & tamen tanta dignatione Deus descendit in limum, tantaque dignitate limus ascendit ad Deum, ut quidquid in eo Deus fecit, limus fecisse credatur, quidquid limus pertulit, Deus in illo pertulisse dicatur, tam ineffabili, quam incomprehensibili Sacramento. Et attende quia sicut in illa singularitate Trinitas est in personis, unitas in substantia; sic in ista speciali commixtione, Trinitas est in substantia, in personis unitas: & sicut ibi personæ non scindunt unitatem, unitas non minuit Trinitatem; ita & hic persona non confundit substantias, nec substantiæ ipsæ personæ dissipant unitatem. Summa illa Trinitas hanc nobis exhibuit Trinitatem, opus mirabile, opus singulare inter omnia, & super omnia opera sua. Verbum enim, & anima, & caro in unam convenere personam, & hæc tria unum,*

unum, & hoc unum tria, non confusione substantiæ, sed unitate personæ; hæc est prima, & superexcellens mixtura, & hæc prima inter tres.

Celebratur pariter divina sapientia, maxime in modo conciliandæ divini Justitiæ cum sua misericordia. Nam inquit S. Augustinus libro, *Cur, quando, & quomodo Deus*, &c. cap. 6. Deus ab homine iustè exegerat, quatenus qui per peccatum offenderat, per justitiam satisfaceret. Ad hoc autem diversitas naturarum, & personæ unitas in Christo valuit, & humano generi necessaria fuit, ut quod non posset humanitas, divina faceret natura, & si quid minimè conveniret naturæ humanæ, exhiberet: & non alius atque alius, sed idem ipse esset qui ex utroque perfectus existens, per humanam solveret, quod ipse debebat, & per divinam posset, quod expediebat. Debitum Adæ tantum erat, ut illud non deberet solvere, nisi homo, sed non posset nisi Deus: ita opus erat, ut idem esset homo, qui erat Deus. Quapropter necesse fuit in personæ unitate, ut Deus hominem assumeret, quatenus homo, qui in natura debebat solvere, & non poterat, in persona esset, qui posset, quia satisfactionem pro peccato non poterat solvere, nisi Deus; sed non debebat, nisi homo: ergo constat, ut de hominibus fiat illa superna civitatis restauratio (quod fieri nequiret, nisi fuisset prædicta pro peccatis satisfactio, quam nequebat facere, nisi Deus, nec debebat, nisi homo) necesse fuisse, ut eam faceret Deus homo. Quam utique rationem luculenter expendit S. Leo Sermone 1. de Nativitate inter cætera dicens: *Salva utriusque proprietate substantiæ, & in unam coeunte personam, suscipitur à virtute infirmitas, à maiestate humilitas, ab æternitate mortalitas, ut quod nostris remediis congruebat, unus atque idem Dei, & hominum mediator, & mori ex uno, & resurgere posset ex alio.*

Elucet etiam in eo maxime, quod humani generis adversarium, qui Protoparentes cum universa Propagine reos constituerat, per hominem Deus vicerit, ac superaverit. Nam, inquit Hugo Victorinus, l. 1. de Sacri. p. 8. cap. 6. *Qui assuita vicerat, iustum fuit ut non fortitudine, sed prudentia vinceretur, ut in eodem, quo se victor erexerat, victus sterneretur, juxta illud Job 20. Et pru-*

dentia ejus percussit superbum. Quam utique rationem sic expendit S. Augustinus libro, *Cur quando, & quomodo Deus*, &c. c. 6. Subtiliter subulem inimicum Deus voluit expugnare, & quasi sub eadem humanitatis hamum celavit deitatis, quatenus ille, qui omnem carnem subegerat, talem inveniret, qui sibi nihil deberet: quam dum illicite contingeret, meritò eam, quam quodammodo possidebat, amitteret: sic quippe serpens antiquus deludendus erat, ut qui homines deluserat, per hominem Deum delusus & ipse fieret. Et sicut incautum hominem sibi callidè subjecerat: ita per hominem divinius cautum, non callidè, sed sapienter subjiceretur. Hæc summa revera videtur sapientia, quando illud hosti præponitur, quod prius ab hoste deiecitur: & quasi quod ceciderat vires resumeret, & expugnatus ab hoste, iterum adversus hostem pugnare præsumeret. Provocatur itaque ad pugnam iterum hostis, ut qui prius se vicisse gaudebat, postmodum victus ex toto succumberet, & sic homo valdè gloriosior à sui resurrectione fieret, quam si cum nunquam cadere contigisset. Ei concinit S. Leo dicens: *Secundum plenitudinem temporis, quam divini consilii inscrutabilis altitudo disposuit, reconciliandam Auctori suo naturam generis assumpsit humani, ut inventor mortis diabolus, per ipsam quam vicerat ipse vinceretur: in quo consilio pro nobis initio, magno, & mirabili equitatis jure certatum est, dum omnipotens Dominus cum sevisimo hoste non in sua maiestate, sed in nostra congregitur humilitate obiciens ei eandem formam, eandemque naturam: mortalitatis quidem nostræ participem, sed peccati totius experiem.* Hinc canit Ecclesia. *Opus nostræ salutis ordo depoposcerat: multiformis proditoris ars, ut artem falleret, & medellam ferret, inde hostis unde læserat.*

Denique divina maxime excellit sapientia, eo quod Mysterium hoc maxime conferat ad gloriam Dei stabilendam; imò & augendam. Nam, inquit S. Bernardus, Sermon. 2. de Ascensione. *Christus cum per naturam divinitatis non haberet, quo crederet, vel ascenderet, quia ultra Deum nihil est; per descensum quomodo cresceret invenit: veniens incarnari, pati, mori, ne mortemur in æternum.* Quapropter S. Gregorius Nyssenus orat. Catech. cap. 14. appellat illum

Verbi

„ occidi, ut vulneribus meis pretioso sanguinis balsamo medeatur. Agnosce o homo, quam gravia sunt vulnera, pro quibus necesse est Dominum Christum vulnerari. Si non essent hæc ad mortem, & mortem sempiternam, nunquam pro eorum remedio Dei Filius moreretur. Pudet igitur, dilectissimi, propriam negligenter dissimulare passionem, cui tantam à Maxitate tanta exhiberi video compassionem.

Dices. Quidquid dedecet summam Dei maiestatem, non potest judicari conveniens, & expediens: sed carnem assumere, dedecet summam Dei maiestatem: ergo, &c.

Respondet Seraphicus Doctor, distinguendo maiorem. Quidquid dedecet Dei maiestatem, tam ratione sui, quam ratione sibi uniti, non convenit, nec expedit, concedit: ratione dumtaxat uniti, negat. Dedecet quidem Dei maiestatem secundum se humiliari, quia cum divinitas sit omnino invariabilis, secundum se nec exaltationis, nec humiliationis est capax. Ratione autem sibi uniti, potest humiliari ad maiorem manifestationem suæ altitudinis: in hoc enim quod Deus carnem humilem, & infirmam assumpsit, fortissimum adversarium confregit, hominem infirmum stabilivit; & ideo etiam incarnationis opus in se non videatur conducere ad divinæ maiestatis honorem, maxime tamen ad id conducit considerando finem, & effectum, ad quem ordinatur: quippe summa Deo gloria est, quod infirma mundi elegerit, ut confundat fortia, & humiles exaltet.

Dices secundò. Sicut vituperabilis est nimia elatio, ita vituperanda est dejectio nimia: sed quemadmodum elatio fuit nimia, quando creatura appetiit esse Deus; ita dejectio est nimia, quod Deus fiat homo, qui est creatura; ergo sicut ista elatio est vituperanda, sic & vituperanda apparet dejectio, qua Deus fieret homo: at nihil vituperandum judicari potest convenire Deo: igitur, &c.

Respondet idem Seraphicus Doctor: non esse paritatem: tum quia divina natura non fuit humiliata aliqua dejectione sui, siquidem Verbum Divinum humana suscipiens divina non amisit; cum autem creatura appetiit esse Deus, inflata fuit aliqua elatione, qua ultra naturalem suam sortem, suumque statum effertur optabat, & ideo ex ista parte, illa nimietas, & redundan-

tia elationis vergebat in vitium: tum quia exinanitio, quæ facta fuit in assumptione humanitatis, procedebat ab excessu amoris, & chantatis: elatio verò, quæ voluit homo Deo assimilari, fuit ab excessu præsumptionis. Constat autem præsumptionem omnem esse vituperandam, non ita dilectionem, & charitatem: & subinde exinanitio Christi non fuit vituperabilis, sed laudabilis, sicut vituperabilis fuit elatio primi parentis.

Dices tertio. Deo fit injuria cum existimatur cum habere creatam aliquam effigiem. *Non enim*, inquit S. Paulus Act. 17. *debemus æstimare auro, aut argenteo, aut lapidis sculpturæ artis, & cogitationis hominis divinum esse simile*: igitur maxima Deo ficta injuria, si humana effigies ipsi tribueretur: hæc autem ei tribuenda esset, si reverà esset homo: ergo, &c.

Respondet idem Seraphicus Doctor, verum esse antecedens, quando quis credit Deum reverà secundum suam deitatem habere corpoream aliquam effigiem, sicut existimabant Gentiles idololatæ: secus verò quando existimat Deum non habere quidem in se creatam aliquam effigiem, sed dumtaxat ratione humanitatis assumptæ, ut fit per Mysterium Incarnationis.

Dices quarto. Illud magis cedit in Dei gloriam, quod solum ejus misericordiam illustrius commendat. Nam, ut ait S. Jacob 2. *Misericordia superexaltat judicium*: & testatur Ecclesia Dominica 10. post Pentecosten: *Deus qui omnipotentiam tuam pariendo maxime, & miserando manifestas*: Sed longè major fuisset misericordia gratis relaxando homini debitum, quam satisfactionem exigendo: igitur convenientius fuisset Deo gratis condonare hominum offensam; quam satisfactionem per Filii sui Incarnationem pro illa exigere.

Nego maiorem: Perfectius est enim opus, in quo cum summa misericordia elucet etiam summa iustitia, quam in quo sola misericordia maxime commendatur; quia *universa via Domini misericordia, & veritas*; cum ipse sit summè iustus, & misericors: Et ideo, inquit Seraphicus Doctor, in reparatione generis humani, quæ est excellentissima viarum Domini, congruum est, ut simul currant misericordia, & iustitia, & ideo decens fuit, ut Deus exigeret satisfactionem pro injuria sibi facta: quam si homo non posset impendere, tunc

tunc misericordia daret Mediatorem, qui debitum solveret: nam si Deus culpam non dimisisset, sed solam exercuisset vindictam, non appareret misericordia: si verò non exegisset satisfactionem, non manifestaretur iustitia: igitur congruum fuit; ut ex misericordia præberetur Mediator, qui debitum ex iustitia solveret, sic enim *Misericordia, & veritas obviaverunt sibi, iustitia, & pax consummate sunt.*

Dices quintò. Injustum videtur punire innocentem pro noxiis: at id fit in Mysterio Incarnationis: Igitur illud divinæ iustitiæ non congruit.

Distinguo maiorem. Si illud fiat per modum punitionis, & vindictæ, concedo: si fiat per modum satisfactionis, & reparationis, nego. Quomvis enim in puniendo peccato oporteat illum plecti, qui peccavit, tamen in satisfaciendo unus ferre potest poenam pro altero; in vindicta enim attenditur peccantis iniquitas: in satisfactione verò pro alio spectatur satisfaciens charitas.

Dices sextò. Quidquid officit divinæ æquitati, Deum dedecet: at pugnat in divinam æquitatem, quòd vita Filii Dei, quæ pretiosissima est, exponatur profundenda pro re vilissima, qualis est hominum peccatorum redemptio: igitur. &c.

Nego minorem. Tum quia Christus non sese subiecit morti, ut ab illa absorberetur, sed ut devicta morte resurgeret immortalis: tum quia salus hominis est tantum effectus mortis Christi, non autem illius finis; tum quia & Christi, & hominum vita ordinatur ad Dei gloriam, quæ excellentior est vita Christi,

CONCLUSIO SECUNDA.

Incarnatio Verbi convenientissima est humane nature.

Probat. Illud maxime convenit humane nature, quod eximie conducit, ut revocetur a malo, & promoveatur ad bonum: at Incarnatio utrique maxime defervit. Primò quidem, ut homo revocetur a malo, nam omnis mali fons, & origo, vel est a Diabolo infligante, vel a carne alliciente, vel a spiritu superbiante: at triplex hic totius pravaricationis fons, & radix per Incarnationem adimuit, & rescinditur. Siquidem per eam exauthoratus

est Diabolus: nam *In hoc apparuit Filius Dei, ut dissolveret opera Diaboli, & princeps mundi eiceretur foras*, ait Christus Deus, & ait Apostolus ad Collos. 1. *eruit nos de potestate tenebrarum, & transfudit in regnum Filii dilectionis sue, in quo habemus redemptionem in remissionem peccatorum*: Quippe ut addit S. Aug. lib. 12. de Trinit. c. 15. *In hac redemptione tamquam pretium pro nobis datus est sanguis Christi; quo accepto Diabolus non est ditatus, sed ligatus, ut nos ab ejus nexibus solveremur.* Addit cap. 17. per hoc mysterium factam fuisse Dæmonum superbiam, & erectam hominum abjectionem. *Demonstratum est homini, inquit, quem locum haberet in rebus, quas condidit Deus: quandoquidem sic Deo coniungi potuit humana natura, ut ex duobus substantiis fieret una persona; ac per hoc jam ex tribus, scilicet Deo, anima, & carne; ut superbi illi maligni spiritus, qui se ad decipiendum, quasi ad adiuvandum medios interponunt, non ideo se audeant homini præponere, quia non habent carnem: & maxime quia, & mori in eadem carne dignatus est Filius Dei, ne ideo illi tamquam Deus se coli persuadeant, qui videntur esse immortales.*

Similiter caro sua origine vitata per assumptionem, & unionem cum Verbo sanata, ac consecrata est. Cū enim in Christo inhabitaret tota plenitudo divinitatis corporaliter, ait Apostolus, inde factum est, ut corpora nostra facta fuerint membra Christi, & templa Spiritus sancti: quapropter illa caro, quæ erat incentiva ad peccatum, facta est fomes salutis, & iustitiæ: nam, inquit Tertullianus lib. de Resurrectione carnis cap. 8. *Caro salutis cardo; caro enim abluitur, ut anima emaculetur; caro signatur, ut anima illuminetur: caro manus impositione adumbratur, ut anima consecratur: caro corpore, & sanguine Domini vescitur, ut anima de Deo sogueatur.*

Tandem mentis elatio, & superbia frangitur, nam, inquit S. Aug. supra, *Superbia hominis, quæ maxime impedimento est, ne inhereatur Deo, per tantam Dei humilitatem redargui potest, atque sanari: discatque homo, quàm longè recesserit a Deo, & quid illi valeat ad medicinalem dolorem, quando per talem Mediatorem redit, qui hominibus ut Deus divinitate subvenit, ut homo infirmitate convalescit.* Hinc sanctus Bernardus serm. 3. de Nativitate Christi, ait, *Quid magis indignum, quid deestandum amplius, quid gra-*

gravius puniendum, quam ut videns Deum celi parvulum factum, ultra apponat homo magnificare se super terram? Intolerabilis impudentia est, ut ubi se exinanivit Majestas, vermiculus infletur, & intumescat.

Secundo, hoc mysterium etiam maxime conducit, ut homo promoveatur ad bonum. Primo namque summè erigitur humana natura; nam, inquit S. August. lib. de Prædestinatione Sanctorum cap. 15. *Ipsa est illa ineffabiliter facta hominis à Deo Verbo susceptio singularis, ut Filius Dei, & hominis simul: Filius hominis propter susceptum hominem; & Filius Dei propter suscipientem unigenitum Deum utraque, & propriè diceretur, ne non trinitas, sed quaternitas crederetur. Prædestinata est ipsa natura humane tantæ, & tam celsæ, & summa subjectio, ut quò attolleretur altius non haberet, sicut pro nobis ipsa divinitas, quò usque se deponeret humilior non habuit, quam suscepta natura hominis cum infirmitate carnis usque ad mortem crucis. Unde non mirum si Angeli, qui ante divinam illam humanæ naturæ sublimationem, patiebantur se ab hominibus adorari, ut eos adoraverunt Abraham, & Loth, Genes. 18. & 19. talem honorem eis ab homine impendi postmodum renuerint; nam S. Joannes Evangelista cum Angelum, qui sibi loquebatur, adorare voluisset, eum illicò dicentem audivit Apocalypsis 19. *Vide ne fieris, confervus tuus sum, & fratrum tuorum habentium nomen Jesu.* Hinc præclare monet S. Leo sermon. 1. de Nativit. *Agnosce, Christiane, dignitatem tuam, & divina consors factus naturæ, noli in veterem vilitatem degeneri conversatione redire, &c.**

Tertio, per Incarnationem habuit homo præstantissimum exemplar omnium virtutum, quo priuscarebat. Nam, ut ait S. August. serm. 52. de Diversis, *Homo sequendus non erat qui videri poterat, Deus sequendus erat, qui videri non poterat: ut ergo exhiberetur homini, qui videretur ab homine, & quem homo sequeretur, Deus factus est homo.* Exemplar enim, ut omnibus numeris constet, debet esse simul rectum, & sensibile. Rectus quidem erat Deus ratione sanctitatis; at invisibilis ratione infinitæ Majestatis: homo vero, qui visibilis erat, propter multos defectus, quibus inquinabatur, à recta virtutis regula deflectebat: quapropter necessum fuit inter utrumque intercedere unionem, ut inde perfectum

virtutis exemplar homini tribueretur. Quapropter Christus etiam monebat Joan. 13. *Exemplum dedi vobis, ut quemadmodum ego feci, ita & vos faciatis.* Etenim qui invisibilis erat in Majestate divinitatis, visibilem se præbuit in infirmitate humanitatis; ut egregie loquitur Paulus 1. ad Timot. 3. ubi Incarnationem appellat, *Magnum pietatis Sacramentum, quod manifestatum est in carne.* Nam omnes Christi actiones reverrà Dei hominis actus erant, seu ut loquitur S. Ambros. *Dominicæ carnis actus, divinitatis exemplum est, & invisibilia nobis ejus per ea, quæ sunt visibilia, demonstrantur.* Hinc seipsum nominat Joann. 14. viam, veritatem, & vitam, *Via quidem in exemplo, veritas in promisso, vita in præmio,* ait S. Bernardus serm. 2. de Ascens.

Quarto, convenientissimum fuit Deum incarnari, ut homo perfectè beatus fieret. Propterea enim Deus homo factus est (inquit Auctor lib. de Spiritu, & anima cap. 9. apud S. Augustinum) *ut totum hominem in se beatificaret, & tota converso hominis esset ad ipsum, & tota dilatio hominis esset in ipsum, cum ascensu carnis videretur per carnem, & ascensu mentis videretur per divinitatis contemplationem.* Unde Beatorum quicque cum Job dicere potest cap. 19. *In carne mea video Deum meum; quem visurum sum ego ipse, & oculi mei conspiciantur sunt,* aut cum regio Vate, *Cor meum, & caro mea exultaverunt in Deum vivum.*

Denique ad hoc maxime conduxit Verbi divini Incarnatio, ut haberemus quidvis nobis opus est, tum ad corporis, tum ad animæ sanitatem. Nam ut præclare ait S. Bernardus sermon. 3. de Circumcisione, *Totus mihi datus, totus in meos usus expensus est.* Etenim addit serm. 24. de Passione, *Quid queris, quod in illo non invenias? si egrotus es, medicus est: si exul, dux est: si impugnaris, pugil est: si sitis, potus est: si alger, vestimentum est: si tristis, gaudium est: si obtenebraris, lux est: si orphanus es, Pater est.* Uno verbo, ut ait Ambrosius lib. 3. de Virginibus, *Omnia nobis Christus est, & omnia nobis donavit.*

Hic adde, quòd per Incarnationem, hominis fides maxime illustratur, spes firmatur, charitas accenditur. Fides, inquam, illustratur; nam, inquit S. Augustinus lib. 11. de Civit. cap. 2. *Ut mens in fide fidentius ambularet ad veritatem, ipsa veritas Dei Filius, humanis assumptio, non Deo consumptio,*

eandem constituit, ac fundavit fidem, ut ad Deum iter esset homini per hominem Deum. Spes etiam erigitur, ac firmatur; nam, inquit idem Sanctus Augustinus libr. 12. de Civitat. cap. 10. Quid tam necessarium fuit ad erigendam spem nostram, mentesque mortalium conditione ipsius mortalitatis obiectas, ab immortalitatis desperatione liberandas, quam ut demonstraretur nobis quanti non penderet Deus, quantumque diligeret? Denique Caritas mirum in modum accenditur; nam, inquit Sanctus Augustinus lib. de catechizandis Rudibus cap. 4. Quæ major est causa adventus Domini, nisi ut ostenderet Deus dilectionem suam in nobis? Et infra, Si amare pigeat, saltem redamare non pigeat.

Dices primò. Inconveniens videtur, quòd per tantum pretium, qualis est Christus, tam pauci homines salventur: convenientiusque videtur, quòd Deus usurpasset aliud medium, quo omnes homines salventur: igitur Incarnatio Verbi non fuit naturæ humanæ maximè conveniens.

Respondeo primò, tantam esse ejusque electi salutem, ut illam proprii Filii dispendio operari non indignum judicaverit Deus: unde licet pauci salutem consequantur, non propterea id divinæ sapientie incongruum judicari debet.

Adde, quòd si omnes homines fuissent salvati, id minùs vergeret in Dei gloriam; siquidem non ita perfectè nobis exhibuisset Justitiam, & Misericordiam suam: unde Sanctus Augustinus Epist. 105. *Si utrique liberarentur, lateret quid peccato per justitiam debeatur: si nemo, quid gratia largiretur?*

Respondeo secundò, defectum salutis reprobatorum non esse refundendum in ipsam Incarnationem, sed in perversam hominum voluntatem: siquidem Christi Incarnatio fuit medium sufficientissimum ad omnium hominum salutem; quippe Christus Dominus est lux vera, quæ illuminat omnem hominem venientem in hunc mundum: est etiam mediator Dei, & hominum, qui vult omnes homines salvos fieri, & ad agnitionem veritatis venire.

Dices secundò. Modus ille reparandæ humanæ naturæ est convenientior, ratione cujus ipsa magis Deo obstringitur, & ampliores debet grates: at magis esset obstricta Deo si ei gratis suam offensam condonasset; majores enim debet gratias is, cui

Judex gratis condonat, quàm ille, à quo satisfactionem exigit: Ergo &c.

Nego minorem, & ad probationem dico, rationem disparitatis esse, quòd Deus satisfactionem à nobis exigendo, dederit nobis proprium suum Filium, qui pro nobis satisfaceret, gratiasque uberrimas promeretur, & largiretur; quibus etiam nos pro nostro modulo cum illo adorando Redemptore satisfacere possumus. Magis autem hoonorificum videtur posse proprium debitum solvere, quàm illius relaxationem soli clementiæ judicis assignare.

CONCLUSIO TERTIA.

Conveniens etiam fuit Incarnatio Verbi in *si Universo.*

Primò, namque quotquot sunt in universo creaturæ sublimitatis aliquid sortitæ sunt in ipsa hominis ad divinum confortium promotione: cum enim homo sit microcosmos, totiusque universi nomenclatura, illius dignitas, & excellentia in alias creaturas exundat. Hinc Apostolus ad Ephes. 1. ait, *Proposuit* (videlicet Pater æternus) *in dispensatione plenitudinis temporum, instaurare omnia in Christo, quæ in celis, & quæ in terra sunt, in ipso.*

Deinde, summa totius universi perfectio fuit, quòd in eo esset maximus, & perfectissimus gradus entis, qui Deum simul, & creaturam sociaret; quò enim præstantiores sunt, & plures entis gradus in toto mundo; etiam præstantior, ac perfectior censetur: id autem concessum est per mysterium Incarnationis, in quo habemus Deum, & hominem in una persona subsistentem.

Denique, conveniens erat omnes rerum differentias in universo reperiri, itaut sicut in nobis est unica natura in unica persona, & in Deo unica natura in pluribus personis: ita pariter essent plures naturæ in unica persona; quod utique factum est per Incarnationem, tres namque naturæ, videlicet Divina, Spiritualis, & Corporea, in una Christi persona sociantur.

QUÆSTIO SECUNDA.

An convenientius fuerit naturam humanam, quam Angelicam, aut aliam à Verbo assumi.

Notandum 1. Ex nostro Alensi 3. part. qu. 1. membr. 6. quod longè major, & multiplex videtur similitudo hominis ad Deum, quàm sit in Angelo. Siquidem in hominis anima relucet Dei effigies in natura, in persona, in potentia: *In natura* quidem, quia inquit S. Augustinus ser. 27. qui est de *imagine*, sicut Deus ubique totus est, omnia vivificans, movens, & gubernans: ita anima ubique in suo corpore tota viget, movet, & gubernat, quod non convenit Angelo, quia non est substantia ordinata ad vivificandum corpus. Insuper in homine est similitudo secundum *rationem persone*, quia homo procedit ab homine, sicut una persona in divinis procedit ab alia: Angelus autem unus non procedit ab alio: Denique est similitudo in potentia, quia in homine est potentia respondens totaliter exemplari; cum enim in divino exemplati sit eminenter ratio entis corporis, & spiritalis, utramque hanc rationem anima sortitur, quippe ordinatur ad actiones spirituales, & corporeas; quod Angelus habere nequit, cum enim simpliciter spiritalis sit, non ordinatur ex natura sua ad actiones corporeas, ex quibus homo videtur majorem affinitatem habere ad Deum, quàm Angelus.

Notandum 2. Reverà naturam Angelicam, & humanam, (maximè si Angelos perduelles species) indignam fuisse, quæ divinitati uniretur: Angeli namque non minis, imò gravius divinam provocaverunt animadversionem, & vindictam, quàm homines: siquidem tam Angelus prævaricator, quàm homo, divinitatem ambiit; ille quidem supremam Dei maiestatem, ac potestatem æmulando, juxta illud Isaie 15. *In calum concendam, super astra Dei exultabo solum meum, sedebam in montis testamenti, &c.* Alter verò divinam sapientiam à serpente sibi repromissam consecutus est Genes. 3. Unde summa fuit Dei misericordia, eaque pura, quod homines potius, quàm Angelos redimendos suscepit Deus: quia tamen nihil absque ratione ejus divina sapientia molitur, hinc querimus quænam

sint illæ rationes, quæ veluti tot incentiva divini erga homines amoris extiterunt, ut eos potius, quàm Angelos, ab æterna miseria relevaret.

Notandum 3. Deum potuisse hominem fieri variis modis; nimirum vel creando sibi corpus, & animam, & utrumque assumendo independenter ab ullo creaturæ commercio, nec ducendo ex Matre originem, ac Nativitatem: vel si Matrem habere voluisset in terris, sicut & Patrem in cælis, potuit illam formare extra Adami lineam, & propagationem; ita quod per solam ejus extraordinariam potentiam formata, nec ab hominibus genita, non esset censenda ex Adami posteris, nec ullatenus ad illius prosapiam spectaret. An autem alteruter ex his modis convenientior fuerit, quàm is, quo de facto Verbum Divinum carnem assumpsit, determinandum est in præsentī quæstione duabus conclusionibus absolvenda: quarum *Prima* aperiet convenientius fuisse Deo, quod naturam humanam assumeret, & repararet, quàm Angelicam. *Secunda*, quod magis expediebat naturam assumere ab Adamo propagatam, quàm aliunde formatam.

CONCLUSIO PRIMA.

Convenientius fuit assumere, & reparare humanam naturam, quàm Angelicam. Quod equidem satis, superque probat ipsa Dei operatio, quippe divina ejus sapientia, quæ omnia librat, & operatur in pondere, numero, & mensura, *Nusquam Angelos apprehendit, sed semen Abraham apprehendit*, inquit S. Paulus ad Hebræos 2. Ratio autem hujus majoris convenientiæ peti potest, tum ex parte constitutionis ipsius naturæ humanæ, tum ex parte majoris capacitatis illius ad reparationem. *Ex parte quidem illius constitutionis*, idque triplici de causa, quam assignat, & expendit seraphicus Doctor in 3. dist. 2. qu. 2. quarum prima petitur ex *ratione originis*, & propagationis unius hominis ab alio: cum enim unus homo ab altero ducat originem, quod Angelo non convenit, ideò magis decebat, quod persona Filii, quæ distinguitur à persona Patris secundum originem, eam naturam acciperet, in qua proprietas filiationis resideret. Quod utique factum est in humanæ naturæ assumptione: nam idem ipse, qui ab æterno erat Patris Filius, ex tem-

porc factus est Filius Virginis Matris. *Secunda ratio* est, propter maiorem hominis cum Deo similitudinem ratione ipsius animæ rationalis, quæ, ut diximus in primo notabili, Dei immensitatem velut æmulatur, cum tota sit indivisim in toto suo corpore, sicut Deus totus est in singulis mundi partibus. Hic, inquit seraphicus Doctor, anima rationalis non tantum representat Deum, prout consideratur in se, sed in quantum unitur corpori, quod regit, & in quo inhabitat, sicut Deus cælum, & tetram implet. *Tertia denique ratio* majoris congruitatis, petitur à multiplici hominis compositione; quia enim homo compositus est ex natura corporali, & spiritali, & quodammodo est omnis creatura: habet enim esse cum elementis, & rebus inanimatis, vivere cum plantis, sentire cum animalibus, intelligere cum Angelis: hinc est, quòd eam humana natura sumitur, & deificatur, quodammodo omnis natura in ea sublimatur, dum in parte sibi simili deitati hypostatice unitur: unde assumptio humanæ naturæ longè melius confert ad universi perfectionem, quàm conferre potuisset Angelica, si fuisset assumpta.

Patet etiam major illa convenientia, ex parte reparationis, idque tribus de causis. *Primò*, quidem quia natura humana magis indigebat reparatione: *Secundò*, quia minis ea indigna erat: *Tertiò*, quia reparatio magiserat profutura hominibus, quàm Angelis prævaticatoribus. Magis quidem *indigebat reparatione* humana natura, quàm Angelica, nam ait Alensis qu. 1. memb. 2. in primo homine erat tota natura humana; idcirco, ipso peccante, & deperdito, universa patiter ejus propagò perit: secus est autem de Angelis perduellibus, quoniam nullus eorum totam naturam Angelicam comprehendebat, sed eorum peccata personalia fuerunt; nec propter perduelles Angelos cadentes tota perit Angelica natura; siquidem plurimi fideles, & Deo obsequentes perstituerunt; adeoque non erat ita opus eis remedio, ac reparatione: secus humanitati, quæ per unius hominis delictum universa corrupta fuerat, & deperditæ; non decebat autem divinam misericordiam, & summam Dei bonitatem, ut naturam rationalem sibi maximè affinem, & similem, æterno interitui, ac perpetuæ damnationi consignaret. *Id enim indignum erat bonitate Dei, si, quæ ab ipso creata essent, in in-*

teritum abirent ob diaboli adversus homines syn-
dem, inquit S. Athanasius, libro de Incarnatione Verbi Dei.

Secundò, homo minis indignus erat divina misericordia; siquidem non ita grave fuit humanum peccatum, ac Angelicum, sive attendas genus peccati, sive circumstantiam, sive occasionem. Attendendo quidem *genus peccati*, nam licet homo, & Angelus peccaverint per superbiam; longè tamen utriusque dispar est reatus, siquidem, inquit Alensis, homo peccavit appetendo omnem scientiam Dei, Angelus verò illius omnipotentiam: Deus autem nullatenus vult communicare alicui creaturæ pro quolibet statu suam omnipotentiam, eo quòd ratione illius est omnium creaturarum principium, quàm præcellentiam nulli vult esse communem: scientiam autem vult communicare creaturæ in statu gloriæ, nam seipsum, & omnia, quæ in ipso sunt, demonstrat beatis mentibus, quibus omnimodum scientiæ suæ lumen largitur. Quia ergo summa inordinatio est id appetere, ad quòd nulla creatura ordinatur: hinc est quòd gravius peccavit Angelus appetendo omnipotentiam, quàm homo æmulando scientiam, ad quam ordinabatur.

Gravius etiam fuit peccatum Angeli, quàm hominis *ratione circumstantiæ*, quippe homo peccavit ratione alicuius necessitatis: existimabat enim comminationem divinam sibi factam magis intentari ad probationem, quàm ad supplicium: Angelus verò peccavit ex certa scientia; adeoque ex malitia; & sic peccatum illius erat in Spiritum sanctum, & consequenter irremissibile. *Denique* minus etiam fuit peccatum hominis, quàm Angeli ratione occasionis, homo namque non peccavit propria sua proclivitate, & determinatione ad malum, sed instigante, & sollicitante uxore, quæ à serpente decepta, virum suum in deceptionem adduxit. Iustum ergo fuit, ut qui per alium ceciderat, etiam per alium relevaretur, cum per seipsum surgere non posset: secus autem erat de Angelo, qui non alterius astutia, sed propria sua malitia lapsus fuerat.

Denique minus profutura erat redemptio Angelis perditis, quàm hominibus, quippe Angeli, ubi semel lapsi sunt, obfirmatam in malo voluntatem habent, nec amplius agendæ penitentia sunt capaces.

His addè, quòd Angelorum ruina potuit

tuit reparari per homines, eos videlicet promovendo ad perduellum Angelorum sedes, ut egregie demonstrat S. Anselmus lib. 1. *Cur Deus homo*, capite 16. & 17. hominum verò lapsus non poterat convenienter suppleri substituto aliam naturam loco humanæ; quippe nulla inferior homine apparet creatura divinæ gloriæ capax.

Has omnes rationes luculenter, ac devotè perstringit S. Bernardus sermone primo de Adventu, his verbis. *Novit in affectum malitiæ, & nequitie transisse Angelos desertores, nec exigentia aliqua, seu infirmitate peccasse, idèque pariter necesse est pati-tere nolentes: Patris enim amor, & honor regis judicium diligit. Propter hoc enim, & ipse creavit homines ab initio, qui supplerent locum illum, & ruinas Hierusalem restituerent. Sciebat enim nullam Angelis patere redeundi viam: nempe novit superbiam Moab, quòd superbus sit valde, & superbia ejus penitentis remedium non admittit, at per hoc, nec venit. At verò hominis vice nullam posse condidit creaturam; innuens ex hoc ipso redimendum adhuc hominem: quippe quem supplantavit aliena malitiæ, idèque prodesse ei potest charitas aliena. Ite, Domine, obsecro, complacere tibi, ut eruas me, quoniam ego infirmus sum: quoniam de terra mea fur- tim sublatus sum, & hic innocens in lacum missus sum: non penitus quidem innocens, sed quantum ad eum, qui me seduxit, innocens aliquatenus.*

Dices primò, ea natura magis apparet unibilis Deo, quæ majorem cum ipso habet affinitatem: sed Angelica natura majorem, & intimiorem habet affinitatem cum Deo, quàm humana: ergo &c. Major constat, unibilia namque debent habere quamdam proportionem ad invicem. Minor patet, quia *quantò subtilior est natura*, inquit S. Isidorus in libris de Trinitate, *tantò plenius affinitat ad similitudinem divinæ unitatis expressa*: natura autem Angelica subtilior est, quàm humana, utpotè expertis omnis commercii, ac societatis cum corpore: igitur magis ad similitudinem divinæ naturæ, quàm humana accedit: & consequenter magis est cum ipsa unibilis.

Distingo majorem. Quæ majorem habet affinitatem cum naturâ divinâ, sub ea ratione, quæ est ipsi unibilis, concedo: secus nego: natura autem humana majorem habet similitudinem, & proportionem cum natura divinâ sub ratione, quia ipsi unibilis

est, quàm Angelica; quia ratio personæ, per quam Deus unibilis est homini, magis exprimitur per hominem, quia ab altero originem ducit, quàm per Angelum, qui ita non procedit ab alio Angelo; igitur licet Angelus ratione suæ simplicitatis magis exprimat divinam essentiam sub ratione essentiz, quia totus spiritualis est; tamen non ita perfectè exprimit personas divinas, & modum processionis, quo una originem ducit ab altera, sicut homines; & subindè non habet majorem, imò minorem affinitatem cum divinâ natura sub ea ratione, qua Deus unibilis est cum creatura.

Dices secundò. Illa natura dicenda est magis cum Deo unibilis, quæ propter suam excellentiam dignior est, & aptior, quæ sublimetur, & exaltetur; sed Angelica natura, cùm humana sit longè præstantior, etiam dignior, & aptior est, quæ per incarnationem sublimetur; igitur convenientius fuit ipsam assumi, quàm humanam.

Respondet Seraphicus Doctor dist. 2. qu. 2, ad 2. quòd et si Angelus altior sit natura, quàm homo; per gratiam tamen unionis magis decuit hominem, quàm Angelum exaltari, & ad confutandam superbiam Luciferi, qui Deo voluit æquari, & ad commendandam gratiam Dei, ut appareat, quòd sublimatio in gloria non fit ex natura, sed potius ex gratia divina: quapropter adorandus Salvator sibi affectus magis elegit pauperes, & ignobiles, quàm divites, & potentes, ut frangeret hominum superbiam, & ne gloriaretur omnis creatura in conspectu ejus.

Dices tertio. Major apparet misericordia, ubi grandior est miseria; sed longè grandior est miseria Angelorum peccatorum, cùm gravius fuerit eorum peccatum, quàm hominum; ergo magis decebat misericordiam divinam eos redimere, quàm homines.

Nego minorem: longè namque major erat hominum peccatorum miseria, quàm Angelorum, utpotè cùm non omnes lapsi fuerint Angeli, sicut homines, nec tota perierit Angelica natura sicut humana, idcirco convenientius fuit homines reparari, quàm Angelos. *His adde*, quòd Angeli perduelles minus erant digni misericordia propter suam superbiam, & obfirmatam malitiam: cùm enim obliuati sint universaliter in malitia, inquit seraphicus Doctor *ad 4.* non inflammarentur ad humilitatem, nec per

exhibitionem tanti beneficii, & exempli ad charitatem accenderentur; videmus enim illud hodie in multis peccatoribus, quibus propter suam assuetam perversitatem parum prodest Christi Domini Passio.

Dices quarto, ab eo congruè incipi debuit redemptio, à quo prævaricatio sumpsit exordium: sed hæc originem habet ab Angelo, qui fuit totius prævaricationis auctor: igitur reparatio similiter debuit ab illo inchoari.

Respondet seraphicus Doctor, quod prævaricatio generis humani sumpsit exordium à demone, & ab homine, sed cum hoc discrimine, quod ab homine processit tamquam à principali auctore, à demone verò sicut suggestore, & instigatore: cum autem Christus sit auctor nostræ redemptionis, convenientius fuit, ut ipsam auspicaretur ab auctore prævaricationis, quatenus perditionis restitutio directè quadret: & quemadmodum, in primo Adam facta est nostræ prævaricationis consummatio, sic per secundum Adam, fieret nostræ redemptionis perfectio.

Dices denique: tam mortale fuit peccatum hominis, quam Angeli: sed peccatum mortale est irremediabile: idcirco enim mortale dicitur, quia mortem æternam inducit, ac perpetuæ damnationis reum devovet; igitur tam homo, quam Angelus, indignus, & incapax erat redemptionis; & subindè non fuit convenientius ipsum, quam Angelum reparari.

Respondet Alensis qu. 1. memb. 2. *ad primam rationem*, quod irremediabile dicitur tripliciter, sicut & invisibile: scilicet, negativè, privativè, contrariè. *Irremediabile negativè est*, quod nullo modo potest remitti: *irremediabile privativè est*, quod non habet aliquid dignum, per quod debeat remitti: *irremediabile contrariè est*, quod habet contrariam dispositionem ad remittendum, sine qua nullo modo potest remitti. *Primo modo*, dicitur irremediabile peccatum Angeli, & peccatum damnatorum: *Secundo modo*, dicuntur irremissibilia peccata in Spiritum sanctum, scilicet, desperatio, præsumptio, &c. quia sunt sub dispositionibus contrariis ad remissionem: *Tertio modo*, dicitur omne peccatum mortale irremissibile, quia nullum mortale habet aliquid, per quod sit dignum remissione. Hæc ultima ratione pecca-

tum hominis erat irremissibile, non verò duabus primis, & subindè non est eadem ratio de reparatione hominis, ac Angeli.

CONCLUSIO SECUNDA.

Convenientius fuit, ut assumeretur natura humana ex Adami propagine, quam aliunde formata. Hæc conclusio sequitur ex præcedentibus, camque probat S. Anselmus libro secundo, *Cur Deus homo*, capite octavo, triplici ratione.

Primò, Justum est, utile, qui satisfacit, sit vel idem, qui peccavit, vel aliquis ex ejus origine; aliàs qui offendit, satisfactionem non impenderet: sed justum fuit, ut pro culpa hominis satisfaceret Deo: ergo pariter justum est, ut homo ille satisfaciens, vel sit Adamus, qui offendit, vel aliquis ex ejus propagine.

Secundò, si Adam non peccasset, totum humanum genus per se stitisset in innocentia, absque ope, & sustentatione alterius creaturæ: ergo surgere debeat, convenientius est, ut resurgat per opem, & auxilium alicujus, qui sit ejusdem generis: sed si homo assumptus aliunde, quam ex Adami propagine formaretur, non esset ejusdem status cum genere humano: igitur humanum genus non surgeret per opem alicujus sui generis.

Denique, quando Deus primitivè humanam naturam formavit, solum Adamum produxit, & ex eo eduxit seminam; quo significaret se velle, ut omnes homines ab eo tamquam à suo principio propagarentur: quapropter Adamus omnium hominum caput, & princeps extitit ante peccatum: igitur si reparari debeat illa dignitas per Verbi Incarnationem, oportuit quod repararetur, vel per ipsum Adamum assumptum, vel per alium hominem ex ejus propagine formatum: sed non potuit Adamus assumi, quia proprietates hominis assumpti tribuuntur personæ divinæ assumpti: ac proinde fuit est verum dicere de Adamo, quod peccavit, etiam verum esset dicere de personâ divinâ, quod peccasset: hoc autem absolute repugnat divinæ sanctitati: igitur etiam repugnat, ut Adamus ipse assumatur à Verbo: oportet ergo, ut alius homo assumatur, qui licet sit ex Adami propagine, tamen nullum habuerit peccatum.

Di-

Dicitur: Congruum fuit, ut ille homo, qui pro omnium reatu satisfacere debebat, maxime alienus esset ab omni peccato: sed talis non foret, si esset ex Adami propagatione: igitur convenientius fuit, ut homo ille satisfaciens, aliunde quam ex Adami prole formaretur. Probat minor: Qui nullam habet similitudinem carnis peccati, nec ullum cum peccatoribus commercium, magis est alienus à peccato, quam qui illis characteribus afficitur: at talis esset homo aliunde, quam ex Adami sanguine formatus; non esset autem talis, qui ab eo propagaretur: igitur magis expediebat hominem creati de novo, ut assumeretur, quam ab Adamo propagari.

Distinguo minorem, & ejus probationem. Si illa similitudo carnis peccati sit ratione culpe, concedo: si dumtaxat ratione pene debita; nego: in homine autem à Verbo assumpto, hoc est in Christo, non est similitudo carnis peccati ratione culpæ; sed dumtaxat ratione pene, quia Verbum divinum assumpsit corpus mortale, quo debitam nostris peccatis penam per acerbissimam suam passionem, & totius laboriosæ vitæ crebras angustias lueret, & solveret.

Dicitur secundò: Convenientius fuit, ut qui debitum contraxit, ille solveret: sed Adamus ipse contraxit debitum peccati: ergo congruum fuit, ut illud ipse solveret, & subinde, ut ejus individuum à Verbo divino assumeretur.

Distinguo majorem. Si possit per se solum solvere debitum illud, aut illius beneficio, & ope, cum quo non habeat absolutam impossibilitatem, concedo: secus, nego. Adamus autem, nec poterat per se solvere debitum, neque ope alicujus personæ divinæ, cum qua uniretur: quia ipse erat limitatæ entitatis, & operationis, ac proinde non poterat exactè satisfacere pro debito, quod summam indignitatem habebat ratione Divinitatis offensæ. Nec etiam sociari poterat cum Deo in unitate personæ, quia cum ipse fuerit peccator, sequeretur etiam, quod divina Persona dici posset peccatrix, quod omnino absurdum est: igitur id fieri nec potuit, nec debuit.

Potes, an convenientius fuerit Christum nasci ex Virgine, quam ex viro, & femina. *Affirmo*: tum quia decens erat, ut qui Patrem Virginem habet in celis, etiam Virginem Matrem in terris haberet: tum quia, inquit S. Anselmus supra, *Quatuor modis po-*

testi Deus facere hominem, videlicet, aut de viro, & de femina, sicut assiduus usus monstrat; aut nec de viro, nec de femina, sicut creavit Adam; aut de viro sine femina, sicut fecit Evam, aut de femina sine viro, quod ante Incarnationem non fecerat. Ut igitur hunc quoque modum probaret suæ subjacere potestati, & ad hoc ipsum opus dilatum esse, nihil convenientius, quam, ut de femina sine viro, assumeret illum hominem, quem querimus. Tum denique quia hoc magis commendabat, & illustrabat Verbi Incarnati puritatem, & integritatem.

QUÆSTIO TERTIA.

Utrum Convenientius fuerit Filium, quam Patrem, aut Spiritum sanctum incarnari.

Notandum 1. Certum esse quamlibet è divinis personis posse humanam naturam assumere, sive ex Adamo propagatam, sive aliunde formatam; siquidem quod alia persona, quam Filius assumeret naturam humanam ex Virgine, inde non sequeretur, secundum rei veritatem, inter divinas personas æqualitatis diminutio, nec personarum confusio: nulla enim est confusio, quod una persona diversas habeat appellationes invicem oppositas; quodque, qui Pater est, sit etiam Filius; siquidem nunc credimus, quod unus, & idem sit temporalis, & æternus, immortalis, & mortuus, immensus, & circumscriptus. Nulla etiam est inæqualitatis diminutio, quippe Verbum divinum, ubi carnem assumpsit, licet sit minor Patre secundum humanitatem, tamen est æqualis Patri secundum divinitatem, etenim humana suscipiens divina non amittit. Unde non movetur præfens quæstio de possibilitate, sed dumtaxat de convenientia; an videlicet congruentius fuerit Filium, quam Patrem, aut Spiritum sanctum incarnari.

Notandum 2. Quod etsi Incarnatio, quantum est effectus ad extra, sit opus totius Trinitatis: attamen certum est uni dumtaxat personæ divinæ peculiariter attribui. Quia, inquit S. Bonav. in 3. dist. 1. q. 2. creatura dupliciter comparari potest ad Creatorem; sicut & Creator ad creaturam: Creatura namque comparari potest ad Creatorem, vel secundum susceptionem alicujus perfectionis, vel secundum relationem habitudinis dependentiæ. *Prima comparatio ne-*

cessario respicit tres personas indistincte, & indivise; quippe in eis est unica, & indivisa essentialis perfectio: *Secunda* verò comparatio potest esse respectu alicujus personæ determinatæ, & distinctæ absque eo, quod respiciat alteram, quia personæ divinz invicem relationibus, & realiter distinguuntur. Similiter Deus potest dupliciter comparari ad creaturam: videlicet in ratione principii causantis, & in ratione suppositi sustentificantis. Secundum primam comparationem invicem conveniunt, & communicant tres personæ, quia in ipsis est unica natura, & unica virtus creaturarum productiva: secundum verò comparationem alteram creatura potest habere respectum distinctum ad unicam dumtaxat personam divinam; quia licet una persona conveniat cum altera in natura, & virtute, distinguitur tamen ab illa in supposito, & personalis proprietate. Quoniam ergo in unione naturarum, sive incarnatione, persona divina fit suppositum, sive hypostasis naturæ humanæ; ita quod unio, sive incarnatio, non dicat tantum habitudinem Dei ad creaturam per modum causæ, sed etiam per modum suppositi; hinc est quod ex comparatione Dei ad creaturas, una persona uniri potest humanæ naturæ absque eo, quod alia similiter uniat. Ex parte creaturæ idem constat; quippe cum creatura dicat comparationem ad Deum, non solum quantum ad susceptionem complementi, sed etiam quantum ad habitudinem relationis; inde fit, quod Incarnatio possit convenire uni personæ, absque eo quod conveniat alteri.

Notandum 3. Quod etsi divinæ personæ invicem in unitate essentiae, ita indivisim convenient, ut sint unus Deus; attamen aliqua eis peculiariter conveniunt, vel secundum propria, vel secundum appropriata. *Secundum propria*, paternitas tribuitur primæ personæ, filiatio secundæ, & spiratio passiva tertiæ. *Secundum appropriata* verò, potentia tribuitur Patri, sapientia Filio, bonitas, & amor Spiritui sancto. Quia ratio triplex operatio divinis istis personis etiam peculiariter attribuitur, nempe creatio Patri, recreatio Filio, glorificatio, & justificatio Spiritui sancto; quia creatio est opus potentie; recreatio, seu restitutio, opus sapientie; & justificatio, ac glorificatio opus Bonitatis divinæ. Constat autem tres divinas illas præcellentias mirum

in modum effuluisse in Incarnatione Verbi. Potentiam quidem, nam, inquit S. Damascenus libr. 2. cap. 1. *Deus enim perfectum perfectus homo fit, & perficitur, quod est omnium novorum novissimum: quod solum novum sub sole: per quod infinita Dei virtus ostenditur: quid enim majus, quam Deum fieri hominem?* Ponitas similiter mirum in modum elucet in eo, quod Deus non despexit hominem propria culpa miserum, & damnatum, sed commota sint ejus divinæ Misericordiz viscera super ejus languoribus, ut ab eis ipsum solveret: Sapientia denique propter multiplicem illam rationem in 1. quæst. hujus Sectionis assignatam. Queritur autem an convenientius fuerit, Incarnationem censeri opus infinitæ sapientie, quam bonitatis, aut potentie: seu quod idem est, an magis expedierit Incarnationem à Filio potius, quam à Patre, aut Spiritu sancto fieri.

CONCLUSIO UNICA.

R Evera convenientius fuit Filium incarnari, quam Patrem, aut Spiritum sanctum.

Probat hanc conclusionem Seraphicus Doctor supra laudatus qu. 3. hac ferè ratione. Incarnatio spectari potest vel secundum se, vel quatenus ordinatur ad humani generis redemptionem: sed secundum hanc utramque considerationem magis congruum fuit personam Filii incarnari, quam alias.

Primo quidem si spectetur Incarnatio secundum se, & per respectum ad personam, quæ incarnatur, illud aperte constat; quia secunda persona considerari potest vel quatenus est Filius, vel quatenus est Imago, vel quatenus est Verbum: hac autem triplici ratione magis expediebat ipsam incarnari.

Primo quidem, quatenus est Imago; quippe reformanda erat Dei effigies per peccatum in homine detrita: igitur apponenda erat illa naturalis Dei effigies, & imago ad ejus similitudinem homo formatus reformari, & prima divinæ perfectionis lineamenta amulari, & referre posset.

Secundo, quatenus est Verbum, quia ut Verbum est Patris, procedit à Patre, ut Pater se manifestet per ipsum, & ideo sicut ad cogitationis manifestationem, nostrum verbum intellectuale copulatur voci sensibilibus

fic

fic ad divinitatis revelationem congruum fuit, ut Verbum Patris carnem assumeret: quare S. Paulus ad Hebræos 1. ait, *Multi-feriam, multisque modis olim Deus loquens Patribus in Prophetis, novissimè diebus istis locutus est nobis in Filio.*

Postremò quia *Filius* est, congruebat eum carnem assumere, ut esset de genere hominum, & ita Filius hominis: nam, inquit S. Anselmus, in lib. 2. *Cur Deus homo*, cap. 9. *Si qualibet alia persona incarnaretur, essent duo Filii in S. Trinitate, scilicet Filius Dei, qui & ante Incarnationem Filius est: & ille qui per Incarnationem esset Filius Virginis, & sic esset in personis, quæ semper æquales esse debent, inæqualitas secundum dignitatem natiuitatum: digniorem namque natiuitatem habebit natus ex Deo, quam natus ex Virgine.*

Quam utique rationem etiam profert S. Augustinus lib. de Ecclesiasticis dogmatibus cap. secundò, dicens: Non Pater carnem assumpsit, neque Spiritus sanctus, sed Filius tantum, ut qui erat in divinitate Dei Filius, fieret in homine hominis Filius, ne Filii nomen ad alterum transiret, qui non esset æterna Filiatione Filius. Dei ergo Filius hominis factus est Filius, natus secundum divinitatem naturæ ex Deo Dei Filius, & secundum veritatem naturæ, ex homine hominis Filius, ut veritas geniti non adoptione, non appellatione, sed in utraque natiuitate Filii nomen nascendo habere, ut esset, verus Deus, & verus homo, unus Filius.

Secundò ratio eandem veritatem insinuans, petitur ex ipsa comparatione Incarnationis ad *Redemptionem humani generis*. Ex hac enim parte magis congruum fuit Filium incarnari, quam Patrem, aut Spiritum S. siue consideremus hominis lapsum, siue reparandi modum, siue reparationis fructum. *Primò*; inquam, si consideremus hominis lapsum id apparet; quippe lapsus est homo appetendo seisimilitudinem, & æqualitatem; quæ maxime Filio tribuitur in divinis: hinc ipse fuit velut occasio lapsus hominis, & ideo homo inde sumere debuit reparationem, unde habuerat lapsus occasionem. Quam utique rationem non minus eleganter, quam pie expendit S. Bernardus, *Serm. 1. de adventu*, his Verbis, quibus Filium introducit ita loquentem. Ecce occasione mei, Pater creaturas suas amittit. Altitudinem meam primus Angelus affectavit,

& populum, qui sibi crederet, habuit; sed continuo Patris zelus vindicavit in illum, percussit illum pariter cum omnibus suis plaga incurabili, castigatione crudeli. Scientiam quoque, quæ nihilominus mea est, surripere voluit homo: & nec illi quidem misertus est neque pepercit oculus ejus: Duas tantum fecerat nobiles creaturas rationis participes, capaces beatitudinis; Angelum videlicet, atque hominem: sed ecce propter me Angelos perdidit multos, homines universos, ergo ut sciant, quia & ego diligo Patrem, per me recipiat, quos quodammodo amisisse videtur; si propter me hæc tempestas orta est, tollite me, & mittite in mare; omnes invidebo mihi, ecce venio, & talem eis exhibeo memetipsum, ut quisquis gesserit imitari, fiat ei æmulato in bonum.

Hic adde, quòd cum specialiter in filium homines peccaverint, ejus erat peccatum condonare, & remittere, cui facta fuerat offensio. Quam utique rationem profert S. Anselmus loco mox laudato. *Quasi specialius*, inquit, *adversus personam Filii peccaverant, qui vera Patris similitudo creditur: illi itaque cui specialius fit injuria, convenientius attribuitur culpæ vindicta, aut indulgentia.* Secundò, si consideremus modum reparationis, ille magis competebat Filio, quam cæteris personis: reparati enim sumus per Mediatoris obedientiam, & supplicationem: ratio autem Mediatoris magis Filio, quam cæteris personis conveniebat; decebat namque ut qui medius est inter divinas personas, etiam medium se ferret inter Deum, & hominem, ut Dei, & hominum mediator existeret. Similiter magis conveniebat Filio supplicare Patri, & obedire: Nam, inquit S. Anselmus ibidem, *convenientius sonat Filium supplicare Patri, quam aliam personam.*

Postremò, si consideremus reparationis fructum, vel effectum, congruentius erat Filium incarnari: quia Incarnatio ad hoc ordinatur, ut simus filii Dei: congruum autem fuit, ut dignitatem filii consequeremur per eum, qui est Filius naturalis. Hinc S. Augustinus lib. 3. de Trinitate cap. 9. *Ut homo ex Deo nasceretur, primò ex ipsi natus est Deus: oportuit enim, ut per eum efficeretur filii adoptivi, qui Filius est naturalis.*

Dices primò. Illius est hominem recreare, & reparare, cujus est creare, & formare: sed

ſed creatio maximè attribuitur, & convenit potentiz Patris: igitur etiam ipſi tribuenda eſt hominis reſtitutio, & reparatio per Incarnationem.

Reſpondeo, Incarnationem ſpectari poſſe vel effectivè, vel formaliter: Primo modo què convenit tribus adorandis perſonis; non item ſecundo modo. Unde *Diſtinguo majorem*, Ei convenit reparare, cui convenit formare, effectivè, concedo: formaliter, nego. Effectivè, inquam, Incarnatio maximè tribuitur Patri, qui ſic dilexit mundum, ut Filium ſuum unigenitum daret; nec proprio Filio pepercit, ſed pro omnibus tradidit illum: formaliter autem unicè tribuitur Filio, quippè ſola ipſus perſonalitas terminat dependentiam naturæ humanæ, & eam formaliter afficiens efficit ſubſiſtentem, & perſonatam.

Dices ſecundò, Illius eſt in Filios adoptare, cujus eſt generare: ſed ſolius Patris eſt generare: ergo ſolius eſt Patris homines per Incarnationem in Filios adoptare.

Diſtinguo majorem. Authoritativè, & principaliter, concedo: ſubauthoritativè, & ſecundum miſſionem, nego. Competit itaque Patri authoritas adoptandi principaliter, quia, inquit Apoſtolus ad Gal. 4. *Miſi Deus Filium ſuum ſolum ex muliere, factum ſub lege, ut eos, qui ſub legè erant redimeret, ut adoptionem Filiorum reciperemus.*

Dices tertio, Magis decet Patrem habere aliquid, quod non habeat Filius, quàm Filium habere, quod non habeat Pater, quia quod habet Filius, habet à Patre: ſed per Incarnationem una perſona habet aliquid, quod non habet altera: ergo magis expedit Patrem, quàm Filium incarnari.

Diſtinguo majorem, Magis decet Patrem habere aliquid, quod non habeat Filius, ſecundum originem æternam, concedo: ſecundum unionem hypſtaticam, nego. Habere debet equidem Pater ſecundum originem æternam aliquid, quod non habet Filius, quia Pater habet vim generativam Filii, Filius autem viciffim non habet vim generativam Patris. Secus eſt autem de unionis hypſtaticæ, cum enim per eam una perſona ſubſiciatur alteri, convenientius eſt, ut id habeat Filius, quo poſſit Patri ſubſici, quàm quo Pater Filio inferior cenſeatur; & ſubinde magis expedit Filium habere naturam humanam, qua minor eſt Patre; quàm quòd Pater ratione illius Filio ſubjiceretur.

Dices quarto, Ei maximè congruit Incarnatio, cui comperit ſummam gratiam homini conferre, illa enim eſt omnium gratiarum ſumma: ſed ſummæ gratiæ largitio maximè competit Spiritui ſancto: igitur ipſi congruentius etiam tribuenda eſt Incarnatio.

Diſtinguo majorem, Cui ſummæ gratiæ largitio tribuitur, vel effectivè, vel formaliter, concedo; effectivè duntaxat, nego: Incarnatio quidem effectivè appropriatur Spiritui ſancto, quia ſummum Dei in homines amoris, & bonitatis opus, qualis eſt Incarnatio, maximè appropriatur ei perſonæ, quæ Dei amor, & bonitas appellatur: formaliter autem ſoli Verbo convenit, ut pote cum ſolum Verbum ſua perſonalitate naturam humanam ſecerit ſubſiſtentem.

QUÆSTIO QUARTA.

An convenienti tempore facta fuerit Incarnatio.

Notandum primò, præſentem difficultatem moveri maximè de triplici temporis circumſtantia, quo fieri debuit Incarnatio, nempe initio, medio, & fine durationis mundi: cum enim Adamus in mundi exordio lapſus fuerit, videtur fuiſſe convenientius, ut ſubveniretur ejus miſeriz paulò poſt quàm à ſtatu ſuæ felicitatis excidit: ſalubrior enim, & opportunior apparet medicina, quæ non poſt diuturnam ægri tudinem, ſed ejus initio paratur, ac propinatur. Cum autem divina Sapiencia omnes ſuos actus, & motus juſta, & æqua lance libret, omniaque ſuaviter diſponat, inveſtigandæ ſunt rationes, cur tamdiu tamque ſerò ſalubrem, ac ſalutarem illam medicinam humano generi conferendam diſtulerit.

Notandum ſecundò, tempus quo peracta eſt Incarnatio, variis nominibus in Scriptura ſacra designari. Primò enim dicitur *noviſſimus dies*. Sic Iſaie 2. *Erit in noviſſimis diebus preparatus mons Domini*. Secundo *plenitudo temporis*. Sic ad Galatas 4. *Ubi venit plenitudo temporis miſi Deus Filium*. Tertio *vocatur medium annorum*, Sic Abacuc 3. *Opus tuum in medio annorum vivifica illud. In medio annorum notum facies*. Dicitur autem *medium annorum*, non quafi eo nomine ſignificetur medium durationis mundi, alioqui cognoscere poſſemus, quo tempore futurus ſit dies judicii: quod directè militat in illud

Chri-

Christi oraculum : *De die autem illa nemo scit, &c.* sed ut declararetur tempus à Deo præstitum; est enim familiare in Scriptura id appellare in medio rei alicujus, quod est intra ipsam. Sic Psalm. 100. *Non habitabis in medio domus mee, qui facit superbiam.* Jerem. 51. *Fugite de medio Babylonis.* Appellatur autem *plenitudo temporis*, ut significetur tempus, vel quo Deus implere voluit, quod promiserat, & definierat; vel quo implendæ erant figuræ, vel maxime quo plenitudo gratiæ conferenda erat, & manifestanda. Dicitur denique *novissimus dies*; quippe peractum est hoc ineffabile mysterium in ultima mundi ætate, per quam lex gratiæ duratura est, nec ulteriorem sibi succedentem est habitura: quod ut plenius, pleniusque declaretur,

Notandum tertio, universam mundi durationem per sex ætates solito distribui; juxta notabiles variationes, & celeberrimos eventus, qui in orbe, maxime verò apud populum Judaicum, contigerunt. *Prima* computatur ab Adamo usque ad Noe, seu diluvium; *Secunda* à Noe usque ad Abraham; *Tertia* ab Abrahamo usque ad Davidem; *Quarta* à Davide usque ad captivitatem Babylonicam; *Quinta* à captivitate usque ad Christum; *Sexta* denique à Christo Domino usque ad finem mundi. Qua ratione Christus Dominus dicitur venisse novissimis diebus, quia venit in ultima ætate, atque ad mundi vespertam. *Prima ætas* duravit mille sexcentis quinquaginta sex annis, ut clarè colligitur ex Genesi 5. & 7. juxta Hebraicam vetustam, & novam editionem. *Secunda* videtur durasse 322. annis, quia licet ex Genesi 11. 292. tantum anni colligantur; tamen cum ibi prætermissi fuerit generatio Cainam, quam Septuaginta Interpretes addiderunt, & S. Luc. Cap. 5. ideo illi numero ad minus addendi sunt triginta anni quibus Cainam vixerit antequam generaret filios. *Tertia* videtur durasse 941. nam ab ortu Abraham usque ad promissionem illi factam, fluxerunt 75. anni, Genesi 12. ab illa autem promissione usque ad finem captivitatis populi in Ægypto, seu usque ad legem datam, quod contigit post tres menses ab illo exiit, fluxerunt 430. à lege autem data usque ad initium regni David fuerunt 436. ut evidenter sumitur ex lib. 3. Regum cap. 6. qui 436. additi supra quinque, & quingentos, efficiunt dictum numerum 941. quibus hæc tertia ætas durasse videtur. *Quarta*

autem ætas, qua Judæorum regnum duravit, ab initio regni David usque ad captivitatem Babylonicam, completa fuit annis 470. ut colligere est ex lib. 3. Reg. cap. 2. 11. 22. & lib. 4. à cap. 8. *Quinta ætas* omnium difficillima, quantum ad sui durationem; Historici enim, & Chronologistæ sacri varias hac de re sciuntur in sententias. Nam *Genebrardus* lib. 2. Chronologiz tribuit huic ætati annos 501. *Beda* verò in lib. de sex ætatibus, numerat 560. *Driedo* lib. 3. de dogmatibus cap. 5. computat 596. *Eusebius* in Chronico vult esse 585. Nonnulli verò cum Suare in 3. part. qu. 1. disp. 6. sect. 1. sexcentos annos huic ætati assignant; ex quibus colligit Incarnationem factam esse circa quater millesimum annum à creatione mundi: quæ sententia an verior sit, non est hujus loci resolvere, sed dumtaxat aperire rationes, quæ suadere possunt illam convenienti tempore fuisse peractam.

CONCLUSIO UNICA.

Convenientius fuit, ut Christi Domini Incarnatio non fieret ab initio mundi; nec differretur ad ejus finem: sed quasi circa saculorum finem perageretur. Hæc conclusio tribus partibus constat: quarum *primam* sic probat S. Bonaventura in 3. disp. 1. qu. 4. idque quadruplici ratione. *Prima* quidem petenda ex parte divine justitiæ. In hoc enim, inquit, manifestatur divinæ ultionis severitas, quæ tot c'amores, totque hominum luctus, quibus Salvatore deprecabantur tanto tempore sustinuerit, nec citius exaudierit: & ut Adamo ipsi in lymbis exulanti, & omnibus ejus posteris, appareret, quanta fuisset ipsius offensæ gravitas, quàmque acerba ultione Deus in ipsum animadvertat. *Secunda* petitur à curatione morbi; oportuit enim hominem prius nosse suam impotentiam ad necessarium sibi remedium præstandum, quàm illud divinitus acciperet, ut sic de sua infirmitate convictus confugeret ad divinam gratiam, & sic confugiens curaretur. *Tertiam* repetit ex ordine universi: quia enim, inquit, hoc erat plenum, & maximum beneficium, differri debuit usque ad plenitudinem dierum. *Quarta* ratio fuit propter commendandum Incarnationis beneficium quod cum pretiosissimum sit inter Dei beneficia, prius debuit esse desideratum, & expectatum, quam exhibitum. Convenientius igitur fuit ad commendationem tam excellent-

cellentis mysterii, ut plurima sæcula præcederent ejus executionem: ut nempe tot sæculorum decursu Christus Salvator postularetur à Patriarchis, prædiceretur à Prophetis, à legis Mosaicæ umbris prefiguraretur, & esset desideratus cunctis Gentibus; nam, ut ait S. Aug. tract. 31. in Joannem; *Quanto major judex veniebat, tanto præconum series longior præcedere debebat.*

Addit S. Thomas qu. 1. art. 5. non fuisse conveniens Verbum incarnari statim post commissum peccatum. *Primo* propter conditionem peccati, quod originem ducebat ex superbia; humiliandus enim fuit homo priusquam liberaretur, unde reliquit eum Dominus prius in libertate arbitrii sub lege naturali, & scripta ut sic suæ naturæ infirmitatem agnosceret; qua cognita clamaret ad medicum, & gratiæ quæreretur auxilium. *Secundo*, id decuit propter ordinem promotionis in bonum, homo namque à statu animalis ad statum spiritualis promoveri debuit, juxta illud Corinth. 15. *Non prius quod spirituale est, sed quod animale, deinde quod spirituale.* Primus homo de terra terrenus; secundus homo de cælo cælestis. *Tertio*, propter dignitatem Verbi incarnandi. Nam, inquit Tertull. lib. 3. contra Marcionem cap. 2. *Tantum opus quod humane salutis parabatur, in quantum credi debebat, ut prodesset, in tantum paraturam desiderabat, ut credi posset, substratum fundamentis dispositionis, & prædicationis, quo ordine fides informata, merito & homini indiceretur à Deo, & Deo exhiberetur ab homine.*

Secunda pars etiam constat; *Tum* quia cum Christus venerit ad promerendam nobis gratiam, & gloriam, & gloria debeat conferri maxime in fine mundi, conveniens videtur, ut prius veniat gratiam largiens, quam gloriam: *Tum* quia si Verbum suum in mundum adventum distulisset usque ad finem mundi, etiam in dies hominum peccata invalerent, Dei notitia, & reverentia, ac morum honestas prius expunctæ fuissent in terris: unde quemadmodum delegavit Abrahamum, ut restitueret Dei cognitionem inter homines, apud quos jam cœperat extinguere: sicut postmodum delegavit Moysen, ut cultum, sibi debitam reverentiam, quæ ferè expuncta fuerat, per Legem scriptam restitueret: sic etiam congruum fuit, ut cum vidit Judæos, ac gentes omnem Dei timorem, ac legem excussisse, delegaret Filium

in terras, ut hominum mores reformaret: *Tum* denique, ut per uberiorem gratiæ largitionem plurimi salvarentur.

Ex his itaque colligitur *tertia pars*, nempe quòd convenienti tempore facta fuerit Incarnatio circa plenitudinem, & medietatem temporum; ut sicut Sol in medio planetarum positus superiores, & inferiores illuminat; sic Christus verus ille sol justitiæ in medio annorum veniens, ac mundo se manifestans, anteriora sæcula per fidem, & spem sui futuri adventus illuminaret, ac illustraret, & sequentia per Evangelicam doctrinam, & Sacramenta sanctificaret, & consecraret.

Dices 1. *Ægro periculoso, & extreme laboranti* quamprimum subveniendum est, & præparanda efficaciora remedia: sed statim ac homo in mortale peccatum lapsus est, morbo periculosissimo laboravit: ergo conveniens fuit, ut ei succurreret Deus per Incarnationem, quæ esset remedium, & medium efficacissimum ad tollendam peccati ægritudinem.

Distinguo majorem: Si ita expediat curandæ ægritudini, concedo: secus, nego: non expediebat autem sanandæ hominis infirmitati, ut ei statim ac in peccatum lapsus est, per Incarnationem mederetur; ne remedium illud, vel ex superbia contemneret, vel sibi debitum existimaret: debuit ergo prius suam infirmitatem, inopiam, ac imbecillitatem agnoscere, & sic efficacius medici charitatem implorare.

Dices 2. Ex 1. ad Timoth. 5. Christus venit in mundum peccatores salvos facere; sed plures salvati fuissent, si statim ab initio mundi, ejus doctrina, gratia, & exemplis fuissent illustrati: ergo, &c.

Respondet seraphicus Doctor, quòd divina sapientia, ac providentiæ præcipuus ordo postulat, ut commune bonum privato præponatur, & totius universi perfectio perfectioni alicujus personæ singularis; & ideo placuit universalitatis Conditori servare Incarnationis beneficium ad ultimam ætatem, ut ostenderet in aliis benignitatem misericordie, in aliis servaret justitiæ severitatem, in omnes tamen gratiam suam uberiùs derivaret, ubi enim abundavit delictum, superabundavit & gratia.

Addo quòd singulis mundi ætatibus sufficientia media hominibus præbuerit, quibus, si vellent, salutem suam possent promereri.

Di-

Dices 3. Idque contra secundam partem: Frustrâ fiunt per plura, quæ per pauciora possunt impleri: sed per ultimum Christi Domini adventum potuissent homines salvari: igitur prior adventus ad hominum salutem superfluit.

Distinguo majorem: Si ita opportunè fiant, concedo: secus, nego. Ad minorem dico, quod etsi fortè potuissent homines salvari per unicum Christi adventum, si Deus ita ordinasset, ut nempe quicumque in ipsum collocaissent Fidem, Spem, & Dilectionem, illicò fuissent prædestinati, sicut prædestinati fuerunt sancti Angeli propter impensam homini Deo observantiam unico temporis momento, ut vult S. Bernardus; tamen convenientius fuit, ut homines, qui temporanei sunt, ac in suis operationibus succedanei, varios Christi haberent adventus, quatenus per illos sese diligentius, & præstantius ad posteriorem promoverent. Hinc idem S. Bernardus Sermone 3. de Adventu, ait, *Triplicem Christi adventum novimus; ad homines, in homines, contra homines: ad homines quidem indifferenter, non ita in homines, aut contra homines*. Primus fuit per Incarnationem: Secundus sit per gratiæ sanctificantis infusionem: Tertius futurus est, per ultimam Christi in sua Majestate apparitionem. Primus, in humilitate carnis: Secundus, in consecratione mentis: Tertius, in retributione mercedis. Primus fuit ad bonos, & malos, ut iusti fierent: Secundus, dumtaxat ad iustos, ut in sanctitate perseverarent: Tertius, ad electos, & reprobos, ut invariabiliter pœnas luant, aut coronis illustrentur. Convenientius autem fuit duos priores adventus præcedere, ut iusta ordinatione tertius succederet.

SECTIO TERTIA.

De necessitate Incarnationis.

Quamquam omne necessarium sit etiam conveniens, quia res quælibet in tantum censetur necessaria in quantum à Deo, ita ordinatur tanquam medium conducent ad finem; Deus autem ob infinitam suam æquitatem, & sapientiam nil, nisi quod expedit, ordinat, & præscribit; non tamen id omne, quod conveniens est, necessarium existimatur. Idcirco post declaratam convenientiam Incarnationis, illius necessitas est apertè in præsentì scèlio-

ne, in qua resolvendum erit: *Primò*: An, & qualiter necessaria fuerit Incarnatio. *Secundò*: An purus homo potuerit Deo satisfacere pro peccatis omnium hominum. *Tertiò*: An Christus Dominus exactam, & perfectam satisfactionem Deo pro nobis impenderit. *Quartò*: An reverà peracta jam fuerit Incarnatio, seu an Messias venerit.

QUESTIO PRIMA.

An, & qualiter necessaria fuerit Incarnatio.

Notandum 1. Certum esse de fide, omnes omnino homines Adami Proparentis peccato reos teneri, & divinæ iustitiæ obstrictos, & ut debitotes mancipari ad vindictam, & ultionem: ita namque post Apostolum statuit Concil. Trid. sess. 5. can. 2. his verbis, *Si quis Adæ prævaricationem sibi soli, & non ejus propagini asserit nocuisse, & acceptam à Deo satisfactionem, & iustitiam, quam perdidit, sibi soli, & non nobis etiam cum perdidisse, aut inquinatum illum per inobedientie peccatum mortem, & pœnas corporis tantum in humanum genus transfudisse, non autem & peccatum, quod mors est anima, anatema sit; cum contradicat Apostolo dicenti: Per unum hominem peccatum intravit in mundum, & per peccatum mors; & ita in omnes homines mors pertransiit, in quo omnes peccaverunt*; Ex quibus patet, nos omnes in massa perditionis constitutos esse; à qua per meritum unius Mediatoris Jesu Christi, qui nos Deo reconciliavit, educimur. An autem, & qualiter ad istam humani generis reparationem, necesse fuerit Verbum Divinum incarnari, hic erit solvendum.

Notandum secundò, Omisiss variis divisionibus necessitatis, quantum ad præsens institutum, duplicem statui; aliam quidem absolutam, aliam verò hypotheticam. Absoluta est, qua res non potest aliter esse, idque vel simpliciter, ita quod contradictio sit, & repugnantia illam aliter esse, sic necesse est Deum existere. Necessitas hypothetica est, qua aliquid dicitur necessarium ex hypothesi, quod ita sit. Sic ex hypothesi, quod homo currat, necesse est ipsum moveri; non autem necesse est ipsum currere. Prima necessitas dicitur, *invariabilitatis* à S. Anselmo lib. 2. *Cur Deus homo*, cap. 4. Secundà,

da, *immutabilitatis*, quia petitur ex immutabilitate Dei, tum in sua entitate, tum in suis decretis. Vel, ut solito loquuntur Theologi, prima est *neccessitas antecedentis*, secunda verò *neccessitas consequentis*. Porro hic non est sermo de neccessitate absoluta, & simpliciter inevitabili; nullus namque fuit Theologus, qui assereret Incarnationem ita fuisse neccessariam, ut contradictionem implicet Deum non incarnari: sed movetur quæstio de neccessitate immutabilitatis, & hypothetica; siquidem nonnulli sunt, qui existimant neccesse fuisse Deum incarnari ex hypothesi, quod homo lapsus esset. Ita sentire videtur S. Anselmus, toto libro primo *Cur Deus homo*; cui subscribunt Richardus à S. Victore, lib. de Incarnatione, cap. 4. Raymundus Lullius in sua brevi introductoria Arte ad omnes scientias, demonstratione octava, qui tamen videntur à sententia S. Anselmi declinare in eo, quod non absolute pronuntient neccessariam fuisse incarnationem supposito hominis lapsu, sed duntaxat ex hypothesi, quod Deus hominem lapsum promovere vellet ad priorem innocentiam, & ad beatificum statum, ad quem ipsum formaverat. Sanctus autem Anselmus utrumque docere videtur.

Notandum tertio, Hanc utramque neccessitatem, tam absolutam, quam respectivam, & hypotheticam, dupliciter spectari posse per respectum ad finem, nimirum vel absolute, vel secundum quid. Illud dicitur *absolute neccessarium*, sine quo res nequit obtineri: sic navis est neccessaria ad trajiciendum mare. Secundum quid verò, quod conducit tantum ad finem faciliorem, ac perfectiori modo consequendum: sic equus dicitur neccessarius homini bene valenti ad iter agendum. Certum est autem, Incarnationem esse neccessariam secundum quid ad redemptionem hominum, quia præstantiori, ac efficaciori modo per eam Deo satisfactum fuit, & nostris miseris, ac calamitatibus abundantius, ac salubrius fuit consultum, ac provisum. Unde sermo duntaxat hic futurus est de neccessitate absoluta Incarnationis ad salutem hominum.

Duo igitur hic veniunt determinanda. Primum, an supposito hominis lapsu, neccessum fuerit Deum incarnari, ut illum restitueret. Secundum, utrum ex hypothesi, quod Deus hominis restitutionem voluerit ordinare, opus habuerit illam per Incarnationem efficere.

CONCLUSIO PRIMA.

Incarnatio, supposito hominis lapsu non fuit Deo simpliciter neccessaria.

Probat per primò ex Script. facta. Sap. 2. Quis tibi imputaveris si perierint nationes, quas tu fecisti? Non verteretur ergo Deo injustitiæ præjudicium, si hominem lapsum in statu suæ miseriz æternum relinqueret. Et Jeremiz 12. Numquid ipse figulus potero vobis facere domus Israel? Igitur potest Deus citra injustitiam pro sua summa libertate hominem lapsum reparare, vel perditum abjicere, sicut figulus potest vas confractum ad integrum non restituere.

Favet etiam ratio: Deus enim ad extra operatur omnia secundum consilium voluntatis suæ, & in omnibus suis operationibus modulandis liberrimus est, & ab omni coactione, & neccessitate longè semotus; quippè cum ei nihil perfectionis accedat, aut recedat propter salutem, aut perditionem creaturæ: igitur nulla neccessitate impellitur ad hominem perditum recipiendum, & restituendum; ac subinde ad Incarnationem ineundam nulla neccessitate ducitur. Patebit evidentiùs hæc veritas ex sequenti consideratione, sed prius solvendæ sunt rationes, quibus sanctus Anselmus videtur contrarium asserere.

Obijcit itaque primo, lib. 1. *Cur Deus homo* cap. 2. 4. Dei propositum non potest evacuati: sed Deus hominem condendo proposuerat eum promovere ad beatitudinem æternam, quam non potest perungere quamdiu jacet in lapsu: ergo neccessum fuit Deo, ne propositum ejus foret frustraneum, & ne quod de homine proposuerat penitus annihilaretur, ac genus humanum, tam pretiosum ejus opus omnino periret, ut istud à suo lapsu repararet: hoc autem fieri non poterat, nisi per Incarnationem Verbi: igitur illa fuit simpliciter neccessaria.

Respondet, ex hoc argumento nihil aliud sequi, quam quod conveniens equidem fuerit Deum hominis lapsum reparare, non autem, quod aliqua neccessitate ad id fuerit impulsus. Vel si quæ sit illa neccessitas, non alia certè, quam consequentiæ petitæ ex immutabilitate ejus propositi, quod certè absolutam neccessitatem non infert; non enim sequitur, ait seraphicus Doctor *ibidem*, si Deus reparat neccessitate suæ immutabilitatis, quod propter hoc non reparet libertate

rate suæ benignitatis: hæc enim simul stare possunt. *Adde* quòd et si Deus aliquam decentiam, & necessitatem habuerit reparandi homines, non propterea id necessarium debuerit præstare per Incarnationem; quippe varius, ac multiplex ei modus suppediatur salvandi homines, etiam si Verbum non fuisset incarnatum, ut constabit infra.

Obijcit secundò, cap. 24. Non decet summam sapientiam permittere nobilissimam creaturam universaliter sine suo fraudari: sed nisi reparatio hominis lapsi interveniat, omnes homines ad beatitudinem æternam conditi, sine suo fraudarentur, & ita vanè omnes filii hominum essent constituti, quippe injustus est omnis, qui non reddit Deo, quod debet; nullus autem injustus, inquit S. Anselmus, admittitur ad beatitudinem, quoniam quemadmodum beatitudo est sufficientia, in qua nulla est indigentia, sic nulli convenit, nisi in quo pura est iustitia, ut nulla sit in eo iniustitia: ergo necessum fuit Deo ratione suæ sapientiæ divinæ, ut hominem lapsum restitueret, eumque ad debitum suum finem promoveret.

Respondet, prioris argumenti solutionem etiam præsentì facere satis; ex eo enim dumtaxat inferitur, congruum quidem fuisse divinæ sapientiæ, ut hominem Deus è suo lapsu relevaret, & ad finem suum promoveret, & ordinaret; non verò quòd id absolute necessarium fuerit: quippe Deus, ut diximus, liberrimus est in suis operationibus ad extra, & si quid benefici impendit, maxime peccatoribus id largitur: non ex cogente necessitate, sed ex exuberante misericordia, & bonitate.

Obijcit 3. cap. 16. & 17. Indecens foret, ac proinde impossibile, numerum Angelorum, utpotè præstantissimarum creaturarum, imperfectum perpetuo relinquere: atqui numerum illum non conveniebat restaurare ex iis, qui ceciderant; quippe Angelus semel lapsus per poenitentiam Deo reconciliari non potest. *Nec etiam* rescirari posset ille numerus per alios Angelos de novo creandos, quoniam illi, qui substituendi essent, tales esse deberent, quales essent illi, qui ceciderunt si non peccassent: attales esse non possent, quia priores Angeli, qui ceciderunt, meliores essent si perseverassent, quàm forent Angeli posteriores, qui post eorum lapsum crearentur; siquidem priores perseverassent nulla vi vindicta

peccati, & districta animadversione Dei in perduelles: posteriores autem recenter creati, perseverarent dumtaxat post compertam illam vindictam: præstantius autem, & perfectius est perseverare in gratia nullo viso exemplo iustitiæ divinæ vindicantis peccatum, quàm perseverare propter illud exemplum: quia illa perseverantia est ex puro, & solo motivo amoris divini, hæc autem habet admixtum timorem iactus autem, qui simpliciter elicitur ex motivo amoris, præstantior est, quàm qui elicitur ex motivo timoris: igitur prior perseverandi modus præstantior esset posteriori. Ex quibus inferit S. Anselmus, ruinam Angelorum reparandam esse ex alia natura, quàm Angelica; nulla autem alia erat ad id apta, quàm humana: igitur necessum fuit humanam naturam elevari ad supplendum numerum Angelorum. Sed ubi lapsa est, non potuit ad illam elevationem promoveri, nisi relevaretur, & pristinæ innocentie restitueretur: ergo necessum fuit illam salvari, ac proinde Deum habere Salvatorem, quod dumtaxat per Incarnationem obtinuit.

Respondet nullas esse prorsus omnes illas consequentias. *Primò* namque non fuit absolute necesse, sed dumtaxat congruum, Angelorum numerum restaurare, & supplere; nam, ut diximus ex Sap. *Quis ei imputabit si perierint nationes?* quippe cum Deus nihil ex iustitia peccanti debeat præter supplicium. *Secundò*, Minus verum apparet, non potuisse restaurare numerum Angelorum ex his, qui ceciderant, aut ex aliis denuò creatis; siquidem probavimus in 2. Tomo, nullam implicare contradictionem, Angelos ad poenitentiam per divinæ gratiæ subsidium posse revocari, illorum quippe in malo obduratio, maxime provenit ex negato sibi gratiæ auxilio. Potuit Deus denique supplere illum numerum per Angelos denuò creatos: Tum quia non erat necesse, ut restitueretur ex Angelis æquè bonis cum his, qui ceciderant, quippe Deo liberum fuit aliter constituere, & ordinare: Tum etiam, quia Deus gratia sua efficere potuit, ut Angeli recenter creati meliores etiam forent his, qui corruerant; nam gratia Dei non est minus efficax ad bonitatem, & iustitiam servandam, & augendam, quàm animadversio Dei, & ejus vindicta ad puniendum.

Denique, et si Angelorum numerus esset per homines reparandus, non tamen consequens

sequens esset homines illos restituendos esse per Incarnationem Verbi; quippe plurimis aliis modis etiam seclusa Incarnatione, Deus hominem poterat liberare, & saluum facere, quod perierat, ut indicabit

CONCLUSIO SECUNDA.

Incarnatio non fuit simpliciter necessaria, etiam ex hypothesi, quid Deus hominem lapsum restituere, & salvare decreverit: Hæc est communis inter Theologos.

Probatur primò ex Scriptura, quæ Incarnationem commendat tanquam præstantissimum opus, ac beneficium dilectionis, misericordiæ, & liberalitatis divinæ. Sic Joan. 3. *Sic Deus dilexit mundum, ut Filium suum Unigenitum daret, ut omnis, qui credit in ipsum non pereat, sed habeat vitam æternam.* Ad Titum 3. *Secundum misericordiam suam salvos non fecit.* Et 1. Joan. 4. *In hoc apparuit charitas Dei in nobis, quoniam Filium suum Unigenitum misit Deus in mundum, ut vivamus per ipsum:* At opus charitatis, misericordiæ, ac benignitatis divinæ, non est opus necessitatis, sed summæ libertatis: Ergo Incarnatio, per quam Deus restituit homines, non fuit ullatenus ex necessitate.

Reponit S. Anselmus lib. 2. *Cur Deus homo*, cap. 5. duplicem esse distinguendam necessitatem: *Aliam*, quæ cogit aliquem invitum ad beneficiendum, quia non potest aliter facere: & hæc, inquit, necessitas beneficiendi, gratiam aufert, aut minuit, cum enim aliquis ea necessitate, cui subiacet, invitus beneficit, aut nulla, aut minor illi gratia debetur: *Aliam* verò, per quam potius augetur gratia beneficiantis, quia huic necessitati scilicet liberè subjecerit: cum enim aliquis spontè necessitati beneficiendi se subdit, nec invitum sustinet, tum utique beneficii gratiam meretur majorem; non enim hæc dicenda est necessitas, sed gratia, quia nullo cogente illam suscipit, aut servat, sed gratis. Tale est, cum quis sanctæ conversationis voverit proposuit, quamvis namque servari illud ex necessitate post votum debeat, ne apostata damnationem incurrat, & licet cogi possit servare si nolit, si tamen non invitus servat, quod vovit, non minus, sed magis gratus est Deo, quam si non vovisset, quoniam non solum communem vitam, sed etiam ejus licentiam sibi propter Deum ab-

negavit: nec sanctè vivere dicendus est necessitate, sed eadem, qua vovit, libertate. Quare multo magis si Deus facit bonum homini, quod incepit, licet non debeat eum à bono incepto deficere, totum gratiæ debemus imputare; quia hoc propter nos, non propter se, nulliussegen incepit, non enim illum latuit, quid homo facturus erat, cum illum fecit, & tamen bonitate sua illum creando sponte, se ut perficeret inceptum bonum obligavit. Hæc S. Anselmus; quibus significat, quod quia Deus creavit hominem, quem præsciebat peccaturum, ac proinde necessarium fore, ut una è divinis personis incarnaretur, quia ipsum redimeret, & nihilominus eum liberè produxit, & peccare permisit, idcirco hanc necessitatem ipse spontè subire voluit; ac proinde nihil ex ea fuit liberalitatis, gratiæ, amoris, & benignitati derogatum est.

Verùm hæc responsio non elevat auctoritates præfatas, nam Scriptura apertè insinuat liberam, ac summè misericordem Dei voluntatem post lapsum in reparando homine, & in eo reparationis modo, quem elegit inter eos omnes, quos ad id muneris poterat usurpare, ut mox dicemus.

Probatur 2. ex SS. Patribus. Primò quidem ex S. Athanasio serm. 3. contra Arianos, ubi cum dixisset Deum congruè per Verbi Incarnationem solvisse maledictionem, quam comminatus fuerat dicens: *Terra es, & in terram ibis*, subscribit hanc Arianorum objectionem, *Sed poterat, etiam si Salvator creatura existeret, vel loqui tantummodo, & ita solvere maledictionem*: quam solvit in hunc modum: *Poterat sine adventu Christi solummodo loqui Deus, & solvere maledictionem: cæterum spectandum est hic, quid hominibus sit utile, non quid situm sit in viribus Dei.*

Idem dicunt plurimi sancti Patres. S. Leo serm. 2. de Nativit. cap. 3. *Verax*, inquit, *misericordia Dei cum ad reparandum genus humanum ineffabiliter ei multa suppeterent, hanc potissimum consulendi viam elegit, qua ad destruendum opus diaboli, non virtute uteretur potentia; sed ratione justitia.* Subscribit S. Bernardus Epist. 190. *Quis negat, inquit, ad manum Omnipotentis fuisse alios, & alios modos nostræ redemptionis, justificationis, & liberationis?*

Apertius autem hanc veritatem insinuat S. Augustinus, lib. de Agone Christi, cap. 11. ubi

ubi ait: *Sunt stulti, qui dicunt, Non poterat aliter sapientia Dei homines liberare, nisi suscipere hominem, & nascereur ex femina, & a peccatoribus omnia illa pateretur.* Et lib. 13. de Trinitate cap. 10. arguens eos, qui dicunt, defuisse Deo alium modum, quo homines à peccato liberaret, ait: *Parum est sic refellere, ut istum modum, quo nos per Mediatorem Dei, & hominum, hominem Christum Jesum, Deus liberare dignatur, asseramus bonum, & divine congruum bonitati: verum etiam ut ostendamus non alium modum possibilem Deo defuisse, cujus potestate cuncta equaliter subjacent: sed sanandæ nostræ miseriæ convenientiorem modum alium non fuisse, nec esse oportuisse.*

Suffragatur etiam ratio Theologica. *Primo* namque cum Deus sit liberrimus in suis operationibus ad extra, deumque laus ipse sit per hominum peccata, poterat illam offensam gratis condonare, & remittere per simplicem, ac gratuitam condonationem, nullam exigendo penam, aut satisfactionem pro admissa culpa; hoc enim maxime speret divinam ejus clementiam, benignitatem, & misericordiam, apparetque abundantissima illius in seipso sufficientia; siquidem per id manifestaret se nullatenus bonorum nostrorum indigere, nec honorem à nobis ipsi impensum, aut negatum, ejus perfectioni, aut felicitati quidquam addere, aut detrudere.

Adde quod laudabile videtur homini cuique laeso, dum irrogatam sibi injuriam gratis condonat; hæc enim gratuita offensæ remissio, manifestum est argumentum animi generosi, & magnanimi: igitur illa pariter gratuita condonatio maxime vergit in Dei honorem, & gloriam.

Confirmatur, quia licet Magistratus, aut Jux ex particulari non possit interdum offensam etiam ab homine laeso remissam, & gratis condonatum, inultum relinquere: sed juxta legum præscripta teneatur reo debitas penas præscribere; tamen princeps, iustus de causis, pro sua in communitatem auctoritate, potest pro merito à reo penas secundum legum præscripta, gratis relaxare, & cum absque ulla satisfactione liberum dimittere: ergo multo magis id Deus pro summa sua auctoritate, & clementia poterit hominibus debitas penas secundum præscripta suæ divinæ justitiæ gratuito condonare, nullamque ab eis satisfactionem exigere; igitur, etiam præsupposito homi-

num lapsu, non fuit necessaria Incarnatio Verbi.

Deinde, etiamsi Deus ex justitia necessarius aliquam ab hominibus pro expianda eorum offensæ satisfactionem exigeret, potuisset illam ab unoquoque homine reo repetere; ita quod hominum quisque teneretur pro singulari sua persona satisfacere Deo pro peccato originali à se contracto: quemadmodum peccator quilibet tenetur præstare Deo satisfactionem pro omnibus suis peccatis actualibus: cum enim originale peccatum idcirco à quolibet homine contrahatur, quia ejus voluntas interpretative fuit in voluntate Adami, ita quod eo peccante omnes peccaverunt; quidni potuisset Deus etiam cuilibet hominum præscribere satisfactionem aliquam voluntarie, ac liberè pendendam, pro expiando illo reatu, qui interpretative dumtaxat voluntarius fuit respectu cujuslibet hominis?

Denique, poterat Deus (ut dicemus in questione sequenti) tantam homini alicui particulari gratiam conferre, ut opera ejus omnino Deo grata fierent, & accepta ad satisfactionem pro universo humano genere: igitur ad id non fuit absolute necessaria satisfactio à Deo-homine impensa.

Objectiones 1. sanctos Patres affirmantes Incarnationem fuisse absolute necessariam ex hypothese, quod Deus hominem liberare decerneret. Sic S. Chrysostomus Hom. 10. in Joan. *Cecidit*, inquit, *natura nostra eo modo, ut restitui nullo pacto posset à quocumque, nisi ab illa omnipotentissima manu: neque enim aliter restitui poterat, nisi qui ex principio eam finxit, manum porrexisset.* Cyrillus lib. 5. Theauri cap. 7. *Quoniam*, inquit, *imperfectum esse opus Dei non decuit, & non potuit aliter reparari, necessario Deus factus est homo.* Ambrosius ad Hebr. 9. *Tantum fuit peccatum nostrum, ut salvari non possumus aliquando, nisi omnipotens Filius Dei moreretur pro nobis.* Leo Papa Epist. 81. *Quæ*, inquit, *reconciliatio esse poterat, quia humano generi propriaretur Deus, nisi omnium causam Mediator Dei, hominumque susciperet?* His adde S. Anselmum toto libro 1. *Cur Deus homo*, &c.

Respondet, eos omnes sanctos Patres ita à nobis posse explicari, quemadmodum r. b. f. Alensis, & Ieraphicus Doctor exponunt S. Anselmum, cum dixit impossibile Deo fuisse non incarnari; & ita necessarium fuisse redimi hominem per Incarnationem, ut aliter

fieri, nec potuerit, nec debuerit. Dicunt enim illi Doctores, S. Anselmum locutum fuisse de sola *Necessitate immutabilitatis*, quæ provenit ex decreto voluntatis Dei, quod semel habitum ipse Deus mutare non potest. Supposita ergo divina ordinatione de redimendo homine per Incarnationem, non poteramus aliter salvari, neque Deus poterat nobis hoc beneficium negare: alioqui fuisset mutabilis.

Secundò exponi possunt sancti Patres de necessitate ad melius esse: ira ut dicatur illud necessarium, quod est convenientissimum, quodque ex omni parte damnum per peccatum illatum compensat: hoc enim modo neque manet dedecus peccati sine decore justitiæ, & pœnas luit homo, quas debet, & dignè Deo satisfacit, qui dignam satisfactionem potest rependere. *Denique* exponi possunt de necessitate conducente ad modum perfectissimæ redemptionis, quæ cogitari potest: certum est autem, quod præstantissima, quæ cogitari potest, satisfactio pro peccatis hominum, ea sit, quæ exhibetur ab homine Deo.

Obijciat secundò. Cum S. Anselmo lib. 1. *Cur Deus homo*, cap. 12. Deus nihil moliri potest in præjudicium suæ divinæ æquitatis, & justitiæ: sed si hominum offensam relaxat absque debita satisfactione, quæ dumtaxat per Deum hominem potest fieri, ageret contra exigentiam suæ justitiæ, quæ vult omne peccatum puniri, & ablatum Deo honorem rependi. Igitur, &c.

Distinguo minorem. Illud vergetur in præjudicium divinæ æquitatis, & justitiæ secundum rationem præsentis dispositionis, & ordinationis rerum, concedo: quia nempe Deus decrevit nullum fore peccatum impunitum, nec remittendum absque satisfactione vel propria, vel aliena: secundum ordinationem, quam Deus statuere poterat, si altero medio, ut erat in ejus libertate, nobis succurrere voluisset, nego: cum enim tota Dei justitia, & æquitas ab ejus divina ordinatione pendeat, idque justum, & æquum dumtaxat censetur, quod cum divina voluntate concordat: Inde liquet, quod si rem aliter statuisset Deus, decretum illud divinæ æquitati non repugnasset.

Obijciat tertio, cum eodem S. Anselmo. Peccatum si non punitur, inordinatum dimittitur: quia sicut virtus ordinatur ad gloriam, ita peccatum ad pœnam: sed non debet Deum aliquid in suo regno inordi-

natum dimittere: igitur non debet Deum peccatum sic impunitum dimittere.

Distinguo majorem. Inordinatum est, peccatum sine punitione dimittere, juxta præsentem divinam ordinationem, concedo: siquidem Deus, ut mox diximus, vult omne peccatum debitas pœnas luere: sed cum rem aliter Deus statuere potuerit, ita pariter potuit efficere, ut peccatum absolute non ordinaretur ad pœnam inevitabiliter infligendam.

Obijciat denique ex eodem. Si peccatum debita satisfactione non solvitur, nec punitur, consequens est, quod nulli legi subjaceat: sed hoc repugnat: tum quia sequeretur, quod injustitia liberioffer, quam justitia: quia hæc divinæ providentiæ subjacet, illa verò nulli legi subjaceret: tum pariter quod injustitia esset Deo similis: quippe, sicut Deus, nulli legi subjaceret: quæ consequentiæ sunt omnino absurdæ: igitur & illud unde inferuntur.

Nego sequelam majoris: siquidem in eo casu peccatum, & injustitia subjacerent divinæ voluntati ordinanti, ut gratis remitterentur, quemadmodum ipsi subjacent opera justitiæ, quæ ex divina ordinatione sortiri debent debitam mercedem: non alia ratione, quam quia videlicet Deus ita statuit, ac ordinavit.

QUÆSTIO SECUNDA.

Utrum purus homo Deo satisfacere potuerit pro hominum offensa, eorumque ruinam restaurare.

Notandum primò; Nomine *hominis puri* Theologos hic non intelligere hominem destitutum gratia sanctificante, & aliis donis supernaturalibus, ut intellexit Cajetanus: sed solum significatur homo, qui non est Deus, nec unitus hypostatice cum aliqua è divinis personis, qualis est Christus D. unde quæstionis sensus est, an aliquis homo possit pro universis hominum peccatis condignam Deo satisfactionem exhibere: & in tantum apud eum promereri suis meritoriis, & satisfactoriis operibus, ut Deus hominum offensam relaxet, & eis media sufficientia ad salutem æternam consequendam largiatur.

Notandum secundò, quod satisfactio in genere, hæc debiti solutio: quæ definitur à Doctore subtili in 4. distinct. 5. num. 4. Red-

ditto

ditio voluntaria æquivalentis, alias indebiti.

Cujus definitionis particulas ibidem explicat Doctor. Primo dicitur *redditio*, tum ut distinguatur à simplici donatione, quia redditio non est simplex donatio, sed debiti solutio: tum etiam, ut significetur satisfactio- nem esse actum iustitiæ, & ad alterum; quia propriè nullus sibi aliquid reddit. Secundo dicitur *voluntaria*; tum quia est actus virtutis iustitiæ, omnis autem actus virtutis moralis debet esse voluntarius: tum etiam quia omnis redditio, quæ non est voluntaria, magis est satisfactio, quàm satisfactio. Tertio, *æquivalentis*, quod enim per satisfactionem redditur, debet quamdam habere æqualitatem cum debito; idque vel secundum proportionem Geometricam, quæ ex iustitia distributiva major debetur satisfactio digniori personæ lætæ, quàm minus dignæ: vel secundum proportionem Arithmetica, quæ ex iustitia commutativa tantum datur pro tanto, v.g. centum aurei solvuntur pro totidem debitis. Quando autem aliqua satisfactio has omnes conditiones habet, dicitur *perfecta*: quando deest æqualitas, dicitur *de congruo*, quia creditor non tenetur illam acceptare ex iustitia, sed dumtaxat ex liberalitate, & congruentia: quando verò sit ad æqualitatem, sed ex bonis à creditore concessis, dicitur *ex condigno*: quia licet id, quod redditur sit ex gratia creditoris; tamen reverà pretium redditum æqualeat debito.

Notandum tertio, ratione materiæ, satisfactionem esse multiplicem; sit enim, *vel* in bonis fortunæ, *vel* naturæ, *vel* honoris, *vel* reverentiæ; sed cum hoc discrimine, quòd satisfactio in bonis naturæ fieri non possit personæ lætæ nisi per quamdam compensationem commutativam; qui enim alterum graviter percussit, debet ipsi facere satis per bona fortunæ solvendo pretium aliquod pro multa læsione, & offensa. In bonis autem fortunæ, satisfactio fieri debet ex iisdem bonis, non quidem semper secundum eandem entitatem, sed secundum pretium, & æstimationem: nam qui debet alteri centum nummos, satisfaciens ex æquo vel parcam pecunie summam retribuendo, vel donando aliquid æquale in pretio, secundum æstimationem communem, aut saltem juxta viri prudentis judicium: satisfactio autem in bonore, maximè attenditur, vel secundum excellentiam operis satisfactorii; vel secundum dignitatem personæ satisfaci-

entis: sicut enim injuria crescit juxta dignitatem personæ offensæ, & vilitatem offendentis; ita crescit satisfactio juxta excellentiam personæ satisfaciendæ: quò enim dignior est persona honorans, honor est illustrior.

His ita præmissis duo sunt hic resolvenda: *Primum*, an aliqua simplex creatura de lege ordinaria pro omnium hominum peccatis condignè Deo satisfacere possit. *Secundum*, utrum saltem juxta absolutam Dei potentiam, & extraordinariam dispositionem, id possit exequi.

CONCLUSIO PRIMA.

Non potuit purus homo, juxta præsentem rerum dispositionem satisfacere de condigno, & ad æqualitatem pro peccato omnium hominum. Hæc etiam est communis. Ut enim satisfactio esset perfecta, deberet esse redditio æquivalentis, ut dictum est in 2. *Notab.* sed purus homo non potuit tam pro suo quàm pro alieno peccato, secluso omni pacto divino, reddere æquivalentis: igitur nec potuit perfectam satisfactionem impendere. Non quidem rependere æquivalentis, quia nullum est opus hominis quantalibet gratia præditi, quod possit tantum honoris rependere Deo quantum ei ablatum est per quodlibet hominis peccatum: sicut enim per quodcumque peccatum Deo fit injuria peculiaris, necessum esset ad perfectam satisfactionem, ut etiam peculiaris pro singulis peccatis fieret satisfactio; vel ut aliquis actus ita perfectus eliceretur, qui posset tantum honoris Deo impendere quantum ei detractum est per quodlibet singulare peccatum: sed neutrum homo purus potest exequi, secluso divino pacto. Non quidem primum, quia nullus hominum tot actus meritorios potest elicere, quot eliciuntur à peccatoribus actus Dei offensivi. Nec etiam secundum potest exequi, sicut enim quodlibet peccatum certam, & limitatam habet indignitatem, & offensam; ita opus meritorium habet determinatam rationem meriti, & honoris, nec tantum dignitatis habere potest ut ejus meritum æqualeat omnibus injuriis per singula peccata Deo irrogatis. *Adde quòd* ratio meriti partim repetatur ex acceptance Dei; ergo ubi illa non intervenit, sicut reverà de facto non fuit, quippe nullibi apparet, sic nec æqua potuit esse satisfactio.

Confirmatur autoritate SS. Patrum, qui idcirco affirmant opus esse homine-Deo ad salutem nostram operandam, quia nulla creatura Angelica aut humana id poterat exequi. Ita imprimis docent plurimi Patres Græci. Sic S. Athanasius in Evangel. de Passione, & Cruce Domini, ait: *Cum videret malitiam intolerabilem, neque mortale genus idoneum esset quod morti resisteret, neque penam suorum malorum persolvere posset, nam excessus malitiae excedebat omne supplementum: vidensque finem Patris bonitatem: Quod idem idoneus esset & potens (Christus enim Dei potentia ac Sapientia) commotus fuit sua humanitate, & misertus nostræ imbecillitatis, illam ipsam imbecillitatem induit vidensque finem quam non ad solutionem pœnæ si faceremus, illam ipsam pœnam in se transiit.* Et lib. de Incarnat. Verbi. *Cum enim, inquit, Patris sit Verbum Quod supra omnes, meritis etiam solus omnia recuperare potuit, Quod idoneus fuit, qui pro omnibus intercederet.*

S. Basilus in Psalm. 28. exponens hæc verba, *Frater non redimit, redimet homo*, ait: *Non homo nudus, sed homo Deus Jesus Christus; quia nullus alius condignum asserre poterat pretium.* Cyrillus epistola 1. seu exegesi, *Quo pacto, inquit, unus pro omnibus mortuus iustus pro omnibus pretium exsolvere potuit, si perpeffionem illam puri cuiuspiam hominis fuisse dicamus?*

Damascenus lib. 3. 15. & 19. dicit actionem Christi, & Passionem ideo fuisse salutiferam, quia divina erat: *Neque enim, inquit, convenire poterat actioni humana.* Chrysostomus Homil. 10. in Joan. *Cecidit, inquit, natura nostra eo modo, ut resitui nullo pacto posset a quocunque, nisi ab illa omnipotentissima manu: neque enim aliter resitui poterat, nisi qui in principio eam effinxit, manum porrexisset.*

Ipsis adfulpulantur Patres Latini, quibus præit S. Cyprrianus, sive quisquis est author libri de operibus Cardinalibus Christi, ubi ait: *Cum originali morti nullum nisi in Christi morte potuerit esse remedium, nec reconciliare Deo potueris exules, & damnatos quelibet oblatio, nisi sanguinis huius singularis sacrificium.*

Sanctus Ambrosius lib. 4. in Iucam. *Quis tantus esset dux, qui prodesset omnibus, nisi ille qui supra omnes est? Quis me supra mundum constitueret, nisi qui maior est mundo? &c.*

S. Augustinus in Enchiridio cap. 108. *Neque per ipsum liberaremur mediatorem hominem Christum, nisi esset Deus.* Fulgentius de Incarnatione, & gratia cap. 4. post medium. *Verbum, inquit, Deus, inquit, idest unigenitus Dei Filius, qui est in omnibus, sicut ipse testatur, initium, & finis: sic initialiter secundum humanam naturam concipi carne non abnuit: sicut eadem carne moriens Deus humane naturæ debitum finale persolvit: nullatenus namque humane natura ad asserendum peccatum mundi, sufficiens, atque idonea fieret: nisi unione Verbi Dei, non naturali confusione, sed solum personali transfret.* Denique S. Leo Serm. 1. de Nativitate ait: *Nisi esset verus Deus, non asferret remedium.* Et Serm. 12. de Passione Domini, *Quia ergo, inquit, primi hominis universa posteritas uno simul vulnere sauciata corruerat, nec ulla sanctorum merita conditionem poterant illatæ mortis evincere, venit et cælo medicus singularis.* Ex quibus, & similibus SS. Patrum oraculis aperte constat satisfactionem pro peccatis humani generis non potuisse de via ordinaria ab ullo prorsus hominum quamvis sanctissimo, Deo impendi: An autem id fieri potuerit de via extraordinaria, & per absolutam Dei potentiam, aperit

CONCLUSIO SECUNDA.

PUrus homo potuisset Deo satisfacere ad æqualitatem, pro peccatis humani generis de potentia Dei absoluta, & secundum extraordinariam ejus dispositionem. Hæc est Doctoris subt. in 3. dist. 20. num. 9. ubi impugnans sententiam S. Anselmi dicentis, quod absolute oportuerit Deum hominem fieri, ut pro hominibus satisfaceret; ait, *Contra illud quod dicit in 3. articulo, quod nullus nisi homo debuit satisfacere; hoc non videtur absolute necessarium: quia unus, qui non est debitor, potest satisfacere pro alio, sicut pro alio orare.* Unde sicut Christus innocens homo non debitor, satisfecit: sic, si placuisset Deo, potuit unus bonus Angelus satisfecisse offerendo aliquid placitum Deo pro nobis, quod ipse acceptasset pro omnibus peccatis: quia tantum valet omne creatum oblatum, pro quanto acceptat Deus, & non plus.

Præterea; unus purus homo potuisset
satisfacere pro omnibus, si fuisset con-
ceptus sine peccato, sicut potuisset fieri
de possibili, operatione Spiritus sancti,
& Mariæ sicut fuit Christus; & Deus
dedit sibi summam gratiam, quam
potuisset recipere, sicut dedit Christo,
sine meritis præcedentibus ex liberali-
tate sua: talis enim potuisset mereri
deletionem peccati sicut & beatitudi-
nem.

Et deinde respondens ad illud, quod
asserbat S. Anselmus; nimirum requiri ex
parte satisfaciens, quod plus offerat Deo
quàm valeat tota creatura: dicit *numero 8.*

Credo quod salva sua reverentia, hoc
non est verum: non enim oportuit sa-
tisfactionem pro peccato primi hominis
excedere totam creaturam formaliter in
magnitudine, & in perfectione; suffe-
cisset enim offerre Deo majus bonum,
quàm fuerit malum illius hominis pec-
cantis. Unde si Adam per gratiam da-
tam & charitatem, habuisset unum, vel
multos actus diligendi Deum propter se,
ex majori conatu liberi arbitrii, quàm
fuit conatus in peccando; talis dilectio
suffecisset pro peccato suo redimendo,
& fuisset satisfactum. Et tunc propo-
silio illa est falsa, quod debuit offerre
Deo aliquid majus omni eo pro quo pec-
care non debuerat: sed sicut pro amo-
re creaturæ, ut objecti diligibilis, non
debuit peccare; ita satisfaciendo Deo
debuit offerre aliquid majus, attingen-
do per actum objectivè; quàm sit crea-
tura; scilicet amorem attingentem eum
propter se, & ille amor objectivè,
ut terminatur ad Deum, excedit amo-
rem creaturæ, sicut Deus creaturam.
Unde sicut peccavit per amorem igno-
bilioris objecti in infinitum: ita debuit
satisfacere per amorem nobilioris in in-
finitum, & hoc suffecisset saltem de pos-
sibili. Hæc Doctor.

Quibus docet *Primò*, Deum potuisse for-
mare hominem aliquem, qui non esset ex
prosapia Adami, nec illius peccato infe-
ctus, & ipsi eandem summam gratiam
conferre, quam Christo Domino contu-
lit: ac convenire cum ipso ut ejus opera
bona proficerent ad deletionem peccati,
& ad meritum Beatitudinis pro cæteris
hominibus sicut convenit cum Christo.
In qua hypothese posset ille homo ex ju-

Fraffen Theol. Tom. VII.

sticia perfectæ Deo satisfacere pro reatu
universi generis humani.

Secundò, poterat etiam Deus convenire
cum Adamo poenitente, quatenus erat ca-
put humani generis, ut per actus amoris
& dilectionis Dei, aliosque actus pietatis,
& poenitentiz satisfaceret tam pro suo
peccato, quàm pro peccato posterorum,
quia ratione illius pacti, Deus acceptaret
illos actus meritorios, ut tantumci repen-
deretur honoris quantum ablatum est per
peccata. Quod enim hæc fieri possint,
nulla apparet repugnantia: igitur ita po-
tuit accidere.

Probat ut insuper: Si purus homo non
posset satisfacere ad æqualitatem, maxime
quia opera talis hominis justi non possent
habere illam condignitatem ad expiationem,
& solutionem peccati: sed falsum conse-
quens: igitur, &c. Probatur minor: Idcir-
co illa opera non habent illam condi-
gnitatem, quia, ut volunt plurimi Thomis-
tæ, peccatum habet quandam infinitatem
in ratione malitiæ; nulla autem creatura
potest expiare, & solvere malitiam infini-
tam: sed hæc ratio nulla est. Probo. Vel
loquuntur de infinitate extrinseca, & obje-
ctiva, quam habet peccatum, quatenus fit
contra Deum, quia est objectum infinitum;
vel de infinitate formali, & intrinseca; sed
primum non officit quominus illa malitia
solvi possit ab homine puro; quia opera
satisfactoria hominis justi tenderent etiam
in Deum, ut in objectum infinitum: ergo
habent pariter illam infinitatem extrinse-
cam. *Secundum* autem est falsum, quia,
ut probat Doctor in 3. *dist. 19. num. 13.* &
in 4. *dist. 19. num. 2. quest. 1.* nullum pec-
catum est formaliter malitiæ infinitæ; nam
si peccatum esset infinitæ malitiæ formaliter,
& intrinsece, non posset quis gravius
offendere Deum uno peccato quàm al-
tero, & sic non esset gravior offensæ si quis
directè irreverentiam exhiberet Deo, quàm
si occideret hominem aut furaretur; quod
est absurdum. Sequela patet: quia si of-
fensæ quæ est in furto sit infinita, illa of-
fensæ quæ est in irreverentia, non potest
esse major, quia major offensæ cogitari non
potest quam infinita.

Reponunt Thomistæ, offensam, & inju-
riam crescere juxta dignitatem personæ con-
tra quam fit: nam gravior cæteris paribus
injuria est si colaphis impingatur a ple-
beo princeps aliquis, quàm si plebejus a prin-

p incipe: quare Aristoteles 5. Ethicorum cap. 5. ait: *Si quis magistratum gerens per- cussit quempiam, non decet eum repercuti; & si quispiam eum qui magistratum gerit, percussit, is non solum repercutiendus est, verum etiam supplicio afficiendus*. Igitur cum peccatum fiat contra Deum, qui est infinitæ dignitatis, censetur habere malitiam infinitam.

Verum nego consequentiam: Nam si esset legitima illatio, sequeretur pariter, quod visio beatifica esset infinitæ dignitatis intrinsecæ: quia sicut quod dignior est persona quæ offenditur, cõgravior est offensa; ita quod præstantius est objectum, cõgravior est visio: igitur si offensa personæ infinitæ dignitatis sit infinitæ malitiæ, etiam visio objecti infinitæ perfectionis erit infinita: sicut ergo falsa est hæc postrema consequentia, aliqui actus puræ creaturæ essent intrinsecè infiniti: etiam falsa est anterior.

Solum igitur inde inferre licet, quod offensa contra digniorem personam, ceteris paribus, sit gravior illa, quæ minus digne personæ irrogaretur; Quare sicut clara Dei visio est dignior visione inferioris objecti, non tamen est actus infinitus, quia finito modo tendit in objectum: sic offensa Dei est gravior alia offensa: non tamen est infinita. Hinc actus illi crescunt equidem iuxta maiorem perfectionem objecti secundum proportionem Geometricam; ita quod illi actus, qui versantur per honorem, aut offensam, circa dignius objectum, maiorem habeant dignitatem, vel indignitatem, quam illi, qui taliter tendunt in objectum minus dignum: non autem debent crescere secundum proportionem Arithmeticam; ita quod actus tendens in aliquod objectum, tantam habeat perfectionem, quantum habet objectum in quod tendit.

Insunt: Quamvis peccatum in ratione actus sit quid finitum, tamen in ratione offensæ, & aversionis à Deo, est quid infinitum: quia tanta est aversionis malitia, quantum est bonum, quod quis spernit: igitur cum peccatum, ut offensa, sit quid infinitum, etiam satisfactionem infinitæ dignitatis exigit.

Nego antecedens: Nam illa aversio à Deo, vel dicit solam gratiæ sanctificantis privationem, vel moralem peccati desomatatem, ac malitiam: *Si primum*, offensa nequit esse infinita; nam privationis gravitas, & de-

formitas, non desumitur ab objecto, vel fine: sed à forma, quæ deberet inesse. Quare sicut pœna damni, quæ est perpetua carentia visionis divinæ, finita est intensivè: quia privat solum clara Dei visione, quæ deberet inesse intellectui tanquam forma illius perfectiva; privat autem Deo tantum, ut illius visionis objectum est: sic peccatum mortale, cum priver solum immediatè, vel rectitudine debita actui, vel gratia sanctificante tanquam forma physica debita subiecto, tantum erit finita offensa, licet Deus, ad quem gratia converterit, sit infinitus: *Si secundum*, cum malitia peccati sit, quid finitum, offensa etiam erit finita: nam peccatum idcirco dicitur offensa Dei, non quod lædat Deum, vel aliquid ipsi intrinsicè detrahatur, hæc enim ratione censetur infinitum intrinsecè, sed quia malum est, quod displicet Deo.

Urgent. Peccato cuilibet mortali sive actuali, sive originali, debetur pœna infinita: ergo est infinita malitia.

Distinguo antecedens: Debetur pœna infinita, quoad intensionem, nego: quoad extensionem, & durationem, concedo. Neque enim hæc pœna punitur, quia habet infinitam malitiam; sed quia cum priver gratia, sine qua peccatum non potest remitti, & etiam peccatores efficiat indignos omnigratia futura, idcirco censetur esse vulnus insanabile. Quoniam autem peccato, quamdiu manet, debetur pœna: idcirco cum peccatum damnatorum semper maneat, etiam ipsi semper debetur pœna; adeoque æterna, & infinita quantum ad durationem, licet finita sit quantum ad intensionem.

Vel aliter respondeo negando consequentiam: Nam si legitima esset illatio, sequeretur, quod opus meritorium nostrum esset pariter infiniti valoris, quia per ipsum meremur premium æternum, & durationis infinitæ. Itaque non videtur congruentior ratio, cur Deus voluerit peccatum finale puniri pœna æterna, sicut & bonum opus donari præmio æterno, quam quia ita sibi placuit; nam quamvis illa pœna excedat malitiam peccati extensivè loquendo, tamen iustè Deus poterat illam præscribere, quia potius illius inflicto deputanda est peccatori, qui illam patitur, quam Deo, qui præscribit, quandoquidem peccator liberrimè facit illas actiones contra dictamen rectæ rationis, ob quas pœna illa æternæ durationis esset inflicta.

Instans iterum. Quamquam peccatum non crescat univoce, nec secundum proportionem arithmeticam juxta dignitatem personæ, in quam committitur; tamen satisfactio mensuranda est ex dignitate, vel vilitate satisfaciens; quocirca cum homo sit longè inferior Deo, vilissimisque appareat in conspectu divinæ illius majestatis, inde fit, quòd nusquam ex se condigne Deo possit homo satisfacere pro peccato.

Nego antecedens: Non enim semper minuitur satisfactio ex vilitate personæ, alioqui inferior, qui superiorem lesisset, nusquam posset ei facere satis, nisi saltem plus ei redderet, quàm abstulerit; quod falsum est; enim verò, si injuria sit in bonis fortuna, Rusticus aliquis condigne satisfaciet Principi pro centum aureis ablatis, si tondem ei reddat: Similiter si offensa fuerit in fama, potest restituere, vel negando se quidquam dixisse in præjudicium samæ Principis, vel eum laudibus celebrando. Nec refert quòd, qui ita lædunt Principem, soleant præter hanc satisfactionem interdum graviori pœna mulctari; id enim fit ad terrorem, ne alii facilem habeant anam ita detrahendi Principis samæ. Si denique injuria sit in bonore, licet difficilior appareat satisfactio, quia nihili ferè æstimatur, quòd persona vilis sese humiliet, & abiciat coram Principe: potest tamen tanta esse illius humiliatio, tantusque erga Principem amor, ut sese gravi periculo pro salute, ac vita Principis obiciat; quo fiet, ut eum dignum censeat Princeps, cui offensam ex æquo remittat.

Inde apparet, quòd homo, licet Deo longè inferior, quàm sit rusticus erga Principem, tamen ejus divina gratia sublimatus, & suffultus, poterit æquivalentem ei satisfactionem impendere pro peccato, maxime cum hominum peccata Deum nec per se lædant, nec ullum bonum intinsecum ei detrahant: sed eatenus dicantur illum offendere, & ledere, quatenus ei displicent.

Adde quòd amor Dei super omnia, tantum placeat Deo, quantum peccatum illi displicet.

Confirmatur præcedens ratio. Id non repugnat fieri, neque est Deo denegandum, quòd nullam implicat contradictionem: sed nulla apparet contradictio, quòd purus homo tantum reddat Deo, quantum ablatum est per peccatum tunc proprium, tunc alienum: igitur, &c. Major constat. Minor probatur. Nam ad condignam, & æqualem

satisfactionem tantum requiritur, quòd opus satisfactionis in valore, & dignitate æquivalcat debito, & quòd Deus illud acceptet tanquam debiti compensativum: quippe hominis meritum, & illius bonorum operum valor maxime petitur ex pacto, & acceptance divina, ut probabimus in Tractatu De Gratia, Disputatione de Merito: sed homo justus potest elicere actum tantæ bonitatis, quantæ malitiæ fuit Adæ peccatum, maxime si sit immunis ab originali peccato, & summa gratia donatus: igitur poterat purus homo ad æqualem satisfacere pro peccatis aliorum.

Confirmatur iterum hæc ratio, & illustratur hoc exemplo. Potuit Deus pepigisse fœdus cum Adamo, quòd si non peccaret, sed mereretur augmentum suæ justitiæ, talem justitiam cum tuo augmento traduceret in posteros; nam si pactum sufficiens erat, ut traduceret justitiam, ita erat sufficiens, ut traduceret augmentum illius: sed si hoc potuit Adamus cum pacto, & ratione acceptanceis divinæ, simili ratione posset alius purus homo per opera sua meritoria transferre auxilia, & gratiam justificantem, ut alii à peccatis mundarentur: & consequenter posset de condigno satisfacere pro illis ex acceptance Dei.

Obijciunt primò omnes sanctos Patres in præcedenti conclusione laudatos, affirmantes nullum hominem fuisse idoneum ad reparandum humani generis lapsum, & idcirco necessum fuisse, Dei Filium incarnari, qui debitam, ac congruam pro peccatis humani generis æterno Patri satisfactionem impenderet.

Respondet sanctorum Patrum autoritates nobis non adversari: siquidem possumus reponere cum Doctore in 4. dist. 15. q. 1. eas esse intelligendas de necessitate conditionata, & ex suppositione, quòd Deus voluerit præstantiorem adhibere medicinam, quàm esset morbus deterior, & quòd meriti pretium longè præstaret debito, ut ubi abundavit delictum, ibi superabundaret & gratia.

Vel reponere possumus cum eodem in 3. dist. 20. num. 10. Deum idcirco statuisse satisfactionem impendi per proprium Filium, ut majoris beneficii vinculo ei devinceretur; Nam, inquit Doctor, ideo multum tenemur ei, ex quo enim aliter potuisset homo redimi, & tamen ex sua libera voluntate sic redimit, multum ei tenemur, & am-

„ plus quàm sit sic necessarium, & non
 „ aliter potuissimus fuisse redempti: ideo
 „ ad alliciendum nos ad amorem suum
 „ (ut credo) hoc præcipue fecit: & quia
 „ voluit hominem ampliùs teneri Deo:
 „ sicut si aliquis genuisset primò homi-
 „ nem, & postea instruxisset eum in di-
 „ sciplina, & sanctitate, ampliùs obliga-
 „ retur ei, quàm si tantum genuisset eum,
 „ & alius instruxisset: at hæc est con-
 „ gruitas, non necessitas.

Vel cum eodem *ibidem*, possumus repo-
 nere, quòd sancti Patres nihil aliud inten-
 derint, quàm quòd de factis ex suppositio-
 ne ordinationis divinæ, ac legis reverà in-
 stitutæ, nemo poterat Deo condignè satis-
 facere præter Deum hominem, ut dictum
 est in conclusione præcedenti: at istud non
 repugnat conclusioni præsentì, quæ non
 agit de eo, quod factum fuit, sed de eo,
 quod fieri potuit.

Vel denique dico, sanctos Patres posse ex-
 plicari sic, ut velint, nullum hominem pu-
 rum potuisse satisfacere de condigno pro
 peccatis generis humani; ita ut satisfactio
 Adæ v.g. ab ipso exhibitæ, quatenus ab eo
 procederet, non posset habere vim moraliter
 ad movendum Deum, ut remitteret pec-
 cata; istud verò obtinuerit satisfactio Chris-
 ti, quatenus ab ipso procedebat; cum enim
 procederet à persona divina, ex se poterat
 sufficienter movere Deum ad condonandum
 peccatum, quamvis non ita necessariò, quin
 posset illud peccatum non condonare, et-
 iam exhibitæ satisfactio à Christo, nisi in-
 tercederet pactum de condonando peccato
 ratione illius exhibitæ satisfactiois à perso-
 na divina. Inde tamen non sequitur, quin
 interveniente simili ordinatione, & pacto
 divino purus homo, maxime qui ab Ada-
 mo non propagaretur, nec illius inficeretur
 peccato, summamque gratiam haberet,
 dignam Deo pro hominum peccatis satis-
 factionem posset rependere.

Obijciens secundò. Illa satisfactio non po-
 test esse condigna, in qua intercederet gra-
 tia creditoris, & heret ex donis à credi-
 tore gratuito acceptis: sed talis esset satis-
 factio puri hominis, quia haberet suum va-
 lorem dumtaxat à gratia sanctificante sibi
 gratuito concessa, & à liberissima acce-
 ptatione Dei: igitur non posset esse ad æ-
 qualitatem, nec ex pura iustitia.

Distinguo majorem. Si illa gratia concessa,
 & gratuita acceptatio sint antecedenter ad

satisfactionem, satisfactio non potest esse
 condigna, concedo: si dumtaxat consequen-
 ter, nego. *Ad minorem dico:* quòd & gra-
 tia concessa, & gratuita acceptatio Dei,
 qua reciperet satisfactionem ab homine pu-
 ro sibi exhibitam, antecederent illam sibi
 impensam satisfactionem, & sic non officie-
 rent quominus illa fuisset condigna: quia
 licet illa ordinatio, aut lex penderet ex me-
 ra, & gratuita voluntate creditoris; tamen
 semel concessa, per ipsam debitor acquirit
 jus iustitiæ, tum in id, quòd sibi gratuito
 donatum est, nempe in gratiam sibi libera-
 liter concessam; quæ licet data fuerit gratis,
 tamen ubi illam obtinet, ipsi propria est,
 & potest ea pro libito uti, vel non uti ad
 opera meritoria, & satisfactoria exercen-
 da: tum pariter in conditionem, quam adim-
 plet, quæ se habet per modum meriti, ut sibi
 retribuatur merces, aut remittatur debitum,
 ubi illam conditionem implevit: nam qui
 pactum implevit, meretur recipere illud
 præmium, de quo conventum fuerat.

Obijciens tertio. Si purus homo potuisset
 pro universis hominum peccatis satisfacere,
 inde consequens esset, quòd non multum
 devinceretur Christo Domino: quippe
 cum potuissimus per alterum redimi: sed
 consequens illud aperte militat in Scriptu-
 ram factam, necnon & in Christianam
 pietatem: igitur & id unde sequitur.

Nego sequelam majorem. Nam ut mox di-
 ximus, cum Doctore subtili, eò magis de-
 vincimur Deo, quòd cum potuisset alio
 modo nos salvos facere, tamen proprio
 filio suo non pepercit; sed pro nobis om-
 nibus tradidit illum; longè namque magis
 devinceretur Regi rusticus, qui Regem of-
 fendisset, si ad compensandam injuriam,
 quam gratis Rex poterat condonare, vel
 alio modo solvere, proprium Filium sub-
 stitueret loco ejus plebei, ut sibi dignam
 pro offensa satisfactionem exhiberet; il-
 lum autem plebeum immunem à suppli-
 cio, & satisfactione dimitteret.

Obijciens quarto. Non posset satisfacere
 purus homo, nisi mediante gratia habitua-
 li; sed gratia habitualis non est principium
 condignè merendi aliud, quàm vitam æ-
 ternam, & augmentum gratiæ homini ip-
 sa habituali gratia dignè utenti; igitur non
 potest esse principium merendi aliis de
 condigno condonationem peccati.

Distinguo minorem. Secundum præsentem
 ordinationem, concedo: secundum pos-
 sibi-

fibilem, nego: nihil enim impedit, quominus Deus posset acceptare actum charitatis hominis iusti pro alio premio, quam pro vita æterna; nam si homo haberet summam gratiam, qua mediante haberet ius ad vitam æternam, ex æquo ipsi gratia correspondentem, itaut Deus nollet ullatenus acceptare ipsius opera tamquam meritoria augmenti gratiæ, aut gloriæ pro ipso homine operante (sicut de facto opera meritoria Christi, non ipsi profuerunt, nec ad uberioris gratiæ, quarum plenitudinem habebat ab initio conceptionis; nec ad ampliorem animæ beatitudinem, quæ Deo fruebatur) absurdissimum esset, quod Deus non posset acceptare illa merita pro aliis premiis conferendis ipsis, pro quibus pusillus homo sua merita Deo exhiberet.

Obijcies quintò. Non potuit aliquis sufficienter satisfacere Deo pro omnibus beneficiis ab ipso receptis: ergo multò minis poterit pro peccatis omnium satisfacere. Consequentia patet, quia homo non minus constituitur debitor pro peccato commisso, quam pro beneficiis acceptis.

Nego consequentiam, quia ad satisfaciendum pro beneficiis, requiritur alia gratia, unde pro illa non posset fieri satisfactio, vel fieret processus in infinitum; qualis processus non daretur, si quis pro omnibus peccatis satisfaceret.

Adde quòd negari posset antecedens, nam sicut ille, qui pro peccato suo meretur penam mortis temporalis, potest pro ea condignè satisfacere; nempe exhibendo tale obsequium in utilitatem, aut Regis, aut Republicæ, ut dignus sit, cui auctoritate suprema donetur vita; eodem modo unus pro alio satisfacere posset, & compensare penam mortis debitam.

Obijcies sextò. Non potest unus homo satisfacere pro peccato alterius, pro quo expiando ille penam mortis merebatur: igitur multò minis poterit satisfacere Deo pro peccato, quod meretur mortem æternam.

Nego consequentiam: Et ratio disparitatis est, quòd homo satisfaciens pro peccato alterius hominis damnati ad mortem temporalem, nihil habet, quod sit æquivalens vitæ; quia quidquid potest pro altero exhibere, temporarium est, & inferius vitæ: secus autem est de homine satisfaciente pro peccatis aliorum: nam sicut peccatum meretur penam æternam, sic opus merito-

rium meretur vitam æternam; adeoque videtur condigna satisfactio, dum opus meritorium pro compensatione peccati mortalis, & penæ æternæ exhibetur; quia nempe reddit opus æquivalens, quod meretur vitam æternam.

QUESTIO TERTIA.

Utrum Christus Deo condignam satisfactionem exhibuerit.

TRIA maxime veniunt in presenti questione determinanda. *Primum*, an Christi satisfactio exhibita fuerit ex virtute iustitiæ propriè dictæ: *Secundum*, an ex se fuerit sufficiens, & condigna pro expiandis omnium hominum peccatis: *Tertium*, an omnes ad rigorosam iustitiam conditiones habuerit: quæ ut evidentiùs appareant,

Notandum primò, ex Aristotele 3. Ethic. cap. 1. virtutem moralem generatim dividi in eam, quæ versatur circa seipsum, & in eam, quæ circa alium maxime occupatur: illa moderatur passionem, hæc operationes. Ad primum caput spectant *Fortitudo*, quæ passionem appetitus irascibilis: *Temperantia*, quæ passionem concupiscibilis: & *Prudentia*, quæ maxime affectus rationalis appetitus moderatur. *Iustitia* verò tota detinetur circa regulandas hominis actiones in ordine ad alterum, ut homo alteri debitum reddat. Cum autem debitum sit duplex: unum *Morale*, cuius obligatio oritur ex recta ratione, quæ dicat esse rectum, & æquum, ut hoc aut aliud alteri præstetur; aliud verò *Legale*, proveniens ex aliqua lege, vel naturali, vel divina positiva, vel humana, obligante ad reddendum æquale pro æquali: inde duplex statuitur iustitia: una quidem *Communis*, quæ reperitur in omnibus virtutibus ordinatis ad proximum, vel ad Deum, sic iustum est parere mandatis superiorum ex obedientia, Deo debitum cultum impendere ex religione, parentibus succurrere ex pietate, &c. Altera autem est *Specialis*, quæ in eo consistit, quòd per se respiciat debitum reddendum alicui ex præscripto, & obligatione legis.

Certum est autem Christum Dominum suam Passionem subisse, ac satisfactionem exhibuisse ex iustitia communi, nam eam obtulit ex motivo *Charitatis*: *liquidem dilexit nos; & lavit nos a peccatis nostris in sanguine suo.* Apoc. 2. *Amicitia*, nam ait Apostolus

ad

ad Ephes. 5. *Christus dilexit Ecclesiam, & tradidit semetipsum pro ea*: Item *Obedientie*, juxta illud. *Sicut mandatum dedit mihi Pater, sic facio*. Joan. 14. *Religionis*, ut restatur Joan. 17. *Pro eis sanctifico meipsum*, id est, sacrificium offero, ut ejus virtute sanctificentur, juxta illud ad Hebræos 10. *Una oblatione consummavit sanctificatos*. At discipulatur inrer Theologos, utrum etiam Christus satisfactionem exhibuerit ex motivo strictæ Justitiæ.

Notandum secundò, quòd sicut est duplex jus in re, vel operatione per quam fieri potest satisfactio, vel recipi præmium, ita duplex in ea est valor, & dignitas: Primum jus est in ordine ad rem; secundum est in ordine ad personam. Jus in ordine ad rem, est titulus, quem acquirit actio meritoria operantis in ordine ad præmium, hinc qui laboravit amplius, majorem mercedem meretur accipere, & hoc jus originem habet, ac fundatur in æqualitate rei ad rem. Jus verò in ordine ad personam, est titulus, quem operans acquirit ratione operis meritorii in ordine ad præmiantem, quòd utique jus, licet supponat æqualitatem operis cum accipiendo præmio, non tamen ex eo oritur, sed pendet præcisè ex voluntate præmiantis, ordinantis, seu acceptantis hoc meritum in ordine ad istud præmium; cum enim res, quæ futura est præmium, sit sub dominio, & in potestate præmiantis, donec illam concesserit, illius donatio, & alienatio dependet ab ejus consensu, unde operans non potest habere jus ad illam, nisi etiam habeat jus, & titulum ad personam præmiantem ortum ex propria ejus voluntate, puta ex libera promissione, & conventionione. Ut constat ex parabola operatorum, qui missi in vineam, conventionione facta de denario diurno, licet diversis horis conducti, diutius aliqui laboraverint, quàm alii; nihilominus omnes ex æquo acceperunt eandem mercedem: unde etiam mirarentur, qui prima hora venerant adversus Patremfamilias, dicentes: Matt. 20. *Hi novissimi una hora fecerunt, & pares illos nobis fecisti, qui portavimus pondus diei, & assus: meritiò Paterfamilias uni eorum dixit. Amice, non facio tibi injuriam. Nonne ex denario convenisti mecum? Tolle, quod tuum est, & vade; volo autem & huic novissimo dare sicut & tibi. Aut non licet mihi, quod volo, facere? Ex quibus apparet, quòd etiam major labor, & diurnior laborantium*

in vinea habuerit jus ad ampliorem mercedem ratione operis: non tamen debuit illam consequi, quia non habebat eandem rationem juris in ordine ad præmiantem, eo quòd nulla prævia facta fuerit ex parte præmiantis conventio, & promissio.

Notandum tertio, certum esse Christum Dominum verum fuisse humani generis redemptorem, & liberatorem, quicquid hæretico animo contra hanc Catholicam veritatem pessimè asseruerit Petrus Abailardus dicens, hominem post peccatum Adæ non teneri captivum sub potestate diaboli tamquam sub potestate Principis, sed solum tamquam sub custode carceris; & consequenter Christi incarnationem nihil nobis profuisse ad redemptionem, sed tantum ad doctrinam, & exemplum, ut constat ex S. Bernardo Epist. 190. ubi Abailardi impudentiam sic capit: *Quid in his verbis intolerabilis iudicem, blasphemiam, an arrogantiam? Quid damnable, temeritatem, an impietatem? An non justius o talia loquens fustibus tunderetur, quàm rationibus refelleretur?* &c. Constat enim ex Scriptura nos reverà per peccatum sub diaboli captivitate redactos esse. Sic 1. ad Timoth. 2. *Ut respiciant à diaboli laqueis, à quo captivi tenentur ad ipsius voluntatem*. Audis ad ipsius voluntatem, inquit S. Bernardus, & negas potestatem? Hinc Christus Joannis 14. *Venit Princeps huius mundi, & in me non habet quidquam*: hoc est non habet in me potestatem eo modo, quo in homines: quapropter Concil. Trident. sess. 6. cap. 1. docet, quòd homines in prævaricatione Adæ non solum innocentiam perdidierunt, sed & facti sunt servi peccati, & sub potestate diaboli, & mortis. Ex hac autem captivitate nos redimit Christus, ut plurimis in locis docet Scriptura sacra. Sic ad Galatas 2. *Christus nos redemit de maledictio legis*: ad Timoth. 2. *Qui dedit redemptionem semetipsum pro omnibus*, 1. Petri 2. *Non corruptibilibus auro, & argento redempti estis, sed pretioso sanguine Christi*. Sed difficultas est, utrum illa redemptio facta fuerit: Primò ex iustitia; Secundò ad æqualitatem; Tertiò ex rigore iustitiæ, quòd utique determinandum est in sequentibus conclusionibus.

CONCLUSIO PRIMA.

Christus Dominus satisfecit Deo pro peccatis generis humani ex speciali motivo iustitiae legalis.

*Probat*ur prima, ex Scriptura sacra affirmante divinam iustitiam apparuisse in satisfactione Christi. Sic ad Romanos 8. *Quem proposuit Deus propitiationem per fidem in sanguine ipsius ad ostensionem iustitiae suae propter remissionem praecedentium delictorum*: Et ad Corint. 1. *Faciunt* est pro nobis sapientia a Deo, & iustitia, & sanctificatio, & redemptio: Et ad Colos. 2. *Delem*, quod adversus nos erat chirographum decreti, &c. quia similitudine significat Christum ex iustitia solvisse nostrum debitum; cum enim solutum est debitum, v. gr. pecuniae: ex iustitia speciali, statim Chirographum juridicum, quo prius debitor obligabatur erga creditorem, laceratur, ac rumpitur.

Idem docent sancti Patres affirmantes Deum noluisse cum diabolo pugnare, nec cum oppugnare potentia, sed iustitia in hominum redemptione. Sic S. August. lib. 13. de Trinitate capit. 13. *Si ergo*, inquit, commissio peccatorum per iram Dei iustitiam, hominem subdidit diabolo, profecto remissio peccatorum per reconciliationem Dei benignam, eruit hominem diabolo. Non autem diabolus potentia Dei, sed iustitia superandus fuit. . . . *Quae est igitur iustitia, qua victus est diabolus? Quae nisi iustitia Jesu Christi? Et quomodo victus est? Quia cum in eo nihil morte dignum inveniret, occidit eum tamen. Et utique iustum est, ut debitores quos tenebat, liberi dimittantur in eum credentes, quem sine nullo debito occidit. Ipsi subscribunt ceteri sancti Patres a nobis supra laudati questione 1. dum probaremus incarnationem fuisse convenientem ad manifestandam divinam iustitiam.*

*Probat*ur etiam ratione. Tunc aliquis satisfacit ex iustitia legali proprie dicta, quando per se intendit constituere aequalitatem, prout debitam ex aliqua lege: sed Christus sua merita Deo obtulit ex intentione reddendi illi aequale pro debito contracto ab hominibus. Quod utique probatur, tum quia Christus fuit noster fidei iussor, & vadem se pro nobis constituit in sua incarnatione: ergo debuit sua merita offerre Deo ex intentione satisfaciendi ipsi pro nobis: tum quia ipsius merita erant sufficientia,

imò etiam superabundantia ad nostrum debitum solvendum, ut sequenti conclusione patebit. Debit ergo ex motivo iustitiae, & ex intentione satisfaciendi ad aequalitatem, illa Deo offerre; cum denique quia ad id movebatur ex decreto divino, quo Deus statuerat nobis universa delicta donare, si ipse animam suam pro nobis poneret, juxta illud Isaia capite 53. *Si posueris pro peccato animam suam, videbit semen longevum, & voluntas Dei in manus eius dirigitur: pro eo quod laboravit, anima eius videbitur, & iurabitur*: Igitur cum Christus sua merita pro nobis Patri obtulit, hoc praestitit ex intentione reddendi Deo debitum ad aequalitatem secundum conventionem, & Legem divinam, & consequenter actus propriae, & specialis iustitiae exercuit.

Deinde, servi, & vera mancipia tenentur observantiam, & obedientiam domino suo praestare ex debito propriae, & specialis iustitiae: & ubi tali debito defuerunt, obligantur illud rescire non solum ex virtute obedientiae, sed etiam ex virtute iustitiae: sed sumus vera mancipia respectu Dei, qui est Rex Regum, & Dominus dominantium, cuius est terra, & plenitudo ejus, & universi, qui habitant in eo: igitur ex virtute iustitiae tenemur non solum ei obedientiam praestare: sed etiam non reddam rescire ex motivo ejusdem iustitiae: At Christus Dominus satisfecit omnibus debitis per nostra peccata contractis; ergo debuit satisfacere non solum debito penarum, quae peccatis nostris erant retribuenda, sed etiam debuit talem obedientiam, & aequale debitum Deo rependere, ad compensandum defectum exercitii virtutum, quas in Dei gloriam, & cultum tenebamur exercere.

Denique, dum aliquis speciali, & propria iustitia tenetur reddere praemium, tunc meritum operantis censetur illud praemium exigere ex iustitia: sed Deus, supposita ejus promissione, & lege, tenetur reddere Christo in praemium suorum meritum remissionem nostri debiti, siquidem exauditus fuit pro sua reverentia: igitur Christi satisfactio, & meritum impensum fuit ex virtute iustitiae.

Dices 1. Ex Aristotele lib. 5. Ethicorum cap. 1. iustitia debet esse ad alterum: sed satisfactio Christi fuit ad sapientem, siquidem satisfecit Deo, ipse autem Deus est: igitur non fuit haec iustitia proprie dicta.

Di.

Distinguo majorem: Justitia debet esse ad alterum, vel physicè, vel moraliter, concedo: physicè tantum, nego: & sic distincta minore, neganda est consequentia. Ad hoc enim, ut justitia sit ad alterum propriè, non est necesse, quòd sit ad alterum suppositum physicè, aut metaphysicè loquendo, sed sufficit, quòd sit ad alterum suppositum moraliter: sic autem est ad alterum, quando persona unica metaphysicè, se habet moraliter, ut distincta, & duplex, ratione scilicet domini, & juris: fieri enim potest ut unus, & idem homo physicè, & metaphysicè sumptus, videatur duplex moraliter: sic tutor ratione administrationis rei familiaris pupilli potest esse debitor, & ratione proprii juris potest esse creditor. Quod etiam illustratur exemplo unius mercatoris, qui est pars duarum societatum: ille enim est duplex persona moraliter, & sibi ipsi, ut metaphysicè consideratur, plerumque debitor est, & creditor. Item exemplo hominis, qui possidens fundum debentem alteri summam aliquam annui redditus, si emat fundum alterum, qui prior censum debebat, fit duplex persona moraliter, potestque sub uno respectu esse simul debitor, & creditor.

Sic autem Christus Dominus exitit, duas enim sustentans naturas per hypostasim Verbi, etat duplex persona moraliter, & ratione duarum naturarum assumptarum habuit distincta jura, & dominia: eratque simul debitor ratione humanæ naturæ assumptæ, per quam se fidejussorem pro hominibus constituerat: & creditor ratione divinæ naturæ, quæ per hominum peccata læsa fuerat; unde etiam dicitur Mediator Dei, & hominum, primæ ad Timotheum secundo. Non enim magis repugnat cum ratione unius naturæ esse debitorem, & creditorem ratione alterius, quam repugnet ratione unius naturæ esse mediatorem, & ratione alterius esse cum inter quem, & alios est mediator: at Christus Dominus ratione humanæ naturæ, est Dei Mediator, & hominum: ratione verò divinæ naturæ, is est inter quem, & homines Mediator existit: igitur etiam ratione duarum naturarum potuit esse simul creditor, & debitor.

Dices secundò: Ex eodem Aristotele ibidem capite 6. Patris ad filium, & domini ad servum non potest esse vera obligatio ex justitia: sed Christus in quantum homo, est Filius, & servus Dei: ergo ex

ejus operationibus tamquam hominis, non potuit intercedere obligatio ex justitia erga Deum.

Distinguo maiorem: Inter filium, & patrem, servum, & dominum, non potest intercedere obligatio ex justitia, si filius, & servus non habeant distincta dominia à dominis patris, & domini, concedo: secus, nego: Christus autem, ut homo, habet jus distinctum, & dominium diversum à jure, & dominio sui Patris, & Dei: signidem habet dominium in opera suæ humanitatis, per quæ satisfecit Patri, & Deo; subindeque in ejus satisfactione vera intercedere potuit justitia.

Dices tertio, nullus potest satisfacere ex justitia, nisi sit debitor: at non Christus ipse, sed nos ipsi eramus debitores pro nostris peccatis; ergo Christus ex justitia non satisfecit.

Respondeo 1. negari posse majorem: Potest enim aliquis solvere debitum alterius ex misericordia quidem circa debitorem, sed ex justitia circa creditorem: putà si quis misericordia motus erga captivum aliquem, aut hominem inopem, solvat pro eo centum nummos, quos debebat, satisfacit ex justitia creditori, licet moveatur misericordia erga debitorem.

Respondeo 2. negando majorem: Christus enim cum se fidejussorem, ac vadem pro nobis constituerit, & officium Redemptoris voluntariè suscepit, etiam sese debitorem constituit pro nobis erga Deum: igitur quemadmodum fidejussor tenetur ex justitia solvere debitum, quando debitor illius solvendi sit impotens; sic etiam Christus Dominus hac ratione debebat pro nobis satisfacere ex justitia.

Dices denique: Eundem Christus deberet exercere actum satisfaciendo pro nobis, quem nos tenemur elicere, dum pro nostris peccatis satisfacimus; at non satisfacimus per actum justitiæ, sed penitentiz: igitur etiam Christus non satisfecit ex justitia.

Respondeo negando minorem: Homo enim existens in gratia, non solum per virtutem penitentiz, sed etiam per virtutem justitiæ, debitam Deo satisfactionem impendit, sed propter diversa motiva, quia per penitentiam satisfacit ex motivo vindicandi peccatum; per justitiam verò ex motivo reddendi Deo aequale pro peccato juxta præscriptum ex ordinatione divi-

na;

na; hoc autem maximè verum fuit in Christo, quippè cum Deo conignam, & ad æqualitatem satisfactionem exhibuerit, ut manifestabit

CONCLUSIO SECUNDA.

Chris̃ti satisfactio non solum æqualis fuit, sed etiam sufficientissima, ac superabundans per ordinem ad præmium: indigebat tamen acceptatione divina, ut illud consequeretur à premianie. Hæc Conclusio duabus partibus constat, quarum prima probatur ex illo ad Rom. 5. Non sicut delictum ita & donum: si enim unius delicto multi mortui sunt, multo magis gratia Dei, & donum in gratia unius hominis Jesu Christi in plures abundavit.... Sicut enim per inobedientiam unus hominis peccatores constituti sunt multi, ita & per unius obeditionem iusti constituentur multi.... Ubi autem abundavit delictum, superabundavit gratia. Quibus concordat Isaia vaticinium cap. 10. Consummatio abbreviata mundabit iustitiam. Quod S. Paulus Rom. 9. interpretatur de Christo, ut significet operationes Christi, quæ consummatæ, & abbreviatæ sunt in Verbo, quod abbreviatum fecit Dominus super terram, quasi exundantem iustitiæ fontem effudisse, pro expiandis nostris peccatis. Hinc Lucæ 9. Christus loquens cum Elia, & Moyse de sua passione, dicebant: excessum ejus, quem completurus erat in Jerusalem, quibus declarat Christus passionem excessivè, in ratione satisfactionis, omnia nostra delicta.

Probatur etiam ex summis Pontificibus; nam Cajus Papa Epistola 1. decretali exponens supra citata verba S. Pauli ait, *Validius factum est donum libertatis, quam debitum servitutis*. Agapitus Epistola ad Anthemum, postquam dixit, nullum purum hominem idoneum fieri potuisse, ut pro nobis omnibus satisfaceret; subiungit causam, ob quam Christus satisfecit his verbis. *Effusus iusti sanguinis tam fuit dives, & pretiosa, ut si universus captivorum in Redemptionem suam crederet, nullum diaboli vinculum retineret: quoniam sicut Apostolus ait. Ubi abundavit delictum, superabundavit gratia, & cum jub peccati præiudicio nati poestatem acceperint ad iustitiam renascendi, nullius factum donum libertatis, quam debitum servitutis*. Quæ verba desumpsit ex S. Leone serm. 12. de Passione. Quibus concordat Clemens V. in

extravaganti *Unigenitus*, ubi ut ostendat abundantiam meritum Christi, quæ dicuntur esse in thesauro Ecclesiæ, non posse exhausti, ait; *Non guttam sanguinis modicam (quæ tamen propter unionem ad Verbum, pro redemptione totius generis humani sufficisset) sed copio è velut quoddam profuvium na citur effuisse*.

Adsupulantur etiam sancti Patres: imprimis verò S. Chrysostomus serm. 11. in cap. 9. ad Rom. ubi ita scribit, *Christus pro nobis solvit; tantòque plura, quamò guttulam exiguum Pelagus excoxit immensum... noli, itaque diffidere, o homo, cum tantis bonorum divitiis videas, &c.*

Subscribit auctor de cardinalibus Christi opibus: loquens enim de Circumcisione ait: *Tanta dignitatis illa una Redemptionis nostri fuit oblatio, ut una ad tollenda mundi peccata sufficeret; qui tanta auctoritate in sancta intravit in sanguine proprio, ut deinceps nulla supplicantium postulatio indigeret sanguine alieno*.

Denique S. Bernardus explicans illud Psal. 129. *Copiosa apud eum redemptio*, ait serm. 22. supra Cantica: *Propterea, inquit, copiosa, quia non gutta, sed unda sanguinis largiter per quinque corporis partes emanavit. Et Epist. 190. Fuit verò sanguis, qui effusus est, tam multus adignoscendum, ut ipsum quoque peccatum maximum, quo factum est, ut effunderetur, deleret*.

His favet Concilium Triburiense cap. 19. ubi ait in consecratione calicis plus vini, quam aquæ admisceri, ut ostendatur maiorem esse virtutem sanguinis Christi, quam populi fragilitatem; quæ per aquam designatur.

Eandem veritatem docet, & propugnat Doctor subtilis in 3. dist. 19. n. 7. ubi dicit meritum Christi ratione personæ divinæ, habuisse circumstantiam infinitam, ratione cuius congruum erat, ut pro infinitis acceptaretur. *Ex formali ratione sua quam habuit, inquit, non potuit acceptari infinitum, & pro infinitis, sed pro finitis. Tamen ex circumstantia supposita, & de congruo ratione suppositi, habuit quandam rationem extrinsecam, quare Deus potuit acceptare illud infinitum, scilicet extentivè pro infinitis. Si autem illud meritum fuisset alterius personæ, tunc nec ratione operis, nec ratione operantis fuisset congruitas acceptationis illius pro infinitis*. Quibus aperte docet Doctor, Christi merita ratione personæ divinæ, congruen-

gruentiam, hoc est, valorem, & dignitatem habuisse, ut pro infinitis hominum peccatis solvendis à Deo acceptarentur; congruentiam enim apud Doctorem, idem est, ac apud Recentiores valor, & dignitas: licet ab eo non sic appelletur, quia non est integer valor ubi non est verum jus erga pramiantem, quale non habebat ex se Christi opera meritoria, sed tantum ex acceptione divina.

Idem habet in 4. dist. 15. qu. 1. ubi ait: *De potentia autem ordinaria non disposuit Deus sibi reconciliari inimicum, nisi per obsequium magis gratum, quam offensam ejus erat sibi displicens, & tale obsequium ejus est passio Christi, vel meritum ejus.* Ubi ponderandum est, quod loquitur de valore meritorum, quem habent ante acceptionem; nam ut mox dicebat, solum possunt habere valorem æqualem cum debito, siquidem pro illo solum satisfactio acceptatur actualiter: igitur dum dicit, obsequium Christi fuisse magis gratum, loquitur de acceptabilitate, quam illud obsequium ante actualementem acceptionem habebat.

Ex quibus apparet, quam turpiter hallucinantur plurimi Recentiores, dum affirmant, Doctorem asserere merita Christi fuisse dumtaxat condigna per ordinem ad primum, solum ex acceptione divina; neque enim abundantia meriti repetenda est ex acceptione pramiantis; sed ex dignitate operantis. Licet igitur Doctor doceat ante acceptionem, meritum non habere completam condignitatem in ordine ad primum; hæc enim non potest esse completa, nisi etiam det jus in ordine ad pramiantem; tamen contendit merita illa ex se fuisse sufficientissima, quæ acceptarentur à Deo ad solvenda nostra debita; ita quod si Deus omnia hominum peccata in bilance statuisset, & Christi merita ex altera parte, haud dubium esset, quod longe præponderarent merita Christi, ut egregie docet S. Bernardus Homilia de duobus Discipulis euntibus in Emmaus, ubi docet penam, quam pro peccatis generis humani Christus substituit, in statera crucis appensa, multo majorem fuisse ratione satisfactionis, quam promeruisse peccata nostra. Ait autem: *Crux sola est statera corporis, quod est Ecclesia: cum enim ipse crucifigeretur, appensa sunt cum ipso peccata, quæ commisimus, calamitas, quam incurrimus: ipse erat innocens, impollutus, segregatus à pec-*

catoribus, & excelsior calis contraversio ejus; non enim peccatum fecit, nec invenit; & dolus in ore ejus, & quoniam talis, ac tantus, tam indigna dignatus est in cruce pati, præponderare caput calamitatis, & crimina levigare; cum adhuc tamen in cruce erectus staret, vacillare videbatur statera, nec plane cognoscebatur, quod cadere deberet; cum inclinato capite emisit spiritum, & calamitas præponderando caderet, & quasi arena mortis gravior appareret, gentes quasi momentum statera reputate sunt; nam in statera ceciderunt, quia partes adversæ damnationi nostræ Chyrogaphum amiserunt.

His etiam suffragatur ratio. Illa satisfactio censetur esse condigna per ordinem ad primum, nempe remissionem offensæ, quæ injuriæ gravitatem moraliter adæquat: sed Christi satisfactio adæquabat moraliter gravitatem offensæ Deo irrogatæ per hominum peccata: igitur erat condigna per ordinem ad primum. Major constat. Minor probatur; gravitas offensæ oriundæ ex peccatis hominum maxime repetitur ex eo, quod sit contra Deum, qui cum sit objectum infinitum, ex eo quædam redundat indignitas summa, & extrinsecè infinita in illam offensam; sed Christi satisfactio cum exhibetur à persona divina, habebat etiam ratione sui principii quamdam moralem, & infinitam extrinsecè dignitatem adæquantem gravitatem offensæ; quia non minus est potens dignitas personæ satisfaciæntis ad influendum valorem moralem in actum satisfactorium, quam dignitas personæ offensæ ad influendam gravitatem, & malitiam moralem in offensam ipsi irrogatam; ergo etiam satisfactio Christi sit satisfactio personæ divinæ, non minus illius dignitas adæquat maiestatem personæ læsæ, quam hominum offensæ.

Confirmatur. Decens erat, & congruum, quod sicut misericordia Dei maxime enituit in humani generis reparatione, ita pariter divina iustitia in illa resurgeret; *Universæ enim viæ Domini misericordia, & veritas:* Sed non relucet Dei iustitia in hominum redemptione, si Christi satisfactio non esset ex se condigna per ordinem ad primum, quia totus ejus valor penderet à divina acceptione, & subinde solutio tota esset ex Deiliberaltate, & clementia: igitur ut hæc utraque divina perfectio in nostra redemptione ex æquo relucet, necessum fuit, ut Christi merita præter acceptionem di-

vinam, ex se forent sufficientia pro solvendis omnibus nostris debitis.

Probat̃ur etiam secunda pars: Nemp̃ quòd Christi satisfactio, ut esset undequaque completa, tam per ordinem ad pr̃mium, quàm per respectum ad pr̃miantem, opus haberet acceptarià Deo. *Probat̃ur*, inquam, primò tum ex sacra Scriptura, tum ex sanctis Patribus significantibus acceptationem Dei, & conventionem desiderari ad condignitatem meritorum Christi: huc enim spectat pactum, & sedus, ac iurjurandum Dei, quo sanctissimis Patriarchis, ac Prophetis promisit Christi redemptionem. Spectat etiam celebris illa promissio facta Christo venturo, Isaia 53. *Si posuerit pro peccato animam suam*, &c. Hinc S. Ambrosius exponens verba Psalmi 118. *Suscipe me secundum eloquium tuum*, & *vitam*; cum dixisset, *Pecemus ut suscipiamur à Christo*; subdit, *Interdanda autem presumptionis videretur dicere Domino: Suscipe me; nisi promissum ejus adjungeret; hoc est, ut hoc auderemus ipse fecisse; tuote cyrographo convenimus*. Quibus significat nostra opera in tantum esse meritoria completè, in quantum acceptantur à Deo, nec nos sperare posse consequi divinum pr̃mium, nisi esset repositum.

Ratio idipsum suadet, nihil enim creatum potest inducere obligationem in Deo aliquid conferendi, nisi ipse ad concedendum ex sua libertate, & clementia voluerit se promissis adstringere, alioquin non esset omnino independens: sed opera satisfactoria Christi reverà erant in entitate sua aliquid creatum: ergo nullatenus poterant Deum astringere, ut in eorum pr̃mium concederet remissionem peccatorum nostrorum, nisi ipsemet idipsum voluisset per suam liberam ordinationem, & acceptationem.

Dices, Valor operum Christi satisfactoriorum non adæquabat gravitatem offensæ omnium peccatorum: igitur illius satisfactio non erat condigna per respectum ad pr̃mium. *Probat̃ur antecedens:* *Primò*, quia offensæ interrogat Deo, ut Deus est: at opera Christi satisfactoria non procedunt ab eo, quatenus est Deus, sed quatenus homo, non enim satisfaciunt Deo, sed ut homo; ergo valor satisfactorius illorum operum non æquabat gravitatem offensæ peccatorum. *Deinde*, non potest esse tam grata, & honorifica satisfactio impen-

num offensæ, quippè tantum Deo displicet peccatum, quantum ei placet propria bonitas, quia peccatum adversatur; quia quantum amatur res aliqua, tantum odio habetur, & displicet illius destructivum: sed opera Christi satisfactoria non possunt tantum placere Deo, quantum ipsi placet propria divina bonitas: igitur ex æquo non respondent offensæ.

Denique: Gravitas offensæ Deo irrogatur à creatura, infinita est, tam ex parte personæ, in quam peccatur, quàm ex parte personæ offendentis, quæ in infinitum distat à Deo; at satisfactio Christi tantum censeri potest infinita ex parte personæ satisfaciens, non verò ex parte illius, cui satisfactio exhibetur, quia non crevit satisfactio ratione personæ, cui impenditur, imò illius valor magis deprimitur: quò enim dignior est persona, eò etiam præstantiorem satisfactionem exigit; & consequenter, quod sufficeret respectu alterius minoris dignitatis, non potest esse sufficiens respectu personæ magis dignæ; ergo gravitas peccatorum longè major erat valore satisfactorio operationum Christi, & consequenter tantum abest, ut illa fuerint superabundantia, imo non potuerunt habere condignitatem.

Nego antecedens, & ad primam ejus probationem dico. Quòd Christus non satisfecit dumtaxat, ut homo; nec tantum ut Deus; sed ut Deus homo, quippe humanitas eliciebat opera satisfactoria, coagentem personalitatem Verbi, quæ valorem satisfactorium in illa influebat, & consequenter instillabat eis quamdam dignitatem infinitam, saltem extrinsecè ratione videlicet personæ infinitæ, à qua illa opera procedebant. *Ad secundam probationem*, nego antecedens, & rationem ejus probationis; Non enim necesse est, ut Deus tantum peccatum odio habeat, quantum suam bonitatem diligit, quippè peccatum non est oppositum ipsi bonitati physice, sed dumtaxat moraliter; opera autem satisfactoria Christi tantum honoris rependunt divinæ bonitati, quantum injuriæ ipsi irrogatur per peccatum. *Ad tertiam probationem*, dico, quòd si peccatum aliquam infinitatem habeat, illi non est intrinseca, sed dumtaxat extrinseca, ratione scilicet personæ infinitæ offensæ: at satisfactio Christi non solum ex hoc capite habet infinitatem extrinsecam, sed etiam ex parte personæ satisf-

tisfacientis, cum enim hæc sit infinita, etiam ejus opera digna sunt, quæ acceptentur pro infinitis hominibus, ut diximus supra cum Doctore.

Dices secundò: Personalitas Verbi non confert operibus Christi valorem intrinsicè infinitum, ut docet Doctor in 3. dist. 19. sed duntaxat extrinsecè; ergo illa opera satisfactoria sunt tantum valoris finiti; sed valor finitus operis satisfactorii non tantum non excedit, imò nec adæquat gravitatem offensæ omnium peccatorum: igitur tantum abest, ut Christi satisfactio fuerit superabundans, imò non erat condigna, & ad æqualitatem.

Distinguo minorem: Valor finitus operis satisfactorii non potest sufficere ad expiationem omnium peccatorum secundum aliquos sui gradus, concedo: ubi involvit omnes omnino gradus valoris, qui reperiunt possunt in aliquo opere satisfactorio, nego. Licet autem opera Christi non habuerint valorem intrinsicè infinitum, habuerunt tamen valorem summum, qui posset operibus creatis convenire. Hinc est, quod cum infusus divina persona propter eminentissimam sui excellentiam, illa opera mitum in modum illustraret, etiam exhibebat digna, quæ pro nostris peccatis solvendis Deo acceptissima fierent.

Dices tertio: Si satisfactio Christi fuisset exuberans per ordinem ad debita, Deus non potuisset illam recusare: igitur hæc non agebat acceptione divina ad completam sui perfectionem. Consequentia patet; ubi enim plus redditur, quam debetur, debitum exactissime solvitur: at exactissima debiti solutio recusari non potest à creditore: ergo &c.

Distinguo antecedens: Non poterat recusare ratione valoris ipsius operis, & ejus condignitatis ad præmium, concedo: ratione libertatis ipsius præstantis, qui non potest ab aliquo externo addringi ad aliquid concedendum, nisi ad id sese suis promissis spontè obligaverit, nego.

Dices quarto: Peccat contra æquitatem omnis, qui satisfactionem præter debitum exigit: sed Deus Christi satisfactionem exigendo, peccare non potuit contra æquitatem. Igitur illa non erat superabundans, & præter debitum.

Distinguo majorem: Quando potest exhiberi satisfactio absque illo excessu, concedo: quando illa rependi nequit, nego; sic

autem est in præsentia, non enim poterat Deo fieri satis ad æqualitatem secundum statutam legem, nisi à persona divina; satisfactio autem procedens à persona divina necessariò excedebat humana debita propter dignitatem personæ, quæ illam exhibebat; non ergo agebat Deus contra æquitatem, dum Christi satisfactionem, licet superabundantem, exigebat.

QUÆSTIO QUARTA.

Utrum Christus pro nobis satisfecerit ad juris apices, seu ex rigore justitiæ.

Notandum 1. aliud esse satisfactionem aliquam esse ex natura sua æqualem, & condignam; aliud verò illam fieri ad strictos juris apices, seu procedere ex rigorosa justitia. Ad hoc enim, ut satisfactio sit condigna, sufficit quod compensatio fiat ad æqualitatem, & tantum à debitore solvatur, quantum debetur creditori: ut verò satisfactio fiat secundum leges strictæ, & rigorosæ justitiæ, præter æqualitatem, aliæ desiderantur conditiones, quas statim proferemus, & expendemus. Quapropter licet omnes penè conveniant, quod Christi satisfactio fuerit condigna, & ad æqualitatem, maxime si attendatur ipsius valor secundum ordinem ad præmium; tamen plurimi Recentiores ulterius inquirunt, an etiam exhibita fuerit secundum strictos juris apices, & leges rigorosæ justitiæ. Recentiores dixi, nam nullus veterum, quem legimus, questionem sub his terminis proponit, addiscit: illi namque duntaxat inquirunt, & resolvunt Christi satisfactionem fuisse condignam, & ad æqualitatem ex vera justitia.

Notandum 2. præter tres condiciones ad omnem perfectam satisfactionem desideratas, quas expendimus in tertia Quæstione præcedenti, adhuc quinque à Theologis assignari, ut satisfactio dicatur fieri secundum rigorosam justitiam. *Prima* est, quod satisfactio fiat ex bonis propriis satisfaciētis, & debitoris: cum enim per omnem satisfactionem rigorosam debeat fieri perfecta æqualitas, oportet, ut ille, cui fit satisfactio, acquirat dominium alicujus rei, quod antea non habebat; saltem eo modo, quo per satisfactionem illud obtinet. *Secunda*, quod non fundetur ingratia creditori; si enim quis debet centum nummos, & creditor contentus sit, si duntaxat 50, offe-

offerat, illa satisfactio non erit ex rigore iustitiæ, quia supponit gratiam creditoris ex liberalitate, & ex misericordia debiti partem remittentis. *Tertia*, ut sit ad alterum; nam satisfactio rigorosa essentialiter ordinatur ad instituendam perfectam æqualitatem; perfecta autem æqualitas non potest esse ejusdem ad seipsum; æqualitas enim est relatio realis necessarii requirentis extrema realiter distincta. An autem illa distinctio, & alteritas debeat esse inter personas, aut inter naturas, aperimus infra. *Quarta conditio* est, quod persona offensa teneatur acceptare talem satisfactionem, nec possit illam ex iustitia respicere, quia nempe cognoscit illam esse æqualem debito. Hanc conditionem præceteris assignant Joannes Medina Tractatu 3. de Pœnitentia q. 1. Andreas de Vega lib. 7. super Concilium cap. 9. & cum eis plurimi Recentiores. *Quinta conditio* est, ut satisfactio fiat ex iis, quæ alio titulo per se non debentur creditori: quam conditionem assignat S. Anselmus libro 2. *cur Deus homo* cap. 19. Si enim aliquis debeat alteri centum nummos propter censum annum, & totidem ratione mutui, vel venditionis, non faceret satis creditori ei solum tribuendo centum nummos; posset enim creditor acceptare illos centum nummos pro annuo censu, & sic debitor teneretur alios centum nummos solvere in satisfactionem mutui, vel venditionis.

Notandum tertio: Nos signanter, & consulto dixisse, quod satisfactio rigorosa fieri debeat ex aliis per se indebitis. Dupliciter enim potest aliquis debiti titulus alteri supervenire. *Primo* quidem per se, & scorsim, novum inferendo debitum: *Secundo* vero, per accidens, & conjunctim, novam dumtaxat inferendo ejusdem debiti solvendi obligationem, vel prioris obligationis confirmationem: quod perpicuum fit his exemplis. Si quis enim debeat alicui centum nummos ratione census annui, & totidem postea mutuo accipiat; quia titulus census annui, quo priorem summam debebat, est obligatorius per se, sicut & titulus ex mutuo contractus, idcirco duplex est distinctum debitum, quod per unicam solutionem non potest exsolvi. Similiter id ipsum clarum fit hoc exemplo: Si quis ex voto teneatur jejunare singulis diebus veneris, quando dies ille est vigilia alicujus festi, & tempus quadragesimæ, quo tempore, & die etiam tenetur jejunare ex præcepto Ec-

Fraßen Theol. Tom. VII.

clesiæ, non habet ille triplex distinctum debitum jejunandi, sed solum novam obligationem priori superadditam. Hic autem non movetur questio utrum satisfactio rigorosa postulet fieri ex indebitis per accidens, sed solum ex indebitis per se; certum enim est, quod si quis juraret alteri se petiturum Romam, quod jam iturus erat ex voto, nec non ratione stipendii propter illam professionem accepti, non teneretur ille tribus distinctis vicibus Romam petere; licet ad id teneatur titulo religionis, ratione voti, & juramenti, & titulo iustitiæ ratione stipendii accepti, quia tituli religionis, & iustitiæ in tali casu, non funt per se obligatorii, sed dumtaxat prioris obligationis confirmativi.

CONCLUSIO UNICA.

Christi satisfactio (supposito pacto divino) habuit omnes conditiones ad satisfactionem ex rigore iustitiæ, & ad strictos juris apices. Hæc est communior, & ut mihi videtur conformior menti Doctoris, affirmantis Christum satisfecisse de condigno, & ad æqualitatem, ac superabundantiam (supposita acceptance, & conventionione divina) ut dictum est supra.

Probari potest conclusio autoritate sanctorum Patrum, qui docent Christum satisfecisse pro nobis exactissime. Sic *Proclus Cizicenus* oratione de Nativitate Christi cap. 7. ubi ait, *Pro nostris peccatis ejusmodi impensum fuit pretium quod exactum debitum ad iustitiam amissum exaquaret*. S. Augustinus in *Enchiridio* cap. 43. ubi ait, idcirco Christum fuisse passum, ut *diabolus veritate iustitiæ, non violentia potestatis oppressus, & victus, quoniam ipsum sine ullo peccati merito occiderat iniquissime, per ipsum iustissime amitteret, quos peccati merito desinebat*: iustissime autem diabolus non amitteret captivos per Christi mortem, nisi illi ex rigorosa satisfactione, & iustitia à sua captivitate solverentur.

Sanctus Basilii Seleuciensis homilia prima de Incarnatione ait, *Per mirabiles naturæ nostræ primitias, scilicet per Christum Dominum, omnem iustitiæ rationem fuisse expletam*. S. Salvianus lib. 4. de Providentia, *In illo (scilicet Christo) iniustitiæ speciem ipsa magnitudo iustitiæ habere videtur*, hoc est, tam exacta, tamque stricta fuit divinx iustitiæ in Christum animadversio, ut sa-

F

tisfa-

tisfactio ab eo exacta propter suam magnitudinem, quasi iniustitiam importaret.

*Probat*ur autem conclusio ratione. Illa satisfactio fuit exhibitæ ad strictos juris apices, quæ omnes ad rigorosam iustitiam conditiones habuit: fuit talis fuit Christi satisfactio, quod utique probatur singulas conditiones expendendo, & applicando.

Satisfactio Christi fuit ex propriis.

Primò namque Christi satisfactio exhibitæ fuit *ex propriis bonis satisfaciendis*: siquidem Christus satisfecit, suas actiones, & seipsum submittendo, & offerendo Deo ad compensandam injuriam illatam per peccatum generis humani; sed tam actiones, quam ipsum Christi suppositum fuerunt propria bona illius tanquam Domini, & nullo modo sub dominio Dei, cui satisfactio impendebatur: igitur facta fuit ex propriis. Major constat; Probatur minor primò, Christi suppositum non fuit sub dominio Dei, quandoquidem non est, quid creatum, sed divinum, & subinde à nullo dependens, si quidem Christus æqualis est Patri secundum divinitatem. Idem constat de actionibus satisfactoriis, Christus enim non satisfecit, nisi per actiones humanas in quantum procedebant à supposito divino; sed ut sic, inducant rationem ejus suppositi, à quo procedebant; non solum per modum principii effectivi, sed etiam per modum principii formalis hujusmodi opera moraliter informantis, ac dignificantis: unde sub hac ratione involvuntur moraliter suppositum divinum: ergo cum Verbi suppositum sub nullius sit dominio, actiones satisfactoriæ Christi ita fuerunt illi propriæ, ut nullius essent alterius tanquam domini.

Obijciunt primò. Actiones creatæ sunt sub generali dominio Dei, cum Deus titulus creationis, & conservationis habeat supremum dominium super omnia entia creatæ: sed Christus Dominus satisfecit per actiones humanitatis, quæ creatæ sunt: ergo per actiones, quæ erant sub dominio Dei, adeoque creditoris, & consequenter non propriis.

Respondetur. Distinguendo majorem. Actiones creatæ, quæ non sunt à persona divina, sunt sub generali dominio Dei, concedo; quæ sunt à divina persona, nego. Ad minorem dico, Christum Dominum satisfecisse per actiones creatas, non simpliciter, sed

ut erant à persona Verbi, ita ut tota ratio valoris illarum actionum ab ipsa divini Verbi persona emanaret.

Inflabit. Valor satisfactionis Christi ex concessis, procedebat à persona Verbi, tanquam à principio formali dignificante operationes humanitatis: sed persona Verbi divini habet rationem creditoris, & offensæ; siquidem tam persona Verbi, quam aliz duæ personæ divinæ, læsæ sunt per peccatum: ergo etiam valor satisfactionis Christi sumitur à creditori, vel ab ipso offenso.

Distinguo majorem: Valor satisfactionis Christi sumitur ex persona Verbi in quantum est suppositum divinum formaliter, hoc est, in quantum terminat naturam divinam, nego: in quantum est suppositum humanum, sive in quantum subsistit in natura humana, concedo, & similiter distincta minore, nego consequentiam; quamvis enim suppositum Verbi sit simplicissimum formaliter, tamen est virtualiter multiplex, quia virtutem suam terminativam exercet tam erga naturam divinam, quam humanam.

Obijciunt secundò: Cum omne dominium conveniat supposito ratione voluntatis, Christo Domino dominium in actiones satisfactorias conveniebat, vel ratione voluntatis divinæ, vel humanæ: si prius, ergo satisfecit ex communibus, & non ex propriis, quia satisfecit ex his, quæ erant sub dominio voluntatis communis toti Trinitati: si posterius, ergo satisfecit similiter ex communibus, quia voluntas humana Christi cum sit quid creatum, pendet à tota Trinitate.

Respondetur. Actiones istas esse sub dominio Christi ratione voluntatis humanæ, neque tamen inde sequi, quod sint sub generali dominio Dei: voluntas enim creatæ Christi potest considerari dupliciter vel secundum hoc, hoc est, in quantum est facultas appetitiva intellectualis creata, & eatenus est sub dominio generali Dei: vel secundum quod est appetitus intellectualis creatus personæ divinæ, & sic non est sub dominio generali Dei, quia talis est sub hac ratione formali, qualis est persona divina, cujus est proprietas: at verò voluntas humana Christi est domina actionum ejusdem satisfactoriarum, ut voluntas personæ divinæ, & subinde actiones illæ ipsi sunt propriæ.

Subijciunt. Sed etiam actiones istæ, ut sunt à voluntate spectante ad personam divi-

divinam, dependent à Deo in fieri, & in conservari; imò etiam voluntas, à qua procedunt, est sub dominio Dei: ergo spectant ad dominium generale, & commune toti Trinitati.

Respondeo, negari posse antecedens, si in eo particula ista (*ut*) sumatur secundum sensum formalem; quia hoc sensu hæc tria, actio personæ divinæ, & voluntas personæ divinæ, & esse creatum, se habent tantum concomitanter; sicut verbi gratia, hæc propositio intellecta secundum sensum formalem, *Petrus ut rationalis, non est animal*, vera est, quia animalitas non includitur in conceptu formali rationalitatis, sed tantum in conceptu reali, & identifico: si autem particula (*ut*) sumatur secundum sensum materiale, verum est antecedens, & sic illo concessio, neganda est consequentia propter rationem prius dictam, nempe quia actiones illæ inducunt rationem suppositi, à quo emanant.

Inhabis. Actiones voluntatis humanæ Christi, sive formaliter, sive materialiter spectentur, sunt quid creatum: sed omne creatum spectat ad commune dominium totius Trinitatis: igitur quovis modo spectentur non erant propriæ Christo.

Respondeo primo, actiones elicite à Christo considerari posse duobus modis: *Primo* physice, & entitative, quatenus procedunt à natura humana tanquam à principio formali *quo*: *Secundo* Moraliter, & veluti reflexive ad Verbum divinum, à quo procedunt tanquam à principio *quod*. Priori modo, revera sunt formaliter quid creatum, & sic spectant ad dominium commune toti Trinitati: Secundo modo autem sunt ipsummet Verbi suppositum, aut saltem induunt ejus rationem; quia, ut diximus, sub hac ratione formali illud involvunt, non solum per modum principii effectivi, sed etiam per modum principii formalis ipsas actiones moraliter informantis, & dignificantis.

Respondeo secundò, cum *Suare disp. 4. sect. 6.* quòd etsi satisfactio, ex datis, & acceptis, quæ propriè dicitur *restitutio*, non possit fieri ex his, quæ sunt sub dominio creditoris; bene tamen illa, quæ versatur circa actiones liberas, qualis est injuriæ compensatio in materia honoris: hoc enim est discrimen inter satisfactionem, & restitutionem, quòd *restitutio* versatur in rebus datis, & acceptis; quia per eam repara-

tur damnum illatum alteri in bonis suis: *Satisfactio* autem versatur in actionibus: quia per eam intenditur injuriæ compensatio. Hinc in restitutione debet fieri perfecta æqualitas inter satisfaciendum, & eum, cui fit satisfactio: in datis autem, & acceptis non potest fieri æqualitas, nisi aliquid transeat in actuale dominium illius, cui fit satisfactio, aliàs non esset magis habens de rebus suis, quàm erat ante satisfactionem exhibitam; & sic semper restaret inæqualitas: secus autem est in satisfactione, quæ fit per opus liberum, cujus operans est dominus, quia ratio satisfactionis non consistit in translatione domini alicujus rei: sed in hoc solum, quòd tantum reverentia, & honoris impendatur, quantum injuriæ illatum fuit. Et ideo licet Deus habuerit dominium in actione Christi, non minus Christus ex æquo per eas potuit satisfacere, quia tantum, imò plus honoris reddit Deo, quantum ipsi per peccatum ablatum est.

Respondeo terciò, quòd etsi actiones Christi tam materialiter, quàm formaliter consideratæ, fuerint sub alto, & generali dominio Dei, quatenus suprema omnium Moderatoris, & Domini, nihilominus per eas Christus ad juris apices poterat nostrum solvere debitum; quoniam dominium altum, & commune in rem aliquam non impedit dominium particulare: licet enim Rex habeat dominium altum, & commune in bona subditorum; ita quòd possit illa expendere in utilitatem, & protectionem Reipublicæ, non minus particulares quique habent peculiatum dominium in bona sibi proptia, ratione cujus domini revera satisfaciunt ex rigore justitiæ ipsimet Regi, dum præscriptum sibi vestigal exacte pendunt: ergo à simili, licet Deus habuerit dominium altum, & commune in actione Christi, non minus ipse adorandus Salvator habebat dominium particulare in ipsas: quia liberrimè eas eliciebat, & consequenter, per eas, illo non obstante dominio communi, poterat ex æquo pro nobis Deo satisfacere.

Obijcies terciò. Si actiones Christi quatenus sustentatæ, essent soli Verbo incarnato propriæ; ita actiones puri hominis, ut libetæ, & vitales, essent illi soli propriæ, siquidem ab eo solo procedunt modo libetæ, & vitales: igitur si ea ratione Christus potuit satisfacere ex propriis, pari jure purus homo per suas

actiones, ut liberæ sunt, & vitales, poterit Deo satisfacere ex propriis de via ordinaria, cuius contrarium docuimus supra.

Nego sequelam antecedentis: Licet enim actiones illæ procedant à solo homine, ut agente modo vitali, & libero; ita tamen sic ab eo procedunt, ut earum vis, & efficacia ad agendum vitaliter, & liberè, sit à Deo per dependentiam: quippe illæ actiones procedunt à voluntate creata, ut existente sub communi dominio totius sanctissimæ Trinitatis, quæ voluntas præter acceptam illam virtutem, & efficaciam, requirit insuper concursus Dei, ut suos actus vitales, & liberos eliciat: At ipsa vis sustentandi naturam humanam ita est Verbi divino propria, ut illam habeat ex illo præciso conceptu, quo est divina persona independens quocumque alio. Nec etiam Verbum divinum indiget aliquo speciali concursu, ut naturam humanam ejusque actiones sustentet, cum talis sustentatio sit dumtaxat quædam terminatio, qua sola Verbi incarnati personalitas ita complecti humanitatem, ut se sola illam faciat subsistere. Non est igitur paritas inter actus vitales, & liberos puri hominis, & ipsam sustentationem naturæ humanæ à persona Verbi. Duo namque reperiuntur in ipsis actibus, ratione quorum actus illi spectant ad commune dominium totius Trinitatis. Primum est, quod non possint elici, nisi dependentes à concursu Dei, tanquam causæ primæ, & universalis: Secundum est, quod hæc vitalitas, & libertas ita sint sub dominio hominis actus illos elicientis, ut tamen sint etiam sub dominio totius Trinitatis, à qua totus ille cum suis omnibus non minus dependet, quam quidquid est servi quatuor servi, est sub dominio ejus, qui talis servi est dominus. Hæc autem duo non habent locum in ipsa sustentatione humanitatis, & actionum ejus facta per Verbum incarnatum.

Inflabis. Idcirco homo dependet à Deo in actionibus liberis, & vitalibus elicientis, quia ab eo accepit vim agendi vitaliter, & liberè: sed etiam Verbum divinum accepit à Patre vim istam sustentandi naturam: quoniam dat esse, dat & consequentia ad esse: Hæc autem vis sustentandi sequitur necessario personalitatem Verbi: igitur qua ratione purus homo non potest satisfacere ex propriis per suas actiones, ut sunt vitales, & liberæ; ita nec Christus potuit satisfacere per actiones na-

turæ humanæ, ut sustentatas à Verbo, tantum ex bonis sibi propriis.

Distinguo majorem: Christus à Patre accepit istam vim sustentandi, sicut & suum esse personale, eo fine, ut pro nobis apud illum satisfaceret, nego: nam prius in aliquo saltem signo rationis, Pater producit Verbum, quàm determinet creare, & redimere hominem: accepit illam vim, & illud esse absque ullo respectu, & ordine ad satisfactionem, absque ulla prorsus independentia, & ut bonum sibi proprium, ac peculiare, concedo; sic enim Verbum accepit à Deo Patre suam personalitatem, & ex consequenti vim infinitam sustentandi non solum naturam divinam; sed etiam alienam, ut tamen ipsa ejus personalitas, & vis sustentativa sint soli Verbo propria, nec ullatenus sub sint dominio Patris, nec ullam ab eo dependentiam includant. Vel aliter respondeo, Accipit illam à Patre cum aliqua dependentia, ita ut Verbi personalitas, & virtus sustentativa dependent à Patre, & sub sint ejus dominio, nego: accepit tanquam quid sibi proprium, & à nullo dependens, nec alicujus dominio subditum, concedo: igitur non est paritas inter illam vim sustentativam Verbi, & actiones liberas, ac vitales puri hominis.

Obijciat 4. Ut quis satisfaciatur ex stricta iustitia, requiritur, ut efficiat aliquid esse sub dominio ejus, cui satisfaciatur, quod antea ad ipsum non pertinebat, neque pertineret, si satisfaciens id ejus dominio non subjeceretur: at Christus nihil potuit Deo tribuere, quod ad ejus dominium non spectaret, & quod Deus aliunde sub dominio non haberet, si per Christum in satisfactionem non offerretur: igitur non potuit satisfacere ex stricta iustitia.

Nego majorem. Non enim est necesse ad exactam, & strictam satisfactionem, quod creditor accipiat aliquid de novo sub suo dominio, ut constat in satisfactione humana honoris laici: per illam enim satisfactionem creditor eam accipiens, nihil recipit, quod ejus dominio sub sit: Unde plerumque sufficit ad perfectam satisfactionem, ut id, quod datur, cedat in honorem, fiatque juxta beneplacitum creditoris. Nec certe videtur major ratio, quod res in satisfactione oblata cedat in commodum, & utilitatem creditoris, quàm ea, quæ offertur per actionem meritoriam: at non requiritur in merito, quod opus meritorium cedat in commodum, & utilitatem præstantis, alioqui nihilominus possemus apud Deum mereri; ipse enim bo-

norum nostrorum non eget: sed satisest, quod cedat in ejushonorem, & gloriam, & fiat juxta ejuspræceptum, & beneplacitum. Idem dicendum de satisfactione.

Obijciēs 5. Christus Deo Patri satisfacit, ut homo, & per actiones verè humanas: sed homo, & ejus actiones sunt quid inferius Deo, & à Deo dependens, ac proinde ejus dominio subdicitur; igitur Deo satisfacit ex bonis, quæ ejus erant: non verò quæ dumtaxat Christo satisfaciendæ erant propria. Major constat: siquidem Christus, ea ratione pro nobis satisfacit, quæ passus est, & mortuus: at passus, & mortuus est tantum, ut homo, & in satisfactionem obtulit suam mortem, & passionem, quæ sunt actiones Christi tantum, ut hominis: igitur, &c.

Distinguo majorem: Christus satisfacit, ut homo, si particula (*ut*) sumatur *reduplicativè*, id est, secundum ea solum, quæ ei competunt ratione naturæ humanæ, nego: Si sumatur *specificativè*, id est, ille qui satisfacit pro nobiserat verus homo, licet etiam esset verus Deus, concedo: ut sic enim humanitas fuit principium *quod* satisfactionis; Verbum autem erat principium *quod*, non solum quatenus sustentabat naturam humanam, & erat principium *quod* actionum satisfactoriarum, quas ab eo assumpta humanitas elicibat, ut principium *quo*: sed etiam quatenus idem Verbum ad illas easdem actiones concurrerebat morali influxu conferente illis valorem summum; & extrinsecè infinitum, scilicet tam seipsum, quam suas actiones offerendo, & subjiciendo in obsequium Dei, simul & eis actionibus influendo illum valorem summum, quo revera erant dignæ, quæ acceptarentur à Deo in satisfactionem pro omnibus nostris debitis.

Satisfactio Christi non fuit fundata in gratia, & liberalitate creditoris.

Probatur. Si Christi satisfactio fundata fuisset in gratia, & liberalitate creditoris, maxime quia pendebat à gratia unionis; hæc enim videtur necessaria, ut persona Verbi influeret valorem summum in suas actiones satisfactorias, & meritorias: sed hæc ratio non obest, quominus satisfactio Christi facta fuerit ad strictos juris apices, & independentèr à liberalitate, & gratia creditoris: igitur, &c. Probatur minor. Quando gratuito donatum antecedit obligationem contractam de sol-

vendo debito, tunc illud ex gratia creditoris comparatum non obest quominus actio satisfactoria, & meritoria ex æquo præmium possit promereri: quia cum debitor sit verè dominus illius, quod gratuito sibi donatum est, tunc censetur satisfacere creditori, quoties illud ipsum in illius dominium restituit: si enim Petrus, verbi gratia, antequam Jacobus debitum erga ipsum contrahat, illi dederit centum nummos, vel etiam post illius debiti contractionem, non tamen ea conditione, ut ex illis contractum debitum solvat, sed omnino absolute, & absque respectu: Petrus poterit ex justitia debitum solvere, restituendo illos centum nummos in dominium, & possessionem creditoris: quia cum esset illorum dominus, dominium istud, & possessionem in creditorem transfert: igitur licet Deus Christo concefferit gratis unionem hypostaticam, cum hæc gratia collata sit omnino antecedens, reverà Christus erat dominus illius status divini, & omnium operationum, quas ut Deus-homo poterat elicere; & subinde elicendo illas operationes, & eas submitiendo Deo, reverà debitum nostrum absque ulla creditoris gratia, & remissione solvebat.

Deinde ad satisfactionem de rigore justitiæ requiritur dumtaxat, quod non fundetur in gratia creditoris, quatenus illa gratia suppleret defectum valoris satisfactionis, & ita acceptaretur valor operis ultra id quod mereretur: at satisfactio Christi, licet fundetur in gratia unionis, hæc tamen gratia non supplet illius dignitatis defectum, nec Deus acceptat opera Christi ultra illorum valorem; sed potius dat operibus humanitatis dignitatem, & valorem non solum adæquantem, sed etiam superexcedentem injuriæ gravitatem: igitur talis gratia non obstat satisfactioni ad strictos juris apices. *Dénique*, gratia unionis non est simpliciter facta Christo quatenus erat Deus homo, sed dumtaxat humanitati, cui Verbum divinum seipsum communicavit hypostaticè: sed satisfactio non fuit exhibita per ipsam humanitatem seorsum, sed præcisè per Christum, quatenus est Deus-homo: igitur non satisfacit sub ea ratione, qua gratia ei erat concessa.

Dicitur primò. Quando aliquis dat alteri unde debitum sibi solvat, tunc illa solutio non potest censi ex rigore justitiæ: sed Deus concessit Christo humanitatem, & per-

sonam Verbi, per quas operationes satisfactorias elicit, & nostrum debitum solvit: igitur illa solutio non fuit ex rigore iustitiæ.

Distinguo maiorem: Si conferendo illud domum, non concessit etiam illius dominium, concedo: si utrumque largitus fuerit, nego. Deus autem conferendo, vel humanitatem, vel Verbum, seu potius donando ei statum illum *Dei-virilem*, dedit etiam illius status dominium; Christus enim erat Dominus suarum operationum, & poterat pro libito illas exercere, vel non exercere: ac subinde, poterat per illas operationes pro nostris peccatis debitam satisfactionem impendere.

His adde, satisfactionem Christi Domini ita fundari in gratia unionis, & Incarnationis, & virtute illius sic fieri, ut hæc unionis gratia non fuerit donata humanitati eo fine, ut satisfaceret; quippe etiam, ut probabimus infra, Deus decreverit Mysterium Incarnationis ante prævisum Adæ peccatum: Unde, sicut cum aliquid solvitur, ex acceptis à creditore non eo fine, ut satisfaciatur, non impedit quin talis solutio sit ex stricta iustitia; etiam istud non impedit quominus Christi satisfactio talis censetur.

Dices secundò: Si Petrus debet Paulo viginti nummos sub ea conditione, quod solvat parem pecuniæ summam sibi debitam, ista solutio fundatur in gratia creditoris, & consequenter non erit exigore iustitiæ: Sed Deus Christo concessit statum Dei virilem ea ratione, ut per illum sibi satisfaceret pro hominum peccatis: igitur satisfactio à Christo exhibita fundatur in gratia Dei, & non est ex rigore iustitiæ.

Nego minorem. Et ratio disparitatis est, quod illa donatio viginti nummorum non sufficit, ut ista pecuniæ summa transcat sub dominium Petri; unde tantum est laivata, & supposititia donatio, & dumtaxat debiti relaxatio. Secus est autem de operibus Christi; quia licet ex Dei gratia eliciantur, reverà tamen existunt sub dominio Christi ratione libertatis creatæ; & ideo licet sint Dei dona, & supponant gratiam unionis, non propterea sunt gratuita donatio, sed iusta, & æqua debiti solutio.

Christi satisfactio facta est ex aliis indebitis.

P*robatur*. Si opera Christi fuissent Deo debita alio titulo, quàm satisfactoria, maximè titulo gratitudinis, aut obedientiæ, aut iustitiæ: sed neutrum horum potest affirmari. Non quidem *titulo gratitudinis*; quia debitum gratitudinis fundatur in merè libera, & gratuita concessione beneficii facta à donante: atqui nullum fuit beneficium gratuitum à Deo concessum Christo Domino, ut Deo-homini; nam si quod fuisset, maximè gratia unionis: at hæc gratia collata fuit soli humanitati, non autem personæ Christi: idem dicendum est de his, quæ consecuta sunt ad unionem, quia illa erant debita ratione unionis hypostaticæ, & non purè gratuita: unde discrimen est inter gratiarum actionem Christi, & hominis puri, quod quanto magis purus homo gratus agit Deo, tantò magis ipsi obligatur, quia ipsa gratiarum actio est novum beneficium ipsi creaturæ collatum ex divina largitate: at quando Christus Dominus gratias egit suo Patri, sive pro beneficio collato suæ humanitati, sive pro aliqua alia re, nullum novum gratuitum accepit, sed debitum dumtaxat suæ dignitati.

Neque etiam titulo obedientiæ: tunc enim aliquis sua opera absolute debet alteri titulo obedientiæ, quando non est in ejus libertate, id quod præcipitur libenter acceptare, vel non acceptare: At Christi obedientia non fuit hujusmodi: liberrimus enim erat ad acceptandum, vel non acceptandum Dei mandatum, ut colligitur ex illis verbis Psal. 39. *In capite libri scriptum est de me, ut facerem voluntatem tuam, Deus meus volui; Et legem tuam in medio cordis mei*. Nec-non ex illo Isaïæ 52. *Oblatus est quia ipse voluit*.

Non denique titulo iustitiæ, quia si quis esset titulus, maximè iustitiæ potentialis, qualis est Religio: at ratione illius tituli Religionis, Christus præcisè non debebat sua opera Deo, novo, ac speciali debito, quia titulus ille, quando non multiplicat materiam, non infert novum debitum, nec consequenter exigit peculiarem solutionem, ac subinde una actione, tam ipsi, quàm, & alteri titulo potest satisfieri; quia non multiplicantur debita, sed dumtaxat confirmatur ejusdem debiti solvendi obligatio.

Unde

Unde licet operationes Christi Deo essent debite titulo religionis; nihilominus poterant etiam impendi in satisfactionem, quia tituli illi religionis, & satisfactionis cadebant supra eandem operationes.

Obijciat, Deus potuit exigere à Christo D. ut singula sua bona opera eliceret ob motivum gratitudinis propter beneficia sibi divinitus collata: igitur per ista opera jam aliunde debita Deo non potuisset Christus satisfacere.

Respondet, hic dumtaxat esse difficultatem de satisfactione, prout à Christo Domino exhibitæ est, non verò prout alio modo præstari potuit. Certum est autem, quod de facto Deus non exegerit, ut Christus omnia sua opera exerceret titulo gratitudinis; quippe talis obligatio nullibi in Scripturis legitur.

Adde quod etiam si Deus hanc legem præscripsisset, nihilominus adorandus ille Salvator potuisset condignè pro nostris debitis satisfacere; quippe omnia divina beneficia ipsi collata longè sunt inferioris dignitatis, & excellentiæ, quàm sint actiones, & ejus opera, quia cum procedant à persona Verbi, tanquam à principio quod, inde divinam aliquam, & infinitam, saltem extrinsecè, excellentiam, & dignitatem eliciunt, qualis non reperitur in omnibus donis Christo collatis: ista namque omnia, puta gratiæ, scientiæ, &c. omnino creata sunt, & finita. Hinc consequens est, quod Christus per opera sua meritoria sic potuerit satisfacere cuilibet debito gratitudinis pro omnibus, & singulis beneficiis acceptis, ut etiam per eadem opera, tanquam indebita, adhuc potuerit ex stricta iustitia pro debitis omnium hominum satisfacere.

Inflabit: Quando beneficium collatum est ita summum intensivè, ut Deus absoluta sua potentia majus, & præstantius conferre non possit, quantumcumque perfectus eliciatur actus gratitudinis ab accipiente beneficium, non potest beneficii dignitatem excedere, nec consequenter ex stricta iustitia offerri, & impendi Deo in satisfactionem pro debito alieno: At unio hypostatica est beneficium omnium præstantissimum, quod Deus conferre potest absoluta sua potentia: igitur omnis actus gratitudinis, quem Christus propter illud beneficium potest Deo referre, istius beneficii dignitatem non excedet, nec conse-

quenter in satisfactionem pro altero debito poterit impendi.

Distinguo majorem: Si beneficium istud summum ei conferatur, qui habet præcipuas partes in satisfactione, & eam impendere debet per modum principii quod, concedo: si tantum ei conferatur, qui in impendenda satisfactione minis præcipuas partes obtinet, & ad eam se habet dumtaxat per modum principii quo, nego: Certum est autem, quod beneficium, & gratia unionis collata sint dumtaxat humanitati Christi, quæ in satisfactione habet tantum rationem principii quo; non verò Verbo divino, cui in satisfactione competit ratio principii quod: Tum quia est suppositum ipsius naturæ, à qua illa satisfactio exhibetur: Tum quia valorem summum operibus satisfactoriis impendit: igitur quamquam humanitas ex se non posset debite satisfacere per actus, qui jam Deo deberentur titulo gratitudinis propter summum beneficium gratiæ unionis sibi concessæ, inde non est consequens, quod Christus secundum se totum consideratus, maxime ratione personæ Verbi, non possit per actus jam titulo gratitudinis debitos ratione gratiæ unionis concessæ humanitati, etiam satisfacere Deo pro debitis alienis.

Christi satisfactio erat ad alterum.

Probatur. Illa sufficienter est ad alterum, quæ est inter distinctas naturas; quarum una habet rationem debitoris, alia verò rationem creditoris: sed Christi satisfactio intercessit inter humanam naturam, & divinam; quarum illa habebat rationem debitoris; hæc verò rationem creditoris: nec requiritur, ut eum distinctione naturarum sit etiam personarum distinctio; ea enim distinctio sufficit ad rationem iustitiæ, quæ sufficiens est ad distinctionem iurum: sed salvetur distinctio iurum posita sola distinctione naturarum; ubi enim sunt diversæ naturæ, sunt etiam diversæ voluntates, & libertates, quarum ratione sunt distincta dominia: igitur illa naturarum distinctio sufficiebat in Christo, ut illius satisfactio esset ad alterum.

Confirmatur. Non magis requiritur ad satisfactionem rigorosam, quod intercedat inter personas distinctas, quàm requiratur ad quamlibet satisfactionem: sed Christus (ut diximus in præcedenti quæst.) habet

fat alteritatem sufficientem, ut Deo aliquam satisfactionem impenderet: ergo etiam ut satisfaceret ad strictos juris apices.

Deinde, non requiritur major distinctio inter extrema iustitiæ, quam inter servum, & dominum: sed distinctio realis naturarum in eodem supposito sufficiebat, ut unus, & idem Christus esset simul servus, & Dominus: igitur etiam sufficiebat, ut satisfaceret.

Denique, sic Christus assumpsisset duas humanitates, posset actum iustitiæ commutativæ inter illas duas humanitates exercere, quia licet unicum fuisset suppositum realiter, fuisset tamen duplex virtualiter, quia gessisset vices duorum suppositorum humanorum; quidni ergo pariter Christus in humana, & divina natura existens, potuerit exercere actum iustitiæ erga seipsum, ut existentem in altera?

Obiiciens primò: Satisfaciens debet esse alter ab eo, cui sit satisfactio: at Christus non est alter à Deo, cui satisfactionem impendit, cum ipsemet sit Deus, & satisfecerit, ut Deus homo: igitur ejus satisfactio non erat ad alterum.

Distinguo majorem: Debet esse alter, tam secundum omnem sibi propriam naturam, quam secundum personam, nego: debet esse alter saltem secundum aliquam naturam sibi propriam, concedo: licet autem Christus Dominus non sit alter à ratione naturæ divinæ, necnon à personalitatis Verbi; tamen habet illam alienitatem, seu rationem alterius jure naturæ humanæ sibi propriæ, quæ alteritas sufficit ad veram, & strictam satisfactionem: quia stricta iustitia solum postulat, ut satisfactio sit ad alterum, ut nempe fiat per bona, quæ sint distinctorum juri, & dominiorum. à jure, & dominio creditoris. Unde cum Christus ratione naturæ humanæ habeat jus, & dominium in actiones liberas, quæ omnino distinctæ sunt à Deo, cui satisfactio debetur; ideoque per eas revera Deo potuit satisfacere.

Insuper: Ad satisfactionem ex stricta iustitia non solum sufficit alteritas ex parte naturæ, sed præterea requiritur etiam ex parte suppositi, ut constet etiam ex Aristotele, & aliis philosophis, qui communiter explicant hanc alienitatem in iustitia per distinctionem suppositorum: igitur cum Christus solum habuerit alteritatem ratio-

ne naturæ, non potest censeretur Deo satisfecisse ad strictos juris apices.

Nego antecedens, & ad ejus probationem dico: Aristotelem, & alios philosophos ideoque explicare illam alteritatem necessariam ad strictam iustitiam per distinctionem suppositorum, quia loquuntur de actibus istius iustitiæ, prout communiter, & ordinariè exerceantur ab hominibus habentibus distinctas naturas, & supposita distincta, quia naturaliter fieri nequit, ut idem numero suppositum susteneret diversas naturas. At quia fides Catholica docet idem numero suppositum Verbi divini sustinere simul duas naturas liberas, in quibus deprehendimus sufficientem distinctionem dominiorum, & juri, ratione quorum possunt mutuum aliquam obligationem inire, quæ sufficit ad perfectum contractum iustitiæ; inde fit, quod illa naturarum distinctio sufficiat pariter ad instituendam perfectam rationem debiti, & solutionis.

Urgebis: Potissima ratio, præcipuusque valor satisfactionis Christi, peti debet ab ejus supposito, ut mox diximus: At ut sic, non habet sufficientem alteritatem ad strictam iustitiam desiderandam, siquidem satisfactio Christi Domini non tantum impendi debet personæ Patris, & Spiritus sancti, sed etiam ipsius Filii, quæ speciali titulo, ut diximus, per hominum peccata fuit læsa: igitur Christi Domini satisfactio non habuit sufficientem alteritatem ad strictam iustitiam: siquidem unius ad seipsum non potest esse stricta iustitia.

Nego minorem, & ejus probationem distinguo: Unius ad seipsum secundum unam eandemque omnino naturam liberam, & secundum eadem jura, & dominia non potest esse satisfactio ex stricta iustitia, concedo: secundum distinctas naturas liberas, & diversa rerum dominia, nego: Unde cum Christus in eodem supposito duas habuerit naturas liberas, quibus inerant jura, & dominia distincta, hinc est, quod potuerit sibi satisfacere.

Adde quòd satisfactio exhibita à Christo non fuerit primario, & per se facta tribus divinis personis, sed Divinitati: Nam, ut ait S. Paulus 2. ad Cor. 5. *Deus erat in Christo mundum reconcilians sibi*. Ubi particula *Deus*, ut explicat S. Ambrosius lib. 3. de Fide cap. 5. idem significat, ac ipsa Divinitas, *Hoc est*, inquit, *ibi sempiterna Divinitas*: igitur cum Christi satisfactio facta fuerit

primario ipsi Deo : secundario verò tribus divinis personis ; inde est , quòd Verbum divinum ratione naturæ humanæ sufficientem haberit alteritatem ad strictam justitiam ; quippè natura humana omnino distincta erat à divina.

Deus ex pacto inito non poterat congruè recusare Christi satisfactionem.

Probatur , quia (ut diximus) Christi satisfactio non solum erat condigna , & ad æqualitatem , sed etiam supertexcedens , & ad abundantiam : ergo non erat unde Deus illum recusaret . Patet consequentia : Tunc enim respui non debet satisfactio , quando non solum æquivalet debito , sed etiam illud excedit secundum conventionem factam : at Christi satisfactio , quæ Deo impendebatur ex pacto , longè excedebat nostrum debitum : igitur non erat unde Deus illum recusaret .

Dices . Tunc recusari potest satisfactio , quando non exhibetur ab ea persona , quæ debebat satisfacere : sed satisfactio Christi non fiebat ab illa persona , quæ debebat satisfacere ; nam Christus non erat persona rea , quæ propter proprium peccatum non posset veniam consequi , nisi vel satisfaceret , vel gratuito Deus offensam illi condonaret : igitur Deus poterat justè illius satisfactionem respicere .

Distinguo maiorem : Si creditor , non inierit pactum de condonando peccato ob satisfactionem alterius , concedo : si tale pactum inierit , nego : Deus autem spondederat se nobis condonaturum omnia debita , si Christus pro nobis satisfactio- nem impenderet : igitur non poterat illum recusare , maxime cum illa satisfactio non solum debitum æquaret , sed etiam illud longè excederet .

QUÆSTIO QUINTA.

Utrum verè pactum sit Incarnationis Mysterium , & Judæis promissus Messias advenisset .

Notandum primò : Judæos illum hominem tot divinis promissionibus destinatum , tot expetitum votis , tot oraculis in veteri Testamento celebratum , appellare Messiam , quòd ad hominum salutem , & redemptionem à Deo mittendus esset : cum

verò Græci , Latinique *Christum* , hoc est , unicum nominant , quod non solum Rex , & Sacerdos , sed etiam Deus-homo , ac Divinitatis oleo petuntus esse deberet . Cujus notionem Tertullianus accuratè delineavit in libro adversus Judæos . c. 6. *Et quidem* , inquit , *imprimis querendum , an expectetur nova Legis lator , & novi Testamenti heres , & novorum sacrificiorum Sacerdos , & novæ Circumcisionis Purgator , & æterni sabbati Cultor : qui legem veterem compe-scat , & novum Testamentum statuatur , nova sacrificia offerat , & caeremonias antiquas reprimit , & circumcissionem antiquam , cum solo sui sabbato compe-scat , & novum regnum , quod non corrumpatur , adveniat .* (ut omnia per Prophetas de Messia prædicta esse constat , ut ex sequentibus manifestum erit .

Notandum secundò : Constantissimum esse apud omnes , qui Christiano nomine gloriantur , verè Messiam venisse . Hæc namque veritas Christianæ Religionis , ac Fidei caput est , & fundamentum , nec solum in omnibus fidei Symbolis , ac definitionibus stabilitur ; sed etiam appetis novi Testamenti oraculis comprobatur : nam Joan. 4. mulieri Samaritanæ dicenti : *Scio quia Messias venit , qui dicitur Christus : Dixit ei Jesus , Ego sum , qui loquor tecum .* Quapropter adorandus ille Salvator non immerito beatum prædicat Petrum Apostolum , quòd publico testimonio contestatus fuerit , *Tu es Christus Filius Dei vivi :* nam , ut ait Joan. 17. *Hæc est vita æterna , ut cognoscant te solum Deum verum , & quem misisti Jesum Christum .* Ad Judæorum igitur tum frangendam perveritatem , tum cæcitatem illuminandam dumtaxat convertenda est præsens questio , in qua è sacris veteris Testamenti literis , ac oraculis , Messiam jamdudum advenisse , demonstrandum est .

Notandum tertio : Promissiones , quibus Messias in veteri Testamento nuntiatur venturus , esse in duplici differentia : aliqua enim leguntur simpliciter factæ sine ullatemporis designatione , ut cum Moyses dixit populo , Deuteronomii 18. *Propheta de gente tua , & de fratribus tuis suscitabit tibi Dominus Deus tuus .* Et Abrahamo Deus reptomisit Genes. 18. *In semine tuo benedicentur omnes Gentes .* Cujusmodi sunt etiam omnia illa vaticinia , quæ Messie nativitatilocum , & modum , conversantis doctrinam , virtutem , & potentiam , morientis voluntariam oblationem , ac invictam con-

stant-

stantiam; resurgentis Majestatem, & in cælos ascendentis triumphum præsignant, ut legere est, tum in libris Moysis, tum in libris Prophetarum; maxime verò in Psalmis, quorum plurimi de Christo conscripti sunt. *Aliæ* verò promissiones factæ sunt cum aliqua certa temporis designatione, non tamen ita perspicua, ut omnem dubitationis locum auferat; nec etiam ita obscura, & involuta, ut efficax ad comprobandum Christi adventum non subministraret argumentum. Hujus autem duplicis generis promissiones usurpabimus, & discutietur in præsentî quæstione, tribus distinguenda conclusionibus.

CONCLUSIO PRIMA.

Messiam divinitus repromissum jam advenisse, satis aperte colligitur ex Jacobî morientis vaticinio, Gen. 49.

Probatur. Nam sanctissimus ille Patriarcha, cum morti proximus paternam benedictionem Filiis suis impenderet, & divino afflatus Spiritu, ac mente præfaga futurorum, quid peculiariter uniuscujusque posteris Deus præstiturus erat, denuntiaret; aperiens quanta foret in Judæ filios effundenda Dei benignitas, & munificentia, inter plura, quæ spondet, ait: *Non auferetur sceptrum de Juda, & dux de femore ejus donec veniat, qui mittendus est, & ipse erit expectatio Gentium:* Velut habet Hebraica Editio (quam usitato charactere, in gratiam Lectoris, subieci) *Lo jafsur sebeth mi ouda, on mebokeç mibben ragelar ad ki jabo siloh velo ik chat ammin.* Hoc est, ut interpretantur Barradius, & noster Galatinus l. 4. c. 4. *Non recedet sceptrum de Juda, & Scriba, sive Legum lator de medio pedum ejus, donec veniat Siloh (id est pacificus, vel Messias) cui nationes servient.* Vel ut fert Chaldaica paraphrasis, *Non auferetur, qui facit potestatem, de domo Judæ, & Scriba de filiis filiorum ejus, usque in sæculum, donec veniat Messias, cujus est regnum, & ei obediunt populi:* Vel denique, ut habent Septuaginta Interpretes, *Non deficiet Princeps ex Juda, donec veniant, quæ reposita sunt ei;* id est, donec adveniant summa, & eximia dona, ac bona, quæ per Messiam ex tribu Juda oriundum, humano generi sunt conferenda, ut legit S. Augustinus lib. 12. contra Faustum cap. 42. *Vel, ut ferunt alii codices, donec veniat,*

cui repositum est; id est, donec veniat ille, cui repositum est regnum totius mundi, ut explicant Origenes lib. 4. Periarchon, & Sanctus Cyrillus contra Julianum lib. 8. *Non per vim, inquit, Prophetarum accersitæ sunt gentes, neque etiam per Moysen, vel aliquem alium; sed Christo potius repositum fuit; ut imperaret non jam soli Judææ, sed omnibus Gentibus, &c.* Quæ omnes lectiones in hoc unum conspirant, & collinant, ut significant autoritatem regendi, ac ferendi leges non prius à tribu Juda auferendam, quam repromissus Messias adveniret.

Ex quibus sic argumentari licet: Non debuit prius deficere ex tribu Juda Regia, ac Legislativa potestas (ex quo semel ad eam convolvit) quam Messias prænuntiatus advenisset: at ab annis 1675. & amplius, utraque illa potestas, & autoritas penitus defecit: quippe jam pridem nulli Reges, nullique Legislatores extant, qui vel ex Juda, vel ex alia Israelitica tribu Judæis imperent: quinimò omnes ad unum apud exterarum nationes sub dura servitute detinentur; & ut ait Tertull. in Apolog. cap. 21. *Dispersi palabundis, & cæci, & soli sui extorres vagantur per orbem, sine homine, sine Deo rege, quibus nec advenarum iure terram patriam saltem vestigio salutare conceditur:* Igitur ut firma sit, & constantissima illius vaticinii veritas, oportet quod Messias venerit.

Confirmatur hoc exemplo. Si Deus sanctissimam faciem & turri ostentans dixisset; eam non extinguendam donec veniret Messias; qui illam extinctam videret, nonne protinus rectè colligeret Messiam jam venisse? At Deus sceptri Israelitici fulgorem veluti faciem Judæorum oculis exhibuit, prænuncians, donec Messias veniret, illum non extinguendum: cum ergo fulgor ille sceptri Judaici, pridem extinctus sit, necessum est Messiam venisse. Hujus efficacissimæ rationis vim, ut elevent Judæi, plura comminiscuntur effugia, quæ claritatis, ac facilioris expugnationis gratia, ad tria præstissimum capita revoco, & sub totidem §. cum omnibus eorum divorticulis propono impugnanda.

§. I.

Primum Judaeorum effugium est, quod in praefato vaticinio nil quidquam de venturo Messia prenuntiatur, quodque omnes illius vraculi particulas, & voces pravam in sensum detorqueamus.

Reponunt enim primò, vocabulum *Jasour* non significare recessum, sed accessum; nam *Sur* significat declinare ad aliquem: inde Loth sic Angelos alloquitur, *Suru na el beth gabdecem*: Id est, Declinate obsecro in domum pueri vestri. Hinc vocabulo *Jasour* utitur Moyses, cum ait Exodi 3. *Vadam*, & *video visionem hanc magnam*: ita quod praefati vaticinii sensus sit; sceptrum non prius accessurum ad tribum Juda, quam Messias venerit: quod utique, inquirunt, contigit, nam tot votis expectitus ille Messias, qui Israeliticum populum à duro captivitatis iugo liberaturus erat, fuit Salomon, qui idcirco *Silob*, id est, *Rex pacificus* dictus est: quippe co nato David regnum Israeliticum universum obtinuit, & omnes Judaeorum insensissimos hostes expugnavit: ipso autem imperante Salomone Judaei summa securitate, ac pace donati sunt, ut refertur 3. Regum cap. 4. his verbis: *Habebat pacem ex omni parte in circuitu: habitabatque Juda*, & *Israel absque timore ullo, unusquisque sub vite sua*, & *sub ficu sua à Dan usque Bersabee, cunctis diebus Salomonis*.

Verùm hanc expositionem omninò inanem esse, ac cum praefato vaticinio nullatenus coherentem, constat ex omni parte, Primò namque verbum *Jasour* eisdem significat nonnunquam accedere sicut & recedere: at conveniunt omnes Hebraei verbum istud accessum denotare dumtaxat, quando praefixam habet propositionem *el* correspondentem praepositioni *ad*, quae accusativum regit, & accessum indicat; dum verò copulatur praepositioni, *me*, aut, *min*, quae est indicativa, aut directiva ablativi casus, & correspondet *de*, *ex*, aut, tum significat recessum, seu elongationem: quemadmodum apud Latinos verbum *declino* regit ablativum cum praepositione *à*, & accusativum cum *ad*: dicimus enim *declino à te*, & *declino ad te*. Habet autem verbum istud *Jasour* praepositionem, *min*, praefixam in praefato vaticinio; ac

subinde significat recessum Israelitici sceptri à tribu Juda.

Deinde, Falsum est, quòd David obtinuerit sceptrum Israeliticum dumtaxat nato Salomone: nam, ut refertur lib. 2. Reg. cap. 5. in Hebron regnavit super Judam septem annis, & sex mensibus, priusquam salutaretur Rex super universum Israel: similiter plurimis annis regnavit super omnes Israelitas, varioque eorum hostes expugnavit priusquam nasceretur Salomon: ac subinde falsum est sceptrum accessisse ad tribum Juda tantum eo tempore, quo natus est Salomon.

Adde quòd ceterae ejusdem vaticinii particulae non conveniant ullatenus Salomoni, quippe ipse non fuit expectatio Gentium; siquidem nihil boni, ac beneficiis contulit; nec pariter ejus regnum perpetua tranquillitate, & felicitate donatum est; nam lib. 3. Reg. cap. 12. conqueruntur Israelitae apud Roboam ejus filium: *Pater tuus durissimum jugum nobis imposuit: Tu itaque nunc imminue paululum de imperio Patrii tui durissimo*, & *de iugo gravissimo, quod imposuit nobis*, & *serviemus tibi*: Et ibidem refertur, quòd cum gratum responsum à Roboam non obtinuissent Israelitae, decem tribus ab eo recesserunt, & sibi praefecerunt Regem Jeroboam, sicque ab eo tempore divisum fuit regnum Israelitarum; ita quòd duae dumtaxat tribus, nempe Juda, & Benjamin famulae sint Roboam, & ejus posteris: ceterae verò decem declinaverint ad Jeroboam, ejusque successoribus servierint usque ad eam exterminium per Assyrios.

Reponunt secundo vocabulum *Scebetb*, aut *Sceveib*, non significare sceptrum, sed virgam, non quidem principatus, & dominationis, sed doloris, & tribulationis. ita quòd Prophetiae sensus sit; Non recedet virga tribulationis à Juda, donec veniat Messias: at usque modo Judaei ubique Gentium dura servitute premuntur, & sub tribulationis virga gemunt: igitur Messias nondum venit.

Contra primò, omnes Hebraei, qui suae linguae Dictionaria ediderunt, fatentur vocabulum *Sceveib*, plerumque significare sceptrum; nam eo utitur David Psalmo 44. cum ait: *Virga directionis, virga regni tui*, quod certè nihil aliud, quam sceptrum, denotat.

Secundo, dea virga sermo est in isto vaticinio,

ticinio, quæ respectiva est ad Ducem: nam habetur *non auferetur virga*, & *Dux*: at virga ducis est virga principatus, & dominationis: igitur noster interpretes merito per virgam, sceptrum significari dicit.

Tertio, non potest intelligi virga tribulationis illo varicinio expressa, si cætera omnia, quæ in illa benedictione effertur nihil insaufum, sed omnia Judæ, ac ejus posteris felicitia, ac fortunata prænuntient: at ita est; nam in antecedentibus legimus, *Juda, laudabunt te fratres tui, manus tuas in cervicebus inimicorum tuorum: adorabunt te filii patris tui*. In sequentibus autem: *Ligans ad vineam pullum suum, & ad vitem, o fili mi, asinum suum: Lavabit in vino stolam suam, & in sanguine uveæ pallium suum: pulchriores sunt oculi ejus vino, & dentes ejus lacte candidiores*. Quibus verbis non solum designatur Messias venturi eximia pulchritudo: sed etiam ipsi subditi populi felicitas, & ubertas prædicatur.

Quarto, si venire debuit Messias cum defecit virga tribulationis ab Israëllico populo, jam pridem venisse dicendus est; enim verò Judæi diutissimo tempore, maxime à Davide usque ad Sedeciam, scilicet fere per 500. annos soluti sunt à captivitate, & tribulationis virgam excusserunt: tantum enim abest, ut ab aliis captivi detinerentur, quinimo exteros, & vicinos populos, maxime verò Idumæos, sibi subditos, & tributa pendentes habebant.

Nec refert, quòd illo ipso tempore plurimis bellis fuerint divexati, & gravati; nam non propterea à captivitate fuerunt adapti, nec perpetuò sub tribulationis virga gementes, maxime pluribus annis sub regno Salomonis, quamdiu scilicet ille fidelis Dei cultor exiit; etenim 3. *Regum* 5. ipsemet testatur, *Requiem dedit Deus mihi per circuitum*; & *non est sasan, neque occursum malus*. Denique non solum prædicatur virgam non esse auferendam, sed etiam non esse amovendum Legislatorem ab Israëllico populo, donec venerit Messias: at Judæi fateantur necesse est, eos pridem nullum habuisse Legislatorem, qui ipsis sanctissimas leges præscribat, & illos in pace, ac morum sanctitate contineat: igitur necesseum est, quòd pridem Messias venerit.

Reponunt tertio; vocabula *Mebokeh*; id est, *Legislator*, & *Mibben ragel*, id est, *de medio pedum*, petperam à nobis accipi, dum in vulgata legimus, *nec dux de furore ejus*.

Nam R. Becchadicit, præfatis verbis significari, illum Legislatorem, seu pacificatorem, formandum esse ex mulieris sanguine menstruo; vult enim vocabulum *Siloh* deduci ex altero, quo Hebraicè sanguis menstruus significatur.

Verum præterquam quòd omnes prorsus editiones, & Lectiones, tam Hebraica, Samaritana, Arabica, & Septuaginta Interpretum, nec non & paraphrasis Chaldaica, & Hierosolymitana eo modo, quo nostra vulgata editio præfata vocabula effertur: nempe quòd non deficiat *dux*, seu *Legislator de furore*, vel *de medio pedum*, certum est, quòd præfata istius Rabbini interpretatio nobis non advesferit; quinimò significat Messiam formandum esse dumtaxat ex mulieris sanguine, absque ullo virili commercio: quod utique mirum in modum convenit adorando Salvatore, qui formatus est ex Virginis, non quidem menstruo (quem omnes medici ad generationem minimè defervientem affirmant) sed purissimo sanguine.

Reponunt quarto, maximamque vim faciunt, & operam navant in detorquenda significatione vocabuli *Siloh*, nam ut refert Galatinus noster *lib. 4. cap. 4.* aliqui isto nomine significari volunt oppidum *Silo*, in quo tabernaculum, & arca fœderis erant reposita, & idcirco locus iste apud Israelitas ad eum devotionis causa undique convolantes in summa erat veneratione, & gloria. Hinc vaticinium interpretantur de Saule, quem volunt in Regem inauguratum esse in oppido *Silo*, sceptrumque transfuisse ex tribu *Juda* in tribum *Benjamin*, ex qua erat oriundus.

Verum hæc interpretatio facile evertitur, primò quia verba illius vaticinii ipsi directè adversantur, non enim dixit Jacob: *Non auferetur sceptrum, donec veniat aliquis ungendus in Silo*, sed donec veniat ipse *Siloh*. *Addè* quòd antecedentia, & subsequenta verba satis appetè demonstrent, oraculum istud nulla ratione de loco, aut oppido esse intelligendum. *Secundò*, Saul non est creatus Rex in *Silo*, sed in *Maspha*, & in *Galgala*, unctus autem à Samuele olei lenticula in *Ramatha*. *Tertio*, Saulis tempore non fuit ablatum sceptrum à *Juda*, quippe ante ipsius inaugurationem Judæi præerat *Samuel* de tribu *Ephraim*, & ante ipsum imperabat *Heli* summus Sacerdos, quem præcesserunt plurimi Judices,

ex quibus duo dumtaxat erant oriundi ex tribu Juda: siquidem *Josue*, qui primus post Moysen judicavit, & imperavit, erat ex tribu Benjamin: *Aod* verò secundus Judex erat ex tribu Benjamin. *Debbora*, & *Barac* pariter ex aliena tribu, illa ex tribu Ephraim, hic ex tribu Nephthali, ut patet 4. *Judith* v. 3. & 6. *Gedeon* ex tribu Manasse, ut constat 6. *Judic.* 15. post quem regnavit ejus filius *Abimelech*, quo mortuo surrexit *Thola* ejus patruus, qui erat ex tribu Issachar, ut patet *Judic.* 10. post quem imperavit *Jephth* de tribu Manasse. Post eum judicavit *Samson* de stirpe Dan: ex quo inferendum est duos tantum ex iudicibus fuisse de tribu Juda, nimirum *Othniel* filium Caleb, & *Abesam*.

Urgent aliqui. Per *Silo* id intelligitur, quod occubuit, & cecidit, quando sceptrum accessit ad tribum Juda; nam vocabulum *Sabo* in vaticinio positum significat *cadere*, vel *occidere*; at dum David electus est in Regem, & per eum regia dignitas ad tribum Juda fuit deportata, tunc omnis gloria oppidi *Silo* cecidit, & extincta est, quippe arcam foederis inde asportari jussit David in Sion civitatem suam: unde illud *Psal.* *Repusit tabernaculum Joseph, & tribum Ephraim non elegit; sed elegit tribum Juda, montem Sion, quem dilexit, & paulo ante dixerat. Repusit tabernaculum Silo.*

Verum in meridie oportet cœcutiat quis hanc interpretationem comminiscitur; nam 1. *Paralip.* cap. 12. Legimus, *Ascendit David, & omnis Israel ad Collem Cariathiarim, qui erat in Juda, ut offerrent inde arcam Domini Dei, &c.* igitur tunc arca illa non erat in *Silo*: imò inde plusquam 80. annis ante fuerat deportata, ut refertur, 1. *Reg.* 4. dum videlicet capta fuit à *Hilithais*.

Hoc effugio depulsi, aliud quærun in Rege *Jeroboam*, quem ajunt in *Silo* coronatum, & à tribu Juda in tribum Ephraim, è qua genus ducebat, sceptrum transfussisse; decem enim tribus à Regibus Juda, ad *Jeroboam* defecerunt. At cœcutientium hoc est effugium, qui quâ effugiant non vident. Nam *Jeroboam* non est creatus Rex in *Silo*, sed in *Sichem*, ut colligitur ex 3. *Reg.* 12. Deinde *Jeroboam* non abstulit regnum Regibus Juda; quamvis enim decem tribus illum secutæ fuerint; Reges tamen è tribu Juda ad captivitatem usque *Babylonicam* *Reipub.* clavam tenere. *Præterea*, ut jam

suprà diximus, non habetur in vaticinio, non auferetur sceptrum, donec aliquis veniat in *Silo*, sed donec veniat *Silo*.

Aliud diverticulum quærun aliqui, contententes nomine *Silo* significari *Ahiam Silonitem*, qui 2. *Reg.* cap. 11. occurrunt *Jeroboam* scidit pallium suum in duodecim partes, Et ait, ad *Jeroboam*, Tolle tibi decem scissuras, hæc enim dicit Dominus Deus Israel. Ecce ego scindam regnum de manu *Salomonis*, & dabo tibi decem tribus. Ita quod contendant verba illius vaticinii esse, quod sceptrum *Israheliticum* permansurum esset in tribu Juda, donec veniret ille *Propheta Silonites*.

Verum incidunt in *Syllam* cupientes vitare *Charibdin*: nam vaticinium apertè significat hominem nomine *Silob* expressum, non verò aliquem ex viculo *Silo* oriundum. *Insuper*, licet per illius *Ahiz* vaticinium, imminutum fuerit, ac divisum imperium, & regnum cui præerant Reges ex tribu Juda oriundi; tamen ab ea non est ablatum omnino sceptrum; imò in ea perseveravit plurimis annis, necesse desuit, nisi diutissimè post extinctum omnino Regnum *Israheliticum* quod, juxta vaticinium *Ahiz*, *Jeroboam* fuerat auspiciatus.

His itaque omnibus effugiis præclusis, ut illius *Oraculi* veritatem, & efficaciam elevent, recursum habent ad infestissimum *Judaici* nominis hostem, & expugnatorem *Nabuchodonosorem*, qui ad delendos *Judæos* missus est, & à Deo destinatus.

Verum ita cœcutiunt, & divino nomini sunt rebelles, ut non animadvertant sceptrum *Judæ* non esse ablatum à *Nabuchodonosore*; cum post captivitatem *Babylonicam*, *Principes* è tribu Juda, ut *Zorobabel*, & alii, *Reip.* *Israheliticæ* gubernacula tractarint. *Præterea*, nec de hoste, *Judæorumque* everfore *Nabuchodonosore*, sed de *Messia*, *Jacob* vaticinabatur ut *Chalæus Paraphrastes* docet: Nec *Nabuchodonosor Silob* dici potest, id est, *missus* sive mittendus, per antonomasiam, sic enim hoc loco nomen *missus*, sive *mittendus*, intelligendum est per excellentiam usurpatum, quia sine ullo additamento ponitur, quasi dicat *Jacob*: Non auferetur sceptrum, donec veniat ille mittendus per antonomasiam; ille desideratus, ille longo desiderio optatus, illa expectatio Gentium: His adde, quæ sequuntur, non *Nabuchodonosori*, sed *Christo* convenire, *Lavabit*
in

in viro solum suam, & in sanguine vve pallium suum, &c. Cuius verbis passio Messiz ænigmatice adumbratur. *Insuper*, ait, *Baradius*. Quid sanctissimo Patriarchæ cum impio Nabuchodonosore, ut de illo in extremo halitu vaticinia ederet, populi que sui, & Judæ, quem laudabat, everforem mistum à Deo, & Gentium expectationem appellaret? Aliæ erant sanctissimi Jacobi cogitationes, alia suspiria, de mundi illo Redemptore, non de everfore; de misso à Patre ad servandos Judæos, non de impulsio à superba dominandi cupiditate ad trucidandos; de optatissimo Redemptore, non de formidabili, atque execrando oppressore de Regecali, non de Rege Babylonis; de Messia, non de Nabuchodonosore cogitabat. Messiam suspirabat, Messiam loquebatur, Messiam expectabat, unde illud ex imo pectore votum, *salutare tuum expectabo, Domine*: quæ verba sic explanat præclari Chaldaeus Pat., raphraistes, *salutare tuum expecto, Domine*, mine, dixit Pater noster Jacob, non expecto salutare Gedeonis filii Joas; quæ est salustemporalis, neque salutare Samsonis filii Manue, quæ est salus transitoria: sed expecto redemptionem Messiz filii David, qui venturus est ad accersendum sibi filios Israel, ejus redemptionem desiderat anima mea. Hæc ille, ex quibus est compertum, tum sancti Patriarchæ desideria Messiam spectasse, tum Messiz salutem non esse temporariam, belloque partam, sed æternam, sanguine effuso comparatam.

Non desunt, qui recurrant ad nugatorias versiones præfati oraculi, quibus illius sensum depravare nituntur. Aliqui enim legendum volunt *non auferetur*, vel *recedet* tribus de Juda, & dux de fœmore ejus, donec veniat Messias. Sic autem vertitur, cō quodd dictio Hebræa *sebet*, aut *sebet*, quam *virgam*, sive *sceptrum* interpretatur, non solum sceptrum significet, sed etiam Tribum. At versio ista Messiam quoque venisse confirmat. Etenim ablata jam est Judæ tribus, & dux de fœmore ejus, ex terra repromissionis: Ergo jam Messias venit.

Sunt præterea, nonnulli, quide scepro tyrannorum vaticinium intelligendum putarunt, ita quod sit hic sensus. *Non auferetur sceptrum tyrannorum de Juda, donec veniat Messias*. At perspicuum commentum est, tum quia multotum annorum spatio

post obitum Jacob, tribus Juda principatum obtinuit, & ab omni tyrannorum principatu libera fuit: tum quia Jacob de scepro tyrannico non loquitur, sed de scepro Judaico, ut verba planè ostendunt: *Non auferetur sceptrum de Juda, & dux de fœmore ejus, &c.*

Addunt denique Judæi, non auferendum sceptrum de tribu Juda, ut detur alteri Israeliticæ tribui, donec Messias venerit. *Verum*, ait *Baradius* quis non videat hanc responsonem à vaticinio longè aberrare? Quid? Auferetur sceptrum, ut detur alienigenis, non auferetur, ut detur alteri tribui. Novum Prophetam esse oportebat, qui novum vaticinium veteri adderet, at nihil minus, quàm Prophetæ sunt Judæi. Verus ergo sensus est, quem jam proposuimus. Non auferetur imperium, & principatus à Juda, donec veniat Messias. Ablatum principatum inficiari nequeunt Judæi; ergo fateantur necesse est, Messiam jam venisse.

His addæ, quod peritissimi quique Judæi istud oraculum apertè de venturo Messia explicent, ut maxime patet per Targum, id est, per Chaldaicam Rabi Onkelos translationem, neenon per Jonatam alterum Chaldaicæ paraphrasæ auctorem: idem apertè significat Paraphraistes Jerosolymitanus. Similiter in Talmud tractatu de *Sanhebrim* cap. 9. ubi agitur de nomine Messiz, refertur, quod discipuli *Rabbi*, *Schela* docent, quod illius nomen erit *Siloh*, sicut dictum est *Genes. 49*. Pariter in *Bereschil Rabba*, id est, veteri commentario super *Gen.* explicans hæc verba *donec veniat Siloh*, ait: *Iste est Messias, & ad eum congregabunt se Gentes, quia ipse judicabit totum orbem*: & hoc est, quod dictum *Michea 4*. *Et judicabit inter Gentes, & arguet populos multos, &c.* Idem etiam constantissime docent *R. Salomon Jarchi*, & *R. Kimki* in libro *Serafim*, & plures alii celebres Judæorum Doctores. Ex quibus omnibus constat, vaticinium istud Jacobi de vero Messia esse intelligendum; & ideo perperam à Recentioribus Judæis præfata oraculi verba alium in sensum detorqueri. Hinc alij Judæi peritiores nobiscum sentientes, ista verba de Messia esse intelligenda, aliud sibi effugium querunt, ut probent præfatum Messiam ibi designatum non esse Jesum Nazarenum.

§. II.

Secundum Judeorum effugium, contendentium Messiam, vel nondum venisse, vel nequam fuisse venturum, vel ejus adventum longe præcessisse Nativitatem Jesu Nazareni.

Reponunt igitur aliqui cum Rabbi Mose *Ægyptio*, apud Burgensem 1. part. Scrutiniū *dist.* 3. nondum defecisse sceptrum Israeliicum, nec ablatam esse regiam dignitatem de tribu Juda, siquidem capita transmigrationis, quæ remanserunt in Babylone, adhuc autoritate quasi regia dominantur in Judæos sibi subditos. Addit Rabbi Benjamin in suo Itinerario, se varias orbis terrarum partes percolasse, & in plurimis regnis invenisse incognitas, Judæicam religionem servantes, ac præscriptum in lege cultum per omnia Deo publicè impendentes; imò unum potentissimum regnum perlustrasse, cujus Rex oriundus ex stirpe David tot divitiis, tantaque auctoritate, ac virtute poller, ut trecenta hominum millia possit ad arma colligere.

Verum quis tantillum in historiis Gentium, & Cosmographia peritus, non videat narrationes istas puras, putaque esse Judæorum figmenta, & pueriles naniās, quas nullo negotio dissolvere quilibet potest? Quantum ad primum caput, apertè constat post expugnatam à Vespasiano, & Tito Judæam, ac Jerusalem, Judæos nec in Babylone, nec ullibi terrarum ullam supremam auctoritatem in suos contribules obtinuisse. Fateor equidem, quod cum post expugnatos, ac funditus dejectos Judæos plurimi in Babylonicam civitatem, & provinciam se se recepissent, eis permissum fuerit seligere, & habere unum ex suis, qui aliorum caput esset, & rector in iis maximè, quæ ad negotiationem, & religionem spectabant: at Rector iste nec semper erat oriundus ex tribu Juda, nec sceptrum tenebat, nec regiam auctoritatem obtinebat; imò cum aliis sub Calisæ Babylonicæ dominio lugebat: Unde non Rex, sed dumtaxat appellabatur *Patriarcha*, eo scilicet nomine, quo nationum Principes donantur: 1. *Paralip.* 8. ubi de Filiis Benjamin dicitur: *Hi Patriarchæ, & nationum Principes, qui habitaverant in Jerusalem.* His adde, quod circa decimum sæculum, hæc qualiscumque dignitas, & auctoritas, qua

Judæi potiebantur in Babylonica diuione omnino extincta fuerit, ac Judæorum Scholæ, & Academiæ omnino eversæ à Persis Califarum Babylonicorum dominationem, & Imperium vastantibus. Oportet ergo fateantur Judæi saltem illo tempore ablatum fuisse omnino sceptrum à tribu Juda, ac proinde eos frustra Messæ adventum præstolari.

Quantum autem ad narrationem Rabbi Benjamin, dico illam non minis fabulofam esse, quam plurima alia, quæ in Itinerario suo colligit, & refert. Enim verò si talia regna extarent, quibus soli imperarent Judæi, quomodo hæc Christianorum, Turcarum, aut Persarum nullus aliquando detexisset, hoc ipso præsertim tempore, quo remotissimæ, & hominibus prius ignotæ nationes Americæ, & Insularum compertæ sunt, & deprehensæ? qualiter solus ipse Benjamin ad hæc penetravit, nec ullum habuerit itineris socium, qui eadem cum ipso narraret?

Quomodo Judæi omnes, qui per Asiam, Africam, Europam palantes sub duræ captivitatis jugo gemunt, non sese recipiunt in ista præstantissima regna, quibus summa pace, libertate, ac bonorum copia donantur? Quomodo tandem factum est, ut nullus ex illis florentissimis regnis Judæus aliquando ad nos adventarit, ut, quid in eis geratur, aperiret? Fortè quia, ut narrat Benjamin, die dumtaxat sabbati aditus pateat ad ista regna, duabus ingentis magnitudinis arboribus mutuo suo complexu iter præbentibus per fretum, quod inter regna ista, & aliarum terrarum continentem interjacet, ne quis accensum ignem etiam in eis à longè possit detegere, nec ad ista regna pervadere. Quæ omnia certè commentitia sunt, & fabulosa. Aptissime igitur Judæis convenit, quod ait *Æschines* Orator, *Vanos homines cum aliquo mentiuntur, quedam minime definita, Inobscure loqui, ne redargui possint.* Cui consonat Hebræorum illud Proverbiū: *Qui vult mentiri, procul faciat testes suos.*

Reponunt alii promissiones venturi Messæ dumtaxat esse conditionatas. Unde sic ratiocinantur, Non potest inserri impletio promissionis, quæ facta fuit sub conditione ponenda, quando illa conditio reverà non fuit posita: sed Christi adventus promissus est sub conditione ponenda, quæ non fuit posita: igitur illa promissio facta de venturo Christo, non insert ipsam advenisse.

venisse. Major constat. Probat minor. Messias repromissus non solum ortumduere debebat ex Tribu Juda, sed etiam ex semine David, ejusque imperium in perpetuum prorogare, ut ipsemet David testatur Psalm. 131. *Juravit Dominus David veritatem, & non frustrabitur eum, &c.* Cui concordat illud Lucæ 1. ubi de eodem Messia dicitur: *Hic erit magnus, & filius Altissimi vocabitur, & dabis illi Dominus, sedem David Patris ejus:* Sed Messia ortus ex semine David, & davidici imperii protogato usque ad illius Messia nativitatem, pendebat ab aliqua conditione, quæ non fuit posita, nempe facta fuit ex hypotheti, quod Davidis posterii cultores essent divinæ legis, ut ipsemet David indicat eodem Psalmo, dicente Deo: *Si custodierint filii tui testamentum meum, & testimonia mea, hæc quæ docebo eos, & filii eorum usque in sæculum sedebunt super sedem tuam.* Constat etiam ex oratione Salomonis, quæ 2. Reg. c. 8. Deum ita precatur: *Nunc igitur Dominus Deus Israel conserva famulo tuo David Patri meo, quæ locutus es ei.* 2. Reg. 7. per Nathan dicens: *Non auferetur de te vir coram me, qui sedet super thronum Israel; ita tamen, si custodierint filii tui, ut ambulent coram me, sicut tu ambulasti in conspectu meo, &c.* Sed tantum abest, ut filii David ad sæculum usque legem divinam exactè servaverint, imò Salomon ipse vix per triginta annos fidelis extitit: nam prioris in Deum observantia prorsus immemor, ad idololatriam deflexit, quem exinde imitati sunt omnes illius posterii, dicente scriptura sacra Eccl. 48. *Præter David, Ezechiam, & Josiam omnes peccatum commiserunt, nam reliquerunt legem Altissimi Reges Juda, & contempserunt timorem Dei: dederunt enim regnum suum aliis, & gloriam suam alienigenæ Genti:* Ergo nodum peccaverunt, sed & in criminum vindictam à regno exciderunt.

Verum ex his solum inferre licet, quod sceptrum Judaicum à familia Davidica, propter peccata debuerit excidere, non autem quod omnino defecerit ex Tribu Juda: regendi nempe autoritas, sub his conditionibus, repromissa quidem fuerat familiæ Davidicæ, non vero Tribui Juda, ut constat ex verbis vaticiniis.

Reponunt alii duos Christos, seu Messias esse promissos: alterum in quem conveniunt abjecta quæque, & humilia de Christo prædicta sacris in libris: alterum qui splendidi-

da, & magnifica omnia de eodem nuntiata tribuunt. Priorem nominant *Messiam filium Joseph*: Posteriores *Messiam filium Davidis*. De utroque meminit R. Selomoh in Commentario ad Isaia cap. 24. & 28. *Qui effugerit, inquit, gladium Messie filii Joseph, incidet in gladium Messie filii David.* Dicunt insuper Messiam filium Joseph in certamine Gog, & Magog interficiendum esse, sed refuscitandum per virtutem alterius Messia filii Davidis, qui redimet Israel, & ejus regnum restituet: concedunt quidem primum jam advenisse: secundum autem adhuc venturum expectant.

Verum, hoc capitale Recentiorum Judæorum effugium facile præcluditur; Scriptura namque nullibi duos Messias commemorat, sed ejusdem duplicem adventum, alterum quidem, ut Redemptoris in humilitate: alterum verò in majestate, ut Judicis. Quod utique egregiè prænuntiat Isaia cap. 35. & 62. ubi prædicit Messia contemptum, occisionem, resurrectionem, & omnium populorum ad ipsum conversionem. Necnon & Zacharias cap. 6. ubi ait: *Exulta satis filia Sion, jubila filia Jerusalem: ecce Rex tuus venit tibi iustus, & Salvator: ipse pauper, & ascendens super asinam, & super pullum filium asine.* Et disperdam quadrigam ex Ephraim, & equum de Jerusalem, & dissipabitur arcus belli: & loquetur pacem Gentibus, & potestas ejus à mari usque ad mare, & à fluminibus usque ad fines terræ, &c. Quibus verbis Propheta aperte significat eundem Messiam, qui pauper, abjectus, & humilis prædicatur, fore Redemptorem, Salvatorem, Regem, & Dominatorem totius mundi.

His adde quòd Talmudistæ hunc ejusdem Messia duplicem adventum agnoverint: nam ut narrat Galatinus lib. 4. cap. in *Midrâs Cobeletb*, id est in expositione Ecclesiastici, super illud, *nihil novum sub sole.* R. Barachias dixisse fertur, *Redemptor ultimus revelatus est, & revertetur qui occultatus est.* Id ipsum etiam habetur in libro *Tambuma*, ubi duplicem Messia adventum colligit ex Psalm. 126. maxime ex his verbis secundum editionem Hebraicam: *Dum converteret Deus captivitatem Sion, eramus tamquam somniantes.* Hinc implebitur risu os vestrum, & lingua vestra cantus; Quæ verba hic ibidem exponuntur; Dum subtrahet se Messias, ne hic in auxilium filiorum Israel, erimus omnes veluti somniantes, non dormientes, nec vigilan-

„gilantes. Quando verò revertetur, ostendatque seipsum eis, tunc implebitur risu os eorum, eruntque gaudentes, & verifrabunt primum adventum ratione hujus secundæ ostensionis: & dicent: Magnificavit Deus facere pro nobis: futilis est ergo, & omnino fictitia Recentium Judæorum de duplici Messia assertio.

Reponunt nonnulli, sceptrum ex tribu Juda penitus ablatum fuisse tempore Babylonice captivitatis: igitur vel Messias pridem venisse putandus est: vel ex præfato vaticinio non potest certò ejus adventus colligi. Probatum antecessit ex ultimo cap. Paralip. & ultimo Reg. ubi refertur qualiter vastata Judæa, & Jerusalem una cum templo igne consumptis, omnes Judæos in Babylonem una cum suo Rege captivos traduxerit Nabuchodonosor. Tunc ex vaticinio Jeremiæ, cap. 22. qui Jechoniam Regi prædixerat: post vastationem Judæorum à Nabuchodonosore, non esse futurum virum, *Qui sedent super solum David, & habitabunt ultra possessionem in Juda.* Tunc denique ex Danielis 3. v. 38. *Non est in tempore hoc Princeps, & Dux, & Propheta, neque holocaustum, neque sacrificium, neque oblatio, neque incensum, &c.*

Verum respondeo primò, tempore captivitatis non penitus extinctam fuisse Regiam Judæorum potestatem, & auctoritatem, quamquam aliquandiu suppressa, & oppressa fuerit: legitimus enim ultimo cap. Reg. Quod sublevavit Evilmerodach, Rex Babylonis, anno quo regnare cæperat, caput Joachim Regis Judæ de carcere; & locutus est benignè, & posuit thronum ejus super thronum Regum, qui erant cum eo in Babylone. Et mutavit vestes ejus, quas habuerat in carcere, & comedeat panem semper in conspectu ejus cunctis diebus vite sue. Annonam quoque constituit ei sine intermissione, quæ dabatur ei à Rege per singulos dies, omnibus diebus vite sue.

Respondeo secundò, durante ista captivitate non extinctam fuisse, nec penitus ademptam à Judæis judicariam, & legislativam auctoritatem, cujus tamen ablatio alterum erat adventus Messie certum indicium in Jacobi vaticinio designatum; nam illotempore penes Judæorum Judices, & Legislatores vigeat adhuc auctoritas reos damnandi ad mortem, ut constat ex Historia Sappanz, Danielis cap. 13. ac proinde illo tempore non debuit venisse Messias, cui

Erassen Theol. Tom. VII.

jus dumtaxat adventus futurus erat post ablatam utramque auctoritatem, nempe regiam, & legislativam.

Adde quòd non ita diu post mortem Regis Joachin Zorobabel ex Tribu Judæ, & Regio sanguine oriundus, populi Judaici præfecturam obtinuerit, & delegatus fuerit à Cyro Persarum Imperatore post captam Babyloniam, ut Templum Jerusalem ex integro restauraret, ut legitur 1. Esdræ cap. 2. Non ergo penitus ablatum fuit sceptrum de Judæ, neque Dux de semore ejus in captivitate Babylonica.

Urgent. A soluta captivitate Babylonica ad Nativitatem Jesu Nazareni intercesserunt anni ferme 500. at in illo intermedio tempore non præfuit, nec imperavit Judæis aliquis ex Tribu Judæ; nam brevi post Zorobabelem, Esdras, qui erat Sacerdos, & ex Tribu Levi, supremum in Judæos è captivitate ad propria dimissos principatum obtinuit, ut legitur 1. Esdræ cap. 7. Ab eo autem usque ad Machabzos nulli quidem referuntur in Scriptura Judæorum prædicti: verisimile tamen est tunc temporis imperasse summos Sacerdotes usque ad Hasmonæos, seu Machabæos, qui erant Sacerdotalis ordinis, & Levitici generis: igitur tunc penitus ablatum fuit sceptrum ex Tribu Judæ: & subinde necessum fuit venisse Messiam paulò post solutam captivitatem, illumque Messiam repromissum, fuisse vel ipsum Esdras, vel Nehemiam, qui, ut legitur 2. Esdræ, impetratis ab Artaxerxe Regis litteris, Jerusalem Civitatem, ejusque muros restituit.

Huic instantiæ, quæ capitalis est Recentium Judæorum variè respondent Catholici Doctores: Aliqui enim reponunt cum S. Cyrillo lib. 18. contra Julianum, semper aliquos extitisse ex Tribu Judæ, qui auctoritatem exercerent in Judæos, etiam Machabæorum tempore, quamquam propter Persas Regio Diademate non uteretur, quia eo tempore major auctoritas in Pontificibus residebat, Quomodo, inquit, cessasse dicitur regnum David in Sedecia, cum Zorobabel post captivitatis tempus in regni solio confederit, fueritque de Tribu Judæ, & David, transmissumque sit sceptrum per posteros illos usque ad regnum Herodis, qui fuit ex Patre alienigena?

Respondent alii cum Genebrardo lib. 2. Chronologia, Machabzos fuisse oriundos ex Tribu Judæ secundum lineam patrum.

G

nam.

nam. Unde cap. 5. libri Machabæorum de Machabæis dicitur: *Et viri Juda magnificati sunt valde*. Verum cum Machabæi fuerint Sacerdotes, certum est eos non potuisse originem ducere ex Tribu Juda: siquidem S. Paulus ad Hebræos 4. negat Sacerdotium posse pertinere ad eos, qui erant de Tribu Juda, quod simpliciter, & absolute intelligendum est, hoc est, secundum paternam originem, quocirca hæc responsio minis videtur sufficiens.

Respondent nonnulli cum SS. Epiphanio contra hæreses hæresi 22. Augustino lib. 13. de Civitate cap. 45. necnon & cum Josepho lib. 13. Antiquitatum Judaicarum à cap. 15. Hebræorum traditionem esse, quod Machabæi ex Tribu Juda oriundi erant secundum lineam maternam. Quam utique sententiam sequitur, & probat Baronius initio Tomi primi suorum Annalium quadruplici ratione.

Primò quidem, quia ut referunt Josephus, & Philo, Tribus Judæ, & Levi invicem matrimonia inire poterant, utetiam constat Exodi 15. de Aaron, qui filiam Amnadab, nomine Elizabeth, in uxorem habuit. Similiter Jojada summus Pontifex, ut legitur 2. Paralip. cap. 22. nupsit filiz Joiam Regis Judæ nomine Jocabeth. Subjiciunt etiam aliqui connubium Elizabeth, & Zachariæ matris Joannis Baptistæ. Verum hæc Lucæ 1. dicitur de filiabus Aaron; ac proinde ex Tribu Levi. Igitur licet Machabæi secundum genus paternum fuerint oriundi ex Sacerdotali, & Levitica Tribu, idque de vice Jojarib, ut testatur Josephus lib. 12. Antiquitatum cap. 8. nihilominus secundum genus maternum erant ex Tribu Juda.

Secundò, quia qui erant ex Tribu Juda, plerumque nomina propria Leviticæ Tribui usurpabant, & vicissim ex Tribu Levitica oriundi, appellabantur interdum aliquo nomine proprio Tribui Judæ, ut videre est in Genealogia Christi; & nam aliqui ex ejus progenitoribus appellantur Levi, Matathias, &c. constat pariter unum ex Hasamonæis Judam fuisse appellatum.

Tertiò, quia de Machabæis dicitur lib. 1. cap. 1. *Viri Juda magnificati sunt valde in conspectu Israël*. Ubi signanter appellantur viri Juda, non Judæ, quò significatur eos non à Juda duce, sed à Tribu Juda sic nominari.

Quartò denique, quia nisi Machabæi fuif-

sent ex Tribu Juda per lineam maternam, non potuissent absque tyrannidis, & usurpationis nota supremam auctoritatem in Judæos sibi vindicare: igitur fatendum est eos ex Tribu Juda ex patre mulierum esse oriundos.

Verum quàm leves, & parùm efficaces sint istæ rationes facillè demonstratur. *Prima* quidem, quia Sacerdotibus, & Levitis non solum licebat ducere uxores ex tribu Juda; sed etiam ex qualibet altera tribu, ut constat ex cap. 44. Ezechielis v. 22. ubi de Levitis, & Sacerdotibus præscribitur: *Viduam, & repudiatam non accipient uxores, sed Virgines de semine domus Israël: sed & viduam, quæ fuerit vidua à Sacerdote, accipient*. Insuper gratis asseritur aliquem ex Machabæorum progenitoribus nupsisse mulieri ex regio sanguine, nulla liquidem auctoritate, nulloque testimonio id suadetur. *Præterea* maternum genus pro nullo habetur inter Hebræos, nec cujusquam genealogia per mulieres contexta legitur: igitur quamvis Machabæi essent ex tribu Juda secundum lineam maternam, id non sufficeret, ut ad eos jus regni propriè spectaret: nec consequenter, ut Judaicum sceptrum propagaretur. Denique idcirco lib. Numerorum 36. *Deus statuit, ut Israëliticæ mulieres nubant quibus volunt, tantum ut sue tribus bominibus, ne commisceatur possessio filiorum, Israël de tribu in tribum; & omnes enim viri ducent uxores de tribu, & de cognatione sua, & cuncta feminae de eadem tribu maritos accipient; ut hæreditas permaneat in famulus, nec sibi misceantur tribus, sed ita maneat, ut à Domino separata sunt*: Sed si ratione lineæ maternæ, & ex inito cum uxoribus Judaicæ tribus connubio, Machabæi supremam in Judæos potestatem fuissent adepti, migrasset cum uxoribus hæreditas omnium maxima, nimirum suprema regendi, ac imperandi potestas: igitur hæc ratione Machabæi censeri non possunt, nec ex tribu Juda, nec in illa tribu Judaicum sceptrum propagasse.

Nec referi, quòd Christus solo materno genere tribum Judæ contigerit. Hoc enim ei fuit peculiare, quoniam ex sola Virgine absque ullo virili opere formatusest. Unde oportuit, ut ratione matris ad tribum Juda spectaret, aut quòd ex illa tribu propagatus non esset dicendus.

Secunda ratio etiam minis est efficax, non enim apparet quamlibet tribum habuif-

buisse sibi pecuniaria, ac propria quædam nomina. Adde quod unus ex Hasamonæis appelletur Jonathas, quo nomine appellabatur filius Saul primogenitus, qui tamen erat ex tribu Benjamin.

Tertia ratio pari facilitate refellitur: fieri enim potest, quod hæc vocabula, *viri judæ*, significant aliquos bellatores ex tribu Juda oriundos, qui sub ducibus Hasamonæis strenuè, ac feliciter pugnabant: aut, quod verius est, significant viros militares, quibus ipse Judas, & fratres ejus imperabant. Ibi enim celebrantur Machabæi, & eorum milites supra quosdam Sacerdotes, & Levitas, qui Machabæorum gloriæ, & victoriarum æmuli, temerè, & sine consilio prælium cum alienigenis incutentes ceciderant: de his namque dicitur; *Non erant de semine eorum per quos salus facta est in Israel.* Unde statim de Machabæis subditur: *Viri judæ magnificati sunt valde in conspectu Israel.* Adde quod editio Græca, quæ primaria est, & originalis librorum Machabæorum, expressè habeat: *Vir Judas, & fratres ejus.*

Ad quartam rationem dico Hasamonæos non sibi vendicasse supremam auctoritatem in Judæos ratione successionis, ac jure hereditario, sed dumtaxat jure belli, ac titulo victoriæ, necnon & zelo tuendæ religionis. Cum enim ipsi primi adversus Antiochum Epiphanem resistissent, ac pugnasent, & jugulassent eos, qui Israelitas sub dito captivitatis jugo detinentes, etiam eos ad idololatriam impellebant; inde factum est, ut omnes Israelitæ, quibus libertas, & religio cordi erat, eorum exemplo excitati adversus suæ religionis, & patriæ hostes ad arma cucurrerint, & Machabæos, quos habuerant sacri belli promotores, etiam exercitus Duces, necnon & suæ reipublicæ Protectores, & Rectores agnoverint.

Quod autem hoc regnandi jus sibi non arrogaverint, nec aliquo successionis jure existimaverint esse debitum, constat ex eo, quod defuncto Judæ, Jonathas frater ejus non prius principatum assumpserit, quam ei delatus fuisset per electionem Judaici populi, qui dixerunt Jonathæ lib. 1. Machab. cap. 1. *Ex quo frater tuus Judas defunctus est, vir similis ei non est, qui exeat contra inimicos nostros Baccidæm, & eos, qui inimici sunt Gentis nostræ. Nunc itaque te bodie elegimus esse pro eo nobis in Principem, & Ducem ad bellandum bellum nostrum.* Subditur: *Et suscepit Jonathas tempore illo principatum, &*

surrexit loco Judæ fratris sui. Maximè autem notandum est electionem, & promotionem illam nonnisi diu post mortem Judæ factam fuisse, ut colligere est ex antecedentibus: nam defuncto Judæ, & priusquam ei succederetur Jonathas, plurima referuntur gesta, tum à Judæis quibusdam nefariis hominibus, tum à Baccidæ infensissimo Judæorum hoste, silentibus, nec sese opponentibus Machabæis, qui erant superstites, quod signum est eos Israeliticum principatum non existimasse aliquo jure sibi debitum: nam cum summus eis patriæ, ac religionis tuendæ inest amor, haud dubiè statim defuncto Judæ Jonathas cum armatis militibus sibi subditis aggressus fuisset Baccidæm, eumque expugnasset, sicuti fecisse ibidem legimus statim ac electus, & designatus fuit Princeps. Alia igitur querenda, & assignanda est ratio, qua demonstretur, quod etsi post captivitatem Babyloniam, quotquot sermè Principes in Judæa existerunt, fuerint ex tribu Levitica, nihilominus reverà propagatum fuerit sceptrum Judaicum eo sensu, quo prædixerat Jacob usque ad ipsam Christi Domini nativitatem. Quocirca

Respondent alii moderniores Theologi, per vocabulum *Judæ* non intelligi dumtaxat tribum Judæ, sed universum Hebræorum populum, & totam Jacobi progeniem: ita quod non esset auferenda regia, & legislativa potestas à filiis Jacob, seu ab omnibus omnino tribubus Israelitarum, quin prius Messias venisset.

Verum hæc sententia (etsi probabilior appareat) nihilominus non videtur coherere cum genuino vaticinii sensu. *Primo* namque ibi Jacob cuilibet è suis filiis pronuntiat, quæ speciatim, ac peculiari-ter eorum posteris ventura erant: igitur dum Judæ denuntiat, quod non prius ab eo auferendum sit sceptrum, & dux de semore ejus, sive Legislator de medio pedum ejus, quin Messias venerit, non ad universam suam progeniem, sed dumtaxat ad Judæ posteros ista verba dirigit, alioqui, nil quod esset peculiare Judæ designasset.

Secundo, paulò ante præfata vaticinii verba, Jacob Judam alloquens ait: *Judæ, te laudabunt fratres tui: manus tua in cervicibus inimicorum tuorum: adorabunt te filii Patris tui;* Quæ certè verba non possunt ad universos Israelitas dirigi, alioqui sensus

esset, quòd mutuò, ac sese invicem Israël essent laudaturi, & adoraturi, quòd certè prorsus ridiculum esset, & ineptum: & subinde hæc verba ad solum Judam, ejusque affines censentur directà: igitur & quæ consequuntur, de solis Judæ posteris sunt intelligenda. *Adde quòd* non potius dixisset Jacob, non esse auferendum sceptrum de Juda, quàm de Israëlitis, cum æquè facile Israelitarum nomen, ac Judæ pronuntiare potuisset, nisi hujus oraculi sensum, & veritatem ad solum Judam ejusque affines pertinere consuisset.

Tertio, nullibi in scriptura reperies universam Jacobi progeniem Judæ nomine designari: appellantur quidam inter dum *Israelitæ*, quoniam omnes ortum ducunt à Jacobo, qui dictus est *Israel*; nulla verò alterius tribus nomen, & appellationem sibi vendicat; sed unusquisque Israelitarum sibi attribuit nomen illius Patriarchæ, à quo fuit propagatus. Hinc alius dicitur filius Ruben, alius filius Levi, &c. ut videre est 1. *Paral.* ubi refertur Israelitarum genealogia, maxime eorum, qui erant majoris natu, & familiarum capita usque ad Patriarchas, à quibus sunt genti. Alius igitur investigandus est præfati oraculi sensus, aliaque illius subijcienda explanatio, qua appareat reverà non fuisse ablatum sceptrum de Juda donec Jesus Christus Dominus noster verus Messias nasceretur; quamquam regia, ac ducalis dignitas à Judæ posteris ad posteros Levi firmè per 500. annos convolverit. Quod utique pro modulo nostro præstare nitimur in sequenti §.

§. III.

Qua ratione constet sceptrum non fuisse ablatum de Juda donec Christus nasceretur.

UT edii à Jacobo præfati vaticinii, quæ nobis videtur genuina interpretatio, clarius, ac distinctius appareat: hic è limine *Notandum* est Jacobum non unicum duxerat, sed duo distincta, eaque notissima Messie venturi indicia prænuuntiasse. *Primum*, quòd non esset auferendum sceptrum de Juda; *Secundum*, quòd dux, aut Legislator non esset amovendus, antequam Messias venisset: igitur ut istius vaticinii veritas appareret, utraque hæc auctoritas, nempe Regia, ac Legislativa potius auferri debuit à Juda, quàm Messias adveniret: ita quòd ejus adventus tempore, nullus

ex Judæis imperaret, nullusque supremam judicariam, ac legislativam auctoritatem exerceret.

Observandum secundò, Judicariam, ac Legislativam auctoritatem fuisse novissimam apud Judæos, & maxime repositam penes eorum Senatum, quem appellabant *Sanhedrin*, cujus Senatus institutio divina auctoritate facta legitur Numerorum cap. 12. ubi refertur, quòd cum Moyses mandante Domino elegisset septuaginta Seniores, qui tibi forent administri in regendo Israelitico populo, eosque stare iussisset circa tabernaculum: *Descendit Dominus per nubem, & locutus est ad eum* (Moysem) *aufert de Spiritu, qui erat in Moyse, & dant Septuaginta Viris: cùmque requiesceret in eis Spiritus, prophetaverunt, nec ultra cessaverunt.*

Hi autem Septuaginta Seniores Judicum, ac Legislatorum munus obeuntes, appellati sunt *Sanhedrin*, quos nos, inquit Galatinus lib. 4. cap. 5. appellare possumus *Judices ordinarios*: dicebantur quoque *Mebekim*, idest, *Scribe*, sive *legum Latres*, eo quòd quicquid tradebant, & scribebant, tamquam lex ab aliis habebatur. Quales autem esse debent, qui ad eam dignitatem erant promovendi, docetur in libro *Sanhedrin* in capite, *Dine mamonsib*, idest *judicia divitiarum*, ubi sic legitur: *Dixit Robbi Joharam, non erant constituent in Sanhedrin, nisi dominos sapientie, stature, & apparentia*, ac *semitis*, & *dominos incantationum*, necnon & *scientes 70. linguas*, ne oporteret eos interpretes alios audire. Ubi glossa R. Salomonis sic ait: *Statura, & apparentia in eis requirebatur, ut in honore, & veneratione haberentur. Quòd autem esset incantationum domini, idcò exigebatur, ut incantatores, & maleficos in suis maleficiis, & incantationibus confidentes convincerent, & ad mortem damnaverent.*

Porro eis licitum erat ad quatuor mortis genera dammare, nempe ad lapidationem, ustulationem, occisionem, & strangulationem, ut habetur in libro *Sanhedrin* Babylonico. Addit R. Akiba, quòd eo die, quo aliquem ad mortem damnavant, nihil omnino gustabant: nuiquam autem quempiam damnavant ad mortem, nisi adessent viginti tres, quorum ceteros appellatur *Sanhedriatib*. Dum verò minora erant negotia judicanda, tres ex eis ad id sufficiebant.

Res

Res autem majoris momenti, utcum esset auspicandum bellum licitum, leges generales ferendæ, aliquis Pseudopropheta, aut Sacerdos magnus judicandus, &c. necessum erat negotium tractari a Concilio magno *Sanbedrin* ex 71. Judicibus. Dixi 71. nam licet a Mosè 70. tantum fuerint electi, & designati, tamen cum eis Moses præfesset, consequens est, quodd Concilium *Sanbedrin* constabat 71. Judicibus. Ipsorum etiam erat per singulas tribus, & civitates Judices ordinarios, & delegatos institueret, ut dicit R. Ismael: refert verò R. Juda, quodd ad istam institutionem, & delegationem, quæ fiebat per impositionem manuum, sufficiebant quinque Judices ex illis 71.

Observandum tertio, quodd etsi Scriptura sacra non refert ex quibus tribubus assumpti fuerint illi 70. Seniores, qui Senatum Judzorum instituere, an videlicet ex singulis tribubus aliqui, an verò indiscriminatim selecti sint illi, qui majori sapientia, ac morum gravitate, ac probitate apud Israelitas celebrabantur, quod probabilius apparet ex his verbis cap. 11. Numerorum, quibus Deus Moysen sic affatur: *Congrega mihi Septuaginta viros de senibus Israel, quos tu nosti, quod senes populi sint, ac Muggeri: quod ducet eos ad agnitionem tabernaculi fæderis, faciesque ibi stare tecum, ut descendam, & loquar tibi, auferamque de spiritu tuo, gradamque eis, ut sustineant tecum onus Populi, & non tu solus graveris*: Nihilominus verisimile est plurimos ex istis, potissimum ex tribu Juda fuisse electos; cujus indicium est, quodd Moyses majori semper in æstimatione habuerit tribum Judam, quam alias, & illam cæteris prætulit: illa namque prima omnium gradiebatur, & ad orientem Arcæ fæderis stationem suam flegebat, ejusque Princeps, primus omnium munera coram Domino, tam suo, quam Judæ tribus nomine offerebat. Unde fit verisimile, quodd ex illa potissimum tribu (penes quam Moyses noverat divinitus esse repositam futuram auctoritatem regiam) viros assumpti, qui judicariam, ac legislativam auctoritatem in cæteros Judæos exercerent. Quidquid sit, saltem post divisionem regni Israelitici a regno Juda, maximè verò post captivitatem Babylonicam, certum apparet, plurimos ex tribu Juda fuisse ad eam dignitatem assumptos: quippe cum hæc tribus longè tribubus Levi, & Beniamin, quæ simul cum ea unicum Judæ regnum insti-

tuebant, numerosior fuerit. Ac proinde convenientius erat, ut ipsa plures ex suis Senatores obtineret.

Observandum quarto, hunc Senatum *Sanbedrin* stetit semper apud Judæos, etiam tempore captivitatis Babylonicæ, ut ipsimet Judæi fateantur in Paraphrasi Chaldaica Cantici Canticorum, ubi fit mentio illius *Sanbedrin*, quod erat in Babylone; nec certè qui Danielis cap. 13. v. 5. dicuntur *Seniores Judices, qui videbantur regere populum*, alii putandi sunt, quam Senatores illi ex Concilio *Sanbedrin*, penes quos dumtaxat reposita erat auctoritas damnandi ad mortem. Hic autem Senatus perseveravit usque ad Herodem Afcalonitam, qui ut refert Josephus, a Romanis Judzorum regnum accepit, ut tributis præfesset, & Romano pareret Imperio neptemque Hircani Sacerdotis Magni, & Principis Judzorum, qui Alexandriæ Judzorum Reginz filius fuit, & ex Machabæis originem traxit, & duxit uxorem. Et circumcidens se, ob regni, & ejus amorem, factus est proselytus, & tandem eundem Hircanum dolo occidit, eo quodd diceret Regnum sibi deberi. Nam cum, Hircano ipso Pontifice a Parthis capto, Judæam nihil ad se pertinentem, ab Augusto, & Senatu accepisset, regressum postea de captivitate Parthica eundem Hircanum, unà cum Antigono ejus filio, qui Patri in Pontificatu, & Regno successerat, interfecit. Quotquot etiam Regia de stirpe prodierant, pariter interemit, propter illud Deuter. 17. scriptum, *De medio fratrum suorum pones super te Regem*: omneque liberos, qui de Regum Genealogia inscripti erant, exuri fecit, ne ipse, aut filii ejus alieni a regno censerentur. Et inter alia, quæ crudeliter gessit, virumquoque fororis suæ Salomæ occidit. Et cum eam alii tradidisset uxorem, etiam & hunc necavit. Scribas quoque, & divinz legis Doctores simili scelere interfecit, ut omnem a Judæis recuperandi regni modum, spemque auferret, ira Josephus.

Quare tunc propriè, & verè de tribu Juda regni sceptrum aufertur cepit, cum nemo de Regio genere remansisset crederetur. Tum etiam judicaria potestas ab eis amota est, cum omnes *Sanbedrin* Herodes ipse jussit interiri. Quæ omnia Talmudistæ referunt. Nam quodd Herodes ipse, & capita captivitatum Babyloniæ, & *Sanbedrin* ipsos destruxerit, habetur in *Bavababre*, in

capite. *Hassutapbin*; idest Socii in negotiatione; ubi sic ad verbum dicitur, *Herodes surrexit, & occidit universos Rabbanan, idest, Magistros, reservato sibi solo Baba filio Botta, ut consuleret eum. Quodam vero die iussit eum accersiri ad se, & eruit ei oculos. Et post pauca, Homo iste extinxit lumen mundi, idest, Rabbanan, sicut scriptum est. Proverb. 6. c. Quia lucerna est mandatum, & lex lux. Hæc omnia tradit. Ex iis satis aperte liquet, ait Galatinus cap. 6. tempore huius Herodis, qui & capita Babylonis, idest, Machabæos, & iudices ordinarios interfecit, sceptrum de Juda incepisse, auferri. Nam quamvis alii postea Senatores, ac Scribæ in eorum sortem, & locum fuerint suffecti, attamen nulla auctoritate iudicialia pollebant: unde cum Pilatus eis postulantiis Christi Domini necem dixisset, *Accipite eum vos, & secundum legem vestram iudicate eum*: responderunt, *Nobis non licet interficere quemquam*, quia scilicet ab eis ablata fuerat suprema illa iudicandi potestas. Quod autem etiam defecisset auctoritas Regia, ipsi pariter consentiunt, dicentes Pilato, *Non habemus Regem nisi Cæsarem*. Igitur utraque hæc auctoritas cepit auferri Judæis circa Christi nativitatem, quæ contigit duobus annis ante mortem Herodis Afcalonitæ.*

Observandum denique, quod in schismate, seu partitione, ac divisione auctoritatis, & dignitatis Regiæ, quæ facta fuit inter Israelitas, dum decem tribus excutientes durissimum jugum Regis Roboam, elegerunt sibi Ieroboam in Regem, qui novum instituit regnum Israel, perstitit sub Roboami imperio, & regno, unâ cum integra tribu Juda, etiam universæ tribus Benjamin, & Levi, ut apparet ex 3. Reg. 12. & 1. Paral. 11. ubi legimus, quod Roboam audiens a se defecisse decem tribus, *Convocavit universam domum Juda, & Benjamin centum viginti milia electorum, atque bellantium, ut dimicaret contra Israel, & converteret ad se regnum suum. Et intra v. 11. & 13. Et imperavit super Judam, & Benjamin. Sacerdotes autem, & Levitæ, qui erant in universo Israel, venerunt ad eum (Roboam) de cunctis sedibus suis, relinquentes suburbana, & possessiones suas, & transierunt ad Judam, & Jerusalem. Quibus constat Regem Roboam, & ejus posteros habuisse tres tribus sibi subditas, nempe Judam, Benjamin, & Levi.*

Potro hic maxime est observandum, quod ex tempore illius schismatis tres mox memoratæ tribus, sicut unicum regnum Juda instituebant, ita & in unam tribum Juda videbantur coaluisse: quod utique satis aperte constat ex 3. Regum cap. 12. ubi dicitur, *Nec secutus est quisquam domum David præter tribum Juda solam*; quæ certe aliter coherere non possent cum his, quæ ex 1. Paral. mox retulimus, nisi fateamur tribum Benjamin, & Levi, tribui Judæ ita fuisse sociatas, ac fœderatas, ut nullo post hæc, quàm Judæ nomine appellarentur, ac censerentur.

Confirmari autem potest hæc nostra observatio, ex eo quod, etsi Roboami successores Reges imperaverint non solum tribui Judæ, sed etiam Benjamin, ac Levi, nihilominus in omnibus Scripturæ locis quoties de eis fit sermo, dumtaxat appellantur *Reges Juda*, ut significetur tres illas tribus solo Judæ nomine fuisse designatas. Unde cum de tribubus decem ab Assyriorum Rege Salmanassaro longè extra fines Judæ deportatis loquitur Scriptura, sic illud expresse, *Iratusque est Dominus vehementer Israeli, & abstulit eos à conspectu suo, & non remansit nisi tribus Juda tantummodo*: At in hac tribu, regnoque Ezechiz Sacerdotes, & Levitæ remanebant; necnon & Benjamin, tùm ex aliis complures idem hæserunt: igitur omnes tribus in Juda, ita coaluerant, ut unicam dumtaxat tribum nomine Judæ appellatam instituerent censerentur.

Cujus quidem appellationis ratio non solum, ut existimo, petenda erat à dignitate, amplitudine, ac præstantia tribus Judæ supra tribum Levi, & Benjamin, sed etiam ex eo, quod tres illæ tribus promiscuè habitaverint. Quantum ad tribum Levi, id nemo revocabit in dubium: Hi namque non habebant peculiarem sibi tetræ portionem, & sortem, in qua habitarent scorsim ab aliis assignatam, juxta illud Numerorum 18. *In terra eorum nihil possidebitis, neque habebitis partem inter eos*. Cum autem eorum ministerium, ac famularus esset ministrare in tabernaculo Domini, quod repositum erat in templo Salomonis; inde factum est, quod, ut supra ex 2. Paralip. cap. 11. retulimus, omnes Sacerdotes, & Levitæ descenderent possessiones, quas habebant per singulas tribus Israel, transierunt ad Judam, & Jerusalem,

Iem, habitaverintque unâ cum Judæ posteris.

Idem etiam constat de filiis Benjamin, qui non tantum vicini erant tribui Judæ, sed etiam easdem civitates incolebant, maxime verò Jerusalem, quippe Judic. i. v. 21. legimus: *Jesum autem habitatorem Jerusalem non deleverunt filii Benjamin, habitavitque Jesus cum filiis Benjamin in Jerusalem usque in presentem diem.* Idem autem refertur de filiis Juda, Josue 15. v. 63. ubi legimus: *Jesum autem habitatorem Jerusalem non potuerunt filii Juda delere: habitavitque Jesus cum filiis Juda in Jerusalem usque in presentem diem:* Et subinde Judæi, ac Benjamin permixtim habitare censebantur, etiam ante regni divisionem: quod multò facilius contigit post illam regni partitionem; maxime autem post solutam captivitatem Babyloniam; refert enim Iosephus lib. i. quod post ejus captivitatis solutionem omnes Israelitæ, quotquot à Babylone cum Zorobabele, & Nehemia reversi sunt in Palestinam, indiscriminatim appellati fuerint *Judei*. *Populus*, inquit, *universus Judæorum nomen obtinuit ex eo die, quo primum Babylone profecti sunt, ab Tribu Juda: quæ cum prima in illa loca venisset, iam ipsi, quam tota Regio in eam cessit appellationem.* Sic etiam nunc appellantur, ab illis nationibus, apud quasde-
gunt, nulla amplius habita ratione ad eas tribus, unde erant propagati. Ex quibus omnibus constat omnes Israelitas, quotquot superstites post solutam captivitatem, Palestinam incoluerunt, appellatos, & æstimatos fuisse Judæos; & pro una, eademque tribu Juda habitos.

Ex his itaque faciliè colligere licet auctoritatem Regiam non fuisse ablatam ex Juda, donec veniret Messias. Quamquam enim Machabæi plusquam 400. annis supremam auctoritatem usque ad Herodem Alcalonitam in superstites Israelitas tenuerint; nihilominus cum isti vulgari nomine Judæi censerentur, & earum tribus in Tribum Juda quasi coaluisset, ac pro una, eademque illæ tribus haberentur, hinc fit quod, eis imperantibus, non censetur sceptrum ablatum de Juda, quippe remanebat apud eos, qui Judæorum nomine, dignitate, ac sorte gloriabantur.

Repones forsan: Nihil ergo Jacobus in suo vaticinio peculiare Judæ posteris denuntiabat, si Levitica tribus eodem quo

Judaica dignitatis honore, ac titulo erat illustranda. *Verum respondeo*, id non esse consequens; quippe, ut mox dictum est, hanc dignitatem, & auctoritatem Machabæi non fuerant affecuti, nisi quia eadem illorum, ac Judæorum, fors erat, & habitatio: ac subinde idem suæ Reipublicæ tuendæ, ac regendæ debitum.

Hic adde quod Jacobus signanter non dixerit: Non auferetur sceptrum de posteris Judæ, quo significaret, sceptrum non prius à Judæ posteris esse auferendum quam veniret Messias; sed dumtaxat dixit, *Non auferetur Sceptrum de Juda*, quod utique licet interpretari de terra, aut de gente Juda, ut sit sensus, sceptrum permanfurum apud eos, qui terram tribui Judæ designatam incolerent, & unicam veluti gentem unicumque regnum cum Judæ posteris instituerent, donec adveniret Messias.

Nec refert quod subiciat, *nec Dux de fæmone ejus*: Nam ut suprà monuimus, vocabulum *Mebokek*, non solum *Ducem*, ut habet vulgata Editio, sed maxime *Legislatorem* significat, ut cæteræ Editiones ferunt; quo *Legislatoris* nomine significatur, ut diximus, *Senatus Sinedrin*, penes quem summa erat auctoritas leges condendi. Vocabula autem *Mibben Raggeal* significant non de fæmone, sed de medio pedum ejus; quæ fortè verba idem significare existimavit Vulgatus traductor, ac de fæmone, propter situm partium ad propagationem, & generationem deservientium; quod utique Hebraicæ dictioni satis aperte quadrat. Quamquam existimem etiam probabile, Patriarcham Jacobum illis verbis, *de medio pedum*, vel ut ferunt aliz Editiones, *de interpedes ejus*, alluisse ad judicalem consuetudinem, qua Scriba sedere solet ad Judicis, & Præsidis pedes, ac sententiam excipere; quæ etiam expositio traditur in libro *Bereschith Rabba* sect. 98.

Dices foris, nostram hanc opinionem contrariam esse communi SS. Patrum, ac Theologorum sensui, qui existimant, Machabæos ex Tribu Juda secundum lineam maternam fuisse oriundos, & hac ratione, eoque nomine Judæorum sceptrum tenuisse.

Verum respondeo non ita communi SS. Patrum auctoritate in eis quæ ad Historiam & minuta, leviaque rerum genera spectant quemquam ita constringi, ut proprium judicium, dum aliud affulerit, proferre non audeat. Sequenda quidem est, & cum ve-

neratione excipienda SS. Patrum concors sententia, in iis quæ ad fidei regulam, aut morum probitatem pertinent: At ab ea interdum recedere licet, maxime in illis, quæ ad Historiam spectant: nam, ut observat Torniellus ad annum 4018. §. 9. innumera sunt exempla, in quibus à communi auctoritate Patrum discedere solent Theologi, & sacri Annalists. Etenim, ut ex illis exemplis unum proferam, quàm multi veterum Zachariam Joannis Baptistæ Patrum summum Judæorum Pontificem fuisse perhibent! quod tamen si quis nunc temporis assereret, sibi & risu à peritis exciperetur. Dicendum ergo cum Vincentio Lirinensi capit. 39. *Antiqua SS. Patrum consensio non in omnibus divine legis quæstionibus: sed solum in certa præcipue fidei regula magno nobis studio, & investiganda est, & sequenda.*

Nolim tamen hanc nostram opinionem SS. Patrum, ac eruditorum Theologorum sententiis anteponeere; neque etiam eo animo, aut ea mente illam proposui; sed dumtaxat, ut quæ mihi probabiliora videntur, aliis aperirem; quatenus & ipsi stimulentur ad evidentiorum (si Deus dederit) ejus difficultatis enodationem, & explicationem investigandam, & proferendam.

Si quid novissi velius istis

Candidus imperti; si non, his utere nostris.

Opponunt tandem Judæi: Quamquam hæc ita essent, inde tamen inferre non licet Jesum Nazarcum esse Messiam illo Jacobo vaticinio designatum: siquidem viginti octo ad minus annis ante ejus natiuitatem ablatum fuerat scepterum ab omnibus Israelitis per Herodem Ascalonitam Antipatris filium, qui ad suos posteros eodem Herodis nomine appellatos, aliquot annis servandum traduxit.

Observandum enim est tres fuisse Herodes, quorum primus fuit ille *Ascalonita*, qui Hircanum cum ejus filio Antigono, qui patri in Pontificatu, & regno successerat, interfecit: is etiam est qui infantes Bethlechemitas Christo nato crudeliter trucidari jussit: Secundus verò Herodes cognominatus est *Antipater* superioris Herodis filius, qui adjudicante Cæsare in Galilæa patri successit: Archelaus verò frater ejus in Judæa: Tertius autem Herodes vocatus est *Agrippa* hujus Herodis filius, atque primi nepos: igitur &c.

Respondet primò, Prophetiarum eventa, non una aliqua temporis particula circumscribi, sed paulatim evoluta completis; sic vaticinium Jacobo de auferendo sceptro pederentem est impletum, itaque inmodum homo morti proximus, quamdiu spirat & cum morte luctatur, dicitur mori: sic ablatio illa sceptri, ac regis, & judicariæ potestatis Judæicæ extinctio paulatim est expleta: & aliquanto ante Christi ortum inchoata tempore, ac deinde in pejus lapsum faciens, tandem in templi, & urbis excidio sub Vespasiano Imperatore completum habuit exitum.

Respondet secundò, mihi probabilem videri eorum sententiam, qui contendunt Herodem, non solum regione, sed & origine fuisse Judæum: primò quia, ut Josephus scribit lib. 13. cap. 17. Idumæi pridem ante initum ab Herode regnum, Judæorum ritum, & religionem professi fuerant, & Judæi facti; cum videlicet ab Hircano devicti circumcisi sunt, & legibus Moyli imbuti. Hinc Strabo partem Judææ Idumæam facit, & Herodem Idumæum, vocat Judæorum indigenam, seu vernaculum: & Ammonius scribit Idumæos appellatos fuisse Judæos, item Josephus lib. 14. cap. 14. habet, Antipatrum, quando Julius Cæsar in Ægypto periclitabatur, placasse tumultum exortum inter Judæos in Ægypto commorantes, et illos qui è Judæa suppetias Cæsari advenerant: Eoquod, inquit Josephus, ex eadem Gente cum ipsis esset. Denique Nicolaus Damascenus auctor gravissimus, Herodis contemporaneus, qui nedum Cæsaris Augusti vitam, sed etiam historiam universalem edidit 70. libris, ut ex Suida refert Voletarenus, disertè affirmat Herodem fuisse Judæum.

Secundò: Idipsum etiam ratio suadet, si enim fuisset Idumæus, & à Judæorum stirpe alienus, cum esset audacia & ferocitate insignis, haud dubiè Judaicum regnum adeptus, Judæos in Idumæorum ritus traducere conatus esset, parque Judæis rependeret; nam, ut modo diximus, Joannes Hircanus anno quinto sui Pontificatus, & præfecturæ, cum Idumæos armorum vi subegisset, illos ad Judaicam religionem sectandam compulsi: Id enim Costabarus unus de primatibus Idumæorum Herodis gener factus, indignum existimabat Idumæos servire Judæis, quorum religionem, cogente Hircano, fuerant amplexati, &

pro-

propterea, ut refert Josephus lib. 12. cap. 11. etiam sollicitabat, & procurabat per Cleopatram Idumæam, ut priorem religionem resumerent: quid non egisset Herodes Rex, cui ad nutum Judæi obtemperabant, & Romani ad beneplacitum blandiebantur, præsertim cum sibi persuadere potuisset, id Romanis, à quibus regnum acceperat, tanquam à Judaico ritu alienis non ingratis futurum?

Tertio, id ipsum indicat ferventissimus ejus zelus in religionem Judaicam, ut colligitur tum ex dicto Cæsaris, quod refert Macrobius libro secundo Saturnalium capite quarto: cum enim audisset filium Herodis jussu patris occisum, dixisse sicut; Melius est porcum Herodis esse, quam filium; clari insinuans Herodem legis Mosaicæ ita zelatorem observantem, ut ejusmodi animalia lege prohibita occidi non permitteret: Tum ex eo quod, quando Romanorum auxilio Jerosolymam cepit, totis viribus conabatur arcere Gentiles, hoc est, Romanorum milites, ab introitu templi interioris. Acerbiter, (inquit Josephus decimo quarto Antiquitatum capite ultimo, & primo de Bello Judaico, capite decimo tertio, quamvis victus fuisset,) existimans sibi fore victoriam, si quid eorum, quæ videri fas non esset, culpa sua videretur in conspectu profanæ multitudinis.

Tum ex eo, quod Romæ sollicitatus à Cajo Cæsare, ut aliquam gratiam haud dubie consequendam rogaret, omnibus suis preces commodis, solum rogavit, ut statua, quam Cæsar jussit in templo Jerusalem collocandam, ab eo tolleretur, ut refert Josephus libro primo. Tum denique ex eo quod, nullo suadente aut imperante, sed proprio motu actus, templum Jerosolymitanum multo quam antea angustius extruere voluerit, ut refert Josephus supra laudatus.

Quarto, si Herodes, qui postea tot annis universis imperavit Israeli, fuisset Idumæus, & de posteris Esau, sequeretur evenire oppositum ejus, quod prædixerat Dominus Rebecca, Jacob, & Esau in utero gestanti: *Dux Gentes sunt in utero tuo, & duo populi ex ventre tuo dividuntur, populusque populum superabit, & major serviet minori.* Genes. cap. 25. Nec refert, quod subdatur cap. 27. ubi Isaac dixisset Jacob: *Esse Dominus fratrum tuorum, incurvantur ante te filii matris tue:* Esauque dixisset, *Eratrui tuo serviet*, subdit protinus: *Tempus-*

que venit cum excutias, & solvas jugum ejus de cervicibus tuis: Nam aliud est excutere à se jugum, uti fecerunt Idumæi, temporibus Joram Regis Juda, quando ab eo deficientes constituerunt sibi proprium Regem, ut legitur quarto Regum capite octavo: Aliud quod Idumæi aut eorum aliquis dominaturus esset Israelitis; id enim prædictis prænunciacionibus omnino adverteretur.

Quinto, Herodianis, de quibus Matthæus cap. 22. affirmantibus Herodem esse Messiam, ipsum pariter Judæum origine publicè falsos esse haud dubium est: aliis faciliè convinci, & confutari potuissent à Scribis & Phariseis, qui in constantissima veritate habebant ex sacris litteris, Christum esse stirpe David, ac proinde ex tribu Juda oriundum; quemadmodum colligi potest ex interrogatione facta à Christo Matthæi 22. *Christus cujus Filius est? Dicunt ei: David.*

Sexto, Hircanus summus Pontifex non ipsi filiam Marianne tradidisset in uxorem contra præscripta legis prohibentis connubia ineunda cum alienigenis, Deuteronomii decimo septimo capite. *Et Exodi 34. &c.*

Dices, hanc sententiam omnibus ferè sanctis Patribus adversari; omnes enim sancti Patres, Interpretes, aut Doctores unanimi calculo Herodem Idumæum aut Ascalonitam fuisse testantur.

Respondeo, ut supra juxta Vincentii Lirinensis regulam in libro contra hæreses c. 39. ubi de Patrum consensione sequenda ait; *Quæ tamen antiqua sanctorum Patrum consensio, non in omnibus divine legis questionibus; sed solum in certa precipue fidei regula, magno nobis studio, & investiganda est, & sequenda.* Quis autem non videat hanc de Herodis genere questionem ad res fidei non pertinere?

Respondeo secundo, neminem ex sanctis Patribus hanc difficultatem ex proposito discutiendam suscepisse, utpote, qui gravioribus studiis essent intenti: sed tantum obiter eorum quidam dixerint Herodem esse Idumæum, & alienigenam genere; quod proprie dictum & per exclusionem generis Judaici non arbitror esse intelligendum; sed tantum eo sensu, quo Barnabas Actorum capite quarto dicitur genere Cyprius, non quod non esset ipse Judæus; sed quia majores ejus, vel fortè ipsemet habitasset in Cipro. Pari ratione Paulus dicitur Tharsen-

sensus: Actorum decimo, & capite vigesimo secundo ipsemet se *Romanum* appellat; non quod ex ea Provincia, & stirpe esset oriundus; quippe cum ad Romanos undecimo, & ad Philippenses tertio, Israelitam se, & *de Tribu Benjamin* esse profiteatur: unde manifestum fit genus non semper pro ipsa generationis origine, sed interdum quoque pro natiuitatis, vel educationis, vel diuturnæ habitationis loco usurpari.

Nec refert, quod Iosephus Herodem Ascalonitam, & Idumæum genere nominet, & idcirco arguat mendacii, & adulationis Damascenum, quod quasi Herodi adblandiens Iudæum esse dixerit. Potius enim existimandum est à Iosepho Iudæo, & Sacerdote oppositum litteris fuisse consignatum in gratiam Iudeorum, ac precipue Sacerdotum, quibus Herodes ob summam crudelitatem, & superbiam erat inuisus, precipue verò Sacerdotibus, à quibus nedum regnum amoverat, sed & summum Sacerdotium à Machabæorum familia mortuo Hircano juniore, & cuidam Aneto Sacerdoti è Babylonia accito, & de Iudeis olim extra Euphratem traductis nato, dederat, non tanta dignitas in quemquam virorem illustrium perveniret, qui sibi posset obfistere.

Dicitur autem Herodes Idumæus, vel quia ejus Pater Antipater, & aliqui ex ejus majoribus Idumæam incoluerant, & ut refert ipsemet Iosephus, Antipas Herodis avus olim ab Alexandro Iudeorum Rege, & postea ab ejus uxore Alexandra, quæ ei in regnum successit, Idumæorum Dux fuerat institutus: qua ratione ejus parentes dici possunt Idumæi, & ipse Ascalonita, quod in Ascalone educatus, vel fortè etiam natus fuerit; nam de Antipatro scribit Iosephus, decimo quarto Antiquitatum capite secundo, quod Arabum, & Gæzeorum, & Ascalonitarum amicitias coluerat: quomobrem faciliè fieri potuit, ut Herodis parentes aliqua urgente occasione in Ascalone moram trahentes ibi eum genuerint. Nec propterea dici debet origine à Iudeis alienus, nam multos legimus Actorum capite secundo appellatos fuisse Parthos, Medos, Elamitas, Cretes, & Arabes, quos tamen viros gente, & origine Iudeos esse ibidem indicatur; his verbis, *Erant autem in Jerusalem Iudei viri religiosi ex omni natione quæ sub cælo est.*

Non me laet iis Lionelli rationibus

fieri posse satis; & eas ex parte solvissè Salianum ad annum mundi 4017. pagina 381. dicendo ad *primum*, & ad *secundum*; Herodem ejusdem fuisse animi, cujus sunt ceteri Politici, qui regni magis, quàm religionis amatores, religionis prætextu res novas, & dominationem auspiciantur; faciliè namque hoc pulsus animo Herodes, Idumæorum religionem deseruit, Judaicamque coluit, ut traditum sibi à Cæsare Judaicum Imperium pacificè regeret, cum sciret Iudæos potius mortem, quàm religionis mutationem subituros; eo potissimum tempore, quo ad id stimulabantur à Sacerdotibus, Scribis, & Phariseis. Quod autem non tantopere fuerit zelatus divinam legem, ac Judaicos ritus, constat ex templis in Cæsaris quasi Dei, cujusvis nomen, & Numen ab eo erectis, ut testis est Iosephus 19. Antiquitatum cap. 7. Templum Jerosolymitanum spontè ornavit, fateor; sed id ipsum donariis illustrantur Asiæ Reges, qui propterea Iudæi non sunt censendi. Major, iniquies, ergo serviet Majori? Quidni admodum tempus id fieri potuerit absque vaticinii præjudicio, cum plerumque, & diu Iudæi diversas in captivitates acti servierint genti alienigenæ? Unde sententia hæc non caret difficultate.

Nihilominus aptior est ad probandum Christum fuisse verum Messiam ex vaticinio Jacob, cum enim Herodes mortuus fuerit paulò post Christum natiuitatem; sensim auctati cœpit sceptrum Israeliticum à viris Judæ; licet enim post Herodis mortem, Archelaus ejus filius regnasse dicatur, ab Augusto Judææ Etnarcha constitutus; nunquam tamen valuit ab eo dignitatem Regiam obtinere, ut videre est apud Iosephum 17. Antiquitatum capite 13. cum potius ab eodem Augusto in Galliam fuit relegatus, & Judæa sub Romanorum Imperio, ac regimine pœnitius fuit redacta toto vitæ Christi tempore, non habens Regem, nisi Cæsarem, ut ipsi Iudæi Pilato fassi sunt.

Nec refert, quod postea Claudius Cæsar, teste Iosepho 19. Antiquitatum c. 4. Judææ regnum dederit Herodi Agrippæ, qui ut habet idem Iosephus 18. cap. 7. fuit Herodis Ascalonitæ ex Aristobulo filio nepos; quique deinceps in Judæa occidit Jacobum fratrem Joannis gladio; & Petrum misit in carcerem volens post Pascha producere eum populo, ut legitur Actorum cap. 12. Id, inquam non obstat, nam perbreve admodum tenuis

pus divina dispensatione interemptus fuit, ut fieret memorata Prophetiz complementum: siquidem Herodes ille, qui quadriennium ante tetrarcha Philippi, & in ea parte Galilee loco patris demortui fuerat prefectus, demum post triennium, à quo regnum Judæ obtinuerat, obiit, ut refert Josephus lib. 19. circa finem, sicque modicum ejus regimen pro nullo habetur.

CONCLUSIO SECUNDA.

Secundum testimonium, & vaticinium, ex quo frangitur Judæorum pervicacia, petitur ex illis verbis Archangeli Gabrielis Daniele alloquentis, ac promittentis Messiz ortum futurum post 70. hebdomadas: *Animadvertite sermonem, & intelligite visionem: septuaginta hebdomades abbreviatae sunt super populum tuum, & super urbem sanctam tuam, ut consummetur prævaricatio, & finem accipiat peccatum, & deleatur iniquitas, & abducatur iustitia sempiterna, & impleatur visio, & prophetia, & ungatur Sanctus Sanctorum.* Scito ergo, & animadvertite ob exitu sermonis, ut iterum adificetur Jerusalem, usque ad Christum Ducem, hebdomades 62. erunt, & rursum adificabitur platea, & muri in angustia temporum. Et post hebdomades 62. occiditur Christus, & non erit ejus populus, qui eum negaverunt est. Et civitatem, & Sanctuarium dissipabit populus cum Duce venturo, & finis ejus vastitas, & post finem belli statuta desolatio: confirmabit autem pactum multis hebdomada una, & in medio hebdomadis deficiet sacrificium, & hostia, & erit in templo abominatio desolationis, & usque ad consummationem, & finem perseverabit desolatio.

Inde sic argumentor: Christus ille, quem venturum promittit Angelus post 70. hebdom. est Messias Patribus promissus: sed septuaginta hebdomade præfinitæ ab Angelo, reverà dudum præterierunt; ergo Messias jam venit. Major constat. Nempe quòd Christus ille sit Messias; non autem aliquis Judæorum Pontifex, maxime Hircanus Machabæorum ultimus legitima electione Pontifex ab Herode occisus, ut comminiscuntur Judæi: quia Christus ille, qui prædicitur ungendus, & occidendus, vocatur Sanctus Sanctorum, & dicitur adducturus iustitiam sempiternam; ita ut per eum iniquitas tempore deleatur, & prævaricatio finem accipiat; at de nullo Pontifi-

cum Judæorum hæc verificari possunt: igitur non de alio, quàm de Messia vaticinium illud intelligendum est. Minor etiam est evidens: Nempe quòd 70. hebdomade ab Angelo præfinitæ, quoquo modo explicentur, jam dudum præterierint. Nam illæ hebdomade vel sunt dierum, vel annorum; sed utrovis modo explicentur, jam dudum præterierunt; igitur, &c. Minor constat: Si enim intelligatur prophetia de hebdomadibus *Ditum*; constat Messiam venisse post annum, & dimidium à tempore, quo facta est illa promissio: si de hebdomadibus *Annorum*, quandoquidem 70. annorum hebdomades faciunt tantum 490. annos, sequitur quoque Messiam dudum advenisse, quia ab illo tempore, quo editum est Angelicum illud vaticinium, ad nos usque, duo annorum millia, & amplius effluerunt. Major etiam constat: Siquidem apud Judæos hebdomada duobus tantum modis accipitur, vel pro numero septem dierum, ut Levitici 13. cum instituitur solemnitas *Hebdomadarum*, seu Felli Pentecostes, quinquaginta diebus à Paschate, nam 49. dies, faciunt septem hebdomadas: hebdomada autem annorum, seu quæ constat septem annis, colligitur ex Levitici 25. ubi sermo est de celebratione anni sancti Jubilæi, *Numerabis tibi septem hebdomadas annorum* (id est, septies septem annos, qui faciunt 49.) *Et sanctificabis annum sequentem, qui est quinquagesimus.*

Reponunt Judæi, ibi sermonem esse de hebdomadibus longioribus, videlicet, vel Jubilæorum, vel Olympiadum, vel Sæculorum, ac proinde earum numerum nondum expleri, nec consequenter Messiam advenisse. 70. enim sæculorum hebdomades, 49. annorum millia, Jubilæorum verò amplius viginti quatuor millia: olymp. verò ferè duo millia complectuntur: ab ea autem promissione facta Danieli de venturo Messia, duo annorum millia vix effluerunt: igitur nondum Messias venit.

Contra primò: Id gratis, & absque fundamento comminiscuntur; si autem liceret ita pro libito instituire hebdomades, periret omnis prophetiz certitudo. *Deinde*, nec prophetiz, nec Judæi solent per Olympiades supputare, sed soli Græci; nullum enim illius supputationis in universa Scriptura vestigium apparet. *Denique*, si aliquam veritatis speciem haberet illa responsio, requeretur templum, & civitatem non fore

vastanda, nisi vel post 409. millia annorum, vel post 24. millia, vel saltem post duo millia, ex quo Judæi sub moderamine Efdæ, & Zorobabelis utrumque restaurarunt: At contrarium aperte constat: vix enim effluerunt duo millia annorum à tempore, quo facta fuit illa promissio, & tamen ab annis 75. supra mille sexcentos, civitas cum templo diruta est, & pœnitens desolata, illaque generalis Judæorum devastatio ad hodiernum usque diem absque ulla spe recuperandæ civitatis, & libertatis perseverat: igitur præfata Judæorum Responsio prorsus ficticia est, nec ullam veritatis speciem præ se fert: quod autem ipsa septuaginta annorum hebdomades, hoc est 490. anni præcisè incidant in nativitatem Jesu Nazareni, nec omnes particulæ illius vaticinii de alio, quàm de ipso possint explicari, clarè demonstrabo, si prius quædam observavero.

Advertendum primò, has septuaginta hebdomadas incohatas fuisse durante Persarum Regno, continuatas verò toto tempore Monarchiæ Græcorum, finitas tandem initio ferè Imperii Romanorum, à cujus principio usque ad Christi baptismum, quinquaginta novem anni computantur, videlicet quadraginta quatuor Imperii Augusti, & quindecim Tyberii, quo anno teste S. Luca Christus est baptizatus. Quantum ad Monarchiam Græcorum, quæ ab Alexandro, vel maxime post ipsum incepta, communior sententia est, illam durasse circiter trecentis duobus annis, computando sub illis, sex vel novem annos, quibus Alexander vixisse dicitur post comparatam Monarchiam. Ita Eusebius in *Chronico*, & Beda lib. de *sex ætat*. quidquid in contrarium proferatur ex Joanne Annio, cujus historia, utpote ex falsis autoritatibus conflata, nullam auctoritatem obtinet. Unum tamen est, ut notat Suarez, *disputatione 1. sect. 2.* quod hanc sententiam difficilem, & suspectam reddat: supponunt enim, qui tot annos Monarchiæ Græcorum tribuunt, ab ejus principio usque ad Joannem Simonis Filium, subnominatum Hircanum, Judæorum Pontificem, effluxisse annos plusquam 194. ut constat ex Eusebio in *Chronico*; ubi mortem Alexandri Magni notat initio Olympiadis 114. Pontificatum autem Joannis Hircani in fine Olympiadis 163. at verò constat ex primo lib. Machabæorum cap. ultimo v. 14. à primo anno Imperii Græcorum usque ad Joannem

Hircanum tantum fluxisse centum septuaginta septem annos, cui Scripturæ major fides habenda est, quàm omnibus Olympiadibus: igitur in illa supputatione error irrepleat; nam Imperio Græcorum viginti anni, plusquam par sit, adduntur.

Quantum denique ad Monarchiam Persarum, incertum est quamdiu ipsa duraverit: nam ex Scriptura nihil certi colligitur inter auctores autem tanta est dissensio, ut alii minis quàm centum annos, alii quinquaginta supra ducentos illi tribuant, inter quos media sententia computat durationem illius Monarchiæ ducentos annos, & triginta, quod colligitur ex supputatione Olympiadum, nam cepit istud Imperium tempore Cyri, cujus initium assignatur anno primo Olympiadis quinquaginta quatuor, & sicem accepit sub Dario in fine Olympiadis 112. quæ tamen computatio supponit Cyrum post captam Babyloniam regnavisse triginta annis, quod non ita compertum videtur: nam licet Cyrus triginta annis regnaverit, verisimile tamen est eum non tot regnasse post captam Babyloniam; atque adeo primo annum Monarchiæ ejus, de quo fit mentio Efdæ primo, non fuisse primum annum regni ejus absolute, sed dumtaxat exordium regni Babilonici; nam 2. Paralipomenon cap. 36. dicitur: *Si quis evaserat gladium, ductus in Babylonem, servivit Regi, donec imperaret Cyrus Rex Persarum*: En dicitur Rex Persarum priusquam Babylonicum regnum obtinuerit: & subinde prius regnavit, quàm Babylonicum Regnum teneret.

Observandum secundò, Angelum alloquentem Danielem, & repromittentem solutionem captivitatis Babylonicæ post septuaginta hebdomades, hoc est post annos 490. illud tempus tres in partes distribuisse, quod in earum singulis fortis rerum notabilium eventus: dividit enim eas hebdomadas, *Primò*, In septem. *Secundò*, In sexaginta duas. *Tertiò*, In unam. *Dividit in septem*, id est annos 49. quod tot septennia plus minus, (nam Scriptura sæpe negligit fractos numeros, & minoræ temporis) essent infundenda in perficienda totius urbis, templi, & terræ restauratione, ob impedimenta hostium. Quæ Angelus *angustias temporum* nominat duabus de causis; ut significet ingentem populi afflictionem propter frequentes hostium incursiones, ob quas qui operi incumbabant, adigebantur altera manu

zdi-

ædificare, & altera gladium tenere, ut habetur lib.2. Esdræ cap.4. *Tum* ut denotet summam temporis brevitatem; nam ut habetur cap.6. muri ædificati sunt magna festinatione, & absoluti quinquaginta dierum intervallo, quæ significatio magis quadrat literæ, & hebraicæ phrasi: ita quod in *angustia temporum* idem significet, ac in *ang. sso tempore*: quemadmodum ibidem dicitur abominatio desolationis; id est, abominanda desolatio: vel in *ang. sso tempore*: nam Hebræi solent uti positivo pro comparativo; quemadmodum Gen. 25. v.23. scribunt: Magnus serviet parvo; id est, major serviet minori.

Secundò, dividit illas in *sexaginta duas*: id est, in annos 334. quod deinceps Judæorum respublica restituta, & patriis legibus ordinata, tantum temporis ad Messie occisionem, & mortem esset duratura. *Tertio* distribuit illas hebdomadas in *unam*, quia Messias in illa erat scilicet manifestaturus per prædicationem, & miracula: hanc autem ultimam hebdomadam dividit in *duas partes*, quia non in priori, sed in posteriori ejus medietate, hæc erat paraturus, pactum incedo cum hominibus, ut qui ejus doctrinam suscipere, eis vitam æternam largiretur.

Observandum 3. Annos illos 490. quibus compleretur septuaginta hebdomades, solares esse non lunares; inter quos, ut notum est, hoc intercedit discrimen, quod *Solares* constant diebus 365. cum sex horis saltem, si quadam minuta detrahas: de sunt enim minuta 49. quæ 134. annorum intervallo, faciunt diem integrum, ut patet ex tabulis Alphonsinis, quas in ultima Calendarii emendatione Ecclesia probavit: *Lunares* verò breviores sunt solaribus citius undecim diebus, & continent dumtaxat dies 354. qui quidem undecim dies cum tribus annis mensum integrum efficiant, quolibet tertio scilicet anno fit *Embolismus lunaris*, id est additio, seu interjectio unius lunationis, ita ut annus embolismicus non duodecim, ut alii, sed tredecim lunationes habeat, ut annus lunaris cum solari ad æqualitatem redigatur.

Quod autem in illis computandis hebdomadibus anni solares, non lunares, sint servandi; constat *primò* ex eo, quod Hebræi communem computandi consuetudinem habuerint per motum solem, ut videre est in eorum Chronico, qui dicitur

Seder olam, id est, *ordo mundi*, quem ad finem Chronologiæ Genebrardi inferunt invenies: *Secundò* ex primo libro Machabæorum cap.1. ubi Alexander dicitur *regnasse annis duodecim*, qui etiam annorum numerus habetur apud prophanos, quos certum est solari cursu annos definitivisse: *Tertiò* denique quia Judei primum totius anni mensum sumebant ab equinoctio verno, ut videre est Exodi 12. & Pascha celebrabant die 14. Lunæ, postquam Sol primum arctis gradum attigisset, ac proinde ex motu solis, non Lunæ, suam supputationem ordinabant.

Hic addit quod hæc sententia sit *Eusebii* lib.8. demonstrationis Evangelicæ, *Chrisostomi* Oratione 2. contra Judæos, *Lyrani* in prædicta Danielis verba, necnon & Modernorum celebriorum.

Nec obstat, quod Angelus vocet illas hebdomadas *abbreviatar*, & concisas: non enim per hoc intendit significare, quod hebdomades constent annis Lunaribus, utpotè brevioribus, nam hebdomades illæ non ea ratione dicuntur breviate, sed quia ad finem temporis, quo Messias expectabatur, propetabant: erat enim perbreve tempus illud cum superiori comparatum; hinc familiariter sermone, quando tempus ad aliquam actionem præscriptum finitur, dicere solemus, jamjam dies abbreviari, non quod minores fiant, sed quod pauci supersint: quomodo etiam Marci 13. & Matth. 14. dicitur, *Nisi breviarentur dies illi, non fieret salva omnis caro*.

Observandum 4. Variam esse Authorum sententiam in assignando illarum hebdomadarum initio: quoniam enim Angelus dixerat illud esse ordiendum *ab exitu sermonis*, ut iterum adificetur *Jerusalem*; inde varii varia senserunt, *quidam* enim illud exordium cepit ut tempore, quo Jeremias vaticinatus est cap. 23. fore aliquando tempus, quo Deus revocaret dispersos Israelitas in terram suam, his verbis: *Ait Dominus, Et ego congregabo reliquias gregis mei de omnibus terris, ad quas eiecero eos illuc, Et convertam eam ad rura sua, Et crecent, Et multiplicabuntur*: Ita censent Lyranus, Burgenlis, &c.

Nonnulli putant illarum septuaginta hebdomadarum initium auspiciendum esse ab ipso tempore, quo Angelus Danieli hæc loquebatur. Ita Origenes, & Tertullianus lib. contra Judæos cap.8.

Aliqui existimant illam supputationem in-

incipiendam esse ab anno primo Cyri, quando fecit facultatem Judæis redeundi in patriam, & templum erigendi, ut legimus lib. 1. Esdræ cap. 1. Ita Clemens Alexandrinus.

Alii ab anno secundo Darii Hytaspis, quando facultatem fecit Judæis, reedificationem templi inceptam sub Cyro, sed postmodum intermissam, continuandi, ut legimus Esdræ 6. Ita Eusebius, & Cyrillus Jerosolymitanus Catechesi 12. cui sententiæ adspiciuntur plurimi Moderni. Omnes pene Recentiores volunt eas esse ordiendas ab anno 20. Artaxerxis Longimani: At verius dicendum arbitror, eas esse computandas tantum à 28. regni illius; quando scilicet executioni demandatum fuit illius decretum.

Observandum est 5. Quantum ad seriem Regum Persarum, diversos diversa sentientes quidam enim tantum tres numerant, ut Rabini apud Galatinum lib. 4. cap. 15. nimirum *Cyrum*, qui primus Persidistenuit imperium: *Affuerum*, de quo fit mentio Esdræ cap. 4. quemque volunt fuisse mortuum Esther, & *Darium*, qui victus ab Alexandro Magno perdidit Imperium, quem nonnulli eorum volunt esse Artaxerxem illum, cujus fit mentio 1. Esdræ cap. 7.

Alii quatuor numerant; ut Rabbi Salomo, & Liranus, tribus prædictis addentes Cyri filium nomine *Cambysen*: hanc autem sententiam esse perverulam affirmat S. Hieronymus in cap. 7. Daniel.

Tertullianus lib. adversus Judæos *quinq̃* nominat, putà *Ocbum*, qui alio nomine apud eum dicitur *Cyrus*; *Darium Hytaspem*, aut *Medum*, *Artaxerxem*, quem conjicere est esse Mnemonem, *Argum*, & *Darium*, quem ille vocat *Melan*. Alii Codomanum ab Alexandro devictum.

Genebraudus lib. 2. à pag. 240. sex statuit. Primus apud eum est *Darius* filius Affueri Hytaspis cognominati. Secundus, *Cyrus*. Tertius *Xerxes*, cujus mentionem vult fieri sub nomine Affueri. 1. Esdræ cap. 2. v. 6. & sub nomine Artaxerxis ibidem v. 7. Quartus, *Darius Longimanus*, de quo contendit mentionem fieri sub nomine Darii 2. Esdræ 4. cap. & sub nomine Artaxerxis, cap. 7. Quintus, *Artaxerxes*, quem esse Mnemonem haud obscure indicare contendit. Sextus, *Artaxerxes Codomanus* ab Alexandro devictus: hos autem solum nominat, cò quòd arbitretur eos ve-

rè regnasse; alios verò excludit, tanquam aut illegitimos, aut cum aliis regnantes, ut Cambyfes cum patre Cyro.

Sanctus Isidorus libro 3. etymolog. Metasthenes, ac Philo, oïo referunt: putà *Darium Medum*: *Xerxem*: *Artaxerxem Longimanum*: *Darium Nothum*: *Artaxerxem Mnemonem*: *Artaxerxem Ocbum*: *Xerxem*: & *Darium Codomanum*.

Calvisius decem statuit, Pererius autem tot demonstrat ex Scriptura sacra, quibus ex profanis adjiçiens octo, numerat exinde quatuordecim Reges Persarum, quam sententiam suo firmat calculo S. Hieronymus in 7. capit. Danielis dicens: Nos verò cùm post *Cyrum*, qui regnavit annis 80. sciamus apud Persas regnasse *Cambysen* filium ejus: & *fratres Magos*: & deinceps *Darium*, cujus 2. anno ceceptum est ædificari templum Jerusalem: quintum *Xerxes* filium Darii: sextum *Artabanum*: septimum *Artaxerxem*, qui appellatus est *μνηστής*: octavum *Xerxes*: nonum *Sogdianum*: decimum *Darium*: undecimum *Artaxerxem*, qui appellatus est *παρσις*: duodecimum *Artaxerxem Ocbum*: decimum tertium *Arsam* Ochi filium: decimum quartum *Darium* Arsami filium, qui ab Alexandro Macedonum Rege superatus est.

Quamquam autem hæc in dirimenda controversia quidpiam certi vix statui possit, totque sint capta, quot sensus, verius tamen dicendum existimo, quatuor dumtaxat extitisse Persarum Imperatores ab auspiciatorum regno per *Cyrum*, usque ad completam, & consummatam templi, ac civitatis Jerusalem restorationem, eos videlicet, qui in libris Esdræ, & Nehemiæ referuntur, nempe I. *Cyrus*, qui septem imperavit annis, computando à primo generalis, & universalis Imperii sui anno. Nam ante initium Persarum regnum, imperavit in Græcia, ut diximus. II. *Affuerus*, quem Esdras *Artaxerxem*, & *Affuerum* appellat cap. 4. Iosephus verò eum omnibus Græcis *Cambysen* Cyri filium, qui solus post mortem patris regnavit septem annis, & aliquot mensibus: quamquam etiam antea cum patre regnasset, maxime eo tempore, quo *Cyrus* bellum contra Scythas adorsus est. III. *Darius Hytaspis*, qui successit Magis, quorum imperii, & dominationis nec Esdras, nec Nehemia meminerunt; quoniam fortè, dumtaxat per sex menses regnaverant: *Darius* autem regnavit 36. annis. IV. verò fuit *Artaxerxes* Lon.

Longimanus dictus, quem Josephus Judæorum historiæ scriptor, tantum *Xerxem* nominat, qui ab initio Imperium tenuit per 32. annos: siquidem illius regni trigessimus secundus memoratur à Nehemia cap. 5. v. 14. & cap. 13. v. 6.

Difficultas moveri possit num *Assuerus*, cujus meminit Esdras c. 4. v. 6. unus idemque sit, qui ab eodem v. 7. appellatur *Artaxerxes*: ait enim, *In regno autem Assueri, in principio regni ejus, scripserunt accusationem adversus babulatores Juda, & Jerusalem, & in diebus Artaxerxis scripsit Belsam Mithridates, & Thabeel, & reliqui, qui erant in consilio eorum, ad Artaxerxem Regem Persarum.*

Verum facile colligi potest, unum, eundemque Regem hoc duplici nomine fuisse appellatum, ut refert Josephus, qui eum *Cambysen* nominat. Enim verò, si præfata verba duplicem adversus Judæos continerent querimoniam, & accusationem, quarum una ad Assuerum, altera ad Artaxerxem directæ fuisset, tanquam ad duos Reges distinctos, haud dubie Esdras, utriusque formatæ contra Judæos querimonie eventum, & successum narrasset: cum autem unus dumtaxat referat exitum, nempe quod ea non obstante concessa sit sibi, & Judæis comitibus facultas proficiscendi Jerusalem, & illuc deferendi omnia dona, & vasa, quæ à Judæis in Provincia Babylonis degentibus oblata fuerant in ministerium domus Dei; & signum est, quod unicus dumtaxat fuerit Rex duplici nomine appellatus.

Adde quod, si fuissent duæ adversus Judæos formatæ querimonie, quæ duodictæ à diversis Regibus sequentia habuissent; verisimile est, quod ultimum edictum à postremo eorum Regum prioris edicti mentionem fecisset: & insuper Judaici populi adversarii non tacuissent illud edictum Assueri, ut ab Artaxerxe facilius assequerentur, quod adversus Judæos postulabant; quod cum ita factum non legatur, indicium esse debet nominibus Assueri, & Artaxerxis unicum Regem designari.

Nec mirum videri debet, quod unus, idemque Rex in eodem capite, duplici nomine appellatur: hoc enim frequens erat apud Judæos, ut videre est in lib. Judic. cap. 8. ubi unus, idemque homo, & *Gedon*, & *Jerobaal* appellatur duobus verbis immediate sequentibus, & lib. 1. Es-

dræ cap. 2. idem qui *Nebemias* appellatur, etiam ibidem dicitur *Aterfatba*.

Non potest etiam negari Regem Xerxem, quem omnes authores tam Græci, quam Latini affirmant immediate successisse Dario filio Hystaspis, alium esse Regem ab Artaxerxe, cujus tantum meminerunt Esdras, & Nehemias: at possumus asserere idcirco Esdras, & Nehemiam solum dumtaxat Artaxerxis mentionem fecisse; quod cum Xerxes ejus pater in Græcos arma movisset, ipsum Artaxerxem designaverat Imperii socium, & administrum: Quapropter aliqui Authores referunt ipsum regnasse 36. annis; tamen aliunde conflet cum solum regnasse dumtaxat 40. annis: unde mirum nemini videri debet, quod Judæi imperante Xerxe recursum habuerint ad ejus filium Artaxerxem; quoniam ipse tum Rex erat, & in absentia patris, supremus regni moderator.

His ita præmissis, probabilius existimo initium illarum hebdomadarum auspican- dum esse ab anno vigesimo octavo Artaxerxis Longimani, quem simpliciter *Xerxem* appellat Josephus lib. 11. cap. 5. versus finem: Esdras autem, & Nehemias *Artaxerxem* nominant, nulliusque meminerunt Xerxis, quoniam profani Scriptores ante illum Artaxerxem, solum regnasse 20. annis referunt. Cujus quidem sententia veritas apparet primò; quia nulli alteri assertioni possunt quadrare præfata Prophetæ verba.

Enim verò stare non potest eorum sententia, qui volunt has hebdomadas computandas esse ab anno 4. Sedecia; eo scilicet tempore, quo Jeremias, sex scilicet annis ante captivitatem Babylonicam, prædixerat fore, ut populus universus captivus duceretur, & post septem annos reverteretur in patriam, murosque everfos repararet; alias non tantum 70. forent hebdomades usque ad everisionem civitatis, sed scilicet 86. nec tantum anni 499. sed 600. & amplius essent numerandi.

Nec etiam probabiliores videntur aliorum sententia, quorum Aliqui volunt illas hebdomadas computari debere ab edicto Cyri: Alii à facultate concessa Judæis per Darium Hystaspem ædificandi muri Jerusalem: cæteri ab anno 20. Artaxerxis, quo scilicet tempore Nehemias, ut legimus cap. 2. obtinuit auctoritatem restaurandi civitatem Jerusalem, quæ tunc temporis, ut

ut ibidem asseritur, adhuc erat dissipata: Tria namque legimus in libris Esdræ edita regia in favorem, & gratiam Judæorum: *Primum Cyri*, alterum *Darii Hytaspis*: *Tertium Artaxerxis Longimani*: At Cyrus non dedit facultatem instaurandæ civitatis, sed tantum Templi reedificandi, ut colligitur ex fine libri 2. Paralipomenon, & 1. ac 6. cap. libri Esdræ.

Nec obstat, quod cap. 4. Esdræ fiat sermo de urbis reedificatione; nam non dicitur ibi, quod Judæi ex edicto Cyri illam reedificarent.

Non obstat etiam, quod habetur Isaia 45. Cyrum ædificaturum civitatem, & dimissurum captivitatem: nam primò potest responderi non fuisse id dictum de Cyro, sed de Christo. Ita Hieronymus. *Secundò*, ibi civitatem ædificari, non significare materiam murorum structuram; sed tantum civilem ædificationem, quæ fit per civium coadunationem, & cohabitationem, qualiter Judæi cum restaurarent templum, dici possunt soluta captivitate etiam restituisse, & ædificasse Jerusalem. *Tertiò*, posito quod intelligatur de materiali murorum structura, dici à Cyro ædificatam civitatem, quia jussit fortè, ut ædificaretur, neque id eò tamē potest ab hoc tempore supputationis hebdomadarum sumi initium; sed à solo tempore Artaxerxis Longimani, quia tunc prohibentibus in circuitu nationibus, quasi hoc Rex non jussisset, opus non est impletum, sed tentatum dumtaxat; absolutum verò fuit tantum à Nehemia. Denique Scriptura illi uniattribuit restorationem urbis, Ecclesiastici 49. *Nebemias in memoriam multo temporis, qui crexist nobis muros everfos, & stare fecit portas, & se-ras, qui crexist domos nostras.*

Non etiam stare potest eorum sententia, qui volunt illas hebdomadas auspicasdas esse ab edicto Darii Hytaspis, qui, ut refertur lib. 3. Esdræ c. 3. & 4. Zorobabeli dedit epistolam ad omnes dispensatores, & præsecos, & purpuratos, ut ei manus darent, quatenus tam ipse, quam populus Israeliticus possent restaurare Jerusalem. *Primò*, quia ille tertius Esdræ liber inter canonicas Scripturas non computatur, subinde que non integra ei fides est adhibenda. *Secundò*, vix quidem stare possunt ea, quæ ibidem referuntur, nempe eodem anno hæc omnia fuisse peracta, nimirum decretum Darii, quo facultatem faciebat civitatis, &

templi ædificandi: protectionem Zorobabelis, & ascendentium cum eo in Jerusalem: inceptionem ædificationis: impedimentum eius à Tathani, & cæteris ducibus, qui erant trans flumen: reversionem Zorobabelis in Babyloniam, ut Regis protectionem imploraret adversus repugnantes illos Principes: quæsitum in Bibliotheca Regis, quæ erat in Babylonia, Cyri decretum, quo concesserat facultatem ædificandi templi Jerusalem: novum ejusdem Darii decretum, quod legitur primo Esdræ cap. 6. & quo Darius præcipiebat Tathani, & aliis ducibus, ne civitatis Jerusalem instauracionem impedirent, imò ex thesauro regio subministrarent sumptus necessarios ad ædificationem templi, & sacrificiorum celebrationem: regressum ipsius Zorobabelis cum isto decreto in Jerusalem: vaticinium Aggæi, & Zachariæ, qui, ut legimus 1. Esdræ cap. 5. prophetaverunt adversus Judæos, quod habentes facultatem restaurandi Templum Domini, dumtaxat incumberent in suis privatis domibus extruendis: quis enim credet hæc omnia per unius anni secundum Darii spatium potuisse impleri? maxime cum longè distaret Babylonica civitas à Jerusalem, ut videre est 1. Esdræ cap. 7. nam Esdras cum Israelitico populo revertente Jerusalem egressus est Babylone primo die mensis primi, & pervenerunt Jerusalem dumtaxat primo die mensis quinti. Oportet igitur, quod ille Darius, à quo Zorobabel anno 2. regni illius obtinuit facultatem, fuerit vel Cyrus, vel Cambyfes, qui fortè non solum Artaxerxes, & Assuerus, sed etiam Darius appellabatur.

Confirmatur, quia Zorobabel, tempore illius Darii, à quo licentiam obtinuit ædificandi civitatem, & templum Jerusalem, erat juvenis, & adolescens, ut refertur lib. 3. Esdræ cap. 3. v. 4. & cap. 4. v. 51. sed, regnante Dario Hytaspis, Zorobabel non poterat censi adolescens: siquidem primo anno Cyri Regis Persarum, jam erat dux, & princeps inter Israelitas, ut videtur est lib. 1. Esdræ cap. 2. & lib. 2. cap. 7. necnon & Aggæi 2. v. 22. Cyrus autem ad minus regnavit 7. annis, Cambyfes ejus filius etiam totidem imperavit; post quem aliquo tempore imperium tenuerunt Magi, quibus Darius Hytaspis successit: oportet ergo, eo regnante, Zorobabelem natum fuisse ad minus 45. annis, qua certe æta-

te nec juvenis, nec adolescens poterat aestimari.

Adde quod Darius ille, quisquis fuerit, licentiam non fecerit ædificandi Jerusalem, sed dumtaxat templum instaurandi, siquidem tantum innovavit concessionem Cyri, qua licentiam fecerat Judæis, ut ædificarent templum Hierosolymitanum, & in eo offerrent sacrificia. Quapropter Darius mandat Tathani, & aliis ducibus, qui impediabant illam templi instauracionem; *Dimitte fieri templum illud à duce Judæorum, & à senioribus, ut domum Dei illam ædificent in loco suo*: ut videre est non solum lib. 1. Esdræ cap. 6. lib. 3. cap. 6. ubi edictum illud Darii refertur: sedetiam cap. 2. lib. 2. ubi legimus quòd regnante Artaxerxe, qui Dario Hystaspi successerat, civitas Jerusalem adhuc erat dissipata. Nam Nehemias, qui ab Artaxerxe facultatem instaurandi muros obtinuerat, Judæos alloquens ait: *Vos nescitis afflictionem, in qua sumus; quia Jerusalem deserta est, & porta ejus consumptæ sunt igne; venite, ut ædificemus muros Jerusalem, &c.* Et subindetunc temporis civitas Hierosolymitana nondum erat extracta: verba autem varicini non significant incipiendas illas 70. hebdomadas ab exitu seimonis, seu edicti, ut ædificaretur templum; sed ut ædificaretur Jerusalem: igitur ab illo edicto Darii Hystaspis 70. illæ hebdomadæ non sunt computandæ.

Idem ferendum judicium de illo decreto ejusdem Artaxerxis, quo anno 7. sui regni licentiam Esdræ fecit, ut ascenderet Jerusalem cum selectis ex filiis Israelis ad absolvendum, & consecrandum templum, cujus jampridem instauracione incepta fuerat: siquidem decretum istud dumtaxat spectabat ad templi ædificium, non verò ad civitatis instauracionem; ut constat ex 3. Esdræ capite 8.

Ex his itaque sequitur dumtaxat illas 70. hebdomadas otiendas esse ab edicto ejusdem Artaxerxis, quo facultatem fecit Nehemias, anno 20. sui imperii, quatenus cum Judæis sibi comitibus posset ascendere Jerusalem, & ejus muros, ac domos instaurare: hic enim primus est exitus seimonis, à quo iterum ædificetur Jerusalem, à quo exitu significat Angelus adhuc superesse 70. hebdomadas usque ad Christum ducem.

6.

Veruntamen non censeo hebdomadarum exordium ducendum præcisè esse ab illo anno 20. quo edictum illud sancitum est, sed dumtaxat ab anno 28. quo istud edictum executioni fuit demandatum. Quamquam enim Nehemias illud edictum anno 20. Artaxerxis exceperit, tamen (ut narrat Josephus lib. 11. cap. 5.) non potuit Nehemias in Judæam proficisci ante annum 25. ejusdem Regis: quoniam totos illos penè quinque annos à suscepto edicto insumpserat, ut Judæos per Babylonicum regnum dispersos conveniret, agereturque cum eis; maxime verò cum familiarum principibus, ut juxta Regis indultum Babylonicam terram desererent, & in nativum solum revertentur. Quòd utique difficile fuit suadere hominibus jam Babyloniolorum consortio, ac familiaritate, ita delinxis; ut vix ab eorum contubernio possent avelli, & terram uberrimam, in qua eorum pluitimi nati fuerant, abjicere, ut aliam omnino vastatam, & incultam, ac plurimis adversariis oblitaminolerent.

Inde factum est, quòd Nehemias, ut refert Josephus, pervenerit Jerusalem tantum circa annum 25. Artaxerxis, unde cum duos insumpserit annos in instaurandis muris, & domibus illius civitatis, hinc est, quòd hoc ingens, & grande opus non absolverit, nisi circa 9. menscm 28. anni ejusdem Artaxerxis, quod adeo exactè non referret Josephus, nisi certa, ac omni exceptione majora habuisset testimonia, & instrumenta. Hic autem 28. annus regni Artaxerxis incidit in annum mundi 3527. à quo si numeres 490. invenies 4017. quo certè anno crucifixus est Christus, ac subinde sic eventus exactissimè prophetiæ respondet.

Quòd autem illæ hebdomadæ incipiendæ sint potius ab executione illius edicti, quam ab ejus concessione, & promulgatione, mihi non leve argumentum est: quia cum illud edictum non fuerit à Rege concessum, nisi ex divina inspiratione, sique potius censi debuerit edictum Dei, quam Regis: cumque Dei decreta infallibilem sortiantur effectum, juxta illud Psalmi: *Quæ procedunt de labiis meis non faciam irrita*: manifestum est Angelum in isto varicinio non tam illius edicti promulgationem, quam executionem significasse dum ait, *ab exitu seimonis*: unde etiam signanter

H

non

non addit, ut fiat licentia edificandi Jerusale-
m, sed, *ut iterum adificetur Jerusalem*. Qui-
bus significat se de reali, & effectiva instau-
ratione Jerusalem. sermone[m] facere, & ab
ea texere omnem sui vaticinii seriem, & or-
dinem.

Quod autem omnes illius vaticinii parti-
culæ mirum in modum convenient Jesu Na-
zareno, sic evincit 1. Messias ille repromis-
sus dicitur, *Sandus Sanctorum*, seu Hebraicè
Sanditus Sanditatum, vel *Sandificatus San-
dificationum*. Hæc autem apprimè conveniunt
Jesu Nazareno, tam secundum divinitatem,
quàm humanitatem, quæ in unione hyposta-
tica superabundantigratiarum, & omnium
coelestium charismatum irriguo uncta est
oleo lætitiæ præ participibus suis. Dicitur
autem *Sandus Sanctorum*, sicut ens entium,
lux lucis, vita vitæ; quia omnis ab eo san-
ctitas effluit; unicuique enim nostrum data
est gratia secundum mensuram donationis
Christi, qui plenus est gratia, & veritate;
de cujus plenitudine omnes nos accepimus.

Querit hic forsitan aliquis, qualiter Chris-
tus in morte sua dicatur unctionem San-
cti Sanctorum suscepisse, quippe mors vi-
detur potius unctionis destructio, quàm
conservatio.

Verùm facilè huic quæsito fit satis; &
quanquam enim Christus ante mortem, &
ab instanti conceptionis suscepisset Divi-
nitatis unctionem, & delibutionem, ut
ipse[m] testatur Lucæ 4. sibi adaptans hoc
Isaia vaticinium: *Spiritus Domini super me,*
eo quod unxerit me: attamen nondum su-
sciperat hujus unctionis plenitudinem,
majestatem, & manifestationem, ut re-
verà contigit postquam à mortuis suscita-
tus est. Enim verò in resurrectione Divi-
nitatis unctio, & immortalitatis unguen-
tum descendit à capite istius mystici Aa-
ron, ac summi hominum Pontificis, non
solum in barbam, sed & in oram vesti-
menti ejus, hoc est, à superiori animæ
porcione, non solum in ejus animæ
porcione inferiore, sed etiam in ejus cor-
pus. Unde merito Apostolus ad Rom. 1.
Christi resurrectionem his verbis commen-
dat: *Prædificatus est Filius Dei in virtute*
secundum Spiritum sanctificationis ex resurre-
ctione mortuorum. Ctimigitur Christus mor-
tuus fuerit, ut nostra deleteretur iniquitas,
sicut prædixerat Angelus: ita per resurre-
ctionem unctus est Sanctus Sanctorum;
nam, ut ait Apostolus Rom. 4. *Traditus*

est propter delicta nostra, & resurrexit pro-
pier justificationem nostram.

Secundò, is est in quo consummata fuit
prævaricatio, Judæi enim mensuram Patrum
suorum impletes, nedum justum Joseph
vendiderunt, nedum commutaverunt glo-
riam Dei in similitudinem vituli aurei, &
aliorum idolorum; nedum denique Pro-
phetas, sed & ipsum Dei Filium occi-
derunt: hoc autem est quartum eorum
peccatum, quod non ad tempus, sed us-
que ad mundi finem est puniendum. Ita
enim intelligendus est Propheta Amos,
dicens cap. 2. *Super tribus sceleribus Israel;*
Hebraicè (Jerusalem transferam, vel conver-
tam eos) & *super quartum non convertam,*
(Non transferam) eos, quia vendiderunt ju-
stum pro argento. Licet enim Judæi pro ar-
gento justum venditum intelligant Joseph
filium Jacob à fratribus in Aegyptum præ-
tium traditum deportandum: nihilominus
Rabbi Samuel in Epistola sua ad Rabbi
Isaac Magistrum Synagogæ, quæ est sub
Hulmoza in Arotitan Regis, quæque a Pa-
tre Boni homine Ordinis Prædicatorum,
in antiqua Hispaniæ Bibliotheca reperta est,
& ex Arabico idiomate Latine donata, &
unà cum Opusculis S. Antonii Typis excu-
sa, in qua quærit ab illo Rabbi sapientis-
simo, cur ea in captivitate, qua modo pre-
muntur, nullus adesse Propheta, nullus sa-
crificandi ritus, nulla recuperandæ liber-
tatis spes, sicut in prioribus captivitatibus
per Prophetas facta promissio: inquirens
pariter, quodnam esset illud gravissimum
peccatum, ratione cujus tam dura, tam-
que diuturna captivitate premerentur; hæc
habet cap. 6. *Ipsam Christiani, quibus sa-*
crorum librorum studium videtur esse traditum
à Deo, respondent doctrinæ nostræ prædictæ
quod primum in quatuor sceleribus Israel, est
venditus Joseph à fratribus suis; & secundum
peccatum assignant, adorationem vituli
in Oreb; & tertium fuit occiso Prophetarum;
quartum scelus, fuit venditio Justii, scilicet Je-
su. In vindictam primi Patres nostri fue-
runt in captivitate Aegypti. In punitionem se-
cundi, plures perierunt in solitudine, & in ca-
degerunt exules per quadraginta annos. Inter-
tium ultionem, innumeras à diversis passus sunt
captivitates, & potissimum Babylonicam per se-
ptuaginta annos. Cum autem Propheta Amos
ponat expressè venditionem Justii, nullusque
appa:eat venditus Justus, præter Jesum à Na-
zareis, mihi videtur, quod finis in illo quarto
ma-

maximo peccato, & propterea in captivitate, de qua loquitur Deus, quod non reducet ultra. Jam enim sunt mille anni, à quibus nihil proficimus inter Gentes, nec est spes proficiendi amplius.

Per eum peccatum finem accepit, & deleta est omnis iniquitas; lavit enim nos à peccatis nostris in sanguine suo, & semetipsum Patri in ara crucis immaculatam victimam obtulit, ut nos ab omni iniquitate redimeret, & fieret propitiatus pro peccatis nostris; non pro nostris tantum, sed & pro totius mundicriminibus. Per eum adducta est justitia sempiterna, vera nempe, & interna, non legalis, & figurativa, quæ non ad tempus, ut Moisa, sed semper in cælis, & in terra sit duratura; quoniam biberit ex aqua, quam Christum daturus venit, ut non sitiet iterum; sed fiet in eo fons aque salientis in vitam æternam. In ipso tandem impleta est omnis visio, & prophetia, omnia namque fecit, dixit, & passus est, quæ de Messia venturo Prophetæ vaticinati sunt. Unde habet tres præcipuos per Messiam adventum præstandos effectus, & fructus: 1. peccati emaculationem; 2. veræ justitiæ collationem; 3. Prophetiarum adimplentionem.

Tertio, Passus est in medio ultimæ hebdomadæ anno videlicet 18. Tyberii.

Quarto, in Christi D. morte templum violatum fuit, ac profanatum, quando scilicet velum templi scissum est à summo usque deorsum, saltem velum exterius, quo populus à sacerdotibus sequebatur, quasi templum illud nihil jam haberet in arcanis, nihil reverentis, nihil religionis. Inde sanctuarii aditus soli summo sacerdoti licitus, itaque singulis tantum annis in festo Expiationis, sub mortis interminatione si sæpius ingrederetur, ut notat I hilo in libro de legatione ad Cajum; nedium patuit mille sacerdotibus, quibus ab eo tempore licitum fuit ingredi in sancta sanctorum, ut scribit Josephus Gorionides lib. 3. v. 25. sed & ipsi Judæi, quando tempore Flori, Syriæ præsidis post Pilatum, orta seditione, cuncti Judæi confugerunt ad templum Dei; imo etiam ipsi Vespasiani temporibus, quando nedium ipse sita-tua in templo fuit collocata, sed & ejus milites templum ingressi illud spoliaverunt, & incenderunt. Adde quod in morte Christi collapsum fuerit superliminare templi magno terræ motu, auditæque fuerint An-

gelorum templi custodum voces in eo dicentium *Migremus hinc*, ut ex Evangelio Nazareorum observat S. Hieronymus 9. Quamvis Josephus id referat ad festum Pentecostes, quinquaginta diebus post mortem Christi: verum potuit aberrare, vel incerto rumore, vel quia ignarus erat Mysteriorum nostræ Religionis; ac fortè Christianis insensus.

Itaque fuit in templo abominatio, cum in eo starent milites idola colentes, desolationis, quoniam illud omnibus suis vas, & ornamentis nudaverunt, ac postea igne appositum in cineres, & favillas redegerunt, omnesque Judæos, aut cruenta morte peremerunt, aut diversas in Provincias exules actos, perpetua, duraque captivitate manciparunt: sicut vaticinatus fuerat Christus Luc. 21. *Cum videritis ab exercitu circumdari Hierusalem tunc scitote, quia appropinquavit desolatio ejus; tunc qui in Judea sunt, fugiant ad montes, & qui in medio ejus, discedant, & qui in regionibus, non intrent ad eam, quia dies ultionis hi sunt, ut impleantur omnia, quæ scripta sunt: & cadent in ore gladii, & captivi ducentur in omnes Gentes, & Hierusalem calcabitur à gentibus, donec impleantur tempora Nationum,*

CONCLUSIO TERTIA.

Probari potest Messiam advenisse, illis omnibus scripturæ textibus, quibus designatur Messie Nativitas, illius vitæ status, ministerium, mortis genus, resurrectio, & in cælum receptio, quæ omnia mirum in modum in Jesu Nazareno completa videntur. Siquidem prædicunt Messias futurus ex familia David, Psal. 131. *Juravit Dominus David veritatem, & non frustrabitur eam, de fructu ventris tui ponam super sedem tuam:* quod equidem impletum est in adorando illo Jesu Nazareno, qui, ut prænuñciavit Angelus ipsius Matrem alloquendo Lucæ primo, filius David fuit, & dedit illi Dominus Deus sedem David Patris ejus, ut regnaret in domo Jacob in æternum.

Secundo, Messias denuntiatur nasciturus ex Virgine, Isaïa 7. *Ece Virgo concipiet, & pariet Filium, &c.* Jesus autem natus est ex Maria Virgine ante partum, in partu, & post partum: nam Lucæ primo, *Missus est Angelus Gabriel à Deo in civitatem Galilee, cui nomen Nazareth ad Virginem desponsatam viro, &c.* Similiter Messias

H 2 erat

erat nasciturus in Bethleem juxta illud Michæ 5. *Et tu Bethleem Ephrata parvulus es in millibus Juda: ex te mihi egredietur, qui sit dominator in Israel, & egressus ejus ab initio, à diebus æternitatis.* Jesus autem natus est in Bethleem, ut legitur Lucæ 2.

Tertio, Messias futurus erat pauper, & abiectus juxta illud Zachariæ 9. *Ece Rex tuus venit tibi iussus, & salvator: ipse pauper, & ascendens super asinam:* Jesus autem pauperrimus fuit; nam ut dicebat Lucæ 9. *Vulpes foveas habent, & volucres cæli nidos; filius autem hominis non habet, ubi caput reclinet:* Unde egregiè Bernardus ait, quod pauper fuit in nativitate, pauperior in vita, pauperrimus in morte; similiter ascendit super asinam in triumphali suo in Jerusalem ingressu, ut legitur Matthæi 21.

Quarto; Messias tradendus erat in mortem pro triginta argenteis. Zachariæ 11. *Appendunt mercedem meam triginta argenteis.* Morte turpissima erat moriturus, Sapient. 20. *Morte turpissima condemnetur eum.* Cruci affigendus, & flagellis laniandus: Psalm. 21. *Foderunt manus meas, & pedes meos, & dinumeraverunt omnia ossa mea.* Illius vestes forte erant distribuendæ: ibidem: *Super vestem meam miserunt sortem:* Ejus ossa, & corporis membra non erant confringenda, juxta illud Exodi 12. *Os non comminuetis ex eo.*

Quinto: Prædicatur ejus Resurrectio. Psalm. 56. *Exurge gloria mea, inquit Pater cælestis, cui Filius, exurgam diluculo.* Ascensorus in cælum, Psalm. 62. *Ascendisti in altum, captivam duxisti captivitatem.* Missurus Spiritum sanctum, Joëlis secundo, *Effundam de Spiritu meo super omnem carnem.* Exterminaturus idola, Zachariæ 13. *Erit in die illa, dicit Dominus, disperdam nomina eorum in terra, non memorabuntur ultra.* Conditurus legem alteram, Baruch secundo, *Et statuiam illis alterum Testamentum sempiternum.* Repudiandus à populo Judæorum, Jeremæ 5. *Negaverunt Dominum, & dixerunt, Non est ipse.* Hæc autem omnia, ut constat ex Historia Evangelica, impleta sunt in Jesu Nazareno: igitur ille verus erat Messias.

His adde, quod ut prænuntiaverat Angelus Daniele alloquens, post occisum Messiam repudiandi erant Judæi, civitas, & Sanctuarium dissipanda à Duce venturo, omnis Judaica natio vastanda, & illius desolatio in finem perseveratura; at

Judæi non possunt negare, post occisum Jesum à Nazareth, vastatam fuisse Civitatem Jerusalem sub Ducibus Vespasiano, & Tito, templum solo quætuam, omnia sacrificia extincta, Judæi per orbem dispersi, sub dura captivitate gementes: Unde eleganter S. Hieronymus Epistola ad Dardanum ait, Judaicam nationem alloquens; *Quomodo clementissimus quondam Deus, qui nunquam tui ante obitus fuit, nunc per tanta spatia temporum non adducitur, ut solvat captivitatem, & ut verius dicam, expectatum tibi mittat Anti-Christum? ob quod facinus, & tam execrabile scelus, avertit à te oculos suos? Ignoras voces parentum tuorum, Sanguis ejus super nos, & super filios nostros? Et hic est heres, venite occidamus eum, & nostra erit hereditas: & Non habemus Regem, nisi Cæsarem? Habes quid elegisti, usque ad finem mundi serviturus es Cæsari; donec Gentium inviet plenitudo, & que quondam eras in vertice, verteris in caudam.*

Obijciunt Judæi, multa esse vaticinia Prophetarum de futuro Messie adventu, quæ nullatenus in Jesum Nazarenum quadrare possunt: ergo ex his, quæ protulimus, non potest evidenter colligi ipsum esse verum Messiam. Ut probent antecessens, multos proferunt Scripturæ textus. Primo quidem, quod tempore Messie, ut legitur Isaïæ c. 11. *Habitabit lupus cum agno, & pardus cum bœdo occubabit, vitulus, & leo, & ovīs simul morabuntur, & puer parvulus minabit eos.* Item Isaïæ 2. *Erit in novissimis diebus preparatus mons Domini in vertice montium;* inde colligitur tempore Messie Templum Jerusalemitanum, & montem, in quo fundatum erat, supra omnes montes fore elevandum, &c.

Verum respondeo, Judæos his in proferendis, & explicandis textibus turpiter hallucinari, & duplici errore laborare: quorum primus est, quod plurima, quæ de adventu Messie ænigmaticè, spiritualiter, aut metaphoricè dicta sunt, literaliter velint intelligi, quales sunt textus mox laudati: secundus eorum error, est quod duos non distinguunt Messie adventus: alium ut Salvatoris ad liberandos homines, alterum ut judicis ad judicandos; illum in humilitate, hunc in maiestate, & gloria.

Hinc enim factum est, ut in conciliandis oraculis de futuro Messia multum laborarent, nec tamen exitum inveniant: nam quædam vaticinia ipsum divitiis affluentem,

gloria, & honore coronatum, omnium nationum sceptrum, & imperium tenentem, ac moderantem expriment: Alia verò oracula cum designant futurum pauperem, abjectum, novissimum virorum, ab omnibus despectum: quocirca coguntur Iudei duos distinguere Messias, quorum unus sit pauper, & humilis, alius dives, & præpotens.

Verum quàm hæc inania sint, & absque fundamento, satis colligitur ex Scriptura sacra, quæ unius Messiam meminit: sed duplicem in eo distinguit adventum. Quod ita eleganter prosequitur S. Augustinus Tractatu 4. in Joannem, expendens illud Psalmi, *Deus manifeste venit, Deus noster, & non silebit*: ubi ait, *Siluit, ut judicaretur: non silebit cum cæperit judicare. Non dicetur, Manifeste venit, nisi primo venisset occultus: nec diceretur, Non silebit, nisi quia primo siluit. Quomodo autem siluit? Interroga Isaiam, sicut ovis ad occisionem ductus est, & sicut agnus coram eo, qui se tondet, fuit sine voce: sic non aperuit os suum. Veniet autem manifestus, & non silebit: quomodo manifestus? Ignis ante ipsum præibit, & in circuitu ejus tempestas valida.*

Adde quod aptissimè revinci possit illa Judæorum perversitas, & gravissimus error de duplici Messia ex cap. 35. Isaiæ, ubi prædicitur Messiam nativitas, contemptus, persecutio, occisio, gloriosa resurrectio, & omnium populorum ad ipsum conversio, ut appareat eundem Messiam esse, qui pauper, & dives, abjectus, & sublimis, & subjectus, & omnium Dominus prænnuntiatur, ut diximus supra.

Non expendimus hic rationes, quibus probatur Messiam Deum, & hominem esse debere; congruentiori namque ordine ista discutiemus, & resolvemus disputatione secunda, demonstrando Incarnati verbi dignitates, & præcellentias.

ARTICULUS SECUNDUS.

De Unione hypostatica.

EAm difficultatem nunc solvendam auspiciamus de duarum conjunctione naturalium, quæ est velut forma, aut causa formalis Incarnationis, in qua caput, & cardo vertitur omnium controversiarum, quæ in hoc mysterio agitari possunt, ut præclare advertit Leontius lib. 3. contra Nestorium,

Frassen Theol. Tom VII.

& Eutiche, subtilis, ac disertus Theologus his verbis: Quandoquidem, *inquit*, unum verum bellum motum est de modo Unionis, quem plerique ignorant, & idcirco omnibus in dubium venit, de hac unione philosophari oportet, ut scite possimus, utrum de hoc ipso dissentiamus: an verò nobis de hoc consentientibus questio sit, quid efficiat unio; & utrum de rebus ipsis sit controversia, an de vocibus res ipsas significantibus: sic enim questione distincte habita, & veritate rerum ostensa, qui imperitè, aut impie contradicit, patchat vel corrigendus, vel in judicio vituperandus. Unionem autem divinitatis cum humanitate, alii secundum substantiam factam esse affirmant; alii secundum energiam; alii secundum voluntatem. Sunt autem, qui nimiam reverentiam in Deum vel habentes, vel simulantes, nullo ex his modis factam esse dixerunt: sed ineffabilem esse, & carere nomine, affirmant: sive ita haberent, sive non, metuebant autem ne impietatis arguerentur.

Quibus significare videtur hæreticorum tergiversationem, quia ratione in conjunctione Divinitatis cum humanitate pia dogmata diligenter inquirendum esse vocabant, ut argumenta quibus redarguerentur, effugerent; sola credulitate nosa in re contentos esse debere affirmantes.

Verum nihil hæc prohibere possunt, quominus de unione ista laudabiliter, & fructuose disputent Catholici Theologi; non ut cam penitus exploratam, perfectamque tenere se posse confidant; sed ut tantum assequantur, quantum per scripturas, & Ecclesiæ magisterium doceri, & intelligere nos Deus ipse voluerit. Hoc autem imprimis venit in controversiam, quid sit ipsa Unio, seu assumptio secundum se spectata; demum quid præstet persona assumens: tandem quid spectandum sit ex parte naturæ assumptæ; quæ ut distinctius, & evidentius appareant, de his instituendus est sermo tribus in sequentibus sectionibus.

SECTIO PRIMA.

De Unione hypostatica secundum se spectata.

HOrum nominum, quibus ambarum in Christo naturalium conjunctionem Theologi Veteres explicare solent,

H 3 ut

et Græcis usitata vocabula missa faciam, Latinis frequentia sunt hæc, *Unio, unio, unio, adunatio, confectio, sociatio, concordia, fœdus, fœderatio, confederatio, consiliatio, consilio, contentio, concretio, conventio, mixtio, commixtio, mixtura, coaptatio, conversio, conjugatio*; qua voce usus est Augustinus lib. 1. de consensu Evangelistarum cap. 30. cum dixit: *Tanquam sponsus processit de thalamo suo, id est, conjugatum Verbum carni humane processit de utero Virginali*. Tamen *Unionis* vocabulum frequentius usurpatur à Theologis Scholasticis.

Unio autem, inquit Euthymius Panopl. titulo 7. est rerum disjunctarum concursus in mutuum communionem. Fit autem decem modis: vel *temperatone*, ut in liquidis, velut vino, & aqua; vel *accumulatione*, ut in aridis, tritico, & hordeo; vel *maceratione*, ut in humido, & sicco, velut terra, & aqua; vel *commixtione*, ut in diversis forinis: vel *confusione*, ut in his quæ liquescunt, velut auro, & argento, cera, & pice: vel quoad *augmentationem*, ut in lapidibus: vel *appositione*; ut in tabulis: vel *substantia*, ut in individuis, Petro, & Paulo, & equis, aut bobus aliis quibus, atque animalibus cæteris: vel *habitudine*, ut in amicis, & in animis in eandem voluntatem conspirantibus: vel *compositione*, ut in anima, & corpore: quæ autem in *hypostasi* fit, ea soli, quæ in Christo est, divinitati, & humanitati competit. Hæc Euthymius, de quo postremo unionis modo omnium arctissimo, ac præstantissimo præfens sermo faciendus est, inquirendo 1. Quid illa sit: 2. Qualis: 3. Quis ejus terminus. Tandem an omnium unionum sit arctissima, & præstantissima,

QUÆSTIO PRIMA.

Quid sit Unio hypostatica.

Notandum primò quoad præsentem quæstionem spectat, triplicem distingui posse unionem: vel per appositionem, vel per compositionem, vel per sustentationem. Unio *per appositionem* unius ad alterum, fit tripliciter, ut observat noster Alensis qu. 7. art. 1. Quia, inquit, aliquando unum unitur alteri per appositionem, ita quod ab ipso nec denominationem, nec proprietatem contrahat, sic lapis apponitur lapidi in acervo, & fit unum ex

ipsis per aggregationem, & tamen unus lapis ab altero denominationem non trahit, nec proprietatem. Aliquando verò ita unum apponitur alteri, ut ab ipso proprietatem excipiat, non verò denominationem; sic flores, & res aromaticæ, ac odoriferæ suum odorem manui imprimunt, ita quod ab eis manus contrahat proprietatem, nempe odorem; non verò denominationem; quoniam manus dicitur quidem odorifera à flore, non tamen dicitur flos: Aliquando verò ita unum alteri conjungitur, ut hoc ab illo denominationem percipiat, non verò proprietatem: sic cum quis vestem induit, recipit denominationem à veste, & dicitur hoc, aut illo modo vestitus; sed ab ea nullam proprietatem recipit secundum quam physicè afficiatur.

Unio *per compositionem* fit maximè duobus modis, ratione duplicis formæ, vel substantialis, vel accidentalis, secundum quam fit unio: Unio enim *substantiali*: ea dicitur, quæ duarum substantiarum invicem uniuntur per modum actus, & potentie, hoc est, per modum materię, & formæ. Quod etiam fit dupliciter; nam aliquando in illa unione servatur natura utriusque extremi, eaque omnino distincta, sive intermixta sit ex eis aliquod tertium, sicut ex unione animæ rationalis cum corpore humano, fit tertium, nempe homo; manent tamen utroque unito distincto, puta corpore, & anima, quæ in homine distincta sunt: sive tertium aliquod ex unitis non resultet, sicut cum infusione surculi piri cum pomo, v. g. non resultat tertium, videlicet arbor aliqua, quæ nec sit pirum, nec pomum: aliquando verò non servatur utriusque natura: sed transeunt in tertiam entitatem; & fit tertium aliquod ab extremis distinctum. *Accidentalis* unio est, quæ vel accidens unitur substantiæ, ut albedo parieti, vel accidens accidenti, ut albedo quæ inest quantitati Eucharisticæ, vel substantia alteri substantiæ per modum aliquem accidentalem, ut materia formæ per unionem, quæ est relatio. Denique unio *per sustentationem* ea est, quæ natura aliqua, vel rationalis assumitur in unitatem personæ, vel irrationalis assumitur in unitatem suppositi, vel accidentalis in unitatem subjecti sustentantis.

Notandum secundò: Actionem unitivam, duo extrema invicem sociale tripliciter: *Primo modo*, producendo totum compositum, simulque cum illo producendo utramque ejus par-

partem: talis est creatio cœli, per quam tam materia, quam forma concreantur, & inter se uniantur. *Secundo*, producendo tantum unum extremum, & illud iam alteri præexistenti uniendo. Talis est actio, qua educitur forma materialis de potentia materiæ: est enim productiva, & unitiva simul talis formæ cum materia. *Tertio modo*. Actio est tantum unitiva, non verò productiva extrinsecum: sed solius compositi, quod ex conjunctione utriusque resultat; qualis est actio unitiva animæ cum corpore in resurrectione. Certum est autem incarnationem non esse unionem productivam utriusque extremi; quippe Verbum æternum est, nec temporæ productioni obnoxium; non etiam est productiva humanitatis; quia actio qua producitur humanitas, alia est, ab unitiva ejusdem cum Verbo, ut patebit infra.

Difficultas est igitur, in illa actio, qua Verbum unitur humanitati, sit productiva alicujus termini formalis, tam à Verbo, quam ab humanitate distincti, quo mediant humanitas illa cum Verbo uniat. Circa cujus resolutionem variant auctores; nam Gregorius Ariminensis in 3. *diff. 28. qu. 2.* cui subscribit Gregorius à Valentia in 3. *part. disp. 1. qu. 2. punctos*, & plures alii, contendunt per hanc actionem unitivam, nihil fuisse productum in humanitate distinctum ab ea, per quod Verbo divino uniretur formaliter.

Secunda verò sententia est Gabriellis in 3. *diff. 30. qu. 4.* existimantis per actionem incarnandi, produci quamdam qualitatem absolutam, & supernaturalem, qua uniat humanitas Verbo, eamque qualitatem appellat *Gratiam unionis*.

Tertia sententia est Suaris *disp. 8. sect. 2.* & Gabriellis Vasquezii *disp. 18. cap. 3.* asserentium formalem terminum prædictæ actionis unitivæ, esse modum aliquem substantialem; non realiter, sed ex natura rei dumtaxat ab humanitate distinctum, qui modus est fundamentum relationis, quæ intercedit inter humanitatem, & Verbum. *Quarta* denique sententia est Doctoris in 3. *diff. 1. qu. 1. n. 3.* docentis per actionem incarnandi produci terminum formalem, nempe unionem, quæ est relatio extrinsecus adveniens, qua humana natura dicitur formaliter unita Verbo.

Notandum tertio, seu repetendum potius ex Logica, quantum ad præsens institutum spectat, relationem categoricam di-

vidi in *intrinsecus*, & *extrinsecus* advenientem. Prior est, quæ resultat ex positis fundamentis, & terminis, nihilque extrinsecum desiderat ad sui resultantiam: ut similitudo, quæ exurgit inter duo alba; nam eo ipso quo alba sunt, similia sunt: posterior verò non exurgit præcisè ex positione, & existentia fundamenti, & termini, sed insuper desiderat aliquid extrinsecum, sine quo non exurgeret: sic licet ignis, & lignum comburendum existant; nullus tamen exurgit respectus inter ignem transmutativum, & lignum transmutabile, nisi fiat utriusque approxinatio.

Insuper, relatio subdividitur in mutuam, & non mutuam. Mutua est, quæ habet relationem sibi correspondentem in termino, ad quem refertur. Sic paternitas habet filiationem sibi correspondentem. Non mutua, est quæ talem correlationem non habet in suo termino. Sic scientia, quæ terminatur ad scibile, non agnoscit in eo correlationem. Denique relatio mutua distribuitur in relationem æquiparentiæ, & disquiparentiæ. Prima est, quæ habet relationem ejusdem rationis, & nominis in utroque extremo. Sic fraternitas in utroque fratre habet idem nomen, & eandem rationem fundandi, putà originem ab eodem patre. Secunda vero similis in altero extremo relationem non agnoscit. His ita prælatis tria maxime sunt impræsentiarum discutienda: *Primum*, in unio hypostatica sit aliquid reale creatum, ab humanitate, & Verbo realiter distinctum: *Secundum*, an sit quid substantiale, vel accidentale, idque vel absolutum, vel respectivum: *Tertium*, an ex hypoteci, quod sit relatio, illa sit mutua, vel non mutua, æquiparentiæ, vel disquiparentiæ.

CONCLUSIO PRIMA.

Unio hypostatica est ens reale creatum, realiter ab extremis distinctum. Hæc conclusio tres partes continet, quarum duæ priores satis, superque patent, & apparebunt evidenti ex probatione tertie.

Prima quidem constantissima est: illud enim est ens reale, per quod humanitas à Verbo assumpta realiter distinguitur ab aliis humanitatibus non assumptis: sed per unionem hypostaticam humanitas assumpta, ita distinguitur ab aliis, quippe per-

fonaliter unitur Divinitati, cui ceteræ non ita sociantur, & habet dependentiam personalem à Verbo ipsam personante, quam non habent ceteræ humanitates, quæ suis propriis subsistentiis, & personis subsistunt: igitur, &c.

Secunda pars etiam clara est: illud enim est creatum, quod cœpit in tempore: sed hypostatica unio incœpit in tempore, sicut, & ipsa humanitas assumpta: igitur est quid creatum. Deinde, illud reverà creatum est, quod est effectus omnipotentis divinæ: at ut supra diximus, unio hypostatica prastantissimus est effectus omnipotentis divinæ: igitur est ens creatum. Denique quidquid increatum est, Deus est vel realiter, vel personaliter, vel formaliter: hæc autem unio non est Deus essentialiter, neque etiam personaliter, quia licet fiat per unionem Verbi cum humana natura, attamen ipsa natura humana unita, non est Deus: sed vera creatura: igitur ex ipsius parte unio est quid creatum.

Probatur tertia pars. Omni actioni productivæ debet assignari terminus, qui per illam producatur; nam producere. & produci sunt correlata: atqui unio hypostatica est effectio, seu actio productiva: ergo debet habere aliquem terminum: sed ille terminus non potest esse alius, quam unio copulans Verbum cum natura humana: Nam vel terminus ille esset Verbi subsistentia, vel humanitas assumpta: at non primum: quippe Verbi subsistentia increata est, & ab æterno existens. Non etiam secundum, quia, ut dicemus infra, humanitas producta fuit per actionem distinctam ab actione assumptiva, seu unitive; quippe actio productiva humanitatis fuit generatio, ad quam Virgo Deipara suum præbuit concursus; quæ tamen non influxit præcisè in actionem unitivam humanitatis cum Verbo: ergo illa actio unitiva, seu productiva in Incarnatione non potuit habere alium terminum, quam ipsam unionem: terminus autem productus realiter distinguitur ab extremis non productis: ergo unio producta realiter distinguitur à Verbo, & ab humanitate.

Reponunt Adversarii, duplicem esse actionem, aliam quidem productivam termini, aliam verò duntaxat unitivam: & quidem priorem semper habere terminum aliquem; posteriorem verò minime, ut constat ex

variis rebus naturalibus, putà unionem animæ ad corpus, formæ ad materiam; &c. quæ se ipsis immediatè, & sine ulla entitate media de novo producta inter se ununtur. Unde cum hæc actio, de qua loquimur, sit tantum unitiva, non requirit terminum de novo productum.

Contra. Primum falsum est, & gratis asseritur animam cum corpore, & formam cum materia immediatè uniri; quippe sociantur invicem mediante ipsa unionem, quæ est relatio extrinsecutis adveniens, qualis etiam est unio hypostaticæ, ut mox dicemus. Deinde, etiamsi hæc vera essent, non tamen valeret paritas, nam extrema unionis illarum rerum naturalium sunt ejusdem ordinis, habentque naturalem, & intrinsecum ordinem ad se invicem, proindeque majorem affinitatem, & facilitatem, ut invicem immediatè sociantur: at verò extrema unionis hypostaticæ sunt omnino diversis ordinis, neque ex natura sua habent intrinsecum ordinem ad se invicem; quare ut inter se sociantur, & ex illis fiat quid unum, debet produci aliquis formalis terminus, quo invicem uniantur.

Reponunt secundò, per actionem incarnati Verbi non produci quidem Verbum, nec humanitatem, nec etiam unionem ipsam, sed duntaxat Christum, compositum videlicet ex humanitate, & divinitate; sicut, proportionaliter loquendo, terminus productus per humanam generationem, neque est anima rationalis, cum illa fiat per creationem; neque corpus, quia supponitur generationi, cum solam importet materiam, ut rationem quantitatis; sed terminus generationis est ipsum suppositum humanum.

Contra. Primum, minus verum est per generationem non produci corpus substantiale, est enim reverà terminus partialis illius actionis, ut probavimus in Physicis. Secundò, licet Christus Dominus sit terminus *qui*, seu totalis actionis unitivæ, non tamen est ejus terminus formalis: actio autem illa unitiva non solum debet habere terminum totalem de novo productum: sed etiam terminum formalem, quo scilicet extrema invicem sociantur: etenim non potest intelligi quomodo terminus *qui*, seu totalis producat, nisi per productionem termini formalis: ergo si actio unitiva terminum *qui*, seu totalem producat, etiam producat terminum *quo*, seu formalem.

Item: non enim posset intelligi qualiter per actionem aliquid producat, nisi aliquid habeat esse existentie, quod antea non habebat; nam per productionem res transit à non esse existentie ad illud esse: at per actionem unicam, neque Verbum, neque humanitas transiunt à non esse existentie ad esse existens; quippe Verbum preexistebat ab æterno, & humana natura saltem prius prioritate nature existebat, quam assumeretur: igitur per illam actionem productivam debuit aliquid distinctum ab humanitate, & Verbo produci, quod accipiat esse, quo prius carebat.

Probaturscundò. Per Incarnationem humanitas fit dependens à supposito Verbi, & per aliquid de novo formaliter fit dependens; non enim potest intelligi qualiter ex non dependente, fiat de novo dependens, nisi interveniat aliquaratio formalis huius dependentie: illud autem non potest esse aliud ab ipsa unione, quatenus distincta ab utroque extremo: nam illud per quod de novo humanitas dependet à Verbo, vel est quid distinctum ab ipso Verbo, vel non: si sit, habemus intentum: si non, quomodo fieri potest, ut illa duo extrema dicantur invicem uniri, magis quam erant antea? quippe idem manens idem, semper facit idem, & eandem sortitur appellationem: igitur non potest intelligi quomodo humanitas, quæ prius non erat unita, fiat unita Verbo; nisi accipiat aliquid in unione, quod antea non habebat.

Deinde, Actualis illa unitio humanitatis cum supposito Verbi divini, vel dicit solam indistantiam Verbi ab humanitate, vel dicit aliquid aliud in ea receptum, & ipsi superadditum, quo licet æque sit indistans ab aliis divinis personis, tamen potius censetur unita Verbo, quam Patri, & Spiritui sancto. Primum dicinequit; quia Verbum divinum non magis est indistans à sua humanitate, quam à nobis omnibus: Deus enim Cælum, & terram implet immensitate suæ divinitatis.

Addè quòd talis indistantia est communis tribus divinis personis, quippe fundatur in attributo illius divine immensitatis: nec tamen omnes divinz personæ sunt unitæ hypostaticè humanitati: igitur actualis unio cum Verbo non dicit indistantiam humanitatis ad Verbum divinum: ergo dicit aliquid aliud in ipsa humanitate receptum, & de novo productum: Ergo, &c.

Hic addè quòd si Deus impediret ne propria subsistentia promanaret ab aliqua na-

tura humana singulari, quantumvis Verbum ab ipsa foret indistans, non propterea diceretur subsistere ejus subsistentia: igitur ut talis dicatur, debet habere aliquid de novo receptum, quod antea non habebat.

Dices primò: Ex Symbolo S. Athanasii, *sicut anima rationalis, & caro unus est homo, ita Deus, & homo unus est Christus:* atqui corpus, & anima rationalis ununtur seipis immediate, & non aliquo medio, quod in eis producat: Ergo natura humana unitur Verbo seipsa immediate.

Nego minorem, Falsum enim est, quòd anima rationalis, & corpus invicem immediate uniantur; nam earum unio se habet quemadmodum reliquæ uniones, quæ sunt per compositionem physicam, ad quas requiritur aliquod agens extrinsecum, quod efficienter conjungat extrema; licet enim materia, & forma, idem dicendum de corpore, & anima, ut sunt actus, & potentia, seipis uniantur in genere causæ materialis, & formalis, tamen in genere causæ efficientis conjunguntur invicem efficienter per causam productivam, quæ causat ipsam unionem: hinc est, ut probavimus in Physicis, quòd totum realiter distinguatur à partibus simul sumptis, & unitis.

Idem dicendum de unione Verbi cum natura humana; quia licet natura humana habeat potentiam obedientialem ad subsistendum subsistentia Verbi, & in Verbo sit virtus, ut reddat illam subsistentiam; tamen cum subsistentia Verbi adveniat naturæ humanæ Christi personaliter, & ab extrinseco, requirit actionem agentis supernaturalis, quod utrumque conjungat aliqua unione, qua posita, personalitas Verbi illabitur naturæ humanæ, & per modum causæ formalis insluit in illam, ut subsistendi ei virtutem conferat.

Dices 2. Si unio esset aliquid medium inter naturam humanam, & Verbum, sequeretur quòd esset simul creata, & increata, corporea, & spiritalis; creata quidem ratione humanitatis, increata verò ratione Verbi; corporea ratione partium corporis; quibus Verbum unitur, & incorporea ratione animæ: at hoc repugnat: igitur, &c.

Respondè, Unionem illam non possè dici increatam, ut potè cum non sit realis ex parte Verbi, ut mox dicemus; sed dumtaxat

creata.

creatum, quæ ut sic potest esse spiritualis, & corporea, extensa, & inextensa; ratione scilicet partium unitarum; cum enim illa unio sit relatio, ut statim dicemus, has omnes appellationes potest fortiri, non ratione sui, sed ratione extremorum, quæ referuntur, relatio enim ex se neque est materialis, neque spiritualis, extensa aut inextensa, sed dumtaxat ratione extremorum, quæ refert.

Dices 2. Si necessaria esset unio inter humanitatem, & Verbum, maxime quia extrema realiter distincta nequeunt actu uniri sine aliquo medio reali ab utroque extremo realiter distincto: sed hæc ratio nulla est: exinde enim sequeretur dari processum in infinitum in unionibus: nam si extrema realiter distincta nequeunt actu uniri sine medio reali, & realiter distincto, modus unionis distinctus realiter ab humanitate, & Verbo, non posset etiam illis sine aliquo vinculo realiter distincto copulari, de quo eadem recurreret difficultas: & rursus de alio, & sic procederet in infinitum.

Nego minorem: Nec enim nostra assertio, qua contendimus realiter distincta non posse invicem uniri sine aliquo distincto realiter, intelligenda est universaliter, de quibuscumque realiter distinctis, sed de illis solum, quæ ita sunt realiter distincta, ut unum eorum non habeat pro ratione essentiali esse alteri conjunctum: modus autem unionis cum habeat pro sua ratione essentiali, quod sit nexus duorum extremorum, atque ita sit ipsi essentiali alteri connecti, ut quo, hinc non exigit copulari extremis per aliud vinculum à se distinctum: sed immediate per seipsum, quod enim est essentialiter tale, nequit fieri tale per aliquid à se distinctum; sicut enim essentiali est accidenti, subiecto inhaerere, non indiget aliquo medio realiter distincto, ut inhaereat.

Dices 4. Per illud Verbum divinum unitur actu, & formaliter humanitati assumptæ, per quod exercet in ea rationem termini, & ultimi complementi: sed illud exercet formaliter per suam personalitatem absque aliquo alio intermedio: ergo per illam formaliter absque aliquo etiam modaliter distincto illi unitur. Major est evidens: cum enim Verbum uniatur naturæ humanæ per modum termini ultimi, & complementi, necesse est ut id per quod illi unitur, sit ipsum actuale exercitium terminandi. Mi-

nor verò probatur: Nihil creatum potest esse actuale exercitium, sive actus secundus virtutis terminativæ personalitatis Verbi ad extra: ergo Verbum divinum exercet formaliter rationem termini naturæ humanæ per solam suam personalitatem.

Distinguo majorem: Per illud Verbum divinum unitur actu per quod exercet rationem termini quod, nego: termini quo, concedo. Minorem similiter distinguo: per suam personalitatem exercet rationem termini quod absque ullo medio, quia scilicet ipsa sit, quæ terminat communicationem naturæ humanæ, concedo; termini quo, nego: nam terminat illam communicationem ratione unionis sui ipsius cum illa; unio autem illa non est terminus formaliter: sed ratio, quæ mediante Verbum terminat illam communicationem.

Dices denique: Subsistentia propria unitur scilicet, & nullo alio medio propriæ suæ naturæ: igitur multo magis subsistentia Verbi unitur immediate humanitati.

Nego consequentiam; Et ratio disparitatis est, quod subsistentia propria resultat necessario ab ipsa natura particulari, nisi aliunde præpediatur; subsistentia autem Verbi advenit ab extrinseco, idcirco requirit unionem, ut humanitati conjungatur.

CONCLUSIO SECUNDA.

Unio hypostatica est relatio extrinsecus adveniens. Ita Doct. in 3. dist. 1. qu. 1. num. 3. ubi ait; *Dico quod ista unio non dicit per se aliquid absolutum: quia quocumque absolute intellecto in altero extremo non intelligitur perfecta ratio unionis, quia unio non intelligitur ad se; sive igitur concomitetur absolutum in uno extremo, sive in duobus, cum non sit nihil, saltem dicitur unionem, &c.* Quibus Doctor aperte docet unionem esse relationem, relatio enim est, cujus totum esse est ad aliud se habere: Atqui unio tota est ad aliud: igitur est relatio. Major constat ex Logicis. Minor probatur: Nam sicut concipi nequit relatio, nisi per ordinem ad id cuius est relatio: ita nec potest concipi unio, nisi per ordinem ad ea, quorum est unio.

Deinde, quocumque absolute concepto in extremis, non tamen concipitur extremorum unio: ergo illa non est quid absolutum. Patet antecedens, quia absolutum concipitur per ordinem ad se: unio autem

con-

concipi nequit, nisi per ordinem ad extrema, quæ uniuntur.

Denique, illa entitas dicenda est pura relatio, quæ non potest concipi, nisi per modum determinationis actualis unius ad aliud, & nullum aliud habet munus: sed entitas superaddita extremis unis, non potest concipi, nisi per modum determinationis actualis unius extremorum ad aliud, neque est aliud munus recipiendum in ista unione; Prorsus igitur est pura relatio. Major constat: Si quidem similitudo est pura relatio, & non involvit formaliter aliquid absolutum, quia non potest aliter intelligi, quam per modum determinationis unius subiecti, v.g. ad aliud. Minor etiam apparet: quia non aliud cogitari potest munus determinationis, quam ut unum extremum determinet ad aliud, ut cum ipso unum efficiat: igitur hac ratione est pura relatio.

Confirmatur: Si unio non sit relatio, maxime quia vel debet esse qualitas supernaturalis humanitati superaddita, ut vult Gregorius; vel modus aliquis substantialis, ut docet Suarez: sed neutrum potest affirmari; non quidem primum; tum quia, ut docet Doct. mox laudatus num. 12. illa qualitas supernaturalis maxime requireretur per modum dispositionis, ut natura humana fieret proxime apta ad unionem cum Verbo: at hoc est frustraneum; quia cum sit in potentia obediens illi ad illam unionem seipsa unibilis est, itaque nullam requirit, qualitatem dispositionis; tum quia unio in suo conceptu formali dicit intrinsecè ordinem ad duo: igitur vel est relatio, vel illam intrinsecè includit; nam totum esse unionis est in ordine ad aliud: sed illa qualitas neque est relatio, neque illam includit intrinsecè; igitur non potest habere rationem unionis.

Secundum etiam dici nequit; quia vel talis modus substantialis, admittitur ut Verbum, & natura humana invicem dicantur uniri; vel ut sit fundamentum unionis; sed nullum horum rectè affirmatur. Non primum, tum quia idem modus substantialis admittendus esset in cæteris unionibus, putà inter materiam, & formam, quod falsum est; nam Aristoteles non cognovit talem modum; sed in composito tria tantum distinguit, scilicet materiam, formam, & compositum, tum quia talis modus substantialis est aliquid præter humanitatem, & Verbum, & sic esset assumptum à Ver-

bo, vel non: si sic, ergo est aliquid assumptum à Verbo præter humanitatem: si non, ergo est aliquid in Christo, quod non est assumptum: utrumque autem hoc est absurdum. Non etiam secundum, quia natura humana est sufficiens fundamentum illius relationis, & unionis sui ipsius cum Verbo: igitur modus ille substantialis videtur inutilis.

Dices 1. Quod spectat ad complementum substantiæ creatæ est ens substantiale, & absolutum: atqui unio hypostatica spectat ad complementum substantiale humanitatis à Verbo assumptæ, quippe supplet vim illius personalitatis: igitur, &c.

Respondet distinguendo maiorem: Quod spectat ad complementum substantiale per modum alicujus intrinseci, est ens substantiale, & absolutum, concedo: quod spectat ad complementum per modum alicujus extrinseci, est ens absolutum, & essentialē, nego: Minorem similiter distinguo: Unio hypostatica spectat ad complementum humanitatis per modum alicujus intrinseci, nego: extrinseci, concedo: itaque hypostatica unio denominari quidem potest substantialis extrinsecè, & per ordinem ad extrema, quæ dicuntur uniri, & quorum est vinculum: non autem per respectum ad propriam entitatem, quippe cum illa sit relatio, est pariter accidens.

Respondet 2. negari posse minorem: Si quidem, ut probavimus in Metaphysicis, suppositum non est modus aliquis substantialis, & absolutus, sed tantum negatio duplicis communicabilitatis, ut *quo*, & ut *quod*: igitur falsum est, quod hac ratione sit de complemento substantiali humanitatis.

Dices 2. Ex Aristotele 5. Physicorum, ad relationem non datur motus: sed unio hypostatica producitur quasi per motum: igitur non potest esse relatio.

Respondet Doctor in 3. dist. 1. qu. 1. num. 15. Philosophum esse intelligendum de relationibus exorientibus ex positione extremorum, ad quas non est necessaria aliqua actio, ut resultent: non autem de relationibus extrinsecis advenientibus. Triplex enim, inquit, relationis genus distingui potest; nam aliæ identificantur fundamento, quales sunt omnes illæ, sine quibus fundamentum nequit existere, ut sunt dependentiæ creaturæ ad Creatorem: aliæ non identificantur quidem fundamento, quia hoc sine illis esse potest; sed

sed necessario resultant exposito termino, & fundamento, ac ratione fundandi, ut sunt similitudines inter duo alba: denique sunt quædam relationes, quæ nec identificantur fundamento, nec ab ipso necessario sequuntur; sed præter fundamenti, & termini existentiam, requirunt adhuc aliquam conditionem extrinsecam: sic requiritur approximatio ignis ad lignum, ut fiat relatio agentis ad passum; Philosophus autem loquitur de relationibus primo, & secundo modo sumptis; non autem de extrinsecis advenientibus; nam, inquit Doctor, *Philosophus ibidem admittit motum ad Ubi, & tamen Ubi nullam formam absolutam dicit: sed tantum respectum in corpore circumscripto ad locum circumscriptibilem.*

Dices 3. Non potest res aliqua aliter se habere in ordine ad aliud, nisi prius aliter se habeat in ordine ad se: sed natura humana per unionem hypostaticam aliter se habet in ordine ad Verbum ratione unionis, qua ad ipsum refertur: igitur debet etiam aliter se habere in ordine ad se. At non potest aliter se habere in ordine ad se, nisi aliquod absolutum recipiat, quod antea non habebat: ergo non potest habere unionem, qua mediante aliter se habet ad Verbum, quamante, nisi habeat in se aliquod absolutum, quod antea non habebat.

Distinguo maiorem: Nisi prius aliter se habeat in ordine ad se, quando se habet ad aliud per relationem primi, aut secundi generis, concedo: per relationem tertii generis, seu extrinsecus advenientem, nego. Per hanc enim potest aliquis optime se aliter habere ad aliud de novo, quin aliter se habeat in ordine ad se, per aliquam formam distinctam ab ipsa relatione, quia ipsa relatio ipsi advenit ab extrinseco, & per causam efficientem.

Dices 4. Unio hypostatica non est accidentalis, sed substantialis, ut determinatum est in Concilio Ephesino Canone 2. igitur unio illa debet esse quod substantialiale, non verò accidens: at omnis relatio est accidens: ergo unio hypostatica non est relatio.

Respondet, unionem hypostaticam appellari *substantialem*, non quod ipsa unio non sit accidens, sed quod sit substantialis, & intrinseca conjunctio personarum: verbi cum natura humana, itaut illa unio non fiat

dumtaxat per affectionem, & gratiam sanctificantem ut volebat Nestorius; sed fiat substantialiter ex eo, quod personæ Verbi seipsa substantialiter reddat humanam naturam Christi subsistentem; vel in quantum in personalitate Verbi, quæ est substantia, unitur natura humana cum divina; quod utique sufficit ad solvenda Conciliorum oracula; Non enim aliud intendunt, quam quod Verbum substantialiter unitur humanitati, & quod ipsa substantia naturæ humanæ subsistit per istam substantialem Verbi subsistentiam; sicut natura divina eadem subsistentia Verbi subsistit, & ipsa media utraque natura divina, & humana invicem substantialiter sociantur.

Potes ad quodnam est sex ultimis prædicamentis hæc relatio unionis hypostaticæ revocanda sit.

Respondet verisimilius esse ipsam esse revocandam ad prædicamentum *Passionis*; nam per actionem unicivam naturæ humanæ veluti transmutatur, dum recipit illam unionem sui cum Verbo: ergo unio est in humanitate per modum termini relationis transmutati ad transmutans; in qua relatione consistit ratio prædicamenti passionis.

Dices: Unio est terminus Incarnationis effectivæ, seu quatenus est actio: sed passio non est terminus actionis, sed transmutationis: igitur unio non est passio.

Respondet, quod quemadmodum in calido producto ab igne est duplex relatio, una quidem producentis ad calidum productum, quæ est intrinsecus adveniens, quia resultat exposito fundamento, & termino; altera subiecti transmutati, v. g. ligni ad ignem transmutantem, quæ est relatio extrinsecus adveniens, qua formaliter subiectum dicitur uniri calori: ita in persona Christi constanter duabus naturis est duplex relatio: una producti ad producentem, quam dicit Christus; vel unio ipsa per ordinem ad totam Trinitatem; & hæc relatio est intrinsecus adveniens, quæ est posterior unione, & Christo, posterioritate videlicet naturæ: alia est transmutati ad transmutantem, per quam humanitas, quæ est veluti subiectum, refertur ad Trinitatem unientem, & ad Verbum, ut ad terminum, & extremum unionis, quæ relatio est extrinsecus adveniens, & est vinculum, quo humanitas denominatur unita Verbo.

CONCLUSIO TERTIA.

UNiohypostatica formaliter, & propriè sumpta, est relatio non mutua, & disquparentie. Ita Doctor loco supra laudato, ubi ait: *Saltem dicit unio relationem, non autem communem, quæ sit ejusdem rationis in utroque extremo, qualis est similitudo, quia non est habitudo ejusdem rationis in natura assumpta, & persona assumente; persona autem assumens nullam habet relationem realem ad naturam creatam, ex dist. 30. lib. 1. è converso autem nisi natura ita assumpta haberet relationem ad assumentem, nihil intelligeretur per se per istam unionem: nec illa relatio in natura assumpta est tantum res rationis, quia tunc ipsa unio non esset realis. Est igitur ista unio relatio disquparentie realis in uno extremo: cui in alio nulla relatio correspondet, vel saltem nulla realis.* Ita Doctor. Quibus aptè docet: *Primò* quidem relationem illam non esse mutuatam, quia non habet correlationem realem ex parte Verbi: *Secundò*, esse relationem disquparentie, quia si aliqua sit correlatio ex parte Verbi, illa nec est realis, nec ejusdem rationis cum relatione, qua humana natura refertur ad Verbum.

*Probat*ur autem prima pars, nempe quòd relatio sit realis ex parte naturæ humanæ, non autem ex parte Verbi. Est, inquam, realis ex parte naturæ humanæ, quia Verbum, & humanitas sunt realiter unita: ergo per unionem, & relationem realem: sed relatio non potest esse realis ex parte Verbi, ut mox dicemus; ergo saltem realis censeri debet ex parte naturæ humanæ, cui unitur. *Adde quòd* natura humana in Incarnatione fuit capax recipiendæ novæ entitatis, per quam realiter se haberet aliterquàm antea, & præexistebat prius natura ad ipsam unionem: sed per nullam entitatem absolutam posuit sic realiter mutari; quippe nulla potest excogitabilis entitas, quæ esset mutationis principium: igitur talis mutatio, vel affectio, refundenda est in ipsam relationem realem unionis.

Quòd autem similis relatio realis non sit petenda ex parte Verbi, constat: tum ex eo quòd Verbum est Deus, subindeque ob suam immutabilitatem est incapax omnino novæ entitatis; reciperet autem novam entitatem si unio illa realis esset ex ipsius parte: ergo, &c. *Tum quia* omne

relativum reale in relationibus mutuis dependet à suo correlativo; quippe correlativa simul sunt natura, & cognitiōe: Verbum autem cum sit Deus, est etiam summè independens: igitur nullam potest habere rationem relationis dependentis, nec subinde aliquam correlationem realem. Tum denique quia Deus est ens summè necesse esse: ens autem summè necesse esse non exigit aliud à se, sed sibi sufficientissimum est: hoc autem relationi reali competere nequit; quippe fundamentum, & terminum necessàriò exigit, tum ut sit, tum ut conservetur.

*Probat*ur secunda pars; nempe quòd illa relatio sit disquparentie: etenim illa relatio est disquparentie, quæ non est ejusdem rationis, & denominationis in extremis: Sed ita est de relatione unionis hypostaticæ, nam in natura humana vocatur relatio dependentis, & personati; in Verbo autem relatio independentis, & personantis; hæ autem denominationes, & relationes diversæ sunt: igitur relatio unionis hypostaticæ est relatio disquparentie. Minor patet; nam natura humana dependet à Verbo tanquam à proprio sustentante: cum enim ipsa careat propria subsistentia, omnem vim suam subsistendi mutuatur à Verbo.

Dices contra primam partem: Tam realiter Verbum dicitur unitum humanitati, quàm humanitas Verbo: igitur si relatio unionis sit realis ex parte relationis humanæ, talis pariter erit ex parte Verbi.

Respondent aliqui, equidem unionem esse realem ex parte Verbi, nec propterea illud mutari per Incarnationem, quoniam ab æterno præhabuit illam unionem propter continentiam eminentialem, qua Deus cuncta continet. Verùm hæc responsio difficultatem majorem ingerit: sequeretur enim, quòd si per illam continentiam eminentialem Verbum dici posset unitum realiter, quòd esset incarnatum ab æterno; quippe habuit ab æterno continentiam eminentialem illius realis unionis; quod cum falsum sit, quia necessum fuisset, ut fieret transitus à continentia eminentiali ad formalem, ut formaliter diceretur unitum; siquæ hac ratione fieri mutationi obnoxium. Idcirco

Respondet distinguendo majorem. Tam Verbum dicitur realiter unitum humanitati, quam humanitas Verbo, in ratione terminantis, concedo: in ratione subjecti, nego; rea-

realiter enim Verbum terminat per suam subsistentiam communicabilitatem naturæ humanæ, eamque reddit incommunicabilem personaliter; & ratione illius terminationis dicitur personaliter unitum humanitati, quia easdem vices gerit, ac gereret hypostasis propria: non autem dicitur realiter unitum subjective, quia illa relatio realis unionis non subsistat in ipso, sicut in natura humana.

Inflabis. Non solum terminativè, sed etiam formaliter Verbum est unitum humanitati; igitur necessariò debet habere in se formalem unionem; nihil enim denominatur formaliter, nisi à forma inexistente; ergo, si Verbum sit formaliter unitum, necessarium est, quòd habeat in se formalem unionem, hoc est relationem unionis.

Distinguo antecedens. Illud dicitur formaliter unitum, quatenus *formaliter* significat substantialem, & personalem unionem naturæ humanæ cum divina, mediante persona Verbi; sive interim illa unio resideat subjective in Verbo, sive tantum terminativè, concedo: dicitur formaliter unitum, quatenus *formaliter* petitur à forma inexistente subjective in ipso Verbo; nego. Nec mirum videri debet, quòd interdum aliquod denominetur formaliter tale à forma in alio existente, & dumtaxat ad se terminatam; quippe id commune est relationibus tertii generis; sic enim Deus dicitur formaliter Creator ratione relationis creaturæ ad ipsum terminatæ. *Addè quòd*, unio hæc sit singularis, & propterea ineffabilis; nec illius clarissimum exemplum natura referat.

Petes ad quòd genus causæ, vel efficientis, formalis, aut materialis, reducenda sit relatio dependentiæ, & unionis naturæ humanæ ad Verbum.

Respondet Doctor loco laudato, solutionem hujus quæstioni esse difficilem, quia assignari non potest aliqua similis dependentia in rerum natura; attamen dicit illam posse congruè revocari ad *causam efficientem*, quia dependentia particularis naturæ humanæ assumptæ à Verbo, est distinctæ rationis ab omni dependentia effectus ad causam quippe omnis dependentia effectus ad causam fundatur in entitate accepta à causâ; at humanitas non solum à Verbo, sed à Patre, & Spiritu sancto dependet secundum suam entitatem, & etiam secundum unionem suam effectivam; quia opera

Trinitatis ad extrâ sunt indivisa. *Addè quòd* Verbum divinum gerit vices proprias suppositi ipsius naturæ humanæ; suppositum autem non terminat naturam cujus est suppositum, in genere causæ efficientis: ergo nec suppositum Verbi terminabit dependentiam naturæ humanæ in genere causæ efficientis. Non etiam revocari potest ad genus causæ formalis, quia Verbum non potest habere rationem formæ respectu humanitatis; siquidem forma est pars compositi; Verbum autem non potest habere rationem partis, quippe pars est ens incompletum dicens ordinem ad aliam partem per cujus unionem compleatur, & perficiatur.

Igitur restat, ut dependentia naturæ humanæ à Verbo, assimiletur dependentiæ accidentis à causa materiali, non quatenus illa est receptiva accidentis, sed quatenus est illius sustentativa in ratione subjecti. Nam, inquit Doctor, accidens ad substantiam, si ve ad subjectum suum duplicem habet habitudinem: unam tanquam ad subjectum, quod informat, & perficit, & sine quo non haberet completam rationem formæ: aliam verò tanquam ad subjectum, a quo sustentatur, & sine quo non existeret. Prima ex his duabus dependentiis arguit imperfectionem, non solum in accidente, sed etiam in subjecto; quia arguit potentialitatem in subjecto ad accipiendum accidens, à quo informetur, & perficiatur; altera verò dependentia non arguit imperfectionem in subjecto; quia sustentare aliud, aut terminare ejus dependentiam, præcisè non dicit imperfectionem. Possumus igitur asserere dependentiam naturæ ad Verbum, assimilari huic secundæ dependentiæ accidentis ad subjectum, non verò primæ: quia hæc imperfectionem sonat, quippe connotat necessitatem, quam subjectum habet, ut perficiatur ab accidente; illa verò non ita: imò significat virtutem inesse subjecto, qua terminare possit, & sustentare accidens.

Quæres, an creatio anime Christi, generatio illius humanitatis, & ejusdem unionis cum Verbo, sint tres actiones distinctæ realiter.

Afirmo contra quosdam Thomistas, contententes actionem productivam, & unitivam humanitatis esse eandem; ita quòd unio illa sit productiva humanitatis non in se, sed in Verbo; quod idcirco attle-

asserunt, ut excludant existentiam creatam ab humanitate Christi, astruuntque illam existere existentia Verbi. Ita præcæteris Cabrera in 3. part. art. 11. disp. 2.

Probatur nostra assertio. Distinctio realis, & specifica actionum petitur ex reali, & specifica distinctio terminorum; sed creatio animæ Christi, humanitatis generatio, & ejusdem unio cum Verbo, habent distinctos terminos: Ergo sunt actiones realiter diversæ. Majorem admittunt Thomistæ: Minor probatur. Terminus creationis est ipsa anima Christi producta è nihilo: terminus formalis generationis est humanitas secundum se spectata: terminus autem unionis, seu actionis unitivæ, est ipsa unio, qua duæ illæ naturæ dicuntur formaliter unitæ: sed illi termini sunt distincti, nam humanitas plus dicit, quam sola anima: & similiter Christus quatenus constans duabus naturis invicem unitis, plus dicit, quam dicant illæ duæ naturæ seorsim spectatæ: igitur actiones illæ sunt realiter diversæ.

Deinde: Actiones illæ sunt diversæ, quæ sunt diversis ordinis: at tales sunt præfatæ: nam creatio animæ Christi, & generatio illius humanitatis, sunt ordinis naturalis, unio verò ejusdem humanitatis cum anima, est ordinis supernaturalis; unde creatio animæ solum Deum habet principium, ut auctorem naturæ, generatio verò habet etiam beatam Virginem, ut causam saltem minus principalem: unio verò hypostatica solum Deum agnoscit principium, ut auctorem gratiæ, & ordinis supernaturalis: igitur actiones illæ sunt diversæ.

Denique: Actio creativa distinguitur realiter ab ea, quæ non est creatio: sed productio animæ Christi est actio creativa; generatio verò humanitatis, non est creatio, sed generatio: similiter unio hypostatica non est etiam creatio, nec generatio, sed extremorum jam existentium unio: Igitur sunt actiones diversæ.

Obijcies primò SS. Patres docentes humanitatem Christifimul fuisse productam, & unitam Verbo. Sic S. Leo epist. 11. quæ est ad Julianum Episcopum Coenensem. *Natura nostra, inquit, non sic assumpta est, ut prius creata postea assumeretur; sed ut ipsa assumptione crearetur.* Similiter S. Fulgentius lib. de Incarn. & gratia cap. 3. *Ipsa accipio carnis fuit Conceptio Virginis.*

Respondet SS. Patres non agere de unitate, aut distinctione, sed tantum de coexistentia, aut concomitantia illarum actionum: docent quippe contra hæreticos non prius animam fuisse creatam, nec humanitatem prius tempore genitam, quam fuerit unita Verbo: sed eodem instanti temporis formatam, & unitam fuisse; ut ipsi met aperte tradunt: nam S. Leo agit contra Eutichem, quem arbitratum renouare Origenis dogma, quod anima Christi prius fuerit in cælo collocata, quam de Virgine nasceretur. Hinc post præfata verba subdit, *Unde quod in Origene merito damnatum est, qui animarum, antequam corporibus inererentur, non solum vias, sed & diversas fuisse asseruit, actiones necesse est, ut etiam in isto (Eutiche) nisi maluerit sententiam abdicare, placeatur.* Igitur sententiam nostram non impugnat, inò propugnat: nam subdit. *Nativitas enim Domini secundum se, quamvis habeat quedam propria, quibus humane conditionis initia transcendat; sive quod solus ex sancto Spiritu ab inviolata Virgine sine concupiscentia carnis est conceptus, & natus; sive quod ita è visceribus matris est editus, ut & fecunditas pareret, & Virginitas permaneret; non alterius tamen naturæ erat ejus caro, quam nostra, nec alio illi, quam cæteris hominibus, anima est inspirata principio.* Igitur animæ, & humanitatis Christi formatio idem fuit principium, & consequenter eadem actio productiva, qua & nos producitur, nempe vera creatio, & generatio. Et subiunde SS. Patres dumtaxat excludunt præexistentiam temporis non verò naturæ; ut evidenter significat S. Fulgentius ibidem his verbis: *Hanc ergo carnem tunc ex se natura Virginis concipientis exhibuit, cum in eam Deus concipiendus advenit. Non est igitur aliquod intervallum temporis æstimandum inter conceptione carnis initium, & concipiendæ majestatis adventum.*

Infiat 3. Si humanitas non fuit prius natura producta, quam unita Verbo: igitur per eandem actionem fuit unita, & producta. Probatur antecessens: Si Christi humanitas prius esset producta quam unita Verbo, beata Virgo non esset verè nominanda Mater Dei: quia illius generatio prius terminaretur ad humanitatem, quam assumeretur à Verbo; & sic nullatenus concurreret ad illam unionem: si enim aliquod agens produceret calorem, v. g. & aliud

aliud calorem subjecto uniret, prius agens produceret quidem calorem, non vero calidum efficeret: ergo si actio generativa, & unitiva humanitatis Christi sint diversæ, B. Virgo dicenda erit quidem mater hominis, quem generavit; non verò Mater Christi, seu hominis-Dei, quippe ad illud compolitum resulantem ex unione naturæ divinæ cum humana nullo modo concurrat.

Nego antecedens, & majorem probationis illius; Nam ut B. Virgo dicatur genuisse Deum, sufficit quod ejus conceptio activa terminata sit eodem instanti temporis ad personam Verbi, quod ipsius humanitatis communicationem terminavit; tunc enim suppositum Verbi censetur ultimæ completere, & terminare actionem generativam B. Virginis; maxime cum illud præstet personalitas Verbi, quod præsticisset propria personalitas si resulasset. Ad exemplum agentis producentis calorem, dico quod esset paritas, si agens illud ex se esset unitivum caloris cum subjecto; licet enim divina virtute substitueretur aliud agens, quod talem calorem uniret; tamen prius agens non minus diceretur efficere calidum; secus verò si non haberet vim unitivam caloris, quem produceret. At B. Virgo, quæ habet vim productivam humanitatis, habet etiam vim unitivam talis humanitatis cum subsistentia, quæ ex humanitate genita resularet, nisi prædiretur virtute divina per substitutionem alterius subsistentiæ.

Dices 3. Cum educitur forma corporea de potentia materiæ, & accidentalis de potentia subjecti, eadem est actio qua educitur, & unitur: ergo à simili, etiam substantia humanitatis, vel animæ sit distincta ab unione eorum cum Verbo, nihilominus poterunt fieri per eandem actionem. Probatur antecedens. Quando forma educitur de potentia subjecti, illa actioeductiva, vel sit cum concursu subjecti, vel non: si non, ergo sit independenter à subjecto, & sic ex nihilo; ac proinde est creatio, quod nullus dixerit: si sic, ergo illa actio pendet à subjecto, & productio formæ sit in eo, ac proinde ipsi unitur: non enim forma potest esse naturaliter in subjecto, & non uniri subjecto: igitur eadem actione, qua forma producit, etiam unitur.

Respondet, quidquid sit de antecedente, negando consequentiam. Erratio disparitatis est, quod non solum enutrit animæ, humanitatis, & unionis hypostaticæ, sunt ex

natura rei distinctæ, sed etiam sunt diversi ordinis: unde inter humanitatem, & Verbum non est naturalis conjunctio, sicut est inter formam, & subjectum, à quo educitur; unde non potest esse eadem actio productiva, & unitiva utriusque.

QUÆSTIO SECUNDA.

An Unio hypostatica facta fuerit in unitate naturæ, aut personæ, idque per veram, & propriè dictam compositionem, an per utriusque commixtionem.

R Evocanda sunt ea, quæ diximus in præludio hujus Tractatus, duos olim fuisse circa hypostaticam unionem errores extremè oppositos: quorum primus fuit Nestorii Patriarchæ Constantinopolitani, contendentis in Christo duas fuisse personas, sicut & naturas, creatam videlicet, seu humanam, & incretam, seu divinam; ac proinde Christum esse personam creatam, atque purum hominem, cui Verbum divinum unitum erat unione dumtaxat accidentali: *Primò* quidem secundum inhabitacionem, & præsentiam; in quantum scilicet in ipso habebat plenitudo Divinitatis corporaliter, tanquam in sacratio, & templo; idque modo specialiori, quam in aliis iustis: *Secundò*, secundum conformitatem voluntatum, & affectuum, quatenus videlicet voluntas illius hominis erat semper conformis voluntati Verbi divini; *Tertiò*, secundum operationem: quia, inquit, humanitas Christi erat velut instrumentum, quo Verbum divinum utebatur in mirandis suis operationibus: eliciendis: *Quartò*, secundum participationem quandam honorificæ dignitatis, quatenus videlicet honor exhibitus Verbo redundabat in ipsum hominem sibi unitum, propter ipsius intimam unionem cum Filio Dei.

Secundus error capitalis fuit Eutychis Monachi Constantinopolitani, qui asserbat unionem hypostaticam factam fuisse in unitate naturæ: ita quod quævis ante unionem duæ distinctæ omnino fuissent naturæ, nimirum divina, & humana; in unione tamen coeunt in unam naturam, idque vel per conversionem humanitatis in Divinitatem, ut de Eutychem referunt S. Leo Papa Epistola 10. ad Flavianum, & Flavianus ad ipsum: Vigilus lib. 1. & 2. contra Eutychem, & Augustinus hæc. 90. vel per con-

conversionem Divinitatis in humanitatem; ut ante ipsum Eutychem docuerat Apollinaris; imò etiam ante Apollinatem nonnulli hæretici, ut constat ex S. Ireneo, qui in expositione fidei sic illos errores carpit his verbis: *Vos qui ad Baptismum a pirare fingitis, qui ut tollatis duas naturas, questiones tales proponitis: qui mixturam, confusio- nem, & mutationem in Deitatem ex corpore, ut hec confundatis, comminiscimini: qui nunc in carnem Verbum versum asseritis, nunc carnem in Verbi essentiam, & hac mentis depravatione nihil vos spero ostenditis, &c.* Vel denique contendebat illam unionem fieri, non per transmutationem alicujus naturæ in aliam; sed per compositionem ex duabus naturis unam resultasse, utraque natura in suo esse integra manente, solumque in unionem mutatione facta, eo scilicet modo, quo ex anima, & corpore una natura confurgit; ejus asseriti erroris meminit Justinus Imperator in Edicto fidei ad Joannem 2. & noster Castro Verbo *Christus*: Hæz. 4. Igitur ut capitales illos errores præcludamus, tria veniunt hac in questione resolvenda: *Primum*, utrum unio hypostatice facta fuerit in unitate naturæ: *Secundum*, an facta fuerit in unitate personæ: *Tertium*, an illa unio dicenda sit propriè compositio, vel commixtio, quæ ut evidentiis appareat.

Notandum 1. Quòd etsi *natura* nomen primitivè dictum fuerit à nascendo, & impositum ad significandam ipsam generationem nascentium, & inde translaturum ad designandum principium generationis; inde tamen derivatum est nomen naturæ ad significandum quodlibet principium intrinsecum motus, quocirca à Physicis post Aristotelem, *Natura* dicitur *principium motus*, & *quies ejus in quo est*, *primò*, & *per se*, & *non per accidens*. Hoc autem principium est materia, vel forma; unde aliquando forma, dicitur natura, & aliquando materia; quoniam autem forma, & materia constituent essentiam rei naturalis, translaturum est nomen *Naturæ* ad significandam essentiam cujuscumque rei existentis, suis adequatis principiis intrinsecis completæ, ac constitutæ: & de naturæ sic usurpata, quatenus videlicet significat essentiam undequaque completam, querimus, an in Mystério Incarnationis per unionem duarum naturarum, divinæ scilicet, & humanæ, facta fuerit unica natura.

Frassen Theol. Tom. VII.

Notandum 2. Suppositum, seu personam esse ultimum complementum naturæ substantialis, qua sit incommunicabilis alteri, definiturque, *Substantie individualis incommunicabilis existentia, ut quod, & ut quo*; id est, tanquam superius inferiori, quemadmodum communicantur naturæ universales; & ut forma subiecto, quemadmodum formæ substantiales, & accidentales suis subiectis communicantur, ita quòd natura personata non possit alteri naturæ communicari, ut superius inferiori, nec ut pars alteri parti, ut cum illa faciat unum per se. Conveniunt autem Philosophi Christiani, naturam, & suppositum in creatis invicem distinguere realiter, sive distinctione majori, & actuali, ut volunt subtilis Doctoris discipuli; sive distinctione reali minori, & dumtaxat virtuali, ut ceteri contendunt, de qua controversia actum est in Metaphysicis, nec præsentis est loci de ea disputare; sed solum resolvere, an unio hypostatice facta fuerit in unitate personæ, hoc est, an per illam unionem natura divina, & humana sic fuerint invicem unitæ, ut in unica dumtaxat persona fuerint subsistentes, an verò quilibet natura suam subsistentiam propriam, & nativam habuerit?

Notandum 3. Præter varios modos assignatos in primo Notabili præcedentis questionis, quibus contingit plura invicem adunari; tres quantum ad præsens institutum spectat, præcipuos assignari, videlicet *per compositionem*, vel *per commixtionem*, vel *per transubstantiationem*: per compositionem, inquam, quando scilicet partes unitæ invicem coeunt naturali ordine, & habent quatuor sequentes condiciones: *Primò*, quòd se habent tanquam actus, & potentia; *Secundò*, ut perfectibile, & perfectivum; *Tertiò*, quòd habent naturalem inclinationem ad invicem, ita quòd unum naturaliter possit informare, & aliud informari, ut eorum naturalis appetitus planè satietur, & sint in esse quieto. *Denique*, ut id quòd ex duobus extremis unitis resultat, sit quid nobilius utroque extremo eorum sumpto. Unio per *mixtionem* fit quando fit aliquod tertium ex partibus deficientibus secundum substantiam, & naturam, remanentibus tamen secundum suam virtutem, sicut mixtum fit ex elementis, quæ virtualiter in eo perseverant. *Denique* per *transubstantiationem*, dum tota substantia desinit, & in aliam transit. His ita præmissis de-

I ter-

terminandum est, qualis fuerit unio humanitatis cum Verbo.

CONCLUSIO PRIMA.

Unio hypostatica non est facta in unitate nature, ac proinde Christus Dominus duabus naturis constat, divina scilicet, & humana. Hæc est de fide definita in Concilio Ephesino primo, & præsertim Chalcedonenſi Actione 5. & in V. Synodo Actione 1. Collatione 8. & in VI. Synodo Actione 11. necnon & in aliis sequentibus generalibus Conciliis. Constat etiam hæc veritas ex Symbolis, quibus Christus verus Deus, ac verus homo affirmatur: perspicue vero ex Symbolo Athanasii his verbis, *Perfectus Deus, perfectus homo ex anima rationali, & humanacarne subsistens: quilibet Deus sit, & homo, non duo tamen, sed unus est Christus: unus autem non conversione Divinitatis in carnem, sed assumptione humanitatis in Deum*. Eandem veritatem docuerunt sancti Patres quotquot in Euthychianum dogma pugnaverunt; præsertim S. Leo Epist. 12. ad Flavianum; Vigilius summus Pontifex, Damascenus lib. 3. de Fide cap. 3. Boetius libro de duabus naturis, &c.

Probatur primò ex Scripturis affirmantibus, Christum Dominum verum esse Deum, verumque hominem: illius enim Divinitas aperte traditur Matth. 3. ubi Pater æternus ait: *Hic est Filius meus dilectus*: Joan. 10. *Ego, & Pater unum sumus*: Matth. 16. *Tu es Christus Filius Dei vivi*. Illius pariter humanitas asseritur Joan. 8. *Queritis me interficere hominem, qui vera locutus sum vobis*. Joan. 9. *Ille homo qui dicitur Christus*. Psalm. 44. *Propterea unxit te Deus tuus oleo lætitiæ*. Ex quo S. Damascenus mox laudatus cap. 17. infert in Christo duas naturas, alteram unctam quæ est humana, alteram ungentem scilicet divinam. Constat etiam ex Deuter. 18. ubi Moyses Christum venturum promittit Israelitico populo, dicitque: *Dabit tibi Dominus Prophetam de gente tua, & de fratribus tuis*.

Confirmatur ex Scripturis, quæ docent Christum esse æqualem Patri, & minorem Patre, propter formam Dei, & formam servi. Sic S. Paulus ad Philipp. 2. *Qui cum in forma Dei esset; id est, cum in divina natura subsisteret, non rapinam arbitratus est esse se æqualem Deo, sed semetipsum exinanivit: non quidem amittens naturam Dei;*

sed, Formam servi accipiens, id est, naturam humanam, per quam est in similitudinem hominum factus, & habitu inventus ut homo. Constat similiter ex illis testimoniis, in quibus Christus nunc dicitur æqualis Patri, nunc minor Patre: hæc enim propter diversas naturas dici necesse est, non enim secundum naturam humanam potest esse æqualis Patri, nec secundum divinam minor Patre: oportet ergo duas completatur naturas.

Probatur etiam illis textibus, quibus affirmatur, Christum esse Mediatorem Dei, & hominum, primæ ad Timoth. 2. nam, inquit S. Leo Epist. 11. *Non est Dei, hominumque mediator, nisi idem Deus, idemque homo in utroque, & unus esset, & verus*. Constat similiter illis omnibus oraculis, quibus divina, & humana attributa de Christo asseruntur, nempe virtus, & infirmitas, immortalitas, & mortis deditio; unde concludendum est cum S. Leone cap. 3. Epistolæ ad Flavianum, *Salva proprietate utriusque nature, & in una connate personam, suscepta est a maiestate humilitas, a virtute infirmitas, ab æternitate mortalitas: & ad resolvendum conditionis nostræ debitum, natura inviolabilis nature est unita passibili, ut quod nostris remediis congruebat, unus, atque idem mediator Dei, & hominum homo Jesus Christus, & mori posset ex uno, & mori non posset ex altero*.

Suffragatur etiam ratio 3. si enim unio per Incarnationis mysteriùm facta fuisset in unitate nature, oporteret vel unam naturam convertam fuisse in aliam, vel ambas simul deluisse, & interiisse, ut ex iis tertia altera confunderet, sicut fieri solet in mixture; vel denique ambas simul remanuisse, quæ tamen concurrerent ad aliquod tertium componendum, quemadmodum ex anima, & corpore simul actu existentibus resultat unus homo; sed nullum istorum rectè potest affirmari. *Non quidem primum, si enim illa unio facta fuisset per conversionem, maximè vel nature divinæ in humanam, vel humanæ in divinam: Primum dici nequit, tum quia natura divina transmutari non potest, aut corrumpi cum sit omnino immutabilis, & incorruptibilis; nec enim, inquit S. Leo Epist. 11. Verbum aut in carnem, aut in animam aliqua sui parte conversum est, cum simplex, & incommutabilis natura deitatis, tota sit semper in sua essentia, nec damnum sui recipiens, nec augmen-*

mentum. Tum quia quando aliqua plurimum distant, ita ut unum in virtute potentius sit altero, non potest illud in inferius commutari; constat enim, quod parum aquæ dolio vini superinfusa non vinum in aquam convertit, sed ipsa in vinum transmutatur. Tum denique quia, quod æternum est, temporaneæ mutationi non potest esse obnoxium.

Non potest etiam fieri illa mutatio *per conversionem humane nature in divinam*, tum quia inde sequeretur Christum non fuisse verum hominem, sed solummodò Deum, si natura humana in illo esse desisset, impossibile enim est rem existere, aut manere actu absque sua essentia, & natura: Scripturæ autem aperte testantur Christum fuisse verum hominem, ut mox dictum est, & verè illi humanas attribunt operationes, & passiones: dicitur enim ipsum esse natum, jejunasse, manducasse, laborasse, passum, mortuum, sepultum, & palpandum ante, & post resurrectionem se præbuisse: quæ omnia verum in ipso corpus, veramque humanitatem probant. Tum denique quia contradictionem implicat, aliquid mutari, & converti in Deum, quia illa conversio, aut esset solum partialis, & quoad formam remanente materia, & communi subjecto, sicut fieri assolent in mutationibus physicis, cum ex semine fit arbor, ex ligno ignis; vel esset conversio totius in totum, quoad materiam, & formam simul, quæ dicitur transsubstantiatio: at uterque ille modus conversionis in Deum simpliciter repugnat; primus quidem, & aliqui oporteret Deum constare materia, & forma, actu, & potentia; ac proinde jam non esset ens simplicissimum, nec incorporeum: oporteret etiam Deum mutari reipsa, & incipere substantialiter esse aliquid, quod antea non erat; quia nempe dum aliquid in aliud convertitur, debet fieri mutatio, non solum in termino à quo, sed etiam in termino ad quem; & sicut terminus à quo per illam mutationem verè desinit, ita terminus ad quem è contrario verè incipit: at impossibile est Deum verè incipere esse absolute, vel aliter se habere, quam antea, quia æternus est, & incommutabilis.

Posterior etiam mutatio, nempe *per transsubstantiationem* in Deum fieri nequit, quia transsubstantiatio fieri non potest, nisi inter ea, quæ subjiciuntur virtuti agentis transmutantis; quia quod habet esse utriusque

plene sibi subjectum, potest unum in aliud convertere: divina autem natura virtuti nullius agentis subiecta est, & ideo neque ipsa in aliud, neque aliud in ipsam transmutari potest. *Deinde*, sequeretur etiam exinde, quod Deus substantialiter inciperet existere aliter, quam erat; nim verò transsubstantiatio est positiva actio, & realis: ergo debet habere terminum realem, ac positivum; implicat enim dat aliquam actionem absque termino, vel actionem, qua nihil fiat, & productionem, qua nihil producat: atqui in tali conversione substantiali non produceretur humanitas, ut constat; quia per transsubstantiationem illa desineret esse: ergo superest, ut produceretur, vel rota Divinitas, vel aliquid Divinitatis, aut saltem, quod Deus aliter se haberet, quam habebat antea, quemadmodum per transsubstantiationem Eucharisticam, vel reproducitur corpus Christi, ut volunt aliqui Theologi, vel saltem adducitur, & constituitur sub speciebus Eucharisticis modo Sacramentali, & præsentia diversa ab ea, quam habet in cælo: hæc autem omnia Deum omnino incommutabilem dedecent: igitur unio humanitatis cum Divinitate fieri non potuit per conversionem unius nature in aliam.

Neque etiam fieri potuit *per desinendum utriusque nature*: nam si humana natura in Christo non desierit, nec fuit omnino consumpta, multò minus ambæ destructæ fuerunt. *Addè quod* si vel utraque, vel aliqua earum naturarum in Christo desisset, non fuisset verus Deus, nec verus homo, nec esset æqualis Patri secundum Divinitatem; nec minor Patre secundum humanitatem.

Denique illa unio non potuit fieri *per commixtionem*, nec per *compositionem* illam, quæ ex duabus partibus manentibus integris fit aliquod tertium, à partibus componentibus distinctum. Non quidem per *commixtionem*, quia necesse est in commixtionem aliquam naturam definire substantialiter; elementa namque non remanent in mixto secundum propriam substantiam; hinc formaliter mixtum non potest dici aqua, vel ignis: humana autem, & Divina natura perseveraverunt substantialiter in Christo, quia fuit verus Deus, & verus homo.

Non etiam per *compositionem* propriè dictam; quia quando totum tertium fit per compositionem, necessario debet fieri ex partibus incompletis, & dicentibus ordinem ad

terminandum est, qualis fuerit unio humanitatis cum Verbo.

CONCLUSIO PRIMA.

Unio hypostatica non est facta in unitate naturæ, ac prout Christus Dominus duabus naturis constat, divina scilicet, & humana. Hæc est de fide definita in Concilio Ephesino primo, & præsertim Chalcedonenli Actione 5. & in V. Synodo Actione 1. Collatione 8. & in VI. Synodo Actione 11. necnon & in aliis sequentibus generalibus Conciliis. Constat etiam hæc veritas ex Symbolis, quibus Christus verus Deus, ac verus homo affirmatur: perspicue verò ex Symbolo Athanasii his verbis, *Perfectus Deus, perfectus homo ex anima rationali, & humanæ carne subsistens: qui licet Deus sit, & homo, non duo tamen, sed unus est Christus: unus autem non conversione Divinitatis in carnem, sed assumptione humanitatis in Deum*. Eandem veritatem docuerunt sancti Patres quotquot in Euthychianum dogma pugnaverunt; præsertim S. Leo Epist. 12. ad Flavianum; Vigilius summus Pontifex, Damascenus lib. 3. de Fide cap. 3. Boetius libro de duabus naturis, &c.

Probatur primò ex Scripturis affirmantibus, Christum Dominum verum esse Deum, verumque hominem: illius enim Divinitas aperte traditur Matth. 3. ubi Pater æternus ait: *Hic est Filius meus dilectus*: Joan. 10. *Ego, & Pater unum sumus*: Matth. 16. *Tu es Christus Filius Dei vivi*. Illius pariter humanitas asseritur Joan. 8. *Queritis me interficere hominem, qui vera locutus sum vobis*. Joan. 9. *Ille homo qui dicitur Christus*. Psalm. 44. *Propterea unxit te Deus Deus tuus oleo lætitiæ*. Ex quo S. Damascenus mox laudatus cap. 17. infert in Christo duas naturas, alteram unctam quæ est humana, alteram ungentem scilicet divinam. Constat etiam ex Deuteronomio 18. ubi Moyses Christum venturum promittit Israelitico populo, dicitque: *Dabis tibi Dominus Propheetam de gente tua, & de fratribus tuis*.

Confirmatur ex Scripturis, quæ docent Christum esse æqualem Patri; & minorem Patre, propter formam Dei, & formam servi. Sic S. Paulus ad Philipp. 2. *Qui cum in forma Dei esset; id est, cum in divina natura subsisteret non rapinam arbitratus est esse se æqualem Deo, sed semetipsum exinaniavit: non quidem amittens naturam Dei;*

sed, Formam servi accipiens, id est, naturam humanam, per quam est in similitudinem hominum factus, & habitu inventus ut homo. Constat similiter ex illis testimoniis, in quibus Christus nunc dicitur æqualis Patri, nunc minor Patre: hæc enim propter diversas naturas dici necesse est, non enim secundum naturam humanam potest esse æqualis Patri, nec secundum divinam minor Patre: oportet ergo duas completatur naturas.

Probatur etiam illis textibus, quibus affirmatur, Christum esse Mediatorem Dei, & hominum, primò ad Timotheum. 2. nam, inquit S. Leo Epist. 11. *Non esset Dei, hominumque mediator, nisi idem Deus, idemque homo in utroque, & unus esset, & verus*. Constat similiter illis omnibus otaculis, quibus divina, & humana attributa de Christo asseruntur, nempe virtus, & infirmitas, immortalitas, & mortis editio; unde concludendum est cum S. Leone cap. 3. Epistolæ ad Flavianum, *Salva proprietate utriusque naturæ, & in una coveniente personam, suscepta est a maiestate humilitas, a virtute infirmitas, ab æternitate mortalitas: & ad resolvendum conditionis nostræ debitum, natura inviolabilis naturæ est unita passibili, ut quod nostris remediis congruebat, unus, atque idem mediator Dei, & hominum homo Jesus Christus, & mori posset ex uno, & mori non posset ex altero*.

Suffragatur etiam ratio 3. si enim unio per Incarnationis mysteriū facta fuisset in unitate naturæ, oporteret vel unam naturam convertam fuisse in aliam, vel ambas simul desuisse, & interiisse, ut ex iis tertia altera confugeret, sicut fieri solet in mixtione; vel denique ambas simul remanuisse, quæ tamen concurrerent ad aliquod tertium componendum, quemadmodum ex anima, & corpore simul actu existentibus resultat unus homo; sed nullum istorum rectè potest affirmari. *Non quidem primum, si enim illa unio facta fuisset per conversionem, maximè vel naturæ divinæ in humanam, vel humanæ in divinam: Primum dici nequit, cum quia natura divina transmutati non potest, aut corrumpi cum sit omnino immutabilis, & incorruptibilis; nec enim, inquit S. Leo Epist. 11. Verbum aut in carnem, aut in animam aliqua sui parte conversum est, cum simplex, & incommutabilis natura deitatis, tota sit semper in sua essentia, nec damnum sui recipiens, nec aug-*

MENT.

mentum. Tum quia quando aliqua plurimum distant, ita ut unum in virtute potentius sit altero, non potest illud in inferius commutari; constat enim, quod parum aquæ dolio vini superinfusa non vinum in aquam convertit, sed ipsa in vinum transmutatur. Tum denique quia, quod æternum est, temporaneæ mutationi non potest esse obnoxium.

Non potuit etiam fieri illa mutatio *per conversionem humanæ naturæ in divinam*, tum quia inde sequeretur Christum non fuisse verum hominem, sed solummodò Deum, si natura humana in illo esse desisset, impossibile enim est rem existere, aut manere actu absque sua essentia, & natura: Scripturæ autem aperte testantur Christum fuisse verum hominem, ut mox dictum est, & verè illi humanas attribuunt operationes, & passiones: dicitur enim ipsum esse natum, jejunasse, manducasse, laborasse, passum, mortuum, sepultum, & palpandum ante, & post resurrectionem se præbuisse: quæ omnia verum in ipso corpus, veramque humanitatem probant. Tum denique quia contradictionem implicat, aliquid mutari, & converti in Deum, quia illa conversio, aut esset solum partialis, & quoad formam remanente materia, & communi subjecto, sicut fieri solet in mutationibus physicis, cum ex semine sit arbor, ex ligno ignis; vel esset conversio totius in totum, quoad materiam, & formam simul, quæ dicitur transsubstantiatio: ut uterque ille modus conversionis in Deum simpliciter repugnat; primus quidem, alioqui oporteret Deum constare materia, & forma, actu, & potentia; ac proinde jam non esset ens simplicissimum, nec incorporeum: oporteret etiam Deum mutari reipsa, & incipere substantialiter esse aliquid, quod antea non erat; quia nempe dum aliquid in aliud convertitur, debet fieri mutatio, non solum in termino à quo, sed etiam in termino ad quem; & sicut terminus à quo per illam mutationem verè desinit, ita terminus ad quem è contrario verè incipit: at impossibile est Deum verè incipere esse absolute, vel aliter se habere, quam antea, quia æternus est, & incommutabilis.

Posterior etiam mutatio, nempe *per transsubstantiationem* in Deum fieri nequit, quia transsubstantiatio fieri non potest, nisi inter ea, quæ subjiciuntur virtuti agentis transmutantis; quia quod habet esse utriusque

plene sibi subjectum, potest unum in aliud convertere: divina autem natura virtuti nullius agentis subjecta est, & ideo neque ipsa in aliud, neque aliud in ipsam transmutari potest. Deinde, sequeretur etiam exinde, quod Deus substantialiter inciperet existere aliter, quam erat; enim verò transsubstantiatio est positiva actio, & realis: ergo debet habere terminum realem, ac positivum; implicat enim darialem actionem absque termino, vel actionem, quæ nihil fiat, & productionem, quæ nihil producat: atqui in tali conversione substantiali non produceretur humanitas, ut constet; quia per transsubstantiationem illa desineret esse: ergo superest, ut produceretur, vel tota Divinitas, vel aliquid Divinitatis, aut saltem, quod Deus aliter se haberet, quam habebat antea, quemadmodum per transsubstantiationem Eucharisticam, vel reproductur corpus Christi, ut volunt aliqui Theologi, vel saltem adducitur, & constituitur sub speciebus Eucharisticis modo Sacramentali, & præsentia diversa ab ea, quam habet in celo: hæc autem omnia Deum omnino incommutabilem dedecent: igitur unio humanitatis cum Divinitate fieri non potuit per conversionem unius naturæ in aliam.

Neque etiam fieri potuit per *desiptionem utriusque naturæ*: nam si humana natura in Christo non desierit, nec fuit omnino consumpta, multò minus ambæ destructæ fuerunt. Adde quòd si vel utraque, vel aliqua earum naturarum in Christo desisset, non fuisset verus Deus, nec verus homo, nec esset æqualis Patri secundum Divinitatem; nec minor Patre secundum humanitatem.

Denique illa unio non potuit fieri *per commixtionem*, nec per *compositionem* illam, quæ ex duabus partibus manentibus integris fit aliquod tertium, à partibus componentibus distinctum. Non quidem per *compositionem*, quia necesse est in commixtionem aliquam naturam definire substantialiter; elementa namque non remanent in mixto secundum propriam substantiam; hinc formaliter mixtum non potest dici aqua, vel ignis: humana autem, & Divina natura perseveraverunt substantialiter in Christo, quia fuit verus Deus, & verus homo.

Non etiam per *compositionem* propriè dictam; quia quando totum tertium fit per compositionem, necessariò debet fieri ex partibus incomplectis, & dicentibus ordinem ad

invicem, ut uniantur: at natura Divina, & humana non possunt habere talem rationem partis per respectum ad se invicem: omnis enim pars necessitatio est imperfecta, eo quod sit propter totum, & minor, ac ignobilior toto; natura autem Divina cum sit simplicissima, & actus purus, & in se omnes perfectiones contineat, nullatenus potest habere rationem partis componibilis cum altera: igitur unio hypostatica non potuit fieri per compositionem: *Nec Verbum igitur in carnem*, inquit S. Leo Epist. 11. *nec in Verbum caro mutata est: sed utrumque in uno manet, & unus in utroque: non diversitate divinus, non permixtione confusus*; vel, ut loquitur S. Fulgentius lib. de Incarnatione, & gratia Jesu Christi, cap. 3. *Verbum cum caro fieret unione mirabili suam naturam fecit, quam ex nobis accepit, in qua tamen unione Desica, & omnino mirabili Verbi Divinitas mutata non est in carnem, utraque Verbi humanitas naturalem prorsus tenuit nostri generis veritatem*.

Obijciunt primò Eutichiani, Unum fieri aliud, est unum converti in aliud ex modo loquendi Scripturæ, ut constat ex illo Joan. 2. *Ut autem gustavit Architelinus aquam vinum factam*, id est in vinum convertam: sed ex Joannis 1. *Verbum caro factum est*: ergo reali mutatione, ac conversione sui ipsius in carnem.

Distinguo majorem. Significat unum converti in aliud, semper, nego: aliquando, concedo; etenim quamvis particula illa *factum*, aliquando significet mutationem substantialem unius rei in aliam; non tamen semper illam conversionem substantialem designat; sed interdum significat acquisitionem, vel assumptionem alicujus de novo, ut cum dicitur Genes. 20. *Factus est in animam viventem*: & ad Hebr. 7. *Christus factus est Pontifex*; Unde S. Gregorius lib. 4. Epist. 61. ait, *Verbum carnis factum dicimus, non immutando, quod erat, sed assumendo, quod non erat*: seu ut loquitur S. Athanasius, *non conversionem Divinitatis in carnem, sed assumptionem humanitatis in Deum*. Quapropter etiam Evangelista postquam dixit, *Verbum caro factum est*, statim subdit, & *vidimus gloriam ejus, gloriam quasi Unigeniti à Patre*. Quibus designat Divinitatem in Christo cum humanitate permixtam perseverasse, nec aliud tanè verbum illud, seu particula, *factum*, significat frequenter in Scriptura sacra; aliis di-

cendum esset, quod Christus conversus fuerit in peccatum, & maledictum; quia ad Corinthios 5. legimus: *Eum qui non novorat peccatum, pro nobis peccatum fecit*. Et ad Galatas 3. *Christus nos redemit de maledicto legis, factus pro nobis maledictum*. Unde S. Ambros. lib. de Incarnat. cap. 6. *Desinant*, inquit dicere, *naturam Verbi in corporis naturam esse mutatam, ne pari interpretatione videatur natura Verbi in contagium mutata peccati*.

Obijciunt secundò S. Irenæum lib. 3. cap. 21. & Cyprianum lib. de Vanitate idololorum, qui incarnationem appellant *Mixturam Dei, & hominis*: atqui mixtio est unio in natura; igitur incarnatio facta est in unitate naturæ.

Respondeo, sanctos Patres non loqui de propria, & vera mixtione; sed tantum de impropria, quo tamen nomine utuntur ad designandam intimam, & singularem unionem hypostaticam naturæ humanæ cum divina; quamvis enim illa unio non sit essentialis, tamen ita est immediata, & interna, ut major inter Deum, & creaturam cogitari non possit: quippe hæc unio, ut infra dicemus, est omnium unionum perfectissima.

Obijciunt tertio illud S. Athanasii in Symbolo, *Sicut anima rationalis, & caro unus est homo, ita Deus, & homo unus est Christus*: sed anima, & caro constituunt unam integram hominis naturam: ergo similiter Deus, & homo per unionem hypostaticam in unam naturam coalescunt.

Respondeo, exemplum istud non in omnibus valet, nec ab eo petendam esse omnimodam similitudinem inter unionem anime cum corpore, & unionem naturæ divinæ cum humana; alioquin hæc non esset mirabiliter singularis, & singulariter mirabilis, ut loquitur S. Bernardus: unde exemplum istud tantum valet ad insinuandum, quod sicut corpus, & anima, quamvis diversæ sint naturæ, in unam tamen naturam coeunt: sic licet natura divina longè præcellat humanam, tamen in unitate personæ sociantur in Christo: seu ut loquitur S. Augustinus Epist. 3. quæ est ad Volusianum: *Sicut in unitate personæ anima unitur corpori, ut homo sit, ita in unitate personæ Deus unitur homini, ut Christus sit*. Vel, ut addit S. Leo Epist. 11. *Cur inconveniens, aut impossibile videatur, ut videlicet Verbum, & caro, atque anima unus Jesus Christus, & unus Dei*

bominis sit Filius, si caro, & anima, quæ dissimilium naturarum sunt, unam faciunt etiam sine Verbi incarnatione personam, cum multo sit facilius, ut hanc unitatem sui, atque hominis Deitatis præstet potestas, quam ut eam in substantiis suis obtineat solius humanitatis infirmitas.

Obijciunt quorundam quædam S. Cyrilli sententias, quas pro clypeo velut inexpugnabili usurpabant: quarum unam petebant ex priore Epistola ejusdem ad Successum, ubi modum incarnationis ita declarat, ut naturas duas inter se convenisse dicat indivisa unitione citra confusionem, & conversionem, &c. Verum post unionem, inquit, non dividimus naturas à se mutuo, neque in duos secamus Filios, illum qui unus est, & individuus, sed unum dicimus Filium, & quem admodum locuti sunt Patres, unam naturam Verbi Dei incarnatam. Idem in 2. ad Successum Epist. etiam Orientales dictum illud improbascent, magno id studio propugnat asseverans, Ut hoc prima mente, & intellectu in naturali proprietate eo modo, quem Verbis explicare, effarique non possumus, unitum Dei Verbum unum nobis ostendisse Filii naturam, sed incarnatam. Et in Commemoratorio ad Eulogium. Nos, inquit, postquam illa copulavimus (nempe Verbum, & carnem) unum Christum, unum Filium eundem, unum Dominum confitemur, & unam postremo Dei naturam incarnatam. Et lib. 2. de recta fide ad Reginas. Non duas naturas, unam quæ adoratur, & unam quæ non adoratur; sed unam naturam Verbi Dei incarnatam, & adorabilem cum carne sua una adoratione confitemur. Porro quinta Synodus idem Cyrilli dictum admittit, dum Justiniani professionem contra tria capitula recepit, in qua similis locutio usurpatur. Imò etiam plurimi è SS. Patribus eodem modo, quo S. Cyrillus unam Christi naturam incarnatam dixerunt; Hinc Ephremius Patriarcha Antiochenus apud Photium scribit, Hæreticos obijcere solitos Gregorium Neocæsareæ Episcopum, Athanasium, Julium, Cyrillum, & Eusebium unam naturam Dei Verbi incarnatam dixisse: Quapropter prima Synodus Lateranensis consultatione quinta Canone 5. damnat anathemate: Si quis secundum SS. Patres non confitetur propriè, & secundum veritatem unam naturam Dei Verbi incarnatam, anathema sit.

Respondeo primò, cum S. Ephremio in libro, quem de ista Cyrilli sententia scripsit, nomen naturæ à Cyrillo pro hypostasi usurpasse Theod. Tom. VII.

tum fuisse: nam frequens erat apud Patres usurpatio vocabuli quousque privativæ. Quia ratione idem Ephremius scribit Athanasium in Epist. ad Imperatorem Julianum, dicere unam esse confendam Verbi naturam, & hypostasim incarnatam; cui concordat Anastasius Synaita in *Synax.* cap. 10. ubi scribit Cyrillum alibi scriptum explicantem docere, Unam Christi naturam incarnatam sic accipi, ut sit una persona sanctæ Trinitatis incarnata. Adstipulatur etiam Justinus Imperator in professione fidei contra tria Capitula, ubi putat Cyrillum quoties unam Verbi naturam incarnatam dixit, naturæ nomen pro hypostasi sumpsisse.

Respondeo secundò, sanctum Cyrillum exponi in quinta Synodo generali, canone octavo, his verbis, Si quis unam naturam incarnatam Verbi dicens, non sic accipiat, sicut Patres docuerunt, quia ex divina natura, & humana, unio est secundum subsistentiam facta, sed ex talibus vocibus naturam unam, sive substantiam divinitatis, & carnis Christi introducere conetur, talis anathema sit. Porro sanctus Cyrillus eo loquendi modo usus est, ut moneret cavendum esse ab hæresi Nestorii, qui contendebat in Christo duas esse naturas completas, suas proprias subsistentias habentes, ac proinde in ipso duas esse personas.

Respondeo 3. Verissimum esse, quòd una tantum in Christo sit natura incarnata: scilicet Divinitas; quia humanitas non fuit incarnata, sed assumpta, & sic verum est, quòd Cyrillus dixit, unam esse naturam incarnatam; quia divinitas non esset incarnata, nisi humanitati esset conjuncta.

Inflabis: Qui negat divisionem, distinctionem, & pluralitatem naturarum in Christo non censet post unionem integras in eo naturas perseverare; sed Sanctus Cyrillus hæc negat in Christo, nam Epist. 1. ad Successum ait: Ex duabus naturis concursionem esse factam in unitatem; post unionem verò naturas easdem à se mutuo non dividi; sed unam esse naturam incarnatam. Et Commentario in Joannem lib. 7. Non est, inquit, duplex: unus est solus Christus, tametsi ex duabus intelligatur, ac differentibus rebus in unitatem indivisam contractus. Ergo S. Cyrillus censet in Christo non esse rerum, & consequenter naturarum pluralitatem, & divisionem.

Nego minorem: Negat enim dumtaxat

pluralitatem personarum non verò naturarum: duas enim in Christo naturas proficetur differentes ad invicem: non autem divisas, & separatas, quia adunantur in unitate personæ. Hinc in Comunitorio ad Eulogium scribit, se in invidiam vocatum esse apud quosdam Catholicarum partium, quod assensu esset expositioni fidei, in qua naturas duas confitebantur, id enim videbatur Nestorio favere, quasi duas naturas in Christo admittendo, duplicem etiam personam admisisset; quippe numerus omnis unitatibus constat, quæ à se multò diversæ, ac divisæ videntur. Hinc factum est, ut refert Vigilii summus Pontifex in calce libri secundi contra Euthyrum, quod plerique Orthodoxorum sensum utrarumque naturarum cum Catholicè exponunt, Catholicè retineant: idè tamen nolunt dicere duas naturas, ne secundum Nestorium duas putentur fieri personas; à confessione utriusque naturæ voce, sed non corde tantummodò recedentes, quòd maximam præbuit ansam dissensionis inter Catholicos: nam ut subdit; *Qui nolunt duas ore fateri naturas, quas fidei expressione defendunt, Eutychianis reputantur, cum iam sint, qui duas unius Christi naturas publicè profitentur, Nestoriani putantur esse cum non sint: & videas nos ludibrosos quibusdam, & omni lamentatione dignis insultationibus hæreticorum nomine se invicem accusare: Nihilominius verà neuter hæreticus erat censendus; quippe qui asserabant in Christo dualitatem naturarum, distinctionem significabant: qui verò negabant, personæ unitatem proficiebantur.*

Porro, quod ad Cyrillum spectat, qui post unionem amplius non esse duo in Christo scripsit; hoc illius dictum interpretatur sanctus Maximus in *Opusculis adversus Monothelitas*, eorumque parentes *Monophysitas*, dicens nihil eum aliud velle; nisi illa, ex quibus compositio fit tam in homine nostri simili ex anima, & corpore constante, quam in Incarnationis Christi Mystério, quod ex Divinitate, & humanitate conficitur, duo quidem esse ratione substantiæ; quandoquidem diversa manet substantia: verum eadem illa in unitate & entitate per se coherens: entia duo constitui nullo modo fidei dogma permittere.

Obijciunt 5. Unio Incarnationis est omnium unionum maxima, & consequenter major unionem animæ hominis cum corpore; sed ex unionem animæ cum corpore fit

una natura: igitur multò amplius per unionem divinitatis, & humanitatis una exurgit natura.

Distinguit majorem, Rusticus Diaconus in disp. contra Acephalos: Unio Incarnationis est omnium maxima, id est, strictior, negat: id est præstantior, concedit; Tantò enim, inquit, unitio Deitatis, & humanitatis, quæ in Domino Christo facta est, & ipse effectus unitatis illam, quæ fit in homine superexcellit, quantiò longius à se distant unita: multum namque, & quantum dici non potest superat, ut Deitatis, & humanitatis solum una possit esse persona, quam ut ex anima, & carne non solum una persona sit, sed, & ut una quoque natura: non est autem intior ratione unitatis in quam duo distincta coalescunt: Quia, inquit, non necesse est à majore unitione majus aliquid effici: alioquin quantiò amplius aliqua uniantur, tanto potentiore vi ununtur: sed ea, quæ confunduntur, ultra ea, quæ minimè confunduntur, amplius uniantur, ut bumentia, &c. igitur negat unionem hypostaticam non esse: omnium maximam ratione unitatis, quia strictius uniantur, & coalescunt, quæ sociantur per mixtionem, quàm per compositionem.

CONCLUSIO SECUNDA.

Incarnatio facta est in unione Divinitatis cum humanitate secundum unitatem personæ. Hæc est de fide determinata in plurimis Conciliis; maxime verò in Ephesino contra Nestorium, in Chalcedonensi in *definitione*, & in VI. Synodo generali *Adione* 4. Probaturque ex Scriptura sacra, illis videlicet omnibus textibus, quibus Christus verus Deus, ac verus homo affirmatur; Deus enim non appellatur metaphorice, nec improprie, sicut Moyses dictus est Deus Pharaonis: sed strictè, ac proprie: ergo substantialiter, ac realiter; igitur vel secundum essentiam, vel personam: non secundum unitatem essentiae, ut dictum est in præcedenti conclusione: ergo necessarium est, ut sit talis secundum unitatem personæ.

Confirmatur: Per Mystèrium Incarnationis, Deus, & homo de se invicem prædicantur: istè enim propositiones, *Deus est homo, & homo est Deus*, verissimæ sunt, non secundum essentiam, quia in Christo est duplex natura, divina, & humana: ergo necessarium est, quòd illæ verè sint secundum uni-

tatem personę. Consequentia patet; nam duę naturę non possunt in concreto de se invicem predicari, nisi ratione unitatis suppositi, in quo conveniunt; non enim verum est dicere, quodd album sit dulce, nisi quia dulcedo, & albedo eidem subiecto inexistunt.

Deinde, Christus ut homo aliqua de se profert, quę ipsi convenire nequeunt, nisi ratione Divinitatis, ut cum affirmat Joan. 8. *Amen dico vobis antequam Abraham fieret ego sum.* Joan. 6. *Ego sum panis vivus, qui de Cælo descendi,* &c. Atque non possunt intelligi de humanitate formaliter sumptis; constat enim illum plusquam duobus annorum millibus posteriorem fuisse Abrahamo: superest igitur, ut intelligamus de humanitate secundum personam, & hypostatam Verbi, quam habebat in Christo; quemadmodum revera pronomen Ego, est personale, & denotat personam loquentis, Ego sum.

Denique, Christus dicitur descendisse de Cælo, & ascendisse in Cælum. Ephes. 4. *Qui descendit, ipse est, & qui ascendit*: at Christus non descendit secundum corpus; ut fabulabatur Valentinus, neque secundum animam, ut d. lirabat Origenes: ergo descendit secundum unionem Divinitatis cum humanitate: similiter non ascendit secundum Divinitatem, sed secundum humanitatem, quia ut ait S. Lucas Actorum 10. *Videntibus illis, elevatus est*: Ergo ascendere in cælum secundum naturam humanam, & descendere de cælo secundum divinam, eidem Christo convenit, subindeque ratione ejusdem personę, in qua duę illę naturę sociantur.

Confirmatur iterum: Illa unio naturę divinę cum humana necessariò fieri debuit secundum unitatem personę, si illi omnes modi, quos excogitavit Nestorius, aperte sint insufficientes, & Sacre Scripturę repugnantes: At ita est: igitur, &c. Probat minor: Unio divinę naturę cum humanitate in Christo, ita est propria ipsi humanitati, ut eadem ratione ceteris hominibus non competat: ita pariter peculiaris est Verbo, ut personę Patris, & Spiritus sancti non congruat: sed modi unionis, quos excogitabat Nestorius, nec peculiare sunt humanitati assumptę, nec Verbo. Nonquidem peculiare humanitati assumptę. *Primò* namque unio in habitationis convenit omnibus iustis, quos Dei templum Scriptura appellat, juxta illud 1. Corinth. 3. *Nescitis quia*

templum Dei estis vos, & Spiritus Dei inhabitat in vobis? si quis autem templum Dei violaverit, disperdet illum Deus: templum enim Dei sanctum est, quod estis vos. Et 2. Corinth. 6. *Vos estis templum Dei vivi, sicut dicit Deus: Quoniam inhabitabo in illis, & inambulabo inter eos.* Similiter unionis operationis etiam omnibus iustis congruit: nam 1. Corinth. 2. *Idem Deus, qui operatur omnia in omnibus.* Maximè verò per iustos, & viros sanctos, in quibus habitat, miranda, & stupenda opera patrat, juxta illud Joan. 14. *Qui credit in me, opera, quę ego facio, & ipse faciet, & majora horum faciet.* Denique unio affectus, dignitatis, & excellentię, etiam viris sanctissimis, necnon & virtute, ac autoritate eximii, attribuitur; juxta illud Psalm. 80. *Ego dixi, Dii estis, & Filii Excelsi omnes.* Nec valet reponere, Deum nobiliori modo existere in Christo per ampliorem gratię largitionem, & uberiores divinorum charismatum communicationem, quàm in ceteris iustis: quia major, aut minor ejusdem beneficii communicatio non mutat speciem, nec efficit diversum modum existendi.

Non etiam modi illi unionis Dei cum humanitate peculiare sunt Verbo: quippe tribuuntur tribus adorandę Trinitatis personis: testatur enim Christus Joan. 14. *Si quis diligit me, & Pater meus diliget eum, & ad eum veniemus, & mansurem apud eum faciemus.* Adde quòd si illa inhabitatio sufficeret ad rationem Incarnationis, Spiritus sanctus dicendus esset incarnatus: nam plenissimè in homine Christo inhabitat juxta illud Lucę 4. *Jesus plenus Spiritu sancto egressus est de Jordane.* Hoc autem nullus frivolum dixerit: igitur, &c.

Dices 1. Humanitas Christi appellatur templum divinitatis; nam Christus Joan. 2. Judęis dicebat, loquens de sua humanitate, *Solvite templum hoc, &c.* sed non idem, templum, & qui templum inhabitat: ergo non sunt idem suppositum Dei, & suppositum Christi hominis.

Respondet Humanitatem dici templum Dei, non quidem propriè, sed metaphorice, eo modo, quo corpus nostrum appellatur domus animę nostrę, atque tabernaculum; juxta illud 2. ad Corinth. 5. *Si terrestribus domus nostrę habitationis dissolvatur, &c.* Unde sicut non licet colligere ex eo, quòd anima est in corpore velut in tabernaculo, in eodem homine duas esse perso-

nas; ita etiam ex eo, quod Christus suam humanitatem templum appellet, non licet inferre in illo duas esse personas: *Vel* dico, quod si proprie dicatur *Templum*, non ita appellari ratione Verbi, cui est hypostatice unita, sed ratione Divinitatis, quæ in ipsa humanitate habitat, non solum per gratiam, & efficientiam, ut volebat Nestorius, sed verè, & realiter, ut explicat Apostolus ad Coloss. 2. ubi ait: *In ipso habitat omnis plenitudo Divinitatis corporaliter*, id est, verè, & substantialiter, ut explicat S. Augustinus Epistola 58. ad Dardanum.

Dices 2. Ubi est aliud, & aliud, ibi sunt duæ personæ, & duo supposita: sed S. August. in Enchiridio cap. 36. dicit quod in Christo sit aliud, & aliud; ait enim: *utramque naturam, divinam, & humanam in Christo esse unum Dei Filium, sed aliud propter hominem*: igitur agnoscit in Christo duas personas. Similiter S. Leo Epist. 10. de Christo ait: *Aliud ceruſceſ miraculus, aliud succumbit injuriis*: igitur, &c.

Nego maiorem: Quamvis enim, ubi est *alius*, & *alius* adjectivè, sint diversa supposita, quia nomen adjectivum præcipue personam denotat: non tamen ubi est *aliud*, & *aliud*, substantivè: siquidem substantiva nomina primariò, ac præsertim connotant personam: igitur solum voluit August. hoc loquendi modo duas in Christo agnoscere naturas: divinam secundum quam æqualis est Patri, & humanam, ratione cujus est inferior patri: Porro S. Augustinus eodem libro unionem duarum naturarum in eodem supposito Verbi divini agnoscit: ait enim cap. 35. *In unitatem personæ accessit Verbum anima rationalis, & caro*. Et cap. 36. *Ut quemadmodum una persona quilibet homo; anima scilicet rationalis, & caro*; ita Christus una persona Verbum, & homo. Quantum ad S. Leonem, constantissimum est eum unicam in Christo personam agnovisse; utpote qui præcipuus fuerit illius Catholicæ veritatis assertor, & vindex.

Dices 3. In Deo idem est realiter essentia, ac persona; sed Incarnatio non est facta in unitate naturæ: ergo neque in unitate personæ: nam idem reale non potest censeri unum, & non unum.

Distinguo maiorem: Idem sunt realiter natura, & persona secundum identitatem veram, & realem, concedo: secundum formalem, nego: nam ut diximus in *Tractatu de Trans.* relationes constitutivæ divina-

rum personarum distinguuntur formaliter ab essentia: quæ distinctio cum sufficiat ad instituendam diversitatem personarum in divinis, licet in eis sit essentia identitas, sufficit etiam ad instituendam unionem hypostaticam, seu in persona, primariò, & immediatè, licet secundariò, ac consequenter unio fiat in natura.

Dices 4. Ubi sunt duæ generationes passivæ, ibi debent esse duæ personæ: sed in Christo duæ sunt generationes passivæ; nempe divina, & aeterna, qua Verbum à Patre gignitur in splendoribus sanctorum; alia autem temporalis, & humana, qua natus est ex Maria Virgine: ergo in illo sunt duæ personæ. Major constat; omnis enim generatio terminatur vel ad suppositum, vel ad personam: ergo duplex generatio ad duplex suppositum terminari debet.

Nego maiorem, & illius probationis nego consequentiam; unum enim, & idem suppositum ratione duplicis naturæ potest terminare duplicem generationem: quia suppositum terminat quidem *ut quod*, natura verò terminat *ut quo*, & p. r. modum termini formalis, ac specificativi: ergo cum idem suppositum Verbi duplex sit virtualiter, quia virtutem habet terminandi duas naturas, etiam potest esse terminus generationis duplicis.

Dices quintò. Persona est rationalis naturæ individua substantia; sed Verbum assumpsit naturam humanam in individuo, seu in *atomo*, ut asserit sanctus Damasc. lib. 3. de fide cap. 11. Ergo assumpsit eam propria persona subsistentem.

Respondeo in definitione personæ particulam (*individua*) idem significare, ac singulare, seu unum unitate numerica: non verò idem, ac substantia completa per se subsistens incommunicabilis alteri tanquam supposito. Priori modo Verbum assumpsit naturam humanam in individuo, id est singularem, non autem universalem, & unam tantum, non omnes, ac singulas: at posteriori modo eam non assumpsit.

Dices sextò. SS. Patres, plerumque affirmant Verbum Divinum assumpsisse hominem; sic SS. Ambrosius, & Augustinus in hymno *Te Deum*, &c. ajunt: *Tu ad liberandum suscepturus hominem, &c.* hæc autem vox homo, suppositum connotat: igitur Verbum assumpsit suppositum hominis; ac proinde duo sunt supposita in Christo.

Respondeo SS. Patres, hoc loquendi modo,

con-

concretum usurpavisse pro abstracto, & loco humanitatis, vel humanæ naturæ, dixisse hominibus; cum enim nondum exorta esset Nestoriana hæresis, liberius, & securius loquebantur. Unde merito reponi posset Nestorianis, quod olim Pelagianis reponerat S. Aug. lib. 1. contra Julianum; qui S. Chrysostomi auctoritate nitebatur suum errorem defendere: *In Ecclesia Catholica non se aliter intelligi arbitrabatur, tali questione enim nullus pulsabatur: vobis nondum litigantibus securius loquebatur.*

CONCLUSIO TERTIA.

Persona Christi verè potest dici composita; non tamen propria, & verè dicta compositione. Hæc conclusio duabus partibus constat; quarum

Probatur prima pars. Idque primò auctoritate quintæ Synodi Œcumenicæ, quæ in Canone, seu anathematisimo quarto, dicit Anathema neganti, *Unionem Verbi cum humana natura secundam compositionem: hoc est, secundum hypostasim.* Idem definitur in sexta Synodo actione quarta in Epistola Agathonis Papæ ad Imperatorem Heraclium, & actione 11. in Epistola Sophronii approbata à toto Concilio, ubi Christus vocatur persona composita ex inconfuso consans temperamento.

Probatur item auctoritate sanctorum Patrum. Imprimis Dionysii libro de divinis nominibus cap. 1. ubi scribit: *Deum eum nostris rebus verè, & ex toto communicasse in una suarum hypostaseon, revocantem ad sese, atollentemque exiremitatem humanam, ex qua inexplicabili modo simplex Jesus compositus est.* Ubi nomen *hypostasis* non naturam, sed personam significat. Eodem modo plurimi loquuntur ceteris Patribus; nam S. Ephremius Antiochenus Patriarcha apud Photium ait: *In unione, quæ est secundum hypostasim, merito compositionem pia fides proficitur: at compositionem essentiam nemo dicere ausus præter Apollinarem.* Porro Dominus ostendens hypostasim suam esse compositam, non autem naturam, &c. Cyrillus in lib. de Incarnatione dicit: *Mediatorem Dei, hominumque compositum esse ex humanitate nostra secundum propriam rationem perfectam, & ex eo, qui ex Deo Patre produit, secundum naturam Filium, hoc est, ex unigenito.* Damascenus lib. 3. de fide cap. 3. *In Domino Jesu Christo, inquit, duas naturas agnoscimus, unam autem hy-*

postasim ex utraque compositam. Idem siquens est loquendi modus apud ceteros sanctos Patres.

Probatur secunda pars, nempe quòd illa compositio non sit propriè dicta; quia compositio vera, & propriè dicta debet esse ex actu, & potentia, sicut ex materia, & forma, vel ex duobus potentialibus, qualia sunt ista, quæ apud Philosophum dicuntur elementa, & integritia naturarum totalem, ut loquitur Doctor in 3. dist. 6. q. 3. n. 2. sed Christus non componitur ullo ex his modis, quippe natura divina non potest habere rationem neque actus, neque potentie, quia esset potentiale repugnare Deo, qui est ens actualissimum, & necesse esse. Repugnat etiam ratio actus, quia hoc est proprium formæ creatæ; igitur etiam repugnat verè, & propriè dicta compositio. Deinde, omnis compositio verè dicta, sit ex partibus: sed natura divina in Christo non potest habere rationem partis, quia omnis pars est ens incompletum dicens ordinem ad alteram partem, ut ab unionem cum ipsa compleatur. Hinc S. Augustinus contra Maximinum Arianum cap. 10. negat Deum esse partem Christi, his verbis: *Porro autem Christus una persona est geminæ substantiæ, quia & Deus, & homo est, nec tamen Deus pars hujus personæ potest, alioquin Filius Dei Deus, anequam susceperet formam servi, non erat totus, & crevit cum homo divinitati ejus accessit.* Denique, omne compositum perfectè, secundum se, est præstantius quocumque ex componentibus seorsim sumptis: sed Christus non est quid perfectius natura divina, aut personæ Unitæ Verbi: Ergo Christus non est quid compositum ex natura divina, & humana, seu potius ex humanitate, & substantia Verbi.

Igitur quando Christus dicitur compositus ex humanitate, & substantia, debet sic exponi, inquit Doctor; quòd ita verè est, ibi tam natura humana, quàm divina, ac si componerent personam: sed non componunt, nec aliquod tertium sit ex eis; sed distinctè, & confusè manent, ut S. Damascenus dicit lib. 3. cap. 3. his verbis, *Si secundum hæreticos unus naturæ compositæ Christus extitit, ex simplici natura verus est in compositum, & neque Deus vocatur, neque homo: quemadmodum ex anima, & corpore hominem animus, vel ex quatuor elementis corpus, & neurium compositum est.* Debet ergo exponi, & di-

„ & dici, personam compositam, propter
 „ unionem duarum naturarum, in qui-
 „ bus subsistit, sed veritus negari potest
 „ compositio: quia una non perficit a-
 „ liam, nec ex eis est aliqua natura ter-
 „ tia. *Ita Doctor.*

Quibus aptè indicat personam Christi dici quidem posse compositam; non tamen propria compositione, quæ sit ex partibus, quarum una habeat rationem actus, alia verò rationem potentiz; sed tantum compositione imperfecta, qua nempe ex pluribus unum fit, idque unione substantiali, seu accidentali, ratione suppositi, per quod duæ naturæ unitæ invicem subsistunt: quem utique compositionis modum sic explicat S. Athanasius in libro de *uno Christo*, si tamen illius sit auctor: ubi introducens hæreticos objicientes Christum non esse compositum, quoniam ex eo sequeretur partem Verbi esse corpus, eoque compleri hypostasim Filii Dei: hoc argumentum dissolvens, ait, *Ita Deum, & hominem unam esse hypostasim, & unam personam, ut non sit expletivum corpus hypostasos; idemque impium esset, quandoquidem Deus immisionis capax non est, utpote uniformis, & non compositus, nec in partes dividitur, &c.*

Omnia, quæ adversus hanc conclusionem solent objici, facillè diluuntur, afirmando Christum dici quidem compositum impropria compositione, quæ tantum significat unionem duarum naturarum, in una hypostasi; non verò propria, quæ postulat si ex partibus incompletis, quarum una habeat rationem actus, altera rationem potentiz; una sit perfectibilis, altera perfectiva, ut diximus in tertio Notabili.

QUÆSTIO TERTIA.

Quis sit terminus Unionis hypostaticæ.

Notandum primò, duplicem solitò distingui terminum actionis productivæ: unum videlicet totalem, & adæquatum; alium verò formalem. *Terminus totalis* nihil aliud est, quam ipsa res tota, quæ fit per actionem: sic in generatione humana terminus totalis est homo genitus, in dealbatione est albus: *formalis* verò est illa forma, qua mediante terminus ille totalis completur, & perficitur: seu forma, quæ est ratio, cur ipsa actio terminetur ad terminum totalem, & adæquatum: sic in deal-

batione, albedo producta est ratio formalis, seu forma, qua fit albus. Prior terminus etiam dicitur terminus *qui*, nempe qui totaliter, & adæquate actionem terminat; posterior verò dicitur terminus *quo*; quia ipso mediante actio terminatur: sic in generatione substantiali terminus *qui*, seu totalis, est suppositum, seu compositum ex natura, & subsistentia: terminus verò *quo*, seu formalis, est ipsa forma substantialis, qua compositum habet esse.

Notandum secundò, nullam, aut saltem leviem controversiam moveri apud Theologos, de termino totali actionis unitivæ, seu assumptionis humanitatis ad Verbum: omnes namque conveniunt talem terminum esse Christum, seu personam compositam ex natura divina, & humana; nempe *Deus homo*, hoc est, Verbum Divinum in humanitate subsistens; quippe ille est terminus totalis, & adæquatus Incarnationis, qui habet esse per Incarnationem: Christus autem habet esse per Incarnationem, ac subinde est illius terminus. Sed gravis, eaque multum intricata movetur difficultas, maxime apud recentiores Theologos, quisnam sit terminus formalis *quo*, seu *ad quem* unionis hypostaticæ, circa cujus controversiæ resolutionem variant Auctores, & maxime in quatuor sententias scinduntur: *Prima* est eorum, qui sursinent terminum formalem *quo*, seu *ad quem* Incarnationis, esse personam Verbi. Ita Alvarez disp. 13. conclus. 3. *Secunda* sententia ait terminum formalem ad quem hujus actionis, esse modum substantialem unionis, quo Verbum Divinum humanitati assumptæ copulari dicitur. Ita Suarez disp. 8. sect. 2. *Tertia* sententia contendit ipsum terminum esse humanitatem, ut unitam Verbo, ita quòd unio sit conditio prærequisita ad illam terminationem. Sic docet Vasquez disp. 19. cap. 2. *Quarta* denique sententia contendit, quòd cum unio hypostatica possit divetissimò considerari; nimitum, vel quatenus est communicatio subsistentiæ divinæ, vel quatenus est assumptio naturæ humanæ, vel prout est unio naturæ divinæ cum humana, licet Incarnatio sit una, eademque actio in re; tamen secundum has diversas considerationes etiam diversos terminos habet; quæ utique sententia, utpote probabilior, & verior, ut probetur evidentiis.

Notandum tertio, quòd etsi Incarnatio, seu actio

actio unitiva naturæ divinæ cum humana in unitatem personæ, sit actio simplex, & indivisa, tribus adorandis Personis ex æquo communis; tamen secundum diversam habitudinem, & relationem sui ad diversa, etiam varias sortitur appellationes, ratione quarum dici potest multiplex. Enim vero si spectetur per respectum ad principium per quod fit, dicitur *unitio* si per respectum ad divinam naturam, quæ humanitati sociatur, appellatur *communicatio*, seu transfusio, quæ Divinitas intimiori, ac peculiariter modo illabitur humanitati assumptæ, quam cæteris entibus, quibus fit præsens dumtaxat per illapsum immensitatis, quæ cælum, & terram implet, non autem per vineulum personalitatis, quæ naturam divinam cum humana sociat: si denique consideretur Incarnatio per ordinem ad naturam assumptam, dicitur *humanatio*, seu *incarnatio*, quæ Deus humanitatem in consortium suæ Divinitatis evocans, illam archissimo ejusdem personæ sedere in perpetuum copulavit, quibus prælibatis sit.

CONCLUSIO PRIMA.

Terminus totalis, & adequatus actionis unitivæ, & copulativæ Verbi cum humana natura, est Christus, seu Deus homo. Ita communiter omnes Theologi, & probatur. Terminus totalis, & adequatus actionis unitivæ duorum extremorum, est compositum ex illis resultans: sed Christus quatenus Deus homo subsistens in unitate personæ, est compositum resultans ex actione unitiva Divinitatis cum humanitate: igitur est illius actionis unitivæ terminus totalis, & adequatus. Major constat per inductionem, quippe terminus totalis, & adequatus vel generationis, vel compositionis, vel resurrectionis, alius non est, quam ipsum compositum ex partibus unitis resultans; nihil enim aliud intenditur per actionem unitivam, quam compositum resultans ex unionem extremorum. Minor etiam constat ex dictis; siquidem Christus est ipsum Verbum subsistens in humanitate nostra secundum unitatem personæ, per quam natura divina, & humana invicem sociantur, & subsistunt.

Dices. Terminus totalis Incarnationis debet esse aliquid creatum: sed Christus non est aliquid simpliciter creatum: igitur non est terminus totalis incarnationis. Major

apparet, quia omnis actio, quæ fit in tempore, productiva est alicujus temporanei: Incarnatio autem facta est in medio temporum: igitur terminus per eam productus temporaneus est: omne autem temporaneum creatum est, ac proinde terminus actionis incarnativæ est quid creatum. Minor etiam est vera: quippe cum Christus connotet naturam Divinam, quæ longè præstat humana, & suppositum Verbi, quod est infinitum, & increatum, etiam dici debet aliquid increatum; siquidem à nobiliori parte petitur denominatio, & consequenter alius est assignandus terminus totalis, & adequatus actionis incarnativæ, quam Christus.

Respondeo. terminum totalem, & adequatum considerari posse dupliciter: vel materialiter, & disjunctivè, ratione extremorum, ex quibus coalescit; vel formaliter, & copulativè, ratione conjunctionis, & unionis utriusque extremi. Priori modo, dici potest quid increatum, & creatum, æternum, & temporaneum, ratione scilicet naturæ humanæ, & divinæ, ac suppositi Verbi: posteriori verò simpliciter appellari potest quid creatum, quippe unio illa creata est, si creationis nomen latè usurpes, non quidem pro re, quæ nihil supponit, nam revera unio supponit naturam divinam, & humanam, sed quatenus significat actionem, per quam fit aliquid, quod antea non erat; Christus enim factus est in tempore per actionem unitivam Divinitatis cum humanitate in unitate personæ: unde cum compositum, seu terminus totalis alicujus unionis substantialis, non denominatur à partibus secundum se sumptis, sed ab earum unionem simul, ut constat exemplo hominis, qui dicitur mortalis, licet animam immortalem habeat: Christus absolute dici potest quid creatum, & temporaneum, quoniam unio Divinitatis cum humanitate, facta est in tempore; *increatum* enim dicit omnem negationem inceptionis, & definitionis, & proinde si terminus ille adequatus sic diceretur increatus in ratione termini, negaretur ista unio hypostatica facta fuisse in tempore, quod aperte falsum constat ex illo Joannis: *Verbum caro factum est*; necnon ex Symbolo, quo dicitur Christus conceptus de Spiritu sancto, natus ex Maria virgine, & homo factus.

Nec refert, quod nec Verbum, neque natura divina, quæ præcipuum in Christo locum

cum tenent, siquid increatum, & æternum: quippe ad hoc ut aliquod compositum dicatur factum formaliter, non est necesse, quod per actionem, ex qua resultat, producta fuerint extrema; sed sufficit, quod invicem fuerint copulata; si quis enim albedinem præexistente separatam uniret subiecto, verè produceret album, quamvis extrema ante unionem existissent: igitur licet per unionem humanitatis ad Verbum non fiat ipsum Verbum, nec ipsa natura divina, non minus propterea Christus resultans ex illa unione, dici debet productus, & temporaneus, quia extrema ista per actionem unitivam copulata sunt in tempore.

CONCLUSIO SECUNDA.

Incarnatio considerata, ut Communicatio substantiæ divinæ, habet pro termino personalitatem Verbi: ut Humanatio, seu Incarnatio, ejus terminus est humanitas: ut Unio, terminus ejus formalis est unio. Patent res hujus Conclusionis partes. *Prima* quidem, nam terminus formalis ad quem communicationis, est id quod communicatur: sed suppositum Verbi est id quod formaliter communicatur naturæ humanæ: igitur secundum hanc considerationem, suppositum Verbi est terminus formalis incarnationis. *Secunda* pars etiam fit clara, nam terminus formalis incarnationis, ut est humanatio, est id, quod in termino totali habet quasi rationem formæ: sed id à quo Christus habet formaliter, quod fit homo, est ipsa humanitas: ergo illa est terminus formalis. *Tertia* denique pars itidem constat, nempe quod unio sit terminus formalis productionis, nam terminus formalis actionis productivæ, ut talis, est id quod producit per ipsam actionem, sed id quod producit per unionem est ipsa unio: igitur illa est terminus formalis incarnationis, quatenus ipsa est unio naturæ divinæ cum humana.

Dices. Illud habet rationem termini formalis in incarnatione, quod maximè habet rationem formæ perfectivæ: sed Verbum Divinum habet rationem formæ perfectivæ, nam est actus terminans, & perficiens humanitatem, quæ est quasi materia terminata, & perfecta per personalitatem Verbi: igitur terminus formalis est ipsa Verbi personalitas.

Distinguo majorem. Quod habet rationem

formæ perfectivæ, in ratione communicationis, concedo: in ratione unionis, aut humanationis, nego: & similiter distinctè minore, nego consequentiam. Fateor quidem Verbum Divinum posse dici terminum formalem incarnationis, quatenus illa dicitur communicatio naturæ divinæ, & personalitatis Verbi, non verò quatenus est humanatio, aut productio.

Insuper, Verbum Divinum idem præstat, quod præstaret personalitas creata si adesset: sed si personalitas creata adesset, verè esset forma actus humanitatem, quatenus humanitas est: igitur Verbum est terminus formalis ipsius humanitatis, & consequenter incarnationis quatenus illa est humanatio.

Respondes, Incarnationem spectari posse, vel quatenus tendit ad esse personale præcisè, & formaliter, vel absolute quatenus tendit, ut Deus sit homo. Priori modo possumus dicere, quod personalitas est terminus formalis, quippe illa est, quæ dat esse personæ: at verò absolute, & quatenus per incarnationem Deus fit homo, personalitas præcisè dici nequit illius terminus formalis, quippe actionis creatæ, & mutationis, Verbum Divinum, æternum, & immutabile, non potest dici terminus formalis.

QUÆSTIO QUARTA.

Utrum Unio hypostatica sit immediata, & omnium Unionum maxima.

Notandum primò, unionem illam dici immediatam, qua duo aliqua invicem sociantur sine medio: nomine autem *medii*, hic intelligo, id sine quo pravius unum extremum non conjungeretur alteri. Duplex autem medium tale assignari potest: unum quidem intrinsecum, aliud autem extrinsecum. *Medium intrinsecum*, illud est, quo res aliqua intrinsecè copulatur cum alia, per unionem, scilicet substantialem, aut essentialem, & illud ut plurimum est pars aliqua, vel integralis, vel essentialis unius extremi: sic cor vel cerebrum in corpore humano, cum sit ratio unionis animæ cum illo, sine quo anima non uniretur corpori, dicitur medium intrinsecum. *Medium verò extrinsecum* est illud, quo scilicet extrema uniuntur duntaxat accidentaliter: sic qualitas disponens unum

unum extremum ad unionem: ejus cum altero, puta siccitas, vel calor ad introductionem formæ ignis ad subiectum, dicitur medium extrinsecum. Porro medium hoc extrinsecum est in duplici differentia: aliud enim dicitur *necessitatis*, quod ita necessarium est ad duorum aliquorum unionem, ut eo non posito, non sequatur unio, & eo sublato dissolvatur: sic calor natus in corpore humano est medium necessarium ad unionem, & conservationem animæ cum corpore: aliud verò dicitur medium *congruitatis*, sine quo absolute quidem fieri possit unio; attamen non deest illam fieri sine illo: talia sunt merita respectu unionis beatificæ creaturæ rationalis cum Deo per visionem, & fruitionem: Deus namque posset aliquem adultum beate sine meritis, non tamen id deest illius iustitiam, nec præscriptum à divina providentia ordinem, quo statuit beatitudinem largiri, vel ut hereditatem filiorum, vel ut mercedem laborantium, vel ut coronam vincientium.

Notandum secundò, ex seraphico Doctore in 3. dist. 6. q. 2. unionem posse considerari dupliciter. *Vel* quatenus duo conveniunt in natura; *vel* quatenus conveniunt in persona. Priori modo possumus asserere, quod talis unitas in Christo quodammodo est nulla, quodammodo est magna; quodammodo est parva, quodammodo est summa: si enim comparemus divinam naturam ad humanam, sic in Christo nulla est unitas naturæ, quia istæ duæ naturæ non possunt simul in unam concurrere naturam: si autem loquamur de natura Christi ex parte corporis, sic parva est unitas, propter partium multipliciter: si autem loquamur de unitate quantum ad animam, sic est in eo unitas magna propter animæ simplicitatem: si autem loquamur de eo quantum ad divinam naturam, sic summa est in eo unitas propter illius naturæ simplicitatem excellentissimam.

Si verò fiat sermo de unitate, qua aliqua dicuntur unum per convenientiam in persona; movetur controversia inter Auditores, an illa unitas sit omnium unionum maxima.

Notandum tertio, aliqua duo uniri in aliquo tertio dupliciter: *Primò*, tamquam in termino producto, & composito ex illis extremis, sic materia, & forma uniantur in

composito: *Secundò*, tamquam nexu, & vinculo communi: sic duæ tabulæ uniantur in glutine, & duæ partes quantitatis in termino communi. Priori modo, eo major est unio, & unitas, quò minis extrema distant inter se secundum entitatem, vel essentiam. Posteriori verò, eo major unio censenda est, quò nexus ille est simplicior, & indivisibilior, & sic magis uniantur duæ partes quantitatis in termino communi indivisibili, quàm duæ tabulæ in glutine. Quibus prælibatis, duo sunt determinanda: Primum quidem, an unio hypostatica sit immediata: Secundum, an sit omnium unionum maxima, cum ratione extremorum, quàm ratione vinculi.

CONCLUSIO PRIMA.

Unio hypostatica est immediata per exclusionem omnis medii extrinseci. Hæc colligitur ex iis, quæ diximus in præcedenti Articulo, in quo probavimus per unionem, seu actionem incarnativam nihil aliud produci, quàm relationem extrinsecis advenientem, quæ extrema dicuntur uniri formaliter.

Probat utriusque: Si quod medium esset in unionem naturæ divinæ cum humana, illud maxime inesset humanitati, hæc enim dumtaxat est susceptiva accidentis: sed ita non est. Probo. Si quod medium inesset humanitati antequam assumeretur à Verbo, illud fuisset vel gratia, vel aliquid aliud accedens: At non solum tale medium non inest humanitati, sed nec adesse potuit: igitur nullum fuit. Major patet. Minor probatur: Quod est de complemento substantiali naturæ creatæ, prius est in ea, quàm quodlibet accedens: sed suppositum Verbi, utpote gerens vices suppositi creati, est de complemento substantiali humanitatis assumptæ: ergo prius ipsi unitor, quàm quodlibet accedens recipiat. Major est certa: Siquidem prius est subiectum ali-quod esse completum in ratione subiecti, quàm sit susceptivum cuiusvis accidentis; non completur autem substantia in ratione subiecti, nisi habeat suum complementum substantiale.

Dices 1. Materia, & forma non uniantur sine præviis dispositionibus, quæ sunt media extrinsecæ: ergo pariter desiderantur aliquæ dispositiones ex parte humanitatis, ut fiat apta ad unionem hypostaticam.

Nego paritatem; siquidem in humanitate unienda cum Verbo, non sunt dispositiones contrariæ, quæ debeant expelli per qualitates contrarias; uti sunt in materia informata forma aquæ, vel ligni, v. g. respectu formæ ignis suscipiendæ. Nulla enim est repugnantia ex parte humanitatis, ut terminetur per Verbi personalitatem: nam si quid esset repugnantie, maximè propria personalitas, quæ cum non adsit, non potest officere isti unioni hypostaticæ.

Dices 2. Ad unionem beatificam animæ cum Deo, prærequiritur in anima aliquod medium extrinsecum; puta lumen gloriæ in intellectu, & habitus charitatis consummatæ in voluntate; igitur pari ratione requiritur aliquod medium extrinsecum ad unionem hypostaticam ex parte naturæ assumptæ, quæ cum fiat illius unionis, & assumptionis.

Nego paritatem: Quia unio beatifica fit per operationem facultatum intellectus, ac voluntatis, ad quam operationem necessarii prærequiritur, quod facultates illæ sint completæ in ratione operantis, & proportionatæ objecto supernaturali; quales esse nequeunt absque medio accidente eas facultates complemente in actu primo, & sublimante ad statum supernaturalem: Tale autem medium non requiritur ex parte naturæ assumptæ; sed satis est, quod illa sit in potentia obedienciali respectu Verbi illam assumptis: si enim prærequireretur aliquod accidens supernaturale, quo sisteretur in statu supernaturali, & proximè apto ad illam assumptionem, daretur processus in infinitum; siquidem ad illud medium naturale recipiendum, præparari deberet per aliud medium, quod utique nullus admiserit.

CONCLUSIO SECUNDA.

Unio hypostatica ex parte extremorum unitorum, non est omnium maxima: talis vero potest appellari ratione vinculi, seu suppositi Verbi, per quod naturæ illæ invicem sociantur. Hæc est communis quoad utramque partem. Utramque docet Doctor in 3. dist. 6. n. o. q. 1. ubi respondens ad auctoritatem S. Bernardi docentis unionem hypostaticam esse omnium maximam, ait primo: *Hic non est maxima unitas: quia maxima est hic distinctio naturarum. Secundo modo potest concedi maxima unitas post unitatem Tri-*

nitatis, quia una ipsa in se unitas est perfectissima, quia unum est infinitum, & alterum est substantia perfecta in se, & ex unione ejus ad reliquum est perfectissimum per communicationem idiomatum, quia est Deus.

Quibus Doctor dicit primò, illam unionem non esse omnium maximam ratione extremorum; quia tantò minor est unio aliqua ex parte extremorum, quantò magis extrema illa distant ab invicem; ideo enim minor est unio accidentis, & subiecti, quàm materiæ, & formæ, quia subiectum, & accidens magis distant, & minorem habent proportionem, quàm materia, & forma: sed natura divina, & humana minorem ad invicem habent proportionem; quippe cum nullam habeant inclinationem ad unionem hypostaticam, & magis invicem dissent, quàm materia, & forma: igitur hæc ratione unio hypostatica non est maxima, & strictissima omnium unionum.

Deinde, unio illa est eò minor, quod extrema illius magis recedunt ab identitate, & unitate: sed natura divina, & humana magis recedunt ab identitate, & unitate in Christo, quàm materia, & forma in composito physico: quippe duæ illæ naturæ omnino distinctæ secundum suam entitatem distinctas habent facultates, & proprietates in Christo: non sic autem materia, & forma, quæ in tertiam entitatem coalescunt.

Denique, unio illa est minor, quæ facit extrema inter se minùs unita: at hæc unio facit extrema sua, divinam scilicet naturam, & humanam, minùs unita inter se, quàm unio substantiæ cum sua propria subsistentia, quia in hac, extrema sunt quasi eadem inter se realiter; in illa verò sunt omnino realiter distincta inter se: igitur unio hypostatica ratione extremorum non est omnium maxima.

Secundam partem sic probat seraphicus Doctor supra laudatus: Nempe, quod unio hypostatica ratione personæ in qua duæ naturæ, divina, & humana conveniunt, sit omnium maxima. Probat, inquam, quadruplici ratione. Videlicet propter illius personæ simplicitatem, quia unio est in persona Verbi, quæ quidem est simplicissima. 2. Propter unitatem dignitatem, quia tam natura assumens, quàm assumpta, inter cetera, quæ sunt, habet excellentiam. 3. propter inseparabilitatem, quia tantum vinculo

lux-

fortificata est illarum naturarum unio, ut numquam fiat, nec possit fieri separatio; natura enim illa inter ceteras naturas adhæsit æterno Verbo, quo portatur, & sustentatur omne, quod est sub eo. 4. denique propter singularitatem, quia numquam illa unio fuit huic similis. Quod utique confirmat S. Bernardus lib. 5. de Consideratione cap. 8. ubi cum novem recensisset modos unionis, concludit unionem Trinitatis maximam esse, & illi proximam adungi unionem incarnationis: *Inter omnia, inquit, quæ rectè unum dicuntur, arcem tenet unitas Trinitatis; quæ personæ tres una substantia sunt: secundo loco illa præcellit, quæ è converso tres substantiæ una in Christi persona sunt.* Quare idem Bernardus subiungens asserit fortioiorem fuisse Divinitatem in coniungenda sibi carne, quam animam corpori, quia anima separatur à carne per mortem, non sic caro à Christi divinitate per passionem, quod enim Verbum semel assumpsit, numquam dimisit. Hinc S. Leo serm. 17. de Pass. *In tantam unitatem Dei, quæ hominis natura convenit, ut nec supplicio potuerit dirimi, nec morte disjungi.*

Dices 1. Quæ maximè distant, sunt minimè unibilia, & quæ minimè sunt unibilia, minimè faciunt unum: sed divinitas, & humanitas maximè distant: ergo minimè sunt unibiles, & consequenter unio, quæ est in Christo, est in infimo gradu omnium unionum.

Distinguo maiorem: Quæ maximè distant, tam secundum entitatem, quam secundum influentiam, erunt minimè unibilia, concedo: secundum entitatem dumtaxat, nego: Ad minorem, dico Deum equidè infinitè distare à creatura secundum essentiam; non tamen secundum influentiam, & creaturæ sustentationem; nam hac ratione maximè ipsi approximat, & ideo maximè potest esse unitas inter Creatorem, & creaturam, secundum rationem sustentantis, qualis est in unione personali.

Dices 2. Quanto aliquid ex paucioribus constat, tantò magis est unum: sed in Christo reperitur major naturarum pluralitas, quam in quolibet alio ente, sive creato, sive increato: ergo in eo minor est unitas, quam in cæteris entibus.

Distinguo maiorem: Tantò magis est unum unione, quæ fit per partium compositionem, & constitutionem, concedo: aliter, nego: Unitas autem quæ est in Christo, ex

naturarum compositione, & partium constitutione non resultat; sed tantum ex earum sustentatione per idem indivisibile, & simplicissimum suppositum Verbi; & subinde Christi unitas non est minima.

Dices 3. Magis est unum, quod est unum in natura, & persona, quam quod in persona tantum; sed quilibet homo habet unitatem in natura, & persona: Christus autem habet unitatem in natura tantum: ergo maior unitatis perfectio est in quolibet homine, quam in Christo.

Distinguo maiorem: Seraphicus Doctor: Quando unitas personæ sequitur unitatem naturæ, concedit; tunc enim compositio in natura facit etiam compositionem in persona: secus, negat: In Christo autem unitas personæ antecedit unitatem naturæ assumptæ: hinc nullam inducit compositionem naturæ assumptæ cum Verbo assumente, saltim compositionem propriè dictam, & perfectam, ut diximus supra.

SECTIO SECUNDA.

De Persona assumente.

Constantissimum est apud Catholicos, ex divinis personis solam filii personam humanitatem assumpsisse, ut apparet non solum definitione Conciliorum, maximè quintæ Synodi Collatione 8. Canone 14. & Concilii Lateranensis sub Martino I. in definitione Fidei, Canone quarto, & alterius ejusdem nominis sub Innocentio III. capite firmiter, &c. sed etiam apertè colligitur ex omnibus Scripturæ locis, in quibus Dei Filius specialiter dicitur incarnatus, à Patre nobis datus, & pro nobis morti traditus; quæ de Patre, aut de Spiritu sancto pari ratione non efficerentur, quòd haud dubie Deus in omnibus ad salutem nostram providendam silentio non dedisset, etsi Pater, aut Spiritus sanctus, eadem ratione, qua Filius, humanitatem assumpsissent. Hinc merito dictum est anathema hæreticis dictis Patripassianis, qui, ut refert Socrates lib. 2. cap. 19. totam Trinitatem incarnatam fuisse dicebant; adversus quem denuò suscitatum errorem acerrimè pugnavit S. Anselmus libro de Incarnatione, quem cum ob finem scripsit. Non est igitur cur diutius immoremur in hac probanda constanti veritate, hæc ideo quatuor dumtaxat proponimus hic in Sectione

ne quæstiones, quarum *Prima* aperiet qualiter totus Filius humanam naturam assumpsit, & terminaverit; *Secunda*, utrum tres Divinæ Personæ simul assumere possint unam naturam, & plures naturæ ab eadem persona assumi: *Tertia*, an Deus, seu natura divina, ut communis tribus personis ratione subsistentiæ absolutæ, possit alienam naturam assumere, illique immediate uniti: *Quarta* denique, an persona creata, saltem de potentia Dei extraordinaria, possit terminare naturam alienam.

QUESTIO PRIMA.

Qualiter, & per quid Verbum Divinum naturam humanam terminaverit, & assumpsit.

Notandum primò, quòd etsi convenient omnes Theologi, solam secundam sanctissimæ Trinitatis Personam humanitatem assumpsisse, eamque hypostaticè terminare ut quod, nihilominus controversuntur invicem de ratione formali primaria, per quam Verbum primò, & formaliter humanitatem terminat; an videlicet per subsistentiam absolutam, & communem tribus divinis personis, vel per relativam personalem, ac propriam; diximus enim in tractatu de Trinitate, in Deo tres esse subsistentias relativas, quibus divinæ personæ inesse personali constituuntur, & ab invicem realiter distinguuntur. Diximus pariter, præter illas subsistentias relativas, & incommunicabiles, dari in Deo secundum se considerato, & ut præintellecto ad personas, subsistentiam absolutam, & personalem, per quam natura divina per se subsistit, non quidem incommunicabiliter, eo modo quo personæ, sed communicabiliter, ut ipsamet essentia: quia Deus, ut præintellectus relationibus, ac personis, operatur ut quod, nam dicitur, Deus creat, gubernat, conservat: unde cum operationes non sint nisi subsistentium, Deus, ut sic consideratus debet habere subsistentiam.

Notandum secundò, naturæ divinæ aliquo modo convenire rationem assumendi; ita namque docent plurimi ex sanctis Patribus. Augustinus lib. I. de Trinitate, *Forma*, inquit, *Dei assumpti naturam servit*, ubi nomine *formæ* naturam significat. S. Leo sermone 5. de Nativitate: *Salva igitur proprietate utriusque substantiæ, & in unam coeuntes per-*

sonam, suscipitur Majestate humilitas, avolvitur infirmitas, ab æternitate mortalitas: Et ad rependendum nostræ conditionis debitum, natura inviolabilis naturæ est unita possibilis. Deusque vocat, *Et homo verus in unitatem Domini temperatur, ut quod nostris remediis congruebat, unus, atque idem Dei, hominunque Mediator, Et mori posset ex uno, Et resurgere ex altero.* S. Damascenus lib. 3. cap. 6. *Dicimus naturam Dei incarnatam esse secundum SS. Athanasium, & Cyrillum.* Cum autem assumptio naturæ duos significet, nempe principium actionis, & ejus terminum: conveniunt Theologi, naturæ divinæ secundum seipsam convenire, esse principium radicale, & remotum assumptionis humanitatis; quippe ex ea tamquam ex radice oritur tota vis proxima, & immediata terminandi, quæ reperitur in subsistentia relativæ Verbi Divini, quia essentia divina secundum suam subsistentiam absolutam est radix, & principium ipsius personalitatis Verbi. Sed difficultas est, an etiam ipsi subsistentiæ absolutæ, propriæ, & immediate conveniat terminare humanitatem assumptam, circa cujus difficultatis resolutionem variant Theologi.

Notandum enim 3. Triplicem maxime assignari capitalem Theologorum sententiam, circa præsentis difficultatis resolutionem: *Prima* est Durandi in 3. diff. 1. q. 2. contendens unionem hypostaticam immediate factam esse ad subsistentiam absolutam Dei, & primam rationem terminandi unionem, esse subsistentiam, non relativam, & personalem Verbi, sed essentialem, & absolutam divinæ naturæ: cui ex parte subscribunt Capreolus in 3. diff. 1. q. 1. Marsilius in 1. q. 2. art. 1. Franciscus Victoria, ac Dominicus Soto, docentes Verbum terminare unionem humanitatis ratione subsistentiæ absolutæ, non præcisè sumptæ, sed ut modificatæ proprietate relativæ Filii: ita quòd subsistentia absoluta sit ratio formalis terminandi, ipsa verò relatio seu personalitas Verbi, solum conditio sine qua non: eo proportionali modo quo potentia generativa in Patre constituitur per Essentiam Divinam, quæ tamen requirit tamquam conditionem, relationem Paternitatis, per quam modificatur. *Secunda* verò sententia negat rationem terminandi esse proprietatem relativam vel absolutam, sed, ut ita dicam, totam entitatem Verbi, quæ utramque rationem includit. Ita docet

Ocha-

Ochamus in 3. qu. 1. art. 2. cui aliquatenus consentit Gabriel *diff.* 1. notabili 5. Tertia tandem est omnium aliorum Theologorum principum, Alex. Alensis 3. p. qu. 4. membr. 1. Sancti Bonaventuræ in 3. *diff.* 1. art. 1. qu. 2. Sancti Thomæ 3. p. qu. 3. art. 2. Doctoris subtilis *diff.* 1. qu. 5. & omnium eorum Discipulorum, quibus ut subscribamus, sit

CONCLUSIO PRIMA.

Ratio formalis proxima, & immediata per quam Verbum Divinum terminat humanitatem, non est substantia absoluta, & communis; sed relativa, & personalis.

Probatur primò auctoritate Concilii Toletani sexti, & undecimi in confessione fidei cum his verbis, *Incarnationem Filii tota Trinitas operata est, quia inseparabilia sunt opera Trinitatis: solus tamen Filius formam servati accepit in singularitate persona, non in unitate divine nature, in id quod proprium est Filii, non quod Trinitati commune: Sed si humanitas primò fuisset unita substantiæ absolutæ, reverà Filius suscepisset humanitatem in id quod commune est Trinitati, quippe talis substantia absoluta, sicut & Essentia Divina, tribus personis communis est: igitur secundum definitionem Concilii asserendum est humanitatem non fuisse immediatè unitam substantiæ absolutæ, & communi, sed relativæ, & personali per quam Filius constituitur in esse personæ, & distinguitur à Patre, & Spiritu sancto.*

Confirmatur ex 6. Synodo generali actione 8. ubi sub finem dicitur solum Verbum esse Incarnatum, Quia Pater, & Spiritus sanctus nihil in incarnatione habent commune, nisi benignissimam voluntatem: at si humanitas unita fuisset immediatè substantiæ Dei absolutæ, & communi, Pater, & Spiritus sanctus communicassent cum Filio non solum in voluntate, & in omni operatione, sed etiam in terminatione humanitatis; siquidem terminatio illa tribus personis fuisset communis. Igitur juxta sententiam Concilii, humanitas non fuit primariò, & immediatè unita substantiæ communi, & absolutæ, sed substantiæ relativæ, & personali Verbi.

Probatur secundò auctoritate sanctorum Patrum; & imprimis S. Dionysii lib. de divinis nominibus cap. 2. cujus testimonium *Fraffen Theol. Tom. VII.*

laudatur in Synodo mox dicta: ait enim, *Discretum est autem in divinis operibus in nobis benè manentibus, quod secundum nos atque ex nobis integre, & verè substantiam sumpsit supersubstantiale Verbum; eoque gessit, & per tulit quæ sunt humana ipsius assumptionis electa, atque præcipua: his enim neque Pater, neque Spiritus ulla ratione communicant, nisi forte quis asserat, benignitate, clementiaque, & communicatione voluntatis, atque in omni supereminentiissima, & ineffabili operatione divina, per quam homo pro nobis factus immutabilis, profecto Deus, & Dei Verbum, illos quoque accessisse consortes. Eandem sententiam ab ipso desumptam profert S. Damascenus lib. 3. de fide, cap. 6. At si humanitas non tantum fuit unita Verbo Dei ratione proprietatis personalis, sed etiam ratione communis substantiæ, idque primariò, ut opinatur Durandus, non sola voluntate, & efficacitate sua, sed etiam aliquomodo unionis realis, Pater, & Spiritus sanctus communicassent mysterio Incarnationis: quod aperte negat S. Dionysius. Igitur &c.*

His ad stipulatur S. Anselmus lib. de Incarnatione cap. 4. ubi disputans contra quosdam quid dicebant, incarnato Filio Dei, necesse fuisse incarnari Patrem, & Spiritum sanctum, nisi persona distingueretur a natura realiter; ait: *Qui rectè suscipit eius Incarnationem, credit cum non assumpsisse hominem in unitatem nature, sed in unitatem persone: hic autem (nempe ille contra quem scribebat) somniat, hominem à Filio Dei magis esse assumptum in nature unitatem quam in persone unitatem; scienim hoc opinaretur, non diceret, magis esse necessarium Patrem cum Filio incarnatum, quàm esse possibile illum simul non esse incarnatum quia plures sunt persone.* Quibus aperte concludit Anselmus unionem nature humanæ factam fuisse in eo, quod proprium est uni personæ, ne cogamur asserere factam fuisse in natura, ac proinde cum omnibus personis.

Ex his auctoritatibus conclusionem etiam ratione evinco, quam subtilis Doctor n. g. sic expendit. Si proprietas personalis non sit ratio terminandi immediatè naturam assumptam, id præstabit absoluta Dei substantia: sed falsum consequens, ergo & antecedens. Major constet, siquidem duplicis dumtaxat generis in Deo est substantia: videlicet absoluta ac essentialis, & relativa ac personalis. Minor probatur.

K

Si

Si ratio formalis, & proxima per quam Verbum terminat humanitatem, esset Dei substantia absoluta, sequeretur tres personarum sanctissimæ Trinitatis terminare unionem naturæ humanæ, ac proinde dici posse incarnatas; sed hoc militat in fidem, & definitionem Conciliorum ac doctrinam SS. Patrum: igitur &c. Probat sequela maioris. Illud terminat formaliter, in quo est ratio formalis terminandi: Suppositum enim Verbi non terminat, nisi quia habet rationem formalem terminandi: sicut non creat, nisi quia convenit ei formaliter ratio creandi, &c. Sed substantia absoluta est formaliter in tribus personis; siquidem unaquæque earum est formaliter Deus: ergo si illa ratio formalis, & proxima terminandi unionem humanitatis, sit ipsa substantia essentialis quæ est formaliter in tribus personis, etiam in eis erit ratio formalis terminandi; ac proinde humanitatem assumptam terminabunt; igitur cum incarnari nihil sit aliud, quam terminare naturam assumptam; tres personæ reverà dici poterunt incarnatæ, quod est absurdum.

Confirmatur; Ideo persona Filius est immediate unita naturæ humanæ, quia in illa datur ratio hypostaticè terminandi immediate naturam humanam: sed si illa ratio terminandi immediate sit substantia absoluta, ut vult Durandus; cum hæc conveniat omnibus personis ex æquo, nam absoluta, & essentialia communia sunt toti Trinitati, consequens est quod non minus Pater, & Spiritus sanctus dicendi sint homo, quam Verbum; quippe tam Pater, & Spiritus sanctus habent rationem formalem terminandi naturam assumptam, quam ipse Filius.

Reponit Durandus consequentiam non valere. Ut enim, inquit, personæ dicantur incarnatæ, seu humanitati substantialiter unitæ, requiritur duplex unio ipsius humanitatis: *Prima* quidem ad substantiam absolutam, & communem: *Secunda* verò, ad proprietatem personalem, & relativam: unde cum humanitas Verbo unita fuerit, non solum secundum substantiam absolutam, & communem, sed etiam secundum proprietatem relativam, & personalem, aliis verò personis dumtaxat uniatur secundum substantiam absolutam, & communem; hinc est, quod solus Filius dici possit incarnatus, non verò Pater, aut Spiritus sanctus.

Contra. Id quod convenit naturæ divinæ secundum se, & ratione sui, tribus etiam divinis personis convenit, & de ipsis prædicatur: ergo si divinæ naturæ conveniat primariò, & per se terminare humanitatem, quatenus est communis tribus personis, id ipsum ipsis personis ex æquo convenit. Antecedens constat; quoniam enim creare convenit naturæ divinæ, quatenus est hic Deus, etiam ex æquo convenit tribus personis.

Deinde: Assumptio humanitatis sumpta activè, seu pro principio unionis naturæ divinæ cum humana, indivisim convenit tribus personis, quia primariò, & per se convenit Deo, quatenus est hic Deus subsistens substantia absoluta: ergo si terminare immediate naturam divinam ita competat primariò naturæ divinæ, simili ratione convenit tribus personis.

Denique: Inauditum est duas admittere uniones in Christo. Unam mediatam, qua humanitas unitur proprietati personali Verbi Divini: alteram immediatam, qua ipsa humanitas naturæ divinæ sociatur: atque ex hypothesi, quod unio fiat immediate in essentia divina, seu substantia absoluta, erit duplex unio, altera in essentia, altera in personalitate Verbi divini: ergo &c. Major constat: Si quidem hujus duplicis unionis, quam gratis fingit Durandus, nulla sit mentio nec apud sanctos Patres, nec apud Concilia: imò constantissime patet ex eis, unicam dumtaxat in Christo esse unionem, qua humanitas Verbo, & Essentia divinæ sociatur.

Reponit, idem argumentum in nos militare; nam si humanitas primariò terminetur ad Verbum, & secundariò ad naturam divinam, admittenda erit duplex unio; altera primaria inter humanitatem, & personalitatem Verbi; altera verò secundaria, ipsius humanitatis ad naturam divinam: igitur in nostram sententiam militamus.

Nego antecedens: Nam quando statuimus primariò humanitatem terminari personalitate Verbi, & secundariò natura divina, in hoc non distinguimus duplicem unionem, sed unicam dumtaxat. Dicendo enim, quod natura divina sit secundus terminus, non intelligimus, quod sit aliqua unio terminata primariò ad personalitatem Verbi, & alia media, quæ secundariò terminetur ad naturam; sed dumtaxat, quod eadem promissa unio duplicem habeat terminum: unum qui-

quidem immediatum, nempe personalitatem Verbi: alterum verò mediatum, putà naturam divinam: qua ratione similitudo inter duo alba primariò terminatur ad albedinem, seu concretum albi; secundariò autem ad substantiam, cui albedo inest.

CONCLUSIO SECUNDA.

Verbum divinum non terminat humanitatem immediatè per substantiam absolutam, ut modificatam per suam proprietatem personalem tamquam per conditionem sine qua non. Ita Doctor *ibidem* num. 6. quam utique veritatem sic probat: nullum suppositum potest esse conditio requisita ad hoc, ut Essentia divina sit in ipso ratio formalis proxima, & immediata ad aliquid præstandum, ita quòd non sit ejusmodi in aliis suppositis, nisi quia illud suppositum, in quo habet, quòd formalis ratio formalis, præcedit terminum, ad quem producendum, vel acquirendum ipsa ratio formalis ordinatur. V.g. suppositum Patris non esset conditio requisita ad hoc, ut Essentia divina esset in eo ratio formalis, & actualis generandi Verbum, nisi quia suppositum Patris præcedit origine terminum istius divinæ generationis, scilicet Verbum: sed quælibet divina persona præcedit unionem hypostaticam: Ergo si Essentia divina sit in aliquo supposito ratio formalis terminandi, erit similiter in aliis duobus suppositis divinis.

Maïor constat, quia idèò Pater, & Filius spirant Spiritum sanctum, & spiratio activa, quæ sit per voluntatem tamquam per principium formale quo, procedit ab utroque; quia voluntas est in utroque prius origine, quàm Pater, & Filius habent relationem ad Spiritum sanctum, & sic in eis ratio formalis spirandi, præcedit originem terminum productum, & è contra licet per circumcessionem vis generativa sit in Filio, & spirativa in Spiritu sancto, tamen neque Filius generat, neque Spiritus spirat, quia ratio formalis generandi, & spirandi non concipitur esse in eis antequam terminus generationis, & spirationis activæ concipiantur producti. Ideo autem tres personæ indivisim creant, & operantur ad extra, quia scilicet omnipotentia, quæ est ratio formalis producendi, & principium agendi ad extra, est ex æquo in tribus personis antequam fiat illa productio, & terminus producendus exiliat: ergo à simili, cum ra-

tio formalis substantiæ divinæ sit in tribus divinis personis antequam fiat assumptio humanitatis, si illa sit ratio immediata terminandi talem assumptionem, etiam ex æquo tribus personis convenit.

Deinde, si Filius terminaret humanitatem, non per propriam, & personalem substantiam, sed per absolutam, & communem: ut appropriatam Verbo, non posset persona Verbi, ut distinguitur à Patre, & Spiritu sancto, dici terminare humanitatem: sed hoc est erroneum, & damnatum in Concilio Toletano III. suprà laudato, ubi dicitur, quòd solus Filius assumpsit humanitatem in eo, quod est proprium Filii: ergo &c. Sequela maioris patet: quia enim virtus creandi, v. gr. communis est tribus personis, non potest Filius per illam virtutem sibi appropriatam, seu ad se determinatam per relationem filiationis, aliquid producere, quin idipsum producat Pater, & Spiritus sanctus: ergo cum substantia absoluta sit communis tribus personis, non poterit Filius per illam specialiter terminare humanitatem quantumvis ad se sit modificata, & determinata per substantiam personalem.

Denique, si Verbum divinum dumtaxat terminaret humanitatem per substantiam absolutam, modificatam per suam substantiam personalem, sequeretur, quòd humanitati assumptæ non communicaret personalitatem propriam, sed dumtaxat substantiam communem, & absolutam. Probatur. Idcirco Pater communicando essentiam Filio, non communicat ipsi paternitatem, quia essentia, in qua est primaria vis generandi, tantum requirit Paternitatem, ut conditionem sine qua non fieret generatio divina: ergo à simili si ratio formalis, & proxima terminandi humanitatem in Filio sit substantia absoluta, & proprietates, seu relationes personales Filii solum interveniat tamquam conditio, consequens erit, quòd Filius communicabit humanitati dumtaxat substantiam absolutam, non verò personalem.

Dicitur 1. Per illam rationem convenit Verbo terminare formaliter unionem hypostaticam, per quam virtualiter continetur perfectio terminus suppositi creati, & capax est terminare potentiam obedientialem creaturæ: sed hæc ipsi conveniunt ratione substantiæ absolute: non verò personalis: igitur Verbum primariò terminat

per substantiam absolutam, non verò per relativam.

Nego majorem Doctor, quia ut diximus aliàs ex ipso, ratio formalis terminativa in Verbo non petitur ex continencia virtuali; sed dumtaxat ex independentia in ratione suppositi; quippe Verbum divinum non terminat humanitatem per modum causæ efficientis, & productus, sed dumtaxat per modum suppositi terminantis, cui virtus terminativa competit præcisè, quia in se, & ex se habet rationem suppositi omnino independentis.

Dices. Per illud divinæ personæ convenit esse terminum assumptionis naturæ humanæ, per quod ei competit subsistere: atqui convenit personæ divinæ subsistere per substantiam absolutam, non verò per relativam: ergo Verbum terminat humanitatem primariò, & immediatè per substantiam absolutam.

Distinguo majorem: Per quod convenit ei subsistere essentialiter, nego: personaliter, concedo; per id enim terminatur humana natura, per quod ultimò constituitur in esse personæ: similiter distincta minore, nego consequentiam.

Dices 3. Personalitas Verbi est, quid idem cum natura divina: ergo non magis immediatè terminat humanitatem per substantiam propriam, quam per substantiam communem, & absolutam.

Distinguo antecedens: Idem est realiter, concedo: formaliter, nego: unde neganda est consequentia: sicut enim distinctio formalis, quæ est inter paternitatem, & Essentialitatem divinam, sufficit ut Essentialitas communicetur Filio, non communicata personalitate: ita formalis distinctio filiationis à natura divina est sufficiens, ut filiatio immediatè terminet humanitatem, licet eadem immediate Essentialitas divina non terminet.

Dices 4. Ex unione immediata humanitatis cum divinitate non sequitur unio personalis cum tribus divinis personis, nec consequenter tres divinas personas esse incarnatas: ergo nulla est ratio, quæ maximè duæ præcedentes conclusiones stabiliantur. Consequentia patet. Antecedens probatur: Quia si hoc sequeretur, maximè vel ratione connexionis personarum in una Essentialitate, vel ex habitu dine personarum inter se: At non primum, quia personæ divinæ sunt unæ in Essentialitate, & tamen una non est

alia, nec in alia, nisi ratione Essentialitatis. Non etiam secundum, quia illa habitudo est oppositionis, seu distinctionis, quia una persona distinguitur ab alia, quia ipsi relativi opponitur; hæc autem habitudo potius arguit naturam humanam uniri posse uni personæ, & non alteri: igitur &c.

Nego antecedens: Inde namque reverà sequitur naturam humanam uniri substantialiter tribus personis; quia uniretur illis in vinculo communi substantiali, scilicet substantia; unde etiam sequeretur tres personas esse incarnatas, quia tres personæ sunt unus Deus, quippe ununtur in una Essentialitate, ut in communi vinculo, licet una non sit alia, nec in alia nisi ratione Essentialitatis. Quocirca sicut tres personæ sunt unus Deus, quia ununtur in una Essentialitate divina communi: sic tres personæ essent homo, quia unirentur in humanitate assumpta ad Essentialitatem, & existentiam communem.

Nec valet paritas unionis relationum divinarum cum Essentialitate divina, quia idcirco personæ divinæ propter illam unionem non sunt idem, quia Essentialitas divina cum illis relationibus non habet oppositionem, & ideo cum ipsis potest identificari, illæ verò relationes invicem opponuntur, & propterea constituunt distinctas personas. Cum ergo humanitas oppositionem cum proprietatibus relativis non habeat, rectè insertur, quòd si immediatè uniretur substantiæ absolutæ, & communi, etiam uniretur saltem mediatè tribus personis.

Dices denique. Quando Verbum divinum assumpsit humanitatem, vel illi tribuit esse absolutum, & Essentialitatem; vel dumtaxat esse relativum: Si primum, ergo per substantiam absolutam; nam absolutum, & Essentialitatem non potest tribui per relativum: posterius autem dici nequit, quia persona humana est quid absolutum; & subinde non poterat suppleri per aliquid respectivum.

Respondet, Verbum divinum tribuisse humanitati substantiam suam relativam; nec id officere: quippe humanitas quidem subsistit absolute, quando habet propriam substantiam, non verò quando habet alienam; tunc enim induit rationem ipsius substantiæ sibi communicatæ: unde persona Christi dici posset relativa; quia persona illa non aliud est, quam filiatio, quæ formaliter est relatio.

QUÆSTIO SECUNDA.

Utrum subsistentia Dei absoluta, & communis tribus Personis, possit naturam humanam assumere, illique immediatè uniri.

Notandum primò, certum esse, quòd si Deus non esset trinus in Personis, sed in unica dumtaxat persona existens, uti existimant Judæi, & alii infideles, qui mysterium Trinitatis negant, posset alienam naturam assumere; illique immediatè uniri; nam in ea hypothèsi haberet omnipotentiam, necnon & personalitatem absolutam, qua constitueretur in ratione personæ: quæ cum esset infinita in subsistendo, & terminando, haberet vim terminandi, & subsistendi id omne, quod sustentabile, & terminabile est, quia non esset minor illius virtus in terminando, quàm sit modò in personalitate, & subsistentia relativa Verbi, cujus infinita virtus terminativa procedit à subsistentia absoluta, tamquam à prima radice, quæ imbibitur in subsistentiis relativis, & constitutivis divinarum personarum. Solum ergo difficultas, & controversia est inter Theologos, an subsistentia absoluta, qua individuum Deitatis, seu hic numero Deus, qui subsistit in tribus personis, quatenus præcindit à subsistentiis relativis, posset assumere naturam humanam, & ipsi immediatè uniri. Quæ ut evidentius dissolvatur,

Notandum secundò, duplicis generis in Deo subsistentiam admitti: unam quidem absolutam, & communem; alias verò relativam, & personales; quales sunt subsistentiæ Patris, Filii, & Spiritus sancti. De posterioribus subsistentiis nulla est controversia apud Theologos, cum enim sit de fide tres divinas personas realiter ab invicem esse distinctas, consequens est, ut earum quilibet habeat propriam subsistentiam, per quam in suo esse personali constituatur, & ab alia distinguatur. Verum nonnulli Theologi negant in Deo subsistentiam aliquam absolutam, & communem, quæ naturæ divinæ ita conveniat, ut reverà illam efficiat per se subsistentem, quatenus præcindit à personis divinis. Porro nobilior, ac communior Theologorum sententia est, illum subsistentiam absolutam esse admittendam, ut probavimus in tract. de Trinitate, siquidem per subsistentiam absolutam

Fraffen Theol. Tom. VII.

nihil aliud intelligimus, quàm modum illum essentiae divinæ, quo ut præcindit à personis, est substantia completa per se existens, hoc est independentè à subiecto, à quo sustentetur, & ab aliqua parte, à qua compleatur, necnon incommunicabilis ulli extrinseco complemento à se realiter distincto: At nemo negare potest naturam divinam, ut præcindit à personis, esse substantiam completam per se existentem, & incommunicabilem ulli extrinseco complemento à se realiter distincto: igitur non debet esse dubium, quin detur id quod intelligimus per nomen *subsistentia absoluta*. Quo etiam nomine eam designat S. Augustinus lib. 7. de Trinit. cap. 4. dum dicit: *Divinam naturam ad se subsistere* (id est subsistentia absoluta subsistere:) *Nam omnis*, inquit, *substantia ad se ipsam existit, quantum magis Deus?* Hinc Agatho Papa in Epistola decretali, quæ habetur 6. Synodo art. 4. ait: *Confitemur Deum Patrem, Deum Filium, Deum Spiritum sanctum, non tres Deos, sed unum Deum; non trinum nomen subsistentiam, sed trinum subsistentiarum unam substantiam*, quibus verbis non negat subsistentiam relativam, & personalem, de qua maxime tunc temporis erat controversia.

Notandum teritiò, duo posse considerari, & distinguui in subsistentia creata: Unum quod compleat ipsam naturam, quæ sine personalitate esset incompleta, & imperfecta: alterum quod ipsam reddat incommunicabilem ulterius: ita quòd sit ultimus ipsius naturæ terminus: quæ duo ita conjunguntur in creatis, ut nihil creatum possit causare unum, quin alterum etiam efficiat. Secus autem est in divinis, nam essentia divina, ut præintellecta divinis personis, cum sit infinita, est omnimodè completa in ratione naturæ, non tamen est incommunicabilis; quippe tribus adorandis personis communicatur; unde subsistentia absoluta divinam quidem naturam significat completam, & infinitè perfectam; redditur autem personaliter incommunicabilis per subsistentias relativam, ac personales: Unde merito Doctor in 3. d. 5. q. 1. m. 2. ait, quòd si de ratione assumptis sit, quòd efficiat naturam incommunicabilem, Deus per subsistentiam suam absolutam non potest esse terminus naturæ humanæ, nec eam assumere immediatè, quippe cum per illam subsistentiam non possit eam reddere incommunicabilem: igitur tantum remanet solvenda difficultas,

K 3 an

an Deus per illam absolutam subsistentiam possit ita immediatè assumere naturam humanam, ut ejus terminet dependentiam quoad sustentationem, camque perfectè completam efficiat.

CONCLUSIO UNICA.

Natura Divina, ut præcendit à personis, & subsistit subsistentia absoluta, potest terminare dependentiam naturæ creatæ: eamque reddere subsistentem. Ita Doctor locomox laudato, & dist. 1. q. 2. n. 6. ubi ait: Quòd autem ipsa essentia per se existens possit esse terminus proximus illius unionis, videtur, quia illa nullum habet esse à persona, sed est prius naturaliter, quàm sit persona, & dat esse personæ; est enim natura de se hæc, & per se subsistens: licet non incommunicabiliter. Videtur autem, quòd incommunicabilitas non sit necessariò ratio propria terminandi istam dependentiam, sed subsistentia singularis. Ex quibus conclusionem sic probo. Primò, Essentia divina sic spectata habet omnia requisita ad assumendam, & uniendam sibi naturam humanam: igitur eam sibi unire potest, & assumere. Probatur antecedens. Ens per se subsistens subsistentia absoluta, & omninò independenti ab alio, ut complectur, ac proinde habens virtutem illimitatam, & infinitam in ratione subsistendi, habet id omne, quòd requiritur ad assumendam, & uniendam sibi naturam alienam; & ad efficiendam eam subsistentem; atqui Essentia divina sic spectata, est hujusmodi: nam infinita est in ratione existendi, & subsistendi, & omninò independens ab alio, sive ut in ipso existat tamquam in subiecto, sive ut ab alio tamquam à parte complectatur; igitur habet virtutem infinitam, & omninò independentem ad existendum, & subsistendum. Minor patet. Major etiam constat, non enim alia ratione diximus Verbum Divinum posse per suam subsistentiam relativam assumere, & sibi unire naturam humanam, quàm quia habet virtutem infinitam, & omninò independentem in ratione subsistendi, saltem infinitate identica, quatenus videlicet illius subsistentia imbuatur, & identificatur cum subsistentia absoluta, quæ omninò infinita est; igitur pari ratione hæc subsistentia absoluta poterit naturæ humanæ dependentiam terminare, camque completè subsistentem reddere.

Probatur secundò. Si quid obstaret quominus illa subsistentia absoluta posset efficere naturam absolutè subsistentem, maximè quia, cum hæc absoluta subsistentia sit communicabilis tribus personis, sicut & essentia, non posset illam naturam assumptam incommunicabilem efficere: sed hæc ratio non officit. Primò, quia subsistentia creata tantum reddit naturam incommunicabilem suppositis à se ipsa distinctis: sed illa subsistentia absoluta divina, est incommunicabilis suppositis à se realiter distinctis; quippe personæ Patris, Filii, & Spiritus sancti, quibus hæc natura cum subsistentia absoluta communicatur, non distinguuntur realiter ab essentia, & subsistentia absoluta divina, sunt enim unus Deus: igitur illa subsistentia absoluta reddere potest naturam incommunicabilem alteri supposito realiter à se distincto; & consequenter eam efficiet incommunicabilem ea incommunicabilitate, quæ sufficiat ad rationem subsistentiæ, & suppositi.

Deinde, subsistentia propria id maximè habet peculiare, quòd reddit naturam independentem actu ab aliquo supposito immediatè, in qua independentia immediata maximè consistit illius incommunicabilitatis ratio; sed eo ipso, quo dependeret natura humana totaliter à subsistentia absoluta, non posset dependere ulterius immediatè à divinis personis; sed duntaxat mediatè: ergo hac ratione non minùs redderetur incommunicabilis per absolutam subsistentiam, quàm per propriam.

His adde, non esse nostram sententiam, quòd subsistentia absoluta possit seipsa supplere omnem effectum, quem præstat suppositum, & personalitas: sed solum, quòd præstare possit illius effectum primarium, qui consistit in complemento naturæ; ita quòd natura subsistens reddatur omnimodè completa, & perfecta substantialiter, nec indigeat ulteriori complemento: hoc autem complementum præstare potest ipsa subsistentia absoluta: igitur potest efficere naturam aliquam subsistentem; & subinde potest illam assumere.

Confirmatur. Complementum enim, quo indiget natura humana singularis, & quòd recipit à personalitate propria, vel aliena, est complementum prærequiritum ad actiones; unde illud vulgæ, *Adiones sunt suppositorum*: sed natura divina, ut præintelligitur, & præcendit à personalitatibus, habet

bet

bet omne complementum prærequiritum ad actiones, tam ad intra, quam ad extra: ergo ut sic, potest complere naturam creatam non minis, quam propria personalitas creata. Probatur minor quantum ad actiones *ad extra*: certum est enim, quod Deus, ut unus sine ulla multiplicatione personarum, & consequenter sine ulla personalitate relativa Paternitatis, Filiationis, ac Spirationis activæ, & passivæ, possit mediante subsistentia absoluta operari, ac producere quicquid producit ad extra, Deus enim non agit ad extra, ut trinus, sed ut unus.

Patet etiam eadem minor quantum ad operationes *ad intra*: illæ enim non præsupponunt necessariò personalitatem; nam actio productiva Filii, nimirum generatio activa Patris, & ejus Paternitas, est ipsamet personalitas Patris, nec præsupponit aliquid præter Essentiam divinam singularem, ut per se existens est: Ergo Essentia divina singularis habet ex se omne complementum prærequiritum ad actiones ad intra, nec completur per personalitates divinas, sicut natura creata completur per personalitatem creatam: quod utique maxime verum est in sententia Doctoris docentis personalitates, & relationes divinas non importare formaliter perfectionem; quod enim non dicit formaliter perfectionem, non potest formaliter complere, aut perficere naturam divinam.

Obijciat primò. Essentia divina, ut præscindit à relationibus, non habet subsistentiam absolutam: ergo ut sic non potest terminare unionem naturæ humanæ. Probatur antecedens: *Primò*, quia natura divina habet à sua existentia id omne, quod habere posset ab ulla subsistentia absoluta ipsi superaddita: Ergo frustra, & sine ullo fundamento admittitur illa subsistentia absoluta. *Secundò*, si haberet Essentia divina subsistentiam absolutam, sequeretur, quod in Deo daretur suppositum absolutum, & persona absoluta, & consequenter sic essent quatuor personæ in Deo; quod est hæreticum. *Tertiò*, subsistentia est ultimus terminus naturæ, quam afficit, sed Essentia divina, ut præintelligitur ad personalitates, nihil habet, quod sit ejus ultimus terminus, alioquin esset incommunicabilis tribus personis; igitur non habet subsistentiam absolutam; & consequenter ruit principale argumentum nostræ assertionis.

Nego antecedens; & ad ejus primam probationem dico, quod si verum sit illius antecedens, existentia absoluta Essentia divinæ erit ipsiusmet subsistentia, quod certe nullatenus nobis adversatur. Quantum autem ad rei veritatem, & conformiter ad doctrinam subtilis Doctoris, existimo non distinguì alio modo subsistentiam absolutam Essentia divinæ ab ejusdem existentia, quam vel solo nomine, vel sola distinctione rationis ratiocinantis; nam Doctor locis supra laudatis asserit Essentiam divinam, ut per se existentem posse terminare unionem naturæ humanæ; & consequenter subsistentiam pro existentia usurpat.

Ad secundam probationem, Nego sequelam majoris; nam per suppositum, & personam, communiter intelligitur, id quod est omnino incommunicabile; cum autem natura assumpta per illam subsistentiam absolutam non esset omnino incommunicabilis, sed ulterius posset communicari personis divinis, & ab eis ultimo terminari, ideoque propriè non posset dici persona, sed tantum substantia singularis completa substantialiter.

Ad tertiam probationem: Distinguo majorem. De ratione subsistentiæ est, quod sit ultimus terminus, quatenus est subsistentia creata, vel divina personalis, & relativa, concedo: de ratione subsistentiæ, ut sic, aut quatenus est subsistentia divina absoluta, nego. Itaque nego, quod de ratione subsistentiæ ut sic, sit esse complementum formale naturæ, quia oporteret omnem subsistentiam complere naturam substantialiter, & sic subsistentia divina personalis, ac relativa compleret naturam divinam, quod falsum est, quia ex se, & per se est omnimodè completa in ratione naturæ. Nec etiam de ratione ejus subsistentiæ ut sic, est quod sit ultimus terminus incommunicabilitatis naturæ, quia aliàs subsistentia absoluta efficeret naturam omnino incommunicabilem. Unde non existimo posse dari aliquem unum conceptum determinatum subsistentiæ ut sic, qui conveniat univocè omni subsistentiæ tam relativæ, quam absolutæ.

Inflabit. Doctor subtilis in 3. dist. r. qu. i. docet idèò personam posse assumere, quia est incommunicabilis: naturam vero divinam non posse, quia communicabilis est: igitur ejus sententia est, subsistentiam absolutam non posse esse terminum naturæ as-

simpliciter. *Deinde*, idem dist. 6. q. 1. affirmat naturam assumptam non posse existere per existentiam Verbi: sed, ut mox diximus, subsistentia, & existentia absoluta idem sunt: igitur si non possit illa natura existere per existentiam absolutam, nec etiam poterit per subsistentiam absolutam subsistere.

Respondet ad primum, non eam esse mentem Doctoris, ut fingit *Lorca*, qui existimat subtilem Doctorem nostræ assertioni adversari: siquidem eò loci tantum contendit Doctor non bene probari à Varrone, & S. Thoma, quod persona divina possit supplere defectum personalitatis propriæ ex hoc, quod contineat in se virtualiter perfectionem cujuslibet personæ creatæ. Quia, inquit Doctor, non magis persona divina continet virtualiter quamcumque personam creatam, quam natura divina continet virtualiter quamcumque naturam creatam: sed ex eo, quod natura divina contineat virtualiter naturam creatam, non sequitur, quod possit cum ea uniri in unitate naturæ, neque efficere, ut loco naturæ humanæ faciat unum per se cum personalitate humana: ergo nec ex continentia virtuali personæ divinæ, sequitur, quod possit ita supplere defectum personalitatis humanæ, ut ejus vice, & loco possit facere unum per se cum natura humana.

Ad secundum, Dico nihil contra sententiam nostram evinci, nam ex eo, quod natura humana dicatur assumi per subsistentiam absolutam, non sequeretur, quod illa deberet existere per existentiam absolutam, quia antecederet ad illam assumptionem, & unionem, qua uniretur isti subsistentiæ absolutæ, deberet necessario præintelligi existens propria existentia: & consequenter licet subsistentia, & existentia absoluta sint unum, & idem, non sequeretur, quod natura illa existeret existentia absoluta: sicut per subsistentiam absolutam subsisteret.

Objicit secundò, cum Vasquez disp. 27. c. 2. hanc nostram assertionem adversari SS. Patribus, & Conciliis: SS. Patribus quidem, quia SS. Patres non cognoverunt unionem aliam naturæ creatæ cum Deo, nisi vel in natura, vel in persona, quam solam admittunt: sed unio cum natura divina ratione subsistentiæ absolutæ, non est unio nec in natura, nec in persona: igitur nostra assertio SS. Patribus adversatur. Mi-

nor apparet: non enim fit unio naturæ humanæ cum divina in unitate naturæ. Neque etiam illa unio fieret in unitate personæ; siquidem subsistentia absoluta non habet rationem personæ. Minorcm probat Vasquez, *Primò*, quia nullius alterius unionis usquam mentionem fecerunt. *Secundò*, quia Concil. Toletanum II. aperit dicit: *Solus tamen Filius formam servi accepit in singularitate personæ, non in unitate divinæ naturæ; in id quod proprium est Filio, non quod commune Trinitati. Tertiò*, S. Anselmus quæst. præcedenti à nobis laudatus disertè docet, *Eum qui re se suscepit Incarnationem, credere Verbum non assumpsisse hominem in unitatem naturæ, sed in unitatem personæ*. Quibus verbis S. Anselmus arguit adversus hæreticum, qui dicebat, quod, incarnata divina persona, necessarium erat tres simul incarnari: Quem errorem, ut revincat Anselmus, infert cum hæreticum sentire unionem fuisse factam non in persona, sed in natura: at si præter unionem in natura, vel in persona, possibilis esset unio cum homine Deo, ut communis tribus personarum subsistentiæ absolutæ, illatio S. Anselmi non valeret; quippe ex unionem naturæ humanæ cum subsistentia absoluta, & communi, verum esset, quod si illa unio tribueretur uni personæ, etiam tribuenda esset duabus aliis: igitur &c.

Nego majorem, & ad ejus primam probationem dico, quod et si SS. Patres, & Concilia non meminerint alterius unionis, quam ejus, quæ fit vel in unitate naturæ, vel in unitate personæ, non sequitur, quod aliam impossibilem judicaverint; locuti sunt enim de unionem actu, non verò de possibili; quia agebant contra hæreticos Eutychanos, vel Nestorianos; quorum illi asseriebant unionem Verbi factam fuisse in unitate naturæ: hi verò negabant eam fuisse perfectam in unitate sive naturæ, sive personæ.

Ad secundum dico, eos dumtaxat docere unionem Verbi cum natura humana factam fuisse non in natura, sed in persona; seu in id quod proprium est Filio, non quod est commune toti Trinitati; non tamen negata unionem in natura, inferunt necessario illam debuisse fieri in persona, sicut contendit Vasquez. *Adde quòd* loquuntur de unionem, ut actu perfectam est, non verò de ea, quæ fieri posset.

Ad tertiam probationem dico, Sanctum Anselmum non necessario concludere, quod

quòd si unio non sit facta in unitate personæ, necessariò, & absolūtè fieri debuerit in unitate naturæ; quasi non esset alius modus unionis Deo possibilis; sed dumtaxat, quòd duo illi modi, nempe in unitate naturæ, & personæ, solum erant actus; scilicet unio in unitate naturæ in creaturis, quæ componuntur ex diversis partibus in unam naturam coalescentibus; aliam verò in unitate personæ, qua natura divina, & humana invicem sociantur.

Inflabis: Si unitetur natura divina naturæ humanæ, ut subsistens subsistentia absoluta, vel uniretur in unitate naturæ, vel in unitate personæ: quippe illa esset unum singulare: ergo vel idem realiter cum natura divina, per quam subsisteret: vel completa per personam: sed neutrum dici potest. Non quidem primum, quia aliàs esset idem natura assumens, & natura assumpta: vel ex natura divina, & humana fieret una aliqua natura, quod est absurdum. Non etiam in unitate personæ, quia natura divina, cui uniretur immediatè, non est persona: igitur unio illa non est possibilis.

Nego majorem: non enim tunc assumptio, aut unio naturæ humanæ fieret in unitate vel naturæ, vel personæ, sed dumtaxat in unitate unionis naturæ divinæ cum natura; ex qua sequeretur, quòd natura humana dependeret à natura divina, & esset ipsi intimè unita, sicut de facto dependet à Verbo, quia ipsi intimè unitur.

Urgebis: Ex eo quòd persona est terminus immediatus unionis naturæ ad Verbum, sequitur, quòd natura sit unita in unitate personæ: ergo ex eo, quòd natura divina esset terminus immediatus unionis naturæ humanæ, consequens esset, quòd illa unio fieret in unitate naturæ.

Nego consequentiam, quia conjungi, seu assumi in unitate personæ, nihil aliud denotat, quàm naturam, quæ assumitur, conjungi immediatè cum persona, & esse subsistentem in illa persona: sed uniri, seu assumi in unitate naturæ, significat, quòd natura assumpta, vel identificetur naturæ assumenti; vel faciat cum ipsa compositionem, constituendo cum ea tertiam aliquam naturam, quòd utique omninò Deo repugnat. Unde si valeat hæc consequentia, *Natura humana est assumpta à divina persona*, ergo *ad unitatem personæ*; hæc tamen non valeret: Est *assumpta à natura*: ergo *ad unitatem naturæ*. Quia, inquit Doctor dist. 1. qu. 2.

circa finem, in priori enthymemate, ex vi constructionis verborum, significatur subsistentiam personæ divinæ communicari naturæ humanæ, absque eo, quòd identificetur cum ea, aut aliquam cum ea compositionem efficiat: significatur enim solum naturam humanam subsistere in persona divina: in posteriori verò enthymemate, ex vi constructionis verborum, significatur naturam communicari naturæ vel per identitatem, vel per compositionem; cum enim dicitur natura assumi ad unitatem naturæ, satis declaratur non amplius duas, sed unicam ex duabus naturam coalescere: quòd utique Deo repugnat.

Obicies 3. Illa subsistentia absoluta non impediret resultantiam personalitatis propriæ: ergo id fieri non potest. Consequentia patet: aliàs enim cum natura simul assumeretur persona. Quòd sit impossibile, patebit infra. Antecedens verò probatur. Illud solum potest impedire resultantiam personalitatis creatæ, quòd ei tribuere potest id omne, quòd haberet à propria personalitate: Atqui subsistentia communis non potest conferre naturæ assumptæ incommunicabilitatem, quam ei tribueret propria natura: igitur non potest impedire resultantiam illius personalitatis.

Nego antecedens: Ut enim subsistentia absoluta impediat in natura assumpta propriam personalitatem, sufficit, quòd tribuat illi naturæ existere per se, & esse completam essentialiter, etiamsi non conferret illi incommunicabilitatem, quæ desideratur ad rationem subsistentiæ; nam cum ratio existendi per se, sit prior in persona, quàm incommunicabilitas, quæ dumtaxat ex illa sequitur; consequens est, quòd si impediat resultantiam propriæ personalitatis, quatenus illa est modus existendi per se, & completè essentialiter, etiam impediet ex consequenti illius resultantiam quatenus esset modus existendi incommunicabiliter.

His addè, quæ diximus supra, vel quòd incommunicabilitas non sit de ratione subsistentiæ, vel quòd illa subsistentia absoluta redderet naturam assumptam incommunicabilem supposito à se realiter distincto: vel denique, quòd licet natura illa assumpta non haberet immediatè à suo termino, nempe à subsistentia absoluta, omnimodam incommunicabilitatem; illam tamen obtineret à terminis mediatis; purè à per-

personalitatibus divinis, à quibus medi-
tè, & concomitanter, aut consequenter
illa natura sic assumpta terminabitur, si-
cut terminatur, & sit incommunicabilis
ipsa subsistentia absoluta.

Obijciat denique: In ea hypothesi, *bic*
Deus esset *bic homo*; sed hic homo est
persona: ergo natura sic assumpta assu-
meretur in unitate personæ.

Nego minorem: Sicut enim persona non
significatur per hunc terminum, *Deus*; ita
neque significaretur per hunc terminum,
homo: unde licet *bic homo* sit nomen sup-
positi, ac personæ ordinariè loquendo; ta-
men non ita foret in præsentì hypothesi,
quia nempe *bic homo* dumtaxat subsisteret
per subsistentiam, quæ non esset persona-
lis, sed tantum, quæ efficere naturam
ultimò completam communicabiliter, non
verò incommunicabiliter, quia hæc na-
tura assumpta sicut & subsistentia, per
quam subsisteret, esset communicabilis tri-
bus personis.

Inflabit: Eo in casu vel quolibet ex di-
vinis personis esset homo: vel non: utrum-
que autem videtur absurdum: Ergo, &c.

Respondet, quòd quolibet foret homo,
quippe humanitas cum ipsa subsistentia ab-
soluta tribus personis communicaretur;
neque inde ullum apparet inconveniens,
si enim superficies, v.g. cui inest albedo,
simul existeret in Petro, & Paulo, reverà
Petrus, & Paulus forent albi: ergo pari ra-
tione, si unio naturæ divine cum humana
communicaretur tribus personis unà cum
ipsa subsistentia absoluta, haud dubium,
quòd quolibet ex illis personis esset ho-
mo, sicut est hic Deus per se subsistens.

QUÆSTIO TERTIA.

*Utrum plures Personæ divina possent assume-
re eandem humanitatem, & eandem per-
sona plures humanitates.*

Notandum 1. Theologos convenire tres
personas divinas posse simul assume-
re, & terminare eandem humanitatem ter-
minatione mediata: si nempe subsistentia
absoluta, & communis illam naturam im-
mediate assumeret, & terminaret; quia ut
dictum est in præcedenti quæstione, eo ip-
so, quòd talis subsistentia communis illam
naturam terminaret, & sibi uniret, termi-
naretur etiam à subsistentiis relativis per-

sonarum, quibus illa subsistentia absoluta
communicaretur. *Conveniunt* insuper, quam-
libet ex divinis personis posse naturam hu-
manam assumere, & illam sibi hypostatice
unire; siquidem assumptio naturæ competit
personæ, vel activè ratione omnipotentia,
quæ est illius assumptionis principium esse-
ctivum; vel passivè ratione personalitatis,
quæ est illius assumptionis terminus: Sed
quolibet ex divinis personis habet per om-
nipotentiam, & personalitatem omnino in-
dependentem infinitam vim in terminando:
igitur quolibet potest naturam humanam
assumere, & incarnari. Nec inde sequeretur
ulla personarum confusio, licet Pater,
si incarnaretur, appellaretur Filius; nam
eandem personam posset dici Pater, & Filius
diverso respectu; illa autem divina perso-
na diceretur Pater, quatenus est princi-
pium generationis æternæ Verbi: diceretur
autem Filius quatenus esset terminus
generationis temporalis ex Virgine: unde
non esset Filius Dei, sicut Verbum, sed
dumtaxat Filius Virginis.

Notandum 2. Certum esse tres divinas
personas peculiari, & nobiliori modo re-
sistere in humanitate Christi, quam in om-
nibus creaturis. Quam utique veritatem
elegantè docet S. Augustinus Sermone 3.
de Tempore, ubi ait, *Filius suscepit car-
nem, & non deseruit Patrem: nec se divisi
à Patre. Suscepit, inquam, Filius carnem in
proprietas: sed tamen Pater, & Spiritus san-
ctus, non desuit maiestate. In divinitate aqua-
litas, in carne sola Filii proprietas, non ta-
men ab eo Patris, aut Spiritus sancti recessit
aliquando divinitas. Cum ergo una sit Deitas,
una sit divinitas: implevit quidem carnem
Christi, & Pater, & Spiritus sanctus; sed
maiestate, non susceptione, &c.* Hæc autem
nobilior, & peculiaris identitate colligitur
ex connexionione, vel potius identitate essen-
tiali, quæ est inter divinas personas; ita
quòd, si per impossibile tres adorandæ per-
sonæ in omnibus creaturis non existerent,
tamen propter unionem unius personæ
cum humanitate, duæ aliæ etiam in illa re-
sisterent: *Quemadmodum enim* (inquit san-
ctus Basilii Epist. 43.) *in catena, qui unius
annuli summitatem apprehendit, hoc ipso simul
alterum infernum attrahit: ita & hic qui Spi-
ritum trahit, per ipsum Filium, & Patrem
unà simul attrahit. Et si quis verè Filium
apprehenderit, habebit & ipsum utrumque,
hic Patrem illius, illinc Spiritum sanctum*
una

una compadum. Non est igitur difficultas de præsentia reali, & personali trium divinarum personarum in eadem humanitate: sed dumtaxat de earumdem unione hypostatica, an videlicet tres simul eadem naturæ individuali possint uniri hypostaticè.

Notandum 3. Circa præsentem questionem duas principes esse sententias: *Primam* quidem affirmantem tres divinas personas posse simul eandem naturam assumere: quam tuetur S. Thomas 2. p. qu. 1. art. 6. quem sequuntur ejus discipuli, qui in suas partes etiam ex nostris advocant *Alensem* qu. 2. memb. 4. *S. Bonaventuram* in 3. dist. 1. art. 1. qu. 3. *Ockhamum* item in 3. dist. 1. & nonnullos alios. *Secundam* verò sententiam tuetur subtilis Doctor in 3. dist. 1. quæst. 2. num. 5. cum suis omnibus discipulis, quibus ut subscribamus, sit

CONCLUSIO PRIMA.

Plures divine Personæ non possunt eandem numero naturam assumere, illamque propriis subsistentiis immediatè terminare.

*Probat*ur primò, auctoritate S. Anselmi lib. 2. *cur Deus homo* cap. 9. ubi ait, *Plures personæ nequeunt unum, eundemque hominem assumere in unitate personæ: quare in una persona tantum hoc fieri necesse est*. Et libro de Incarnatione Verbi cap. 4. *Filius incarnatus, non est necesse alias quoque personas incarnari, sed impossibile*.

Nec valet reponere cum S. Thoma, ejusque Discipulis, S. Anselmum ibi *hominem* accipere pro natura singulari personata propria personalitate; non verò pro natura, quæ nondum intelligitur affecta sua personalitate. Hæc enim responsio aliena est prorsus à mente S. Anselmi: quippe ejus intentum erat investigare in quamvis trium divinarum personarum facta fuerat hypostatica unio; supponit autem non fuisse peractam in tribus divinis personis, imò nec fieri potuisse, ut inde colligat in una tantum persona, nempe secunda, illam unionem fuisse factam: Et reverà quidem, nam si per hanc particulam, *hominem*, S. Anselmus intelligeret humanam naturam affectam sua personalitate, nihil planè concluderet; quia æquè implicat hypostasim assumi ab una persona, atque à tribus. *Adde* quòd paulò post asserit, *Verbum assumpsisse hominem*, quo significat,

vocabulo *hominis* nihil aliud denotari; quàm naturam humanam secundum se spectatam.

*Probat*ur secundò. Si tres divinæ personæ possent simul assumere eandem numero naturam, sequeretur naturam illam esse infinitam: at repugnat naturam aliquam creatam infinitam esse: Ergo pariter repugnat illam à pluribus personis assumi. Minor constat. *Probat*ur maior. Idcirco natura divina concluditur esse infinita, quia ipsa eadem numero potest esse indivisim in tribus suppositis divinis: ergo pari ratione si natura humana in tribus suppositis existeret, censeretur infinita. Patet antecedens, quia qua ratione illa natura potest esse in tribus personis divinis sine ulla sui divisione, eadem ratione posset esse in infinitis, sicque haberet vim existendi infinitam; quia in infinitis personis posset existere. Consequentia etiam patet, quia natura humana singularis, qualis est assumpta à Verbo Divino, de se non est limitata potius ad tria supposita, quàm ad centum, aut mille, si tot essent in divinis: ergo quantum est de se, si possit esse in tribus suppositis, poterit etiam esse in infinitis si darentur.

Reponunt Thomistæ, falsam esse illam sequelam; ideo namque, inquirunt, natura divina censetur infinita, non quia communicatur tribus suppositis; sed maxime quia communicatur suppositis à se realiter indistinctis, quæ connaturaliter exigit, & sibi identificat: fecus autem est de natura humana assumpta, quæ nec identificaretur illis suppositis, sed esset ipsis adventitia; nec illa connaturaliter exigeret, sed dumtaxat ad illa determinaretur per potentiam obedientialem.

Contra. Infinitas, & illimitatio non oritur ex sola illa identitate unius rei ad alteram, sed ex sola aptitudine, qua res aliqua potest infinite se communicare; si enim daretur aliqua albedo, v.g. quæ ex se posset infinitos parietes afficere, & dealbare, licet ab eis esset distincta realiter, & solum adventitia, non minustamen censeretur infinita, quia contineret virtutem, & perfectionem infinitarum albedinum: ergo pari ratione, si natura humana communicari posset infinitis suppositis, quamvis eis foret adventitia, & ab eis realiter distincta, non minus censeretur infinita.

*Probat*ur tertio. Natura humana affecta propria subsistentia, & personalitate non

po.

potest assumi à Verbo Divino : ergo ubi affecta est personalitate Verbi, non potest amplius assumi à Patre, nec à Spiritu sancto. Consequentia patet à paritate rationis : idcirco enim natura affecta propria personalitate non est amplius assumptibilis hypostaticè, quia est omnimodè completa, & terminata substantialiter : at etiam talis est per suppositum Verbi : igitur, &c.

Negant paritatem Thomistæ, & rationem disparitatis hanc proferunt, quod aperta sequeretur contradictio si natura subsistens, & terminata per propriam personalitatem, rursus terminaretur per aliam ; sequeretur enim, quod illa subsisteret in se, & in alio ; & sic subsisteret in se, & non subsisteret ; quod est contradictorium ; secus autem est si subsisteret in tribus personis, quia tantum subsisteret in alio.

Contra. Non aliunde potest esse contradictio, quod natura subsistat in se, & in alio, quam quia, ut subsistit in se, est totaliter, & adæquatè terminata, ac substantialiter completa, ex quo fit, ut non possit amplius terminari, & compleri : atqui eadem ratio contradictionis sequitur ex eo, quod natura sit terminata, per personalitatem Verbi, quia subsistentia Verbi non minus perfectè, imò longè perfectiùs terminat, & complet substantialiter illam naturam, quam terminare, ac complere possit proprium suppositum ; igitur par utrobique ratio. *Addè* quod gratis supponant esse contradictionem, quod natura subsistat in se, & quod subsistat in alio ; nam omnis contradictio debet esse penès unum, & idem respectu unius, & ejusdem : & in eo casu, natura humana non esset in se, & in alio respectu unius, & ejusdem, quia esset in se respectu, & ratione propriæ subsistentiæ ; in alio autem, ratione subsistentiæ alienæ : igitur non solum nulla est eorum replica, sed etiam minus recta locutio.

Probat tertio Doctor. Non potest unum, & idem à pluribus adæquatè pendere : at si natura creata tribus personis divinis uniretur, à pluribus totaliter, & adæquatè penderet : ergo repugnat unam, & eandem naturam à pluribus personis divinis assumi. Major videtur certa, eamque colligit Doctor per inductionem. Primò quidem ab exemplo causæ efficientis totalis : nam alias sequeretur, quod illæ causæ essent totales, & non essent totales. Essent totales, ut supponitur tam à nobis, quam ab adver-

sariis : non essent autem totales, quia cum de conceptu intrinseco causæ totalis, sit quod totum effectum, & totaliter producat, eo ipso, quod alia causa simul cum ipsa illum produceret, sequeretur, quod vel partialiter cum ipsa produceret illum effectum, & sic non esset illius causa totalis ; vel totaliter produceret, & sic alia causa nihil influeret in effectum, quippe supponeret illum à priori causa totali productum. Colligit etiam ab inductione in aliis generibus causæ ; maxime verò in accidentibus, quæ cum essentialiter pendeant à subiecto, unum, & idem pendere non potest à duobus subiectis primis in suo genere. Minor verò suadetur ; id enim ab altero totaliter, & adæquatè dependet, quod existit illo posito, cæteris etiam quibuscumque seclusis : sed natura creata per quancumque ex tribus divinis personis assumpta, reverà subsisteret per se, & esset completa substantialiter, etiam si non assumeretur ab aliis personis, sicuti est de facto à solo Verbo assumpta : igitur si à tribus assumeretur, à qualibet earum personarum totaliter, & adæquatè penderet.

Confirmatur. Quia duæ causæ efficientes totales, & ejusdem ordinis non possunt producere eundem numero effectum : quia, ut mox dictum est, simul essent totales, & non totales ; ergo à simili, duæ causæ formales extrinsecæ, quales essent prædictæ personæ respectu terminationis illius naturæ humanæ, non possent illam terminare, quia illarum quælibet totaliter terminaret, & non totaliter.

Huic rationi variè respondent Thomistæ ; sed communior eorum solutio ea est, quam tradit Cajetanus dicens ; quod licet non possit unum, & idem effectus pendere à duobus dependentia causali, quæ est stricta ; potest tamen ita pendere dependentia non causali, sed terminativa, quæ est dependentia non stricta : discrimen enim inter utramque dependentiam est, quod effectus productus à causa totali, eatenus totaliter ab ea penderet, quatenus haberet suum esse ab illa ; quocirca cum jam haberet esse ab una causa, non relinquiritur in eo capacitas, per quam censeatur pendere ab alia, quia nulum ab illa esse mutuatur, ratione cujus censeretur ab ea dependere : natura verò terminata subsistentia aliena non accipit suum esse ab ea, sed solum modum quemdam unionis, per quem dicitur ab ipsa susten-

stentari, & terminari. Cum igitur natura sit capax triplicis modi unionis, & diversi, quia tribus personis successivè saltem potest uniri; dum habet unummodum, & ratione illius unitur uni personæ, non manet expleta secundum extensionem capacitatis, quia terminari potest ab alia; quare accedere potest alia persona tribuens alium modum unionis; non quidem ex indigentia, sed ex sola capacitate. Hinc illa natura per unam subsistentiam terminaretur adæquatè, adæquatione quidem intensiva, non autem extensiva; sicut pater in creatis ex vi ejusdem relationis, qua ad unum filium refertur, & ab illo adæquatè intensivè terminatur, dum generatur alter filius ad ipsum denuo terminatur adæquatione extensiva.

Verùm contra primò: Quemadmodum effectus productus à causâ efficiente totali suum esse ab ea mutuatur totaliter; ita natura aliqua singularis suam sustentationem, & terminationem totalem accipit à suo termino totali; cum hoc solo discrimine, quòd effectus accipiat esse simpliciter à causâ; natura verò solum habeat esse modificatum à subsistentia: igitur quemadmodum acceptio esse totalis ab una causâ totali excludit aliam quaecumque causam totalem ejusdem ordinis, ita acceptio esse modificati, scilicet sustentationis totalis, ab una subsistentia totali excludere debet quaecumque aliam subsistentiam totalem.

Insuper: Natura esset adæquatè terminata, & completa extensivè per propriam subsistentiam: igitur etiam talis est per subsistentiam Verbi, quæ non minorem habet virtutem terminandi naturam, ac illius capacitate explendi, quàm propria subsistentia. Ad exemplum de relatione, dico illud esse falsum: sicut enim in quolibet individuo hominis geniti est diversa differentia individualis diversimodè determinans naturam specificam, ita etiam est adæquata ratio terminandi relationem diversam filiationis: quapropter gratis asseritur, quòd multiplicatis filiis non multiplicentur relationes; quippe cum sint diversæ rationes fundandi, & omnes conditiones ad multiplicationem relationum considerandæ ibi reperiantur.

Obijciunt. 1. In mysterio Incarnationis tota ratio facti est potentia facientis, inquit S. Augustinus Epistola 3. quæ est ad Volusianum: igitur in hoc mysterio magis attendenda est

virtus personæ assumentis, quàm conditio personæ assumptæ: At Omnipotentia divina non repugnat tres personas unicam naturam assumere: igitur id possunt exequi. Major patet. Minor probatur: Divinæ Personæ possunt eandem naturam assumere si non se se excludant à consorcio ejusdem naturæ: At ita est; quippe in eadem natura divina subsistunt: igitur etiam subsistere possunt in eadem natura humana.

Distinguo majorem: Attendenda est magis potentia facientis, quàm ratio facti in his, quæ contradictionem non implicant, concedo: quæ implicant, nego: implicat autem, ut diximus, quòd eadem natura terminetur totaliter à pluribus terminis totalibus, & adæquatis.

Ad probationem minoris, dico non esse parem rationem de subsistentia divinarum personarum in natura divina, & in humana; tum quia natura divina est infinita, & sic ei non repugnat esse in pluribus; tum quia personalitates divinæ non tribuunt rationem subsistendi naturæ divinæ, quia illa à se subsistit per suam subsistentiam absolutam, sed tantum personis, quæ inter se sunt realiter distinctæ: at verò naturæ creatæ personalitas tribuit subsistere, quòd nequit à pluribus totalibus, & adæquatis subsistentiis conserti.

Obijciunt. 2. Humanitas secundum se assumptibilis est à quacumque divina persona: ergo omnes simul eam possunt assumere. Antecedens constat, quia, ut diximus, qualibet ex divinis personis potest naturam humanam assumere. Probatur consequentia, in illo instanti, quòd una ex divinis personis naturam assumit, aliæ duæ personæ divinæ possunt agere secundum ultimum potentia suæ, ut eandem naturam assumant; quo in casu, vel illa natura à tribus assumetur, & sic habetur intentum; vel à nulla, quòd est absurdum; quippe Deus agendo secundum omnimodam potentiam suo non potest frustrari effectu, vel ab una tantum, quòd dici nequit, cum non sit prior ratio, cur assumatur ab una, quàm à multis, cum tres divinæ personæ sint equalis virtutis, & natura assumptibilis sit in potentia obedientiali, ut assumatur à qualibet divinarum personarum: igitur; &c.

Respondet Doctor num. 7. Negando, quòd tres divinæ personæ suam possint impendere virtutem ad assumptionem simultaneam ejusdem naturæ, propter earum incompatibili-

bilitatem in terminatione ejusdem naturæ; Deus enim suam virtutem non exierit circa impossibilia; & ea quæ contradictionem important: qualis est illa assumptio simultanea. Possunt equidem, inquit Doctor, tres divinæ personæ simul agere ad assumptionem ipsius naturæ ab aliqua persona ex illis, ita quod licet tres agant, unicam dumtaxat naturam assumat, & terminet: *Et si dicas*, inquit Doctor, *quod potest simul agere qualibet persona ad unendam illam naturam sibi*, nego: quia impossibile est, ut simul uniat pluribus: quia impossibile est totaliter dependere dependentia ejusdem rationis ad plures personas, cum sit nata terminari ad unam personam, & ad impossibilia non possunt personæ simul agere.

Inflabis: Id præstare possunt tres divinæ personæ, quod est in potentia obedientiali per ordinem ad quamlibet ipsarum: sed natura creata est in potentia obedientiali, ut assumatur à qualibet ex divinis personis; igitur tres simul possunt illam assumere. Major constat. Probatur minor: Antequam assumeretur natura à Filio, potuit assumi à Patre: ergo etiam postquam assumpta est à Filio. Probatur consequentia. Ideo fuit assumptibilis à Patre antequam assumeretur à Filio, quia ad illam assumptionem habebat potentiam obedientialem: sed illam eandem potentiam habet, dum est assumpta à Filio, neque enim eam potuit perdere, cum sit ipsi realiter identificata; igitur eam conservat.

Confirmatur: Quia potentia obedientialis, quam habebat in ordine ad Patrem, non habuit suum actum, quæ impleta fuit per sui ipsius assumptionem à Filio; siquidem illa potentia obedientialis ordinabatur ad unionem naturæ cum Patre: unio autem cum Patre est diversæ rationis ab unionem cum Filio, sicut personalitas Patris est diversæ rationis, aut saltem numerodistincta, à personalitate Filii: igitur unio, quæ fieri cum Patre distingueretur numero ab unionem, quæ fieri cum Filio; & consequenter potentia naturæ, quatenus respicit personalitatem Patris est, vel diversæ rationis; vel diversæ numero à potentia respiciente unionem cum Filio; atque adeo unio cum Filio non reducit ad actum illam potentiam obedientialem naturæ, quatenus ordinatur ad Patrem; ergo non obstante ipsius naturæ unionem cum Filio, habet adhuc potentiam obedientia-

lem, ut uniat cum Patre, & consequenter potest adhuc uniri.

Distinguo majorem: Quod est in potentia obedientiali, nec ullam habet repugnantiam, ut reducat ad actum, concedo: quando illam habet repugnantiam: nego. Ad minorem dico, natura assumpta à Filio adhuc habet potentiam obedientialem ad Patrem, ut cum ipso uniat in sensu diviso, concedo: in sensu composito, nego: hoc est, secundum se: spectata potest quidem uniri cum Patre; id verò non potest quatenus assumpta; & terminata est per Filium, quia jam omnimodè est completa substantialiter, & totaliter terminata.

Ad confirmationem similiter nego ultimam consequentiam: quamvis enim illa potentia obedientialis non habuerit actum quatenus ordinatur ad Patrem, non sequitur, quod illum possit habere, quando jam terminata est, & reducta ad actum per personalitatem Filii, propter impossibilitatem terminationis totalis, quæ fieret per personalitates Patris, & Filii: Quam utique veritatem clare demonstrat Doctor respondendo ad præfatum argumentum, ab exemplo parietis, qui licet habeat potentiam ad albedinem, & nigredinem, tamen ubi reductur ad actum per præsentiam, & adhesionem albedinis, non potest reduci ad actum illa potentia, quam habebat ad nigredinem, propter impossibilitatem nigredinis cum albedine: Sic, inquit Doctor, natura nunc personata à Verbo, si dimitteretur ab eo, posset assumi à Patre; sed stante actuali assumptione à Verbo, licet sit in potentia assumptionis à Patre, non potest tamen reduci illa potentia ad actum propter impossibilitatem illius actus ad istum; hoc est, personalitatis Verbi ad personalitatem Patris in eadem natura assumpta.

Urgebis: Natura unia Verbo habet inclinationem ad personalitatem propriam: ergo & ad quodcumque potens illam personalitatem supplere: sed personalitas Patris potest illam supplere: igitur dicit inclinationem ad personalitatem Patris.

Distinguo sequelam majorem: Habet inclinationem ad id omne, quod potest propriam personalitatem supplere, si aliud non sit impedimentum, & repugnantia, concedo: si sit, nego: & similiter distinguo minorem. Personalitas Patris potest illam supplere, in sensu diviso, & ex hypothesi, quod

non esset aliunde assumpta, concedo : in sensu composito, ubi semel assumpta est, nego.

Adde quòd retorqueri potest argumentum, quia quamvis natura assumpta à Verbo conservet inclinationem ad proprium suppositum, ut supponitur; non tamen potest simul cum unione ad Verbum habere personalitatem propriam: ergo licet, ut unita Verbo haberet inclinationem ad suppositum Patris, non sequitur, quòd possit cum unione ad Filium habere unionem cum Patre.

Obijciat 3. Idem accidens potest esse in duobus subjectis: ergo eadem natura in duobus suppositis. Probatur consequentia à paritate rationis. Antecedens etiam constat, quia possunt esse simul duo corpora, unum gloriosum, alterum non gloriosum in eodem loco; ergo possunt habere unum *ubi*; Ubi autem est accidens ipsorum: ergo unum accidens potest esse in diversis subjectis. Quòd autem eadem duo corpora habeant idem *ubi*, patet, quia correspondet ipsis idem locus, & consequenter eadem circumscriptio activa: ergo etiam habent eandem circumscriptionem passivam: sed circumscriptio passiva est *ubi*: ergo illa duo corpora habent idem *ubi*.

Respondet Doctor negando antecedens, ad cujus probationem dicit illa duo corpora non habita idem *ubi*, sed diversa. Et ad probationem respondet, locum illum, in quo continerentur duo corpora, habere duas circumscriptiones activas in eadem superficie, & consequenter duæ erunt circumscriptiones passivæ in illis corporibus, quia superficies ambiens est fundamentum sufficiens fundandi plures circumscriptiones activas in pluribus corporibus circumscriptis, sicut una albedo sufficit ad fundandas plures similitudines albi in pluribus albis.

Verum; Quoniam hic videtur Doctor supponere, quòd unum accidens non possit esse in pluribus subjectis, cujus oppositum ex ipso docuimus in Philosophia: Ideo *Respondet* negando consequentiam. Et ratio disparitatis est, quòd non sequatur contradictio, ex eo, quòd unum accidens ponatur in pluribus subjectis, quia hoc solum designat multiplicationem præsentis, & informationis, quòd non repugnat docuimus in Phytica; repugnat autem eandem naturam subsistere pluribus subsistentiis. Ad

Doctorem autem dico, ipsum negavisse accedens posse pluribus subjectis inesse, eo modo, quo de facto unico subjecto inest; de facto enim ita est in uno subjecto, ut per se, & adquatè dependeat ab illo, quo certè modo nequit existere in pluribus subjectis: sed in illis potest esse, ita ut tantum partialiter ab uno dependeat; simile autem dici nequit de subsistentiis; quia quælibet subsistentia tribuit totum esse completum substantiale, & est ultimus ejus terminus.

Obijciat denique: Si simultanea terminatio ejusdem naturæ à tribus divinis personis repugnaret, illa repugnantia peteretur, vel ex parte naturæ terminabilis, vel ex parte personarum terminantium; sed ex neutro capite potest hæc repugnantia, seu contradictio reperiri. Non quidem ex parte personarum terminantium, quia illæ non se excludunt a convenientia, & terminatione ejusdem naturæ creatæ. Non etiam ex parte naturæ, quia illa dicit potentiam obedientialem ad omnes personas divinas: igitur illa simultanea terminatio à tribus personis divinis non repugnat.

Nego minorem: Illa namque repugnantia petitur tum ex parte personarum assumptum, quæ cum sint termini totales respectu naturæ assumendæ, non possunt suam virtutem simul exercere circa eandem naturam: repugnat etiam ex parte naturæ, quæ cum sit omnimodè completa per unam subsistentiam, non habet unde compleatur per alteram.

Ad probationem dico, non eandem esse rationem terminationis divinæ, ac humanæ; tum quia cum natura divina sit infinita, potest esse in pluribus suppositis; tum quia illa natura non completur in suo esse substantiali per subsistentias relativas, sicut completetur natura humana; nam subsistentiæ relativæ non dant esse substantiale naturæ divinæ, quæ jam supponitur ubique completa per subsistentiam absolutam, sed dumtaxat eam naturam divinam determinant ad constituendas personas; unde non est paritas inter terminationem utriusque naturæ.

CONCLUSIO SECUNDA.

Unica persona divina potest plures naturas creatas assumere. Ita Doctor in 3. *questiōe*, 1. qu. 3. ubi conclusionem sic probat.

bet. Plures naturas simul assumi à Verbo non repugnat, neque ex parte Verbi, neque ex parte naturarum: Ergo potest illas assumere. Probatur antecedens. Primò quidem ex parte Verbi, quia habet virtutem infinitam terminandi, & subinde non potest exhaustiri per terminationem unius naturæ. Adde quòd per illam terminationem tantum ponuntur in ipso Verbo plures relationes rationis, vel Verbum ipsum per suam subsistentiam terminat plures relationes reales naturarum assumptarum. Neutrum autem repugnat Verbo. Non primum, quia multiplicatio relationum rationis nullam arguit in Verbo mutationem, aut dependentiam realem. Non etiam secundum, quia Deus, & tota Trinitas terminat omnes relationes creaturarum. Igitur Verbum potest plures ex illis relationibus terminare. Non etiam repugnat ex parte creaturarum, quia omnes sunt in potentia obedientiali, & dependent equaliter à persona divina assumente: ergo quæ ratione una potest assumi, etiam & altera; actualis enim dependentia unius naturæ non repugnat dependentiæ alterius naturæ, inquit Doctor.

Dices primò: Si Verbum assumeret plures naturas, aut esset unus homo, aut plures homines; at neutrum dici potest. Non primum, quia haberet plures humanitates, & consequenter esset multiplex homo. Non etiam secundum: quia esset unicuique suppositum; ubi autem est unicuique suppositum, est unicuique homo, licet plures sint formæ, qui enim plures habet scientias propter unitatem suppositi, non dicitur plures scientes, sed unus sciens.

Respondet Richardus negando sequelam: dicendo nempe quòd in eo casu, nec esset unus homo, nec plures. *Verum* responsionem impugnatur Doctor. Primò quia unum & multa sunt opposita immediate dividenda: ens: ergo nullum est ens, de quo non possit dici, quòd sit unum ens, vel multa entia; igitur de illo ente, quòd est homo, verum erit dicere, quòd sit unus homo, aut multi homines. Secundò, quia de quolibet ente nec sariò debet dici, quòd sit unum, aut non unum: ergo etiam de quolibet ente, quòd dicitur homo, potest dici, quòd sit unus homo, aut non unus homo; sed si dicatur, quòd non sit unus homo, debet dici, quòd si plures homines, ubi enim negatur unum, affirmatur

tur multa; in affirmatione scilicet, quæ fit per positionem.

Respondet S. Thomas quæst. 3. art. 7. quòd esset unus homo propter unitatem suppositi, sicut dicitur unus sciens, licet plures habeat scientias. Quam responsionem impugnatur Doctor, quia, inquit, si concretum hominis deberet non multiplicari, quando suppositum esset unum, sequeretur, quòd ad multiplicationem suppositi, concretum deberet multiplicari: sed falsum consequens, quia aliàs tres personæ divinæ deberent dici tres dii. Unde

Respondet Doctor pluralitatem concretorum non esse petendam ex sola pluralitate suppositorum, ut vult sanctus Thomas, sed etiam ex pluralitate formarum: ita quòd quantumcumque sint plura supposita, non sequatur pluralitas concretorum, si unica sit forma. V. g. ex pluralitate suppositorum divinorum, non sequitur pluralitas Deorum, quia in divinis est unica tantum divinitas. *Deinde* ly *homo*, est terminus adjectivus respectu personæ divinæ, ut docet Doctor *dist. 7. qu. 1.* & ideo numerari non potest, nisi numeratis suppositis: & sitoneatur, quòd sit terminus substantivus, & dicatur substantivè de proprio supposito, tamen dicitur adjectivè de supposito Verbi; saltem quoad modum prædicandi; cum autem quodlibet adjectivum ultimè dependeat, & terminetur ad substantivum, non potest ipsum adjectivum esse ratio terminandi significatum alterius adjectivi per se, ideoque cum hæc dictio *homo* sit adjectiva, non poterit terminare dictionem numeralem, *duos*, ratione sui, quia adjectivum reducitur ad suum substantivum, nec censetur multiplicari, nisi ipso multiplicato. Mitto fusiore hac de rediscussione magis grammaticalem, quàm Theologicam, rectiusque hoc in casu censetur Verbum non appellandum unum hominem, nec plures, sed unum dumtaxat suppositum habens plures humanitates.

Dices secundò. Si naturæ distinctæ speciei assumerentur simul à Verbo, sequeretur non solum duo contraria, sed etiam duo contradictoria posse enuntiari de eodem: sed falsum consequens: ergo, &c. Probatur major. Nam si Verbum assumeret ignem, & aquam simul, sequeretur calorem, & frigus, quæ contraria sunt, simul existere, similiter si assumeret simul hominem, & columbam, sequeretur unum, & idem

idem suppositum esse simul rationale, & irrationale, quæ sunt contradictoria.

Nego majorem: Nam si Verbum aquam, & ignem assumeret, solum sequeretur ignem, & aquam esse simul similitate suppositi, & terminantis, non autem similitate existentie, & veluti penetrationis naturarum assumptarum. Similiter, si assumeret natum hominis, & columbæ nulla sequeretur contradictio, quæ solum intercedit inter negationem, & affirmationem penes unum, & idem: quare sequeretur quidem unum, & idem ens esse rationale, & irrationale, non respectu ejusdem, sed respectu diversorum.

QUÆSTIO QUARTA.

An persona creata possit alienam naturam terminare, & assumere.

Notandum primò, ex Doctore in 3. dist. 1. qu. 4. num. 2. naturam cogitari posse duobus modis à persona creata assumi. Scilicet vel effective, vel terminative, seu formaliter. *Effective* quidem, utiendi videlicet ipsam naturam cum natura creata, cujusmodi tota Trinitas univit naturam humanam cum Verbo, & illam unionem conservat: *Terminative* autem, nimirum illam unionem, & naturæ communicationem terminando, quemadmodum Verbum Divinum terminat, & sustentat humanam naturam sibi unitam. Certum est autem nullam naturam creatam posse alterutrum præstare propria virtute; tum quia subsistentia, seu personalitas creata limitatur, ac determinatur per propriam naturam; tum quia unio hypostatica unius naturæ cum altera, est opus miraculosum; nulla autem creatura propria virtute patrare potest miracula, ideoque nec alienam naturam assumere, & terminare. An autem alterutrum, aut utrumque divina, & extraordinaria Dei virtute fieri possit, non conveniunt Authores. Etenim Ochamus in 3. dist. 1. qu. 1. ad 13. & 14. docet personam creatam posse divinitus alienam naturam, non quidem assumere effective, sed terminative: cui subscribunt plurimi ex nostris; illi maxime, qui docent personalitatem creatam esse formaliter aliquid positivum. Tomistas vero quam plurimi negativam partem amplectuntur: Doctor vero subtilis, utram-

Frassen Theol. Tom. VII.

que sententiam probabilem existimat, quæ propter utriusque solvit fundamenta. Quia autem vetitis existimemus, ut innotescat ea prius,

Notandum secundò: seu revocandum ex iis, quæ docuimus in Metaphysica, quod *persona creata est natura rationalis incommunicabilis existentia ut quo, & ut quod*. Quæ definitio, ut evidentius pateat, sciendum est, quod duplex est communicabilitas, quantum ad præsens attinet; *Prima* est, qua aliquid communicatur alteri, ut forma, vel ut pars; qualiter anima communicatur corpori, humanitas Petro, & brachium toti integrali, & hæc dicitur communicabilitas *ut quo*, quia quod sic communicatur, est quo aliquid est tale, v. g. corpus animatum, Petrus homo. *Secunda* est, qua aliquid alteri communicatur per identitatem, puta natura communis suis inferioribus; & hæc dicitur communicabilitas *ut quod*, quia quod sic communicatur, est idem realiter cum altero, cui communicatur, sic homo communicatur Petro, & Paulo, & essentia divina tribus personis. Negatio primæ communicabilitatis tam actualis, quam aptitudinalis, est id, quo constituitur persona in ratione personæ; hinc anima separata non est persona, quia licet actualiter non communicetur, habet tamen aptitudinem, ut iterum uniatur, & communicetur suo corpori; similiter humanitas Christi non potest dici persona, licet sit actualiter, & aptitudinaliter incommunicabilis, & incommunicata, ut quod, quippe non potest prædicari de multis: tamen est communicabilis, & communicata, ut quo, tanquam forma totalis supposito, & personæ Verbi.

Notandum tertio, quod existit duabus negationibus posterior occit ex individuatione naturæ specificæ, quia ideo persona non est communicabilis, ut quod pluribus individuis actualiter, & aptitudinaliter, quod per hæcceitatem, & differentiam individualement determinatam, & contracta sit ad esse individui; unde etiam hæc sit personata aliena personalitate: ut contingit in humanitate Christi, tamen secum habet hanc negationem. *Alteram* verò negatio communicabilitatis nempe *ut quo*, occit non ex aliqua entitate positiva individui, vel personæ; sed ex defectu actionis agentis extrinseci non unientis ipsam naturam cum aliena persona; ex eo enim quod aliquod agens extrinsecum non causaverit unionem inter naturam individuum cum aliqua perso-

L na-

nalitate extranea, natura individua remanet sine unione cum personalitate extranea, unde manet in se personata propria personalitate. Quibus præmissis, duo sunt in præsentiarum determinanda. Primum quidem, an per divinam potentiam persona creata possit effectivè assumere, & sustentare naturam alienam: secundum verò, an saltem terminativè id præstare queat.

CONCLUSIO PRIMA.

Persona creata non potest ex se effectivè assumere naturam alienam, nec eam sibi hypostatice unire. Ita Doctor loco laudato, eamque sic probat. Natura creata ab eo solum assumi potest effectivè ad unionem hypostaticam, respectu cuius habet potentiam obedientialem; sed nulla natura habet potentiam obedientialem ad aliquam creaturam; aliàs illa potentia non diceretur obedientialis, sed naturalis, prout naturalis potentia opponitur obedientiali: ergo nulla persona creata potest effectivè assumere naturam alienam. Major patet: cum enim illa assumptio naturæ vires excedat, ut dictum est in primo Notabili, & propterea mysterium Incarnationis dicitur miraculorum omnium maximum, & opus dextere Excelsi, evidens est, quod connaturaliter fieri non possit, sed ad id exigit virtutem omnes naturæ conatus excedentem. Minor etiam constat, quippe potentia obedientialis in creatura respicit solam efficientiam primæ causæ, cui tanquam omnium efficientium principi subordinetur, & subijcitur.

Deinde. Nulla creatura particularis potest evterere, destruere, aut impedire id, quod ex se pertinet ad ordinem universalem rerum primæ causæ immediate subditum: at subsistentia propria alicujus naturæ, & illius fluxus, seu emanatio pertinet ad dictum ordinem; ergo nulla creatura potest illum invertere, nec consequenter impedire, ne illa subsistentia fluat ab ipsa natura individuali, & subinde non potest illam ad se effectivè sumere. *Denique,* Suppositum creatum, secundum sententiam probabiliorum, dicit formaliter negationem; sed negatio non potest habere virtutem effectivam, partialem, aut totalem respectu illius positivi: igitur, &c.

Dices primò; Tam persona creata potest unire naturam aliquam alieno supposito,

quàm potest eandem unire cum proprio illius supposito: atqui postremum nedum fieri potest, sed & quotidie fit, dum enim pater aliquis producit filium, sicut videtur attingere unionem corporis cum anima, ita etiam videtur unire naturam sui filii cum illius supposito, quia producit illam naturam subsistentem, & suppositatam: ergo posset etiam vel ipse, vel saltem Angelus illam naturam effectivè unire cum alieno supposito.

Respondet primò, negando minorem: saltem enim est propriè loquendo, quòd qui producit naturam singularem, uniat illam cum proprio supposito; sicut nec propriè illam unit cum suis proprietatibus, quæ potius dicuntur ex natura producta fluere, quàm ipsi uniri.

Respondet secundò, negando majorem: cum quia dato, quòd producat naturam uniat illam cum proprio supposito, tunc non invertit, imò sequitur ordinem universalem rerum; ad hoc autem, ut illam uniret cum alieno supposito, invertendus esset rerum præscriptus ordo, quod utique causa secunda præstare nequit: tum quia sicut non potest pater unire corpus filii sui cum anima alia ab ea, quæ est filio propria; ita dicendum de natura respectu proprii suppositi.

Dices secundò: Agens superioris ordinis, quod continet perfectionem inferioris, potest illius virtutem, & effectum supplere: sed persona angelica, v. g. est superioris ordinis respectivè ad humanam, omnemque hominum perfectionem virtualiter continet: igitur potest humanam personam supplere, ejusque vices præstare, & consequenter potest naturam humanam sibi hypostatice unire.

Negat minorem Doctor num. 4. Sicut enim Angelus non continet potentiam visivam, ita ut possit supplere defectum ejus, quamvis habeat potentias longè superiores facultati visivæ: ita licet in ratione personæ formaliter sit præstantior, quàm persona humana, non sequitur necessàriò, quòd possit supplere defectum, & præstare vices personæ humanæ.

Adde quòd negari possit, quòd persona Angelica in ratione personæ sit præstantior personalitate humana.

CONCLUSIO SECUNDA.

Probabilis est per extraordinariam Dei potentiam, quod personalitas creata possit terminare alienam naturam, & ipsi hypostatice uniri.

Probatur primò ex S. Hieronymo in caput I. Aggei; ubi postquam recensuit quorundam opinionem dicentium Malachiam, Aggeum, & S. Joan. Bapt. fuisse Angelos in assumptis corporibus, subdit ipse, *Non mirum esse hoc de Angelis credi; cum profalute nostra Dei Filius ipse carnem assumpserit.* Idem antea docuerat Tertull. lib. 3. contra Marcionem cap. 9. Hinc evidenter colligitur assertum in conclusione esse saltem possibile, etsi fortè reverà numquam hoc fieri contingit.

Probatur secundo. Id omne tribui debet divinæ potentie extraordinariæ, quod manifestam contradictionem, & repugnantiam non importat; sed nulla apparet repugnantia, quod personalitas creata ultra propriam naturam, etiam aliena terminet: ergo, &c. Major constat. Minor verò patet ex solutione omnium rationum, quas pro negativa sententia proferunt Adversarii.

Obijciunt itaque primò: Suppositum terminans naturam alienam debet esse omnino independens: sed suppositum creatum quodcumque non est independens: igitur alienam naturam non potest terminare. Minor patet: quidquid enim est creatum eo ipso est dependens. Major verò probatur: Tum quia hac ipsa ratione probavimus Verbum divinum idcirco terminare naturam humanam, quia est independens in ratione personæ; tum quia cum natura sustentetur per suppositum, idque dumtaxat per unicum, necesse est, quod illud suppositum sit omnino primum, & independens.

Respondet Doctor, non esse ita verum, quod suppositum debeat esse omnino independens ad hoc, ut terminet; licet enim ea sit ratio cur Verbum terminet naturam humanam; tamen fieri posset, quod alia ratione suppositum creatum terminaret dependentiam alterius naturæ si assumeretur a Deo ad id præstandum.

Adde quod substantia creata terminat adæquatè dependentiam accidentis in ratione subiecti, & tamen non est simpliciter independens: imò ipsa personalitas propria

terminat dependentiam naturæ propriæ; cum tamen illa non sit simpliciter independens.

Obijciunt secundo: Dux naturæ creatæ non sunt unibiles in eodem supposito, nisi una se habeat per modum actus, altera verò per modum potentie: at in unione hypostatice, de qua nunc loquimur, non fieret talis unio naturarum, quoniam naturæ debent remanere impermixtæ: naturæ autem, quæ uniuntur ut actus, & potentia, non permanent impermixtæ; sed ex illis fit tertia entitas, & compositum: igitur non possunt invicem in unico supposito creato convenire.

Respondet Doctor, negando majorem; nam si propter assignatam rationem dux naturæ haberent impossibilitatem in supposito creato, eandem haberent in supposito increato; & consequenter essent impossibiles, quia naturæ illæ subsistentes per suppositum increatum, ut sit reverà in incarnatione, non habent rationem actus, & potentie: ergo si hoc non obstante natura creata terminari possit per personalitatem Verbi, etiam poterit terminari per personalitates creatas; si enim dux naturæ, puræ divinæ, & humana, subsistere possint per suppositum Verbi absque eo, quod una sit actus, alia verò potentia, quidni id ipsum fieret, si dux naturæ creatæ in eadem personalitate creata subsisterent?

Obijciunt tertio: Si dux naturæ possent per suppositum, aut personalitatem creatam terminari, Incarnatio Verbi non foret mysterium singulare, & sine exemplo, nec per consequens mirabile: at consequens est absurdum: ergo, &c.

Nego majorem: Quamquam enim fortè non esset æquè mirabile, ac nunc est, non minus tamen omni admiratione dignum esset: quid enim mirabilius fingi potest, quàm quod, ut ait Apostolus, ille qui est splendor gloriæ, & figura substantiæ Patris æterni, ei per omnia cœqualis, semetipsum tamen exinanivit, formam servi accipiens, in similitudinem hominum factus?

Obijciunt quarto: Si posset subsistentia creata terminare dependentiam naturæ humanæ, & eam reddere formaliter subsistentem, haberet ex natura sua virtutem id faciendi: sed hoc est falsum; quia indefequeretur, quod posset naturaliter talem effectum præstare; quod enim præstare potest ex natura sua intrinseca, id præstat naturali-

raliter: sequeretur etiam, quod connaturaliter id præstare exigeret, & concursus omnino ad id faciendum haberet requisitum.

Nego majorem: Si enim esset verum, sequeretur pariter, quod Verbum divinum peteret connaturaliter terminare dependentiam, & unionem hypostaticam naturæ humanæ, quod est absurdum. Sequeretur etiam, quod anima naturaliter postulare recipere habitus supernaturales, & earum inhaesionem terminare, quia ex natura sua intrinseca absque aliquo superaddito potest illos habitus recipere.

Adde quod licet omnis potentia naturalis possit reduci ad actum naturaliter; non tamen id verum est de potentia obedientiali; qualis esset illa, quam haberet suppositum creatum ad terminandam unionem alterius naturæ.

Obijciunt quintò: Subsistentia terminans plures naturas debet esse infinita: sed nulla subsistentia, & personalitas creata est infinita: ergo non potest plures naturas terminare. Minor patet: Tum quia omne creatum finitum est: tum etiam quia subsistentia creata limitatur ab illa natura cuius est complementum, & terminus. Major verò probatur: Subsistentia terminans plures naturas supplet vices subsistentiarum, quæ sunt propriæ illis naturis: sed non potest illarum vices supplere, nisi contineat eas cminenter, & consequenter nisi sit infinita.

Adde quod, qua ratione posset terminare unam naturam, posset ibidem terminare infinitas si darentur: Ergo, &c.

Nego majorem Doctorem, quippe personalitas Verbi formaliter loquendo, non est infinita, sed tantum realiter, & amenfientat, ac terminat alienam naturam. Et ad probationem respondeo, quod si manifesta petitio principii, dum dicitur, quod una subsistentia creata non contineat virtualiter perfectionem alterius, quantum requiritur ad complendam naturam, ac reddendam ipsam aptam, ut tam facile suas operationes exerceat, quam si afficeretur propria subsistentia.

Ad confirmationem dico, reversà quidem subsistentiam creatam posse terminare infinitas naturas, si darentur, nec tamen propterea conferretur infinita, quia illimitatio extrinseca, & sincategorematica, qualis esset illa, quæ peteretur ex terminatione

naturarum, non infert infinitatem, sed solum illimitatio intrinseca, & categorematica: Hinc albedo, quæ posset terminare infinitas similitudines, si darentur, non propterea conferretur intrinsece infinita.

Obijciunt sextò: Una natura creata non potest simul terminari à pluribus personis: ergo neque una persona creata potest simul plures naturas assumere.

Nego paritatem, & ratio disparitatis est aperta, idcirco enim una natura creata non potest simul terminari à pluribus personis, quia ut diximus quælibet earum est causa totalis personandi, seu terminandi naturam: At verò una persona creata respectu diversarum naturarum non causat eandem terminationem, sed diversam, quod utique non repugnat: sicut non repugnat, quod una causa efficiens producat diversos effectus, vel quod unum punctum, quod ex sua natura ordinatur ad terminandam unicam lineam, possit terminare, & de facto terminet omnes illas, quæ à circumferentia ducuntur ad ipsum.

Obijciunt septimò: Subsistentia est modus naturæ: sed implicat modum unius rei modificare aliam; implicat enim me sedere per sessionem alterius, & unum accidens inhaerere per alterius accidentis inhaerentiam: ergo implicat naturam creatam per subsistentiam alienam terminari.

Respondetur primò negando minorem: Nam subsistentia divina formaliter spectata, est modus Essentiae divinæ; quemadmodum, ut volunt aliqui, subsistentia creata est modus naturæ singularis creatæ; & tamen potest terminare subsistentiam naturæ creatæ, & eam efficere subsistentem: ergo aliquis modus potest tribuere suum effectum formalem alteri, quam rei cuius est modus.

Respondetur secundò majorem esse veram de modificatione intrinseca, quæ fit per inhaesionem; non verò de extrinseca, quæ fit per terminationem; qualis est modificatio, quæ fit per subsistentiam.

Adde quod major fortè sit vera de modis positivis, non verò de negativis, qualis est ratio formalis subsistentiæ.

Obijciunt ultimò: Ratio formalis terminandi dependentiam, & communicationem naturæ, debet esse quid reale, & positivum: Atqui secundum nostram sententiam, persona creata non constituitur per aliquid reale, & positivum, sed dumtaxat per

du-

negationem communicationis, & communicabilitatis: igitur non potest alienam naturam terminare. Major constat: tum quia relatio humanitatis assumptæ à Verbo terminatur ad aliquid reale, & positivum; nempe ad ejus subsistentiam: tum quia terminus relationis realis, & positivæ, debet esse quid reale, & positivum.

Respondeo, quod in eo casu, relatio naturæ assumptæ terminaretur ad aliquid positivum, scilicet ad illius personæ creatæ naturam singularem, non quidem nudè sumptam, sed cum adjuncta sibi duplici negatione communicabilitatis, per quam videtur esse sufficiens ad sustentandam alienam naturam, eamque reddendam incommunicabilem in sensu composito: Sicque illa relatio unionis realis non terminaretur ad negationem, quæ est personalitas, tanquam ad terminum *qui*, sed tanquam ad terminum *quo*. Non est autem inconveniens, quod relatio realis habeat pro termino formali *quo* aliquam negationem; quia relatio solum requirit extrema positivæ; non verò requirit, quod rationes formales extrinsecorum sint positivæ; nam relationes diversitatis, quæ pertinent ad primum genus relativorum, fundantur in carentia identitatis, quæ carentia, & negatio est ratio formalis quæ terminandi illas relationes.

SECTIO TERTIA.

De Unione hypostatica ex parte Naturæ assumptæ.

Notum est creaturarum alias esse substantiales, alias accidentales: substantialem, alias esse totales, alias partiales: totalium alias intellectu præditas, ut homines, & Angeli; alias vero destitutas, & rationis expertes, ut bruta, plantæ, & mixta, ac elementa. Quantum ad naturam humanam, citra dubium est illam esse assumptibilem à Verbo divino, & à qualibet alia persona, quippe quod factum est in uno individuo naturæ humanæ assumpto à Verbo, id ipsum fieri potest in cæteris. Neque enim audiendus est error Vviclephi, quem refert Vvaldensis lib. 1. *doctrinalis fidei antiquæ* cap. 44. qui asseruit nullam aliam humanitatem fuisse à Verbo assumptibilem præter illam singularem, & individuum, quam assumpsit, quod plane absurdum est; non enim potior est ra-

tio, aut repugnantia in assumptione unius individui ejusdem speciei, quam in assumptione alterius. Ideo S. Augustinus lib. 13. de Trinit. cap. 18. supponit, ut per se notum, potuisse Verbum assumere humanitatem aliunde, quam ex stirpe Adæ: hinc lib. de Prædestinatione Sanctorum cap. 15. dicit ex sola gratuita electione, & non ex alicujus meritis factum esse, ut illa potius humanitas, quam alia, Verbo jungeretur. Omissemusquisitionem de assumptibilitate humanæ naturæ, solum superest examinanda difficultas de natura, vel superiori, ut est Angelica: vel inferiori, ut est irrationalis, vel insensibilis natura. Quapropter tria maxime veniunt hac in Sectione determinanda. Primum, an quælibet natura substantialis, sive inferior homini, totalis vel partialis possit assumi à Verbo divino. Secundum, an quodlibet accidens sit etiam assumptibile. Tertium, qualiter totam humanitatem, & ejus partes Verbum divinum assumpsit.

Q U Æ S T I O P R I M A.

An natura tam Angelica, quam irrationalis, sit assumptibilis à persona divina.

Notandum primò, naturam aliquam assumptibilem denominari posse dupliciter: Primò quidem denominatione extrinsecâ petenda ab omnipotentia Dei; cui ex parte creaturarum solum respondet potentia obedientialis, seu non repugnantia: Secundo modo denominari potest assumptibilis denominatione extrinsecâ fundata in quadam congruentia à proprietate ipsius naturæ, quæ ex se, & secundum facultates, & operationes naturales magis capax est obeundi munia deservientia ad finem Incarnationis; qua ratione, humana natura maxime videtur assumptibilis; non quidem secundum capacitatem naturalem, (hoc enim modò nulla natura assumptibilis putatur) sed secundum congruentiam ad unionem, quæ ex duplici capite consurgit; nimirum ex dignitate intellectus, seu rationalis naturæ, quæ fit capax ipsius Dei, & per operationem ipsum attingat: Deinde ea necessitate, & indigentia redemptionis, quæ duo in sola natura humana ita concurrunt, ut eam maxime assumptibilem efficiant; de quo quidem assumptionis modo hic non cit tam futurus sermo, quam de posteriori.

Notandum secundò, omnes Theologos convenire, naturam humanam potiori jure à Verbo divino assumptibilem esse, ac assumi debuissè, quàm Angelicam, propter egregias rationes, quas ex sanctis Patribus depromptimus, & declaravimus in 1. Articulo præsentis Disputationis. An autem Angelica natura absolūtè possit ad unionem hypostaticam à divina persona assumi, non ita concordant omnes. Nam *Albertus Magnus* in 3. dist. 2. id negare videtur; ex eo quòd censet in Angelis idem esse naturam, & personam; & consequenter cum natura non possit assumi simul cum persona, idcirco existimat Anglicam naturam non esse assumptibilem. Cujus tamen contrarium meritò tuerentur cæteri Theologi.

Notandum tertio, Partium substantialium alias esse integrales, alias essentielles; hæcque esse vel metaphysicas, vel physicas. De essentialibus, & metaphysicis hic non est sermo, quia cum illæ in re non habeant entitatem distinctam, nec inter se, nec à toto, non aliter possunt assumi, quàm in tota natura. Partes autem physices, putà corpus, & anima in viventibus, spectari possunt vel conjunctæ in toto, vel ut realiter separatz. *Insuper* partes integrantes, aliz heterogeneæ, aliz homogeneæ, putà vel diversæ, vel ejusdem rationis. Item spectari possunt quatenus ut existunt in toto, vel ut actu sunt ab eo separatz, & divisæ. De illis hoc utroque modo spectatis quærimus, an sint assumptibiles.

CONCLUSIO PRIMA.

Natura Angelica potest assumi hypostaticè à persona divina. Ita omnes ferunt Theologi. Probaturret *primò* ex verbis Pauli ad Hebræos 2. *Nusquam Angelos apprehendit, sed semen Abrahæ*; cum enim intentum Apostoli sit commendare erga homines Dei charitatem, quòd naturam humanam, non verò Anglicam assumpserit, debet necessariò supponere possibilem fuisse naturæ Anglicæ assumptionem; alioqui nullum omnino esset illius argumentum siquidem facillè responderi posset, mirum non esse, quòd Deus, relicta natura Angelica, humanam assumpserit; quandoquidem ipsa natura Angelica non erat assumptibilis.

Probaturret secundò. Naturam Anglicam

assumi non repugnat nec ex parte Dei, nec ex parte Angelis: ergo illa simpliciter est assumptibilis. Patet antecedens, primò quidem *ex parte Dei*, quia cùm suppositum divinum sit absolūtè, & per se independens, terminare potest dependentiam ejusque naturæ, & supplere vices ejuslibet suppositi. Non etiam repugnat *ex parte Angelis*; quippe cùm sit eadem ratio de natura Angelica, ac humana, nam non alia ratione natura humana est capax assumptionis, nisi quia distinguitur realiter à sua personalitate, & consequenter potest illa vel destructa, vel non effluente, terminari per substantiam Verbi, in qua propria personalitas eminenter continetur: At idem dicendum de natura Angelica, quæ realiter à sua personalitate distinguitur: ergo qua ratione natura humana est assumptibilis, etiam Angelica assumi potest.

Obicit Albertus. In Angelis non distinguitur realiter personalitas à natura: sed sublata illa reali distinctione, natura non est assumptibilis: igitur natura Angelica non potest à Deo assumi hypostaticè. Probat majorem ex Aristotele 7. *Metaphysicorum* cap. 6. *In his, quæ sunt per se, idem est, quod quid est, & id cuius est*; hoc est, ut ipse explicat, in substantiis separatis, idem est natura, & persona.

Nego majorem, & ad illius probationem dico, Aristotelem dumtaxat velle, *ut* quòd definitio, & definitum idem sint in substantiis, secus verò in accidentibus; nam in definitione accidentium cùm illa fiat per ordinem ad aliquid extrinsecum, scilicet ad subiectum; non est idem, quod quid est, & id cuius est, quia subiectum, & accidens non sunt idem. Vel si ejus verba usurpentur de natura, & supposito, dico cum significare, quòd natura, & suppositum sint ejusdem prædicamenti; ad differentiam accidentium acceptorum in concreto; hoc est cum subiecto sustentante, quia spectant ad diversa prædicamenta; siquidem subiectum spectat ad prædicamentum substantiæ, accidens verò pro sui diversitate, diversum prædicamentum instituit.

Obicit secundò. Angelus est incorruptibilis: sed si Verbum assumeret naturam Anglicam, non esset incorruptibilis, nam illius personalitas periret, & corrumpetur: igitur non potest assumi.

Respondeo primò, quod si Angelus assumeretur in primo instanti suæ productionis

nis, in quo propria personalitas resultare deberet, illa non corrumpetur, sed non pullularet: *Secundò* dico, quòd Angelus est quidem incurruptibilis per ordinem ad agens creatum, non verò per ordinem ad Deum: unde Deus servando naturam Angelicam facili negotio posset illius personalitatem extinguere, & supplere per suam propriam, quod utique non officeret Angelicæ dignitati, & naturæ, imò illam infinitè perficeret, & compleret.

CONCLUSIO SECUNDA.

Natura quæcumque irrationalis, tam animata, quam inanimata, assumi potest à Deo ad unionem hypostaticam.

Probatur 1. ex Tertulliano lib. de carne Christi, cap. 4. ubi disputans contra Marcionem, qui negabat Christum habuisse veram carnem, quia hoc erat Deo indignum nasci ex muliere, ait: *Si revera de lupa aut sue, aut vacca, &c. de quovis corpore indutus regnum celorum prædicare voluisset, tua opinio censura illi præscriberet, indignum id Dei Filio; stultum etiam id præberet: sit sane stultum, si de nostro sensu Deum iudicemus: sed tamen circumspiciè, quòd stulta mundi elegit Deus, ut confundat sapientes.* Idem docet S. Gregorius Nisicens oratione Catechetica cap. 27. ubi refellendo eos, qui putant turpe, & indecorum esse, quòd Deus carnem, & terreste corpus assumpserit, ait: *Non fuisset tolerabilior turpitudine suscipiendo figuram cælestis corporis, quam terrestris, quia omnis creatura ex æquo distat ab illo, quæ est Altissimus, & omnia ei æqualiter subiecta sunt, nec terra est remotior a summa eius dignitate; nec cælum ei propinquius; nec Deus propriè respicit sursum, aut deorsum, sed omnia ex æquo illi subiecta sunt, qui præest omnibus: quare si terrestris natura existimeretur indigna, quæ cum Deo conjungatur, nec ulla unquam invenietur digna: quod si æqualiter omnia indigna, Deum autem decet benefacere indigenti, nihil certè eo indignum credimus, dum consitemur, ubi erat morbus, ubi medicam potestatem adhibuisse. Adhuc aliqui sententiam S. Augustini lib. de vera religione cap. 16. ubi docet Verbum divinum potuisse in aliquo corpore æthereo visibiliter hominibus apparere: sed illa doctrina non est ad præsens institutum; non enim loquitur de apparitione, quæ fieret per unionem hypostaticam, sed solum de*

ea, quæ esset sensibilis eo modo, quo Angeli apparuerunt in veteri Testamento.

Probatur secundò ratione: Omnis substantia creata completa habet id omne, quod requiritur, ut sit assumptibilis à Deo; ergo ita fieri potest. *Probatur antecessè*: nam ut talis sit, solum requirit, quòd sit apta existere in supposito realiter à se distincto, cuius vices suppleri possent per aliud suppositum: sed talis est omnis natura irrationalis, quia non est magis determinata ad proprium suppositum, quàm natura intellectualis, suppositum enim irrationale non sustentat perfectius naturam, quàm afficit, quàm suppositum rationale. *Addè* quòd in natura irrationali nulla appareat ratio, quæ repugnantiam, aut contradictionem inducat, ut ita assumatur.

Repones, repugnantiam assumptionis talis peti ex ejus indecentia, indecens enim, & indecorum Deo videtur, naturam irrationalem in concreto de ipso prædicari, ipsumque belluam, equum, suem, aut bovem denominari.

Verùm respondeo, quòd si quæ sit indecentia, illa tantum erit negativè, & comparativè, id est, minus decens, quàm quòd naturam rationalem assumat; non autem positivè, & absolute, cujusmodi indecens esse deberet, ut divinitus fieri non posset. *Addè* quòd si solius rationis naturalis ductum sequamur, non minus apparet indecens majestati divinæ Filium Dei nostram carnem assumere, & in ea nasci, laborare, cruciari, & mori, quàm si quamlibet alteram naturam corpoream assumeret.

Unde dicendum est cum Tertulliano lib. citato de carne Christi cap. 5. *Quodecumque Deo est indignum, mihi expedit, salvus sum, si non confundar de Domino meo: Qui me, inquit, confusus fuerit, confundam. Ego eum. Aliam non invenio materiam confusionis, quæ me per contemptum ruboris præbet bene impudentem, & feliciter stultum: nativus est Dei Filius, non pudet quia pudendum est: & mortuus est Dei Filius, prorsus credibile est quia ineptum est, &c.* Igitur à pari est humano sensu iudicetur in læcens, quòd Deus naturam belluinam assumeret, non tamen id foret absolute, quia non decens Deo rationes gravissimæ propter quas isti naturæ sic uniretur.

Confirmantur hæc omnia ex eo, quòd Verbum divinum in triduo mortis erat unitum corpori Christi: sed tale corpus post mortem

tem erat natura irrationalis, & insensibilis: ergo natura irrationalis, & insensibilis est capax unionis hypostaticæ.

Reponit forte, disparitatem esse, quod corpus Christi in triduo mortis aliquo modo fuerit rationale, scilicet per participationem, quia dicebat ordinem ad animam rationalem, cui poterat iterum uniri; sicque erat in potentia pars rationalis naturæ, & ex hoc erat capax unionis hypostaticæ: secus verò est de natura irrationali, quæ cum nec actu, nec potentia sit pars rationalis naturæ, idcirco est incapax assumptionis.

Contra. Ordo corporis ad animam rationalem non constituit illud in esse rationali, sed illud relinquit in esse irrationali: igitur cum per illum ordinem corpus dumtaxat dicatur rationale extrinsece, non plus constituitur formaliter, & acturationaliter, quàm lapis, aut brutum: *Deinde*, falsum est corpus Christi mortuum dicere ordinem ad animam rationalem; cum enim reunio animæ cum corpore supernaturalis sit, non potest exigi à corpore ab anima separato.

Obijciunt primò. Implicat contradictionem idem esse simul personam, & non esse; sed si natura irrationalis assumetur, esset simul persona, & non esset. Eset quidem, quia haberet personalitatem Verbis; non esset autem, quia persona est rationalis naturæ individua substantia; ergo cum hæc natura sit irrationalis, non potest esse, nec dici persona.

Nego minorem; illa enim natura non conficitur personæ; nam ut docet Doctor, unio hypostatica non est nata esse personatio, nisi id quod assumitur, capax sit personari: natura autem irrationalis non est capax rationis personæ, seu dumtaxat rationis suppositi: ergo Verbum divinum illam naturam irrationalem assumptam non constitueret personam, sed dumtaxat suppositum.

Obijciunt 2. Natura quæ non potest elevari ad videndum Deum, & ipsum amandum, non est capax unionis hypostaticæ, quia operari sequitur esse, & ipsum esse est propter operari: sed nulla natura irrationalis potest elevari ad videndum, & amandum Deum, ut constat: igitur nec ad unionem hypostaticam.

Nego majorem: Cujus contrarium apparet in corpore Christi, quod unitum tuit divinitati in triduo mortis, licet tam per

se, quàm per animam à se separatam tunc temporis esset incapax amoris, & cognitionis Dei.

Ad probationem dico, illud axioma operari sequitur esse, verum quidem esse de esse essentiae, vel potentiae, quia talis est actio, quale est principium formale, vel radicale illius: essentia autem est principium radicale, & potentia est principium formale actionis; at non est verum de esse termini ultimi substantiæ, quale est suppositum; aliàs omnes operationes Christi essent supernaturales, & divinæ; sicut & illius suppositum; quod nemo dixerit.

Inflabit: Cui non potest communicari minus, non potest communicari majus; sed visio beatifica est quid minus unionem hypostaticam: ergo cum hæc communicari non possit naturæ irrationali, etiam nec unio hypostatica communicari potest.

Respondeo majorem esse veram quando majus, & minus sunt ejusdem ordinis, non verò quando sunt diversi ordinis; sic communicari potest homini scientia, non autem volatus; & animæ communicari potest ratio, non albedo, & homo potest producere hominem, non verò lupum.

Obijciunt 3. Ea tantum creatura potest assumi hypostaticè, quæ est capax sanctitatis, quia unio hypostatica est sanctificans: sed natura irrationalis est omnis sanctitatis incapax: ergo & incapax assumptionis.

Respondeo majorem esse veram generaliter de sanctitate personali, quæ consistit in intima, eaque singulari unionem, præsentia, vel habitudine ad aliquam personam divinam; non verò de sanctitate accidentali, quæ sit per gratiam habitalem: qualis sanctitas solum communicatur naturæ rationali, quatenus rationalis est; sic corpus Christi in triduo mortis habuit sanctitatem personalem, non autem accidentalem, quia anima in qua residebat habitualis, & accidentalis sanctitas, ab eo erat separata. In forma distinguo majorem: quæ est capax sanctitatis vel personalis, vel accidentalis, vel utriusque, concedo: quæ solum est capax sanctitatis habitualis, & accidentalis, nego.

CONCLUSIO TERTIA.

P Artes reales tam essentielles physica, quàm integrantes, assumi possunt seorsim, sive existant in toto, sive extra totum, & per divinam subsistentiam subsistere.

Pro-

Probatur. Quod habet subsistentiam propriam, potest per divinam subsistentiam terminari, & subsistere: sed illæ partes propriam habent subsistentiam, saltem partialem, ut probatum est in Metaphysicis: igitur si illæ partes in toto, siue extra totum existant, possunt seorsim per divinam subsistentiam terminari, & subsistere.

Confirmatur. In triduo mortis corpus, & anima Christi seorsim subsistebant subsistentia Verbi: ergo pari ratione aliæ partes possent etiam seorsim assumi: quippe maior non apparet difficultas, ut Verbum divinum partem unicam assumat, non assumpta alia, quam, ut utramque terminet, etiam dum ab invicem separantur.

Dices. Quod etsi verum appareat partes se junctas posse terminari, & subsistere subsistentia divina, id tamen videri falsum de partibus conjunctis, tum quia partes transire videntur in entitatem totius, & consequenter subsistentiæ partiales pariter transeunt in subsistentiam totius, tum quia forma saltem ea quæ educitur de potentia materiæ non videtur habere propriam subsistentiam; sed tantum subsistere subsistentia materiæ, ideoque non potest subsistere subsistentia divina; quidquid enim non est capax subsistendi per se, seu subsistentiæ propriæ, non est etiam capax subsistentiæ alienæ: igitur conclusio non est absolute vera de omnibus partibus physicis.

Nego consequentiam, & ad antecedens dico, partes actu remanere partes in toto, licet sint actu totum constituentes. Dico insuper illas habere suas partiales proprias subsistentias, ut maxime constet de materia, quæ cum sit subiectum transformationis, & educationis formarum, requirit hunc modum per se existendi: id etiam negari non potest de forma non educibili ætenu materiæ: qualis est anima rationalis; sicut enim illa existere potest extra corpus, ita & independentem ab eo subsistere, & terminari. Idem denique constat de formis educibilibus: siquidem illæ subsistunt saltem per subsistentiam materiæ: at Deus illum modum subsistendi supplere potest conservando videlicet illas formas independentes à materia, maxime cum distinctam existentiam habeant, ut probavimus in Phisicis: igitur, &c.

Dices 2. Illud non potest assumi hypostatice, quod non potest esse persona vel

suppositum, sed partes neutrum esse possunt: ergo, &c.

Distinguo maiorem: Nihil potest assumi hypostatice, quod nequit esse persona vel suppositum, assumptione, quæ fiat per rationem personandi, & suppositandi, concedo: quæ fiat per rationem terminandi, & sustentandi, nego: partes quidem illæ nec personæ essent, nec suppositæ, sed duntaxat terminatæ ac sustentatæ.

Dices 3. Divina personalitas non potest supplere vices subsistentiæ partialis: ergo partes illæ non sunt assumptibiles. Patet antecedens: Deus enim non potest supplere vices partis, cum de ratione partis sit esse quid incompletum, & imperfectum; Deus autem censeri non potest ens incompletum, imperfectum.

Nego antecedens, & ejus probationem distinguo: divina personalitas non potest vices gerere subsistentiæ partialis quantum ad rationem partis, concedo: quantum ad rationem subsistentiæ, omni dempta imperfectione, & ratione partis, nego: sicut enim Deus uniri potuit animæ rationali à corpore separatæ, ut de facto Verbum divinum fuit unitum in triduo mortis: ita etiam terminare potest quamlibet partem.

QUESTIO SECUNDA.

An natura accidentis possit assumi à Persona divina.

Notandum 1. Certum esse quod accidens possit assumi, imò de facto fuerit assumptum mediatè, hoc est, mediane natura substantiali à Verbo assumptæ, quippe Verbum assumendo naturam humanam, assumpsit pariter accidentia ad ejus integritatem, & conservationem naturalem desideranda; qua ratione docent Theologi Verbum etiam assumpsisse omnes humanitatis defectus naturales, excepto peccato, & ignorantia. Verum difficultas est, num accidens immediatè, & per se assumi, & terminari possit à persona divina. Negat noster *Balsoli* in 3. dist. 2. quæst. 1. & cum eo *Suares* ac plurimi Recentiores: affirmat autem noster *de Rubione* in 3. dist. 2. qu. 2. cui subscribunt *Vasques*, & plurimi ex modernis.

Notandum 2. ex Doctore in 3. dist. 1. quæst. 1. num. 3. accidens duplicem habere habitudinem ad subiectum: unam quidem

dem in ratione informantis ad informabile: alteram autem in ratione terminati, & sustentati ad terminans, & sustentans. *Prima* habitudo arguit imperfectiorem tam in subiecto, quod requirit accidens, tamquam formam requisitam ad totalem sui integritatem, & perfectionem; quam in ipso accidente, quod ea ratione est ens incompletum, & extra naturam subiecti. *Secunda* verò arguit quidem imperfectiorem in accidente, quod existere non potest nisi sustentetur à subiecto: nullam verò denotat imperfectiorem in subiecto, nisi perfectionem in eo connotat, nempe virtutem sustentativam alterius entis.

Notandum 3. ex eodem Doctore quæst. 19. quodlibetica art. 2. quod etsi accidens, propter suam imperfectiorem non possit habere per se suppositum, & consequenter non possit hypostaticè intrinsecè terminari; tamen requirit suppositum intrinsecum subsistentiæ, ad quod ejus dependentia terminetur, tamquam ad suum suppositum, cui tamen non identificatur, nec cum eo sit perfectiorem, quia natura accidentis, & suppositum substantiæ sunt alterius generis; est tamen inter illa aliqua unio supplens (ut possibile est) vicem identitatis, quæ unio ex parte accidentis est actualis dependentia ejus naturæ: ex parte verò suppositi, est terminatio illius dependentiæ, quæ terminatio non est aliud, quam actualis sustentatio illius accidentis, ratione cuius conservatur accidens in suo esse.

CONCLUSIO UNICA.

Natura Accidentis assumi potest à persona divina.

Probat. Ea natura est assumptibilis à persona divina, cujus dependentia terminari potest: sed accidentis dependentia terminari potest à natura divina: ergo, &c. Major constat. Minor probatur: Si quæ esset repugnantia quominus natura accidentis terminari posset à natura divina, peteretur vel ex parte personæ divinæ, vel ex parte ipsius naturæ accidentis: sed ex neutro capite repugnat. Non quidem ex parte personæ divinæ, quæ cum habeat vim infinitam, & independentem in ratione terminantis, potest terminare id omne, quod est terminabile, e videlicet modo quo terminabile est, ubi actualis illa terminatio non est de intrinseco conceptu ipsius rei, quæ terminatur. Nec etiam im-

plicat ex parte accidentis, quippe actualis terminatio accidentis à suo subiecto, non est de intrinseco illius conceptu; nec ita naturalis, & necessaria, ut constet in speciebus Eucharisticis, quæ non terminantur per subiectum; quippe cum ipsi non inhæreant.

Adde quod dependentia accidentis à sustentante, non minus fit in potentia obedienciali respectu divinæ personæ, quam dependentia naturæ substantialis ab ipsa divina persona, per quam sustentari, & terminari potest.

Dices 1. Terminari non potest accidens per subiectum, nisi quatenus hoc habet rationem potentiz passivæ respectu accidentis, quod est illius forma informans: sed divina persona non potest habere rationem potentiz passivæ respectu accidentis; quippe cum ab ipso non possit informari: ergo nec potest accidens terminare, & assumere.

Nego majorem: Nam ut diximus in 2. *Notabili*, duplex est habitudo accidentis ad subiectum cui inest; nempe in ratione informantis, & in ratione terminati: atque adeo duo hæc in subiecto distinguuntur, nempe esse potentiam passivam respectu accidentis, terminare illius dependentiam; hinc persona divina potest hoc ultimum munus præstare, quamvis primum efficere nequeat.

Dices 2. Nihil est capax terminari modo opposito suæ entitati, quandoquidem id quod terminat alienam entitatem, supplet vices proprii ejus termini: sed esse subsistens, & terminatum per subsistentiam divinam, est modus oppositus modo conaturali accidentis, qui est inhærentia, nec enim terminatur accidens nisi per subiectum cui inhæret: igitur non potest ita assumi nec terminari.

Distinguo minorem: Modus subsistendi per se, e ratione, qua subsistentia per se subsistit, est oppositus modo existendi accidentis, concedo: modus subsistendi non per se, sed ratione sustentantis, & terminantis, est modus oppositus existentiæ accidentis, nego: persona autem divina non tribueret modum existendi per se accidenti, quemadmodum ipsa per se subsistit, sed dumtaxat modum sustentati, & terminati; ita quod accidens sic assumptum conservari posset absque omni subiecto nec exigeret aliud subiectum à quo terminaretur.

Di-

Dices 3. Si persona divina assumeret accidens immediatè, puta albedinem, sequeretur quòd accidens in abstracto, vel in concreto, prædicari posset de persona divina, quemadmodum natura humana in concreto enuntiatur de Verbo, cum dicitur, *Deus est homo*: sed absurdum est personam divinam posse dici albedinem vel albam: ergo pariter est absurdum, accidens ab ea posse assumi.

Nego sequelam majoris: Non enim accidens posset enuntiari de persona divina in abstracto quia non aliter enuntiari deberet accidens de persona assumente, quam enuntiatur de subiecto cui inest: at nullum accidens enuntiatur de subiecto in abstracto; non enim dicitur paries est albedo. Non posset similiter enuntiari in concreto; quia nullum accidens enuntiatur in concreto, nisi de subiecto cui inest per modum inhærentis, & informantis: at in tali hypothesi, albedo non inesset personæ divinæ per modum inhærentis, & informantis, sed tantum per modum informati, & terminati: igitur dici non posset, persona divina est alba, prædicatione scilicet concreti accidentalis de suo subiecto, quamvis fortè, (ut dicit Marfilus) ita posset appellari ratione unionis, dicique posset, persona divina est alba, id est, habens albedinem, non per modum informati, sed per modum terminantis, & sustentantis.

Advertendum autem conclusionem intelligendam esse duntaxat de illis accidentibus, quæ separabilia sunt à suis subiectis, & terminis: cum enim relationes v. gr. non possint ullatenus existere independentes à suis fundamentis & terminis, ita nec possunt à divina persona sustentari; similiter cum figura existere nequeat, & separari à suo subiecto, quippe est essentialiter terminus quantitatis diversimodè se habentis, etiam illam inassumptibilem iudico.

QUÆSTIO TERTIA.

Qualiter, & quo ordine Verbum divinum humanitatem, & ejus partes assumpsit.

Notandum 1. certum esse, ac fide credendum, ut probabimus in sequenti disput. Verbum divinum veram animam humanam, verumque corpus, & omnes il-

lius partes integrantes, & ad corporis ornatum, & necessitatem conducentes, assumpsisse. Certum pariter prioritate temporis, non prius aliquam hominis partem assumpsisse, quam alteram: siquidem fide constat animam, & corpus simul tempore fuisse à Verbo assumptæ, ita ut nec anima prius tempore, quam corpus, nec corpus prius, quam anima, sed simul, & in eodem instanti, in quo fuit producta in Virginis utero Christi humanitas, seu in quo fuit creata anima Christi, & unita carni, caro quidem, nam ut optime docet S. Damascenus lib. 3. de fide c. 2. *Simul ut caro exiit, simul quoque Dei caro exiit: simul caro animata rationis, atque intelligentie participi.* Vel ut loquitur S. Fulgentius lib. de Incarnatione cap. 3. *Ipsa acceptio carnis, fuit Conceptio Virginalis ... Non est aliquod igitur intervallum temporis estimandum inter concepta carnis initium, & concipiendæ Majestatis adventum.* Idem dicendum de anima, quare Concilium quintum generale can. 2. proscribens errores Origenis, qui dicebat Christum animam fuisse cum cæteris animabus initio mundi creatam, atque suis operibus meruisse uniri hypostaticè Verbo Dei, illique de factò fuisse unitam, pridem antequam corpori jungeretur, sic ait: *Si quis dicit, aut sentit animam Domini præexistisse, unitamque esse Deo Verbo ante Incarnationem, & Nativitatem ex Virgine, anathema sit.* Quapropter Leo Papa Epistola 11. contra Eutichem, sic ait: *Arbitror alia proloquens hoc habere persuasum, quòd anima, quam Salvator assumpsit, prius in cælis sui commorata, quam de Maria Virgine nasceretur, eamque sibi Verbum in utero copulavit: sed hoc Catholicæ mentis, auresque non tolerant.* Constat igitur tam humanitatem, quam corpus, & animam eodem temporis momento fuisse assumptæ. Sed difficultas solvenda remanet, an tria hæc, nempe humanitas, corpus, & anima, eadem simultate naturæ, aut eorum aliquod prioritate naturæ fuerit assumptum. Nam S. Thomas, 3. p. qu. 6. art. 5. contendit partes prius fuisse unitas, quam totum: Doctor verò subtilis in 3. dist. 2. qu. 2. num. 5. Docet prius humanitatem prioritate naturæ assumptam fuisse, quam partes.

Notandum secundò ex eodem Doctore ibidem, aliquid dupliciter posse dici medium inter unum, & aliud: Primo quidem ut quod: secundò ut quo; Medium ut quod, seu

me-

medium *quod*, est id quod est res distincta medians inter unum, & alterum; sic inter substantiam, & qualitates corporeas mediat quantitas, in qua immediate (ut communiter docetur) recipiuntur illæ qualitates corporeæ, & ea mediante substantia insunt. Medium *ut quo*, seu medium *quo*, est ratio formalis, qua agens potest agere, seu recipiens recipere; sicut enim agens non potest agere, nisi haberet virtutem agendi, hinc dici potest, quod agat mediante virtute activa, quæ est medium *quo* agit: sic non potest subiectum recipere aliquid, nisi habeat in se virtutem, seu potentiam receptivam, quæ dici potest medium quo aliquid recipit, & sicut virtus agendi non est medium *quod* inter agens, & effectum, ita nec virtus recipiendi dici potest medium *quod* inter recipiens, & receptum. Ex quibus sequitur, quod aliquid dici possit assumi dupliciter. Primò quidem ut medium *quod*, id est quod verè, & immediate assumitur, & ipso mediante aliud assumitur. V.g. vasin quo aliquis liquor continetur, est medium *quod*, quia ipso mediante liquor assumitur, & deportatur. Secundò potest aliquid assumi, ut medium *quo*, quatenus est ratio, quare aliud assumitur: quod utique subdivitur in medium *quo* ex necessitate naturæ, id est, quod sit ratio orta solum ex necessitate naturæ, quare aliud assumatur, & medium *quo* ex congruentia, quod sit ratio orta solum ex congruitate, quare unum prius assumatur, quam aliud. Difficultas ergo præfens est, an partes humanitatis prius prioritate naturæ assumptæ sint, ut medium *quod*, quam ipsa humanitas, aut vice versa.

Notandum tertio; Partes duobus modis considerari, vel comparari posse, videlicet ad se invicem, seu in ordine ad habitudinem, quam servant inter se: & ad humanitatem, seu in ordine ad earum unionem, & totius humanitatis constitutionem. *Prima comparatio* fit, dum quæritur, an anima prius unita sit Verbo, quam corpus: Secunda verò, dum quæritur utrum partes fuerint prius unitæ Verbo, quam toti, vel vice versa. Hinc movetur quæstio, an per assumptionem totius, & per solam unionem Verbi ad totam humanitatem (ex hypothesi, quod illa sit prius assumpta, quam partes) resultaverit unio cum partibus per quamdam resultantiam naturalem: Vel potius utrum posita unione cum to-

ta humanitate, prius natura, quam cum partibus, necessariæ etiam fuerint speciales uniones ipsius Verbi cum ipsis partibus ratione autem huius difficultatis in eo fundatur, quod si admittantur tres uniones, videntur entia multiplicari sine necessitate; cum enim partes sint in toto formaliter, & intrinsecè, consequens videtur, quod ex unione totius ad Verbum, necessariò resultet unio partium ad Verbum, e contra verò si non admittantur tres illæ uniones, sequitur, quod destructo toto, etiam pereant uniones Verbi cum corpore, & anima, & sic ex destructa humanitate, ut factum est in triduo mortis, consequens esset, vel quod Verbum non permanisset unitum corpori, & animæ, vel quod opus fuisset novas fieri uniones ipsius Verbi cum corpore, & anima.

His ita præmissis, tria maximè veniunt determinanda. *Primum*, an partes humanitatis fuerint medium *quod*; *Secundum*, an fuerint medium *quo* illius assumptionis. *Tertium*, an & quomodo anima fuerit medium *quo* assumptionis corporis.

CONCLUSIO PRIMA.

Partes non sunt medium quod respectu assumptionis totius humanitatis: neque ordine intentionis, neque ordine executionis. Hæc constat duabus partibus, quarum *Prima* communis est inter Theologos; illud enim ordine intentionis prius natura fuit assumptum, cujus assumptio fuit per se prius intenta; at primò intenta fuit assumptio humanitatis, quam partium: in hoc enim mysterio, id quod primò intenditur, est quod Verbum fiat homo; cum autem fieri non possit homo, nisi assumendo humanitatem, quæ ut vera sit, constare debet corpore, & anima; inde fit, quod ordine intentionis tota humanitas prius assumitur; deinde verò partes, quibus constat.

Secunda pars autem est contra Thomistas, quam sic probat Doctor. Illud est primò assumptibile à Verbo, ut medium *quod*, quod est in se primò personabile: sed tota humanitas est prius personabilis, quam partes: ergo, &c. Major constat, quia in eodem instanti tam temporis, quam naturæ, Verbum supplevit personalem creatam, quo ipsa exurgere debebat: unde si prius exurgere debuerit personabilis totius, quam partium, etiam tota humanitas prius debuit assumi, quam par-

partes. Minor verò probatur, quia licet partes, etiam ut unitæ, habeant subsistentias parciales, tamen hac ratione dici non possunt prius natura assumptæ, quam totum: quia partes non debebant prius assumi, quam inter se unirentur; neque enim assumptio earum habet ullam rationem causæ, aut conditionis ad earum unionem inter se: sed in eodem ipso instanti, in quo sunt unitæ, aut saltem in instanti naturæ immediatè sequenti tota natura est assumpta: prius ergo natura partes non fuerunt assumptæ, quam fuerint unitæ cum toto.

Deinde, Personalitas Verbi divini est perfecta, & completa: ergo postulat prius natura communicari substantiæ completæ, qualis est tota humanitas, quam substantiæ incompletæ, qualis est anima rationalis, vel corpus; & consequenter non debuit prius natura assumere corpus, aut animam, quam totam humanitatem.

Denique, Verbum est primaria sui unionis homo, non est autem homo, nisi per id, quod est assumptum: ergo per illud, quod assumptum est, fuit primò homo: at si prius natura partes assumpsisset, quantum, non posset dici primaria sui unionis homo; quia aliquid dicitur primò homo per totam humanitatem; non autem per partes: ergo primo assumpsit totam humanitatem.

Dicitur. Eodem modo communicata fuit subsistentia divina toti humanitati, & ejus partibus, quo eis convenit subsistentia humana ipsi connaturalis: sed subsistentia humana in ordine executionis prius natura convenit animæ rationali: deinde corpori, cui unitur per informationem, & denique toti humanitati ex utroque resultanti; ergo ordine executionis prius natura fuerunt assumptæ partes humanitatis, quam tota humanitas. Major patet, nullum enim est fundamentum invertendi in assumptione humanitatis ad Verbum, modum, & ordinem naturalem. Minor verò probatur, quia subsistentia humana prius natura convenit animæ rationali, quam toti humanitati; nam anima rationalis fit per creationem: ergo per illam accipit esse subsistentiæ; sed per hoc, quod unitur corpori, non deperdit illud esse, aliàs frustra produceretur à Deo per creationem: ergo prius natura subsistit, quam uniatur corpori, subindeque prius natura illi convenit subsistentia, quam toti humanitati. Deinde confirmatur, quia causa saltem prio-

tate naturæ antecedit effectum: sed partes sunt veluti causæ totius: ergo necessàriò totum anteceditur.

Distinguo majorem. Subsistentia divina communicata fuit prius partibus, quam toti humanitati, seu partes humanitatis prius fuerunt assumptæ, quam tota humanitas: ut medium quod, nego: ut medium quo, concedo. Quia, inquit Doctor, sicut anima rationalis est medium quo, seu ratione, cujus homo fit risibilis, non ipsa est risibilis; sed ipse homo, quia risibilitas non advenit, nisi ubi completa est humanitas: ita licet partes sint medium quo homo fit subsistens, & priores sint natura tota humanitati; tamen non sunt in se prius subsistentes saltem subsistentia completa: sed quod est subsistens, est homo, cui non advenit subsistentia, seu personalitas, nisi ubi homo habet suum esse totale, & completum.

Instabit. Pars est prior tota via generationis, seu in generatione prius pars producit, quam totum: ergo etiam in assumptione prius assumitur pars, quam totum.

Respondet Doctor, permissio antecedente, negando consequentiam; non enim est consequens, quod si unum sit prius alio secundum ordinem generationis, sit etiam prius secundum ordinem subsistentiæ, & rationem personationis, quippe nulla est ratio, unde colligatur, quod talem debeant servare ordinem. Deinde, personalitas est complementum ipsius naturæ compositæ; unde non debet prius competere alicui, quam eidem naturæ.

Dicitur secundò. Illud est prius altero, à quo non convertitur subsistendi consequentia: sed non convertitur ab assumptione partium ad assumptionem totius, neque enim valet dicere, assumpsit partes: ergo etiam assumpsit totum; bene verò sequitur assumpsit totum: ergo & partes: igitur prior est assumptio partium, quam totius.

Distinguit majorem Doctor, illud est prius secundum consequentiam, concedit: secundum causalitatem, negat: & concessa minore, similiter distinguit consequens: neque enim omne, quod est prius secundum consequentiam, est prius secundum causalitatem, cujus Doctor proferit exemplum; quia accidens, quod consequitur ad plura, ut calor, qui sequitur ab igne, & sole, non infert necessàriò, & determinatè existentiam, & præsentiam solis, aut ignis; nam bene quidem sequitur, est ignis, ergo est calor; est sol, ergo est calor: non verò sequitur est

est calor, ergo est ignis. Unde calor est prior prioritate illa, à qua non convertitur subsistendi consequentia; & tamen est posterior causalitate. Aliud exemplum proferri potest, quia totum v. g. non potest esse in loco, quin partes etiam sint in loco, nec tamen sequitur, quod partes prius ponantur in loco, quam totum: ergo quamvis totum non possit assumi absque partibus, & partes assumi absque toto, non sequitur, quod prius assumi debeant partes, quam totum.

Respondet secundò, distinguendo minorem. Ab assumptione illa partium, quæ facta est pro omni tempore, quo assumptum est totum, negat minorem: ab alia assumptione, quæ fieret, concedit minorem: & negat consequentiam. Quæ responsio in eo fundatur, quod dicat de facto non esse aliquam specialem unionem partium humanitatis cum personalitate Verbi, præter unionem ipsius humanitatis, quamvis possent partes uniri alia unionem immediata, ut unitæ fuerunt in triduo mortis.

Dices 3. Si Verbum assumpsisset primò totam humanitatem, aliquando dimisisset, quod semel assumpsit; quia in morte non habuit totam assumptam humanitatem; quippe illa dissoluta fuit per separationem corporis ab anima; sed consequens videtur militare in illud vulgare axioma Theologicum ex sancto Damasceno de promptum, *Quod semel assumpsit nunquam dimisit*: ergo, &c.

Negat minor Doctor: siquidem, inquit, conveniunt omnes Theologi, quod Verbum in triduo mortis non habuerit assumptum totum; quia tunc non erat totum humanitatis, quod per mortem dissolutum fuerat; Unde sanctus Damascenus solum voluit, quod nullam unquam partem humanitatis Verbum dimiserit, quam semel assumpsit.

Dices denique. S. Augustinus lib. de Agone Christiano cap. 18. dicit, *Incommunicabilis veritas per spiritum animam, & per animam corpus; & sic demum totum hominem assumpsit*: ergo prius assumpsit partes, quam totum.

Respondet Doctor, S. Augustinum esse intelligendum de medio quo congruentiæ: non verò de medio quod; quippe congruebat, ut anima prius assumeretur, quam corpus, & corpus, quam humanitas, ut demonstrabit

CONCLUSIO SECUNDA.

Partes fuerunt medium, quo, assumptionis totius humanitatis. Hæc est communis apud omnes, & probatur. Illud est medium quo assumptionis alterius, quod est causa, vel ratio, cur illud sit assumptibile: sed partes humanitatis sunt causæ, cur illa sit assumptibilis: Ergo, &c. Major constat. Minor probatur: Illud est causa, cur aliquid sit assumptibile, quod est causa, & ratio entitatis ejus, ac congruentiæ cur potius assumatur, quam aliud: sed id præstant partes humanitatis: ipsæ enim humanitatem constituunt, eamque aptam efficiunt, quæ potius assumatur, quam alia natura; corpus namque deservit ad finem Incarnationis, nempe hominum salutem per sacrificium mortis Christi operandam; anima verò, quia ipsa maxime interfuit ad obeunda munia Doctoris, & Legislatoris, &c. igitur illæ humanitatis partes sunt medium quo assumptionis totius illius humanitatis.

CONCLUSIO TERTIA.

Anima non est medium, quod, assumptionis corporis, sed tantum medium quo, non quidem necessario, sed congruenter. Hæc tribus partibus constat, quarum probatur prima. Primò quidem: Si anima fuisset medium quod assumptionis corporis, necesse fuisset, quod in instanti mortis fieri debuisset nova corporis assumptio, nam in triduo mortis corpus Christi fuit Verbo unitum; non autem mediante anima, à qua erat sejunctum.

Deinde, de ratione personæ est incommunicabilitas: hæc autem magis competit naturæ, quam formæ, quia in toto forma communicatur materiæ, ut dans esse: igitur sicut in natura in se personata magis appropriatur incommunicabilitas ista corpori, quia corpus non communicatur alteri per modum formæ, sicut anima ipsi communicatur; ita quando personatur per alterum, debetur prius subsistentiæ corpori, quam animæ; ergo tantum abest, ut dicatur corpus Christi assumptum per animam, tanquam per medium quod, quin potius corpus prius dicendum esset assumptum, quam anima.

Denique, corpus natum est in se subsistere; non verò præciè per animam: ergo

ex se postulat tam terminari per subsistentiam divinam, quam ipsa anima, adeoque eodem instanti, tam corpus, quam anima fuerunt assumpta a Verbo, nec unum dici debet medium quod in ordine ad assumptionem alterius.

Secunda pars sufficienter apparet ex dictis; quippe qua ratione Verbum divinum potuit assumere quamlibet naturam corporalem, etiam potuisset assumere corpus humanum anima rationali destitutum, & sic anima non est medium quo assumptionis corporis necessitate naturæ; sed dumtaxat ex convenientia; unde

Tertia pars est evidens: congruum enim fuit, ut assumeretur anima rationalis: ergo corpus informatum anima rationali. Hinc divinus Pater parvificans sacrificia oblata ex victimis irrationabilibus, corpus adaptavit Verbo, in quo faceret satis pro peccatis; non deuit autem satisfactionem fieri per corpus anima rationali destitutum: igitur congruenter anima fuit medium quo assumptionis corporis.

Ex his collige partes humanitatis non fuisse assumptas per assumptionem totius, quasi per quamdam redundantiam ac resultantiam: tum quia sequeretur novas fuisse factas uniones in triduo, cum tunc partes non fuerint unitæ Verbo per totum: tum quia illis partibus debentur subsistentiæ parciales, quippe cum se junctim, & separatim possint existere: ergo debuerunt immediate, & primò suppleri à Verbo: hinc dicendum, quod ultra unionem totalem dentur duæ parciales, una ad animam; altera verò ad corpus.

Potes, an in resurrectione producta fuerit nova unio humanitatis cum Verbo, an verò totalis illa unio potius resukaverit ex unionibus partialibus Verbi cum anima, & corpore.

Respondet, mihi verisimile videri neutrum esse dicendum, sed reproductam fuisse eandem, quæ prius inerat. Nec propterea dicendum est, quod in resurrectione reproducta fuerit incarnatio; quia incarnatio dicitur unionem non solum toto, sed etiam cum partibus; unde cum in triduo mortis Verbum semper remanserit unum animæ, & corpori, non debet censi reproducta incarnatio.

Hic inquirunt Auctores, an Verbum assumpsit omnes partes corporis tam animatas, quam vitæ expertes. Verum ordine

convenientiori huic disquisitioni faciemus satis in 2. disput. sequenti agendo de veritate humanitatis Christi.

Quæres 1. Utrum natura creata cum sua propria personalitate assumi possit.

R *Respondet* hujus quæsitæ triplicem posse sensum accipi. *Primum* quidem, an personalitas ipsa immediate possit assumi sicut & natura. *Secundum*, an saltem natura affecta personalitate propria potuerit assumi, ita ut personalitas ipsa non destrueretur, & periret: *Tertium* denique, an natura existens cum propria personalitate, ita possit assumi, ut tamen illa personalitas pereat.

Dico ad primum, extra dubium esse, quod personalitas ipsa assumi non possit perse, & immediate ad subsistendum cum personalitate divina: tum quia subsistentia est naturæ ultimus terminus in ratione subsistendi: termino autem ultimo posito, ulterior terminatio absolute repugnat: tum quia personalitas non potest assumi nisi assumatur ad subsistendum, implicat autem personam assumi ad subsistendum, cum persona sit rationalis naturæ individua subsistentia, hoc est, incommunicabilis alteri: tum denique, quia etiam, ut pluries diximus, ratio formalis personæ creatæ consistit in duplici negatione communicabilitatis, ut quo, & ut quod: repugnat autem negationem assumi, & terminari per subsistentiam divinam.

Ad secundum dico, naturam affectam propria personalitate, sic potuisse assumi à persona Verbi, ut in instanti assumptionis non subsisteret, sed periret propria personalitas; tum quia non potest esse major repugnantia, quod natura propria personalitate illi conjuncta privetur, quam quod sine illa producatur: sed reverà natura potest produci sine propria personalitate: igitur illa personalitas jam existens potest destrui. Major patet: Quia non amplior requiritur virtus ad destrucendam subsistentiam jam productam, quam ad impediendum ne producatur: sed divina virtus impedit ne produceretur, & ne resukaret ex natura individuali coispolitanti; quo producta fuit illa natura: igitur potuit etiam productam destruere.

Confirmatur à simili, Deus enim potest accidens prius inherens subiecto, privare mo-

modo in hærentiæ, destruendo videlicet subiectum, ut sit per transubstantiationem in conficiendo Eucharistiæ Sacramentum; potest item humanitatem jam subsistentem in Verbo privare modo unionis; ita quod illa humanitas sibi relicta, nec per aliam personalitatem subsistens, jam per propriam incipiat subsistere: ergo è contrario posset Deus naturam spoliare propria personalitate, & extrinsecam illi conferre.

Ad tertium dico cum Doctore in 3. dist. 5. quæst. 2. ne quidem per divinam potentiam naturam affectam propria personalitate assumi possit ad unionem hypostaticam: quod utique colligitur ex V. Synodo generali Coll. 8. Can. 5. ubi dicitur, *Si quis non confietur Dei Verbum carni secundum subsistentiam unitum, & propter hoc unam ejus subsistentiam, seu unam personam, anathematizet*. Ex quibus sic argumentor: Concilium colligit in Christo esse unam dumtaxat personam, ex eo quod humanitas fuit assumpta ad subsistentiam Verbi: sed hæc illatio nulla esset, si natura creata, propria personalitate retenta, posset terminari per divinam, ut constat: ergo Concilium judicat hoc esse impossibile.

Idem convincit ratio, quia personalitas est ultimum complementum, & adæquatum naturæ creatæ; ergo natura habens illud complementum non potest ulteriori affici, alioquin prius complementum esset ultimum, & non ultimum. Antecedens constat; Tum quia aliàs sequeretur, quod natura affecta propria personalitate adhuc esset incompleta. & ipsi deesset aliquod complementum substantiale: Tum quia totum, quod potest habere natura à pluribus personalitatibus, potest habere ab unica: ergo una sola personalitas est adæquatum complementum naturæ.

Deinde, personalitas propria, vel consistit in duplici negatione communicabilitatis actualis, & aptitudinalis, ut contendimus cum Doctore; vel consistit in modo aliquo positivo, ut Thomistæ prætendunt: sed ex utraque sententia constat naturam fuisse affectam non posse ulterius personari: Non quidem ratione primæ; quia inde sequeretur, quod natura conjungeretur, & non conjungeretur, & quod esset incommunicabilis, & communicabilis. Esset quidem incommunicabilis, quia jam esset personata personalitate humanæ; & esset communicabilis, quia ut personata alteri ad-

huc communicaretur. Idem etiam sequitur ex altera sententia, nam etsi personalitas consisteret in aliquo positivo, nihilominus ex se formaliter inferre deberet duplicem incommunicabilitatem, ut *quo*, & ut *quod*, subinde ubicumque esset illa persona, sequeretur duplex incommunicabilitas.

Denique, si natura humana terminata propria personalitate esset assumptibilis à persona divina, consequens esset, quod Verbum divinum debuisset illam assumere: & consequenter, quod illam assumpsisset: sed illud consequens est contra Fidem Catholicam, qua statutum est contra Nestorium, naturam humanam denudatam propria personalitate fuisse assumptam à Verbo: igitur & illud unde sequitur. Major patet: Tum quia si propria personalitas humanæ naturæ esset compatibilis cum personalitate Verbi, longè convenientius fuisset illam assumere, quàm naturam ipsa spoliata; quippe Verbum ex homine assumpsit, quod ex homine assumi decuit: Tum quia non sunt multiplicanda entia sine necessitate; majus autem esset miraculum à naturæ humanæ propriam auferre personalitatem, vel impedire ne illa ab ipsa fluere in instanti suæ formationis: igitur convenientius fuisset naturam assumere unâ cum personalitate, quàm ea denudatam.

Dices. S. Damascenus lib. Cur ad imaginem sumus, ait: *Dei Filius salutari Patris voluntate factus est homo, naturamque humanam sibi unâ cum humana voluntate, quæ ejus naturæ est, conjunxit; hominis autem hypostasim non conjunxit*: Cujus assertionem hanc rationem subdit, *ne natura humane voluntas, quæ naturæ attribuitur, voluntate ea, quæ hypostasim attingit, à divine voluntatis præscriptione discederet, sed ei sponte pareret in omnibus*. Ex quibus sic licet argumentari. S. Damascenus docet verbum ideo naturam humanam, non autem hypostasim hominis, assumpsisse, ne fieret assumptio, cum qua staret peccabilitas: ergo supponit absolutè, & physicè illam assumptionem esse possibilem. Consequentia patet: si enim assumptionem illam judicasset impossibilem, non ideoque diceret hypostasim non esse assumptam, ut peccabilitas vitaretur, sed quia impossibilis esset.

Respondet S. Damascenus loco citato solum intendere, quod Verbum divinum naturam humanam, & ejus voluntatem sibi physicè copulavit per unionem ad subsi-

stent-

stentiam divinam: cum autem subdit non sibi conjunxisse hypostasim hominis, loquitur de conjunctione, quam hæretici docebant, scilicet per affectum, & solum amorem; & hujus rationem reddit, ne voluntati hypostasim natura humana à Dei voluntate discederet: hæc autem conjunctio effectiva, & moralis, licet reverà excludatur contra Nestorium, tamen est possibilis.

Adde quòd si genuina hæc sint sancti Damasceni verba, vix intelligi potest quid intendat; quippe ibi distinguit duplicem voluntatem, alteram hypostasim, alteram naturæ, quod omnino fictitium est,

Quæres 2. *An hæc propositio, Deus assumptus hominem, sit vera.*

Respondeo, eam interdum frequentari à SS. Patribus, & Conciliis. Siquidem S. August. lib. 9. de Civit. Dei cap. 17. loquens de Deo, hæc habet, *Qui profectò incontaminabilis Deus, absit ut contaminationem timeret de homine, quo indutus est, aut ex hominibus inter quos conversatus est.* Similiter sanctus Anselmus libro de Incarnatione Verbi cap. 23. non veretur asserere Deum assumptisse hominem; non tamen personam hominis, nec hunc hominem. Insuper Concil. Toletan. primum in Confessione fidei dicit, *Credimus Filium Dei ex utero Virginis assumptisse hominem.* Similia habentur in Toletano 6. cap. 1. item in Francofordiensi in Epistola ad Episcopos Hispaniæ. Idque colligitur ex pluribus sanctis Patribus lib. 15. de Trinit. Damasceno lib. 5. fidei cap. 4. Leone Magno serm. 2. de Ascensione, & plurimis aliis. Denique, hic loquendi modus usurpatur ab Ecclesia in Canticò *Te Deum laudamus*, ubi dicitur, *Tu ad liberandum suscepisti hominem, non borrusti Virginis uterum.* Quapropter Ludovicus Vives in præfatum locum S. Augustini, irridet Theologos scholasticos oppositum asserentes, quali ipsi rectius, & sanius scirent qualiter sit loquendum de rebus divinis, quàm SS. Patres: sed saniori judicio magis ipse irridendus, qui Grammaticus dumtaxat in Theologicam doctrinam, velut in alienam messiem falcem mittens, de re sibi ignota insulsum, & præceptis tulerit iudicium: nam, ut apparet, ista loquendi formula in proprietate sermonis stare nequit. Idcirco

Respondet secundò, Hæc propositio, Deus
Erassen Theol. Tom. VII.

assumpsit hominem, in rigore sermonis non est probanda, quia inde sequeretur, quod Verbum assumpsisset non solum naturam humanam, sed & personam: at consequens est erroneum, nam inde sequeretur, quod in Christo essent duæ hypostasies, & duo supposita, quia assumptum manet in assumente, ideoque si suppositum humanum fuit assumptum à Verbo, necessum est, quòd in illo permaneat: igitur hæc propositio propriè non est asserenda. Major constat: quia quamvis homo de formali solum humanitatem significet, tamen in proprio sensu, sive formali, sive materiali, significat suppositum habens humanitatem, & pro illo supponit; nam si non supponeret suppositum habens naturam, iste propositiones non essent veræ: *Petrus est homo, Paulus est homo*: Idcirco enim sequentes propositiones non sunt veræ; *Petrus est humanitas, Paulus est humanitas*, quia *humanitas* non supponit pro habente naturam, sed pro natura: ergo nomen *homo* non supponit pro natura, sed pro supposito habente naturam.

Ad formulam autem loquendi sanctorum Patrum, dico quòd cum docent *Verbum assumptisse hominem*, benignè sunt interpretandi; nempe quòd usurpaverint partem pro toto, & concretum pro abstracto, quia nempe natura hominis est assumpta, & quia illius naturæ assumptio terminata est ad hoc, ut Filius Dei fieret homo.

ARTICULUS TERTIUS.

De Causis Incarnationis.

Declarata Incarnationis essentia, ac dignitate, jam aperienda sunt illius causæ. Ex quatuor autem causis physicis, quæ solito ad effectum aliquem concurrere possunt, *materialis*, & *formalis* propriè hic non habent locum, quippe in unionem hypostaticam non fit compositio ex materia, & forma, ut dictum est; licet extrema illius unionis, scilicet Verbum, & humanitas, considerari possint, ut ejus principia, ita quòd Verbum sit tanquam actus, & forma perficiens; humanitas verò tanquam materia actuabilis, & perfectibilis. Igitur de duplici dumtaxat causa nobis est sermo, nempe de causa *Efficiente finali*, & *moralis*, seu *meritoria*; de quibus differendum erit in tribus sequentibus Sectionibus.

M

S E.

SECTIO PRIMA.

De causa Efficiente Incarnationis.

NOtum est causam Efficientem dici ab efficiendo: efficere autem tumitur duobus modis: *Primò* quidem improprie, pro quolibet influxu causæ in id quod causatur; & sic quatuor causæ physice dici possunt efficientes, quia simul concurrunt ad effectum: *Secundò*, proprie pro illa causa, quæ per se primò agit, & influit in effectum, reali, physico influxu, qualiter triplex solet distingui: nempe *principalis*, cui nimirum principaliter attribuitur actio: alia *instrumentaria*, quæ non operatur nisi virtute alterius; altera denique *dispositiva*, quæ removet obstacula impediencia productionem effectus, & sic quamdam facilitatem confert agenti, ut suam virtutem exerceat in productione talis effectus: quamquam proprie loquendo dispositio non sit verè causa, sed dumtaxat manuductio ad causalitatem exercendam. Petitur autem, an, & quæ fuerint causæ efficientes, & instrumentarie, quæve dispositiones prærequiritæ ad operandam Incarnationem; & quam utique difficultatem duabus in sequentibus Quæstionibus proponimus solvendam.

QUÆSTIO PRIMA.

Quæ fuerit, vel esse poterit causa efficiens, & instrumentaria Incarnationis.

NOtandum primò, certum esse causam principalem efficientem hoc mysterium, esse Deum, & tres divinas personas operantes ad extra. Id quippe definitum fuit in plurimis Conciliis, maximè Lateranensibus Martino primo, Can. 2. & altero Lateranensi sub Innocentio tertio; item in Toletano 6. & 11. in Confessionibus fidei; quam utique doctrinam aperte docent omnes sancti Patres quotquot de divina Incarnatione peculiarem sermonem instituerunt: maximè S. Augustinus lib. 1. de Trinit. cap. 4. & tract. 10. & 11. in Joannem. Colligitur pariter hæc veritas ex Scriptura sacra, in qua tam Patri, quam Filio, & Spiritui sancto tribuitur naturæ humanæ assumptio effectiva: Patri quidem, sic ad Gal. 4. *Miste Deus Filium suum factum ex muliere*, &c. Filio verò ad Philp. 2. *Cum in*

forma Dei esset, non rapinam arbitratus est esse se æqualem Deo, sed semetipsum exinanivit formam servi accipiens. Denique Spiritui sancto, qui huius ineffabilis mysterii dicitur artifex, quod enim in Virgine *natum est, de Spiritu sancto est*: Quibus etiam Theologica ratio suffragatur, quia cum opera ad extra procedant ab omnipotentia divina, quæ tribus personis indivisim communis est, non enim sunt tres omnipotentes, sed unus omnipotens; ideo omnia Dei opera, inter quæ præstantissimum est opus Incarnationis, à tribus divinis personis procedunt, ut sunt unum unitatæ naturæ, voluntatis, & potentæ, juxta illud Joannis 10. *Quæ Pater facit, hæc & Filius similiter facit.* Sed difficultas remanet, an Deus aliquam creaturam sublimaverit, aut sublimare potuerit ad illam dignitatem, & excellentiam, ut esset ipsi concausa efficiens, vel instrumentaria in molitione, & effectione huius mysterii.

Notandum secundò, causam Efficientem in hoc ab instrumentaria distingui, quòd Efficiens agat, & influat in effectum per propriam, & intrinsicam suam virtutem: Instrumentaria verò operetur dumtaxat, & influat in productionem effectus per virtutem sibi aliunde concessam, & ab efficiente mutuam. *Insuper* causa efficiens habet quamdam proportionem, & analogiam cum effectu producendo: quippe omnis causa productiva determinatam habet sphaeram activitatis in productione sui similis ad quod maximè ordinatur, & tendit: instrumentaria verò, maximè quæ dumtaxat habet potentiam obedientialem ad aliquod opus, nullam ex se proportionem habet cum effectu, sed tantum ad eum ordinatur, & assumitur pro nutu, & beneplacito principalis agentis. Quæritur autem impræsentiarum, an creatura aliqua assumpta fuerit, vel saltem assumi potuerit, ut instrumentum ad unionem hypostaticam operandam. Certum est autem nullam creaturam à Virgine distinctam, assumptam fuisse, ut instrumentum physicum ad hanc unionem efficiendam: quia de nulla suspicari potest, quòd Christum effecerit hominem: nulli enim Scriptura, vel sancti Patres hanc virtutem, & efficacitatem tribuunt, nam etiam ipsius Angeli Gabrielis præsentia in sola annuntiatione, & propositione mysterii, & petitione virginis consensus ter-

mi-

minata est, unde dumtaxat remanet solvenda difficultas de beatissima Virgine, an videlicet elevata fuerit à Deo tanquam instrumentum ad efficiendam unionem hypostaticam.

Nota tertio, præsentem difficultatem moveri de prima effectione hujus mysterii: certum est enim, quod fieri potuerit nova unio, saltem partialis Verbi divini ad partes substantiæ, quæ per nutritionem aggenerabatur corpori Christi per totum ipsius vitæ tempus: nam ex parte Verbitota substantia divina cuilibet corporis parti unita erat; à quo autem physice fieret ista unio, an videlicet à Deo immediate, an per humanitatem tanquam per instrumentum physicum, quæ propria sua virtute disponderet materiam alimenti, & converteret illam in substantiam suam, ita ut prius natura, quam materia alimenti informaretur anima, per actionem solius Trinitatis uniretur hypostaticè substantiæ Verbi, in quam Christus statim in eodem instanti induceret formam suam: qualiter, inquam, id factum fuerit nihil certò definiri potest. Igitur duo dumtaxat hic maximè veniunt resolvenda. *Primum*, utrum Beata Virgo assumpta fuerit, ut instrumentum physicum ad unionem hypostaticam efficiendam. *Secundum*, an Verbum divinum habuerit aliquem principalem influxum physicum, & realem in humanitatem assumptam, ad quem influxum aliæ duæ personæ non concurrerent.

CONCLUSIO PRIMA.

Beatæ Virgo non fuit elevata à Deo tanquam instrumentum physicum, ad unionem hypostaticam humanitatis in se, & ex se genitæ, cum Verbo divino.

*Probat*ur primò illis omnibus Scripturæ textibus, quibus Incarnatio soli Deo tribuitur, diciturque solius Dei opus singulare. Sic Abacuc 3. *Domine opus tuum in medio annorum*; quem textum S. Augustinus, & alii sancti Patres solitò explicant de opere Incarnationis: sed unio hypostatica non esset perfectè opus Dei singulare, si beatæ Virgo, aut aliqua creatura, illius productionis fuisset concors, & concausa; ergo Beata Virgo nullam habuit efficientiam, etiam instrumentalem, respectu unionis hypostaticæ.

Deinde, Nulla creatura, ut probavimus

in Physicis, potest assumi, ut instrumentum creationis: ergo multò minùs hujus unionis. Consequentia patet, quia sicut per creationem communicatur rei ipsam effecti existentiz, ita per hanc unionem communicatur ipsam esse substantiæ divinæ, quod certè longè præstantius est, ac nobilius, quam solum esse existentiz naturale.

Denique. Ille solus concursus tribui debet Beatissimæ Virgini, qui maximè requiritur, & sufficit, ut verè sit, & dicatur Mater Dei; sed ad id non opus est, quòd Beata Virgo habeat concursum instrumentalem in ordine ad unionem hypostaticam: ergo iste non debet admitti. Major patet, ad quid enim aliud talis concursus afferretur? Minor etiam constat, tùm quia concursus matris in productione filii, non est instrumentalis, sed principalis, sive sit dumtaxat per modum causæ materialis, vel subministrans materiam (ut volunt aliqui:) sive per modum causæ efficientis concurrentis effectivè ad formationem, & organizationem corporis, ut cæteri relictus sapere videntur.

Dices primò. Plurimi ex sanctis Patribus admittunt concursum illum instrumentalem in B. Virgine respectu unionis hypostaticæ: ergo ille est admittendus. Probat antecessens, nam Helichius homil. 2. de Beata Virgine ipsam appellat *instrumentum Incarnationis*; similiter S. Ambrosius, Epist. 82. *Per hominem*, inquit, *et mulierem caro ejus est de Paradiso: per Virginem juncta est Deo*. Ad eundem modum loquitur S. Bernardus hom. 4. super *Missus est*, dum ait Beatam Virginem illam esse mulierem, quæ tria illa sata Evangelica, carnem scilicet, animam, & divinitatem, tam bonè fermentavit, ut nec divisione quidem facta carnis, & animæ, caro, vel anima à Deo divideretur.

Respondet; Sanctos Patres dumtaxat intelligendos esse de concursu dispositivo, non verò de effectivo; quippe beatissima Virgo dispositivè censetur concurrisse ad unionem hypostaticam, quia purissimum sanguinem subministravit, & preparavit ad formandam Christi humanitatem, quæ hypostaticè fuit unita Verbo divino: unde dum illam instrumentum Incarnationis appellat, nomen *instrumenti* in ea propria significatione non usurpat, quæ accipi solet à Philosophis: sed in latiori, quæ instrumentum appellari solet, quid

quid ad productionem alterius quomodo-
cumque concurrat.

Dicitur 2. Deus uti solet suis creaturis, ut instrumentis, quando præfertim instrumentum est accommodatum effectui intento: maxime dum illud opus cedit in suæ suavis providentiæ commendationem, & creaturarum dignitatem, quas sublimare intendit; sed videtur longè major beatissime Virginis dignitas, ampliorque suavis Deidispositionis commendatio, si beata Virgo concurrat instrumentaliter ad unionem hypostaticam, quam si dumtaxat illi efficiat dispositivè: igitur hoc est dicendum.

Distinguo majorem: Quando nulla exinde apparet contradictio, & repugnantia, concedo: secus, nego: est autem contradictio, quod creatura aliqua elevetur ad creandum, multo magis ad hanc unionem efficiendam; quippe longius distant invicem Deus; & creatura in ratione unibilium, quam productio existentie ipsius creaturæ ex nihilo; siquidem distantia commensuratur ratione terminorum, minis autem distat à virtute agentis naturalis esse purè creatum, quam esse partem divinum, & creatum; quale est illud esse, quod fit per Incarnationem: igitur, &c.

CONCLUSIO SECUNDA.

Verbum divinum nullum habuit specialem influxum physicum erga formationem, & conservationem suæ humanitatis.

Probatur. Principium formale operandi ad extra, est idem, & eodem modo se habens, quoad illas operationes in omnibus divinis personis; unde quidquid una persona operatur physicè, etiam & alia operatur: igitur vel Verbum nullum habuit influxum in humanitatem Christi, quem non habuerint itidem Pater, & Spiritus S. vel si quem habuit, eundem pariter habuerunt cæteræ divinæ personæ. Consequentia patet: idcirco enim dicimus Spiritum S. procedere à Patre, & Filio indivisum, quia in Patre, & Filio est idem, & indivisum principium spirationis: ergo cum principium operandi ad extra, nempe divina omnipotentia, sit eadem in tribus divinis personis, una eadem non poterit aliquid habere influxum, quin cæteræ eundem habeant.

Deinde, Si quid peculiare præstaretur à Verbo in humanitatem assumptam, illud

totum refundi deberet in suam personalitatem; sed hæc non est activa, nec alius effectus productiva: ergo, nihil peculiare efficit. Patet antecedens: quia in Verbo duo tantum sunt; nempe divina essentia, & personalitas Verbi: divinitas autem ipsi communis est cum cæteris personis. Consequentia probatur. Totum munus personalitatis Verbi circa naturam assumptam est tantum, ut id præstet, quod præstaret ei propria personalitas si adesset: At propria personalitas nullum habet influxum realem effectivum in humanitatem cuius est; sed solum eum terminat: igitur etiam Verbi personalitas nullam efficientiam erga humanitatem assumptam habuit.

Denique, Omnis realis effectio dari debet aliquis terminus per illam productus; nulla enim datur actio productiva sine termino: at nullus assignari potest terminus efficientie Verbi circa humanitatem: ergo nullam habuit peculiarem efficientiam circa illam vel producendam, vel conservandam.

Dicitur 1. Assumere, est ad se sumere: sed ad se sumere, est agere: ergo cum assumere humanitatem fit proprium Verbi, consequens est, ut peculiarem actionem habeat circa naturam humanam, quam assumpsit.

Distinguo minorem. Assumere est agere, quatenus assumere significat formationem humanitatis, & illius unionem cum divinitate, concedo: quatenus significat terminare ipsam naturam, & illam reddere de se, & incommunicabiliter existentem, nego. Priori modo assumptio convenit toti Trinitati: posteriori verò soli Filio est propria. Priori modo assumptio est actio: posteriori est tantum terminatio.

Dicitur 2. Omne perfectissimum est activum: sed quidquid est in Verbo est perfectissimum: ergo, & activum; subindeque illius personalitas est activa, & consequenter quandam peculiarem efficientiam erga suam humanitatem habebit.

Distinguo majorem: Quidquid est perfectissimum in genere entis realis, concedo: formalis, nego: & similiter distincta minore, nego consequentiam; certum enim est plura esse divina attributa, quæ ex se non sunt præcisè activa, & productiva: siquidem nec æternitas, nec immensitas ex se sunt productivæ alicujus effectus; enim verò quis ille

ille esset? igitur quod est formale in Verbo non est actum.

Adde quod personalitas divina considerari possit tantum, vel ut est relatio constituens divinam personam, vel ut est subsistentia divinam naturam efficiens, & terminans: at neutro ex his modis est operativa, & productiva. Non quidem ut relatio est, quia relatio non est principium agendi per se: Non etiam ut est subsistentia, quia hæc ex se non est principium physicum agendi, sed tantum terminandi.

Nec refert, quod agere sit quædam perfectio: nam non omnis perfectio debet competere divinis personalitatibus prout sunt quid distinctum ab Essentia divina; ut sic enim non sunt quid imperfectum, aut perfectum, ut probavimus in Tract. de Trinitate satis est, quod omnem perfectionem includant, ut sunt idem realiter cum Essentia divina: aliis cum intelligere, velle, & amare sint summæ perfectiones, debeant etiam competere personalitatibus ipsis, ut ab eadem essentia, imò ut ab intellectu, & voluntate distinguuntur; quod certe nullus Theologorum admittet.

QUÆSTIO SECUNDA.

An aliqua fuerit causa media, seu preparatoria ad Incarnationem per modum efficiænis, & dispositionis, seu preparationis.

Notandum 1. Quod cum Incarnatio sit unio Verbi cum natura humana, necessum est, quod ipsa natura præsupponatur existens, omnis quippe unio realis est inter extrema actu existens, cum autem humanitas constet corpore, & anima; hinc potest esse duplex difficultas de dispositione prærequisita in ipsa humanitate ad unionem hypostaticam: *Primo* quidem ex parte corporis, an videlicet Incarnationem præcedere debuerit perfecta corporis organizatione, idque prioritate temporis, vel naturæ; *Secundo* ex parte animæ, an illustrari debuerit dono aliquo supernaturali, puta gratia sanctificante, ut apta fieret ad ejusmodi unionem.

Notandum 2. ex Doct. subtili in 3. d. 2. qu. 2. duplex distingui posse medium extrinsecum requisitum ad unionem; aliud quidem medium necessitatis; aliud verò congruitatis. Primum est illud, sine quo res attingi non potest; secundum verò est id

Fraffen Theol. Tom. VII.

sine quo absolute, & simpliciter fieri posset; non tamen ita decenter, ac congruè. Hinc quærimus, an gratia habitualis, vel aliud donum supernaturale fuerit prærequisitum in anima Christi necessarium, aut congruè ad unionem hypostaticam; ita quod Verbum divinum vel non absolute, vel saltem non ita decenter assumptisset naturam humanam sine tali prævia dispositione.

Circa quam difficultatem duæ sunt extreme pugnantibus Theologorum sententiæ, quarum altera talem dispositionem negat prærequiri; alia verò affirmat; idque vel necessarium, ita quod hypostatica unio necessariam habuerit connexionem cum hujusmodi dispositione; quemadmodum unio animæ cum corpore necessariam habet connexionem cum ultima dispositione corporis, eamque necessario sequitur. Sic sentire videtur Gabriel in 3. dist. 2. *vel* ut volunt aliqui cum Alex. Alenf. 3. p. qu. 3. licet talem dispositionem non necessario sequatur Incarnatio, ita ut illa dispositione posita possit Incarnatio non sequi; tamen illa dispositio, ita videtur necessaria, ut absolute debeat præsupponi tanquam aliqua qualitas reddens naturam capacem hujus unionis. Alii tandem volunt hujusmodi dispositionem requiri saltem tanquam congruum ornamentum humanitatis, ut per ipsam humanitas decenter præparetur ad tam excellentem unionem, ut docet S. Bonaventura in 3. dist. 2. art. 3.

Notandum 3. in Incarnatione quatuor debere per ordinem considerari. *Primo* quidem ratione materiæ, nempe sanguinem purissimæ Virginis ad locum formandi corporis destinatum. *Secundo*, organizationem Christi corporis, quod constituit in introductione formæ organicæ, seu corporeitatis, quam introductionem præcedit alteratio. *Tertio*, animationem ejusdem corporis, seu unionem animæ rationalis cum ipso. *Quarto* denique, unionem totius naturæ constitutæ cum Verbo. Quæritur autem utrum, & quomodo ista sese præcesserint. Hinc duplex in præsentī solvenda occurrit difficultas. *Prima*, utrum organizatio corporis Christi tempore, vel natura præcesserit unionem cum Verbo: *Secunda*, an anima Christi illustrari debuerit aliqua supernaturali qualitate, qua mediante præpararetur ad unionem hypostaticam.

CONCLUSIO PRIMA.

Organizatio non præcessit tempore animationem, nec unionem cum Verbo: sed dumtaxat natura: Hæc conclusio tribus partibus constat: quarum prima patet, quia organizatio consistit præcipue in introductione formæ organicæ completæ, quæ ut sic, est ultima dispositio ad animationem: sed ultima dispositio, & animæ rationalis infusio, de qua hic loquimur, sunt simul tempore, ut suppono ex Physicis: ergo organizatio tempore non præcedit animationem.

Secunda pars probatur: Si organizatio, & animatio corporis prioritate temporis præcessissent incarnationem, consequens esset, quod natura humana prius fuisset subsistens per propriam subsistentiam, quam per subsistentiam Verbi: sed consequens esset absurdum: ergo, &c. Consequentia maioris patet; natura enim humana aliquo reali instanti temporis existens, est etiam per se subsistens: ergo vel per alienam subsistentiam, vel per propriam: at si prius tempore existisset, quam uniretur Verbo, non subsisteret per subsistentiam alienam: ergo per propriam.

Dices contra primam partem: Omnis substantia generabilis, & corruptibilis, quæ non creatur, producit per mutationem: sed tota natura assumpta à Verbo est generabilis, & corruptibilis, nec immediate creata fuit, & consequenter mutabatur ad formam: igitur prius tempore fuit sub privatione opposita illi formæ, quia opposita privativè non possunt simul tempore esse in eodem, & consequenter prius tempore erat corpus non animatum, quam animatum; subindeque organizatio tempore præcessit animationem.

Respondet Doctor, argumentum esse verum, quando forma producit post productionem susceptivi ejus: secus verò, quando forma producit simul cum susceptivo; tunc enim non est propriè mutatio ad formam illam, quia susceptivum non prius fuit sub privatione, quam sub forma: nec prius fuit aptum naturam habere formam, quam illam habuerit. Igitur cum anima rationalis simul inducatur etiam in nobis cum esse perfectio corporis: consequens est, quod ad ipsam propriè non sit mutatio, sed tantum ad esse cor-

poris organici, cujus mutationis subiectum est materia, quæ prius fuit sub forma sanguinis, quam sub formis organicis.

Tertia denique pars etiam constat; nempe quod corporis organizatio, & animatio, saltem natura, præcessit assumptionem: fundamentum enim relationis, & unionis naturaliter præcedit relationem, & unionem; quia quod nihil est in se, etiam nihil est in ordine ad aliud; sed natura humana completè constituta per animationem, est fundamentum unionis cum Verbo: ergo naturaliter illam præcedit.

Ex his collige, organizationem Christi corporis non esse factam per varias alterationes, quemadmodum fit organizatio corporum aliorum hominum spatio quadraginta sex dierum, sed in instanti, ut docet S. Damascenus lib. 3. de Fide orthodoxa cap. 2. ubi ait, *Sacrosanctum corpus Christi non sensu ter dierum curriculo figuratum in utero Virginis, & effigiatum: proinde ac in nostra generatione masculi corpus quadraginta dierum, spatio dicitur formari in utero materno, sed uno, ut ita dixerim, eodemque momento Virginis sacratissimæ protinus consensum sequente, sacrum Christi corpus omnino completum fuit.* Unde consequens est, quod Christi Domini corpus diutius manserit in utero Virginis, quam manere soleant aliorum infantium corpora, quia prius organizatum fuit, & animatum, quam animentur alia corpora.

CONCLUSIO SECUNDA.

Nulla fuit dispositio prærequisita ex parte anime, qua mediante, & existente Verbo humanitatem assumeret. Ita Doctor in 3. dist. 2. qu. 2. ubi conclusionem sic probat primò: Si quod fuisset tale medium, maxime gratia habitualis, aut aliqua supernaturalis qualitas animam efficiens, camque præparans, ac capacem efficiens, ut à Verbo assumereetur: sed hoc est prorsus fictitium, & absurdum. Quod sic probat. Anima rationalis ex se prius natura subsistit, quam accidentaliter perficiatur: ergo anima Christi prius natura fuit subsistens in Verbo, quam ullam perfectionem accidentalem reciperet. Antecedens patet: Primò, quia subsistentia est modus magis intrinsecus naturæ subsistenti, quam sit omnis forma accidentalis, quia illa pertinet ad complementum ipsius substantiæ; hæc

hæc verò duntaxat ad illius ornatum extrinsecum; prius autem est rem aliquam esse completam intrinsecè, & substantialiter, quàm extrinsecè, & accidentaliter. Consequentia verò probatur, tum quia eo instanti natura humana fuit affecta subsistentia Verbi, quo propria subsistentia resultare debuerat: sed propria subsistentia ante omnem perfectionem accidentalem resultasset, nisi per Verbi subsistentiam fuisset prædita: igitur natura humana prius fuit affecta subsistentia Verbi, quàm ornatu qualibet accidentali perfectione, ac subinde tantum abest, ut Incarnatio facta fuerit mediante gratia habituali, imo ista non fuit concessa, nisi intuitu, & beneficio Incarnationis. Quod utique probat Doctor ex illo Joannis 1. *Vidimus gloriam ejus quasi unigeniti à Patre plenum gratia, & veritatis*, quibus verbis S. Joannes significat, quòd Christus habuerit plenitudinem gratiæ, quia erat unigenitus; ergo oportuit Christum prius natura fuisse unigenitum, quàm habuisse gratiam, & consequenter gratia habitualis non fuit dispositio ad unionem hypostaticam.

Probat secundò. Si gratia habitualis esset medium ad unionem hypostaticam, maxime vel medium formaliter uniens extrema, vel disponens unum extremum, scilicet humanitatem ad illam unionem: sed neutrum dici potest. Non quidem *primum*, quia humana natura formaliter unitur per se, & immediatè Verbo, non autem mediante aliqua qualitate, aut entitate creata absoluta. Non etiam *secundum*, quia si requireretur tanquam dispositio, maxime, vel tanquam *dispositio moralis*, vel tanquam dispositio physica: neutrum autem potest affirmari. Non quidem tanquam dispositio moralis, quia non minus esset improporatio entitativa naturæ, & subsistentiæ divini ad naturam creatam posita illa gratia habituali, quàm ea sublata: cum enim gratia illa esset qualitas creata, non tolleretur distantiam infinitam, quæ est inter naturam divinam, & humanam: non etiam tanquam *dispositio physica*; quia quodcumque accidens præsupponit existentiam subiecti: Ergo gratia præsupponit existentiam humanitatis: sed non prærequiritur aliqua dispositio physica ad personalitatem in natura, præter illam, quæ requiritur ad existentiam ejus; nam eo ipso, quo habet existentiam pro aliquo instanti, necessario

debet habere aliquam personalitatem, alioquin posset esse natura existens sine ulla personalitate.

Dices. Natura humana non potest uniri Verbo unionem beatificam sine habitu gratiæ sanctificantis; ex eo maxime quòd tam unio ipsa, quàm terminus illius excedit facultatem naturæ creatæ: ergo cum unio hypostatica sit adhuc excellentior, quia est summa gratia, ut loquitur S. Augustinus lib. 13. de *Trinit. cap. 19.* conferri non potest absque prævio gratiæ habitu.

Respondet Doctor negando antecedens, quatenus contendit, quòd ratio, ob quam visio beatifica nequeat conferri creaturæ, absque gratia habituali, sit quòd visio beatifica excedat naturam: nam si hoc esset verum, sequeretur, quòd gratia habitualis non posset dari naturæ, absque ulla gratia, aut dono supernaturali; excedit enim naturam: & consequenter daretur processus in infinitum. Illa ergo non est ratio, ob quam gratia præsupponitur visioni beatificæ: sed quia visio beatifica est operatio supernaturalis procedens effectivè ab ipsa natura, & quia natura non habet virtutem adæquatam ad producendam istam actionem, propterea necessum est, quòd ipsi detur aliud comprincipium supernaturale, cum quo possit ipsam producere: at unio hypostatica non est operatio, neque aliquid potens effectivè produci partialiter à natura, quia illa nullatenus est capax producendissimi ipsius unionem cum Verbo, sed tantum illam recipiendi. Unde non debet admitti aliud principium supernaturale antecedens in natura, ut conferatur ipsi unio hypostatica; sed sicut natura potest immediatè recipere habitum gratiæ, licet excedat ipsius virtutem, quia habitus gratiæ non petit à natura produci effectivè, sed tantum in ipsa recipi ita à pari potest immediatè recipere unionem hypostaticam.

SECTIO SECUNDA.

De causa Morali, & Meritoria Incarnationis.

Incarnationis causa meritoria intelligi potest, aut intra ipsum Christum existentem, aut extra: Porro de utraque agendum est in præsentì, resolvendo videlicet, an Christus ipse suam promereri potuerit Incarnationem & similiter utrum Sancti veteris

Testamenti: necnon & beatissima Virgo suis meritis Deum movere potuerint ad efficiendam illam unionem hypostaticam Verbi cum natura humana. Cum autem Incarnatio spectari possit, vel secundum substantiam, quatenus videlicet est unio naturæ divinæ cum humana in unitate suppositi, seu personæ; vel penes circumstantias, seu rationes aliquas extrinsecas, quæ illam antecedunt, comitantur, vel subsequuntur, qualia sunt v.g. maternitas Virginis, tempus Incarnationis, & beneficium videntis, ac annunciandi Christum: inde triplex occurrit dubium: *Primum* quidem, an Christus per opera, vel antecedentia, vel subsequencia, unionem hypostaticam promeruerit, vel saltem mereri potuerit: *Secundum* an beatissima Virgo suis meritis, & præcellentis digna existerit, quæ meretur fieri Mater Dei, & Christi: *Tertium* denique, an sancti Patres veteris Testamenti mereri potuerint Incarnationem ejusque circumstantias; idque de condigno, vel de congruo.

QUÆSTIO PRIMA.

An Christus per opera priora, vel subsequencia unionem hypostaticam, ipsam potuerit promereri, tam secundum substantiam, quam secundum aliquas circumstantias.

Notandum primò, tribus modis intelligi posse Christum unionem hypostaticam meruisse: *Primò* scilicet ut affirmetur prius tempore, quàm ejus humanitas Verbo uniretur, fuisse aliquandiu purum hominem, postmodum verò procreatum fuisse ob sua merita ad dignitatem Filii Dei naturalis, & unionem hypostaticam; *Secundò*, ut asseratur, Christum, quamvis ab initio suæ productionis semper positum Verbi personalitate eique unitum, tamen ipsam promeruisse, vel per opera, quæ ab ipsa humanitate procederent prius natura, quam illa à divina personalitate terminaretur: vel per opera subsequencia Incarnationem, ita quòd Incarnatio secundum intentionem, seu prædestinationem, qua Deus ab æterno decrevit suum Filium incarnari, non potuerit quidem cadere sub merito, quia ante prædestinationem, quæ fuit primus actus, & causa Incarnationis, non potuit præcedere neque prævideri à Deo aliqua actio Christi, cujus intuitu deest necetur Incarnatio:

at verò secundum executionem potuisse cadere sub merito, quia ante executionem ipsius Incarnationis, jam prævidebantur futura Christi merita sicut & ipse Christus ex vi illius primi decreti, quo per modum intentionis Deus incarnationem voluit: *Tertio* denique, concipi posset Christum fuisse promeritum suam incarnationem per opera subsequencia. De hoc autem triplici sensu difficultas movetur in præsentii.

Notandum secundò, duplex solitò meritum distingui, scilicet de condigno, & de congruo. Meritum *de condigno* dicitur illud, quod ratione gratiæ iustificantis existentis in merente, & pacti divini, habet æqualitatem justitiæ cum premio: meritum *verò de congruo* illud est, quod ob defectum alterius istarum conditionum solam habet proportionalitatem fundatam in amicitia divina cum premio consequendo: difficultas ergo est de utroque merito, nūm videlicet alterutro, aut utroque simul Christus Dominus per opera, vel antecedentia, vel subsequencia, meruerit substantiam; vel quasdam circumstantias Incarnationis.

Notandum tertio, Incarnationis circumstantias propriè dici, quæ comitantur Incarnationem: ut sunt, quòd tali tempore fiat, tali loco, tali modo, opere scilicet Spiritus sancti, & similia, quæ hoc mysterium exornant, possunt tamen etiam circumstantiarum nomine comprehendi quædam, quæ ipsam Incarnationem antecedunt, ut annuntiatio Angelica; consensus beatissimæ Virginis, ejusque dispositio, ac cooperatio. Quædam etiam sunt, quæ Incarnationem subsequuta, possunt circumstantiæ appellari, ut Angelorum illud mysterium manifestantium laudes, & cantus, Pastorum, & Magorum adorationes. De primis autem circumstantiis maxime hic est sermo.

CONCLUSIO PRIMA.

Christus Dominus, nec prioritate temporis, nec prioritate nature potuit mereri suam Incarnationem per opera antecedentia. Hæc est de fide quantum ad primam partem, nam determinatum est contra Nestorium, & Faustinum, hæreticum esse, affirmare Christum per aliquod tempus ante unionem cum Verbo fuisse purum hominem, & in eo statu meruisse humanitati suæ assumptionem à Verbo, ut constet ex omnibus Conciliis disputatione sequenti laudanda.

dandis, quorum oraculis probabimur, Christum fuisse Deum, & Verbo divino hypostaticè unitum in primo instanti suæ formationis. Hinc Augustinus variis in locis confutat, ac proscribit istum errorem, apertè docendo, ac demonstrando Christum D. non obtinuisse unionem cum Verbo suis meritis: nam sermone 8. de verbis Apostoli hæc habet: *Audebit ergo aliquis dicere, quia natura nostra in illo Mediatore primùm per liberum arbitrium, promeruit Deum, & sic suscipi meruit, ut esset homo, & Deus unus Christus Jesus.* Et in Enchir. cap. 36. *Quid enim natura humana in homine Christo meruit, ut in unitatem personæ unicus Filius Dei singulariter esset assumptus? quæ bona voluntas huius boni propostus studium, quæ bona opera præcessere, quibus mereatur ille homo, ut una fieret persona cum Deo?*

Vetnim luculentius hanc veritatem explicat lib. de corpore & gratia cap. 11. ubi post plura ita concludit: *Illa nativitas profectò gratuita conjunxit in unitatem personæ hominem Deo, carnem Verbo, istam nativitatem bona opera secuta sunt, non bona opera meruerunt.* Quibus Verbis sanctus Doctor diserte affirmat, Christum non meruisse effici Filium Dei, sed jam ex utero, & ab ipsa conceptione fuisse Deum hominem, ejusque humanitatem ad unionem hypostaticam cum Verbo fuisse sublimatam.

Idem dicendum de actionibus, quæ cogitari possent in primo Incarnationis momento elicitis, quibus diceretur humanitatem Christi illam unionem fuisse promeritam; nam idem S. Augustinus tr. 82. in Joannem absolutè pronuntiat: *Neque illam susceptionem hominis ulla merita præcesserunt sed ab illa ejus susceptione merita ejus iuncta exeperunt.* Et lib. 2. de peccatorum meritis cap. 7. *Neque enim, & ipse, inquit de Christo, ita Verbo Dei conjunctus, ut ipsa conjunctione unus Filius Dei, & idem ipse unus Filius hominis feret, præcedentibus sua voluntatis meritis fecit. Unum quippe illum esse oportebat: essent autem & duo, & tres, & plures, si hoc fieri posset, non per Dei proprium donum, sed per hominis liberum arbitrium.* Hoc ergo præcipuè commendatur, hoc in sapientia, atque scientia thesauris in Christo absconditis, quantum existimare audeo, præcipue docetur, & dicitur. Quibus verbis manifestissimè docet omnia Christi merita incarnationem fuisse secuta; nulla autem illam præviisse; ait enim, Christum ita se ha-

buisse ad gratiam unionis, sicut nos cum paramur ad primam gratiam actualem; at gratia actualis non nobis confertur ex ulla merita, sed dumtaxat ex pura Dei misericordia: igitur unio hypostatica, quæ est divinarum gratiarum præstantissima, & ceterarum exemplar, advenit Christo ex pura Dei liberalitate; non verò propter ulla merita Incarnationem præcedentia prioritate temporis, aut nature.

Confirmat idem Sanctus Augustinus lib. de piad. Sanctorum cap. 11. ubi ait: *Est præclarissimum lumen prædestinationis, & gratiæ ipse Salvator, ipse Mediator Dei hominum, homo Christus Jesus, qui ut hoc esset, quibus tandem sibi vel operum, vel fidei præcedentibus meritis, natura humana, quæ in illo est, comparavit. Respondeatur quæso: Ille homo, ut à Verbo Patri coeterno in unitatem personæ assumptus, Filius Dei unigenitus esset, unde hoc meruit? Quod ejus bonum quæcumque præcessit? Quid egit ante, quid credidit, quid petiit, ut ad hanc ineffabilem excellentiam perveniret?*

Probatur etiam ratione. Omne meritum fundatur in operatione: sed humanitas Christi antequam intelligatur assumpta à Verbo, nullam habere potuit operationem: Ergo nec ullum meritum. Major patet: Meritum enim omne est actus Deo acceptus, & remuneratione dignus. Minor probatur: ibi nulla potest esse operatio, ubi nulla intelligitur subsistentia, quia actiones sunt suppositorum, seu rerum completè subsistentium; cum enim operari sequatur esse, res debet esse prius substantialiter completa, quàm sit operativa: sed ante unionem hypostaticam nulla intelligitur in Christi humanitate subsistentia; illa enim esset vel propria, vel subsistentia Verbi. Non primum, quia sic natura humana fuisset prius subsistens propria subsistentia, quàm subsistentia Verbi, quod est erroneum: non etiam secundum, quia in illo priori illa natura non supponitur unica Verbo: ergo in illo instanti, nec operari potuit, nec mereri.

Deinde, ad meritum requiritur non solum voluntatis, sed etiam gratiæ sanctificantis concursus: sed, ut probatum est in præcedenti quæstione, natura humana nullam potuit habere gratiam, nec ullum accedens priusquàm intelligeretur unica Verbo, quia prius debuit completè quantum ad esse substantiale, quàm ad esse accidentale: igitur

igitur in illo instanti nullum potuit elicere opus meritorium.

Denique, principium meriti cadere non potuit sub merito: Tum quia, aliàs quilibet homo primam gratiam mereri sibi posset per opera ab ipsamet prima gratia procedentia: tum quia aliàs idem esset causa sui ipsius in eodem genere: Incarnatio enim in genere causæ efficientis est causa meriti, & meritum esset causa incarnationis: quod causæ genus etiam ad efficientem revocatur: sed incarnatione, cum sit omnis gratiæ, ac iustitiæ fons, est etiam principium omnis operis meritorii; tam respectu nostræ, quam respectu ipsius Christi; igitur illa cadere non potuit sub merito.

Obijcies 1. Illud Psalmi 44. *Dilexisti iustitiam, & odisti iniquitatem: propterea unxit te Deus, Deus tuus oleo lætitiæ præ consortibus tuis.* Sed per oleum lætitiæ S. Gregor. Nazian. Orat. 4. intelligit ipsam divinitatem, qua Christi humanitas uncta fuit per unionem hypostaticam, ait enim, *Opera manuum ejus veritas, & judicium, propter quod divinitatem delibutum est.* Simili modo S. August. explicat ea verba, in illum Psal. & S. Anselm. in cap. 1. ad Hebræos.

Respondeo 1. Sanctos Patres, qui præfatum locum de unctione divinitatis interpretantur, non accipere particulam *propterea* in sensu causali, sed finali, ut sit sensus, *Dilexisti iustitiam, & odisti iniquitatem, & in hunc finem unxit te Deus oleo lætitiæ:* Unde ex hoc nihil evincitur contra nostram assertionem.

Respondeo 2. Locum illum aliter ab aliis sanctorum Patribus accipi; nam S. Hieronymus Epist. 140. per *oleum exultationis* intelligit exultationem resurrectionis, & gloriam corporis resurgentis; quam certum est Christum Dominum meruisse, ut mox dicemus: S. Ambrosius per *oleum lætitiæ* intelligit exhilarationem conscientie, quam Christus habuit; quia nullius peccati conscientis erat.

Obijcies 2. Illud Apocal. 5. *Dignus es agnus, qui occisus es, accipere virtutem, divinitatem, & bonorem;* Atqui divinitatem accepit per unionem; ergo illa dignus erat, ac subinde illam promeruit.

Respondeo 1. Non scribi particulam (*quia*) ut significetur, non esse sensum, quod dignus sit accipere divinitatem, quia occisus est. *Secundo*, dico mortem Agnificasse causam divinitatis, non quidem acceptæ, sed

manifestatæ, quia per mortem maxime enituit ejus divinitas, quia enim factus est obediens usque ad mortem, ideo Deus exaltavit illum, & dedit illi nomen, quod est super omne nomen.

Obijcies 3. Christi humanitas prius naturæ extitit, quam uniretur Verbo, ut probavimus in præcedenti quæst. ergo prius natura potuit operari, quam uniretur, ac proinde illam unionem promereri. Consequentia probatur: Siquid impediret quominus in illo priori naturæ non posset agere, maxime quia actiones sunt suppositorum: at hoc non est absolute verum: nam Aristot. 1. Metaph. cap. 1. unde colligitur illud axioma, habet in idiomate Græco, *Actiones sunt singularium.* Cum igitur natura humana individua præsupponitur assumptioni, non videretur ratio, cur in illo priori non potuerit promereri sui unionem cum Verbo.

Nego consequentiam, & ad antecedens dico, non mirum esse, quod Aristoteles dixerit actiones esse singularium, cum enim nondum sciret subsistentiam, ac personalitatem realiter à natura singulari distinguere, & posse separari, quæ veritas dumtaxat per Mysterium Incarnationis patuit; inde non mirum si personæ singularitatem pro subsistentia usurpaverit, cum nesciret eas ab invicem realiter distinguere. Quod autem reverà actiones debeant esse suppositorum, id est, naturarum singularium habentium supposita, aperte constat ex dictis, quippe suppositum est ultimum complementum substantiale naturæ singularis; necessum est autem naturam singularem substantialiter compleri, priusquam apta censcatur ad operandum; siquidem prius est esse, quam operari.

CONCLUSIO SECUNDA.

Christus Dominus per alius subsequentes unionem hypostaticam, neque de condigno, neque de congruo potuit mereri suam incarnationem. Hæc est contra Suarez, qui disput. 20. sect. 4. concedit quidem Christum non potuisse mereri suam incarnationem secundum intentionem, & quatenus est à Deo definita, & decreta ab æterno: potuisse verò ipsam mereri secundum executionem, & ut facta est in tempore: idque per opera subsequentiā ipsam incarnationem, quæ Deus prævidit; quod utique

que declarat exemplo militis, cui Dux daret arma, & equum in primum eorum, quæ strenuè acturus esset in bello.

Probatur autem primò; principium meriti non potest cadere sub merito operis precedentis ab ipso: sed unio hypostatica est principium omnis meriti Christi: ergo illa non potest cadere sub operibus meritoriiis ab ipso precedentibus. Minor est clara, quippe principium meritorum Christi non est sola humanitas; sed etiam suppositum Verbi divini ipsam humanitatem efficiens, tum in ratione existentis, tum in ratione operantis. Minor verò probata est in ultima ratione precedentis conclusionis.

Confirmatur insuper, quia meritum viiū quamdam habet conciliativam, & attractivam præmii, morali scilicet influxu; qui movet præstantem ad conferendum id, quod in præmium operis repromissum est; sed nulla ratione fieri potest, ut idem seipsum attrahat: ergo impossibile est, ut idem sit meritum sui principii, à quo habet vim merendi.

Respondet majorem esse veram de lege ordinaria, & attentis rerum naturis; secus verò de lege extraordinaria, & secundum absolutam Dei potentiam. Unde, licet Incarnatio non poterit esse præmium meriti operum ab ipsa procedentium de lege ordinaria; bene tamen id fieri possit secundum extraordinariam, & absolutam Dei dispositionem.

Contra. Quamquam reverà causa efficiens moralis meriti possit aliquo modo cadere sub merito, quia ratione antiqui Patres, ut dicemus infra, per gratiam sibi concessam vi meritorum Christi venturi, quasdam illius Incarnationis circumstantias mereri poterunt, saltem de congruo; tamen principium formale meriti non potest etiam de potentia absoluta cadere sub merito, cujus est formale principium: sed Verbum, ut unitum humanitati, est principium formale meriti procedentis ab humanitate unita hypostaticè Verbo: igitur incarnatio, etiam de potentia absoluta, non potuit cadere sub merito. Minor constat. Major probatur: Si principium formale meriti posset esse ejusdem meriti, ac præmium, sequeretur tale meritum seipsum, ut meritum meriti, quia meritum formæ est etiam meritum effectus formalis ejusdem formæ; sicut causa efficiens formam, efficit etiam effectum formalem: ergo si opus merito-

rium, formam, aut veluti formam, à quo suum defumit valorem, nempe unionem hypostaticam, mereri potest; etiam poterit mereri seipsum, quatenus est meritum: sed hoc repugnat, idem namque à seipso dependere non potest, nec per consequens meritorie causari, nec remunerari seipso: ergo principium meriti nullatenus cadere potest sub merito.

Respondet secundò; Quòd licet principium meriti, quando datur absolute, non possit cadere sub merito, bene tamen quando non datur absolute, sed tantum sub conditione futuri meriti, & dependenter ab illo, ut si Rex tribuat militi arma, & equum, anticipata remuneratione, in stipendium futuri certaminis, & victoriæ; per victoriam subsequenter illam donationem miles arma, & equum reverà merebitur; unde cum Deus potuerit conferre humanitati Christi beneficium unionis hypostaticæ ad Verbum, sub conditione meriti exercendi, & futuri, Christus per opera incarnationem subsequenter potest illam mereri.

Contra. Quamvis illud, à quo meriti valor non provenit, possit alicui concedi intuitu, & conditione meriti futuri, & ut sic possit aliquando cadere sub merito; secus tamen est, quando meriti valor ab eo absolute dependet: cujus differentia ratio est, quia meritum postea subsequens potest habere rationem pretii respectu ejus, à quo totum suum valorem non excipit; tunc enim non sequitur, quòd idem sit causa, & effectus, respectu ejusdem secundum eandem rationem, & in eodem genere, & modo causæ; sicut id sequeretur si illud, quod est principium totale meriti, daretur intuitu, & sub conditione ejusdem principii, ut futuri: unio autem hypostatica est principium à quo totaliter derivatur meritum Christi, tam in esse physico, quam in esse moris, cum omnia Christi opera procedant ab ejus humanitate, ut affecta subsistentia Verbi, à qua maxime mutuatur summum suum valorem, quem in ratione meriti, & satisfactionis habent.

Ad exemplum autem militis equo, & armis donati, per anticipatam solutionem futuri laboris, & victoriæ, dico non esse paritatem, quia valor hujusmodi laboris, & meriti non derivatur ab equo, & armis; sed à virtute, prudentia, & arte militis; valor autem meritorius in operibus Christi, ab unionem hypostatica procedit, & in alius puris

puris hominibus à prima gratia; unde cum homo per subsequencia bona opera, non possit ipsam primam gratiam promereri, ita nec Christus per subsequencia sua bona opera potuit suam promereri incarnationem.

Addo quòd quando homines conferunt aliqua dona, possunt illa donare imperfectè, & donatione suspensa, ac conditionata; unde qui sic illa dona accipit, suis bonis operibus efficere potest, & mereri, ut illa non amplius imperfectè, & conditionatè, sed absolutè possideat: unio autem hypostatica non potest sic concedi, tantum quoad usum, & donatione suspensa, ac conditionata; sed eo ipso quò datur, simpliciter, & absolutè conceditur: & sic Deus non potuit humanitati Christi beneficium unionis hypostaticæ ad Verbum conferre sub conditione meriti ab ea in Verbo subsistente exercendi.

Obijciunt primò: Principium meriti, de potentia absoluta cadere potest sub merito operis ab ipso procedentis: ergo potuit Christus per opera subsequencia incarnationem ipsam mereri. Probatur antecedens: Nam antiqui Patres meruerunt de congruo quasdam incarnationis circumstantias, ut probabimus infra: sed illorum gratia fuit effectus meritorum Christi, nedum in genere causæ finalis, verumetiam in genere causæ efficientis moralis: ergo principium meriti potest cadere sub merito, saltem de congruo.

Distinguo antecedens: Principium meriti purè effectivum potest de potentia absoluta cadere sub merito operis ab ipso procedentis, transeat: principium meriti effectivum simul, & formale, sic cadere potest sub merito, nego antecedens, & consequentiam: Siquidem gratia unionis non solum est principium effectivum meritorum Christi; sed etiam formale, quippe Christi operationes procedunt à personaliitate Verbi, tamquam à principio à quo velut à forma summam suam dignitatem, summumque valorem mutuuntur. Hinc faciliè solvitur probatio illius antecedentis, merita namque antiquorum Patrum per incarnationem Verbi, non sunt constituta formaliter in ratione meriti: sed tantum efficienter moraliter, seu meritorie ab illa fuere causata.

Addo quòd Christi merita fuerint præinlecta per gratiam collatam antiquis Pa-

tribus, per quam meruerunt: siquidem Christus est causa meritorum, & prædestinationis hominum: at non præintelliguntur futura ante decretum exequendi incarnationem; meritum enim executionis Incarnationis, est illud dumtaxat, quod moraliter movere Deum, vel de condigno, vel de congruo, ad executionem decreti suæ Incarnationis: merita autem Sanctorum non moverunt Deum ad exequendam illam Incarnationem; quippe intuitu illius futuritionis ipsis Patribus concessa fuit gratia, qua bene possent mereri, & operari.

Obijciunt secundò, Christus mereri potuit executionem unionis hypostaticæ, si ejus merita, ut futura, prævideri potuerint à Deo prius prioritate naturæ, quam vellet exequi intentionem, quam habebat sese incarnandi: sed merita Christi, ut futura sic potuerunt à Deo prævideri: ergo Christus mereri potuit executionem Incarnationis. Major constat: si enim Deus prius viderit Christi merita ut futura, quam incarnatio executioni esset demandanda, moveri potuit ab eis ad volendam executionem Incarnationis. Minor verò probatur. Intentio quam habuit Deus sese incarnandi, est prior decreto de Incarnatione exequenda: sed in illa intentione, ut priori decreto executionis illius Incarnationis, merita Christi prævideri potuerunt ut futura; ergo prius prioritate naturæ, quam Deus vellet executioni demandare intentionem suæ Incarnationis, potuerunt merita Christi à Deo prævideri.

Nego minorem, cujus probationem distinguo. Intentio purè speculativa, quam Deus habuit sese incarnandi, & quatenus illa abstrahit ab intentione efficaci, est prior decreto illam exequendi, concedo: intentio quam habuit Deus sese incarnandi ut efficax, est prior decreto illam exequendi; nego majorem: sic enim spectata importat voluntatem executionis, subindeque non est prior illa: merita autem Christi ut futura, prævideri non potuerunt à Deo, nisi in intentione efficaci Incarnationis, quæ, ut talis, cum non præcedat decretum suæ executionis, non potuit Deus, priusquam haberet intentionem efficacem Incarnationis, prævidere Christi merita, ut futura.

CONCLUSIO TERTIA.

Christus Dominus meruit, aut saltem mereri potuit: quasdam circumstantias sequen-

quentes incarnationem; non verò præcedentes; aut concomitantes.

Prima pars est communis: illæ enim circumstantiæ non se tenent ex parte principii, sed ad illud sequuntur: igitur nihil obstat quominus cadere possint sub Christi merito: Hinc conveniunt omnes ipsum mereri potuisse, & de facto meruisse, quod à Pastoribus, & Magis adoraretur, annuntiaretur ab Angelis, stella radiante manifestaretur: sicut & suæ humanitatis resurrectionem, divinitatis manifestationem, & corporis glorificationem: cum enim hæc omnia non necessario, & ex natura sequantur ad positionem incarnationis, sed ex gratuita, & mera Dei liberalitate pendeant, cumque non habeant necessariam connexionem cum primario cuiusque meriti principio, nempe cum ipsa incarnatione, sed dumtaxat illius sint quædam appendices, & sequelæ, non apparet dubium, quin illas Christus Dominus per navitatis exinanitionem, vitæ labores, & mortis passionem promereri potuerit.

Dices. Eadem fuit unio hypostatica totius humanitatis facta in resurrectione, ac quæ facta est in utero beatæ Virginis in instanti Conceptionis Christi; eadem enim numero fuit humanitas, eadem Verbi subsistentia humanitati iuncta, absque ulla de novo interveniente actione unitiva: ergo si Christus primam unionem non meruit, nec secundam.

Distinguo antecedens. Eadem fuit unio continuata, nec: interrupta & discontinuata, concedo: cum enim per mortem perierit humanitas, seu conjunctio animæ cum corpore, quæ per triduum ab invicem fuerunt separata, fuit etiam discontinuata unio Verbi Divini, cum ipsa humanitate totali, & formaliter accepta, quamquam Verbum revera permanserit unitum animæ, & corpori Christi; unde licet Christus primam unionem non potuerit mereri: inde non sequitur, quod illam reunionem mereri non potuerit per opera, quæ mortem antecesserunt.

Secunda pars est contra Vasquez, & plures alios modernos, qui contendunt Christum mereri potuisse omnes incarnationis circumstantias, non solum consequentes, sed concomitantes, & præcedentes. Probatur. Si præcedentes, aut concomitantes circumstantias potuisset mereri, & de facto meruisset, maxime suæ matris maternitatem,

& navitatem ex eas; sed illam non meruit: ergo &c. Major constat: cum enim illa sit ceterarum circumstantiarum, quæ carnem antecesserunt, aut concomitantes sunt, præstantissima, consequens est, quod si aliquas meruisset, maxime istam. Minor verò probatur 1. auctoritate S. Aug. lib. de prædest. SS. cap. 15. ubi loquens de Christi conceptione ex Virgine, ait: *Neque retributa ista generatio, sed tributa, ut alienus ab omni obligatione peccati de Spiritu, & Virgine nasceretur*: sed si illa navitas fuisset præmium meriti Christi prævisi, fuisset retributa; non autem tantum tributa: ergo ex mente S. Aug. conceptio Christi ex Virgine, subindeque beatissima Virginis maternitas non fuit ex meritis Christi prævisi, ut miraculose operantis, & viventis.

Confirmatur: nam S. Aug. exemplo hujus conceptionis *ibidem*, probat contra Pelagianos, primam gratiam nobis non conlitteri ex meritis, sed dumtaxat ex gratuita Dei liberalitate: at prima gratia in nobis non solum non est ex meritis præcedentibus, sed neque ex subsequentiis: ergo navitas Christi ex Virgine non solum fuit gratuitum purè Dei beneficium per respectum ad meritum præcedentia; sed etiam per ordinem ad subsequentiæ. *Deinde*, principium mediatum meriti non potest cadere sub merito illius actus, cujus est principium: sed beatissima Virgo fuit principium mediatum meritum Christi; quidem fuit principium humanitatis, quæ unà cum Verbi subsistentia fuit immediatum principium omnium Christi meritum: ergo illa maternitas non potuit esse aliquis meriti præmium.

Dices. Beata Virgo meruit fieri Mater Christi, & illum in se concipere, ut mox dicemus: ergo pariter Christus meruit Virginis maternitatem, sique navitatem ex illa. Antecedens probabitur in sequenti conclusionem; consequentia verò suadet. *Primo*, quia nulla dignitas est concedenda Virgini, quæ non attribuat Christo, si aliunde non repugnet: at non videtur repugnans, quod Christus potuerit mereri illam Maternitatem: ergo hoc ipsi est tribuendum. *Secundo*, quia gratia per quam beata Virgo meruit Maternitatem Christi, fuit effectus meritum Christi: sed quod est causa causæ, est etiam causa causati: ergo cum gratia à Christo derivata, fuerit causa meriti beatæ Virginis, Christus etiam censendus

duſ eſt meruiſſe Maternitatem, & nativitatē ex Virgine.

Reſpondeo, conſeſſo antecedente negando conſequentiā: ad cuius primam probationem dico, non omnem dignitatem Virgini conſeſſam, Chriſto Domino debere attribui, aliās dignitas Maternitatis Dei, quæ eſt omnium maxima, eſſet ipſi attribuenda: ſolum ergo verum eſſe poſteſt, quòd omnis dignitas, quæ Matri convenit, debet attribui Filio, quando non eſt repugnantia ex parte eiſdem Filii: repugnat autem, quòd Filius poterit mereri Maternitatem iſtam; quia illa, ut mox dictum eſt, fuit principium ſaltem mediatum omnium meritorum Chriſti, principium autem mereri non poſteſt eſſe ſui iplius effectus. Ad ſecundam probationem dico, iſtud eſſatum dumtaxat eſſe verum, quando quòd eſt cauſa cauſæ inſalubiliter inferentis effectum, eſt etiam cauſa eiſdem effectus; falſum autem quando non ita cauſa illa inſalubiliter effectum inferat: at merita beatæ Virginis non fuerunt cauſæ ab inſinſeco inſalubiliter inferentes nativitatē Chriſti ex Virgine, nec divinam illius Maternitatem: igitur quamvis Chriſtus ſuis meritis fuit moralis cauſa gratiæ, & meritorum Virginis, non ſequitur, quòd illius Maternitatem meruerit.

QUÆSTIO SECUNDA.

An, & qualiter beata Virgo meruerit eſſe Mater Dei.

Notandum 1. omnes Theologos ſcholasticos invicem convenire quaſdam circumſtantias Incarnationis poſuiſſe cadere ſub merito hominum; inter autem tales circumſtantias Maternitas Dei, nempe ut Chriſtus talem Matrem haberet, & non aliam, primum locum obtinet, utpote quæ majorem inferat affinitatem alicuius puræ creaturæ cum Chriſto. Controverſia tamen eſt, an beatiffima Virgo dignitatem illam mereri poterit; idque non ſolum merito digno, ſeu congruo; ſed etiam merito de condigno: circa quam variz ſunt ſententiæ Theologorum. Sunt enim qui exiſtitant beatam Virginem de condigno promeritaſuiſſe divinam Maternitatem: quam ſententiā probabiliter exiſtimat Gabriel in 3.d.4. art.3. dub.3. eamque aliqui Recentiores tuentur: *Secunda* verò ſententiā docet,

B. Virginem meruiſſe merito quidem digno, non autem condigno eſſe Matrem Dei. Ita S. Bonav. in 3.d.4. art.2. diſtinguit enim triplex meritum, nempe condignum, dignum & congruum; meritum autem *dignum* appellat illud opus, quòd ex ſequentiali meriti quidem, & dignitatem non habet correfpondentem præmio; eam tamen obtinet ex benignitate Dei tale opus ad iſtud præmium acceptantis. *Tertia* verò ſententiā, quæ communior eſt, & tutior; contendit beatam Virginem illam dignitatem nec dignè, nec condignè meruiſſe, ſed dumtaxat congruè.

Notandum ſecundò, aliud eſſe mereri de condigno formam, ſeu dignitatem aliquam, aliud verò mereri diſpoſitionem in ſubjecto requiſitam, ut dignè, decenterque recipiat talem formam, vel dignitatem; poſſunt enim hæc duo ſeparari: maxime quando diſpoſitio, & dignitas non ſunt inter ſe neceſſariò, & quaſi phyſicè connexæ: ſed ſolum ſecundum quamdam proportionem moralem; tunc enim fieri poſteſt, ut licet aliquis ſit dignè diſpoſitus ad formam, vel dignitatem ſuſcipiendam, nihilominus illi ex iuſtitia talis forma non debeat, atque adeò ut illam de condigno non mereatur. Quæritur autem, an beata Virgo fuerit condignè diſpoſita, ut ſcigeretur in Matrem Dei.

Notandum tertio, condignam diſpoſitionem iplius beatiffimæ Virginis ad Dei Maternitatem, poſſe colligi ex variis donis, quibus illuſtrata erat: *Primo* quidem ex eximia ſanctitate, & præcellenti gratia habituali, qua præventa fuit à primo ſue conceptionis inſtanti cum omnibus donis, & habitibus inſufiſ: *Secundò*, hanc diſpoſitionem mirum in modum illuſtrabant quædam privilegia perpetuæ innocentie, carentie ſomitis; quæ licet in prima ſanctificatione fuerint collata, tamen novum, ac multiplicatum vigorem obtinuerunt per aſſiduum meritorum, ac virtutum exercitium: *Tertiò* denique ad illam diſpoſitionem maxime conſerebat gratiæ, ac virtutum incrementum; quippe ab ipſo ſue conceptionis inſtanti, ut vult S. Bernardinus, vel ſaltem ab eo tempore, quo infantes donari ſolent libertate, ac rationis uſu, ad ipſum Chriſti conceptionis inſtans aſſiduus in dies meritorum, ac virtutum incremento ad ſummum pietatis, ac ſanctitatis faſtigium illam promovebat. His ita præmiſiſ, tria ſunt

sunt determinanda: *Primum*, an B. Virgo Maternitatem divinam meruerit de condigno. *Secundum*, an saltem illam meruerit de congruo: *Denique*, an revera digna fuerit, quod, præ cæteris creaturis, in Dei Matrem seligeretur.

CONCLUSIO PRIMA.

Beata Virgo non meruit de condigno, ut esset Mater Dei: Probatur primò. Duo præmia condigna inter se diversa non possunt respondere eidem merito: sed gloria æterna, quæ ut merces respondet operibus meritoriis, est præmium ipsis condignum, & est distincta ab Incarnatione: ergo beata Virgo, quæ per opera meritoria merebatur gloriam æternam, non poterat ex iustitia aliud præmium exigere; nec consequenter per illa opera divinam Maternitatem promereri.

Confirmatur. Omnia merita beatæ Virginis procedebant ex gratia adoptionis, quæ ut sic solum respicit, & inclinatur ad obtinendam beatitudinem; non autem ad promerendam, quæ sunt ordinis hypostatice, ad quem pertinet Maternitas Dei, cum illa sit circumstantia intrinseca Incarnationis.

Deinde, ad meritum de condigno ultra excellentiam, & dignitatem operis, necessarii requiruntur pactum, & promissio ex parte præmiantis, qua seclusa promissione, quantumvis opus foret excellens, non teneatur præmians præmium concedere: quod maxime verum est in Deo, qui ad nullum beneficium conferendum moveri potest, nisi vel ratione bonitatis, vel iustitiæ, aut potius fidelitatis servandæ in promissis: atqui nullum est pactum, nullaque promissio, qua divina Maternitas repromissa esset beatæ Virgini sub conditione illius bonorum operum: igitur merito de condigno Maternitatem illam non potuit obtinere.

Denique, si beata Virgo condignè meruisset esse Mater Dei, quæ est circumstantia mysterii Incarnationis, etiam SS. Patriarchæ, maxime Abraham, de facto meruisset, quod Christus oriretur ex suo semine; tum quia opera illius facta ex gratia, licet non fuerint, tam insignia, quam opera beatæ Virginis, fuerunt tamen ejusdem naturæ, & ita ad idem genus præmii suapte natura referebantur; tum etiam quia si acquiratur promissio ad rationem meriti con-

digni, ut de facto requiri mox diximus, illam promissionem sibi factam habuit Abrahamus Genes. 8. similem autem non legimus factam beatissimæ Virgini respectu divinæ Maternitatis sibi conferendæ. Porro jam absurdum videtur omnibus Theologis asserere, quod Abrahamus condignè illam Incarnationis circumstantiam fuerit promeritus: ergo multò minus beatæ Virgini respectu divinæ maternitatis id tribuendum est, quæ longè sublimiorem infert dignitatem, propter intimiorem illius confederationem cum Christo, quàm fuerit Abrahami dignitas, quod Messias ex illius semine esset oriundus.

Dices 1. Beatissima Virgo condignè meruit id, quod majus est, ac præstantius Incarnatione, scilicet beatitudinem, & gratiæ, seu justificationis augmentum: ergo etiam meruit id, quod minus est: sed maternitas Dei est, quid minus beatitudine æterna, & gratiæ augmento: igitur potuit etiam illam maternitatem mereri. Major constat: quia qui potest majus efficere, potest etiam minus. Minor verò probatur: Tum ex illo Matthæi 12. *Quicumque fecerit voluntatem Patris mei, qui in celis est, ipse meus frater, & soror, & mater est.* Quocirca Lucæ 11. mulier quædam extollens vocem, cum dixisset Christo: *Beatus ventris, qui te portavit, & ubera, quæ suxisti:* subjunxit Christus: *Quinam, beati qui audiunt verbum Dei, & custodiunt illud;* reponens nimirum sanctitatem vitæ dignitati maternitatis divinæ esse præponendam. Quapropter S. Augustinus exponens illa verba Tractatu decimo in Joannem, ait: *Mater mea, quam appellasti felicem, inde felix quia Verbum Dei custodivit, non quia in illa Verbum caro factum est.* Et lib. de sancta Virginitate c. 3. *Beatior fuit Maria percipiendo fidem Christi, quàm concipiendo carnem Christi.*

Nego consequentiam: Licet enim beatissima Virgo meruerit aliquod præstantius maternitate divina, indotamen non sequitur, quod etiam illam maternitatem fuerit promerita; etenim qui potest majus, potest etiam minus, in his quæ sunt ejusdem rationis, & ordinis; secus verò in his, quæ sunt diversæ rationis: nam majus est ratiocinari, quàm volare; & tamen non sequitur, potest aliquis ratiocinari, ergo etiam volare potest, quia volare, & ratiocinari sunt diversæ rationis: bene verò sequitur, potest aliquod agens producere quatuor gradus ca-

loris; ergo etiam duos; Sic in præfenti, cum præmium vitæ æternæ, & augmenti gratiæ sit diversæ rationis à præmio maternitatis divini, non est consequens, quòd si beata Virgo potuerit mereri primum de condigno, etiam potuerit mereri secundum.

Dices 2. Si quid obfuisse quominus beata Virgo promerita esset condignè maternitatem Dei, maximè, *vel* quia Deus illius opera non accepisset ad tantam dignitatem; *vel* quia illam ipsi non promississet propter merita; *vel* denique quia non potuisset mereri illam circumstantiam Incarnationis, nempe maternitatem divinam, quin etiam promerita fuisset principium meriti: sed nihil eorum obscur. Non quidem *primum*, quia beata Virgo ad hoc fuit creata, & ordinata, ut esset Mater Dei; hinc ipsi attribuit Ecclesia ista verba: *Ab æterno ordinata sum; similiter ista, Elegit eam Deus, & prælegit eam;* nempe ut ex ea, & in ea dignum Filio suo habitaculum præpararet. Non etiam *secundum*, promissio namque illi non defuit; nam Isaïa 7. dicitur, *Ecce Virgo concipiet, & pariet Filium.* Non denique *tertium*, sicut enim, ex parte principii nostrorum meritorum, & beatæ Virginis præintelligitur Mysterium Incarnationis; ita etiam præintelligitur humanitas Christi: non quidem in universum, sed singularis ex hac materia, & forma composita: cum autem hanc materiam sui corporis sumperit ex Virgine, ex parte principii, jam intelligitur dignitas Matris in Virgine; ac proinde talis dignitas non potest cadere sub ipsum meritum, cujus est principium.

Nego minorem, & ad primam probationem dico, Beatam Virginem etiam quidem fuisse à Deo, & ordinatam, ut esset Mater Dei, ordinatione, vel antecedente illius merita, ac proinde omnino gratuita; vel consequenter merita, quæ non erant de condigno; sed dumtaxat de congruo. *Ad secundam dico,* promissum quidem fuisse populo Judaico, quòd aliqua Virgo esset conceptura Messiam: verum illa promissio non erat facta speciatim beatissimæ Virginis, ac proinde nullum fuit divinum pactum de conferenda illi maternitate divina. *Ad tertium dico,* beatam Virginem non potuisse mereri illam circumstantiam Incarnationis, quin pariter Incarnationem meruisset, quippe meritum illud non fuisset respectu generandæ humanitatis in universum, sed

illius humanitatis specialis, & individuz; quæ erat à Verbo assumenda.

Dices 3. Beata Virgo dicitur fuisse digna, quæ mereretur, ut fieret Mater Dei: igitur de facto maternitatem divinam meruit. Consequentia patet. Probat ancedens: *Tum* ex eo, quòd canit Ecclesia de ipsa beata Virgine in oratione post Completorium, *Ut dignum Filii tui habitaculum effici mereretur, Spiritu sancto cooperante, præparasti:* quid enim est aliud dignum esse habitaculum Filii Dei, quàm dignam Matrem illius? Si autem digna Mater effecta est, utique bonis, ac meritoriis operibus est effecta: *Tum quia* SS. Patres eadem loquendi formula utuntur, maximè verò S. Ambrosius lib. 2. de Virginibus, Damascenus lib. 4. de Fide cap. 15. Bernardus sermon. 1. de Assumptione.

Respondet, illis, aut similibus loquendi formulis significari quidem beatissimam Virginem fuisse dignam, quæ seligeretur in Matrem Dei; non tamen inde sequitur, quòd illam dignitatem suis bonis operibus fuerit promerita de condigno: nam modus ille loquendi, *dignus est re aliqua*, non semper denotat meritum condignum, sed dumtaxat, quòd quicumque accipit beneficium à Deo, illius beneficii dignus videatur. Hac ratione Ecclesia dicit in oratione feriæ tertiæ post Dominicam Passionis: *Nostra tibi Domine suis accepta jejunia, quæ nos expiando gratia tua dignos efficiant, & ad remedia perducant æterna.* Quis autem dicat per jejunia nos ita præparari, ut condignè mereamur gratiam Dei, qua expiamur à peccato.

Dices ultimum: Qui mereretur de condigno dispositionem ad aliquam formam, videtur etiam mereri ipsam formam: sed beata Virgo de condigno promeruit illum sanctitatis gradum, quo ultimò fuit disposita ad maternitatem Dei: ergo pariter meruit de condigno suam maternitatem.

Respondet primò negando majorem, quia contingere potest, quòd dispositio ad aliquam dignitatem non excedat proportionem virtutis merentis; bene tamen ipsa dignitas: sicut v.g. si ut aliquis fieret Episcopus requiretetur, quòd esset Doctor, posset quidem illam dispositionem comparare ex se: non tamen consequens esset, quòd itidem ex se posset ad Episcopatum promoveri; quippe ad illam dignitatem obtinen-

dam

dam opus esset nominatione Regis, & designatione, ac collatione potestatis ex parte summi Pontificis.

Respondeo secundò, majorem posse quidem esse veram de illis dispositionibus, quæ necessariò inferunt formam; non verò de illis, quæ demtaxat habent connexionem quamdam morale, seu decentiam, ac congruitatem cum forma inferenda. Sanctitas autem beatissimæ Virginis non fuit dispositio physica, & ex natura rei ad maternitatem divinam; sed demtaxat moralis, & congrua, quippe decens erat, utquæ erat omnium Virginum purissima, & sanctissima, assumeretur ad concipiendum Sanctum Sanctorum.

CONCLUSIO SECUNDA.

Beatissima Virgo digna fuit, & de congruo meruit, ut fieret Mater Dei. Hæc est communior, & verior, probaturque ex sanctis Patribus, qui diserte pronuntiant beatam Virginem fuisse dignam, quæ Dei Filium pareret, & ejus Mater fieret. Sic impitius S. Ambrosius lib. 2. de Virginitatibus; *Quid, inquit, in singulis moror, quæ digna fuit, ex qua Filius Dei nasceretur?* Basiliius homilia de humana Christi generatione: *Digna, inquit, Unigeniti divinitati conjugii fuit.* Chrylostomus homil. 43. in Joan. exponens illa verba, *Quomodo fiet istud quoniam virum non cognosco?* ait: *Propter hoc ipsum fieret: nam si cognovisses virum, non fuisses habita digna, ut huic mysterio deservires.* Epiphanius hæc. 7. *Quomodo audent impetere impollutam Virginem, quæ digna facta est habitaculum fieri Filii Dei?* Damascenus lib. 4. cap. 15. illam appellat, *Sanctum, admirabile, ac summo Deo dignum templum.* Tandem Bernardus serm. 1. de Assumptione, ait: *Nec in terris locus dignior uteri Virginalis templo, in quo Filium Dei Maria suscepit, nec in caelis regali solio, in quo Mariam Filius ejus sublimavit.*

Quod verò illam dignitatem habuerit, partim ex divina gratia illam præveniente, partim per opera sua, & merita de condigno, etiam significant sancti Patres; nam S. Augustinus serm. 2. de Nativitate, ait: *Talis eligitur Virgo, quæ tantum in se haberet meritum, ut Dei Filium in se susciperet.* S. Gregorius lib. 1. Regum cap. 1. *Incomparabilibus illustrata meritis, Dei Unigenito, in quo recumberet, sacrum præparavit utero.* *Fraffen Theol. Tom. VII.*

rum. Petrus Damianus serm. 2. de Assumptione; *Singularis ejus sanctitas, & gratia hoc promeruit, quod susceptione Dei singulariter judicata est digna.* Fulgentius lib. de Incarnatione, & Gratia cap. 7. *Sed ipsum Deum hominem factum, & concipere, & parere, non humanis meritis, sed concepti, nascentisque ex ea summi Dei dignatione promeruit, nempe beata Virgo.* Quibus consonat Prudentius in hymno ante cibum, ubi ait: *Ederet namque Deum merita, omnia Virgo venena domat.* Et Venantius Fortunatus in lib. de æternis gaudiis capit in hunc modum:

Virginitas felix, quæ partu est digna Tonantis.

Quæ meruit Dominum progenerare suum. Ecclesia quoque canit in Antiphona tempore Paschali, *Regina celi lætare alleluja, quia quem meruisti portare, resurrexit, &c.*

Nec refert, quod sancti Patres interdum meriti nomen laicis usurpent; nimirum pro eo, non quod significat actionem dignam præmio, sed solum quamdam correspondentiam unius ad alterum: in qua significatione Ecclesia canit in benedictione cerei Paschalis: *O felix culpa, quæ talem, ac tantum meruit habere Redemptorem!* id, inquam, non obest: tum quia cum ipsam meritum tribuitur vitæ sanctitati, oportet, quod accipiat in propria significatione, de qua nunc agimus: Tum etiam quia plures ex sanctis Patribus hoc meritum attribuant bonis operibus illius beatæ Virginis; unde pulchrè S. Bernardus sermone de aquæ ductu: *Quomodo, inquit, noster hic aque ductus fontem illum attingit tam sublimem? Quomodo putas, nisi vehementia desiderii, nisi fervore devotionis, nisi puritate orationis, sicut scriptum est, Oratio iusti penetrat celos? Et quis iustus, si non Maria iusta, de qua Sol iustitiæ ortus est nobis? Quomodo ergo illam inaccessam attingit Majestatem, nisi pulsando, perendo, quærendo? Hinc pariter S. Hieronymus Epistol. 22. proponit ibi Mariam, quæ tantæ exitit puritatis, ut Mater Domini esse mereretur. Et S. Anselmus de Laudibus Virginis cap. 8. *Sanctissima puritas, & purissima sanctitas peccatoris ejus omnis creatura puritatem, & sanctitatem transcendens, incomparabiliter hoc promeruit, ut reparatrix perditis orbis plenissime fieret.**

Dictis. Non potuit beata Virgo mereri de congruo, ut esset Mater Dei, quin etiam ipsam incarnationem mereretur: sed

N non

non potuit mereri incarnationem, ut dictum est in superiori quæstione: ergo nec ipsam maternitatem: igitur &c. Probatur major: Nam si beata Virgo meruit de congruo, ut esset Mater Dei, pariter meruit, ut ex illa Deus homo fieret: igitur meruit Christum Deum hominem parere, ac producere; & subinde meruit, ut hoc compositum *Deus homin* rerum natura esset: sed hoc est mereri incarnationem: ergo si meruit de congruo fieri Mater Dei, etiam meruit incarnationem.

Respondeo, Meritum de congruo dupliciter posse intelligi; *Primo* quidem absolute, & simpliciter, ac sine ulla suppositione: *Secundo*, potest intelligi hoc meritum solum, quasi sub conditione, seu facta suppositione, quod Deus sit futurus homo. Unde distinguo majorem; Beata Virgo non potuit mereri merito de congruo maternitatem, quin meruerit pariter incarnationem: merito absoluto, & simpliciter, concedo: merito ex suppositione facta, & conditione posita, quod Deus sit futurus homo, nego: Sic enim acceptum Virginis meritum, respectu maternitatis, præscindere potest a merito incarnationis, quia præsupponit illam futuram. Quod utique hoc exemplo declaratur: Si Rex decreverit in aliquam civitatem proficisci, & civis aliquis propter sua merita obtineat, ut potius in suam, quam in alterius domum divertat; recte intelligitur non mereri adventum Regis in civitatem simpliciter, & nihilominus mereri circumstantiam, nempe receptionem in suam domum, quæ accessum ad civitatem præsupponit.

Dices 2. Merita Virginis non solum existentia, sed etiam futura, prævisa fuerunt, & Deo præsentia in æternitate, post prævisa merita Christi: ergo ipse Christus fuit prius prævisus, ut existens, atque adeo ut conceptus, seu ut concipiendus ex Virgine, quam fuerint præordinata merita Virginis: igitur nullo modo potuit Beata Virgo mereri, quod Christus ex illa nasceretur.

Respondeo, ex illo dumtaxat argumento probari, merita beate Virginis non movisse Deum, ut ipsam eligeret in Matrem Filii sui secundum ordinem electionis, ac designationis æternæ; non tamen probatur illam non potuisse mereri secundum ordinem executionis eam dignitatem, quia reverà prius habuit gratiam, & bona opera,

quàm ex ea Dei Filius incarnaretur; quamvis ipsam gratiam, & bona opera habuerit ex meritis ejusdem Filii sui prævisi in divina ordinatione, ac prædefinitione.

Urgebis: si ante omnia merita Virginis Deus præordinavit Incarnationem: ergo etiam præordinavit illam in hac humanitate, & consequenter in hac individua materia formatam: sed non meruit Virgo habere illam individuum materiam, ita sibi conjunctam, ut necessarium erat ad Filii conceptionem; quia hoc potius pertinebat ad ordinem effectuum, & causarum naturalium, quàm ad rationem meriti: igitur &c.

Respondeo ad minorem, quod sicut temporalia possunt cadere sub merito in ordine ad spiritualia; ita Virgo potuit mereri, ut illa materia, ex qua Christus erat formandus, prius esset materialis pars sui corporis, seu sanguinis.

QUÆSTIO TERTIA.

Utrum sancti Patres meruerint, aut saltem moveri potuerint de congruo, Incarnationem, ejusque circumstantias.

Notandum *primò*, nomine *sanctorum Patrum*, hic intelligi viros illos sanctissimos, qui Christi adventum præcesserunt, sive legis naturæ, sive legis scriptæ, quibus futuri Messie facta fuerat specialis à Deo revelatio, aut promissio; de quibus quæritur, an vel ipsam Incarnationem, vel aliquas illius circumstantias, putà illius accelerationem, aut quod fieret eorum temporibus, vel quod Christus ex eorum stirpe, & propagatione nasceretur, vel demum aliquos illius effectus, putà justificationem animarum, & cæli resurrectionem, meruerint, aut saltem mereri potuerint. Circa quam difficultatem tres maximæ sunt Theologorum sententiæ. *Prima*, quidem sancti Bonaventuræ *disp. 3. art. 2. q. 2.* ubi contendit sanctos Patres meruisse de congruo substantiam Incarnationis, non quantum ad effectum illius principalem, qui est animarum justificatio; sed quantum ad effectum minus principalem, qui est regni cælorum aperitio. *Secunda*, verò est Valquez *disp. 22. cap. 4.* & aliorum Recentiorum, qui licet concedant meritum de congruo respectu Incarnationis, quantum ad accelerationem, aliasque circumstantias; illud tamen negant.

gant respectu substantiæ Incarnationis, & omnium illius effectuum. *Tertio* denique non denegat sanctis Patribus aliquod meritum de congruo tam respectu substantiæ Incarnationis, quam respectu aliquarum illius circumstantiarum, cui sententiæ plurimi Thomistæ subscribunt.

Notandum secundò, præmi congruitatem spectari posse dupliciter. *Primò*, quidem potest accipi pro congruitate fundata in pura Dei misericordia, sine aliquo jure, seu debito ex parte operis: *Secundò*, pro congruitate fundata in proportionem amicitiae, & in opere elicito in statu gratiæ ab amico: amicitia enim cum sit pars potentialis iustitiæ, fundat aliquod debitum: non quidem strictum, & rigorosum, sicut est meritum de condigno, sed tantum secundum quid, ita quod deceat bonitatem, & sapientiam præmiantis, ut istud præmium largiatur amico, propter elicitum opera sibi grata. De hoc autem merito inquirimus solum, an sancti Patres meruerint Incarnationem, aut aliquas illius circumstantias.

Notandum tertio, omnes Theologos convenire nullum ex sanctis Patribus meruisse de condigno mysterium Incarnationis secundum substantiam illius effectus, quod utique fuscè demonstrat S. Paulus Epist. ad Rom. in qua potissimum intendit convincere Judæos, quod eorum Patres non fuerint promeriti, merito scilicet de condigno, ut Christus ex eorum stirpe nasceretur, sed hoc dumtaxat fuisse beneficium Dei, feligentis potius semen Abraham, quam ullius alterius hominis. Hinc ad Titum 3. ait. *Apparuit benignitas, & humanitas Salvatoris nostri Dei, non ex operibus iustitiæ, quæ fecimus nos. sed secundum misericordiam suam salvos nos fecit*: Quod etiam colligitur ex aliis Scripturæ textibus; nam Psalmo 88. dicitur, *Si autem dereliquerim filii ejus legem meam... misericordiam autem meam non dispergam ab eo*. Et Lucæ 1. *Suscipit Israel puerum suum recordatus misericordiarum suarum*; ubi mysterium Incarnationis dicitur opus misericordiarum; misericordia autem excludit merita, maxime condigna. *His adde*, quod Sanctorum gratia solum est principium, condignè merendi illud, ad quod ex Dei ordinatione refertur; merita autem sanctorum Patrum ex Dei ordinatione referebantur dumtaxat ad vitam æternam: ergo solum fuerunt principia condignè merendi

vitam æternam; non autem mysterium Incarnationis.

CONCLUSIO UNICA.

Sancti Patres non meruerunt de congruo Incarnationem, quantum ad substantiam, neque quantum ad circumstantias intrinsecas, sed dumtaxat, quantum ad circumstantias extrinsecas, puta temporis, loci & propagationis eorum stirpe. Hæc est Doctoris in 4. d. 2. q. 1. n. 11. ubi ait. In universis operibus Dei, non fuit aliquod opus meræ gratiæ, nisi sola Incarnatio Filii Dei, & hoc si ad illam nulla merita processerunt. Subdit. Quod utique verum est in ordinatione divina de illa Incarnatione: quia si tempore Conceptionis præcesserunt aliqua merita Mariæ; tamen non erant bona absolute respectu Incarnationis, sed forè accelerationis, ut impleteretur illa Incarnatio præordinata. Bene ergò, ait Augustinus 11. de Trinitate cap. 19. *In rebus per tempus actis, illa summa est gratia, quod homo in unitate personæ conjungitur est Deo*. Quibus Doctor appetit docet, nec beatissimam Virginem, nec sanctos Patres meruisse ipsam Incarnationem; sed dumtaxat quasdam circumstantias extrinsecas, videlicet, quod Incarnatio fieret tali tempore, loco & ex tali semine.

Probat utraque pars. *Prima* quidem, quia principium meriti congrui non potest cadere sub merito: sed Incarnatio quoad substantiam, & circumstantias intrinsecas, est principium meriti sanctorum Patrum: ergo non potuerunt illi principium istud mereri. Minor constat: Major pariter. Nam sicut meritum de condigno non poterat mereri condignè suum principium; sic neque meritum de congruo potest congruè promereri suum principium; quia si principium meriti posset cadere sub merito de congruo, effectus esset causa suæ causæ, ut supra diximus, & gratia prima antecedens daretur propter prævisum bonum usum illius: quod tamen damnat S. Augustinus tamquam Pelagianismum lib. de Prædestinatione Sanctorum, cap. 19. Quod utique probat ex 1. ad Ephes. *Qui prædestinavit nos in Christo, ut essimus Sancti*: notat enim Augustinus non dici, quia eramus futuri Sancti; sed ut essemus Sancti.

Nec valet respondere, Incarnationem non solum fuisse causam efficientem omnis gra-

tiz, & meriti; verùm etiam finalem respectu Patrum veteris Testamenti, & ut sic cadere potuisset sub merito: illa, inquam, responsio non frangit vim argumenti, quia Patres illi non receperunt gratiam, ut fieret Incarnatio, sed è contra prædestinata est Incarnatio, ut ipsi inde reciperent gratiam. Habuit tamen Incarnatio similitudinem quamdam causæ finalis, quia operabatur, quando solum erat futura; operabatur tamen ut causa meritoria, quæ ut non existens, potest movere agens ad conferendum præmium, ut docet Doctor mox laudatus n. 10. ait: *Quod etsi Passio Christi non sit nunc in effectu, est tamen in acceptione divina, & hoc sufficit, ut sit causa meritoria: patet enim quod nos conferimus multa propter aliquod bonum non præsens in se, sed præsens in memoria nostra, si sit præteritum; vel in opinione, si sit futurum.*

Probatur secunda pars, illis omnibus Scripturæ textibus, quibus Patribus veteris Testamenti promittitur futura Incarnatio, vel ex eorum stirpe, vel in eorum patria, vel breviore tempore. Sic Psalmo 11. *Propter gemitum pauperum nunc exurgam.* Danielis 9. 70. *Hebdomades abbreviatae sunt super populum tuum, &c.* Quæ testimonia plurimi Patres explicant de abbreviatione adventus Messiae. Patet similiter ex promissionibus factis à Deo ipsis viris sanctissimis, quod Messias ex eorum stirpe esset oriundus propter præclara opera, quæ in Dei obsequium gesserant. Sic Genes. 22. Deus promittit Abraham Messiam nasciturum ex ejus semine his verbis: *Per memetipsum juravi: quia fecisti hanc rem, benedicam tibi, & multiplicabo semen tuum: & benedicentur in semine tuo omnes Gentes, hoc est in Christo*, ut exponit Apostolus ad Gal. 3.

Constat similiter ex illis omnibus orationibus, quibus enixè Deum deprecabantur, ut mitteret Messiam in mundum. Sic Isaia 16. *Emitte agnum Domine dominatorem terræ: & 45. Rorate celi desuper, & nubes pluant justum, & 64. Utinam disrumpere caelas, & descendere!* David etiam Psalms 84. pro Messia videtur orare, quando ait: *Salutare tuum da nobis, & Psalms 105. Visita nos in salvari tuo:* quibus sancti Patriarchæ, ac Patres veteris Testamenti exorabant, non quidem ut Deus decreneret Incarnationem Filii sui, quam jam per divinam revelationem acceperant esse decretam, & futuram: sed dumtaxat, ut illud mysterium brevitem-

pore, & in eorum conspectu impleteret; illæ autem preces, & desideria habebant rationem meriti de congruo respectu adventus Filii Dei. Tum quia congruum erat, ut Deus eos exaudiret, qui ipsi in omnibus obediebant: Tum etiam, quia orationes de necessariis ad salutem merentur de congruo ea, quæ postulabantur: Tum denique, quia instantes illæ preces, & pia desideria disponebat sanctos illos Patres ad recipiendum Christum: sed illæ dispositiones morales habebant rationem meriti de congruo, quoad substantiam Incarnationis, seu adventus Filii Dei in mundum; hinc apud Malachiam legimus. *Eccce statim veniet ad Templum sanctum suum Dominator, quem vos queritis, & Angelus Testamenti, quem vos vultis:* Quibus significat Prophetæ, idcirco venturum esse Messiam brevitempore, quia nempe eum sanctissimi viri querebant, & summis votis exoptabant.

Dicitur: Tam decreta sunt ab æterno circumstantiæ extrinsecæ Incarnationis, quàm intrinsecæ: sed intrinsecæ non fuerunt decreta: dependenter ab aliquo hominum merito: ergo nec extrinsecæ. Major constat. Eadem enim videtur esse ratio de circumstantiis extrinsecis, ac de intrinsecis, quippe quæ concernant eandem humanitatem in individuo assumendam. Minor etiam est evidens, quia circumstantiæ intrinsecæ aliqujus operis formaliter, & ut sic consideratæ, sunt ejusdem ordinis cum ipso: unde circumstantiæ intrinsecæ Incarnationis pertinent ad unionem hypostaticam sicut substantia illius: igitur si sancti Patres non potuerint mereri de condigno substantiam Incarnationis, eo quod opera illorum pertinerent ad ordinem gratiæ, qui est inferior hypostatico, ob eandem rationem non potuerunt mereri de condigno circumstantias intrinsecas illius.

Nego majorem, etenim dici potest decretum divinum fuisse de sola substantia Incarnationis absque prævisione meriti circumstantiarum: etiam si illæ circumstantiæ extrinsecæ decreto absoluto potuerint discerni intuitu meritorum sanctorum Patrum, quippe illæ circumstantiæ extrinsecæ nullatenus spectant ad entitatem, & ordinem unionis hypostaticæ, sed omnino extrinsecæ sunt; tam enim potuisset Verbum incarnari ex alia stirpe, & nasci alio in loco, aliove tempore, ac originem duxit ex semine Abraham, oî tumque habuit in Palæstina.

Ex ;

Ex his collige, quòd sicut antiqui Patres non meruerunt mysterium ipsum Incarnationis, eodem modo non fuerunt promeriti effectus ipsius mysterii, nempe quòd merita, & satisfactio ipsius Christi D. applicarentur, tam pro seipsis, quàm pro universo genere humano. Idem dicendum de aliis effectibus, nam si antiqui Patres meruissent, quòd Christus pro toto genere humano pateretur, & satisfaceret pro illo, etiam meruissent salutem totius generis humani, ac proinde suam ipsorum redemptionem, quòd utique absurdissimum est. *Tum quia* hoc asserere, idem est, ac dicere eos meruisse suam primam gratiam, quam meritis Christi obtinuerunt pro redemptione sua; siquidem merita Christi pro seipsis habere meruerunt; tum quia si sanctissimi Patres promeriti fuissent mortem Christi pro sua redemptione, jam opus Incarnationis, & mortis Christi fuisset antiquis Patribus, non opus misericordiae, & primæ gratiæ, sed gratitudinis, & gratiæ secundæ, quæ est gratia pro gratia: pro aliis verò, qui fuerunt post Christum, fuisset opus solius misericordiae; nam si propter merita antiquorum Patrum Deus Christum, ejusque passionem, ac illius fructus concessisset, ipsa Christi merita, quatenus fuissent beneficia antiquorum Patrum, habuissent rationem remunerationis; ac proinde fuissent data illis ex gratitudine: quòd utique longè alienum est à doctrina, ac modo loquendi sanctorum Patrum.

SECTIO TERTIA.

De causa finali, & motivis Incarnationis.

Conveniunt omnes Doctores Catholici, silium Dei hunc ob finem nostram induisse humanitatem, ut peccatum elueret, & divinæ justitiæ pro reis hominibus faceret satis: idque aperte testatur divina Scriptura; nam S. Paulus ad Gal. 4. disertè pronuntiat: *Misit Deus Filium suum factum ex muliere, factum sub lege, ut eos, qui sub lege erant, redimeret*, & 1. ad Timot. 4. *Venit Christus in hunc mundum peccatores salvos facere*; quapropter ipsemet adorandus Salvator Matt. 18. & Lucæ 19. ait, *Venit Filius hominis querere, & salvum facere, quod perierat*. Verim invicem disceptant in assignando primario fine illius adventus, utrum videlicet ita venerit delendum hominis peccatum, ut si nullum extitisset, perpetuam

Fraffen Theol. Tom. VII.

que, ac stabilem innocentiam tam Adamus, quàm ejus posterì servassent, nihilominus fuisset incarnatus. Querunt etiam, utrum solo existente peccato originali, velè contra solis existentibus actualibus, futura esset incarnatio: quæ utique duplex controversia pro modulo nostro dirimetur duabus in sequentibus questionibus.

QUÆSTIO PRIMA.

Utrum si Adamus non peccasset, Filius Dei non minùs esset incarnandus.

HIC non est sermo de possibili, quippe certum est, quòd et si nullum extitisset hominis peccatum, quævis ex divinis personis humanam carnem potuisset inducere, etenim Incarnatio nullam habet cum peccato necessariam, & essentialem connexionem. Nec etiam movetur quæstio de altero decreto, quòd Deus formasset circa futuram incarnationem ex hypothesi, quòd homo non esset peccaturus; nam utrum in eo casu habuisset Deus decretum assumendi carnem, non propter remedium peccati, sed propter aliam motiva, nil certò definiti potest; Siquidem Scriptura sacra, per quam innoteſcit, quæ ex sola Dei voluntate pendent, nil circa hoc statuit. Solum ergo difficultas est, utrum vi decreti, quòd habuit Deus ab æterno, Verbum esset incarnandum, quamquam Adamus non peccasset; Quæ difficultas, ut faciliori negotio solvatur,

Notandum 2. Quòd et si Verbum divinum de facto incarnatum fuerit ob redemptionem, & reparationem generis humani, hæc tamen unica non fuit illius incarnationis causa principalis, nec præstantius motivum; siquidem alias tanti mysterii causas sacra Scriptura aperit, nempe manifestationem divinarum perfectionum, quæ maximè (ut diximus in primo articulo) in hujus mysterii revelatione, & manifestatione elucet. Similiter complementum, & perfectio totius universi; item humanæ naturæ sublimitas, & beatificatio completa, inde derivantur. Alios etiam fines ejusmodi adventus Christi Scriptura sacra commemorat, putà ut esset Doctor veritatis, sicut ipsemet testatur Joan. 18. *Ego in hoc natus sum, & ad hoc veni in mundum, ut testimonium perhibeam veritati*. Ut nobis esset virtutum exemplar: sic Joan. 13. ait, *Exemplum dedi vobis, ut quemadmodum ego feci, ita & vos faciatis*.

N 3

Un-

Unde S. Aug. serm. 52. de Diversis, *Homo sequendus non erat, qui videri poterat: Deus sequendus erat, qui videri non poterat. Ut ergo exhiberetur homini, qui videretur ab homine, & quem homo sequeretur, Deus factus est homo.* Fatentur ergo utriusque scholæ Theologi, peccati solutionem, & expiationem, non fuisse unicum dumtaxat motivum incarnationis faciendæ. Aut enim fuerit precipuum, ita ut eo cessante non fieret incarnatio ob alios fines, *Affirmat* cum suis discipulis S. Thomas 3. p. q. 1. art. 3. *Negat* verò subtilis Doctor in 3. dist. 7. qu. 3. cum Alensi 3. p. q. 2. memb. 13. S. Alberto Magno dist. 20. n. 4. & plurimis aliis etiam ex Thomistis.

Notandum 3. Quòd est unicuique, ac simplicissimus sit actus divinæ voluntatis secundum se, & realiter spectatus, virtute tamen intelligitur multiplex, juxta nostrum concipiendi modum; ita quòd in eo distinguatur ordo prioris, & posterioris, sive ille sit solum ordo rationis, sive potius quasi naturalis præsuppositionis unius ad aliud; quatenus scilicet actus ille, qui in entitate sua infinitus est, correspondet plurimis actibus, quos successivè eliceremus in aliqua re decernenda, & producenda; quamquam ordo ille prioritatis, & posterioritatis, qui reperitur in actibus divinis potius refundi debeat in objecta secundaria, circa quæ versantur intellectus, & voluntas divina, quam in ipsamet entitatem actus, qui secundum se reverà simplicissimus, & indivisibilis est. In his autem tam actibus, quam objectis assignari solent à Theologis quædam signa, seu instantia, ratione quorum unus actus dicitur prior, aut posterior altero. Quos actus secundum illa diversa instantia quantum ad propositum (nempe decretum incarnationis Christi) sic distinguit Doctor in 3. dist. 39. qu. unica n. 6. ubi ait: Quòd in carnatio Christi non fuit occasionaliter prævisus; sed sicut finis immediatè videbatur à Deo ab æterno, ita Christus in natura humana, cum sit propinquior fini, ceteris prius prædestinabatur, loquendo de his, qui prædestinantur. Tunc iste fuit ordo in prævisione divina. *Primo* enim Deus intellexit se sub ratione summi boni; in *secundo* signo intellexit omnes alias creaturas: in *tertio* prædestinavit hos ad gloriam, & gratiam, & circa alios habuit actum negativum non prædestinando: in *quarto* prævidit illos caros in Adamo: in *quinto* præordinavit,

sive prævidit de remedio quomodo redimerentur per passionem Filii; ita quòd Christus in carne, sicut & omnes Electi, prius videbatur, & destinabatur ad gratiam, & gloriam quam prævideretur passio Christi: sicut medicus prius vult sanitatem hominis, quam ordinet de medicina ad sanandum; Hæc Doctor, quibus quinque distinguit signa, seu instantia rationis, in quibus actus divinæ voluntatis, quasi esset quintuplex, terminatur ad diversa subiecta, quæ Deus decreverit circa Christum, ejusque adventum.

Notandum 4. Quòd quemadmodum Deus prius decernit res faciendas, quam illas producat, quippe decretum ejus est ab æterno, rerum autem effectio dumtaxat est in tempore: hinc duplex ordo prioris, & posterioris distingui solet in operatione divina, alius videlicet *secundum intensionem*, alius verò *secundum executionem*; ita quòd aliqua dicantur priora secundum intentionem Dei decernentis, & statuentis productionem rerum; alia verò posteriora secundum executionem, & operationem Dei res producentis quemadmodum medicus v. g. secundum intentionem prius habet sanitatem restituendam, quam medicinam parandam: secundum verò executionem prius parat pharmacum, quam sanitatem restituat. Certum est autem Christum Dominum non fuisse destinatum à Deo producendum ante cæteras creaturas; quippe dumtaxat formatus fuit, & productus in medio tempore. Sed movetur difficultas, utrum à Deo prius destinatus fuerit secundum ordinem intentionis, quam ceteræ creaturæ, ac subinde ipse non minus esset formandus quamvis homines peccarent, vel non peccarent, quia destinatus erat producendus independentè à prævisione futuri peccati hominis.

His ita præmissis, duo maxime veniunt hac in quæstione determinanda. *Primum* quidem, an Christus de facto veniret precipuè ad redimendos homines, & elucenda ipsorum peccata. *Secundum* autem, an vi præsentis decreti non minus esset venturus quamquam nulla forent hominum peccata.

CONCLUSIO PRIMA.

V Erbum de facto carnem induit maxime propter salvandos homines, & expiandos ipsos.

ipforum peccata. Hæc est communis, & probatur primò ex Scriptura sacra, quæ aperte significat, Dei Filium præcipuam habuisse causam suum mundum adventum redemptionem hominis à servitute peccati. Sic Matth. 18. & Lucæ 19. ipsemet adorandus Salvator testatur. *Venit Filius hominis querere, & saluum facere, quod perierat.* Et Joannis 3. *Sic Deus dilexit mundum, ut Filium suum unigenitum daret, ut omnis, qui credit in ipsum non pereat, sed habeat vitam æternam.* Et Lucæ 3. *Non egent, qui sani sunt, medico, sed qui male habent: non veni vocare justos, sed peccatores ad penitentiam.*

Idem testatur S. Apostolus primæ ad Timot. 1. *Christus Jesus venit in mundum peccatores salvos facere.* Quod utique motivum adventus Christi declaratur in Symbolo Nicæno, his verbis: *Qui propter nos homines, & propter nostram salutem descendit de celis.*

Suffragantur etiam SS. Patres, imprimis S. Athanasius libro de humanitate Verbi, ubi ait: *Ut cognoscas nostram culpam illi deesse occasionem, ut descenderet, nostramque prævaricationem Verbi Dei humanitatem elcuisse, ut ad nos contenderet, inter homines appareret; illius enim incarnationis nos causam ædimus et nostram salutem: ita humanum exitit, ut in humano corpore, & esse vellet, & apparere.* Basiliius homil. de humana Christi generatione qu. 25. *Dice mysterium: propterea Deus in carne est, quia oportebat maliciam hanc carnem sanctificari.* Hinc definitum est in Concilio Toletano VI. *Solum filium fatemur ad redemptionem humani generis propter culpam debitam, quæ per inobedientiam Adæ originaliter, & nostro libero arbitrio contraxeramus resolvenda à secreto Patris arcano prodijisse.* Quibus omnibus testimoniiis aperte constat Christum Dominum ideoque maximè in mundum venisse, ut peccatores salvos faceret: quapropter egregiè S. Augustinus serm. 9. de verbis Domini, *Nulla causa fuit veniendi Christo Domino, nisi peccatores salvos facere: tollere morbos, tollere vulnera, nulla est medicaræ causa.*

Non difficeat tamen non unicum istud, sed plura alia incarnationis de facto peractæ motiva Verbum habuisse, putà manifestationem omnipotentis, sapientis, & bonitatis divinæ: exigentiam capitis proximè univoci, & proportionati cum Ecclesiis; nam, ut inquit S. Chrysostomus scri-

mon. 1. de Pentecoste, *Deo chara est Ecclesia, propter Ecclesiam enim extensum est cælum, diffusum est mare, extensus aer, fundata terra, &c.* Et paulò post; *Propter Ecclesiam pelagus scindebatur, fidebatur petra, fovebat manna de celo... propter Ecclesiam Propheta, propter Ecclesiam Apostoli, imò propter Ecclesiam Unigenitus Dei factus est homo.* Quibus aperte docet S. Chrysostomus, unum ex præcipuis motivis incarnationis peractæ, fuisse ut Ecclesia dignum sibi caput, nempe Dei Filium, obtineret in carne visibilem.

CONCLUSIO SECUNDA.

EX vi præsentis decreti Verbum divinum carnem humanam assumpsisset, etiamsi Adamus non peccasset. Hæc conclusio quadruplici fundamento nititur, ac firmatur.

PRIMA PROBATIO.

Petita ex eo, quòd Christus su prius decretus, quam creatura.

Christus voluit, ac destinatus est à Deo ante præscientiam peccati hominum: ergo licet homo non peccasset, nihilominus Verbum divinum vi præsentis decreti carnem induisset. Consequentia patet: cum enim prius non penderet à posteriori, si adventus Christi voluitur, & decretus à Deo ante præscientiam peccati hominum, evidens est, quòd independentèr à tali peccato ejus adventus sit decretus; atque à Deo executioni fuisset mandatus, licet homo non peccasset.

Probatur antecedens. Christi productio decreta prius est, quàm productio creaturarum: sed decretum productionis creaturarum prius fuit decreto permittendi peccatum: ergo Christus voluit esse, ac decretus ante permissionem, subindeque ante præscientiam peccati hominum. Minor constat: Non enim potuit prius Deus habere decretum permittendi peccata hominum, illaque præscire, ut futura, quàm habere voluntatem ipsos producendis siquidem operatio sequitur esse, & consequenter actio peccaminosa prævisa supponit existentiam prævisam hominis peccatori.

Major verò probatur plurimis Scripturæ textibus, quibus Christus dicitur prima omnium creaturarum. Sic Ecclesiastici 24. *Ego ex ore Altissimi prodixi, primogeni-*

ta ante omnem creaturam; ubi nullam prorsus creaturam excludit; quem textum Concilium Sardicense in Epistola ad omnes Episcopos circa finem exponit de Christo; ita quod illa verba, *Ego ex ore Aliissimi proditi*, significant illius generationem æternam quatenus est Dei Filius: cætera verò designent illius generationem temporalem decretam ante quamlibet creaturam. Quod utique confirmari potest ex S. Paulo ad Coloss. 1. ubi ait: *Qui est imago Dei invisibilis primogenitus omnis creaturæ; quoniam in ipso condita sunt universa in calis, & in terra, visibilia, & invisibilia: ipse est caput corporis Ecclesie, qui est principium, primogenitus ex mortuis, ut sit in omnibus ipse primatum tenens*: Sed Christus non est primogenitus omnis creature secundum ordinem executionis temporalis; quippe dumtaxat formatus est, & natus in medio annorum: ergo est primogenitus in intentione, & destinatione divina; ac proinde illius incarnatio futura præcedit decretum productionis rerum, & consequenter præcedit decretum permissionis peccati.

Confirmatur primò ex Prov. 8. *Dominus possedit me in initio viarum suarum, antequam quidquam faceret à principio, ab æterno ordinatum sum, & ex antiquis antequam terra fieret, nondum erant abyssi, & ego iam concepta eram.* Quæ singula hujus oraculi verba nostram sententiam mirum in modum confirmant. Siquidem illa verba de Sapiencia incarnata, nempe Christo Domino, exponunt sancti Patres, maxime S. Clemens Romanus lib. 1. Constitutionum Apostolicarum, cap. 20. Basilium lib. 40. contra Evodium. Athanasius serm. 3. contra Arianos, & Nazianzenus oratione 4. Theologica, Cyrillus lib. 3. Theauri cap. 4. August. lib. 1. de Trinit. cap. 12. Epiphanius hæresi 69. n. 24. ubi ait hanc explicationem esse sanctorum Patrum. Nonnulli, inquit, orthodoxorum Patrum locum illum Salomonis de incarnatione Christi interpretati sunt, *Dominus possedit me, & fundavit, & sic hic deum sensus pietatis consentaneus.* Favet etiam versio Septuag. qui sic hunc locum efficiunt, *Dominus creavit me initio viarum suarum*, quæ certè de Sapiencia increata secundum illius generationem æternam non possunt intelligi; siquidem secundum illam sui productionem, non est factus, nec creatus, sed genitus, inquit S. Athanasius in Symbolo. Favet etiam S. Aug. qui loco mox citato ait:

Secundum formam servi dictum est, Dominus creavit me, initio viarum suarum. Igitur ex illo oraculo constat Verbum incarnatum fuisse initio viarum Domini, idest operum Dei ad extra: sed non fuit initium in temporali rerum executione, cum post plurima jam creata fuerit incarnatum: ergo fuit initium in divina intentione, & proinde illius existentia futura prius fuit decreta, quam decerneretur productio aliarum creaturarum.

Reponunt adversarii ex S. Hieronymo epistola 136. quod melius vertatur ex Hebræo, *Dominus possedit*, quam *Dominus creavit*. Insuper plurimi è sanctis Patribus locum istum explicant de divina Sapiencia increata: Quibus favent sequentia hæc illius oraculi verba, *Cum eo eram cuncta componens, & delectabar per singulos dies ludens coram eo omni tempore*, quæ sanè intelligi non possunt nisi de te existente realiter: at Christus non existit à principio mundi: igitur præfatum oraculum non de Sapiencia incarnata, sed dumtaxat de increata debet intelligi.

Verum respondeo, hanc adversariorum responsionem non solvere vim præfati argumenti: Primò namque quamvis melius vertatur *Dominus possedit*, quam *Dominus creavit*, nihilominus ista verba de Sapiencia divina, ut incarnata, necessario debent intelligi; quippe dicitur, quod ille, qui possedit illam divinam Sapienciam, sit ejus Dominus: at Verbum divinum, ut Filius Dei, dominum non agnoscit; sed tantum ut filius hominis; siquidem, ut ait S. Athanasius in Symbolo, *equalis est Patri secundum Divinitatem, minor Patre secundum humanitatem*. Nec obstat etiam, quod nonnulli Patres præfata verba explicant de Sapiencia, ut increata: etenim Theologi communiter docent posse interdum dari plures sensus literales unius, & ejusdem sacre Scripturæ textus, maxime eorum, quæ de Christo Domino efficiuntur: cum enim Christus habeat duas naturas in eadem Verbi persona subsistentes, divinam scilicet, & humanam, inde fit quod idem Scripturæ textus, utramque interdum naturam designet; unde quamvis aliqua præfati oraculi verba interpretentur de Christo, ut sustentante naturam divinam, nihil obstat quominus cætera veniant explicanda de ipso, ut sustentante naturam humanam.

Confirmatur ex eo, quod illa divina Sapien-

pientia ibidem ait, *delicia mee esse cum filiis hominum*; quod si verum est de hominibus lapsis, longè magis verum videtur de hominibus reparandis.

Reponunt 2. Christum dici quidem *initium viarum Dei*, non tamen operum creationis, sed reparationis. *Insuper* si dicatur initium viarum Dei, in ordine creationis, non tamen ita dicitur, secundum prioritatem intentionis, quasi prius Deus intenderit Christum producere, quàm alias creaturas: sed tantum secundum prioritatem dignitatis, & excellentiæ. Sic Job 40. *Bebe-molh dicitur principium viarum Dei*.

Verùm utraque hæc expositio non solvit præfatam rationem. Non quidem prima, quæ omninò absurda est, & absque fundamento, nec non aperte contraria his sequentibus illius oraculi verbis: *Antequam terra fieret, ante omnes colles ego parturiebar*. Secunda pariter expositio non officit, quia Christus non tantum dicitur *initium viarum Dei*, quod equidem primitatem dignitatis designare possit; sed etiam dicitur *possessus*, ac *creatus* à Deo; hoc est decre-tus in initio antequam ceteræ creaturæ decernerentur.

Confirmatur secundò. Exemplar secundum quod aliquid fit, prius intenditur ab operante, quàm illud, quod ad ejus imitationem produci debet: sed Christus Dominus fuit exemplar ad cuius imitationem Deus Adam: produxit. Ergo prius intendi, ac decerni debuit Christi formatio, quàm Adami. Major constat, omnis enim causa aliqua prioritate suum præcedit effectum; exemplar autem habet rationem causæ. Minor verò probatur ex Tertulliano libro de Resurrectione carnis, ubi ponderans illa verba Genesis 1. *Faciamus hominem ad imaginem, & similitudinem nostram*, dicit: *Limus ille tunc imaginem induens Christi futuri in carne, non tantum Dei opus erat, sed & patris*. Et S. Athanasius sermone de sanctissima Deipara, ait: *Potius loquendum est, quod Deus fecerit hominem secundum imaginem Dei; secundum imaginem enim, & similitudinem istiusmodi Incarnationis, & acceptæ humanitatis hominem Deus fecit*.

Confirmatur denique, ille primò intenditur in ordine creationis, propter quem omnia creata sunt, & condita: sed omnia creata sunt, & condita propter Christum. Igitur, &c. Major patet. Finis enim prius intenditur ab operante, quàm ea, quæ sunt

ad, & propter finem: Minor verò probatur; tum ex supra laudato capite ad Colossenses, ubi dicitur, quod in ipso Christo, id est propter ipsum, *condita sunt universa*: tum ex primæ ad Cor. 3. ubi Apostolus declarat ordinem finium ad quos ordinantur creaturæ; ut scilicet creaturæ corporeæ sint propter electos, electi propter Christum, Christus autem immediatè propter Deum: ait enim *Omnia vestra sunt, vos autem Christi, Christus autem Dei*: sed hæc illatio non esset legitima, nisi Christus prius fuisset intentus, & à Deo decretus, quàm ceteræ creaturæ; sicut enim hominum creatio prius fuit intenta à Deo, quàm formatio mundi propter ipsum hominem conditi, tanquam propter finem primarium, sic etiam prius intendi debuit Christi productio, quàm decernerentur homines propter ipsum creandi: quod utique confirmat Apostolus ad Hebr. 2. ubi ait, *Decebat enim eum, propter quem omnia, & per quem omnia, qui multos Filios in gloriam adduxerat, &c.*

Præfatam rationem firmant sancti Patres; maximè S. Cyrillus lib. 5. Thesauri cap. 3. ubi disputans contra Arianos, ait: *Si, ut dicunt hæretici, ut nos produceret Deus, Filium produxit, erit ipse propter nos factus, non nos propter ipsum; cur ergo nobis non agat gratias, qui propter nos est? Erit etiam ipse sic gloria nostra, ut fœmina viri, non enim vir creatus est propter fœminam, sed fœmina propter virum*. Favet etiam Rupertus explicans mox laudata verba ad Heb. ubi sic ait: *Religiosè dicendum, reverenterque est audiendum, quia propter istum filium hominis, scilicet Christum, gloria, & honore coronandum, Deus omnia creavit*.

SECUNDA PROBATIO,

Petita ex eo, quod Christus sit Electorum, ac Prædestinatorum Primogenitus, Exemplar, & Principium morale.

Qui est omnium Prædestinatorum, & Electorum primus exemplar, & principium morale, ille prius intenditur, & decernitur à Deo futuro, quàm prævideatur, & decernatur permissio peccati: sed talis est Christus: igitur, &c. Major constat, maximè in sententia Thomistarum, affirmantium Prædestinationem fieri ante prævisa merita, vel demerita secundum intentionem, quamvis secundum executionem pen-deat

deat à meritis. Minor verò probatur: primò quidem, quòd Christus fuit primogenitus, & causa exemplaris omnium prædestinatorum: id enim apertè docet sanctus Apostolus ad Romanos 8. his verbis: *Quos præservit, & prædestinavit conformes fieri imagini filii sui, ut sit ipse primogenitus in multis fratribus.* Et primo ad Ephesios, *Benedixit nos in omni benedictione spirituali in caelestibus in Christo, sicut elegit nos in ipso ante mundi constitutionem.* Et paulò post: *Prædestinavit nos per Jesum Christum in ipsum; ubi particula per, significat etiam Christum fuisse causam meritoriam, & efficientem moralem nostræ prædestinationis: particula verò in, denotat ipsum esse ejusdem prædestinationis causam finalem.*

Confirmantur hæc autoritate sanctorum Patrum: nam Irenæus lib. 3. contra hæreses cap. 14. ita aiebat. Futuram circa Filium Dei humani generis dispositionem in semetipsum fabricator omnium Verbum præformaverat, prædestinante Deo primum animale hominem, videlicet, ut à spirituali salvaretur, cum præexistet salvans; oportebat, & quòd salvaretur, ut non vacuum sit salvans. Nota. *Legem in semetipsum præformaverat, & legem cum præxisteret salvans, & denique primum prædestinavit hominem animale, ut à spirituali salvaretur, &c.* Quæ omnia manifestè declarant in prædestinatione divina in gloriam ipsius Dei, Christum, ut caput morale, seu secundum dignitatem Salvatoris fuisse prædestinatum ante prædestinationem hominis: imò hunc propter fuisse prædestinatum, ut non fuisset vacua salus, & officium Salvatoris Christi jam antecessenter præstitum. Idem docet sanctus Cyrillus lib. 5. Thesauri cap. 8. ubi ait: *Præfundatur ante omnes Christum, & in ipso nos omnes superædificamur, idque ante initium mundi in præsentia Dei; ut cum ordine divino benedictio maledictionem antecesserit, & damnationem in mortem vite pollutio, servitutem diaboli adoptionis libertas, & postea natura humana, superatis malis, quæ interim acciderunt, in primum per gratiam Christi (qui fundavit eam in bonis) dignitatem recurrere solem, quam fieri, qualem Deus ex charitate per Filium suum futuram constituit.* Ergo si benedictio maledictionem antecessit, & gratia Christi fundavit naturam humanam in bonis, sequitur, quòd natura humana, quæ in primo Patente fuit fun-

data in bonis, & habuit benedictionem, & vitam per justitiam originalem, ante maledictionem, & mortem per carentiam illius, seu per peccatum originale, fuerit prædestinata per Christum, seu (ut Cyrillus loquitur) superædificata in Christo, in præsentia Dei, seu intentione Dei, & consequenter, quòd Christus fuerit ante peccatum originale prædestinatus, ut moralis causa. Unde concludit Cyrillus: *Quantum igitur ad præscientiam, & consilium, & propositum Patris, & omnino deitatis, Christus ante sæcula fundatus est, & tempore congruo natus ex Virgine; in quo reparati sumus, qui ante initium mundi salutis nostræ fundamentum ipsum habebamus.*

Reponunt Adversarii ex his dumtaxat colligi Christum fuisse primò prædestinatum, non verò, quòd fuerit prædestinatus ante peccatum originale: nam, inquiunt, prædestinatio spectat ad ordinem gratiæ, peccati verò permissio ad ordinem naturæ, cum autem ordo naturæ præcedat ordinem gratiæ, consequens est, quòd decretum permissionis peccati præcedat prædestinationem Christi.

Verum contra. Christus absolute dicitur prædestinatorum primus, & caput, ac hominum prædestinationis causa exemplaris, & efficiens moralis: igitur prædestinatus fuit ante prædestinationem Adami: sed Adamus, ex mente Thomistarum, prædestinatus est independenter à prævisione meritorum, & consequenter ante primum peccatum: igitur etiam Christus prædestinatus fuit ante prævisionem peccati. Ad rationem autem dico, quòd quamquam natura præcedat gratiam ordine executionis, tamen ab illa præceditur ordine intentionis: quod enim perfectius est, prius intenditur, quam imperfectius, quia ordinatur ad id, quod præstantius est: s. d. natura minus est perfecta, quam gratia, ad quam ordinatur: ergo licet ordine executionis natura præcedat gratiam, tamen ordine intentionis gratia prius intenditur à Deo, quam natura; non enim repugnat subjectum esse propter formam, & tamen in intentione agentis formam esse priorem subjecto; sic enim videmus formam substantialem esse priorem materiæ in intentione agentis materialis; & tamen in executione materia præsupponitur ad formam. Licet ergo permissio peccati spectet ad ordinem naturæ, inde non est con-

sc-

sequens, quòd prius fuerit intenta, quàm destinatio ad gratiam, & gloriam.

Adde, quòd mors prædestinatio pertinet ad naturam, est enim naturæ defectus: & tamen præscientia mortis illius non antecedit electionem ejusdem ad gratiam, & gloriam, maxime in sententia Thomistarum, qui volunt prædestinationem fieri ante prævisa merita. Similiter peccatum crucisgentium Christum fuit reverà, grande peccatum, ac proinde secundum adversarios spectare debuit ad ordinem naturæ: ergo si prius fuerit intentus ordo naturæ, quàm ordo gratiæ, & gloriæ, sequitur, quòd Deus prius vidit peccatum crucisgentium Christum, quàm ipsummet Christum, quod est absurdum: quia cum Christus sit subiectum, circa quod versari debebat illa actio peccaminosa, non potuit hæc præcognosci antequam præcognosceretur ejusmodi subiectum.

TERTIA PROBATIO,

Petita ex ratione.

Ordinatè volens ea, quæ ex natura sua se habent tanquam finis, & media, prius debet velle finem, & ex mediis illa, quæ sunt fini propinquiora, & tandem illa media, quæ remotiora sunt: sed ad manifestationem bonitatis divinæ, quæ est finis intentus à Deo in productionem rerum, propinquius spectat incarnatio Verbi, & Christi glorificatio, ac prædestinatio, quàm prædestinatio omnium hominum, eorumque beatificatio, ac justificatio; quippe incarnatio Verbi, & Christus ipse Deo propinquior est, quàm omnes creaturæ: ergo cum Deus semper ordinatissimè velit, prius intendit manifestationem bonitatis suæ, & immediate post vult incarnationem Verbi, demum ordinem gratiæ, ac tandem naturæ, ad quem spectat permissio peccati; ac proinde decretum incarnationis prius fuit decreto productionis rerum, & decreto permissionis peccati. Minor constat: cum enim Christus sit homo-Deus, intimius, ac propinquius ad Deum spectat, quàm quælibet creatura, magisque ad illius gloriam confert.

Reponunt autem Adversarii, majorem esse veram in his mediis, quæ sunt fini propinquiora ordine causalitatis; falsam verò de his mediis, quæ sunt propinquiora tantum ordine perfectionis. Dupliciter enim,

inquiunt, potest intelligi, quòd unum medium sit altero proximus fini. *Primo* quidem ratione causalitatis, quia scilicet immediate confert ad consecutionem, alia verò media, non immediate, sed mediante ipso. Sic v.g. in glorificatione hominis, quæ est finis intentus à Deo prædestinante, quamvis ordine executionis, vocatio prius ad illam conferat, quàm justificatio; tamen ordine intentionis, justificatio prius intenditur à Deo, quàm vocatio, quia justificatio immediatius confert ad glorificationem, quàm vocatio. *Secundo*, Unum medium dicitur proximus fini, quàm aliud, ratione majoris perfectionis, & affinitatis cum fine: quia ratione, id quod magis participat de esse divino, & de bonitate Dei, dicitur ipsi propinquius, quàm illud, quod minus participat. Licet autem Christus sit perfectior universo ordine gratiæ, & hac ratione Deo propinquior, tamen non est propinquior fini à Deo intento ordine causalitatis, quia Deus potuit decernere simul omnia, quæ conducunt ad ipsius gloriam, sive illa sint ordinis naturæ, sive gratiæ, sive unionis hypostaticæ, potuit etiam minus perfectum medium ad perfectius ordinare, vel perfectius ordinare ad minus perfectum, cum hoc à sola Dei voluntate pendeat: potuit igitur primo decernere permissionem peccati, & hominum redemptionem, deinde verò Incarnationem Verbi, tanquam medium posterius conferens ad hominum glorificationem.

Contra primo. Quamquam reverà Deus forte absque aliqua inordinatione eligere possit, & ordinare medium minus perfectum ad consequendum finem; & postmodum, id quod magis perfectum est; tamen decentius, & congruentius apparet, ut medium illud immediate ordinet, & intendat, quod ratione suæ perfectionis majorem habet affinitatem cum ipso fine consequendo, id enim magis decet summam illius sapientiam, & suavem rerum administrationem.

Secundo concedunt adversarii, quòd ordinatè volens prius vult finem, quàm ea, quæ sunt ad finem: sed Christus finis est immediatus omnium creaturarum, tam ordinis naturæ, quàm ordinis gratiæ: igitur prius intenditur à Deo, quam ceteræ creaturæ, cujuscunque sint ordinis. Minor constat ex dictis, ubi probatum est ex Apostolo 1. ad Cor. 3. quod quemadmodum omnia pro-

propter prædestinatos creata sunt, ita omnia creata, & etiam ipsi prædestinati sunt propter Christum, ut est homo tanquam propter finem, sicut & illa omnia, & ipsemet Christus sunt propter Deum, tanquam propter ultimum finem: igitur cum Deus ordinatè volens, prius velit finem, quàm media, necesse est, quòd sicut prius intendit suæ gloriæ manifestationem, quàm incarnationem Verbi, quia sua gloria est finis ultimus omnium suorum operum, ita prius intendat Christum, quàm ea omnia, quæ ad ipsum ordinantur.

Tertiò velle ordinatè, nil aliud sonat, quàm velle objecta amabilia, prout inter se amabilia sunt: sed objectum, quod ex se perfectius, & nobilius est, etiam est amabilius: ergo ordinatè volens finem, prout vult media perfectiora, quàm minus perfecta; sed incarnationem Verbi præstantiori modo confert ad manifestationem gloriæ Dei, quæ ut finis intenditur in omnibus ejus operibus, quàm conferat hominum redemptio, & peccati permissio: igitur prius debet Deus decernere incarnationem, quàm peccati permissio.

Denique, peccati Adami permissio ex natura sua debet esse carentia gratiæ actualis in Adamo, sed carentia gratiæ præsupponit illius concessionem: ergo prius Adamus prævisus fuit habens gratiam, quàm carens gratia: sed omnis gratia Adamo collata, sive in statu innocentie, sive in statu reparationis, fuit dumtaxat ei concessa intuitu meritorum Christi venturi, nullus enim effectus prædestinationis Adami fuit independens à meritis Christi. Cum enim Christus sit caput omnium hominum prædestinatorum, idque mediantibus actionibus, quibus nobis promeruit beatitudinem, consequens est, quòd prædestinatio Adami, & subinde omnis illius effectus sit dependens à meritis Christi: sed gratia, quam habuit Adamus, etiam in statu innocentie, & fuit effectus prædestinationis ipsius; quia cum omnis gradus gloriæ hominis prædestinati sit effectus prædestinationis ipsius, illa gratia pertinet ad effectus prædestinationis Adami, cui correspondet aliquis gradus gloriæ, in qua modò ipse Adamus existit: sed gratia, quam habuit in statu innocentie, correspondet aliquis gradus gloriæ, qua nunc fruitur Adamus; quamvis enim gratia illa per peccatum subsequens fuerit deperdita, & meritum ejus mortifi-

catum, tamen per poenitentiam fuit ei restituta, & meritum vivificatum ad eum gradum gloriæ recipiendum, ad quem habuerat jus in statu innocentie.

Reponunt adversarii, falsum esse, quòd gratiæ illi, quam habuit Adamus in statu innocentie, formaliter, ut tali, correspondeat aliquis gradus gloriæ, quem obineat Adamus; siquidem, ajunt, illa gratia per peccatum totaliter fuit extincta; nec opera meritoria per ipsam facta retinuerunt aliquod jus ad gloriam tanquam ad primum, sed remanserunt omninò mortua, & incapacia reviviscen- tiae per poenitentiam: in quo differunt à nostris meritis, quæ cum per peccatum lethale solum mortificentur, reviviscunt per poenitentiam ad eisdem gradus gloriæ, ad quos speciale jus habebant. Cujus distinctio ratio est, quòd destructa in nobis gratia sanctificante per peccatum mortale, remanet nihilominus adhuc unum ex principis moralibus, & vitalibus actionum illarum, quibus antequam laboreretur in peccatum, aliquid apud Deum meruimus; nempe ipse Christus, qui est causa moralis omnis nostri meriti: at vetò respectu Adami adhuc innocentis, Christus nondum influxerat in ejus meritum, sed ad id dumtaxat conferebat gratia ipsi collata, quæ erat principium radicale, & vitale talis meriti: igitur destructo tali principio, omne meritum, quod ab eo processerat, totaliter vitam amisit; atque adeò non fuit dumtaxat mortificatum, sed etiam omninò mortuum.

Contra primò. Absque fundamento, & non sine erroris periculo asserunt gratiam Adamo non fuisse collatam ex meritis Christi. Siquidem Apostolus ad Eph. 1. discretè pronunciat, *Benedixit nos omni benedictione spiritali in cælestibus in Christo*: sed gratia Adamo innocenti collata, fuit summa benedictio: non solum pro ipso, sed etiam pro nobis posteris, ad quos debebat illam transfundere: igitur ea fuit collata intuitu meritorum Christi.

Deinde, reponunt pro solutione id, quod venit in controversiam: discipamus enim, an Christus prius decretus fuerit, quàm Adamus, aut quælibet alia creatura: igitur illa responsio non videtur idonea.

Insuper: Mystetium Incarnationis fuit Adamo revelatum in statu innocentie, ut docet S. Thomas 2. 2. qu. 2. art. 7. & S. Augustinus lib. 1. de Nuptiis, & concupiscen-

tia cap. 2. ubi affirmat matrimonium in statu innocentie fuisse signum, atque Sacramentum conjunctionis, ac unionis spiritualis Christi cum Ecclesia; quod utique probat ex illo Apostoli ad Ephes. 5. ubi cum retulisset illa verba, quæ Adamus dixerat post formatam suam uxorem, *Propter hoc relinquet homo patrem, & matrem suam, & adherabit uxori suæ, & erunt duo in carne una*, statim subdit, *Sacramentum hoc magnum est: ego autem dico in Christo, & in Ecclesia*. Quibus Apostolus significat Adamum illa verba protulisse, non solum ut denotaret intimam unionem conjugum, sed etiam unionem Christi cum Ecclesia: igitur Adamus innocens prævidit Christum venturum.

Denique, falso proferunt Adversarii merita Adami per peccatum subsequens omnino fuisse mortua, siquidem idcirco nostra merita omnino non moriuntur quamdiu fideles sumus, quia per fidem semper unimur Christo capiti, & mediatori nostræ salutis: at Adamus non amisit fidem, alioquin extincta omnino tunc temporis fuisset Ecclesia; ergo eandem cum Christo capite habere potuit unionem, etiam dum peccavit, quam modò habent peccatores, qui fidem non perdidērunt.

QUARTA PROBATIO,

Petita ex absurdis, quæ ex adversa sententia oriuntur.

SI Christus ob peccatum dumtaxat venisset, sequeretur ipsum esse bonum occasionatum, quod scilicet non habuisset existentiam, nisi commissum esset peccatum: at absurdum est tantum bonum, qualis est Christus, esse dumtaxat occasionatè intentum à Deo, cum sit per sese summe volubile, & amabile, non minus, ac ipsa redemptio à peccato, imò multo magis, quandoquidem secundum se sit bonum præstantius: ergo, &c.

Reponunt Adversarii 1. non esse inconveniens, quòd Christus solum decretus fuerit ex occasione peccati; quia, inquiunt, longè majus beneficium collatum est hominibus, ex eo quòd incarnaretur Deus ob remedium solius peccati, quàm si incarnaretur propter alia motiva in ordine ad justificationem, & glorificationem, quam habuissent homines si in statu innocentie per-

severassent, quia èd majus est beneficium aliquod, cæteris paribus, quò minus digniori confertur; at incarnatio facta ob solum remedium peccati, esset beneficium factum peccatori, & indigno: si autem fieret propter ea motiva, beneficium istud non conferretur indigno: ergo nihil officit quominus Incarnatio Verbi sit bonum occasionatum.

Verùm, dico, hanc responsum necesse ad intentum difficultatis, nec veram doctrinam continere. Non quidem est ad intentum præsentis difficultatis, quia non queritur utrùm Verbi incarnatio esset majus beneficium, vel minus, si fieret ob solam redemptionem à peccato: sed utrùm ex se sit majus bonum, quàm redemptio, itaut bonum istud non existeret nisi redemptio esset faciendæ. Non continet etiam veram doctrinam, quia sine dubio majus beneficium esset, quòd fieret incarnatio propter justificationem, & glorificationem hominum, ac etiam propter naturæ humanæ dignitatem, quàm si fieret ob solam redemptionem: præstantius enim est manus dare homini ne in captivitatem veniat, & suam libertatem tueatur, ac servet, quàm si è vinculis eruat.

Reponunt 2. occasionatum sumi dupliciter: *Primo*, prout idem est, ac præter intentionem agentis, & à casu, in quo sensu fatentur incarnationem non esse bonum occasionatum, maxime respectu Dei, cum omnia divinæ ejus gubernationi subdantur: *Secundò*, dicitur bonum occasionatum, quia pendet ex aliqua occasione, licet aliunde sit intentum à Deo, & in hoc sensu concedunt incarnationem esse bonum occasionatum.

Verùm, ex hac responsione sequitur, quòd vel incarnatio secundum se esset minus bonum, quàm remissio peccati, vel quòd Deus ordinaret majus bonum, scilicet Christum ad minus bonum, scilicet ad remedium peccati: sed utrumque est absurdum. Christus enim utpote Deus-homo, longè præstantius est bonum, quàm omnium hominum salus: siquidem majorem Deus gloriam recipit per solum Christum, quàm recipere per omnium hominum salutem. Similiter inordinatè Deus procederet si majus bonum ordinaret ad minus; quippe entia minus perfecta, secundum justam ordinationem divinæ Providentiæ, ordinantur ad præstantiora: sic elementa inserviunt viven-

viventibus, vegetantia brutis, bruta verò hominibus.

Reponitur iterum, quòd inordinatè quidem procederetur si majus bonum ordinaretur ad minus tanquam ad finem *qui*, vel cuius gratia aliquid sit: non verò si ordinaretur tanquam ad finem *cui*: nam Angeli in Scriptura dicuntur producti, & missi in ministerium hominum; & salus rustici dicitur finis *cui* providentiæ regiæ; quia bonum rustici resultat ex optima regis administratione.

Contra. Si incarnatio dumtaxat decerneretur ob solam remissionem peccati, consequens esset, quòd illa non foret, nisi existeret peccatum, & consequenter, quòd haberet dumtaxat existentiam occasione remittendi peccati, & sic secundum se, & absolute ordinaretur ad peccatum: sed quòd secundum se, & absolute ordinatur ad aliud, ita quòd habeat dumtaxat existentiam propter illam ordinationem, non ordinatur solum ad finem *cui*, sed etiam ad finem *cujus gratia*. Ergo si esset inordinata dispositio, quòd majus bonum referatur ad minus, tanquam ad finem *qui*, consequens esset, quòd minis rectè ordinaretur incarnatio ad solam remissionem peccati. Minor constat; id enim dicitur ordinari ad aliud tanquam ad finem *qui*, saltem immediatum, quando dumtaxat producit ob aliud, nec ullam haberet existentiam, si ita ad aliud non ordinaretur: sic enim creaturæ dicuntur ordinari ad gloriam Dei, tanquam ad finem *qui*, quia dumtaxat propter Dei gloriam creatæ sunt. Confirmabuntur hæc responsiones, ex sequentibus absurdis.

Secundum absurdum, quod ex adversa sententia oritur, est quòd si Christus tantum decretus esset propter nostram redemptionem, sequeretur, quòd Adami peccatum ei fuisset utile, quia non haberet suam existentiam, nec gratiam, & gloriam nisi Adamus peccasset: imò gaudere posset de peccato Adami; aliquis enim merito gaudere potest de eo, sine quo non reciperet suum esse, nec suas perfectiones haberet: sed hæc consequentia omnino absurda est. Probatur maior à simili autoritate S. Anselmi lib. 1. *Cur Deus homo*, c. 18. ubi improbat opinionem asserentium, homines, idcirco dumtaxat esse factos, & prædestinatos, ut vacuas Angelorum sedes replerent; si enim ita esset, sequeretur, quòd deberent sibi

gratulari homines de Angelorum perditione, & ruina. Ait autem: *Si nullatenus facti sunt homines, nisi pro restitutione perditorum Angelorum, palam est, quia nisi illi Angeli ab illa beatitudine cecidissent, homines ad illam non ascenderent; si quis ergo dixerit, quia tantum letabuntur cæli homines de Angelorum perditione, quantum gaudebunt de sua assumptione, quoriam absque dubio hæc non esset nisi illa fuisset, quomodo poterunt ab hac perversa gratulatione defendi?* At idem dicendum esset de Christo, si dumtaxat decretus esset venturus pro reparandis hominibus perditis.

Reponitur Adversarii, falsum esse, quòd Christus gauderet de hominum ruina, sed dumtaxat gauderet de bonitate, & misericordia Dei, quæ tantum bonum ex tanto malo tanquam ex occasione produxit: Neque enim, inquit, nos dedimus occasionem essendi Christo per se, & ex intentione nostra, sed solum per accidens, & ex intentione Dei, qui ex peccato Adami tanquam ex occasione incarnationem Verbi divini decernere voluit. Ad autoritatem S. Anselmi negant esse paritatem: quia, inquit, propterea homines debent gaudere de ruina Angelorum, si ad eorum sedes implendas ordinarentur, quia, supposito lapsu Angelico, prædestinarentur homines absque novo beneficio, ut supponit Anselmus in eorum sententia, quos impugnat: illi enim dicebant Deum elegisse ad gloriam certum numerum Angelorum ea conditione, ut si deficerent aliqui, tot assumerentur ex hominibus, & ideo vi illius pacti, sine novo beneficio prædestinarentur; & propterea deberent gaudere de lapsu, ex quo, sine novo beneficio sequeretur eorum prædestinatio: at incarnatio Christi non procedebat ex lapsu hominum, absque particulari beneficio, unde non deberet Christus gaudere de peccato Adæ.

Verum hæc responsiones non satisfaciunt. Non quidem *prima*, quamvis enim Christus gaudere deberet de misericordia Dei, ex qua principaliter, & propter se procederet ejus productio, tamen videbatur omnino sequi, quòd deberet etiam gaudere de eo, sine quo Deus misericordia non esset motus ad decernendum ipsius Christi adventum, quemadmodum non esset motus ad prædestinandos tot homines, nisi ut volebant illi, quos impugnat Anselmus, tot Angeli essent lapsi. *Nec etiam* satisficit di-

sparitas, quam profertunt, inter casum propositum ab Anselmo, & nostrum, quia perinde prorsus est, quod prædestinatio hominum fiat ex lapsu sine novo beneficio, vel quod ita non fiat, ad hoc ut homines haberent ansam gaudii de Angelorum lapsu: nec enim motivum gaudii esset defectus novi decreti, seu, quod non destinarentur novo decreto ad gloriam: sed motivum illius gaudii esset consecutio suæ prædestinationis, quæ fieret ex supposito Angelorum lapsu: non autem fieret, si Angeli non fuissent lapsi. Unde eorum gaudium tantum oriretur ex sua prædestinatione, quæ infallibiliter sequeretur ex Angelorum ruina. Idem autem dicendum esset de Christo D. si dumtaxat ob libetandos homines à peccato decretus ejus esset adventus.

Tertium absurdum, quod ex opposita sententia oritur, est quod si Christus dumtaxat esset decretus, propter homines redimendos, sequeretur primò, quod ille nobis gratias deberet rependere, non nos illi. *Secundò*, quod essemus multò præstantiores, quàm Christus. *Tertiò*, quod necessarium fuisset peccatum, ut Christus existeret: sed hæ tres consequentiæ absurdæ sunt, & sanctorum Patrum doctrinæ repugnantes. Prima quidem, quia illam S. Athanasius lib. 3. contra Arianos infert, & impugnat his verbis. *Si Deus, inquit, volens creaturam naturam producere, Filium in eos usus procreavit pro vestra opinione, ut per eum vos edificaret; animadvertite, quam audax sit impietas in vestris verbis. Primum, quia apparebit Filium propter nos, & non nos propter Filium conditos esse: non enim nos ejus causa creati fuissimus, sed ille nostri, adeo ut ipse nobis, non nos illi gratiam debeamus.* Et statim infert: *Si illud conceditur, plane sequitur, ut Pater Filium sibi noluisset, non enim volens eum creare creavit, sed, cum nos vellet salvare, nostri gratia eum insinavit.*

Secundam consequentiam impugnat S. Cyrillus lib. 5. Theauri cap. 3. ubi ait: *Si propter nos factus est Filius, & non propter Filium nos; erimus nos multò ipso præstantiores.* Quod & confirmatur ex S. Basilio lib. 4. contra Eunomium ubi ait: *Quod propter aliud, & non propter se factum est, vel est pars illius, propter quod factum est, vel eo minus est.*

Tertiam tandem consequentiam impugnatur auctoritate S. Aug. qui lib. 14. de Civitate Dei cap. 23. negat necessarium fuisse peccatum, ut Sancti nascerentur, & fieret ho-

minum generatio. Ait autem, *Qui quis dixit non fuisse Adam, & Evam generaturos, nisi peccassent, quid dixit, nisi propter Sanctorum numerositatem necessarium hominibus fuisse peccatum? si enim non peccando soli remanerent, quia sicut putant, nisi peccassent, generare non possent: profecto ut non solum duo homines iusti possent esse, sed multi, necessarium peccatum fuit, quod credere absurdum est. Igitur multò magis absurdum, quod peccatum fuerit necessarium, ut Christus hominum caput, & Sanctorum Sanctorum in hunc mundum veniret. Quam utique illationem infert Rupertus his verbis, *Siste Augusino, inquit, absurdum esset dicere, Adam non peccante generationes hominum non fuisse futuras, ac si propter homines, ut nascerentur peccatum fuisset necessarium, quid de isto Capite, & Rege omnium Electorum Angelorum, & bonorum sentiendum, nisi quod, & ipso maxime omnium necessarium non habuerit peccatum, ut homo fieret ex omnibus, delicias suæ caritatis cum illis habiturus?**

SOLVUNTUR OBJECTIONES.

Objiciunt primò Adversarii. Decretum Incarnationis, cum sit supra naturæ debitum, non nisi per revelationem innotescere potest: sed quotiescumque Scriptura sacra, Concilia, vel SS. Patres, ex quibus colligenda est divina voluntas, de hujusmodi decreto loquuntur, non aliam ejus causam, vel motivum assignant, quàm liberationem à peccato, seu redemptionem hominis à servitute peccati: ergo ex vi decreti, quod Deus habuit de sacro, Verbum carnem non assumpsisset, Adam non peccante. Majorem ut veram supponunt: Minorem vero probant: *Primò*, illis omnibus sacra Scripturæ locis, quibus præcedenti conclusione probavimus Christum reverè maxime venisse, propter homines redimendos à peccato. *Secundò*, ex Conciliis, præcipuè Nicæno, & ex ejus Symbolo fidei, ubi dicitur: *Quod propter nos homines, & propter nostram salutem descendit de calis.* *Tertiò*, denique id confirmant plurimè SS. Patrum auctoritatibus, quarum precipuè sunt sancti Irenæi lib. 3. cap. 14. dicentis, *Si non haberet caro salvari; nequaquam Verbum Dei caro factum esset, & si non haberes sanguis iustorum inquiri, nequaquam sanguinem habuisset Dominus.* S. Cyrilli Alexandrini dialogo 4. de Trinitate, ubi ait: *Si non peccassent,*

mus, neque factus esset nobis similis, (Filius Dei) neque sustinisset; & si non mortuus esset, non esset affectus, ut adoraretur a nobis, & a Sanctis, id est Angelis. S. Ambrosii lib. de Incarnationis Dominicæ sacramento, cap. 6. *Quæ erat causa Incarnationis, nisi ut caro, quæ peccaverat, redimeretur?* Augustini ser. 8. de Verbis Domini. *Si homo non perisset, Filius hominis non venisset.* Sancti Leonis serm. 3. in Pentecosten: *Si homo, inquit, ad imaginem, & similitudinem Dei factus in suæ bonore naturæ mansisset, nec diabolica fraude deceptus à lege sibi posita per concupiscentiam deviusset, Creator mundi creatura non ferret; neque aut sempiternus temporalitatem subiret; aut æqualis Deo Patri, & Filius Dei similitudinem carnis peccati assumeret.* Gregorii Magni in 4. Reg. cap. 1. *Si Adam non peccaret, Redemptorem nostrum carnem suscipere nostram non oporteret: non enim venit vocare iustos, sed peccatores ad Penitentiam:* Si ergo pro peccatoribus venit, si peccata decissent, cum venire non oporteret.

Respondeo cum Doctore concessa majore, distinguendo minorem: Non aliud assignatur motivum Incarnationis, ut de facto contigit, & reverà peracta est, concedo: Ut esset petitienda ex hypothesi, quod nullum esset peccatum: nego. Nam constat cum ex Scriptura sacra, cum ex SS. Patribus pro nostra sententia laudatis, quod et si non peccasset Adamus, nihilominus Christus esset venturus. Unde, si illa Scripturæ, & SS. Patrum oracula pro nostra sententia laudata, liceat adversariis interpretari, quidni etiam ab eis objectas sententias simili modo benigna interpretatione liceat explicare, ne SS. Patres, & Scripturæ oracula invicem pugnantia appareant? Adde quod ipsi SS. Patres nostræ explicationis fundamentum subjungant: quippe dum negant Christum venturum si peccatum non esset, vel significant, quod non esset venturus in similitudinem carnis peccati, ut constet ex S. Leone; vel quod non foret morti obnoxius, & aliis miseris, quibus subjacuit, ut pro peccatoribus satisfaceret; et quod non veniret ut Redemptor, Salvator, & Medicus: quo sensu S. August. serm. 90. de verbis Apostoli, explicans hæc verba 1. ad Timoth. 1. *Christus Jesus venit in mundum peccatores salvos facere*, ait: *Nulla causa fuit veniendi Christo Domino, nisi peccatores salvos facere. Tollere morbos, tollere vul-*

nera, & nulla causa est medicina; si venit de cælo magnus medicus, magnus per totum orbem terræ jacebat ægrotus: ipse ægrotus genus humanum est.

Urgent. SS. Patres simplicitet, & absque ullo addito diserte pronuntiant quod Christus non veniret, si peccatum non adesset: sed hæc locutio esset falsa, si veniret Christus non interveniente peccato in carne impassibili: nam de eo, qui venturus est in carne impassibili, verum est dicere, quod sit venturus: igitur falsum est asserere, quod non sit venturus: igitur quando sancti Patres absolute pronuntiant Christum non esse venturum, si peccatum non adesset, consent, quod nullatenus foret incarnatio, si Adamus non peccasset.

Nego minorem, & ad ejus probationem, nego consequentiam. Nam SS. Patres non dicunt simplicitet, quod nullo modo esset venturus, sed quod non veniret, in eo statu passibili, & mortali, in quo apparuit; Unde loquuntur de Incarnatione, prout facta est, quapropter aliqui utuntur hoc modo interrogatorio, ut Nazianzenus, & Ambrosius, *Quæ causa Incarnationis, nisi peccatores salvos facere?* qua loquendi formula significant præcipuam causam Incarnationis peractæ fuisse peccatorum salutem; non tamen negant alias esse causas Incarnationis faciendæ, si nullum esset peccatum. Nec propterea eorum loquendi modus falsitatem præfert; nam aliquis dici potest non venturus, quamvis sit venturus; non quidem eo modo, quo expectabatur, sed alio; Sic enim Lucæ 7. Christus Dominus dixit cognatis suis, *Ascendite ad diem festum hunc, ego autem non ascendam ad diem festum istum:* Et tamen Evangelista subdit, *Ut autem ascenderunt fratres ejus, tunc ipse ascendit ad diem, non manifeste, sed quasi in occulto:* Unde Christus D. absolute dicens, quod non esset ascensurus, intelligendus est, non publice, sed occulte.

Instant. Christus non potuit venire vi illius decreti de facto existentis, nisi in carne passibili: ergo si Adamus non peccasset, vel nullatenus venisset, vel oportuisset ipsum venire in carne passibili. Consequentia patet, non est enim alius modus possibilis Incarnationis, nisi in carne passibili, vel impassibili. Igitur si Christus non venisset in carne impassibili, oportuisset ipsum venire in carne passibili. Probatur antecedens. Cum primò Deus decerneret Incarnationem efficaceret,

citer, vel voluit Verbum incarnari in carne impassibili, vel in carne passibili, vel solum decrevit cum venturum in communem, & quoad substantiam, nihil decernendo quoad modum de statu passibilitatis, aut impassibilitatis: sed primum dici nequit, quia si Deus primò voluisset efficaciter, quòd Verbum assumeret carnem impassibilem, de facto illam assumpsisset, dum fuit incarnatum, alioqui vel decretum illud non fuisset efficax, & sic Adamo non peccante non fuisset sortitum suum effectum, nec consequenter hac in hypothesis Verbum fuisset incarnatum: vel fuisset mutatum in subsequenti signo rationis, supposita permissione, & praevisione peccati, per aliud decretum, quo Deus incarnationem prius destinatam in carne impassibili, postea voluisset eam fieri in carne passibili, ut esset in remedium peccati: hoc autem dici nequit, quia id repugnat immutabilitati Dei, & perfectioni divinæ Providentiæ, quæ non est incerta, & volubilis, sicut nostra ob limitationem intellectus nostri, & voluntatis.

Secundum etiam dici non potest, quia duobus modis fingi potest Deum voluisse primò incarnationem, seu unionem hypostaticam in communem: abstrahendo à carne passibili, aut impassibili: *Primò*, quidem itaut solum in communem, & quasi in confuso decreverit assumere aliquod individuum naturæ humanæ, non determinando, an hoc, vel illud assumeret: *Secundò*, itaut voluerit hanc humanitatem in individuo sibi hypostaticè unire, non determinando tamen, an illam assumeret in carne passibili, aut impassibili: sed neuter dicendi modus est verus. Non quidem primus, quia actus efficax voluntatis divinæ terminatur ad rem in particulari, cum omnibus accidentibus, circumstantiis, & modis, cum quibus debet existere: alioqui actus ille divinæ voluntatis non fuisset efficax, quia non fuisset terminatus ad rem sub eo statu, sub quo non est ponibilis in actu: ergo Deus non voluit efficaciter Incarnationem Verbi solum in communem, & quoad substantiam abstrahendo à carne passibili, aut impassibili.

Adde, quòd velle aliquid in communem, & postea in particulari cum omnibus accidentibus, circumstantiis, & modis, dicit imperfectionem intellectus nostri, & voluntatis: ergo non potuit habere locum in Deo.

Respondens, Deum primò decrevisse Incarnari

nationem dumtaxat quantum ad substantiam abstrahendo à statu passibilitatis, vel impassibilitatis; quippe habuit rationes, ob quas prius determinaret substantiam Incarnationis, quam circumstantias; nimirum, ut posset Christus Angelis, & primo parenti mereri gratiam, & alia dona, quæ ipsis collata sunt independentè à peccato: neque enim merita Christi prævisa potuissent movere Deum ad conferendam illam gratiam, nisi fuisset decreta substantia Incarnationis, ante prævisum peccatum. Itaque Deus videns possibile, quòd Christus posset mereri illa dona Angelis, & hominibus, seu quòd intuitu ipsius meriti darentur illis ista beneficia, modò decerneretur ipsis adveniens ante prævisionem peccati, decrevit faciendam incarnationem absolute, nondum decernendo de modo, nec de statu impassibili, vel passibili, sumpta impassibilitate pro obnoxietate, & subjectione ad mortem, & miseria.

Duplex enim distingui potest passibilitas. Una quidem oriunda ex quatuor qualitatibus & elementis contrariis, quibus corpora consistant, & hæc est intrinseca naturæ, eamque Adamus in statu innocentie habebat, sed ligatam per justitiam originalem, & ligni vitæ fructum, quo arcebatur ab ejus corpore omnes naturales defectus. Alia verò est passibilitas inflicta propter peccatum, quæ est ipsamet actualis subjectione ad mortem, & miseria. Priorem passibilitatem habuisset Christus, etiamsi nullum fuisset peccatum, quia veniret compositus ex quatuor qualitatibus, & elementis contrariis; sicque vi primi decreti, pariter esset passibilis; ad virtute alterius decreti veniret impassibilis secundo modo, quia non erat congruum, ut deficiente causa redemptionis peccatorum, Christus de facto morti, & ærumnis subiaceret, sed præventus fuisset à Deo constituyente illius humanitatem in statu omnino glorioso, & impassibili.

Unde ad argumentum in forma, nego antecedens, & ad ejus probationem dico, Deum primo suo decreto decrevisse substantiam Incarnationis, & Christum esse venturum in carne passibili, sumpta passibilitate primo modo, quatenus est quid intrinsecum naturæ humanæ, concedo. Decrevit ut veniret passibilis, passibilitate sumpta secundo modo, nego: quia ex hypothesis, quòd nullum fuisset peccatum, Deus altero decreto statuisset, quòd ille Christi

Q • ad.

adventus fieret in carne impassibili, seu non obnoxia morti, & ærumnis: sicut de facto decrevit, ut veniret passibilis, decreto sequente illud, quo substantiam Incarnationis decreverat ante peccati prævisionem.

Instans iterum. Istius duplicis decreti nullum fundamentum potest asserri, & omnes Scripturæ, & SS. Patrum sententiæ de futuritione Incarnationis solum significant unicum esse decretum, tam quoad substantiam, quam quoad circumstantias ipsius Incarnationis: igitur præfata solutio nulla.

Nego antecedens: Ex hypothesi enim, quod Verbum sit incarnandum ante prævisionem peccati, ut probavimus, necessum est, quod aliud decretum subsequatur, quo nempe determinetur ipsum esse venturum in statu impassibili, ex hypothesi, quod non sit peccatum: quia decens erat, ut morti, & ærumnis non subjaceret, si nullum peccatum existeret. Propterea opus esset, ut decretum de facto existens de substantia incarnationis aliud sequeretur decretum de substantia, ac modo passibilitatis: quia autem illa suppositio de non committendo peccato non fuit vera, propterea ad decretum de substantia Incarnationis necessum fuit, ut sequeretur aliud, quo statueretur Christi adventus in carne passibili. Unde rectè distinguuntur in Deo duo decreta: unum de Incarnatione quoad substantiam, alterum de eadem secundum suas circumstantias: prius antecedit omnem peccati prævisionem: posterius verò illam sequitur; ita nimirum ut Deus primò voverit mittere Filium suum in terram; tanquam ducem, caput & legislatorem generis humani; secundò præviderit peccatum originale, & alia, quæ ab ipso emanarunt: tertio decreverit eum mittere in carne passibili, ut qui Dux, caput, & legislator tantum esset, si nullum peccatum extitisset: ille idem esset noster Redemptor patiendo mortem pro nocentibus.

Confirmantur hæc exemplo illius, qui efficeretur vellet finem aliquem, non determinando de mediis. V. g. si quis Marsilia vellet ire Romam, cum non posset illuc pergere, nisi per mare, vel per terram; ille, vi istius intentionis, ex hypothesi, quod esset impedimentum eundi per mare, propter pericula, deberet resolvere præfessionem per terram; non quidem vi prio-

ris decreti præcisè, sed mediante alio subsequente decreto, quo decerneret ire per terram, quia, non potest Romam proficisci per mare: ergo à simili, etiam Deus decreverit substantiam Incarnationis independentem à circumstantiis; quia, ut probatum est, incarnatus esset Dei Filius, etiam si nullum foret peccatum; ideo opus fuit novo decreto, quo ex prævisione peccati decerneretur Christi adventus in carne passibili.

Subsumunt: Si opus sit novo decreto, ut decernatur Christi adventus in carne passibili, consequens est, quod non veniret Christus ex vi præsentis decreti, quo prædestinata est ejus Incarnatio quoad substantiam: & consequenter, si Adamus non peccasset, Christus non esset venturus vi præsentis decreti, ut affirmabat conclusio.

Nego subsumptum: Quamvis enim Christus non veniret, ut passibilis ex vi præsentis decreti, quo destinata est ejus passibilitas, quia deficiente peccato, tale decretum non esset: tamen veniret ex vi præsentis decreti, quo prædestinata est ejus incarnatio quoad substantiam; non quidem præcisè, & absque alio decreto, sed mediante decreto de ejus adventu futuro in carne impassibili. Sicut enim v. g. ille, qui pergeret Romam, diceretur illuc ire per terram, vi prioris decreti, quatenus ad prius decretum necessario sequeretur aliud de eundo per terram, ex hypothesi, quod esset impedimentum eundi per mare, & vice versa: sic cum Deus de facto decreverit substantiam Incarnationis independentem à circumstantiis, & illud decretum non magis determinaverit ad statuendam Incarnationem futuram in carne passibili, ex hypothesi quod foret peccatum, quam determinaverit, ut foret in carne impassibili, si nullum foret peccatum, reverà dici potest, quod vi illius decreti de substantia Incarnationis decerneretur circumstantia impassibilitatis ex hypothesi, quod nullum foret peccatum: & sic Christus esset venturus in carne impassibili virtute illius prioris decreti, quia postremum decretum necessario subsecutum fuisset ad decretum de substantia Incarnationis.

Obijciunt secundò: Omnia merita Christi Domini sunt merita Redemptoris, & consequenter supponunt captivitatem per peccatum contractam, à qua nos redimat: sed in casu, quod primus homo non peccaret, non foret talis captivitas: siquidem

natura integra permanisset in eo statu, in quo fuerat condita: igitur in eo casu Christus non fuisset venturus.

Distinguo maiorem: Sunt merita Redemptoris, vel præservativi, vel sublevativi, concedo; sublevativi tantum, nego. Duplex est enim officium Redemptoris, aliud quo præservat ne quis captivitatem incurrat: aliud quo ab ipsa captivitate redimit, & sublevari. Primum exercuisset Christus, si venisset in carne impassibili: postremum autem exercuit, dum de facto venit in carne passibili.

Obijciunt tertio: Incarnatio est quadam personæ divinæ humiliatio, atque exinanitio, juxta illud Apostoli ad Philipp. 2. *Exinanivit semetipsum formam servi accipiens:* quæ exinanitio non tantum contingit per mortem, & passionem, sed inanimè eo ipso, quo naturam humanam Dei Filius assumpsit: nam homo ex conditione suæ naturæ servus est comparatè ad Deum, quia Deus est ejus Dominus; utpote Dominus universæ creaturæ: sed Dei Filius non habuit aliam causam se sic humiliandi, quàm quia Adamus indigne supra suam conditionem extolli voluit: ergo si Adamus taliter non peccasset, Dei Filius non habuisset ullam occasionem se sic humiliandi per Incarnationem.

Nego minorem: Nam præter expiationem peccati, aliæ plurimæ subsunt rationes Incarnationis faciendæ; nempe ut Christus esset Ecclesiæ caput, hominum Legislator, & ut divinam suam potentiam, bonitatem, ac sapientiam commendaret, nec non ut cum hominibus conversaretur; nam utilia divina sapientia ait, Proverb. 8. *Delicia mea esse cum Filiis hominum.*

QUÆSTIO SECUNDA.

Propter quod peccatum expiandum Christus principaliter venit.

Notandum 1. Quòd peccata, quantum ad præsens attinet, spectari possunt in quadruplici differentia. *Primum* est peccatum originale, prout in primo parente Adamo consideratur, quatenus nempe ipso peccante omnes peccavimus tanquam in capite totius humanitatis. *Secundo* considerari potest originale peccatum, prout est in quolibet nostrum, quatenus nempe eo instanti, quo sumus homines, & Adæ

posterì, illico ipsius reatu, & peccato inficimur. *Tertium* est peccatum actuale mortale, quo quis amittit gratiam sanctificantem: quod utique peccatum potuit esse in statu innocentie: Siquidem Adamus innocens peccavit actualiter, & peccatum istud, quod respectu nostri fuit originale, respectu Adami, fuit actuale. *Quartum* denique est peccatum veniale, quo non deperditur quiddam gratiæ sanctificantis habitus, sed illius splendor minuitur, & remittitur charitatis fervor.

Notandum 2. Certum esse, quòd Christus Dominus in hunc mundum venerit ad delenda omnia peccata tam originalia, quàm actualia, seu ad exhibendum remedium sufficiens ad omnium peccatorum expiationem. Quod utique constat apertis Scripturæ textibus; nam Isaiæ 53. *Posuit in eo iniquitates omnium nostrum* 1. Joan. 1. *Sanguis Jesu Christi Filii ejus emundat nos ab omni peccato;* & cap. 2. *Ipsè est propitiatio pro peccatis nostris: non pro nostris autem tantum, sed etiam pro totius mundi.* 1. 4. *Misi Filium suum propitiationem pro peccatis nostris.* Quibus concordat S. Paulus 1. ad Timoth. 1. *Venit Jesus peccatores salvos facere.* Et ad Titum 2. *Qui dedit redemptionem semetipsum pro nobis, ut nos mundaret ab omni iniquitate.* Hinc Patres Concilii Tolentani 6. ajunt, *Solum Filium fateamur ad redemptionem humani generis propter culpam debitam, quæ per inobedientiam Adæ originaliter, & nostro libero arbitrio contraxeramus, redanda, à secreto Patris arcano produsse.* Hinc S. Ambrosius in Psalm. 35. *Bonum, inquit, aurum sanguis Christi, dives ad pretium, profluens ad lavandum omne peccatum.* Suffragatur etiam ratio. Cum enim finis Incarnationis sit perducere homines ad vitam æternam, ad quam nihil coinquinatum admittitur, consequens est, quod non solum originalia, sed etiam actualia peccata debuerint expiari per Christum. Unde solum superest solvenda difficultas, quòd nam ex his peccatis, vel originali, vel actuali, fuerit præcipuum motivum Incarnationis, itaut illius expiatio fuerit causa cur Christus venerit, quæ si defuisset, non venisset.

Notandum tertio, Omnes Doctores convenire, quòd si dumtaxat peccata venialia extitissent, non opus fuisset Christum venire, ut Redemptorem. Tum quia Christus venit, ut nos reconciliaret Deo, venia-

adventus fieret in carne impassibili, seu non obnoxia morti, & ærumnis: sicut de facto decrevit, ut veniret passibilis, decreto sequente illud, quo substantiam Incarnationis decreverat ante peccati prævisionem.

Instant iterum. Istius duplicis decreti nullum fundamentum potest afferri, & omnes Scripturæ, & SS. Patrum sententiæ de futuritione Incarnationis solum significant unicum esse decretum, tam quoad substantiam, quam quoad circumstantias ipsius Incarnationis: igitur præfata solutio nulla.

Nego antecedens: Ex hypothesi enim, quod Verbum sit incarnandum ante prævisionem peccati, ut probavimus, necessum est, quod aliud decretum subsequatur, quo nempe determinetur ipsum esse venturum in statu impassibili, ex hypothesi, quod non sit peccatum: quia decens erat, ut morti, & ærumnis non subjaceret, si nullum peccatum existeret. Propterea opus esset, ut decretum de facto existens de substantia Incarnationis aliud sequeretur decretum de substantia, ac modo passibilitatis: quia autem illa suppositio de non committendo peccato non fuit vera, propterea ad decretum de substantia Incarnationis necessum fuit, ut sequeretur aliud, quo statueretur Christi adventus in carne passibili. Unde rectè distinguuntur in Deo duo decreta: unum de Incarnatione quoad substantiam, alterum de eadem secundum suas circumstantias: prius antecedit omnem peccati prævisionem: posterius verò illam sequitur; ita nimirum ut Deus primò voverit mittere Filium suum in terram; tanquam ducem, caput & legislatorem generis humani; secundo praverit peccatum originale, & alia, quæ ab ipso emanarunt: tertio decreverit cum mittere in carne passibili, ut qui Dux, caput, & legislator tantum esset, si nullum peccatum existisset: ille idem esset noster Redemptor patienti mortem pro nocentibus.

Confirmantur hæc exemplo illius, qui efficaciter vellet finem aliquem, non determinando de mediis. V. g. si quis Marsilia vellet ire Romam, cum non posset illuc pergere, nisi per mare, vel per terram; ille, ut istius intentionis, ex hypothesi, quod esset impedimentum eundi per mare, propter periculum, deberet resolvere profectionem per terram; non quidem vi prio-

ris decreti præcisè, sed mediante alio subsequente decreto, quo decerneret ire per terram, quia non potest Romam proficisci per mare: ergo à simili, cum Deus decreverit substantiam Incarnationis independentem à circumstantiis; quia, ut probatum est, incarnatus esset Dei Filius, etiam si nullum foret peccatum; ideo opus fuit novo decreto, quo ex prævisione peccati decerneretur Christi adventus in carne passibili.

Subsumunt: Si opus sit novo decreto, ut decernatur Christi adventus in carne passibili, consequens est, quod non veniret Christus ex vi præsentis decreti, quo prædestinata est ejus Incarnatio quoad substantiam: & consequenter, si Adamus non peccasset, Christus non esset venturus vi præsentis decreti, ut affirmabat conclusio.

Nego subsumptum: Quamvis enim Christus non veniret, ut passibilis ex vi præsentis decreti, quo destinata est ejus passibilitas, quia deficiente peccato, tale decretum non esset: tamen veniret ex vi præsentis decreti, quo prædestinata est ejus incarnatio quoad substantiam; non quidem præcisè, & absque alio decreto, sed mediante decreto de ejus adventu futuro in carne impassibili. Sicut enim v. g. ille, qui pergeret Romam, diceretur illuc ire per terram, vi prioris decreti, quatenus ad prius decretum necessario sequebatur aliud de eundo per terram, ex hypothesi, quod esset impedimentum eundi per mare, & vice versa: sic cum Deus de facto decreverit substantiam Incarnationis independentem à circumstantiis, & illud decretum non magis determinaverit ad statuendam Incarnationem futuram in carne passibili, ex hypothesi quod foret peccatum, quam determinaverit, ut foret in carne impassibili, si nullum foret peccatum, reverà dici potest, quod vi illius decreti de substantia Incarnationis decerneretur circumstantia impassibilitatis ex hypothesi, quod nullum foret peccatum: & sic Christus esset venturus in carne impassibili virtute illius prioris decreti, quia postremum decretum necessario subsecutum fuisse ad decretum de substantia Incarnationis.

Obijciunt secundò: Omnia merita Christi Domini sunt merita Redemptoris, & consequenter supponunt captivitatem per peccatum contractam, à qua nos redimat: sed in casu, quod primus homo non peccaret, non foret talis captivitas: siquidem

natura integra permansisset in eo statu, in quo fuerat condita: igitur in eo casu Christus non fuisset venturus.

Distinguo maiorem: Sunt merita Redemptoris, vel præservativi, vel sublevativi, concedo; sublevativi tantum, nego. Duplex est enim officium Redemptoris, aliud quo præservat ne quis captivitatem incurrat: aliud quo ab ipsa captivitate redimit, & sublevat. Primum exercuit Christus, si venisset in carne impassibili: postremum autem exercuit, dum de facto venit in carne passibili.

Obijciunt tertio: Incarnatio est quædam personæ divinæ humiliatio, atque exinanitio, juxta illud Apostoli ad Philipp. 2. *Exinanivit semetipsum formam servi accipiens:* quæ exinanitio non tantum contingit per mortem, & passionem, sed maxime eo ipso, quo naturam humanam Dei Filius assumpsit: nam homo ex conditione suæ naturæ servus est comparatus ad Deum, quia Deus est ejus Dominus; utpote Dominus universæ creaturæ: sed Dei Filius non habuit aliam causam se sic humiliandi, quam quia Adamus indebitè supra suam conditionem extollit voluit: ergo si Adamus taliter non peccasset, Dei Filius non habuisset ullam occasionem sese sic humiliandi per Incarnationem.

Nego minorem: Nam præter expiationem peccati, aliæ plurimæ subsunt rationes Incarnationis faciendæ: nempe ut Christus esset Ecclesæ caput, hominum Legislator, & ut divinam suam potentiam, bonitatem, ac sapientiam commendaret, nec non ut cum hominibus conversaretur; nam ut illa divina sapientia ait, Proverb. 8. *Delicie meæ esse cum Filiis hominum.*

QUÆSTIO SECUNDA.

Propter quod peccatum expiandum Christus principaliter venerit.

Notandum 1. Quòd peccata, quantum ad præsens attinet, spectari possunt in quadruplici differentia. Primum est peccatum originale, prout in primo parente Adamo consideratur, quatenus nempe ipso peccante omnes peccavimus tanquam in capite totius humanitatis. Secundò considerari potest originale peccatum, prout est in quolibet nostrum, quatenus nempe eo instanti, quo sumus homines, & Adæ

posterius, illicò ipsius reatu, & peccato inficimur. Tertium est peccatum actuale mortale, quo quis amittit gratiam sanctificantem: quod unque peccatum potuit esse in statu innocentie: Siquidem Adamus innocens peccavit actualiter, & peccatum istud, quod respectu nostri fuit originale, respectu Adami, fuit actuale. Quartum denique est peccatum veniale, quod non deperditur quidem gratiæ sanctificantis habitus, sed illius splendor minuitur, & remittitur charitatis fervor.

Notandum 2. Certum esse, quòd Christus Dominus in hunc mundum venerit ad delenda omnia peccata tam originalia, quam actualia, seu ad exhibendum remedium sufficiens ad omnium peccatorum expiationem. Quod utique constat apertis Scripturæ textibus; nam Isaia 53. *Posuit in eo iniquitates omnium nostrum* 1. Joan. 1. *Sanguis Jesu Christi Filii ejus emundat nos ab omni peccato;* & cap. 2. *Ipse est propitiatio pro peccatis nostris: non pro nostris autem tantum, sed etiam pro totius mundi.* It. 4. *Misi Filium suum propitiationem pro peccatis nostris.* Quibus concordat S. Paulus 1. ad Timoth. 1. *Veni Jesus peccatores salvos facere.* Et ad Titum 2. *Qui dedit redemptionem semetipsum pro nobis, ut nos mundaret ab omni iniquitate.* Hinc Patres Concilii Toletani 6. ajunt, *Solum Filium fateamur ad redemptionem humani generis propter culpam debita, quæ per inobedientiam Adæ originaliter, & nostro libero arbitrio contraxeramus, revolvenda, à secreto Patris arcano produsse.* Hinc S. Ambrosius in Psalm. 35. *Bonum, inquit, aurum sanguis Christi, dives ad pretium, profluens ad lavandum omne peccatum.* Suffragatur etiam ratio. Cum enim finis Incarnationis sit perducere homines ad vitam æternam, ad quam nihil coinquinatum admittitur, consequens est, quòd non solum originalia, sed etiam actualia peccata debuerint expiari per Christum. Unde solum superest solvenda difficultas, quòd nam ex his peccatis, vel originali, vel actuali, fuerit præcipuum motivum Incarnationis, itaut illius expiationis fuerit causa cur Christus venerit, quæ si defuisset, non venisset.

Notandum tertio. Omnes Doctores convenire, quòd si dumtaxat peccata venialia existissent, non opus fuisset Christum venire, ut Redemptorem. Tum quia Christus venit, ut nos reconciliaret Deo, & ve-

niale autem non dirimit amicitiam, & unionem cum Deo. Tum quia purus homo illustratus gratia sanctificante potuisset Deo debitam satisfactionem impendere pro peccato veniali; hinc ad illius expiationem non fuisset necessarius Christi adventus. Quantum autem ad cætera peccata, non ita conveniunt auctores: triplex enim præcipua est circa hanc resolutionem illorum sententia. *Prima* est Valentiz *qu. 1. puncto 5.* & aliquorum recentiorum asserentium, quòd existente solo originali peccato, vel e contra solis existentibus actualibus, Christus D. venisset ex vi præsentis decreti. *Secunda* est Nazarii, aliorumque affirmantium, quòd solo originali peccato existente, vel solis actualibus existentibus, Incarnatio, vi præsentis decreti, non fuisset futura. *Tertia* verò, quæ jam communior est in utraque schola, Angelica, & subtili, docet Christum venturum ex vi præsentis decreti, solo existente originali peccato; non verò solis existentibus actualibus. Igitur duo maxime hic sunt determinanda. Primum quidem, quòd Christus venerit principalius ad delendum peccatum originale, quàm actuale. Secundum, quòd ita venerit ad delendum originale peccatum, ut si dumtaxat actualia fuissent, non venisset in carne passibili, nec ut Redemptor.

CONCLUSIO TERTIA.

Christus D. magis præcipue venit ad delendum originale, quàm actuale.

Probat. Christus principalius venit ad delendum illud peccatum, quod est origo, & radix cæterorum; quodque est aliis majus, & perniciosius: at peccatum originale est radix cæterorum, & aliis longè gravius est, ac perniciosius: ergo, &c. Major constat. Quanto enim peccatum est gravius, eò magis adversatur humanæ salutis, propter quam operandam Deus factus est homo. Minor verò probatur. Peccatum, quod ex se totam inficit naturam humanam, absolute majus est eo, quod de se solum inficit singularem personam: sed peccatum originale totam naturam humanam inficit; actuale verò dumtaxat personam, quæ illud committit: igitur istud hoc gravius est. Minor est cætera: Major verò probatur. Aliquid dici potest majus alio, vel intensivè, sic eò major est albedo, quò intensior est, & plures habet

gradus, vel extensivè, sic albedo, quæ est in majori superficie dicitur esse altera major: Peccatum autem originale licet non sit majus intensivè peccato actuali, quia minus voluntarium est; tamen extensivè majus est, quia per illud totum humanum genus inficitur. Ergo cum principaliter venerit Christus ad delendum illud peccatum, quod magis hominum salutis adversatur, consequens est, quòd principalius venerit ad delendum peccatum originale.

Dices. Peccatum actuale gravius est simpliciter peccato originali tam intensivè, quàm extensivè: ergo si Christus principalius venerit propter aliquod speciale, maxime debuit venire ad delendum peccatum actuale. Consequentia constat. Probatur antecedens; omnes enim concedunt peccatum eò esse gravius intensivè, quò magis voluntarium est; peccatum autem actuale magis voluntarium est, quàm originale, quia hoc dumtaxat est voluntarium interpretativè; illud verò est voluntarium formaliter. Extensivè etiam videtur non esse minus grave, quia ad tot extenditur, ad quot originale peccatum: ergo, &c.

Respondet. peccatum quidem originale esse minus grave intensivè, quia minus est voluntarium, quàm actuale: sed ut mox diximus, originale gravius est extensivè; tum quia peccatum actuale non inficit infantes, ante usum rationis, quos tamen inquinat originale, & reosefficit, tum quia per accidens est, quòd peccatum actuale se extendat ad omnes adultos, quia cum dependeat ex singulari cujuslibet hominis voluntate, per se non postulat inficere totam naturam: at peccatum originale per se ex natura sua est universale, totam naturam inficiens; igitur principalius Christus venit ad illud expiandum.

CONCLUSIO SECUNDA.

Venisset Christus D. vi præsentis decreti, solo existente originali peccato: secus autem si sola extitissent actualia peccata. Hæc est communior quoad utramque partem.

Probat. *prima pars.* Primo ex communidi modo loquendi SS. Patrum, qui conformiter ad mentem S. Pauli, Christum appellant secundum Adamum, qui venit restaurare ea omnia, quæ primus per suam perditionem perdidit. Unde S. Gregorius lib. 4. in Reg. cap. 1. *Si Adam*

non peccaret, Redemptorem nostrum carnem nostram suscipere non oporteret. Hinc Ecclesia in benedictione cerei Paschalis canit, (O verè necessarium Ade peccatum, quod Christi morte, deletum est! o felix culpa, quæ talem, ac tantum meruit habere Redemptorem! Quocirca Christus dicitur Joannis 1. Agnus Dei, qui tollit peccatum mundi. Quod exponens glossa ordinaria desumpta ex Bedæ, ait: Peccatum mundi, dicitur originale peccatum, quod est commune totius mundi. Nec obstat, quod Vulgata habeat peccata mundi: nam præterquam quod Græca, & Complutensis habeant peccatum in singulari, & ita legant SS. Patres Irenæus lib. 3. contra hæreses cap. 11. & August. lib. 22. contra Faustum cap. 3. peccatum originale dici potest plura peccata, quia virtualiter continet omnia peccata, cum nullum sit, quod ab ipsotantum à virulento fonte non ducat originem; quapropter David Psal. 50. vocat peccatum originale, in quo conceptus fuerat, peccata, & iniquitates, ait enim, Ecce in iniquitatibus conceptus sum, & in peccatis concepit me mater mea.

Probat etiam ratione. Christus maxime carnem humanam induit, ut totam collapsam humanam naturam repararet: at si nullum aliud fuisset peccatum præter originale, tota natura perierat, etiam si cætera peccata actualia abessent. Ergo non minus oportuisset solo existente originali peccato, cum incarnari. Deinde, Christus ideo propter nos homines, & propter nostram salutem descendit de Cœlis, ut nempe nobis clausum Cœlum aperiret, ac referaret: at per peccatum originale ita singulis hominibus clausum erat Cœlum, ut nullus, quantumvis iustus, posset in illud recipi, nisi prius Deo fuisset exhibita condigna satisfactio, dumtaxat per merita, & Passionem Christi impendenda: Ergo etsi solum fuisset originale peccatum, non minus oportuisset Christum venire, ut nobis Cœlum referaret, & Deo Patri debitam satisfactionem exolveret. Denique, Christus erat venturus, ut dissolveret opera diaboli, & homines ab ejus captivitate solveret: at per originale peccatum, maxime homines dæmonis imperio subduntur, ejusque captivi censentur. Ergo, &c.

Dices Totale motivum Incarnationis fuit, ut solveretur id, quod hominem revocabat à Deo; ideo namque Dei Filius homo

Freffen Theol. Tom VII.

factus est, ut homines fierent filii Dei, ejusque perpetui hæredes constituerentur: at non solum peccatum originale, sed omnia actualia homines revocabant à Deo: igitur, non venit primario, & principaliter propter peccatum originale.

Distingo majorem. Totale motivum Incarnationis fuit id, quod removebat homines à Deo præcipue, & principaliter, ac tanquam caput, ad quod cætera remotione reduerentur, concedo: quod removebat minus præcipue, & tantum secundario; nego: & simili modo distincta minore, nego consequentiam: Certum est autem, quod cum originale peccatum sit fons, & radix cæterorum, longe magis homines arceret à Deo, quam quodlibet actualia; unde magis præcipue Christus venit ad illud delendum, quam cætera; quamquam etiam venerit consequenter ad illa auferenda. Sicque peccatum originale fuit quidem præcipuum motivum illius Christi adventus: peccata verò actualia fuerunt tantum impulsiva. Id fiet clarum hoc exemplo. Medicus aliquis decrevit amicum inviscere, ut cum illo quædam negotia pertractet; ubi autem iter est aggressurus audit amici sui conjugem graviter ægrotare, quo auditio promptiori animo ad amicum pergit, tum ut negotia absolvat, tum ut ægram sanet: Ejus autem causa motiva, cur pergat ad amicum, & sine qua non pergeret, sunt negotia pertractanda: impulsiva autem, est curatio ægrotantis amici conjugis, sine qua amicum quidem conveniret, sed non pari animi promptitudine.

Secunda pars sequitur ex præcedenti; si enim peccatum originale sit primum motivum Incarnationis; sequitur, quod eo non existente Christus non esset venturus ex vi præsentis decreti; cessante enim fine primario, & principali alicujus operationis, necessum est, ut etiam cesset illa operatio.

Dices, Christus venisset, etiam si unus dumtaxat homo peccasset; Ergo multo magis venisset ob delenda plurium hominum peccata, etiam si nullum originale peccatum extitisset. Consequentia patet. Antecedens verò probatur, Tum ex illo S. Pauli ad Galatas 2. ubi ait de Christo, Dilexit me, & tradidit semetipsum pro me, quibus significat Christum pro singulis peccatoribus mortuum; ac proinde veniret pro quolibet peccatore mortuorum quamvis alii non

O 3 pec-

peccarent: Tum ex 2. cap. ad Hebræos 1 ubi quilibet peccator dicitur crucifigere Christum in semetipso: id est quisque peccator præbet sufficientem occasionem, ut Christus iterum crucifigatur: Tum denique ex 5. Chrysoft. hom. 3. in Act. Apost. ubi explicans illa verba, *dederunt sortis*, ait: *Unius anima perditio tantam habet injuriam, ut nulla ratio possit æstimare; etenim si unius animæ salus tanti est, ut ob hanc Filius Dei fieret homo, tantaque pateretur, &c.*

Respondeo negando antecedens, & ad omnes illius probationes, dico his solum manifestari summum Christi D. erga homines salvandos amorem, ratione cujus ita erat affectus, ut quamquam unicus esset homo peccator, tamen si Deus ita decrevisset, libentissimè pro eo salvando humanam carnem indueret, & mortem pateretur. Sed inde non sequitur, quòd vi præsentis decreti, esset venturus in mundum, si unicus dumtaxat homo ex Adæ posteris peccasset.

DISPUTATIO SECUNDA.

De Christi Domini Entitate, Præcellentiis, & Operationibus.

Ingentem fateor difficultatum sylvam ingredimur, auspicando delineationem, & explicationem majestatis, ac dignitatis illius adorandæ personæ in nostra humanitate subsistentis, & operantis. Cum enim Christus Dominus sit Deus-homo, & æterno Patri, sicut & temporali Matri, ratione utriusque naturæ, divinz, & humanæ, perfectè consubstantialis, subindeque in se felici vimine societ imasummis, divina humanis, & æterna temporaneis: inde non mirum, si quot in Christo adorandæ, ac spectandæ sunt præcellentiæ, tot infestis, & impugnantes hæreticos habuerint. Alii namque illius divinitatem, nonnulli divinam operationem, aliqui verum illius corpus, plurimi humanam ab ipso assumptam animam, & genuinas humanitatis operationes negaverunt, ut videre est in appendice omnium hæreticorum, quam in hujus Tractatus præludio delineavimus. Ut autem omnia ista hæreticæ hydræ capita catholicæ veritatis, ac doctrinæ clavo, & gladio conteramus,

ac rescindamus, operæ pretium est, ut hæc in Disputatione explicemus ea omnia, quæ utramque Christi naturam, divinam scilicet, & humanam, ac genuinas utriusque præcellentiæ, & operationes aperiāmus, & probemus: quod utique præstābimus tribus in sequentibus Articulis. Quorum *Primus* Christi Domini entitatem, seu duplicem naturam divinam, & humanam, explicabit. *Secundus* ipsius adorandi Salvatoris eximias dotes, & præcellentiæ, nempe gratiam, & virtutes, potentiam, & miraculosam operationem, scientiam tandem, ac noticiam aperiet. *Tertius* denique assumptos ab eo naturæ humanæ defectus, meritum, & passiones referabit.

ARTICULUS PRIMUS.

De Christi Domini Divinitate, & Humanitate.

DE duabus naturis, ex quibus unus constat adorandus Christus Salvator, dicere instituenti, mihi non multa suppetunt hoc loco, quæ de Divinitate propriè disputentur: quæ enim ad illam pertinent, ea ferè omnia sunt exhausta, & explicata prioribus tomis in quo tum de Dei natura, Deique proprietatibus, sive attributis, tum de Trinitate, ac de consubstantialitate Filii cum adorando Patre latè differimus: unde reliqua sunt perpauca, quæ ad naturam eandem, personamque Filii spectant quatenus ad assumptum hominem refertur. At longè amplior est dicendi locus de ipsius humanitate, propriisque illius affectionibus, facultatibus, & operationibus, necnon & de loquendi formula, qua utriusque naturæ divinz, & humanæ confederatio explicetur: Quapropter præsentem Articulum tres in Sectiones distinguemus; quarum *Prima* demonstrabit Christum, reverè, esse Deum, Deique Filium naturalem non autem adoptivum, æqualem Patri, ac ipso inferiorem, ratione videlicet diversæ naturæ, quas complectitur. *Secunda* demonstrabit veram esse humanitatem à Christo Domino sumptam unà cum suis facultatibus, & operationibus. *Tertia* tandem certas quasdam tradet regulas, quibus constabit qualiter, absque ullo erroris periculo, de hoc mysticio sit loquendum.

SECTIO PRIMA.

De Christi Domini Divinitate.

Christum Messiam tot vaticinatum oraculis, tot vocis expetitum, verum esse Deum, non solum negarunt Judæi contendentes potius illum debere esse purum hominem, scilicet insignem Patriarcham, & Regem potentissimum, à quo instauraretur sancta civitas, ipsique Judæi pristinam in libertatem assererentur: verum etiam id aperte in dubium revocaverunt plurimi hæretici; quorum sicut & aliorum Eronum impia dogmata hæc postremis temporibus ab infectis suscitaverunt novi *Paulianæ*, & *Ariani*. Dum enim à multis hæreticis acutè, & obscurè disceptantur Valentini Gentilis dogmata, qui oppugnandam suscipiens avitam doctrinam, & convellendam fidem de divina Trinitate, qua credimus unitatem essentiae in Trinitate personarum, Patrem, Filium, & Spiritum sanctum, ita distinguit, ut etiam separet, dicens hos esse tres æternos Spiritus, ejusdem quidem naturæ, ordine tamen, gradu, & proprietate distinctos. Nonnulli hæretici harum disputationum percelli, opinionem à *Gentili* diversam ex Academicis *Oebini* dialogis tuendam susceperunt, nempe Verbum, quod nos æternum Dei Filium credimus, dixerunt esse Creaturam, & Spiritum quendam à Deo ante omnia creatum, cujus opera deinde in cæteris rebus creandis Deus sit usus. Superioribus autem opinionibus accessit tertia recentium discipulorum Ebionis, & Pauli Samosateni; qui auctore *Serveto*, Verbum divinum dixerunt non esse aliud, quàm decretum, aut oraculum Dei, non item subsistentem: Jesum autem Christum Salvatorem, quoad naturam esse verum hominem, qui tamen unctus Spiritu, & gratia Dei, noster Deus sit factus; nam, ut impiè dicit *Servetus* lib. 1. de Trinitate, quia divina Christi natura ex Verbi arcanis pendet, simpliciori via nunc dicamus Deum posse homini Deitatis plenitudinem communicare, dare ei divinitatem, majestatem, potestatem, & gloriam suam: dignus est agnus, qui occisus est, accipere divinitatem, potentiam, sapientiam, honorem, & gloriam, Apocalypsis. Moyses factus est Deus Pharaonis

Exodi 7. & Cyrus Deus Israelis, Isaia 45. multo fortius, & excellentiori longè modo factus est Christus Thomas, & omnium nostrum Dominus, & Deus. Quibus significat, quod eodem modo, licet excellentius, divinitas sit communicata Christo quomodo creaturis quibusdam. Nec refert, quod subjiciat: Illi erant Dii non natura, sed temporaliter, non, Christus verò est naturali divinitate Deus, naturaliter genitus de tota substantia Dei Patris, Deitas, adoratio Dei, & visio Dei est in Christo vero Deo. Sicut Pater est verus Deus; ita veram suam Deitatem unico Filio suo unice tribuens, efficit, ut ille sit verus Deus. Quibus verbis hæreticus ille præclare videtur loqui de Christo, verum nefarius homo suo more ludit. Nam cum neget Filium Dei existisse antequam ex Virgine nasceretur, & in eo ex Virgine nato unam dumtaxat naturam agnoscat; non aliam tribuit Christo divinitatem naturalem, quàm illud suum signum, quo putat Verbum Dei fuisse semen Christi, seu rorem naturalis generaturæ Christi in utero Virginis, & ita carnem Christi esse de substantia Dei.

Hos autem omnes Errones Socinus horribili audacia secutus; ea nefaria omnia dogmata complexus est, & disseminavit: quæ quia agente homine inimico zizaniorum seminatore, in dies per varias Europæ plagas grassantur, lubet hic aliquantulum longius Christi D. Divinitatem, divinamque, ac naturalem illius generationem sequentibus in questionibus, ex sacris oraculis probare, & sutiles eorum hæreticorum elusiones, ac ratiunculas referre, ac refellere.

QUÆSTIO PRIMA.

An reverà Christus sit idem unus Deus cum Patre, eandem indivisim cum eo naturam Divinam habeat.

Notandum 1. Hæreticos, in quos militamus, ultro concedere, Christum Jesum ex Virgine natum Dei nomine gloriari, utpote cum augustum illud ei nomen divinæ Scripturæ sæpius, & aperte tribuant: at contendunt, ei nomen istud non aliter tribui, quàm creaturis quibusdam, quæ eo nomine donantur; licet excellentiori, & diviniore modo illud sibi

vendicet propter ampliorem, uberiorem divinitatis communicationem, quam in ipso suæ formationis exordio, & de lapsa in Virgine operatione, & virtute Altissimi obtinuit. Ita quod ante illum ortum, & partum, nec fuerit Deus, nec ullam Filii Dei appellationem obtinuerit. Duo itaque hic sunt probanda: Primum, quod Christus sit verus Deus: Secundum, quod ante suum à Virgine ortum extiterit.

Notandum 2. Christi divinitatem duplici via maxime innotescere; nempe, vel apertis utriusque divini Testamenti Veteris, & Novitextibus, & oraculis, vel ex illius mirandis operationibus in suæ divinitatis commendationem, & asserctionem: cum enim Deus sit veritas per essentiam, cui, nec fallere, nec falli contingere possit; inde liquet, quod ab ipso promanantia oracula certam, constantemque veritatem effrunt, nec aliquid insolitum præter naturæ ordinem moliri potest unquam in alicujus falsitatis, aut erroris partocinium: unde si apertis oraculis testatus fuerit Christum esse verum Deum, verumque Dei Filium, similiter si omnipotentiam suam in patrandis supra naturæ vires operibus exercuerit in Christi divinitatis asserctionem, nemini quantumvis rudi Christianæ veritatis poterit esse dubium, Christum verum Deum esse confitendum: igitur ex hoc duplici capite maxime colligenda est, & asserenda Christi divinitas.

Notandum 3. Divinitatis nomen alicui attribui, vel per delegationem. Sic Angeli, qui vice Dei apparebant SS. Patriarchis, & Prophetis, nomine Dei appellantur. Vel per ministerium; sic Exodi 7. Moyses dicitur Deus Pharaonis, quia suis mirandis operibus Dei potentiam, & justitiam exercebat. Vel per usurpationem; sic daemones à gentibus dicti sunt Dii: Omnes enim Dii gentium demonia, Psal. 95. Vel per imitationem; sic iusti, & divinx sanctitatis amulatores inter dum nomine Dei illustrantur in Scripturis. Hinc Christus Dominus Joan. 10. aiebat, *Sic illi dixit Deus, ad quas sermo Dei factus est, &c. Vel per assimilationem, & exercitium potestatis, ac justitiæ, sic Psal. 81. Deus princeps, & iudex alloquentes aiebat: Ego dixi Dii estis, & filii Eccelsi omnes, vos autem sicut homines moriemini, &c. Vel denique per naturam, & essentiam, quæ propria est, ac genuina nomine Dei attributio, & significatio, de qua dumtaxat futurus est sermo in præsentem.*

CONCLUSIO UNICA.

Christus est verus Deus, verusque æterni Patris Filius. Hæc est contra Judæos, & varios hæreticos.

PROBATUR PRIMO.

Ex oraculis Veteris Testamenti, quibus Messias verus Deus nominatur.

Primò quidem ex illo Psalmi 2. ubi Deus Pater Filium alloquens, ait, *Filius meus es tu, ego hodie genui te*, quem textum de Messia accipiendum, constantissimum erit apud Hebræos. Hinc Iulius Aëtor. 4. & 13. necnon, & ad Hebr. 5. ut probet Christum verum esse Messiam, usurpat illa verba, quod certè non faceret, nisi Hebræos ita sentire intellexeret. Et quidem si rectè verba ponderentur, præsertim versis finem Psalmi, evidens erit, Messiam posse aptari; is enim qui dicitur Dei Filius, ait: *Ego autem constitutus sum Rex ab eo, super Sion montem sanctum ejus*. Et quoniam hoc regnum temporale non erat, sed spirituale, statim subdit: *Prædicans præceptum ejus*: additque deinde, *Dominus dixit ad me: Filius meus es tu, utique verus, & naturalis, & non tantum per adoptionem, vel per participationem, ut patet ex hoc singulari loquendi modo, Filius meus es tu, hoc est, modo nobiliori, & excellentiori, quàm cæteri, qui tantum filii sunt per adoptionem: tu autem specialiter Filius meus es proprius, & naturalis*.

Reponunt primò novi Ariani, hanc nostram interpretationem prius fœtitiū esse, nec ullum ex vetustissimis Patribus præfata verba de æterna, & divina Christi generatione fuisse interpretatum.

Verum contra: Nam præterquamquod, ut mox dixi, id apertè colligitur ex ipsa verborum significatione, eandem interpretationem habent SS. Patres. Nam S. Ambrosius in Epistolam ad Hebræos exponens hæc verba S. Pauli, *Cui exim dixit aliquando Angelorum, Filius meus es tu, ego hodie genui te*? Et rursus: *Ego ero illi in Patrem, & ipse erit mihi in Filium*, ait: Hoc enim, absque ulla dubitatione, de incarnatione Filii dicitur, idco verbum futuri temporis posuit, *ero illi in Patrem, & ipse erit mihi in Filium*. Quod verò dixit, *Fi.*

„*Filius meus es tu, ego hodie genui te*, aperte manifestat, quod idem, de quo ait, „*Ero in Patrem*, ex ipsa essentia Patris sit genitus, ideo præsentem tempore posuit „*hodie*: quia de eo nihil præteritum, aut „*futurum est*, sed semper præsentia cuncta: potest enim, & secundum carnem „hoc accipi dictum, quia caro communicat altioribus, sicut & divinitas humilibus communicare dignata est.

Idem habet S. Chrysostomus, *Hæc quidem*, inquit, *dicta sunt de carne*, ero ei Pater. & ipse erit mihi Filius: *quod veridicit*, Filius meus tu es, ego hodie genui te, *nihil aliud manifestat, nisi quia ex ipsa essentia Patris est genitus*. Ipsi subscribunt S. Cyprianus lib. 2. contra Iudæos capit. 7. S. Cyrillus lib. 8. thesauri S. Athanasius respondendo ad objectionem Arianorum, dicentium in Veteri Testamento nullam mentionem Filii Dei factam esse, quod itidem novi Ariani inculcant. Favet etiam Tertullianus lib. contra Praxeam, ubi de Christo ait: *Primogenitus, & ante omnia genitus; & unigenitus, ut solus ex Deo genitus: propriè de vulva cordis ipsius; secundum quod & Pater testatur, ad quem deinceps gaudens, propriè gaudentem personam illius, Filius meus es tu, ego hodie genui te*: Falsum est ergo, quod obtrudunt novi Ariani, neminem esse ex veteribus Patribus, qui locum istum de Christi æterna generatione explicet.

Reponunt secundo, illa verba aliter ab Apostolo accipi, quam ad significandam æternam Christi generationem: nam Apostolus Act. 3. illa usurpat ad confirmandam Christi resurrectionem: *Deinde ad Hæbreos 1. ad ostendendum, quod Christus excellentius nomen sortitus fuerit, quam Angeli: & cap. 5. accommodat hæc verba ad celebrandum honorem sacerdotii Christi: igitur perverse detorquentur ad exprimendum æternam illius generationem*.

Verum respondeo ejusdem textus variam usurpationem, nihil obesse divinæ filiationi, & æternæ generationi, quam genuinè significant illa verba; licet per accommodationem ad alia significanda etiam usurpari queant; etsi enim hæc verè dicantur de Christo, quoad humanam naturam, vel resurgentem, vel sacrificantem, vel glorioso nomine Jesu illustratam; tamen illa præstantia, quam habet supra Angelos, ipsi non aliunde competit, quam quia, qui homo est, simul etiam est Deus; & qui Fi-

lius Mariæ, is quoque est Filius Dei: hoc autem verè de Christo dici non posset si tantum homo esset; nam Christus ratione humanitatis non solum dicitur inferior Patri, sed etiam paulò minus ab Angelis minoratus.

In idem collineat eorundem verborum usurpatio in quinto capite ejus Epistolæ: nam in eo capite S. Paulus aperit discrimen inter Christum Pontificem, & alios Pontifices Hæbræos, quod ille præstantiori modo sit à Deo vocatus, quippe est natus ex Deo, & Filius Dei.

Nec etiam officit locus Act. 3. pessimè namque Adversarii hunc locum interpretantur, quasi tunc Christus, dumtaxat ceperit habere participatam divinitatem, cum resurrexit ex mortuis, quia inquit, resurrectio est nova generatio, quod si Christus reviviscens natus est, quis illum genuit? nempe Deus, qui ab inferis illum excitavit: ideo & Paulus ad Colossenses cap. 1. excitationem Christi, vocat primogenituram ex mortuis: Et proinde per id, quod dicitur, *Ego hodie genui te*, tempus illud indicatur, quo Jesus Christus ad vitam, quam deinceps interitus nullus consequeretur, revocatus fuit; atque imperio cæli, & terræ positus est. Hoc, inquam, eorum ratiocinium omnino absurdum est; nam si Deus dicitur tantum Christum genuisse, quia ipsum excitavit ab inferis: igitur & Filius debet dici à seipso genitus; propria enim virtute à mortuis resurrexit, juxta illud: *Solvite templum hoc, & in tri-duo reedificabo illud*. Item, *Potestatem habeo ponendi animam meam, & iterum sumendi eam*.

Deinde, si dumtaxat à Deo censetur genitus in sua resurrectione: igitur falsò toties se Dei Filium probavit ante suam passionem, ac mendaciter beatum prædicavit Simonem Barionam, quod Deo dixerit, *Tu es Christus Filius Dei vivi, qui in hunc mundum venisti*.

Denique, si à resurrectione dumtaxat Filius Dei imperio cæli, & terræ positus est, quomodo potuit ante passionem mari, & ventis imperare, demones pellere, sanare morbos, mortuos suscitare, & quod majus est, peccata condonare? Cum igitur verbum *gignendi* non nisi translate, & secundum quid de resurrectione dicatur, alia nobis resurrectione antiquior querenda est Filii Dei generatio; quam si dixerimus eam esse, qua ex sanctissima Virgine natus est. Libenter qui-

quidem fatebor Iesum Nazarenum conceptum ex Spiritu sancto, & natum ex Maria Virgine verè, & propriè esse Filium Dei, & Deum verum de Deo vero; sed constantissimè negabo, ejus divinam filiationem ab ea dumtaxat temporali nativitate esse confitentem; quippe cum eam ab æterno, & ante Luciferi ortum habuerit.

Confirmatur ex Psalmo 109. ubi divinus Pater itidem Ilium alloquens ait: *Tecum principium in die virtutis tue in splendoribus sanctorum ex utero ante Luciferum genui te*, quem Psalmum de Christo scriptum esse non est dubium, tum quia sic eum explicat ipsemet Christus D. Matth. 22. v. 44. & Apostolus 1. ad Cor. 15. v. 24. tum quia hujus Psalmi initium, *Dixit Dominus Domino meo*, &c. non alteri, quam Christo accommodari potest. Quartus etiam versus; *Juravit Dominus*, &c. usurpatur ab Apostolo ad Hebræos c. 1. ad confirmandum Christi sacerdotium: hanc verò partem versus 3. *Ex utero ante Luciferum genui te*, licet quidam de nativitate ex Virgine interpretentur, ut Tertullianus, alii autem de æterna generatione Filii Dei, ut Athanasius, Nyssenus, &c. tamen neutra sententia adversariis faveat.

Reponunt falsò scribent *ante Luciferum*, quippe cum ad litteram hic sit sensus, *Dies nativitatis tue ex utero aurora est*, unde hanc interpretationem subjiciunt, tantum fore numerum discipulorum Christi, per quos vincat hostes, quanta est densitas roris matutini.

Verùm, quanquam nonnulli Interpretes, & Traductores illa verba non penitus expresserint sicut Vulgata, nihil tamen alienum ab ea versione vulgari protulerunt; nam septuaginta Interpretes hic transtulerunt: *Ex ventre, ante Luciferum genui te*, Aquilas verò ex illò excitata infantia tua tibi ros. Symmachus, *Velut diluculoris juvenutis tuae*. Theodotion: *Ex utero à matris juvenutis tuae*: juxta verò Hebræum idioma, si verbum verbo reddatur, dicendum est cum Pagnino. *Ex utero aurora tibi ros nativitatis tue*, quæ verba, licet ad nativitatem ex sanctissima Virgine Matre aliqui transferant: alii verò ad eos, qui renascuntur in Christo per prædicationem Evangelii; non peccant tamen, qui idem interpretantur de nativitate Sapientie, quæ ante mundi fundamenta genita est; Sapientia autem Dei, Christus est; huic nam-

que favent SS. Patres, nam Hilarius lib. 12. de Trinitate, *Hec*, inquit, *de illo Christo præclara vox Patris est, ex utero ante Luciferum genui te*, &c. Et S. Ambrosius lib. 1. de fide cap. 6. ex his verbis: *Ego ante Luciferum genui te*. Filium non esse creaturam concludit, quippe cum à Deo sit genitus, non creatus. S. Epiphanius lib. 2. tomi 2. postquam translationes varias hujus loci exposuit, subjicit. *Quo ex sermone cognoscas, quod Deus Verbum in substantia, ex Patre natura genitus est, sine principio, & sine tempore, antequam quidquam esset; non enim Luciferum solum dicit stellam, & quidem cum multa sint sydera, ut Sol, & Luna in quarta die facta, mare verò, & ligna, fructus antea facta, firmamentumque terræ cecidit, & cura his simul Angeli facti fuerint; nisi enim una cum cælo, & terra Angelique creati essent, non utique dixisset ad Job, quando genita fuerunt sydera, laudaverunt me omnes Angeli voce. Itaque, ait, ante Luciferum, quasi diceret, antequam esset quid creatum, erat semper Verbum cum Patre; per ipsum enim omnia facta, & sine ipsa factum est nihil.*

Ipsis præclare ad stipulatur S. Augustinus enarratione in Psalmum 109. ubi ait: Si Deus Filium habet, nunquid, & utrum? Sed sicut carnis corpora non habet, quia nec finum; dictum est tamen, *qui est in sinu Patris, enarravit*. Qui est tantem sinus, ipse est uterus, & sinu: & uterus pro secreto posuius est. Quid est ex utero? ex secreto, ex occulto de me ipso, de substantia mea, hoc est ex utero; quia generationem ejus quis enarrabit? Accipiamus ergo Patrem dicentem ad Filium, *Ex utero ante Luciferum genui te*, quid est ergo, *ante Luciferum*? Lucifer pro syderibus positus est, tanquam à parte totum significante Scriptura, & ex eminenti stellæ omnia sydera: sed ista sydera quomodo facta sunt? ut sint in signis, & in temporibus, & in diebus, & in annis. Si ergo & in signis, & in temporibus posita sunt sydera, & Lucifer nominatus est pro syderibus, quod est ante Luciferum, hoc est ante sydera, & quod est ante sydera, hoc est ante tempora. Si ergo ante tempora, ab æternitate noli quærere quando: æternitas non habet quando: quando, & aliquando adverbia sunt temporis, de Patre non est natus in tem-

„pore, per quem facta sunt tempora .
 „dictum est ergo, ut dici oportuit figu-
 „ratè, & propheticè, ut, & uteris pro
 „secrèta substantia, & Lucifer pro tem-
 „poribus poneretur . Monendum tamen
 cenſeo etiam ſanctum Auguſtinum hunc
 locum interpretari de nativitate ex Virgi-
 ne Matre, quod ante illum ſcèrat Juſti-
 nus in dialogo cum Triphone Judæo, &
 Tertullianus lib. 3. contra Marcionem .
 Contra quorum ſententiam multa à beato
 Athanaſio diſputantur in oratione contra
 Arianos, qui acriter contendit, hæc verba
 Pſalmi de æterna generatione Verbi eſſe
 intelligenda .

Probat ſimiliter teſtimoniis Iſaiæ Prophe-
 tæ, quæ tam multa ſunt, ut non poſſint om-
 nia ſine prolixitate congeri: præcipuum au-
 tem petitur ex cap. 9. ubi deſcribuntur carac-
 tères, ac munia venturi Meſſiæ his verbis,
*Parvulus natus eſt nobis, & Filius datus eſt no-
 bis, & factus eſt principatus ejus ſuper humerum
 ejus, & vocabitur nomen ejus, admirabilis,
 Deus, fortis, Pater futuri ſæculi, princeps pa-
 cis: multiplicabitur ejus imperium, & pacis
 ejus non erit finis; & ſuper ſolum David ſedebit
 in æternum,* quem locum licet quidam He-
 braei ad Regem Ezechiam detorqueant, faci-
 le tamen arguuntur; quomodo enim Eze-
 chias Princeps pacis, cum multa bella geſſe-
 rit adverſus Aſſyrios? quomodo regnum ejus
 ſempiternum fuerit, quod paulò poſt à Ba-
 byloniis diſſipatum eſt? Unde etiam Chal-
 daica habet hic expreſſum nomen Meſſias:
His adde, quòd ille, de quo fit ſermodicatur
 (Deus), quæ appellatio ſimpliciter, & ab-
 ſolutè ſine ullo addito diminutive, non tri-
 buit, niſi vero Deo, præſertim quando
 conjuncta eſt cum appellatione *fortis*, & a-
 liis, quæ divinam majestatem ſonant .

Confirmatur ex cap. 38. *Deus ipſe venit,
 & ſalvabit nos. Tunc aperientur oculi cæce-
 rum, &c.* ubi deſcribuntur omnes illi mi-
 randi effectus, ac ſtupenda prodigia, quæ
 venturus Meſſias, qui Deus dicitur, erat
 operaturus, quæ ſigna nullus ante Iſaiam,
 nec poſt illum, Prophetarum nullus opera-
 tus eſt, præter Jeſum à Nazareth: unde me-
 ritò Matth. 11. inquiringibus Joannis diſci-
 pulis, & ab eo petentibus nomine ſui præce-
 ptoris, *Tues, qui venturus es, an alium expe-
 ctamus? reſpondens Jeſus, ait illis, cuntes re-
 nuntiate Joannis, quæ audiviſti, & vidiviſti, cæ-
 ci videnti, claudi ambulanti, &c.* Sermonem
 verò ibi eſſe de vero Deo, conſtat: Tum ex

his verbis, *Deus ipſe venit*, tum ex præceſſen-
 tibus, *ipſi ſeſebunt gloriam Domini, & d: co-
 rem Dei miſtri:* Tum ex eo, quòd nomen Dei
 exprimitur nomine *Jeſebunt*, quod proprium
 eſt Deo. Hinc eo loco ſæpè ſancti Patres utun-
 tur adverſus Arianos, maxime ſanctus Atha-
 naſius lib. de Incarnatione Verbi, necnon
 & adverſus Judæos, ut Irenæus lib. 3. cap. 22.
 & Cyprianus lib. 2. contra Judæos cap. 7.

Confirmatur iterum ex cap. 43. ubi de Meſ-
 ſia dicitur, *in teſſe Deus, & non eſt Deus abſ-
 que te: verè tu es Deus abſconditus, Deus Iſrael
 Salvator.* Præmiſerat autem hæc dicit *Dom-
 nus*, quibus deſignat Patrem æternum loqui
 ad Chriſtum, in quo eſt Deus, vel quia in *17.º*
inhabitat omnis plenis udo divinitatis corporaliter,
 hoc eſt ſubſtantialiter ratione perſonæ divi-
 næ; vel quia Deus Pater eſt in Filio, ut ex-
 ponit ſanctus Ambroſius lib. 1. de fide cap. 2.
 Juxta illud Chriſti oraculum, *Ego in Patre, &
 Pater in me eſt, &c.* Retè etiam dicitur Filio
 non eſt Deus abſque te, propter unitatem na-
 turæ, quia nec Pater eſt Deus abſque Filio,
 nec eſt alius Deus à Filio, ut rectè exponit
 Nazianzenus orat. 49. tandem merito dicitur
Deus abſconditus propter aſſumptæ huma-
 nitatis ſacramentum, & *Deus Iſrael Salvator*,
 quòd interpretatur Jeſus; quem locum imi-
 tatus videtur ſanctus Paulus cum dixit, erat
 Deus in Chriſto mundum reconcilians ſibi .
His adde, id quod habet idem Propheta cap.
 32. ubi cum Deum ſic loquentem induxiſſet,
*hæc dicit Dominus Deus, in Ægyptum deſcendit
 populus meus in principio, infra ſubdit, Ego ip-
 ſe, qui loquebar, ipſe adſum;* idem ergo Deus,
 qui antè per Prophetas loquebatur, quem
 populus Iſrael colebat, poſtèa per Incarna-
 tionem apparuit; quapropter ſubjicit, *quam
 pulchri ſunt ſuper montes pedes Evangeliſtarum
 pacem, annuntiantis bona.* Quod evidentiſſe
 explicat Propheta Baruch 3. ab eis verbis,
Hic eſt Deus noster uſque ad illa, *& cum homi-
 nibus converſatus eſt:* ubi aperte loquitur de
 vero Deo Iſrael, qui legem dedit populo ſuo,
 quem poſtèa dicit cum hominibus converſa-
 tum, ſcilicet hominem factum; ſi enim lo-
 queretur de alia apparitione, quæ fiebat mi-
 niſterio Angelorum in corporibus aſſumptis,
 vel per ſolam imaginariam, aut ſenſibilem
 repræſentationem, non diceret, *poſt hæc in
 terris viſus eſt*, multum enim ante legem da-
 tam fuerat illo modo in terris viſus, & cum
 Abraham, Jacob, Moyſe, & aliis ſanctis
 hominibus converſatus. Quare cum ſacræ
 litteræ Chriſtum abſolutè, & definitè Deum,
 &

& Deum nostrum, Deum verum, Deum super omnia laudandum, & Deum Salvatorem nostrum, & denique Jehovam nominent; concludendum est Christum Dominum, non nuncupatione, aut adoptione, vel donorum participatione, sed verè natura, & substantia Deum esse.

PROBATUR SECUNDO

Ex novo Testamento.

Illis omnibus oraculis, quibus Christus verus Deus, verique Dei vivi Filius appellatur, quæ jam in tertio nostro tomo de Trinitate, probando Verbi divinitatem, explanavimus: unde solim eis immoror, quibus insinuat Jesum Christum longè prius existisse, quàm nasceretur ex Virgine, quæ cum intelligi nequeant de humanitate, quæ tùm primùm exiit, cùm in Virginitate formato est Christus D. necessum est, ut de illius divinitate accipiantur. Sic Joannis 8. loquens ipsemet Christus D. de se ait: *Antequam Abraham fieret, ego sum*: at non erat ante Abraham secundum carnem, quippe plurimis sæculis post ipsum sanctissimum Patriarcham exiit: igitur illa prioritas de ejus divinitate necessariò est intelligenda.

Idem probat sanctus Apostolus cap. 1. ad Hebræos, ex illis verbis Psalmi 103. *Dilexisti justitiam, & odisti iniquitatem, propterea unxit te Deus oleo exultationis præ partibus tuis*. Et tu in principio terram fundasti, & opera manuum tuarum sunt Cæli; ipsi peribunt, tu autem permanebis, & omnes ut vestimentum veterascent, & velut amicum mutabis eos, & mutabuntur: tu autem idem ipse es, & anni tui non deficient. Quorum verborum hic sensus apparet, O Deus! Deus tuus, id est, ego pater, & Deus tuus Filius Deum unxi oleo lætitiæ; Filius enim, qui ratione Nativitatis æternæ Patrem agnoscit, etiam ipsum agnovit Deum ratione generationis temporalis, quæ minor est Patre secundum humanam Nativitatem: Unde tritum est apud Apostolum, *Deus, & Pater Domini nostri Jesu Christi*, quibus significat ratione humanitatis assumptæ Christum agnoscere Deum, quem ante Incarnationem dumtaxat Patrem agnoscebat. Sequitur præ consensibus tuis, hoc est, fratribus, qui sunt fideles; horum enim consors factus est Filius Dei in car-

nis, & sanguinis assumptione. Subditur, & tu ab initio Domine terram fundasti, quibus significat illum, qui unctus est oleo lætitiæ, fuisse unà cum Patre rerum omnium artificem: duobus autem versibus sequentibus celebrat Christi æternitatem, omnia namque creata peribunt, quia mutationi, & interitui sunt obnoxia: tu verò permanes, nempe ab æterno in æternum, sine principio, & fine, quia tu idem ipse es, & anni tui non deficient, utpote cum sis æternus, immortalis, & incorruptibilis Deus.

Reponunt hæretici, primò textum illum litteraliter de Salomone intelligendum esse, & mysticè solum per Apostolum Christo attribui. *Secundò*, non Deum, sed hominem dumtaxat describi; nam qui unctus est, & qui Deum, hoc est, se superiorem, & majorem agnoscit, qui etiam consortes, & socios regni habet, non est Deus æternus: Christus est unctus, habet Deum, & consortes: ergo non est Deus.

Contra, falsum est oraculum istud litteraliter intelligendum esse de Salomone; & mysticè dumtaxat à S. Paulo Christo appropriari, siquidem ex ipso textu constat pleraque esse, quæ de Salomone nequeant intelligi: is enim nec ab initio terram fundavit, nec cæteris deficientibus idem ipse permanet, cùm pridem vita functus fuerit. *Ad secundum*, dico ibi fallaciam esse à dicto secundum quid, ad dictum simpliciter: ea enim omnia de Christo non dicuntur simpliciter, sed secundum quid, ratione, videlicet officii Mediatoris, & humanitatis, qua ratione, & unctus est, & Deum, atque consortes habet; non verò ratione æternæ suæ Deitatis, secundum quam Filius quidem habet Patrem, non verò Deum conditorem.

Reponunt secundò, de Filio non posse accipi hæc verba, *Tu Domine ab initio terram fundasti*, sed ipsa esse referenda ad Patrem; *Primò*, quia Apostolus sibi contrariaretur, quippe qui prius dixerat Patrem creasse mundum: non ergo Filius ipse creavit. *Secundò*, quia nusquam alibi tribuitur Filio creatio. *Tertiò*, quia propositum Apostoli est Christum supra alios homines, & Angelos extollere; at si hic ei creationem tribueret, Creatorem creaturæ compararet, quod fatuum, & ineptum esset. *Quartò*, impie tribuitur Patri, quod Filium appellet Dominum suum: igitur ista non ad Filium; sed ad Patrem ipsum sunt referenda.

Ne.

Nego antecedens, & ad primam probationem, dico falsum esse, quod quia Pater per Filium creavit: etiam Filius non creaverit: *Quaecumque enim Pater facit, Filius similiter facit*, ut testatur ipsemet Christus Joannis 5. *Ad secundam*, dico pariter falsum esse, quod nusquam alibi Filio tribuitur creatio, nam eodem capite testatur: *Pater meus usque modo operatur, & ego operor*. Et Psal. 33. dicitur, quod *Verbo Domini Caeli firmati sunt*. *Ad tertiam*, dico fatuam, & ineptam prorsus esse eorum hæreticorum argumentationem: scopus enim Apostolicus, Filium supra Angelos extollere, non simpliciter, sed ut Deum Dominum Angelorum: merito igitur profert testimonia Scripturæ, quibus Christum, & Deum, & Creatorem esse demonstrat, quod Hebræi nondum sciebant. *Ad quartam* denique, respondeo blasphemam esse illam hæreticorum calumniam; non enim dicitur, quod Pater Filium appellet, *Dominum suum*; sed absolute Dominum, seu Jehovah; ait enim, *Tu Jehovah*: non verò, *Tu Jehovah meus*: Filius autem idem est Dominus Jehovah, qui Pater: merito igitur Pater Filium hoc nomine dignatur.

Confirmantur hæc omnes responsiones simul, & præfata probatio, illis omnibus ejusdem Apostolice rectibus, quibus aperte proficitur per Filium Dei totam universitatem rerum conditam esse. Sic ad Coloss. 1. *Gratias agentes Deo Patri, qui dignos nos fecit in partem sortis Sanctorum in lumine, qui eripuit nos de potestate tenebrarum, & transfudit in regnum Filii dilectionis sue, in quo habemus redemptionem per sanguinem ejus, remissionem peccatorum, qui est imago Dei invisibilis, primogenitus omnis creaturæ: quoniam in ipso condita sunt universa in cælis, & in terra, visibilia, & invisibilia, sive Throni, sive Dominationes, sive Principatus, sive Potestates; omnia per ipsum, & in ipso creata sunt*. Et ad Cor. 8. *Unus Deus Pater; ex quo omnia, & non in illum: & unus Dominus Jesus Christus, per quem omnia, & nos per ipsum*. Et ad Hebr. 1. *Novissime diebus istis locutus est nobis in Filio, quem constituit hæredem universorum, per quem fecit, & sæcula*. Hinc Filius ipse, qui est æterna, divinaque sapientia, merito dicit Proverbiorum 8. *Dominus possedit me ab initio viarum suarum, antequam quidquam faceret à principio... quando appendebat fundamenta terre, cum eo eram cuncta componens*.

His adde, quod in historia creationis Moyses & Dei Creatoris mentionem facit,

& Verbi per quod omnia Deus fecit, & Spiritus Dei, qui fovebant materiam à Deo productam: Deum enim dicentem inducit, & Deum facientem, quæ de Patre, & Sermone, seu Filio Dei Veteres interpretati sunt. In hominis præterea creatione, Deum inducit deliberantem; *Faciamus*, inquit, *hominem ad imaginem, & similitudinem nostram*. Et rursus cap. 3. *Ece Adam quasi unus ex nobis*: hæc autem non ad Angelos dicta, neque enim per Angelos, quasi inferiores Deos, mundus est conditus, neque ad Angelorum similitudinem homo creatus est; neque extra Dei essentiam querendus est, qui Deo Patri in rerum creatione adfuerit; sed Filium unicum, ac Spiritum sanctum Deum Patrem alloquitur, qui omnia quæcumque Pater facit etiam ipse facit.

Confirmatur tandem, & apertissime declaratur Christi Divinitas, & individua cum Patre creandi virtus, ab amantissimo illius Discipulo, cujus testimonium, utpote firmissimum nostræ assertionis argumentum, in hujus probationis postremum locum reservavimus. Primo enim capite sui Evangelii, aperte dicit: *In principio erat Verbum, & Verbum erat apud Deum, & Deus erat Verbum, hoc erat in principio apud Deum; omnia per ipsum facta sunt, & sine ipso factum est nihil, quod factum est*. Et verbis aliquot interpolitis sequitur. *Et Verbum caro factum est, & habitavit in nobis, & vidimus gloriam ejus quasi unigeniti a Patre plenum gratie, & veritatis*. Quod apertum oraculum quantis artibus depravare, & eludere tentaverit Sathan, per veteres, & novos Arianos nemo Theologorum est, qui nesciat. Ut autem ejus locivarias corruptelas, à veteribus hæreticis excogitatas, & à SS. Patribus expugnatas missas faciam; placet dumtaxat hic referre, & refellere diabolicum illud commentum, quod novi Ariani excogitaverunt, dicentes nomine Verbi, aut Sermonis significari quidem hominem illum Jesum ex Maria natum, qui appellatur *Sermo* ratione officii sui, quod singularis præco, & interpres fuerit divinæ voluntatis, qui idcirco dicitur, *Caro factus*, quod abjectissima conditione, inter homines formam servi habuerit: ut autem divini præfati oraculi auctoritatem, & vim elevens dupliciter verba Evangelistæ in hunc modum interpretantur, ut videre est apud Simlerum in Antifocino.

*Primi capituli Evangelii S. Joannis hæretica explicatio
proponitur, ac refellitur.*

1. **I**N principio mundi per Evangelium reformandi, cum Joannes Baptista inciperet exhortari homines ad resipiscen-
tiam, jam tum Jesus Christus erat desti-
natus officio patrefaciendi, & confirman-
di Evangelium: sed eo tempore nondum,
ut legatus, & internuntius Dei notus erat
hominibus, sed soli Deo Patri suo; quin
etiam idem ille tunc divina potestate, &
authoritate erat præditus.

2. Sed eo tempore soli Deo Patri suo,
dhuc erat cognitus.

3. Per illum omnia facta sunt, quæ ad
mundi per Evangelium reformationem per-
tinent, & sine illo factum est nihil, quod
ab ejus discipulis, & ministris est factum.

4. & 5. Ille erat primarius vitæ æternæ
Præco, & tanquam summus Ecclesiæ Do-
ctor, hominibus rerum cælestium ignaris
solidam Evangelii doctrinam proponebat,
vitæque sanctæ exemplo prælucebatur: sed
istli noluerunt ejus doctrinæ credere, vitam-
que imitari.

6. Fuit homo missus à Deo ad Judæos,
cui erat nomen Joannes.

7. Is venit, ut palam, & publicè de
Jesu testaretur, quod sit & Christus, hoc
est, Messias, & unicus mundi Servator,
ut per illum omnes ei crederent.

8. Non erat is Christus, hoc est, Mes-
sias ipse, quemadmodum multi ex Judæis
opinabantur, sed præcursor Christi in hunc
finem à Deo missus, ut de Christo testa-
retur.

9. Ip-

1. **I**N principio Evangelii, cum Joannes
Baptista Christo viam pararet sua præ-
dicatione, jam tum aderat Jesus Christus
Sermo, atque Interpres, sive Legatus Dei,
& Sermo iste, licet inter homines versa-
retur, soli tamen Deo notus fuit ab initio,
& quasi apud Deum reconditus erat. De-
nique hic Sermo destinatus erat nobis Ser-
vator, princeps nostræ salutis, isque Do-
minus, ac Deus noster erat, quamvis mun-
do ignotus esset.

2. Hic, inquam, Sermo ab initio Evan-
gelii erat apud Deum: quippe cui soli co-
gnitus erat, imò apud quem tam familia-
riter versabatur, ut ex ejus sinu Evan-
gelium paulò post nobis afferret.

3. Per hunc sermonem facta sunt om-
nia quæcumque ad Evangelii confirmatio-
nem pertinent, & sine ejus auspicio ni-
hil istorum factum est, quæ consequenter
etiam ab Apostolis facta sunt, itaut om-
nium istorum operum gloria, ad ipsum so-
lum autorem referenda sit.

4. In hoc Dei Sermone J. C. exhibita,
seu proposita nobis erat vita æterna: & hæc
vita, sive ejus promissio, erat vera, & spiri-
tualis lux hominum, quippe cujus notitia,
& certa spe mentes humana illustrantur.

5. Porro hæc lux in tenebrosa hominum
societate hætenus clarè lucet; sed filii tene-
brarum (qui malè agunt, & lucem oderunt)
sua culpa eam minime comprehendunt, ut
qui inepti sunt ad eam percipiendam.

6. Cæterùm hoc ipso tempore in Judæa
celebris erat homo quidam à Deo missus,
cui nomen erat Joannes.

7. Quem eo consilio in medium prodire
voluit, ut tanquam fidelis testis, ac præcur-
sor testimonium de Jesu Christo apud omnes
redderet, atque ita autorem illius spiri-
tualis lucis, cujus ante memini, sua prædica-
tione omnibus commendaret, ut omnes per
istius viri ministerium ad Christi fidem ha-
bendam præpararentur.

8. Non erat, inquam, hic Joannes lux
cælestis, quæ totum mundum jamjam il-
lustratura erat, sed præcursor tantum il-
lius, idcirco missus, ut de luce illa tes-
timonium daret.

9. Lux

9. Ipse autem Jesus Hazareus verus erat, & primarius Evangelii Doctor, qui ab eo tempore, quo in mundum venit, omnem hominem salvandum solida doctrina celestis notitia, vitæque sanctimonia informat.

10. Inter homines hujus mundi versabatur, & homines per ejus Evangelium sunt reformati, & regenerati: sed & impii increduli eum non agnoverunt.

11. Ad suos populares Judæos venit, sed illi noluerunt eum pro vero Messia, & Servatore mundi à Deo missio, & exhibitio agnoscere.

12. Quotquot autem fidem ei adhibuerunt, eis dedit potestatem, ut Filii Dei, & hæredes vitæ æternæ fierent.

13. Sed ii, qui hanc potestatem sunt adepti, non sunt iudicandi esse illi omnes, qui vel ex illustri aliqua familia, aliisque hominibus naturali modo sunt geniti, vel hominum voluntate in filios adoptati: sed illi soli, qui per prædicationem Evangelii ex Deo sunt regenerati.

14. Etsi verò Jesus Nazareus tanta, & tam divina potestate, & autoritate fuit præditus; tamen coram hominibus hujus mundi, præsertim Scribis, & Phariseis, vixit ut homo vilis, abjectus, obscurus, ærumnosus, & mortalis. At inter nos Apostolos, & Discipulos suos familiariter versatus est, suamque gloriam, potestatem, & autoritatem divinam variis, ac admirandis signis, factisque, tam clarè notam, & testatam fecit, ut à nobis omnibus pro Unigenito, & dilectissimo Dei Patris Filio cognitus fuerit, qui non tantum veram doctrinam Evangelii, & in ea immensam Dei erga genus humanum gratiam, & benignitatem copiosissimè, & clarissimè mundo patefecerit, verum etiam tandem vitam æternam, quam nomine Dei promittit omnibus in se credentibus, certissimè daturus sit, &c.

9. Lux autem illa erat Jesus Christus, videlicet lux illa vera, & celestis, quæ postea quàm in mundum venit, & munus suum exequi cepit, omnes omnino homines, quantum in se fuit, salutari Dei notitia, & salutis æternæ specertissima colustravit.

10. Porro lux illa spiritalis J. C. nunc in hoc mundo degebat, atque in media hominum societate versabatur, docens, & sanans omnes, prout occasio ferebat; imò mundus hic per ipsum instauratus, & quasi novus, sive alius factus est.

11. Et quod magis mirandum est, venit ad proprium populum suum, videlicet Judæam, cui peculiariter erat promissus, & cui omnium primo viam salutis annuntiavit; attamen hi sui populares eum non receperunt, sed tantum facinorosum aliquem cruci affixerunt.

12. Interim quotquot ex Judæis simul, & Gentibus eum pro Servatore suo complexi sunt, his magnam sanè dignitatem attribuit, videlicet ut olim perfecta ratione Filii Dei evadant, ideoque summissimi fiant in gloria, & immortalitate.

13. His, inquam, potestatem istam dedit, qui in ipsum ex animo credunt; ejusque præcepta custodiunt, quales non sunt promiscuè omnes quicumque ex sanguine parentum, sive ex libidine carnis, aut libidine viri nascuntur; sed ii tantum, qui ex Deo geniti sunt; probi videlicet, ac pii homines, qui divinæ voluntati, statim, atque ipsis patefacta fuerit, obedire parati sunt, atque ita virtute Dei ad justitiæ studium revocati sunt.

14. Hic autem Sermo Dei Jesus Nazareus, quantisper in hoc mundo vixit, caro fuit, hoc est, miser, mortalis, atque abjectus, & quasi unus è vulgo mortaliū esset, ita velut in tentorio terreni corporis, inter nos commemoratus est: tamen (ut nos Apostoli) qui familiarius cum ipso versati sumus, gloriam ipsius divinam in transfiguratione, & miraculis, subinde sese profluentem clarè viderimus; gloriam, inquam, ejus, velut Unigeniti, & singularis Filii Dei, quam à Patre suo acceperat; à quo videlicet & ipse genitus, atque in hunc mundum legatus fuit: Atque is in omnibus dictis, & factis suis abundantissimam Dei benignitatem, & fidelitatem erga nos plenissimè ostendit.

Novi Ariani Sermonem, aut Verbum dicunt esse Spiritum creatum ante cætera omnia conditum, & administrum Dei in creando orbe, & hunc in carne assumpta hominem factum esse. *Sergetius* verò negat Verbum, seu Sermonem esse rem existentem, sed rei dispositionem, seu dispensationem, qua placitum est Deo arcanum suæ voluntatis nobis revelare; Additque esse vocem Dei, oraculum & caliginem, nobis decretum, ideam, sicut operis futuri idea est in animo artificis; hunc Sermone[m] carnem factum esse, quia voce ab initio prolata, genita sit caro ista; haud secus, quàm si homo verbum proferens, ex ore suo projiceret aurum, aut margaritas; ita tunc propriè loquendo diceretur vox ejus facta esse aurum: Ita Verbum Dei potentissimum absque ullo rerum coagulo in carnis materiam transivisse. Atque hæc sunt Adversariorum Hæreticorum opiniones, tam absurdæ, portentosæ, & impiæ, ut eas Christiani hominibus indicasse, & detexisse satis iusta confutatio sit, ait Simlerus.

Nihilominus ad pleniorē harum blasphemiarum confutationem, dico hæc omnia hæretica commenta esse alienissima à mente sancti Evangelistæ, siquidem illa tribuunt *Sermoni*, seu *Verbo*, quæ non nisi personæ subsistenti congruant, utpotè cum ajunt Verbum in principio extitisse, Verbum fuisse Deum, nam articulus additus ostendit Verbum in hac oratione Evangelistæ esse subiectum; ut locum non habeat cavillum illorum, qui dicunt Patrem fuisse Verbum; ita ut Verbum dicatur de Deo; quomodo etiam Deus justus, & fortis esse dicitur: siquidem hic, *Verbum* non est attributum, sed subiectum attributi nominis *Dei*. Præterea dicitur per hoc Verbum omnes creaturas esse conditas, Verbum fuisse vitam, & lucem, & authorem omnium vitæ, & lucis in hominibus; Joannem Baptistam de eo testatum esse; ipsum venisse ad gentem sibi peculiarem, & propriam, & ab ea non fuisse receptum; dedisse iis, qui eum receperunt, & in eum crediderunt, potestatem, ut fierent filii Dei. Denique Verbum illud carnem factum, & inter homines commoratum; vidisse quoque homines ejus gloriæ quasi unigeniti à Patre: quæ omnia cum non possint competere, nisi hypostasi intelligenti, & operanti, evident probant *Verbum illud* personam esse, & etiam ante carnem

assumptam extitisse; post carnem autem assumptam duabus naturis constare in unitate personæ, divina nempe, quæ propria est ipsius Verbi, & humana, quam assumpsit, dum caro factum est.

Hæc autem interpretatio non solum constantissima fuit apud omnes sanctos Patres, qui post Nicænum Concilium primum vixerunt, ut comminiscuntur hæretici, qui volunt tempore hujus famosiissimi Concilii persumdatam fuisse, ac omnino corruptam de Filio Dei, & Christo fidem, sed etiam est sensus totius antiquitatis longè ante Concilium, & ab ipsis nascentis Ecclesiæ primordiis. Nam S. Ignatius epistola tertia loquens de Jesu Christo Patris æterni Filio, quem *Sermonem*, seu *Verbum* appellat, ait, *Verbum non à voce, sed à substantia Dei existens, non enim compositionis vocem significat, sed divine operationis genitam substantiam, quæ omnia ei, à quo missus sit, placata Patri, atque reconciliata restituat.* Irenæus lib. 2. cap. 3. ad idem ait, *ostensum manifestè, quòd in principio verbum existens apud Deum, per quem omnia facta sunt, qui, & semper affuit generi humano.* Hinc novissimis temporibus secundum præfinitum tempus à Patre, vulum suo plasmati passibilem hominem factum misit. Idem habet Tertullianus adversus Praxeam. Gregorius Neocæsariensis, & quotquot ante Concilium Nicænum de æterna, vel temporali divini Verbi generatione scripserunt.

Reponunt hæretici, eatenus Christum appellari *Verbum, & Deum*, per quem omnia facta sunt, quatenus peculiari deputatione ad homines, Dei ministerium gesserit, ut omnia recrearentur, & renovarentur per mysterium reconciliationis, & redemptionis; nam inquit, nova creatura ubique in Novo Testamento tribuitur Christo, per quem Deus hanc executus est.

Contra, hæc responsio profuse est inutilis, & evanida; quippe absolutè testatur Evangelista Verbum illud, de quo sermonem instituit à principio extitisse, nempe in illo principio, de quo Moyses dixerat, *In principio Deus creavit calum, & terram.* Nec refert, quòd ipsi opera reparationis tribuantur, quid enim obstat quominus uni, & eisdem duo opera, quæ se mutuo consequuntur, attribuantur? Unde merito Irenæus lib. 4. cap. 14. ait: *Filium Dei ab initio assistere suo plasmati, & suum plasma in semetipso recreare;* ergo nihil olitit quominus Verbum, qui unum cum Patre, & Spiritu sancto

cm-

omnia formavit, sui imaginem per primi hominis peccatum confuscatam, & multis præterea modis corruptam reparaverit, ac resisteret per suæ Incarnationis mysterium, quia rationelict specialiter ipsi non tribuatur creatio, tamen specialiter ipsi attribuitur hominum restauratio, & reformatio, quippe cum solus ipse humanam naturam assumpserit.

Reponunt secundò. Testamentum Vetus creationem uni, & soli Deo Patri tribuere, sicut & Novum posteriorem creationem, seu renovationem, non dicit unquam solum Deum absolvisse, sed per Christum: unde etiam nos redemptos, iustificatos, Deo reconciliatos, & vitæ æternæ hæredes factos, quod est opus novæ creationis à Deo per Christum factæ asserit; isto enim nihil horum factum est: igitur S. Joannes loquitur solum de reparatione ante omnia per Christum facta, hoc est, restaurata. *Confirmant* ex eo, quod Novum Testamentum dicatur initium dictorum, & factorum Christi; nam Lucas Actor. 1. cap. 8. dicit se scribere, quæ *Jesus cepit facere, & docere usque in diem, quæ præcipiunt Apostoli per Spiritum sanctum, quos elegit, assumptus est.* Ad eundem quoque modum Marcus dicit se scribere initium Evangelii Jesu Christi; sic & sanctus Paulus ad Heb. 2. doctrinæ salutis cæptæ prædicari à Christo, & operum ejus summam recenset; mentitur autem illi Apostoli si Christus sub Veteri Testamento fecisset, aut docuisset aliquid; igitur nihil præter hominum reconciliationem, & Redemptionem molitur est; & subinde Joannis verba de sola hominum reparatione, & reconciliatione sunt intelligenda.

Confirmant insuper; si Christus creasset cælum, & terram, non tacuisset istud; ibi præcipue, ubi contra Judæos probat se Filium Dei esse, ex operibus sibi communibus cum Patre; ibi autem tantum opus novæ creationis meminit, in faciendo, vivificando, resuscitando, judicando. Dixisset etiam, si verum hoc fuisset, Pater operabatur in creando: ita, & ego operabar: at tantum de præsentibus loquebatur dicens: *Sicut Pater meus operatur, ita & ego operor:* igitur, &c.

Verum contrarium aperte constat ex dictis; nam utrumque Testamentum tam Novum quam Vetus rerum omnium creationem Christo æterno Verbo, & Sapientia

subsistenti tribuit. Unde non tantum per Christum redempti, iustificati, & Deo reconciliati dicuntur, quod est novæ creationis opus; sed etiam utrumque Testamentum ait: *Verbo Dei cæli firmati sunt: & omnia per ipsum condita sunt,* & de eo dictum est Psalm. 102. & ad Heb. 1. *Tu initio, Domine, terram fundasti, & operamentum suarum sunt cæli.*

Ad Confirmationem dico, Adversarios multisariam peccare in suo argumento, primum enim Evangelistæ loquuntur de Filio Dei non simpliciter, sed ut incarnato, & donato nomine *Jesu*, & Christi; utrumque autem hoc nomen tantum habuit à sua conceptione, & Nativitate temporalis; Jesus enim appellatus est ab officio, quia salvum facturus erat populum suum à peccatis eorum; Christus similiter dictus est ab unctione, quam ab oleo Divinitatis, & divinis charismatibus, quibus est illustratus, in humanitatis cum Verbo unione obtinuit: at hæretici, quæ de Christo secundum utramque naturam, seu de tota persona dicuntur, transferunt ad alteram naturam Verbi, ab initio existentis apud Deum: Ergo verum paralogismum in suo argumento admittunt.

Deinde Evangelistæ describunt initium Evangelii, nam *facere, & docere* ad Evangelii administrationem refertur: hæretici verò id referunt ad initium personæ Christi, quod certe hallucinari est. Denique si Christus tantum habuerit initium, cum cepit facere, & docere, quodnam erit illius exordium? Marcus enim illud initium Evangelii Christi ab illius baptismi auspiciatur, Lucas autem altius ab ipsa Conceptione, & Nativitate suam narrationem orditur: ergo juxta hæreticorum blasphemiam temeritatem, oporteret alterutrum Evangelistam mendacii reum esse.

Ad alteram confirmationem, nego consequi, quod si Christus creavisset cælum & terram non tacuisset illud Judæos alloquendo: hæc enim conditionalis propositio facta est; nam, ut mysterium Filii Dei ante ejus in carnem adventum umbris quibusdam, ac prophetici locutionibus involvitur fuit, & ille se Veteribus sub ænigmate duntaxat conspiciendum præbuit: ita etiam, postquam in carnem venit, non statim celestem gloriam conspiciendam exhibuit; cum enim Filius Dei in carne se Mediatorem, & Redemptorem mundo exhibuerit, divina ma-

jestate, quasi quodam velo testâ, Scripturæ nobis eos potissimum sermones, & illa facta Christi describunt, quæ ad illud officium Mediatoris spectant. Neque tamen interea Christus divinam suam naturam, & Majestatem tacuit; nam & se Deum esse, & verum Dei Filium, ante Abrahamum existentem, non solum verbis, sed & mirandis operibus plurimistatus est. *Addo quod sanctus Joannes discretè pronuntiat, In mundo erat, & mundus per ipsum factus est:* igitur illud ipsum Verbum, quod caro factum est, est totius mundi artifex; subindeque pridem, ante suam ex beata Virgine nativitatem, & conceptionem, secundum divinam naturam, & personam, existerat.

Reponunt, nomine *mundi*, ab Evangelistâ significari, non rerum omnium universitatem, sed homines duntaxat, à quibus non est cognitum; quid enim hoc ad rem, Christum non esse cognitum à machina cæli? *Addunt* quod sæpe, apud Joannem mundus pro hominibus accipitur, ut cum Christus dicitur *lux mundi*; & quod sic *Deus dilexit mundum, ut Filium suum unigenitum daret*, & quod Christus *tollat peccata mundi*, &c.

Respondet quod etsi nomine *mundi* plerumque homines significantur, tamen ubi Joannes ait, *mundus per ipsum factus est*, nomine *mundi* universitatis machinam intelligit, siquidem hac locutione vult Christum commendari: at quid magni fuisset, Christum tantum hominem inter homines versatum esse, & in mundo extitisse? præclarum autem, & honorificum est Christo, quod fuerit *Emmanuel*, hoc est, nobiscum Deus, seu ut loquitur S. Paulus, *in terris visus est*, & cum hominibus conversatus est.

Proponuntur, ac solvuntur præcipuæ objectiones, quas hæretici obtrudunt.

Objiciunt primò, Christus ille, qui ex Virgine Maria natus est, idem est, qui vet. ribus SS. Patribus, ac Patriarchis fuerat promissus: at ille, qui fuerat promissus, non est verus Deus, sed tantum homo: igitur Christus non est verus Deus. Majorem admittunt omnes. Minorem probant hæretici variis Testamenti Veteris oraculis; maxime verò ex illis verbis Genesis 3. v. 15. ubi Christus dicitur *semen mulieris*, quæ contenter debebat caput serpentis, & cap. 12. ubi

Deus Abrahamo promittit, quod in ipso benedicentur universæ cognationes terræ, hoc est, in *eius semine*, ut explicat Apostolus ad Galat. 3. *Abraha*, inquit, *dixit sunt promissiones, & semini ejus, non dicitur seminibus, quasi in multis; sed quasi in uno, & semini tuo, qui est Christus*. Item ex Deuteronomio 18. ubi promittit Moyses Israelitico populo Messiam venturum his verbis: *Prophetam de gente tua, & de fratribus tuis, sicut me, suscitabit tibi Dominus Deus, ipsum audies, quem Prophetam esse Christum interpretati sunt Petrus, & Stephanus Act. 3. & 7.* imò ad eum locum videtur alluisse Christus cum dixit Joan. 5. *Si crederetis Moysi, crederetis & mihi, de menibus illis scripti*: ut notavit S. Cyprianus lib. contra Judæos cap. 18. At Moyses ibidem indicat illum futurum Prophetam, non esse Deum; tum quia dicit eum, sibi fore similem: tum quia subdit *ipsum audies, ut petisti à Domino Deo tuo in Horeb quando dixisti, ultra non audiam vocem Domini Dei mei*, &c. Similiter Psalmo 132. Deus promittit David: *De fructu ventris tui ponam super sedem tuam*: & similiter quoties Prophetæ sermonem faciunt de venturo Messia, non eum aliter, quam putum hominem, delineant: igitur, &c.

Respondet negando minorem, & ad ejus probationem dico, præfata oracula reverè quidem designare, quod venturus Messias deberet esse verus homo, non tamen negare, quod itidem etiam verus Deus censetur; non enim in promissionibus ubique stat integra descriptio personæ Messie, sed multa de officio ejus efferuntur, ex quibus tamen nihilominus illum esse verum Deum colligi potest, cum ea tribuantur illi, quæ ei, qui homo tantum esset, convenire non possunt, puta cum dicitur quod illius virtute, aut ipsius genitricis opera conterideat caput serpentis: quod per ipsum benedicendæ sint omnes gentes: quod regnare debeat in sæculum sæculi, &c. Quæ complentur liberationem ab ira Dei, & reconciliationem cum Deo, solutionem à peccato, & morte, & tyrannide Sathane: quæ omnia innitam efficaciam requirunt: nec subinde præstari possunt, neque expectari ab eo, qui duntaxat homo sit. *Addo, quod in quibusdam vaticiniis clariùs Messie persona describitur, & titulis quibusdam ornatur, quibus longè apertius indicatur, Messiam venturum Deum-hominem fore.* Sic Isaie 7. *Eccæ Virgo concipiet & pariet Filium, &*

vocabitur nomen ejus Emmanuel: neque enim dici potest *Emmanuel*, nisi illa persona, quæ nata est ex Virgine, Deus quoque sit: nam Deus per Moysen, & Prophetas locutus est, & miracula fecit; & tamen neque Moyses, neque Prophetæ dicti sunt *Emmanuel*: igitur oportuit eum, qui natus est ex Virgine, non solum esse verum hominem, sed & verum Deum.

Instant, Jesus Christus, qui natus est ex Virgine, fuit ab Angelo denuntiatus, & quis esset futurus: at Angelus illius natiuitatis Præco, non dicit illum esse Deum æternum, imò ait Filium Dei ideo esse vocandum, non quod ex divina essentia, & divino Patre; ante sæcula sit genitus, sed sic vocatum iri, quia virtute Altissimi è Spiritu sancto concipi, & ex Maria nasci deberet. Adde quod non ait, *vocatur*, sed *vocabitur Filius Dei*; igitur tunc non erat Dei Filius, cum hæc Angelus proferebat.

Deinde, Angelus Josephum dubitantem de partu Virginis non consolatur dicendo, quod qui clausus erat Virginis utero æternus esset Dei Patris Filius; quod sanè fuisset potissimum, & valde gratum in illa perturbatione solatium: ergo ipsum talem esse Angelus non censuit.

Denique, Evangelistæ accuratè describunt factam Annuntiationem Christi, ejus Conceptionem, Natiuitatem, Majoresque; neque prætereunt tempus, menses; quibus in utero gestatus; meminerunt etiam loci, in quo natus est, præsepis, in quod reclinatus, domus in qua educatus; narrant insuper, quæ seu puer, seu adultus gesserit, quæve ei acciderint, &c. at nullus eorum ne verbo quidem attigit illius Divinitatem, & æternam generationem de divino Patre: quod certe non tacuissent, si id verum esse existimassent: igitur Christus ille ex Maria Virgine natus, non est censendus æternus Dei Filius.

Nego has omnes consequentiæ; Et *ad primam rationem*, dico Angelum sufficienter designare illum, qui nasciturus erat ex Virgine, esse æternum Dei Filium, cum dixit, *Quod ex te nascetur Sanctum, vocabitur Filius Dei*; nec enim illa divinz filiationis attributio aliud significare potest, quam quod is qui nasciturus erat, verus esset Dei Filius, non solum ratione divinz naturæ, sed etiam divinz personæ, per quam assumpta humanitas ex Virgine nascitura subsistebat.

Nec refert, quod dixerit *vocabitur*, non autem *vocatur Filius Dei*; Filius enim Dei in carne manifestatus est suo tempore; qui tamen ab æterno fuit Unigenitus Filius Dei; & sic quem antea tantum Fideles Veteris Testamenti obscura cernebant in carne venturum, eum jam exhibitum palam, omnes Fideles Novi Testamenti Filium Dei esse prædicant.

Ad secundam probationem dico, quod, cum Josephus de conceptu hoc sanctissimo sollicitus fuerit, satis fuit ad ejus animum confirmandum indicare, quod Maria non concepisset ex adulterio, nec humano more, ac modo, neque ex ullo Viri congressu, sed ex Spiritu sancto, & virtute Altissimi, dicendo, *Quod in ea natum est, de Spiritu sancto est*.

Ad tertiam confirmationem dico, non valere consequentiæ hanc: Evangelistæ Christum hominem describunt: ergo nihil aliud de eo scribunt, quam hominem esse; eternitatem enim illius, & veram Deitatem Evangelistæ, & Apostoli prædicabant ut ex eorum oraculis supra probatum est: Igitur si hæretici amplectantur illa loca Scripture, quibus vera humana natura in Christo Salvatore probatur, etiam alia quæ illum Deum dicunt, & divinam gloriam, divinumque cultum ei attribuant, reverenter accipere, & amplecti debent.

Urgent: Si essent duæ in Christo naturæ divina, & humana, debuissent Evangelistæ apertissimè illas declarare, alioqui omisissent fundamentum Fidei, & Deum, Deique Filium contumelia affecissent; & omnium contentio in Ecclesia causæ fuissent: sed nullibi duas in Christo naturas aperte fatentur: ergo non sunt duæ in Christo naturæ.

Nego minorem: Nullus namque Evangelistarum est, qui non referat divina illa oracula, & miranda opera, quibus Christus testatus est suam Divinitatem: igitur Evangelistæ, & Apostoli non omiserunt Fidei fundamentum. Neque ipsi discordiarum auctores sunt, sed homines ambitiosi, turbulentæ, & qui simplicitate Apostolicæ doctrinæ contenti non sunt, dissidiorum causa semper fuerunt, & hodie quoque sunt. Fateor doctrinam de Christo Servatore Deo simul & homine, Deo hominisque Filio, ab ipsa Apostolorum ætate multos adversarios habuisse, quorum alii Christum Deum, alii hominem esse negarunt, multi etiam, ut, vel utrumque, vel alterutrum tolle-

rent, naturas impiè confunderent: non tamen ideò conficitur, dogma ipsum falsum esse.

Obijciunt secundò: Qui Mediator hominum est apud Deum Israelis, non est ipse Deus Israelis: sed Christus ex Virgine natus, est Mediator apud Deum Israelis; ergo non est ipse Deus Israelis. Major probatur ex absurdis, quæ consequuntur, si dicamus, Deum Israelis esse Mediatorem apud Deum: *Primò* enim, Deus statueretur seipso inferior. *Deinde*, Deus orabit seipsum. *Tertiò*, pars offensa erit mediatrix apud seipsam.

Nego maiorem, & ad primum absurdum, dico non consequi Deum seipso inferiorem esse, eò quòd sit Mediator: nam Mediator ratione officii, inferior est, apud quem intercedit: sed non est inferior natura, cum apud homines sapè æqualis, apud æquales pro aliis intercessor fiat: ita Filius qui est unus Deus cum Patre, & in forma Dei æqualis Deo, seipsum exinanivit formam servi accipiens, & ad officium Mediatoris sese dimisit, absque ulla naturæ, potentie, Majestatis, & Deitatis suæ diminutione.

Ad secundum dico, Filium, ut Mediator est, orare Deum maxime, ut consideratur secundum naturam humanam; nam preces, & subiectio, ad humanam naturam spectant; & efficacia autem horum à natura divina profluit, cum qua humana natura in unam personam conjuncta est.

Ad tertium respondeo, absurdum quidem esse, ut pars offensa sit mediatrix ubi una tantum persona est offensis partis: at ubi plures personæ sunt, non est inconueniens unam ex illis communi decreto se ad pacificationem, & satisfactionem offerre: sic autem actum est inter Deum, & homines per ipsum Dei Filium, nec aliter certè fieri debuit, aut potuit; quis enim præter hunc Mediatorem à parte offensa missum, vel hominum vel Angelorum prodire, & apud Deum intercedere potuisset? Certè nisi pars offensa munus Mediatoris suscepisset, nusquam in gratiam cum Deo requisivimus.

His adde, quæ diximus de satisfactione Christi, quòd nempe potuerit etiam sibi ipsi, ut offenso facere satis.

Obijciunt tertio, is solus est unus verus Deus, quem Christus agnovit, & invocavit, invocandumque docuit pro vero Deo;

at Christus solum Patrem agnovit, invocandumque docuit, Math. 11. Iuc. 11. Joann. 17. Ergo solus Pater est verus Deus.

Distinguo minorem: Christus, ut mediator secundum humanam naturam Deum Patrem invocavit, nobis quoque ordinatiam precandi formulam tradidit, qua Patrem invocemus, concedo: ut Verbum divinum, & secundum naturam divinam, Patrem invocavimus, nego.

Adde, quòd Christus ipse se hoc honore non spoliavit, quominus ipsum quoque cum Patre invocemus; sunt enim aperta loca Scripturæ, in quibus Christus se à nobis invocandum pteponit. Sic Joannis 5: *Pater non iudicat quemquam, sed omne iudicium dedit filio, ut omnes honorificent Filium, sicut honorificant Patrem.* Et Joann. 14. *Quodcumque petieritis Patrem in nomine meo, hoc faciam, ut glorificetur Pater in Filio:* Vult ergo se cum Patre invocari. Præterea cum Apostoli verbo, & exemplo suo Christum invocare doceant, an non Christus, cujus spiritu illi locuti sunt, sibi invocationem vendicat? Adde quòd cum op. ra Trinitatis ad extra indivisa sint, inde fit quòd nomine *Patris* quem in formula orationis à Christo traditè invocamus, tres simul personæ comprehenduntur.

Instans: Si appellatione Dei Christus quoque seipsum intelligeret, etiam includeret se, mentione Dei facta: sed non includit se dum de Deo loquitur; verum discretè de se sermonem facit, & Patrem appellat solum verum Deum; se autem ejus legatum Joannis 3. nu. 16. dicens: *Sic Deus dilexit mundum, ut Filium suum Unigenitum daret, &c.* Et cap. 17. *Hæc est autem vita æterna, ut cognoscant te solum verum Deum, & quem misisti Jeum Christum.* Et Joann. 14. *Credidit in Deum, & in me credite:* Igitur, cum se non jungat in societatem nominis Dei, sequitur nomen Dei absolute positum, solum Patrem significare.

Respondeo, nomen Dei bifariam in Scripturis accipi, nempe, vel essentialiter, vel hypostaticè: seu vel quatenus significat essentiam communem tribus personis, vel quatenus significat aliquam ex divinis personis, quæ reverà Deus est. Unde ad minorem dico, quòd quoties nomen Dei ponitur relative, & hypostaticè ad significandam personam Patris, merito Christus discernit se à Deo, hoc est à Patre, quippe est alia persona à Patre: non autem se discernit à Deo,

Deo,

Deo, quatenus Dei nomen absolute, & essentialiter sumitur. Vel aliter distinguo: Christus quatenus Mediator Dei, & hominum, se discernit à Deo, concedo: quatenus Dei Filius est, nego. Concludendum igitur cum sancto Ambrosio, lib. 3. de Fide c.2. *Ergo cum legis Deum, non separet Patrem, non separet Filium, quia divinitas Patris, & Filius una eademque est; & ideo, nec ibi separet, ubi legis quod, beatus, & solus potens; de eo enim dictum est, sicut habemus, præcipio tibi coram Deo, qui vivificat omnia: sed etiam Christus vivificat: convenit ergo Filio, & Patri Dei nomen, quando convenit, & operationis effectus.*

Urgent. Eatenus Christo Dei nomen tribuitur, quatenus quid unum cum Patre censetur, sed non est quid unum cum Patre ratione naturæ, sed duntaxat ratione consensus, & affectus: igitur, &c. Probatur minor ex Joannis cap.17. ubi Christus Patrem precat, ut discipuli omnes invicem unum sint, sicut & nos unum sumus: fideles autem non essentia unitate, sed animorum, & voluntatum consensu, & bonorum communicatione tantum sunt unum inter se: ergo Christus non essentia unitate, sed consensu, & bonorum communicatione, unum est cum Patre.

Nego minorem. Quanquam enim ibi Christus forte sermonem faciat de concordia, & proprietatum similitudine, non tamen ibi asserit nullam præterea aliam arctiorem conjunctionem, sive unitatem esse sui cum Patre, quam sit inter homines; alioqui secum ipse pugnaret: docet enim alibi, se esse Dei Filium ex Patre genitum, æqualem Patri, & eundem, qui Pater, Deum esse. Unde consequitur propter æqualitatem, & unitatem essentia, Patrem, & Filium eandem concordissimam habere voluntatem, ut jam pluries probatum est.

Obijciunt iterum. Ex attributione nominis Dei, & divinx generationis, non potest colligi Christum esse verum Deum, eandemque cum Patre habere naturam: igitur, &c. Probatur antecedens: Illis omnibus scripturæ textibus, quibus Dei nomen creaturis tribuitur, ut observavimus in tertio notabili, similiter divina generatio, & filio tribuitur creaturis; nam Isaiæ 1. de Judæis scribitur, *Filios enutrivit, & exaltavi; ipsi autem sperverunt me.* Joannis 1. *Quotquot autem eum receperunt, dedit eis potestatem Filios Dei fieri.* Et Joan. 3. *Omnes qui na-*

Fraßen Theol. Tom. VII.

tus est ex Deo peccatum non facit, quoniam semen ipsius in eo manet: igitur, &c.

Nego antecedens: Nam, ut supra dictum est, aliter tribuitur Dei nomen Christo D. quam creaturis, ipsi namque convenit propter identitatem essentia cum Patre; creaturis verò duntaxat, propter vel usurpationem, vel imitationem, vel representationem, vel delegationem.

Adde, quod non solum Dei nomen aliquod tribuitur Christo, sed illa maxime ei tribuuntur nomina, quæ verum Deum significant, ut *Jehovah, Tetragrammaton.* Similiter alia ratione Christus dicitur *Filius*, quam ceteri filii Dei; siquidem homines dicuntur *filii Dei* vel propter formationem, vel propter singularem Dei erga illos protectionem, & assistum, vel propter adoptionem, quæ fit per gratiam sanctificantem; quare eredentes nati sunt ex Deo per adoptionem, & gratiam, & in se habent semen divini Spiritus, & participes sunt divinx naturæ per donorum largitionem, & operationem spiritus inhabitantis: sed Christus natura est Filius Dei; & ipsa Deitas, absque initio temporis per æternam generationem, ipsi communicata est tota, & indivisum, unde ipse non tantum dicitur Filius Dei, sed etiam Deus ipse.

Urgent. Quamquam nomen *Jehovah*, & aliud simile tribuatur Christo, ex eo tamen inferri non potest Christum reverà esse unum Deum cum Patre: igitur, &c. Probant antecedens: nam nomen hoc *Jehovah* tribuitur urbi Jerosolymæ, Ezechielis ultimo: & Moyses, cum aram construxisset Exodi 17. eam appellavit *Jehovah*, similiter Judicum, 7. Angelus nomen *Jehovah* sibi vindicavit.

Nego antecedens, & ad ejus probationem dico, nomen *Jehovah* illis rebus attribui, non absolute, sed tantum respectivè ad Deum; sic enim altare à Moysè extructum est, quod *Jehovah* sit exaltatio Moysis; legimus enim in Vulgata, *Edificavi Moysen altare, & vocavi nomen ejus, Dominus exaltatio mea;* Similiter civitati Jerosolymitanæ tribuitur nomen *Jehovah*, eo quod peculiari protectione, ac residentia Dei gauderet; legimus enim *nomen civitatis ex illa die, Dominus ibidem.* Quantum autem spectat ad Angelum, dico quod non tantum Judicum 6. sed etiam Genesis 32. & alibi sæpè *Jehovah* nominatur: at volunt aliqui Theologi hunc Angelum, qui *Jehovah* nominatur,

p 3 non

non fuisse creatum Angelum, sed ipsum Dei Filium, qui tunc hominibus in sensibili specie se videndum præbatur; ut plurimi Patres docent cum Tertulliano; quod utique confirmare posset, ex eo quod illi Viri sanctissimi, quibus Jehovah illi apparebat, soli vero Deo cultum debitum ei obulerint, ut *sacrificia*. Judicum 3. *preces* Genes. 48. *Templum* Malach. 3. & Patres Angelo hoc viso Genes. 32. & Judicum 3. dixerunt se *vidisse Deum facie ad faciem*, Oseas quoque Angelum, qui cum Jacobo luctatus est, & de nomine interrogatus, illud *admirabile* esse respondit, Jehovah fuisse testatur. Ex quibus colligi potest illum Angelum, qui *Jehovæ* nomen sibi vindicabat, fuisse illum *magni consilii Angelum*, nempe Christum, qui etiam nondum incarnatus tum fuit, tamen nihilominus mediatoris officio fungi cœpit, & figuram officii sui proposuit, ut familiarius ad fideles accederet.

Verius tamen dicendum arbitror, eum reverà fuisse Angelum creatum qui sanctis Patribus apparuit: nam ait S. Paulus ad Hebræos 1. *Multifariam multisque modis olim Deus loquens Patribus*: at, *novissimè nobis locutus est in Filio*, quod certè minus verum appareret si Filius ipse etiam antiquis Patribus fuisset locutus: igitur, qui tunc loquebatur, reverà erat Angelus creatus: at quoniam Dei mandata ac legationem implebat, etiam & Dei nomine, ac vice loquebatur.

QUÆSTIO SECUNDA.

Utrum Christus in quantum homo, sit Filius Dei adoptivus, aut naturalis.

Convenit omnes Catholici Christum Deo quatenus æterni Patris Verbum, esse quoque verum consubstantialiorem ejus Filium; ita namque non solum apertis Scripturæ textibus declaratur, sed etiam sacris in Oecumenicis Conciliis definitur contra Arianos, Sabellianos, & alios hæreticos. Constat pariter, quod saltem ratione suppositi divini, quo Christi humanitas subsistebat, in concreto Christus dici possit Filius Dei naturalis, ut patet ex Symbolo Apostolorum, in quo credimus in Christum Filium ejus unicum Dominum nostrum, qui conceptus est de Spiritu sancto, natus ex Maria Virgine. Et ex Symbolo sancti Athanasii: *Essi ergo fides recta, ut credamus, & confiteamur, quia Dominus noster Jesus Christus Dei Fi-*

lius, Deus, & homo est. Et passim hæc veritas in Scripturis sacris exaratur: sic Joannis 1. *Verbum caro factum est, & habitavit in nobis, & vidimus gloriam ejus, gloriam quasi Unigeniti à Patre, &c.*

Unde solum difficultas est, utrum Christus consideratus in quantum homo, appellari possit, & reverà sit Filius Dei adoptivus: homo namque filiationis Dei adoptivæ capax est, ut sacer textus plerumque indicat: sic ad Romanos 8. *Acceptistis spiritum adoptionis, in quo clamamus Abba Pater*. Et ad Galat. 4. *Ut adoptionem filiorum recipremus: quoniam autem estis filii, &c.* Et ad Ephes. 1. *In adoptionem filiorum per Jesum Christum in ipsum*. Quæ ut evidentiis appareant,

Notandum primò ex doctore in 3. distinct. 10. nu. 2. quod *adoptionis* nomen deductum sit à jurisperitis, ad scholas Theologicas, ad declarandam illam configurationem, qua Deus per gratiam sanctificantem, & superinfusam charitatem aliquos homines peculiariter seligit, & destinat ad æternam hæreditatem, tanquam filios proprios, & adoptivos: adoptivus enim filius ille dicitur, ait Doctor, *qui non naturaliter genitus ab aliquo, nec ex generatione naturali habet jus succedendi ei in hæreditate, & bonis illius, sed illud jus obtinet ex gratia, & pura liberalitate adoptantis*; qua ratione filia Pharaonis Moysen adoptavit in filium Genes. 2. ratione cujus adoptionis Moyses jushabebat ad thronum, & sceptrum Ægypti, ut indicat sanctus Paulus ad Heb. cap. 11. dicens. *Fide Moyses grandis factus negavit se esse filium filie Pharaonis, magis eligens affligi cum populo Dei, quam temporalis peccati habere jucunditatem, majores divitias aestimans thesauro Ægyptiorum, improprium Christi*. Pari ratione Deus dicitur aliquos homines adoptare, quando eos acceptat ad hæreditatem vitæ æternæ, qui ex sua natura non exigenter illam hæreditatem ipsi communicari. Unde adoptio divina est *acceptatio, qua Deus homines sibi gratos acceptat ad possessionem vitæ æternæ per modum hæreditatis*; quæ adoptionis descriptio quadrat illi, quam tradit Concilium Francofordiense circa finem, ubi ait: *Quid est adoptio nisi charitatis copulatio, qua pater adoptione sibi copulat filium, quem proprium non habet*? Quam utique descriptionem confirmat liber sacro-syllabus in eodem Concilio probatus, in quo dicitur: *Porrò adoptivus dici non potest, nisi ille, qui*

elic.

alienus est ab eo, à quo dicitur adoptatus. Et gratus ei adoptio tribuitur, quoniam non ex debito, sed ex indulgentia tantummodo adoptio praestatur.

*Notandum secundò, quòd etsi divina adoptio cum humana in aliquibus quadret, in pluribus tamen ab ea discrepat: Primò quidem, quia humana adoptio fit solum in supplementum sterilitatis, & infecunditatis; quippe idcirco adoptans sibi alterum in filium seligit, & adsciscit, quòd cupiat habere aliquem heredem loco filii, quem natura ipsi denegat: Deus autem licet habeat filium naturalem in omnibus sibi equalem, nihilominus propter eximiam suam charitatem, dignatur nos in filios suos conscribere, & ad hereditatem proprio naturali filio debitam destinare: nam, inquit Apostolus ad Romanos 8. *Si autem filii, & heredes; Heredes quidem Dei: coheredes autem Christi.**

Secundum discrimen inter utramque adoptionem, divinam, & humanam, est, quòd ille, qui adoptat, nullo modò est principium, aut causa naturæ adoptati; imò inter homines introducta fuit adoptio, ut esset solatium sterilitatis, & defectus naturæ aliquo modo suppleretur: at verò Deus ita nos adoptat in filios, ut etiam sit principium secundum esse naturæ: tametsi ab eo eramus alieni, quantum ad donum gratiæ, & iustitiæ; quare, cum Deus aliquem adoptat, dicitur adoptare eum, qui aliàs suus erat per creationem; non tamen per gratiam sanctitatis, & communicans ei gratiam sanctificantem, peculiari quadam ratione dicitur eum facere suum: Quod præclare explicat S. Augustinus lib. 1. de sermone Domini in monte cap. 46. dicens. *Adoptamur in regnum Dei, non tanquam alieni, sed tanquam ab illo facti, & creati, hoc est conditi, ut unum beneficium sit, quo nos fecit esse per omnipotentiam suam: alterum, quo adoptavit, ut cum eo tanquam filii vitæ æternæ pro nostra participatione frueremur.* Cum enim ex solo beneficio creationis non haberemus jus ad vitam æternam, & beatitudinem, quæ est hæreditas Dei, quam Filiis præparavit, ex illo solo non eramus filii adoptivi: sed id obtinemus per justificationem, qua Dei Filii, & ejus hæreses instituimur.

Tertium discrimen inter adoptionem divinam, & humanam, est, quòd ratione humanæ adoptionis, adoptatus non succedit in hæreditate paternam, vivente adhuc patre, sed eo mortuo: in divina verò secus

accidit; nam adoptatus jure filiationis semper vivente Deo, potitur ejus hæreditate, & beatitudine. Cujus discriminis ratio est non solum, quia Deus est immortalis; homo verò mortì obnoxius; sed maximè id provenit, quia homo adoptans cum suis ipse bonis indigeat, neque ea communicare posset adoptato sine sui damno, idè illa non tradidit adoptato, dum agit in vivis; cum autem Deus sit ipsa hæreditas filiorum, quos adoptat, vivens seipsum illis communicat per visionem, & amorem, absque ullo sui detrimento.

Quartum discrimen assignat Doctor, quòd homo adoptat per novum velle, & absque positione ullius entitatis realis in adoptato; Deus verò adoptat sine ullo velle realiter distincto, sed per communicationem entitatis alicujus realis, nempe gratiæ sanctificantis, qua adoptatus formaliter constituitur in ratione adoptati; unde velle divinum non dicitur adoptatio propriè loquendo: sed potius ipsa gratia communicata, velle autem humanum est ipsa adoptatio.

Notandum tertio ex Doctor *ibidem*, ad adoptionem tres condiciones desiderari. *Prima* est, quòd talis adoptio sit gratuita; ita quòd adoptans non necessitetur, nec astringatur ulla lege ad aliquem in filium suum, & heredem adoptandum. *Secunda*, quòd in adoptione interveniat mutus consensus adoptantis, & adoptati; si ille, qui adoptatur in filium, sit sui juris: si verò sit sub tutela paternam, aut sui actoris, necessum est, ut interveniat ipsius patris, aut actoris consensus, ut eivetur lege in adoptionibus, &c. *Tertia* tandem, quòd persona, quæ adoptatur, sit extranea, hoc est, quòd non habeat ex natura sua jus ad illam hæreditatem, ad quam adoptatur; quæ tres condiciones etiam desiderantur in adoptione divina; *Primò* namque, illa sit gratuita, quippe ex sola charitate, & pura misericordia dat nobis æternus Pater gratiam sanctificantem, qua Filii Dei nominamur, & sumus. *Secundò*, justificatio adultorum, qui sunt sui juris, sit cum proprio eorum consensu; justificatio verò parvulorum, qui sunt sub cura, & tutela Ecclesiæ, sit mediante ipsius Ecclesiæ ministerio. *Tertio* tandem, adoptatus à Deo ad æternam beatitudinem, est extraneus. Atamen illa extraneitas, ut observat Doctor *numer. 3.* non ita intelligenda est, quasi debeat peccatum præcedere gratiam justificationis, aliàs Virgo

Deipara non potuisset censerī Filia Dei adoptiva, quia nunquam contraxit peccatum ante gratiam; nec pariter Adamus potuisset dici filius adoptivus tempore suæ innocentiae, nec denique Angeli fuissent Filii Dei adoptivi, quia semper fuerunt Innocentes. Restat ergo, ut talis extraneitas consistat in carentia juris naturalis ad hereditatem, & bona adoptati.

His ita præmissis, difficultas superest determinanda, utrum Christus in *quantum homo*, sit, & dici possit Filius Dei adoptivus. Circa ejus resolutionem triplex est sententia. *Prima* quidem eorum, qui exsistimant Christum, in quantum homo est, non posse dici filium adoptivum, sive attendatur ejus persona, sive spectetur ejus natura. Ita *Suares* disputatione 49. & *Vasquez* disputatione 89. qui contendit oppositam sententiam esse damnatam, ut hæreticam in Concilio Francofordiensi contra Felicem, & Elipandum, sed ut apprimè notat Cavellus noster in *Schol.* 3. ad præfatam quæstionem Doctoris, non benedidit Vasquez à S. Paulo illud, *Modestia vestra nota sit omnibus hominibus*. *Secunda* sententia est, quod licet absolute, & simpliciter Christus non sit dicendus Filius adoptivus Dei; tamen talis dici possit cum hac reduplicacione, quatenus homo: quam utique sententiam docuit Durandus in 3. dist. 4. qu. 1. cui ex parte subscribere videtur Doctor loco supra laudato, ubi ait: *Quod, qui diceret filiationem esse præciisè suppositi, non secundum naturam, posset faciliter dicere Christum non esse Filium adoptivum, quia ista relatio non convenit suppositis secundum se: sed dicendo filiationem fundari in natura simili naturæ generantis naturaliter, filio adoptiva fundabitur in natura, quæ est similis creati, ut imago ejus similitudine naturali, & etiam similitudine gratiæ, quia ipsa, ut natura intellectualis, potest attingere ad hereditatem adoptantis*. Cum autem distinctione 8. præcedenti loquendo de filiatione naturali numero 10. dixerit, quod non sumitur in creatis à natura, sed à persona, ideo colligunt aliqui ipsum magis propendere in affirmantem sententiam, quam in negantem. *Tertia* tandem sententia est eorum, qui contendunt, Christum Dominum, ut hominem, nec adoptivum, nec naturalem filium dicendum. Ita Lugo disputatione 31. & Faber disp. 23. Nos verò censemus quæstionem non esse absolute determinandam, sed dum-

taxat cum distinctione, & modificatione. Unde sit

CONCLUSIO PRIMA.

Christus, ut homo, non est absolute dicendus Filius Dei adoptivus. Hæc est communior, & probatur illis omnibus Scripturæ, & SS. Patrum auctoritatibus, quibus Adrianus Pontifex, & Patres Concilii Francofordiensi impugnaverunt pessimam assertionem Elipandi Archiepiscopi Toletani, & Felicis Episcopi Urgelitani. Præcipua autem sunt ea, quibus Christus Dominus sæpe numero coram hominibus loquens de Patre Deo, nunquam eum unā nobis communi nomine interpellat, non enim dicit Pater noster, sed Pater meus; Et ascendit (inquit Joan. 20.) ad Patrem meum, & Patrem vestrum. Non dixit, inquit Adrianus, Patrem nostrum, sed Patrem meum, natura videlicet, & Patrem vestrum, beneficio, & gratia. Quamvis autem locus à negatione parum roboris plerumque habeat; hic tamen non parvi momenti est, cum enim toties Christus Filius Dei dicatur, cur semel, & iterum non diceretur adoptatus, si reverā talis esset? Unde rectè S. Augustinus lib. contra Secundinum Manicheum cap. 3. ait. *Lege, inquit, Scripturas, nunquam invenies de Christo dictum, quod adoptione sit Filius*: Quapropter Concilium Francofordiense, in Epistola ad Episcopos Hispaniæ, post quoddam S. Hilarii testimonium ait: *Tu verò quisquis es, qui Christum prædicas adoptivum, unde iste tibi sensus venisset, voluisses scire: Patriarche nescierunt, Tractatores hoc nomen tacuerunt, Doctores fidei nostre non docuerunt*.

Probat secundò Adrianus ex illo ad Romanos 8. *Qui proprio filio suo non pepercit, sed pro nobis omnibus tradidit illum*: nam si proprium appellat, quomodo erit adoptivus? hæc autem referenda esse ad Christum secundum quod homo est, colligit Adrianus. *Quia, inquit, non est traditus secundum Divinitatem, sed secundum id, quod homo erat; illum nimirum, qui traditus est, hominem, ipsum Apostolus proprium Dei Filium protestatur*. Confirmatur auctoritate S. Hilarii 6. de Trinit. ubi expendens ea verba Apostoli ait: *Numquid etiam nunc adoptionis in eo erit nuncupatio, in quo proprietatis est nomen?*

Probatur secundò auctoritate SS. Patrum à ma-

maximè verò S. Augustini tract. 2. in cap. 1. Joannis, ad illa verba. *Quotquot autem cum receperunt, dedit eis potestatem Filios Dei fieri, ubi ait. Non enim nos nati sumus de Deo, quomodo ille Unigenitus, sed adoptati per gratiam ipsius; ille enim venit Unigenitus, ut solveret peccata; quibus peccatis implicamur, ne non adoptaret nos propter impedimentum eorum.* Loquitur autem S. Augustinus de Christo quatenus homo est; nam secundum humanitatem solum habuit fratres adoptatos. Unde sic arguit Adrianus, *quomodo per illius gratiam nos sumus adoptati, si ipse confers nobis in adoptionis gratia fuit? nam sicut peccatum non tolleretur, si ipse peccatum haberet, ita adoptionis gratiam non tribueret, si ipse propter hominem, quem assumpsit sine sorte peccati, necessarium haberet, ut gratiam adoptionis acciperet.*

Secundo profert testimonium S. Gregorii Magni lib. 1. Moralium cap. 6. ubi Christo applicans illa verba: *Erat ille vir magnus inter omnes orientales, ait, Omnes homines tantummodo homines sunt; ipse autem oriens Deus, & homo res dicitur: omnes, qui in fide Deo nascuntur, superat, quia non ut ceteros adoptio, sed natura illum divinitatis exaltat.* Idem penè habet S. Isidorus lib. de doctrina, & fide Ecclesiasticorum dogmatum cap. 2. cujus verba sunt; *Dei filius hominis factus est filius, natus secundum veritatem naturæ ex homine hominis filius, ut veritas Unigeniti, non adoptione, nec appellatione, sed in utraque naturæ filii nomen nascendo haberet, ut esset verus Deus, & verus homo unus filius.*

Probat Doctor eandem veritatem hac ratione. Ut aliquis adoptetur, necesse est, quod sit extraneus ad id, ad quod adoptatur; itaut illius generationem non comitetur aliquid tamquam dispositio conferens jus ad hæreditatem: sed Christus in eodem temporis momento, quo conceptus est, habuit gratiam habitualement, quæ conferbat jus ad hæreditatem: ergo Christus etiam secundum humanitatem non fuit adoptatus: Major patet ex 3. notabili. Minor probatur; nam in primo conceptionis momento, Christi humanitas fuit unita Verbo, & sic exigebat gratiam sanctificantem.

Repones forsitan cum eodem Doctore, quod illa gratia, quæ comitabatur generationem Christi, non fuerit concessa in priori instanti, aut signo naturæ, sed in

posteriori; & sic in priori illo signo natura humana, secundum se spectata, erat extranea, nec habebat jus ad hæreditatem: ergo ut sic poterat adoptari.

Verum, quamvis huic objectioni non respondeat Doctor, sed solum dicat *responsionem quære*; tamen dico, hæc non sufficere, ut Christus simpliciter, quatenus homo, dicatur Filius Dei adoptivus; quia quantumvis Christus habuerit tantum in secundo instanti naturæ jus ad hæreditatem, nihilominus in primo instanti habuit dispositionem necessitantem, saltem de congruo, ad illud jus, quæ utriusque dispositio, non alia fuit, quàm exigentia suppositi divini, cum proprio supposito careret.

Adde quod illa prioritas naturæ, quæ prius concipitur natura humana existens, quàm assumpta à Verbo, non sufficit ad illam rationem extranei requisitam ex parte adoptandi; nam extraneitas est aliquid extrinsecum præsupponens naturam completam secundum omnes suos modos intrinsecos, & consequenter natura prius concipi debet, ut completa secundum subsistentiam, quàm dici possit extranea, vel non extranea. Igitur cum in illo priori naturæ non concipitur natura humana Christi affecta personalitate, nec consequenter intrinsecè perfecta, non potest censeri extranea ad hæreditatem, quippe cum in illo signo nondum concipiatur hæreditatis capax, sed tantum in secundo instanti naturæ, in quo concipitur habere subsistentiam Verbi, & esse intrinsecè completa: ut sic autem considerata natura, non erat extranea, quia suppositum Verbi, quo sustentabatur, ex congruitate exigebat gratiam sanctificantem, quæ conferebat jus ad hæreditatem.

Probatur secundo. Si Christus esset Filius adoptivus in quantum homo, etiam simpliciter dici posset Filius adoptivus; quæ enim conveniunt Christo in quantum homo est, de ipso possunt simpliciter affirmari, nec ullatenus negari debent: nam dicitur simpliciter de ipso, quod passus sit famem, sitim, & similia, quæ non competeant ipsi, nisi in quantum est homo, seu ratione humanitatis; ergo cum falsum sit Christum simpliciter esse filium adoptivum, verum esse non potest, quod sit filius adoptivus etiam in quantum homo.

Denique maximè cavenda est illa loquendi formula, eaque attributio à Christo eliminanda est, quæ hæresim sapit, aut scilicet

tem hæreticorum loquendi modum imitatur: at Christum appellare filium adoptivum, etiam quatenus hominem, sapit hæresim Nestorianam, quæ absolute pronuntiabat Christum esse Filium Dei dumtaxat adoptivum: igitur simpliciter talis non est dicendus.

Obijciens primò varias SS. Patrum auctoritates, quibus significari videtur Christum esse Filium Dei adoptivum; nam Irenæus lib. 1. adversus hæreses cap. 21. ita disertè pronuntiat: *Propter hoc enim Verbum Dei homo, & qui Filius Dei, filius hominis factus est, Mixtus homo Verbo Dei, ut adoptionem percipiens, fiat Filius Dei.* Et Marius Victorinus lib. 1. contra Candidum Ariannum sic habet, *Nos adoptione filii, ille natura, etiam & adoptione quadam filius, & Christus, sed secundum carnem.* Et Hilarius 2. de Trinitate post medium ait. *Potestatis Divinitas non amittitur, dum carnis humilitas adoptatur, scilicet in Christo.* Ex quibus saltem colligitur humanitatem Christi fuisse adoptatam.

Respondeo sanctos Patres improprie adoptionem usurpare, non verò secundum strictam illius significationem, quippe Irenæus, & Victorinus ipsam substantialem unionem humanitatis cum Verbo, ipsius humanitatis adoptionem appellant. At si Christus esset Filius adoptivus, illius adoptio non esset præcisè petenda ex unione hypostatica: siquidem illa per se non confert rationem divinæ Filiationis, tum quia ut probatum est, Verbum potuit assumere quamlibet naturam non rationalem, in hac autem hypothesi non posset natura irrationalis assumpta dici Filia Dei; tum quia unio cum persona, quæ est filius naturalis, magis conferre censetur filiationem naturalem, quam adoptivam. *Ad S. Hilarium* dico lectionem illam videri mendosam; nam quamvis in aliquibus codicibus sit illud, *adoptatur:* in aliis tamen legitur, *adoratur,* in quo facile potuit incuria scriptorum error irrepere. Cui responsioni suffragatur ipsemet Hilarius, nam verba faciens de Christi Nativitate, secundum carnem, ait: *Aliud intelligitur, aliud videtur, aliud oculis, aliud animo conspicitur: parit virgo, partus à Deo est: infans vagit, laudantes Angeli audiunt; panni sordent, Deus adoratur: ita potestatis dignitas non amittitur, dum carnis humilitas adoratur; ubi particula dum, vim habet causalis, perinde ac*

particula *siquidem:* reddit ergo optime causam, cur dignitas potestatis non amittatur per humilitatem partus, & vagitus, dicens, *dum carnis humilitas adoratur.*

Obijciens secundò varios Scripturæ textus, quibus Christus prædicatur inferiori Patre, sic Joannis 14. *Pater major me est:* sed non est inferiori Patre ratione filiationis naturalis, quippe per eam ipsi est æqualis: igitur debet ipso censi inferiori ratione filiationis adoptivæ. *Deinde* ad Romanos 8. Christus dicitur coheres noster: *Si filii, & heredes: heredes quidem Dei, coheredes autem Christi:* sed non est coheres noster secundum naturam, & filiationem divinam: ergo secundum humanam. *Denique* eodem cap. 11. v. 19. Christus dicitur *primogenitus in multis fratribus,* id est, in omnibus filiis prædestinatis: ergo Christus est primus in omnibus filiis adoptivis ratione gratiæ, & gloriæ, & consequenter revera est filius adoptivus.

Respondeo ex his, & similibus Scripturæ textibus, nihil contra nostram assertionem inferri. Non quidem ex primo, nam cum illa verba objecisset Elipandus, *Pater major me est,* Patres Concilii Francofordiensis responderunt, illa non fuisse à Christo dicta, propter adoptionem, sed propter formam servi, quam Christus, ut homo habuit, nam, ut inquit, *Deus & homo erat, qui secundum Deum dicebat, Ego & Pater unum sumus, & secundum hominem, Pater major me est:* igitur illa inferioritas non est refundenda in rationem adoptionis, sed in assumptionem humanitatis.

Ad alios contextus dico, Christum non appellari *vostrum coheredem, & confratrem,* quod sicut nos sit filius adoptivus, sed quia, ut Filius Dei naturalis, eundem habet Patrem, quem nos filii Dei adoptivi agnoscimus: & jus habet ad eandem hæreditatem, at multò præstantius, quam nos; quippe jus illius fundatur in sua filiatione naturali: nostrum verò in gratuita adoptione, quæ responso patet à simili: si quis enim hominum, v. gr. filium à se genitum habens, nihilominus alios adoptaret ex consensu, & voluntate ipsius filii: quamvis ille filius esset naturalis, nihilominus dici posset primogenitus inter fratres adoptivos, quia illorum adoptio facta esset dumtaxat ex ejus beneplacito, & nutu, & prius habebat jus ad hæreditatem, quam illi, quorum est coheres: idem autem di-

ei potest de Christo Filio Dei naturali, cuius beneficio in Dei Filios adoptivos suum consignati.

Objicies tertio, Christus *prædestinatus* est Filius Dei, ad Romanos 1. sed prædestinatio est adoptio; ergo Christus est Filius Dei adoptivus: nam prædestinare est ad hæreditatem adoptare: igitur reverà Christus est Filius Dei adoptivus.

Nego minorem, plura enim requiruntur ad adoptionem, quam ad prædestinationem, nam ad adoptionem requiritur, quod adoptatus sit extraneus, ad prædestinationem verò solum desideratur, quod aliquis eligatur ad gloriam, sive interim ille sit extraneus, sive non. Ad probationem dico, quod prædestinare est adoptare, quando natura prædestinati habet extraneitatem sufficientem ad adoptionem, concedo: quando verò non habet, nego: Christus autem non habet extraneitatem sufficientem ad adoptionem; quippe cum jus ad hæreditatem in ejus naturali filiatione fundetur; igitur neganda est consequentia.

Objicies quarto, omnis humanæ naturæ dignitas est tribuenda Christo: sed dignitas est in homine, quod sit Filius Dei adoptivus, quia non convenit alicui naturæ non intellectuali: ergo illa Christo est tribuenda.

Distinguo majorem, similiter & minorem. Dignitas est esse filium adoptivum: dignitas, inquam, arguens aliquam imperfectionem, concedo: dignitas est sine imperfectione, nego; minis enim dignum, ac gloriosum est, esse filium adoptivum, quam naturalem. Igitur neganda est consequentia. Non enim omnis dignitas arguens imperfectionem, debet admitti in Christo: sed solum illa, quæ arguit imperfectionem necessariò consequentem ad naturam humanam: dignitas autem adoptionis supponit extraneitatem, quæ est imperfectio non necessariò consequens naturam humanam: igitur illa non debet in Christo admitti.

Objicies quinto, etenim Christus est Filius Dei naturalis, quatenus est genitus à Deo Patre: at non est genitus à Deo Patre quatenus homo: ergo ut sic est Filius Dei adoptivus, non autem naturalis.

Respondent aliqui cum Vasquesio cap. 12. & 13. negando minorem: quia, inquit, natura humana Christi subsistit in Verbo, quod est Filius Dei naturalis, & à Patre

Deo genitus; nam esse Filium Dei naturalem contingit duobus modis: *Primo modo* strictè, & propriè, quatenus dicitur genitum à generante intellectuali naturaliter: *Secundo modo* minus propriè; quatenus significat aliquid personaliter unitum ei, quod dicitur genitum naturaliter; priori modo Christus, ut homo, non est Filius Dei naturalis: secundo autem modo talis dici potest.

Respondet insuper, quod si illa propositio, *Christus, ut homo, est Filius Dei naturalis*, sic accipiat ut significet, quod homo ille unitus Verbo, non tantum habeat gratiam habituales, per quam est adoptatus ad hæreditatem, sed etiam habeat gratiam unionis hypostaticæ, per quam dicitur Deus; certe hoc sensu, Christus, ut homo, est Filius Dei naturalis, quia est unicus personaliter Filio Dei naturali: si verò sic intelligitur hæc propositio: Christus secundum quod homo est, idest, specificativè, natura humana Christi est filia naturalis Dei, in hoc sensu, propositio illa falsa est; nam humanitas Christi non est genita à Deo, sed à beata Virgine. Unde absolute loquendo, permitti posset minor, & negari consequentia, quia cum inter filiationem simpliciter naturalem, & simpliciter adoptivam detur medium, nimirum esse Filium Dei, non absolute naturaliter, sed per participationem filiationis naturalis, quomodo Christus ut homo, est Filius Dei propter unionem humanitatis cum persona Filii naturalis Dei, sequitur, quod illatio sit vitiosa cum argumentum non fiat ex justa distributione.

Objicies sexto, manent naturæ impermixtæ in Christo, nec mutuò suas proprietates præpedientes: sed *adoptari* est proprietates naturæ habentis gratiam: ergo potest dici de Christo, quod adoptetur ratione naturæ humanæ ipsius, quæ habet gratiam, non minus, quam potest dici de ipso, ratione naturæ divinæ, quod sit Filius naturalis.

Distinguo majorem, manent naturæ impermixtæ non impediens proprietates suas necessariò, & connaturaliter ex ipsis consequentes, concedo: proprietates suas, hoc est, illa omnia, quæ possent illis naturis competere, nego: Minorem similiter distinguo. Adoptio est proprietas necessariò, & connaturaliter consequens naturam habentem gratiam sanctificatam, quando illa

na-

natura extranea est ad hæreditatem, concedo: secus, nego. Unde neganda est consequentia, siquidem natura humana Christi, ut completa est per subsistentiam Verbi, non habet illam extraneitatem.

Obijcies denique: Doctor subtilis docet, Christum, ut hominem posse dici Filium Dei adoptivum, ut videtur est *locis jam laudatis*, & *insuper* in 3. dist. 8. ubi docet filiationem non sumi in creatis à persona, sed à natura: hinc veteres illius Discipuli, nempe *Tataretus, Major, Bassilius*, &c. eandem sententiam tuerentur: igitur nostra assertio in eum militat.

Nego antecedens: Doctor enim laudatus q. 10. resolvit cum Magistro, Christum non esse Filium Dei adoptivum; *Quia*, inquit, *tunc esset Filius Trinitatis, quia tota Trinitas adoptat*, & *agit omnem actum ad extra*, & ibidem solvit omnia argumenta, quæ ipsemet pro adversa parte formaverat: unde *Pytigianus* disp. 10. *Faber* disp. 23. *Rada* 3. parte Controversiæ 3. art. 2. & *Poncius* in Commentario, pro nostra assertionem militant, fatenturque Doctorem hac in sententia esse problematicum; nihilominus in negantem partem magis propendere; nam ipse Doctor in 3. dist. 2. qu. 1. n. 11. cum dixisset, *Non necesse est, quod si Filius Dei sit filius hominis, quod ille idem filius hominis sit Filius Dei per gratiam*. Addit, *Forè enim negaretur de eodem determinatè: imò nec conceditur, quod Christus sit Filius Dei adoptivus*: igitur falsum est, quod nostra assertio Doctoris menti, & doctrinæ adversetur. Hinc apparet, quàm graviter exorbitent plurimi Recentiores utriusque scholæ, dum subtilem Doctorem pro opposita sententia absolutè laudant.

CONCLUSIO SECUNDA.

NON est certum certitudine fidei, Christum quatenus hominem, non esse dicendum Filium Dei adoptivum. Hæc est contra Vaqueium, & alios ipsius sequaces.

*Probat*ur primò. Si illa propositio esset de fide, maxime, quia censetur definita in Concilio Francofordiensi contra Felicem, & Elipandum: sed hæc ratio nulla est: igitur non est certum de fide, quod Christus, quatenus homo non sit dicendus Filius Dei adoptivus: Majorem admittit Vaquez cap. 6. & 7. disputationis 84. Minor verò probatur: Primò plurimi Doctores et-

iam post illud Concilium, ut Alensis, Albertus, Richardus, & alii censuerunt esse probabile, quod Christus in quantum homo dici posset Filius Dei adoptivus: nec ullus ex Antiquis damnavit, ut hæreticam sententiam Durandi, qui hujusmodi adoptionem Christo assertivè tribuit.

Nec valet reponere illos Auctores ignorasse definitionem Concilii Francofordiensis, cum nullam ejus mentionem fecerint. *Dico* enim, id non esse verisimile; nam licet credi possit eos fortè non legisse Acta ipsius Concilii, quæ dumtaxat anno 1567. Surius ex antiquissimo, & vero exemplari transumpta excudi curavit; tamen vix eredi potest, eos non legisse historias, & scripta eorum omnium, qui hæresim Feliciana impugnaverunt, aut de ea sermonem instituerunt, quales nedum fuerunt *Beatus*, & *Heterius*, qui adversus Elipandum primi insurrexerunt, & dictis, ac scriptis generosè impugnaverunt: sed & Carolus Magnus Imperator, cujus opera damnata est illa hæresis. Necnon & Jonas Aurlianenensis, ac plurimi alii Auctores, qui adversus Elipandum, & Felicem scripserunt, quoscetè omnes, vix credi possit, ipsis peritissimis Doctoribus ignotos fuisse.

Secundò, quamquam in illo Concilio damnati fuerint Felix, & Elipandus asserentes Christum esse Filium Dei adoptivum; tamen sufficiens non videretur fundamentum ad asserendam illam propositionem, ut ab aliquibus Theologis asseram, esse respuendam, ut hæreticam, quia licet Felix, & Elipandus ab eo Concilio damnati fuerint, ac proscripti, ut hæretici, quod assererent Christum esse Filium Dei adoptivum; illa tamen damnatio non præjudicat nostræ assertioni: nam Felix, & Elipandus, idcirco damnati sunt in hoc Concilio, quod Nestorii hæresim instaurarent, & duas in Christo astruerent personas, seu duo supposita, juxta duas naturas, humanam scilicet, & divinam, quas habuit, ut docent *Suarez* disp. 49. sect. 3. *Valentia* q. 20. *Baronius* ad annum Christi 783. n. 5. & 6. item anno 794. *Mariana* lib. 7. de rebus Hispaniæ, imò & *Surius* ipse in annotationibus supra hoc Concilium, quod etiam evinco ex actis illius Concilii, quæ consistunt in quadam epistola ad Episcopos Hispaniæ; item in epistola Adriani Papæ, necnon in lib. *sacro-jillabo*, cujus auctor est Paulinus Aquilejensis, qui una cum 300. Episcopis ex

Chr-

Germania, & Gallia Concilio Francofordiensi adfuit. Probo, inquam, ex his actis, Felicem, & Elipandum ideo damnatos, quod Nestorii hæresim innovarent.

Primo quidem ex epistola Concilii ad Episcopos Hispaniæ: Patres enim Elipandum, & ejus affectas alloquentes columna secunda ajunt; *Invenimus in libelli vestri principio scriptum, quod vos posuissis, Confitemur, & credimus, Deum Dei Filium ante omnia tempora, sine initio ex Patre genitum, coeternum, & consubstantialtem, non adoptione, sed genere.* Item post pauca in eodem legebatur, *Confitemur, & credimus eum factum ex muliere, factum sub lege, non genere esse Filium Dei, sed adoptione, non natura, sed gratia.* Et col. 3. *Quia hominem Christum verum Dei Patris Filium esse negatis, vobis defensor esse voluit.* Et inferius col. 15. *Nonne olim eadem hæresis vestra in Nestorio ab universali sancta Ecclesia refulata est etiam, & damnata?* Et addit, *Quapropter foris illum anathematizare noluisse; dum alios, Borosum scilicet, Arium, & Sabellium, Manicheumque, qui præ de Filio Dei senserunt, Epistola vestra anathematizastis:* In his satis insinuat, Felicem, & Elipandum errasse circa veritatem ipsius mysterii Incarnationis, & in Nestorianam hæresim, vel apertè, vel simulatè incidisse.

Idem probatur ex libro *sacro* syllabo: nam columna tertia de Felice, & Elipando dicitur, *Hæresim veterisam illustrium Virorum calcibus mirabiliter inculcatam, Catholicaque falce olim funditus detruncatam spinoso molliuntur rediora radice fuscicare de stirpe.* Et columna 8. *Non duo Filii; alius Dei, alius hominis, ut sicut illi errando affirmant, adoptivus sit hominis Filius, & sine adoptione Dei Filius.* Quibus significatur, quod apertè Verbum, ut Filium naturalem ab homine filio adoptivo Felix, & Elipandus distinguebant, quemadmodum veteres Nestoriani.

Idem colligitur ex epistola *Adriani*, nam in principio epistolæ Pontifex agens de hæreticis, quos impugnat; *Non sunt, inquit, ex hominibus, quos Pater dedit illi, qui eum adoptivum, & non proprium Filium constituentur; quasi alienus aliquando à Patre fuerit:* ergo sententia hæreticorum illorum erat, quod persona Christi, quærat homo, non erat proprius Filius Dei, sed tantum adoptivus. Quod utique apertè significat Pontifex auctoritatibus sanctorum Patrum, qui-

bus suam sententiam tuctur, & oppositam, ut hæreticam expugnat. Profert enim S. Athanasium dicentem, *Si quis verè adversus divinas Scripturas docet alium esse Filium Dei, & alium, qui ex Maria Virgine, hominem, secundum gratiam adoptivum, sicut nos, quasi essent duo Filii, hunc anathematizat sancta Ecclesia.* Profert item auctoritatem S. Gregorii Nazianzeni, ita scribentem ad Cledonium, *Si quis introducit duas filios; unum quidem, qui ex Deo, & Patre; secundum verò, qui ex matre, & non eundem, ut adoptionis excedat gratiam, quæ promissa est his, qui rectè credunt, alienum eum à nostro consorcio judicamus; natura verò duo Deus, & homo, Fili verò non duo, &c.* Sed hæc, & similes auctoritates, quas profert Pontifex, non urgent adversarios, nisi reverà duas in Christo personas admisisse: igitur ut Nestoriani duas in Christo personas admittebant.

Confirmatur, quia hæretici isti considerabant *Primo* Christum secundum humanitatem, tamquam hominem purum, imò & servum, & leprosum; & postea adoptivum in Dei Filium, & tandem conjunctum Filio Dei naturali, non quidem personaliter, sed affectivè, & per eximiam Dei gratiam, quo fiebat, ut esset *homo Deusque*, non autem *homo Deus*: sed hæc non fuissent vera, nisi admisisse duas in Christo personas; humanam unam, divinam alteram, ut admittebant veteres Nestoriani: igitur reverà Nestoriano errore erant infecti. Probatur antecedens; *Primo* quidem ex libro *sacro* syllabo, nam columna secunda legimus, *Afferunt igitur, sed falsis assertionibus irritis, Dominum nostrum Jesum Christum adoptivum Dei Filium de Virgine natum, quod drvinis nequeunt approbare documentis.* Hæc igitur dicentes, aut in utero Virginis eum suspicantur adoptivum: quod dici nefas est, quia de beata Virgine inenarrabiliter sumpsit, non adoptavit carnem: Aut certè, purum eum hominem sine Deo natum, quod cogitari impium est, necesse est fateantur. Nulla autem esset hæc ratiocinatio, si hæretici illi reverà duas in Christo personas non admisisse, & personam filii adoptivi distinctam à persona Filii Dei naturalis.

Confirmatur insuper ex illis auctoribus, qui, vel Elipandi hæresim impugnaverunt, vel de ea mentionem fecerunt: *Primo* namque Alcuinus, cujus opera Carolus Magnus motus est ad illam hæresim reprimendam,

ut conqueritur ipsemet Elipandus epistola ad ipsum Alcuinum data; ita lib. 1. adversus Elipandum scribit; *Admones me, inquit, non pio, ut videtur, animo, sed severa invocationis coſſigatione glorioſum Regem Carolum nos corrumpere: non ego illum corrumpere vixi in Franciam, qui corrupti non poſſet, ſed adjuvare in fide Catholica: impoſſibile eſt enim, ut corruptatur a quoquam, quia Catholicus eſt in fide, Rex in poeſtate, Pontifex in predicatione, Iudex in aſſuitate, & Philoſophus in liberalibus ſtudiis, Inclutus in moribus, & in omni honeſtate præcipuus.* Subdit denique, qualiter ante iplius acceſſum in Franciam, illa hæreſis damnata fuerat in Concilio Ratiſbonenſi anno 792. & coram Adriano ſummo Pontifice, ubi ſemel, & iterum Felix illam hæreſim ejuraverat: ſed poſtmodum ſopiori infidelitatis cineres (agente Elipando) inſtar canis ad vomitum, & lotæ ſuis ad volutabrum, cum ruſus excitaret, ad eum epistolam exhortatoriæ dedit Alcuinus: cui Felix non epistolari brevitate, ſed libelli prolixitate reſpondere viſus eſt, inquit Alcuinus, atque in eo omnes perſidie vœſtræ ſoveas maxime aperuit, aſſerens Chriſtum, & veterem hominem, & nuncupativum Deum, & adoptivum Filium, & ſecunda indigniſſe regenerationis, & alia plurima doctrina Ecceſiaſtica inconſuetudine: cui libello ejus ſeptem noſtræ devotioſis libellis reſpondimus, omnes vœſtræ præſentis evocantur doctrinas. Quibus conſtat quæſitæ illi hæretici Chriſtum non hominem Deum, ſed hominem Deiſicum, ut veteres Neſtoriani aſſerebant.

Idem colligitur ex *Jona Aurelianenſi*, libro 1. de cultu Imaginum, ubi agens de illa hæreſi Feliciana ait: *Emerſit ex Hiſpania tempore ſanctæ memoriæ piſſimi, atque inviſiſſimi Auguſti, quidam Felix nomine, aſſu inſelix Urgeſitanenſis civitatis Epicoſopus, qui jundo ſua ſceleratiſſimo errori Elipando Tolitano urbis Epicoſpo, ſecundum humanitatem non eſſe proprium Filium Dei, ſed adoptivum predicare auſus eſt: Et hæc virulenta doctrina utramque Hiſpaniam, magna ex parte infeſcit.* (Subdit inſ. à.) *Mulies Chriſti inviſiſſimi armis muniti... ejusdem Principis juſſu in unum coacti, adhibita etiam ſanctæ Romanæ Ecceſiæ auctoritate, eundem Felicem damnarunt; imò cum auctore ſui erroris Neſtorio, quem imitatus eſt, perpetuo anatHEMAUS manciparunt.* Idem reſert Sigebertus in ſuo Chronico ad annum 793. ubi ſic. Scri-

bit. *Feliciana hæreſis condemnata in præſentia Adriani Papa ab ipſo Felice auctore abdicatur. Hæc hæreſis aſſerebat Filium Dei in divina natura verum Deum eſſe, in humana verò nuncupativum. Item in divina natura verum eſſe Filium Dei, in humana verò adoptivum, unam perſonam Dei, & hominis dividens in duas perſonas, ſcilicet veri filii, & adoptivi. Idem reſert ſanctus Antonius 2. parte hiſtoriz tir. 14. cap. 1. Paulus Amilius lib. 2. Naucerus generatione 27. & alii.*

Reponunt cum Vaſqueſio illi, qui contendunt illos hæreticos non amiſſiſſe duas in Chriſto perſonas, ſed tantum aſſeruiſſe Chriſtum, quatenus hominem, non eſſe Filium Dei naturalem, ſed adoptivum. Reponunt, inquam, Primo, illos auctores, qui in Felicem, & Elipandum pugnaverunt, Neſtorianum errorem iſtis attribuiſſe, non quod illum docerent, ſed, quia docebat aliquid, ex quo error ille videtur inferri.

Contra. Si illi hæretici omnino confeſſi fuiſſent unionem naturarum in Chriſto ſecundum ſubſtantiæ unicam, & ſolum ex mala intelligentia nominis adoptivis, Chriſto tribuiſſent filiationem adoptivam, non erat, cur Neſtorianus error eis aſſingeretur. Insuper, cur non aliquis vel Patrum Concilii Francofordienſis, vel Auctorum, qui in eos pugnaverunt, maxime verò Alcuinus eruditiffimus, cui perſpicua erat hæreſis Feliciana, ejusmodi hæreticam deceptionem, & aſſertionem aperuiſſet, & aperte explicaiſſet? at nullus ita illius hæreſis virus explicat, ſed unanimi calculo, ut ſuprà dictum eſt, docent illius hæreſis aſſeriores Neſtorianiſmum innovaſſe, aſſerendo Chriſtum hominem eodem prius modo fuiſſe Filium adoptivum, licet præſtantiori gratia, quo ſunt alii homines juſti.

Adde quòd idipſum ipſemet Elipandus docuit in Epistola ſua ad Carolum Regem. Ejus verba hæc reſeruntur in Epistola Concilii ad Epicoſpos Hiſpaniæ columna 3. Ex Parte Unigenitum ſine adoptione, primogenitum verò in fine temporis, verum hominem aſſumendo de Virgine carnis adoptionem, Unigenitum in natura, primogenitum in adoptione, & gratia. Quibus verbis planè docet hominem illum fuiſſe Deo unicum, & ab eo aſſumptum ſola adoptionis gratia. Quòd verò illam adoptionem noſtræ ſimilem judicaverit Elipandus, colligitur ex colum-

na 2. ejusdem epistolæ, ubi refertur Elipandum in sua epistola exposuisse illud 1. Joannis 3. *Similes ei erimus; idest, inquebat, similes in carnis adoptione, non similes in Divinitate*. Non est ergo cur illum à Nestoriano errore liberare tantoperè laborent.

Reponunt secundò ex confessione fidei ipsius Elipandi, quæ inserta est in lib. Beati, & Eusebii, quæ integram refert Vasquez cap. 2. supra laudatæ disputationis, apparere quòd Elipandus unicam in Christo personam admiserit, ait enim: Homo incarnatus in una eademque Dei, & hominis persona agglomeratur, atque carnis vestimento indutus.

Respondendo, callidè, & hæretica vasticitatem unicam in Christo dixisse personam, eo modo, quo unitatem personæ in Christo admittebat Nestorius. Nam testatur S. Thomas 3. parte qu. 2. art. 6. Si fiat vis in nomine personæ, etiam Nestorius utebatur unitate personæ propter unitatem dignitatis, & honoris. Unde etiam sexta Synodus definiit anathema in eum, qui dicit unam personam secundum dignitatem, & honoris, & adorationem: sicut Theodoros, & Nestorius insipientes conscripserunt. Potuit ergo similiter Elipandus hac arte ponere unitatem personæ, quæ facilius orthodoxos Patres luderet, & sententiam damnationis caveret.

Huius addo, quòd verba illa in una eademque Dei persona agglomerata, non plus significant quàm unionem accidentalem. Nec etiam se aliud intendere declaravit ipsemet Elipandus, subdit enim in eadem confessione, Quia non per eum, qui natus est de Virgine visibilis, & invisibilis condidit, sed per illum qui non est adoptione, sed genere: neque gratia, sed natura, & per ipsum Dei filium, & hominis filium adoptivum humanitatem, & non adoptivum Divinitatem mandum redemit. Et infra: *Si conformes sunt omnes sancti huic Filio Dei secundum gratiam, & cum adoptato adoptivi, & cum advocato advocati, & cum Christo Christi, & cum parvulo parvuli, & cum servo servi; ubi planè videtur, nos Christo exquare in adoptione: imò illo tam indigno loquendi modo, de Christo, nihil amplius, quàm de puro homine sentire videtur; quippè ibidem scribit quòd Deus Christum nonnullæ actionis suæ mysteria nescire voluit.*

Reponunt denique: Si Elipandus, & Felix fuissent Nestoriano errore infecti, non opus fuisset tot Concilia cogere, nec scribere tot libros ad eorum errorem revin-

cendum. & eliminandum; facillimum enim fuisset illos, ut hæreticos notare, acconvincere, tum antiquis definitionibus contra Nestorium, tum Scripturæ testimoniis, quibus demonstratur tantum esse in Christo unam personam. At verò Concilium Francofordiense non ita procedit; sed potius ex unitate personæ Christi, quam Elipandus non negabat, & proprietatibus, ac vera definitione adoptionis, quas ignorasse videtur, colligit Concilium, non posse Christo convenire adoptionem: & ad hoc tandem inconveniens deducit, quòd si Christus filius adoptivus censeatur, etiam sit in duos filios dividendum. Addunt, quòd cum jam in Ecclesia, præsertim Latina funditus everlus esset Nestorianismi error, quomodo à Concilio, & Episcopis Latinis sperare poterat Elipandus suæ doctrinæ confirmationem, si eadem cum Nestorio sensisset? qua fronte apud Carolum Magnum Principem valde Catholicum, & maximum Ecclesiæ defensorem egisset, ut Concilium congregari jubret, in quo ejus doctrina approbaretur?

Respondendo, eundem Elipandum, & Felicem non disertis verbis fuisse professos errorem Nestorii, nec asseruisse expressè duas in Christo hypostasies aut duo supposita, vel unionem accidentalem; sed tantum usos fuisse nomine adoptionis, quem tamen ita declarabant, ut planè in re nihil aliud quàm Nestorius sentirent; quia neque eam à nostra adoptione distinguebant, ut supra probatum est, necque illam soli humanitati attribuebant, sed eundem homini, quem servum, & prioreratali unionem, seu adoptionem esse dicebant. Hinc non mirum, si Elipandus ausus fuerit iudicium, & approbationem Concilii postulare, quia fortè non intelligebat, quid ad suum errorem consequeretur, aut propria hæresi, ac vanagloria excecatus sperabat fore, ut suis verborum involutis, alios facilius deciperet. Et eandem ob causam Concilium, non solum usurpavit testimonia, & definitiones contra Nestorium factas ad confundendos illos hæreticos, sed etiam studuit declarare, qualiter in re nil aliud quàm Nestorius dicerent.

QUÆSTIO TERTIA.

Utrum in Christo sint duæ filiationes, una æterna ad Patrem, alia temporalis ad Matrem.

Notandum primò, vel potius repetendum ex iis, quæ diximus in Logica ex Doctore in 4. diff. 1. qu. 10. relationes, sicut & cetera entia, essentialiter, & numericè distingui per suas differentias essentialiter, & individuales: sed quoniam propter exiguum relationis entitatem, ipsæ differentie nos latent; soli innotescere possunt, vel per terminum solum, vel per fundamentum solum, vel per terminum, & fundamentum simul. Certe est autem quod ad multiplicationem fundamentorum multiplicentur relationes; propterea quod idem numero accidens nequeat esse naturaliter in diversis numero subjectis; maxime verò accidens relativum, quia accidentia relativa sunt essentialiter denominationes actuales eorum: ideoque diversum numero fundamentum sufficit ad colligendam diversitatem numericam relationum. An autem etiam multiplicentur relationes ad multiplicationem terminorum eiusdem speciei, non est ita constans apud Philosophos, & Theologos: verior tamen apparet sententia Doctoris affirmantis; quod ubi sunt diversæ rationes terminandi, & fundandi, ibi sunt diversæ relationes: sed in patre habente tres filios v.g. sunt tres rationes fundandi, scilicet tres generationes activæ; similiter sunt tres rationes terminandi, nempe tres generationes passivæ: igitur sunt tres paternitates. Quam utique veritatem sufficienter probavimus, & asseruimus in nostra Logica. Difficultas igitur præsens movetur, an in Christo sit duplex sufficiens fundamentum ad multiplicandas relationes filiationis; ita quod per unam filiationem referatur ad Patrem æternum, ratione suæ divinæ generationis; per alteram verò referatur ad Matrem ratione generationis temporalis.

Notandum secundò, circa præsentem difficultatem, tres maxime esse Auctorum sententias. Prima est nostri Alexandri Alensis 3. part. qu. 10. memb. 3. docentis Christum Dominum, quatenus Verbum, referri relatione reali, unica ad Patrem, & ad Matrem. Secunda sententia est Sancti Thomæ 3. par. qu. 25. art. 9. docentis Christum re-

ferri quidem ad Patrem, & ad Matrem duplici relatione; verumtamen relationem, quæ refertur ad Patrem, esse realem, illam verò, quæ refertur ad Matrem, esse rationis: Cui subscribere videtur Sanctus Bonaventura in 3. dist. 8. art. 2. Tertia tandem est Doctoris subtilis eadem distinctione n. 10. ubi ait: Ego dico quoddam alia est filiatio in Christo ad Patrem, & alia ad Matrem, & utraque est realis. Cui præter discipulos subscribunt ex Recentioribus Lorca disp. 24. Suarez disp. 12. dist. 2. & plures alii.

Notandum tertio, filiationem non requirere suppositum tamquam proprium subiectum, sed posse immediate inesse naturæ tamquam subiecto: quod utique probat Doctor n. 3. Quia, inquit, filiatio est habitudo producti naturaliter similis producenti in natura intellectuali: at major est similitudo inter naturam productam, & producentem, quam inter suppositum producens, & productum, quia illa similitudo inest duobus suppositis dumtaxat ratione naturæ: igitur relatio filiationis immediatius subiectioni in natura, quam in supposito. Duo igitur hic sunt statuenda: Primum, quod in Christo sint duæ relationes, quarum una refertur ad Patrem, altera verò ad Matrem. Secundum, quod illæ duæ relationes sint reales.

CONCLUSIO PRIMA.

Christus duplici relatione refertur, una quidem æterna ad Patrem; altera verò temporalis ad Matrem. Ita Doctor, probatque conclusionem primò. Filiatio est habitudo producti naturaliter similis producenti in natura cognoscitiva: sed in Christo sunt duæ habitudines humilissimi, una quatenus est productus, ut Deus à Patre æterno, cui similis est in natura intellectuali divina; altera quatenus est productus, ut homo à beata Virgine; cui similis est in natura intellectuali humana: ergo sunt in ipso duæ filiationes. Major patet, quia, inquit Poncius in comment. omni, & soli filiationi convenit prædicta descriptio, ut apparet ex ejus explanatione; dicitur enim *habitudo producti*, quia sicut paternitas est habitudo producentis; ita filiatio est habitudo producti: dicitur *naturaliter*, si enim non produceretur naturaliter, quamvis esset similis in natura producenti, non esset filius: exinde namque Spiritus sanctus non est Filius, quamvis sit simili-

similis Patri in Divinitate, quia non est productus naturaliter. Additur *similis producenti*, quia vermis quantumvis producat naturaliter à sole, non tamen dici potest filius Solis, eo quod non sit ipsi similis in natura: dicitur denique *in natura cognoscitiva*, seu intellectualis; quippe juxta communem acceptionem filiationis, sola substantia intellectualis, & cognoscitiva potest appellari filia. Minor etiam constat; tot enim sunt in Christo habitudines, quot sunt origines à distinctis principiis: at duæ sunt in Christo origines, una quidem æterna, qua naturam divinam accipit à Patre; altera verò temporalis, qua humanitatem recipit à Matre: quapropter S. Damascenus lib. 3. cap. 7. ait, *duas generationes Christi veneramus*: igitur etiam in eo sunt duæ filiationes.

Probat secundò Doctor. Christus præter filiationem æternam habet aliam, qua refertur ad Matrem: ergo habet duas filiationes. Antecedens constat: Siquidem Christus est Filius beatæ Virginis; consequentia verò probatur. Christus cum sit filius Virginis, ad eam refertur per relationem filiationis: sed non potest ad illam referri per filiationem æternam; quia Filius divinus per suam filiationem æternam non magis referri potest ad beatam Virginem à qua generatur temporaliter, quam refertur Pater æternus ad eam per suam paternitatem, si itidem generaretur à beata Virgine, & ab ea genitum humanitatem assumeret: at in illa hypothefi Pater æternus non diceretur Filius Virginis, nec ad eam refertur per suam paternitatem: ergo nec Filius divinus potest ad eam referri per suam filiationem æternam.

Confirmat Poncius hoc argumentum Doctoris, quia si pater assumpsisset naturam humanam à beata Virgine genitam, uti facere potuit, sicut probavimus supra, Pater reverà esset homo, & quatenus homo esset Filius beatæ Virginis: igitur haberet aliquam formam, à qua diceretur Filius ipsius: sed illa forma, qua denominaretur Filius Virginis, non posset esse paternitas æterna: ergo deberet esse alia relatio ab ipsa paternitate distincta: sed Christus nunc habet talem formam, quam haberet Pater, fide scilicet esset genitus à beata Virgine, sicut Christus ab ea de facto est genitus: ergo reverà Christus præter filiationem æternam, qua refertur ad Patrem, aliam habet temporalem, qua refertur ad Virginem.

Fraſſen Theol. Tom. VII.

Probat tertio Doctor. In Christo sunt duæ nativitates, & duæ naturæ productæ: ergo pariter in eo sunt duæ filiationes. Antecedens est de fide. Consequentia verò probatur. Multiplicatis fundamentis, & terminis quantumcumque subjectum remaneret idem, etiam multiplicantur relationes: at si Christus sit bis genitus, multiplicantur in eo fundamenta, & termini filiationum: ergo multiplicantur quoque filiationes. Major est evidens: non enim alia ratione Pater divinus idem remanens duplici relatione refertur ad Filium, & ad Spiritum sanctum, quam quia multiplicatur fundamenta proxima, nimirum generatio, & spiratio activa: multiplicantur etiam termini, nimirum Filius, & Spiritus sanctus: subindeque multiplicatis fundamentis, & terminis multiplicari debent filiationes. Minor etiam probatur. Fundamentum proximum filiationis est esse genitum in natura intellectuali: sed ex S. Damasceno lib. 3. cap. 7. duas generationes in Christo veneramus, quia Christus est bis genitus, semel ab æterno, & iterum in tempore: ergo filiationis ejus duo dantur fundamenta proxima, videlicet duæ generationes passivæ: duo quoque dantur termini, nimirum Pater æternus, & Virgo Deipara: igitur duæ pariter debent esse filiationes.

Respondet forsitan. Filium in humanis non habere duas filiationes, licet habeat duas naturas, nempe corpus, & animam; respiciat quoque duos terminos, Patrem videlicet, & Matrem: ergo multiplicatio naturarum, & terminorum non efficit filiationum multiplicationem.

Respondet, equidem multiplicationem terminorum partialium, & unicum totalem constituentium non conferre ad multiplicationem filiationum: sic pater, & mater, cum sint unica causa totalis generationis, sunt etiam unus terminus totalis filiationis hominis ab ipsis geniti: longè autem dispar est ratio de Patre æterno, & beata Virgine generantibus Christum, quia Pater æternus, & Virgo Deipara non concurrunt tamquam duæ causæ partiales, nempe tamquam pater, & mater, ad generationem temporalem Christi; sed quemadmodum Pater solus ab æterno dicitur principium totale, & adequatum filii, ita Virgo Deipara dicitur in tempore sola, & adequata, & totalis causa, seu genitrix Christi Domini: licet enim Spiritus sanctus ad illam generationem

Q

per

per suam obumbrationem, & superveniens virtutem conferat, tamen istud non confert per modum Genitoris: quapropter non dicitur Pater Christi, igitur cum Christus duas distinctas natiuitates, duosque terminos distinctos, & diversos suæ filiationis habeat, etiam duas omnino distinctas debet habere relationes filiationis.

CONCLUSIO SECUNDA.

DUÆ filiationes Christi sunt reales. Hæc est Doctōris.

Probat̃ur primò. Æterna filio abſque dubio realis eſt: at etiam temporalis eſt realis: igitur duplex illa relatio realis eſt. Majorem admittunt omnes. Minorem probat Doct̃or; illa relatio eſt realis quæ habet id omne, quod ad relationem realem deſideratur, nempe extrema realia, quibus ſequitur independenter ab ullo actu intellectus: at filio Christi reſpectu Matris talis eſt; nam habet Matrem generantem, & naturam genitam; ergo ſicut ratione utriusque hujus extremi, maternitas beatæ Virginis eſt verè realis, etiam & relatio filiationis Christi ad ipſam eſt verè realis.

Confirmatur; Chriſtus eſt Filius beatæ Virginis formaliter quamvis nullus intellectus, aut potentia vitalis conciperet, aut fingeret aliquam formam in ipſo: ſed, ut probatum eſt ſuprà, non poteſt cenſeri formaliter Filius Virginis per ſuam filiationem æternam: igitur neceſſariò ad ipſam referretur per relationem filiationis creatæ.

Probat̃ur ſecundò. Si beatæ Virgo genuiſſet purum hominem, eſſet vera iſtius hominis geniti mater per relationem verè realem: & ipſe itidem eſſet illius verus filius ad eam relatus per relationem realem filiationis: ſed non minus genuit Chriſtum Dominum, ſeu non minus cooperata eſt ad ejus productionem, quàm ſi Chriſtus eſſet purus homo, nec Chriſtus, ut homo minus realiter accipit ſuam naturam, & entitatem ab ea per veram generationem: igitur eſt ipſius Filius filiatione reali. Major conſtat. Minor probatur. Si quod eſſet diſcrimen inter generationem puri hominis, & generationem Chriſti, maximè quia purus homo genitus à Virgine accepiſſet ab ea naturam, & perſonalitatem ſimul; Chriſtus autem naturam ab ea dumtaxat accipit: ſed hoc non obſtat ad veram relationem filiationis realis, quod ſic probò. Beata Virgo

eſt veta Mater Chriſti per relationem realem, quamvis Chriſtus ab ipſa non acceperit perſonalitatem: ergo Chriſtus eſt verus, & realis Filius ipſius, filiatione reali, quamvis ſuam perſonalitatem à beatæ Virgine acceperit. Conſequentia pater à paritate rationis; ſi enim beatæ Virgo verè dicatur Mater Chriſti, præciſe ex eo quòd per ejus cooperationem producta eſt humanitas, quæ perſonalitatem habuit non minus ipſam naturam perficientem, & afficientem, quàm ſi perſonalitas fuiſſet à beatæ Virgine genita: ergo ſimiliter Chriſtus hac ratione conſeſcendū eſt verè ejus Filius, quia per illius cooperationem habuit naturam genitam, quam ſuppoſitum non minus afficit, & ſuſtenta-vit, ac ſi illud fuiſſet unà cum nata ab ipſa beatæ Virgine productum.

Confirmatur, quia homo non minus eſt cauſa vera, & realis alterius hominis à ſe geniti, quàm ignis ſit cauſa alterius ignis à ſe producti; licet homo non producat formam ſubſtantialem, nempe animam rationalem hominis geniti, ſicut ignis producit formam ſubſtantialem ignis producti: nec homo genitus minus dicitur productus ab homine generante, quàm ignis productus dicitur verè produci ab igne producente; quia ad hoc, quòd homo generans dicatur vera cauſa, & realis hominis geniti, ſufficit, quòd per ejus cooperationem realem producat̃ur verus homo, ſive intem ille animam rationalem producat, ſive non; ergo à ſimili, ad veram relationem generantis, & geniti ſufficit, quòd per cooperationem Virginis producat̃ur verus homo, ſive intem illa perſonalitas iſtius hominis ab ipſa producat̃ur, ſive non. Paritas conſtat, quia non magis homo genitus debet accipere ſuam perſonalitatem ab homine generante, ut dicatur ejus filius, quàm accipere animam rationalem, quæ eſt ipſius forma ſubſtantialis conſtituens eſſentialiter ipſius naturam; ſed non obſtante, quòd ab homine generante homo genitus non accipiat formam ſubſtantialem, reverà dicitur ejus filius ab ipſo genitus; ergo à paritate rationis, licet Chriſtus non accipiat ſuam perſonalitatem à beatæ Virgine, non minus verus eſt ejus Filius, & ad eam referretur per veram, & realem relationem.

Probat̃ur tertio Doct̃or. Si quid obſeſſet, quominus Chriſtus vera relatione reali referretur ad Matrem, maximè quia, ut vult S. Thomas, non poſſunt eſſe plures formæ ejus-

eiusdem rationis in eodem supposito, & consequenter in Christo non possunt esse duæ filiationes: sed hæc ratio nulla est: igitur &c. Major est præcipuum fundamentum S. Thomæ. Minorem verò probat Doctor. Si repugnaret plures relationes ejusdem rationis esse in eodem supposito, maxime, vel quia relatio est simpliciter, vel quia est talis relatio nempe originis, & filiationis: sed ex neutro capite id repugnat. Non quidem ex primo, quia possunt esse plures relationes in eodem supposito Christi, nempe relationes æqualitatis, identitatis, & similitudinis: Christus enim cum veram haberet naturam humanam talis magnitudinis, affectum albedine, reverà habebat relationem identitatis ad omnes homines, æqualitatis ad eos, qui erant ejusdem magnitudinis, & stature, & similitudinis ad homines albos, sicut & dissimilitudinis ad homines nigros; igitur non repugnant in eodem supposito Christi plures relationes.

Non etiam repugnat ex secundò capite; nempe, quod in eodem supposito possint esse plures relationes ejusdem rationis, puta originis; quia non magis repugnat dari plures relationes consequentes originationem, quàm dari plures originationes in eodem supposito: sed dantur plures originationes, seu productiones passivæ in Christo, una secundum quam accipit à Patre naturam divinam, quæ per generationem æternam communicatur ipsi: altera secundum quam accipit naturam humanam per cooperationem beatæ Virginis: ergo similiter potest habere duas filiationes. Major constat; Non enim apparet repugnantia, cur magis relatio originis multiplicetur in eodem supposito, quàm quòd multiplicetur ista origination, quæ est proxima ratio fundandi illam relationem. Minorem probat Doctor auctoritate S. Damasceni affirmantis: *nos duas generationes in Christo venerari.*

Nec valet dicere, S. Damascenum esse intelligendum de generationibus activis; nam, inquit Doctor, non est major ratio, cur essent duæ generationes activæ Christi, quàm duæ passivæ. Probati potest insuper eadem minor: *Tum quia*, Christus quatenus homo, habet dependentiam à sua Matre: quæ dependentia distincta est realiter ab originatione passiva, quam habet à Patre: ergo reverà habet duas reales originationes. *Tum quia*, in eodem supposito

possunt esse duæ relationes originis activæ: ergo & passivæ. Consequentia patet à paritate rationis. Antecedens etiam constat, quia in Patre æterno sunt duæ productiones activæ originis, nempe generatio activa, & spiratio activa: *Tum denique quia*, non minus esse possunt duæ relationes originis in Christo, quàm duæ operationes diversissimæ, quarum una sit divina, & altera humana: sed duæ operationes sunt diversissimæ in Christo: igitur pari ratione sunt in eo duæ relationes originis.

Reponatur Thomistæ cum Cajetano, disparitatem esse, cur Christus possit habere duas nativitates, & duos respectus similitudinis, & dissimilitudinis, ac duas operationes, non verò duas filiationes: quia, inquit, nativitas temporalis, quam præter divinam potest habere, fundatur immediate in natura humana ipsius; plures autem operationes, & relationes aliæ non subiectantur immediate in supposito, sed in ipsis naturis, quibus identificantur: unde suppositum potest quidem habere illas relationes, & operationes, ratione naturarum, quas sustentat; filiatio verò temporalis immediata subiectari deberet in ipso supposito Christi, si suppositum illud istius relationis suscipiendæ esset capax: non est autem capax realis relationis, quia suppositum Verbi, quod sustentat naturam humanam Christi, non potest recipere ululum accidens.

Verum contra. Primò gratis supponunt filiationem, quæ advenit supposito, debere in ipso immediate subiectari; igitur nulla est eorum responsio. Patet antecedens, quia quemadmodum, licet actiones sint suppositorum, non autem naturæ secundum adversarios, ipsi tamen fatentur actiones immediate non subiectari in supposito, sed in natura, alias Christus non haberet ullas actiones, aut operationes verè humanas, quod est absurdum; ergo similiter, quamvis filiatio spectet ad suppositum, quod per illam denominatur Filius, inde tamen non sequitur, quòd illa debeat immediate subiectari in supposito, non autem in natura.

Confirmat hanc responsionem Poncius in Commentario: *Primò*, quia suppositum creatum secundum veriorem sententiam, consistit in negatione: sed filiatio suppositi creati, cum sit respectus realis, non potest immediate subiectari in negatione: er-

go filiatione non debet subiectari immediate in supposito, sed in natura.

Confirmat secundò, quia si Spiritus sanctus acciperet naturam humanam genitam à Virgine, non minus esset Virginis Filius, quam Christus: sed non esset illius Filius per filiationem æternam; quia talem non habet Spiritus sanctus; ergo per temporalem: sed illa temporalis relatio non subiectaretur immediate in personalitate Spiritus S. ergo illa filiatione subiectaretur in humanitate, & consequenter filiatione non debet subiectari in alio, quam in humanitate.

Confirmat tertio, quia gratis diceretur, quòd filiatione debeat subiectari in alio, quam in eo, in quo subiectatur productio passiva, per quam habet Christus, quòd sit productus à Virgine: sed illa subiectatur in humanitate secundum adversarios: ergo & filiatione debet in ea subiectari.

Respondunt Thomistæ. Si filiatione immediate recipitur in humanitate, humanitas dici posset filia Virginis: illud enim formaliter dicitur filius, quod formaliter habet filiationem immediate in se subiectata: at hoc est absurdum: igitur falsum est, quòd filiatione immediate recipiatur in natura humana.

Respondet primò negari posse maiorem, quamvis enim filiatione divina intimè coniungatur cum anima, & corpore Christi; tamen in triduo mortis, quando anima separata erat à corpore, non denominabat corpus filium, nec animam filiam; ergo similiter, quamvis filiatione immediate recipitur in humanitate, non sequitur, quòd debeat ipsam denominare filiam. Quod utique *confirmatur*; quemadmodum enim filiatione, & personalitas divina non debet necessario denominare filiam, aut personam, naturam assumptam, si enim Verbum assumpsisset lignum v. gr. illud lignum assumptum non posset denominari nec filius, nec persona, quia, ut aliqua natura individualis dicatur persona, & filia, debet esse intelligens, & rationalis, quæ conditiones, ubi non adsunt, natura assumpta non est capax recipiendæ talis denominationis: sic à simili dicere possumus, quòd ad hoc, ut aliqua natura reverà denominetur filia, necessum est, quòd sit completa per suam subsistentiam, & personalitatem: & consequenter illa natura secundum se solitarie spectata, & scortum à sua persona-

litate, non potest habere talem denominationem, quamquam sit genita, & producta.

Respondet secundò, quòd si naturam humanam esse filiam nihil aliud sit, quam eam habere filiationem in se immediate subiectatam, negari potest minor, & quidquid in contrarium proferretur, tantum erit quæstio de nomine.

Dices primò: Filiatione divina non recipitur immediate in natura divina, nec illam denominat filiam: ergo nec filiatione creata, igitur filiatione creata non debet recipi immediate in natura, sed in supposito.

Respondet primò, negari posse consequentiam; disparitas enim est inter filiationem creatam, & incretam, quia illa est accedens, hæc verò substantia, illa requirit subiectum, cui inlit per modum inhesionis, hæc verò tantum requirit subiectum, cui inlit per modum constitutionis. Unde retorqueri potest argumentum; nam sicut filiatione increta non recipitur in supposito, sed constituit suppositum: ita nec filiatione creata recipi debet in supposito.

Respondet secundò, negari antecessum; filiatione enim divina quemadmodum recipitur per suam realem entitatem in natura divina, & ipsam determinat ad constituendum filium; ita quòd si natura divina filium distinguere realiter à Patre, illa filiatione ipsi identificata illam denominaret filium Patris: non sic autem illam denominat, quia ad hoc ut natura aliqua denominari possit filia, necessum est, quòd realiter distinguatur à principio generante: unde similiter retorqueri potest argumentum; Filiatione divina immediate recipitur in natura divina per identificationem, & ipsam denominaret filiam, si realiter ab ipsa distingueretur: igitur filiatione creata immediate debet recipi in natura singulari, & eam denominare filiam, quandoquidem illa natura creata distinguitur realiter à principio generante.

Dices secundò: Si filiatione immediate recipitur in humanitate, & non in toto supposito, seu in ipso homine constante natura, & personalitate, sequeretur, quòd si Verbum dimitteret humanitatem assumptam, sicut reverà illam dimittere potest, illa natura sic dimissa proprium haberet suppositum; & sic homo ille diceretur Filius Virginis, & non diceretur: diceretur quidem, quia ipsius natura fuisset genita à beata Virgine: igitur si filiatione sequatur naturam, reverà homo ille esset beata Virginis Filius: non

esse

esset autem, quia beata Virgo non genuisset illud suppositum. Quod utique *Confirmatur*, quia si comet instanti, quo Verbum dimitteret humanitatem, illam assumeret Pater æternus, propter illam naturam assumptam non posset dici Filius Virginis: ergo nec ille, qui esset homo purus, propter dimissam humanitatem à Verbo, dicendus esset Filius Virginis.

Respondet, omisiss variis solutionibus, quas ex Suarez, Fabro & aliis refert, & refellit Poncius in Commentario n. 10. & sequentibus; negando sequelam majoris quantum ad secundam partem: reverà enim, eo in casu, homo ille purus esset vetè filius Virginis si sufficiat ad hoc, ut persona aliqua dicatur filia alterius personæ, quòd sit suppositum habens naturam genitam, in qua natura immediatè residet relatio filiationis; ea enim in hypothesi, tam suppositum creatum, quam suppositum Patris æterni, reverà dici possent Filii Virginis, quia haberent naturam sibi conjunctam, in qua immediatè esset recepta relatio filiationis ad beatam Virginem. Si verò quis contendat id non sufficere ad rationem filiationis, sed præterea requiri, vel quòd suppositum unà cum humanitate producat, vel quòd sequatur connaturaliter ad productionem naturæ humanæ pro eo instanti, quo natura humana producit: tunc nec suppositum humanum, nec Pater æternus dici deberent filii Virginis. Unde hæc difficultas tantum esse potest de modo loquendi.

Dices tertio: Per filiationem homo constituitur in ratione filii: igitur duæ filiationes reales constituunt duos filios realiter: sed Christus non est duo filii: ergo non habet duas filiationes.

Distinguit primum consequens Doctorem n. 18. per duas filiationes duo constituuntur filii, si illæ filiationes sint in duobus suppositis, concedit: si in eodem, negat; *Quia*, inquit, *concreta non plurificantur nisi plurificentur, tam forma, quam suppositum; sola enim plurificatio forma non sufficit, maxime ubi plures forme, sive ejusdem rationis, sive eodem nomine expressæ, possunt esse in eodem supposito; sic Christus non est plures volentes, licet habeat plures voluntates.*

Dices quarto: Ideo Pater æternus non est incarnatus, sed Filius, quia aliàs esset confusio proprietatum, ut dictum est in primo articulo primæ disputationis, quia eadem persona esset Filius, & Pater: Pater quidem,

quatenus prima persona Trinitatis: Filius verò quatenus esset genitus à beata Virgine: ergo Christus non est Filius, tam Patris, quam Virginis, alia filiatione, quam æterna: quia alioqui esset confusio proprietatum: quandoquidem non esset Filius una tantum, & eadem filiatione.

Respondet Doctor primò negando consequentiam cum sua probatione, quia nulla proorsus est confusio, quòd Christus alia filiatione sit filius Virginis, & altera filius Patris æterni; quippe ex eo, quòd sit filius Virginis, non negatur propterea, quòd sit filius Patris æterni. Unde quando dicitur de Christo, quòd sit Filius, non potest aliquis dubitare ex illo loquendi modo, quòd persona divina Christi sit persona Verbi, & filius æterni Patris: secus esset autem si Pater, aut Spiritus sanctus essent incarnati; ubi enim aliqua ex duabus illis personis diceretur filius, dubitare quis posset, num esset sermo de filio Patris æterni, vel de filio Virginis, quæ confusio non sequitur ex incarnatione Verbi, quia per appellationem filii divini, sufficienter intelligimus personam Verbi.

Respondet secundò retorquendo argumentum. Sequeretur confusio ex incarnatione Patris, quia eadem persona esset Pater, & Filius: ergo Pater incarnatus reverà esset filius Virginis: sed non esset filius per filiationem æternam, quam non habet: ergo per filiationem temporalem: igitur persona divina est capax filiationis temporalis; ergo filius non est illius filiationis incapax, ut volunt adversarii.

Dices quintò: Ideo admittenda esset filiatio realis temporalis, ut Christus reverà diceretur filius Virginis; sed posset dici filius Virginis absque illa relatione reali. Probatur, quia Deus potest dici Dominus creaturarum absque relatione reali: ergo Christus potest dici filius beatæ Virginis absque relatione reali.

Negat minorem Doctor: neque enim filius dici posset filius Virginis, nisi beata Virgo similiter diceretur illius Mater, & haberet relationem realem maternitatis: illa autem hanc relationem non haberet, nisi pariter Christus haberet relationem filiationis, quia qua ratione B. Virgo dicitur Mater Christi, propterea quòd genuit illius humanitatem, eadem ratione Christus debet dici filius illius, quia habet humanitatem ab ipsa genitam; non enim est major ratio, cur

ad generationem activam beatæ Virginis sequatur in ipsa relatio maternitatis, quam quod ad generationem passivam sequatur in Christo relatio filiationis: *Unde* neganda est minoris probatio, quia Deus non habet rationem aliquam in se, ob quam debeat necessariò sequi relatio realis, ex eo, quod sit rerum Conditor, & Dominus; imò habet rationem ipsi relationi reali omninò oppositam, nempe immutabilitatem, qua fit, ut non sit capax realis relationis suscipiendæ: secus autem est de Christo Domino, quia est capax illius novæ relationis filiationis, ratione naturæ assumptæ à beata Virgine genitæ: igitur non est eadem ratio de Christo respectu relationis filiationis, ac de Deo respectu relationis realis Creatoris, & Domini.

Dices sextò: Si Christus haberet novam relationem realem ad Matrem, esset realiter ipsi æqualis: sed hoc est falsum, quia æqualitas realis fundatur super unitate unionis, & consequenter illa æqualitas non intercedit, nisi inter illa, quæ habent unitatem unionis: sed Christus non habet unitatem alicujus unionis realis cum Matre: ergo nec habet aliquam æqualitatem, nec proinde relationem realem.

Negat minorem Doctor cum sua probatione; nam, utcum explicat Poncius, duo homines puri æquales in perfectione naturæ non habent unitatem aliquam unionis inter se: ergo æqualitas non fundatur super talem unitatem. Quod si dixeris, duos homines habere unitatem unionis inter se ratione convenientiæ in natura, ob quam fundant relationem æqualitatis; idem etiam dici potest de Christo, & beata Virgine; qualescumque enim æqualitas statuatur inter duos homines ratione naturæ, eadem statui poterit inter Christum, & Virginem ratione naturæ humanæ genitæ, quam habet Christus.

Dices ultimò: Si quam habuit relationem Christus ad beatam Virginem, eam dumtaxat habuit, quamdiu servavit integram naturam humanam ab ipsa beata Virgine genitam: sed illam integritatem humanitatis amisit in triduo mortis: dum enim anima separata est à corpore, totum hominis compositum periiit: igitur, vel amplius illam relationem realem filiationis non habet, vel eam non habet à beata Virgine acceptam, sed dumtaxat à Deo in resurrectione reproductam.

Negat minorem Doctor; n. 19. Quia, *inquit*, Christus post resurrectionem est filius Mariæ eadem filiatione, qua prius; quia filiatio fundatur super existentia naturæ acceptæ per generationem absolutè, cui non accedit interruptio, dummodò existentia sit eadem: & ideo quodcumque illa existentia est eadem, & aliud extremum idem, & filiatio est eadem: & eadem actione, qua fundamentum reddit idem, & relatio reddit eadem. Hæc Doctor, quibus significat Christum post resurrectionem eadem numero filiatione esse filium B. Virginis, qua fuit ante mortem.

QUÆSTIO QUARTA.

Utrum Christus Dominus sit, & dici possit Dei servus, & æterno Patri subiectus.

Notandum primò, ex Isamberto ad q. 22. art. 3. quadruplicem distingui posse servitutem in sacris litteris. Primam *naturalem*, & generalem, omnibus creaturis communem in ordine ad Deum, juxta quam quælibet creatura est ita sub dominio Dei, ut ei deserviat ad nutum, de qua Sapientia 16. *Tibi factori suo creatura deserviens*. Quod autem hæc servitus veritas, patet, quia tunc adest propria ratio servitutis, quando aliquis ita est subditus alteri, ut non tantum teneatur ei obedire tamquam superiori, sed etiam totum, quod est, & habet, existit sub illius dominio, teneturque se, & omnia sua in bonum ejus dirigere; sic enim servus propriè dictus, totum, quod est, & quod habet, censetur esse sui domini, ut docet Aristoteles in Politicis: at verò totum istud recipitur in quolibet creatura in ordine ad Deum, prout creatura est; nam & in esse, & in conservari dependet à Deo; potestque Deus utendo jure suo absoluto, illam destruere. Item ordinatur in Deum tamquam in finem ultimum, & si sit rationalis creatura, tenetur se, & omnes suas actiones in illum dirigere, & si quem alium finem sibi constituat, peccat: igitur quælibet creatura, quæ creatura est, dicitur serva in ordine ad Deum. *Secunda* servitus est *legalis*, & dispositiva, quæ lege, & non prima istius naturæ institutione est introducta, secundum quam aliqui ita sunt sub dominio alterius, ut sint illius quoad omnes suas actiones, & operationes temporales, easque in ejus bonum teneantur impendere; in qua spe-

specie constituuntur non tantum servi-
pitii, sed etiam conductitii pro tempo-
re, quo seiplos, & sua opera locant aliis.
Tertia servitus est *peccaminosa*, qua creatura
rationalis peccato, vel diabolo subicitur,
de qua 1. Joannis 10. *Qui facit peccatum,*
servus est peccati. *Quarta*, & ultima servitus,
dici potest *Pœnalis*, quæ consistit in illo af-
fectu, quo creatura rationalis obedit Deo
metu pœnæ subeundæ, quomodo Apostolus
ad Rom. 2. ait: *Non accepistis spiritum ser-*
vitutis iterum in timore. Queritur autem ut-
rum Christus D. aliquo ex his modis ser-
vus possit æstimari, & appellari.

Notandum secundò, inter primam servitu-
tem, & reliquas, id esse discriminis, quod
prima non repugnet ingenuitati, sed illam
compatiatur secum, & simul inferat ipsum
jus ad hæreditatem: siquidem Adam ante
peccatum, & ejus posterì, si perseverassent
in statu innocentie, fuissent servi Dei hoc
genere servitutis, ut satis per se intelli-
guntur; & tamen vi justitiæ originalis, vel
potius gratiæ sanctificantis habuissent jus ad
vitam æternam, communicassetque in bo-
nis ipsius Dei, cum gratia sanctificans, quam
importat justitia originalis, sit singularis que-
dam naturæ divinæ participatio, ratione
cujus *Filius Dei nominatur, & sumus*, ait S.
Joan. Item justì sunt servi hoc genere ser-
vitutis; nam & beata Virgo ancillam Dei
se nominat in suo cantico, & passim om-
nes Sancti; nec tamen sunt minus ingenui,
& liberi; imò, ut canit Ecclesia in officio
beatæ Agathæ: *Summa ingenuitas ista est, in*
qua servitus Christi comprobatur. Hinc S. Hiero-
nymus in illud Psal. 115. *O Domine, quia*
ego servus tuus, ait: *Grandis dignitatis, &*
meriti est esse servum Dei. Et S. Ambrosius
lib. 1. de Jacob, & vita beata cap. 3. ta-
lem servitutem vocat *libertatem gloriosam*.
Et S. Augustinus ad citatum versiculum
Psalmi 115. ait: Creaturam debere suo crea-
tori famulatum, *quem cum exhibet, libera est;*
hanc accipiens à Domino gratiam, ut ei non
necessitate, sed voluntate deserviat. Obser-
vandum insuper ad rationem formalem ser-
vitutis, non desiderari negationem com-
municationis in bonis domini, ut minus
rectè docet Vasquez loco citato cap. 9.
quia cum servitus patiatur secum ingenui-
tatem, atque consequenter communicatio-
nem in bonis: sola itaque communicatio
in bonis cum æqualitate, & omnimoda pla-

nè independentia, tollere potest rationem
servitutis, non autem qualibet communi-
catione in bonis domini.

Notandum tertio, tribus modis dici pos-
se, Christum esse subiectum Patri, videli-
cet, vel ratione inæqualitatis naturæ hu-
manæ respectu divinæ: vel ratione volun-
tatis divinæ, quæ est superior voluntate
creata Christi; vel ratione obedientiæ præ-
stite mandato, & præcepto paterno. De
prima, & secunda subiectione non est con-
troverfia; dicitur enim 1. Joann. 14. *Pater*
major me est: unde subiectio Christi status
manifestatur. Solim igitur movetur quæ-
stio de tertia ratione subiectionis, an vide-
licet Christus fuerit subiectus Patri ratio-
ne cujusdam præcepti, ad quod teneretur
ratione virtutis obedientiæ.

CONCLUSIO PRIMA.

Christus fuit subiectus Patri ratione præ-
cepti, cui tenebatur obedire. Probat: nam
implemet Joan. 10. & 14. dicit, *Manda-*
tum accipi à Patre meo. Et sicut mandatum
dedit mihi Pater, sic facio: & licet nomen
mandati aliquando in sacris Scripturis su-
marur latius, quatenus ea, quæ nobis com-
mandantur, nec præcipiuntur, appellantur
mandata; tamen communiter nomine man-
datorum, intelliguntur præcepta, & prohi-
bitiones. Hinc eodem capit. 14. proficitur
Christus se accepisse præcepta à Patre: *Ego*,
inquit, *præcepta Patris mei servavi*, quibus
in locis Christus facit parem conditionem
præceptorum sibi à Patre impositorum. De-
inde ad Philipp. 2. dicitur Christus factus
obediens usque ad mortem. Necessè, quod
dicatur excellentiorem esse obedientiam,
quando quis obedit superiori absque inti-
matione præcepti, quam cum intimatione
præcepti: hoc enim simpliciter falsum est:
licet enim aliunde actus ille sit excellentior,
& arguat voluntatem etiam alio titulo ex-
cellentiorem; nihilominus, si spectetur vis
obedientiæ, certè desideratur intimatio præ-
cepti, quæ sola respicit obedientiam tam-
quam suum proprium correlatum. Verum
de his amplior erit sermo disp. sequenti,
ubi agetur de meritis Christi.

Obijciat primò. Præcepta dantur alicui so-
lummodo propter duo, scilicet propter di-
rectionem faciendam in ipsa voluntate ope-
rantis; vel propter inflectionem pœnæ, qua-
tenus lex pœnam decernit, propter trans-

gressionem: at neutro modo datum fuit præceptum Christo. Non quidem primo modo, quia erat impeccabilis, & voluntas ejus aliunde satis sufficienter dirigebatur. Non etiam posteriori modo, quia metus pænæ arguit servitutem penalem, quæ nulla erat in Christo, ut mox dicemus. *Præterea*, ubi transgressio legis nulla potest esse, ibi etiam nulla potest adjungi legi pænâ infligenda, quia deest ipsi Legislatori ratio motiva ad penam constituendam, quæ est continere subditos in observatione legis, quam possunt infringere: ergo non potuit illi infligi pænâ: ergo nullum datur præceptum.

Confirmatur exemplo voti, quod Christus non potuit emittere, ut docent communiter Theologi, quia votum emittitur ab homine, ut, quia ejus voluntas non est firmata in bono, vovendo illam firmet immobiliter ad id, quod expedit facere, & id facit, ut timore inhonorandi Deum, & violandi promissum, absteineat ab ejus contrario. Cum itaque detur etiam præceptum alicui ad eum dirigendum, quia ejus voluntas non est firmata in bono, sed potest ab eodē deficere, & voluntas Christi non fuerit hujus conditionis, quandoquidem non potuit votum emittere, sic nec potuit præceptum aliquod illi imponi.

Respondeo negando majorem: daturenim præceptum propter actum, qui lege præcipitur; unde in ejusmodi præcepto, nec directio, nec pænâ primario consideratur, sed tantum secundario. *Directio* quidem, ubi voluntas firmata non est: pænâ verò, ubi adest potestas præceptum, & legem injungendi: & quia neutrum istud fuit in Christo; ideo non est etiam datum illi præceptum sub illis rationibus, sed addita ratione excellentiæ, & dignitatis actus, quem poterat elicere per obedientiam absque indigentia directionis, & metu pænæ. *Ad confirmationem*, respondeo Christum non potuisse votum emittere sub rationibus illis allatis in objectione, potuisse tamen aliis rationibus, quatenus nimirum est aliquis actus latræ, seu religionis, potuit enim Christus, ut homo, vel ex voto orare Patrem, jejunare, sacrificium, & similia, hæc enim nullam includunt imperfectionem, vel indecentiam.

Obijciens secundus: Ubi est præceptum, ibi est necessitas exequendi rem præceptam, quia præceptum inducit obligationem: at

Christus Joan. 10. negat se habuisse necessitatem moriendi: ergo &c.

Respondeo Christum Dominum asserere quidem se non habuisse necessitatem moriendi, quia mandatum de morte obeunda pro nobis, acceptatum fuit ab eo liberè, juxta illud 1. Cor. 38. *Tunc dixi; Ecce venio.*

Obijciens tertius: Mors Christi plerumque dicitur tantum permessa, non autem præcepta.

Respondeo dici permissam ratione cruci-figentium; dici tamen præceptam ratione crucifixi, & mortui.

Petens primò, quibus legibus Christus subiectus fuerit.

Respondeo primò fuisse subiectum legibus *juris naturæ*, tam ordinis naturalis, quam supernaturalis, quæ tamen dignitati personæ ejus non disconveniebant. Ratio est, quia Christus assumptus naturam humanam cum conditionibus, quæ illam sequuntur (excepto peccato, & ignorantia:) atque præcepta juris naturæ sequuntur naturam humanam, item continent rectum ordinem, quem rationalis creatura debet servare, & contra quem Christus non potuit operari. Dixi ordinis etiam supernaturalis, quoniam enim anima esset ordinata ad finem supernaturalem, respectu ejus dantur media quedam necessaria, quæ ex sua natura sequuntur talem ordinationem, cujusmodi est dilectio Dei supernaturalis, inde fit, ut huic, & aliis similibus præceptis fuerit Christus subiectus.

Dixi præterea, quæ tamen *dignitati personæ ejus non derogabant*; nam dignitas personæ Christi postulabat, ut ab aliquibus legibus etiam juris naturæ eximeretur: v. gr. jure naturæ debemus parentibus obedientiam: at Christum eam Matri suæ beatissimæ Virgini, cum esset illa superior, non tenebatur præstare: ideoque, quod Lucæ 2. dicitur, *Et erat subditus illi*, non ex obligatione præcepti naturalis, sed ex libera ejus voluntate, & ad nostram instructionem intelligendum est; ut significat S. Bernardus scilicet 29. in Cantica.

Respondeo secundò, Christum D. non fuisse subiectum *legibus humanis*, & colligitur ex cap. 27. Matthæi, ubi Christus significavit se solvere tributum, non ex obligatione, sed voluntariè; ne scilicet alii scandalizarentur. Ratio autem responsionis est, quia superior non potest obligari legibus inferioris: at Christus est superior omnibus legibus.

bus, & legislatoribus humanis: ergo non fuit subiectus legibus humanis.

Respondeo tertio, Christum non fuisse subiectum legibus politicis, tam novi, quam veteris Testamenti. Probat de legibus novi Testamenti, quia Princeps est solutus à suis legibus, & præcipue quando lex respicit subditos, quatenus sunt in aliquo statu distantaneo à statu Legislatoris, ut patet quando Princeps fert legem de solvendis tributis: atqui Christus est author novi Testamenti, & lex novi Testamenti respicit homines, quatenus sunt aliquo modo peccatores: ergo Christus non fuit subiectus legi novi Testamenti.

Probat in super de legibus *Veteris Testamenti*, quia lex vetus tantum data fuit pro Adami posteris descendentibus secundum rationem communem: à Christus hoc modo non descendit ab Adamo. Unde colligo, quod quando ad Galatas dicitur Christus *factus sub lege*, debet illud intelligi de voluntaria Christi subiectione in exemplum humilitatis. Illud autem Matth. 5. *Non veni solvere legem, sed adimplere*, recte intelligitur de adimplerione figuræ per exhibitionem veritatis, lex enim vetus erat umbra futurorum in novo Testamento.

CONCLUSIO SECUNDA.

Christus, ut homo, verè, & proprie dici potest servus Dei servitute naturali, non verò servitute legali. Probat prima pars ex Scriptura sacra, in qua Christus Dominus sæpissimè appellatur servus Dei. Sic Isaia 42. *Servus meus, suscipiam eum, electus meus, complacuit sibi in eo anima mea.* Et cap. 53. *In scientia sua iustificavit ipse servus meus multos.* Et Zacharia 5. *Adducam servum meum Orientem.* Eadem veritas in novo Testamento traditur; nam Matthæi 12. Evangelista locum ex Isaia adductum interpretatur de Christo. Nec refert, quod Evangelista non referat verba *servus meus*, sed *puer meus*, nam sæpissimè nomen pueri pro servis accipitur. Sic 1. Reg. 9. *Dic puer, ut antecedat nos,* & 21. *Si mundi sunt pueri (id est servi) maxime à mulieribus;* Et Psalmo 68. *Non avertas faciem tuam à puero tuo.* Quod etiam constat ex novo Testamento, ubi pueri nomen pro servo interdum scribitur. Sic maxime, Actor. 4. Petrus dixit: *Converserunt enim verè in civitate ipsa adversus*

sanctum puerum tuum Jesum, quo loci pueri nomen non significat hominem juniorem, & nondum adultæ ætate maturum, sed proprie pro servo accipitur. Imò ipsemet Christus Matthæi 11. hanc sibi appellationem tribuendam esse satis aperte significavit, cum dixit: *Confiteor tibi Pater Domine cæli, & terræ*, ubi Patrem appellat Dominum eorum, quæ in cælis, & in terris facta existunt, ut significet etiam se, ut hominem, Patrem, ut Dominum agnoscere; & consequenter, se inter ejus servos annumerari, ut colligit S. Athanasius lib. 3. contra Arianos. *Nec valet* reponere cum Vasquesio Scripturæ verba metaphoricè esse accipienda: tum quia Scripturarum oracula in propria sua significatione sunt accipienda, quoties nullum inde sequitur absurdum: at nil Christo, nilque Christianæ veritati detrahitur, ex eo quod Christus, quæ homo, appelletur servus Dei: igitur talis reverè censendus est: tum quia SS. Patres mox laudandi præfatas Scripturæ autoritates in propria significatione usurpant: igitur ita debent accipi. Nec pariter obstat, quod Adrianus summus Pontifex in sua epistola ad Concilium Francof. dicat, *nullum unquam Evangelistarum, neminem Apostolorum servum illum vocasse*: hoc enim idè dixit, vel quia rarò, & non ita expressis verbis in novo, ac in veteri Testamento sic vocatur, vel accipit servum in alia significatione, scilicet, vel pro puro homine, vel pro homine subdito peccatis, de qua re infra.

Probat secundò ex SS. Patribus: imprimis verò S. Chrysostomus hom. 7. in epist. ad Philipp. exponens hæc verba, *Formam servi accipiens*, ait, *Sicut in forma Dei perfectus est Deus, ita in forma servi perfectus est servus.* Similiter S. Ambrosius lib. 7. epistolæ 45. quemdam arguit, qui negaverat Christum pro nobis servitute accepisse, ubi exponens illud Psalms 108. *Adjuda me, Domine Deus meus*, ait: *Servitus enim carnis, dominatus Divinitatis est.* S. Hieronymus in epist. ad Tit. cap. 1. *Nec mirum quavis sanctos homines, Dei servos nobiliter vocari, cum per Isaiam Prophetam Pater loquatur ad Filium, Magnum tibi est vocari servum meum.* Ildorus lib. 1. de summo bono cap. 16. *Christus, & in forma servi servus, & in forma servi non servus; in forma quippe servi, Domini servus, & in forma servi hominum Dominus.* August. epist. 174. *Secundum formam Dei de seipso dixit. Ego, &*

Pa.

Pater unum sumus, secundum formam servi: quoniam Pater major me est. S. Athanasius ser. 3. contra Arianos, ubi voces facti, conditi, servi, & filii, referens; sic habet: *Omnes istiusmodi voces, ratione humanitatis, bene, & propriè competunt.* Nazianzenus oratione 3. de Theologia. *Tu mihi contra voces illas ingratitudinis tuæ indices enumera, has videlicet, Deus meus, & Deus vester; major, creavit, fecit, sanctificavit, servum etiam (si ita libet) & obedientem adijunge.*

Probat etiam ratione: Ille enim verè censetur servus, qui est sub potestate domini, & omnes suas actiones, suosque labores in ejus obsequium tenetur impendere, necnon & in omnibus ei parere, & obsequi: at hæc omnia Christo, ut homini, conveniunt respectu Dei. Primò namque Deus omnium hominum, & proinde Christi, ut hominis, ita est Dominus, ut pro libito, proque jure sui domini possit omnes homines, adeoque Christum, ut hominem, & omnes creaturas annihilare; ut ipsemet Deus testatur Deuteronomii 32. *Ego occidam, & ego vivere faciam, & Sapientia 16. Tu es Domine, qui vitæ, & mortis habes potestatem.* Similiter Christus, ut homo, quidquid habet, Deo præpotenti, tanquam totius boni distributori, & largitori debet. Pari ratione, omne suum obsequium in ejus cultum, & honorem tenetur impendere; nam omnia serviunt ei, quapropter Christus D. ut docet Apostolus ad Philip. 2. *Deo factus est obediens usque ad mortem, mortem autem Crucis.*

Dicit primò: Ratio creaturæ dependentis à Deo, non est fundamentum adæquatum servitutis veræ, & propriæ; sed insuper requiritur, ut qui servusest, non communicet ullo modo in bonis domini sui; at Christus ut homo, communicat in bonis Dei; siquidem, ut sit homo completus, debet habere substantiam; substantia autem Christi divina est: ergo ut homo, communicat in bonis Domini sui.

Nego majorem: Quamquam enim hæc communicatio in bonis domini fortè sit, quid consequens ad servitutem legalem, quia qui servus est servitute legali, ita est sub alterius dominio, ut cum eo neque in bonis, neque in honore, neque in dignitate communicet, non tamen illa negatio servitutis requiritur ad servitutem naturalem, ut diximus in secundo Notabili. Siquidem hæc non excludit jus ad communicandum in bonis,

& honoribus, ut patet non solum in filio, qui licet servus naturalis patris, tamen habet jus ad communicandum cum illo in bonis, & honoribus: sed etiam in sanctissimis viris; homines enim justi communicant per gratiam in bonis Dei, quia per gratiam sunt consortes divinæ naturæ, ut docet S. Petrus epist. 2. cap. 1. & habent jus ad visionem, & fruitionem Dei: attamen verè, ac propriè nominantur servi Dei, ut pluribi testatur S. Paulus, qui in suis epistolis maxime gloriatur hac appellatione pluries repetita, *Paulus Apostolus Jesu Christi.* Hinc Matth. 25. omni Justo ad æternam gloriam evocato dicitur *Euge, serve bone, & fidelis, &c.*

Inflabis iterum, justos equidem vocari servos Dei, sed impropriè: Siquidem Christus illis dixit Joann. 15. *Jam non dicam vos servos, sed amicos:* igitur illa responsio nulla.

Nego consequentiam: Christus enim solum à justis ablegat appellationem, & fortem servitutis servilis, quia justus non operantur instar servorum ex timore servili, sed instar filiorum ex amore: idcirco potius amici, quam servi nominantur. Quòd autem hæc servitus naturalis non excludat conditionem filii adoptivi, nec amici, constat, quia illa etiam compatitur cum conditione maternitatis; etenim beatissima Virgo, quæ abundantissime in honoribus Dei communicavit, quæque divinæ maternitatis titulo, & gloria illustrata est, tamen immediate post conceptionem Verbi divini, ac sibi concessam dignitatem maternitatis seipsam Dei servam, & ancillam nominavit, dicendo Lucæ 1. *Ece ancilla Domini:* unde in suo Cantico ibidem canebat, *Respexit humilitatem ancille sue, &c.*

Urgebis: Non eandem esse paritatem communicationis Sanctorum, ac Deiparæ Virginis in bonis Dei, ac Christi: igitur quantumvis illa communicatio non obstat quominus beata Virgo, & Sancti dicantur servi Dei, cum longe nobilior, & divinius Christus in Dei bonis communicet, nullatenus ejus servus reputari poterit.

Centra. Quantumvis Christus longè perfectiùs, quam quilibet alius Sanctus communicaverit cum Deo in bonis, non tamen communicavit ad æqualitatem; siquidem Christus non sibi vindicavit omnia divina attributa; nam nec est omnipotens, nec infinitus, nec immensus, licet enim attributa Dei de Christo prædicentur per communi-

cationem idiomatum, tamen reverà humanitas ejus non potest dici omnipotens, immensa, aeterna, &c. igitur non communicat in omnibus Dei bonis ad aequalitatem. Unde non obstante hac communicatione in bonis, Christus reverà dici poterit Dei servus, quia licet sit aequalis Patri secundum divinitatem, tamen est minor Patre secundum humanitatem.

Probantur cetera conclusionis partes. Primo quidem ex Concilio Francofordiensi, quod in epistola ad Episcopos Hispaniae Felicem, & Elipandum interpellat, *Intellegite*, inquit, *in hac professione vestra, duplices diabolicae fraudis laquei dolores . . . dum, & Dominum nostrum Jesum Christum, quem Deum colimus, & adoramus, servum praedicatis, & adoptivum, considerate quale est hoc scandalum inter paganas gentes, ut dicatur Deum Christianorum servum esse, vel adoptivum. Nos per illum adoptivi sumus, non ille nobiscum adoptivus. Nos per illum à servitute liberati, non ille nobiscum servus.* Idem colligitur ex Adriani summi Pontificis epistola ad Episcopos Hispaniae, in qua pariter Felicem, & Elipandum alloquens, ait: *Tanta vos dementia deludit; adoptivum cum . . . filium quasi purum hominem calamitati humanae subiectum, & quod pudet dicere, servum cum impij, & ingrati tantis beneficiis, liberatorem nostrum non pertimescatis venenosa sauce suffurare. Cur non veremini, queruli obtestatores Deo odibiles, illum servum nuncupare, qui vos de servitute diaboli liberavit? Et paulò post: Dominum igitur Angelorum, omnique creaturæ, cujus sub pedibus cuncta subiecta sunt, vos dicitis servum, & adoptivum.* Quibus duobus testimoniis aperte satis constat à Christo ablegari servitutem, non quidem naturalem in ordine ad Deum, cui assumpta natura subijcitur: sed vel legalem, vel poenalem, vel peccaminosam: quod clarius Concilium in eadem epistola significat dum ait: *Et sicum Propetia servum nominasset, non tamen ex conditione servitutis, sed ex humilitatis obedientia, quia factus est Patri obediens usque ad mortem.* Papa Leone dicente: *Assumpta est de Matre Domini natura non culpa, creata in forma servi sine conditione servili.* Quibus Verbis Concilium significat se removere à Christo servitutem non naturalem consistentem in humilitatis obedientia, quæ est propria creaturæ, sed servitutem legalem, & peccaminosam.

Reponit Vasquez, Pontificem, & Concilium removere à Christo omnem omnino servitutem, siquidem significant Christum esse simpliciter dicendum Filium, non verò servum.

Contra. Tam Pontifex, quàm Concilium à Christo servitutem illam eliminant, pro qua impugnanda SS. Patrum auctoritates proferunt: at omnes SS. Patrum auctoritates, quas proferunt, solum à Christo removere triplicem postremam servitutem. Nam sanctus Chrysostomus homil. 12. in epistola ad Heb. quem etiam pro sua sententia formanda allegat Vasquez, solum excludit conditionem servilem à Christo per ordinem ad homines, ait enim: *Sicut servus factus est, sic etiam Pontifex, & minister, sed sicut servus factus non mansit servus, sic & minister factus non mansit minister: non enim ministri est sedere, sed stare.* Quibus verbis ostendit S. Chrysostomus Christum jam ad dexteram Patris sedentem in Cælis non amplius gerere ministerium servi, nec ministri, per ordinem ad homines. Unde excludit solum à Christo subjectionem illam, quam adhuc mortalitas monstrabat per ordinem ad homines.

Similiter S. Leo Sermone primo de Nativitate post medium à Concilio mox laudatus, sic ait: *Assumpta est de Matre domini Domini natura, non culpa: creata est forma servi, sine conditione servitutis, quia novus homo sic contemperatus est veteri, ut veritatem susciperet generis, & vitium excluderet vetustatis.*

Denique S. Damascenus, qui apertius pro Vasquezii sententia militare videtur, non aliam à Christo ablegat servitutem, quàm quæ per peccatum est introducta, ait enim lib. 4. de Fide c. 19. *Si quæ reverà disjungi nequeant, hoc est, carnem à Verbo, animo, & cogitatione distinxeris, & servus, & ignarus dicitur: qui videlicet servus, & ignorantia naturæ laborantis erat: ac nisi caro Deo Verbo copulata fuisset, servus proculdubio, & ignorans extitisset, verum ob personalem cum Deo unionem id habuit, ut nec servus esset, nec in ignorantia versaretur.* Quibus verbis significat illam tantum à Christo removeri servitutem, cui sicut & ignorantia fuisset subiecta ipsius humanitas, si à Verbo non fuisset assumpta. Certum est autem, quod non fuisset subiecta ignorantia, nisi propter peccatum: Igitur S. Damascenus solum removel à Christo servitutem, quæ per peccatum in-

inducta fuisset: igitur non est, cur tantopere sibi blandiatur Vasquez suam sententiam apertis, & evidentibus Concilio- rum, & SS. Patrum oraculis esse firmatam.

Urget Vasquez; Concilium Francofor- dienſe, postquam à Christo removit ser- vitutes præfatas, subiicit: Quid dicitis de Deo Patre, qui cum in baptismo, & transfig- uratione Filium nominavit, non Servum?

Deinde, Si Christus posset dici servus servitutæ naturali, frustra tantopere labo- rasset Adrianus summus Pontifex, ut om- nes Scripturæ textus aliquam Christo ser- vitutem tribuentes, in sensum allegoricum detorqueret, facili namque negotio dixisset, illos esse intelligendos de servitute naturali Christi in ordine ad Deum, si il- lam in Christo agnovisset.

Respondeo primo negando consequentiam. Nam præter servitutem naturalem, qua homo dependet à Deo, etiam habere po- test aliam servitutem respectu Dei ex pec- cato contractam, siquidem eo ipso, quo homo peccator est, novo titulo Deo, ut Judici, & vindici subijcitur, Deusque no- vum jus obtinet in peccatorem, ut ipsum non solum penis subijciat, sed etiam ex- terminet, & annihilat.

Respondeo secundo, Concilium loqui de servitute, quæ fundaretur in supposito, & persona, qualem servitutem admitter- bant Felix, & Elipandus, qui Nestorii errorem innovantes, duplicem in Christo personam affirmabant, ut significant Pa- tres ejusdem Concilii, Felicem, & Eli- pandum in eadem epistola sic alloquen- tes, *Nonne olim eadem hæresis vestra in Ne- storio refutata etiam & damnata est?* Unde S. Damascenus lib. 3. de Fide cap. 21. *Li- autem, ait, qui servum eum dicunt, unum Christum instar Nestorii in duos dividunt.*

Respondeo ad secundum Consultus qui- dem, ac rectius fuisset testimonia in pro- prio, quàm in metaphorico sensu accipe- re: nihilominus prudenti consilio Ponti- fex ad metaphoram deduxit, ne servitutis nomen (tantopere Hispanis odiosum pro- pter ditam, ac diuturnam eorum servitu- tem, qua à Mauris vexabantur) Christo tribueret, & sic Hispanicæ Ecclesiæ Pa- tribus gravis, & insensus appareret.

SECTIO SECUNDA.

De Humanitate Christi.

Christum esse verum hominem, non est, quòd probemus contra Judæos; nihil enim certius ab omnibus illis existi- matum est, quippe omnes Prophetiæ, quæ venturum Messiam prænuntiabant, eum de semine Abraham ex sœmore Jacob, Da- vidis filium, & aliud ejusmodi significa- bant. Idipsum expressè docuit Moyses Deuter. 18. dum populum Judaicum allo- quens ait: *Prophetam de gente tua, & de fratribus tuis sicut me suscitabis tibi Domi- nus*: Quoniam verò in hac assertionem in- festos habet Ecclesiæ fides antiquos om- nes hæreticos, quos in hujus tractatus præ- ludio recensui, quippe hominem specie tenus assumptum aliqui putaverunt: non- nulli veram carnem inficiati sunt, vel è Cœlo delibutum corpus dixerunt, vel animam, partemve animæ segregarunt, aut ejus facultates negaverunt. Contra utrosque hæreticorum cuneos hac in se- ctione pugnandum est, ac docendum, perfectam hominis in Christo fuisse natu- ram, & suis omnibus expletam partibus, ac facultatibus, quales sunt anima ratio- nalis, & humanum corpus, ac utriusque naturales partes, & potentie. Quo uno demonstrato, causam adversus illos obtri- nebimus, qui aut effigiem solam hominis adumbratam esse in Christo mentiti sunt, aut solam animæ substantiam absque cor- pore fuisse cum hujus imagine, aut larva: aut istud ipsum carne minime constare; sed aliena ex materia, seu ex æthere, Cœ- love esse decerptum existimant.

Quatuor igitur maxime veniunt hic de- terminanda. *Primum*, an Christus verè integram hominis naturam anima ratio- nali, & humano corpore constantem as- sumperit. *Secundum*, an omnes humani corporis partes, & humores inseparabili- ter sibi conjunxerit. *Tertium*, an Christi humanitas propriam habuerit existentiam, ac substantialem existendi, & subsisten- di modum. *Quartum*, an habuerit om- nes animæ facultates, maxime volunta- tem humanam, eamque in omnibus divi- næ concordem.

QUÆSTIO PRIMÆ.

An Christus verè integram humanitatem animam rationalem, & humano corpore constantem habeat.

Notandum primò, cetera dubium esse, Verbum divinum ab eo tempore, quo in humanis apparuit, hominem fuisse denuntiatum, & appellatum, nec ullus est hæreticorum, qui eam constantem veritatem denegat, quippe id aperitissimè testantur Scripturarum oracula, non solum Veteris Testamenti, sed maximè novi. Sic Joan. 8. Christus ipsemet ait; *Queritis me interficere hominem, qui veritatem locutus sum vobis.* Et cap. 9. Cæcus illuminatus à Christo dixit; *Ille homo, quid dicitur Jesus, lumina fecit.* &c. Quin cum audiret Christus, non correxit, sed ulterius ab illo petiit, ut crederet etiam ipsum esse Filium Dei. Et cap. 10. Judæi dicentes Christo: *De bono opere non lapidamus te, sed quia tu homo cum sis, facis te ipsum Deum:* Christus verò primum admittens, se nihilominus Deum esse, & rectè appellari confirmat. Unde Caiphas Joan. 11. & 18. consilium, spiritui prophetico motus, dedit Judæis: *Expediit vobis, ut unus homo moriatur pro populo,* &c. Quem hominem ibidem declarat Evangelista esse Jesum Christum, qui moriturus erat pro universo humano genere. Solum ergo dubium restat, an illa hominis appellatio Christo revera fuerit attributa: ita quòd veram humanitatem in ipso designaverit, an autem dumtaxat fuerit metaphorice quidam locutio, ut contendebant olim hæretici, quotquot integram in Christo, ac veram humanitatem existere denegabant.

Notandum secundò, varios, ut in hujus tractatus præludio monuimus, hæreticos extitisse, qui veram animam in Christo negabant: imprimis namque *Ariani* quidam docebant Christum non habere veram animam rationalem, sed Verbum illi fuisse locum animæ, ut refert S. Epiphanius hæresi 63. & S. August. hæresi 42. qui quidem error etiam tribuitur Eusebio Cæsariensi, & aliis Arianis ejus sequacibus in 7. Synodo actione 6. *Apollinaris* autem, qui in principio idem sentierat cum Arianis, postmodum apertis Scripturæ textibus convictus erroris, nec tamen cedens, demùm docuit in Christo quidem esse animam sentientem, non verò

mentem, ut referunt Epiphanius hæresi 77. Nazianzenus orat. 46. August. hæresi 55. Quid autem nomine *mentis* intellexerit hæreticus ille, an scilicet potentiam intellectivam, vel ipsam substantiam rationalis animæ, non satis apertè explicant dicti Patres. Nam August. dicit: Negavit mentem, quæ est rationalis anima hominis; Epiphanius verò refert se interrogasse hæreticos, quid nomine *mentis* intelligerent, ipsosque respondisse esse substantiam, seu spiritum: Ex quo, inquit Suares, disp. 15. sect. 7. sequitur eos negasse partem quamdam humanæ naturæ, sortè eo sensu, quòd hæretici *didici Dimeritæ* dixerunt, ex tribus partibus humanæ naturæ, corpore, anima, & mente, Verbum duas priorum tantum assumptisse, ut constat ex sancto Epiphanio hæresi 78. & ex epistolis Damasi, quas refert Nicephorus lib. 12. historiæ cap. 17. in quibus Damasus contra hos hæreticos definit assumptisse Christum veram animam rationalem, non obscure indicans illos hæreticos id negasse, & in eo secutos fuisse errorem Apollinaris.

Notandum tertio, varios item hæreticos negavisse in Christo verum corpus ex Virginis sæcunditate, & semine genitum; siquidem Marcion Episcopi filius, & Cerdonius discipulus, ut refert Tertul. lib. de præscr. cap. 51. illiusque sequaces contendunt in Christo solum fuisse corpus phantasticum, & apparens, ut referunt Justinus Martyr Apologia 2. pro Christianis Irenæus lib. 1. c. 19. qui ait, propterea hunc hæreticum expunxisse prima capita Evangelii Lucæ, quæ sunt de humana Christi generatione, & Tertullianus illis libris, quos contra Marcionem edidit. Fuerunt verò alii hæretici, qui verum corpus Christum habuisse docuerunt, sed non ejusdem rationis cum nostro, qui idcirco varias in partes scissi sunt: quidam enim dixerunt Christi corpus formatum fuisse ex elementis, ut *Apelles* Marcionis discipulus, & postea defector, inquit Tertul. alii, habuisse corpus cæleste, ut *Valentinus*: qui, inquit Tertul. lib. de præscript. cap. 42. dicebat Christum *spirituale nescio, quod corpus de cælo deferentem, quasi aquam per siphulam, sic per Mariam Virginem transisse; nil inde, vel accipientem, vel mutantem.* Aliqui denique dixerunt habuisse corpus divinum consubstantialitè Divinitati, vel certè ex ipsa formatum, ut docebat *Apollinaris*, referente Justino Martyre Apologia 2. circa finem.

Tri a

Tria igitur sunt hic distinctè resolvenda majoris claritatis gratia, quæ nihilominus in idem collineant. *Primum*, quod Christus veram, & integram humanitatem assumpserit. *Secundum*, quod verum corpus nostris consubstantialitè habuerit. *Tertium*, quod etiam veram animam rationalem habuerit nostris omninò similem.

CONCLUSIO UNICA.

Verbum divinum veram, & integram humanitatem assumpsit, anima rationali, & humano corpore constantem. Hæc est de fide determinata in variis Conciliis generalibus, & Symbolis: Firmaturque illis omnibus Scripturæ sacræ oraculis, quæ Deum factum hominem confirmant, ac nostri similem, & inter nos humano more versatum, ac locutum. Et enim homo non est, sed larva hominis, & imago mendax, quod parte aliqua necessaria, & substantia hominis caret. Quamobrem, ut argumentatur Theodoretus lib. I. contra hæreticos cap. 14. *quoties, vel hominem? Christus vocat, vel cum Abrahami, & Davidis semini, ac sibi inscribitur, toties vera carnis, ac vera anima testimonium perhibetur; non enim si alterutra pars desit, nuncupationibus istis veritas subsistat.* Quam utique rationem eximè expendit sanctus Hilarius lib. 9. & ex eo Theodoretus: Natus igitur, inquit, Unigenitus Deus ex Virgine homo, & secundum plenitudinem temporum in semetipso præventurus in Deum hominem, hunc per omnia Evangelici sermonis madum tenuit, ut se Filium Dei credi doceret, & hominis filium prædicari admoneret. Locutus, & gerens homo universa, quæ Dei sunt; loquens deinde, & gerens Deus universa, quæ hominis sunt: ita tamen, ut in ipso illo utriusque generis sermone nunquam, nisi cum significatione hominis locutus, & Dei sit.

Eandem veritatem testantur vetustissima Symbola, quæ ante Nycænam Synodum per Ecclesias legebantur. Hoc Nycæna ipsius, & sequentium Synodorum decisiones, ac fidei professiones aperitissimè tradunt, dum proferunt Verbum incarnatum, & hominem factum. Hinc Synodus Constantinopolitana secunda inter Oecumenicas, epistola ad Damasum, & alios in Romana Synodo congregatos, ait: *Se nec animæ, aut mentis experient, nec imperfectam carnis æconomiam admittere: verum nosse se*

perfectum ante secula Dei Verbum, & perfectum hominem in novissimis diebus propter nostram salutem fuisse. Chalcedonenſis in decreto fidei quod actione 3. promulgatum est, Christum Dominum eundem affirmat esse perfectum in Divinitate, & perfectum in humanitate: Deum, & hominem reverè eundem ex anima rationali, & corpore: consubstantialem Patri secundum Divinitatem, & consubstantialem nobis secundum humanitatem, & per omnia similem nobis absque peccato: quæ Athanasii Symbolum eadem expressit sententia: Perfectus, inquit, Deus, perfectus homo ex anima rationali, & humana carne subsistens. Longum esset, & supervacuum hic scribere omnes posteriorum Conciliorum definitiones, ac SS. Patrum auctoritates, quibus Catholica hæc veritas docetur, & firmatur: juvat tamen illam probare argumentis, quibus utuntur plerique Patres ad eandem veritatem confirmandam.

Primum itaque argumentandi genus ex eo deducitur, quod nisi integra esset Christi humana natura, vera non esset, nec verus homo Christus, idèquè nec homo esset omninò; nam quod verè aliquid non est, hoc simpliciter non est: sic autem ratiocinatur Tertullianus in libro de carne Christi: *Alius, inquit, non diceretur homo Christus sine carne; nec hominis filius sine aliquo parente homine, sicut nec Deus sine spiritu Dei, nec Dei Filius, sine Deo Patre. ... quid dimidias cum mendacio Christum? Totus veritas fuit.* Hinc lib. de resurrectione carnis cap. 40. *Porrò nec anima, inquit, per semetipsam homo, quæ simento jam homini appellatio postea inserta est: nec caro sine anima homo, quæ post exilium anima cadaver inscribitur: ita vocabulum homo consertarum substantiarum duarum quodammodo stibula est, sub quo vocabulo non possunt esse, nisi coherente.* Eandem ratiocinationem format Gelasius in libro de duabus naturis, probans adversus Accephalos Christum consistere duabus naturis, quoniam unius rei proprietate sublara, inquit, pro parte apud eos medius erit Christus non unus, non integer; idèquè nec verus; sequitur ut falsus, quia modis omnibus in hoc tendit abruptum, si aliquid naturaliter inde removeretur, ex quibus vel in quibus unus, & integer Christus est: ob hoc consequenter & verus; ergo ut verus sit, integer sit necesse est: ut integer unus, idemque persisteret. Hæc Gelasius.

Probatur secundò ex eo, quòd Christus Redemptor debuit inter nos, ac Deum sequeretur, conciliatorque esse, hoc est medium, sive, ut loquitur Scriptura Mediator; de cuius huiusmodi Mediatorem ambas, utraque partes in se complecti, ut facilius concordare statueret. Sic ratiocinatur S. Hilarius lib. 9. sub initium: Mediator, inquit, ipse in se ad salutem Ecclesie constitutus, & ipso ipso inter Deum, & hominem mediatoris sacramento utrumque unus existens, dum ipse ex unitis in idipsum naturis, naturæ utriusque res eadem est; ita tamen ut neutro careret in utraque. Hoc argumentum luculentis verbis urget S. Fulgentius lib. 1. ad Trasimundum cap. 15. ubi ait: Non in cassum hominem Jesum Christum Mediatorem Dei, & hominem nuncupatum: nisi quia idem Deus totum in se natum suscepit hominis, & idem homo totum in se habet substantiam Dei-tatis. Nam quia per peccatum homo fuit separatus à Deo; inter Deum irascentem, hominemque peccantem, talis utique Mediatoris debuit intervenire persona, quæ ad propitiandum Deum homini, totum, verumque in se Deum de Deo natum haberet, & ad reconciliandum hominem Deo, totum, verumque in se homine natum hominem contineret.

Denique probant SS. Patres totum hominem idcirco à Verbo assumptum, quia totus homo vulneratus sanari debuit. Testatur hoc imprimis Iustinus Martyr circa finem Apologetici primi, dicens: *Nostri causa hominem factum esse Dei Verbum, uti passionum nostrarum particeps factus remedium adhiberet.* Greg. Nazianzenus epistola 1. ad Cledonium: *Si quis, inquit, in hominem mentis experientiam speret (loquitur de Apollinare) amens est revera, neque dignus, qui totus salvetur: quod enim assumptum non est, quæ rationis est expertus: quod autem unum est Deo, ipsum & salutem donatur: si dimidiatus tantum Adamus lapsus est, dimidiatum quoque tantummodo fuit, quod assumitur, & salvum fit. Quid si totus peccavit, toti quoque generi unitus est; atque ex toto salutem assequitur.* In idem collineat Iustinus lib. contra Arianos cap. 3. Totus, inquit, Adam totum salvare venerat; non autem videbatur totum expulsus in se suscepisse, nihilum suscepisset per substantiam carnis, & animæ, hoc enim totus homo est per naturam. Idem urget S. Ambrosius epistola 63. sic scribens: *Adversus Apollinarem legitimam banc esse circumspectionem, ut consicamur, sicut in Dei firmo*

nihil ei defuit, ut divina natura, & plenitudinis, sic in illa forma hominis nihil ei defuit, se, quo imperfectus homo judicaretur: qui idcirco venit, ut totum hominem salvum faceret; neque enim decebat, ut qui perfectum opus in aliis consummaverat, hoc imperfectum in se esse pateretur; si enim aliquid ei defuit, non totum redemit: si non totum redemit, fecerit igitur, qui dixit, idcirco venisse, ut totum hominem salvum faceret, sed quia impossibile est mentiri Deum, non fecerit ergo; quia ita venit, ut totum redimeret, & salvum faceret; totum atque suscepit, quod erat humane perfectionis. Illud argumentum mirum in modum urget S. Fulgentius lib. 1. ad Trasimundum cap. 10. ubi inter cetera ait; Hoc Deus in nobis salvavit, quod pro nobis accepit, & illam Deus Dei Filius naturam facit participem salutis æternæ, quam sibi coniunxit in unitate persona.

Obijciat 1. Apollinaris. Duo perfecta non capiebat Christus, seu duæ naturæ perfectæ in unam personam non poterant coalescere: igitur Christus duas integras, & perfectas naturas, quales sunt divinas, & humanas, non habet sibi personaliter unitas.

Respondeo S. Gregorius Nazianzus, mox laudatus, antecedens esse verum in iis, quæ instar corporum continentur, vas enim unius modii capax duos non continebit, neque corporis unius locus duo corpora: at in intelligibilibus, & corporis expertibus rem secus habere, hæc enim plura possunt esse simul, ac etiam pervadere, ac penetrare se possunt. Adde: Distingui posse illud antecedens; Duo perfecta tam secundum naturam, quam secundum suppositum, simul in unam personam coalescere nequeunt; concedo: quorum unum est dumtaxat secundum naturam, & perfectibile est per suppositum alterius, à quo debet completi, & sustentari, nego; humanitas autem Christi est dumtaxat perfecta secundum naturam, & perficitur, ac completur per suppositum Verbi.

Obijciat 2. Si Christus fuisset perfectus homo, fuisset mundi pars: at hoc dici nequit, quia mundi pars non potest asserere salutem mundo. Igitur non fuit perfectus homo.

Respondeo 1. negari posse majorem: siquidem Christus non tantum homo, sed est etiam Deus, qua ratione non est mundi pars, sed Dominus.

Respondeo secundò, negando minorem, quid

quid enim obstat quominus pars mundi salutem mundo afferat? quippe decebat, ut homo nostris similis salutem nobis afferret, juxta illud Psalmi, *Frater non redimit, redimet homo*, non utique homo purus, sed homo Deus, ut explicat S. Augustinus.

Obijciebas 3. illud Pauli ad Philip. 3. ubi de Christo Dom. dicitur, quod sit *in similitudinem hominum factus, & habitu inventus, ut homo*. Igitur revera Christus non erat homo, sed tantum ad instar hominum.

Nego consequentiam. Et ad antecedens dico illam particulam *in similitudinem* non excludere veritatem, sicut patet Genes. 2. cum dicitur, quod Adam genuit Filium *ad imaginem, & similitudinem suam*. Vel si gratis dicimus illam particulam excludere veritatem, reponam cum S. Chrysostomo in hunc locum, illud non referri ad homines, ut homines, sed ad homines, ut peccatores, quomodo de eodem Christo dicitur ad Romanos 8. quod habuerit carnem *in similitudinem carnis peccati*, quamvis non habuerit carnem peccati. Cætera, quæ obijciebat, refert sequens.

CONCLUSIO SECUNDA.

Christus habuit animam rationalem ejusdem speciei cum cæteris animabus hominum. Hæc etiam est de fide, ut constat ex præcedenti concl. & probatur insuper illis Scripturæ textibus, quibus Christus Dominus de sua anima sermonem fecit. Sic Joannis 12. *Nunc anima mea turbata est*. Et Matth. 26. *Tristis est anima mea usque ad mortem*. Ubi nomine *animæ*, non potest Verbum divinum intelligi; alioqui sequeretur illud esse passibile, ac humanis passionibus, & affectibus subditum, quod neque ipsi Apollinaristæ admittebant, utpote cum crederent Verbum esse verum Deum. Nec etiam ista oracula possunt accipi metaphorice, quemadmodum in Veteri Testamento dicitur *anima Dei*, id est, divina voluntas: Sic Isaie primò: *Kalendas vestras, & solemnitates vestras odit anima mea*, hoc est, mez divinitatis sunt odiosæ. Nam revera nomine *animæ* Christus veram sui corporis vivificantem animam ab ipsa divinitate distinctam sufficienter significavit, cum ait Joannis 12. *Potestatem habeo ponendi animam meam; & iterum sumendi eam*. Hæc enim potestas ponendi animam, fuit in aliquo

ab anima distincto; non quidem in corpore, cum corpus non habeat potestatem se solo alegandi, & resumendi animam: igitur hæc maxime residebat in divinitate Christi: igitur Christi divinitas, & ejus anima distinguuntur.

Nec etiam testimonia illa possunt exponi de anima sentiente, tum quia ibi non est sermo de quacumque tristitia rationali, sed de tristitia voluntaria, ut constat ex verbis sequentibus, *Verumtamen non mea voluntas, sed tua fiat*. Tum quia ex voluntaria consideratione, & attentione excitavit in se illam tristitiam, ut argumentatur VI. Syn. Actor. 8. quod utique confirmatur ex Joan. 10. ubi Christus Judæos ejus necem meditantes ita alloquens ait, *Potestatem habeo ponendi animam meam, & iterum sumendi eam*. Ex quibus constat illum habuisse libertatem arbitrii, & subinde animam rationalem.

Insuper hæc veritas definita est in plurimis Conciliis. Primum quidem in Concilio Romano sub Damaso Papa in professione fidei, quam refert Theodoretus lib. 5. Historiæ cap. 9. *Epiphano* in epistola Cyrilli ad Nestorium, quæ ibidem approbatur Canone 3. *Chalcedonenſi* sessione 1. & aliis sequentibus.

Eam itidem veritatem tradunt omnes sancti Patres, maxime S. Leo in epistolis 11. 72. & 93. & S. Augustinus lib. contra Felicianum Ariarium c. 13. ubi illam veritatem plurimis rationibus demonstrat, quarum potissimam desumit ex fine Incarnationis: *Tum quia* fine rationali anima non potuisset Christus orare, mereri, nec satisfacere; *Tum quia* cum incarnatus fuerit ad redimendum hominem lapsus, assumere debuit id, quod potissimum in homine ceciderat, quodque maxime redemptione indigebat; hoc autem est anima rationalis.

Confirmari potest etiam rationibus Philosophicis: Siquidem Deus non potest fieri forma corporis; quippe forma est totius compositi pars constitutiva; omnis autem pars imperfectionem denotat, quæ longè a Deo eliminanda est.

Deinde, etiam potest aliquatenus informare, cum compositum suam denominationem accipiat a forma, nulla ratione Christus esset verus homo, quippe hominis formam constitutivam non haberet.

Denique, anima rationalis non est in homine distincta à sensitiva; ergo si Christus assum-

assumpsisset tantum animam sensitivam, non assumpsisset animam hominis, sed bruti.

Obiciebat Apollinaris. Si Christus totum, ac perfectum suscepit hominem, consequens est humanas in eo cogitationes extitisse: fieri autem non potest, ut non sit in humanis cogitationibus aliquid peccati; quia, inquit Apostolus, ad Rom. 8. *Sapientia carnis mors est: & Sapientia carnis inimica est Deo; legi enim Dei non subijcitur.* Unde concludebat Apollinaris, ut refert Leontius, Deum totum hominem non assumpsisse, quandoquidem totus homo non est expertus omnis peccati in hac via.

Respondens sancti Patres, maxime S. Athanasius lib. de salute advenarum, negando vitiosas hujusmodi cogitationes, sive affectus in humana Christi natura fuisse: quippe non sunt illius naturæ appendices, sed peccati foetus: quare in Adamo antelapsum neotiquam istæ cogitationes, quæ concupiscentiæ vocabulo censentur, extrabant: sed, inquit Athanasius, postquam mandatum prætergressus est, talibus cogitationibus obstrictus esse coepit: non quod Deus urgentes cogitationes istas creavit: sed quod diabolus ex fraude, ac deceptione illas super rationali natura seminaverit, postquam in transgressione legis constituta esset, & à Deo rejecta. Cum ergo Christus nulla prorsus cogitatione fuerit infectus Adami peccatoris, immunis fuit ab ejusmodi cogitationum, & illecebæ carnis.

Obiciebat secundò: Si Christus habuisset reverè integram animam rationalem, & mentem humanam, duas etiam principales moderatrices habuisset humanarum actionum facultates, nempe humanam mentem, & divinam voluntatem: at hoc dici non debet, quippe unica moderatrix sufficiebat: superfluebat igitur altera: in Christo autem nil debuit esse superfluum: igitur non debuit mentem humanam assumere, cum ad suas moderandas actiones sufficientissima fuerit divina voluntas.

Nemo minorum: Nam, inquit S. Maximus martyr apud Euth. Panopl. tit. 7. *Quemadmodum lana alba purpure colore tincta, non est bicolor, sed unus dumtaxat coloris, sic in assumpta natura, desinca hominis mente, non sunt duo principalia Deus, & mens, sed unum videlicet, qui divinam mentem effecit Deus:* Quibus verbis non vult Maximus extingui fuisse mentem in Christianima ex consortio divinitatis, que-

Erassen Theol. Tom. VII.

madmodum lanæ candor aboletur purpuræ rubore suffectus, sed solum, quod salva, & integra manente anima, ejusque principali parte, quæ est mens, et tamen principatum non tenuit actionum, sed cum ex toto Divinitate esset imbuta, & munita ad hujusce ductum, ac moderationem applicabat; ita quod divina mens humanam in Christo mentem ageret, eamque gubernaret.

CONCLUSIO TERTIA.

Verbum divinum corpus humanum assumpsit ejusdem materie, & rationis cum nostro. Hæc pariter est de fide, quam aperte Scriptura tradit: Sic Joannis 1. legimus: *Verbum caro factum est, non per conversionem Divinitatis in carnem, sed per assumptionem humanitatis, & unionem cum persona Verbi.* Hinc Rom. 1. Christus dicitur, *Factus ex semine David secundam carnem.* Et ad Hebræos 2. *Quia pueri communicaverunt carni, & sanguini; & Filius Dei participavit eisdem.* Idem definitum est in Conciliis suprâ laudatis, & specialiter in Concilio Hispanensi 2. cap. 13. & in Bracharensi 1. cap. 4.

Eandem veritatem probat Tertullianus quinque libris contra Marcionem: maxime vero libro de carne Christi, cujus præcipuas rationes in gratiam religionis juventutis, cui nondum hic Author familiaris est, in summam referre lubet. Probat Christus veram habuisse carnem *primò ex ejus Nativitate.* Marcion, inquit c. 1. ut carnem Christi negaret, negavit etiam Nativitatem, aut ut Nativitatem negaret, negavit et carnem, scilicet ne invicem sibi testimonium redderent, & responderent nativitas, & caro, quia nec nativitas sine carne, nec caro sine nativitate. *Inde cap. 2.* carpit Marcionem, quod deleverit prima capita Evangelii Lucæ, quibus Christi Nativitas, & infantia delineatur: His opinor, inquit, consiliis, & originalis instrumenta Christi deleverit Marcion ausus est, ne caro ejus probaretur, & quæ oro te authoritate? Si Propheta es: prenuntia aliquid, si Apostolus, prædica publice: si Apostolicus, cum Apostolis senti: si tantummodo Christianus es, crede, quod traditum est: si nihil istorum es, merito dixerim, morere: nam, & mortuus es non cre-

R

cre-

„credendo, quod creditum Christianos
„facit.

„Cap. 3. Probat illam nativitatem, & car-
„nis assumptionem, nec impossibilem, nec
„inconvenientem esse Deo. Non potest, in-
„quit, dicere si natus fuisset, & homi-
„nem verè induisset, Deus esse decessisset,
„amittens, quod erat, dum assumit, quod
„non erat: periculum enim statui Deo
„nullum est.

„Cap. 4. Demonstrat illam nativitatem ex
„Virgine, neque indignam, neque Deo stul-
„tam. Unde sic Marcionem interpellat, ab
„ipsa quidem exortus odio habita nativita-
„te, Perora, age jam spurcitijs genita-
„lium in utero elementorum, humoris,
„& sanguinis sœda coagula, carnis ex
„eodem cœno alendæ per novem men-
„ses, descebre uterum de die in diem in-
„solentem, gravem, anxium, nexum,
„totum incertum libidinibus fastidii, &
„gula. Invere jam, & in ipsum mu-
„lieris enitens pudorem, vel pro peri-
„culo honorandum, vel pro natura reli-
„giosum. Hortes utique, & infantem cum
„suis impedimentis profusum utique, &
„oblitum, dedignaris, quod pannis strin-
„gitur, quod vinclionibus formatur, quod
„blanditijs deridetur. Hanc venerationem
„nec, o Marcion, naturæ despicias: &
„quomodo natus es? odisti nascentem homi-
„nem, & quomodo diligis aliquem? te
„quidem planè non amasti cum ab Ecce-
„lesia, & fide Christi recessisti, sed vide-
„ris si tibi displices, aut fialiter natus es.
„Certè Christus dilexit hominem illum in
„immunditijs, in utero coagulatum, il-
„lum per pudenda prolatum, illum per
„ludibria natum: propter eum descendit,
„propter eum prædicavit: propter eum
„omni se humilitate dejecit usque ad mor-
„tem, & mortem crucis: amavit utique,
„quem magno pretio redemit.

„Confirmat cap. 5. demonstrando Christum
„veram habuisse carnem, quia verè passus,
„& crucifixus est. Quid enim, inquit,
„indignus Deo? quid magis erubescen-
„dum? nasci, an mori? carnem gestare,
„an crucem? circumcidi, an suffigi? edu-
„cari, in præsepè deponi, an in monu-
„mentum recondi?.... Hic responde,
„interfector veritatis, nonne verè crucifi-
„xus est Deus? nonne verè mortuus, ut
„verè crucifixus? nonne verè resuscitatus,
„ut verè scilicet mortuus? Falsò ergo sta-

„tuit inter nos scire Paulus tantum cru-
„cifixum, falsò sepultum ingessit, falsò
„resuscitatum inculcavit. Falsa est igitur,
„& fides nostra, & totumphantasma est,
„quod speramus à Christo. Sceleratissime
„hominum, qui interemptores excusas Dei.
„Nihil enim ab ei passus est Christus, si
„nihil verè est passus. Parce unicæ spei
„totius orbis, qui destruis necessarium
„decus fidei: quodcumque de eo indi-
„gnum est, mihi expedit: salvus sum si
„non confundar de Domino meo. Qui
„me, inquit, confusus fuerit, confundar,
„& cum, alijs non invenio materias con-
„fusionis, quæ me per contemptum rubo-
„ris probent, bene impudentem, & scilicet
„stultum, natus est Dei filius: non
„pudet, quia ineptum est: & sepultus re-
„surrexit, certum est, quia impossibile est.
„Sed hæc quomodo in illo vera erunt, si
„ipse non fuit verus? si non vere habuit
„in se, quod figeretur, quod moreretur,
„quod sepeliretur, & resuscitaretur? Car-
„nem scilicet hanc sanguinem suffusam, os-
„sibus substructam, nervis intexam, ven-
„nis implexam, quæ nasci, & mori no-
„vit, humanam sine dubio, ut natam de
„homine.

„Cap. 6. Urget contra Appellem Marcionis
„discipulum, qui asserbat Christum de syde-
„sibus, & substantiis, superioris mundi car-
„nem esse mutuum: licet Angeli sibi efficiant
„corpora ex materia cœlesti, aut aëa, dum
„hominibus apparent: igitur ait: Qui car-
„nem Christi ad exemplum proponunt An-
„gelorum, non natam dicentes, scilicet
„carneam, comparent, velim, & causas,
„tam Christi, quam & Angelorum, ob
„quas in carnem venerunt. Nullus un-
„quam Angelus ideo descendit, ut crucifi-
„geretur, ut mortem experiretur, ut à mor-
„te resuscitaretur: si nunquam ejusmodi
„fuit causa Angelorum corporandorum,
„habet causam cur non nascendo acceperint
„carnem. Non venerant mori, ideo nec
„nasci: at verò Christus mori missus, nasci
„quoque necessariò habuit, ut mori posset;
„non enim mori solet, nisi quod nascitur.
„Mutuum debitum est inter se nativitati
„cum mortalitate: forma moriendi, causa
„nascendi est. . . . homo verè futurus us-
„que ad mortem, eam carnem oportebat,
„ut indueret cujus est mori, eam porro
„carnem, cujus & mori nativitas ante-
„cedit.

„Dicitur

Deinde sibi obijciens illud Lucæ 8. ubi Christus respondet: *Quæ est mater mea, & qui sunt fratres mei?* Quasi matrem, & fratres respuisset, Respondet non istud dixisse, ut matrem negaret, sed ut potiores faceret illos, qui Verbum Dei audiunt, & custodiunt; negavit itaque parentes, quomodo docuit negandos pro Deo opere Matthæi 10. *Demum cap. 8.* refellens commentum Appellis somniantis Angelum igneum celestia condidisse ex penitentia debiti, ostendit; quod si exinde caro Christi esset deducta de peccati constitisset elementis, peccatrix de peccatorio sensu, & parerit ejus substantiæ, id est nostræ, quam ut peccatricem Christus designatur induere.

Cap. 9. Demonstrat omnia veræ carnis terrenæ signa in Christo fuisse. Considera, inquit, singulas qualitates, musculos ut glebas, ossa ut saxa, etiam circum papillas calculos quosdam. Aspicce nervorum tenaces connexus, & traduces radicum, & venarum ramosos discursus, ut ambages rivorum, & lanugines, ut muscos, & comam, ut cespitem, & ipsos medullarum in adesto thesauros, ut metalla carnis: hæc omnia terrenæ originis signa, & in Christo fuerunt: hæc sunt, quæ illum Dei Filium celavere . . . nam quæ enumeravimus adeo terrenæ testimonia carnis sunt, ut & nostræ . . . Quid dicis celestem carnem, quam unde celestem intelligas non habes? Quid terrenam negas, quam unde terrenam agnoscas habes? Esuriit sub diabolo; sitiit sub Samaritide, lacrymatus super Lazarum, trepidat ad mortem: *Caro enim, inquit, infirma:* sanguinem fudit postremo. Hæc sunt, opinor, signa celestia: sed quomodo, inquam, contemni, & pati possit, si quid in illa carne de celesti generositate radiasset?

Probat denique Tertullianus cap. 17. & sequentibus, ex eo quod Christus conceptus, & natus fuerit ex Maria, & non solum in Maria Virgine: Si primus Adam, inquit, de terra tradidit, merito sequens, vel novissimus Adam, ut Apostolus dicit; proinde de terra, id est, carne nondum generationi resignata in spiritum vivificantem a Deo est prolatus . . . Sed, & hic ratio defendit, quod Deus imaginem, & similitudinem suam a diabolo captam æmula operatione recuperavit; in Virginem adhuc Evam irrepterat ver-

bum ædificatorium mortis: in Virgine æquè introducendum erat Dei Verbum extructorium vitæ, ut quod per ejusmodi sexum abierat in perditionem, per eundem sexum redigeretur in salutem. Crediderat Eva serpenti, credidit Maria Gabrieli: quod illa credendo deliquit, hæc credendo delevit: sed Eva nihil tunc concepit in utero ex diaboli verbo: imò concepit, nam exinde, ut abjecta pareretur, & in doloribus pareret, verbum diaboli semen illi fecit: enixa est denique diabolum fratricidam: contra Mariam eum edidit, qui carnalem fratrem Israel interemptorem suum saluum quandoque præstaret. In vulvam ergo Deus Verbum suum detulit bonum fratrem, ut memoriam mali fratris eraderet: inde prodendum fuit Christo ad salutem hominis, quò jam damnatus intraverat.

Et cap. 20. respondens objectioni Valentini dicentis quidem Christum natum per Virginem, non ex Virgine: & in vulva, non ex vulva; quia, & Angelus in somniis ad Joseph, Quod in ea natum est, inquit, de Spiritu sancto est, non dixit *ex ea*; sic huic objectioni facit satis: Est *ex ea* dixisset, *inea* dixit: in ea enim erat, quod ex ea erat: tantundem ergo, & cum dixit in ea, & ex ea consonat: quia ex ea erat, quod in ea erat. Sed bene, quod idem dicit Matthæus originem Dei decurrens ab Abraham usque ad Mariam. *Jacob, inquit, generavit Joseph virum Mariæ, ex qua nascitur Christus.* Sed & Paulus Grammaticis istis silentium imponit: *Misist, inquit, Deus Filium suum factum ex muliere.* Numquid per mulierem, aut in mulierem? Hoc quidem impressum, quod factum potius dicit, quàm natum, simplicius enim enuntiasset natum: factum autem dicendo, & Verbum caro factum est, consignavit, & carnis veritatem ex Virgine factam asseveravit.

Dices. S. Paulus 2. ad Corinth. c. 5. ait: Si cognovimus Christum secundum carnem, sed jam non novimus, id est, ut exponebat Faustus Manichæus, Paulus in principio existimabat Christum habuisse veram carnem; postea verò doctior factus mutavit sententiam, & cum non verà, sed dumtaxat apparenti carne velatum agnovit.

Respondendo impiam illam esse Fausti ex-

positionem. Unde duplex potest esse sensus illius otaculi. *Primus*, ut Paulus loquatur pro eo tempore, quo Christum in suis fidelibus prosequabatur; quasi diceret, etiam quando *secundum carnem*, id est, carnaliter judicantes de Christo indignam assimilationem habuimus, sed jam non ita novimus, seu existimamus. Vel *secundus* sensus esse potest; quod loquatur de conditione carnis passibilis, in qua cognovit Christum dum vitam mortalem ageret: sed jam eum ita mortalem non novit. Quæ expositio traditur in VII. Syn. act. 6. & ab August. lib. 11. contra Faustum, quadratque Pauli verbis; siquidem postmodum subiungit: *Et qui vivunt jam non sibi vivunt, sed ei, qui pro eis mortuus est, & resurrexit*.

Dices secundò, Idem Apostolus 1. ad Cor. 15. docet Christum esse hominem cælestem de cælo in terram delapsum, ait enim: *Primus homo de terra terrenus, secundus homo de cælo cælestis*; sed Christus non dicitur homo cælestis, nisi ratione corporis ex materia cælesti formati: igitur Christi corpus non erat ejusdem substantiæ, & rationis cum nostris.

Nego minorem, non enim Christus dicitur *homo cælestis*, quod ejus corpus ex materia cælesti fuerit compactum, sed ita dicitur secundum personam, quæ divina est ratione formationis sui corporis, quia formatum fuit virtute Spiritus sancti absque semine: Vel dicitur homo cælestis, quia cælestem vitam vixit: quapropter idem Apostolus homines Christum imitantes ibidem cælestes appellat: Adam verò dicitur homo terrenus, ut pote subditus peccato: quapropter subiungit sanctus Paulus: *Qualis terrenus tales & terreni, qualis cælestis, tales & cælestes*. Qualiter etiam explicat Tertull. lib. de carne Christi cap. 8. *Non*, inquit, *ad materiam differentiam spectat, sed tantum servare retro substantiam carnis primi hominis, id est, Adæ cælestem de Spiritu substantiam opponit secundi hominis, id est, Christi*: Et ideo ad spiritum, non ad carnem cælestem hominem refert, ut quod sic comparat, constet in hac carne terrena cælestes fieri, spiritu scilicet: quod si secundum carnem quoque cælestis Christus, non comparantur illi non secundum carnem cælestes: si ergo, qui fiunt cælestes, qualis est Christus, terrenam carnis substantiam gestant; hinc quoque confirmatur ipsum etiam Christum in carne terrena fuisse cælestem, sicut sunt,

qui ei adæquantur: *Tertiò denique* Christus dicitur homo cælestis, propter gloriam, quam à principio habuit; quamvis enim illa in ipsius corpus non redundaverit ab initio, sed dumtaxat in ejus resurrectione; tamen erat connaturaliter debita propter illius unionem ad Verbum: Primus verò homo dicitur terrenus propter mortalitatem ex peccato contractam. Ita S. Chrysostomus hom. 42. in 1. ad Corinth. & Aug. 15. de Civitate cap. 23.

QUESTIO SECUNDA.

An Verbum Divinum assumptum sit hypostaticè omnes humani corporis partes, maxime verò sanguinem, & alios humores.

Notandum primò multiplices esse partes humanitatis assumptas; quædam enim sunt physicè essentielles, ut corpus, & anima: alia integranter, ut caput, brachia, crura: & alia excrementitiæ, ut capilli, ungues, & cæ omnia, quæ tanquam superflua ad nutritionem, & corporis integritatem non confutunt. *Præterea*, integranter partium quædam sunt præcisè de integritate corporis humani, ut caput, ossa, caro, & reliquæ; quædam dumtaxat de veritate, non verò de integritate, ut sanguis, spiritus vitales, & alii humores, qui cæ ratione dicuntur de veritate corporis, quia corpus humanum sine illis, saltem sine sanguine, qui est basis, & fundamentum vitæ, non potest consistere. Quæritur, an illas omnes partes Verbum Divinum hypostaticè sibi copulaverit. Conveniunt omnes reverà eum assumptisse, & sibi copulavisse omnes partes, quæ sunt de integritate corporis, alioquin verum, & perfectum humanum corpus non assumptisset, quod est contra præcedentem conclusionem. Gravis autem difficultas est de partibus spectantibus ad corporis veritatem, & vitam.

Notandum secundò, quosdam Theologos cum Cajetano, qu. 54. art. 2. duplicem in corpore humano distinguere sanguinem: alterum nutrimentalem tantummodo, & alterum naturalem, seu quem dicit esse de veritate naturæ. *Nutritionalis* solum, est humor quidam sanguineus parum decoctus, & depuratus, qui veram sanguinis naturam nondum habet, quamvis in colore, & aliis accidentibus sit ei similis. Talis est, qui proxime ex alimento generatur, id

que,

que, vel in hepate, vel in venis ducentibus ad hepar, quas Medici Mesaraicas appellant: & hunc sanguinem aliquos sudasse refert Philoſophus in libro de historia animalium. Sanguis verò *naturalis* ille est, qui fit ex priori per decoctionem majorem, & elaborationem virtutis formativæ sanguinis residentis juxta Galenum in hepate, vel juxta Aristotelem in corde, quo fit ut longè purior evadat, & veram formam substantialem sanguinis obtineat. Dicitur autem *naturalis*, quia licet ad totum animal nutriendum aliquo modo deserviat; tamen hoc munus ei non est adequatum, sed præterea etiam concurrat ad naturalem integritatem, & vitam corporis.

Docet autem Cajetanus cum plurimis Thomistis priorem sanguinem non vivere, nec animati forma vivificante corpus: posteriorem verò esse animatum. Atreclamat Doctor subtilis in 3. dist. 30. qu. 2. n. 2. ubi docet idcirco carnem, quam assumpsit Christus nulla fuisse peccati macula sedatam, nec eguisse ulla gratia sanctificante, ut purificaretur ante assumptionem; quia inquit, *sanguinis beata Virginis, de quibus informabatur corpus Christi secundum Damascenum 48. numquam fuerunt animati anima alicujus hominis*. Per consequens numquam ab anima peccatrice contraxerunt maculam: Cui sententia suffragantur omnes Medici, necnon & Philoſophi plurimi, deduciturque ex Aristotele lib. animalium cap. 3. ubi dicit, sanguinem esse alimentum ultimum, & esse in venis tamquam in vase; unde cap. 10. negat esse partem animalis. Constat autem ex eodem lib. 3. de anima, textu 43. alimentum esse alterius substantiæ a vivente, quia nutritio est substantialis conversio, quæ non habet locum inter res ejusdem formæ; unde cum alimento incipit informari anima vivens, jam definit esse alimentum, & incipit esse pars. Cum ergo sanguis sit ultimum alimentum, non informatur anima, sed ex illo fit proxima conversio, & animæ informatio, qualiter debent intelligi illa verba, quæ feruntur ex eo lib. 3. de historia animalium cap. 19. quamquam in codicibus Græcis non habeantur: *Palpitat intra venas sanguis animalium omnium, & quamdiu vita servatur, semper agit anima, & servet*: Sed quidquid sit de animatione sanguinis, sufficit, quod sit pars humani corporis, ut censetur à Verbo assumptus.

Frassen Theol. Tom. VII.

Utium autem assumptus sit immediate, vel dumtaxat mediante humanitate; ita quod propriam suam habuerit subsistentiam, nec subliterit subsistentia Verbi; gravis est controversia inter Theologos. Durandus enim 4. dist. 10. qu. 1. negat ullum sanguinem, sive naturalem, sive nutritivalem à Verbo fuisse hypostatice assumptum. Cajetanus autem, & plurimi Thomistæ, distinctionem stantes inter sanguinem nutritivalem, & naturalem, asserunt hunc fuisse assumptum, non verò illum. Ceteri verò Theologi docent omnem sanguinem, qui fuit in Christo, dum in corpore mortali viveret, fuisse subsistentem subsistentia Verbi; respuunt enim illam distinctionem sanguinis in nutritivalem, & naturalem.

Notandum tertio, circa annum Christi 1351. gravem extitisse controversiam Barchinonæ; dum enim aliqui in prædicta civitate assererent, & publice prædicarent sanguinem Christi in passione effusum à Divinitate fuisse separatam, & inde non fuisse in triduo mortis adorandum cultu lætæ: atque ut refert Vvadingus in nostris *Annalibus ad eundem annum, n. 3.* idipsum ex professio doceret Franciscus Boiuli, Minoritarum Guardianus; Nicolaus Rosselli tunc in regno Aragonie Inquisitor per suas litteras monuit Joannem Morlandinum ex Magistro generali Ordinis Prædicatorum à suo Avunculo Clemente sexto, anno proxime elapso simul cum Pastore Ordinis Minorum ad Cardinalatum assumptum: hic Morlandinus rescriptis se vivæ vocis oraculo accepisse in mandatis à Pontifice die 20. Julii, ut ad palinodiam egerentur, qui ita prædicaverant, judicatumque fuisse omnino hanc opinionem pro hæretica censendam. Compacto processu Nicolaus Inquisitor solis litteris illius Cardinalis innixus, severe animadvertit in omnes, qui istius propositionis assertores fuerant, atque, ut in Curia, & præsentia Episcopi Barchinonensis, illam sententiam ejurerent, effecit.

Ita tunc absque tumultu sopitum fuit, conclusumque negotium: revixit tamen post centum, & tredecim annos eadem opinio apud Brixienſes an. 1462. prædicante beato Jacobo Piceno, à Marchia communicur nuncupato, viro utique insignis sanctitatis, & plurimis miraculis conspicuo. Cum autem Jacobus Brixienſis Ordinis Prædicatorum in

R 3 Lom-

I Lombardia Inquisitor, acriter contendere illam opinionem condemnatam fuisse tanquam hæreticam à Clemente VI. ventum est ad asperas lites, & publicas coram Pio II. disputationes. Nihil tamen à summo Pontifice hæc de re decretum fuit, ut constabit infra.

Tria igitur hæc in quæstione maxime sunt resolvenda: *Primum*, an Verbum reverà sanguinem humanum immediatè assumpserit: *Secundum*, an sit de fide: *Tertium*, an etiam Verbum assumpserit immediatè partes excrementitias corporis humani.

CONCLUSIO PRIMA.

Probabilius est omnem humanitatis Christi Domini sanguinem fuisse immediatè à Verbo divino assumptum, & ipsi hypostaticè unitum. Hæc est communior inter Theologos, & colligitur ex Clemente VI. in extravaganti *Unigenitus* de poenitentia, & remissionibus, ubi de sanguine Christi pro nobis effuso ita loquitur: *Quem in ara crucis innocens immolatus, non guttam sanguinis modicam, quæ tamen propter unionem ad Verbum pro redemptione totius humani generis sufficeret; sed velut quoddam profusum nescitur effudisse: ubi propter unionem ad Verbum, videretur ad ipsum sanguinem referri: quanquam referri possit ad totam humanitatem, & sensus sit sanguinem Christi habuisse illum valorem, propter unionem humanitatis cum Verbo; valor enim sanguinis effusi à dignitate humanæ naturæ effundentis illum desumitur: dignitas autem naturæ humanæ provenit ex unionem ipsius cum Verbo.*

Probari solet conclusio ex Scriptura sacra tribuente sanguini Christi remissionem nostrorum peccatorum, & redemptionem. Sic Matth. 26. Christus tribuens suis Apostolis calicem ait: *Qui pro vobis, & pro multis effundetur in remissionem peccatorum.* Et ad Ephes. 1. *In quo (scilicet Christo) habemus redemptionem per sanguinem ejus.* Ad Colossenses 1. *Per eum reconciliare omnia in ipsum pacificans per sanguinem crucis ejus, sive quæ in terris, &c.* 1. Joan. 1. *Sanguis Jesu Christi Filii ejus emundat nos ab omni peccato.* Apocalypsis 1. *Sancti dicuntur dealbasse stolas suas in sanguine agni.*

Verum hæc testimonia, ut fatentur etiam Suarez disputatione 15. sect. 6. & Vasquez disput. 86. cap. 6. non probant effi-

caciter id, quod contendimus. Nam responderi potest sanguinem Christi habuisse hanc efficaciam dumtaxat per modum meriti, cujus valor non ex reoblatâ, sed ex offerente, & acceptante desumitur. Quocirca si Christus solo sudore suo, seu lacrymis, & quocumque alio opere voluisset nostram redemptionem perficere, sicut reverà potuit, non minus hæc omnia dicerentur, de sudore, lacrymis, & operibus, utpotè infiniti valoris, & efficientiæ in ratione meriti, quàm de sanguine dicuntur; ut apertè docet S. Augustinus lib. 13. de Civitate cap. 15. ubi sic loquitur, *Tunc enim sanguis ille, quoniam ejus erat, qui nullum omnino habuit peccatum, ad remissionem nostrorum effusus est peccatorum:* Ubi cum ait, *qui nullum habuit peccatum*, dignitatem offerentis expressit, qui nec habuit, nec habere potuit peccatum. Quamvis autem Christus non solum sanguine suo, sed etiam sudore, lacrymis, laboribus, & operibus nobis meruerit nostram redemptionem, nihilominus dicitur solo sanguine redemisse nos, & emundasse nostras conscientias, & dealbasse nostras animas; quia omnia merita ipsius consummata fuerunt per passionem ejus, in qua sanguinem suum effudit pro nobis, itaut nondum intelligeretur perfecta nostra redemptio, donec Christus pro nobis pateretur, & sanguinem suum effunderet.

Probari solet insuper illis Scripturæ textibus, quibus pretium nostræ redemptionis tribuitur ipsi sanguini. Sic 1. Petri cap. 1. *Non corruptibilibus auro, & argento, sed pretioso sanguine, quasi agni immaculatis, &c.* Unde sanctus Augustinus sermone 128. de Tempore, *Pretium vite nostræ sanguis est Domini, & totius mundi incolamitas sempiterna, pecunia illa totius mundi copiosa possessio est.* Et sanctus Leo sermone 12. de Passione cap. 3. *Effusus sanguinis Justii, tam potens fuit ad privilegium, tam doctus ad pretium.* Eodem fere modo loquitur sanctus Bernardus sermone 3. de Circumcisione. Verum eodem modo reponi potest sanguinem Christi habuisse pretium, & valorem, non ratione sui, sed ratione offerentis, & fundentis illum. Unde his probationibus omisissis,

Suadetur conclusio hæc ratione. Quidquid pertinet ad integritatem corporis humani assumptum est hypostaticè à Verbo: sed probabilius est sanguinem pertinere ad

integritatem humani corporis; igitur Verbum divinum illum hypostaticè assumpsit. Major constat ex præcedenti quæstione, in qua probavimus Verbum divinum assumpsisse integram humanitatem, & consequenter corpus omnibus suis partibus constans. Minor verò probatur. *Primò* quidem auctoritate Aristotelis lib. 3. de *Historia animalium* cap. 2. ubi refert sanguinem inter partes similes corporis animalis. Cui suffragatur Seneca lib. 2. quæst. naturalium, ubi ita scribit: *Quasi pars nostri; & sanguis, qui tamen, & materia est, parat enim, & alia, & nihilominus in numero est eorum, quibus totum corpus efficitur*: Subscribit etiam S. Damascenus lib. 2. de *Fide* cap. 12. ubi ait; *Corpus autem omne ex quatuor elementis constat, animantium verò corpora ex quatuor humoribus*. Idem docuit S. Augustinus epistola 146. dicens, *Quatuor humoribus naturam carnis temperari etiam medicine disciplina testatur*.

Nihilominus reponi posset sanguinem in tantum humani corporis partem censerì, in quantum in eo involvitur, & ad ejus nutritionem, vitam, conservationem, & operationem confert; non verò, quòd sit germana illius pars integrans; ita quòd sine sanguine non censeatur perfecta, & integra humanitas.

*Probat*ur *tertiò*, idque efficacius illa auctoritate S. Pauli ad Hebræos 2. *Quia ergo pueri communicaverunt carni, & sanguini, & ipse similiter participavit eisdem*. Quò propter S. Cyrillus epistola, quæ lecta fuit, & approbata in Concilio Chalcedonensi Actione 1. dictum illud Joannis *Verbum caro factum est*, sic interpretatur, *Carnem, & sanguinem assumpsit*. Et Nazianzenus orat. 50. *Verbum*, inquit, *caro factum est, non putredine, sed verè, quia assumpsit corpus ex carne, & ossibus, & sanguine constans*. Verùm reponi posset his locis significari quidem sanguinem esse partem hominis, non integram, sed dumtaxat adsciticiam, quæ cum sit sedes, & vehiculum spirituum animalium, quorum beneficio homo vivit, & movetur; idcirco per sinecdochem nomine *sanguinis*, totus homo in Scripturis designare solet. Sic Matthæi 16. *Caro, & sanguis non revelavit tibi*. Et 1. ad Cor. 15. *Caro, & sanguis regnum Dei non possidebunt*.

Ex quibus colligitur conclusionem non habere aliquod efficacissimum fundamentum, neque ex auctoritate, neque ex ra-

tione, quo illius constantissima veritas appareat: nam quòd ex Conciliis, & summorum Pontificum decretis asserri solet, istud huic assertioni non patrocinari declarabimus in sequenti conclusione.

Nihilominus illam sententiam probabiliorè diximus; tum quòd conformior sit modo loquendi Scripturæ SS. Parrum, qui nostram redemptionem Christi D. sanguinis pretio, & valori tribuere videntur; tum quòd in eam sententiam conspiret numerosior Theologorum cætus: tum denique, quòd in eam magis propendere videantur summi Pontifices, coram quibus hæc controversia agitata fuit. Refert enim Spondanus ad annum 1452. quòd crescentione, & schismate à populo facto propter controversiam motam inter beatum Jacobum Marchianum, & Fratres Prædicatores, nec valente Episcopo loci tumultum sedare, res ad Apostolicam sedem remissa est: quæ de re Pius II. eo tempore summus Pontifex Præfæctis Ordinum mandavit, doctissimos eorum Theologos ad curiam mittere, quos in festo Natalis Domini audivit disputantes tribus diebus in Palatio Apostolico, præsentibus Cardinalibus, Episcopis, ac divinis, & humani juris Doctoribus, qui in Curia erant. Denique post triduum, cum Partes quæcumque voluissent in medium produxissent, dissoluto auditorio Pium cum Cardinalibus, plerisque diebus rem tractasse; majorem partem sententiam Prædicatorum approbasse, paucos cum Minoribus sensisse, Pium quoque in majori parte fuisse: sed non esse visum eo tempore decretum fieri declarationis, ne multitudo Minorum, cujus erat contra Turcas prædicatio necessaria, offenderetur; ac propterea in aliud tempus decisionem referri placuisset: quam tamen nunquam placuit decidere. Quàm autem inanis, & futilis sit hæc ratio Spondani, nempe summum Pontificem idcirco noluisse suo decreto hanc controversiam dirimere, ne Minoritas ostenderet, patebit in sequenti conclusione.

Obijciat primò: Si Verbum divinum humanum sanguinem assumpsisset, sequeretur illud assumpsisse plures naturas: at hoc est absurdum, quippe unicam dumtaxat naturam humanam assumpsit: igitur, &c. Major patet, quia cum sanguis non sit de integritate naturæ, necessum est, quòd sit alia natura ab humana.

Distinguo maiorem: Assumpsisset plures naturas ordinatas ad unam, & eandem totalem constituendam, concedo sectis, nego: in hoc verò nihil est absurdum, quandoquidem constat Christum assumpsisse corpus, & animam: corpus autem ex partibus heterogeneis constat.

Dices secundò: Si Verbum assumpsisset sanguinem, sequeretur, quòd per communicationem idiomatum dici posset, *sanguis est Deus, & Deus est sanguis:* sed hoc est absurdum: igitur & illud unde sequitur.

Nego sequelam maiorem, quia per communicationem idiomatum duæ naturæ integræ de se invicem prædicari quidem possunt, non verò partialis de integra, aut integra de partiali: unde licet Verbum immediate assumpserit animam, & corpus, non tamen rectè dicitur, Deus est corpus, & corpus est Deus.

CONCLUSIO SECUNDA.

Non est certum certitudine fidei, sanguinem Christi proximè, & immediate fuisse unitum Verbo Dei; maxime in iudicio mortis: ita quòd contraria sententia possit absque hæresi, atque errore defendi. Hæc est contra Suarem, Vasquezium, & plures alios Modernos: probaturque conclusio. Si quod esset contrariæ sententiæ fundamentum, quo constaret certissime credendum Christum Dominum sanguinem humanum assumpsisse, maxime quia, ut volunt adversarii, ita definitum est à Clemente VI. & Pio II. sed ratio ista nulla est: igitur, &c. Major constat ex ipsis Suare, & Vasquesio, qui omnia testimonia, quæ ex sacra scriptura, & SS. Patribus proferunt in suæ assertionis patrocinium ita infirma iudicaverunt, ut ad decretum Clementis VI. & Pii II. tanquam ad solidissimum fundamentum recursum habuerint.

Minorem probat noster Vvadingus loco mox laudato. Primò quidem ex eo, quòd Pius summus Pontifex suo diplomate beatum Jacobum Marchianum de Ecclesia, & fide Catholica benè meritum omni hæresis, & erroris nota liberaverit propter assertam contrariam sententiam: nam dum hic beatus vir conquereretur apud ipsum summum Pontificem, quòd illius adversæ partes Barcinonæ iactarent, processum adversus eum compactum, suis

se autoritate Pontificia confirmatum, ipsumque ideò haberi à multis, ut hæreticum: suo diplomate, quod ex autographo scripsit Vvadingus, respondet. Pius Episcopus, &c. dilecto filio Fr. Jacobo de Marchia. Dilecte fili, salutem, & Apostolicam benedictionem. Scripsisti te valde anxii propter materiam illam sanguinis effusi Domini, & Salvatoris nostri, quæ in nonnullis locis vulgari dicitur tanquam decisa, & determinata à nobis, contra tuam sententiam, & prædicationem. Miramur de hoc, nec scimus unde talis fama surrexerit. Nos enim materiam ipsam hæc usque non determinavimus, nec propter varias occupationes determinare potuimus, sed Deo dante, id facere intendimus, cum primò opportunior aderit occasio, nec tot occupationibus erimus discenti. Ne autem ex istis nobis honorem tuum, & famam negligere, quandoquidem scribis à Mediolano usque Veronam publicè prædicatum te esse hæreticum: volumus, ut Vener. fratri nostro Episcopo Veronensi scribas, cui nos etiam præsentibus mandamus, ut quæ in hac materia prædicata sunt, in scriptis redigat, ac informam authenticam ad nos transmittat: nam si Prædicatores minus honestè in prædicatione se habuerint, & aliquid de te dixerint, quod dicendum non esset, ostendemus eis id nobis displicuisse, nec eorum transgressio erit impunita. Quod autem attinet ad autenticam illius sententiæ, seu processus Barcinonæ celebrati, factam per Prælatum illum, cui ea res à nobis commissa fuit, scias eam non ideò factam, ut per ipsam fides, & auctoritas adjiceretur huiusmodi sententiæ, seu processui: sed ut testimonium quoddam esset rei gestæ, hoc est, ut non deperiret ejus facti, qualemcumque esset, notitia; nec enim fuit intentionis nostræ propter commissionem confirmare, aut approbare sententiam, aut processum. Cum enim pro parte Fratrum Prædicatorum nobis supplicatum fuisset, ut eos autenticare facere vellemus, non potuimus, quin causam committeremus: Commissarius verò judicavit, quemadmodum jam vidisti. Proinde non turbetur cor tuum, neque formidet, si animo quiesco, nec scandalizetur ex hoc mensura, nam sinceram charitatem tuam novimus, nec ignotus est nobis zelus tuus, persevera in fide opti-

ma, quam Deus scrutator cordium bene novit, nec te moveant vulgi rumores, aut voces calumniantium. Satis nota est Deo conscientia tua, potestque contentari, quod nos paternam de te opinionem concepimus, & conceptam retinemus. Ad Capitulum tui Ordinis proximè celebrandum contenti sumus, ut accedas, & ea agas, quæ Deo placita sunt, & honori Ordinis, ac salutis animæ tuæ conducant. De accessu autem ad Ducem Venetiarum contentamur, & hortamur, ut accedas. Scimus enim esse Principem bonum, & Dei timoratum. Putamus nonnisi ex bona, & honesta causa te alloqui, & videre velle, tuumque ad illum accessum utilem fore existimamus. Datum Macorati Senen. Dioc. sub annulo Piscatoris, die 28. Aprilis 1464. Pontificatus nostri anno sexto. Igitur Pontifex oppositam sententiam non notavit erroris.

Confirmatur autem hæc eadem Pontificis sententia, quod nempe nil autoritate Apostolica definitur circa hanc controverfiam, ex eo, quod idem summus Pontifex octiduo ante suam mortem, anno videlicet 1464. aliud ediderit diploma, quod refert Laertius Cherubinus, quo statuebat, quod nulli Ordinum Minorum, aut Prædicatorum deinceps liceat de supra dicta dubietate disputare, prædicare, vel publicè, aut privatè verbum facere, seu aliis suadere, quod videlicet hæreticum, vel peccatum sit, tenere, vel credere sanguinem ipsum sacratissimum, ut præmittitur, triduo passionis ejusdem Domini nostri Jesu Christi ab ipsa divinitate quomodolibet fuisse, vel non fuisse divinum, vel separatum, donec super dubietatis hujusmodi decisione, quid tendendum sit, fuerit per Scdæ Apostolicam definitum. *Mandavit propterea* universis, & singulis eorumdem, & aliorum quorumcumque Ordinum per totum orbem constitutis Fratribus, cujuscumque status, gradus, vel conditionis existant, præsentibus, & futuris, sub excommunicationis latæ sententiæ poena, quam ipso facto incurrant, & à qua nisi in mortis articulo constituti, nonnisi per Pontificem Romanum absolvi possint, ne contra statutum, & ordinationem prædictam venire, aut facere, vel tentare quomodocumque præsumant.

Non est igitur verum, quod affirmant Suarez, & Vasquez Clementem VI. & Pium II. eam doctrinam condemnasse, quæ asserbat sanguinem in triduo mortis à divinitate sejunctum fuisse, cum nihil proferre possint huic suæ assertioni stabilientiæ, præter unicas illas Joannis Cardinalis Dominicanæ litteras, quibus plura apposuit noster Franciscus de Ravere Cardinalis Franciscanus, qui & postea fuit Pontifex nomine Sixtus IV. & libellum, sive processum compactum ab Inquisitore item Dominicano, quem perperam Gabriel Vasquez dicit ex mandato Clementis per litteras Apostolicas efformatum: cum ejus exemplaria extent, neque ulla ibi conspiciantur breviam, aut Bullæ, sive diplomate Pontificiæ, præter unam illam Cardinalis epistolam: atque hanc solam allegavit pro definitionis fundamento Inquisitor suprâ dictus Brixienfis, dum vehementer causam urgeret contra B. Jacobum Picenum.

Addequod Dominicus de Dominicis fermè illius etatis vir Doctus in libro, quem de sanguine Christi scripsit, asseverat decretum Clementis authenticum non esse: neque ex probatis testimoniis constare. Et certè libellus, sive processus à Rossello efformatus, nulla alia fide, quàm Rosselli constat, neque Notarii syngrapha, neque publici alicujus ministri testimonio roboratur. Unde vix fatis mirari possum, quæ de causa Silvester in Rosa aurea tract. 3. qu. 31. asseverat Clementem summum Pontificem prædictam propositionem damnaſſe, & quod magis mirum est, condemnationem, & retractionem Barcinonæ factam per Inquisitionem prædictam approbatam fuisse à Pio II. id enim expressis verbis ipse negat Pius in supra dicto diplomate ad B. Jacobum Marchianum daro.

His adde quod, ut aliquid tanquam fidei dogma deceleretur, oportet autoritate Scripturæ, aut traditione aliqua niti: difficile autem est aliquid horum ostendere, quibus nixi fuissent, & moti summi Pontifices ad illam definitionem proferendam; nam omnes vel Scripturæ, vel SS. Patrum autoritates, quibus sanguini Christi effuso nostrorum remissio peccatorum, & reliqua subsequentiæ beneficia tribuuntur, parum urgent: quia, ut diximus in priori conclusione, omnia ista sanguini appropriantur, non quod per solam sanguinis effusionem salvati, aut liberati simus: cum & alia fuerint

in Christo opera meritoria nostræ salutis, atque per sudorem, & lacrymas salvere potuisset, si ita voluisset; sed quia omnia ejus merita terminata, & consummata sunt in morte, & passione. Unde ad mortem Christi principaliter hæc referuntur; ad sanguinis verò effusionem, tanquam ad medium, per quod mors subsecuta est, sicut & crucihæc ipsa beneficia, tanquam instrumento, tribuuntur.

Urget Vasquez proferens, ut putat, firmum hujus definitionis fundamentum, quod gloriatur se collegisse ex VI. Synodo *actione* 16. ubi damnatur hæreticus quidam *Constantinus* nomine, quod dixerit sanguinem fuisse dimissum à Verbo in triduo mortis, Et ex eadem Synodo *actione* 8. ubi probatur confessio Macharii Antiocheni Antistitis licet Monotelitæ, in eo quod dixerit Christum assumpsisse carnem, & sanguinem, & ex Concilii Alexandrini Epistola, quæ est 10. apud Cyrillum recitata, & approbata in Concilio Ephesino, & Chalcedonensi anathematismo 5. ubi dicitur Verbum divinum particeps factum carnis, & sanguinis.

Verum hæc nihil urgent, nam quod atinet ad Constantini condemnationem, ea merito proclamata est, ut ipsemet Vasquez admittit, quia non solum sanguinem, verum & carnem, & voluntatem humanam Christum exuisse, palam confessus est in Concilio: Synodus enim interrogavit ipsum, *Ubi itaque remansit ipsa caro, & sanguis?* Constantinus respondit, *Exiit eam.* Synodus verò iterum interrogavit, *Et humanam voluntatem simul exiit cum carne?* Constantinus respondit, *Etiâ, Domini.* Unde partim damnatus est tanquam Manichæus, & partim tanquam Monothelitarum assclæ, quia unam dumtaxat in Christo voluntatem confitebatur. Idem dicendum ad Macharium, qui ut hæreticus in ea Synodo depositus est, & illius confessio damnata, in eo quod unam tantum in Christo voluntatem, & operationem confiteretur; unde inane est ab ejus confessione peti- tum testimonium. Ad auctoritatem verò Cyrilli, & Conciliorum illius epistolam approbantium secinus satis supra.

CONCLUSIO TERTIA.

Capilli, ungues, lacrymæ, sudores, & alia partes excrementitiæ non sunt assum-

pia hypostatice à Verbo divino immediate, sed dumtaxat, quia erant in natura humana, quæ assumpta est. Hæc est communio contra Suarem disp. 15. sect. 7. qui probabilius existimat ungues, dentes, & capillos assumptos fuisse secundum hypostasim à Verbo divino.

*Probat*ur: Tum quia partes illæ excrementiæ ad integritatem humani corporis non pertinent, unde non remanebunt in corporibus gloriosis. Tum quia partes illæ nec directè, nec indirectè ullatenus conferrebant ad finem Incarnationis, nempe hominum salutem: igitur non videntur assumptæ.

Dices; S. Ambrosius lib. de Incarnatione cap. 6. & Athanasius in Epistola ad Epictetum, agentes contra hæreticos, qui dicebant divinitatem, & carnem Christi esse ejusdem substantiæ, inferre videntur consequenter dicturos Verbum in carnem, capillos, sanguinem, & ossa conversum fuisse: ergo confitebant illi Patres has partes corporis spectare ad ejus integritatem.

Nego Patres illud inferre, sed tantum referre errorem hæreticorum illorum: Nam S. Ambrosius ita scribit: *Deinde cum isti (nempe hæretici) dicant, quia Verbum in carnem, capillos, sanguinem, & ossa conversum est, & à propria natura mutatum est, datur illis locus, ut infirmitatem carnis ad infirmitatem Divinitatis quadam falsa diviniæ naturæ mutatione detorqueant.* S. Athanasius verò, contra eosdem hæreticos sic scribit, *Quinimò etiam in aliam impietatem transiunt facitis; asserentes Verbum in carnem, in ossa, in pilos, nervos, imò prorsus in corpus, mutata priori naturâ abisse.* Non igitur prædicti Patres inferunt tanquam absurdum Verbum mutatum fuisse in capillos, simutatum fuisse in corpus vivens, quasi & capilli viverent: sed id supponunt ex sententia illorum hæreticorum.

Potes; an aliqua particula sanguinis Christi reverà in terris substantialiter manserit, & adhuc aservetur.

Respondeo magnam esse circa hæc difficultatem Theologorum controversiam, plurimi namque cum Joanne à Tursecremata censent nullam particulam sanguinis Christi in terris post ipsius resurrectionem mansisse; sed sanguinem, quicircumfertur nomine Christi, non esse eum, qui fluxit ex ejus corpore, sed ex aliqua imagine Christi percussâ à Judæis Berithi, cujus histo-

riam

riam refert Athanasius lib. de Passione imaginis Domini nostri Jesu Christi, qui author licet à quibuscumque non censetur magnus Athanasius; tamen liber ille non debet esse levis auctoritatis, siquidem prædicta historia recitata fuit sub nomine Athanasii, & approbata in Concilio Nycæno 2. Actione 4. Hic autem author cap. 7. illius libri loquens de sanguine, qui fluxit ex percussa illa imagine ait; *Hic est sanguis ille dominicus, qui apud plerumque reperitur esse dicitur, nec esse aliter estimandum à verè Catholicis præter id, quod scribitur à nobis quasi ex carne, & sanguine Christi aliquid possit in mundo inveniri, nisi illud, quod in ara altaris per manus Sacerdotum quotidie spiritualiter efficitur: Ceteri verò Theologi putant Christi sanguinis particulas adhuc in terris asseruari, nec omnem effusum in passione sanguinem fuisse à Christo resumptum. Probat Sylvestre in Rosa aurea tract. 3. quæst. 31. Primò quidem auctoritate pii II. qui in Bulla ad Abbatem Monasterii Xantonensis ita d. finit. *Pecunia exhibitæ continebat; quòd licet tanto tempore cuius memoria non existit in Ecclesia dicte domus, ut pie creditur, quædam particula pretiosæ sanguinis Domini nostri Jesu Christi in ligno crucis, pro redemptione humani generis salubriter effusa, &c...* Nos igitur, qui de prædictis certam notitiam habemus, attendentes, quòd veritati fidei nullatenus repugnat affirmare Redemptorem nostrum de sanguine præfato ob ipsius passionis memoriam aliquam partem in terris reliquissè, &c. Igitur censet summus Pontifex probabilissimum esse, quòd aliqua Christi Domini sanguinis particula substantialiter in terra remaneat.*

Adde quod refert Platina in vita Leonis III. Pontificem profectum fuisse Mantuam ad visendum Christi sanguinem, qui tunc ob assidua miracula in magna veneratione erat: inde verò approbato sanguine, ad Carolum fuisse profectum.

Confirmatur ex lib. 6. revelationum B. Brigittæ, ubi beata Virgo his verbis eam alloquitur, *Cum tempus vocationis meæ inflaret de hoc mundo, ego ipsam (scilicet præputi) sacram membram commendavi S. Joanni custodi meo cum sanguine illo benedicto, qui remansit in vulneribus ejus, quando deposuimus de cruce. Accedunt narrationes innumera, quæ falsitatis omnes damnari ab homine cordato non possunt, & tamen ex iis superesse aliquam sanguinis à*

Christo fusi portionem, (sub alia tamen, quam sanguinis forma) sit extra dubium. Hujusmodi est, quòd rubor in plerisque instrumentis passionis dominicæ adhuc cernitur, rubor non est nudus colos ex sanguinis asperione relictus (nam qualitates secundæ non propagantur eo modo) sed vera sanguinis substantia, quæ primum instrumentis illis adhæsit, eisque affixa perseverat. Ut de spina tacei regii Parisiensis, & de ferro lanceæ, olim Nurembergæ, nunc Romæ aservato, & de sacra sindone Taurinensi, ac Vultu sancto Romano, sive linceo Veronicæ, referunt multi scriptores. Et specialiter quoad sindonem Taurinensem declaravit Julius II. ruborem, qui in ea tunc cernitur, esse reliquias sanguinis fusi, idemque de Veronicæ sudario habent, qui de eo agunt.

Confirmatur denique hæc omnia ex eo, quod caro præputii sub summorum Pontificum oculis, & Romanæ Curie conspectu reverenter custoditur, & dignè colitur; nam quotannis in conspectu Cardinalium in feriis Paschilibus ostenditur in Basilica Lateranensi, atque etiam Latino, atque Italico præconio ex alto suggestio populo proponitur adorandus sanguis, & aqua, qui ex Christi morientis latere effluerunt: igitur non est improbabile aliquas Christi Domini sanguinis substantiales particulas adhuc in terris remanere.

Obijci potest illud vulgare S. Damasceni effatum, *Quod semel assumpsit, nunquam dimisit.*

Verùm respondeo primò, axioma illud non haberi in S. Damasceno, sed tantum apud ejusdem Scholasticum.

Respondeo secundò, quòd quandoquidem illud vulgò à Theologis admittitur, intelligendum est dumtaxat de natura assumpta, & de partibus, quæ secundum se totas pertinent ad veritatem naturæ humanæ: & quidem non materialiter, sed quoad speciem tantum consideratis, hoc est, Christum nunquam dimisisse totum sanguinem suum, sed tantum aliquam particulam sanguinis sui, sicut dimisit pelliculam præputii.

QUÆSTIO TERTIA.

Utrum Verbum assumpsit animæ rationalis facultates; nempe Intellectum, & Voluntatem.

Notandum primò ex Doctore subtili in 2. dist. 15. animæ rationalis facultates non esse ab ea realiter distinctas, ut abundè probavimus in l'hyisicis disp. de anima, q. 3. conclusione 2. Quam utique veritatem apertè tradit S. Augustinus lib. 1. de Trinitate, cap. 11. ubi ait: *Hæc tria igitur, memoria, intelligentia, & voluntas, quoniam non sunt tres vitæ, sed una vita; nec tres mentes, sed una mens; consequenter utique, nec tres substantiæ, sed una substantia.* Cui subscribit sanctus Bernardus Serm. 11. in Cantica: *Quedam, inquit, in anima intueor, memoriam, intelligentiam, & voluntatem. Et hæc tria ipsam animam esse.* Quam utique veritatem probat Doctor; Primò, quia natura semper tendit ad unitatem, nec pluralitatem patitur, nisi id aliqua necessitas postulet: sed nulla apparet necessitas statuendæ distinctionis realis inter animam, & ejus facultates; quippe cum, nec seorsim existere possint; nec anima physicè suas facultates producat: nam si anima per realem actionem suas ederet facultates, sequeretur, quòd independentè ab eis esset productiva, subindeque tales facultates ei essent frustraneæ; quidni enim suos vitales actus, sicut & suas facultates immediatè possit edere.

Ex quibus apertè colligitur, quòd si spectetur hæc naturalis ratio, cum Christus animam rationalem assumpsit, etiam & intellectum, & voluntatem, & ejus facultates assumpsisse dicendus est. Verum quoniam huic veritati obstantur hæretici, quorum aliqui, ut vidimus in præudio hujus tractatus à Christo Domino humanum intellectum obligant: *Alii* voluntatem humanam proferibunt, contententes eum fuisse intelligentem, & volentem, intellectu dumtaxat, ac voluntate Verbi: idcirco operæ pretium duxi hac in questione demonstrare Christum Dominum reverà intellectum, & humanam voluntatem habuisse.

Notandum secundò hæreticos Monothelitas, de quibus egimus in præudio hujus tractatus, duas in Christo esse perfectas, & integras naturas, divinam & humanam,

contra Apollinarem, & Arium, easque inconfusas adversus Eutychem agnovisse; An autem reverà negaverint in Christo duplicem voluntatem, solam divinam agnoscentes; an verò dumtaxat negaverint duplicem actionem, quam unam utriusque naturæ fuisse putaverint, eamque divinam, controversitè apud Theologos. Nam Vasquez in 3. part. disp. 77. cap. 11. contendit Monothelinas in homine Christo non negasse operandi, ac volendi potentiam, sed solum actionem. *Eorum, inquit, error erat, in Christo solum esse effectum voluntatis divinæ, non autem humanæ, cujus nam membra inferiora ad suas actiones, & opera moveantur; itaut membra solum parerent motui voluntatis divinæ, quæ erat pro humana: at verò humanam nullam esse, quæ sicut in nobis membra ad suas actiones moveret.* Ita quòd illud effectum voluntatis in Christo, quo moveri dicebant membra ad suas operationes, unam voluntatem, & unam solum operationem, eamque theandricam nuncupabant, quo vocabulo primum usus est S. Dionysius Epistola 4. quæ est ad Cajum. Dicebant autem operationem theandricam in Christo compositam esse, non ex duabus operationibus, neque ex duobus affectibus duarum voluntatum, quos operationes vocabant; sed ex una operatione voluntatis, & actione membrorum, aut alterius voluntatis, quam operationem, seu motum, aut opus vocabant. Quem utique legitimum erroris sensum se primum detexisse gloriatur Vasquez. Cui subscribit de Lugo disp. 25. & nonnulli alii.

Verum reclamant ceteri Theologi, contententes hæreticos illos non solas operationes humanæ voluntatis, sed hanc insuper voluntatis facultatem sustulisse. Quam utique veritatem ex ipsismet SS. Patribus copiosissimè probat Petavius lib. 8. cap. 4. maxime verò ex eo, quòd SS. qui eos hæreticos impugnaverunt, semper distinctè asserant illos negasse duas in Christo voluntates, & duas operationes. Unicum hic profero Euthimium in Paneplia sub finem tituli 18. inter alias Patrum sententias, quas ibi colligit: *Quorum, inquit, eadem natura, horum eadem est voluntas, & operatio: quorum autem differens est natura, horum differens est voluntas, & operatio.* Porro non hypostasias, neque personales, neque gnomicas dicimus voluntates illas, & operationes, hoc est, volendi: operantique facultatem. Quo certe nihil clarius est, ut ostenderet volun-

tatem; operationemque, de qua querebatur inter Monothelitas, & Catholicos, non solum actionem esse, sed etiam facultatem. *Addé quòd ipsimet hæretici voluntatem, & operationem humanam, tanquam duo negaverint; nam in 6. Synodo Actione 8. Macharius Antiochenus Antistes Monothelitarum Patronus, interrogatus, an duas confiteretur naturales voluntates, & duas operationes naturales in Incarnatione Christi Domini; respondet, se neque naturales voluntates duas, neque duas naturales operationes agnoscere.*

Notandum tertio, Monothelitas non fuisse primos illius hæresis repectores, & assertores, nam ut cæteros taccam, narrat Hypolytus in Collectaneis Beronem Valentini repudiata hæresi, *constituta unica, & singulari operatione, divinitatem Christi, & humanitatem confudisse.* Similiter Apollinaris unam in Christo operationem docuit, ut ex aliquot illius dictis Martinus Papa refert in Concilio Lateranensi, agebat enim: *Quorum una operatio, eorum una est essentia: ergo facta est essentia Verbi, & carnis.* His maxime præfuserunt Eutyriani, quos Monophysitas communi vocabulo nuncupant, quorum propaginem Monothelitas fuisse diximus in præludio: nam, & illi longè ante hos exorti, unicam in Christo statuerunt operationem, & voluntatem, ac duas anathemate damnarunt: Sic Severus commemoratus ab Agathone Papa in epistola Synodica, quæ est in Actis Synodi sextæ, anathema dixit Synodo Chalcædonensi, & epistolæ S. Leonis ad Flavianum, *Isque omnibus, qui in duabus naturis unum dicunt, vel dixerunt Dominum nostrum Jesum Christum post ineffabilem, & incomprehensibilem unionem, & consequenter confitentes duas operationes, aut proprietates.*

Ab ipsis tamen Monophysitis in hoc diffensiebant Monothelitz, quòd hi duas perfectas, & integras naturas in Christo cum Catholicis agnoscerent, ut constat ex 6. Synodo, in qua diligenter exposita, & damnata est hæc hæresis, quippe in Actione 6. Macharius Antiochenus factionis illius Antistes, in ea quam iussus edidit suæ fidei professione, disertè prædicat Christum post Incarnationem in duabus perfectis naturis sine confusione, ac divisione, in una existere persona, & hypostasi una, nusquam differentia naturarum

unionem sublata: sed servata potius utriusque proprietate naturæ, & in unam concurrere personam, & unam hypostasim. Non conveniebant autem illi hæretici in hæresis suæ ratione reddenda, & expositione faciendi, nam aliàs quandam operationem Dei, & hominis Christi statuebant, quam & *Dei-virilem, & Theandricam* nominabant, aliàs verò agnoscebant duas operationes, & voluntates, ut narrat Agatho Romanus Pontifex in Epistola Synodica, quæ refertur Actione 4. Synodi 6. aliàs, nec unam, nec duas dicendas esse decernebant, ut in *Extensi* Heraclii, & *Typo* Constantii, de quibus egimus in præludio hujus tractatus.

Restat ergo probandum contra hos, & alios hæreticos, duos in Christo fuisse revera intellectus, duas voluntates, ac earum facultatum operationes; quod utique præstabitur in duabus sequentibus conclusionibus.

CONCLUSIO PRIMA.

Christus habuit duplicem intellectum, divinum, & humanum. Hæc est contra Apollinaristas contententes Verbum divinum non assumpsisse mentem humanam, seu intelligendi facultatem, cujus vices Verbum divinum præstare affirmabant.

Probatur primò ex Scriptura sacra, illis omnibus oraculis, quibus apparet Christum Dominum exercuisse operationes intellectus humani, maxime vero illis, quibus dicitur admiratus. Sic Matth. 8. admiratur fidem Centurionis; quam utique admirationem docent Theologi Christo Domino convenisse, quoad scientiam experimentalem: sicut qui novit eclipsum futuram per scientiam, non minus eam demiratur cum illam novit experientia. Ex quo sic argumentor, Christum non potuit admirari ratione intellectus divini, quippe ea tantum admiramur, quorum causa nos latet; nec etiam ratione animæ sensitivæ, cujus non est investigare, & detegere causas rerum: igitur, restat, ut illa admiratio Christo conveniret ex parte animæ rationalis intellectu suo prædita, ideòque in Christo fuit humanus intellectus.

Secundò, id ipsum constat ex illis locis, in quibus refertur Christum Dominum habuisse scientiam, & sapientiam, consilium, cæterasque perfectiones ad intellectum humanum pertinentes; omnia enim ista ipsi

ipsi competere non poterant ratione intellectus divini; maxime vero si attendas illud augmentum scientiæ experimentalis, secundum quod dicitur Lucæ 2. *Jesus proficiebat sapientia, & ætate, & gratia apud Deum, & homines.*

Denique hæc Catholica veritas colligitur ex iis oraculis, in quibus habetur Christum Dominum orasse, & pernoctasse in oratione Dei; oratio enim est creatæ mentis in Deum elevatio.

Huc adde, quæ diximus in 1. quæstione, demonstrando Christum assumpsisse integram naturam humanam, quia id omne assumpsit, quod sanandum erat: intellectiva autem facultas lauciata erat per peccatum, ut dictum est in priori volumine, ubi demonstravimus omnes animæ facultates per originale peccatum in plurimis esse vitiatas: Igitur ut sanaretur debuit à Christo cum ipsa anima assumi. Nulla sunt, aut saltem levia, quæ adversus hanc veritatem possunt obtrudere hæretici.

CONCLUSIO SECUNDA.

Christus reverà habet voluntatem divinam, & humanam. Hæc est de fide determinata in plurimis Conciliis contra Monothelitas, maxime vero in 6. Synodo, ubi hæc hæresis examinata, & proscripta fuit, & in Concilio Lateranensi sub Martino I. Consultatione 5. Canonibus 12. 13. & 14. & in VII. Synodo Aët. 7. & in confessione fidei, ubi prædicti hæretici damnantur; & in Concilio Florentino in decreto Eugenii.

Probaturque imprimis è Scripturæ testimoniis, quibus duæ in Christo insinuantur voluntates. Sic Matth. 26. *Non sicut ego volo, sed sicut tu,* Lucæ 22. *Non mea, sed tua voluntas fiat.* Joan. 6. *Descendi de celo, non ut faciam voluntatem meam sed voluntatem ejus, qui misit me.* Habebat ergo voluntatem Patrii subiectam; non divinam, ergo humanam. Similiter ex illis oraculis, quibus legimus Christum obedivisse: Sic ad Philipp. 12. *Factus obediens usque ad mortem.* Hebræos 5. *Didicit ex iis, quæ passus est obedientiam.* Obedientia enim est actus voluntatis non divinæ, quia obedientia superioriorem agnoscit, Deus autem superiorem non habet, ergo humanæ. Tertiò, eadem veritas firmatur ex illis locis, in quibus Christus dicitur nobis meruisse salu-

tem, meritum enim pertinet ad voluntatem: non divinam, quia meritum est alicujus in perfectionem tendentis: ergo humanam.

Denique, colligitur ex illis locis, in quibus Christus dicitur actus studiosos, & laudabiles fecisse, tanquam exemplar, quod imitari debemus: tales autem actus studiosos exercere non potuit sine voluntate humana, nam si non sit humana voluntas, nec erit liberum arbitrium; absque libertate autem actus laudabilis, & studiosus esse nequit.

Probatur secundo, illis omnibus argumentis, quibus SS. Patres Monothelitarum hæresim impugnaverunt: quorum primum formatum ex eo, quod Monothelitis duplicem in Christo perfectam naturam agnoscerent. Sic enim Patres sextæ Synodi in sermone ad Imperatorem Constantinum: *Perfectum igitur in divinitate, & in humanitate, perfectum secundum antiquas Patrum traditiones, & divinam Chalcedonensium sanctam formulam predicamus: atque uti naturas duas accepimus; ita & duas naturales voluntates, & naturales ipsius operationes agnoscimus. Quippe neutrum in Christo naturam in ejus incarnatione voluntatis experte, aut operationis aut debimus asserere, nec earum proprietates perimimus, naturas unâ perimamus.* Eodem argumento utitur sanctus Damascenus lib. 3. cap. 15. dicens: *Salva naturarum differentia, salva erunt & operationes, non enim natura ulla est operationis experte, &c.* Eodem modo ratiocinatur sanctus Maximus in Epistola ad Nicandrum: *Quomodo, inquit, si natura propriè Deus, & natura propriè homo idem erat, non & divinam voluntatem, & operationem natura propriè, & humanam voluntatem, operationemque natura propriè habuit, eorum neutro secundum naturam deficient, per quæ consentanea rebus nomina præferunt, & his rursus res ipsas affirmans, manifestè agnoscebat idem divina pariter, & humana naturaliter obtinens, ac volens, & operans, indeque ea, ex quibus, & in quibus, & quæ erant creditus? Quandoquidem naturali voluntate, & naturali operatione sublata, quinam Deus erit, aut homo? Quinam hoc, & illud secundum substantiam esse monstrabitur, si non utriusque nature sine ulla deficiu proprietatem retinet?*

Probant secundo. Si esset una duntaxat in Christo voluntas, ea vel simplex esset, vel composita. Si simplex, vel solius esset Dei propria, vel solius hominis: si composita,

sita, multa ex eo absurda sequerentur, velut creatam simul, & increatam esse tum neque Deum, neque hominem esse Christum, sed mixtum aliquid ex utroque: quod utique argumentum, sic urget sanctus Maximus apud Eutimium *titulo* 18. Si una tantum in ipso voluntas, ait, & una dicitur à nobis operatio, eundem vel non esse natura hominem, sed solum Deum, vel natura solum hominem, & non Deum; vel neque hominem, neque Deum, perspicue profitebimur, veluti si naturalem Dei voluntatem forte dixerimus. Aut hæc omnino divina erit, aut humana: Si divina, naturaliter per ipsam Verbum divinum volet, Deum se natura tantum, & ejusdem cum genitoris suo voluntatis, non hominem ostendens: Non enim natura fert, ut ex eo, quod natura divinum est, id quod natura est humanum, propriam formam, ac notam accipiat; quemadmodum neque fieri potest, ut per id, quod secundum substantiam humanum est, id, quod divinum est, substantia dignoscatur. Nec dispar erit consequentiarum ratio, si voluntatem eandem Christi humanam esse dicamus.

Obijciunt Monothelitz, *Primo* quidem nonnullas veterum Patrum autoritates. Verum eas esse partim ementitas, partim fraudulentè ab illis concinnatas, & depravatas; partim denique malè interpretando, & aliorum detorquendo, demonstratum est in VI. Synodo, ubi illorum artes, & calumniz patrefactæ convictæque sunt: nam quidam libri falsò ab istis attributi veteribus commemorantur: Sic *ad* 3. & 12. & 13. Epistola Mennæ Constantinopolitani ad Vigilum Papam de una Christi voluntate: & Vigili ipsius duo libri alter ad Justinianum Imperatorem, alter ad Theodoram ejus conjugem, unam operationem asseverantes. In *actione* verò 5. & 8. ejusdem Synodi plura loca ex variis SS. Patrum monumentis à Machario Antiocheno collecta perhibentur, quæ authenticis collata codicibus Patriarchæ Constantinopolitani, deprehendit Synodus mala fide decerpta esse ac detruncata, & ideo communibus omnium suffragiis damnata sunt.

Porro testimonia, quæ specie aliqua illorum hæresi blandiuntur, pauca sunt. Primum quidem defumebant ex S. Cyrillo lib. 4. in Joannem ubi magnum illud Ecclesie

Lumen ait: *Christum unam cognatam operationem per ambas naturas ostendisse.*

Verum huic objectioni respondet S. Martinus Papa apud Euthymium: *Unam*, inquit, *actionem* vocat unionem: cognatam verò, ratione partium; ut pote quæ ejusdem fuerit in omnium efficiente imperio, & sanctæ carnis attractu: Ecce enim per ambo ista Deus Verbum manifestè illam ostendebat eo ipso, quod per carnem vivificabat, eam per totum vivificam esse demonstrans. Quemadmodum, & ignis per ferrum urens, visione illa, qua secum jungitur, urendi vi prædictum efficit ferrum. Adeo ut propterea non solius ignis secundum naturam deinceps sit adfusio; sed etiam ferri propter unionem: ac similiter divina Verbi in miraculis operatio, non ejus tantummodo sit ob naturam; verum etiam sanctæ carnis ipsius, propter hypostaticam cum illo copulationem: siquidem actionis cum participem illam in divinis præstandis adhibebat.

Obijciunt insuper testimonium Gregorii Nysseni, ut videre est in 6. Synodo *Actione* 12. qui scribens contra Eunomium asserit: *Ita Divinitatem per corpus, quod induit, communem omnium revera salutem operari, ut propria carnis percipio Dei sit operatio.* Cui consentaneum est illud Philonis in libro de Cherubinis, ubi ait: *Proprium Dei esse facere, quod nefas sit facta ulli rei tribuere: proprium verò creaturæ pati.* Ex quibus colligebant naturam humanam in Christo non fuisse operativam, sed divinam dumtaxat in illo fuisse operatam.

Verum S. Maximus in disputatione contra Pyrrum, & S. Damascenus libr. 3. cap. 13. retorquent illud argumentum in hæreticos: si enim propterea una in Christo esse deberet operatio, quod solius Divinitatis propriè sit actio, humanitatis autem passio; eadem consequentiarum necessitas efficeret, ut una sit dumtaxat in eodem Christo natura Dei, si nempe illa sola sit operatrix, & creata dumtaxat patibilis: quippe natura dumtaxat colligitur per motionem, & operationem. Igitur ubi est dumtaxat unius naturæ operatio, ibi & unica natura: nec refert, quod omnis natura creata patiatur; id enim non obstat, quominus etiam sit activa, omne enim creatum agens, maxime corporeum, agentis dõ reparatur.

Obj.

Obijciebat tertiò. Omne instrumentum non habet ex se actionem, sed dumtaxat ab agente principali: sed natura humana ex SS. Patribus dicitur instrumentum Divinitatis: igitur ex se non erat operativa, sed dumtaxat deserviebat, ut instrumentum ad ipsius Divinitatis operationem. Major constat ex Philosophis: Minorem verò probabant ex S. Cyrillo in dialogo de incarnatione Verbi parte 5. ubi ait: *Christus usus tanquam instrumento propria carne ad opera carnis, & ad naturales egritudines, & ejusmodi alia, quæ extra reprehensionem erant, anima verò itidem propria ad humanas, & expertes vitii passionis: nam & esurisse dicitur, & longinquarum peregrinationum laboribus pertulisse, &c.* Idem habet S. Athanasius oratione 4. *Deus existens, inquit, proprium corpus habuit, & hoc usus instrumento, homo propter nos factus est. Ideo quæ propria sunt carnis ipsius esse dicuntur, quoniam in illa inerat, ut sunt esurire, flere, &c.*

Distinguo majorem, instrumentum artificiale, quod agendi principio caret, & sola movens impressione movetur, concedo: instrumentum naturale, vel substantivum, quod propria forma, & efficiendi virtute, ac potestate prædium est, ideoque veram habet affectionem, & confert in opus conficiendum, nego: similiter distincta minore, nego consequentiam; nam natura humana in Christo si sit divinitatis instrumentum, non est instrumentum artificiale, sed naturale; quia ex ipsa propriam exercet actionem, nec tantummodò patitur.

Adde quòd cum Christus duplicis generis habuerit operationes, alias quidem purè naturales, ut sunt cognitio, volitio, locutio, contactus, &c. *Alias* verò naturæ vim excedentes, ut omnes miraculose operationes, quas Christus operatus est, vel contactu, vel sermone, ut est infirmitatum curatio, mortuorum excitatio, & cetera ejusmodi miracula, quorum naturalis causa non fuit natura humana. Priorum actionum ipsa humanitas principalis erat causa; non autem instrumentum dumtaxat; posteriores verò actiones sola Divinitas operabatur, & humanæ naturæ actione, putà, vel contactu, vel locutione ad illos mirabiles effectus patrandos, tanquam instrumento utebatur.

Obijciebant denique: Si Christus habuisset duas voluntates, etiam habuisset pugnam voluntatum, quippe humana repugnasset

divinæ, & consequenter non fuisset omnis expert peccati, peccat enim omnis, qui divinæ voluntati relinquitur: sed hoc asserere, injuriosum est Christo Sancto, Sanctorum: igitur, &c.

Nego majorem, quamquam enim Christus duas habuerit voluntates, inde non est consequens, quòd humana reluctata fuerit divinæ, imò ipsi in omnibus semper erat subdita; siquidem Christus factus est æternò Patri obediens usque ad mortem, ad Philipp. 2. Hinc Matth. 26. aiebat: *Non sicut ego volo, sed sicut tu,* & Luc. 22. *Non mea voluntas, sed tua fiat.* Quapropter testabatur Joannis 3. *Non quero voluntatem meam, sed ejus, qui misit me.* Adde quòd hac ratione non minus negare debuissent Monothelitz appetitum sentientem in Christo: hic enim appetitus multò facilius cum divina voluntate pugnare videtur, quàm humana voluntas; nec exinde, ut volebant hæretici, cavendum erat ne Christus peccato labefactaretur; nam, ut notavit S. Ambrosius lib. de Incarnationis dominicæ sacramento cap. 7. *Qui alio à carnis lubrico vindicabat, numquid formidare poterat, ne & ipse dominatu quodam carnis illius vinceretur?*

Obijciebant præterea summos Pontifices Romanos, maxime Vigilius, & Honorius à suis partibus stare, ac eorum sententia patrocinari, ut apparet in disputatione Pyrrhi cum S. Maximo. Verum quàm falsa, & mendax fuerit illa assertio, ut evidentiùs appareat, operæ pretium est hic fusius examinare, an reverà isti duo summi Pontifices à Monothelitarum partibus steterint, quod utique præstabo duobus in sequentibus paragraphis.

§. I.

Utrum Vigilius Romanus Pontifex fuerit Monothelita:

ITa accusatur à Pyrrho in disputatione cum sancto Maximo martyre, affirmans, quòd ille Pontifex suo calculo probaverit libellum sibi oblatum à Menna Patriarcha Constantinopolitano, in quo affirmatur unam in Christo esse voluntatem. *Verum* hanc calumniam his verbis purgat sanctissimus Martyr. *Admiror quomodo Patriarchæ cum suis, audetis mentiri: qui tibi antecessit in suis ad Honorium litteris scripsit,*

pse, commune factum quidem fuisse de eo libello, non autem oblatum, nec offensum; ipse vero in sua ad Joannem Papam Epistola dixisti oblatum esse, & offensum, lectum etiam per Constantinum quæstorem: utriusque credemus? Tibi, an ei, cui successisti? uterque enim non potest verum dixisse. Unde cum Iyrthus concessisset sic fuisse scriptum à Sergio suo prædecessore, fateri coactus est Vigilium ex hoc capite non posse culpári.

Urgebis . Reverà Mennas obtulit suum libellum Vigilio, ut constat ex epistola Sergii ad Cyrum Episcopum Alexandrinum, quæ lecta est in sexta Synodo, actione 12. in qua affirmatur porrectum à Menna ipsi Vigilio libellum istum, ait enim: *Unde nos, quæ nostræ erant scientiæ, per nostræ rescripta ei significavimus, dirigentes etiam sermonem acclamatorium Mennæ sanctissimo quondam Patriarchæ; hujus ab eo conservandæ regiæ urbis porrectum ab eo, hic præsentis Vigilii sanctæ memoriæ prædecessori sanctitatis vestræ habentem, & diverſa testimonia paternæ de una operatione, & una voluntate Salvatoris nostri Christi. Igitur reverà libellus ille fuit oblatum Vigilio, & ab eo probatus.*

Respondeo negando consequentiam . Quamquam enim verum esset, quod ipsi Vigilio fuerit libellus oblatum; non est tamen consequens, quod ab eo fuerit approbatus. *Respondeo secundò, in isto libello Mennæ fuisse à Græcis Monothelitis addita illa verba de una operatione, & de una voluntate Salvatoris nostri Christi;* cum enim hunc libellum protulissent Monothelitz in VI. Synodo actione 3. lectum fuisse ex eo, quod una sit in Christo voluntas, tunc, ut ibidem refertur, exurgentes Legati Sedis Apostolicæ vitiatum esse codicem à Monothelitis exclamarunt, additamque esse illam Mennæ nominè ad Vigilium epistolam, sive libellum, eò quod acta ipsa germana id non haberent; ejusque rei certum illud attulerunt argumentum, quod Mennas diem obierit anno 21. Justiniani Imperatoris: quinta verò Synodus, in cujus exordio dicitur lecta epistola Mennæ, congregata est dumtaxat ejus imperii anno 27. Hinc enim necessàrio inferendum est non potuisse à Menna tempore quintæ Synodi mitti libellum ad Vigilium, utpote cum Menna jam sex annis ante congregatam Synodum obivisset . Falsificatio autem istius libelli, & impostura exemplo apparuit, ut constat ex actis illius sessionis

Fraſſen Theol. Tom. VII.

3. ubi hæc habentur: *Et inspicientes tam piissimus Imperator, quam gloriosissimi Judices una cum quibusdam ex sancta Synodo, Deo amabilibus Episcopis, & aperientes, ac discernentes invenerunt tres quaterniones, in principio libri additos, non habentes subnotationem numeri, qui secundum consuetudinem affiguntur in quaternionibus: sed in quarto quaternione habente primum numerum, & in sequenti quaternione secundum, & tertium, atque quartum subsequentes; alias verò, & dissimiles esse literas eorundem, in exordii submissorum quaternionum, in quibus continebatur sermo, qui dicitur Mennæ ad Vigilium. Ex quibus apparet hæreticorum fraus, & vassities.*

Cum autem in sui erroris patrocinium instarent Monothelitz, actione 12. utriusque libellus ille legeretur; Judices, & Concilium dixerunt Superflua præsens lectio sermonis existit, quia penitus falsus, & falsus est, eò quod neque in repositis gestis hic venerabilis Patriarchæ epistolarum Mennæ sanctissimæ memoriæ hujus Regiæ urbis Antiquissimus sermo, qui dicitur Mennæ ad Vigilium invenitur, sed & in superius posita actione 3. dum relegeretur primus liber gestorum sancti Concilii, inventi sunt additi tres falsi quaterniones hunc sermonem attinentes. Ex quibus collige fraudes, & imposturas, quibus usi sunt Monothelitz, ut suas in partes Romanum Pontificem pertraxisse viderentur.

Eadem Actione 3. denuò obijcitur à Monothelitis, quod Vigilius duos scripserit libros: alterum ad Justinianum Imperatorem; alterum verò ad Theodoram Augustam Justiniani conjugem; in quibus libris habebatur; *Anathematizamus autem Theodorum, qui fuit Episcopus Mopsuestiæ, tanquam qui alienus semper existerit ab Ecclesia, & Ss. Patribus adversarius, qui non conficitur incarnatum esse Dei Verbum, id est, Christum esse unam substantiam, & unam personam, & unam operationem.* Adididerunt autem Monothelitz libros istos in 7. Actione v. Synodi reperiri.

Verùm Legati Romanæ Sedis iterum falsitatis accusaverunt Monothelitas; quia nempe ipsi addiderant, & unam operationem; hæcque rationem demonstrandæ falsitatis, & imposturæ subjecerunt; quia si mentio ibi facta fuisset unius operationis, dubio procul illud fuisset insertum in definitione Concilii.

Insuper, oportuisset, & Synodum ejusdem

S

dem

dem unius operationis errore esse profectam, quandoquidem Vigilii receptus est à Synodo. Quod cum non possit dici, neque de Vigilio id sentiendum est.

Hinc Aetione 12. ejusdem Concilii, dum iidem libelli rursus apponerentur: sic Judices, sic etiam Concilium, *In memoria habemus, quod tunc (hoc est Aetione 3.) profecti sunt, qui ex parte Apostolicæ Sedis antiquæ Romæ falsatam fuisse prædictam 7. Aetionem, eo quod sint fallaces duo libelli, qui in ea continentur quasi porrecti à Vigilio, Justiniano, & Theodoro pie memorie.* His igitur constar falsò Vigilium Romanum Pontificem, erroris Monothelitarum accusari, quantum autem ad Honorium, res longe difficilior, ut apparebit in sequenti §.

§. I I.

An Honorius Monothelitarum dogma fuerit professus, & ejus assertoribus patrocinatus.

Affirmativam partem tuerentur nedum hæretici, sed etiam nonnulli Theologi Catholici cum Melchiorre Cano lib. 6. *De Locis Theologicis cap. ultimo*; existimantes Honorium reverà fuisse errori Monothelitarum patrocinatum: Tum quia in suis duabus Epistolis, quæ lectæ sunt Aetione 12. & 13. sextæ Synodi approbat doctrinam Sergii principis Monothelitarum, & decernit dicendum non esse Christum habere duas voluntates, neque duas operationes: Tum quia in eadem VI. Synodo damnatur tanquam hæreticus, eo quod, inquit Concilii Patres Aet. 13. invenimus per scripta, quæ ab eo facta sunt ad Sergium, quia in omnibus ejus mentem secutus est, & impia dogmata confirmavit. Quapropter decernente eodem Concilio nomen ejus è sacris diptychis expunctum est, & scripta tanquam profana, atque animæ perniciofa igne cremata sunt: Tum quia in VII. Synodo Aetione ultima dicitur anathema Honorio unà cum Sergio, cæterisque Monothelitis, ut legitur in Epistola ejusdem Synodi ad Clericos universos: Tum quia Aetione 7. Synodi octavæ lecta est, & approbata Epistola Concilii Romani sub Adriano II. in qua refertur, quod Honorius à VI. Synodo post mortem judicatus, quia de hæresi fuerat accusatus, Tum denique quia ab Agathone Epistola ad Constantinum Imperatorem,

quæ habetur Aet. 4. VI. Synodi, anathema dicitur Honorio tanquam Monothelitæ, & à Leone II. Epistola ad eundem Imperatorem, quæ habetur ad finem ejusdem Concilii, scriptum est Honorium in Monothelitarum hæresi defunctum, adeoque iusta anathematis sententia fuisse condemnatum.

Verùm his non obstantibus reclamant numerosior, & nobilior Doctorum cœtus cum Ecclesiasticis Annalistis, & Historicis, quorum sententiam esse veriorē, ac certiorē, ut probemus efficacius, & luculentius demonstremus, tria hic sigillatim censeo esse demonstranda. *Primum* quidem, quod reverà Honorius Monothelitarum erroris non fuerit assertor. *Secundum*, quod non sit ejusdem erroris accusandus, eo quod cum Sergio datus, & acceptis initio controversiæ litteris communicaverit. *Tertium* denique, quod in VI. Synodo minime damnatus, ac proscriptus fuerit tanquam hæreticus. Sed ut hæc evidentiùs appareant,

Repetenda sunt ea, quæ diximus initio hujus tractatus de Monothelitarum hæresi origine, propagatione, & damnatione. Maxime verò revocandum est, quod cum Cyrus Patriarcha Alexandrinus hæreticorum Nestorianorum ad Ecclesiam revocandorum prætextu Synodum congregasset, in ea definitum est cap. 7. *unam esse Divinam operationem in Christo*; cujus Synodi acta misit, quàm primùm ad Sergium Constantinopolitanum Antistitem, unà cum Epistola plena adulationis, quæ lecta est in VI. Synodo Aetione 13. at cum hæc definitio de unica Christi operatione nota fuisset Sophronio Jerosolymorum Patriarchæ, omni conatu institit apud Cyrum, ut illam rescinderet, quod cum obtinere non potuisset, scripsit ad Sergium Constantinopolitanum, necnon ad Honorium summum Pontificem, quatenus illa definitio Synodi Alexandrinæ rescinderetur. Ut verò accepisset istas litteras à Sophronio Sergius, scripsit ad Honorium celebrem Epistolam, quæ habetur Aetione 12. VI. Synodi, in qua exponit ad bonum pacis sibi videri utramque sententiam esse silentio reprimendam, si ve quæ unicam in Christo defendit voluntatem, & operationem, si ve quæ duplicem admittit: suam tamen sententiam in omnibus subicit judicio, atque censuræ Apostolicæ Sedis.

Ac-

Acceptis à Sergio Epistolis, ad eum duplicem Epistolam scripsit Honorius, in quibus volunt adversarii cum fuisse Monothelitis patrocinatum. Defuncto Honorio, successit in ejus locum *Soterius*; cui *Joannes IV.* successit, qui coacto Romæ Concilio damnavit Monothelitas. Defuncto Joanne, ejus successor *Theodorus* anathema dixit Paulo Constantinopolitano Antistiti, quod faveret Monothelitæ, quem Episcopatu privavit. *Martinus* Theodori successor cogit Concilium Lateranense, in quo rursus damnantur Monothelitæ, definiturque duas in Christo esse voluntates, & operationes, in cujus assertionis odium *Martinus* pellitur in exilium, ubi variis ærumnis martyrii coronam promeretur. Cum autem post ejus obitum Imperium teneret *Constantinus Pogonatus* verè orthodoxus, egit primum cum *Domno* Martini successore, deinde cum *Agathone*, qui mortuo *Domno* successerat, de congregando Concilio generali. Congregatur igitur VI. Synodus generalis Constantinopoli: præsent Legati sedis Apostolicæ, præfens est etiam Imperator cum viris gravioribus. Monothelitæ, quorum Antistes erat *Macharius* Antiochenus Patriarcha pacificè audiuntur. Tandem definitur duas esse in Christo voluntates, & duas actiones, & anathema dicitur authoribus, ac præcipuis defensoribus illius hæresis.

Honorius non est dicendus Monothelita propter datas, & acceptas Epistolas à Sergio initio controversæ.

Probatur. Nullus dici debet hæreticus, quod datis, & acceptis litteris communice cum aliquo Episcopo, qui ab omnibus celebratur, & habetur ut Catholicus, nec in alicujus erroris suspensionem venit: at quando Honorius à Sergio Epistolam accepit, ad eumque rescripsit, Sergius ab omnibus ut Catholicus habebatur, nec in alicujus erroris suspensionem veniebat: igitur propter communicationem cum ipso, Honorius non est damnandus ut hæreticus Monothelita. Major constat: aliqui hæresis essent insimulandi omnes sancti Patres, qui communicaverunt cum hæreticis antequam in erroris suspensionem venissent, ut *Hieronymus* cum *Ruffino*, *Augustinus* cum *Juliano*. Minor vero probatur: Nempè quod *Sergius* tunc tem-

poris, ut Catholicus, & optimus Ecclesiæ Constantinopolitanæ Pastor haberetur. Probatur, inquam: *Primò* ex Epistola *Sophronii* Jerosolymorum Antistitis ad *Sergium*, ubi ipsum multis encomiis celebrat: *Vobis*, inquit, *mittimus* (confessionem fidei) qui non solum dogmata probata ab adulterinis discernere scitis, sed quæ deficiunt, propter perfectam in Christo charitatem, perficere supplere potestis. Accedam igitur ad dicendum illa, quæ à principio in Ecclesia sancta Catholica collatae sunt, & nutritus didici, & à teneris unguiculis accepi, & vos divinè prædicare audivi, &c. Igitur tunc temporis *Sergius*, ut Catholicus habebatur.

Deinde, qui suam doctrinam submittit judicio Romani Pontificis, nec illa apertum errorem continet, ut hæreticus non potest haberi: at *Sergius* in sua ad *Honorium* Epistola suam doctrinam apertum errorem non continentem submittit ipsius judicio, ait enim circa finem: *Adhortamur vos sacratissimi, hæc omnia legere, & D'o placitam, ac plenissimam charitatem, quæ in nobis est nunc quoque sequentes, si quid amplius, minusve inveneritis, hoc per datam vobis à D'o gratiam adimplere, atque per sanctas syllabas vestras unâ cum vestra optabili suspirate, quæque super his vobis fuerint placita, significari.* Quibus constat-quam humiliter *Sergius* se *Honorii* judicio submittat, dum rogat, ut ipse *Romanus Pontifex*, si quid minus, vel amplius in Epistola esse cognoverit, ut adjiciat pariter, vel dimoveat, licet hæc subdole ab eo proferrentur, ne detegeretur, ut hæreticus.

Denique, nihil erat in Epistola *Sergii* ad *Honorium*, ex quo judicare posset, ipsum *Sergium* Monothelitæ patrocinari: ita enim suam sententiam declarat, ut dumtaxat bonum pacis festari videatur, & Ecclesiæ tranquillitati providere; cum aliundam sanam, & integram fidem testaretur, circa Christi divinitatem, & humanitatem in unitate personæ, ait enim: Nos verò, considerantes incipientem ex hoc inter quosdam hic contentionem exardescere, & scientes, quod semper ex ejusmodi decertationibus illæ hæresum dissensiones effectæ sunt; necessarium judicavimus, omne studium ponere, ad sedandum, atque amputandum talem superfluum verborum conflictum, & ad sæpè dictum sanctissimum *Alexandriæ Patriarcham*

scripsimus, ut postquam unitatem cum his, qui pridem reparabantur, eo auxiliante, composuit, de cetero nullum permitteret unam, aut duas proferre operationes in Christo Deo nostro, magis autem, sicut sancta, & universalia Concilia tradiderunt, unum, eundemque Filium unigenitum Dominum nostrum Jesum Christum verum Deum operatum confiteri, tam divinam quam humanam, & omnem Deo decibilem, & homine dignam operationem, ex uno, eodemque incarnato Deo Verbo indivisè procedere, & ad unum, eundemque redigere; eo, quod unius quidem operationis vox, quamquam à quibusdam sanctis dicta est Patribus, tamen peregrina videretur, & perturbare aures quorundam suspicantium ad peremptionem hanc proferri inconfusè, atque secundum subsistentiam unitarum in Christo Deo nostro duarum naturarum, quod non est unquam, nec fuit.

Similiter autem, & duarum operationum dictio multos scandalizet, utpotè à nullo sanctorum, ac probabilius Ecclesie institutorum edita. Insuper: & consequens ei est, prædicare duas voluntates, contrarietates circa invicem habentes, tanquam Deo quidem Verbo salutarem volente adimpleri passionem, humanitate verò ejus obsistente ejus voluntati, & resistente: & perinde duo contraria volentes introduci: quod impium est. Impossibile est quippe in uno eodemque subiacenti duas simul, & erga hoc ipsum contrarias subsistere voluntates. Nam salutaris Deum generantium Patrum doctrina, operæ pretium instruit, quod nunquam intellectualiter animata Domini caro separatim, & ex appetitu proprio contrario nutui uniti sibi secundum subsistentiam Dei Verbi naturalem motum suum effecit, sed quando, & qualem, & quantum ipse Deus Verbum volebat. Et (ut plenius dicatur) quemadmodum corpus nostrum regitur, & ornatur, & disponitur ab intellectuali, & rationali anima nostra; ita & in Domino Christo tota humanitatis ejus conspectio ab ipsius Verbi Deitate semper in omnibus mota, Dei mobilis erat, secundum Nyssenum Gregorium dicentem contra Eunomium ita: Secundum quod Deus era:

Filius, impassibilis utique est, & immortalis: si quæ autem passio de eo in Evangelio dicitur, per humanitatem profecto, quæ suscipiebat passionem, huiusmodi operatus est. Operatur quippe verè Deitas per corpus, quod circa ipsum est, omnium salutem, ut sit carne quidem passio, Dei autem operatio.

Nec refert, quod ibidem videatur improbare sententiam Sophronii culpanis definitionem Synodi Alexandrinæ, & oppositam definitionem, ac Cyri sententiam approbare, id enim dumtaxat præstat, ut significet quantum tranquillitatis illa definitio Ecclesie Alexandrinæ dederit; quam utique pacem interrumpere rescindendo illam definitionem Alexandrinæ Synodi durum existimabat. Quomodo, inquit, non esset durum, & valde onerosum, quando hoc, resolvere, evertereque erat futuram quidem omnem illam concordiam, atque unitatem, quæ bene fuerat effecta, tam apud Alexandrinam magnam civitatem, quamque per universas sub ea provincias, quæ nullo tempore usque nunc acquieverant, nomen saltem simplex divini, atque laudabilis Patris nostri Leonis, aut sancti, & Magni, atque universalis Chalcedonensis Concilii mentionem facere; nunc verò præclara, & magna voce in divinis Missarum arcanis hoc prædicantes? Igitur non est cur exinde Sergius alicujus erroris ab Honorio accusaretur. Quapropter nullam habuit causam, cur Honorius illo tempore scire à Sergii communicatione subtraheret, subindeque ideo non est Monothelitarum erroris insimulandum.

Nec etiam arguendus est erroris, propter doctrinam in suis ad Sergium litteris expressam.

Honorius enim, ut diximus supra, duas ad ipsum Sergium Epistolas dedit: sed in earum neutra Monothelitarum error continetur, nec aliquid, quod in ipsius erroris patrocinium veniat: igitur ex iis Epistolis non est damnandus Honorius. Probat minor:

Primo quidem ex priorè Epistola; siquidem in ea docet: *Primo*, quod Christus Dominus Deus, & homo sit, qui coruscavit carne plena divinis miraculis ipse, & carne usefectus, plenè Deus, & homo. *Secundà* facetur, quod passionem, & opprobria passus non

non est in utraque natura, cum constet divinitatem nullas posse perpeti humanas passiones, & idcirco ipsius humanitas non de Cælo, sed de sancta est assumpta Dei Genitricis. *Tertio* docet propter ineffabilem conjunctionem humanæ, divinæque naturæ Deum dici passum, & humanitatem de cælo descendisse: Nam, inquit, per se veritas in Evangelio ita loquitur. Nulus ascendit in cælum, nisi qui descendit de cælo. Filius hominis, qui est in cælo, profectus nos instruens, quod Divinitati unita est caro passibilis ineffabiliter, atque singulariter, ut discreta, atque inconfusa, sic indivise videretur conjungi, ut nimirum stupenda mente mirabiliter manentibus utrarumque naturarum differentis cognoscatur uniri. *Quarto* docet Christum Dominum operatum divina media humanitate Verbo Dei naturaliter unita, eundemque operatum humana ineffabiliter, atque singulariter. Quibus significat se ob idiomatum communicationem credere unum in Christo volentem, & operantem, sicut unica est ejus persona: cum tamen astruat ob diversas proprietates duarum simul indivise, & inconfuse conjunctionum naturarum, æque, & voluntates distinctas, & inconfusas in eo reperiri.

Denique, facetur, quod sit unus operator divinitatis, atque humanitatis; *Quia*, inquit, Dominus noster Jesus Christus Filius, ac Verbum Dei, per quem facta sunt omnia, ipse sit unus operator Divinitatis, atque humanitatis, plena sunt sacra litteræ luculentius demonstrantes. Utrum autem propter opera divinitatis, & humanitatis geminæ operationes debent derivate dici, vel intelligi, ad nos ista pertinere non debent, volinquentes ea Grammaticis, qui solent parvulis exquisita derivando nomina venditare. Proficetur ergo Honorius in Christo unum operatorem dicens non convenire personæ unitatem operationis, sed operantis. Sic S. Joannes Damascenus lib. 3. cap. 14. de his agens, docet non dici posse ratione unius personæ, unam voluntatem, sed unum volentem, nec unam operationem, sed unum operantem in duabus scilicet naturis, quos dum asserit indivise, inconfuse, & inconvertibiliter conjunctas, duas plane necessario introducit operationes, & voluntates. His quidem nihil magis Catholicum dici potuisse, nihil magis pium, ac sanctum, nihil denique his temporibus ad pacem in Ecclesiis conservandam utilius excogitari vidcri potuit. Quam quidem

Frasen Theol. Tom. VII.

Catholicam veritatem (dicam liberè cum Campensi inquit *Baronius*) non solum nulla Synodus potuerit unquam damnare, sed si Angelus de cælo aliud annuntiaverit, præter id, quod dictum est, illatum in hujusmodi ab Apostolo susceperet anathema.

Dices: Idem Pontifex in eadem Epistola aperte dixit, unde & unam voluntatem fateatur Domini nostri Jesu Christi.

Respondet S. Maximus in disputatione contra Pyrrhum, quod unam dixerit voluntatem, Non humanitatis, & divinitatis simul, sed humanitatis solus; cum enim Sergius scripserit, quod quidam duas voluntates in Christo contrarias dicerent; respondit Honorius, inquit sanctus Martyr, diximus Christum non duas voluntates contrarias habuisse; carnis, inquam, & spiritus, sicut nos habemus post peccatum, sed unam tantum, quæ naturaliter ejus humanitatem signabat, quæ utique responsio firmatur ex ipsamet Epistola Honorii, cum enim dixisset, Unam voluntatem fateatur Domini nostri Jesu Christi; statim subdit. Quia profectò à divinitate assumpta est nostri natura non culpa, illa profectò, quæ ante peccatum creata est nunquam post prævaricationem vitata. Et infra: Non est itaque assumpta, sicut præfati sumus, à Salvatore vitata natura, quæ repugnaret legi mentis ejus: sed venit quætere, & salvare, quod perierat, id est, vitiatam generis humani naturam: nam lex alia in membris, aut voluntas diversa non fuit, vel contraria Salvatori; quia super legem natus est humanæ conditionis. Et siquidem scriptum est; Non veni facere voluntatem meam, sed ejus, qui misit me, Patris, &, Non quod ego volo, sed quod tu vis, Pater, & alia hujusmodi: non sunt hæc diversæ voluntates, sed dispensationis humanitatis assumptæ, ista enim propter nos dicta sunt, quibus dedit exemplum, ut assequamur vestigia ejus, pius Magister discipulos imbuens, ut non suam unusquisque nostrum, sed potius Domini omnibus præferat voluntatem. Hæc Honorius: Cum igitur audis unam Honorium dicere voluntatem, intelligere debes eum ita locutum respectu duarum inter se pugnantium contrariorum voluntatum ad malum, & bonum.

Inhabis: Honorius in eadem Epistola ait, Sergium Sophronio, providequæ scriptis

3 cum

cum novitatem vocabuli abstulit, improbando videlicet dictum Sophronii, qui duas in Christo voluntates admittebat.

Respondit Honorius non magis culpare Sophronium, quod duas voluntates admitteret, quam advetarios, qui unicam in Christo voluntatem profitebantur: sed solum voluit, quod pacis servandæ gratia, taceretur assertio unius, aut duarum voluntatum: *Nos enim*, inquit, *non unam operationem, vel duas, non unum Jesum Christum, ejusque sanctum Spiritum sacris litteris percipimus, sed multiformiter cognovimus operatum.* Quibus significat, quod sit quidem dicendus unus operator divinitatis, atque humanitatis.

An autem essent duæ voluntates, aut operationes, definire noluit duplici de causa. Prior est, quia in novis decernendis cautè est procedendum: putabat autem illud novum: nam neque in Evangeliiis, neque in Synodis, res ei clara videbatur. *Non oportet*, inquit, *ad dogmata hæc Ecclesiastica retorqueri, quæ neque Synodales apices super examinantes, neque auctoritates canonice visæ sunt exclamasse; ut unam vel duas energias aliquis presumat Christi Dei prædicari, quas neque Evangelicæ, vel Apostolicæ litteræ, neque Synodalis examinatio super his habita, visæ sunt terminasse.* Posterior est, ne si duas operationes, Nestorio, si unicam, Euticheti favere videretur. *Et nos*, inquit, *secundum sanctiones divinorum eloquiorum oportet sapere, vel sperare, illa videlicet resistentes, quæ quidem novæ voces noscuntur sanctis Dei Ecclesiis scandala generare, nec aut duarum operationum vocabulo offensi, sectantes Nestorianos, nos vesana sapere arbitrentur: aut ceritè, si rursus unam operationem Domini nostri Jesu Christi fatendum esse censuerimus, stultam Eutichianistarum atomis auribus demerentiam fateri putemur.* Secunda causa cur nil decreverit circa hanc controversiam, fortè fuit, ne hac definitione, Ecclesiastica pax inturbaretur, & Ecclesiæ unitas funditus tolleretur.

His adde quod non magis culpandus videatur Honorius propterea, quod consuevit utramque assertionem, unius aut duarum voluntatum esse tacendam, quam ipse Sophronius, quidem servandum silentium censuit: sed à nemine Sophronius atque hæræsis, quod censuerit abstinendum ab isto novo loquendi modo; ergo neque ob id culpari debet Honorius. Quod autem So-

phronius consenserit abstinere hac loquendi formula, constat ex epistola Sergii ad Honorium, ubi ait: Ad ultimum stetit, & placuit quatenus prædictus Sophronius, venerabilis nullum Sermonem de cetero, de una, sive duabus operationibus movere debeat, sed ei sufficiat præfata, cautæque, ac critica SS. Patrum traditio, atque doctrina. His itaque contentus sæpe nominatus venerabilis Vir, & hæc custodire certicans, &c.

Similiter in posteriori epistola Honorii, nihil est, quod pro eo tempore potuerit hæresis accusari: siquidem in illa tantum hæc habentur. Unius, vel geminæ operationis vocabulum noviter introductum à prædicatione fidei eximatur; nam qui hæc dicunt, quid aliud nisi juxta unius, vel geminæ naturæ Christi Dei vocabulum, ita & operationem unam, vel geminam suspicantur propter simplicitatem hominum, & amputandas inextricabiles quæstionum ambages, non unam, vel duas operationes in Mediatore Dei, & hominum esse definit? Sed utraque naturas in uno Christo unitate naturali copulatas cum alterius communione operantes, atque operatrices confiteri debemus, & divinam quidem, quæ Dei sunt operantem, & humanam, quæ carnis sunt exequentem non divisæ, neque confusæ, aut convertibiliter Dei naturam in hominem, & nec humanam in Deo convertsam edocentes, sed naturarum differentias integras consistentes. *Et infra*; Auferentes ergo, sicut diximus, scandalum novellæ adinventionis, non nos oportet unam, vel duas operationes definitè prædicare, sed pro una (quam quidam dicunt) operatione, oportet nos unum operatorem Christum Dominum in utriusque naturæ veridicè confiteri, & pro duabus operationibus, ablatò geminæ operationis vocabulo, ipsas potius duas naturas, id est, Divinitatis, & carnis assumptæ in una persona unigeniti Dei Patris inconfusæ, indivisæ, atque inconvertibiliter nobiscum prædicare propria operantes. Et hoc quidem beatissimæ fraternitati vestræ insinuandum prævidimus, quatenus unius consiliiis propositum, unanimatè vestræ sanctitatis monstrarem, ut professio in uno spiritu anhelantes, pari fidei documento inspicemus. *Adit præ-*

terea:

terea: Scribentes etiam communibus Fratribus Cyro, & Sophronio antistitibus ne novæ vocis, id est, unius, vel geminæ operationis vocabulo insistere, vel morari videantur; sed abrasa huiusmodi novæ vocis appellatione, unum Christum Dominum in utrisque naturis, divina, vel humana prædicent operantem: Quoniam hoc, quod ad nos prædictus frater, & Cœpiscopus noster Sophronius misit, instruximus ne duarum operationum vocabulum deinceps prædicare innitatur; quod instantissime promiserant prædictum virum esse facturum, si etiam Cyrus Frater, & Cœpiscopus noster ab unius operationis vocabulo discesserit.

Huc usque ex epistola posteriori Honorii ad Sergium sextæ Synodus, ex quibus liquet ipsum vocabulum unius, aut duarum operationum æqualiter tacendum utrique parti significavisse, propter bonum pacis: quod & Legati Sophronii servandum promittunt. Cum igitur neque ob indictum de utraque voce silentium, neque ob communicationem, & consensionem cum Sergio Sophronius non venerit usquam in suspicionem erroris; ita nec Honorius propter eadem debet in suspicionem hæresis venire: maxime cum hac ratione Honorius consuluerit paci, ut nullum præjudicium fecerit veritati. Nam altero tantum ex his duobus modis potuisset veritati præjudicium fieri, vel quia firmasset Monothelitarum hæresim de unica voluntate, atque operatione Christi: at non ita; quia diserte prohibet dici *unicam*, quemadmodum vetat dici *duas*: vel quia hac sua simulatione, & indifferentia visus esset occulte favere Eutichianis: at non ita, quia vult expressè, ut credamus utrasque naturas in Christo unitate naturali copulatas, non divisè neque confusè, aut convertibiliter Dei naturam in hominem, & nec humanam in Deum conversam: sed naturarum differentias integras: igitur tantum abest, ut hæreticus censeatur ob epistolam, quin potius est, quod merito asseramus, cum tunc temporis rebus Ecclesiæ prudenter providisse, ne scilicet diu vexatam Ecclesiam ab hæreticis Eutichianis, & Nestorianis, & nondum omni ex parte firma, ac solida pace fruentem novis suborientibus controversiis, divexati pateretur.

Probabilis est, Honorium in sexta Synodo non fuisse hæreticis annumeratum, nec damnatum.

Hæc ultima Honorii vindictarum pars longè probatu difficilior apparet, quàm præcedentes; propterea quod in actis sextæ Synodi, quæ per Ecclesiam universam vulgantur, & in omnium manibus sunt, hæreticis legitur annumeratus, quod idem præstiterunt sequentes aliquæ generales Synodi, ut præmonimus in hujus controversiæ exordio: nihilominus veritas cum nobiliori Doctorum, & Ecclesiæ Annalistarum cœtu dicendum arbitror, Honorii nomen insertum fuisse à Monothelitis ipsis, cum cæteris damnatis sui erroris defensoribus, quò facilius sextæ Synodi auctoritatem, & definitionem elevarent, & suæ præsentis innocentie, ac iustæ damnationis patrocinium accercerent. Tanti namque faciebant Honorii memoriam, ut etiam usque modò Patriarchæ Constantinopolitani Monothelitz, nomen ejus suis in diplicis insertum servaverint, expunctis nominibus successorum ipsius, à quibus fuerant damnati: Ad hanc autem tuendam sententiam non levioribus, sed, ut mihi videtur, gravissimis moveor argumentis.

Primum repeto ex Synodo Lateranensi sub Martino Papa, & Martyre celebrata anno Christi 649. hoc est, post decem annos ab obitu Honorii: cui Synodo interfuerunt centum, & quinque Episcopi, præsidente ipso summo Pontifice, in qua exaltè librata est, & tractata causa Monothelitarum; & post diligentem inquisitionem damnati sunt unà cum hæresi, atque ipsorum scriptis, Theodorus Pharanites Episcopus, Cyrus Patriarcha Alexandrinus, Sergius, Pyrrhus, & Paulus successores Patriarchæ Constantinopolitani, auctores, & propugnatores erroris: de Honorio autem adeo altum silentium fuit, ut nullam prorsus, vel ab hæreticis de hæresi calumniam passus, nec à sancta Synodo levissima sit suspicio pulsatus: cum cæteris autem damnatis illius erroris authoribus, & Patronis eandem sententiam minime effugisset Honorius; aut certè suo graviter officio defuisset Martinus cum Concilio, qui personam ipsius acceptasset in præjudicium veritatis, quod sanè de tanto Pontifice, atque Martyre glorioso, nullus abque crimine judicare potest.

Quippe hac exceptione approbasset ipsius Honorii doctrinam, & sic tacendo videretur approbare, quod decernendo improbat: igitur si silentium istius Concilii testimonium sit validissimum innocentie Honorii, esse credibile sextam Synodum adversus illum Pontificem insontem potuisse ferre sententiam, & eum cum hæreticis numerare? Quid notitiz potuit habere sexta Synodus circa mentem, & sententiam Honorii, quod Patres Concilii Lateranensis latuerit? Recentior enim erat apud hos, quam apud illos, Honorii memoria, ac doctrina; & faciliiori negotio Patres Lateranenses poterant ipsius mentem nosse, utpote qui plurimos adhuc Honorii familiares superstites haberent, cum quibus causam illam tractaverat Honorius, & à quibus illius mentem rescire poterant. Dicitur Honorius damnatus in sexta Synodo, ob solam lectionem duarum ipsius ad Sergium epistolarum: sed hæ erantne ignoræ Romæ, aut à Romanis, & Latinis Presulibus minus intellectæ, quam Constantinopolis, cujus Synodi maxima pars Orientales erant? quocirca oportuit illas epistolas in idioma Græcum traducere: certe nullus æqui iudicii istud censebit.

Secundum argumentum petitur ex Concilio Romano celebrato sub Agathone anno 680. hoc est, eodem anno, quo celebrata est sexta Synodus, cui aderant centum viginti quinque Episcopi, ut constat ex epistola Synodica, quæ fuit velut instructio Legatorum, qui missi sunt ab eodem Agathone ad sextam Synodum, & extat in eisdem Synodi sextæ actione 4. in qua quidem Synodica epistola, tria habentur: *Primum*, est professio fidei, ubi expressè continetur doctrina Catholica de duabus voluntatibus, & operationibus in Christo. *Secundum*, repetitur damnatio eorumdem Monotheliti erroris patronorum, Theodori, Cyri, Sergii, Pyrrhi, & Pauli; nec levis quidem sit mentio, quod similiter erraverit Honorius: quod certè dissimulandum non erat, si verum esset. *Tertium*, denique affirmatur Agathonis prædecessores *veram fidem docuisse semper*, & usque ad animæ ipsius exitum *constantèr defendisse, non seductis blanditiis, non periculis terrores*, &c. Quæ fronte autem hæc subsciberentur à centum viginti quinque Episcopis, unà cum summo Pontifice, si non ita pridem Honorius laboraret eodem errore, qui damnabatur in ea

Synodo Lateranensi, & cujus damnatio procuranda erat à Legatis proficiscentibus ad illam sextam Synodum? Quis ita levis, ut credat tot Prasules toti Ecclesie in Concilio Oecumenico congregatæ tam turpiter imponere voluisse, & ita fuisse excordes, & ac suæ famæ prodigos, qui, ut Honorii nomen illibatam servarent, mallet se aperto mendacii periculo, coram universo Ecclesie cœtu exponere?

Confirmatur ex epistola nomine Agathonis solius ad Imperatores Constantinum, Heraclium, atque Tyberium per eosdem Legatos directæ, quæ pariter refertur initio actionis 4. ejusdem sextæ Synodi, ubi fidei Symbolum, quod veritatem de duplici voluntate, & operatione expressè continet, profertur, subdique Pontifex ore libero, firmæque, ac iterata contestatione, fatur, nunquam aliquando Apostolicam sedem à recto fidei tramite deviasse. Ait enim: *Christi adveniente præsidio hæc Apostolica ejus Ecclesia nunquam à via veritatis, in qualibet erroris parte destituta est*. Et paulò post: *Hæc est enim vera fidei regula, quam in prosperis, & adversis vivaciter tenui, ac defendi, hæc spiritalis mater vestri tranquillissimi Imperii, Apostolica Christi Ecclesia, quæ per Dei omnipotentis gratiam à tramite Apostolicæ traditionis nunquam errasse probabitur, nec hæreticis novitatibus depravata succubuit; sed ut ab exordio fidei Christiana precepta ab autoribus suis Apostolorum Christi principibus illibata ad hoc tempus permansit*. Et de suis prædecessoribus paulò post speciatim hæc addit: *Consideres itaque vestra tranquilla clementia, quoniam Dominus, & Salvator omnium, cujus fides est, qui fidem Petri non defecuram promissit, confirmare eum Fratres suos admonuit: quod Apostolicos Pontifices meæ exiguitatis prædecessores confidenter fecisse semper cunctis est cognitum: quorum & pusillitas mea, licet impar, & minima, quo suscepto, tamen divina dignatione, ministerio, pedesque cupit existere. Ne enim mihi erit, si veritatem Domini mei, quem illi sinceriter predicaverunt, predicare neglexero*. Hæc Agatho, quæ quidem non adeo firmiter asserere, liberè predicare, ac sincerè confiteri potuisset, si ad eandem firmandam, quam consutat, hæresim, Honorius in crimen adduci potuisset. Quæ utique verissima judicabis, si spectaveris, quis hæc dixerit, ubi, ad quos, & quando scripserit: nempe sanctissimus, &

omnium ore laudatissimus Agatho, in Synodali magno Patrum conventu, consensu omnium scribens ista ad ipsos Imperatores Constantinopoli degentes, quorum predecessores favissent errori, ut constet ex Heraclii *Exibesi*, & *Typo* Constantis: idque scriberet tempore, quo Oecumenica Synodus celebranda erat, ea scilicet in urbe, cujus Patriarchas ipse Agatho cum suo Concilio damnaverat; sese autem exposuisset iuste accusationi de personarum acceptione, si in præjudicium veritatis, illius erroris reum cum ipsis fautoribus, ac Patronis Monothelitarum exciperet.

Hic addit, quod pridem ante illos summos Pontifices S. Maximus Honorium ab ipsa calumnia vindicavit, in illa disputatione, quam habuit cum Pyrrho, cum enim hic hæreticus pro se stare Honorium acclamaret, *Quid*, inquit, *de Honorio ad respondendum habes, qui aperit antecessoribus nostris voluntatem Domini nostri Jesu Christi esse tradidit?* Sanctus Maximus illum ab hac erroris insimulatione liberat, ostendens ipsum semper fuisse acerrimum veræ fidei propugnatorem, & unam voluntatem in Domino dixisse, non divinitatis ejus, & humanitatis, sed humanitatis solius, ne oppositas in Christo voluntates carnis, & spiritus admittere.

Confirmatur ex eo, quod anno 640. hoc est, secundo abobitu ipsius Honorii, cum Monothelitz occasione prædictarum epistolarum ad Sergium, suas partes illum pertrahere conarentur, Joannes tum in Petri Cathedra sedens eum advocavit, qui sub Honorio duas illas epistolas scripserat, ut mentem defuncti Pontificis aperiret, & quid censuisset ille ad Constantinum Imperatorem scriberet. Paruit ille, & ut relict S. Maximus martyr, mandavit Imperatori eatenus dumtaxat Honorium unam in Christo voluntatem dixisse, quatenus negaret humanam voluntatem contrariam, carnis scilicet, & spiritus; non vero duplicem negasse, quarum altera divina sit, altera humana.

Constat igitur ante sextam Synodum, tum ex ejusdem Honorii litteris, tum ex S. Maximi scriptis, atque ex Conciliis duobus Romæ celebratis, tum ex litteris Romanorum Pontificum, Joannis, Martini, & Agathonis, nullatenus Honorium posse erroris insinulari; ac subinde nullus re-

rum justus æstimator adduci poterit, ut credat Honorii nomen, cum aliis istius hæresis patronis, à sexta Synodo esse insertum; quin potius istud dolosa Monothelitarum arte, ac fraude compactum esse, facile iudicabit. Qualiter autem id factum fuerit, mox aperticimus.

Tertium argumentum, quo vindicari potest Honorii fides integra, & apparere fictitiam esse illius in sexta Synodo damnationem, colligitur tum ex terminis, tum ex circumstantiis damnationis illius, quæ legitur, & exaratur in actione 28. hujus Concilii, cujus verba hæc sunt: *Sanctum Concilium dixit, Secundum promissionem, quæ à nobis ad vestram gloriam facta est, retractantes dogmaticas epistolas, quæ à Sergio quondam Patriarcha bujus à Deo conservande regie urbis scriptæ sunt, tam ad Cyrum, qui tunc fuerat Episcopus Pbasidis, quam ad Honorium quondam Papam antiquæ Romæ: similiter autem, & epistolam ab illo, idest, Honorio rescriptam ad eundem Sergium: hasque inveniētes omnino alienas existere ab Apostolicis dogmatibus, & à definitonibus sanctorum Conciliorum, & cunctorum probabiliū Patrum, sequi verò falsas doctrinas hæreticorum; eas omnimodo abjicimus, & tamquam anima noxias execramur. Quorum autem (idest, eorundem) impia execramur dogmata, horum, & nomina sancta Dei Ecclesiæ projici judicamus, idest, Sergii quondam Præsulis bujus à Deo conservande regie urbis, qui aggressus est de hujusmodi impio dogmate conscribere, Cyri Alexandrie, Pyrrhi, Petri, & Pauli, qui & ipsi præfatu sunt in sede bujus à Deo conservande civitatis, & similia eis senserunt; ad hæc, & Theodori quondam Episcopi Pbaran: quarum omnium supra scriptarum personarum mentionem sicut Agatho sanctissimus, ac ter beatissimus Papa antiquæ Romæ in suggestionem, quam fecit ad piissimum, & à Deo confirmatum Dominum nostrum, & magnum Imperatorem, eosque abjicit, usque contraria relligione fidei sentientes, quos anathemati submitti definimus. Cum his verò simul projici à sancta Dei Catholica Ecclesiâ, simulque anathematizari prævidimus, & Honorium, qui fuerat Papa antiquæ Romæ, eo quod invenimus per scripta, quæ ab eo facta sunt ad Sergium; quia in omnibus ejus mentem secutus est, & impia dogmata confirmavit. Hæcenus, quæ fertur sententia adversis hæreticos in Synodo condemnatos.*

Hoc est præcipuum adversariorum pugnaculum, quo nituntur quotquot Honorium Monothelitarum erroris reum esse volunt. *Verum* falsatam esse præfatam sententiam, & hæreticorum vassitie, ac dolo falso insertum Honorii nomen, pluribus, iisque non levioribus momentis demonstro.

Primò quidem, quia Synodus dicit se eos damnare, quos ait prædamnatos ab Agathone Pontifice in ipsius epistola ad Imperatorem: at in illa epistola cum hæreticis damnatis non habetur Honorius; imò constantissimè restatur Agatho, numquam Ecclesiam Apostolicam à via veritatis, in quamlibet erroris partem deflexam esse, nec per Dei omnipotentis gratiam à tramite Apostolicæ traditionis numquam errasse, nec hæreticis novitatibus depravatam succubuisse: quod certè falsissimum esset; si ipsum Honorium in errorem, quem ipse Agatho damnaverat, lapsum fuisse iudicasset: igitur cum testetur Synodus, eos dumtaxat damnari, quos Agatho prædamnauerat in sua epistola ad Imperatorem, consequens est Honorium in illa Synodo non fuisse damnatum, utpotè, qui cum damnatis hæreticis ab Agathone non fuerit nominatus.

Secundò dicitur in ea sententia idcirco damnatum esse Honorium, quòd ejus epistolæ ad Sergium alienæ sint ab Apostolicis dogmatibus, & à definitionibus SS. Conciliorum, & cunctorum probabilium Patrum, sequi verò falsas hæreticorum doctrinas: sed hæc omnia falsissima sunt, ut supra probatum est; quippe in illis epistolis nihil est, quod Catholicam doctrinam non redoleat. Deinde etiam illæ epistolæ, (quod dici non potest) aliquid erroris præferrent, numquid ex iis damnandus à Synodo erat ipse Honorius, & non more majorum disquirendum, an inveniri posset ipsum, murata sententia, errorem ejus antequam diem extremum clauderet? *Insuper* cum notum esset, quod exaret posterior ejusdem Honorii epistola ad eundem Sergium: cur non expectata est ejus lectio, quæ dumtaxat facta est in sequenti sessione, ex qua posteriori epistola certo argumento constare poterat, ut supra diximus, ipsum Pontificem asseruisse duas operationes, & totidem in Christo voluntates? Danè nullus est, hanc præposteram, & præcipitaram Romani Pon-

tificis condemnationem, de impostura, & falsificatione suspectam esse non judicet.

Tertiò, cum isti Synodo præsentent Apostolicæ Sedis Legati, quomodo altum silentium servassent audientes damnari, tam præcoci impetu ejusdem sedis Antistitem, maxime in re tam aperta, & jam sufficienter discussa, tum per præcedens judicium Joannis Romani Pontificis missum Constantinopolim, tum per defensionem S. Maximi martyris, qui in publica disputatione cum Pyrrho toti orbi Catholico promulgata, hanc ab Honorio calumniam propulsaverat? Tum denique cum in epistolis Agathonis cujus vices gerebant, expressissimum haberent nullum è Romanis Pontificibus in aliquem errorem lapsum? Quonam modo, tam profundo lethargo laborassent, ut ne unus, vel alter quidem ista senserit, ac insurrexerit, saltem defensor litterarum Agathonis, cum præsertim ex iis accepissent nihil ab ipsis decernendum, præterquam illa tantum ipsa, quæ iisdem ipsis litteris continerentur? *His addè*, quòd etiam reverà epistolæ Honorii aliquem errorem redolerent, cur non institerunt Legati, ut supersederetur, donec constitisset ipsum non deposuisse illum errorem, sed in eo fuisse defunctum? Potestne alicui in mentem venire, qui novit quanta animi firmitate ipsi Legati obstiterint Monothelitis, dum Vigilium Romanum Pontificem suum in partes pertrahere tentabant; ipsi tamen animo quieto audierint damnari alterum ejusdem sedis Antistitem, ne verbulo quidem in ejus defensionem prolato? Quid? Ob damnationem Theodori Mopsuesteni, & condemnationem scriptorum Theodoret, & Ibræ Episcoporum, oportuit totum Christianum orbem commoveri, ac Occumenicam Synodum congregari; nec tamen nisi cum maximo labore id actum est: Antistes autem primæ Sedis, qui omnes iudicet, & à nemine iudicatur, damnatus esset ex simpliciter illarum Epistolarum lectione, nulla disquisitione facta, an illum errorem, priusquam diem extremum obiret, ejurasset?

Quartò: Si reverà Honorius damnatus fuisset, ut hæreticus, cur post celebratam sextam Synodum, illius nomen cum damnatorum Patriarcharum nominibus è sacris diptichis non fuit expunctum? nam relict Anastasius Bibliothecarius, Synodo ab-

soluta, omnium damnatorum Patriarcharum nomina fuisse deleta, ipsorumque imagines de Ecclesiis fuisse sublatas. Constat autem Honorium cum orthodoxis Pontificibus in Basilica sancti Petri sepultum esse, illiusque sepulchrum plurimis elogiis, ac honorificis titulis, quos refert Baronius ad annum Christi 638. num. 2. *in sequentibus*. Inter cætera autem illius Epitaphium hoc præfert.

Quem doctrina potens, quem sacra regula vite,

Pontificum pariter sanxisse habere decus.

Sanctiloqui semper in te commenta magistri

Emicere tui tamquam fecunda nimis.

Namque Gregori tanti vestigia iusti.

Dum sequeris cupidus, in meritumque geris.

Æterna lucis Christo dignante perennem,

Cum Patribus sanctis posside jamque diem.

Qui versus quamquam nullam elegantiam præ se ferant, & illius sæculi rudiores Musæ sapiant; nihilominus sufficienter aperiant ipsum fuisse virum probum, ac sancti Gregorii imitorem, quæ certe de homine hæretico dicta non pateretur Romana sedes, nec illius nomen in albo orthodoxorum Pontificum insertum sine-ret, ejusque imaginem musivo contextum in apside sanctæ Agnetis Ecclesiæ, quam ipse instauraverat, pateretur hætenus cerni publicè venerationi Christianorum expositam.

His igitur sufficienter constare debet falsata esse istius Synodi acta, & Monothelitarum vassiric Honorii nomen, ac Epistolæ dolose cum damnati erroris asser-toribus esse inserta.

Verum, inquit, quis adduci poterit, ut credat, quod aliquis eò pervenerit audacia, ut corrumperet acta Concilii generalis?

Respondet id mirum non videri homini rerum Ecclesiasticarum perito; hæc namque strophæ frequentissima fuit apud Græcos, quos falsificasse acta quintæ Synodi, falsitatisque convictos supra vidimus in causa Vigiliæ.

Insuper: Sanctus Gregorius l.b. 5. Epistola 14. quæ est ad Narfem, testatur eos corrupisse acta Concilii Chalcedonensis, ubi addit se suspicari, quod etiam Ephesinam Synodum corruperint, unde ibidem sub-jicit vetaciores esse codices Romanorum,

quàm Græcorum; *Quoniam*, inquit, *Romani sicut non acumina, ita nec imposturas habent*. Similiter eos corrupisse Canones secundæ Synodi, evidens est ex Actione 16. Concilii Chalcedonensis, & litteris sancti Leonis de Patriarcha Constantinopolitano.

Denique, eos corrupisse acta septimæ Synodi non minus, ac præcedentium, testatur Anastasius Bibliothecarius in præfatione Historiæ ad sextam Synodum; postquam subdit: *Sic igitur Græci, accepta occasione celebratorum universalium Conciliorum, frequenter egisse clarescunt, in nunc minuendo, nunc addendo, vel mutando, nunc in absentia sociorum, nunc in abscondito angulorum, nunc extra Synodum, nunc post Synodum astutia sua, imò fraude communibus sanctionibus abutuntur, in ad suolibet cuncta, quæ sibi visa fuerint, etiam violenter infestant*.

Peter quisnam ille fuerit audax interpolator, qui ejusmodi acta Synodalia temerare ausus fuerit, & Honorii nomen cum damnatis hæreticorum patronis inferere.

Respondet, non improbabile videti, id quod docet Baronius ad annum 681. num. 29. hujus imposturæ artificem, & auctorem censeri Theoderum Patriarcham Constantinopolitanum Monothelitam, & il-lius hæresis audacissimum defensorem, qui eò insolentiæ prorupit, ut nomina Romanorum Pontificum ab excitata contro-versia defunctorum, è sacris diplichis, atque imprimis *Vitaliani* abstulerit, retento solo nomine *Honorii*, ut constat ex eo, quod Georgius Constantinopolitanus, qui in hujus locum successus fuerat in sexta Synodo *Actione* 8. postularit, ut nomen Pontificis *Vitaliani* restitueretur, quod ultro concessum est. Cum vero astutissimus ille simulata poenitentia suam in sedem restitutus fuisset anno 682. mortuo scilicet post tres annos, & totidem menses Georgio, credibile est, quod ipse summa rerum potius, & Synodi prototypum nactus, nomen suum è damnatorum numero deleverit. Neque enim dici potest, quod in ea Synodo non fuerit damnatus: *Tum* quia Synodus de omnibus Episcopis Constantinopolitanis ab exorta hæresi judicium tulit, & condemnavit Sergium, Pyrrhum, Paulum, & Petrum: orthodoxi autem declarati sunt Thomas, Joan-

Joannes, & Constantinus prædecessor istius Theodori; quidni ergo ipse Theodorus, cum eadem sentiret, quæ ceteri Patriarchæ hæretici, & propterea fuerit destitutus, non inidem cum hæreticis fuerit damnatus? *Tum quia* Anastasius Bibliothecarius, qui actiones ejusdem sextæ Synodi in compendium redegit ista habet: *Deinde, inquit, proculit piissimus, & serenissimus princeps totum ad relegendum, in quo uno hæreticum dogma Macbarii erat conscriptum, & ejus in manu subscriptum aperitissimè unam voluntatem in Domino affirmantem; sub ipsius subscriptione, & Theodori Patriarchæ utique juxta eum tenorem ibi subscriptio erat.* Constat igitur Theodorum ejusdem erroris reum fuisse; & tamen nihil hujusmodi reperitur in actis, quæ præ manibus habentur: Unde non leve ducitur argumentum, quod ex autographo actorum Synodali expunxerit ea, quæ in sui ignominiam vergebant, & inferuerit Honorii nomen, ac in ipsius nominis locum reposuerit, tum, ut quod conceperat in Ecclesiam Romanam odium ea ratione tentaret explorare: tum maxime, ut culpa sua cæterorumque successorum Sergii, necnon & ipsiusmet Sergii minor videretur, utpote qui in eodem errore comitem habuissent universalis Ecclesiæ Pontificem.

Instabis. Quomodo ergo in septima Synodo Actione ultima, non est detecta illa fraus? siquidem in ea dicitur anathema Honorio, & Sergio cæterisque Monothelitarum hæresis defensoribus; quod etiam reperitur in Epistola Synodi nomine missa ad Constantinum Imperatorem, & Irenicam matrem ejus.

Respondet pariter acta istius Concilii à Græcis fuisse interpolata in odium Romanæ Ecclesiæ, nominis Honorii in locum Theodori substitutione, ut scilicet fuerat in sexta Synodo per ipsum Theodorum Constantinopolitanæ Sedis Patriarcharum damnatorum culpa minor appareret, quibus nimirum prævisisset Romanæ Ecclesiæ Pontifex Honorius.

Respondent aliqui, Patres hujus septimæ Synodi deceptos ex corruptis actis sextæ Synodi dixisse anathema Honorio.

Verum id non habet speciem probabilitatis; nam Legati Adriani Romani Pontificis, qui ejus nomine præerat Concilio, non passi fuissent tantam injuriam inferri Romano Pontifici, quem ab errore immu-

nem Joannes summus Pontifex, & S. Maximus Martyr declaraverant.

Urgebis: Si hæc ita sint, cur ergo Concilium Romanum sub Adriano II. testatur Honorium in sexta Synodo fuisse accusatum? nam in illius Concilii Epistola habetur, *Honorium judicatum fuisse post mortem à sexta Synodo, quia de heresi fuerat accusatus.*

Respondet in ea non dici damnatum fuisse Honorium à sexta Synodo, ut falsò supponit objectio, sed tantum quod damnatus sit ab Orientalibus: quod utique non negamus, sed merito habemus, quod conqueramur de illa injusta damnatione, tum quod omnino innocens fuerit Honorius: tum quod prima sedes ab alia inferiori non est judicanda. Itaque illius condemnatio non emanavit à Synodo Occidentica à qua tamen fuisse reverè damnandus si isto errore fuisset infectus.

Obijciunt aliqui Agathonis auctoritatem, quasi in ea damnaretur Honorius.

Verum contrarium apertissime constat, quippe expressissime habet, ut supra vidimus, Ecclesiam Romanam nunquam à tramite Apostolicæ Sedis aberrasse, nec hæreticis novitatibus depravatam succubuisse, quod apertè falsum esset, si ipsemet in ea Honorium damnaret.

Obijciunt denique epistolam Leonis secundi ad Constantinum Imperatorem, quæ habetur ad finem sextæ Synodi, cujus acta confirmat, & approbat: in qua scribitur Honorium in Monothelitarum hæresi defunctum, ait, enim: Pariter anathematizamus novi erroris inventores, idest, Theodorum Pharanitanum Episcopum, Cyrum Alexandrinum, Sergium, Pyrrhum, Paulum, Petrum, Constantinopolitanæ Ecclesiæ Successores, magis quam Præfules, necnon & Honorium, qui hanc Apostolicam Ecclesiam non Apostolicæ traditionis doctrina illustravit, sed prophana prodicione immaculatam fidem subvertere conatus est.

Respondet Baroniüs ad annum Christi 687. n. 19. *Consequentibus*, illam Leonis Epistolam spuriam esse, idque probat, quia contradictoria continet; nam *primò* scribitur *data nonis Maji indictione decima*; & tamen in contextu habetur, quod Leo Imperatorias litteras accepit, & acta Synodalia, elapsa nuper indictione decima, mense Julio, & suscepit Legatos à Synodo redeuntes. *Se-*

cundò quia Leo non potuisset suscepisse Legatos unà cum litteris, & actis sextæ Synodi, mense Julio; quippe dumtaxat decem menses sedit, creatus est autem Pontifex mense Augusto. *Tertiò* ait se recepisse mense Majo, indictione decima, Epistolam Imperatoris, & tamen constat illam ab Imperatore missam dumtaxat eadem indictione, mense Decembri. Quæ omnia cum aperte sibi contrariantur, fatendum est illam Epistolam Leonis nomine vulgatam spuriam, ac ementitam esse; adeoque ex his omnibus momentis constat Honorium istius erroris proisus immunem fuisse, & nullatenus à sexta Synodo hæreticis fuisse annumeratum, ac cum ipsis damnatum.

Urgebis. Ideo Leo Pontifex scripsit ad varios orbis Christianæ Præsules, maxime vero ad Hispanos eorumque Regem Ervigium, ad quos transmisit fidei definitionem, & acta sextæ Synodi per Petrum notarium regionarium, quatenus ipsorum omnium subscriptionibus munirentur, quæ in illo Oecumenico Concilio statuta fuerant: sed in illis ipsis actis per Leonem transmissis reperitur illa Honorii damnatio, & ejusdem Epistolatum proscriptio: igitur reverà Leo probavit illam Honorii damnationem, & ut legitimam habuit.

Negat majorem Baronius ad annum 683. *num. 21. & sequentibus*, demonstratque illas Epistolas, quæ nomine Leonis circumferuntur ad Præsules Hispaniæ, & Regem Ervigium, spurias esse, ac supposititias. *Primò* quia in singulis istis Epistolis ascribitur ipsam Oecumenicam Synodum absolutam fuisse *indictione 9.* Constat autem ex ultima ejusdem Synodi actione illam absolutam fuisse dumtaxat *indictione 10.* *Secundò* in Epistola ad Præsules Hispaniæ, hæc habentur: *De diversis autem Conciliis huic sanctæ Apostolicæ Sedi, cujus ministerio fungimur, subiacentibus, Archiepiscopi sumus à nobis destinati, qui cum pio Principe, simul & omnibus, qui ejus mandato conveniunt, Ecclesiarum Præsulis presidentes; ac considerenter primum quidem sancta quinque universalia Concilia, &c.* Sed falsum est, quòd aliquis Archiepiscopus Roma missus Synodo interfuerit; nullus enim actis illius Synodi refertur: igitur apparet hoc esse commentitium. *Tertiò* denique in Epistola ad Regem Ervigium dicit, quod Imperator scripserit ad Agathonem Papam, ut Legatos dirigeret Constantinopolim ad Synodum celebrandam, Con-

stat autem tum ex litteris Agathonis, tum ex ipsis Synodi actis, quòd Imperator scripserit non ad Agathonem, sed ad ejus predecessorem Donum Pontificem.

Adde quòd illa Epistola tradat Imperatorem hæc scripsisse nona indictione; quod æquè falsissimum deprehenditur; siquidem illæ ad Donum litteræ Imperatoris, datæ reperiuntur indictione sexta pridie idus Augusti, quæ certè de impossita roborant argumentum.

QUÆSTIO QUARTA.

Utrum natura humana in Christo propriam habuerit existentiam, & substantiam creatam substantialem.

Notandum primò, quæstionem hæc alii verbis communiter proponi à Theologis: An videlicet in Christo sit unicum esse, vel multiplex: etenim triplex esse communiter assignatur à Philosophis, scilicet essentia, existentia, & subsistentia. Esse essentia illud est, quo res constituuntur in aliqua determinata specie entis, illud scilicet, quod coalescit ex partibus essentialibus, & quidditativis ejusque rei à quo deducitur abstractum essentia, quod sola ratione differt à suo concreto esse, ut passim docet Doctor, maxime in 1. dist. 8. quæst. penultima. Esse existentia est, quo res est actus, & realiter ponitur extra causas, & extra nihil, unde existentia, & actualis essentia realiter non differunt: Esse subsistentia substantialis est ipsamet realis existentia substantia ejuslibet, quæ dicitur ens per se subsistens: subsistentia namque sumitur variis, maxime duobus, modis. *Primò* quatenus est modus entis existentis per se, & independentem à quolibet subiecto inhaesionis ipsum sustentantis, qualiter differt ab accidente, quatenus significat modum existendi incommunicabiliter, ut quo, & ut quod, hoc est, per modum parit, & superioris: Priori modo sumpta subsistentia dicitur differentia substantia, & modus illius existentia: Posteriori verò dicitur suppositum in rebus ratione expertibus, & persona in rebus ratione præditis.

Notandum secundò, omnes Doctores Catholicos convenire, in Christo esse unicum esse subsistentia personale, quia in ipso est unica persona; siquidem natura humana Christi.

Christi subsistit per ipsam Verbi subsistentiam personalem, ut supra probavimus: non conveniunt autem omnes iidem Doctores, an etiam in Christo sit unicum esse subsistentiæ substantialis; siquidem plurimi è sanctis Patribus infra laudandis, triplicem in Christo subsistentiam admittunt, sicut & substantiam, ac essentiam, nempe divinam, corpoream, & spirituales. Unde gravis hac de re exitit aliquando controversia inter Præsules Hispanos, & Benedictum II. nam Scriptores historię Hispanię, puta Ambrosius Maurus lib. 12. cap. 38. & Mariana lib. 6. cap. 18. referunt, quod cum Patres Concilii Toletani 14. in sua confessione fidei dixissent in Christo tres esse substantias, ubi illam confessionem ad se ab illis Præsulibus transmissam, ut auctoritate Pontificia probaretur excepisset Benedictus II. tria in ipsa notavit, quod non satis rectè dicta viderentur; maxime verò, quod tres in Christo substantias profiterentur. Quod utique significavit verbo tenus per Virum Hispanum, quem cum Petro Notario regionario Sedis Apostolicę Legato Romam miserant: quod cum accepissent Toletani Patres, Julianus Toletanus Antistes, nomine totius Concilii, & præsulum Hispanię scripsit librum apologeticum postulante Rege Egica, in quo multis testimoniis confirmabat, tres in Christo secundum sanctorum Patrum, & Oecumenicorum Conciliorum sententiam, admittendas esse substantias, illumque librum ad ipsum Benedictum transmiserunt, sed cum jam esset vita functus, illum excepit Sergius ipsius successor, qui, ut refert Rhodrius Archiepiscopus in historia capit. 13. necnon & Garcias Loaysa Doctor Complutensis, & Archiepiscopus Toletanus in annotationibus Concilii 15. gratum habuit, & probavit Sergius Pontifex.

An autem Apologeticus ille scriptus fuerit à succedente Concilio Toletano 15. an verò illo tempore inter 14. & 15. controversetur apud eosdem auctores, putatque Baronius sub anno 684. & 685. scriptum fuisse, & transmissum Apologeticum illum ante celebratum Concilium 15. notatque plures quàm tres propositiones in illa fidei confessione suspectas habuisse Benedictum, idque probat ex eodem Concilio 15. ubi Patres sic loquuntur, *Tertium sanè quartumque capitulum contuentes, non solum sensum, sed & ipsa pene verba ex libris beato-*

rum Ambrosii, atque Fulgentii nos præbuisse monstravimus. Dicunt autem monstravimus, certè non alibi nisi in illo priori Apologetico ad Benedictum misso, pro defensione earumdem propositionum; ibi ergo omnia quatuor capita notata à Benedicto confirmata fuerunt, & transmissa ad eundem Benedictum intermedio illo tempore inter Concilia Toletana 14. & 15. licet postmodum locupletatum fuerit, ut colligi videtur ex illis verbis Concilii 15. studiosius relegentes, &c. & ab unanimi Patrum Concilii 17. consensu approbatum: quod utique constat, quia in actis illius Concilii, post confessionem fidei, habetur: ex quibus apparet non inutilem moveri controversiam, an in Christo tres admittendæ sint subsistentiæ.

Notandum tertio, maximam esse inter Doctores Scholasticos circa resolutionem primæ difficultatis controversiam. Plurimum enim Thomistæ cum Cajetano in 3. par. q. 17. art. 2. & Capreolo in 3. dist. 6. q. 1. contendunt Christi humanitatem non existere per existentiam creatam, sed per unionem hypostaticam assumptam esse ad existendum per ipsam existentiam Verbi divini, idque firmare nituntur auctoritate sancti Thomæ ex dictis in 3. par. eadem quæstione. Verum, ut observat Suarez dist. 36. sect. 2. S. Thomas intelligendus est de esse subsistentiæ personali, non verò de esse existentiz, & subsistentiz substantiali. Cæteri verò Theologi cum subtili Doctore in 3. dist. 6. qu. 1. contendunt in Christo duplicem esse existentiam, nempe divinam, qua existit natura divina, & creatam qua natura humana realiter existit.

CONCLUSIO PRIMA.

IN Christo sunt duo esse existentia, alterum increatum natura divine; alterum creatum natura humane. Hæc est Doctoris, illamque probat octo rationibus, quarum prima est. Terminis generationis, seu id quod recipit esse per generationem, & transit à non existente in rerum natura ad esse existens, vel est ipsamet existentia, vel aliquid habens existentiam: alioqui non reciperet esse existentia per generationem: sed humanitas Christi, aut Christus ipse, qua homo, verè est genitus à Matre, & productus in tempore ab ea, cooperante Spiritu sancto: ergo illa humanitas recipit esse

se existentiæ per generationem, quod ante non habebat: sed esse increatum, seu existentiæ Verbi non produciatur per temporalem generationem: ergo terminus illius generationis habuit aliud esse existentiæ ab existentiâ Verbi. Major est Aristotelis 5. Met. textu 7. Minor verò est S. Damasceni lib. 4. de fide cap. 13.

Reponunt Thomistæ, quod esse increatum, non absolūtè, sed sub humanitate terminabat generationem. *Contrà*. Esse increatum, ut erat in humanitate, non dicebat nisi respectum ad ipsam; at talis respectus non potest esse terminus generationis realis, & actualis. Præterea sunt duæ naturæ in Christo habentes distinctas entitates actuales: ergo & distinctas existencias, quia existentiâ nihil aliud est, quàm actualis entitas; unde quemadmodum non potest intelligi esse personale, vel subsistens, absque subsistentiâ, ita neque esse actuale, absque existentiâ, & ista quidem ratio fundatur in nostro generali principio, quo dicimus essentiam, & existentiâ non distingui realiter.

Tertiò, Doctor probat conclusionem ex illo Aristotelis, *Vostre viventibus idem est, quod esse*: at humanitas Christi vivebat vitâ actuali distinctâ à vitâ Verbi; aliâs sicut Verbum verè non est mortuum, sic humanitas verè non fuisset mortua, si non alia vitâ, quàm vitâ Verbi vixisset: ergo habuit esse actuale distinctum ab esse Verbi: esse autem actuale est esse existentiæ: ergo &c.

Quartò, humanitas ut condistincta à Verbo, est aliquid, vel nihil: si nihil, ergo Verbum nihil assumpsit; si aliquid, aut illud est tantum in potentia objectiva, ut Antichristus, aut in actu: si in potentia objectiva tantum, Verbum non plus assumpsit humanitatem, quàm quodlibet ens possibile si in actu: ergo humanitas, ut condistincta à Verbo, habet existentiâ, nam humanitas in actu, & humanitas existens idem sunt. Confirmatur: nam Verbum assumpsit humanitatem, vel extra causas, & extra nihil, vel adhuc dumtaxat in suis causis existentem: si primum, habemus intentum: si secundum, Verbum non tam ipsam humanitatem, quàm causas assumpsit, quia res in sua causa nihil est aliud, quàm ipsa causa, ut productiva illius rei.

Quintò, si humanitas assumpta dimitteretur, non necessum esset illam annihilari,

sed reverà existeret, quo supposito, aut existeret vi cujusdam novæ productionis, aut vi antiquæ productionis, per quam primum est effecta, ut à Verbo assumeretur. Non primum, quia non apparet ulla necessitas, ut denuò producat: ergo existeret vi suæ productionis: igitur illa productio terminata est ad humanitatem actualiter existentem.

Sextò, arguit ad hominem, quia Verbum posset assumere naturam Angelicam: sed secundum adversarios naturâ Angelicâ assumpta non perderet propriam existentiâ: ergo nec assumpta naturâ humanâ debet propriam existentiâ perdere. Minorem admittunt adversarii, docent enim existentiâ in rebus purè spiritualibus, esse realiter ab essentia indistinctam. Consequentiam probat Doctor. *Primò*, quia non magis est connexa propriâ existentiâ cum naturâ Angelicâ, quàm sit connexa cum naturâ humanâ. *Secundò*, quia idèò dicitur naturâ humanâ non habere propriam existentiâ in Verbo, quia sequeretur idem suppositum in se habere plures existencias: sed idem sequitur ex assumptione naturæ Angelicæ cum propriâ existentiâ: ergo si hæc propriâ existentiâ existens possit assumi, etiam & illa poterit.

Septimò, fundamentum relationis, ut sic, præcedit relationem ut sic: ergo fundamentum relationis actualis realiter existens, præcedit ipsam secundum realem existentiâ: sed unio naturæ humanæ ad Verbum, est relatio actualis realiter existens: ergo præcedit ipsam secundum realem existentiâ, & consequenter debet habere existentiâ realem antecedenter ad illam unionem anterioritate naturæ; non verò temporis, quia ex supradictis naturâ humanâ Christi non exitit prius tempore, ante unionem: sed quod habuit pro illo priori, habuit in eodem instanti temporis: ergo pro illo instanti temporis habuit eandem existentiâ: sed illa existentiâ non erat existentiâ Verbi: ergo in illo instanti habuit aliam existentiâ: quod est nostrum intentum.

Confirmat Doctor: quia prius naturâ, quàm assumebatur naturâ, anima perficiebat corpus Christi, quia naturâ constituebatur ex corpore, & anima, & non poterat consequenter esse naturâ illa, antequam anima perficeret corpus; sed in illo priori, anima non poterat perficere corpus, nisi utrumque existeret: ergo prius existerat utrumque,



que, quam perficiebatur natura; sed in illo priori non habebant existentiam Verbi: ergo aliam; sed illa alia non fuit perditā ob assumptionem: ergo manebat cum assumptione, & consequenter manebat cum existentia Verbi, quæ advenerat per assumptionem.

Obiicitur, omnis modus, præsertim extrinsecus, supponit rem, cuius est modus: sed unio hypostatica est modus extrinsecus: ergo supponit humanitatem: igitur quemadmodum illa unio est actualis, ita supponit humanitatem existentem.

Obijciunt primò adversarii nonnullas SS. Patrum auctoritates: primam quidem depromptam ex epistola Synodica Sophronii approbata in 6. Synodo actione 11. ubi de Christi humanitate loquens, ait: *In illo (id est in Verbo) & non in se ipsa habuit existentiam unam*: item S. Damascenum lib. 3. de fide, cap. 22. dicentem naturam humanam existere per existentiam Verbi. *Tertio*: Testimonium S. Leonis Papæ epistola 11. dicentis humanitatem Christi ipsa assumptione fuisse creatam. Et S. Fulgentii lib. de Incarnatione cap. 3. ubi sic ait. Ipsa acceptatio carnis fuit conceptio virginalis: igitur censent illi SS. Patres naturam humanam non prius fuisse existentem, quam assumeretur à Verbo, ideoque illam existere per existentiam Verbi.

Respondet primò ad Sophronium, ipsum significare voluisse humanitatem non bis extitisse; semel in seipsa, & postmodum in Verbo, sed quamprimum ita extitisse in Verbo, ut prius tempore non existeret, quam in ipso subsisteret. Quod utique confirmatur ex antecedentibus, & consequentibus verbis ipsius epistolæ: dicitur enim, *Simul caro, & simul Verbi Dei caro; simul caro animata rationalis*. Et subjungitur, *itaque in illo, & non in se ipsa habuit existentiam unam, id est, non prius tempore extitit in se, quam in Verbo*. Quod ultro concedimus; Sed aliud est habere existentiam in Verbo, & aliud existere existentia Verbi. Primum enim non repugnat existentiz creatæ; secundum vero sic. *Hic adde* responderi posse, quod Sophronius per *existentiam*, subsistentiam personalem intellexerit. Observat enim *Budæus* in Commentario linguæ Græcæ, quod eodem nomine interdum exprimitur *existentia*, & *subsistentia*.

Ad S. Damascenum dico auctoritatem illam esse fictitiam; siquidem contrarium do-

cet, nam eodem cap. 22. ait; *Carnem ab ultimo ortu Deo Verbo unitam esse; imo potius in ipso extitisse, & personalem cum eo identitatem habuisse*, ubi observa ipsum non dicere *carnem per Verbum*, sed *in Verbo extitisse*, quia Verbum non est ipsamet existentia humanitatis, sed terminus existentiz illius.

Ad SS. Leonem, & Fulgentium respondeo ipsos nihil aliud velle, quam quod in eodem instanti temporis humanitas formata fuerit, & assumpta, sic enim ait Leo: *Natura nostra non sic assumptæ est, ut prius creata postea assumeretur, sed ut ipsa, id est, in ipsa assumptione crearetur*; ubi illud prius, & posterius ad temporis successionem manifestè referuntur. Fulgentius verò ita rem exposuit; *Hanc carnem tunc ex natura Virginis concipientis exhibuit, cum in eadem Deus concipiendus advenit*: Non est igitur aliquod intervallum existimandum inter initium carnis, & adventum Majestatis.

Obijciunt secundò. Ex opposita sententia tria sequuntur absurda. *Primum*, Verbum divinum existere per existentiam creatam. *Secundum*, existentiam creatam esse perfectionem Verbi. *Tertium*, Beatissimam Virginem non esse Matrem Dei. *Primum*, probant à simili, quia quemadmodum Verbum dicitur velle per voluntatem creatam, & intelligere per intellectum creatum, quia habet voluntatem, & intellectum creatum: ita dicitur existere per existentiam creatam, si dicatur habere existentiam creatam. *Secundum*, ita probant. Existentia est complementum, & perfectio subsistentiz: sed in Christo unica est subsistentia; nempe Verbi: ergo existentia creata erit complementum, & perfectio ejus. *Tertium* probant, quia ex opposita sententia sequitur actionem Virginis Mariæ terminatam fuisse ad existentiam creatam, vel ad existens creatum, proindeque ab ejusmodi existente creato habebit, quod sit actio productiva existentis creati, non verò Dei, ac proinde non erit Mater Dei.

Respondet Doctor subtilis, non esse absurdum, quod Verbum dicatur existere per existentiam creatam; non quidem quia Deus est, sed quatenus homo non proprie dici debet Verbum existere per existentiam creatam secundum quid, sed simpliciter, nam existentia illa nata est reddere illud, quod afficit, simpliciter existens; non autem secundum quid: licet enim Paulus existat existentia albi, quia formaliter est albus, non



non tamen simpliciter, sed secundum quid existit illa existencia, quia illa existencia est secundum quid; & maxime respectu existentie, quæ est in se existencia simpliciter, sed in supposito existencia naturæ humanæ est in se existencia simpliciter, prout ens dividitur in ens simplex, & in ens secundum quid, & ens simpliciter est subsistentia, ens secundum quid est accidens; existencia autem naturæ humanæ est existencia substantiæ: igitur cum Verbum divinum simpliciter sit homo, simpliciter existit illa existencia, etsi dicas, quod ista existencia naturæ humanæ non est prima existencia hujus suppositi, sed adveniens ei, jam habenti esse perfectum, ideoque videtur esse existencia suppositi secundum quid, si illud non est natum dare existentiam secundum quid, qualis est omnis natura substantialis, qualitercumque se habeat ad illud, cui dat esse: quod si omnino fiat altercatio, pro eodem accipi primum suppositum, & non simpliciter, non est contentio, nisi in Verbo.

Respondetur etiam secundum absurdum nullum esse, quia tantum abest, ut existentia sit complementum subsistentiæ, quin potius subsistentia ulterius actuatur existentiam, illamque supponit.

Ad tertium dico, Virginem Deiparam non ea ratione dici Matrem Dei, quod non genuerit existens aliquid creatum: sed quod existens illud creatum ab ipsa genitum ulterius fuerit completum, & terminatum per subsistentiam Verbi. Unde licet formalis terminus illius generationis sit humanitas cum sua existencia; tamen ultimus terminus, qui generatur, non est humanitas, sed hic homo, quia illa humanitas, & existencia ejus non producit in se, sed in Verbo, & ideo Verbum verè dicitur generari, & nasci ex Virgine: sicut interfectores Christi, inquit Suarez disput. 36. sect. 1. verè privarunt humanitatem Christi existentia sua, non enim extitit humanitas in triduo mortis, tamen quia humanitas non est passiva, nec privata existencia secundum se, sed ut in hoc supposito existens, ideo verè dicitur hic homo interfectus, & Deus mortuus.

Obijciunt tertio. Si humanitas Christi, habeat propriam existentiam creatam, Christus non erit ens per se. Consequens probatur, humanitas habens existentiam creatam est formaliter ens in actu, Verbum divinum quoque est ens in actu: at ex

duobus entibus in actu non fit ens per se; ergo &c.

Respondetur, ex duobus entibus in actu completis non fieri ens per se, bene tamen ex duobus entibus in actu incompletis, ut in hypothesi, humanitas siquidem destituta propria subsistentia, non censetur ens in actu omnino completum.

CONCLUSIO SECUNDA.

R *Etia ratione dici potest in Christo esse tres substantias, & subinde tres subsistentes substantiales*. Probari potest primò auctoritate Conciliorum Toletanorum 14. & 15. in quibus illa propositio asserta est etiam per libellum apologeticum à Juliano Archiepiscopo Toletano primò editum, & deinde ab illo Concilio 15. approbatum, non solum per Sergium Benedicti successorem, sed etiam per ipsum Benedictum II. Si vera sint ea, quæ refert Rodericus lib. 3. historiz Hispanicæ cap. 13. ubi hanc controversiam referens ait: *Prius in tempore liber de tribus substantiis, quem dudum Romanus miserat Primas sanctissimus Julianus, & minus cautè tractando, Benedictus Romanus indixerat reprobandum ob id, quod voluntas genuit voluntatem*. Additur: Sed S. Julianus veridicis testimoniis in hoc Concilio per oracula eorum, quæ Romanus transmiserat, verum esse firmavit: & apologeticum fecit, & Romam misit per suos Legatos Presbyterum, Diaconem, & Subdiaconem viros eruditissimos in omnibus Deiservos, & in divinis Scripturis imbutos, cum versibus etiam acclamatoriis secundum quod & olim transmiserat de laude Romani Imperii. Quod Romanus Pontifex Benedictus dignè, & piè recipiens cunctis legendum indixit, atque acclamando, Laus tua, Deus in fines terræ, lectum sæpius notum fecit, qui & rescriptum Domino Juliano per supra factos Legatos cum gratiarum actione, & cum honore remisit, & omnia quæcumque scripsit iusta, & pia esse deprompsit. Ex quibus constat illam propositionem, quod in Christo sint tres substantiæ, licet primò non probatam à Benedicto, & unà cum aliis notatis propositionibus visam fuisse incautè positam; quasi longè aliud voluissent Toletani Patres, tamen mutato iudicio explicationem Juliani, & ejus librum approbasse Benedictum.

Confirmatur auctoritate SS. Patrum, qui tres in Christo substantias, aut Christum ex tribus substantiis compositum esse docuerunt, sic enim S. Aug. lib. 3. de Trinitate, cap. 17. ait: Quandoquidem sic Deus conjungi potuit humana natura, ut ex duabus substantiis fieret una persona, & per hoc jam ex tribus, Deus, anima, & carne: Quibus manifestè docet perinde ex tribus, acque ex duabus substantiis unum constare Christum. Similiter S. Isidorus lib. de differentiis, cap. 7. Nos, inquit, ex duabus substantiis substantiis; anima videlicet, & corporis: ille (videlicet Christus) ex tribus; Verbi, anime, & corporis; quem etiam loquendi modum imitata est Toletana Synodus undecima in professione fidei, ubi cum dixisset duas in filio esse naturas subdit: Idem Christus in his duabus naturis tribus extat substantiis: Verbi, quod ad solus Dei essentiam referendum est: Corporis, & anime, quod ad verum hominem pertinet.

His subscribit Stephanus Eduensis Episcopus lib. de Sacramento altaris cap. 17. *Credimus, inquit, in Christo duas fuisse naturas, divinam, & humanam, & tres substantias, divinam, carnem, & animam.* His addere possumus S. Bernardum sermone 3. de vigilia natiuitatis post medium, ubi ita loquitur: *Et attende, quia sicut in illa divina singularitate Trinitas est in personis, unitas est in substantia: ita in ista specialis connectione trinitas est in substantiis, in persona unitas.*

Dicitur. Plurimi è SS. Patribus hunc dicendi modum improbant: igitur est respiciendus. Probatum antecedens; Siquidem S. Damascenus lib. 3. de Fide cap. 16. non putat dicendum esse Christum ex tribus componi substantiis: *Etenim, inquit, omnis compositio ex his dumtaxat, quæ proximè componuntur fieri dicitur, non enim dicimus domum ex aqua, & terra compositam esse, sed ex lateribus, & lignis, alioquin necesse erit dicere hominem ex quinque, ut minimum constare naturis, nempe ex quatuor elementis, & anima. Sic in Jesu Christo Domino nostro non partem consideramus partium, sed ea, quæ proximè inter se componuntur, divinitatem, & humanitatem.* Simili modo loquuntur Patres Concilii Francofordiensis in Epistola Synodica ad Episcopos Hispaniæ, necnon & Paulinus Aquilejensis in libello sacrosyllabo: igitur &c.

Respondeo præfatos Patres talem loquen-

di modum non improbare, quòd reverà sit erroneus, sed quia fortè posset aliquem inducere, vel ut cogitaret Christum constare tribus naturis distinctis, aut tres habere substantias personales, sicut & substantiales; vel ut significarent oppositum modum loquendi magis proprium, & accommodatum esse, ut fidem nostram simpliciter proficemur: tamen contra hæreticos Apollinaristas negantes animam in Christo, & contra Valentinianos, & Marcionistas negantes in Christo verum corpus, rectè quis dixerit tres in Christo esse substantias. Nam, ut inquit Concilium Francofordiense loco mox laudato, *aliud est contra hæreticos contendere, aliud verò puram fideliter confiteri fidem; ibi enim veritas anime, & carnis in Christo ostendenda est, hic perfecta humanitas in eodem consistenda est.*

Adde quòd, ut inquit S. Damascenus, in compositione non computantur partes remotæ, sed proximæ: non enim dicendum est hominem compositum esse ex quinque substantiis, sed ex duabus; quia quatuor earum, nempe elementa, conveniunt in uno corpore. Hac igitur ratione sinecior videtur modus loquendi Concilii Francofordiensis, & Damasceni, ut Christus dicatur ex duabus naturis, & substantiis constare, divina scilicet, & humana.

Petes, an Christus dici possit aliqua duo. *Respondeo* cum Doctore in 3. dist. 6. qu. 2. nec masculinè, nec neutraliter Christum posse dici duo simpliciter. Non quidem masculinè, quia nomina hæc, *unus, totus, alius, duo,* in masculino genere sumpta, significant hypostasim, & personam, ut diximus in tractatu de Trinitate, in Christo autem non sunt duæ personæ, nec duo supposita: igitur Christus non potest dici duo in genere masculino.

Neque etiam ita dici posset duo neutro genere, quia si Christus dici posset duo neutraliter, maxime propter duas naturas, quas habet: sed ea ratione non potest dici duo, nam ex Logicis abstracta non possunt prædicari de concretis simpliciter, sed tantum cum additione, & explicatione: non enim dicitur, *album simpliciter est albedo,* quia plus dicit *album,* quàm *albedo:* siquidem albedo solam formam significat; *album* verò formam, & subjectum. Unde hæc enunciatio non est legitima, *Christus est natura divina, vel natura humana,* quia Christus plus dicit, quàm naturam divinam

scor-

secundum, & naturam humanam: siquidem præter illas naturas dicit etiam suppositum Verbi. Hinc S. Athanasius in Symbolo ait: *Perfessus Deus, & perfessus homo; non tamen duo, sed unus est Christus*: Attamen quemadmodum dici potest per expositionem, quod album est id, quod habet albedinem: ita in sensu expostorio dici potest, Christum esse id, quod habet duas naturas; vel rectius in quo sunt duæ naturæ, divina videlicet, & humana.

Dices: Ubi quæque est aliud, & aliud, ibi sunt duo: sed in Christo est aliud, & aliud: ego in eo sunt duo. Probat minor: Christus secundum quod homo, est aliud; & etiam secundum quod Deus, est aliud: sed secundum quod homo, non est idem aliud, ac secundum quod Deus: ergo est aliud aliud.

Respondet Doctor *ibidem*, particulam secundum quod, seu in quantum, sumi posse dupliciter; nimirum, vel reduplicativè, vel specificativè. Priori modo significat, quod terminus, qui apponitur, sit ratio cur prædicatum dicatur de subiecto, & sic neganda est minor, & ejus probatio. Sicut enim non sequitur, lac in quantum album est aliud; & in quantum dulce est aliud: ergo in quantum album est idem aliud, quod est quatenus dulce, vel est aliud aliud: at non potest dici, quod scilicet aliud, quia certum est, quod lac quatenus dulce, reduplicativè loquendo, non sit album: ergo est aliud aliud: ergo verum est, quod lac sit duo, quod est absurdum: quia si lac diceretur duo, sequeretur, quod essent duo supposita. Igitur sicut nulla est prima consequentia hujus argumenti, ita nec valet minor argumenti de Christo in sensu reduplicativo: unde sicut de lacte non potest dici, quod in quantum dulce in sensu reduplicativo sit album, vel non album; quia dulcedo est ratio impertinens, ut lac dicatur album, vel non album, quia posset esse album quamvis non esset dulce; eodem modo suppositum Christi, nec in quantum Deus, est idem quod est quatenus homo, quia posset esse Deus absque eo, quod esset homo; neque etiam est sic ab eo diversum, quia alias suppositum Verbi, seu Christus non posset reverà dici homo.

Si vero *ly in quantum*, aut *quatenus*, sumatur specificativè, ita ut sit sensus, quod Christus quatenus homo, id est, qui est homo, seu non obstante, quod sit homo, est

etiam Deus, sic negari potest minor, nec non & minor probationis illius; Christus enim, qui est homo, est omnino idem, qui est Deus, quia idem suppositum Christi est Deus, & homo. Nec inde sequitur, quod Deus sit ratio formalis, ob quam sit homo; aut humanitas ratio formalis, ob quam sit Deus, quia id solum vetum esset, si particula in quantum acciperetur in sensu reduplicativo.

Dices 2. Christus non tantum est Deus: ergo est Deus, & aliquid aliud: & consequenter est duo. Probatur consequentia: quia si verum sit, quod homo currat, & non solus currat, consequens est, quod aliquid aliud præter hominem currat: ergo similiter si ponatur particula exclusiva ex parte prædicati, ut sit in prædicto argumento, dicendo, quod Christus sit Deus, & non tantum sit Deus, sequitur, quod sit aliud aliud.

Respondet Doctor negando consequentiam, cum consequentia probationis; quia non eodem modo discurrendum est de particula exclusiva quando additur subiecto, ac quando additur prædicato; nam quando additur subiecto, significat, quod omne subiectum non habens formam, cui prædicatum tribuitur, etiam non possit habere illud prædicatum, licet omnia, quæ talem formam habent, possint etiam tale prædicatum habere; sic v.g. dum dicitur, solum album currit, non sequitur, quod homo, & canis, & equus albus non currat, sed tantum, quod nigrum non currat, nec aliquid aliud, quod non est album: quando verò particula exclusiva tantum ponitur ex parte prædicati, tunc posset dici, quod nulum aliud prædicatum conveniat subiecto: sic dum dicitur, lac est solummodo album, sensus esset, quod ex qualitatibus sola albedo conveniret lacti; & in hoc sensu negatur, quod Christus sit solum Deus, quia per illam propositionem significatur, quod nihil competat ipsi nisi Deitas, quod est falsum; etiam paratione negati debet, quod sit solum homo. Conceditur autem, quod non sit tantum Deus, nec tantum homo, sed inde non infertur, quod sit aliud, quàm Deus, aut aliud quàm homo; quamvis enim non dicatur de Christo aliquod prædicatum, quod sit aliud à Deo, & de quo non posset dici, quod non sit Deus: tamen de ipso potest dici prædicatum, de quo Deus non dicitur essentialiter, & formaliter. Igi-

tur non valet paritas exempli; nempe, quòd quando dicitur, quòd non tantum homo currat, significetur, quòd aliquod aliud suppositum currat: quando verò dicitur, quòd Christus non sit tantum homo, non significetur, quòd sit aliud suppositum: quæ tamen significatio pendet ex instituto hominum, qui per unam particulam exclusivam, significant aliud suppositum, non verò per aliam.

SECTIO TERTIA.

De modo loquendi in hoc mysterio.

QUoniam plerumque accidit, quòd ex impropria fidei mysteriorum expressione errores nedum, sed & hæreses infensissimæ suboriantur, operæ pretium est in præsentii varios modos exprimere, quibus sermo de Christo Domino faciendus iusta, rectaque fidei lance secundum SS. Patrum, ac Conciliorum probatorum doctrinam, trutinetur. Cum enim Christus duplici natura constet, divina scilicet, & humana actio hypostatice unionis fœdere copulatis; inde fit, quòd quæ uni ex naturis propriè conveniunt, propter illam intimam societatem, etiam alteri tribuantur. Verum quoniam fieri potest, ut illa attributio proprietatum unius naturæ alteri, redolere possit aliquem loquendi modum erroneum, & hæreticum; hinc metitò varios dicendi modos, diversasque enunciationes proponunt Theologi, inquirentes, an absque ullo erroris periculo queant usurpari. Ut itaque cæteris morem geramus, placet celeberrimos illos, & minis usitatos loquendi modos de Christo Domino hic ventilare: cum autem omnes illæ locutiones, ex communicatione idiomatum, qua unius naturæ proprietates alteri tribuuntur, originem ducant; hinc ab illius explicatione etiam auspicanda est præfens Sectio.

COPIA PRIMA.

Utrum p. icaionem idiomatum omnia, & ei, de homine; & vicissim quæ sunt uon. ii, de Deo prædicentur.

Notandum primò, quòd in Christo distinguui potest triplex communicatio: scilicet naturarum, proprietatum, & operationum. Prima est mutua quædam attri-

butio naturarum inter se, quatenus ex eo, quòd ambæ sint sibi invicem unitæ in eodem supposito, illæ prædicantur de se invicem. *Secunda* est mutua quædam attributio proprietatum ejusmodi naturarum distinctarum, quatenus proprietates unius naturæ ita attribuantur alteri ratione hujus unionis, ut etiam prædicentur aliquo modo de ipsa. *Tertia* denique est mutua attributio operationum ejusmodi distinctarum naturarum, quatenus ratione unionis, operationes unius naturæ ita attribuantur alteri, ut etiam aliquo modo de ipsa prædicentur. Sola secunda strictè loquendo dicitur *communicatio idiomatum*: hæc enim nihil aliud est, quàm aliqua participatio proprietatum utriusque naturæ, qua fit, ut Christus ratione naturæ divinæ dicatur omnipotens, mortalis, &c. & ratione naturæ humanæ asseratur mortalis, subditus, &c. imò etiam ratione illius considerationis, Deus in Christo dicatur mortalis; & homo vice versa immortalis.

Hæc autem communicatio dicitur *idiomatum* à nomine græco *ἰδιώμα*, quod latine *proprietas* significat. Quam utique communicationem sic definit S. Maximus martyr in disputatione cum Pyrrho, dum eam fieri dicit, *Quando illa, quæ utrovis Christi parti naturaliter competunt, vicissim alterius propria redduntur propter inexplicabilem unionem, nulla unius in alteram secundum naturalem rationem mutatione, confusioneque facta.*

Notandum secundò, communicationem istam concipi posse fieri duobus modis: *Primò* quidem in concreto ratione personalitatis, quæ utramque naturam facit subsistere: *Secundò*, in abstracto, quatenus attributa divinæ naturæ, seipsis & non per aliqua dona supernaturalia ipsi humanitati communicantur. Sciendum est enim prædicationem, seu enuntiationem unius de aliquo, oriri ex identitate eorundem; illorum autem, quæ sunt eadem, alia sunt eadem formaliter, alia verò sunt dumtaxat ratione alicujus terti, in quo conveniunt. Eadem formaliter dico, non quæ habent omnino eandem rationem, sed quorum unum est de ratione formali alterius. V. g. *homo est animal*, dicitur prædicatio formalis, quia animal est de ratione formali hominis. Ex his verò, quæ sunt eadem dumtaxat ratione terti, non oritur prædicatio formalis, sed materialis solum, & identica, ac subje-

Subiectiva, ut in hoc exemplo, *album est dulce*, quia dulcedo non enuntiatur de albedine formaliter, sed solum materialiter, & subiectivè, scilicet ratione lactis, quod est materia, & subiectum, in quo conveniunt.

Notandum tertio, ex Doctore subtili in 1. dist. 8. qu. 4. in divinis non solum concreta prædicari de concretis, verum etiam quædam abstracta; non quidem formaliter, sed solum identicè, quia, inquit, ea quæ sunt in divinis, non sunt tantum eadem ratione ejus, in quo conveniunt, & quasi uniuntur, verum etiam ratione infinitatis: quod enim præstat tertium aliquid in creaturis, ut aliqua duo enuntiantur sese invicem in concreto, hoc præstat infinitas in divinis, ut etiam aliqua duo de se invicem verificari possint in abstracto. Hinc istæ prædicationes veræ sunt, *Sapientia divina est divinitas*, quia utrique extremo convenit infinitas: Vera etiam est hæc, *Divinitas est Paternitas*, quia saltem alteri extremo, nempe divinitati, convenit infinitas formaliter: hæc verò non item vera est in abstracto, *Paternitas est spiratio activa*, licet enim in concreto verum sit Patrem esse spirantem activè, quia hæc duo paternitas, & spiratio passiva non habent aliunde, quòd identificentur, nisi à tertio, in quo quasi uniuntur: cum tamen, ut diximus, utrique non conveniat infinitas formaliter; hinc fit, quòd illa prædicatio non sit admittenda.

Ex quibus sequitur, quòd in his, quæ non sunt purè divina, prædicatio abstracti de abstracto non sit vera per identitatem, quia quatenus abstracta, non habent amplius illud tertium ratione cujus enuntiarentur de se mutuò. Ideoque quantumcumque in concreto verum sit hominem esse animal; tamen in abstracto falsum est humanitatem esse animalitatem.

His ita prælatis, duo maxime hic sunt determinanda: Primum, an vera sit mutua idiomatum communicatio in Christo. Secundum, qualiter illa fiat, an videlicet per communicationem divinorum attributorum humanitati, idque propriè, realiter & substantialiter, ita quòd humana natura dici possit formaliter, immensa, omnipotens, ut volunt quidam Lutherani; an verò solum per attributionem proprietatis unius naturæ, &c.

CONCLUSIO PRIMA.

Reverè admittenda est in Christo communicatio idiomatum.

Probat primum auctoritate SS. Patrum, nam Gregorius Nyssenus libr. 5. contra Eunomium ita scribit; *Sic mortis perpassio ad eum, qui patibilis natura participi fuit, refertur propter hominis cum ipso copulationem, & sublimia, Deoque digna nomina in hominem descendunt, adeo ut ille, qui in cruce conspectus est, Dominus gloria nominetur, ob eum cum eo, quod abjectum est, & humile, commixtionem; nominum quoque gratia in humanam simul transiunt naturam.* Origenes in Epistol. ad Rom. Per indissolubilem, inquit, unitatem Verbi, & carnis, omnia, que carni sunt, adscribuntur & Verbo, quomodo & quæ Verbi sunt prædicantur in carne. S. Ambrosius lib. 2. de Fide cap. 4. Unde illud, inquit, quod rectum est, Dominum Majestatis crucifixum posuimus? Sed quia idem Deus, idem homo, Christus Jesus Dominus: Majestatis dicitur crucifixus; quia confusæ utriusque natura, idest, humane, atque divine, in natura hominis subiit passionem, ut indiceret, & Dominus Majestatis dicitur esse, qui passus est, & Filius hominis, sicut scriptum est, qui descendit de celo.

Eandem veritatem luculenter explicat S. Joan. Damasc. lib. 3. cap. 15. Unus est Christus, inquit, & una ipsius persona, sive hypostasis, duas tamen naturas obtinet, divinitatis, & humanitatis. Porro cum ex divinitate naturaliter gloria procedat, utrique communis est, propter hypostasis identitatem. Ex carne verò humilia proficiuntur, & eadem ambobus communia; quippe unum est, & idem, qui hoc, & illud est, nempe Deus, & homo, & ad eundem pertinent, tamque sunt divinitatis, quamque humanitatis propria.

Probant hanc veritatem SS. Patres ex Scripturis sacris, in quibus plerumque humanitati tribuuntur ea, quæ Divinitati propriè conveniunt; & vicissim Divinitati, quæ dumtaxat humanitati propria sunt: Sic Joan. 3. Christus ait: *Nemo ascendit in celum, nisi qui descendit de celo Filius hominis, qui est in celo;* nam solum Verbum propriè loquendo, de celo descendit, & erat in celo, eo sensu, quo id intelligi voluit Christus, dum hæc loqueretur. Sic etiam Joan. 10. Christus dixit Judæis: *Antequam Abraham fieret, ego sum...* Exultavit, ut videret diem

dicim meum, nempe Incarnationis; Christus tamen, ut homo non existebat ante Abrahamum, sed ut Verbum: igitur illa prioritas existentie, quæ Verbo erat propria, humanitati appropriatur.

Sic pariter Apostolus ad Romanos scribens, eundem Deum, ac Dei Filium, vocat & Davidis Filium: ut observat S. Cyrillus in libro ad Theodosium Imperatorem. Cum enim dixisset, *Segregatum se esse in Evangelium Dei de Filio suo*, mox eundem, ait: *factum esse ei de semine David secundum carnem, qui prædestinatus est Filius Dei in virtute*, &c. Unus igitur, idemque Filius Dei est, & hominis; & homo Filius Dei est, & Dei Filius, ac Deus, homo est, atque hominis Filius.

Sic pariter in Epistola ad Hebræos eundem, quem capite primo *Filium Dei* nominavit, ac *splendorem gloriæ, figuramque substantiæ ejus, qui omnia portat Verbo virtutis sue*, in sequenti; *Paululum ab Angelis ministratum Jesum*, ait; *propter passionem mortis, gloriæ, & honore coronatum, ut pro omnibus gustaret mortem*. Ex quibus priora verba sola sibi Verbi divinitas; posteriora sola sibi humanitas vendicat.

His Occumenicarum Synodorum decreta concinunt, & in illis fidei conditæ formulæ, quæ *Jesum Christum Filium Dei unicum, vel unigenitum* asserunt, ex Patre natum ante omnia sæcula, Deum de Deo, lumen de lumine, Deum verum de Deo vero, quem eundem, *propter nos homines, & propter nostram salutem incarnatum, prædicant, & natum de Virgine, passum, mortuum, ac sepultum*.

Declarat hoc S. Leo Papa in Epistola decima ad Flavianum; ubi sanctissimus Pontifex ait: *Propter hanc unitatem persone in utraque natura intelligendam, & Filius hominis, inquit, legitur descendisse de celo, cum Filius Dei carnem de ea Virgine, de qua est natus, assumpserit; & rursus Filius Dei crucifixus, ac sepultus, cum hæc non in divinitate ipsa, qua Unigenitus conspiciuntur, & consubstantialis est Patri, sed in natura humane sit infirmitate perpassus; unde unigenitum Filium Dei crucifixum, & sepultum omnes etiam in Symbolo consistemus, secundum illud Apostoli, se ipsum cognovissent, numquam Dominum Majestatis crucifixum*.

Probant secundo ex eo, quod Verbum suam, propriamque fecerit humanitatem, adeoque quod cum ea connexum est, ci-

que naturaliter convenit, hoc in se totum transtulit, ac sibi accommodavit, deque seipso prædicari voluit. Cujus ineffabilis communicationis rationem profert sanctus Cyrillus Epistola ad Valerianum: *Cujus, inquit, proprium est corpus, huic merito, quæ hujus propria sunt adscribuntur omnia, uno excepto peccato*. Cui præluserat sanctus Athanasius sermone 4. contra Arianos, ubi ait: *Decussit Dominum humanam carnem induentem, totam hanc cum propriis ipsis affectionibus induere; ut quemadmodum proprium ipsius corpus esse dicimus, sic & corporis affectiones ipsius esse tantum proprie dicantur*.

Observandum est autem SS. Patres quædam tradere regulas, quibus rectè asserti possit hæc idiomatum communicatio, quas plures Theologi colligunt, præcipuas verò subijcio. Primò namque S. Cyrillus anathematismo 4. docet triplex vocum genus esse, quæ de Christo Domino, tum à Scriptura sacra, vel à SS. Patribus efferuntur. Aliæ enim soli divinitati congruunt, ut hæc: *Ego in Patre, & Pater in me est*. Joan. 14. aliæ sunt humanæ penitus, ut ista Joan. 8. *Nunc autem queritis me interficere hominem, qui veritatem vobis locutus sum, quam audivi à Deo*: aliæ sunt mediæ utrique naturæ convenientes, ut cum scribit Apostolus ad Hebræos 13. *Ei quibus est Christus secundum carnem, qui est super omnia Deus benedictus in sæcula*.

Secunda regula est, quòd interdum totus Christus ab una natura, ejusque proprietatibus denominari solet, interdum à duabus, ut observat S. Joan. Damasc. cap. 3. lib. 3. *Quando, inquit, ex naturis composui hypostasim consuleramus, interdum ab utraque Christum denominamus, velut Deum, & hominem simul, necnon Deum incarnatum: alias ab una tantummodo parte, Deum dumtaxat, & Dei Filium: vel hominem tantum, & hominis filium*. Nonnumquam ab solis sublimibus denominamus, aliquando verò ab solis humilibus. Unus enim est, qui & hoc, & illud similiter existit. Habet & Cyrillus illam ipsam regulam in libro ad Theodosium, eamque declarat similitudine hominis, quimodò carnis solius, modò animæ vocabulo totus exprimitur: *Sic igitur, & Christus in sacris litteris prædicatur, interdum quidem sic, tamquam totus sit homo, tacita ipsius divinitate, quod dispensatione quadam usurpatur: alias tamquam Deus, nulla humanitatis sollicitudine*.

mentione: in quo nulla ei fit injuria, propter amborum in unitate concursum.

Tertia regula est, quod de eadem Christi persona propter naturam numerum, & unitatem personæ, contraria interdum enuntiantur: Sic S. Achanasius in epistola ad Epictetum ait; *Imprimis admirabile esse, ut idem & pateretur, & non pateretur: nam patiebatur cæcæ, quod proprium ejus corpus pateretur, & in patiente inerat, non patiebatur autem, quod natura Deus sit Verbum impatibile.* Quæ utique eleganter sic explicat S. Fulgentius lib. 3. ad Trasimundum, cap. 8. ubi inter cætera ait: *Hinc incomprehensibilis in cruce; inviolabilis in vulnere; impassibilis in passione; immortalis prædicatur in morte.* Tolestana quoque Synodus 14. ait: *Ipse vivit moriens, ipse moritur vivens, ipse impassibilis patiens, ipse passioni non subjacens.*

Quarta regula est, quod prædicata, quæ Christo attribuantur, debeant spectari secundum convenientiam, & proprietatem, quam habent cum natura, ratione cujus ei tribuuntur: Nam, inquit S. Leo epist. ad Flavianum, *quævis in Domino Jesu Christo Dei, & hominis una persona sit, aliud tamen est unde consummelia in utroque communis; aliud unde communis, & gloria: de nostro enim illi est minor Patre humanitas; de Patre illi est æqualis cum Patre divinitas.*

Quintam tradit Doctor subtilis in 3. dist. 7. qu. 2. quod quæcumque naturæ cum persona unionem expriment, à lege communionis idiomatum excipiuntur: Quia, inquit Doctor, *illa communicatio in prædicationibus fit propter unionem, & ab ea tanquam à causa, & fonte proficijtur, & ita præsupponit unionem: non ergo fit secundum illa, quæ expriment unionem.* Quæ utique profert, ut satisfaciatur argumento, quod sibi proposuerat, quod erat ejusmodi. Si Deus est factus homo: ergo Deus est factus Deus. Consequenter probatur; quia propter unionem naturarum, est communicatio idiomatum: & ita sicut occidens hominem, occidit Deum: ita si factus est homo, factus est Deus: huic ergo captiuncule rectè occurrit illa regula. Nam hoc, quod est factum esse, naturæ, ac personæ copulationem exprimit; quare non potest alteri communicari: proinde non est consequens, si Deus factus est homo, id est, si unitus est homini, etiam factus est Deus, sive unitus est Deo.

CONCLUSIO SECUNDA.

Communicatio idiomatum non fit eò, quod attributa divina formaliter communicentur humanitati, & humana divinitati. Hæc est communis inter Theologos contra Lutheranos, maxime Ubiquistas.

Probat. Nam vel attributa divinitatis formaliter sunt in humanitate, & non attributa humanitatis in divinitate: vel par est ratio attributorum uniuscujusque naturæ ad alteram sibi conjunctam: neutrum dici potest. Nam non potest intelligi quomodo attributa naturæ divinæ insint humanitati, quia non possunt illi insere tanquam formæ informantes, cum ratio formæ informantis dicat imperfectionem: non etiam tanquam formæ assistentes, quia formæ assistentes non communicantur formaliter iis rebus, quibus assistunt: non tanquam unitas hypostasis Verbi humanitati, quia aliàs deberet natura divina esse quid unum cum humana in illo ipso, in quo uniretur.

Adde quod, non est possibile attributa divinitatis insere formaliter naturæ humanæ Christi Domini, nisi denudetur natura humana suis attributis, quæ sunt opposita attributis divinitatis.

Confirmatur, ex iis omnibus locis Conciliorum, & Patrum, in quibus habetur utramque naturam, & utriusque naturæ proprietates esse in Christo inconfusas, impermixtas, distinctas.

Denique, si aliquid è divinis attributis conveniret formaliter humanitati, maxime immensitas: sed hæc non potest formaliter convenire ipsi Christi Domini humanitati. Majorem admittunt Ubiquistæ: Minor verò probatur.

Primo ex iis Scripturæ locis, in quibus dicitur, quod humanitas Christi non est ubique. Matthæi, & Marci ultimo. Angelos loquens mulieribus de Christo, quem quærebant, & qui resurrexerat, ait: *Non est hic, Joan. 11. Gaudeo propter vos, ut credatis, quia non eram ibi.*

Secundò ex Patribus, Basilio libro de Spiritu sancto cap. 22. concludente divinitatem Spiritus sancti, ex ejus immensitate. Quomodo etiam arguit Didymus lib. de Spiritu sancto. Et S. Ambrosius lib. 1. c. 7. ac S. Gregorius Nyssenus adversus Eunomium, ubi ait. *Qui dicit, Vado, localem discessum significat. Quod autem per omnia graditur,*

diur, & in omnibus existit, & omnia continet, non habet, quò discendat, eò quòd à divinitate plenitudine non est vocatus. Et S. August. epistola 57. ad Dardanum, *Secundùm hanc carnis formam: non est*, inquit, putandus ubique diffusus. Cavendum est etiam, ne ita divinitatem bonitatis, ut corporis veritatem destruamus. Non est autem consequens, ut quòd in Deo est ita sit ubique ut Deus: nam in Deo sumus; & tamen ubique non sumus: Christum autem ubique totum præsentem esse non dubites, tamquam Deum; & in aliquo loco esse propter verum corporis modum.

Eis adstipulantur S. Cyrillus Alexandrinus lib. 6. in Joan. cap. 14. *Hic animadvertendum est, quòd est corpus sui præsentiam hinc subduxerit, Majestate tamen Divinitatis semper adest.* Theodoretus dialogo 3. *Corpus Dominicum surrexit quidem, à corruptione, & interitu alienum, & impatibile, est & immortale; & divina gloria gloriatur, & à celestibus adoratur potestatis; corpus tamen est, & habet, quam habuit prius, circumscriptionem.* S. Maximus in disp. cum Pyrrho: *In sanctis Evangelii scriptum est: Postridè voluit ire Jesus in Galileam, ire nimirum voluit, quatenus ibi non erat, non erat autem humanitate, divinitate autem ubique est.*

Tertiò ex eo, quòd docuimus in primo volumine, immensitatem sic esse propriam naturæ divinæ; ut implicet alicui creaturæ communicari: quia est id quo res ita est in omnibus rebus, ut implicet aliquam rem esse, aut esse posse, in qua non sit tota in toto, & tota in qualibet parte. Et hinc est, quòd SS. Patres ex immensitate Verbi divini, aut Spiritus sancti intulerunt divinitatem istarum personarum, ut diximus in Tractatu de Trinitate.

Obijciunt primò, variatos Scripturæ locos, qui videntur significare Christum Dominum esse ubique ratione suæ humanitatis. Sic Matt. 18. *Ubi sunt duo, vel tres congregati in nomine meo, ibi sum in medio eorum.* Matt. 28. *Ecce ego vobiscum sum usque ad consummationem sæculi.* Ephes. 4. *Christus dicitur ascendisse caelum, ut impleat omnia.*

Respondetur primum locum intelligi de præsentia per auctoritatem, & non per instantiam localem: ita ut sensus sit, quòd nihil in Conciliis in suo nomine congregatis, nisi sua decerneretur auctoritate.

Ad secundum dico, Christum Dominum esse nobiscum usque ad consummationem sæculi, per protectionem, & auxilium; non

verò per localem præsentiam. Sic dicit Deus Jeremia 1. *Ne timeas à facie eorum, quia ego tecum sum, ut eruiam te*, hoc est, auxilium tibi præsto, quo eruaris.

Ad tertium, respondeo hunc sensum esse verborum istorum (ut impleat omnia) hoc est, ut omne genus hominum spiritualibus bonis repleret, juxta illud Psal. 64. *Replebimur in bonis domus tuæ*, & Ecclesiastici 24. *A generationibus meis adimplemini.* Vel ut adimpleret omnia, id est, ut ad effectum perduceret omnia, quæ de se scripta erant in lege, Prophetis, & Psalmis.

Insuper, Verbum divinum est ubique: Christus homo est Verbum divinum: ergo est ubique Christus homo: ergo cum Christus non sit homo sine humanitate, ejus humanitas est etiam ubique.

Respondetur, Verbum divinum esse ubique per suam divinitatem, & Christum hominem esse Verbum divinum per suam personalitatem; quare non est consequens, quòd sit ubique Christus homo, seu quòd sit ubique Christus per suam humanitatem.

Urgebis. Si persona Verbi esset alicubi, ubi humanitas ab eo assumpta non sit, jam Verbum est alicubi homo, & alicubi non est homo: absurdum consequens: ergo & antecedens.

Respondetur ad sequens, Verbum est alicubi homo, & alicubi non est homo, id est, existit alicubi Verbum, ubi humanitas Verbi non existit, concedo; est alicubi homo, & alicubi non est homo, id est, ibi est Verbum incarnatum, ubi non est homo, nego.

Insuper iterum. Quando duæ res sunt sibi invicem unitæ inseparabiliter, ubicumque una illarum est, ibi debet esse & altera; atqui personalitas Verbi, & humanitas assumpta à Verbo, sunt sibi invicem unitæ inseparabiliter, & persona Verbi est ubique locorum: ergo humanitas Christi est ubique locorum.

Respondetur distinguendo majorem, si sint illæ res sibi invicem unitæ adæquate, ac totaliter, concedo: secus, nego: sic anima nostra est unita pedi inseparabiliter; necque tamen ubicumque est anima, ibi est pes, cum non sit pes in aliis partibus corporis, putam capite, in brachiis; licet ubi est pes ibi sit anima: à pari, non est humanitas Christi, nisi ubi est Verbi personalitas, licet alicubi existat Verbi personalitas, ubi non existit humanitas.

Obij.

Obijcies ſecundò: Si humanitas Chriſti non eſt ubique: ergo moveri poieſt de loco in locum: ergo quando ſic movetur, vel ſecum deſert perſonam Verbi ſi unitam, & tunc ſequitur, quòd Verbum movetur localiter: quia quòd ſic deſertur movetur localiter vel non deſert: ergo deſinit eſſe ei unita; quòd eſt abſurdum.

Reſpondeo. Humanitatem Chriſti poſſe moveri de loco in locum, & quando ſic movebatur, non ſecum deſiſſe propriè perſonam Verbi, neque etiam non deſiſſe, ſed ſemper fuiſſe illi unitam, quocumque tandem in loco talis humanitas conſtitueretur: ſic eſt nobis intimè præſens Deus per immenſitatem ſuam, neque tamen quando movemur localiter, Deum nobiſcum deſerimus, n que deſerimus non deſerentes.

QUÆSTIO SECUNDA.

Utrum tres illæ propoſitiones ſint veræ: Deus eſt homo, & Deus factus eſt homo, homo factus eſt Deus.

Notandum primò ex Doctore ſubtili in 3. diſt. 7. qu. 2. propoſitionum *alias* eſſe in materia naturali, *alias* in materia contingenti, & *alias* in materia remota. *Propoſitiones in materia naturali* illæ ſunt, in quibus naturalia prædicantur de ſubjecto, cujus ſunt naturalia, vel ſaltem aliqua conſequentia immediatè naturam. Hujusmodi propoſitiones ratione modi prædicandi dicuntur iterum propoſitiones *per ſe*, & priores quidem *in primo modo dicendi per ſe*: poſteriores verò *in ſecundo modo dicendi per ſe*. Propoſitiones in materia naturali in primo modo dicendi per ſe, illæ ſunt, in quibus prædicatum eſt de definitione ſubjecti, ut hæc, *homo eſt animal*: propoſitiones in materia naturali in ſecundo modo dicendi per ſe, illæ ſunt, in quibus eſt converſo ſubjectum cadit in definitionem prædicati, ut docet Doctor hic. V. g. in hac propoſitione naturali in ſecundo modo dicendi per ſe, *homo eſt riſibilis*, prædicatum *riſibilis* non eſt de definitione ſubjecti, nempe hominis, ſed eſt converſo ſubjectum illud cadit in definitionem talis prædicati, ut continens cauſam adæquatam, & immediatam ejus. *Propoſitiones in materia contingentis* illæ ſunt, in quibus prædicata, vel ſunt accidentia, vel ſaltem extrinſeca ad ſubjecta, de quibus enuntiantur. *Propoſitiones in materia remo-*

ta, ſunt illæ, in quibus oppoſita, vel repugnantia prædicantur de quibuſdam, reſpectu quorum ſunt repugnantia, vel oppoſita.

Porro inter propoſitiones in materia naturali, ſeu neceſſaria, iſ eſt ordo, ut quædam ſint immediatæ, aliæ verò immediatæ, & mediatæ quidem ordinentur ad immediatas, ita quòd non ſit ſtatus donec perventum fuerit ad primam omnino immediatam. Illæ autem ordo ſervatur quoque inter propoſitiones contingentes. V. g. hæc propoſitio mediata, *homo currit*, reducitur ad hanc immediatam *Petrus currit*; igitur *currere* non competit immediatè homini, ſed primùm Petro, vci alteri individuo, & illo median- te homini. Propoſitio itaque hæc, *Deus eſt homo*, non cenſetur immediata; igitur ad immediatiorem revocatur, nempe ad hanc, *Verbum eſt homo*, cui primò convenit eſſe hominem, & ratione ejus Deo.

Propoſitionum iterum aliæ ſunt *evidentes* naturaliter; aliæ verò *credite*. Propoſitiones evidentes ſunt, vel quæ habent evidentiam ex terminis naturaliter cognitis, ut hæc. *Totum eſt majus ſua parte*; vel ſaltem ſunt ex aliquo medio naturaliter cognoscibiles, ut iſta, *homo eſt riſibilis*, quæ per animal rationale, tanquam per medium naturaliter cognoscibile, fieri poteſt naturaliter evidens. *Propoſitiones credite* ſunt, quæ neutro modo fieri poſſunt evidentes, ut, hæc, *Deus eſt homo*, quia neque ambo extrema cognoscuntur naturaliter, neque unio inter illa eſt etiam naturaliter nota. Ulteriùs propoſitionum quædam ſunt formales, aliæ propriæ, aliæ in quibus prædicatum eſt univocum; & aliæ in quibus non ſolummodo prædicatum eſt univocum, ſed etiam prædicatur univocè.

Propoſitiones formales ſunt, in quibus proprium prædicabile enuntiat de proprio ſubjicibili, ſive interim illud ſit eſſentiale, ſive tantum accidentarium, ſeu ſubjicibile. *Propoſitiones propriæ* ſunt, in quibus prædicatum reale ſecundum germanam proprietatem ſuam enuntiat de ſubjecto reali. Propoſitiones, in quibus prædicatum eſt univocum, non tamen prædicatur univocè, illæ ſunt, in quibus prædicata ſunt denominativa, vel ſaltem modum prædicandi denominativorum obtinent: ſic album prædicatur de nive, & de pariete. Propoſitiones tandem, in quibus prædicatum enuntiat univocè, ſunt illæ, quæ verificanc ali.

aliquid superius de inferioribus, quod est illis inferioribus intrinsicum.

Hic ita prælibatis, resolvendum est; an tres illæ propositiones prænominate in titulo quæstionis sint probandæ, ut legitimæ; an verò earum aliqua sit, ut erronea, vel ut suspecta rejicienda.

Notandum secundò ex eodem Doctore pro faciliiori intelligentia secundæ propositionis, quòd prædicatum *factum esse* vel fieri, aliquando ponitur in propositionibus de secundo adjacente, aliquando verò in propositionibus de tertio adjacente. Quando ponitur in propositionibus de secundo adjacente, denotat effectiorem rei simpliciter; quando verò est in propositionibus de tertio adjacente, significat tantum effectiorem, seu rem fieri secundum illud, quod specificatur per prædicatum. V. g. in hac propositione de secundo adjacente, *Petrus est factus*, significatur Petrum esse productum simpliciter: in illa verò, quæ est de tertio adjacente, *Petrus factus est albus*, significatur Petrum non fieri simpliciter, sed dumtaxat album: ita quòd illa effectio connote effectiorem albedinis in Petro, non verò effectiorem, & productionem Petri; licet etiam significet Petrum fieri album: sicut enim verè de eo enunciat, quòd fiat simpliciter, quando accipit esse simpliciter post non esse simpliciter: ita verè enuntiatur ipsum fieri tale, quando per actionem agentis accipit esse taliter, quod prius non habebat.

Notandum tertio similiter, ex eodem Doctore, *ibidem num. 9.* quòd effectio secundum quid non semper importat mutationem in eo, quod tali modo fieri dicitur: licet enim agens naturale supponat passum, quod transmutat, & quod est in potentia ad terminum, ex quo necessario sequitur mutatio: quia quod transit de potentia ad actum, necessàriò mutatur; attamen agens supernaturale, qualis est sanctissima Trinitas, dum efficit unionem hypostaticam, non præsupponit Verbum, tanquam aliquid potentiale ad terminum illius unionis; neque alterum terminum nempe hominem, vel unionem hominis inducit, tanquam actum, vel formam Verbi, quæ ipsi insit per inherentiã, sed summo modo univit hominem Verbo sine ulla inhærentia: ideoque in ista unionem nullus fuit transitus à potentia ad actum. Non minùs tamen Unio hypostatica veram habet rationem effectiõis; licet enim Verbum non fuerit mutatum, attamen reverà factum est ho-

mo. Quod autem de novo sit tale, aliquando mutatur, aliquando verò non: mutatur quidem, quando id, quod advenit, habet rationem formæ perfectiõis subiectum, quod erat in potentia ad illam recipiendam, sicut communiter accidit in effectiõibus passivis, quando videlicet agentia naturalia efficiunt aliqua subiecta talia esse in actu, qualia dumtaxat erant in potentia.

Nec refert, quòd omni effectiõni correspondere debeat necessariò aliqua passio: ac proinde quando dicitur Verbum factum hominem, videtur, quòd in eo deberet correspondere passio, quæ esset correlativum illius effectiõis. *Dico enim*, quòd passio correspondens isti actioni, non in Verbum, sed refundenda sit in naturam humanam unitam Verbo; quæ propterà non tam censetur terminus, quam subiectum illius effectiõis passivæ, licet significetur ad modum termini in ista propositione, *Verbum factum est homo*; subindeque licet in hac effectiõne reperiat aliquam mutatio, illa non in Verbum, sed in naturam humanam est refundenda.

CONCLUSIO PRIMA.

Hæc propositio Deus est homo, est vera, *et proprie dicta*, non tamen in materia naturali. Prima pars est omnium Theologorum, Eamque Doctor sic probat. Ut ista propositio sit vera, & proprie dicta, sufficit, quòd aliqua è divinis personis subsistat in humanitate. & verè dici possit talis naturæ suppositum; sed de fide est unam è divinis personis, nempe personam Verbi, subsistere in natura humana, & verè dici illius humanæ naturæ suppositum: ergo hæc propositio *Deus est homo*, est proprie dicta.

Insuper; Si non esset ista propositio propria, maxime, *vel* quia homo non potest esse prædicatum; *vel* quia Deus non potest esse propriè subiectum propositionis: *vel* quia Deus, & homo non sunt sufficienter unum, ut alterum de altero propriè prædicetur; atqui homo potest esse prædicatum propriè dictum respectu Dei supponentis pro Verbo incarnato; nam *homo* significat suppositum subsistens in natura humana, quæ univocè convenit Christo, & cæteris hominibus; *Deus* etiam supponere potest pro Filio Dei incarnato: siquidem nomen significans na-

tutam in concreto, poteſt ſupponere pro quolibet ſuppoſito illius naturæ; ſed nomen *Deus* eſt concretum ſignificans naturam divinam: ergo poteſt ſupponere pro perſona Filii Dei.

Denique, hæc duo ſunt ſufficienter unum inter ſe, ut alterum de altero enuntietur, quia ſunt unum unitate ſuppoſiti; igitur illa propoſitio eſt vera, & propriè dicta.

Dices, illa propoſitio non eſt vera, & propriè dicta, cujus contraria poteſt eſſe vera; ſed contraria iſtius propoſitionis, nempe *Deus non eſt homo*, poteſt eſſe vera, ſi ſubjectum illud ſupponat indefinite; nam non eſt potior ratio, cur ſubjectum illud *Deus*, ut ſupponens indefinite pro individuo Deitatis, recipere debeat prædicatum illud *homo*, ratione Verbi, quod verè factum eſt homo, quam non recipere ratione Patris, vel Spiritus ſancti, pro quibus etiam poteſt ſupponere, qui tamen revera non ſunt homines facti: ergo illa propoſitio *Deus eſt homo*, non videtur abſolute, & ſimpliciter vera.

Nego minorem: Falfum eſt enim ſimpliciter Deum non eſſe hominem; quippe cum reverà Filius Dei, qui Deuſeſt, ſit homo. Unde ad probationem dico, ſubjectum *Deus* non ſupponere indefinite; niſi fortè dumtaxat ex rigore ſermonis, & vocis, non verò ex uſu ejuſdem vocis recepto apud fideles Chriſtianos, apud quos nomen eſt, & familiare, quòd illa propoſitione *Deus eſt homo*, & ſimilibus, ſubjectum illud *Deus*, non ſupponat indefinite, ſed determinatè pro perſona Verbi.

Dices ſecundò; In dividendibus ordinatis, prima dividendia ſunt magis diverſa; & minus conſequenter prædicabilia de ſe invicem: ſed priùs dividitur ens in infinitum, & finitum, quam ens finitum dividatur in aliqua alia: ergo finitum, & infinitum ſunt magis diverſa, & minus prædicabilia de ſe invicem, quam ulla entia finita, in quæ dividitur ens finitum: ſed aliqua entia finita ſunt ita impoſſibilia, ut verè non poſſint prædicari de ſe invicem: ergo multò minus ens infinitum prædicari poterit de ente finito, & vice verſa: igitur cum homo ſit ens finitum, non poteſt prædicari de Deo.

Distinguit minorem Doctòr. Prima dividendia habent diverſitatem quantum ad hoc, quòd in paucioribus formalitatibus conveniunt, concedit; quantum ad repugnanti-

tiam, qua excluderent ſe invicem à conjunctione, & prædicatione, negat: nam repugnantia major non oritur ex majori diverſitate: ſiquidem calor, & frigus minùs ſunt diverſa, quam calor, & ſubſtantia; & tamen calor, & frigus excludunt ſe ab invicem, ac ſe mutuo deſtruunt: non ita calor, & ſubſtantia: igitur, &c.

Dices tertio: Si homo prædicatur de Deo, aut prædicatur ut relativum, ſeu ut relatio, aut ut abſolutum. Non primum, quia homo non eſt relatio, nec relativum. Non etiam ſecundum, quia ſic prædicari poſſet de tribus perſonis ſecundum S. Auguſtinum lib. 5. de Trinitate cap. 8. & 10. & conſequenter tres perſonæ divinæ eſſent homo: quòd eſt falſum: ergo homo nullatenus prædicari poteſt de Deo.

Negat minorem Doctòr pro ſecunda parte, quia prædicatur de Deo, ut eſt quid abſolutum, & ſic negat etiam ſequelam probationis. Ad 5. autem Auguſtinum dicit, quòd quando docet, quòd quidquid prædicatur de Deo, ut abſolutum, prædicatur etiam de tota Trinitate, loquitur de prædicatis intrinſecis, & eſſentialibus; non verò de prædicatis extrinſecis abſolutis, qualis eſt homo reſpectu Dei.

Dices quarto: Si vera eſſet, & propria prædicatio hominis de Deo, reduci deberet ad aliquod ex quinque prædicabilibus: ſed ad nullum reduci poteſt; non quidem ad genus, ſpeciem, aut differentiam, quia prædicatum *homo*, non eſt de eſſentia Dei; non etiam ad proprium, quia tunc *Deus* ſpectaret ad definitionem hominis: non etiam ad accidens, quia nullum accidens de Deo prædicari poteſt, ſicut nec ipſi inſeſe.

Reſpondet Doctòr, quòd in hac prædicatione aliquid aſſimiletur prædicationi ſpeciei, quia per unionem hypſtaticam Verbum ſit individuum naturæ humanæ: aliquid etiam participat de ratione accidentis in habitudine ad ſubjectum; *Quia*, inquit, *iſta natura temporaliter advenit Verbo perfectò in ſe æternaliter exiſtenti*. Unde illa prædicatio fieri poteſt per modum accidentis Logici, non verò Metaphyſici: quòd utique non eſt inconveniens, quia nec ſignificat hominem eſſe accidens in ſe, nec denotat illum informare Verbum accidentaliter, & ipſi inhærere.

Reſpondeo ſecundò, negari poſſe majorem, quia cum unio hominis cum Verbo ſit ſingulariſſima, nec habeat ullum exemplum

plum in rebus creatis, idè non mirum si prædicatio illa sit etiam specialis, nec ad aliquod genus prædicationis rerum creatarum possit revocari.

Dices quinto: Idem non prædicatur denominativè de eodem: sed de Deo prædicatur homo denominativè, quia dicitur *Deus humanatus*: ergo non prædicatur de ipso in abstracto: igitur illa prædicatio *Deus est homo*, non est propria.

Respondet Doctor negando minorem; quia esse humanatum, non est denominativum proprium derivatum ab homine, sed à fieri hominem: nam idem est esse humanatum, ac fieri hominem; unde si Verbum necessariò esset homo, sicut necessariò est Deus, non diceretur *humanatus*, sicut non dicitur *Deificatus*. Quòd autem dicatur humanitas de ipso in fieri, non impedit quominus possit dici de ipso alio modo, quàm in fieri: bene enim quod dicitur calefieri, dicitur etiam calidum, & quod dicitur dealbari, dicitur album. Si autem quæras, quod est proprium denominativum hominis? Dicit Doctor, quòd sit esse *humanum*; hoc autem non dicitur de Deo, quia significaret, quòd homo spectaret ad ipsum alio modo, quàm natura spectat ad suppositum, quod est falsum: humanitas autem, quæ est proprium abstractum hominis, non dicitur de Verbo; falsum est enim, quòd Verbum sit humanitas.

Probatur secunda pars: nempe, quòd illa propositio non sit in materia necessaria; quia, inquit Doctor, in omni propositione necessaria, & per se, prædicatum debet esse de intrinseca ratione subiecti, si illa prædicatio sit in primo modo dicendi per se: vel si sit in secundo modo, subiectum debet continere causam inhærentiæ, & connexionis prædicati cum subiecto, ut docent communiter Logici: sed nec *homo* est de essentia Dei, nec *Deus* continet causam naturalem, & per se connexionis talis prædicati cum tali subiecto: ergo illa propositio non est per se.

Deinde, in omni propositione per se, prædicatum, quod enuntiatur de communi subiecto, enuntiarì quoque debet de omnibus contentis sub subiecto: sed *homo*, qui enuntiatur de Deo, non enuntiatur de omnibus personis, quæ sunt Deus, nempe de Patre, & Spiritu sancto: igitur, &c.

Denique, in omni propositione per se, requiritur, quòd subiectum secundum natu-

ralcm illius vim, seu ex rigore, sit determinatum; nam si sit indeterminatum, & determinari possit ad supponendum pro quibuscumque determinatis, poterit quidem efficere propositionem veram, non verò propositionem per se; sic in hac propositione *animal est homo*, subiectum istud *animal*, est indeterminatum, ac indefinitum, & limitari potest ad hoc, ut supponat, vel pro solo animali rationali, vel pro Petro, & Paulo; inde fit, ut illa propositio quidem vera sit, non tamen est propositio per se. At in hac propositione *Deus est homo*, subiectum se habet huiusmodi; quia est indeterminatum ex stricta sua significatione, ut supponat, vel pro Patre, vel pro Filio, vel pro Spiritu sancto, & solum determinatur ex communi usu Fidelium, ut dumtaxat supponat pro Filio: igitur ex se non est propositio per se, & in materia singulari.

CONCLUSIO SECUNDA.

H*æc propositio*, *Deus factus est homo*, est vera, & propria. Probatur 1. ex Scriptura sacra; nam Joan. 1. *Verbum caro factum est*. Et ad Rom. 1. *Qui factus est ei ex semine David secundum carnem*. Idipsum constat ex Symbolo Nycæno his verbis. *Et homo factus est*. Probatur etiam ratione à Doctore subtili. Effectio, sive simplex, sive secundum quid, dicit tantum duplicem habitudinem, scilicet ipsius rei factæ ad faciendam, necnon ad illius rei non esse præcedens; sive interim illud esse sit simpliciter, sive secundum quid; sed in Verbo incarnato reperitur duplex illa habitudo, scilicet Dei, ut est factus homo, ad actionem totius Trinitatis, & etiam ad non esse hominis, præcedens; quippe Verbum antequam Incarnationem non erat homo: igitur illa propositio est vera, & propriè dicta.

Deinde, id quod est, & non fuit semper, reverà dicitur factum: sed Deus per Incarnationem est homo, & non fuit semper: ergo per Incarnationem factus est homo.

Denique. Rectè dicimus aliquid fieri hoc, vel illud, quando jam antea erat facti simpliciter, sed non habebat illam entitatem, quam postea acquisivit: sic dicimus parietem fieri album, quia licet antea esset paries, tamen non habebat albedinem, quam postmodum habuit per actionem agentis dealbantis: ergo à simili verum est, quòd Deus factus est homo: quia cum antea esset sim-

pliciter, non habebat tamen humanitatem, quam in Incarnatione aſſumpſit.

Dices. Si illa propoſitio eſt vera, ſequetur, quod Deus eſſet factus ſimpliciter: ſed conſequens eſt falſum: ergo & antee-dens. Probatur ſequela maioris, quia ſi verum eſt, quod Petrus factus eſt homo, etiam verum eſt, quod ſit factus ſimpliciter: ergo pari ratione, ſi verum eſt, quod Deus factus ſit homo, etiam erit factus ſimpliciter.

Negat ſequelam Doctor; & ad probationem negat conſequentiam. Diſparitas enim eſt, quod non ſequatur vi formæ, ſed materiæ, quod ſi Petrus eſt factus, etiam ſit factus ſimpliciter, cum enim eſſe ſimpliciter Petri ſit eſſe hominem, conſequens eſt vi materiæ, quod ſi Petrus factus eſt homo, factus eſt ſimpliciter: ſed Deus habet aliud eſſe ſimpliciter, quam eſſe hominis; unde non ſequitur, quod ſi ſit factus homo, etiam factus ſit ſimpliciter: ſicut non ſequitur, quod idem Petrus eſt factus albus: ergo factus eſt ſimpliciter, quia Petrus habet aliud eſſe, quam eſſe album.

Dices ſecundò: Si Deus factus eſſet homo, ſiqueretur ipſum eſſe mutatum ad humanitatem: ſed hoc eſt falſum: ergo, &c. Probatur ſequela: quia alia omnia, quæ dicuntur talia fieri, mutantur ad illa per ſuſceptionem eorum, ad quæ mutantur.

Nego ſequelam: Et ratio diſparitatis eſt, quia ſcilicet omnia alia, quæ fiunt, vel ſimpliciter, vel ſecundum quid, non poſſunt terminare unionem ſui cum forma, reſpectu cuius dicuntur fieri abſque mutatione: Deus autem poſteſt terminare unionem ſui cum natura humana, abſque ulla ſui mutatione.

Adde quod cætera ſint perfectibilia per formas, quas acquirunt: Deus autem non eſt perfectibilis per humanitatem.

Dices tertio: Si Deus factus eſt homo, ſequitur, quod Deus factus ſit Deus: ſed hoc eſt abſurdum: ergo, &c. Patet ſequela maioris, quia per communicationem idiomatum homo eſt Deus: ergo ſi fiat homo, etiam ſit Deus.

Negat ſequelam Doctor cum conſequentia illius probationis; quia, inquit, per communicationem idiomatum non prædicantur de ſe invicem prædicata utriuſque naturæ, cum expreſſione ipſiſſimæ, ut ſuprà notavimus ex ipſo in aſſignandis regulis communicationis idiomatum: & ſic

dici non debet, quod Deus aſſumpſit naturam divinam, ſicut aſſumpſit naturam humanam; unde quamvis eſſet verum dicere non ſolum, quod aſſumpſerit humanitatem, ſed etiam, quod aſſumpſerit hominem, de quibus agemus inſiã; tamen non eſt verum dicere, quod aſſumpſerit Deum.

CONCLUSIO TERTIA.

Hæc propoſitio homo factus eſt Deus, ex rigore ſermoni: eſt ſimpliciter vera; ea tamen parciùs, ac nonniſi adhibita cautione, utendum eſt.

Probatur prima pars illis Scripturæ textibus, quibus Chriſtus dicitur factus Filius Dei. Sic ad Rom. 1. *De Filio ſuo, qui factus eſt ei ex ſemine David ſecundum carnem:* ſed Chriſtus ſecundum quod homo, eſt ex ſemine David ſecundum carnem: ergo ſecundum quod homo, factus eſt Filius Dei: igitur iſta propoſitio, *homo factus eſt Deus*, poſteſt eſſe vera ex rigore ſermonis.

Probatur etiam authoritate Ss. Patrum, apud quos hæc loquendi formula eſt frequens, & familiaris. Sic Greg. Nazianzenus orat. 35. *Hic homo*, inquit, *Deus eſſectus eſt, poſtquam cum Deo coaluit:* Similiter S. Auguſtinus 1. de Trinitate 13. *Talis fuit illa unio*, inquit, *ut Deum faceret hominem, & hominem Deum.* Item S. Damascenus lib. 3. c. 11. *Verbum*, inquit, *caro eſt factum, & caro Verbum, & Deus homo, & homo Deus.* Athanaſius lib. de humana natura ſuſcepta: *Iſte ipſe Deus*, inquit, *factus eſt caro, ut caro eius ſeret Deus Verbum.* Et Maximus martyr in Centuria prima Theologicorum caput. 62. *Certa*, inquit, *fiducia ſperande deſicationis natura hominum, eſt Dei incarnatio, quæ in tantum hominem Deum fecit, in quantum ipſe homo factus eſt.* Etenim, qui circa peccatum homo factus eſt, plane circa mutationem in Deitatem, naturam noſtram deſicavit, ac tantum propter ſe illam evellet, quantum propter hominem ſeſe dimiſit. Quibus perinde ſignificat Deum factum hominem, atque hominem eſſe Deum factum.

Hæc autem omnia eleganter confirmat S. Auguſtinus ſerm. 15. de Nativitate Domini cap. 2. ubi utrumque defendit, & Filium Dei factum eſſe filium hominis, & filium hominis eſſe factum Filium Dei: atque aliter ſentientes reſciſcit: *Non ergo vobis ſubrepat*, inquit, *quorundam ſententia minus attentorum in regulam fidei: & in Scripturarum divina.*

vinarum oracula. Dicunt enim: Qui filius est hominis, factus est Filius Dei: qui verò Filius Dei, non est factus filius hominis. Hoc ut dicerent, quod verum est, attenderunt, sed verum eloqui non valuerunt. Quid enim attenderunt, nisi quia humana natura potuit in melius commutari, in deterius autem divina non potuit? Hoc verum est, sed etiam sic, id est, nequaquam in deterius Divinitate mutata, Verbum tamen caro factum est. Mox veram illis fidei regulam opponit. Quis enim Christianus negat, ex illa femina filium hominis natum, sed tamen Deum hominem factum, & ita hominem Deum factum? Ergo, & homo factus Deus dicitur, & quod idem est, in melius commutatus.

Probat conclusionem Doctor. Illud simpliciter dicitur factum, quod per actionem alicujus agentis fit tale; prius autem tale non erat: sed homo per actionem Trinitatis fit Deus, propter suam unionem hypostaticam cum Deo: ergo verè, & simpliciter dici potest, quod homo factus sit Deus. Deinde ratione solius unionis, quia Deus unitus est homini, Deus dicitur factus homo: ergo ratione ejusdem unionis dici debet, homo factus est Deus, quia non minus homo unitus est Deo, quam Deus homini. Denique, si quæ sit ratio, obquam ejusmodi propositio non debeat admitti, maxime quia homo supponit pro supposito, falsum est autem suppositum Christi esse factum Deum; vel etiam, quia participium illud factus, non dicit effectiorem simpliciter, sed effectiorem talem, quam præcedere debet illud, quod dicitur taliter fieri: sed istæ rationes nullæ sunt; nam homo hic non supponit pro supposito, sed duntaxat pro humanitate singulari: neque illud, quod fieri dicitur tale, necessarii debet præcedere tempore effectiorem talem, sed sufficit si præcedat natura, habeatque suam existentiam prius natura, quam accipiat talem denominationem: Certum est autem, quod humanitas Christi saltem prius natura existat, quam uniatu Verbo, & consequenter prius natura, quam fiat Deus: igitur nihil officit, quominus vera sit illa propositio, *homo factus est Deus*.

Obijciens primò: S. Cyrillum libro adversus Antropomorphitas cap. 22. ubi ait: *Neque enim, ut quidam volunt, homo Deus effectus est.* Item S. Damascenum lib. 3. cap. 2. cum scripisset eodem momento, ac simul existisse carnem Christi, & Verbi pro-

priam fuisse, inde concludit sic: *Quare non hominem Deum factum dicimus, sed Deum inhumanatum.* Et Fulgentium libro de Incarnatione cap. 10. *Neque ipsa caro, id est ipse homo, in se formam Dei viventis accepit, sed Deus, qui in forma Dei erat, formam servi accepit.*

Responderi potest has, & similes sanctorum Patrum sententias solum repudiare sensum, qui Nestorio placebat, nempe, quod antequam humanitas Christi assumpta esset à Verbo, iam subsistens erat, & perfectus homo. Quem utique sensum, ut hæreticum repudiamus; undè merito Petrus Diaconus lib. de Incarnatione cap. 5. ajebat: *Secundum hanc ergo Proposita sententiam, Deus factus est Christus, non autem Christus factus est Deus, sicut dicunt hæretici, qui per præcedum, non per naturam, Christum Deum audent asserere, &c.* Igitur negant SS. Patres Christum factum fuisse Deum consensu, quo affirmabant Nestoriani, quasi prius homo existisset, ac deinde progressionem quadam ad Divinitatis consortium merito virtutum suarum fuerit effectus.

Verum quanquam hæc secundum sermonis rigorem vera esse possint, nihilominus quoniam hæc loquendi formula aridire posset novis Nestorianis; ideo, ut fere secunda pars conclusionis, ea cum cautela utendum est: Et satis dicendum arbitror cum seraphico Doctore in 3. dist. 7. qu. 3. quod prædicta locutio, qua dicitur: *homo factus est Deus*, distingui debet per hunc modum, quo distincta est prædicta: *Deus est factus homo*, ex eo quod res hujus participii factus, poni potest circa totum, vel circa prædicatum, vel circa utrumque extremum. In primo sensu locutio est vera, & est sensus *homo factus est Deus*, id est, factum est, ut homo esset Deus: & hoc quidem verum est. Si autem determinat prædicatum, sensus est: *homo est Deus, qui factus est*: & hoc quidem falsum est: si autem cadat circa utrumque extremum, & dicat ordinem subiecti ad prædicatum, tunc est sensus: *homo factus est Deus*, id est, qui prius erat homo, factus est Deus posterius: & hoc quidem adhuc falsum est: quia esse hominem nunquam antecessit in illo supposito esse Deum, nec divinum esse aliquatenus inchoatur. Et sic patet, quod si ista locutio aliquo modo posset concedi in pri-

„ primo sensu: in duobus tamen aliis concedi non potest, nec debet: *homo factus est Deus*. Unde hæc magis est impropria; *homo factus est Deus*, quam hæc: *Deus factus est homo*, & rarius invenitur scripta. Si tamen alicubi legatur, vel inveniat, tunc secundum primum sensum est accipienda.

QUÆSTIO TERTIA.

An hec propositio sit vera, Christus est Creatura.

Notandum primò, ex Doctore subtili in 3. dist. 11. qu. 1. nu. 6. creationem sumi duobus modis: *Primò* quidem, proprie, & strictè: *Secundò*, minùs proprie, & universalis. Et quidem secundum hanc acceptionem habere duplicem respectum: Unum quidem ad causam efficientem, à qua producit; alterum autem ex nihilo sui, quod supponit. *Creatio proprie sumpta* respicit solum Deum tanquam causam efficientem excludendo quancumque aliam: respicit etiam purum nihil, quod supponit, & ex quo producit simpliciter. *Creatio verò generalius, & minùs proprie sumpta*, dicit quidem habitudinem ad primam causam efficientem, non ut immediatè, & solam producentem, nec excludendo consortium alterius causæ. Dicit etiam ordinem ad non esse sui; non quidem simpliciter, sed secundum quid, nempe ad formam expellendam per adventum illius formæ, quæ producenda est. Et hoc modo sumpta creatione, omnia alia entia, præter Deum, dicuntur creari, quia suum recipiunt esse à primo efficiente; & licet etiam producantur à causis secundis, attamen, inquit Doctor, non dicuntur aliarum causarum creaturæ; quia creatura quocumque modo sumatur, nunquam dicit relationem, ut sic, ad causam secundam. Priori autem genere creationis, *solummodò Angeli*, inquit ibidem Doctor, *& anima intellectiva, & gratia, & quedam huiusmodi, quæ de nihilo produciuntur, à primo efficiente dicuntur creari*.

Certum est autem, quod sumendo creationem proprie, & in stricta sua acceptione, Christus nullatenus dici possit creatura, etiam ut homo. Cujus veritatis rationem hæc profert Doctor, quod creatura hoc modo sumpta, respicit solum Deum, tanquam causam efficientem, & tanquam

principium, à quo producit: sed Christus, etiam ut homo, non habet solum hos respectus; siquidem dicit etiam habitudinem ad alias causas efficientes; Christi enim humanitas non à solo primo efficiente producta est immediatè in esse, sed etiam à beata Virgine, quæ aliquam causalitatem habuit respectu ad ejus productionem: non habuit etiam respectum ad purum nihil, à quo tanquam à termino produceretur; habebat enim præjacentem materiam, scilicet materiam corporis, quæ transformabatur à forma sanguinis, ad formam corporis organici animati. Difficultas autem est, an Christus secundo modo creationis dici possit creatura, idque vel simpliciter, & sine additamento; vel cum additamento, & determinatione, nempe quatenus homo.

Notandum secundò, ex eodem Doctore ibidem qu. 2. n. 4. has dictiones, *in quantum, quatenus, secundum quid*, & similes, intelligi posse duobus modis, scilicet reduplicativè, & specificativè. *Reduplicativè* quidem, quando absolute significant prædicatum inherere toti subjecto, & assignant causam aliquam ejusmodi inhaerentiae, seu conjunctionis prædicati cum subjecto, ut in hac propositione, Homo in quantum animal est sensitivus, in quo prædicatum, *sensitivus*, significatur inesse toti subjecto nempe homini; notatur etiam causa, propter quam in sit, nempe quia homo est animal. *Specificativè* sumuntur, quando distrahunt, vel saltem possunt distrahere prædicatum in ordine ad subjectum, vel subjectum in ordine ad prædicatum, ut in hoc exemplo: *Æthiops, secundum quod habet dentes, est albus*; in quo significatur albedinem non inesse toti subjecto absolute, imò prædicatum istud *albus*, distrahit à toto subjecto, & limitatur ad aliquam ejus partem, scilicet ad dentes Æthiopis. Nec est, quod dicat Vasquez disp. 66. cap. 10. particulas istas, *in quantum, & secundum quid*, non sumi reduplicativè, quando repetitur idem subjectum, idque esse falsum in omni Schola, & secundum omnes Scholasticos: turpiter enim ipsemet hæc asserendo fallitur, siquidem in præsentia materia sanctus Thomas, & S. Bonaventura, ac subtilis Doctor concedunt hanc propositionem, *Christus, in quantum homo, est creatura*, habere posse sensum reduplicativum, illi autem Doctores longè melius noverunt, quam Vasquez, quis sit sensus reduplicativus.

Notandum tertio, quòd cum propositio aliqua est falsa ex repugnantia terminorum, seu extremorum, quacumque determinatione, vel reduplicatione posita, quæ non tollit repugnantiam eorum, non tollit etiam rationem falsitatis illius propositionis, quia manente causa, manent etiam effectus: repugnantia autem extremorum est causa falsitatis propositionis, quare manente repugnantia, etiam manet falsitas ejusdem propositionis; reduplicatio autem non habet vim tollendi repugnantiam extremorum propositionis falsæ absolute, quia illa nihil distrahit, nec addit extremis: specificatio autem habet vim tollendi repugnantiam extremorum, & consequenter solvendi falsitatem propositionis; quia vel addit, vel distrahit, seu diminuit aliquid ab extremis, ratione ejus distinctionis, propositio, quæ erat antea falsa sine additione, vel distractione, jam fiat vera per illam additionem, vel distractionem.

CONCLUSIO PRIMA.

Non est improbable hanc propositionem, Christus est creatura, sine ullo additamento, & propter solam communicationem idiomatum, esse veram de rigore sermonis: nihilominus vitanda est propter periculum erroris Arianorum: Ita S. Thomas, ut eum exponit Cajetanus 3. part. quæst. 16. art. 8. & subtilis Doctor, consentire videtur qu. 1. nu. 7. ubi cum exposuisset opinionem Varronis hoc ipsum affirmantis, illam non impugnât, ut præcedentes opiniones, sed solum addit: Cui ista opinio non placet, potest dicere ipsam esse falsam propter istas rationes, &c. Quibus, saltem tacite, illam sententiam sustineri posse admittit. Probatum autem conclusio: Primo quidem autoritate SS. Patrum, tam Græcorum, quam Latinorum, qui Christum creaturam, & creatum appellant. Siquidem ex Græcis S. Greg. Nazianzenus orat. 38. quæ est de Nativitate Christi, ait: O novam mixturem! ô mirandam temperationem! qui est, fit; & qui creatus non est, creatur. Idem docet Greg. Nyssenus serm. 13. in Cantica: Increatum dicimus Verbum, inquit, quòd initio rerum exsistebat, creatum autem illud dicimus, quia caro factus est, &c. Subscribit S. Cyrillus lib. 10. Thesauri cap. 4. ubi hæc habet, Nam cum ipse natura increatus sit, & omnium Dominus, & creator, creatura etiam factus

primus invenitur inter homines, quos assumpta humana natura reformavit: Similiter Sophronius in illa epistola, quæ habetur in sexta Synodo actione 11. sæpe vocat Christum creatum, & increatum.

Ex Latinis vero S. Hilarius lib. 12. de Trinitate; ubi licet contendat contra Arianos Christum non esse creaturam ratione communicationis idiomatum, aperte concedit Christum posse dici creaturam: Filius itaque suus est, inquit, qui est in homine, & ex homine factura, neque tantum factura, sed etiam creatura. Subscribit S. Ambrosius in Psalm. 118. serm. 3. Non veror, inquit, ne quis dicat: Creatum ergo Christum asseris? Respondet, ita creatum dico, quemadmodum factum sub lege, hoc est, factum ex muliere, factum sub lege. Adipiscitur S. Hieronymus in 2. cap. ad Ephes. Nos, inquit, libere proclamamus non esse periculum eum dicere creaturam, quem vermem, & hominem, & crucifixum, & maledictionem tota spei nostræ fiducia confitemur. S. Leo serm. 3. Pentecostes: Si homo, inquit, ad imaginem Dei factus legem Dei servasset, Creator hominum creatura non fieret. Tandem, ut ceteros præteream, rem istam aperte docet S. Gregorius lib. 3. Moral. cap. 29. ubi ait: Redemptor noster, quia Divinitatis ejus status capi ab humana mente non potuit, hunc se nobis, ad nos veniens, creatus, natus, mortuus ... quasi transiendo monstravit. Quibus docet non plus esse periculi Christum dicere creatum, quam natum, & mortuum.

Suadetur etiam ratione: Prima quidem, quia non videtur majus periculum Christum appellare creaturam, quam tribuere illi proprietates, quæ eandem imperfectionem redolent, & includunt, ut esse mortalem, passibilem, finitum, &c. sed hæc tribuuntur Christo: ergo etiam creaturæ appellatio ipsi potest attribui. Deinde, Non plus repugnat Christo incipere esse post non esse, quam desinere esse: quia utrumque æquæ repugnat eternitati: sed de Christo proprie, & de rigore sermonis dicitur, quòd desierit esse, alioqui verè non diceretur mortuus: igitur similiter dici potest, quòd inceperit esse post non esse, & consequenter, quòd sit creatura. Præterea esse creaturam est de essentia hominis, quia homo essentialiter est ens dependens, & finitum, sed omnia, quæ sunt de essentia hominis, dicuntur de Christo: ergo pariter de eo dici potest, quòd sit creatura. Denique, si negetur ille

Christi.

Christo, quod sit creatura, maxime quia illa appellatio repugnat Verbo, & naturæ divinæ: sed hæc ratio nulla est, quia licet repugnet naturæ humanæ assumptæ esse Creatorcm, aut æternam, tamen non obstante illa repugnantia, verè dicitur de Christo, quod sit Creator, & quod sit æternus: ergo pari ratione negari non debet absolute quin sit creatura, cum utrobique sit par ratio.

CONCLUSIO SECUNDA.

Probabilius est, & verius (etiam præciso periculo scandali, & erroris) Christum non esse simpliciter creaturam appellandum. Ita subtilis Doctor, ut colligere licet ex locis jam citatis: quanquam enim nil expressè circa hanc sententiam definiat; tamen hanc ultimam conclusionem probabiliorcm iudicat; quidem solvit omnia fundamenta adversæ sententiæ, non verò huius: at S. Th. eam expressè docet lib. 4. contra gentes c. 4. Probatur autem conclusio à Doctore qu. 1. n. 9. Primò quia ad hoc, ut aliquid dicatur creatura sine ulla determinatione, debet accepisse suum primum esse, vel totale, vel parziale post non esse: sed Christus neutrum accepit post non esse; non quidem esse totale; quippe nullum tale esse habet propriè, aliàs sequeretur naturas in ipso esse permixtas eo modo, quo partes physice ad compositionem totius invicem miscentur: non etiam accepit primum esse parziale; quia illud est esse Verbi divini, quod est æternum.

Response: sufficere, quod creatio terminetur ad aliquod esse, licet illud non sit primum, ad hoc ut aliquid dicatur creatura. *Contra;* quia quoties prædicatum convenit formaliter parti minori, vel accidenti respectu subjecti, tunc non debet denominare simpliciter totum cuius est pars, vel subiectum, cuius est accidens; licet enim, v. g. esse album, competat dentibus Æthiopis, ex eo tamen non licet inferre totum Æthiopem esse album: similiter licet in Petro sit unica albedo, vel plures, non oportet propterea inferre Petrum esse unum, vel plures ratione unitatis, vel pluralitatis albedinis, quam habet. Unde cum ratio creaturæ conveniat minori parti, nempe dumtaxat humanitati ipsius Christi, non potest rectè totum Christum denominare creaturam.

Deinde esse creaturam, est unum ex præfatis Theol. Tom. VII.

dicatis transcendencibus naturæ humanæ; prædicata autem transcendencia non minus conveniunt supposito secundum se, quam naturæ: igitur si prædicatum illud conveniat Christo, non minus tribuetur ejus supposito, quam naturæ: sed falsum est, quod suppositum Christi dici possit creatura, aut creatum: ergo quantumvis conveniret naturæ humanæ, non propterea absolute deberet tribui Christo.

Unde ad fundamenta præcedentis conclusionis minus probabilis dico: *Primò*, SS. Patres esse intelligendos de creatione improprie dicta, quatenus scilicet creatio significat idem, quod *factura*, seu quid factum, quia reverè Christus factus est: *Vel* dico, quod loquuntur SS. Patres cum de determinatione; ita quod Christus dicatur creatura ratione humanitatis assumptæ, quæ secundum se verè, & propriè diceretur creatura, si hæc appellatio supposito Verbi, quo subsistit, quadrare posset, vel si illa proprium suppositum haberet, quia ex se habet quicquid necessum est, ut natura dicatur creata, secundum rationem naturæ.

Ad primam rationem respondeo cum Suarez dupliciter. *Primò* quidem attributa creaturarum reverè convenire Christo ratione naturæ creatæ, quando illa non includunt suppositum creatum, quod sit ex nihilo productum; & ideo ex illis attributis solum inferri potest Christum esse creaturam, non propriè, sed improprie; accipiendo nomen creationis, & creaturæ. *Response secundò* quædam esse prædicata creaturatum, quæ aperte cognoscuntur convenire Christo ratione dumtaxat naturæ humanæ, ut esse mortalem, & passibilem: de quibus non potest esse controversia inter Catholicos, & Nestorianos. Alia verò sunt prædicata, de quibus dubium esse potest, an tribuantur Christo ratione naturæ humanæ, an verò etiam ratione suppositi, de quibus maxime controversatur inter Catholicos, & Hæreticos, ut esse mutabilem, esse finitum, &c. quæ licet in proprietate, & rigore sermonis, dici possent de Christo ratione naturæ humanæ: attamen quoniam posset esse difficultas, an etiam hæc ipsi convenirent ratione suppositi, ideo rectè securius est, & cautius ab eis abstinere.

Ad secundam rationem dicit Doctor, non magis repugnare Christo incipere esse post non esse, quam desinere esse post esse, deti-

tionem scilicet opposita inceptioni, de qua loquimur, quæ nimirum fiat per annihilationem. Unde concedit, quod æquè repugnet Christo annihilari, ac creari; non tamen æquè repugnat mori, atque creari: quia mori denotat solummodo defitionem vivendi, non verò defitionem essendi simpliciter; creari verò significat inceptionem essendi simpliciter.

Ad tertiam rationem dico, quod esse creaturam in propria, & stricta acceptione, non sit de essentia hominis, sed tantum in latiori usurpatione nominis *creatura*, quia non est de essentia hominis, quod sit persona creata, sed tantum, quod per naturam creatam constituitur.

Ad ultimam denique rationem, respondet Doctor, quod magis repugnet Christo esse creaturam, quam Creatorem; quia esse creatorem convenit primo, & principali constitutivo Christi, nempe supposito Verbi, & naturæ divinæ; esse verò creaturam, convenit tantum esse Christi minus principali, nempe ejus humanitati. Cum autem hoc prædicatur, creatura, natum sit, & ordinetur ad denominandum non solum naturam, sed etiam suppositum: hæc verò denominatio creati repugnet supposito Verbi, quo Christus subsistit: idcirco toti Christo repugnat esse creaturam.

Dices insuper: De Christo prædicatur in quid, quod sit *homo*: igitur id, quod prædicatur, est aliquid creatum, vel increatum: sed non est increatum; aliqui dicendo, quod Christus est homo, idem esset, ac dicere; quod sit Deus: quod est absurdum: ergo est aliquid creatum; & consequenter esse creatum, seu esse creaturam, prædicatur de Christo simpliciter.

Negat consequentiam Doctor, quia quamvis *homo* prædicatur de Christo, & homo sit creatus, & creatura, non sequitur, quod Christus sit creatus, aut creatura; siquidem argumentum constat quatuor terminis, quia quando dicitur, quod Christus sit homo, tunc prædicatum *homo* accipitur in concreto, ut concernit suppositum: quando verò dicitur, quod homo sit creatura, accipitur *homo*, ut præcindit à supposito: homo autem in concreto, & homo in abstracto sunt duo termini: & præterea Christus est alius terminus, & etiam creatura est alius terminus: ergo sunt quatuor termini in illo argumento, & ideo non potest valere consequentia.

Respondet secundò distinguendo subsum-

ptum. Illud quod prædicatur, est aliquid creatum, quoad illud esse formale, quod dicit homo, concedo: quoad materiale, nego: Quando enim prædicatur de Christo, quod sit homo, prædicatum illud *homo* considerari potest, vel secundum suum esse formale, quatenus dumtaxat significat nostram naturam humanam; vel quoad esse materiale, nimirum quoad esse suppositi divini: non sequitur autem, quod quid dicitur de formali prædicato alicujus prædicati, possit dici simpliciter de subiecto ejusdem; non enim rectè quis diceret de pariete, qui est albus, quod sit color, aut qualitas; licet hoc dici posset de albedine, quæ formaliter significatur per album. Similiter non possum dicere de Petro, quod sit tota essentia hominis, quamvis possem dicere de humanitate significata per *ly homo*, quod potest prædicari de Petro: igitur à pari, non possum dicere de Christo, quod sit creatura, licet id possit prædicari de humanitate, quam significat formaliter *ly homo*, quod de Christo prædicatur.

Urgebis: Christus est homo: aut ergo increatus homo, aut creatus: non increatus, quia aliàs homo esset æternus, omne enim increatum æternum est: ergo est creatus; & consequenter de eo dici potest, quod sit creatus, aut creatura.

Respondet Doctor negando ultimam consequentiam, quia argumentum procedit à dicto secundum quid ad dictum simpliciter: sicut procederet in hoc argumento: *Petrus est factus albus*; ergo *est factus*; nam quando dicitur, quod Petrus sit factus albus, prædicatum *albus* distrahit significationem, quam haberet *factus*, si simpliciter, & line addito diceretur, Petrus est factus: sic enim significaret, quod Petrus esset factus simpliciter: ita etiam *homo* in hac propositione, Christus est creatus homo, distrahit significationem, quam haberet *ly creatus*, si simpliciter diceretur de Christo, & esset, ut significet tantum, quod Christus acceperit esse hominis; non verò quod acceperit esse creaturam simpliciter, sicut reverà significaretur, si diceretur, quod esset creatus absolute addito.

Respondet secundò distinguendo majorem assumpti: Ergo increatus homo, aut creatus: quantum ad formale, vel materiale, quod dicit homo, concedo: quoad utrumque

que verò simul, nego. Nam materiale illius prædicati, nempe suppositum, est increatum; formale verò nempe humanitas, est quid creatum; unde quoad utrumque simul, neque est creatum tantum, neque increatum tantum.

Dices tandem, Christus ratione corporis est conceptus, seu dicitur conceptus ex eo, quod ipse corpus sit conceptum: ergo pari ratione dicitur creatus, ex eo, quod ipse anima sit creata. Consequentia patet: quia totum non minus debet denominari à proprietate partis imperfectioris, quam perfectioris: igitur cum anima præstet corpore, Christus magis denominari debet à proprietatibus animæ, quam corporis.

Negat consequentiam Doctores, & ejus probationem distinguit: Totum non magis denominari debet à proprietate partis imperfectioris, quam perfectioris, quando nihil obest, concedit: quando aliquid impedit, negat. In proposito autem aliquid obest; tum quia esse conceptum, non significat, quod primum esse rei, quæ dicitur concepta, accipiat post non esse simpliciter sui ipsius, sicut istud significat esse creatum; tum quia esse conceptum, dicitur de supposito ratione naturæ tantum, nec per se, & immediate prædicari debet de supposito; esse verò creatum, convenit supposito ratione sui immediatæ, non minus, quam convenit naturæ; unde non debet dici de supposito, nisi suppositum istud sit revera creatum, quæ certè Christi supposito non competunt.

CONCLUSIO TERTIA.

SI hæc propositio, Christus quatenus homo est creatura, sumatur reduplicativè, est apertè falsa; secus verò si sumatur specificativè. Hæc conclusio duas habet partes: quarum probatur prima: Reduplicatio nunquam tollit repugnantiam extremorum, quia neque addit, neque demit aliquid ab extremis, sed proprium munus ejus est denotare causam conjunctionis extremorum, seu adhesionis prædicati cum subiecto: ergo ista propositio, quæ ante reduplicationem erat falsa, ut diximus in præcedenti conclusione, per illam reduplicationem non potest fieri vera. Hoc apertè docet S. Epiphanius impugnando hæresim Arianorum, quæ est 59. ubi latissime disputat contra Arianos Filium Dei non esse creaturam

appellandam: quamvis enim de eo, quæ Deus est, potissimum contendat: tamen his argumentis utitur, quæ ad Christum ex toto pertinere videntur, & universè adstruit nihil creati in Christo reperiri etiam, quæ homo est, Equid, ait, prædesse nobis creatura posset, aut ad salutem hominum conferret, vel ad divini Verbi Incarnati gloriam, Divinitatemque perfectam: Quid, inquam, nobis profuerit, si creaturam hominum dixerimus? Quid est, in quo creatum aliquid creatis prædesse, aut utilitatem offerre posset? Ad hæc quomodo Deus Deum creavit, & adorandum proposuit, cum ipsemet dixerit, Non facies tibi similitudinem ullam, neque in terra, neque in celo, neque adorabis illam: quomodo igitur sibi filium creavit, adorareque jussit præsertim cum Apostolus dicat, & servierunt creaturæ potius, quam Creatori, & stulti facti sunt. Stultum enim est creaturæ Divinitatem tribuere, ac primum legis violare mandatum: Dominum Deum unum adorabis, & illi soli servies. Propterea (anxia Dei Ecclesiæ creaturam non adorant, sed Filium genitum, Patrem in Filio, Patris vim in Spiritu sancto.

Hic Epiphanius videtur admittere, inquit Petavius, nulla ratione Filium Dei creaturam oportere dici, ne ut hominem quidem. Nam argumenta, quæ assert, generatim hoc probant, & creaturæ nomen alienum esse contendit ad Incarnati Verbi gloria. Tum nihil creaturam creaturis prædesse dicit, aut in eis operari: Christus autem homo plurimum, & contulit generi humano, & in eo est operatus. Adorari quoque creaturam, dum negat, Christum hominem non esse creaturam indicat: quippe quem adorare fas sit pro indiviso, Deum simul, & hominem; ut suo loco dicturi sumus.

*Probatur secunda pars: Specificatio habet vim reddendi propositionem veram, quæ antea falsa erat. Ratio est, quia addendo, vel diminuendo aliquid ab extremis, jam tollit repugnantiam illorum, ut in hoc exemplo, propositio illa, *Æthiops est albus*, absolute est in se falsa; efficitur autem vera per hanc specificationem, *Æthiops secundum quod habet dentes, est albus*, quia ejusmodi specificatio restringit subiectum, seu assignat aliquam ejus partem, in qua sit albedo, seu hoc distrahit prædicatum à toto subiecto; & illud limitat ad illam partem subiecti, quæ capax est recipiendi albedinis, nempe ad dentes; ita in proposito, propositio hæc, *Christus est creatura*, in se absolute est falsa; sed reddi-*

tur vera per hanc specificationem. Christus in quantum homo est creatura, quia illa specificatio denotat partem, vel quasi partem hujus subiecti, id est Christum secundum humanitatem, ad quam limitat prædicatum *creatura*. Quod certe non satis maturè Vafquez, in 3. par. d. 66. cap. 2. dixit Doctorem subtilem non ponderasse; nam ille non advertit scotum ponderasse particulam illam sumptam specificativè, scilicet *in quantum*, efficere verum propositionem; si licet sumpta reduplicativè relinquat illam falsam, siantea ex repugnantia terminorum falsa erat.

Obijciunt primò. Saltem ex dictis sequitur hanc propositionem esse absolutè veram: *Christus est creatura*. Probat quia ex Aristotele 5. I. physicorum textu commentarij 1. *Quod convenit toti secundum partem, illud dicitur de toto*, sed v. g. totus homo sanatur, quia thorax sanatur: ergo cum naturæ humanæ conveniat esse creaturam, sic dicitur de Christo, & maxime cum determinatione illius naturæ, seu in quantum est homo: ergo simpliciter dicitur, quòd Christus est creatura secundum quòd homo, sicut simpliciter verum est dicere, quòd homo sanatur secundum thoracem.

Respondet Doctor negando consequentiam, & ad probationem dico, quòd quando opposita possunt inesse alicui toti per diversas partes, neutrum oppositorum denominat totum ex vi sermonis. Patet exemplo scuti, cujus si altera pars sit alba, & alia medietas nigra, falsum erit dicere, scutum esse, vel album, vel nigrum simpliciter: quando verò aliquod prædicatum natum est inesse toti per aliquam partem determinatam; quia scilicet illi parti præcisè inest, tunc ex hoc quòd denominat partem, sequitur quòd denominat totum; quemadmodum visio, v. g. nata est inesse animali secundum oculos, & ideo si secundum oculos insit de virtute sermonis, inest toti. Sic intelligi debet Aristoteles, quia enim thorax seu cor est id, cui primò convenit sanitas, ideo si homo dicatur sanus secundum thoracem, simpliciter, dici poterit sanus. Applicando hæc ad propositum dicit esse creaturam, non posse denominari de toto, non quia dumtaxat oppositum æquè possit inesse Christo, atque istud prædicatum, putà esse Creatorem: sed quia, ut dictum est, nec principaliori parti, nec primo esse totius istud prædicatum convenit.

Petens primò, an verè, & propriè dici possit, quòd Christus *D. incepit esse*.

Respondet, quòd etsi secundum rigorem sermonis hæc possit esse vera simpliciter, tamen in sensu reduplicativo apparet falsa, quippe significat Christum habuisse initium durationis, quòd absolutè falsum est; qui enim dicitur habuisse initium durationis simpliciter, concipitur etiam habuisse illud initium secundum suum suppositum, quòd falsum est.

Nec obstat, quòd *incipere esse*, conveniat humanæ naturæ, quæ per hoc nomen *homo* significatur: quia terminus in subiecto positus per reduplicationem non supponit formaliter pro natura humana, quæ incepit, sed magis materialiter pro supposito, nisi sumatur in sensu specificativo, quò prædicatum incepit esse; distringat à supposito, & dumtaxat enuntietur de humanitate seorsum sumpta, quò sensu intelligendi sunt SS. Patres, qui cum S. Augustino Epist. 105. fatentur Christum habuisse initium; ait enim S. ille Doctor: *Antequam mundus fieret, nec nos eramus, nec ipse Mediator Christus*.

Petens secundò, an hæc propositio sit Catholica, *Christus est homo Deifer*.

Respondet primò, ipsam probari à plurimis Patribus; maxime verò à S. Basilio, qui in Psalm. 45. ad hæc verba: *Sanctificavit tabernaculum suum Altissimus*. hæc enarrat: *Foris de carne loquitur Deifera, quæ sanctificata est per conjunctionem cum Deo*: Et in Psalm. 40. enarrans hæc verba, *In Idumeam extendam calcamentum meum*, ait, *calcamentum Deitatis est Deifera caro, per quam in homine venit*. Similiter S. Maximus Martyr in expositione cap. 7. libri de celestibus Hierarchia, ubi S. Dionysius Thronos appellat Deiferam vim, disputat, quæ ratione sancti Patres carnem Salvatoris Deiferam nominant: *Atque caro, inquit, secundum substantiam, & hypostasim unita est Deo Verbo; ideo carnem gestare à Patribus ipse dicitur, & carnem induisse*. Quid igitur est absurdum, si illius carnis Deifera nominetur, tanquam Deum Verbum portans indissolubili unionione, adeò ut ipsius caro dicatur, & sit propriè, & ex rei veritate.

Respondet secundò hanc propositionem, ut hæreticam repudiari, ac damnari à nonnullis SS. Patribus. Sic illam proferibit S. Cyrillus, ut impurum, impiumque dictum Nestorii lib. 1. contra ipsum, & in Epistola de-

decretoria, quam cum anathematismis ad eundem Nestorium scripsit, quæ in Ephesina Synodo probata est, illius hæretici in illa proferenda voce *Dei*, mentem sic aperit: *Sed nec illud dicimus, habuisse Verbum, quod ab eo processit, in eo, qui a sancta Virgine genitus est, tanquam in vulgari homine: ne Dei* homo intelligatur esse Christus. Similiter S. Joan. Damascenus lib. 3. cap. 12. eundem hæreticum exagitat his verbis: *Nestorius Deo inuisus, eum, quem Virgo peperit, Deiserum appellare superbe est ausus; nos autem absque, ut Deiserum ipsum dicamus, aut cogitemus, quin potius incarnatum Deum.*

Non solum autem Catholici Doctores, sed etiam hæretici, putâ Apollinaristæ illam vocem respuerunt; refert enim S. Greg. Nazianzenus Epistola 52. quæ est secunda ad Cledonium, quod Apollinaris prohibebat Christum appellari *hominem Deiserum*, sed potius *Deum carnisferum*, vel *Deum hominiferum*: At longè alio sensu à Doctoribus Catholicis illam vocem improbabat, ut potè qui Christum negare esse hominem; et nihil præter carnem assumptum putaret.

Igitur illa vox omnino repudianda est eo sensu, quo Nestoriani illam usurpabant: nihilominus sine ullo pietatis Catholicæ detrimto usurpata fuit à SS. Patribus ante subortam hæresim Nestorianorum, ut significarent, quod Christi humanitas erat Deifera, non quod Deum portaret, quasi aliquod onus, & extraneum, sed suum, ac proprium, hoc est, intimè, & personalièr conjunctum, & eundem hypostaticè secum factum, ut supra explicat sanctus Maximus.

Peter tertio, utrum Christus rectè possit appellari *homo Dominicus*.

Respondet primò, appellationem illam placuisse plurimis SS. Patribus: nam S. Athanasius in expositione fidei iterò Christum appellat *hominem dominicum*. Similiter S. Epiphanius in Ancorato. Sic, inquit, in carne passus est Christus, in ipso, inquam, homine Dominico, quem ipsemet effinxit à celo veniens sanctus, Deus, & Verbum. Utus est etiam eadem appellatione pluribi S. Augustinus, maxime lib. 83. quæstionum, quæst. 36. ubi ait; *Hic præstantissimum illud, & unicum exemplum Domini hominis proponendum est*. Memorabilis etiam est de hac locutionis formula locus apud Rufinum in appendice apologiz pro Origene, quam no-

mine Pamphili Martyris edidit, ubi hæc narrat, Damascus, inquit, Episcopus, cum de recipiendis Apollinaristis deliberatio haberetur, editionem Ecclesiasticæ fidei, cui eidem editioni, si Ecclesiæ jungi velint, subscribere deberent, conscribendam mandavit cuidam amico suo Presbytero viro discretissimo, qui hoc illi ex more negotium procurabat. Necesse fuit visum est distanti in ipsa editione de Incarnatione Domini *hominem dominicum* dici. Offensi sunt in hoc sermone Apollinaristæ, novitatem sermonis incurtare ceperunt: adesse sibi cepit, qui distaverat, & ex autoritate vera Scriptorum Catholicorum virorum, consutare eos, qui impugnabant. Accidit, ut, & uni ex ipsis, qui novitatem sermonis causabantur, ostenderet in libello Athanasii Episcopi scriptum esse Sermonem, de quo quæstio dicebatur. Quasi tuas jam ille, cui probatum fuerat, rogavit dari sibi codicem, quo, & aliis ignorantibus, & contradicentibus, satisfaceret. Accepit codice, inauditum excogitavit adulterationis genus, locum ipsum, in quo sermo iste scriptus erat, rasit, & ipsum sermonem rursus rescripsit, quem raserat, codex redditus simpliciter receptus est. Movetur iterum pro eodem sermone quæstio: ad probationem codex profertur: invenitur sermo, de quo erat quæstio, ex litura in codice positus: fides proferenti talem codicem derogatur, cò, quod litura illa corruptionis, & falsitatis videretur indicium. Sed quoniam (ut iterum eadem dicam) viventi hæc facta sunt à vivente, continuo egit omnia, ut fraus commissi sceleris nudaretur, ac nequitis macula non innocenti viro, qui nihil tale gesserat, adhereret, sed in Auctorem facti, atque in uberiorem ejus infamiam redundaret.

Verum S. Hieronymus, qui in lib. 2. Apologie contra Rufinum narrationem istam ridendo repudiat, etiam dictum illud improbat, quod prius etiam improbaverat S. Gregorius Nazianzenus, qui Apollinaristas Christum *hominem dominicum* appellantes, ita suggillat in epistola 51. quæ est prima ad Cledonium: *Ne homines, inquit, isti decipiant, neque porro decipiamur, asserentes mentis expertem hominem dominicum, ut ipsi vocant, vel potius Dominum, ac Deum nostrum; non enim hominem è Deitate disjungimus*, sed

sed unum, & eundem profitemur. Præcipuum autem ad illam repudiandam dictionem momentum esse videtur S. Augustini autoritas, qui in 1. lib. Retractionum, cap. 19. semetipsum castigans, & priorem sermonem emendans ait: *Non video utrum rectè dicatur homo dominicus, qui est mediator Dei, & hominum homo Christus Iesus, cum sit utique Dominus. Dominicus autem homo, quis in ejus sancta familia non potest dici? & hoc quidem, ut dicerem apud quosdam legi Traditores Catholicos divinarum eloquiorum, sed ubicunque hoc dixi, dixisse me nollem; Possèa quippe videri non esse dicendum, quamvis nonnulla possit ratione defendi.*

Quibus verbis S. Augustinus unicam illiusdamnamque locutionis affert rationem, quòd Iesus Christus non sit homo dominicus, quia totus, & integer spectatus reverà homo dominicus est, ut sic enim utramque naturam signat, sive Deum, & hominem. Probari tamen posset illa locutio eo sensu, quòd Dominicus diceretur ab humanitate considerata in abstracto, quæ sic spectata non est Dominus, sed pertinet ad Dominum. Non est autem idcirco apud SS. Patres humanitatem Christi hominem dici, & pro simplicibus, vel abstractis complexa nomina in usum adhiberi. Non me latet S. Thomam in 3. parr. qu. 16. art. 3. locutionem istam *homo dominicus* improbare hoc argumento: *Quod, inquit, cum dicitur homo Christus Iesus, designatur suppositum æternum, & quòd est persona Filii Dei. De persona autem Filii Dei prædicatur, & Dominus essentialiter, & ideo non debet prædicari denominativè, quia hoc derogat veritati unionis.* Sed qui hominem dominicum dixerunt, non personam aliquam sub vocabulo *hominis* intellexerunt: quin potius naturam ipsam à Domino assumptam, & in communi consuetudine loquendi tam enucleata, & exacta vocum proprietate observari solet, ut ad Dialecticorum, vel Philosophorum trutinam exigantur.

ARTICULUS SECUNDUS.

De præcellentius Christi Domini.

Christum omnibus divinis charismatibus repletum, eximisque dotibus, quas Læus homini concedere potest illustratum, tunc fidelium est, qui in dubium revocet:

cum enim in ipso habitat plenitudo Divinitatis corporaliter, ut loquitur Apostolus, intimumque, ac personale cum divinitate commercium ipsius humanitas habeat, certissimum est, quòd ipse Deus totius excellentiæ, bonique Oceanus in Christi Domini humanitatem uberimè quidquid perfectionis est derivaverit. Non est tamen insituri præsentis ratio omnes illas hic recensere, & examinare divinas Christi dotes, ac præcellentias, sed dumtaxat discutere tres præcipuas, ad quas ceteræ tanquam ad fontem, & scaturiginem revocantur. Sunt autem *Gratiæ, Virtutes, & Scientiæ*, quibus mirum in modum ornatus Christus gloria, ac honore coronatus extitit. De quibus sigillatim agendum est in præsentis articulo tribus in sequentibus Sectionibus.

SECTIO PRIMA.

De gratia Christi.

Quadruplicem in Christo gratiam agnoscunt, & communiter distinguunt Theologi, nimirum gratiam unionis ad Verbum, quæ substantialis appellatur: gratiam habituales, seu sanctificantem: gratias gratis datas, & gratiam capitis. *Gratia unionis* est ipsamet unio hypostatica, quæ ea ratione dicitur gratia, quia præter ullum debitum, & humanæ naturæ meritum concessa est ipsi humanitati assumptæ à Verbo. *Gratia habitualis*, est habitus supernaturalis à Deo creatus, & infusus in anima, quo illa sanctificatur, & Deo efficitur grata. *Gratiæ gratis datæ*, sunt illa dona supernaturalia, quibus Christus illustratus est ad debitè implendum munus Legislatoris, & Redemptoris. *Gratia denique capitis*, est ipsamet gratia habitualis Christi Domini, quatenus in illo existens, est principium sanctificandi alios, nempe Angelos, & homines, quorum est caput. Quod utique quadruplex genus gratiæ declarat S. Joannes 1. cap. Gratiam quidem unionis cum ait: *Verbum caro factum est, & habitavit in nobis*: gratiam autem sanctificantem, & gratis datam, cum ibidem de Christo dicit, *Vidimus eum plenum gratiæ, & veritatis*. Plenum, inquam, gratiæ, quia sanctificabatur, & veritatis, quia alios sanctificabat. Denique gratiam capitis, cum subdit, *De plenitudine ejus omnes nos accepimus*. De triplici prior gratiarum genere dumtaxat agendum est in præsentis sectione:

nam

nam de gratia capitiserit sermo in Disputatione sequenti.

QUESTIO PRIM A.

Utrum humanitas Christi sanctificetur formaliter per gratiam Unionis, an verò requiratur aliquod donum ab ipsa unione distinctum.

Notandum primò, hic non esse rem, nem de justificatione, & sanctificatione à statu contrario, qua quis transit à statu peccati ad statum adoptionis filiorum Dei. Cum enim Christus Dominus nusquam peccaverit, ita nec sanctificari potuit hujusmodi sanctificatione, quæ fiat per transitum à statu peccati ad statum gratiæ: sed dumtaxat hic loquimur de justificatione, & sanctificatione à statu privato, qua quis transire potest à statu purorum naturalium ad statum gratiæ; qua utique sanctificatione oblique dubio Christus sanctificatus est: licet enim de facto nusquam sine gratia existerit, tamen certum est, quod ejus naturalia, prioritate saltem naturæ, præsupponi debuerint ad gratiam sanctificantem. Sed difficultas est per quid formaliter Christus dicatur sanctificatus, & justus.

Sciendum insuper, quod ad justificationem, tria desiderantur. *Primum*, quod per illam justificationem, & sanctificationem homo reddatur Deo gratus, & fiat objectum dilectionis divinæ, & ea recte ordinetur ad vitam æternam, & beatitudinem supernaturalem. *Secundum*, quod per illam fiat sanctus, & impollutus, non habens ullam peccati maculam. *Tertium* denique, quod dicatur *justus*, hoc est; jus renens ad vitam æternam, & justè se habeat in ordine ad Deum, seipsum, & proximum. Certum est autem, quod hæc tria fuerint in Christo Domino. Primò namque fuit à Deo dilectus; nam Pater æternus Matth. 3. testatur. *Hic est Filius meus dilectus, in quo mihi bene complacuit.* Item fuit omni sanctitate præditus, ut testatur Angelus Virginem alloquens Lucæ 1. *Quod enim nascetur ex te sanctum, vocabitur Filius Dei.* Quapropter prænunciatur à Daniele, ut *Sanctus sanctorum*. Tertiò denique fuit justus, hoc namque titulo promittitur à Prophetis, & ejus adventus postulatur à sanctissimis viris. Sic Isaïæ 45. *Nubes pluant justum, &c.* Sed controversitur

apud Theologos per quid hæc tria Christo conveniant, an videlicet per aliquod donum creatum gratuitum ipsius animæ infusum: an verò per ipsam gratiam unionis; ita quod sicut Christus erat subsistens formaliter per subsistentiam Verbi; sic etiam sanctificatus fuerit formaliter per ipsius Verbi sanctitatem.

Notandum secundò; Sanctitatem à S. Dionysio libro de divinis nominibus cap. 12. sic definiri: *Sanctitas est ab omni scelere libera, perfecta quoque, ac omni ex parte incontaminata puritas.* Quæ utique definitio convenit triplici sanctitati, quam in divinis distinguunt Theologi. Est enim in Deo sanctitas *essentialis*, quæ est propria ipsi divinæ essentia, quatenus hæc distinguitur formaliter à suis attributis, quæ etiam dicitur *radicalis*, quia essentia divina, cui competit, est radix attributorum, & eorum omnium, quæ illis conveniunt. *Secunda* potest appellari *sanctitas moralis*, seu formalis, quæ nihil aliud est, quam ipsamet divinæ voluntatis rectitudo in Deo tam in amando, quam in operando liberè ad extra. Nam conformatio affectus cum lege æterna est vera sanctitas; hinc est, quod omnia Dei opera dicuntur sancta, & justa. Dicitur autem *sanctitas moralis*, quia convenit actibus voluntatis divinæ, qui respectu objectorum ad extra sunt planè liberi. *Tertiatandem* potest appellari *transcendentalis*, quaquidquid ex propria sua ratione est divinum formaliter, etiam sanctum est: nam quidquid divinum est, maxime est purum, omnimode incontaminatum, & immune ab omni scelere, & inquinamento. Appellatur autem transcendentalis, sicut enim res, seu entitas, est aliquid transcendens, conveniens omnibus, quæ sunt in Deo, nihil enim in Deo est, quod non sit realiter aliquid divinum, & subinde quod non sit aliqua divina entitas, vel essentialis, vel attributalis, vel personalis: ita sanctitas illa, quæ ejusmodi entitati divinæ imbibitur, dicitur transcendentalis. Hinc est, quod cum personalitates divinæ secundum se, sint aliquid, & entitates reales, quatenus condistinguntur ab essentia divina, & attributis, hanc transcendentali sanctitatem sibi vendicant, & ideo hæc alio nomine rectè potest appellari *personalis*, ad distinctionem sanctitatis essentialis, & moralis.

Notandum tertio, in Verbo Incarnato hæc tria posse distinguui. *Primum* est Divinitas,

seu divina essentia. *Secundum* est propria subsistentia, seu ipsa Verbi personalitas, ut condistricta formaliter ab ipsa essentia divina. *Tertium* est unio personalis ipsius Verbi cum humanitate.

Hinc controversia est apud Theologos per quid horum Christi Domini humanitas reverà sanctificetur sanctitate substantiali. *Quidam* enim Thomistæ cum Vasquez disp. 41. volunt illam sanctitatem esse repetendam præcisè ab ipsa divinitate. *Nonnulli* cum Suarez d. 18. sect. 1. contendunt illam oriri ab ipso modo unionis, quem ipse Suarez putat esse aliquid substantiale. *Plurimi* è nostris docent illam sanctitatem personalem sicuti formaliter per ipsamet personalitatem Verbi unitam humanitati. Nos vero extremas inter has sententias mediocissimi ibimus, docentes sanctitatem substantialem Christi, neque ex sola unionis, neque ex Divinitate, aut personalitate Verbi scorsim, sed conjunctim esse mutandam. At quoniam nonnulli Theologi cum Paludano in 3. d. 3. q. 2. non aliam sanctitatem in Christo agnoscunt, quam quæ à gratia habituali petitur; & idcirco volunt gratiam illam sanctificantem, quam nos formaliter iustificamur, fuisse absolutè necessariam animæ Christi, ut esset sancta, & grata Deo; prius resolvendum est, an anima Christi Domini, seclusa omni alia gratia, tam actuali, quam habituali, fuerit vi unionis hypostaticæ, singulariter sancta, grata, & accepta Deo, sanctitate, & gratitudine substantiali, seu personali.

CONCLUSIO PRIMA.

Anima Christi Domini, seclusa omni gratia, tam actuali, quam habituali, reverà erat sancta, Deo grata, & accepta in ordine ad beatitudinem per sanctitatem personalem, ac substantialem. Hæc est communior, & tutior. Et probatur 1. auctoritate Concilii Francotordienfis in epistola ad Episcopos Hispaniæ; ubi sic ait; *Christus natura unctus, non per gratiam, quia in illo fuit plene Divinitas.* Et S. Cyrillus l. 1. in Joan. cap. 29. dicit, *Christum unctum esse, non sicut oles sanctos, & Reges; sed quia Verbum caro factum est.* Similiter S. Nazianzenus Oratione 4. de Theologia: *Christus igitur, inquit, propter humanitatem, eadem humanitas unita est, non actu, & operatione, ut in aliis, qui Christus nuncupantur, sed*

totius Unctoris præsentia. S. Athanasius oratione contra Arianos, ubi introducit Verbum ita loquens: *Ego sum Chrisma, sicut unctio, Christus autem, sive unctus, est homo, qui à me assumptus est;* S. Dionysius Alexandrinus, in Epistola contra Paulum Samosatenum, ubi dicit Christum Joanni antecellere, *Quia in Joanne erat quidem opus, labor iustitiæ: in Jesu verò natura;* ita quod, ut explicat Turian. scolio 1. & 2. Christus esset sanctus, iustus, & Unctus; non labore, & exercitatione virtutis ex gratia, sed ipsa Deitate, qua non poterat non esse bonus.

Probatur insuper ratione. Unumquodque ens substantiale intellectuale ex vi hujus est sanctum, & gratum Deo, ex vi cuius præcisè sumptum habet jus ad vitam æternam: sed Christus est ens substantiale intellectuale, & habet jus ad vitam æternam ex vi unionis hypostaticæ præcisè sumptæ; ergo ex vi talis unionis præcisè Christus est sanctus, & gratus Deo: sed hæc sanctitas est substantialis, ac personalis: igitur eam Christus sibi vindicat. Major constat à simili: non enim alia ratione, quis dicitur sanctus per gratiam habitualement, ut diximus in 2. Notabili, quàm quia est Deo gratus, & jus habet ad vitam æternam. Probatur minor: Christus ex vi istius habet jus ad vitam æternam, & est Deo gratus, ex quo habet, quod sit Filius Dei naturalis: sed id habet ex unionis hypostaticæ: igitur ex illa habet, quod sit Deo gratus, & sibi jus vendicat ad vitam æternam. Major est S. Pauli ad Galat. 4. dicentis, *Quod si Filius, & hæres; hæres quidem Dei,* ubi fundat jus ad possessionem Dei in ratione filiationis. Minor etiam constat ex dictis, ubi probavimus Christum esse Filium Dei naturalem.

Deinde. Illud est substantialiter, & intrinsecè sanctum, quod intrinsecè, & substantialiter constituitur, ac completur per aliquid divinum; sed Christus, ut subsistens subsistentia Verbi, constituitur, fit, & completur per illius suppositum, quod divinum est: ergo ut sic est substantialiter, & intrinsecè sanctus. Minor est de fide, & fufius in præcedentibus à nobis est probatum. Major etiam vera apparet; Omne enim divinum sanctum est; quippe divina sanctitas non solum in ipsam divinam essentiam, sed etiam in id omne, quod in Deo est, delibatur, & effluit: ergo cum omne constitutivum suam rationem formalem conferat constituto, con-

consequens est, quod suppositum Verbi sit substantialiter sanctum, & etiam illam sanctitatem tribuat suo confituro.

Dices. Si Christus sit substantialiter, & intrinsecè sanctus, præcisè ex vi unionis hypostaticæ, etiam eadem ratione erit impeccabilis: sed hæc sequela militat in doctrinam Doctoris subtilis, docentis Christi impeccabilitatem non esse repetendam præcisè ex vi unionis hypostaticæ, sed vel ex gratia sanctificante, vel ex ratione beatitudinis, qua fruebatur: igitur &c.

Respondet negari posse sequelam majorem: Siquidem sola sanctitas formalis, saltem inamissibilis, qualis erat sanctitas Christi, pugnat formaliter cum impeccabilitate; non autem sanctitas substantialis, & personalis. Et ratio disparitatis est, quod sanctitas personalis primò, & per se respicit entitatem, & rei substantiam, ad quam impeccabilitas primò, & per se non spectat; quia posse peccare, voluntatis est, non autem naturæ. Quod autem entitas personalis respiciat primò entitatem rei, quam sustentat, ex eo colligitur, quod illa sanctitas sit sanctitas Verbi, ut sustentantis, & suppositantis, ac proinde ei conferatur, quod dicitur sustentari, ac suppositari; hoc autem propriè convenit entitati, & naturæ assumptæ: sanctitas verò formalis respicit primò potentiam, nempe voluntatem, ad quam spectat immediatè, & proximè posse, vel non posse peccare; gratia enim, seu charitas, quæ est forma, qua sanctificamur, recipitur primò, & immediatè in voluntate: Itaque ratione hujusmodi sanctitatis personalis, nec Christus erat simpliciter impeccabilis, nec ejus actiones præcisè erant meritórias; quia illa sanctitas potest æquè assequere subiectum incapax peccabilitatis, aut impeccabilitatis, & actionum meritotiarum; nam si Verbum assumpsisset lignum, aut quamlibet aliam naturam rationis, & libertatis expertem, illi tribuisset istam sanctitatem substantialem, ac suppositi; neque tamen illa natura assumpta esset peccabilis, aut impeccabilis, nec ratione illius sanctitatis esset elicitiva actionum meritotiarum: in natura autem intellectuali, qualis est ea, quæ à Verbo reverà assumpta est, sanctitas personalis tribuit impeccabilitatem, necnon & vim merendi; non quidem de condigno, & formaliter, sed de congruo, & causaliter; quia nempe sanctitas substantialis per illam unionem impres-

sam, erat causa, & velut origo omnium gratiarum, quibus Christus formaliter erat sanctus, & proximè impeccabilis.

Dices secundò; Non est potior ratio, cur Christi suppositum humanitati conferat substantialem, ac divinam sanctitatem, quam æternitatem, immensitatem, & cetera divina attributa: at ista non confert: non enim natura assumpta dicitur æterna, infinita, & immensa: igitur nec sanctitatem divinam, & substantialem conferre debet.

Distinguo majorem. Non est potior ratio ex parte Verbi, concedo: ex parte naturæ assumptæ, nego: Non repugnat, inquam, ex parte Verbi, quia ipsam naturam sustentando, ipsi confert id omne, quod requiritur ad ejus complementum, & ornatum, ad quod ipsa non habet ex se incompatibilitatem, & repugnantiam, qualem reverà habet ad infinitatem, immensitatem, æternitatem; quia illa attributa ita sunt peculiaritè divinæ naturæ, ut nullatenus alicui naturæ creatæ convenire possint; siquidem creata natura cum sit ex se finita, & limitata tum in entitate, tum in duratione, habet ex se repugnantiam, ut sit infinita, immensa, & æterna: similem autem repugnantiam non habet, ut dicatur sanctus; sicut enim ex se nihil habet repugnans, ut subsistat subsistentia divina, ita patet nihil habet, quo repugnet ipsi attribui sanctitatem substantialem divinam, quæ ipsi supposito divino imbibitur.

Insuper; Humanitas Christi non habet majorem repugnantiam ad potentiam, & scientiam divinam, quam ad divinam sanctitatem: sicut enim sanctitatis est capax, ita capax est scientiæ, & potentia: sed non potest reddi omnipotens, aut sciens propriè per omnipotentiam, & scientiam Verbi: ergo nec potest dici sancta à sanctitate Verbi.

Nego majorem: Quia esse sanctum nihil aliud hic intelligitur, quam esse unitum alicui, ratione cujus conjunctionis resultat in unito dignitas saltem moralis, & congruentiæ, ob quam dignum censetur, quod diligatur à Deo, sit expers peccati, & jus habeat ad beatitudinem æternam; quæ omnia non præsupponunt aliquam formam intrinsecè existentem: at esse omnipotentem, & scientem non solum significat aliquid esse conjunctum physicè cum aliquo habente scientiam, aut omnipotentiam: sed

sed insuper, ut scientia, & omnipotentia intrinsicè inexistat, sive per identificationem, sive per inhærentiam: igitur inter utrumque non est paritas.

Obijciens tertio, Doctor subtilis dist. 10. n. 5. expressè dicit, *Ista negatio extraneitatis in Christo non est nisi propter gratiam habitualement* Christi, quia propter illam solam habet jus in hereditate æterna; non autem propter solam unionem personalem: ergo non censet Doctor, Christum habere aliquam sanctitatem petendam ab unionem personali.

Respondeo primò, Doctorem solim hoc protulisse contra suammet responsionem, & ipsam replicam non solvisse, quia volebat eam aliàs examinare, & solvere; unde ait, *responsionem querere*: quapropter sicut conclusio istius replicæ non est ex propria Doctoris sententia; ita nec major, unde illa propositio deducitur; absurdum enim esset, quòd quoties aliquis contra suam doctrinam objectionem aliquam proponeret cujus solutionem disserteret, toties illa objectio censeri deberet esse ad ejus mentem; siquidem fieri posset, quòd in solutionibus, quas promittit, solveret istas propositiones, & eas negaret.

Respondeo secundò, quòd quamvis gratis admittatur Doctorem approbavisse illam doctrinam, inde tamen non sequitur cum velle, quòd Christum ex vi unionis hypostaticæ præcisè non habeat jus ad vitam æternam, nec ita sit gratus Deo, ut Deus ipsi negare posset vitam æternam; sed quòd tale jus haberet ratione gratiæ habitualis, quæ supposita acceptatione divina sibi jus illud vendicaret; non quidem ratione sui, sed ratione illius divini acceptationis; quæ utique foret etiam necessaria, ut sanctitas personalis jus illud ex integro obtineret, ut fufius dicemus in tractatu de Gratia.

Obijciens quartò, si unio hypostatica ratione naturæ, & personalitatis divini haberet vim sanctificandi, sequeretur, quòd ubicumque adesset talis unio, subjectum sanctificaret, & Deogratum efficeret, necnon & acceptum ad beatitudinem æternam: sed hoc est falsum: igitur &c. Major patet: quod enim ex vi alicujus ponitur, semper necessariò admittitur ex positione illius, à quo profuit: igitur si unio personalis Verbi haberet vim sanctificandi necessariò, illam sanctitatem conferret omni subjecto cui uniretur. Minor verò pro-

bat: quia simpliciter, & absolutè loquendo, Verbum poterat assumere naturam aliquam irrationalem; hæc autem est omninò incapax sanctitatis, & gratitudinis supernaturalis, nam hæc soli naturæ rationali convenire possunt: igitur &c.

Respondeo possem primò distinguendo majorem: si subjectum illud esset capax sanctitatis, concedo; secus, nego: quemadmodum enim licet ipsa personalitas divina, quatenus afficit naturam intellectualem, eam personam efficiat; non possit tamen personam efficere naturam irrationalem, si illam assumeret; quia illa natura non est capax talis personalitatis: ita nec illam naturam irrationalem sanctam redderet propter similem defectum capacitatis. Quod utique confirmatur: tum quia gratia habitualis, quæ ex ratione sua alios homines, quos afficit, efficit Filios Dei adoptivos; non tamen Christum filium Dei adoptivum constituit: ita similiter gratia unionis potest efficere naturam rationalem assumptam gratam, & sanctam, quamvis talem non efficeret naturam irrationalem, si illam assumeret: tum quia unio hypostatica ex natura sua, confert aliquam exigentiam ad gratiam habitualement, & beatitudinem: sed non conferret illam naturæ lapidis, aut equi, si istam assumeret: igitur unio hypostatica potest tribuere effectum formalem uni subjecto capaci illius effectus, quamquam eundem non tribueret omni alteri subjecto talem capacitatem non habenti. Verum quia mox diximus n. 7. illam personalem sanctitatem non censeri distinctam ab ipsa Verbi personalitate, & subsistentia: idcirco

Respondeo secundò, distinguendo majorem: Redderet naturam assumptam eo modo sanctam, quo capax est sanctitatis, concedo; aliter, nego. Cum autem irrationalis natura non sit capax sanctitatis, quæ confert jus ad beatitudinem, idcirco, si Verbum eam assumeret, non ei conferret istam sanctitatem; sed tantum substantialem, quæ non est alia à subsistentia Verbi.

CONCLUSIO SECUNDA.

Sanctitas substantialis Christi Domini non petitur immediatè ex ipsa unionem naturæ humane cum Verbo.

Probatur primò. Unio illa non est formalis.

maliter, & secundum se aliquid substantiale, & divinum, sed tantum respectus extrinsecis adveniens, ut probatum est in prima disputatione: sed relatio secundum se formaliter non potest conferre sanctitatem substantialem: igitur Christi humanitas dici non potest substantialiter sanctificata per ipsam unionem.

Deinde. Modus ille substantialis, in quo Suarez vult consistere formaliter unionem hypostaticam, est aliquid creatum, utpote inexistens ipsi humanitati: sed nihil creatum potest conferre sanctitatem substantialem: tum quia non est sanctitas per essentiam, utpote cum sit aliquid finitum; neque etiam per participationem, quia neque est participatio essentiae divinae, cui maxime convenit prädicationem sanctitatis per essentiam, nec habet necessariam connexionem cum ipsa essentia divina per modum prädicationis, aut essentialis, aut attributalis, aut personalis: igitur ab isto substantiali modo non potest repeti illa substantialis sanctitas.

Denique. Ideo illa unio diceretur conferre illam substantialem sanctitatem humanitati Christi, quia ipsi uniret bonum in creatum, quod est substantialiter, & essentialiter sanctum: At ex hac ratione non posset dici, quod illa unio conferat ipsam sanctitatem praeis, & immediatam: sicut à simili unio gratiae habitualis cum anima, non confert ipsa per se praeis animae sanctitatem, quae non per illam unionem, sed per gratiam sanctificantem sibi adhaerentem, dicitur reverà, ac formaliter sanctificari: igitur nec unio humanitatis Christi cum persona Verbi, quae substantialiter facta est, potest esse ratio formalis praeis, & immediata, unde petenda sit illa substantialis sanctitas.

Obijcit Suarez varias auctoritates SS. Patrum, ex quibus colligit Christum, ut hominem, formaliter ex vi ipsius gratiae unionis fuisse absolutè, & simpliciter sanctum, & Deo gratum. Sic SS. Patres explicantes illud Psal. 44. *Unxit te Deus tuus oleo laetitiae*: & illud Isaia 6. ac Luc 4. *Spiritus Domini super me, propter quod unxit me*, &c. dicunt hanc unctionem, qua Christus homo fuit unctus, & à qua Christus est appellatus, esse ipsam Divinitatem, seu Verbum, per cuius praesentiam humanitas sanctificatur. Ita Nazianzenus in priori conclusione laudatus, unde ibidem subdit, *Christum*

esse Divinitate delibutum, hac enim humanitatis unctio est. Et S. Cyrillus lib. 3. thesauri c. 3. *Ipsè, inquit, seipsum unxit, Divinitas enim humanitatis unctio est.* Et S. Augustinus lib. 15. de Trinit. cap. 26. *tunc aut unctam fuisse invisibili Deo humanam naturam, quando divina est iuncta persona*: Quapropter in Enchiridio cap. 40. unionem humanitatis ad Verbum *suam gratiam* appellat: igitur censent SS. Patres Christi sanctitatem esse maximè petendam ab ipsa unione humanitatis cum Verbo.

Distinguo consequens: Censent SS. Patres illam sanctitatem esse repetendam ex parte unionis formaliter sumptae, seu quatenus praeis unio est, nego materialiter sumptae, seu quatenus connotat ipsam personam Verbi, & illa mediante divinam essentiam ipsi humanitati conjunctam, concedo: hæc enim Verbi personalitas per se immediatè illam sanctificationem confert humanitati per immediatam sui cum illa conjunctionem.

Obijcies secundo: Unio hypostatica, quae unio est formaliter, & ut est, quid creatum in humanitate, est aliquid excellentius, & perfectius gratia habituali: sed gratia habitualis per se immediatè sanctificat formaliter subiectum, cui inest: igitur illa unio sanctificat humanitatem, non tantum, ut conditio, seu via ad sanctitatem, sed etiam per seipsam immediatè, & ut est forma vim sanctificandi obtinens, illam sanctitatem confert.

Distinguo majorem: Est aliquid perfectius secundum se, & praeis, quatenus unio est, nego: siquidem illa unio sic spectata, est dumtaxat respectus extrinsecus, qui minorem habet perfectionem, quam ipsa gratia, quae secundum suam entitatem praestantior est, & nobilior omni respectu extrinsecò: est quid perfectius ratione personalitatis Verbi, quae dicitur uniri humanitati, concedo: unde illius dignitas non ex sua ratione formali, sed dumtaxat ex parte extremorum est petenda.

CONCLUSIO TERTIA.

Sanctitas personalis, aut substantialis non est petenda praeis à Divinitate, nec à personalitate Verbi *seorsim*; sed *conjunctim*. Hæc conclusio tres habet partes, quae in unicam collineant.

Prima autem constat, quia Christi humanitas

nitas non potest præcisè sanctificari substantialiter immediatè per id, quod sibi non censetur immediatè conjunctum: sed Divinitas unitur dumtaxat humanitati mediante personalitate; siquidem unio naturæ divinæ cum humana, est dumtaxat hypostatica, & personalis: igitur illa sanctificatio non fit, nisi mediante ipsa personalitate.

Secunda pars etiam constat: Personalitas enim Verbi, ut formaliter à natura divina distincta, non est sanctitas, nec essentialis, nec formalis: ergo ut sic, non potest sanctificare Christi humanitatem. Consequentia est aperta. Antecedens probatur: Si personalitas Verbi, ut formaliter ab essentia divina distincta, esset sanctitas, vel hoc ei competere ex peculiari suo conceptu; vel ratione divinæ entitatis cum ipsa identificata; sed neutrum dici potest. Non quidem primum, non enim ulla apparet ratio, cur personalitas Verbi sit potius sanctitas formaliter, quàm personalitas Patris, aut Spiritus sancti, vel quodlibet aliud divinum attributum. Non etiam secundum, cum enim ipsa divina entitas non solum personalitati Verbi, sed etiam aliis personalitatibus, necnon & omnibus divinis attributis identificetur; consequens est, quod si ratione illius identificationis, Verbi personalitas esset formaliter sanctitas, etiam personalitates Patris, & Spiritus sancti, & quodlibet attributum divinum essent formaliter sanctitas, & sic humanitas Christi esset sancta, non solum à personalitate sibi immediatè unita, & à natura divina, sed etiam ab intellectu, à Divinitate, ab omnipotentia, & aliis attributis, & perfectionibus Dei, quod est absurdum.

Confirmatur ex eo, quod relationes, divinas personas constituentes, in suo conceptu formali non dicant ullam perfectionem: quia aliàs (ut docuimus in tractatu de Trinitate) darentur in Deo tres perfectiones relativæ realiter ab invicem distinctæ; ex quo ulterius consequens esset, perfectiones divinas inter se comparatas inæquales esse, & cuilibet ex divinis personis aliquam perfectionem deesse, cum una persona non habeat personalitatem alterius: sed si personalitas Verbi ex se formaliter esset sanctitas, sequeretur, quod ipsa haberet peculiarem perfectionem à perfectione Patris distinctam; sequeretur insuper, quod in divinis personis tres essent sanctitates, sicut sunt tres persona-

litates, quod utique nullus Scotistarum; aut Thomistarum admittit: igitur, nec admittere debet personalitatem Verbi esse formaliter sanctitatem.

Probatur denique tertia pars, nempe quod illa sanctitas substantialis petenda sit ab ipsa Divinitate humanitati media personalitate conjuncta. Hoc namque indicant SS. Patres suprà laudati, n. 12. dum aperte docent humanitatem Christi sanctificari per ipsam divinitatem. Sic præcipuè aperte loquitur S. Nazianzenus Orat. 2. in Pascha, ubi postquam adduxit figuram agni Paschalis, ita de Christo scribit: *Perfectus autem non modò propter humanitatem Divinitate delibans, idemque effusam, quod id, à quo peruncta est, atque ut audacter loquar, Divinitatis fecim, vel secundum aliam versionem, simul Deum.* Itaut denotetur hominem fuisse sanctificatum in Christo, non tantum, quia fuit Divinitati sociatus, sed maxime, quia fuit simul Deus, & homo. Igitur illa sanctificatio maxime à Divinitate, ut hypostaticè humanitati conjuncta, petenda est.

Suffragatur etiam ratio, quia ab ipso petenda est Christi substantialis sanctitas, quod ex se formaliter, & essentialiter est sanctum, & sanctificativum: sed Divinitas sub conceptu naturæ divinæ unitæ humanitati, est essentialiter, & formaliter sancta, & sanctificativa: igitur ab ea præcisè est petenda Christi substantialis sanctitas. Major constat: Minor patet, natura enim divina secundum se est essentialiter sancta, habet etiam sibi formaliter convenientem sanctitatem formalem, quæ est attributum ipsi conveniens: igitur cum illa ex se, & in se habeat omnem sanctitatem, vel essentialiter, vel formaliter, consequens est, quod per sui unionem cum humanitate eam sanctificat; ac proinde ab illa est petenda illius humanitati sanctificatio substantialis.

Nec refert, quod Deitas non sit immediatè conjuncta humanitati, sed dumtaxat media personalitate: hoc enim non obstat quominus illa sanctitas personalis unionis sit sanctificativa per se ipsius humanitatis, cui tandem media personalitate conjungitur. Sicut enim albefcacio parietis maxime petitur ab albedine sibi conjuncta, licet albedo ipsi non inest, nisi mediante in hærentia: ita natura divina habet vim principalem sanctificandi humanitatem, quom-

vis requiratur unio ipsiuscum personalitate, quæ immediatè humanitari conjungitur tanquam conditio, sine qua non; sicut requiritur inhærentia albedinis parietis, ut paries fiat albus. His addæ, quod personalitas Verbi non distinguatur realiter, sed tantum formaliter ab essentia divina: unde illa mediatio unionis non obest, quin divinitas immediatè immediatione reali sanctificet humanitatem; quamvis id non præstet immediatione formali.

Dices: Gratia habitualis sanctificat formaliter animam, quia illam veluti deificat, & ad divinæ naturæ consortium promovet: sed personalitas Verbi, ut formaliter à natura divina distincta, perfectiori modo humanam naturam deificat, quam gratia habitualis; cum illa deificet substantialiter, hæc verò accidentaliter: igitur illa sanctitas substantialis maxime petenda est à personalitate Verbi.

Distinguo majorem: Gratia habitualis sanctificat formaliter animam per quamdam divinæ naturæ participationem: *Siquidem*, inquit S. Petrus, *magna, & præiosa nobis Deus dona donavit, per quæ efficimur consortes divinæ naturæ*, concedo: sanctificat per communicationem, aut imitationem cujuslibet perfectionis divinæ, nego: Similiter distinguo minorem: Personalitas Verbi, ut formaliter à natura divina distincta, perfectiori modo deificat, quam gratia habitualis per imitationem divinæ naturæ, ut natura est, nego: per applicationem alicujus divini, nempe personalitatis Verbi, concedo: & nego consequentiam.

Dices secundo, Per id præcisè sanctificatur Christi humanitas, cui immediatius unitur: sed immediatius unitur substantiæ Verbi, quam naturæ divinæ; siquidem huic dumtaxat media personalitate conjungitur: ergo Christi humanitas magis principaliter, & immediatius sanctificatur per personalitatem Verbi, quam per naturam.

Distinguo majorem, Si illud, cui immediatius unitur sit formaliter sanctitas, aut habeat sanctitatem formaliter, concedo: secus, nego: Unde cum personalitas Verbi ex se formaliter non sit sancta, nec habeat sanctitatem divinam sibi formaliter, sed dumtaxat realiter convenientem, inde est, quod ipsa præcisè non habeat vim sanctificandi scorsim à Divinitate, sed tantum conjunctum.

Dices tertio, Illud immediatè sanctificat humanitatem Christi, quod ipsa sui communicatione sic eam elevat ad esse divinum, ut sit ei positivè prima radix fundans in ea jus aliquod beatitudinis supernaturalis obtinendæ (sic enim gratia habitualis, quia in nobis, & in Angelis est positivè prima radix vitæ æternæ obtinendæ; lumen verò gloriæ illam supponit, nos, & Angelos sanctificat) atqui personalitas Verbi, ut condistincta virtualiter à divina essentia, ita est immediatè unita humanitati, ut vi ipsius immediatè unionis sit ei positivè prima radix fundans in ea jus aliquod obtinendæ beatitudinis supernaturalis: hæc enim, ut infrà docebitur, fuit ei debita positivè ex vi unionis istius: & si per impossibile, personalitas Verbi divini esset distincta realiter ab essentia divina, & nihilominus facta fuisset unio humanitatis ad Verbum divinum, quo altius non potest sublimari, haberet aliquod jus ad vitam æternam: igitur personalitas Verbi, ut condistincta ab essentia divina, est quasi forma sanctificans immediatè, & formaliter humanitatem Christi Domini.

Distinguo majorem: Si illud quod naturam elevat ad esse divinum, sit ex se, aut essentialiter, aut formaliter sanctum, & conferat jus aliquod proximum ad beatitudinem supernaturalem, concedo: si sit dumtaxat sanctum sanctitate transcendentali, & tantum conferat jus remotum, & inchoatum ad illam beatitudinem, nego; & similiter distincta minore, nego consequentiam: siquidem suppositum Verbi non habet ex se sanctitatem formalem, sed dumtaxat transcendentalem, neque ex se præcisè confert jus ad beatitudinem, sed tantum cum divina natura, quæ ipso mediante, unita humanitati, ei tribuit jus completum ad beatitudinem obtinendam.

Inflabis. Quidquid ex se divinum est, formaliter sanctum est, & sanctificativum: sed personalitas Verbi ex se, & ut condistincta à Divinitate, est aliquid divinum: igitur etiam ex se formaliter est sancta, & sanctificativa.

Distinguo majorem: Est formaliter sanctum, & sanctificativum ea sanctitate, quam sibi vendicat, concedo: omni alia sanctitate, nego. Minorem etiam distinguo. Suppositum Verbi est sanctum sanctitate formali: nego; sanctitate transcendentali, concedo: igitur potest equidem ex se

præ-

præcisè conferre humanitati sanctitatem transcendentalem, sed hæc non est sufficiens, ut habeat jus ad beatitudinem.

Urgebis: Illud est præcisè, & formaliter sanctum sanctitate formali, quod secundum se adorari potest absoluta adoratione Latriæ; quia tunc adoratur tantum propter suam excellentiam peculiarem, & sanctitatem propriam: at personalitas Verbi divini, ut distincta formaliter à divina essentia adorabilis est absoluta adoratione Latriæ, ut docet Ecclesia, dum in Præfatione Missæ de S. Trinitate sic canit. *Ut in confessione vera, sempiternaque Deitatis, & in personis proprietas, & in essentia unitas, & in Majestate adoretur aequalitas.* Quibus verbis significatur adorationem Latriæ deberi personalitatibus divinis, ut distinctis ab essentia, sicut debetur deitati, ut distinctæ à personalitatibus.

Distinguo majorem: Quod ut sic adoratur adoratione Latriæ propter se præcisè, & in abstracto, nego: propter se, & propter divinam naturam sibi realiter identificatam, & ut accipitur in concreto, hoc est quatenus connotat non solum personalitatem, sed etiam naturam divinam cum ipsa personalitate constituentem personam divinam, concedo: & sic distincta minore, nego consequentiam. Nec enim Ecclesia præfatis verbis significat personalitates divinas in abstracto sumptas, esse præcisè adorabiles, sed tantum docet, quod in Deo summè adorando sit unica essentia in tribus Personis subsistens, quæ idcirco in Majestate pares sunt, & æquales. Vel si contendas Ecclesiam intelligendam esse de Personalitatibus, ut in abstracto acceptis, neganda erit major; non enim necessum est, ut id, quod est secundum se adorabile adoratione Latriæ absolutæ, sit formaliter sanctum, & vim habeat conferendi jus ad beatitudinem ex se præcisè, & seorsim à quolibet alio, sed ad id sufficit, quod habeat sanctitatem transcendentalem, quæ in eo omni, quod divinum est, delibatur.

QUÆSTIO SECUNDA.

Utrum in anima Christi fuerit gratia habitualis; & ad quid necessaria.

Notandum primò: Nomine gratiæ habitualis significati qualitatem illam su-

pernaturalem animæ divinitus infusam, & inhaerentem, camque non solum sanctificantem, & efficientem dignam, quæ diligatur à Deo, & ab ipso acceptetur, & ordinetur ad beatitudinem æternam: sed etiam elevetur ad statum, & gradum supernaturalem, ut illius ope, & concursu possit anima supernaturales actus, ac æternæ vitæ meritorioselicere. Hinc varios obfines illa gratia censetur esse utilis, & necessaria. *Primò* quidem, ut sanctitatem formalem conferat. *Secundò*, ut anima connaturaliter, & ex principio supernaturali sibi inexistente, ac ipsam ad statum supernaturalem sublimante, possit actus supernaturales connaturaliter edere. *Tertiò*, denique, ut vitam æternam tanquam præmii supernaturale possit etiam connaturaliter promereri. Quæritur autem, an ad hunc triplicem effectum gratia habitualis fuerit in Christo necessaria.

Notandum secundò: Sanctitatem formalem in hoc à personali distingui, quod personalis subiecto inest, & conveniat ex præfatione unionis hypostaticæ, & personalitatis, ac subsistentiæ, per quam divina natura, quæ est totius sanctitatis fons, & origo, unitur humanæ: Sanctitas autem formalis, est qua subiectum, quod denominatur sanctum, tale dicitur propter aliquam formam sibi intrinsicè inhaerentem, & quatenus per istam formam tanquam per quoddam principium sibi inexistens, redditur potens elicere actus supernaturales divinx dilectionis. Differunt *secundò*, quia una substantialis est, & infinita, saltem ratione principii: altera verò accidentalis, creata, & limitata; fit enim per gratiam habitualement, quæ est qualitas. *Tertiò*, sanctitas personalis afficit naturam humanam per modum termini; taliter enim ipsi conjungitur, qualiter ipsa divina natura, divinaque personalitas, ex qua petitur. Constet autem ex dictis, naturam divinam non uniri humanitati formaliter, seu per modum formæ, aut compartis, cujus divinitas est omnino incapax; sed mediante personalitate Verbi, quæ gerit vices suppositi creati, terminando communicationem, & dependentiam illius humanitatis. *Accidentalis* verò afficit per modum formæ.

Hæc autem utraque sanctitas, Primò convenit in eo, quod utraque revera sit realis, & intrinsicè unita ipsi humanitati, median-

te

re personalitate Verbi : formalis verò fit per gratiam sanctificantem; quæ est vera, & realis qualitas inhærens animæ, quam formaliter sanctificat. *Secundò*, conveniunt illæ duæ sanctitates; quòd ipsum subiectum elevent ad aliquod esse divinum, & supernaturale; personalis quidem ad esse supernaturale Verbi, quatenus per illam homo est Deus, & naturalis Filius Dei: posterior verò ad esse divinum per participationem, ut dicemus in tractatu de gratia. Hinc controversia est apud Theologos, an gratia sanctificans fuerit Christo necessaria, ut fieret, & denominaretur formaliter sanctus, an verò dumtaxat, ut volunt Thomistæ, ad completam illius sanctificationem, & ad operandum connaturaliter in ordine gratiæ.

Notandum tertio, actus meritorios, alios esse supernaturales *quoad suam entitatem*; ut est dilectio Dei super omnia tamquam Auctoris gratiæ, & gloriæ: alios verò tantum *quoad modum*, qui scilicet sunt eundem naturales secundum suam entitatem, sed quia ordinantur in finem supernaturalem, & sunt ab homine existente in gratia, hac ratione dicuntur supernaturales, putà dare eleemosynam propter Christum. *Insuper* advertendum est, actum supernaturalem quantum ad substantiam, posse concipi produci duobus modis; nimirum vel modo connaturali, vel modo supernaturali. Dicitur produci *connaturaliter*, quando elicitur à principio intrinseco permanenti inhærente principio vitali, quod est elicivum talis actus, ratione cuius adjuncti principii vitale principium corroboratur, & completur ultimò illius virtus ad exercendos tales actus. Dicitur autem produci *supernaturaliter*, quando elicitur per aliquod supernaturale auxilium actuale, seu transiens, corroborans ipsam potentiam, vel per aliquid aliud, quod suppleat vices illius auxilii, putà uberiorum Dei concursuum.

His ita præmissis tria veniunt resolvenda. *Primum*, an reverà Christus habuerit gratiam habitalem. *Secundum*, an ea opus habuerit, ut fieret formaliter, & completè sanctus. *Tertium*, an illa fuerit necessaria, ut eliceret actus supernaturales, & meritorios.

CONCLUSIO PRIMA.

A Nima Christi D. reverà illustrata fuit gratia habituali. Hæc est communis inter Theologos; quamvis enim aliqui affirmant humanitatem Christi sanctificatam fuisse formaliter per unionem hypostaticam; nullus tamen est, qui negaverit illam etiam sanctificari per gratiam. Probant aliqui conclusionem variis Scripturæ sacræ textibus, ex quibus dumtaxat unum, aut alterum veritatem hanc apertius evincentem profero. Primum quidem illud Isaia 11. ubi dicitur de Christo, *Requiescit super eum Spiritus Domini*: quo loci per particulam *Spiritus Domini*, intelligitur permanentia gratiæ in Christo, ut explicat S. Cyrillus initio libri 2. Isaia. Confirmat eandem veritatem Propheta capit. 61. ubi loquens in persona Christi, ait: *Spiritus Domini super me eo, quòd unxerit Dominus me*, quæ utique verba de se vaticinata fuisse docuit ipsemet Christus Lucæ 4. & hunc sensum referunt, idèò Spiritus Domini per donum gratiæ habitualis inest Christo, quia ipse per unionem hypostaticam unctus est gratia substantiali, & increata.

Probat item eadem veritas ex capit. 1. S. Joannis, ubi de Verbo Incarnato dicitur; *Vidimus gloriam ejus, gloriam quasi Unigeniti à Patre plenum gratiæ*, & veritatis ubi plenitudo gratiæ haud dubiè intelligenda est de gratia creata, eaque habituali, & perseveranti: Statim enim subditur: *Et de plenitudine ejus nos omnes accepimus*: nam quòd accipitur de plenitudine alicujus fontis, debet esse ejusdem conditionis quoad entitatem cum aliquo ex iis, quæ implent fontem, ut patet in aqua à fonte decurrata, quæ est ejusdem naturæ cum ipsa, quæ ab ipso fonte immediate profluit: at plenitudo gratiæ Christi, & qua omnes accipimus, est ad modum fontis (ut explicabimus in Tractatu de gratia:) ex quo fonte non solum gratias actuales, sed etiam gratiam sanctificantem, & permanentem accepimus. Quapropter Christus toties in Scripturis sacris dicitur *nostra justificatio*, & *nostra justitia*; igitur sicut nostra sanctificatio, & justificatio est creata, & habitualis, ac perseverans, ita etiam gratia illa, quæ est in Christo tamquam in fonte, à quo nostra effluit, debet esse creata, & habitualis.

Nec

Nec valet reponere cum Erasmo, & Cajetano verba illa, *plenum gratia*, & *veritatis*, non esse construenda cum istis antecedentibus, & *Verbum caro factum est*, & *vidimus gloriam ejus*, &c. sed cum his sequentibus: *Joannes testimonium perhibet*, quia inquirunt, in Græcis Codicibus particula *σικλῆρ* hoc est *plenus* est masculini generis, & nominativi casus, sicut & hæc *Joannes*, cum tamen deberet esse accusativi casus, si referretur ad aliud *Verbum caro factum est*, ut indicat hæc particula verbalis *vidimus*. Hoc inquam non obstat, nam Græci, & Latini Codices, imò & communis usus totius Ecclesie Latinæ, quo in fine Missæ Evangelium S. Joan. recitatur, inserunt illa verba post citata, *plenum gratiæ*, & *veritatis*; igitur censent illa non spectare ad proximè succedentia, sed ad antecedentia, & consequenter ad Verbum Incarnatum. Deinde verba illa intelligenda sunt de eo, de cujus plenitudine omnes homines paulò post dicuntur accepisse: sic enim plenitudo, & ejus redundantia sibi invicem correspondent; at non dicimus accepisse de plenitudine S. Joannis Baptistæ, sed de plenitudine Christi: igitur illa verba *plenum gratiæ*, & *veritatis* dicuntur de Verbo incarnato.

Nec sœvet Cajetano, & Erasmo, quòd vocabulum *σικλῆρ* sit in masculino genere, & nominativo casu, nam *λόγος* quod Latine dicitur verbum, Græcè est masculini generis, & hæc verba *vidimus gloriam ejus*, quasi *Unigeniti à Patre*, leguntur per parenthesim, unde sicut ibi *Verbum*, Græcè *λόγος* est masculini generis, & nominativi casus, ita & hoc ejus adjectivum *σικλῆρ*; quasi esset hic sensus, Verbum caro factum est, quod est plenum gratiæ, & vidimus gloriam ejus, &c.

Confirmatur ex S. Augustino lib. 15. de Trinitate cap. 26. ubi præfata verba S. Joan. de gratia creata sanctificante à Christo accepta interpretantur, ait enim: *Dominus ipse Jesus non solum Spiritum sanctum dedit, ut Deus, sed etiam accepit, ut homo*, & propterea dictus est *plenus gratia*, quia unum cum Deo Spiritu sancto; non utique oleo visibili, sed dono gratiæ, quod visibili significatur unguento, quo baptizatos ungit Ecclesia: Quibus verbis significat Christum habuisse gratiam creatam, & habitualementem. Sed apertissime hanc veritatem docet S. Bernardus homilia 4. super Missus est, ubi ait; Singu-

lariter sanctum fuit quidquid Vergo concepit, & per Spiritus sanctificationem, & per Verbi assumptionem, quibus distinguit sanctificationem duplicem in Christo, unam, quæ fit per unionem hypostaticam, & alteram, quæ fit per Spiritus sanctificationem, quæ utique alia non est, quàm quæ fit per gratiam sanctificantem, creatam, & habitualementem.

Probatur item ratione. Ubi est conformitas sanctitatis, ibi debet esse paritas gratiæ sanctificantis, quæ sit fundamentum talis conformitatis; atqui inter Christum, & Prædestinatos, est conformitas sanctitatis, juxta illud S. Pauli ad Rom. 8. *Quos præservit; & prædestinavit conformes fieri Imagini Filii sui, ut sit ipse Primogenitus in multis fratribus*. Igitur cum forma sanctificans Prædestinatos, sit aliquid perseverans, etiam & gratia Christi talis esse debet.

Deinde. Id omne perfectionis, quod competit tam Angelis, quam hominibus justis, non est negandum animæ Christi: maxime dum illam illustrat, nec dedecet statum, & gloriam Incarnationis: sed gratia sanctificans, quæ tribuitur Angelis, & hominibus, maxime confert ad pulchritudinem, & perfectionem supernaturalem animæ, nec ullam habet repugnantiam cum unionem hypostaticam; hæc enim primò, & per se dicit tantum oppositionem cum propria substantia humanitatis assumptæ, quæ est aliquid omnino distinctum à gratia habituali: igitur illa non est Christo deneganda.

Denique præter physicam unionem humanitatis ad Verbum, oportuit ut anima Christi etiam uniretur Deo per cognitionem, & amorem supernaturalem: sed ad connaturalem illorum actuum elicitionem (qualis animam Christi decebat) necessaria fuit gratia habitualis, ut docebimus in sequentibus: ergo talem gratiam habuit.

Dices primo: Quidquid est incapax filiationis adoptivæ, etiam est incapax gratiæ habitualis: sed Christus est incapax filiationis adoptivæ: igitur, &c. Minor patet ex dictis, Major similiter constat: nam esse filium adoptivum. est formalis effectus gratiæ habitualis, ut indicat Apostolus ad Rom. 8. & docet Concilium Trid. sessione 6. cap. 10. dum definit justificationem (cujus formalis causa est gratia habitualis) translationem à statu peccati ad statum adoptionis filiorum Dei: sed forma nequit esse in subiecto sine suo effectu formali: ergo nec gratia ha-

habitualis in Christo, nisi esset ejus filius adoptivus.

Nego majorem, & ad ejus probationem distinguo majorem. Esse filium adoptivum est effectus formalis primarius gratiæ habitualis, nego; secundarius, concedo: & sic distincta minore, nego consequentiam: quamvis enim non possit separari effectus alicujus formæ à subjecto, cui forma illa communicatur, tamen separari potest ab ea effectus secundarius, ut patet in quantitate efficiente Corpus Christi Domini, cujus effectus primarius est extendere partes extra partes, in ordine ad se: secundarius verò illas extendere in ordine ad locum; in sacramento autem altaris, Christi Domini Corpus habet quidem primum illum effectum quantitatis, non verò secundarium. Quod autem filio adoptiva sit dumtaxat effectus secundarius gratiæ habitualis, constat; quia gratia habitualis est forma quædam absoluta, cum sit qualitas permanentis adoptiva autem filio divina est de genere relationum: at nulla relatio est primarius, & formalis effectus alicujus qualitatis permanentis, sed solummodo resultat ad positionem illius in subjecto capaci: Primarius itaque, & formalis effectus gratiæ habitualis est reddere suum subjectum gratum Deo gratitudine formali, & inherente, ad quem effectum divina filio adoptiva sequitur, ubi, & quando subjectum, quod hæc gratia afficit, est capax filiationis adoptivæ. Unde cum Christus, pro eo instanti, quo gratia habitualis fuit illi infusa, fuerit incapax divinæ filiationis adoptivæ, quia per gratiam unionis jam erat Dei filius naturalis: naturalis autem filio habet oppositionem cum adoptiva; hinc est, quod habitualis gratia non potuit conferre Christo illam filiationem adoptivam.

Dices secundò: Qui Deus est per essentiam, non potest esse Deus per participationem: at si Christus habuisset præter gratiam unionis, etiam gratiam habitualem creatam, fuisset Deus per essentiam ratione unionis hypostatice, & etiam Deus per participationem, ratione gratiæ habitualis, quæ est quedam participatio naturæ divinæ: ergo falsum est, quod Christus habuerit gratiam habitualement creatam. Major constat: nam esse Deum per essentiam, est esse Deum absque omni exceptione, & limitatione: esse verò Deum per participationem, est esse

Fraßen Theol. tom. vii.

talem partialiter, & limitatè: implicat autem esse Deum totaliter, & ex parte, sine exceptione, & cum exceptione: igitur, &c.

Distinguo majorem: Qui Deus est per naturam, non potest esse Deus per participationem, ratione ejusdem, per quod est Deus per naturam, concedo: ratione alterius, nego: itaque Christus potuit esse Deus per essentiam ratione substantiæ, & naturæ divini sibi communicatæ, & similiter per participationem ratione gratiæ habitualis.

Dices tertio: Ubi subjectum continet in seipso eminenter aliquam perfectionem, illam non potest habere formaliter; seu per formam sibi inexistentem: at Christus ratione gratiæ unionis, continet gratiam habitualement, & omnes alias gratias eminenter: siquidem gratia unionis longe nobiliori modo Christum efficit Deo gratum, & sanctum, quam gratia habitualis, quæ tantum accidentariò perficit suum subjectum: igitur Christo repugnat habere in se gratiam habitualement. Major constat: etenim quia Sol est calidus eminenter, nequit esse formaliter calidus: similiter, quia anima rationalis conipet eminenter gradum vegetativum, & sensitivum, repugnat ipsi habere animam propriam, & formaliter sensitivam, & vegetativam, qualis est in brutis, & plantis.

Respondet quantum ad præsens institutum distinguendo majorem: Si continentia eminentialis non sit solum effectiva rei, quam continere dicitur, sed etiam executiva effectuum, quos res illa præstare potest, concedo: si tantum sit productiva illius rei, quam eminenter continere dicitur, non verò executiva effectuum quos res illa potest edere, nego: gratia autem unionis, licet eminenter contineat omnem gratiam, non tamen potest eosdem edere effectus, quos gratia habitualis per se præstat in anima Christi, quippe illa nec animam Christi sanctificat formaliter, nec eam constituit in statu, ut connaturaliter actus supernaturales, & meritorios possit edere.

Dices denique. Gratia habitualis, & sanctificans conceditur maxime, ut anima fiat Deo gratia: sed anima Christi non potest esse magis grata cum gratia habituali, quam sine illa. Probat. Anima quæ est Deo grata infinite, non potest esse magis grata quia infinito nihil est majus: sed per gratiam unionis anima Christi est grata Deo infinite ratione Divinitatis sibi communicatæ,

X &

& hypostaticè unitæ: igitur non potest esse magis grata.

Nego minorem, & ejus probationem distinguo. Quod est infinitè gratum, non potest esse magis in eodem genere gratificationis, concedo: in alio genere, *nego*: Anima autem Christi per gratiam unionis est quidem Deo grata infinitè gratitudine substantiali, quæ non impedit quominus similiter grata fieri possit in alio genere, nempe per formam aliquam accidentalem superadditam. Quod utique confirmatur à simili: quamvis enim Christus ratione unionis hypostaticè sit infinitè perfectus substantialiter, illa tamen perfectio substantialis non impedit, quominus habuerit insuper omnes dotes accidentales, quibus illius humanitas fuit illustrata.

CONCLUSIO SECUNDA.

Gratia habitualis fuit Christo necessaria, ut sanctificaretur formaliter.

Probatur. Christus debuit esse formaliter sanctus: sed talis esse non potuit absque gratia habituali: ergo hæc illi ad id fuit necessaria. Major constat ex superiori conclusione; Christus enim omnem omnino sanctitatem habere debuit, quæ maxime ejus animam illustrare potest, & consecrare, idque intimiori, ac præstantiori modo; longè autem præstantius est sanctificari formaliter, seu per formam intrinsicè inexistentem, ut sanctificentur homines & Angeli, quàm duntaxat per aliquam denominationem, & unctionem extrinsecam, ut loca & vasa sancta. Minor verò probatur: Si seculi gratia habituali Christus sanctificari potuisset formaliter, maxime per sanctitatem substantialem, & personalem: sed ita sanctificari non potuit: quod sic probò 1. Per id non potest sanctificari formaliter, quod habere nequit rationem formæ sanctificantis: at neque personalitas Verbi, nec Divinitas ipsa, ex quibus petitur sanctitas substantialis, habent rationem formæ sanctificantis. Non quidem *personalitas*: hæc enim non afficit naturam humanam per modum formæ, sed per modum termini: neque etiam ex se, ut probavimus, habet vim sanctificandi, quia non est formaliter sanctitas. Hoc etiam *Divinitas* præstare nequit, quia Divinitas non potest esse forma sanctificans humanitatem: forma enim debet uniri intrinsicè, & per se immediatè ei cujus est

forma: sed Divinitas non est unita humanitati per se, sed tantum ratione suppositi in quo facta est unio hypostatica; nulla enim unio realis fieri potest immediatè inter naturam divinam, & humanam: igitur Divinitas non potuit habere rationem formæ sanctificantis naturam humanam.

Confirmatur, quia si Divinitas sanctificaret formaliter humanitatem Christi, maxime vel ut forma physica, vel ut moralis sed neutro modo id præstat. Non quidem, *ut forma physica*: tum quia forma physica ex se ordinatur ut pars ad actuandum, & componendum: Divinitas autem non potest habere rationem partis informantis, & actuantis; quippe hoc imperfectionem redoleret: Tum quia si Divinitas uniretur per modum formæ physice humanitati, ipsam formaliter efficeret Deum, communicatio enim formalis Divinitatis Deum efficit: sed hoc est absurdum: Tum denique quia Divinitas per se formaliter solum præstat jus in ordine ad beatitudinem incretam: at illud jus non potest convenire primò, & per se humanitati Christi, sed solum per communicationem idiomatum: igitur humanitas Christi non potest sanctificari physice per ipsam Divinitatem.

Neque etiam ab ea sanctificari potest formaliter, tamquam *per formam moralem*, tum quia forma moralis, licet connotet principium, & subjectum reale, tamen secundum se præcisè, non est realis, est enim duntaxat respectus extrinsecus procedens ex ordinatione Dei talem acceptantis ad beatitudinem: Christus autem debuit esse realiter sanctus sanctitate formali: ergo illam sanctitatem debuit habere per aliquam formam intrinsicè sibi realiter inexistentem: Tum quia omnis forma physica secundum entitatem præstantior est morali: igitur cum nostra sanctificatio fiat per formam physicam nobis realiter inexistentem, sequeretur nostram justificationem secundum suam entitatem esse præstantiorem sanctificatione Christi: Tum denique quia Christus, ut sanctus sanctorum, & prædestinatorum caput debuit habere conformitatem cum suis membris in ratione sanctitatis: sed ex Concilio Tridentino Sess. 6. cap. 7. & Canone 11. iusti non sanctificantur per aliquid extrinsecum, & morale, sed per formam intrinsicè inhaerentem: igitur hac ratione etiam Christus debuit sanctificari.

Dices, Christo concedenda est ea sanctificatio quæ præstantior est, & illustrior: at longè præstantius est, sanctificari formaliter per ipsam divinitatem, quam per aliquid creatum: igitur, &c.

Distinguo majorem: Si modus ille præstantissimus sit possibilis, concedo: secus, nego: repugnat autem, ut mox probatum est, divinitatem aut aliquid divinum habere rationem formæ sanctificantis, & subinde repugnat, ut Christi humanitas formaliter sanctificetur per ipsam divinitatem.

Dices secundò: Anima quæ est sancta sanctitate virtualiter, & eminenter continente omnem sanctitatem, habet etiam sanctitatem formalem: sed anima Christi, ex vi præcisæ unionis hypostaticæ, est sancta sanctitate eminenter, continente omnem sanctitatem, quæ à gratia vel actuali, vel habituali oritur: ergo illa non indiget gratia habituali, ut dicatur formaliter sancta. Minor constat: Christus enim per unionem hypostaticam habet sanctitatem increatam Dei, quæ eminenter continet omnem sanctitatem creatam, sicut divina entitas eminenter continet omnem creatam entitatem. Major verò probatur: Idcirco Deus non eget gratia habituali, ut sit formaliter sanctus omnimodæ sanctitate, quia ejus sanctitas eminenter continet quiddam sanctitatis est in gratia habituali: ergo à simili, si anima Christi virtute unionis hypostaticæ habeat sanctitatem oriundam à gratia, nullatenus indigebat tali gratia, ut censetur omnimodè formaliter sancta.

Nego majorem: Siquidem ad sanctificationem formalem non satis est, quod aliquid contineat eminenter omnem aliam sanctitatem: sed debet etiam ipsi inesse per modum formæ efficientis, & perfectientis, qualiter sanctitas increata, aut aliquid divinum non potest esse in Christo, ut mox dictum est. Ad probationem majoris, dico falsum esse antecedens; non enim præcisè Deus non indiget gratia habituali, ut sit sanctus formaliter, quia ipsius sanctitas eminenter continet omnem aliam sanctitatem, sed quia ipsa divina sanctitas increata inest ipsi extrinsecè, per modum formæ, seu attributi divinam essentiam efficientis, & perfectientis.

CONCLUSIO TERTIA.

Gratia habitualis fuit Christo necessaria, ut connaturaliter eliceret actus supernaturales, & meritorios.

Probatur primò: Tunc agens connaturaliter operatur, quando habet proportionem ad actus, quos elicit: sed anima Christi, cum sit entitas naturalis, non potest habere proportionem ad productionem actuum supernaturalium absque gratia habituali: igitur ad illos effectus producidos illa fuit Christo necessaria. Major constat; non enim alia ratione visio dicitur connaturaliter elicitæ, quàm quia sit per potentiam visivam, speciem intelligibilem, & medium proportionatum, quæ omnia complent, & integrant principium, ut visionem producat. Minor probatur: Si quid aliud præter gratiam habitualement potest ipsam animam Christi elevare ad statum supernaturalem, & ipsam inclinare intrinsecè ad producendos actus supernaturales, maxime, vel personalitas, & subsistentia Verbi; vel divinitas ipsi communicata: sed neutra id præstat: ut enim taliter elevetur, & inclinetur anima, debet habere in se aliquod principium operativum ut quo, & elicitive talium actuum: sed id non potest præstare subsistentia Verbi, quia ipsa non est virtus activa, sed purus terminus naturæ. Ergo non potest concurrere ad actus per modum principii quo: sed duntaxat per modum conditionis constitutive suppositi, & principii quod ad operationem concurrat. Non etiam id præstare potest divinitas, nam principium quo, operativum, vel debet habere identitatem cum principio quod operatur, vel debet illud physicè informare: utrumque autem divinitati repugnat respectu humanitatis; igitur nec subsistentia Verbi, nec divinitas possunt habere rationem principii, quo, in humanitate, per ordinem ad producendos actus supernaturales connaturaliter.

Idem dicendum de actibus meritoriis: meritum enim præmii supernaturalis necessariò requirit; ut actus meritorius sit supernaturalis, vel quoad entitatem vel saltem quoad modum: ergo si actus supernaturalis non possit connaturaliter produci ab anima absque gratia habituali, neque poterit etiam produci actus meritorius.

Dices primò: Illud tantum potest inclinare

animam ad actus supernaturales per modum comprincipii, quod est ex se operativum: sed gratia habitualis non est ex se operativa: ergo illam non requirit anima Christi ad eliciendos actus supernaturales, & meritorios connaturaliter.

Distinguo maiorem: Gratia habitualis non est per se operativa, nec ordinatur ad operandum primario, & proxime, concedo: sic enim ordinatur ad sanctificandam animam, & eam efficiendam dignam, quæ à Deo diligitur, & ordinetur ad finem supernaturalem: non est operativa radicaliter, & secundario, nego: nam ut probabitur in Tractatu de Gratia; illa habitualis gratia non solum animam illustrat, & dignificat, sed etiam ei virtutem confert ad producendos actus supernaturales.

Dices secundò: Ut anima Christi eleveetur, & inclinetur connaturaliter ad actus supernaturales, sufficit, quod habeat in se auxilium aliquod actuale supernaturale: ergo ad id ei non opus est gratia habituali.

Distinguo antecedens: Illud actuale auxilium sufficit, ut actus supernaturalis fiat, concedo: ut fiat connaturaliter, nego: agens enim naturale non inclinat ad suum effectum, nisi præter actualem motionem inclinetur ad suum actum per aliquam formam in se residentem, & permanentem: quapropter Deus ut naturæ Author, singulis agentibus naturalibus indidit aliquam formam, seu virtutem, per quam naturaliter propendunt ad suos actus eliciendos.

Adveritè tamen nos hic duntaxat agere de potentia ordinaria, quæ scilicet Deus ut author naturæ, & gratiæ, solet causas secundas ad suos actus inclinare: si enim sermo sit de potentia absoluta, & extraordinaria, hæc dubium est, quod seclusa omni gratia habituali, Deus posset conferre virtutem animæ ad producendos actus supernaturales, & meritorios: idque vel per auxilium actuale supernaturale ordinis, vel per ubetiorum concursum, qualiter diximus, agendo de visione beatifica, Deum posse supplere vices luminis gloriæ, vel per aliquod aliud auxilium fortius, aut saltem æqualiter supplens activitatem gratiæ habitualis. Deus enim, ut docuimus in physicis, supplere potest omnem efficientiam causæ secundæ extrinsecæ, & non vitalis: atque efficiencia, quæ gratia concurret ad actus supernaturales producendos, est merè extrinsecæ, est enim ab illa ut ab habitu; om-

nis autem efficiencia habitus est extrinsecæ, ut patet inductione facta per omnes habitus: igitur Deus potest per se, vel per aliquod auxilium fortius, supplere efficientiam gratiæ habitualis, & proinde facere, ut anima Christi exerceat actus supernaturales quoad substantiam, sine gratia habituali.

Adverte insuper Vasquez, & Suarez frustra, ut mihi videtur, hic contendere utrum Christus per gratiam habitualement præstantiorem sanctitatem habuerit, quam habuisset cum sola gratia unionis. Negat enim Vasquez, contendens sanctitatem personalem, quam putat esse formalem, fuisse infinitam; ac subinde non fuisse susceptivam alicujus augmenti. Suarez verò affirmat, quia, inquit, cum sanctitas formalis dicat aliquam perfectionem, per illam Christus dici debet formaliter perfectior, & sanctior, imò completè, & consummatè sanctus.

Verùm existimo neutram sententiam esse probandam: non quidem Vasquezii, quia licet sanctitas personalis concederetur infinita in suo genere; non tamen inde sequitur, quod sit infinita in omni genere; proindeque cum ea non est impossibile ulterius sanctitas, nempe formalis. Non etiam Suarez, quia licet sanctitas formalis dicat perfectionem, & per eam Christus dicatur formaliter sanctus, qualiter non dicitur per sanctitatem personalem; non tamen rectè, & in rigore loquendo, dici potest magis, aut consummatè sanctus; nam terminum illi *consummatio*, aut *magis* respiciunt gradus ejusdem speciei in aliqua entitate, & reperiuntur in iis, quæ se habent similiter; non autem in iis, quæ se habent aliter: Christus autem per gratiam habitualement, non est sanctus similiter, ac per gratiam unionis, sed aliter: igitur per illam non est dicendus sanctior, sed. aliter sanctus.

QUÆSTIO TERTIA.

Qualis fuerit gratia habitualis Christi.

TRes maxime difficultates præfert hujus quæstionis titulus, de quibus subtilissime disputant Auctores. *Prima* est, an Christi gratia fuerit infinita. *Secunda*, an fuerit summa. *Tertia* tandem, an potuerit augeri, quæ omnia, ut omisissis inutilibus trivis, & verborum magis, quam rerum contentioni-bus, hac unica quæstione tribus in sequen-tibus

tibus conclusionibus discutimus. Verum ut dicendorum resolutio fiat apertior, & evidenter,

Notandum primò, Christi gratiam habitua-lem posse intelligi infinitam variis, sed maxime altero ex his sex modis, ut cum plurimis Theologis observat Izambertus ad qu. 7. disp. 4. art. 3. *Primò* quidem in ratione entis, & qualitatis; siquidem gratia est qualitas secundum suam entitatem. *Secundò*, ratione alicujus modi physici ipsi gratiæ intrinseci, eique advenientis ex ejus unionem ad Verbum, qui modus in ratione modi sit infinitus, sicque illam gratiam afficiendo, ac modificando quandam infinitatem ei conferat. *Tertiò*, intelligi potest infinita in ratione gratiæ, quatenus videlicet posset infinite dignificare naturam. *Quartò*, per solam extrinsecam acceptationem Dei; ita quod illam Deus judicet dignam, quæ producat effectus conduccentes ad infiniti boni possessionem. *Quintò*, per ordinem, & moralem habitudinem, quam haberet ad divinum suppositum Verbi; quatenus illa inest humanitati subsistenti subsistentia Verbi. *Sextò* tandem, quod licet in seipsa, & secundum suam entitatem spectata, sit finita, tamen dicatur infinita quatenus secundum ordinariam Dei potentiam, nulla alia gratia habitualis datur major, & etiam illa sese extendit ad eos omnes effectus, qui cogitari possint à gratia habituali producendi.

Notandum secundò ex Doctore subtili in 3. dist. 18. quæst. 4. num. 2. gratiam duobus modis posse concipi summam: scilicet positivè, & negativè. Dicitur *summa positivè*, quatenus excedit omnem aliam gratiam existentem, aut credibilem, & hoc sensu, si daretur aliqua summa gratia, non est possibilis altera, quæ ipsi æquaretur, quod enim positivè summum est, etiam est unicum in ipso genere in ratione summi: gratia verò *negativè* dici potest summa, si tanta sit, ac tam perfecta, ut nulla alia gratia sit possibilis, quæ eam excedat, quamvis possint dari multe æquales, quæ nec eam excederent, nec ab ipsa excederentur. Dicitur autem summa negativè, quia scilicet tantum ex eo summa censetur, quia dicit negationem excessus, per quam non possit, nec excedere, nec excedi: Fatetur autem *ibidem* Doctor, quod gratia positivè summa, nec Christo, nec alicui alteri posset conferri; quia quacumque possibili gra-

tia producta, potest Deus alteram similem, & æqualem producere; *Potuit enim*, inquit, *et potest aliam naturam æqualem assumere, et consequenter ei conferre gratiam similem ei, quam contulit animæ Christi*. An autem Christo dederit summam gratiam negativam, resolvendum est in præsentia.

Notandum tertiò, seu potius repetendum ex Physicis, qualitatis augmentum considerari posse duobus modis: nimirum *extensivè*, eò quod scilicet sit in subiecto extenso, sic albedo lactis augetur ad ipsius lactis augmentum: *secundò*, *intensivè*, quando perficitur qualitas per additionem novorum graduum, sic albedo sit major per additionem altetius in eadem parte subiecti. Duplices autem gradus distinguunt Philosophi, nempe *quiditativos*, seu específicos, quibus essentia rerum dicuntur indivisibiles, & esse sicut numeri, itaut ipsi nihil possint addi, vel detrahi, quin essentia varietur: alios *individuales*, & entitativos, suntque realitates quædam ejusdem generis, & speciei, quæ si separatim existant, vera erunt distincta ejusdem speciei individua; si verò uniantur in eodem subiecto, unicum efficiunt. V.g. si duæ albedines in gradibus remissis duobus in subiectis distinctis existant, duo erunt albedinis individua; si verò in eodem subiecto reponantur, unicum quidem numero albedinem efficiunt, sed intensiorem.

Quod autem dixi de qualitativis corporeis, idem dicendum de spiritualibus; tam naturalibus, quam supernaturalibus: nulla enim est qualitas, sive naturalis, sive supernaturalis, quæ non possit augeri per additionem altetius gradus ejusdem rationis, & speciei. An autem possit augeri in infinitum per additionem iteratam graduum, controversitur, non solum apud Philosophos, sed etiam apud Theologos; maxime verò in præsentia materia, in qua Doctor Angelicus, & Subtilis in aliquibus conveniunt, in aliis verò discrepant. Conveniunt, inquam, in hoc, quod uterque doceat gratiam Christi non fuisse actu secundum entitatem, & gradus infinitam: Diferunt verò, quia S. Thomas contendit gratiam Christi esse infinitam saltem potentiate, quia per absolutam Dei potentiam potuit augeri in infinitum, & consequenter non fuit summa possibilis, quia augeri potuit; Doctor verò Subtilis id negat.

Itia igitur hæc in questione sunt deter-

minanda. *Primum*, quod gratia non fuerit de facto, & actu infinita. *Secundum*, quod reuera facta fuerit perfecta, ut præstantior, nec producti, nec creaturæ communicari possit. *Tertium*, quod non possit augeri in infinitum, ac consequenter, quod non fuerit infinita potestate.

CONCLUSIO PRIMA.

Gratia Christi tam in ratione entis, & qualitatis, quam in ratione intensiōis non fuit de facto infinita. Hæc est communis inter utriusque Scholæ tam Angelicæ, quam Subtilis sectatores.

*Probat*ur *primò*, quia de facto nullum datur actu ens infinitum, nam Sapientiæ 11. *Deus omnia fecit in numero, pondere, & mensura*: Sed gratia Christi tam secundum entitatem, quam secundum intensiōem est ens actu: ergo nullo ex his modis potest esse infinita.

Deinde: Si gratia Christi aliquam infinitatem haberet, illa esset repetenda, vel ex parte subjecti, quod afficeret, vel ex parte effectuum, quos produceret: siquidem debet esse proportio inter subjectum, & accidens, quod in eo recipitur, sicut & inter ipsum accidens, ac effectus, ad quos producendos ordinatur: atqui ex neutro capite colligi potest hæc gratia infinitas. Non quidem ex parte *subjecti*, quia anima Christi est ens finitum, ac limitatum: Neque etiam ex parte *effectuum*; nam nullus effectus à gratia productus, aut producendus potest assignari qui, vel entitativè, vel intensivè sit infinitus, quatenus physicè, & efficienter ab ipsa gratia procedit: ergo gratia Christi, tam secundum entitatem, quam secundum intensiōem est de facto finita.

Denique repugnat aliquam entitatem creatam esse tantæ perfectionis, quantæ est entitas increata: sed si gratia esset infinita, tam secundum entitatem, quam secundum intensiōem, esset æquè perfecta, ac entitas increata: ergo, &c. Major constat, ens enim increatum longè præstantius est omni ente creato: Minor verò probatur, quia vel gratia est eadem realiter cum charitate, vel saltem necessariò eam sibi habet annexam connaturaliter secundum eandem intensiōem, quam ipsa obtinet, itaut si gratia sit infinitæ intensiōis, etiam charitas debeat esse infinitæ intensiōis: sed si chari-

tas creata esset infinitæ intensiōis, esset æquè perfecta, ac charitas divina, & increata, & æquè perfectum posset producere actum dilectionis. *Insuper* cum omnis entitas infinitè perfecta debeat Deo connaturaliter; sequeretur etiam gratiam sic infinitam deberi Deo tanquam ejus nativæ proprietatis, quod aperte absurdum est: igitur nulla ratione Christi gratia censeri debet infinita.

*Probat*ur etiam aliqui hanc conclusionem à posteriori; quia, inquit, si gratia Christi esset infinita, sequeretur lumen gloriæ ejus etiam esse infinitum, & si lumen gloriæ infinitum, visio beatifica infinita, & per consequens comprehensiva Dei, quod est absurdum; nam soli Deo proprium est posse seipsum comprehendere. *Verùm* hæc ratio est insufficiens, quia dato, quod lumen gloriæ sit infinitum, non sequitur ex eo præcisè visionem beatificam Christi esse infinitam, visio enim non tantum elicitur à lumine gloriæ, sed etiam ab intellectu, qui est finitus, & incapax infinitæ actionis.

Præterea, licet concederetur visionem beatificam Christi esse infinitam; non tamen sequeretur esse comprehensivam Dei: nam ad hoc, ut visio infinita sit comprehensiva, debet esse infinita simpliciter, & sine modificatione, sicut est visio illa, qua Deus seipsum comprehendit; visio autem Christi beatifica non esset infinita simpliciter, & sine modificatione; alias esset Deus ipse: Ergo ex eo, quod esset infinita, non sequeretur fore comprehensivam Dei.

Itaque dicimus Beatos in patria non propterea comprehendere Deum, licet viderent totum Deum, omnia divina attributa, omnes res possibiles, quæ relucent in essentia divina; & omnes respectus, & habitudines, quas Deus habet ad illa: quia ista omnia non cognoscerent tantum, quantum sunt cognoscibilia, proindeque visio eorum beatifica dici quidem posset infinita, non tamen comprehensiva, quia diceretur infinita cum modificatione, scilicet diceretur infinita extensivè; non verò intensivè.

Dices primò. Id omne perfectionis, & gratiæ asserendum est in Christo, quod nec ejus statum dedecet, nec manifestam contradictionem involvit: talis autem est gratia infinita: igitur hæc est asserenda in Christo.

Nego minorem : Siquidem , ut mox probatum est , repugnat gratiam aliquam esse actu infinitam . *Addo quod* illa gratiæ infinitas omnino fuerit superflua : tum ad finem Incarnationis , quia etiam si hominum redemptio exigeret meritum , & pretium infinitum , non esset necesse , quod illa meriti infinitudo peteretur ex parte gratiæ habitualis infinitæ ; quippe ad id sufficiebat Christi personalitas , quæ tale pretium meritorii operibus per quandam dignitatem externam conferret .

Inflabis . Gratia habitualis in natura humana Christi conferebat ad illam exornandam , propter unionem hypostaticam : sed hæc fuit actu infinita : ergo & illa .

Respondeo primò , negando maiorem , falsum enim est , ut diximus in prima disputatione , quod gratia fuerit prærequisita ; tanquam medium necessarium ad unionem hypostaticam .

Deinde etiam si reverà prærequisita fuisset gratia habitualis in ordine ad unionem hypostaticam , non sequitur inde , quod debuerit esse actu infinita ; nam sicut licet creaturæ ordinentur ad Deum tanquam ad finem , non dicunt infinitatem ; ita neque gratia requireret aliquam infinitatem propter illam ordinationem ad unionem hypostaticam . *Denique* , falsum est , quod unio hypostatica formaliter sumpta sit infinita tam ratione sui , quàm ratione extremorum immediatè unitorum . Non quidem ratione sui , quia illa , ut diximus , est respectus extrinsecus adveniēns , qui reverà est quid finitum : non etiam ratione extremorum , quia humanitas est finita ; personalitas autem Verbi , quæ est aliud extremum immediatum istius unionis , nec finita est , nec infinita .

Dices secundò . Quod habet efficientiam infinitam , etiam in entitate infinitum est ; sed gratia Christi habet virtutem , & efficientiam infinitam , est enim fons inexhaustus , de cuius plenitudine infiniti homines , & Angeli , fiderentur , possent suam gratiam mutuari . *Insuper* illa gratia habitualis Christi infinitum valorem conferebat ejus operibus , & ea efficiebat digna , quæ pro infinitis hominibus , & Angelis redimendis , & salvandis sufficerent .

Nego minorem , & ad primam illius probationem dico , gratiam Christi non ea ratione censerī fontem , de cuius plenitudine omnes accepimus , quasi illa in se contineat om-

nes omnino gratias quoad entitatem , quæ in universos homines , & Angelos effluunt ; sicut in fonte continentur omnes aquarum guttulæ , quæ in fluviolum exundant : sed tantum , quod Christus fuerit causa meritoria omnium gratiarum , & cœlestium charismatum , quæ intuitu illius meritorum Deus hominibus , & Angelis concedit .

Ad secundam probationem , dico , quod etiam si Christi merita fuissent infiniti valoris , & capacia , quæ conferrent ad redemptionem infinitorum hominum , non inde sequitur , quod ejus gratia fuerit infinita secundum entitatem , quia infinitus ille meritorum valor non exigeret principium *quo* infinitum , sed tantum principium *quod* : ac subinde non esset opus , quod gratia habitualis Christi , quæ est tantum principium *quo* illius meritorum , esset infinita ; sed dumtaxat requiritur , ut principium *quod* , scilicet persona Verbi , à qua ille valor derivatur , infinitatem quandam illis tribueret ratione sibi identificatæ divinæ naturæ .

Addo quod valor operum meritoriorum maxime sit petendus ab acceptatione Dei ; unde si essent possibiles infiniti homines , & Angeli , Deus potuisset acceptare Christi Domini merita pro eorum redemptione , & salute : hæc autem acceptatio non prærequirit gratiam infinitam , à qua illa opera bona tanquam à principio *quo* eliciantur .

Ex his collige primò , gratiam Christi non posse rectè dici infinitam ratione *extrinsecæ acceptationis Dei* , eo quod illa sit in supposito divino , ut aliqui moderni Theologi docent ; quia illa extrinsecæ acceptatio est tantum moralis aliqua dignitas gratiæ moraliter dignificatæ à supposito Verbi Divini : sed propter istam moralem dignificationem gratia Christi dici non debet infinita . Probatur . Suppositum Verbi non magis dignificat gratiam in humanitate Christi residentem , quàm ipsam humanitatem assumptam , cui illa immediatè unitur : sed propter istam dignificationem humanitatis non dicitur humanitas infinita : ergo , nec ea ratione gratia Christi dici debet infinita : Major patet , quia humanitas Christi intimius unitur Verbo , & immediatius , quàm quodlibet accidens ipsi humanitati inherens : at ratione illius intimæ unionis humanitas dici non potest infinitæ dignitatis , sed tantum , quod habeat infinitam dignitatem , propter Verbum infinitum , cui

conjungitur : Nec refert, quòd meritum Christi ratione supposito dicatur infinitum, saltem extrinsecè, & ratione acceptationis divinæ : non enim idem dici potest de gratia, quia meritum reverà offertur acceptandum in tantum, in quantum acceptari potest. Unde voluntas divina intuitu Verbi illud acceptat in infinitum, hoc est, pro infinito merito, & pro infinitis hominibus, & Angelis, si tot existerent : gratia autem non offertur acceptanda, sed potius est principium parziale illius, quod acceptandum offertur ; ideoque quemadmodum aliud principium parziale meriti, nempe voluntas Christi, non dicitur infinita : ita neque gratia dici debet infinita, quantumvis meritum ab illo utroque principio procedens dici possit aliqua ratione infinitum.

Collige secundò gratiam Christi non etiam esse infinitam in ratione gratiæ, seu ratione effectus formalis, quo reddebat Christum gratum, aut effectus effectivi quatenus erat principium merendi pro hominibus, & Angelis ; nam uterque iste effectus sive formalis, sive effectivus, quatenus erat gratia, omninò finitus erat, quia nulla forma paxillare potest effectum sive formalem, sive alium ultra suam entitatem : virtus enim entitatem non excedit : at entitas gratiæ est finita : igitur effectum infinitum præstare non potest, unde etiam effectus ille sive formalis, sive effectivus, magis in personam Christi, quàm in ipsam gratiam, refunditur.

Collige tertio, Christi gratiam non etiam censeri infinitam ratione alicujus modi physici intrinseci advenientis ei ex ipsa ejus conjunctione ad Verbum divinum ; siquidem non potest explicari, quid sit ille modus infinitus : nil enim posset aliud concipi, quàm quod ipsa gratia mediante anima, & voluntate Christi, cui inest, terminatur a supposito Verbi : at hæc ratio terminationis non potest conferre gratiæ aliquam infinitatem ; tum quia hæc ratione cetera accidentia, quæ sunt in Christo, etiam dicerentur infinita ; tum quia priori jure illa infinitas tribuenda esset ipsi voluntati, & animæ Christi, quæ immediatius ipsi supposito Verbi, quàm ipsa gratia, unitur.

CONCLUSIO SECUNDA.

DE factò collata est Christo summa gratia habitualis : Colligitur ex illo Joan. I.

Vidimus gloriam ejus gloriam quasi unigeniti à Patre plenum gratiæ, & veritatis. Quasi diceret Evangelista, Christum talem habuisse gloriam, qualem decebat haberi ab unigenito Dei Filio ; decuit autem illi conferri summam gloriam : ergo & de facto collata est : at gloria correspondet gratiæ, & in illa fundatur ; ergo si summa sit gloria animæ Christi, etiam illius gratia debuit esse summa. Confirmatur ex cap. 3. ubi Joann. Baptista faciens sermonem de Christo dicit : *Non enim ad mensuram dat Deus Spiritum.* Quæ verba sacri Doctores, & interpretes explicant de Christo : quod etiam colligitur ex his verbis sequentibus, *Pater diligit Filium, & omnia dedit in manu ejus :* sed qui non habet spiritum, & gratiam ad mensuram, necessariò debet habere omnem gratiam possibilem, adeoque summam, quæ creaturæ conferri potest : igitur Christus talem habuit.

Confirmari potest autoritate Philosophi dicentis, quòd in unoquoque genere est unum, quod est metrum, & mensura cætorum, & cæteris quibuscumque sub eodem genere contentis præstantius est ; ergo pariter in genere gratiæ ; illud autem unum esse non potest aliud, quàm Christus, quia est unus Mediator Dei, & hominum, unicum, & supremum Ecclesiæ caput ; ergo etiam unus, & unicus est, qui omnem gratiæ excellentiam, & plenitudinem contineat.

Probat hanc veritatem Doctor subtilis hac ratione : Deus Christo D. contulit omnem omnino gratiam possibilem, & qua major alicui creaturæ concedi non potest, si illa sit possibilis : at ita est : ergo fatendum est illam ipsi contulisse. Major patet : cum enim Deus Christum, utpote Filium suum naturalem magis diligit, quàm justos quoslibet, qui dumtaxat sunt illius filii adoptivi, haud dubium est, quòd ipsi omnes omnino contulerit dotes, quas filiis adoptivis conferre possit, & consequenter, quòd ei dederit summam gratiam. Minor verò probatur : nempe quòd summa gratia sit possibilis. Summa gratia potest creati : ergo est possibilis. Probat antecedens. *Tum quia* summa gratia est ens finitum, & limitatum, omne autem ens finitum potest à Deo creati, igitur, &c. *Tum quia* in entibus permanentibus, quæ nata sunt habere, aut posse habere simul omnes partes, & perfectiones, ac gradus ibi compossibiles,

potest Deus illas partes, & gradus uno instanti producere, & conferre; atque gratia est ens permanens ex natura sua, cum sit qualitas supernaturalis; ergo Deus potest producere, & conferre omnes partes, & gradus sibi composibiles: at gratia, quæ habet omnes gradus sibi composibiles, est reverà summa, quia ipsi nihil potest addi, alioqui non censeretur habere omnes gradus sibi composibiles: igitur, &c. Tum denique, quia Deus potest creare maximam gratiam, quæ producibilis est: sed illa maxima gratia est summa: ergo non est inconveniens, quod summa gratia ponatur in esse: igitur reverà summa gratia est possibilis: sed probabilissimum est Deum Filio proprio contulisse omnes partes possibiles: igitur, &c.

Probat secundò Doctor. Omnis perfectio Christo est tribuenda, cujus recipiendæ est capax absque ulla contradictione, & inconvenientia: sed anima Christi est capax recipiendæ summæ gratiæ; ergo fatendum est illam ipsi esse collatam. Major constat ex dictis, dignificanda est enim Christi Domini humanitas, quantum fieri potest absque ulla inconvenientia. Minorem probat Doctor. Subiectum, quod est receptivum alicujus accidentis habentis quosdam gradus intentionis, potest recipere omnes illos gradus, si non limitetur ad aliquem certum gradum infra summum: at anima Christi est susceptiva gratiæ: nec illius capacitas determinatur, & limitatur ad aliquem certum gradum istius gratiæ: ergo potest quæcumque gradum recipere. Probat majorem per oppositum; ideo enim aqua non potest quæcumque gradum caloris recipere, quia calor est accidens disconveniens aquæ in aliquo gradu, nempe in summo, qualis competit igni; unde non posset summus ille gradus caloris inesse aquæ, nisi illam corrumpere, siquidem ille est ultima dispositio ad formam ignis.

Probat minor. Ideò anima Christi ex se determinaretur ad certum gradum gratiæ suscipiendum, vel quia ulterior gradus ipsam dedecet, vel quia non posset ipsi communicari, absque contradictione: sed nullus gradus gratiæ quantumvis intensus dedecet animam Christi, nec ulla apparet contradictio, quod illa suscipiat quæcumque gradum gratiæ possibilem: igitur illa non est limitata ad aliquem gradum gratiæ recipiendum citra summum.

Confirmat, quia non minor est capacitas animæ Christi D. respectu gratiæ recipiendæ, quam in Angelis. Probat: Si minor esset in anima Christi capacitas ad recipiendam gratiam, quam in Angelis, maximè quia illa capacitas proportionaretur entitati: unde consequens esset, quod entitas minus perfecta minorem haberet capacitatem; sed hæc ratio nulla est: *Tum quia* major, aut minor entitatis naturalis perfectio impertinens est ad receptionem gratiæ, quæ est ordinis supernaturalis: *Tum quia* gratia receptibilis in Angelo, est ejusdem speciei cum ea, quæ receptibilis est in anima: sed quæcumque forma susceptibilis aliquibus est ejusdem speciei, etiam illa, ut susceptiva, debent esse ejusdem speciei in ratione susceptivi: hinc quia albedo lactis, & nivis est ejusdem rationis, etiam nix, & lac sunt ejusdem rationis in suscipienda albedine; ergo cum gratia receptibilis in Angelo sit ejusdem speciei cum ea, quæ recipitur in anima rationali, consequens est, quod sit in anima, & Angelo capacitas ejusdem rationis ad recipiendam gratiam.

Constat igitur ex his animam Christicæ susceptivam tantæ gratiæ, quantum quæcumque alia substantia finita intellectualis recipere potest; ac subinde, quod Christus non habuerit repugnantiam, ut gratiam perfectissimam obtineret: igitur summa gratia ipsi est attribuenda; nam inquit Doctor *num. 6.* probabile est dicere secundum Magistrum, quod Deus tantam ei gratiam contulerit, quantum potuit; in commendando enim Christum malo excedere, quàm deficere à laude sibi debita, si propter ignorantiam oporteat in alterum incidere. Confirmat per illud Augustini de libero arbitrio, *quidquid tibi vera ratione melius occurrit, scias hoc Deum magis fuisse, quàm non fuisse*: Videtur autem simpliciter melius secundum rectam rationem, summam gratiam esse alicui collatam, quàm non esse collatam, quia in hoc manifestatur summa misericordia, Dei in dando summum bonum gratiæ sine meritis: igitur probabile est hoc esse factum, & non in alio, quàm in anima Christi: igitur, &c. Ita Doctor, non minus pie, quàm subtiliter.

Eandem veritatem egregiè etiam suadet Doctor seraphicus dist. 13. art. 1. q. 2. his verbis: Si loquamur de gratia Christo collata, secundum quod est singularis perso-

na in se, & sic cum dicat donum creatum, necessarii finitum est, & mensuratum. Finitas enim, & mensuratio circa creaturam potius dicunt complementum, quam imperfectionem. Si autem loquamur de illa in comparatione ad gratias aliorum hominum, sic improporcionabiliter excedit ratione unionis ad personam. Verbi, ad quam unionem gratia illa disposuit animam Christi. Gratia enim illa propter conjunctionem summam cum Verbo æterno habet excedere in infinitum, & incommensurabiliter gratias aliorum hominum tripliciter, scilicet quantum ad virtutem habitus, & quantum ad usum, & quantum ad effectum. *Quantum ad habitus*; numquam enim aliqua creatura potest tantum proficere, quod tam nobilis, & perfecti habitus sit capax, sicut anima conjuncta Deo in unitate personæ. *Quantum ad usum* virtutum, quia omnes virtutes in Christo habuerunt usum suos, qui spectant ad perfectionem: & propterea dicuntur fuisse in ea omnes sensus, quia usum habuit completum omnium donorum excellentiori modo, quam unquam adhuc pettingi posset ab aliquo. *Quantum ad effectum*, similiter improporcionabiliter excedit gratia Christi: quia propter hoc, quod ille homo erat Dei Filius, meritum illius pensatur secundum dignitatem illius personæ, à qua exit opus: & propterea meritum passionis suæ infinitum excedit merita passionum nostrarum: & ob hoc, quod Deus erat, motus ejus pensata fuit à Deo, quantus erat ille, qui moriebatur. Et ideo quantum ad sufficientiam, si infinita millia hominum essent reatu originali astricta, per illius passionis effectum potuissent esse libera.

Alia ita probant. Magis est assumi ad esse divinum, quam ad summam gratiam: sed humanitas Christi assumpta est per summam unionem ad esse divinum: ergo & ad summam gratiam possibilem. *Præterea*, natura humana Christi assumpta est ad summam unionem quantum ad esse; ergo & assumpta ad summam unionem quantum ad operari: sed summa unio quantum ad operari non est, nisi per summum habitum gratiæ, quæ est principium operandi; ergo natura humana Christi assumpta fuit ad summum habitum gratiæ.

Objicies primò, S. Augustinus 13. de Tri-

nitate cap. 5. dicit; *Beatum esse, qui habet quidquid vult, & nihil mali vult*; quod non intelligitur de velle actuali; quia si aliquis sanctus in via posset esse beatus saltem pro aliquo instanti, pro quo posset habere quidquid vult, etiam & nihil mali vellet: sed intelligitur de potentia volendi, ut scilicet habeat quidquid potest recte velle: Potest autem humanitas, v. gr. recte velle habere tantam gratiam, quantæ natura ejus est capax: quia velle liberum, seu rationale semper est rectum, quia conformatur voluntati, seu inclinationi naturali, quæ semper est recta; inclinatio autem naturalis Michaelis est ad tantam gratiam quantæ natura ejus est capax: natura autem animæ Christi non est ita excellens, nec per consequens tantæ gratiæ capax: ergo de facto non habet tantam gratiam, quantam habet Michael cum sit beatus.

Respondet Doctor subtilis beatum esse, qui habet quidquid vult, hoc est, quidquid Deus vult illum velle; Deus autem non vult voluntatem aliquam velle liberè majorem gloriam, quam sit ea, quam ei contulit: & ideo illa voluntas non potest aliam gloriam recte velle.

Ad probationem respondet naturalem appetitum cuiuscumque voluntatis esse ad summam gloriam; ita quod quælibet voluntas appetat naturaliter perfici summa gloria; attamen non est ibi tanta inclinatio naturalis ad summam gloriam, ut oppositum ejus, id est, non summa gloria, insit violenter potentia habenti talem inclinationem, ut contingit in inclinatione illa naturali, quagave inclinatur naturaliter deorsum, quia oppositum ejus, scilicet non esse deorsum, vel esse sursum, violenter inest ei. Ratio est, quia illa alia inclinatio non habet principium intrinsicum necessitans ad illud, quod ipsa est, ita quod oppositum ejus non possit inesse nisi violenter: inclinatur enim ad habendam gratiam summam, & tamen potest quietari in anima, quia non habet principium intrinsicum determinans eam ad aliquem gradum determinatum. Voluntas autem libera tunc est recta non modo, quando sequitur hujusmodi appetitum naturalem, sed potius quando se conformat regulæ superiori, videlicet voluntati Dei; quæ quandoque vult voluntatem rationalem sequi appetitum naturalem, quandoque non; voluntas vero divina vult voluntatem beatam non plus velle gloriæ, quam

quàm decreverit ei conferre, non obstante appetitu naturali, cujus operatio, seu inclinatio tunc deferitur sine tristitia, quia in patria plus incomparabiliter voluntatis est, in sequendo regulam superioris, quàm inclinationem appetitus naturalis.

Obijciens secundo, non est ponendum plus gratiæ in anima Christi, quàm requiratur ad ejus beatitudinem: sed perfectè potest beatificari sine gratia summa. Probat. Inclinatio naturæ Christi potest terminari sine summa gloria: ergo sine summa gratia; nam inclinatio ejus non est summa, quia ejus natura non est summa, quemadmodum, v.g. quia aqua non est summè gravis, potest quietari in loco deorsum, qui non erit omnium infimus.

Respondet Doctor inclinationem posse spectari dupliciter: vel ex parte fundamenti, nimirum naturæ cujus est inclinatio, vel ex parte termini, nimirum gratiæ recipiendæ: Inclinatio ex parte fundamenti est perfectior in perfectiori natura, quàm in minùs perfectâ, & per consequens præstantior in Angelo, quàm in anima Christi, quia inclinatio naturalis non distinguitur realiter à natura, cujus est inclinatio; siquæ ubi perfectior natura, ibi perfectior inclinatio ex parte fundamenti: Inclinatio autem, ut respiciens talem terminum, nempe gratiam, non est perfectior in perfectiore natura; quàm in minùs perfectâ; quia gratia quæcumque simpliciter naturam ornat, & perficit, & ideo natura Christi potuit habere inclinationem ad summam beatitudinem. In explicationem hujus rei, possunt esse duæ superficies, una duorum pedum, altera unius pedis: Prior est major, & perfectior in se, & in ordine ad plura accidentia recipiendâ; tamen per respectum ad intentionem albedinis utraque est æquè perfectâ, quia utraque potest æquè intensam, ac summam albedinem recipere.

Obijciens ultimum, summa natura non est facta: ergo nec summa gratia. Antecedens probatur: Quæcumque natura facta potest excellentior fieri. Consequentia probatur: quia ordo Universi magis consistit in speciebus, quàm in individuis, species enim plus ornant universum, quàm individua: ergo convenientius debuit fieri summa natura, quæ differt specie à aliis naturis, quàm summa gratia, quæ tantum differt in unere ab aliis gratis non summis.

Respondet Doctor debuissè potius fieri sum-

mam gratiam, quàm summam naturam, quia in naturæ operibus manifestatur tantum potentia, & sapientia divina: in operibus autem gratiæ bonitas, & misericordia; præstat autem misericordiam manifestari, quàm potentiam. Adde nulla necessitate congrua Deum fuisse compulsum ad summam naturam condendam; fuisse autem motum ad summam gratiam, intuitu scilicet naturæ in tam excellenti supposito subsistentis.

CONCLUSIO TERTIA.

Gratia Christi non est potestate infinita, nec augeri potest in infinitum. Hæc est Doctoris *ibidem* num. 2. eamque sic probat. Gratia Christi non potest augeri in infinitum, si reverà augmentum hoc gratiæ repugnet: at repugnat gratiam sic augeri; igitur etiam istud augmentum in infinitum repugnat gratiæ Christi. Major constat, quia gratia Christi non est diversæ speciei à cæteris gratis: ergo si cæteræ gratiæ non possunt in infinitum augeri, etiam hoc non erit affirmandum de gratia Christi. Minorem probat Doctor, ex hypothesi, quod Deus vellet gratiam unius, aut alterius gradus intendere per additionem aliorum graduum, vel illam succrescere faciet, & augebit usque ad supremum aliquem gradum finitum, ac determinatum; ultra quem alius non erit producibilis, v.g. usque ad octavum gradum; vel in illo augmentum non dabitur status, sed ulterius in infinitum poterit procedi. Si primum, habetur intentum, quod scilicet omnis gratia habeat determinatos gradus suæ intensiōis: Si secundum, sequetur illam gratiam posse esse actu infinitam; quia quantò magis intenderetur per additionem plurium graduum, tantò magis erit perfectâ intensivè: unde si fiat progressus in infinitum in illa intensiōe, consequens est, quod illa gratia poterit esse infinitæ intensiōis: sed repugnat aliquam gratiam esse infinite intensam: ergo repugnat gratiæ augmentum fieri in infinitum.

Reponunt Adversarii rationem illam procedere à falso supponente, nempe quod infinitum in potentia possit fieri in actu; sicut enim in continuo data quæcumque divisione partium, semper ulterior divisio fieri potest in infinitum, nec tamen sequitur, quod in continuo sunt partes actu infinitæ:

ita

ita quamvis gratia possit augeri in infinitum per additionem novorum graduum, non sequitur, quod illa possit esse actu infinite intensa, quia ex eo, quod aliquid sit infinitum in potentia, non sequitur, quod illud possit esse infinitum in actu.

Contra primò, urget Doctor auctoritate Philosophi 3. *Physicorum c. de infinito*, dicentis quod *quantum contingit esse in potentia: tantum contingit esse in actu*, hoc est, quidquid possibile est in potentia, etiam possibile est esse actu, quod maxime verum est in formis, ut interpretatur Averroes: igitur non potest procedi in infinitum, quin pariter illa forma possit in actu esse infinita, alioquin non posset tantum esse in actu, quantum potest esse in potentia. Non est autem paritas inter inrektionem gratiæ, ac divisionem continui, quia, quod in divisione continui partes omnes possibiles simul non possint esse actu; ratio est aperta, quia si partes illæ omnes essent actu: sequeretur illas esse indivisibiles, quod repugnat, quia hoc est contra rationem continui divisibilis: at verò quod formæ alicuius intensibilis omnes partes simul existant, nulla apparet repugnantia: si quæ enim esset, maxime quia addito supremo, & ultimo gradu illius formæ, videretur exhausta Dei potentia, & abbreviata manus Domini, si ulteriore gradum non posset producere: sed hæc repugnantia nulla est; nam omnipotentia Dei non spectat ad illa, quæ non sunt factibilia: unde quemadmodum non est exhausta Dei potentia; licet naturæ humanæ, ne quidem minimum gradum essentialem possit addere; quia id fieri nequit absque eo, quod mutetur species humana; sic non videtur exhausta Dei potentia, etsi nullum gradum gratiæ Christi possit superaddere, quia supponitur jam omnimodum possibilem gradum ei fuisse superadditum.

Probat insuper Doctor eadem ratione, qua S. Thomas nititur evincere contrarium, ex hoc principio, quod gratia est quædam participatio Dei, ex quo sic arguebat S. Thomas, Deus est infinite participabilis à creatura: ergo gratia poterit infinite intendi, ut Deus infinite participetur. At Doctor subtilis sic arguit, participare perfectionem infinitam Dei, est partem aliquam accipere illius infinite perfectionis: ergo partem aliquam accipere secundum determinatum gradum; nam si secundum gradum indeterminatum, & infinitum, quemadmodum

perfectiones divinæ sunt infinitæ, & simul se totis existunt, sequeretur etiam, quod non repugnaret aliquam creaturam habere simul infinitos gradus perfectionis; & sic æquè esse perfectam, ac Deus ipse, qui infinitam actu perfectionem possidet, quod est absurdum: igitur licet Deus quantum est exte, sit infinitus, & infinite perfectionis, non est tamen infinite participabilis à creatura aliqua specie determinata, quia non datur aliqua creatura, quæ sit infinite participativa Dei, licet Deus sit infinite participabilis synecathegorematicè, hoc est, ab infinitis creaturis possibilibus, sicut sunt possibiles.

Obijciens primò illud Lucæ 2. ubi dicitur, *Et Jesus proficiebat sapientia, & ætate, & gratia apud Deum, & homines*: Quibus apparet illum suscepisse gratiæ augmentum, sicut & ætatis; igitur quemadmodum non habebat summam ætatem: ita nec summam gratiam.

Respondet primò huius textus varias proferri explicationes: nam S. Damascenus lib. 3. de fide cap. 22. duas explicationes affert: quarum *prima* est, quod profectus ille intelligendus sit de Ecclesia, non de Christo; nam quæ membris conveniunt, interdum capiti tribuuntur. *Secunda* est, quod sit intelligendus de augmento gratiæ, & sapientiæ, non interno, sed externo, nempe secundum manifestationem, quia in dies illius sapientia, & sanctitas magis, ac magis coram hominibus clucebat. Ita similiter hunc textum explicat S. Athanasius orat. 4. contra Arianos: *Augeſcente*, inquit, *magnitudine corporis, una crescebat in eo Deitatis manifestatio*.

Verum quia dicitur crevisse non solum externa apparentia apud homines: sed etiam interno profectu apud Deum, idcirco rectius censermus dicendum cum Scraphico Doctore, in cap. 2. Lucæ, profectum illum sic esse intelligendum: *Vel* quod Christus magis, ac magis in dies clarescit in operibus charitatis ad Deum, & proximum: *Vel* cum Angelico Doctore 3. par. qu. 7. art. 12. quod profectus ille sit intelligendus, quoad actus, & effectus; non autem quoad habitus: cuius veritatis lucidum apparet exemplum in Sole, qui licet tantam claritatem habeat manè, quantum meridiè; respectu tamen nostrî, non ita videtur fugidus manè, ac meridiè.

Obijciens secundò, summa gratia, quam habet

bet Christus est finita : sed quocumque finito potest dari majus : ergo illa gratia quantumvis summa, potest dari alia perfectior. Major constat ex dictis : Minor verò probatur, quia quocumque finita creatura potest dari alia præstantior, si illud non repugnet : at non repugnat quantumvis perfecta creatura aliam dari præstantiorem creaturam. Probatur, quia si id repugnaret, maxime quia inde sequeretur illam creaturam esse infinitam : sed hoc non est verum : illa siquidem fieret præstantior per additionem novi gradus, quo aliam creaturam excederet : sed novus ille gradus non efficeret illam infinitam : igitur &c.

Negat minorem Doctor, ad cujus probationem dicit, quòd illa propositio *quocumque gratia finita potest dari major*, potest intelligi dupliciter. *Primo*, sic ut velit, quòd quocumque gratia finita potest dari major per additionem alterius gradus intra eandem speciem, & in hoc sensu negat propositionem : quando enim gratia, aut quælibet alia qualitas habet summum gradum suæ perfectionis, quantumvis sit finita, non potest reddi major : non quia hoc posito fieret infinita si ulterior gradus adderetur, sed propter impossibilitatem : quemadmodum albedo v. gr. addita nigredini non potest illam intendere, non quia illam efficeret infinitam, sed quia cum illa est impossibilis : at etiam novus gradus gratiæ est impossibilis cum summa gratia, quia inde sequeretur illam non esse summam si per novum superadditum gradum fieri posset præstantior : igitur non ratione infinitatis, sed ratione impossibilitatis repugnat, quòd novus gradus addatur summæ gratiæ.

Obijciunt tertio, si repugnaret gratiæ cuiusque augeri, & reddi perfectior, maxime hoc esset rependendum, *vel* ex natura intrinseca gratiæ, *vel* ex defectu virtutis in causa effectiva, *vel* ex defectu capacitatis in subiecto : at neutrum dici potest. Non quidem *primum*, quia illa ex se est participatio gratiæ, seu charitatis divinæ infinitæ, quæ cum possit magis, & magis participari in infinitum, etiam potest participantem præstantiorem in infinitum efficere. Non etiam *secundum*, quia Deus est infinitæ virtutis, & consequenter ad infinitos effectus, & gradus producidos potest suam explicare virtutem : Non denique *tertium*, quia subiectum capax recipiendæ alicujus for-

mæ, potest illam recipere secundum omnem suum gradum.

Negat minorem Doctor, & ipsismet rationes objectionis deducit ad suppositum pro confirmanda sua sententia. *Primum* quidem, quia omnis participatio divinæ perfectionis necessario est finita, ut supra diximus, alioqui sequeretur aliquam creaturam habere posse perfectionem infinitam, & sic æquè esse perfectam, ac Deus, quod repugnat. *Secundam* similiter, quia Deus non potest producere gratiam, nisi vel ex nihilo ipsam creando, vel ex subiecto, si illam promittat per eductionem : at neutro modo potest producere gratiam infinitam, quia omnis natura, quæ producit ex nihilo sui, vel mediata, vel immediata, necessario est limitata, & finita; quia omnis perfectio illimitata est à se necessario, & consequenter nequit produci ex nihilo : igitur cum omnis gratia sit à Deo producta ex nihilo sui, vel immediata, vel mediata, non potest esse infinita. *Tertiam* denique rationem etiam deducit ad oppositum : omne enim suscipiens finitum nequit habere capacitatem ad perfectionem infinitam; quia etsi suscipientis capacitatis sit respectu cuiuscumque gradus in forma; non tamen capacitatis alicujus finiti se extendit ad formam infinitam.

Ex his collige gratiam Christi esse defectu summam, non solum *negativè*, sed etiam *positivè* per respectum ad omnes gratias, quæ vel hominibus, vel Angelis fuerunt concessæ; ita ut illa omnes planè excedat gratias tam Angelorum, quam hominum : tum quia omnes illorum gratiæ à Christo velut à capite omnis Ecclesiæ, sive militantis, sive triumphantis, sive patientis, in ipsos tantquam in mystici corporis membra derivantur : at vita longè nobilius residet in capite, quam in omnibus membris : ergo gratia habitualis, quæ est principium vite spirituales longè præstantior est in Christo, quam in omnibus tam hominibus, quam Angelis; tum quia omnes Angeli, & homines tantum propter Christum fuerunt Deo grati : ergo ipsi Christus longè magis fuit gratus : quia propter quod unum quodque tale, & illud magis, ac subinde majorem, ac præstantiorem habuit gratiam : tum denique quia ei, & quidem soli, confecti debet perfectissimum, & summum operandi principium, cui soli concessum est perfectissimum, & summum principium essendi : at qui humanitati Christi concessum est principium, & summum

num principium essendi, nempe esse divinum per unionem hypostaticam: igitur ei soli conferri debuit perfectissimum, & summum principium operandi per gratiam: ac quod uni, & soli collatum est in summo, non tantum est summum de facto negativè, sed etiam positivè: igitur gratia Christi de facto est positivè summa.

Quæres primò, an Christus habuerit omnem plenitudinem gratiæ sanctificantis, idque ab instanti suæ conceptionis.

Respondet Seraphicus Doctor dist. 18. art. 1. qu. 3. quòd absque dubio in Christo secundum humanam naturam ab ipsius conceptionis primordio fuit gratia perfecta, & ordinata, & consummata plenitudo; non enim decebat Verbum increatum uniri animæ perfectissima unionè, qualis est unio in unitatem personæ, quin anima esset Deiformis, in quantum erat possibile. Et ideo non tantum Deiformitatem habuit gratiæ, & gloriæ, sed etiam super omnem gratiam, & gloriæ, nec tantum fuit in eo plenitudo *sufficiens*, sicut in Sanctis, de qua plenitudine dicitur Act. 6. Stephanus *plenus gratia, & fortitudine*, nec tantum plenitudinem *prærogativæ*, sicut in Virgine Maria, de qua plenitudine dicitur: *Ave gratia plena*. Nec tantum plenitudo *numerositatis, & copie*, sicut in tora Ecclesia, de qua plenitudine dicitur Ephes. 4. *Ascendit super celos, ut adimpleret omnia*: Sed etiam plenitudo *superabundantiæ*, de qua Joannis 1. *Vidimus gloriam ejus, &c.* Plenum, inquam, plenitudine superabundantiæ, propter quod subdit, & de plenitudine ejus omnes nos accepimus.

Confirmatur ex illo Lucæ 1. ubi Angelus Mariam alloquens ait: *Quod nascetur ex te sanctum, vocabitur Filius Dei*. Quibus duo denotat, *Primum*, quòd eodem momento, quo Christi anima habuit gratiam unionis, habuit pariter gratiam habitualement, qua formaliter sanctus erat. *Secundò*, non dixit Angelus, quòd ex te nascetur *erit sanctum*, sed quòd ex te nascetur *sanctum*, ut videlicet significaret Christum ab eo tempore, quo formatus est in utero Virginis, habuisse sanctitatem, & gratiam habitualement. Hoc ipsum egregie probat S. Augustinus lib. 13. de Trinit. cap. 26. ex Prophetia Isaïæ, qua dicitur, quòd super Christum requiescere, deberet Spiritus sanctus: Dominus ipse, Jesus, inquit, Spiritum sanctum non solum dedit ut Deus, sed etiam accepit ut

homo, propterea dictus est plenus gratia: & manifestius de illo scriptum est in Actibus Apostolorum. Quoniam unxit cum Deus Spiritu sancto, non utique olco visibili, sed donogratia, quod visibili significatur unguento, quo baptizatos ungit Ecclesia. Nec sanctum unctus est Christus Spiritu sancto, quando super eum baptizatus veluti columba descendit: tunc enim corpus suum, id est, Ecclesiam suam, præfigurare dignatus, in qua præcipue baptizati, accipiunt Spiritum sanctum. Sed ista mystica, & invisibili unctione tunc intelligendus est unctus, quando Verbum Dei caro factum est, id est, quando humana natura, sine ullis præcedentibus bonorum operum meritis, Dei Verbo est in utero Virginis copulata, itaut cum illo fieret una persona. Hæc S. August.

Quæres secundò, an præter gratiam habitualement, Christus etiam opus habuerit gratia actuali, quæ est motio quædam divina à Deo concessa in ordine ad operationem supernaturalem, qua transacta operatione, non regnat.

Respondet primò, probabilis videri gratiam actualem fuisse Christo necessariam ad operationes liberas supernaturales spectantes ad statum vioris. V. g. ad amorem Dei, vel proximi: necnon ad actus virtutum moralium obedientiæ, humilitatis, &c. Probat, quia gratia actualis, vel est antecedens seu excitans, vel concomitans, seu adjuvans: sed hæc utraque videtur fuisse Christo necessaria, quia gratia excitans est quædam sancta cogitatio, qua nobis proponitur bonum honestum prosequendum, & malum inhonestum fugiendum: Similiter est subditus quidam motus voluntatis, quem excitat divinus Spiritus in ordine ad amorem, vel amorem Dei: sed Christus opus habuit illa motione intellectus, qua judicaret hic, & nunc esse amandum Deum, vel proximum, obediendum, &c. Similiter necessum fuit, ut ejus voluntas ad illos actus moveretur, & specialem Dei concursum haberet: igitur ipsi videtur fuisse necessaria gratia actualis tum excitans, tum adjuvans. *Confirmatur*, quia propter similem rationalem indigebat Christus eodem Dei concursu naturali, quo indigent cæteri homines in actibus naturalibus, non obstante illius unionè ad Verbum: ergo similiter non obstante gratia unionis, &

ha-

habituali, egubat insuper gratiis actualibus, quibus egere solent homines ad actus supernaturales eliciendos.

QUÆSTIO QUARTA.

Utrum gratia gratis data fuerint in Christo.

Notandum primò, nomine *gratia gratis data* Theologos nihil aliud intelligere, quam donum aliquod supernaturale, principaliter institutum ad salutem, & utilitatem spiritualem aliorum: seu, ut loquitur S. Thomas 2. 2. qu. 3. art. 4. ordinatum ad hoc, quòd homo cooperetur alteri, ut reducat ad Deum; homo autem ad id cooperari nequit interius, quia cum solius Dei sit movere, & regere cor hominis: sed solum exterius, vel docendo, vel persuadendo. Et ideo gratias gratis datas novem numerat Apostolus 1. ad Cor. 10. dicens. *Alii per Spiritum datur sermo sapientie: alii autem sermo scientie secundum eundem Spiritum: alteri fides in eodem spiritu: alii gratia sanitatum: alii operatio virtutum: alii prophetia: alii discretio spirituum: alii genera linguarum: alii interpretatio sermonum.*

Rationem hujusce divisionis profert S. Thomas. Ad hoc ut homo alium instruat in rebus divinis, tria sunt necessaria. *Primò*, ut habeat divinorum plenitudinem cognitionis, ut ex hoc instruere alios possit. *Secundò*, ut possit confirmare, & probare ea, quæ dicit, aliis ejus doctrina non esset efficax. *Tertio*, ut ea, quæ concipit possit convenienter suis auditoribus proferre. Ad primum necesse est, ut principia illius scientiæ, quam docere debet, sint ei certissima, & hoc præstat gratia fidei gratis data: ut rectè se habeat circa principales conclusiones, & hoc præstat sapientia; atque ut abundet exemplis, & cognitione effectuum per quos interitum oportet manifestare causas: atque id præstat per scientiam. Ad secundum requiritur, ut confirmetur, vel per opera, quæ solus Deus facere potest, & ad hoc duo sunt necessaria. *Primum* est gratia sanctorum, qua in confirmationem veritatis annuntiatur redditur sanitas aëris. *Secundum* est operatio virtutum, qua operetur stupenda v.g. mare dividere, sistere solem; vel per manifestationem eorum, quæ soli Deo sunt cognita. Et hæc duplicis sunt generis, futura contingentia, & occulta cordium. Ad

primum datur Prophetia. Ad secundum discretio spirituum. Denique ad tertium, quòd est proferre auditoribus ea, quæ conceperit, duo requiruntur: nimirum genera linguarum, & interpretatio sermonum: quia potest hæc facultas proferendi concepta, attendi tantum quoad duo, vel quoad idiomata, in quo aliquis potest intelligi, ad quòd valent genera linguarum; vel quoad sensum eorum, quæ proferenda sunt, ad quòd ordinatur interpretatio sermonum.

Notandum secundò, in hoc maxime differre gratias gratis datas à gratia gratum faciente, seu justificante, quòd *gratia gratum faciens* concedatur ad utilitatem propriam recipientis, gratia autem *gratis data* ad utilitatem totius Ecclesiæ, seu alterius personæ ad Deum ordinandæ. *Insuper* gratia gratum faciens reperitur in omnibus, & solis iustis; est enim ratio formalis, per quam aliquis iustus formaliter constituitur, gratia verò gratis data, nec in omnibus, nec in solis iustis reperitur: non quidem in omnibus, quia non est necesse, quòd omnes hujusmodi gratias illustrentur, quia non competit omnibus alios dirigere, & ordinare in Deum: nec etiam in solis iustis, quia gratia gratis data non est impossibilis cum peccato; siquidem plurimi etiam gravissimi peccatores, ut Caiphas, & Balaam, illustrati sunt dono Prophetiæ; hinc S. Paulus 1. ad Cor. 13. docet Prophetiam haberi posse sine charitate, quæ inseparabilis est à gratia gratum faciente. *Tertio*, tandem maxime discrepat in eo, quòd gratia gratum faciens sit habitus permanens in voluntate: gratia verò gratis data non sit habitus, nec possideatur permanentem, sed tantum per modum transiens, quòd maxime constat ex eo, quia, ut inquit Aristoteles, habitibus utimur cum volumus: ac ut docent Theologi, Prophetiæ v. gr. non utantur dono Prophetiæ quoties volebant, sed dumtaxat quando Deus id gratum habebat.

Notandum tertio, Fidem, quæ inter gratias gratis datas numeratur, maxime quatuor modis posse accipi. *Primò*, prout idem dicit, quòd fidelitas, & sic spectat ad virtutes morales. *Secundò*, quatenus sumitur pro fiducia, & sic revocatur ad spem vel naturalem, vel supernaturalem. *Tertio*, prout est credulitas, seu assensus rebus revelatis, & obscure propositis, & hæc, si nitatur testimonio humano, revocanda est ad fidem

fidem humanam, si verò divino, est ipsa virtus Theologica, & supernaturalis. *Quartò tandem accipiuntur* pro certa fiducia, seu confidencia in Deum, qua quis ita credit Deo, ut sibi persuadeat se divina illius ope posse facere, quodcumque conducit ad salutem aliorum, de qua fide dicitur Marci 11. *Habete fidem Dei: amen dico vobis, quia quicumque jussit huic monti: Tollere, & mittere in mare, &c. non hesitaverit in corde suo, sed crediderit, quia quodcumque dixerit fiat, fiet ei.* Hoc autem postremo modo accepta fides dicitur gratia gratis data.

CONCLUSIO UNICA.

Reverè Christus Dominus habuit omnes gratias gratis datas. Hac est communis inter Theologos, excepto Abulensi, qui in caput undecimum libri Numerorumque 64. negat prophetiam propriè sumptam fuisse in Christo. Probatur conclusio. *Primò*, auctoritate S. Augustini epistola 57. quæ est ad Dardanum, ubi sic ait: *Sicut in capite sunt omnes sensus, ita in Christo omnes gratiæ.* Quam etiam veritatem colligit S. Cyrillus lib. 2. in Joann. cap. 20. ex his verbis: *De plenitudine ejus omnes accepimus*, necnon ex illo ad Ephes. 4. *Unicuique data est gratia secundum mensuram donationis Christi.* Ex quibus locis sic licet ratiocinari: In quocumque est plenitudo omnis gratiæ, & à quo omnis, & quælibet gratia redundat in alios, ille debet etiam habere omnes, & singulas gratias, quæ de facto conceduntur aliquibus; alioqui non haberet totius gratiæ plenitudinem, & gratia illi data fuisset ad mensuram: at Christus habuit omnem plenitudinem gratiæ, & ab ejus plenitudine derivantur non solum gratiæ gratum facientes, sed etiam gratiæ gratis datæ in homines, qui ipsis illustrantur: igitur eas pariter Christus habere debuit.

Probatur secundò, Christus nobis datus fuit à Deo, ut nosset effectus dux, Legislator, Præceptor, & Doctor fidei: igitur habere debuit id omne, quod maximè conducebat ad munus Legislatoris, & Doctoris perfectissimè obeundum: sed ad id maximè conferunt gratiæ gratis datæ; debuit ergo illas habere: Probatur antecedens ex illo Isaïæ 55. & Joelis 2. ubi de Messia dicitur: *Letamini in Domino Deo vestro, quia dedit vobis Doctorem justitiae.* Et Joan. 13. Christus Dominus se profectetur Doctorem, cum

ait discipulos alloquens: *Vos vocatis me, Magister, & Domine, & bene dicitis, summi enim.* Subsumptum autem apparet ex primo notabili; inde enim constat singulas gratias gratis datas perfectissimè conferre ad exequendum munus Doctoris justitiæ, & beatitudinis æternæ.

Probatur teritiò, singulas illarum gratiarum species sigillatim expendendo. *Primò*, quidem de fide id constat, hæc enim sumitur, vel quatenus significat rerum fidei singularem, & excellentem cum certitudine cognitionem, vel facilitatem, & promptitudinem ad res fidei accommodatè proponendas, vel denique fervorem fidei, & fiduciam specialem impetrandi, ac patranda miracula: sed quovis modo sumatur illa fides perfectissimè fuit in Christo, habuit etenim omnium fidei mysteriorum excellentissimam cognitionem, summamque facilitatem illa revelandi, & explicandi. Hinc agebat Matthæi 11. *Nemo novit Patrem nisi Filius, & cui voluerit Filius revelare, & Apostolus dicebat Joann. 15. Omnia quaecumque audivi à Patre meo nota feci vobis:* Similiter summam habuit in Deum fiduciam ab eo obtinendi, & patranda miracula: Hinc Joann. 11. agebat, cum esset Lazarum resuscitaturus: *Gratias ago tibi, quia audisti me, ego autem sciebam, quia semper me audis.*

De Sapientia, idem constat, quia ipsa nihil aliud est, quam perfecta mysteriorum fidei cognitio, qua conclusiones ex illis mysteriis per causas altissimas deducimus, & aliis facillè explicamus. Fuisse autem in Christo patet ex Lucæ 2. quia sedit in medio Doctorum, ubi enim nostra lectio habet, *Stupebant super prudentiam ejus*, Græca habet *super intelligentiam*; qua acutissimè, & facillimè profunda fidei, & sacræ Scripturæ mysteria eis explicabat. Item ex Matthæi 22. ubi futuram resurrectionem contra Sadducæos, & suam divinitatem contra Phariseos, sapientissimè ostendit.

Idem constat de *Scientia*, quæ nihil aliud est, quàm rerum creaturarum, ut virtutum v. g. & vitiatorum cognitio, & peritia deducendi conclusiones ex ejusmodi rebus, easque aliis proponendi: Christum autem id habuisse constat, tum ex plenitudine scientiæ tam infusæ, quam beatæ, quam habebat, ut quænti parte dicemus: tum ex eo, quod docuit obediendum esse Magistratui,

Ta-

Parentes esse honorandos, & alia præcepta ad Philosophiam morum spectantia, additis etiam similitudinibus ex rebus naturalibus desumptis, ut patet ex innumeris ejus parabolis.

De gratia sanctorum, & gratia virtutum, probatur similiter, quia illæ nihil sunt aliud, quam donum, quia redditur sanitas ægroto, & exereetur opus miraculosum, idest insolitum, & excedens naturæ ordinem: Christum verò sanasse ægros, & miracula fecisse, clariusest, quam probatione indigeat. De interpretatione sermonum probatur, quia illa nihil aliud est, quam peritia explicandi obscuros, & reconditos sensus Scripturæ sacre, vel in alieno idiomate: Christum autem id præstidisse constat præsertim ex illis omnibus testimoniis, quibus contra Phariseos probabatur per testimonia veteris Testamenti suam divinitatem, æternitatem, & consubstantialitatem cum Patre, præsertim ex eo, quando David vocat eum Dominum dicens: *Dixit Dominus Domino meo, &c.* Nam hæc verba proferebat Hebraicè, & profundissimè interpretabatur de seipso, cui Pater divinus in Ascensione dicturus erat, *Sede à dextris meis.*

Hinc patet etiam habuisse donum linguarum, tum quia ex vi scientiæ infusæ, & scientiæ beatæ rerum omnium, quas videbat in Verbo, notitiam illarum habuit: tum quia habebat etiam potestatem utendi illis cum volebat, quia ad hoc erat illi facultas expeditissima, & organum perfectissimum: Deinde erat Doctor universalis, & ad eum spectabat unumquemque docere de propria salute; quapropter erat conveniens, ut linguis omnium loqueretur. Licet itaque non legatur expressè ipsum fuisse variis linguis locutum; communiter tamen deducitur satis evidenter ex multis novi Testamenti testimoniis; constat enim primò locutum fuisse Hebraicè in cruce, cum dixit, *eloi, eloi, Lama sababani;* locutum fuisse Punicè, uti mulieri Chananæ, & Latine Romanis, cum quibus versabatur Hierosolymis.

De discretionis spirituum patet, quia ea nihil aliud est, quam cognitio, qua judicatur, & penetratur, quo spiritu, quis impellatur ad aliquid dicendum, vel faciendum, fuisse enim in Christo, constat ex illo Matt. 22. ubi indicavit Phariseos proposuisse ei questionem de censu reddendo Cæsari, ut illum caperent in sermone, & questioniam

Fraffen Theol. Tom. VII.

Judæ ob perditionem unguenti effusi fuisse ex avaritia, & affectu latrocinii.

Probatum tandem de dono Prophetiæ, quia Deuter. 18. Christus prædicitur, & exprimitur nomine Prophetæ, *Prophetam*, ait Moyses, *suscipiet D. de medio fratrum tuorum*: quem locum explicat de Christo S. Petrus cap. 3. & S. Ambrosius serm. 8. in Psalm. 18. circa id, *Particeps ego sum; Habet*, inquit, *Christus particeps suos, habet particeps carnis, habet & Prophetia, quia Prophetam*, inquit, *suscipiet vobis Dominus*, &c. Et infra, *Ipsè est verus Propheta, qui fac alterius munere futura cognoscit.*

Tandem ratione probatur. Esse Prophetam nihil aliud est, quam supernaturali cognitione intelligere ea, quæ distant ab ordinaria viatorum cognitione, eaque hominibus annunciare: at Christus supernaturali cognitione multa ejusmodi intellexit, & hominibus annuntiavit, ut futurum excidium Hierosolymitanum, se tertia die resurrecturum, & multa alia, ut constat ex Evangelio: igitur Christus verè fuit Prophetæ.

Obijcit Abulensis contra hoc ultimum gratiarum donum. *Primò*, Joann. Baptista fuit plussquam Prophetæ: ergo multò magis Christus, ac subinde non habuit donum Prophetiæ, sed aliquod aliud longè præstantius. *Secundò*, de ratione Prophetiæ est, quod res revelata non sit nota Prophetæ nisi dumtaxat sub involutis, & in ænigmatibus: at in Christo nihil fuit obscurum, nihil divinæ ejus cognitioni abstrusum, & imperium. *Tertiò*, nihil quod evacuandum fuit, in Christo exiit, quia evacuatio dicitur imperfectio: sed ex Apostolo 1. ad Cor. 13. *Prophetia evacuabuntur*: igitur Prophetiæ donum in Christo non exiit.

Denique, si Christus fuisset Prophetæ, maxime, vel ut Deus, vel ut homo: at non ut Deus, ut persè notum est: neque etiam ut homo; quia ut sic fuit beatus: beati autem non sunt Prophetæ: igitur &c.

Respondet ad primum, S. Joan. Baptistam dici plussquam Prophetam, non per exclusionem, sed per præcellentiam: ita quod præstantiori Prophetiæ dono, quam ceteri Prophetæ, fuerit illustratus. Hinc de eo vaticinatur ejus Pater S. Zacharias, *Tu puer Prophetæ Altissimi vocaberis*; unde particula illa *plussquam Prophetæ*, non est exclusiva doni Prophetiæ, sed lignificativa prærogativæ cujusdam ipsius S. Joan. Baptistæ iu-

Y

pra

pra ceteros Prophetas, quæ in eo maximè confiscebatur, quòd non ut ceteri Prophetæ denuntiaverit Christum obscurè, & procul, sed apertè ipsum cognoverit, & manifestum fecerit, eum digito demonstrando.

Ad secundum dico, quòd licet res revelata, ut plurimum non apertè fuerint Prophetis, sed abdita, hoc fuit per accidens ad Prophetiæ donum, ad quod præcisè spectat percipere, & annunciare ea, quæ naturalem hominum captum, & notitiam excedunt, sive illa sint præterita, sive præsentia, sive futura; hoc autem perfectissimè habuit Christus Dominus, ut constat ex iis omnibus, quæ futura denunciavit.

Ad tertium dico, Prophetiam fore evacuandam, ratione scilicet obscuritatis, quam ordinariè includit, quia incompatibilis est cum visione beatifica: in Christo autem Prophetia nullam obscuritatem involvebat, unde non erat, cur ab ipso evacuaretur. Vel dico Apostolum significare Prophetiam evacuandam, sicut ibidem dicit scientiam esse destruendam, non quantum ad habitum, sed quantum ad effectum instructionis aliorum, quia scilicet in altera vita nulli supererunt edocendi.

Ad quartum denique respondeo, Christum fuisse Prophetam ut hominem. Nec refert, quòd fuerit beatus, quia fuit simul Viator, & Comprehensor; unde utriusque status præcellentias sibi vindicare potuit. Nec valet inferre exinde, quòd Christus tantum extrinsecè, & ratione dumtaxat status fuerit Propheta: istud enim negabo, quia licet illa cognitio sit Prophetica extrinsecè ratione status; tamen Christus intrinsecè erat Propheta ratione cognitionis prædictæ intrinsecè inhzrentis.

Hic autem *advertite*, quòd licet in reliquis Prophetis, Prophetia sit ad modum actus cito transeuntis, tamen fuit in Christo per modum habitus jugiter perseverantis, quo perfectissimè omnia præterita, præsentia, & futura cognoscebat, ut significat S. Hieronymus Epistola 126. ad Damasum de tribus quæstionibus sacre Scripturæ in quæstione tertia, quia erat ipse habitus scientiæ infusæ, & ipse habitus luminis gloriæ, per quos omnia clarè cognoscebat. Idem ferendum iudicium de cæteris gratiis, sapientia, scientia, fide, discreatione spirituum; non verò de gratia miraculorum, & sanctorum, & dono linguarum.

SECTIO SECUNDA:

De virtutibus Animæ Christi, & donis Spiritus sancti.

TRiplex genus virtutum solito distinguunt Theologi, aliz enim dicuntur *Intellectuales*, aliz *Morales*, aliz *Theologicæ*: Primæ intellectum illustrant: Secundæ exornant voluntatem: Tertiæ verò ad utriusque facultatis ornam, & operationem spectant. De intellectualibus fiet sermo in Sectione sequenti, ubi examinabimus Christi Domini intellectus virtutes, & præcellencias, nempe sapientiæ, ac scientiæ illius plenitudinem: impræsentiarum autem agendum est de virtutibus Theologicis, & Moralibus, ad quas cum spectent etiam dona Spiritus sancti, resolvemus pariter, an illa omnia, quæ iustis concedi solent, etiam Christo fuerint concessa: totum autem negotium istud tribus sequentibus quæstionibus absolvetur.

QUÆSTIO PRIMA.

An Christus habuerit omnes virtutes Theologicas.

Notandum primò, virtutem *Theologicam* appellari, quæ immediatè hominem ordinat circa Deum supernaturaliter attingendum per actus omnem naturæ captum transcendentes. Tres autem præsertim assignantur, scilicet Fides, Spes, & Caritas, quarum aliquæ imperfectionem quandam involvunt, ut fides, spes: *Fides* namque cum sit argumentum non apparentium, obscuritatem, & inevidentiam importat: *Spes* verò absentiam rei speratæ: *Caritas* verò cum ex se nullum defectum dicat, nec distinguatur à gratia sanctificante, ut cum subtili Doctore docebimus in Tractatu de Gratia, vel saltem ad eam sit necessàriò consequens, ut volunt Thomistæ, haud dubium est illam fuisse in Christo Domino, de quo pariter conveniunt omnes Theologi; de fide verò, & spe non ita consentiunt.

Notandum secundò fidem, & spem duobus modis posse spectari; scilicet, vel quoad actum, vel quoad habitum. Quoad actum quidem, quatenus namque est actualis attingentia ipsius Dei, vel cogniti, ab in-

tel-

tellectu per fidem, vel ut certò expectari, & nondum possèssè per spem: quoad habitum verò, qui est supernaturalis qualitas jugiter in anima perseverans, qua inclinatur, & juvatur ad actus fidei, vel spei supernaturalis exercendos. Quanquam autem omnes Theologi conveniant fidem, & spem quantum ad actum non fuisse in Christo penes principale objectum illarum virtutum, scilicet Deum ipsum possidendum, & videndum, quia Christus ab instanti suæ Conceptionis, ut probabitur infra, jucundissima Dei fruitione per visionem, & amorem potiebatur: tamen aliqui cum Durando contendunt, illas in Christo extitisse quantum ad habitum; imò etiam volunt aliqui cum Suarez in explicatione art. 4. qu. 7. spem in Christo fuisse quantum ad actum, & habitum, quo Christus adhuc mortalis desideravit beatitudinem sui corporis, item & sui nominis exaltationem. Duplex enim distinguitur objectum spei: scilicet primum, & secundarium. Objectum primum est quod per se speratur, ut beatitudo objectiva nempe Deus possidendus: objectum verò secundarium, sunt aliqua bona corporis, vel animæ, quæ beatitudinem ipsam consequuntur, & consequenter possunt esse objectum spei, quales poterant esse in Christo nominis exaltatio, & corporis glorificatio.

Notandum tertio, duos ad fidem motus, & actus requiri, alterum in intellectu, alterum in voluntate. Actus in intellectu est ipsemet assensus fidei elicited ab intellectu, qui assentitur rebus revelatis; actus prærequisitus ex parte voluntatis, est motio aliqua voluntatis imperantis intellectui, ut assensum præbeat objectis revelatis, licet obscure propositis, non obstante illius naturali inclinatione ad præbendum assensum dumtaxat rebus evidentibus. Quam utique motionem aliqui voluntatis imperium appellant, ut Theologi communiter; alii præiam voluntatis affectionem, ut plerique Recentiores; aliqui affectionem credulitatis, ut Patres Concilii Arausiacani Canone 3. Apostolus verò ad Rom. 10. appellat obedientiam, cum ait: *Non omnes obediunt Evangelio*, quasi diccret, non omnes habent affectum; seu voluntatem credendi Evangelio. Porrò hujusmodi voluntatis motionem ad actum fidei elicendum ab intellectu, idcirco in nobis esse necessariam colligunt Theologi, quod cum sit objectum fidei inc-

videns, & obscurum, non est per se sufficiens ad movendum intellectum, ut ipsi assensum præbeat, idcirco oportet, ut intellectus moveatur à voluntate, & ab ipsa veluti captivetur in obsequium fidei, ut loquitur S. Paulus.

His ita præmissis, tria veniunt in præsentia questione statuenda. *Primum*, quod in Christi intellectu non fuerit fides, neque quoad actum, neque quoad habitum. *Secundum*, quod nec in ejus voluntate fuerit pia affectio, quia illa moveret intellectum ad assensum fidei. *Tertium*, quod similiter non fuerit in Christo spes Theologica, neque quoad actum, neque quoad habitum, tam circa objectum primum, quam circa secundarium.

CONCLUSIO PRIMA.

Fides Theologica neque quoad actum, neque quoad habitum, fuit in Christo Domino.

Probat per primò. Quidquid intrinsecè dicitur imperfectionem, & oppositionem cum statu beatifico, & cum clara Dei visione, non fuit in Christo: At fides infusa tam quoad actum, quam quoad habitum, dicitur imperfectionem, & oppositionem cum visione beatifica: igitur in Christo non est admittenda. Major constat: quia Christus fuit beatus ab instanti suæ Conceptionis, ac subinde clarum Dei visionem habebat, & consequenter ei repugnabat id omne, quod erat oppositum statui beatitudinis, & illi intuitivæ Dei visioni. Minor etiam probatur: quia fides est per se cognitio inevidens, & assensus rei obscurè propositæ, unde istud vulgare *Fides est credere, quod non vides*; quocirca S. Paulus ad Hebræos 11. dicit: Est autem *Fides sperandum substantia rerum, argumentum non apparentium*: quod autem obscurum est, & inevidens, directè pugnat cum cognitione evidenti, & intuitiva: igitur, &c.

Deinde, Cognitio ænigmatica pugnat cum cognitione intuitiva: sed cognitio fidei est ænigmatica: cognitio verò beatifica est facialis, & intuitiva; hinc Apostolus 1. ad Cor. 13. *Videmus nunc per speculum, & in ænigmate, tunc autem facie ad faciem*: igitur, &c.

Denique, illud quod tantum est ex parte in viatoribus, & evacuandum in beatis, non fuit in Christo, quia beatus erat ab instanti Conceptionis: Atquod cognos-

scitur per fidem, evacuandum est in patria, ut ibidem docet Apostolus, dicens: *Cum venerit, quod perfectum est, evacuabitur, quod ex parte est*: igitur fides non potuit esse in Christo.

Obijcies primò, illud Isaïæ II. ubi Propheta delineans futuras Christi Domini virtutes, ait: *Erit fides cindiorum venum ejus*: ergo revera Christus habuit fidem.

Distinguo. Habuit fidem, quæ est assensus supernaturalis rebus obscure divinitus propositis, nego; habuit fidem, quæ est fidelitas, & veracitas in promissis, concedo: Propheta autem nomine fidei, nil aliud significat, quam istam fidelitatem, ut ad illum locum observat S. Hieronymus: quæ virtus cum sit moralis, & dicat perfectionem sine imperfectione, quia importat conformitatem factorum ad verba, & promissa, idcirco illa potuit esse in Christo.

Obijcies secundò. Fides est perfectior virtutibus moralibus; sed in Christo sunt virtutes morales, ut videbimus; ergo & fides; nam quò virtus est perfectior, eò potius videtur esse ponenda in Christo.

Respondet, non quæcumque nobilitatem tacere, ut virtus aliqua sit in Christo, sed eam, quæ sibi nullam annexam habet imperfectionem, aut oppositionem ad statum Christi: virtutes autem morales, nec imperfectionem, aut oppositionem habent cum statu Christi; fides verò habet, ut dictum est: ergo tametsi perfectior sit virtutibus moralibus ex objecto, tamen propter istam imperfectionem, & oppositionem cum statu Christi, in eo ponenda non est.

Obijcies tertio: Etiam si in Christo Domino non sint divitiæ, seu magni sumptus, circa quos occupatur magnificentia, non desinit tamen virtus magnificentiæ in eo locum habere: ergo à pari licet non sit respectu Christi Domini objectum fidei, quod est res divina non visa, non ideo tamen est negandum esse in ipso fidem Theologicam.

Respondet negando consequentiam: Si quidem in Christo Domino fuit magnificentia, licet ei defuerint opes, quia opes, & sumptus magni, sunt tantum objectum materiale illius virtutis, cum objectum formale sit modus servandus in opum distributione, atque in sumptibus faciendis, & si deficit aliquid sub ratione materiæ, non propterea oportet defi-

cere habitum, sed tantum si deficit sub ratione formali objecti: non deficit verò in Christo ratio formalis objecti magnificentiæ, scilicet modus, quo sunt opes distribuendæ, ac sumptus faciendi. At verò in Christo Domino non reperitur ratio formalis fidei, nimirum res divina, ut non visa formaliter. Sic opposita penitus est ratio magnificentiæ, & fidei in Christo; quippe magnificentiæ objectum materiale respectu illius deest, nimirum opes, & sumptus faciendi, sed non deest objectum formale, nimirum modus, sub quo sunt opes distribuendæ, ac sumptus faciendi; fidei è contra objectum materiale non deest in Christo: nam objectum materiale fidei sunt res credendæ: est autem in intellectu ipsius Trinitas, Incarnatio, &c. sed deest objectum formale, quia non est in eo Trinitas, ut non visa; Incarnatio ut obscure cognita, sed ut clarè visa, atque intuitivè cognita.

CONCLUSIO SECUNDA.

Non fuit in Christo Domino pia voluntatis affectio, & motio per quam intellectus capivatur in obsequium fidei, & movetur ad assentiendum veritatibus à Deo obscure revelatis.

Probatur. Medium sequitur rationem finis, & necessariam conditionem sui principalis: sed pia hæc voluntatis affectio, est medium ad fidei actum, & habitum tanquam ad finem, & ordinatur ad illam, ut accessorium ad principale: ergo quia ratione non admittitur in Christo fides, neque etiam in ipso ascenda est pia hæc voluntatis affectio.

Confirmatur: Ubi aliquid ita subordinatur alteri, ut sit dumtaxat in illius subsidium, & ut ei deferviat, tunc si illud cui subordinatur, absit penitus, neque etiam potest subsidium illud recipiri, alioqui esset frustraneum; at hæc pia voluntatis affectio ita subordinatur fidei infusæ, ut dumtaxat admittatur, ut determinet intellectum ad credendum rebus revelatis; igitur non est in Christi voluntate asserenda.

Dicitur: Christus in se habet potentiam generativam, & nutritivam, quæ ordinantur ad ipsius vitæ conservationem, cumque inclinant ad exercendos actus, qui nusquam erunt nec esse possunt in Christo pro eo statu, in quo nunc est: ergo pariter in ipso potest esse illa pia voluntatis affectio, quamvis ipsum inclinet ad actus fidei, quos

propter repugnantiam status nunquam eliciet.

Nego paritatem, longè enim dispar est ratio, quia virtutes generativæ, & nutritivæ, quatenus considerantur in actu primo, nullam dicunt imperfectionem, nec privant Christum aliquo bono sibi intrinsicò, & suo statui convenienti, sicut ipsa fides, quæ cum intrinsicè importet obscuritatem, privaret Christum intuitiva Dei visione: Adde quòd virtutes illæ, & potentie pertinent ad naturæ humanæ integritatem, unde non sunt in Christo frustraneæ.

Dices secundò: Fides fuit in Christo secundum meritum, ut docent plurimi Theologi cum S. Thoma 3. p. q. 7. art. 3. ad 2. sed istud meritum fidei consistit in illa pia affectione voluntatis moventis intellectum ad assensum fidei: igitur illa motio fuit in voluntate Christi.

Distingua mirarem. Fuit virtualiter, quatenus voluntas Christi parata erat in omnibus perfectissimè Deo obedire; ita quòd etiam obediret Deo revelanti, & obscurè proponenti veritates per fidem credendas, si aliundè illas clarè, & intuitivè non videret, concedo: fuit actu, & formaliter; ita quòd habuerit actuale fidei meritum propter illam motionem voluntatis, nego: Ad istud autem meritum virtuale non requiritur illa pia motio voluntatis, sed sufficit optima dispositio, & promptitudo in voluntate ad obediendum fidei, si status permitteret, quam utique dispositionem velut in actu primo in Christo fuisse non inficior.

CONCLUSIO TERTIA.

Spes non fuit in Christo, nec quoad actum, nec quoad habitum, tam circa objectum primum, quam circa secundarium. Hæc conclusio tribus partibus constat: quarum probatur prima, nempe quòd illa virtus non fuerit in Christo quoad actum, quia quod possidetur, sperari non potest juxta illud Rom. 8. *Spes autem, quæ videtur, non est spes*, id est, spes non est eorum, quæ habentur, & possidentur, nemo enim sperat quod jam habet: atqui Christus à primo instanti suæ conceptionis fruebatur Deo tantum summo bono, ut videbimus; ergo Deum sperare non potuit, seu erga Deum spei actum exercere. Explicatur vis hujus rationis. Spes est quidam motus animi in id, quod non habet: ergo sicut adeptio

Frassen Theol. Tom. VII.

termino cessat motus, ita etiam obtenta beatitudine cessat actus spei in Beatis, qualis fuit Christus à primo instanti suæ Conceptionis.

Quòd etiam non fuerit quoad habitum, patet, nam intrinsecè, & realiter includit imperfectionem respectu Christi, scilicet inclinare voluntatem in actu primo in Deum summum ejus bonum, tanquam absens, & non possessum: Status autem Christi talis fuit, ut semper Deum clarè viderit; unde non præcisè removeretur iste habitus à Christo quia otiosus, & superfluus esset: sed quòd in eo arguat imperfectionem, & aliquam includat repugnantiam cum statu ejus, nimirum absentiam objecti, quod anima Christi semper præsens habuit.

Non fuit etiam spes in Christo circa objecta secundaria; putà sui corporis glorificationem. *Probat*. Ubi abest realis ratio specificativa alicujus habitus, ibi penitus abest habitus correspondens: atqui realis ratio specificativa habitus spei virtutis Theologicæ abest à Christo, ergo & habitus spei, nec ex consequenti habuit illum in ordine ad objecta secundaria. Major patet: quia nihil potest esse sine suo reali constitutivo. Minor probatur: Realis ratio specificativa habitus spei virtutis Theologicæ, est ipse Deus ut fruendus, & possidendus, quia habitus specificantur per ordinem ad proprium, & reale objectum: Deus autem ut possidendus, & fruendus, est proprium objectum spei: atqui hæc ratio Dei, ut objecti possidendi, & fruendi, semper penitus abfuit à Christo, quia semper fuit beatus: ergo semper penitus abfuit à Christo habitus spei etiam quoad objecta secundaria.

Confirmatur hæc ratio. Habitustantum inclinatur potentiam ad objecta secundaria, mediante, & præsupposita inclinatione ad primum suum objectum; quia objecta secundaria sunt velut participationes, vel appendices ad objecta primaria: ergo ubicumque non datur inclinatio ad primum, & specificans objectum, sicut in Christo respectu spei, etiam non dabitur inclinatio ad secundarium objectum.

Præterea, ad rationem spei requiritur, ut objectum non tantum sit arduum, sed etiam habeat aliquam incertitudinem, contingentiam, & fallibilitatem: atqui gloria corporis non fuit Christo difficilis, & ardua, etiam spectata quoad modum conjungendi illam Christo, nec eam fuit illi continens,

gens, & fallibilis: igitur Christus spem non habuit: Major suadetur exemplo: nemo enim v.g. sperare dicitur ortum solis die sequenti futurum, quia hoc est necessarium, & infallibile, & nullo modo arduum. Probatur deinde ex eo, quod spes ita versetur circa difficile, ut tamen juxta modum, quo circa illud se se occupat, distinguatur ab audacia, & fortitudine: at audacia, & fortitudo versantur circa illud, ut est simpliciter difficile: ergo spes circa illud idem versatur quatenus habet aliquam incertitudinem, & contingentiam, ita ut ad corroborandam voluntatem detur ei spes, quæ propter eam à quibusdam solet timori comparari, in hoc quod utrumque sint de objecto non omnino certo, sed fallibili ex se. Minor duas habet partes. Prior est gloriæ corporis fuisse Christo infallibilem, & certissimam: posterior est, non fuisse difficile Christo illam habere. Probatur itaque prior, quia si inter aliqua duo est naturalis quedam circuminfectio, & habitudo, uno obtento certum est alterum futurum: at est naturalis connexio inter gloriæ animæ, & gloriæ corporis, imò tanta ut posita gloria in anima, necessariò sequatur in corpore saltem ab anima non separato, nisi speciali dispensatione impediatur, ut factum est in Christo: ergo gloria corporis fuit illi certa, & infallibilis. Probatur etiam posterior. Difficultas, quæ ad virtutem spei requiritur, & quæ consistit in objecto spei conjungendo cum ipso sperante, provenire debet ex conditione ipsiusmet objecti, & non ex mera libertate sperantis, qua veluti compedes injiciat sibi, ne bonum aliàs sibi debitum facile obtineat; atqui gloriæ obtinendi corporis difficultas in Christo fuit tantum ex mera voluntate ejus, qua statuit illam non aliter consequi, quam moriendo pro nobis. Major confirmatur; quia aliàs quodcumque bonum absens etiam ex natura sua facillimum, posset esse objectum spei nostræ: cum liberum sit cui libet impedimenta ad illud obtinendum sibi procurare, ipsa tamen bona communiter sperari non dicuntur. Minor verò probatur ex ipso Christi Domini transfigurationis mysterio: in eo siquidem pro sua libertate, ac beneplacito exploribus dotibus corporis gloriosi perit, ut solum claritatem manifestari: igitur cum Christus æquè fuerit liber circa cæteras dotes, ac circa gloriosi-

cationem, quemadmodum ex beneplacito, & mera voluntate sua, impeditur, ne in sua transfiguratione cætera apparerent: ita etiam penes ejus libertatem fuit omnes illas dotes corporis gloriosissimæ meritum, & redemptionem generis humani impedire, ne reluctarent, & redunderent ex beatitudine animæ in suum corpus.

Respondit Suarez, quod ad rationem spei non desideretur incertitudo, & fallibilitas, quia, inquit, si id esset necessarium, sequeretur, quod in viatoribus confirmatis in gratia non esset amplius spes, cum illi sint securi de sua salute.

Verum respondeo, gloriæ sive corporis, sive animæ duobus modis dici posse necessariam, & inevitabilem. *Primo* quidem ex natura sua, quando scilicet ipse sperans habet in se necessarium principium illius gloriæ. *Secundo*, per accedens, quando principium illius gloriæ efficiendæ, quod est in ipso expectante, & sperante, est quidem natura sua fallibilis: de factotamen ratione alterius extrinseci superadditi, dicitur certo futurum id, quod speratur; sicut homo justus habet gratiam, per quam potest obtinere gloriæ, in qua gratia contingenter moritur, quia potuit in illa non mori, per accedens tamen quatenus Deus illum speciali auxilio protegit, infallibiliter in illa moritur. Porro *prima inevitabilitas*, & necessitas tollit ab objecto spei difficultatem, & contingentiam illi propriam, quia tunc bonum expectatum conjungitur, & inevitabiliter, & necessariò ipsi expectanti, quia ad positionem illius quasi naturaliter sequitur, ut effectus à sua causa. *Secunda verò inevitabilitas*, & necessitas non aufert ab objecto spei difficultatem, & contingentiam illi propriam, ut patet in adultis justis morientibus in statu gratiæ, qui infallibiliter consequuntur gloriæ, nihilominus illa consecutio dicitur contingens, quia possent non mori in statu gratiæ sanctificantis. Unde cum in gratia confirmatis statum suum ex speciali revelatione cognoscentibus, reperiatur tantum illa secunda inevitabilitas per accedens: hinc est, quod in ipsis semper permaneat habitus spei.

Cæterum in Christo fuit prior inevitabilitas respectu gloriæ corporis; siquidem ratione gloriæ animæ suæ beatæ habuit internum principium gloriæ corporis assequendæ, quippe gloria animæ, nisi per

miraculum præpediatur, in ipsum corpus redundat.

Obijcies illa verba Psalmi 17. *Deus meus, adjutor meus, & sperabo in eum*, quæ verba S. Apostolus explicat de Christo: ergo revera Christus habuit spem.

Respondet ibi verbum *sperandi* non sumi pro actu spei, sed pro confidentia, qua quis confidit alteri suam salutem, unde etiam Apostolus non utitur verbo *sperandi*; nam ubi David dicit *spera o in eum, ipse scribit ero fidens in eum*. Itaque potuit equidem esse desiderium ali-quod in Christo respectu gloriæ corporis consequendæ, non vespes propriè dicta: illud namque desiderium oriri potuit ex summa charitate in Deum, propter quem gloriam propriè corporis desiderabat.

Ex his collige similiter virtutem poenitentia non fuisse in Christo, quatenus illius actus primarius, & specificativus est, vel dolor peccati ex motivo emendationis; vel intentio expandi debiti, etenim habitus non potest esse in subiecto, cui ab intrinseco repugnat actus illius primarius: sed humanitati Christi ratione illius unionis ad Verbum, & plenitudinis ab intrinseco, repugnat objectum specificans actum primarium poenitentia; nempe peccatum proprium penitentis, ut expiabile, vel emendabile, & consequenter etiam ipsi repugnat ille habitus poenitentia. Si vero poenitentia accipiatur pro ipsa virtute religionis, obedientia, vel charitatis, quæ etiam ex semilitant in peccatum, & illud expiandum, ac destruendum aggregiuntur, non inficior hac ratione virtutem poenitentia in Christo extitisse.

QUESTIO SECUNDA.

An, & qualiter virtutes morales fuerint in Christo.

Notandum primò, nomine *virtutis morali* hic intelligi omnem habitum electivum in medietate consistentem quoad nos; prout vir prudens definierit: cujus definitionis particulas luculenter explicatas habes in nostra Philosophia morali. Dicitur autem *moralis*, quia actus humanos, hominumque mores informat. Sunt autem quatuor principes virtutes morales, quarum tres dicuntur appetitivæ, quia in rationali appetitu resident, & ordinantur ad regulandam voluntatem: illæ autem sunt, Justitia, & Fortitudo, & Tempe-

rantia, & una intellectualis, nempe Prudentia, quæ hominum mentes illustrat, & dirigit in suis actibus rectè, debiteque eligendis, & componendis. Dicitur autem hæc virtus moralis, non quod ipsa in voluntate resideat, & cam immediatè dirigat, sed quia intellectum eo dinat ad moderandos, & regulandos ipsius voluntatis actus liberos, & studiosos, elique adeo necessarios, ut ea absente catear virtutes futile, & inane sibi nomen vendicant. Hæ autem quatuor virtutes vulgo dicuntur *Cardinales*, comparatione sumpta a cardinibus Januæ. Quemadmodum enim janua cardine vertitur, sic universa vitæ nostræ moralis conversatio his virtutibus, quasi cardinibus, ad honestatem volvitur. Dicuntur etiam *principes*, quia ad ipsas omnes alias ordinantur. *Addo in super* virtutum moralium alias esse, quæ nullam imperfectionem includunt, vel connotant in habente illas, ut sunt Fortitudo, & Justitia: alias vero, quæ aliquam imperfectionem includunt, & connotant, ut Continentia, quæ scilicet præsentibus concupiscentiis homo cum difficultate resistit.

Notandum secundò, virtutes morales spectari posse in triplici statu, nimirum imperfecto, perfecto, & heroico, seu superexcellenti. In statu *imperfecto* non est propriè virtus, sed dispositio quædam, quam nata est sequi virtus perfecta: vel est virtus dumtaxat inchoata, seu remissa. In statu *perfecto*, est virtus intenta quidem, & firma: sed quæ versatur tantum circa propriam materiam, ut Imperantia circa frenandas, ac moderandas corporis, & animi voluptates. In statu vero *superexcellenti*, & *heroico*, dum extra proprium objectum se extendit, ut Temperantia moderans voluptates etiam proposito mortis periculo, quæ ratione videtur extendi ad fortitudinem, seu strictissimam fæderationem, atque vinculum, cum ipsa virtute fortitudinis contaxisse. Difficultas autem est, quoniam ex illis statibus in Christo extiterint.

Notandum tertio, quòd ceteri morales virtutes humano studio comparantur; nihilominus etiam divinitus possunt infundi, quemadmodum & Theologicæ: cum hoc tamen discrimine, quòd virtutes Theologicæ infundantur per se, & necessario, quia nulli naturæ viribus, nulloque hominum labore, ac studio possunt obtineri: morales autem dicuntur infundi dumtaxat per accidens, quia licet ex hominum industria, &

exercitatione comparari queant; tamen citra omne hominis studium divinitus posunt ex summa Dei liberalitate in animam infundi: non quidem ea solum ratione, qua ordinantur ad fidem supernaturalem, puta cum illæ virtutes hominem ordinant ad operandum ex motivo charitatis, & propter Dei gloriam, sed etiam cum referuntur ad finem naturalem; puta cūm eliciunt suos actus ex motivo pacis publicæ, & propter honestatem humanam. Non enim possumus probare quorundam Modernorum sententiam, qui volunt virtutes morales posse solum infundi divinitus, quatenus ordinant hominem ad finem supernaturalem, & cum movent ad operandum ex motivo charitatis. Enim verò si virtutes morales quatenus infusæ, per hoc distinguuntur a seipsum, quatenus acquisitæ, sequeretur neminem per virtutem moralem acquisitionem elicere posse actum studiosum in ordine ad finem supernaturalem, & ex motivo charitatis, quod est aperte falsum.

Tria igitur hac in questione sunt statuenda. *Primum*, an reverà Christus habuerit omnes virtutes morales. *Secundum*, an illas habuerit in statu perfectio, & heroico. *Tertium*, an eas obtinuerit proprio studio, an verò per infusionem, idque ab instanti suæ conceptionis.

CONCLUSIO PRIMA.

Omnes virtutes morales, quæ nullam imperfectionem includunt, & innotant, reverà fuerunt in Christo.

Probatur primò. Nulla perfectio etiam naturalis, aut moralis debuit deesse Christo; at virtutes morales sunt maximæ perfectiones, quia maximè perficiunt homines in ordine ad vitam humanam honestè, studiosè, monasticè, æconomicè, & politicè legendam: ergo non debuerunt deesse Christo. *Deinde*, Christus promptè eliciebat actiones morales, puta iustitiæ, Fortitudinis, & Prudentiæ, quoties se se offerebat occasio: ergo illas eliciebat mediantibus virtutibus moralibus, quia nemo potest promptè, & expedite prorumpere in illam actionem sine habitibus ordinatis ad illam. *Denique*, in Christo potuit esse aliqua difficultas in exercendis virtutum actibus, ut quando tempore mortis, sensus mortem fugiebat: ergo ad eam superandam fuit conyeniens cum habere virtutem fortitudinis.

Obijcies. Liberalitas, Temperantia, Continentia, & Prudentia non fuerunt in Christo: sed istæ virtutes sunt morales, nullamque dicunt imperfectionem repugnantem statui Christi: ergo in Christo non fuerunt omnes virtutes morales, quæ non habent imperfectionem annexam. Minor constat: Major probatur. Primò enim, quòd non fuerit *Liberalitas* patet, quia est virtus, qua rectè dispensantur divitiæ: Christus autem fuit summè pauper. Quòd non etiam *Temperantia*, & *Continentia*, Probatur; quia illa moderatè componit sensus circa objecta sensibilia, ita ut ordinatos motus circa illa exerceat; hæc verò temperat motus carnis: Christus autem nullos habuit motus, qui coercerentur. De *Prudentia* etiam probatur, nam illa non acquiritur nisi cum scientia acquisita: at Christus in instanti suæ conceptionis non habuit scientiam acquisitionem; ergo neque saltem pro illo instanti prudentiam. Hoc satis debili fundamento suadetur Vasquez in 3. p. D. Thomæ dist. 2. cap. 2. ut defendat Prudentiam non fuisse infusam in Christo in instanti conceptionis, sed paulatim acquisitionem simul cum scientia acquisita.

Respondio, negando maiorem, & dicendo ad singulas partes probationis ejus, *primò*, virtutes morales non consistere in ipso exercitio actus studiosi, & moraliter boni, sed in qualitate permanente, quæ sit productiva actus illius, ut docetur in Ethicis: proindeque juxta illud, pauperes possent esse liberales sicut & divites, licet nihil possideant, quod possint erogare, quia sufficit qualitas illa permanens, seu habitus studiosus rectè afficiens voluntatem circa actus liberalitatis exercendos, si se se offerret occasio; atque ita liberalitatem fuisse in Christo nullus negat. *Adde quòd*, etiam quoad actum externum Christus liberalitatem exercuit, præferri quàm doctis maximam hominum multitudinem satiavit Matth. 24. & 25.

Secundò, temperantiam, & continentiam non acquiri ad coercendos inordinatos motus dumtaxat, sed ne illi motus adsint, ideoque temperantiam, & continentiam in gradu communi temperare quidem motus inordinatos circa sensibilia, in gradu verò heroico, non solum temperare, sed etiam efficere, ut nullo modo adsint: Christus autem habuit temperantiam, & continentiam in gradu heroico, & ideo

eas virtutes habuit, ut in eo nulli essent motus inordinati circa sensibilia. *Prudentia* autem non solum reperitur cum scientia acquisita, sed etiam cum aliis virtutibus moralibus, quatum omnium est forma, & regula, quapropter tametsi Christus in instanti Conceptionis scientiam acquisitam non habuerit, non minus tamen prudentiam debuit habere, quæ tunc etiam esset moderatrix cæterarum virtutum, quas illi fuisse infusas in instanti Conceptionis, infertis probabitur.

Obijciens secundò: In Christo non fuerunt illæ virtutes, quæ habent repugnantiam cum statu beatitudinis, & perfectæ sanctitatis: sed virtutes morales habent repugnantiam cum statu beatitudinis, & perfectæ sanctitatis: igitur, &c. Major constat: Christus enim ab instanti suæ Conceptionis fuit beatus. Minor etiam est evidens: quia virtutes illæ non remanent in Beatis, nec requiruntur in viris sanctissimis; siquidem ordinantur ad refræmandas passiones, quæ in Viris sanctissimis stantia sunt; maxime verò in Christo, qui passiones habuit rationis imperio perfectissime subiectas, ut patebit infra: igitur, &c.

Nego minorem, & ad ejus probationem dico primò, virtutes morales remanere in statu beatitudinis, non quidem quantum ad materiale, ut sunt voluptates, & delectationes ciborum, & venereorum respectu temperantiæ, vel timor, aut audacia circa periculum mortis respectu fortitudinis, vel distributiones, & commutationes rerum respectu iustitiæ, &c. remanent tamen secundum quod est formale in ipsa virtute, nam electio recta secundum ordinem rationis circa honestatem, & medium illarum passionum, ad quas moderandas virtutes illæ ex se ordinantur, seu remanent quantum ad actum primum, & internum, non verò quoad secundarium, & externum: Nam virtutes illæ primò, & per se ordinantur, ut disponant appetitum ad faciliorem, & promptiorem eligendum in propriis materiis conformiter ad rationem. Secundariò verò ad refræmandas passiones: unde virtutes illæ possunt esse in Viris sanctissimis, quantum ad illum primum effectum, licet in ipsis esse nequeant quantum ad secundarium.

CONCLUSIO SECUNDA.

Christus habuit virtutes morales in gradu heroico, idque per infusionem ab instanti suæ Conceptionis. Hæc conclusio tribus paribus constat: quarum probatur prima. In eo non fuerunt virtutes morales in communi gradu, sed superexcellenti, in quo non sunt passiones immoderate, sed bene ordinate, & compositæ: at in Christo non fuerunt passiones immoderate, sed ad nutum, & voluntatem compositæ: igitur fuerunt in eo virtutes in gradu heroico. Major constat: cum enim virtus heroica maxime in eo consistat, ut passiones omnes reprimat, easque imperio voluntatis subijciat, certum est ipsum habere virtutem heroicam, qui bene compositas habet passiones. Unde virtutes in statu perfecto dicuntur purgantes animum; in gradu autem heroico appellantur ab Aristotele, & Plotino virtutes purgati animi. Minor etiam constat: nam ut probabimus infra, Christus omnes suas passiones, omnes appetitus sensitivi motus pro voluntate, ac nutu exercebat, ac moderabatur.

Deinde. Christus habuit virtutes in statu perfectissimo, qui possibilis erat: sed verà possibilis est virtus in gradu heroico: ergo, &c. Major patet: convenientissimum enim fuit dignitati Christi, ut omnem omnino excellentiam, & perfectionem haberet cum suo statu compossibilem. Minor constat ex Philosophis.

Denique. Virtus illa censetur haberi in statu heroico, quæ secum alias virtutes annexas habet: at Christus habuit omnes virtutes sibi connexas: igitur, &c.

Probatur secunda pars ex Ista c. 7. ubi de Christo adhuc infante dicitur, *Butyrum, & mel comedit, ut sciat reprobare malum, & eligere bonum.* In quem locus sic S. Hieronymus scribit: *Pannis involutus, & butyro passus, ac melle, babeat boni, malique iudicium, ut reprobanda mala, eligat bona.* Præterea Christus ad minimum fuit æquè perfectus, ac primi parentes; at primi parentes statim, atque creati, habuerunt omnes virtutes morales, ut docent communiter Theologi: ergo a fortiori Christus illas virtutes morales habuit. *Tandem* Christus à primo instanti suæ Conceptionis fuit perfectus, tam quoad voluntatem, quam quoad intellectum; nam id eo etiam pro eo in-

stant.

stanti vocatur Vir in sacris litteris, ut cum dicitur, *Fœmina circumdabit virum*: at perfectio voluntatis secundum ordinem naturæ fit maxime per virtutes morales ex genere suo acquisitas: ergo Christus ab illo instanti illas habuit.

Tertia pars probatur: Christus non habuit virtutes illas per acquisitionem: ergo habuit per infusionem. Antecedens probatur: Nam probabilius est virtutes morales omnes pro illo instanti Conceptionis fuisse in Christo; non potuit autem omnes simul pro eo instanti acquirere, quia per aliquem actum intensissimum acquirendo unam, aliz nondum adfuerunt: ergo probabilius est non per acquisitionem, sed per infusionem, virtutes illas morales in Christo fuisse.

QUESTIO TERTIA.

Utrum Christus habuerit omnia dona Spiritus sancti.

Notandum primò, dona Spiritus sancti, septem solito numerari ex Isaia c. 11. ubi loquens de Christo, ait: *Requiescet super eum Spiritus Domini, Spiritus sapientiæ, & intellectus, Spiritus Consilii, & Fortitudinis, Spiritus scientiæ, & Pietatis, & replebit eum Spiritus timoris Domini*. Quorum omnium donorum tria pertinent ad voluntatem, nempe timor, pietas, & fortitudo: reliqua autem quatuor ad intellectum spectant: *Pietas* enim hominem disponit in iis, quæ sunt ad alterum: *Fortitudo* in iis, quæ sunt ad seipsum contra incurSIONem periculorum: *Timor* in iis, quæ sunt ad seipsum contra concupiscentiam inordinatam delectabilem. *Intellectus* mentem perficit ad apprehensionem veritatis speculativæ: *Sapientia* ad perfectè judicandum: *Consilium* ad apprehensionem veritatis practicæ: *Scientia* denique ad rectè formandum iudicium practicum de ipsa veritate, ut docet Durandus in 3. dist. 34. q. 3. n. 6. ubi existimat in Christo, ut viatore, hæc dona fuisse tam quoad actum, quam quoad habitum: at in Christo ut solum comprehensorem qualis nunc est, ea tantum esse, etiam quoad actum, quæ hominem perficiunt in vita speculativa; quæ verò illum perficiunt in vita activa, & practica, esse solummodò quoad habitum; sed ei ut plurimum refragantur ceteri Theologi.

Notandum secundò, ex Doctore subtili in 3. dist. 24. num. 6. verisimilius esse, quòd dona Spiritus sancti non distinguantur à virtutibus Theologicis, & moralibus, nisi per modum adiutorii prædictarum virtutum: nam ut egregie ratiocinatur, Illi habitus tantum ponendi sunt in viatore, quibus perficitur circa omne objectum, quantum perfici potest in via. Hujusmodi sunt septem virtutes in genere, non curando de scientiis speculativis acquisitis: igitur præter scientias speculativas acquisitas nullus erit habitus in viatore ponendus, alius simpliciter à septem virtutibus. Probatio majoris. Objectum circa quod perfici potest viator, non potest esse nisi Deus, vel creatura: sed circa Deum sufficienter perficitur tribus virtutibus Theologicis, & hoc perfectissimè quantum perfici potest, si illi tres habitus sint perfectissimi in suo genere; circa creaturam verò (non loquendo de speculativis) intellectus perfectissimè perficitur per prudentiam, si prudentia sit perfectissima; ipsa enim est de omni agibili, & quantum ad omnem conditionem agibilis perfectissima novitia.

Similiter quantum ad appetitum, perfectissimè perficitur tribus virtutibus moralibus, si sint perfectissimæ; quia tam circa alium, & appetibile alteri, quam circa se, & appetibile sibi; & hoc vel primò, & directè, vel secundario propter illa prima: & hoc intelligendo de illis quatuor virtutibus Cardinalibus, quòd non sint in aliquo unus habitus numero, qui sit sibi universalis Temperantia, vel universalis Iustitia, hoc est, circa omnia, sed quòd singulæ species Iustitiæ insint suis propriis singularibus. Per tres autem virtutes Theologicas sufficienter perficitur viator circa Deum immediate: quia circa ipsum, ut immediate cognoscendum in via, sufficienter perficitur fides; quia de Deo in via non potest haberi, nisi cognitio fidei, sicut dictum est supra in isto tertio, dist. 24. circa autem ipsum, ut diligibilem in se, sufficienter perficitur Caritas; & ut appetibile, & commodum mihi, sufficienter perficitur spes, sicut patet in questionibus superioribus de fide, spe, & caritate. Sed non convenit viatorem habere circa Deum actus ordinatos alios, quam intelligere, diligere ipsum in se, & ap-

petere cum mihi, ut bonum meum : ergo, &c. Confimiliter circa omne aliud bonum à Deo, ut circa objectum, sufficienter perficitur viator habitibus intellectualibus, & appetitivis : sed isti habitus intellectivi perfectientes intellectum, sunt virtutes intellectuales, & illæ sufficienter perficiunt viatorem quantum possibile est, & ad considerandum, & ad syllogizandum practice habitus etiam appetitivi sunt virtutes appetitivæ, quæ virtutes sufficienter perficiunt viatorem ad appetendum, vel ad diligendum, sive in ordine ad se, sive ad aliud : igitur homo perfectus tribus virtutibus Theologicis, & virtutibus intellectualibus, speculativis, & practicis, & virtutibus moralibus ordinantibus ad se, & ad alterum, perficitur, quantum potest competere viatori : igitur non videtur aliqua necessitas ponendi aliquos alios habitus ab istis, qui sunt virtutes Theologicæ intellectuales, & Morales.

Notandum tertio, generatim triplicem esse Timorem. *Primus* est *naturalis*, qui est passio quo animal naturaliter fugit malum imminens : hic residet in parte sensitiva, & per se neque laudabilis est, neque vituperabilis. *Secundus* est *mundanus*, seu humanus, quo scilicet quodcumque temporale malum, vellejuscumque temporalis boni amissio ita timeatur, ut propter eam justitia deferatur, aut illicita commutendo, aut debita omitendo : hic semper vitiosus est, atque a Scripturis reprobatus ; maxime Ecclesiastici 7. & Matthæi 10. *Tertius* denique est *divinus*, qui rursus à quibusdam Theologis triplex distinguitur, nempe servilis, initialis, & filialis. *Servilis* est, quo non amore justitiæ, sed metu gehennæ, vel etiam temporalis pœnæ à malo opere quis abstinere, & quod legis est operari : quod autem bonum sit timere pœnam, definit Concilium Tridentinum. Sessione 6, & probant SS. Patres, atque imprimis S. Augustinus, qui passim docet nisi timore incipiat homo Deum colere, non pervenire ad amorem, ut in Psalm. 149. Unde hortatur homines, ut timore pœnæ faciant, quod amore justitiæ nondum possunt : Sic scribit 13. de verbis Apostoli : *Fac vel timore pœnæ, si nondum potes amore justitiæ*. Et Tractatu 43. in Joannem : *Si nondum potes amare justitiam, time vel pœnam*.

Timor *initialis* est ille, qui à malo retrahit, & ad bonum impellit ; partim me-

tu pœnæ, & partim amore justitiæ. *Initialis* dicitur, quia propriè est incipientium ducere vitam spiritualem. Medius est inter servilem, & filialem, de quo nunc dicturi sumus : sed ita ut propius accedat ad filialem, quam ad servilem, quia ordinem habet ad filialem, tanquam ad tendentem in Deum, & avergit à servili tanquam deferentem illum. Timor *filialis* est ille, quo quis metuit Deum offendere, & per offensam, id est, culpam à Deo separari, vel certè Deum reveretur tanquam supremum omnium Dominum, & peccatorum justum vindicem. Hic timor dicitur, *castus, filialis, reverentialis*. *Castus*, secundum quod Deus comparatur ad animas nostras tanquam sponsus, juxta illud 1. Cor. 11. *Deponi vos uni viro Virgines castam exhibere Christo*. *Filialis*, secundum quod comparatur ad Deum tanquam ad Patrem Rom. 8. *Acceptus spiritum adoptionis Filiorum, in quo clamamus, abba Pater*. *Reverentialis*, secundum quod per eum homines, etiam beati idine donati, Deum reverentur. Hocposito, dico donum timoris non sic nuncupari à timore naturali : quoniam tamen timorem in Christo viatore fuisse certum est ; non etiam à timore mundano, qui nec fuit unquam, nec esse potuit in Christo ; quia timor vitiosus est, atque carnalis ; autem in eo fuerit triplex timor divinus, nimirum servilis, initialis, & filialis, hic est determinandum.

CONCLUSIO UNICA.

Omnia dona Spiritus sancti revera fuerunt in Christo.

Probat ex illo Isaia cap. 11. laudato in primo Notabili, nec-non ex illis omnibus sacrae Scripturæ textibus, quibus supra demonstratum est omnes gratias, omniaque divina Charismata, quæ in universos homines derivantur, in Christo tanquam in capite præexistere, & ab illo in homines tanquam in sua membra effluere. *Probat* insuper. Dona Spiritus sancti nihil aliud sunt, quam perfectiones aliquæ potentiarum, quibus homo facile movetur à spiritu sancto ad perfectissima opera exercenda : sed Christus movetur à Spiritu sancto ad præstantissima opera : ergo, &c. Major patet ex omnibus Theologis ponentibus hoc discrimina inter dona, & virtutem

tutem tam infusam, quam acquisitam; quod virtutes hominem perficiunt quoad communes actus: dona verò ad præstantissimos actus. Minor patet ex multis Christi operibus, ut quando Spiritus sanctus movit illum ad jejunandum quadraginta diebus, & noctibus.

Præterea, Quæ dicunt perfectionem sine imperfectione, & remanent in Beatis, fuerunt in Christo: at dona Spiritus sancti remanent in Beatis, non quidem singula quoad actum, sed quoad habitum, & sunt Beatis ornamento sicut aliz virtutes. Dicunt etiam perfectionem sine imperfectione, ut patet discurrendo per singula: nam *Sapientia* est habitus, quo intellectus redditur facile mobilis à Spiritu sancto, ut firmiter iudicet de rebus divinis propter rationes supernaturales: *Intellectus* est donum, quo facile est mobilis idem intellectus ad percipienda, & explicanda prima principia religionis nostræ. *Scientia* donum, quo facile redditur mobilis, ut deducat conclusiones ex illis principiis. *Donum consilii* est, quo redditur facile mobilis, ut in particulari iudicet, quid hic, & nunc sit agendum. *Donum pietatis* est, quo voluntas redditur facile mobilis ad cultum Dei; vel, ut alii volunt, ad misericordiam erga proximum. *Donum fortitudinis* est, quo eadem voluntas redditur facile mobilis ad constanti animo inhærendum operi difficili: *Donum timoris* denique, quo eadem voluntas redditur facile mobilis ad se submittendum divinæ Majestati propter ejus summam eminentiam: ista autem omnia nullam dicunt imperfectionem, sed potius perfectionem: ergo illa dona Spiritus sancti fuerunt in Christo, & nunc etiam remanent in illo.

Quod verò hæc dona fuerint in Christo secundum actum, patet ex multis ejus operibus; ut quando Matthæi 4. perrexit in desertum. Quod sic describitur ab Evangelista, *Duxus est in desertum*, &c. quando ibi jejunavit quadraginta diebus, & quadraginta noctibus: quando Lucæ 6. *Exiit in montem orare*, & *pernoctare in oratione Dei*: quando prudentissimè respondit querentibus, an liceret dare censum Cæsari: quando locutus est aliis mulierem in adulterio comprehensam adducen-
tibus, ut ejus calculo condemnaretur: quando in deserto misericordiam motus pavit populum.

Dices primò. Ea tantum dona Spiritus sancti sunt in Christo asserenda, quæ respiciunt vitam beatam, & contemplativam; non autem activam, quæ non habet locum in beatitudine supernaturali: sed ex donis Spiritus sancti superius enumeratis, quædam sunt, quæ respiciunt dumtaxat vitam activam, ut consilium, scientia, pietas, & timor: ergo dona ista non sunt in Christo comprehensore asserenda.

Respondeo primò, majorem esse veram de iis donis, quæ adæquatè considerata respiciunt vitam activam: secus autem, si inadæquatè dumtaxat. Ad minorem autem dico quinque præfata dona in hoc distingui à duobus aliis, quod alia duo nullo modo pertineant ad vitam activam, cætera autem quinque partim ad activam, & partim ad contemplativam ordinentur.

Respondeo secundò, negari posse majorem; siquidem Christus Dominus non solum dum in terris cum hominibus agebat, sed etiam in cælis existens, agit vitam nedum contemplativam, sed etiam activam, quatenus circa nos, & Angelos exercet munia veri capitis morales; hæc enim munia non consistunt in pura speculatione, sed in aliquo influxu, & actuali directione, quæ cum non consistant in aliqua simplici speculatione objecti beatifici, sed etiam ordinentur ad aliquid præstandum circa membra sub se constituta, ista operatio nedum ad vitam contemplativam, sed etiam ad activam pertinet.

Dices secundò. Donum consilii videtur importare dubitationem, & ignorantiam, quia ibi tantum adhibetur consilium, ubi est hæsitatio, & ignorantia de eo, quod faciendum est: at in Christo non fuit ulla hæsitatio, & ignorantia: ergo nec opus dono consilii.

Nego majorem, falsum enim est, quod consilium præcisc, & formaliter sumptum importet dubitationem, & ignorantiam in consultante: nam passim in sacris Litteris, & Patribus tribuitur Deo, cui nulla inest hæsitatio, & ignorantia: sed consilium formaliter dumtaxat importat actum intellectus, quo ipsa electio voluntatis dirigitur. Quod autem consilium ut est in nobis, habeat dubitationem, & ignorantiam sibi annexas, id tantum provenit ex nostra imperfectione.

Sola potest esse difficultas de *dono timoris*, gravis enim circa hoc inter sanctum Ect-

nardum, & Abailardum aliquando controuersia fuit, an timoris donum esset in Christo admittendum; negabat quippe, Abailardus timorem istum in Christo reperiri. Verum hunc errorem ecuravit, & contrarium postmodum docuit, ut constat ex epistola sua 2. ad universos filios Ecclesiarum, ubi habet: *Castum timorem in seculum seculi permanentem, qui proprie Charitatis reverentia dicitur, tam ipsissima Christi, quam ecclesiarum Angelis, & hominibus inesse semper recognosco.*

Quod autem verè in Christo fuerit donum timoris, non quidem secundum eum adum, quo metuitur offensa Dei, vel separatio Dei; sed secundum actum quemdam reverentiae Dei ortæ ex consideratione Iustitiae, & severitatis ejus erga delinquentes, imprimis verò eminentiae ipsius: *Probat* hac ratione. Timor respicit duo objecta, quorum unum est malum terribile, & aliud est illud, cuius potestate malum inferri potest: sicut aliquis timet Regem, in quantum habet potestatem occidendi, unde non timeretur ille, qui potest nocere, nisi haberet quandam eminentiam potestatis, cui facile resisti non potest: Christus autem semper fuit securus se nunquam peccatum, siquæ certus erat senon fore à Deo separandum: atque ideo non habebat hunc primum actum timoris, sed dumtaxat secundum, videlicet actum reverentiae, prout scilicet ejus anima quodam affectu reverentiae à Spiritu sancto excitata ferebatur in Deum; unde Hebr. 5. dicitur, *Quod in omnibus exauditus est pro sua reverentia.*

Quæritur autem apud Theologos, quis sit ille actus timoris filialis, seu reverentiae ad Deum propter ejus eminentiam: possumus enim intelligere per illam reverentiam, affectum parendi Deo ut supremo Domino, & sic refunditur in obedientiam: vel colendi illum ut supremum ens, & sic spectat ad religionem; vel subdendi se Deo præferendo in omnibus honorem divinum proprio, & sic pertinet ad humilitatem: qua ratione S. Augustinus lib. de serm. Domini in monte docet, *Donum timoris humilitati respondere*, quapropter serm. 1. de Annuntiatione, timorem superbiz opponit: & ideo sanctus Gregorius lib. 2. Moral. cap. 26. dicit donum timoris dari contra superbiam. Ex hoc verò affectu sequitur in voluntate quidam motus per modum fugæ, quo creatura in conspectu divinæ, & supereminentis Majestatis ita se habet, ut non audeat ad illam accedere, &

omninò caveat in aliquo divinam illam ejus excellentiam usurpare, & formidat, ac fugit investigare ejus mirabilia.

Hic autem modus vocatur à SS. Patribus *timor reverentiae*, seu *adorationis*, ut videre est apud S. Gregorium lib. 17. Moral. cap. 12. & Dionysium cap. 13. de celesti Hierarchia, ubi exponens visionem Isaie, qui viderat Seraphim velantes pedes, & terga, dicit per eam significari, *sacram illam, ac plenam horrois venerationem, qua sancti celsiorem mysteriorum indaginem perborrescunt.* Hinc Apocalypsis 16. dicitur Sanctos cantare; *Magna, & mirabilia sunt opera tua Domine, quis non timebit te Domine, & magnificabit nomen tuum?*

Hic autem actus reverentiae non tantum includit voluntatem alicujus boni, sed etiam fugam alicujus mali: non quidem, quod formidetur imminens, aut futurum, sed quia secundum se malum est, & repugnans divinæ excellentiæ; de quo timore dicit S. Augustinus lib. 14. de Trinitate cap. 6. *Timoris casti nomine, ea voluntas significata est, qua nos necesse erit nolle peccare, non sollicitudine necessitatis, sed tranquillitate charitatis;* Beatus itaque quatenus habet fugam omnis peccati, ut à Deo separantis, dici potest habere timorem castum: quem etiam habere potuit Christus; licet enim ipse peccare non potuerit, tamen cum natura humana, quam assumpsit, secundum se esset capax peccati, potuit sua voluntate fugere hoc malum, tanquam possibile simpliciter suæ naturæ.

Ex his apparet timorem illum filialem, seu reverentialem nullam habere indecentiam, aut repugnantiam cum statu, vel hypostatico, vel beatifico Christi: secus autem videtur dicendum de timore servili, & initiali: nam timor servilis maxime spectat peccatum cavendum propter poenam luendam: Christus autem cum esset expertus omnis peccati, nec ullatenus peccare posset, nullam habuit, quam timeret poenam infligendam propter peccatum. Idem videtur dicendum de timore initiali, tum quia hic est imperfectus, & nondum completus: Tum quia quatenus initialis, includit metum poenæ infligendæ in vindictam peccati: At ex mox dictis, ille timor poenæ in Christo locum habere non potuit: ergo nec ille timor initialis.

SECTIO TERTIA.

De Scientia, ac Sapientia Christi Domini.

Declaratis, & elucidatis utcumquedivinis illis præcellentis, & charismatibus, quæ Christi Domini voluntatem exornant, jam auspicamur eas dotes delineare, quæ illius mentem illustrent: hæ autem ad cognitionem, & scientiam, quibus maximè divina, ac creata mens exornantur, omnes referuntur. Illa autem multiplex in Christo spectatur: at prima, & maximè generalis illius divisio est, qua pro naturarum numero duplex scientia ipsi tribuitur: alia quidem *divina*, increataque; altera *creata*, & hominis propria. Atque hæc deinde varias in species diffunditur: quædam enim humano labore, & industria parta, dicitur *acquisita*; alia divinitus est *infusa*; tertia verò *beatifica* vulgò nuncupatur, qualis est in beatis: Unde de hoc quadruplici scientiarum genere pauca sunt in præsentis delibanda sequentibus inquisitionibus.

QUÆSTIO PRIMA.

Utrum in Christo sit duplex Scientia; creata simul, & increata.

Notandum primò, præsentem questionem supponere duas in Christo naturas, divinam, & humanam, quosque pariter intellectus, increatum videlicet, & creatum; cum enim intellectiva facultas sit indivisa proprietas naturæ spiritualis, necessum est, quòd omni eam naturam habenti illa virtus intellectiva conveniat; unde in 6. Synodo Actione 11. definitur, *Verbum assumpsisse animam rationalem animabus nostris contribulem, & mentem mentis nostræ comparem*; mens autem significat animam secundum illam facultatem, qua est intellectiva, & in Concilio Lateranensi sub Martino, *Collatione* 5. definitur in Christo omnia fuisse duplicia; duas nimirum esse naturas, duos intellectus, duas voluntates, & operationes: quanquam enim ibi dumtaxat damnentur Monothelitæ, qui solam duplicem in Christo voluntatem respuebant; quia tamen vis intellectiva inseparabilis est à virtute appetitiva, non potuit hæresis ista damnari, quin pariter

determinaretur duos in Christo intellectus; creatum videlicet, & increatum. Unde hic metitò quæritur, an sicut in Christo duo sunt intellectus, duplex etiam sit admittenda scientia, creata videlicet, & increata.

Notandum secundò, quòd omnis illis hæreticis, qui Christo mentem humanam, & subinde creatam cognitionem, & scientiam denegabant, contra quos jam sæpius disputatum est in præcedentibus, nonnullos Catholicos Doctores asseruisse Christi Domini creatum intellectum non alia cognitione omnia novisse, quàm divina, & increata: quam utique sententiam suotempore quibusdam placuisse refert S. Bonaventura in 3. dist. 14. q. 1. Illam præ cæteris docuit quidam *Joannes à Ripa*, ut refert Capreolus in 3. dist. 14. q. 1. 2. 1. imò pro ipsa asserenda diu pugnavit Hugo Victorinus Tractatu de Sapientia Christi Domini, 16. ubi quamvis initio dumtaxat quætere videatur, an scientia Christi divinam æquet; tamen eò progreditur ut scientiam creatam in Christo denegare malit; nam cum id sibi objecisset: Si Christi anima cognoscit omnia, falsum esse: Deum in omni bono majorem habere sufficientiam, quàm creaturam ejus; hoc ita dissolvit; Verum esse, Deum in omni bono creaturis suis antecellere, ubi aliud creaturæ bonum à bono Creatoris invenitur: sed cum sapientia illius animæ, non sit alia, divina sapientia, quomodo potest fieri comparatio? Cui respondens ait, Indubitanter dicendum est, quòd alia sapientia, quàm divina non fuit in Christo; si enim sapientia animæ Christi alia esset à divina sapientia, minor esset... idèò ut illam veritatem firmiter teneamus, quòd illa anima nihil ignoravit, sed omnia scivit, dicendum est, quòd non alia sapientia erat illa anima sapiens; sed in Deo per naturam, in illa anima per gratiam. Verum reclamant cæteri Theologi affirmantes, tanquam dogma de fide, quòd sicut duplex est in Christo intellectus, creatus, & divinus: ita etiam duplex in Christo scientia, increata, & humana.

Notandum tertio quòd etsi in hac asserenda assertionem, unanimi calculo Theologi conveniant quantum ad rei veritatem, & ut de facto res in Christo habuit secundum præsentem Dei ordinationem; nihilominus contendunt aliqui, de potentia siletem extraordinaria, & absoluta, Christi

fi Domini intellectum humanum posse fieri cognoscentem omnia per increatam Dei cognitionem, & scientiam, nec ulla ratione convincenti demonstrari possententiam Hugonis Victorini contradictionem implicare; quam quidem assertionem præ cæteris propugnat Agidius à Præsentatione libro 4. de beatitudine; qu. 1. art. 2. at contrarium docent omnes Theologiæ Principes, nec non eorum sequaces, ac discipuli, quibus ut subscribamus, sit

CONCLUSIO PRIMA.

Christus reverà de sabbato habuit scientiam creatam. Hæc est de fide, determinata in Conciliis definitibus omnia esse duplicia in Christo: nempe duas naturas, duas voluntates, duos intellectus, duasque operationes. Licet autem in particulari non loquantur de intellectu, tamen generali definitione illum comprehendunt; dicit enim Agatho Papa in Epistola Synodi Romanæ (quæ in 6. Synodo Aſione 4. refertur, & in 8. suscipitur) *Consistimur in Christo omnia duplicia, quæ ad naturas pertinent, duas naturas ejus prædicamus, & unamquamque proprietates naturales habere consistimur, divinam, omnia, quæ divina, humanam omnia, quæ humana sunt, absque ullo peccato.*

Confirmatur ex eodem Concilio, ubi allegat S. Leonem dicentem, *De duabus naturis Christi Domini agit utraque forma, cum alterius unione, quod est proprium: Verbo scilicet operante, quod est Verbi est, & carne exequente quod carnis est; quæ postrema Verba cætenus nostram sententiam probant, quatenus asserunt unamquamque naturam in Christo Domino exercuisse proprias suas functiones, & proinde cum una ex propriis operationibus naturæ humanæ sit actualis intellectio, Christum Dominum intellectu suo creato necessum est per solam actualem intellectiorem creatam intellexisse. Hinc subditur, Neque enim in quoquam unam dabimus naturalem operationem Dei, & creaturæ, ut neque quod creatum est in divinam educamus essentiam, neque quod exitium est divine nature, ad competentem creaturis locum deiciamus.* Id etiam maximè constat ex Concilio Lateranensi sub Martino I. Collat. 5. in professione fidei, ubi pariter definitur, *omnia in Christo esse duplicia; nempe non tantum duas voluntates, sed etiam duas operationes, divinam nempe, &*

humanam. Nam *primò*, cum unicuique voluntati sua corpondeat cognitio; si dux sint in Christo voluntates, etiam & duas cognitiones esse necesse est. *Secundò*, dicendo duas operationes, & non determinando ad unius tantum, vel alterius potentia operationes, non potest ab hac definitione excludi ea actio, quæ est prima inter humanas, scilicet cognitio creata. *Tertiò*, definiendo esse in Christo omnia, quæ ad naturam humanam pertinent, pariter definitum est in Christo esse intellectiorem creatam, quandoquidem nemo negat ipsam ad naturam humanam maximè pertinere.

Probari etiam potest conclusio ex Scriptura sacra, maximè ex illo Joannis 8. ubi Christus Dominus ait; *Scio enim* (scilicet Patrem) *& sermonem ejus servo*: ubi hæc particula *scio*, supponit pro cognitione creata correlative observationi præceptorum sui Patris. *Insuper* apud eundem Evangelistam c. 13. *Sciens, quia venit hora ejus, ut transiret ex hoc mundo ad Patrem, cum dilexisset suos*, ex quibus infero, quòd quemadmodum Christus observabat mandatum Dei, ut homo, & per naturam assumptam patiebatur, ita etiam ut homo aliquo actu creato sciebat hæc, & cognoscebat.

His adde quòd Christus Dominus plerisque actus humanæ intellectiōis elicit, qui in divinam cognitionem non possunt cadere, nam Lucæ 2. dicitur crevisse in sapientia; Hic autem profectus quomodocumque explicetur, non potest intelligi de sapientia divina, quæ cuiusvis augmenti sit, & detrimenti est incapax, Matth. 8. dicitur ipsum fuisse miratum; admiratio autem quandam nescientiam supponit, quæ utique in divinam scientiam cadere non possunt. Et ad Hebr. 5. *Didicet ex his, quæ passus est*; Adidicere autem aliqui Christo repugnatione divinitatis, oportet igitur, quòd Christus intellectum creatum haberet, ac subinde creatam cognitionem.

Probatum etiam ratione, quia si Christus non haberet scientiam, & cognitionem creatam, sequeretur, quòd intellectus creatus in illo esset frustraneus, intellectus enim per se ordinatur ad propriam actionem; propria autem intellectus actio est intellectio ab ipso elicit: igitur Christus debuit illam habere.

Deinde, Christus est verus, & perfectus homo: sed humanitas sine intellectu creata,

ta, non est perfecta: ergo Christus debuit habere intellectionem creatam. Major constat. Probatur minor, quia omne, quod caret suo fine, imperfectum est: sed natura humana, quatenus intellectiva, est propter intellectionem creatam: omnis enim potentia est propter suam operationem: ergo sine illa erit imperfecta.

Dices: Frustrâ sunt per plura, quæ per pauciora possunt absolvi: sed Christus omnia cognovit intellectione increata: ergo intellectio creata fuit ipsi frustranea.

Distinguo majorem: Frustrâ sunt per eandem facultatem, & virtutem, transeat; per diversas, nego; Christus autem per intellectum divinum, & ut Deus, intelligebat quidem omnia cognitione increata; per intellectum verò creatum, & ut homo res cognoscebat cognitione creata: idcirco ratione diversæ facultatis, diversas habebat cognitiones, nec frustrâ per unam facultatem fiebat, quod per alteram facultatem intellectivam non poterat præstari.

Instabit: Idcirco Christus non habuit subsistentiam creatam, quia per incretam sufficienter subsistebat: sed etiam sufficienter cognoscebat omnia per scientiam incretam: igitur, &c.

Respondendo negando paritatem: & ratio disparitatis est, quod subsistentiæ multiplicatio multiplicet supposita, & duo omnino separata, & divisa constituat, ac subinde si fuissent in Christo duo supposita, nulla fuisset in Christo unio Divinitatis cum humanitate, simile autem non accidit ex duplici natura, facultate, & operatione, quia per illas non constituuntur in Christo duo intelligentes invicem separati, & separati, sed unicus dumtaxat, ratione scilicet unitatis suppositi.

Dices secundò: Si dedecet Christum cognovisse dumtaxat per scientiam creatam, maximè quia, ut diximus, inde sequeretur, quod facultas intellectiva creata in ipso fuisset frustranea: sed hæc ratio nulla est. Probatur, nullum enim inconveniens est, quod aliqua potentia in Christo non habeat sibi debitam operationem, nec obtineat finem, ad quem ordinatur, ceterum Christus habuit potentiam generativam, quæ nusquam fuit ad actum reducta.

Nego minorem, & ad ejus antecedens dico in Christo fuisse omnes facultates, & earum actus, qui conducebant ad finem redemptionis, actuale autem exercitium in-

tellestus creati animæ Christi ad illum finem maximè conducebat; secus verò de potentia generativa, igitur non mirum si hujus facultatis actus Christo defuerit.

CONCLUSIO SECUNDA.

In *Intellectus humanus Christi, etiam de potentia Dei absoluta, non potuit fieri intelligens per scientiam divinam, & incretam.* Hæc est communis inier Theologos. Probatur primò ex Epistola Agathonis Papæ supra citata, in ea namque probat in Christo non posse unam esse operationem utriusque naturæ; quia impossibile est propriam operationem unius naturæ fieri operationem alterius. Quod etiam probari potest auctoritate S. Ambrosii l. 2. de Fide cap. 4. ubi aperte dicit operationem unius potestatis non posse esse alterius: nam ait, *Ubi est substantia diversa, nequit esse operatio una.* Ad eundem modum argumentatur S. Damascenus lib. 3. cap. 13. & Leo Papa Epistola 10. ad Flavianum.

Probatur etiam ratione: Si intellectus humanus Christi fieri posset intelligens per scientiam incretam, maximè vel habitualiter, vel actualiter: at neutrum dici potest. *Non primum,* quia scientia increta non est habitus, sed substantia. *Non etiam secundum:* quia oportet illam cognitionem incretam produci ab intellectu, vel creato, vel divino: At produci non posset ab intellectu creato; quidquid enim est à principio creato, & finito, creatum est, & finitum: igitur intellectus creatus non potest producere intellectionem incretam, & infinitam. Non etiam ab increto, quia intellectio actualis est proprius effectus intelligentis; nemo enim intelligit per intellectionem alterius, nec consequenter per intellectionem ab altero productam: ergo intellectus creatus animæ Christi non posset fieri formaliter intelligens per intellectionem ab intellectu divino productam.

Deinde, si intellectus creatus animæ Christi intelligere posset per intellectionem incretam Verbi, hoc fieret vel per propriam communicationem intellectionis incretæ, vel per unionem ipsius intellectionis cum intellectu creato. *Primum* dici non potest; quia qua ratione diceretur intellectio increta verè communicari intellectui creato animæ Christi, eadem ratione omnes aliæ divinæ operationes communicari possent humanitati assumptæ, & sic illa hu-

humanitas per communicationem virtutis spirativæ, & spirationis posset spirare, & per communicationem creationis creare, quæ manifestè absurda sunt, & impossibilia. Non etiam secundum; si enim per unionem cognitionis intellectus divini posset intellectus creatus Christi fieri intelligens, etiam & voluntas Christi fieri posset volens, & libera per volitionem, & libertatem increata sibi intimè unitam: sed hoc est falsum: igitur, &c. Sequela majoris patet: nam qua ratione uniri posset intellectio increata intellectui creato, eadem ratione volitio, & libertas increata uniri posset voluntati creatæ, cum utrobique eadem ratio appareat. Minor videtur certa: etenim volitio libera debet esse in potestate, & dominio voluntatis: volitio autem divina nequit potestati, aut dominio creatæ voluntatis subesse.

Dices primò: Ad veram, & perfectam cognitionem non aliud requiritur, quam ut anima habeat scientiam, & sapientiam actualiter intimè sibi unitam: sed anima Christi habet intimè sibi unitum Verbum divinum, quod est ipsa Dei scientia, & sapientia increata: igitur per illam reverà anima poterat omnia cognoscere.

Distinguo majorem: Sibi unitam per modum formæ ipsam afficientis, & perficientis, in ratione facultatis intellectivæ, concedo: per modum termini ipsius dependentiam hypostaticè terminantis: nego: Verbum autem divinum non unitur ipsi animæ Christi per modum formæ, sed per modum termini hypostatici: subsistentia enim Verbi est terminus in suo formali conceptu, non autem actus: intellectio autem est formaliter actus intelligentis, & ideo necessum est quod se habeat per modum formæ. Quæ responsio confirmatur ex eo, quod inquit Seraphicus Doctor d. 14. art. 1. q. 1. Quamvis Verbum increatum sit unitum oculo Christi, & omnibus partibus corporis Christi, non tamen cognoscitur ab oculo: & hoc quia non est in eo dispositio ad cognoscendam rem spirituales: ergo pari ratione quantumcumque Verbum increatum uniatur animæ Christi, nisi anima sit disposita ad videndum Deum per lumen, quod ipsam facit Deiformem, nunquam ipsam intuebitur.

Dices secundo, Non minus divinitas uniri potest intellectui creato in ratione actualis intellectionis, qua intellectus creatus

Fraßen Theol. Tom. VII.

intelligat; quàm eidem intellectui uniri in ratione speciei intelligibilis, aut in ratione subsistentiæ: atqui tam essentia Divina, quàm subsistentia Verbi, ununtur istis duobus modis intellectui humano: ergo etiam essentia divina potest uniri intellectui creato in ratione actualis intellectionis, qua intelligat. Minor constat ex dictis tum in præsentis tractatu, tum in tractatu de visione beatifica: Major verò probatur quoad primam partem: ex eo enim quod essentia divina uniatur intellectui creato per modum intellectionis actualis, non sequeretur ipsum intellectum non fieri formaliter intelligentem, sicut non sequitur ipsum non esse formaliter intelligentem ex eo, quod essentia divina ipsi uniretur per modum speciei intelligibilis. Patet etiam quoad secundam partem: sicut enim personalitas Verbi longè nobiliori modo facit subsistere humanitatem Christi, & sufficientissimè satiat appetitum humanitatis: ita actualis intellectio increata longè melius satiat intellectum animæ Christi, cum actualis intellectio creata non possit ei deservire, vel ad cognoscendum aliqua objecta, quæ non intelligat, per actualem illam increatam Dei cognitionem; vel ad cognoscendum illa nobiliori modo: ergo intellectus animæ Christi non tantum cognoscit per actualem Dei cognitionem increatam, sed etiam præter illam nullam habet aliam actualem creatam intellectionem: atque consequenter nullum habet scientificum habitum ordinatum ad talem intellectionem creatam.

Nego majorem, quoad utramque partem, & ad primam dico non esse parem rationem unionis essentia divini in ratione actualis intellectionis, atque unionis ejusdem in ratione speciei intelligibilis, nam species intelligibilis est extrinseca intellectui: intellectio autem est intrinseca, & proprius effectus formalis ipsius intellectus.

Ad secundam rationem dico, non esse similiter paritatem inter unionem subsistentiæ increatæ cum humanitate, & unionem intellectionis increatæ cum intellectu creato, quia natura humana non ordinatur primò, & per se ad subsistendum tanquam ad proprium effectum formalem sibi connaturaliter debitum: intellectus verò ordinatur ad propriam intellectionem, ita quod si ista auferatur, non possit amplius concipi quomodo intelligat: quia ut intelligeret per in-

Z

tel-

reflectionem aliunde productam, oporteret quòd illa in ipso reciperetur per modum verbi mentis: intellectio autem increata non potest recipi in intellectu creato, alioqui se haberet per modum formæ accidentalæ, quod repugnat. Adde quòd posita Verbi subsistentia in humanitate, implicat propriam subsistentiam in humanitate resultare: at quantumvis poneretur intellectio increata in intellectu creato Christi, non implicaret intellectum hunc intelligere etiam per actum creatum à se elicatum; quia licet in ista hypothefi cognosceret omnia objecta, quæ potest cognoscere per intellectiorem creatam, & quidem modo nobilissimum; attamen remaneret alius modus, quo posset adhuc illa objecta cognoscere, scilicet naturali, & proportionata sibi cognitione: sicut de facto Christus, licet cognoscat objecta cognitione beatifica, & infusa, non minus propterea illa etiam cognoscit cognitione acquisita, & experimental.

Dices tertio: Habitus scientificus tantum datur ut sciatur: at nulla fuit necessitas, quòd Christus sciret per scientiam creatam, quippe cum jam nosset omnia per scientiam increatam: ergo nulla est necessitas admittendi in Christo scientiam creatam.

Distinguo minorem, nulla fuit necessitas simpliciter, concedo: secundum quid, & propter perfectionem intellectus creati, nego.

QUÆSTIO SECUNDA.

Utrum, & qualiter scientia beatifica fuerit in Christo.

TRia potissimum hac in quæstione sunt statuenda. *Primum,* an reverà anima Christi habuerit scientiam beatificam, seu claram, & intuitivam Dei visionem, idque ab instanti suæ conceptionis. *Secundum,* an illa scientia, & cognitio ita fuerit perfecta, ut etiam dici possit comprehensiva. *Tertium,* an per eam anima Christi cognoscat id omne, quod Deus novit.

Notandum primum, duplicem posse distinguere Christi statum: unum quidem ante mortem, & resurrectionem suam; alterum verò post ipsius resurrectionem. De posteriori non est ambigendi locus, quin Christus habuerit visionem beatificam, & intuitivam divinæ essentiae cognitionem; id enim

expressè docere videtur Apostolus ad Heb. 1. ubi sermonem faciens de Christo ait: *Sedet ad dexteram maiestatis in excelsis; tanto melior Angelis effectus, quanto differentius præ illis nomen hereditavit,* qui textus maxime, ut notat Theodoretus, spectat ad Christum post resurrectionem, sed sancti Angeli divinam essentiam intuitivè contemplantur juxta illud Matthæi 18. *Angeli eorum in celis semper vident faciem Patris mei, &c.* At non ita compertum est ex scriptura, an Christus adhuc ex parte viator, & mortalis jucunda Dei visione positus fuerit, idque ab initio suæ conceptionis, quapropter hoc erit in præsentī quæstione determinandum.

Notandum secundum, ex Doctore subtili in 3. dist. 14. qu. 2. nu. 7. visionem comprehensivam eam duntaxat appellari, quia ita perfecte cognoscitur, ut tanta sit perfectio in cognitione, quanta est perfectio in objecto cognoscibili, videtur enim, inquit Doctor, solus ille intellectus comprehendere aliquid intelligibile, cujus tanta est perfectio in intellectualitate, quanta est perfectio, vel intelligibilitas, intelligibilis: & ideo ibi est commensuratio, & adæquatio, & propter hoc neutrum est respectu alterius excedens, & ita utrumque quasi finitum est alteri, quia simpliciter adæquatum: sicut propter æqualitatem personarum divinarum posset dici una persona finita alteri, quia non excedens eam, & tamen simpliciter non est finita. *Unde colligit,* quia ergo nullus intellectus creatus potest habere tantam intellectualitatem neque in actu primo, neque in actu secundo, quanta est intelligibilitas Dei, ut objecti, imò in infinitum excedit; ideo nullus talis intellectus creatus, etsi videat quodcumque visibile ex parte Dei, potest ipsum comprehendere, quia non est commensuratio hinc inde. Ita Doctor.

Notandum tertium, ex eodem Doctore qu. 15. quodlibetia, objectum aliquod videri in Verbo, seu in essentia divina, nihil aliud quàm representari in ipsa divina essentia velut in speculo, ita ut eadem visione qua videtur objectum illud secundarium, puta homo, videatur etiam Verbum, seu illa divina essentia, ut representativa hominis. Porro objecta, quæ representantur in essentia divina, sunt maxime duplices

generis: alia enim purè sunt possibilia, nec ullam unquam habitura sunt existentiam: alia verò existentiam vel habitura sunt, vel habent, vel habuerunt, dicunturque, vel futura, vel actualia, vel præterita: Priora Deus dicitur cognoscere per scientiam simplicis intelligentiæ, posteriotra verò per scientiam visionis: quarum scientiarum diversitas abundè declarata est in primo nostro volumine disputatione de scientia. Queritur autem impræsentiarum, an intellectus animæ Christi per scientiam beatificam possit cognoscere hoc utrumque objectum à Deo cognitum per scientiam simplicis intelligentiæ, & visionis, idque vel actualiter, vel duntaxat habitualiter. Actualiter inquam, si actû simul omnia videat: & hoc item, vel unica visione, vel pluribus. Unica quidem visione, si nimirum videndo Verbum divinum videat etiam omnia possibilia relucentia in ipso: pluribus verò, si singulis objectis visibilibus singulæ correspondant intellectiones in intellectu Christi. Habitualiter autem, si habeat aliquid per modum habitus, vel actus primi, quo illa omnia objecta possit percipere. Quod iterum fieri potest dupliciter: nimirum vel habendo habitum, seu lumen aliquod, quod sit representativum omnium planè visibilibus in Verbo: vel potius eliciendo unum actum visionis, qui sit offensivus omnium; qualis est actus visionis actualis Dei, qui dici potest habitualis, vel se habens ad modum actus primi, respectu eorum, quæ relucunt in Verbo, quatenus nimirum illa potest representari.

CONCLUSIO PRIMA.

Animæ Christi adhuc viatoris, & mortalis habuit intuitivam Dei visionem, idque ab instanti sua conceptionis. Hæc est communis quoad utramque partem apud Theologos. Prima autem probatur plurimis Scripturæ textibus, maximè verò ex 3. cap. Joann. ubi Christus sic loquitur, *Nemo ascendit in cælum, nisi qui descendit de cælo filius hominis, qui est in cælo.* Quibus verbis Christus adhuc viator, & mortalis, & adhuc in terris agens asserit se esse in cælo, sed non erat in cælo præsentia locali, & corporea: ergo mentali, & spirituali: at esse in cælo ratione animæ, & spiritus nihil aliud est, quàm Deum intuitivè videre: igitur Christus mortalis intuitiva Dei visione frue-

barur. Confirmatur ex eo, quòd Christus hæc verba proferebat, ut probaret Nicodemum sibi esse credendum, utpote testificato, simul in terris, & in cælo esistenti, quòd nulli unquam Prophetæ contigerat, unde ibidem dicebat, *Quod scimus loquimur, & quod vidimus testamur, qui de cælo venit: super omnes est, quod vidit, & audivit, hoc testatur.*

Probari etiam potest ex illo Joann. 12. ubi idem Christus ait: *Si quis mihi ministrat me sequatur, & ubi ego sum, illic & minister meus erit.* Non dicit ubi ero, sed ubi ego sum; significans se jam frui clara Dei visione, quam assequentur ii, qui divinis ejus vestigiis insistant, maxime verò in ærumnis, & cruciatibus perferendis. Quòd autem ibi loquatur ut homo, inde constat, quòd insituit sermonem de se, ut pro nobis morituro, & sequen lo per mortem, tum quòd in sequentibus Patrem æternum ut homo alloquatur.

Probant etiam aliqui eandem veritatem ex SS. Patribus; Verum pet pauca sunt expressa, & nominatim de suprema ante mortem, & resurrectionem Christi felicitate concepta testimonia; & quæ profert solent à quibusdam, uno forsitan excepto, liquidò rem minimè demonstrant. Unus hic, quem dico, locus est Augustini è quæst. 63. de octoginta tribus, ubi suscitati à Domino Lazari allegoricam suscitationem, explicans, sudarium, quo tectæ erat ejus facies, figuram esse dicit præsentis in nobis visionis, qua per speculum videmus in ænigmate: quòd cum auferri jubet Christus, hoc est, quòd post hanc vitam auferentur omnia velamenta, ut facie ad faciem videamus. Quantum autem interfit inter hominem, quem Dei sapientia gestabat, per quem liberati sumus, & cæteros homines, hinc intelligitur; quòd Lazarus nisi exiens de monumento non solvitur: id est, etiam renata anima, nisi resolutione corporis libera ab omni peccato, & ignotantia esse non potest, quamdum per speculum, & in ænigmate videt Dominum. Illius autem lineamenta, & sudarium, qui peccatum non fecit, & nihil ignoravit, in monumento inventa sunt. Ipse solus in carne, non tantum in monumento non est oppressus, ut aliquod peccatum in coinveniretur; sed ne linteis implicatus, ut eum aliquid lateat, aut ab itinere retardaret.

Suffragatur etiam ratio : *Primò*, quia natura humana per incarnationem sublimata est ad supremum esse : ergo pariter debuit elevari ad perfectissimam operationem, qualis est visio beatifica. *Deinde*, Qui est aliis causa, ut sint comprehensores, ipse in gradu præstantiori debet beatitudinem habere; atqui Christus, etiam adhuc mortalis, fuit causa, cur primi homines fierent comprehensores, quod maximè constat ex illa celebri promissione, quam fecit latroni penitenti, dicendo; *Hodìe mecum eris in Paradiso*; nam ut observat S. Augustinus epist. 57. quavis illo ipso die mortis latro iste penitens futurus esset in Limbo; tamen quia ibi visurus erat Deum, dicitur futurus in Paradiso : igitur ipsemet Christus cum hæc etiam proferret dira crucis sustinens supplicia, reverà Dei visione fruebatur. *Denique* non erat congruum, ut filius naturalis tamdiu sua hæreditate fraudaretur, maximè cum illa beatitudinis suspensio, quantum ad animam nihil quidquam conferret ad negotium salutis, & reparationis nostræ.

Probatur etiam secunda pars. Primò quidem ex illo Joan. 1. *Vidimus gloriam ejus, gloriam quasi unigeniti à Patre.* Quibus verbis expredit Evangelista gloriam animæ Christi ex personali unionem Verbi esse derivatam. *Secundò*, ex sequentibus istis *plenum gratia, & veritatis*, unde sic argumtor: Plenitudo gratiæ est ipsa gloria : at gratia, respectu gloriæ habet se, tanquam imperfectum ad perfectum. Plenitudo autem veritatis consistit in cognitione Dei intuitiva. *Tertiò*, ibidem, *Deum nemo vidit unquam. Unigenitus, qui est in sinu Patris ipse enarravit.* Joann. 3. *Quod scimus loquimur, & quod vidimus testamur.* Joann. 8. *Et si ergo testimonium perhibeo de meipso, verum est testimonium meum: quia scio unde veni, & quò vado; & postea: Si dixerò quia nescio eum ero similis vobis mendax: sed scio eum, & sermonem ejus sermo.* Ex quibus sic argumtor: Ibi proponitur Christus tanquam perfectissimus testis veritatis à Patre missus non tantum ut Deus, sed etiam, ut homo: perfecta autem testificatio, ex visu est, unde auditus credimus, qui audiuntur à fide dignis, qui oculis suis res se vidisse testantur: ergo vidit ea, de quibus testimonium perhibuit : ergo Deum ipsum intuitivè conspexit. Hæc autem cum probent Christum ante passionem suam vidisse Deum intuitivè, & non sit

ratio cur uno tempore potius, quam alio sequitur, quòd vidit à primo suæ Conceptionis instanti.

Probatur item rationibus. *Primò*, Gloria corporis, quam exhibuit Apostolis in monte Thabor, signum est evidentissimum gloriæ animæ ipsius: nec est assignabilis ratio, quare potius habuit eam hoc, quam illo tempore. *Secundò*, Filio naturali Dei debetur hæreditas statim, ac nihil obstat quominus illam consequatur: sed Christus ut homo est Filius Dei naturalis: Hæreditas est visio Dei intuitiva, seu scientia beata: neque est assignabilis ratio, propter quam à primo suæ Conceptionis instanti non sit illam consecutus.

Obijciens primò, nonnullos Scripturæ locos, ut Joan. 7. *Nondum erat spiritus datus, quia Jesus nondum erat glorificatus.* Joan. 17. *Clarifica me, Pater, apud te metipsum claritate, quam habui priusquam mundus fieret apud te.* Lucæ 24. *Nonne hæc oportuit pati Christum, & ita intrare in gloriam suam?*

Respondeo, primum locum intelligi de glorificatione Christi in ipsa die Ascensionis, quando videntibus Apostolis elevatus est, & nubes suscepit eum ab oculis eorum; non verò de ipsa gloria animæ. Ita Augustinus tract. 32. in Joan. Ad secundum, & tertium, dico intelligendos esse de gloria corporis, & nominis exaltatione, de qua Apostolus ad Philipp. 2. *Propter quod & Deus exaltavit illum, &c.* Ita Augustinus tract. 104. in Joann. Quod utique confirmatur, quia Christus Dominus ibi postulat à Patre illam claritatem, quæ ipse illum divinum Patrem suum clarificavit, quæ certè alia non fuit, quam manifestatio nominis, & majestatis Patris, ait enim ibidem: Pater manifestavi nomen tuum hominibus, quos dedisti mihi.

Obijciens secundò, Christus sibi meruit scientiam, seu visionem beatificam: ergo illam tempore suæ vitæ mortalis, & ab initio suæ Conceptionis non habuit. Consequentia patet; Necessum enim est, quòd primum meritum subsequatur, quia meritum est via ad primum. Probatur antecedens: Christo debet attribui id, quòd perfectius est: sed perfectius est habere aliquid ex merito, quam sine merito, nam habere aliquid ex merito, est id obtinere independentem ab alio, & ex motivo justitiæ: habere autem sine merito est habere duno-

taxat dependenter à liberalitate donatoris: igitur, &c.

Nego antecedens: Quanquam enim Christus meruerit gloriam sui corporis, non tamen meruit gloriam animæ, quam habuit ab initio suæ Conceptionis titulo mercedis, sed per modum naturæ, & jure filiationis naturalis. Unde ad probationem dico: perfectius quidem esse generatim loquendo tem habere ex merito, quam sine merito; tamen per accidens melius est interdum aliquid habere sine merito, quam per meritum, quando scilicet illius affectio per meritum derogaret dignitati naturali, & perfectioni naturaliter debite: beatitudo autem illa ratione unionis hypostaticæ, & filiationis naturalis quasi nativo jure Christo debeatur; unde fuisset quoddam illius dignitatis præjudicium si illam per studium, & laborem debuisset promereri. Cætera, quæ adversus hanc assertionem solent objici, faciliiori, & congruentiori ordine proponuntur, ac solvantur in sequentibus.

CONCLUSIO SECUNDA.

Christi Domini cognitio beatifica, fuit quidem perfecta, non tamen comprehensiva. Ita Doctor loco laudato, eamque probat iisdem rationibus, quibus probavit animam Christi de facto habuisse perfectam, & summam gratiam, cum enim quævisset qu. 2. num. 2. an intellectus Christi possit perfici visione perfectissima Verbi; Respondet, Dico quod sic, propter eandem rationem, propter quam D. præcedenti qu. 1. dixi voluntatem ejus posse habere summam charitatem: Sic autem formati potest probatio. Summam gratiam sequitur summa fruitio: igitur perfectissimus gradui gratiæ correspondere debet perfectissimus gradus fructificationis: sed Christus habuit summam gratiam: ergo etiam summam fructificationem: At ad summam fructificationem, quæ fit maximè per amorem beatificum, requiritur perfectissima Dei visio: ergo ex summa gratia sequitur Christum habuisse summam visionem.

Confirmat autoritate S. Isidori dicentis cap. 42. in Exodum. *Trinitas sibi soli nota est, & homini assumpto*; quod utique eatenus verum esse potest, quatenus sola Trinitas, & homo assumptus cognoscunt ipsam Trinitatem ea cognitione, qua perfectior concedi non potest alicui creaturæ.

Fraffen Theol. Tom. VII.

Dices: Quod præstantior est intellectus cum æquali lumine gloriæ, eo nobilior, & præstantior potest esse visio beatifica: sed intellectus Angelus est perfectior in naturalibus, quam intellectus animæ Christi: ergo ex hypothese, quod Angelus haberet lumen gloriæ æquale illi, quod concessum est animæ Christi, perfectior eliceret visionem beatificam: & consequenter visio beatifica animæ Christi non est omnium perfectissima, & summa. Major constat ex dictis in primo volumine de inæqualitate luminis gloriæ; probatum enim est vegetiorem intellectum cum æquali lumine gloriæ præstantiorem elicere visionem. Minor etiam est certa: Siquidem ex Apostolo ad Hebr. *Christus paulo minus ab Angelis minoratus est*.

Distinguo majorem: Nobilior, & præstantior esse potest ratione facultatis intellectivæ consortatæ, & elevatæ per lumen gloriæ, concedo: ratione ipsius luminis gloriæ, nego: & concessa minore, similiter distinguo consequens, præstantior esset visio beatifica Angelus, quam Christi, ratione facultatis intellectivæ, concedo: ratione luminis gloriæ, nego: quia non tantum consecratur lumen gloriæ Angelo, quantum Christo; cum enim Christus longè præstantius habeat esse, ratione unionis hypostaticæ, quam qualibet creatura, etiam nobilior debet habere principium operandi, si non naturale, saltem supernaturale.

Adde quod Christi beatitudo sit summa dumtaxat de facto, non verò de possibili, ut à simili diximus de gratia ipsius.

Probatur secunda pars: Nempe quod illa cognitio Christi non sit comprehensiva divinitatis, nam inquit S. Augustinus lib. 82. questionum qu. 14. *Quod se comprehendit finitum est sibi*; sed essentia divina non est finita in comparatione ad animam Christi, cum in infinitum eam excedat: ergo non comprehendit anima Christi essentiam divinam. *Secundò*, infinitum non comprehenditur à finito: anima Christi est finita tam entitativè, quam quoad potentiam intellectivam, & lumen gloriæ, quo corroboratur: essentia autem divina, ut comprehensibilis, est infinita: ergo, &c.

Dices: Intellectus animæ Christi ex Doctore loco supra laudato n. 6. videt essentiam divinam ut infinitam: at videre essentiam divinam ut infinitam, est illam comprehendere: igitur cognitio beatifica Christi est comprehensiva. Probatur majorem

Doctör: *Quia*, inquit, *nihil nisi sub ratione infiniti formaliter potest quietare intellectum; ita quod si non in quantum infinitum formaliter apprehenderetur, sed infinitas tantum concomitaretur, non plus quietaret potentiam apprehensivam, quam aliud intelligibile (accidit enim sibi infinitas, ut comparatur ad potentiam illam:) sicut non plus quietaret visum triangulus ut albus, quam ut niger, si triangulus solum, in quantum triangulus, comparatur ad potentiam illam, & non apprehenderetur per se illud concomitans. Similiter essentia non quietat, nisi ut essentia visa existens in tribus suppositis; hoc autem non convenit sibi, nisi ratione infinitatis: ergo, &c.*

Distinguo minorem: Qui videt essentiam divinam ut infinitam modo infinito, ita quod tanta sit perfectio in vidente, quanta est in objecto visibili, illam comprehendit, concedo; qui videt dumtaxat illam infinitatem modo finito, illam comprehendit, nego: intellectus autem animæ Christi videt quidem essentiam divinam, ut infinitam: at illam videt modo finito, sicut ceteri Beati, unde qua ratione ceteri Beati Deum non comprehendunt: igitur nec intellectus animæ Christi illam comprehendit.

Dices secundò; sanctus Isidorus supra laudatus, dicit, quod Trinitas sibi soli nota est, & homini assumpto: igitur censet eodem modo hominem assumptum pari ratione Trinitatem cognoscere: at divina Trinitas seipsam cognoscit comprehensivè: igitur & Christus.

Respondet, sanctum Isidorum hæc proferre, ut significet, quod homo assumptus comparari possit divinæ Trinitati in cognitione Dei, non ratione comprehensionis, sed ratione ejusdem excellentissimæ notitiæ, qua præ cæteris creaturis anima Christi perspicacius, & sublimius divinitatem intuetur. Vel aliter dico, Isidorum nil aliud significare, quam quod Incarnationis mysterium sit incomprehensibile, sicut & mysterium Trinitatis, ut ipsemet docet penè similibus verbis lib. 1. sententiarum cap. 3. dicens, *Sola Trinitas sibi in segrè nota est, & humanitas à Christo suscepta*; quibus verbis dicit Trinitatem tantum sibi esse notam, sicut & humanitatem assumptam, ut significet hoc utrumque mysterium soli Deo esse perfectè notum, quapropter Apostolus incarnationem appellat, investigabiles Dei divitias.

CONCLUSIO TERTIA.

Probabilis est, quod anima Christi non videat omnia, quæ Deus videt scientia simplicis intelligentiæ, puta omnia possibilia. Hæc videtur esse genuina Doctoris sententia nu. 20. ut colligit ibidem ejus Scholiastes, quamquam reverà totus videatur dubius hac in resolvenda difficultate. Probatür itaque primò. Si anima Christi videret omnia objecta possibilia, maxime, vel per plures visiones, vel per unicam: sed neutrum dici potest. Non quidem primum, quia cum objecta illa supponantur numero infinita, oporteret etiam illum habere actu infinitas cognitiones: sed finita facultas, qualis est anima Christi, non potest habere actu infinitas cognitiones, quia repugnat, quod potentia finita tantum præstare possit, quantum infinita: maxime in eo, quod dicit perfectionem simpliciter simplicem: sed si intellectus creatus posset intelligere per infinitas intellectiones objecta infinita, id præstaret, siquidem id omne perciperet, quod infinita virtus: hæc autem infinitorum objectorum cognitio dicit perfectiones sine imperfectione.

Non etiam secundum, quia illa unica cognitio, vel ex natura sua intrinseca necessariò representaret illa omnia objecta possibilia formaliter: vel dumtaxat istud præstaret mediante quibusdam respectibus superadditis per modum accidentium: & quos non exigeret ex natura sua intrinseca. Primum autem dici nequit, quia reverà tum illa visio esset infinitæ perfectionis, & vocari posset sapientia actualis infinita entitativè, qualis soli Deo competit; siquidem illa visio non solum esset extensivè infinita, quatenus tenderet in omnia objecta intelligibilia, sed etiam intensivè; quia non videtur esse majoris perfectionis intensivè videre unum objectum, quam perfectè videre omnia intelligibilia simul; nullus enim est, qui non præferat visionem perfectam, ut unam decem objectorum, quam visionem, ut octo unius tantum objecti.

Insuper: Si intellectio una posset representare infinita objecta, sequeretur, quod etiam intellectus esset infinitæ virtutis intellectivæ; siquidem non magis repugnat, quod intellectus creatus habeat virtutem infinitam indivisibiliter ad producendam intellectionem infinitæ perfectionis, quam quod in-

intellectio creata habeat virtutem infinitam ad representanda objecta infinita, sed repugnat, quod intellectus Christi habeat virtutem infinitam, alioqui illa virtute de facto donaretur: siquidem id omne perfectionis tribui debet animæ Christi, quod ei potest competere citra repugnantiam, & indecentiam: igitur pariter repugnat, quod datur intellectio, quæ habeat vim infinitam representandi infinita objecta ex ratione sua intrinseca.

Confirmatur à simili; quia repugnat, quod unus homo possit æquivalere infinitis hominibus, quantum ad tollendum aliquod pondus infinitum, quod portari possit ab infinitis hominibus; quia oporteret illum hominem habere infinitam virtutem portandi: ergo pariter repugnat, quod una visio æquivaleat infinitis visionibus, quantum ad representanda infinita objecta.

Secundum etiam non potest dici, nempe, quod illa visio representaret omnia objecta possibilia mediantibus respectibus superadditis. *Primo,* quia, inquit Poncius ad præsentem questionem *nu. 108.* necessum esset, quod illi visioni adderentur infiniti respectus ad illa infinita objecta possibilia, & sic daretur infinitum actu, quod repugnare demonstravimus in *Physicis*. *Secundo,* sequeretur, quod illi respectus essent visiones formaliter, & sic darentur plures visiones illorum objectorum, quod est contra hypothesim. Probatur sequela: quia per illos respectus viderentur objecta illa secundaria, non autem per ipsam visionem; nam posita tali visione, non perciperentur objecta, additis autem respectibus perciperentur: sed id quod videtur objectum, est visio: ergo sequeretur, quod isti respectus essent visiones formaliter, & consequenter, quod infinitorum objectorum essent actu infinitæ visiones.

Confirmatur. Nihil enim aliud requiritur, ut aliquid dicatur visio, quam quod faciat percipere objectum visibile, & inquit in ipso intellectu vidente: at revera oporteret respectus illos esse in intellectu, quippe afficerent actum intellectus, & illis mediantibus respectibus intellectus diceretur percipere objecta visibilia, quæ illis respectibus seclusis non videret: igitur illi respectus revera essent visiones.

Deinde sequeretur etiam, quod visio non esset forma absoluta, sed respectiva, quia si per superadditum aliquem respectum pos-

sit representari formaliter aliquod objectum visibile, aut cognoscibile, nulla est ratio, quin pariter omnia alia objecta per similem respectum possent representari, & consequenter inde sequeretur, quod nulla visio probari posset esse forma absoluta.

His adde, quod omnis potentia creata limitata, & determinata sit ad determinatum numerum objectorum, ultra quem simul non potest plura intelligere. Quod utique colligitur ex distractione, & minori attentione intellectus ad plura objecta, quæ sanè minor attentio, aut distractio non provenit ex productione visionis, quia aliàs sequeretur, quod ignis per simultaneam productionem plurium ignium pateretur etiam distractionem, & diminutionem suæ virtutis; nec etiam oritur ex impotentia organorum, quia aliàs illa minor attentio circa plura objecta, quam circa pauciora, non esset in Angelis: sed oritur ex limitatione virtutis suæ ad percipiendam simul plura objecta per distinctas visiones.

Dices primo; Si fieret distractio cognitionis, & minor attentio in cognitione plurium, quam in cognitione unius dumtaxat objecti, sequeretur, quod Christus minus perfecte cognosceret divinam essentiam, si cum ea etiam alia objecta secundaria simul intelligeret, quam si illam dumtaxat videret, & sic non haberet summam visionem divinæ essentiae: sed hæc consequentiæ videntur absurdæ; ergo falsum est, quod per cognitionem plurium objectorum distrahatur attentio, & fiat minor cognitio.

Distinguo majorem; Id sequeretur si illa cognitio fieret per plures visiones, concedo: si per unicam, nego. Fateor equidem, quod si cognitio fiat per plures visiones, tunc distrahetur intellectus, & singule cognitiones erunt minus perfectæ: secus verò est, quando unica cognitione intellectus plura percipit, tunc enim illa cognitio sese extendens ad plura objecta, maxime, quando sunt invicem subordinata, non dicitur minus perfecta, imò præstantior.

Insuper; Si per cognitionem plurium objectorum, quæ unica visione percipiuntur, non fiat distractio: ergo per unicam actum visionis Christus poterit percipere omnia prorsus objecta possibilia.

Nego istam sequelam, quia nempe aliunde ipsi repugnat illa cognitio omnium objectorum possibilem, cum enim cogni-

et illa sit actualis, si actu perciperet omnia illa objecta, cum supponantur infinita, sequeretur cum habere cognitionem non solum extensivè, sed etiam intensivè infinitam, ut dictum est.

Urgebis. Si distrahatur intellectus, & fiat minor illius cognitio, dum diversas habet cognitiones; consequens erit, quod Christus non habebit ita perfectam cognitionem essentiz divinæ intelligendo simul omnia alia objecta per scientiam infusam, seu acquisitam, ac haberet si illa per has scientias non intelligeret: sed falsum consequens: ergo & antecedens.

Distinguo majorem; Si cognosceret per plures cognitiones, quæ tenderent in diversa objecta: ita quod objectum terminativum unius cognitionis non esset terminativum alterius, concedo: secus, nego. Fateor equidem, quod intellectus distrahatur per plures cognitiones, quando tendunt in objecta diversa: at non ita contingit, quando illæ diversæ cognitiones circa eadem objecta versantur: cognitiones autem, quas Christus habet per scientiam infusam aut acquisitam, non tendunt circa diversa objecta, sed circa eadem diversimodè cognita, unde non debet fieri illius intellectus distractio. *Addo* cum Poncio nu. 114. quod equidem Christi cognitio beatifica distrahi deberet per cognitionem infusam, aut acquisitam aliorum objectorum, nisi Deusex speciali beneficio vellet ipsum habere cognitionem beatificam in summo gradu; & ideo per abundantius lumen gloriæ, ac singularem concursum ita confortaret illius virtutem intellectivam, ut per cognitionem aliorum objectorum non fieret minor, nec minus attenta cognitio beatifica.

Dices secundò; Si Christus non posset videre per intellectum creatum objecta possibilia, maximè, quia ex infinitate illorum objectorum, sequeretur illius cognitionem esse infinitam intensivè: sed hoc est falsum: siquidem tantum indiceret inferre, quod illa cognitio esset extensivè infinita, quia nempe tenderet in objecta numero infinita: at ex cognitione infinitè extensiva non colligitur cognitio infinitè intensiva; sicut licet in quanto sint infinitæ partes in potentia divisibiles ab aliquo dividende, non sequitur, quod aliquid dividens creatum, habeat actu virtutem infinitam ad dividendas illas partes. *Deinde,* licet visio beatifica terminetur, & se se extendat ad infinitatem Dei; tamen illa non est infinita intensivè, quia, ut diximus non videt infinitatem infinito modo. *Denique,* Doctor refellit rationes, quibus S. Bonaventura probabat Christum non videre actu infinita: *Primò,* quia inde sequeretur, quod intellectus animæ Christi tantum intelligeret, quantum intellectus divinus, & ut sic haberet virtutem infinitam: *Secundò,* quia virtus infinita distinctiis, & perfectiis videt duo, quàm tria, & tria, quàm quatuor, & ita ascendendo in infinitum, semper minus distinctè, & perfectè videre poterit plura, quàm pauciora: ergo si videret infinita infinitis, minus clarè, & distinctè ea videret, quàm si videret dumtaxat infinita; sed quod infinitis minus perfectè, & distinctè videtur, perinde est, ac si nullo modo videretur. *Tertiò,* quia infinita extensivè virtus præsupponit infinitam intensivè virtutem: sed anima Christi non potest se se extendere ad objecta numero infinita. Doctor, inquam, nu. 21. has rationes solvit, ac refellit: sed illæ eadem sunt rationes, quibus præfatam nostram conclusionem firmavimus: ergo nostra assertio subtilis Doctoris sententiæ, & doctrinæ adversatur.

Nego has omnes consequentias, & ad primam rationem dico, equidem ex cognitione extensiva non rectè colligi cognitionem intensivam, quando cognitio extensiva non versatur circa objecta, quæ actu, sed dumtaxat potestate intelligantur, concedo: quando illa cognitio extensiva supponitur de facto versari circa infinita objecta actu cognita, nego: cum enim, ut diximus, per cognitionem plurimum objectorum non subordinaturum, quæ necessariò diversis cognitionibus debent attingi, fiat distractio intellectus, & singulæ cognitiones sint minus perfectæ: consequens est, quod si aliquis actu perfectè, & distinctè cognosceret objecta numero infinita, necessariò deberet habere virtutem intelligendi infinitam, sicut si quis de facto divideret infinitas partes continui, deberet habere vim divisivam infinitam.

Ad secundum dico, disparitatem esse inter cognitionem Dei, ut infiniti, & infinitorum objectorum, quod cognitio Dei sub ratione infiniti possit fieri modo finito, non enim requiritur, ut tanta sit perfectio in cognoscente, quanta est in objecto cognoscibili; quippe Deus visus, ut infinitus, non percipitur necessariò secundum omnem

om-ni-

omnino gradum suæ perfectionis, & infinitatis: sicut v.g. ut sol videatur quatenus lucidus, non est necesse, quod percipiatur secundum omnem gradum, & perfectionem sui luminis, aliqui non possent perfectius videri ab uno oculo, quam ab altero; at ut omnia objecta possibilis actu viderentur, necessum esset, quod intellectus videns haberet virtutem infinitam, quia vel illa videret per unicam visionem, vel per plures: si per unicam, oporteret, quod illa intellectio esset actu infinita in representando, quia actu representaret infinita objecta, quæ in ipsa relucere, & per illam fierent manifesta intellectui: virtus autem productiva actionis infinitæ debet esse infinita, & consequenter intellectus Christi productivus illius infinitæ intellectiois deberet habere virtutem infinitam. Idem dicendum si illa objecta cognosceret per infinitas numero intellectiones, quia sicut virtus, ut duo, requiritur ad producendas intellectiones duorum objectorum; sic requiritur virtus, ut quatuor, ad producendas intellectiones totidem objectorum: ergo pari ratione virtus infinita desideraretur, ut producerentur infinitæ cognitiones infinitorum objectorum.

Ad tertium, dico Doctorem eatenus refellere rationes S. Bonaventuræ, quatenus Seraphicus Doctor volebat non solum, quod intellectus aliquis creatus nedum numero infinitas intellectiones posset producere, sed nec aliundè productas recipere: quod utique non approbat Doctor, unde ibidem ait: *Potest dici, quod videre indistinctius respectu plurium, non necessarium est ex parte intellectus; ut receptivus est, sed solum ut elicivus: posset enim recipere visiones æque distinctas plurium, ac paucorum: Quia si ratio valeret, concluderet solum, quod intellectus non possit esse elicivus respectu infinitarum visionum.* Et insit, *Infinitas extensiva ad aliqua, vel ad formas recipiendas, non concludit infinitam entitatem receptivam, sicut patet de materia, si fides receptiva infinitarum formarum: imò magis concludit imperfectionem: sed infinitas aliqua extensiva, ut ad effectus simul causabiles concludit infinitatem extensivam, eo quod talis pluralitas concludit maiorem perfectionem in eo, quod ad plura se extendit, non ita de receptiva.* Quibus verbis Doctor aperte significat, quod etsi forte intellectus sit receptivus infinitarum numero intellectio- num diviniis productarum, sicut & infi-

nitarum numero specierum intelligibilium, quales aliqui Theologi volunt concessis fuisse Angelis ab instanti suæ formationis; non tamen sequitur, quod posset idem intellectus infinitas numero intellectiones producere, quæ est ipsamet ratio, qua nostram conclusionem firmavimus: ergo Doctor nobis non advertebatur.

Nec refert, quod ibidem subjiciat; *Sitamen, & intellectus ponitur elicivus infinitorum; dico, quod nec illa infinitas extensiva concludit infinitatem extensivam intellectus, sed objecti: quia objectum est causa principalis actionis respectu illarum visionum, & non intellectus.* Id, inquam, non obstat, quia his verbis nihil aliud significare intendit, quam quod licet intellectus diceretur elicere cognitionem infinitorum objectorum non propterea dici deberet infinitus, quia non esset causa principalis cognitionis illorum objectorum: sed Deus ipse, qui extraordinario modo concurrens cum istis produceret eorum visionem in ipso intellectu Christi, sique intellectus magis diceretur receptivus, quam productivus talis cognitionis.

CONCLUSIO QUARTA.

Probabilius est intellectum Christi non videre omnia, quæ Deus videt scientia visionis, sed dumtaxat aliqua: idque non actualiter, sed habitualiter: non quidem per lumen gloriæ, aut aliquam qualitatem; sed ex eo, quod habeat actum visionis beatificæ circa objectum representativum eorum omnium, quæ Christus vult cognoscere. Hæc videtur conformior menti Doctois, quantum ad tres partes, quibus constat, quarum Prima est contra I hoministæ affirmantes animam Christi per scientiam beatam cognoscere in divina essentia omnia prorsus præsentia, præterita & futura. Probat autem, quia objecta futura possunt esse numero infinita, putà infinitæ hominum, & Angelorum cognitiones, & affectus per totam æternitatem: sed ut dictum est, Christus non potest intelligere objecta infinita, eadem enim currit ratio de istis objectis futuris, ac de possibilibus: ergo &c.

Secunda pars similiter constat, nempe quod Christus non videat illa objecta habitualiter, tamquam per lumen gloriæ, aut alterius qualitatibus, quæ per modum habitus representarent intellectui omnia objecta futura; quia

quia non magis intellectus Christi posset determinari per seipsum ad videnda illa objecta, quam per lumen gloriæ, aut per aliquam similem qualitatē, quæ se haberet per modum habitus: sed non potest determinari per ipsum ad illa omnia objecta videnda: ergo nec à lumine gloriæ. Major constat, quia non aliudè lumen gloriæ posset determinare intellectum ad illa objecta percipienda, quam quia ex se posset concurrere ad cognitionem istarum cognitionum, quibus illa objecta perciperentur: atqui pari ratione intellectus posset concurrere ad illas cognitiones: ergo id magis fieri non potest per lumen, quam per intellectum, maxime cum intellectus sine ullo lumine gloriæ, & cum solo uberiori actuali concursu possit determinari ad cognitionem objectorum: lumen autem gloriæ non posset concurrere ad illam visionem, nisi dependenter ab intellectu. Hæc pars confirmabitur paulò infrà.

Tertia pars etiam constat, nempe quòd Christusatenus videat objecta futura, quatenus nempe videat essentiam divinam instar speculi voluntarii, & ut est repræsentativa eorum omnium vel ex possibilibus, vel ex futuris, quæ Christus vult cognoscere, hæc enim ratione Christi cognitio dici potest perfectissima, quia licet non actu percipiat omnia prorsus objecta, tamen semper ejus intellectus est paratus in actu primo ad illa detegenda, quoties vel ad sui felicitatem accidentalem, vel ut ad aliorum quæsitum respondeat, illa objecta cognoscere cupiet.

Ex his collige, quòd hoc postremo modo sit intelligendus Doctor subtilis, dum dicit Christum videre omnia habitualiter in Verbo. Intelligendus autem est juxta secundam partem præsentis conclusionis, dum negat secundum sententiam S. Bonaventuræ Christum videre omnia habitualiter, eo scilicet modo, quo Seraphicus Doctor affirmabat in intellectu Christi aliquam esse qualitatē per modum habitus, quo fieret, ut Christus posset habitualiter cognoscere omnia objecta tamabilia, quam futura; quòd utique Doctor expugnat ostendendo, quòd habitus ille omnium objectorum repræsentativus sit impossibilis; tum quia vel habitus ille esset ratio cognoscendi infinita objecta per se præcisè, & sic haberet virtutem infinitam in repræsentando, quòd repugnat ex dictis: vel id præstaret mediātibz respec-

tibus fundatis in ipso habitu, per ordinem ad ipsa objecta intelligibilia, quòd pariter dici nequit: quia, qua ratione ponuntur infiniti respectus in tali habitu, ne concedatur habitum illum esse infinitum, eadem ratione possunt fundari infiniti respectus in aliquo actu, qui ramen propterea ex illa sententia non esset infinitus: at in eadem sententia non admittitur actus aliquis fundans infinitos respectus ad infinita objecta: ergo neque admitti debet habitus.

Præterea, impossibile est infinitos respectus fundari in habitibus ad objecta: quin ponatur iste habitus infinitus actu, nam habitus non habet alium respectum ad objectum suum, quam vel respectum causati ad causatum, vel mensurati ad propriam mensuram: ergo si habeat infinitos respectus mensurati ad mensuram, iste habitus erit infinitè mensuratus; esse autem infinitè mensuratum, est esse infinitè perfectum; quia mensurari est perfici, vel saltem perfectum cognosci: ergo habitus erit non modo infinitus extensivè, verum etiam intensivè. Hinc merito Poncius carpir Suarium, quòd dixerit *disput. 26. circa principium*, Doctorem subtilem à sententia S. Bonaventuræ, quam impugnavit, parum recessisse, eam explicando alio modo minus probabili: in quibus verbis, inquit Poncius licet paucis, ter crasse erravit Suarez. *Primo*, dum dixit parum abuisse Scotum à sententia S. Bonaventuræ, quam impugnavit; tantum enim abest ab illa sententia, quantum ultima pars hujus conclusionis, quæ est affirmativa, distat à prima, quæ est negativa, & quarum una nihil prorsus habet connexionis cum altera, ut manifestum est. *Secundo*, dum dixit Scotum sententiam S. Bonaventuræ à se impugnatam postea explicasse aliter; nam licet aliter explicaverit, ly *habitualiter*, quam S. Bonaventura, tamen non aliter explicavit sententiam S. Bonaventuræ, sed statuit aliam sententiam toto cælo distinctam. *Tertio*, dum dixit explicationem Scoti esse minus probabilem; nam ex dictis constat oppositum. Fallitur etiam ulterius, dum ibidem putat Scotum dixisse, quòd visio ætænalis aliquando se haberet per modum actus primi, aliquando per modum actus secundi: non enim somniavit hoc Scotus; sed solum dixit, quòd mediante visione, qua tamquam actu secundo videt objectum beatificum potens, & paratum om-

nia intelligibilia repræsentare, habet applicatum actum primum sufficientem ad causandum cum intellectu cognitionem cuiusque intelligibilis; non quidem conjunctim, sed divisim, quod sine dubio verum est. Hæc Poncius.

QUESTIO TERTIA.

Utrum præter scientiam beatificam Christus habuerit scientiam infusam, qua res ipsas in propria earum natura cognosceret.

Notandum primo, triplicem distinctam creaturarum cognitionem, & scientiam attribui Christo, nimirum Beatificam, Acquisitam, & Infusam. *Beatifica* est, qua res creatas cognoscit in essentia divina; *Acquisita* dicitur, quæ proprio studio, & experientia sua comparavit. *Infusa* verò ea est, quam ipsi Deus indidit imprimendo ejus intellectui species repræsentativas rerum creaturarum. *Insuper*. Scientia divinitus indita, alia est infusa per se, & alia per accedens. Dicitur infusa *per accedens*, quæ quantum est ex se, de facto comparari posset per studium, & exercitacionem intellectus; nihilominus infunditur à Deo, ut is, qui illam obinet, non solum promptius, & facilius, sed etiam perspicacius res cognoscat. Talis fuit scientia illa, quam Adamus, & Salomon sibi divinitus inditam habuerunt de rebus naturalibus, quas temporis successu proprio studio potuissent sibi comparare, sed necessario debet à Deo infundi, qualis est scientia, seu cognitio evidens de rebus supernaturalibus. Quæritur autem impræsentiarum, an Christus habuerit scientiam infusam, non solum per se, sed etiam per accedens, qua nectum res supernaturales, sed etiam naturales in propria earum natura noverit.

Notandum secundò, discrimen statui inter scientiam beatam, & scientiam in proprio genere; non quidem penes objecta cognita; nam eadem objecta, quæ cognoscuntur in Verbo, seu in essentia divina, etiam cognosci possunt in proprio genere: sed invicem distinguuntur penes media diversa; nam medium cognitionis *scientiæ beatificæ* est ipsa divina essentia, quatenus repræsentativa rerum, quas eminenter, & virtualiter continet, & habet vim infinitam eas repræsentandi; scientiæ verò infu-

sæ medium, sunt species intelligibiles divinitus inditæ, quæ res cognoscendas repræsentant non secus, ac si illæ species essent proprio labore comparatæ. Hinc cognitio beatifica habet pro objecto immediato, *quod*, ipsam essentiam divinam, & pro secundario, ipsas creaturas, quæ videntur in essentia divina. Cognitio verò *Acquisita*, vel *Infusa* terminatur ad ipsas creaturas tamquam ad objectum primum, quod per se, & non in alio videtur, aut intuitivè, aut abstractivè, & ideo hac ratione res dicuntur videri in genere proprio. Cum autem prius medium longè sit clarius, & præstantius, etiam longè clariori, ac præstantiori modo res videntur in essentia divina, quam in proprio genere. Unde cognitio beatifica dicitur *Matutina*, infusa verò, vel comparata *Vespertina* appellatur. *Advertendum* insuper, scientiæ infusæ objecta esse, vel divina, ut ea, quæ spectant Deum unum, & trinum, necnon & Incarnationem Verbi: vel supernaturalia ut gratia, &c. vel purè naturalia.

Notandum tertio, unam & eandem speciem intelligibilem non posse simul plura objecta distinctè repræsentare, ut ex proffesso docet Doctor in 2. dist. 3. qu. 10. Quod utique variis rationibus probat; maxime verò quia una, & eadem res non potest esse repræsentativa naturalis rerum dissimilium, sed naturæ, & quidditates rerum, sunt inter se valde dissimiles: igitur species non potest esse earum perfectè repræsentativa.

Deinde, quidquid est ratio cognoscendi distinctè plura, necessario debet habere unum objectum, in quo perfectè illa plura continentur, & velut adunantur: quod utique patet exemplo essentia divinx, quæ est repræsentativa omnium creaturarum, idque distinctè, & perfectissimè, quia omnia perfectissimè continet, & suo sinu claudit: sed una species non habet aliquod objectum primum includens virtualiter omnes alias quidditates secundum totam suam cognoscibilitatem; nulla enim est creatura, quæ virtualiter contineat alias creaturas secundum omnimodam earum cognoscibilitatem: igitur una species non potest esse repræsentativa omnium omnino aliarum quidditarum.

Denique, colligitur infinitas divinx essentia ex infinitate eorum, quæ per ipsam repræsentantur: ergo pari ratione, si daretur aliqua species, quæ haberet vim

re-

representandi omnia prorsus objecta, etiam infinitatem sibi vendicaret: hoc autem est falsum.

CONCLUSIO PRIMA.

Praeter scientiam beatam, est etiam admit-
tenda in intellectu animæ Christi scientia
quædam infusa. Probari potest conclusio il-
lis omnibus Scripturæ textibus, quibus su-
pra probatum est in Christo fuisse omnia
dona spiritus sancti, inter hæc enim sunt
dona sapientiz, & scientiz. Item ex illis ad
Coloss. 2. *In quo sunt omnes thesauri sapien-
tiæ, & scientiæ Dei:* scientia autem infusa est
nobilissima portio scientiz supernaturalis,
quæ maximè designatur ab Apostolo nomi-
ne scientiz Dei; unde Joan. 7. mirantibus
Judæis, ac dicentibus: Quomodo hic litte-
ras scit, cum non didicerit? respondit Je-
sus. *Mea doctrina non est mea, sed ejus, qui
misi me:* quasi diceret, non illam mea indu-
stria comparavi, nec ab homine docente di-
dici, sed à Patre meo mihi fuit indita.

Probatur etiam ab omnibus Theologis; ma-
ximè verò à nostro Alensi 3. p. q. 13. memb. 2.
ubi distinguit sex modos scientiz in Christo.
Quorum primus est, inquit, quo Chri-
stus omnia novit, quia Deus, & hæc
scientia non est accidens, sed substan-
tia, & Deus ipse. Secundus modus est
quo omnia novit ratione gratiz unio-
nis, & hic modus dicit tantum excel-
lentiam quamdam scientiz animæ Chri-
sti illi necessario debitam, ratione gra-
tiz unionis hypostatiz. Tertius modus
est quo cognovit omnia notitia compre-
hensorem, & Beatorum, & de illo mo-
do quæstione præcedenti disputavimus.
Quartus modus est quo cognovit om-
nia secundum perfectionem naturæ in-
tegræ, quomodo Adam cognovit om-
nia, & hic modus est scientia infusa.
Quintus modus est quo cognovit aliqua
per experientiam in parte appetitiva, de
quo modo loquitur Apostolus ad He-
bræos 9. *Didicisti ex illis, quæ passus est,
obedientiam.* Sextus tandem modus est
quo cognovit aliqua per experientiam
in parte sensitiva, & hic sextus modus
differt à quinto, quod quintus modus
dicat tantum experientiam dolorum, &
penalitatum, quas Christus tulit; unde
dicitur modus sciendi secundum natu-
ram penalem assumptam; sextus modus

verò dicit præcisè cognitionem intelle-
ctivam comparatam beneficio sensuum,
quam Christum habuisse inferius pro-
babimus.

Probatur insuper hac ratione. Sicut scha-
bet gratia ad voluntatem, sic scientia ad in-
tellectum: sed in Christo fuit plenitudo gra-
tiz infusæ: ergo & scientiz plenitudo. Non
esset autem plenitudo scientiz, nisi esset
aliqua infusa: ergo in Christi anima fuit
aliqua scientia infusa. Præterea, si non es-
set admittenda ejusmodi scientia infusa in
Christo, maximè quia pugnat cum scientia
beata, quam intellectus animæ Christi
habet in Verbo; vel saltem quia data scientia
beata, frustra daretur scientia infusa:
sed neutrum dici debet. Non quidem pri-
mum, quia ex S. Augustino qu. 26. ad Oro-
sium, *Cognitio creatura in semetipsa est vespe-
ra, in Deo est mane:* sed ex eodem S. Augu-
stino 4. super Genesi ad litteram, *In caligine
patria simul est mane, & vespera:* ergo in
Christo utpote beato, simul est mane, &
vesper. Non etiam secundum, quia, data
scientia beata, iterum datur infusa, non
ad cognoscendum simpliciter, sed ad co-
gnoscendum distinctis mediis. Ad verò da-
ta cognitione alicujus per unum medium,
non est frustra cognitio ejusdem per aliud
medium; sicut patet de terra, cujus fortun-
ditas semel probata per medium physicum,
non propterea frustra probatur per medium
mathematicum: ergo, data scientia beata,
qua intellectus animæ Christi videt res in
Verbo, per Verbum, tamquam per unum
medium, non datur frustra scientia infusa,
qua res easdem cognoscat per species in-
fusas, tamquam per aliud medium.

Obijciens primò, non possunt simul subsi-
stere scientia, & opinio; igitur multò mi-
nus scientia beata, & infusa. Antecedens
patet ex Aristotele 1. posteriorum, & ab-
undè probatum est in tertia parte nostra
Logicæ. Consequentia probatur: quia plus
invicem distant ratio increata, & creata,
quàm duæ rationes create: sed scientia bea-
ta habetur per medium increatum: scientia
verò infusa per medium creatum,
nempe per species inditas; scientia verò,
& opinio habentur per rationes creatas:
igitur &c.

Nego consequentiam, & ad probationem
dico, scientiam creatam, & incretam ma-
gis quidem distare, quàm scientiam, & opi-
ationem in ratione entis, non verò scientiz,

nam

nam utraque scientia facit assensum firmissimum, licet per distinctas rationes, & ideo non repugnat simul existere in eodem intellectu scientiam beatam, & infusam: at verò opinio, & scientia, licet convenient in ratione entis creati, maxime tamen disconveniunt in ratione assensus; quippe opinio facit assensum dubium; scientia vero assensum omnino certum.

Dices secundò, præsentè cognitione perfecta, excluditur omnis cognitio imperfecta: sed scientia infusa comparata ad scientiam beatificam, est imperfecta: ergo hæc per illam excluditur.

Insuper, minus lumen excluditur per majus: sed lumen scientiæ infusæ minus est, quàm scientiæ beatificæ: ergo hæc illud excludit.

Denique, una & eadem facultas non potest elicere simul duas actiones: ergo nec intellectus potest habere duas cognitiones, quarum una sit beatifica, alia infusa.

Respondeo ad primum, distinguendo majorem, cognitio absolute imperfecta excluditur per perfectam, concedo: quæ solum est imperfecta comparatè, nec ex se opponitur perfectioni, nego: Scientia autem infusa non est absolute imperfecta; sed tantum comparatè, nec per se opponitur scientiæ beatificæ, ideoque per illam non excluditur.

Ad secundum dico majorem esse veram, si utrumque lumen majus, & minus, sint ejusdem ordinis, quia ratione lumen Solis offuscat lumen stellarum; falsum autem quando ista lumina sunt diversi ordinis: At scientia beata, & infusa sunt diversi ordinis, & status; siquidem beata spectat ad ordinem gloriæ, infusa verò ad ordinem gratiæ: similiter beata pertinet ad statum comprehensionis; infusa verò ad statum viatoris.

Ad tertium denique distinguo majorem. Una & eadem facultas non potest habere duas operationes adæquatas, concedo: inadæquatas, nego: Cognitio autem beatifica, seu quæ habetur per medium beatificum, scilicet per essentiam divinam, & illa quæ habetur per medium infusum, scilicet per species divinitus inditas, non sunt adæquatæ, sed inadæquatæ, quippe cum haberi possint circa idem objectum per diversum lumen, & una subordinetur alteri, tamquam minus perfecta præstantiori.

CONCLUSIO SECUNDA.

Probabilius est Christum Dominum per scientiam infusam cognovisse mysteria divina, puta Deum ut unum, & trinum; non solum quantum ad questionem an sit, sed etiam quoad questionem quid sit. Probatur. Christo concedenda est per scientiam infusam notitia eorum omnium objectorum, quæ nullam secum important repugnantiam, aut indecentiam: At nihil obstat quominus per illam scientiam mysteria divina noverit Christus: igitur fatendum est illa novisse. Major patet ex pluries dictis; quod nempe in tantum dignificanda, & celebranda sit Christi humanitas, ac perfectio, quantum fieri potest absque ulla repugnantia. Minor verò probatur: si quid obestet quominus anima Christi per scientiam infusam novisset ista divina mysteria, maxime quia, ut volunt moderni Theologi, non potest cognosci quidditative mysterium Trinitatis, v. g. nisi etiam cognoscatur intuitivè: sed hæc ratio nulla est.

Probatur. Notitia quidditativa in genere non debet esse necessariò intuitiva, alioqui rerum essentias nusquam quidditative cognosceremus; siquidem vix unquam accidit, ut eas noverimus intuitivè: ergo neque cognitio quidditativa objecti divini necessariò debet esse intuitiva. Antecedens constat. Consequentia probatur à Doctore subtili in 2. dist. 3. qu. 9. & 10. illudque fuscè cum ipso probavimus in Tractatu de Angelis, ubi agendo de cognitione Angelorum, docuimus Angelos adhuc viatores habuisse speciem impressam, per quam Deum unum, & trinum reverà quidditative, non tamen intuitivè, sed abstractivè cognoverunt.

Probatur insuper. Si quæ sit ratio, ob quam notitia Dei debeat necessariò esse intuitiva, maxime ut volunt Recentiores, quia existentia Dei est de intrinseca ratione ejus, ac proinde, viso Deo quidditative, videri quoque debet quatenus est actualiter existens: at hæc ratio nulla est. *Primò*, quia certum non est existentiam divinam esse gradum formaliter constitutivum essentia divina; siquidem plerumque Theologi docent illam esse dumtaxat modum intrinsecum primariò circumstantem, & efficientem ipsam divinam essentiam. *Deinde*, etiamsi verè existentia divina sit de essentia Dei, inde non

non est consequens, quòd, viso Deo quidditative, & essentialiter existente, necessario videri debeat intuitivè; siquidem ad cognitionem quidditativam singularium, sufficit quòd cognoscantur abstractivè, maxime cum non sunt per se præsentia facultati cognoscenti, licet cognoscantur ut actualiter existentia. At verò Deus potest cognosci ab intellectu creato, non ut præsens facultati cognoscenti, & tamen ut existens actu, sicut quidditative cognitus est ab Angelis adhuc viatoribus per speciem impressam, quæ divinam essentiam ipsis clarè, & distinctè exhibebat: igitur licet existentia divina sit prædicatum essentialè Dei; inde non sequitur, quòd si Deus cognoscatur quidditative, necessario debeat cognosci intuitivè: & subinde potuit intellectus Christi per scientiam infusam divina mysteria quidditative cognoscere.

Confirmatur ex doctrina Doctoris subtilis in 4. qu. 3. ubi docet posse Beatum habere in memoria actum recordationis suæ visionis beatificæ, si videlicet illa non continuaretur: at per illum actum cognoscere posset abstractivè objecta divina, quæ per scientiam beatificam intuitivè novit. Hinc ipsemet Doctor in 2. dist. 3. qu. 9. docet S. Paulum recordantem visionis Dei præteritæ, quam habuit in extasi, potuisse divinam Trinitatem per illas species præteritæ visionis in memoria conservatas distinctè cognoscere: igitur pari ratione per scientiam infusam, & species sibi divinitus inditas potuit intellectus Christi clarè, & distinctè cognoscere mysterium Trinitatis, & alia mysteria divina.

Confirmatur insuper. Intellectus animæ Christi præcisè spectatus secundum statum viatoris, ea debuit nosse, quæ maxime conducebant ad illius animæ perfectionem, & delicias, salva unione hypostatice, & debitis ejus circumstantiis: sed illa cognitio divinorum mysteriorum, maxime conducebat ad animæ Christi perfectionem, & delicias, nec ullatenus pugnabat cum ejus unione hypostatice, aut illius circumstantiis: igitur &c. Minor constat quantum ad primam partem; si enim perfectio sit, & quædam animi voluptas novissæ veritatem aliquam naturalem, longè major, & amplior erit nosse summam veritatem, putà Deum, ac divina ejus mysteria.

Probatur autem quoad secundam partem; Idco enim scientiam infusam de divinis

mysteriis denegant animæ Christi recentiores Theologi, *vel* quia illam superfluum judicant: *vel* quia censent illam esse impossibilem cum visione beatifica: sed neutra ex illis rationibus est valida. *Non quidem prima;* siquidem, ut jam diximus, una & eadem res non cognoscitur frustra, quando diverso lumine, & per diversa media, ac diversas noticias ab eodem intellectu percipitur. Non etiam *secunda*, nulla enim apparet ratio hujusmodi impossibilitatis. Cum enim Christus Dominus fuerit simul comprehensor, & viator, inde fit; quòd licet ut comprehensor, deberet habere noticiam mysterii Trinitatis ut præsentis; tamen ut viator potuit ejus mysterii habere noticiam abstractivam, & illud nosse, non sub ratione præsentis, & moventis ad sui cognitionem per suam præsentiam: sed id potuit obtinere, *vel* per speciem luminis gloriæ; nam cognoscendo perfectè, & adæquate lumen gloriæ, potuit illius habere speciem impressam, & cognoscere omnes illius habitudines; cum autem lumen gloriæ habeat intrinsecam habitudinem ad Deum ut Trinum, & Unum, quatenus in se, & per se visum; idcirco potuit intellectus animæ Christi videndo istud lumen gloriæ, etiam videre istam habitudinem; & consequenter terminum ejusdem habitudinis, qui est Deus ut Trinus, & Unus: *Vel* potuit illud mysterium cognoscere per speciem impressam possibilem representantem ipsum, non quidem ut absens, aut ut præsens; sed tantum secundum se præcisè, abstrahendo ab absentia, aut præsentia ejus: igitur nihil obstat tam ex parte visionis beatificæ, quam ex parte illius circumstantiæ, quominus Christus nosse potuerit divina mysteria per scientiam infusam.

Dicitur primò: Illa cognitio divinorum mysteriorum, aut esset clara, aut obscura: at non potuit esse obscura; tum quia notitia obscura, & invidens objecti non potest subsistere cum illius cognitione beatifica, & idcirco diximus fidem non habere locum in intellectu Christi: non etiam clara, quia clara cognitio abstractiva Dei, aut haberetur per cognitionem alicujus creaturæ, aut per speciem impressam Trinitatis, & divinorum mysteriorum; aut per invidentiam attestante, & revelante, non quidem obscurè, sed evidenter, in aliquo scilicet lumine: sed nullum horum trium potest asseri: *Non quidem primum*, quia nulla est

est creatura, quæ habeat connexionem in ratione effectus cum divina Trinitate, & alijs divinis mysteriis: ita quod ex sui cognitione possit intellectum creatum deducere in cognitionem causæ ejus est, & cum qua necessarium habet connexionem. *Non etiam secundum*, quia non est possibilis aliqua species impressa, quæ divinam Trinitatem repræsentet, siquidem Deus ut Trinus, semper & ubique est præsens realiter per præsentiam, & potentiam, & subinde non requiritur species impressa ad eum repræsentandum; siquidem hæc dumtaxat est vicaria objecti ad ipsum repræsentandum, quando non est præsens; repræsentari enim est rem præsentem efficere. *Non denique tertium*, quia ex evidentia in attestante non habetur evidentia rei testificata: igitur ex nullo capite illa cognitio potuit esse clara, & evidens; nec proinde scientifica.

Respondet hanc cognitionem fuisse quidem claram, ratione scilicet speciei impressæ, cujus possibilitatem abunde satis, & perspicue probavimus agendo de visione beatifica in priori volumine, necnon & in Tractatu de Angelis, solvimusque omnes instantias, quas adversus illam solito formant adversarii, quas hic referre, & refutare tedious esset, & otiosum.

Ex his collige per illam scientiam infusam Christum Dominum etiam cognovisse suam Incarnationem; hæc namque cognitio maxime conferebat ad animæ Christi perfectionem, nec ullatenus ejus statum dedecerebat; Adde quod per scientiam infusam potuit cognoscere extrema unita in Incarnatione, nempe Verbum, & humanitatem: potuit pariter cognoscere ipsam unionem actualem; quippe hæc minis videntur cognitu difficilia, quam mysterium Trinitatis; siquidem sunt ordinis aliquo modo inferioris, si ordinem hypostatium aliquo modo distinguas ab ordine Divinitatis.

CONCLUSIO TERTIA.

Intellectus animæ Christi per scientiam infusam novit omnia entia, quæ per se sunt supernaturalia, ut sunt virtutes Theologice, gratia, lumen gloriæ, visio beatifica, &c. Hæc est communis apud Theologos, & probatur. Illorum omnium per scientiam infusam Christum cognitionem habuit, quorum haberi potest species per se infusa: at illorum

entium supernaturalium haberi potest species infusa: igitur &c. Major constat; quippe Christus donari debuit cognitione eorum, quæ maxime conferebant ad illius animæ decus; rerum autem supernaturalium notitia maxime conferebat ad illustrandam Christi animam: igitur &c. Minor verò probatur; quia entia supernaturalia creata sunt finita, & limitata entitatis, & consequenter finitam repræsentabilitatem habent, & subinde per speciem creatam possunt clare, & distincte repræsentari.

Deinde, per cognitionem finitam clare percipitur eorum objectorum quidditas; siquidem hæc cognoscitur per visionem beatificam, quæ est cognitio creata, & finita; quidni ergo per speciem divinitus inditam pari ratione repræsentari possit, & attingi? *Denique*, si illa objecta non possent quidditative repræsentari; maxime (ut volunt quidam Recentiores etiam ex nostris) quia illa scientia terminatur ad Deum ut est in se: sed hæc ratio nulla est: Tum quia, ut mon diximus, Deus ipse ut Unus, & Trinus, potest etiam per illam scientiam infusam quidditative repræsentari, & cognosci: tum quia etiam si taliter non cognosceretur ille ordo, quem entia supernaturalia dicunt ad Deum, non impediret quominus hæc possent cognosci; siquidem, ut taliter cognoscerentur, non esset necessarium, quod Deus etiam cognosceretur quidditative, ordo enim dependentiæ creaturarum à Deo cognoscitur quidditative, absque eo, quod Deus taliter cognoscat.

Dices primò: Gratia sanctificans, & lumen gloriæ sunt entia supernaturalia: at illa non possunt cognosci per scientiam infusam; gratia quidem, quia illa est participatio quadam divinæ essentiae, juxta illud 2. Petri 1. *Maxima, & pretiosa nobis promissa donavit, ut per hæc efficiamur divinæ consortes nature*: igitur non potest cognosci quidditative gratia sanctificans, nisi pariter cognoscat divina essentia, cujus est participatio: sed hæc cognosci non potest per scientiam infusam: ergo nec illa. *Idem* constat de lumine gloriæ, cum enim lumen gloriæ excedat quodlibet aliud lumen creatum, & sit ordinis superioris ad illud; quippe cum spectet ad ordinem beatificum, qui est supremus inter entia creata, non potest per aliud lumen sibi inferius, qualis est scientia infusa, cognosci: igitur omnia entia supernaturalia non poterunt quidditative per scientiam

scientiam infusam ab intellectu Christico-
gnosci.

Nego minorem, & ad primum dico, quod cum gratia non sit participatio substantialis, & entitativa divinæ essentiz, quia hæc est indivisibilis, sed tantum per quamdam imitationem, idcirco non est necesse quod, ut gratia cognoscatur quidditative, etiam divina essentia cognosci debeat quidditative, & quoad quæstionem, *quid sit*: sed sufficit, quod cognoscatur quoad quæstionem, *an sit*. Deinde, creaturæ omnes secundum entitatem naturalem sunt quædam participationes divinæ entitatis: at hæc possunt cognosci absque eo, quod Deus quidditative cognoscatur: ergo ut res participans quidditative sit nota, non est necesse, quod pati ratione participabile cognoscatur.

Ad secundum dico, quod licet lumen gloriæ excedat quodlibet lumen creatum; nihilominus potest per inferius lumen cognosci; siquidem per ipsum lumen Deus cognoscitur intuitivè, qui tamen longè altioris est ordinis, quam illud lumen: ergo per lumen inferius potest videri res superioris ordinis.

Inflabit: si Christus per scientiam infusam potuisset cognoscere lumen gloriæ, pari ratione etiam cognovisset visionem beatificam elicicam tam à se, quam ab aliis Beatis; sed falsum est, quod Christi anima potuerit per scientiam infusam cognoscere visionem beatificam: ergo &c. Major constat à paritate rationis: Minor verò probatur: Qui cognoscit visionem, qua objectum videtur intuitivè, etiam intuitivè illud objectum cognoscit: sed per scientiam infusam Christus non potuit intuitivè cognoscere Deum: ergo nec visionem, qua videtur Deus.

Nego minorem, necnon & minorem illius probationis: falsum enim est, quod qui videt medium, quo percipitur objectum, etiam illud objectum percipiat; nam medium illud, quo percipitur objectum, non est ratio cognoscendi illud objectum cuilibet intellectui: sed tantum illi, in quo est formaliter secundum entitatem propriam: quare, quemadmodum Raphael, v. g. videns speciem aliquam repræsentativam essentiz divinæ existentem in intellectu Gabrielis, non propterea videt essentiam divinam; quia ejusmodi species non est ratio repræsentativa essentiz divinæ in intellectu

Raphaelis; quippe in eo non est nisi objectivè, & non formaliter: ita intellectus animæ Christi videns visiones beatificas in aliis intellectibus existentes, & natura sua ad Deum terminatas; non sequitur tamen Deum vidisse saltem intuitivè, sed ad summum abstractivè; quia visio beatifica non terminatur immediate ad Deum clarè visum, nisi prout est in intellectu formaliter vidente per ipsam: intellectus autem animæ Christi non videt formaliter per visiones aliorum: ergo quantumcumque cognoscat illas per species, non sequitur tamen cognoscere Deum per ipsam, saltem intuitivè.

CONCLUSIO QUARTA.

Anima Christi per scientiam infusam cognovit cogitationes cordium; necnon & futura, etiam contingentia. Hæc conclusio communior est pariter apud Theologos: maxime verò quantum ad primam, quæ probatur auctoritatibus Scripturæ sacre, quibus constat Christum Dominum novisse interiores hominum affectus, & cordium cogitationes. Sic Matt. 9. Cum vidisset Jesus cogitationes eorum, dixit, *Ut quid cogitatis mala in cordibus vestris?* Et c. 12. Jesus autem sciens cogitationes eorum, &c. nihilque frequentius apud sacros Evangelistas, quàm, quod adorandus ille Salvator noverit omnia humani cordis arcana. Hinc S. Joannesc. 2. ubi dixit, quod cum Christus esset Jerusalem in Pascha in die festo, multi crediderunt in nomine ejus videntes signa, quæ faciebat: statim subdit; Ipse autem Jesus non credebatur semetipsum eis eo, quod ipse nosset omnes, & quia opus ei non erat, ut quis testimonium perhiberet de homine, ipse enim sciebat quid esset in homine.

Favet etiam ratio; siquidem illa arcanorum cordis notitia maxime decebat Christi Domini ministerium. Primò namque erat Judex non solum hominis exterioris, sed maxime interioris: at Judex æquissimus nosse debet ea omnia, de quibus est dicturus sententiam. Similiter erat Doctor, & magister hominibus destinatus: subinde nosse debuit tum ea, quæ spectant ad actus interiores in ordine ad vitam æternam, sicut & ea, quæ spectant ad actus exteriores, ut provideret de mediis, & remediis ad illum finem conducentibus. Denique, Supremum habebat dominium in omnes hominis actiones; influere enim debebat in ani-

animas hominum tanquam caput in membris: Dominus autem nosse debet ea omnia, & singula, quæ subsunt ejus dominio: igitur Christus quatenus Judex, Doctor, & Dominus debuit nosse cordium cogitationes.

Secunda pars etiam constat: Siquidem Christus Dominus plura novit futura, ut constat ex omnibus illius vaticiniis. Sic Matth. 26. in nocte passionis dixit Petro; *Antequam Gallus camet, ter me negabis.* Et Lucæ 19. *Videns civitatem strosi super illam dicens: Quia si cognovisses & tu, & quidem in hac die tua, quæ ad pacem tibi: nunc autem abscondita sunt ab oculis tuis; quia venient dies in te, & circumdabunt te inimici tui vello, & circumflabunt te, & coangustabunt te undique, & ad terram prosterne te, & filios tuos, qui in te sunt, & non relinquent in te lapidem super lapidem, eo quod non cognoveris tempus visitationis tue.* Ad hæc, est eadem ratio, ac nunc insinuata, quia videlicet est futurus Judex omnium.

Adde quod ista pertinebant ad perfectionem prudentiæ ejus; nam Vir prudens non debet tantum præsentia intueri, sed & præteritorum reminisci, & futura prævidere, & quantum eminet prudentia, tanto perfectius, & eo plura præterita, & futura debet cognoscere.

Tertia pars etiam apparet, nempe, quod cum Christus cognoverit futura contingentia, ut contingentia sunt, seu quatenus pendent à libera omnium voluntate, non solum quæ revera erant exitura, sed etiam, quæ conditionatè essent ventura, si talis conditio poneretur. Patet, inquam, de futuris contingentibus revera exituris in aliqua temporis differentia: nam Matth. cap. 26. Petro pronunciavit, *Antequam Gallus camet, ter me negabis:* illa autem trina negatio erat futurum contingens omnino liberè pendens à libertate Petri; quod tamen evenit: erga ejusmodi futura contingentia novit Christus.

Quod autem etiam noverit futura conditionatè contingentia, similiter patet ex illo celebri vaticinio, quo habitatorum Bethsaidæ, & Corozaim cor impoenitens, & obduratum animum increpans, ait Lucæ 10. *Vae tibi Corozaim, vae tibi Bethsaida: quia si in Tyro, & Sydone factæ fuisset virtutes, quæ factæ sunt in vobis, olim in cilicio, & cinere sedentes pœniterent.* Quibus verbis conditionatè futurum Tyriorum, ac

Frassen Theol. Tom. VII.

Sydoniorum pœnitentiam exprimit: igitur illam noverat.

Confirmatur: nam anima Christi per scientiam infusam cognoscit ea, quæ maximè spectant ad suum statum, & ministerium: sed aliqua ex futuris conditionatè liberè contingentibus, possunt spectare ad statum, & ministerium Christi Domini; nam prædicta Tyriorum, & Sydoniorum conversio spectabat ad confirmationem prædicationis sui Evangelii, & ad convincendam singularem duritiem, & oblationem eorum, quibus annuntiabat Evangelium: igitur valde conveniens fuit, quod anima Christi Domini haberet cognitionem horum futurorum conditionatorum.

Obicitur primò: Cognitio cogitationum, & affectuum cordis est soli Deo propria, ipsisque ut divinitatis indicium tribuitur: Sic 1. Reg. cap. 16. *Homo videt, quæ parent, Deus autem intuetur cor.* Et Jeremiæ 17. *Præcorium est cor hominis, & inscrutabile, & quis cognoscat illud? Ego Dominus scrutans corda.* Unde SS. Patres Christi Domini Divinitatem maximè probantur ex eo, quod secretissimas omnium cogitationes cognoverit, & revelaverit. Sic S. Ambrosius, lib. 5. in Lucam ad illa verba Evangelii, *Ut autem vidis cogitationes eorum.* Sic patet S. Hieronymus exponens cap. 9. S. Matth. Idem dicendum de futuris; eorum enim cognitio, & revelatio solum Deum spectat, juxta illud Isaïæ 41. *Annunciate ea, quæ ventura sunt in futurum, & sciemus quia Dñs estis vos;* unde Tertullianus in Apologético cap. 20. præclare ait; *Idoneum opinor testimonium divinitatis, veritas divinationis:* At scientia infusa non convenit Christo ut Deo, sed ut homini: ergo nec cogitationes cordium, nec futura contingentia cognovit per illam scientiam infusam; sed vel per scientiam increatam quatenus Deus, & Verbum; vel ad summum per scientiam beatam, qua videbat quasdam creaturas refulgentes, & sibi representatas in essentia divina: igitur per scientiam infusam illa non cognovit.

Respondet distinguendo majorem: Est soli Deo propria, quatenus ei soli naturaliter convenit habere cognitionem liberarum cogitationum; & rerum futurarum, concedo: quatenus ex singulari ipsius beneficio non posset etiam alteri intellectui creato communicari, prout exigit illius dignitas, & conditio, ad quam per ipsum sublimatur, nego.

A a Fa-

Fateor itaque, quod illa quidem cognitio sit soli Deo propria per modum cognitionis naturaliter debita; nihilominus ex privilegio potuit Christo conferri propter dignitatem, & ministerium ad quod destinabatur: maxime verò ratione unionis hypostaticæ, propter quam longè præstantiori modo ista cognitio ei tribuebatur; quam cuilibet fuerit unquam concessa, aut concedenda. Unde SS. Patres ex illa cognitione meritò inferebant ipsius Christi Domini divinitatem, quia nullus unquam homo purus tanta perspicacia, tantaque certitudine penetravit, & recessavit humani cordis abscondita, futurosque rerum eventus, ac ipsemet Christus Dominus; non tamen negarunt SS. Patres aliquam earum cogitationum, aut rerum futurarum cognitionem minis perfectam posse tribui alicui puræ creaturæ, hoc enim testatur S. Ambrosius lib. 2. in Lucam ex testimonio S. Pauli 1. ad Cor. 14. quo demonstrat aliquos homines ex speciali virtute sibi à Deo communicata cognoscere secretas cogitationes cordium. Quod etiam firmatur multis Sanctorum exemplis, qui ipsa cognitione, & revelatione donati sunt.

Obijcies secundò: Christus cognoscit cogitationes cordium, & futura contingentia per scientiam beatificam: ergo superfluum est admittere etiam in eo scientiam per quam ista detegat.

Nego consequentiam: Juvat enim reimpluribus mediis, & modis nosse, quando illa cognitionis multiplicitas non officit præstantiori cognitioni: at scientia infusa non officit scientiæ beatificæ, nec statui hypostatico Christi, imò maxime conducit ad illustrandam ipsius animam: igitur licet Christus secreta cordium, & futura contingentia noverit per scientiam beatificam, non otiose, nec inutiliter etiam ipsa novit per scientiam infusam.

Instabis: Christo non est attribuenda perfectio, nisi illa intellectui creato censetur debita secundum ordinem naturæ, vel gratiæ: sed cognitio secretorum cordis, ac futurorum contingentium, non est debita intellectui creato secundum alterutrum ordinem: ergo non est asserenda in anima Christi.

Respondes primò, negari posse majorem, cum enim Christus ratione unionis hypostaticæ sublimatus fuerit ad ordinem longè præstantiorem, quàm sit ordo naturæ, &

gratiæ: idcirco etiam præcellentiori dignitate, ac notitia fuit donandus.

Respondes secundò distinguendo minorem. Cognitio secretorum cordis, & futurorum non est debita communi ordini gratiæ, concedo: extraordinario, ac præcellentissimo gratiæ ordini, ac statui, nego: sicut enim Christus ratione plenitudinis gratiæ, quam obtinet, longè est Deo acceptabilior, quàm ceteri quique iusti, inde mirum videri non debet, si etiam longè præstantiori Dei beneficio cumuletur, & perspicaciori rerum notitia donetur.

Obijcies tertio: Futura contingentia non possunt cognosci ab intellectu Christi, nisi vel in sua causa, vel in testimonio Dei dicentis, & revelantis ea, sicut revelavit Prophetis, vel in decreto divinæ voluntatis determinantis eorum futurationem, quo pacto Beati, & ipse Deus futura contingentia cognoscunt: vel denique in seipsis immediatè: nempe si cognitio animæ Christi terminaretur immediatè ad ipsa futura secundum se, & non mediante aliquo objecto prius cognito: sed neutro ex his quatuor modis potuit illa futura contingentia nosse. *Non quidem in sua causa,* quia causa productiva illorum effectuum contingentium, est omnino indifferens ex se ad illos producidos, vel non producidos: ex principio autem indifferenti non potest aliquid certò, & determinatè cognosci: tum quia futura contingentia, ut sunt in causis, non habent veritatem determinatam, sicut nec entitatem, quia causæ contingentes non sunt magis determinatæ ad illos effectus, quàm ad oppositos: igitur non possunt esse magis rationes cognoscendi effectum aliquem, quàm illius oppositum. *Non etiam secundum,* quia quod cognoscitur per testimonium Dei dicentis, aut revelantis, tantum cognoscitur per medium extrinsecum; cognitio autem per medium extrinsecum non est scientifica: siquidem cognitio scientifica infertur per medium intrinsecum, & evidentè notum cognoscenti. Hinc omnis cognitio, quæ habetur per revelationem, vel ad fidem, vel ad Prophetiam pertinet, non autem ad scientiam. *Non etiam tertium,* quia objecta debent aliter cognosci per scientiam infusam, quàm per beatam: sed per beatam cognoscuntur in decreto Dei, vel saltem in divina essentia, quatenus habet vim infinitam quælibet objecta representandi. *Non*

denique quartum, quia futura contingentia non sunt representabilia in seipsis per aliquam speciem creatam, quod enim non habet esse determinatum, non est representabile per propriam aliquam speciem; siquidem representatio speciei, cum sit naturalis, non potest certo determinare illud, quod est indifferens ad essendum, vel non essendum: sed futurum contingens v.g. trina negatio Petri, non habebat determinatum esse, sed erat omnino indifferens ad essendum, vel non essendum: igitur per aliquam speciem non poterat certo representari.

Nego minorem: nam revera futura contingentia cognita sunt in seipsis per speciem representativam illorum, ut docere videtur Doctor in 3. dist. 14. quaest. 3. n. 5. ubi de Christo loquens ait: *Potest dici, quod haec anima novit habitualiter, & abstractè, aliqua singularia per proprias species infusas, & aliqua non novit habitualiter*. Quibus concedit Christi intellectum habuisse cognitionem quorundam singularium contingentium: ibi namque non loquitur de singularibus necessariis, sed contingentibus, siquidem subdit: *Potest tamen cognoscere illa habitualiter, si illa sunt in existentia reali*: Ergo non loquitur de singularibus possibilibus, aut existentibus necessariis, sed etiam de contingentibus: Quod utique confirmatur, quia per scientiam infusam, anima Christi cognoscit per proprias species ea omnia, quae per proprias species sunt in seipsis representabilia, sed futura contingentia sunt representabilia per suas proprias species: igitur, &c. Major constat. Minor probatur. Quodlibet ens sub ratione, quo ens est, est intelligibile: sed futuritio, & contingentia sunt revera aliquid, & consequenter ens, ac subinde sunt intelligibilia. *Deinde*, ens ut futurum, & ut praeiteritum est intelligibile, ergo etiam ut futurum contingens. Antecedens per se patet. Consequentia probatur, sicut enim futuritio est relatio temporis futuri ad praesens, & sicut praeteritio est relatio temporis praeteriti ad praesens, ita contingentia est relatio effectus ad causam, prout in actu primo indifferenter; igitur tam futuritio, quam contingentia sunt entia cognoscibilia.

Nec refert, quod illa non habeant esse determinatum, quatenus considerantur secundum se, & ut spectantur in sua causa, quae prout consideratur in actu primo, indifferens est ad effectum contingenter po-

nendum, vel non ponendum; sufficit enim, quod illa habeant aliquod esse determinatum in decreto Dei, non pro tempore, quod dicitur futurum contingenter, sed pro tempore, quo Deus libere decrevit, ut illud futurum contingens existat: ex hac enim determinatione supposita divinae voluntatis, futurum illud dicitur habere aliquod determinatum esse, quod ut sic per speciem creatam supernaturaliter à Deo infusam representari potest, & certè cognitioni subesse, & consequenter per aliquam scientiam supernaturalem possunt cognosci.

Dices, Doctor subtilis ibidem n. 6. absolute negat, quod futurum contingens possit cognosci, *Si dicatur*, inquit, *quod potuit hanc habere per species infusas, hoc falsum est*, igitur nostra sententia ipsi adversatur.

Nego consequentiam; ibi enim non loquitur de cognitione abstractiva, de qua agimus, sed de intuitiva, quam affirmat non posse haberi per speciem: Tum quia, inquit, *species infusa representat obiectum, ut abstractum ab actu, & existentia, quia eodem modo representat, sive obiectum existat, sive non existat, & per consequens non est ratio cognoscendi, ut existens*: tum quia veritates cognoscibiles cognitione intuitiva de existentibus, ut existentia sunt, scilicet veritates contingentes, non possunt cognosci per species quasvis innatas: quia ex cognitione terminorum, non potest cognosci veritas complexorum contingentium de illis terminis, &c. Ex quibus sic ratiocinari licet. Censet Doctor, quod species infusae eodem modo representant obiectum; sive existat, sive non existat ex eius mente: ergo ea illa habemus, quod etiam futurum contingens non existat, potest per species per se infusas cognosci; non solum ipsa substantia futuri, sed etiam futuritio, & contingentia ipsius, & consequenter non solum specificativè, sed etiam reductivè.

Adverte tamen, Doctorem subtilem in 2. dist. 3. qu. 11. meritò contra S. Thomam docere, quod Angelus non possit cognoscere futurum contingens per species universales, imò nec per species simpliciter, & solitarie, quia species deserviunt dumtaxat ad simplicem extremorum apprehensionem: non verò ad iudicium ferendum. Quapropter ad hoc, ut intellectus animae Christi ferre poterit iudicium de hac propositione, quae Petrum alloquens dixit; *Ter ms me-*

gabit, præter species representantes Petrum, & negationem, necessarium fuit aliud quod medium coniungens hæc extrema; illud autem fuit revelatio quædam, & manifestatio per lumen aliquod.

Petres primo, an illa scientia infusa Christi fuerit actualis, vel habitualis.

Respondeo communem esse Theologorum sententiam illam esse habituales, ac iugiter in ejus intellectu perseverantem per modum qualitatis concurrentis cum eodem intellectu ad cognitionem actuales. Cujus ratio est; illa scientia est habitualis, per quam sciens est tantum in actu primo, & utitur tali scientia pro libito ad actum eliciendum: sed anima Christi per scientiam infusam quandoque tantum erat in actu primo, & ea pro libito utebatur; igitur erat habitualis. Major admittitur ab omnibus. Probatur minor. In hoc præter cæteras differentias discrepat scientia infusa à scientia beata: quod hæc semper sit actu; non enim intellectus beati potest suspendere, vel interrompere suum actum visionis beatificæ, sicut nec voluntas suspendere actum amoris: potest verò intellectus Christi suspendere, & cessare ab actu cognitionis per scientiam infusam; cum enim status animæ Christi, & modus ejus intelligendi extra visionem beatificam, sit ut operetur modo humano, id est voluntario, & libero, oportuit, ut intellectus animæ Christi per scientiam infusam interdum esset in actu secundo, interdum verò dimitteret in actu primo; nam cum hæc scientia per se infusa sit solummodo ordinata ad perficiendum intellectum Christi, quatenus erat viator, oportuit, quod ejus usum liberum haberet, sicut & nos habemus usum scientiarum, quas nostro labore comparamus, nec enim habuit intellectus Christi principium aliquod, quo necessitaretur ad semper exercendum actum alicujus scientiæ.

Dices. Præstantius est semper esse in actu secundo, quam in actu primo: ergo cum scientia infusa Christi fuerit in statu perfectissimo, debuit semper esse in actu secundo. Probatur antecedens. Primus actus ordinatur ad secundum tanquam minus perfectus ad perfectiorem; siquidem facultas completur, & perficitur per actum secundum.

Distinguo antecedens. Id perfectius est secundum omnem statum, nego: secundum statum comprehensoris, concedo: perfectio enim debet esse proportionata statui,

cujus est: status autem viatoris non existit semper esse in actu secundo, sicut status comprehensoris, quia viator pro libito debet uti suis facultatibus, & habitibus; unde non modica est in eo perfectio, quod sit liberrimus in suis actionibus eliciendis, & consequenter quod pro libito utatur suis habitibus.

Petres secundò: An unico vel pluribus repetitis actibus anima Christi cognoverit omnia objecta per scientiam infusam.

Respondeo actus fuisse multiplices secundum diversitatem objectorum: tum quia ubi sunt multe species intelligibiles representantes objecta specie distincta, intellectus non potest unico actu medianibus illis speciebus diversis illa objecta specie distincta percipere; actus enim non solum à potentia, sed etiam ab objecto pendet: ac diversorum specie objectorum erant diversæ species; siquidem per speciem alicujus objecti non potest representari aliud objectum specie distinctum, nec enim per speciem albedinis representari potest nigredo: ergo non per unicum, sed per plures actus anima Christi debuit illa objecta cognoscere.

Deinde, Actus hujus scientiæ debet esse minus perfectus etiam secundum intensiorem, quam sit actus visionis beatificæ; quippe cum sit ordinis inferioris: atqui actus visionis beatificæ id habet proprium, ut unicuique sit commenturatus, & adequatus omnibus subjectis, quæ videntur à Beato: igitur actus scientiæ infusæ non debuit esse unicuique.

Denique, Unitas, aut multiplicitas actus petitur, vel ab unitate objecti, vel medii, in quibus objecta alia continentur, & refluunt. Hinc actus beatificus est unicuique, quia omnia objecta, quæ percipiuntur à Beatis, adunantur, & refluunt in essentia divina illa representante: sed nullum est medium, in quo omnia objecta percipienda per scientiam infusam, adunentur, & refluant; si enim aliquid esset tale medium, maxime aliqua species intelligibilis, quæ tantæ esset perfectionis, & virtutis, ut omnia prorsus objecta simul repræsentaret, & intellectum Christi promptum, & expeditum redderet ad illa cognoscenda: sed ita non est, species enim sunt similitudines objectorum; unde cum objecta sint specie distincta, imò & genere, unica species non potest simul omnia objecta illa referre, & carum

rum

rum similitudinem exprimere: hinc, ut probatum est agendo de noticia Angelorum, non dantur species universales, & genericae, quae referant objecta inferiorum specie distinctiorum: ergo multo minus dari potest unica species, quae tot, ac tam varia, etiam genere diversa objecta distincte, & clare repraesentet.

Petres tertio, utrum illa scientia fuerit discursiva.

Respondet affirmativè, quippe secundum doctrinam Doctoris, ad præcisam rationem formalem discursus tantum requiritur, ut duæ sint propositiones, quarum una inferatur per aliam; nec enim necesse est, ut ignotum inferatur ex notiori, ut aliis probavimus: atqui anima Christi utens illo hac scientia potuit habere duas cognitiones actuales, quarum prior esset causa posterioris; nam cum species concurrentes ad illam scientiam subicerentur ejus libertati, & repraesentarent res ad ejus nutum, potuit efficere, ut species naturæ alicujus primo repraesentaret ipsam naturam, quatenus eam naturam actu cognosceret; deinde ut species proprietatis illius naturæ ipsam naturam repraesentaret actu cognoscendam, & sic ex cognita essentia potuit colligere existentiam actualem proprietatis. Insuper, anima Christi erat rationalis, & subinde ratiocinativa, sicut & nostra: ergo reverà uti potuit habitu scientifico sibi infuso ad ratiocinandum, & discurrendum, sicut & nos ipsam uti possumus. Consequencia patet: anima enim potest uti pro libito cognitione sibi inexistente, maxime quando illa ordinatur ad perficiendam, & complendam illius activitatem: at scientia infusa datur animæ Christi ad complendam activam ejus potentialitatem: igitur ea uti potuit modo sibi connaturali: sed connaturalis modus intelligendi animæ rationalis est per discursum: igitur anima Christi per scientiam infusam potuit ratiocinari.

Petres quarto, utrum scientia infusa animæ Christi fuerit præstantior, & perfectior scientia Angelorum.

Videtur affirmare Doctor d. 14. q. 4. ubi supponens intellectum Angelicum distinctui specie ab intellectu humano, & intellectum Angelicè præstantioris activitatis, quàm sit humanus; concedit equidem intellectum Christi non potuisse præstantiorem cognitionem elicere, quàm posset Angelicus cum aequali scientia infusa, quia

cum intellectus Angelicus sit majoris activitatis, quàm humanus, etiam cum æquali lumine poterit perfectius res percipere, nisi aliunde Deus suppleat minorem activitatem intellectus humani per abundantius lumen, & per plures species infusas: Cum autem Christus sit caput Angelorum, & per unionem hypostaticam habuerit modum essendi longè præstantiorem, quàm Angeli, etiam debuit habere longè præstantiorem modum operandi, subindeque conveniens fuit, ut Deus suppleret minorem activitatem illius intellectus per species abundantiores, & magis perfectas.

Q U Æ S T I O Q U A R T A.

Utrum præter scientiam beatam, & infusam Christus habuerit etiam scientiam acquisitam.

Notandum primò nomine scientia acquisita, nos hic illam intelligere, quæ suapte natura acquisibilis est proprio scientis studio de rebus naturalibus: quæ tamet si de facto aliquando infundatur (qualiter omnes scientias naturales Adamo fuisse infusas ab instanti suæ formationis communiter docent Theologi) per se tamen naturæ viribus comparari potest, unde cum infunditur, dicitur duntaxat infusa *per accidens*, quia videlicet ex natura sua postulat, ut propriis actibus acquiratur. In quo maxime differt à scientia de rebus supernaturalibus, quarum cognitio naturæ vires transcendit, nec ullatenus haberi posset, nisi Deus gratuito beneficio illam infunderet. Quamvis autem certum sit apud omnes Theologos, scientiam illam acquisitam revera in Christo extitisse, ut aperte significat Apostolus ad Heb. 5. dum de Christo ait: *Didicit ex his, quæ passus est, obedientiam*, non tamen conveniunt omnes de modo, quo illam obtinuerit, an videlicet per divinam infusionem, ut Adamus: an per humanum studium, & laborem, ut cæteri homines in rebus naturalibus periti: an per utrumque simul. *Quidam* enim cum deaphico Doctore in 3. dist. 14. art. 3. quæst. 2. docent Christum ab initio habuisse sibi infusam divinitus scientiam illam acquisibilem, ne unquam careret notitia naturali plurimorum objectorum naturalium, quæ per talem scientiam percipit: ita quod præter scientiam illam habitualem non fuerit alia habitualis scientia

in ejus intellectu, sed duntaxat experimentalis, intuitiva: cui sententiæ adscriptur etiam subtilis Doctor, ut infrâ demonstrabimus. *Nonnulli* verò cum S. Thom. qu. 12. art. 2. communiter docent, quod etsi Christus Dominus per scientiam infusam ab initio suæ formationis omnia noverit, nihilominus de novo sibi comparavit scientiam acquisitam propriis actibus, eo ferè modo, quo cæteri homines illam acquirunt: non quidem per disciplinam ab Angelis, vel hominibus excerptam, sed præstantissimo, quo pollebat ad res percipiendas, & penetrandas mentis acumine, ne videlicet intellectus agens in eo maneret otiosus, & frustraneus. Ita docent omnes Thomistæ, & plurimi Recentiores. Sunt etiam qui velint cum Hurtado dist. 8. diff. 22. scientiam illam naturæ viribus acquisibilem, in intellectu Christi fuisse parim proprio labore acquisitam, partim per accidens divinitus infusam.

Notandum secundò, cogitationem infusam, & acquisitam ex se præcisè non distingui specie, ut docet Doctor dist. 14. q. 3. n. 2. Quia, inquir, acquisita, & infusa cognitio idem habere possunt objectum, & solum differunt penes causas efficientes, sicut homo creatus, & genitus naturaliter: sed talis distinctio causarum non distinguit cognitionem formaliter secundum S. Augustinum epistola ad Deogratias, & Ambrosium lib. de Incarnatione dicentes, quod *disparitas ortus non facit distinctionem naturæ*, ut patet de Adamo & nobis. Unde colligit Doctor, quod scientia infusa per accidens, & acquisibilis in Christo non distinguantur specie. Item quod si Christus ut vulgè S. Thomas, habuerit scientiam infusam de omnibus rebus in proprio genere, non poterit de novo per proprios actus sibi scientiam de iisdem rebus comparare, quia S. Thomas docet duo accidentia solo numero distincta non posse simul in eodem subiecto subsistere, alterutrum enim foret inutile, & otiosum ad subiectum informandum, & afficiendum: sic, v. g. duæ quantitates bipedales forent frustraneæ in eadem parte ligni: & subinde cum scientia acquisita, & infusa de rebus naturalibus ex se duntaxat numericè differant, quia non specificantur à principio per quod obrirentur, sed ab objectis, idcirco vel saltem est, quod communiter docent Thomi-

stæ, duo accidentia ejusdem speciei non posse in eodem subiecto subsistere: vel Christus non habuit scientiam notitiam de rebus naturalibus: vel non potuit aliam propriis viribus scientiam notitiam de rebus ipsis comparare.

Notandum tertio, cognitionem experimentalem in plurimis à scientifica distingui. *Primò* namque scientifica cognitio cum sit certa, & jugiter perseverans, maximè occupatur circa res universales, & in abstracto consideratas, experientia verò duntaxat versatur circa res individuales præsentis, & moventes per suam præsentiam ad experimentalem illam sui cognitionem; unde cognitio experimentalis semper est intuitiva. *Secundò*, cognitio scientifica ex se potest divinitus infundi independentè ab omni prorsus experientia; licet enim experientia ex natura reiconferat ad acquirendam scientiam naturalem; tamen ab illa non omninò ac per se pendet; quia non in illa nititur tanquam in proprio principio, sed solum est veluti quadam via, qua naturaliter proceditur ab imperfecto ad perfectum: sic Adamus in statu innocentie multarum rerum scientiam habuit, quas pro illo statu experiri non potuit. Experimentalis verò notitia non videtur posse infundi, sed solum per ipsam experientiam acquiri: tum quia species ad experientiam deservientes pertinent, vel ad cognitionem intuitivam præsentium, vel memoriam præteritorum, vel conjecturam futurorum, ut docet Doctor loco laudato, num. 4. Unde ut formeretur vera, & certa notitia experimentalis, oportet, quod noverit intellectus rem fuisse jam taliter qualiter illam experiri de factò, quod utique præstare non potest per speciem infusam, quia, ut diximus cum Doctore, species infusa indifferens est ad representandam rem ut existentem, vel non existentem; unde fit quod si infunderetur species experimentalis, ducere posset in falsam cognitionem representando aliquid ut perceptum per sensus, quod ita cognitum non fuisset. *Denique*, species quibus scientia utitur in sua representatione, & cognitione, abstrahunt à tempore, & à præcedente aliqua cognitione: at verò species, quæ experimento deserviunt, representant rem præsentem, quæ sub experientiam cadit cum ordine ad tempus præteritum, & ad intuitivam, seu sensibilem cognitionem.

gnitionem præteritam; experientia enim est diuturna, & exacta observatio singularem, ex qua certa, & constans cognitio colligitur.

His ita præmissis tria supersunt statuenda. Primum, quod reverà Christus habuerit scientiam acquisitam. Secundum, quod illam habuerit sibi à suæ formationis exordio divinitus infusam. Tertium, quod illa non fuerit de omnibus omnino rebus in individuum.

CONCLUSIO PRIMA.

Pater scientiam beatificam, & infusam, Christus etiam habuit scientiam acquisitam. Hæc est communis inter Theologos. Probat primum autoritate Scripturæ Isaac, Isaac 7. ubi Propheta faciens testimonium de Christo ait: *Antequam scias vocare Patrem, aut Matrem, accipiet virtutem Davidicæ, & spolia Samaria;* quæ verba sic expendit S. Ambrosius in libro de Incarnatione Dominicæ Sacramento, ubi cum dixisset, *Sensus hominis proficit* (nempe Christus) *sicut scriptum est, & Iesus proficiebat ætate, & sapientia, & gratia apud Deum, & homines. Quomodo proficiebat Sapientia Dei? Doceat te ordo verborum, profectus est ætatis, & profectus sapientie, sed humane est: ideo ætatem ante præmit, ut secundum hominem crederes dictum; ætatem enim non divinatis, sed corporis est. Ergo si proficiebat, ætate hominis proficiebat, sapientia hominis; sapientia autem sensu proficit, quia à sensu sapientia.* Quibus aperte docet Christum aliquam sapientiam, & scientiam per sensus libere comparasse, quod paulo post probat mox laudato oraculo Isaac, subditque: *Sapientem enim futura, & occulta non fallunt: experta autem cognitionis infantia per humanam utique prudentiam, quod adhuc non didicit ignorat.* Quibus verbis S. Ambrosius non tribuit Christo simpliciter ignorantiam, cum lib. 5. de fide cap. 7. id aperte negat: sed solum tribuit Christo non scientiam oppositam scientiæ, quæ oritur ab experientia, & sensu: concedit igitur Prophetam hic significat aliquam in Christo scientiam sensuum beneficio paulatim acquisitam.

Id insuper idem Propheta luculentius exprimit cum ait ibidem: *Butyro postus, ac melle, habebit boni, mali, que iudicium, ut reprobanda mala, eligat bona: non quod hoc fecerit, aut probaverit, vel elegerit, sed quod scieris reprobare, & eligere; ut per hæc verba vocamus infantiam humani corporis divinæ non præiudicasse sapientie.*

mus ibidem: *Adhuc pannis involutus, & butyro postus, ac melle, habebit boni, mali, que iudicium, ut reprobanda mala, eligat bona: non quod hoc fecerit, aut probaverit, vel elegerit, sed quod scieris reprobare, & eligere; ut per hæc verba vocamus infantiam humani corporis divinæ non præiudicasse sapientie.*

Probat etiam per istud Lucæ 2. *Iesus proficiebat ætate, & sapientia coram Deo, & hominibus;* qui utique profectus non fiebat secundum scientiam infusam, cuius omnimodam plenitudinem ab initio receperat: igitur attendendus est dumtaxat penes scientiam experimentalem; non enim, ut quidam volunt, profectus ille dumtaxat est attendendus secundum apparentiam; quia ut docet S. Augustinus lib. 83. q. 8. verba Evangelistarum narrantium historias, accipienda sunt ut exprimentur, & subinde verus hic significatur profectus.

Probat conclusionem Scaphicus Doctor suprà laudatus qu. 1. Ex eo quod anima Christi, inquit, debuit esse perfecta, non solum secundum superiorem portionem, verum etiam secundum inferiorem, & secundum partem sensibilem, non tantum quantum ad statum patriæ, verum etiam quantum ad statum viæ, qui duplex est: videlicet innocentie, & naturæ lapsæ. Et secundum hoc Christus habuit triplicem cognitionem isti triplici statui convenientem, videlicet cognitionem gloriæ, cognitionem naturæ integre, & cognitionem pœnalis experientie, ut de quolibet statu aliquid in te haberet. Rursus, quia perfecta fuit anima Christi, quantum ad cognitionem, non solum respectu cognoscibilem, sed etiam respectu modorum cognoscendi; ideo cum res tripliciter sint cognoscibiles, secundum quod tripliciter habent esse; habent enim esse in verbo, habent esse in intellectu creato, habent nihilominus esse in proprio genere: ideo ad hoc, quod intellectus animæ Christi plenam de rebus cognitionem haberet, res cognovit ista triplici cognitione. Et sic patet, quod anima Christi non tantum habuit cognitionem rerum in verbo, sed etiam rerum à verbo; cognitionem, inquam, non tantum simplicis notitiæ, verum etiam experientie. Patet etiam harum trium cognitionum sufficientia, necessitas, & distinctio, quæ potest sumi, vel ex parte virium, scilicet superioris rationis,

„ inferioris, & sensualitatis: vel ex parte
 „ statuum, videlicet gloriæ, innocentie,
 „ & naturæ lapsæ: vel ex parte modorum
 „ cognoscendi, scilicet in Verbo, in se,
 „ & in genere proprio; & sic patet, quod
 „ anima Christi præter cognitionem, quam
 „ habuit in Verbo, habuit cognitionem
 „ rerum in se, & in genere proprio, &
 „ sic ulterius patet, quod anima Christi,
 „ præter cognitionem, quam habuit
 „ in Verbo, habuit aliam cognitionem
 „ a Verbo.

Obiicit primò SS. Patres apertè doceri
 Christum nullatenus reverà profecisse, aut
 habuisse incrementum scientiæ, & notitiæ
 interioris, sed ipsius profectum in sci-
 tia, attendendum esse dumtaxat penes ex-
 ternam manifestationem scientiæ, vel divi-
 nitatis. Sic Athanasius in oratione 4. con-
 tra Prianos, ubi etsi primùm veram vi-
 deatur agnoscere scientiæ progressionem in
 Christo; subinde tamen id deserte negat;
 ait enim: *Corporis igitur proprius ille profe-*
ctus, etenim proficiente ipso, proficiebat in eo
divinitatis apud illos, qui intuebantur, essen-
sio; quantò autem magis divinitas aperiebatur,
tantò copiosius agebatur apud omnes ho-
mines. Quibus significat profectum istius-
modi in eo consistere, quod evidentiora
dabat signa diviniæ sapientiæ, ac virtutis;
unde subdit: Quis est ille, qui dicitur pro-
fessus, nempe ut dñi Deificatio illa est, &
gratia hominibus à sapientia communicata,
cùm in ipsi peccatum, & insana corruptela
deleteretur ad similitudinem, & cognitionem Ver-
bi: sic enim augecente secundùm ætatem cor-
pore, agebatur etiam in eo divinitatis essen-
sio, palamque monstrabatur omnibus templum
ipsum esse Dei, ac Deum in corpore. Ad idem
scribit S. Gregorius orat. 25. Ille, inquit,
Christus proficiebat ut ætate, ita sapientia, &
gratia; non quod incrementum ista caperent,
quid enim eo, quod ab initio perfectum extitit,
posset esse perfectius? Sed quod paulatim aper-
irentur, ac sese proderent. Hoc etiam ubert-
rimè declarat S. Bernardus Homilia 2. su-
per Missus est, ubi demonstrat nullum per-
fectionis incrementum in anima Christum
 „ habuisse, ait enim: Neque minis habuit
 „ sapientiæ: vel potius non minor fuit sa-
 „ pientia Jesus conceptus, quàm natus,
 „ parvus, quàm magnus: sive ergo latens
 „ in utero, sive vagiens in præsepio, sive
 „ grandiuculus interrogans Doctores in
 „ templo, sive jam perfectæ ætatis docens

in populo, æquè perfectè plenus fuit Spi-
 ritu sancto; nec fuit horum in quacumque
 ætate sua, quæ de plenitudine illa, quam
 in sui Conceptione accepit in utero, vel
 aliquid minueretur, vel aliquid eidem
 adieceretur: sed à principio perfectus, à
 principio, inquam, plenus fuit spiritu sa-
 pientiæ, & intellectus, spiritu consilii,
 & fortitudinis, spiritu scientiæ, & pietatis,
 & spiritu timoris Domini, *Modò quod*
Evangelista de profectu Christi declarat:
 Nam quod de sapientia, & gratia hic
 dictum est, *inquit*, non secundùm quod
 erat, sed secundùm quod apparebat, in-
 telligendum est: non quia videlicet ali-
 quid ei novum accideret, quod antea non
 haberet; sed quod accideret videretur,
 quando volebat ipse, ut videretur. Tu
 homo cùm proficis, non quando, nec
 quantumvis proficis; sed te nesciente tuus
 moderatur profectus, tua vita disponi-
 tur. At verò puer Jesus, qui disponit
 tuam, ipse disponebat & suam; & quan-
 do volebat, & quibus volebat sapientior;
 quando & quibus volebat sapientissimus:
 quamquam in se numquam esset nisi sa-
 pientissimus: similiter & cùm semper plen-
 us omni gratia fuisset, sive quam apud
 Deum, sive quam apud homines habere
 deberet, pro suo tamen arbitrio eam
 nunc plus, nunc minus ostendebat, pro-
 ut cernentium, vel meritis congruere,
 vel saluti expedire sciebat. Hæc S. Ber-
 nardus.

Respondeo SS. Patres nihil aliud velle,
 quàm quod Christus Dominus nullum ha-
 buerit sapientiæ, & scientiæ incrementum
 penes divinitatem, sed dumtaxat penes hu-
 manitatem: ut disertè explicat Rupertus lib.
 1. in Genesim cap. 21. ubi locum Isaac 11.
 tractans, in quo dicitur super Christum re-
 quievissè spiritus sapientiæ, & intellectus,
 hec scribit: *Quia ille in quem hæc dicitur,*
cùm non tantùm homo, sed & Deus sit, licet
secundùm humanitatem sapientia, ætate, &
gratia proficeret, attamen secundùm id quod
est, & erat Deus, nullum profectum habuit.
 Unde etiam S. Athanasius loco laudato in
 objectione, dicit quod si quis pertinaciùs ob-
 iuctetur, ut profectum illum in sapientia,
 & ætate verum esse contendat, id eatenus
 concedendum esse dicit, ut non de divini-
 tate ipsius, sed de humana natura istud di-
 ci exillimetur. *Verumtamen, inquit, si con-*
tentissimus in eo perseverant, quod Christus in-
ter-

terrogaverit, audiant à nobis, nullam in divinitate ignorantiam esse, carnis verò esse proprium ignorare. Vel dico SS. Patres eo modo esse intelligendos, quo dicemus in sequenti conclusione, nempe Christum Dominum omnia novisse per scientiam infusam, etiam naturalia, nihilominus eorum aliqua adhuc cognoscere potuisse per scientiam experimentalem, non quidem habitualiter, sed actualiter.

Obijcies secundo. Superfluum est facere per plura, quod sufficienter fieri potest per pauciora: sed Christus per solam scientiam infusam, non solum sufficienter, sed longè perfectius cognoscebat id omne, quod per scientiam acquisitam nosse possit: igitur hæc in ipso fuit frustranea.

Nego minorem: ad perfectionem enim intellectus Christi spectat non solum omnia objecta cognoscere, sed etiam secundum omnem modum, quo cognoscibilia sunt; unde cum aliter, res maxime sensibiles, possint cognosci per phantasmata ab ipsis abstracta, quam per species à Deo infusas; hinc est, quod sicut in anima Christi præter scientiam beatam, qua res in Verbo contemplantur, admittitur scientia infusa, per quam illas extra Verbum cognoscat, eò quod utroque hoc modo sint cognoscibiles, ita quia res naturales non solum per species à Deo infusas, sed etiam per eas, quæ à phantasmatibus abstrahuntur, cognosci possunt, idcirco hic cognoscendi modus in Christo est asserendus, utpotè cum sit maxime conaturalis animæ Christi quatenus conjuncta humano corpori.

Obijcies tertio, Scientia acquisita impossibilis est cum visione beatifica, ut colligitur ex illo 1. ad Cor. 13. *Sive Prophetia evacuabuntur, sive lingue cessabunt, sive scientia destruetur;* quod maxime intelligitur de scientia acquisita, & comparata per phantasmata: sed Christus habebat scientiam beatificam: ergo non potuit habere scientiam acquisitam.

Respondet primò, ut jam aliàs diximus, Apostolum intelligendum esse de destructione scientiæ non penes habitum, sed penes actum, & exercitium spectans ad aliorum instructionem. *Secundò,* dico, quod etsi intelligendus esset Apostolus de scientia acquisita, significaret dumtaxat, quod in statu beatitudinis ut anima separata à corpore cognoscat per

scientiam acquisitam, non habebit opus se se convertendi ad phantasmata.

CONCLUSIO SECUNDA.

Probabilis est Christum novisse quidditates rerum naturalium ab instanti suæ Conceptionis per habitum sibi infusum, quem potuisset propriis actibus comparare, nisi illum per infusionem obtinisset: nihilominus aliqua de novo potuit cognoscere cognitione intuitiva, & experimentalis. Hæc, ut mihi videtur, genuina est subtilis Doctoris doctrina, quantum ad utramque partem, ut constabit infra.

Prima autem pars probatur primò auctoritate SS. Patrum, qui Christo omnimodam scientiæ plenitudinem etiam infanti tribuunt, negantque ipsum, etiam puerulum, aliquid nescisse. Sic S. Augustinus lib. 2. de peccatorum meritis, & remissione c. 29. ubi docet nullam in coinfante quidem ignorantiam extitisse, uti nec alios inquietos motus originale redolentes culpæ maculam: *Quam planè ignorantiam, inquit, nullo modo crediderim fuisse in Infante illo, in quo Verbum caro factum est, ut habitaret in nobis, nec illam ipsius infirmitatem in Christo parvulo fuervim suspicatur, quam videmus in parvulis.* Hanc veritatem luculenter tradit Eulogius Alexandrinus Patriarcha in lib. adversus Agnoitas, ubi copiose, eruditè, que hanc questionem tractans ait: *Neque secundum divinitatem, neque secundum humanitatem affirmare in illo ignorantiam extitisse, periculosa temeritatis est experti:* Cujus librum laudat, & approbat S. Gregorius lib. 8. epistolarum, epist. 42. quam ad ipsum scripsit: *Quia, inquit, in doctrina vestra impugnans hereticos, qui dicuntur Agnoitæ, fuit valde, quod admiraremur, quod autem displiceret non fuit.* Eadem veritas constat ex SS. Patribus in prima objectione: superioris conclusionis laudatis; illi namque constanter affirmant nullam in Christo etiam, ut homine, aliquando ignorantiam extitisse: sed necessum fuisse illum plura ignorare, si rerum naturalium, quæ per studium, & laborem addisci possunt, & cognosci, non habuisset sibi infusam scientiam: igitur illam reverà habere dicendus est.

Probatur etiam ratione. Primò, quidem ea, qua usus est S. Damascenus lib. 3. de fide cap. 22. ubi probat Christum reverà

re-

nequidem secundum humanitatem potuisse habere ullum incrementum scientiæ, propter intimam illius conjunctionem cum Verbo. *Nam si verè caro est conjuncta Deo Verbo, ab ipso extendi primordia; vel potius in ipso existit, & hypostaticam cum illo identitatem habuit; qui fieri potuit, ut non perfectè omni sapientia, & gratia locupletata sit? Non ut ipsa gratiam participaret, neque ut ex gratia in communionem admitteretur eorum, quæ ad Verbum pertinent: sed ea potius ratione, quod propter unionem hypostaticam, humanis, ac divinis omnibus unitis Christi propriis factis (quandoquidem Deus idem, & homo simul erat) illa ipsa caro gratiam, & sapientiam, plenamque bonorum omnium copiam in mundum fontis instar exundaverit:* Ex quibus sic ratiocinari licet: Christus ratione suæ unionis ad Verbum debuit habere plenam bonorum omnium copiam, & subinde sapientiam ab eo instanti, quo ipse humanitas fuit unita Verbo: at si non habuisset per infusionem scientias omnes naturales, quæ studio, & labore comparati possunt, non habuisset plenam bonorum omnium copiam: igitur ex tunc illas habere debuit.

Confirmatur. Unio hypostatica ex sua dignitate postulat, ut natura assumpta sit in primo instanti perfectè omni perfectione naturali non repugnante suo statui: atqui scientiæ naturales sunt quædam perfectiones intellectus humani, nec repugnant statui Christi: quia si repugnarent, maxime vel ex defectu usus rationis, vel quia intellectus dependet à phantasmatibus, & speciebus possibilibus, ut utatur scientia naturali, quæ per acquisitionem comparari potest: sed ex neutro capite repugnant scientiæ naturales Christo ab instanti suæ formationis. Non quidem ex primo capite: quia ut constat ex laudatis Sanctis Patribus, Christus etiam in utero matris perfectum habuit rationis usum, idcirco Jeremias cap. 31. ipsum adhuc in utero matris existentem virum appellat: *Mulier, inquit, circumdabit virum, quæ verba sic exponit S. Hieronymus: Juxta incrementa ætatis, inquit, per vagitus, & infantiam proficere videtur sapientia, & ætate: sed perfectus vir in ventre femine solitis mensibus continebatur:* Velut supra dicebat S. Bernardus, *Non minor fuit sapientia Jesu, conceptus, quam natus, parvus, quam magnus, &c.*

Reponunt aliqui Thomistæ cum Cajetano,

quòd quamvis Christus non habuerit sibi infusus omnes scientias naturales ab initio suæ formationis; tamen facili negotio potuit eas comparare, ratione acuminis ingenii, quo præ cæteris hominibus excellens, & quo poterat comprehendere naturas rerum, itaut cognito cælo, v. gr. cognosceret omnes effectus illius, & cognito uno individuo cognosceret alia.

Contrà. Quantumvis aliquis excellat ingenio, non potest rerum naturalium brevi tempore notitiam sibi comparare. Tum quia excedit naturales ingenii vires, ut visio uno, aut altero individuo, possit aliquis colligere, quid sit sentiendum de aliis; cum multa individua reperiantur sibi similia, ut experientia constat circa medicinam pro morbis curandis; quippe diversa hominum complexione, ad eundem morbum curandum diversa sunt adhibenda remedia.

Adde quòd scientia humana non possit comparari, nisi dependenter à sensibus, & phantasmatibus: quare cum omnes res, & effectus non occurrerint sensibus Christi, imò nec plures potuerint occurrere, nisi diuturno temporis successu, non videtur quomodo Christus potuisset propriis actibus earum notitiam sibi comparare.

Reponunt iterum, rerum naturalium phantasmata ad hanc scientiam necessaria, maxime earum, quæ communiter non occurrunt, fuisse ab Angelis representata sensibus, & phantasæ Christi.

Contrà. Non apparet quomodo tam diversa sensibilia, & tam multa potuerint ab Angelis applicari sensibus Christi: phantasmata autem non possunt Angeli infundere, quia ut communiter docent Theologi, solum possunt producere motum localem, & movere phantasmata antea producta, & applicare activa passivis.

Addit Isambertus, quòd longè facilius sit recurrere ad simplicem infusionem pro acquisitione ejusmodi scientiarum, quàm ad tantam congregationem objectorum factam ministerio Angelis; tum etiam, quia hæ scientiæ debent admitti in Christo Domino longè perfectiores, quàm in quovis puro homine: ac ex nuda subministratione aliquorum objectorum singularium, facta per Angelum ex singulis speciebus, hæc scientia non potest, ex vi etiam acutissimi ingenii, comparari brevi aliquo tempore in statu tam perfectissimo, in quanto fuit acqui-

ta ab aliquo singulari homine, v. g. Aristotele, per disciplinam fundatam in longa experientia, & magno studio eruditissimorum hominum, prædictum cum singula individua non semper ita repræsentent proprias differentias, ut sine errore possint cognosci: ergo cum Christus D. debuerit habere has scientias perfectas in tota latitudine objectorum, nec sit deterioris conditionis, quam primus noster parens, nec potuerit illas habere aliter, quam per infusionem, habuit omnes illas de facto per infusionem.

Probatur secundò. Christus non debuit esse minus divinis charismatibus, & donis illustratus, quam Adamus, utpote qui venerat prioris Adami damna rescire: sed Adamus ab initio suæ formationis habuit sibi infusam cognitionem omnium rerum naturalium: igitur etiam Christus habere debuit.

Reponunt Thomistæ negando paritatem, & rationem disparitatis triplicem cum cæteris profert Gonetus; *Primò* quidem, quod cum Adamus fuerit conditus à Deo in ætate perfecta, ut caput, & Doctor generis humani, atque omnium rerum Dominus, conveniens fuit ut statim haberet illas scientias, quæ in homine illius ætatis essent necessariæ ad illa munia exercenda: Christus autem licet sit caput, ac Doctor totius Ecclesiæ, atque omnium Dominus, quia tamen genitus fuit in ætate infantili, ita ut non statim, ut vir perfectus in hoc mundo conversaretur; non opus fuit, ut scientiam suæ nature acquiribilem, per infusionem ab initio reciperet: sed paulatim, ut cæteri homines, per sensum eam sibi comparare debuit. *Secundò*, Adamus datus est Doctor toti generi humano in naturalibus, & ideo oportuit, quod à principio suæ productionis haberet omnes scientias naturales: sicut & quod statim esset perfectus homo, quantum ad corporis quantitatem, & dispositionem: at Christus datus fuit Doctor mysteriorum gratiæ, non rerum naturalium. Dicit enim Apostolus 1. Cor. 15. *Primus homo de terra terrenus, secundus homo de celo celestis* Et ipsa veritas ait Joan. 3. *Qui de terra est, de terra loquitur, qui de celo venit, super omnes est, & quod vidit, & audit, hoc testatur*, Et ideo oportuit, ut Christus statim haberet scientiam infusam mysteriorum gratiæ, non vero scientiam per se acquiribilem rerum naturalium, sicut neque perfectam corporis

quantitatem. *Tertiò*, Adamus visione beatifica carebat, & mox à creatione privandus erat scientia per se infusa; unde conveniens fuit, ut statim ab initio naturalem scientiam infusam per accedens reciperet, non modò juxta mensuram proportionatam ætati, in qua à Deo conditus est, sed etiam quantum ferebat necessitas, qua & ipse, & omnes ejus posteri laborassent, nisi eo Dei beneficio liberaliter fuisset præventus; at in Christo nulla talis necessitas extitit, & asurgens ei scientia beata, atque infusa abundè supplere potuit omnem usum scientiæ infusæ per accedens.

Verùm hæ tres responsiones non solvunt vim argumenti, nec sufficientem disparitatem adstruunt. Non quidem *prima*, nam licet Christus à primosue formationis exordio non habuerit ætatem perfectam, tamen verè virilem habebat animum, & erat *Vir*, juxta præfatum Jeremiam, yaticinium, hoc est, virile, & ut hominem dect, habebat perfectum rationis judicium, ut docet S. Hieronymus: ergo cum naturales scientiæ maximè deceant hominem pro eo statu, vel tempore, quo perfectum habet judicium rationis, maximè conveniens fuit, ut etiam pro illo tempore anima Christi scientiis naturalibus illustraretur, unde cum tunc non posset illas acquirere propriis actibus, necessum fuit, ut illas haberet per infusionem.

Secundò pariter ratio disparitatis est nulla, quanquam enim Christus destinatus fuerit, ut esset Doctor gratiæ, & justitiæ, non verò scientiarum naturalium: inde non sequitur, quod ipse non debuerit habere perfectam notitiam de rebus naturalibus: tum quia res naturales maximè deserviunt ad notitiam rerum spiritualium: siquidem, ait S. Paulus ad Rom. 1. *Invisibilia Dei per ea, quæ facta sunt intellecta conspiciuntur, &c.* unde eorum notitia Christus opus habebat, ut mysteria regni Dei nota faceret per similitudines, & parabolas, quibus frequentissimè utitur in Evangelio à rebus, & scientiis naturalibus desumendas: tum quia, ut diximus, illæ scientiæ naturales maximè deserviebant ad illustrandum Christi animum.

Ad tertiam dico; perinde esse ad cognitionem rerum naturalium, quod Christus habuerit scientiam beatificam, & infusam, sicut enim præter scientiam beatificam necesse

cessaria fuit in eo infusa per se, quares in entitate supernaturales, & quæ humano studio cognosci non possunt, ipse cognosceret in proprio genere, ita præter illam infusam per se, necessum fuit, ut haberet etiam scientiam infusam per accidens, qua res naturales, quarum cognitio potest acquiri, apprimè, & peritissimè nosset.

*Probat*ur tertio Christus habuit per infusionem virtutes morales, quæ conducebant ad illustrandam, & perficiendam ipsius voluntatem: ergo pari ratione debuit habere virtutes intellectuales, seu naturales scientias, sibi diuinitus infusas. Antecedens constat ex dictis, consequentia probatur à paritate rationis, quia carentia scientiarum naturalium non minus derogat perfectioni animæ Christi, quàm carentia virtutum moralium.

Negat paritatem Thomistæ, & rationem disparitatis duplicem proferit Gonet, quarum prima est, quod scientiæ naturales non reddunt subiectum bonum simpliciter, sed tantum secundum quid; ac proinde ex illarum carentia non constituitur non bonum simpliciter in aliquo ordine, ex quo ulterius sit non plus derogari perfectioni Christi per carentiam scientiarum naturalium ad tempus, quàm ei accrescat ex connaturali illarum acquisitione, cuius oppositum in virtutibus acquisitis contingit, ut ex supra dictis constat.

Secunda ratio discriminis, quam proferunt, est quia, si scientiæ per se acquisibiles fuissent humanitati Christi per accidens infusæ à primo instanti suæ Conceptionis, intellectus agens animæ Christi perpetuò mansisset privatus suo proprio munere, & officio, quod est abstrahere species intelligibiles à sensibus, illustrando phantasmatum, ut docent Philosophi in libris de anima: erat autem magnum inconueniens, quod aliqua potentia maneret in anima Christi perpetuò privata actu proprio, & sibi connaturali. Ex hoc verò, quod Christus receperit per infusionem omnes virtutes morales à primo instanti suæ conceptionis, non sequitur synderesim, vel aliam potentiam animæ Christi fuisse in eo otiosam, & perpetuò privatam suo proprio munere, quia potentia animæ Christi virtutibus illis semel informatæ, actus ejusdem speciei circa materias virtutum moralium produxerunt, quos per virtutes morales à se comparatas eliciuissent. Hæc Gonet.

Contra primò. Eo modo, quo virtutes morales conferunt ad perfectionem voluntatis,

ita & intellectuales ad perfectionem intellectus: ergo sicut Christus diceretur imperfectus in genere moris, si non haberet omnes virtutes morales: ita diceretur imperfectus in ratione intelligentis, si non haberet omnes virtutes intellectuales. *Adde quod* Prudentia est una ex virtutibus moralibus: sed Prudentia perfecta, cum consistat in practica cognitione, supponit perfectam cognitionem speculativam, non tantum primorum principiorum, sed etiam universaliū conclusionum: à quibus iudicium in singulis eventibus pendet: ergo habuit moralem scientiam eorum omnium, & consequenter habuit cæteras scientias, non enim ad alias erat magis impeditus, neque una scientia potest sine consortio aliarum esse omni ex parte perfecta, sunt enim quodam modo connexæ, licet virtutes.

Negopariter secundam rationem disparitatis, nam ut observat Doctor d. 14. q. 3. n. 3. intellectus agens fuit in Adamo, & in beatis remanet, nec tamen dicitur in eis frustraneus; licet non abstrahat species à phantasmatibus; sicut nec nutritiva, augmentativa, & generativa, in beatis corporibus facultates dicuntur frustraneæ, quamquam illæ facultates nullum actum, nullamque operationem exerceant; quippe non solum ordinantur ad operationem sibi congruam, sed etiam ad naturæ humanæ integritatem: igitur pari ratione Christus Dominus potuit habere intellectum agentem, & passibilem, quatenus conducebat ad naturæ humanæ integritatem, & vim habebat eudendi species intelligibiles deservientes ad rerum naturalium noticiam, si aliunde istam noticiam non habuisset. *Adde quod* intellectus agens deservire poterat ad excipiendas, & formandas species deservientes ad experimentalem cognitionem, in qua Christus poterat proficere.

Nec valet reponere cum Gonet, quidem non semper ex carentia propriæ operationis alicujus potentie rectè deduci eam esse in suo subiecto frustraneam, sed duntaxat ex carentia operationis pro statu, & tempore, quo debetur. Unde non debebatur intellectus agens Adamo pro statu primæ creationis, quia cum formatus fuisset perfectus, tam secundum animam, quàm secundum corpus, non habuit opus ipso intellectu agente, quo crevit, & perficitur intellectus in scientia, abstrahendo species à phantasmatibus; unde licet tali operatione caruerit, tamen intel-

lectus agens non fuit in eo frustraneus. Idem dicit de beatis, quia, inquit, non sunt in statu acquirendi scientiam, unde licet non careant intellectu agente, tamen in ipsis intellectus non dicitur frustraneus.

Hæc, inquam, responsio nulla est: tum quia supponit pro certo, quod in controversiam movetur; nempe quod Christus non fuerit productus undecumque perfectus secundum intellectum, sicut Adamus; hoc enim contendimus, quod ipse cum cæteris Thomistis negat absque fundamento: tum quia nulla facultas censetur frustranea pro quocumque statu, licet non producat suum actum, quia jam aliunde productus est, nam, ut inquit Doctor mox laudatus, potentia pro quocumque statu non dicuntur inutiles, & frustraneæ, quæ ex se habent vim producendi suum actum, & effectum, nisi illum ab alia causa jam productum haberent. Sic v. g. augmentativa facultas non potest sese exercere in accretione corporis beati, sicut nec potuit in Adamo, quia corpus Adam, & Beatorum divinitus habuit productum perfectum statum accretionis, cui nihil fuit, quod iusto adiceretur: sufficit igitur, ut Christus dicatur habuisse intellectum agentem, quod intellectus ille ex se fuerit capax ad producendam notitiam scientificam de rebus naturalibus, si Deus ipsi illam non indidisset.

Obijciens primò omnes illas Scripturæ, & SS. Patrum authoritates, maxime verò authoritatem S. Ambrosii docentis, quod Christus profecerit secundum scientiam à sensibus acceptam: ergo reverà Christus acquirere potuit scientiam à rebus naturalibus proprio studio, & labore.

Respondet illas authoritates explicari de profectu notitiæ experimentalis acquisitæ, quæ utique dependebat à sensibus, & in dies ad occursum objectorum fiebat major in ratione experimentalis notitiæ; non verò secundum rationem veræ scientiæ; Christus enim jam aliunde perfectam habebat illam sibi infusam scientiam de rebus naturalibus. Dicitur autem in ista notitia profecisse, quemadmodum medicus v. g. qui jam perfecte cognoscens remediū à se confecti virtutem; per suam scientiam Theoreticam, dicitur ejusmodi virtutem melius cognoscere, dum illam in se ipso experitur, & verum esse comprobatur. *Addo quod* si profectus ille Christi accipitur secundum

dum veram, & perfectam scientiam, poterit intelligi eo modo, quo explicant cæteri SS. Patres, nempe de profectu secundum manifestationem exteriorem, & sensibilem illius scientiæ, cujus plenitudinem Christus habebat.

Obijciens secundò, Christus ut viator debuit habere scientiam eo modo, quo viatorem decebat; sed statum viatoris decet, ut acquirat scientiam multis actibus, & experientiis: igitur pari modo illam Christus obtinere debuit.

Respondet primò, negari posse majorem; quamquam enim reverà Christus fuerit viator, attamen cum simul esset comprehensor, & hypostaticè ejus humanitas unita Verbo; hinc multò ampliores, & nobiliores prerogativas, quam cæteri viatores, habere debuit. Unde sicut habuit scientiam infusam de rebus naturalibus, & intellectum, ac voluntatem expeditam ad operationem ab instanti sue formationis, quod cæteris viatoribus non competit: hinc etiam potuit habere scientiam acquisitam alio modo, quam cæteri viatores.

Respondet secundò cum Doctore supra laudato num. 8. distinguendo minorem. Cognitio intuitiva, & experimentalis competens Viatori, est ex multis actibus, & experientiis, transeat: cognitio abstractiva comparatur per multos actus, & experientias, nego: hæc enim potest haberi per scientias infusas, & abstractivas. Christus priorem sibi comparavit per proprios actus, non verò posteriorem.

Insuper Christus non solum debuit habere scientiam, sed debuit illam habere secundum proprium, & connaturalem modum, quo haberi potest: sic enim non solum est perfectus per diversas scientias, atque perfectiones, verum etiam & diversis modis: igitur sicut habuit scientiam beatam secundum modum proprium illius, scilicet permanenter, & non tantum transienter, ut forte aliqui viatores habuerunt, & sicut habuit scientiam perfecte infusam, secundum modum proprium illius, scilicet per infusionem: ita scientiam humanam, seu naturam suam acquisibilem habere debuit modo humano, scilicet per acquisitionem.

Distinguo antecedens: Habere debuit modo connaturali; si perfectiori modo eam aliter habere non potuerit, concedo: secus; nego: at perfectius est habere scientias ab instanti conceptionis per infusionem, quam illas diuturno labore comparare: igitur

igitur longè præstantius fuit Christo habere scientias per infusionem, quàm illas paulatim acquirere.

Urgetur: Præstantius est habere scientiam per acquisitionem, quàm per infusionem, tam ex parte scientiæ, quàm ex parte scientis: ergo præfata solutio nulla. Patet antecedens: ex parte quidem scientiæ; quoniam scientiæ acquisitio est talis scientiæ generatio per se, infusio autem est scientiæ generatio per accidens, similiter ex parte scientis, nam ut docet Aristoteles 1. Ethic. c. 5. ex Hesiodo: *Optimus ille quidem est ex se se, qui omnia novit*: Igitur, &c.

Nego subsumptum: Nam simpliciter, & absolute loquendo, perfectus est nunquam caruisse aliqua scientia sibi convenienti, etiam si à solo Deo recipienda sit, quàm aliquandiu illam non habere, ut per proprios actus obtineatur, maxime cum hic modus obtinendi scientiam, nihil perfectionis addat. *Addo quòd* ex Suare d. 30. sect. 2. quicumque ratione Christus hanc scientiam infusam habuerit, à se illam habere dicendus est, non tanquam adventitiam, sed tamquam proprietatem connaturalem ratione unionis, sicut de gratia, & aliis donis in superioribus, dictum est: Quod secundo ita declaratur, & confirmatur. Quia si Christus assumpsisset humanam naturam in statu per se debito unioni sine defectibus, quos propter nostram redemptionem in corpore assumpsit, sine dubio assumpsisset illam perfectam hac scientia, sicut reliquis perfectionibus: ergo, & nunc de facto ita illam assumpsit cum hac perfectione ex illo principio, quo carentia hujus scientiæ, neque est necessariò conjuncta cum corpore passibili, nec per se confert ad finem redemptionis.

Obijciat tertio, Christus erat discursivus: ergo mediante discursu poterat de novo aliquas conclusiones scientificas cognoscere, & sibi scientiam comparare.

Respondet Doctor mox laudatus, discursum non semper efficere, ut aliquis cognoscat conclusionem, quam ante non scivit, sed ut cognoscat actum, quod ante habitualiter novit. Unde si Christus non cognosceret omnes res naturales in proprio genere, posset sibi per discursum comparare notitiam rerum ignotarum, factis vero cum illam notitiam sibi haberet infusam. Deinde posset Christus cognoscere conclusionem scientificam, licet præhabuerit notitiam quiddi-

tativam terminorum, quam notitiam Aristotil. scientiam appellat, licet inquit Doctor, propriè non sit habitus conclusionis.

Obijciat quarto Doctor subtilis loco laudato num. 6. aperte docet, quòd Christus profecit in cognitionem rerum naturalium: ait enim: Illa cognitio intuitiva in genere proprio actualis, vel habitualis, non potest dari illi animæ de omnibus; & quoad hoc necesse est dicere, quòd profecit sicut & alia anima, quia alia, & alia objecta alio, & alio modo cognovit, &c.

Respondet Doctor non aliud velle, quàm quòd Christum non cognoverit omnia per scientiam intuitivam mediamentibus speciebus infusus, immo quòd nec etiam novit contingentia quia species infusæ cum æquè repræsentent rem absentem, ac præsentem, & illam semper eodem modo exhibeant, non possunt deservire ad cognitionem certam, & intuitivam rerum contingentium, & præsentium, unde necessarium fuit, quòd Christus res contingentes, vel novit in Verbo, vel earum scientiam acquisierit. Unde colligit Doctor, quòd ut Christus haberet scientiam intuitivam, & experimentalem de rebus, necessarium fuit, ut illam sibi compararet per proprios actus, & per phantasmata, ac species desumptas ex sensibus: Quia, inquit *ibidem*, de re præsentem non tantum relinquitur species sensibilis in phantasia, sed aliqua in potentia memorativa, & illæ potentie cognoscunt objectum sub alia, & alia ratione: nam una cognoscit objectum secundum se absolute, apprehendendo quidditatem ejus; alia apprehendit objectum, ut in præterito apprehensum: ita quòd apprehensio præterita, est immediatum objectum, & objectum immediatum illius apprehensionis præteritæ est objectum mediatum recordationis. Ita etiam præsentem aliquo sensibili sensui potest virtute illius causari in intellectu duplex cognitio: una abstractiva, qua intellectus agens abstrahit speciem quidditatis, ut quidditas est, à specie in phantasmate, quæ repræsentat objectum absolute, non ut existit hic, & nunc, vel tunc: & alia potest esse in intellectu cognitio intuitiva, quæ cooperatur intellectui, & ab hac potest derelinqui habitualis cognitio intuitiva importata in memoriam intellectivam, quæ

quæ sit, non quidditatis absolute; si-
cuius fuit alia, sed cogniti, ut existens:
quando in præterito apprehendebatur,
ut præterit. Hoc modo Christus per ex-
perientiam didicisse dicitur multa, hoc
est per cognitiones intuitivas, id est il-
lorum cognitorum, quantum ad exi-
stentiam, & per memorias derelictas ab
eis. Ita Doctor. Quibus aperte docet,
quod equidem Christus profecerit in scien-
tia experimentalis, & intuitiva, non vero
habituali, & abstractiva.

COROLLARIA.

EX his collige primò, per scientiam acqui-
sitam Christum novisse quidditates om-
nium rerum existentium; nam species, &
quidditates sunt numero finitæ, & conse-
quenter facili negotio poterant omnes ab in-
tellectu Christi percipi, imò novit etiam no-
bilissima totius rerum universitatis individua:
cætera autem, quorum notitia non maxime
conducebat ad illius scientiæ dignitatem,
non est inconveniens asserere ipsum per
illam scientiam acquisibilem sibi infusam
non novisse, sed dumtaxat per scientiam
experimentalem, vel intuitivam.

Collige secundò, ipsum non habuisse noti-
tiam illam de rerum quidditatibus per species
universales, quas sibi successu temporis ac-
quisierit, ita quod simul, & semel dupli-
cem de rebus habuerit cognitionem acqui-
sibilem: unam quidem per accidens infusam,
alteram verò proprio studio, & labore com-
paratam. ut vult S. Thomas, quia ut subtili-
ter arguit Doctor, Argumento ad hominem,
duo accidentia ejusdem speciei, & solo nu-
mero distincta non possunt esse in eodem
subiecto secundum doctrinam S. Thomæ, sed
notitia infusa per accidens, & acquisita per
se, de uno, & eodem objecto specie, sunt
duo accidentia ejusdem speciei, & solo nu-
mero distincta; quia vel sunt species, vel
similitudines illius objecti, quarum una
est habita per infusionem, & alia com-
parata per acquisitionem, vel habitus, qui
non plus distinguuntur, quam species: er-
go non possunt in doctrina S. Thomæ dari
scientia infusa, & acquisita de uno objecto
in eodem intellectu: at secundum S. Tho-
mam, erat jam in intellectu animæ Christi
scientia infusa quidditatum non solum om-
nium supernaturalium, verum etiam natu-
ralium; ergo in ipso intellectu non est

admittenda earundem quidditatum scientia
acquisita.

Dicunt sortè Thomistæ: distingui scien-
tiam infusam, & notitiam acquisitam de
eodem objecto, sicut distinguuntur scientia
matutina, & vespertina, seu scientia in
Verbo, & in genere proprio, possunt au-
tem dari de eodem objecto specie scientiæ
matutina, & vespertina: ergo & scientia
infusa, & acquisita. Verum

Respondet Doctor, disparere longe esse ra-
tionem, quia scientia matutina, & scien-
tia vespertina comparantur per diversam mo-
dia, seu per diversas rationes: matutina
nimirum per verbum, quod est objectum
cognitum, & ratio cognoscendi: Vesperti-
na verò per propriam similitudinem crea-
tam infusam, vel acquisitam, quæ non est
objectum cognitum: sed solum ratio cognos-
cendi, at scientia infusa, & acquisita, quas
admitit S. Thomas de uno, & eodem ob-
jecto specie, nec penes objectum, nec penes
rationem quæ, nec penes rationem sub qua,
nec penes rationem per quam distinguun-
tur, sed penes varias causas efficientes dum-
taxat, quæ non sufficiunt ad constituen-
dam distinctionem specificam inter aliquos
effectus: ideo quantumvis de uno specie
objecto dari possint notitia matutina, &
vespertina, tamen dari non possunt scien-
tia infusa, & acquisita.

Confirmantur hæc omnia: nam si duæ co-
gnitiones ejusdem planè speciei essent in
Christo, vel utraque esset imperfecta, vel
utraque perfecta, vel saltem alterutra: di-
cere autem ambas imperfectas est ponere
imperfectiorem in cognitionibus Christi si-
ne necessitate: ponere verò utramque per-
fectam, est dicere alteram quoties objectum
aliquod perfecte cognoscitur, esse super-
fluum; quia quando cognoscitur quantum
est cognoscibile per aliquam cognitionem
superfluit alia cognitio, quæ postmodum
datur de eodem objecto. Dicere tandem
aliquam illarum esse perfectam, aliam im-
perfectam, hoc videtur gratis dici, quia
utraque probari potest esse perfecta in ge-
nere suo.

Colligit tandem, Christum nihil didicisse,
nec ab hominibus, nec ab Angelis: Pri-
mò, quia non fuit conveniens eum doceri
ab illis; quorum est Doctor, & non discipu-
lus, atqui Christus erat hominum, & An-
gelorum Doctor, & non discipulus. *Secundò*,
ille propriè discit, qui cum aliquid igno-
raret,

ratet, ejus notitiam accepit à scienti, & cum non habeat ex se principium sufficiens, acquirit species dependenter à conceptu magistri per eum sibi explicato, qui velut quoddam lumen illum illuminat, & determinat: Christus autem non illuminabatur ab Angelis, neque ab hominibus: sed cum ab eis aliquid audiebat, habebat se instar præceptoris, cui discipulus ex libro legere a, quæ sciebat.

Dices: Acquirere scientiam ab homine docente, videtur esse nobilior, quam acquirere illam à rebus sensibilibus; quia in anima hominis docentis sunt species intelligibiles in actu; in rebus autem sensibilibus sunt species intelligibiles solum in potentia: sed Christus accepit scientiam acquisitam à rebus sensibilibus.

Respondeo Dignius esse accipere scientiam à rebus sensibilibus, quam ab homine: *Primò*, quia creaturæ sensibiles sunt velut Dei voces, ideoque ab eis abstrahere species est doceri per Deum: *Secundò*, quia scientia, quæ habetur ex rebus sensibilibus, acquiritur per modum inventionis absque alterius adjumento, & ex propriis viribus; quæ autem ab hominibus, acquiritur ex adjumento docentium.

Dices secundò. Quilibet audiens sermonem significativum alicujus, potest cognoscere, quod nescit; ergo Christus potuit addiscere ab hominibus, quæ secundum hanc scientiam nesciebat.

Respondeo antecedens verum esse, nisi eo ipso tempore, quo audit, alio modo cognoscat illud, de quo audit, vel tempore antecedenti cognoverit: ita verò se habet Christus, qui cum per scientiam acquisitam cognoverit omnia, quæ secundum locum, & tempus conveniebat illum non ignorare, ex consequenti ab hominibus non novit, sed per experientiam, atque ministerio sensuum, statim, ac cognosci ab eo conveniens fuit.

Dices tertio. Lucæ 22. habetur, quod Christo in horto apparuit Angelus confortans eum: sed confortatio fit per verba confortatoria docentis juxta illud Job 4. *Ecce docuisti plurimos, & manus lassas roborasti, vocantes confirmaverunt sermones tui:* ergo Christus ab Angelis edoctus est.

Respondeo, dubitatum aliquando fuisse de veritate hujus historię à Catholicis nonnullis, ut patet ex S. Hilario libr. 10. de Trinit. & Hieronymo lib. 2. contra Pelagia-

nos, qui scribunt, quod suis temporibus in Græcis, & Latinis codicibus non inveniebatur. Et Epiphanius ipse in Anchorato, testis est ex orthodoxis, & piis nonnullos simplici zelo, sed non secundum scientiam, illam historiam à suis codicibus erasisse, quia timebant ne faveret Arianis. Assenserunt illis Anabaptistæ. Verumtamen certa esse debet: maximè à tempore Concilii Tridentini, cujus hæc est definitio, Sess. 4. *Si quis autem libros istos integros cum omnibus suis partibus prout in Ecclesiæ Catholica legi consueverunt, & in veteri vulgata editione habentur, pro sacris Canonicis non susceperit, anathema sit.* Et certè Epiphanius loco citato, & Augustinus lib. 3. de consensu Evangelistarum cap. 4. hunc locum Lucæ ut Evangelium agnoverunt, & alii. Non negavit ipse Hilarius non Hieronymus, quare supposita ejusdem loci veritate,

Respondeo duobus modis. *Primò*, Angelum dici confortasse Christum, non quia robur illi addidit, sed quia virtutem, ac robur animi ipsius laudavit. Ita S. Chrysostomus Homil. de Trinit. Quo pacto ab Angelo robur accipiebat? Non robur accipit, sed glorificationem Angeli dicentis: *Tuum est regnum, & imperium, Domine.* In eodem sensu est Epiphanius suprâ. *Secundò*, confortari dicitur ab Angelo, sicut amicus solet levare amici tristitiam verbis, & colloquio familiaris; etiamsi nihil prorsus doceat amicum: confortari autem se ab Angelo permisit Christus, inquit SS. Patres, tum ut doceret veritatem humanæ naturæ, quæ inferior est Angelica, sicque in nobis fides Incarnationis ipsius confirmaretur: tum etiam ut doceret homines hac ratione utilitatem orationis.

ARTICULUS TERTIUS.

De defectibus, & passionibus corporis, & animi à Christo Domino assumptis.

Homo post lethale peccati vulnus tot, ac tantis defectibus, ac morbis, tum in corpore, tum in anima laboravit, ut reverà omnium prorsus infirmitatum, ac dolorum videatur esse receptaculum. Præ cæteris autem defectibus, quibus maximè vexatur, & inquinatur, tres veluti aliorum omnium scatutignes apparent; duos quidem in anima, nempe ignorantiam in intellectu, & pronitatem ad peccatum

ex ejus affectu vitiatum: alterum verò in corpore, nempe passibilitatem, & ad morbos, ac mortem proclivem conspiciere licet: Quoniam autem Christus, inquit Apostolus ad Heb. 2. *debut per omnia fratribus simulari ut miseris fieret, & fidelis Pontifex ad Deum, ut reproperaret delicta populi*: Idcirco merito quaerunt Theologi, an reverà Christus assumpserit omnes tam humani corporis, quàm animi defectus; quas utique difficultates tribus in sequentibus quaestionibus absolvemus.

QUÆSTIO PRIMA.

Utrum in Christo fuerint defectus, & passiones humani corporis.

Notandum primò, defectus humani corporis duplicis esse generis: quidam enim purè naturales sunt, & vitii expertes, ut sunt fames, sitis, lassitudo, &c. alii macula quadam turpitudinis infecti, ut est concupiscentia, morbi, & quæ propriè *passionum* vocabulo censentur. Insuper naturales illi defectus alii sunt generales, ac universo hominum generi convenientes, quales sunt, motus, fames, sitis, &c. alii verò speciales in aliquibus dumtaxat hominibus reperiuntur, habentque particulares causas, ex quibus oriuntur, cujusmodi sunt lepra, morbi, deformitas, &c. Hi autem defectus speciales à variis causis oriuntur; sunt enim, vel à natura contracti, ratione scilicet deficientis virtutis formatricis, quales sunt illi morbi, quos appellant hæreditarios, puta corporis imbecillitas, alicujus partis carentia, deformitas, &c. vel ex celi, & aeris intemperie, vel denique ex inordinatis affectibus, & actionibus hominum, ex quibus ingentes quotidie, ac varii morbi suboriuntur. Queritur itaque, an omnes ejusmodi defectus tam generales, quàm speciales Christus habuerit.

Notandum secundò, seu potius ex dictis repetendum, veram in Christo carnem fuisse, ac nostræ similem in omnibus, quantum ad naturalia, excepto peccato, ejusque contagione; nam ex semina concepta, genitioque est, neque è cælo lapsa; nec omnino impassibilis, ut volebant quidam *Acephali*, qui hac occasione duas infestissimas divisi sunt, cum alii, auctore *Severo*, Christi corpus, dum in terris viveret passione, tentatum, ac corruptelæ, & patibulationi obnoxium

Frassen Theol. Tom. VII.

fuisse dicerent: Alii ex adverso pugnantes, negarent hæc illum reverà pertulisse, quorum dux fuit *Julianus Halicarnassensis*, ac postea *Gajanus*. Vixit autem Gajanus sub Zenone Imperatore circa annum 476. Julianus verò sub Phoca Imperatore circa annum 604. Insuper, nonnulli è vecordis progressi sunt, ut Christum putarent corporalem magnitudinem non habuisse secundum carnem, sed absque mole, & incorporaliter eum super mare deambulasse, quam etiam fuisse Theodoretum Pharasitæ Monachum sententiam in Lateranensi Synodo, *Consultatione secunda*, Martinus primus testatus est. Quinimò refert Leontius Bisanticus in lib. 2. de tribus, quos contra Eutychnianos, & Nestorianos edidit, quòd quidam catholicè sentientes de duobus Christi natutis, tamen cum Eutychnianis sentiebant, in eo, quòd Christi corpus ante resurrectionem incorruptibile fuisse jactarent. Porro hi hæretici dicti sunt *Apbithariolæ*, à præpositione græca, *α*, quæ significat *sine*, aut *non*, & à voce *απὸ*, quæ denotat corruptioni, & morti obnoxium, & à verbo *δολῶ*, quod latine idem est, ac opinor, cò quòd opinarentur corpus Christi, nec morti obnoxium, nec passibile esse.

Cæterum, ut scribit Nicephorus lib. 18. historię cap. 45. Catholici, qui his hæreticis adversabantur, eos *Phantasiastas*, & *Manichæos* nuncupabant, cò quòd viderentur asserere corpus Christi solim esse apparens, & phantasticum; è contra verò hæretici insultabant Catholicis, eosque *Phthartolatri*; quasi adorantes corpus corruptioni obnoxium appellabant, eos etiam dicebant, *Scynolatri*; quasi tabernaculi adoratores: imò, quod longè pejus est, hic error hæreticorum usque adeo aliquando placuit Justiniano Imperatori, aliàs pio, & catholico, ut publico edicto jussisset in Ecclesia Dei doceri corpus Christi incorruptibile semper fuisse, nec unquam irreprehensibiles passiones habuisse, sicut scribit Nicephorus lib. 17. cap. 29.

Notandum tertio, omnes Catholicos convenire, non fuisse necesse, quòd ut Christus Dominus sufficeret Deo Patri pro peccatis satisfaceret, penas damnatorum patretur, ut impiè blasphemaret Calvinus lib. 2. suarum institutionum cap. 16. §. 10. Enim verò si Christus assimere debuisset, & pati penas damnatorum, maxime ut nos ab ipsis liberaret; ac potius nos ab ipsis penas

Bb

cri-

eripere etiam illas non patiendo, sed alias æquivalentes; non quidem secundum proportionem doloris, sed secundum dignitatem personæ patientis, & satisfaciendis; subindeque nulla est ratio, nullaque auctoritas, quæ tantillum Calvini blasphemiz patrocinetur. Nulla, inquam, auctoritas. Nam quod ex Isaïæ cap. 33. profert, nempe quod Christus attritus est propter scelera nostra, & verè languores nostros portavit, non sic intelligendum venit quasi eisdem pati debuerit cruciatus, quos eramus passuri in inferno, sed dumtaxat, quod pro nostris expiandis peccatis, reverè adorandus ille Salvator doloribus, ac morti fuerit additus. Nec etiam ei quidquam faver id, quod profert ex Apostolo ad Hebr. 4. ubi Christus dicitur *tentatus per omnia pro similitudine carnis absque peccato*; nam particula, *omnia*, non intelligitur de omnibus penis, quas homines peccatores luere debent in vindictam sui criminis: sed tantum de ærumnis, & calamitatibus hujus vitæ. *His ita præmissis*, tria supersunt determinanda. *Primum*, an Christi corpus reverè fuerit passibile, & obnoxium defectibus communibus, quibus subjiciuntur ceteri homines. *Secundum*, an habuerit morbos privatos. *Tertium*, an habuerit defectum deformitatis.

CONCLUSIO PRIMA.

Christi Domini corpus reverè fuit passibile, & obnoxium dolori sensitivo, ac communibus hominum defectibus. Hæc est de fide, ejus contrarius error damnatus est in Concilio Ephesino Anathematismo 12. Colligitur autem ex variis Scripturæ sacræ textibus: *Primò*, quidem Isaïæ 53. ubi Prophetæ de Christo promunt: *Verè languores nostros ipse tulit, & dolores nostros ipse portavit*, &c. Hinc Matthæi 4. legimus, quod postquam jejunasset quadraginta diebus, & noctibus, postea esurit. Et Joan. 4. Jesus autem fatigatus ex itinere, sedebat sic supra fontem, &c.

Idem egregie docent veteres Theologi, ac SS. Patres, dicentes, quod sicut reverè Christus mortuus creditur, ut nemo Christianorum dubitat, multo magis passus est affectiones cæteras, quæ mortem antecedunt, & asserunt, ut rectè argumentatur Tertullianus lib. 2. contra Marcionem c. 27. *Jam nunc*, inquit, ut & cætera compendio

absolvam, quæcumque adhuc, ut pusilla, & infirma, & indigna colligitis ad destructionem creatoris, simplici, & certa ratione proponam: Deum non potuisse humanos congressus intrare, nisi humani, & sensus, & affectus suscepisset, per quos vim Majestatis suæ intolerabilem utique humane mediocritati, humilitate temperaret, sibi quidem indigna, homini autem necessaria; & ita jam Deo digna, quia nihil tam Deo dignum, quam salus hominis. Si enim Deus, & quidem sublimior tanta humilitate fessigium Majestatis suæ stravit, ut etiam morti subiceret, & morti crucis; cur non putetis, nostro quoque Deo aliquas pusillitates congruisse, tolerabiliores tamen Judaici contumelias, & patibulis, & sepulchris? Sic S. Athanasius in lib. de Incarnatione: Corpus, ait, Christi commune habens cum cæteris substantiam; quippe corpus erat humanum, tamenis novo, & insulato miraculo ex sola Virgine constitutum, nihilominus mortale cùm esset, idem ut alia similia, mortem obiit. Ut enim scribit Ambrosius, qui corpus suscepit, omnia debuit subire, quæ corpori sunt; ut esuriret, friveret, angeretur, contristeretur. Et S. Leo, salva igitur proprietate utriusque substantiæ, & in unam carne conjunctæ, suscipitur a Majestate humilitas, a virtute infirmitas, ab eternitate mortalitas, & ad respondendum nostræ conditionis debitum, naturæ inviolabilis naturæ est unita passibili. Tum S. Fulgentius, Et carnem quidem nostram cum conditione humane mortalitatis induit; animam quoque nostram cum infirmitatibus sine macula humane infirmitatis accepit. Et idem alio loco, animæ tristitiam, & perturbationem, quam voluntariam in anima Dei Filius habuit, sic habuisse dicit, ut etiam ipsa humane animæ passionem ex voluntate veras, & in veritate voluntarias non neget. Et quia Divinitas verum hominem suscepit, idcirco cunctas naturæ humane infirmitates, veras quidem, sed voluntarias in eadem veritate naturæ dumtaxat humane sustinuit.

Eandem veritatem, inquit Vasquez, hoc sequenti argumento probabant veteres catholici Theologi; ut refert Nicephorus lib. 17. cap. 29. Si Christus non habuit corpus passibile, nec sensum passionis; sequitur Christum non esse nobis *similem*, hoc est *consubstantialem*; ita arguit Damascenus lib. 3. de fide, cap. 28. Verum hæretici, ut narrat idem Nicephorus, respondebant hoc modo: Quomodo vos corpus Christi incernu-

ptibile esse dicitur post resurrectionem, nobis tamen consubstantiali; sic etiam, & nos ante resurrectionem dicimus fuisse incorruptibile, consubstantiali tamen nobiscum. Obijciebant verò rursus Catholici, corpus Christi post resurrectionem esse incorruptibile, nobis tamen consubstantiali, illud verò incorruptibilitatem habere ex Dei gratia, non natura sua. Verum respondebant iterum hæretici: *Nos etiam non natura, sed Dei gratia dicimus ante resurrectionem fuisse incorruptibile, & tamen nobiscum consubstantiali.* Hoc tamen refellebant Catholici ex iis, quæ in Scriptura de Christo dicuntur; nam cum dicatur ante resurrectionem esurisse, non possumus non sensum famis in Christo concedere; quamvis enim post resurrectionem dicatur comedis, non tamen dicitur esurisse, quod longè diversum est; fames enim est dolor quidam in ore stomachi ex melancholia proveniens; dolor autem sensus exterioris est adhæsiō cuiusdam qualitatē disconvenientis naturæ. *Addē etiam pro ratione Catholicorum, quod si corpus Christi ante resurrectionem, & post illam per gratiam Dei esset incorruptibile, & impassibile, otiosa videretur illius susceptio, quod nunquam in suo statu naturali relictum fuisset, præsertim sic, quæ facta narrat Evangelium in corpore Christi, non velle, sed solum secundum phantasiam gesta sunt.* Ita Vasquez ex Nicephoro.

Quod autem Christus Dominus congruē assumpserit defectus, & passionēs humani corporis, luculenter probat Seraphicus Doctor in 3. dist. 15. art. 1. qu. 1. triplici ratione petita ex triplici fine, propter quem Christus humanam carnem induit, videlicet propter pretium nostræ salutis, propter exemplum virtutis, & propter sulcimentum nostræ fragilitatis. *Propter pretium nostræ salutis*, quia proposuerat nos redimere non corruptibilibus auro, & argento, sed pretiosissimo sanguine suo, & animam suam ponere pro animabus nostris. *Ad hoc autem non esset idoneus, nisi naturam deficientem, & passibilem assumpsisset, & propter defectus nostros, & penalitates debuit in seipso habere.* Alia etiam ex causa congruum fuit hoc ipsum; videlicet *propter exemplum virtutis*, specialiter autem humilitatis, patientiæ, & pietatis, quibus mediantribus pervenitur ad cælum, & in quibus Christus voluit nos imitari ipsum secundum illud, Discite a me, quia

mitis sum, & humilis corde, &c. Tertia ratio est *propter sulcimentum nostræ fragilitatis*, ob quam inquit, natura rationalis habet in se difficultatem ad credendum vera, & irascibilis ad sperandum ardua, & concupiscibilis ad amandum bona. Et ideo voluit Christus non tantum nobis similari in natura, sed etiam in defectibus, & penalitibus, ut manifestando in se veritatem humanæ naturæ, præberet sulcimentum nostræ rationali ad credendum: ostendendo nihilominus immensitatem suæ misericordiæ, per susceptionem nostræ miseriz, præberet irascibili sulcimentum ad sperandum, ostendendo magnitudinem suæ benevolentiz, præberet concupiscibili incitamentum ad se amandum. Et ideo licet incongruum videatur ejusmodi defectus reperiri in Christo, si per se considerentur; tamen si ad finem referantur, magna reperitur congruitatis decentia.

Obijciēs primò. Sicut summæ justitiæ repugnat effectus culpæ, sic summæ potentiz repugnat defectus fragilitatis, & impotentiz: sed Deum summè justum non decuit habere defectum culpæ nec in se, nec in natura assumpta: ergo pari ratione non decuit eum habere defectum penalitatis, & impotentiz.

Distinguit majorem. Seraphicus Doctor ibidem. Utrumque ex æquo repugnat, si tam infirmitas, quàm culpa comparetur ad naturam divinam, concedit; in natura enim divina sicut nulla potest esse injustitia, sic nulla potest esse impotentia: si utrumque comparetur ad naturam assumptam, negat: siquidem in natura assumpta, infirmitas potest esse materia exercendæ virtutis, virtus enim fortitudinis exercetur potissimè in perpeccatione terribilium, eorum maximè, quæ mortem inducunt; unde respectu naturæ assumptæ non eodem modo se habet fragilitas respectu potentiz, ac vitium respectu justitiæ; vitium enim quovis modo accipiat, reddit semper subjectum vituperabile, infirmitas verò, & impotentia reddit subjectum magis laudabile, quando conjuncta est inferiori virtuti animi ad meritum conferenti.

Obijciēs secundò. Sicut culpa, quæ non habet penam subsequenter, non confectur ordinata ex justitia; ita & pena, quæ non habet culpam præcedentem: at defectus, &

pœnalitates in Christo nullam habent culpam præcedentem: ergo ordinari ipsi non possunt inesse: sed Christus nihil in se potuit habere inordinatum: ergo nec potuit habere defectus, & pœnalitates.

Distinguit majorem idem Seraphicus Doctor. I. cœna, quæ non habet culpam præcedentem, est inordinata, sicut cœnæ, & involuntariè infligatur, concedit: si voluntariè, & ex charitate suscipiatur, negat: Christus autem non ex necessitate, sed ex infinita charitate pœnalitates assumptis assumendo corpus mortale: siquidem ipsi liberum erat assumere corpus gloriosum, & impassibile, sed ut suum imminens erga homines amorem testaretur, voluit per omnia fratribus assimilari pro similitudine carnis absque peccato: unde Apostolus ad Heb. 12. hortatur ut *per patientiam curramus ad propositum nobis certamen, aspicientes in auctorem fidei, & consummatorem Jesum, qui propositio sibi gaudii sustinuit crucem, confusione contempta.*

*Obijciens tertius S. Hilarius, qui in lib. 10. de Trinit. aperte docet Christum quæ hominem, doloris, sumis, ac scitis cæterarumque pœnalitatum, quibus corpora nostra consistunt, reverà nullum sensum habuisse: sed ad speciem dumtaxat, & secundum apparentiam. Disputans enim contra quosdam Arianos, qui ut I. Iulium Patri anteriorem, & non ei consubstantialem probarent, dicebant, qualemcumque illius Divinitatem patiendi capacem, ac reverà passam esse: & sic dolorem, tristitiam, & metum, & similia non ad susceptam à Verbo naturam hominis, sed ad ipsam illius divinitatem accommodabant. Contra hos, inquam, disputans S. Hilarius ait: *Volunt plerique eorum ex Passioni motu, & ex infirmitate patiendi, non in naturam eum impassibilem Dei fuisse, ut qui timuit, & doluit, non fuerit vel in ea postulate securitas, quæ non timuerit: vel in ea Spiritus incorruptione, quæ non dolet, sed inferioris à Deo Patre naturæ, & humane passionis trepidaverit metu, & ad corporalis pœnæ congenuerit atrocitatem.* Deinde proferens Scripturæ textus, quibus tristitia, vel metu Christum Dominum laborasse perhibetur; ostendit eum non habuisse causam metuentis mortis, aut pœnalitatis, utpote cum sciret suum corpus non esse pœnalitati obnoxium, nec corruptione dissolvendum, quod ut demonstrat, subdit: *Homo itaque Jesus Christus, in-**

quit, Unigenitus Deus per carnem, & Verbum, ut hominis filius, ita & Dei Filius, hominem verum, secundum similitudinem nostri hominis deficiens à se Deo, sumpsit: in quem, quamvis aut idus incidere, aut vultus descenderet, aut nodi concurrerent, aut suspensio elevarer; afferret quidem hæc impetu Passioni, non tamen dolorem Passioni inferrent: ut telum aliquod, aut aquam perforans, aut ignem compungens, aut aera vulnerans, sed naturam suam in hæc passio illata non retinet; dum in natura non est, vel aquam forari, vel pungi ignem, vel aera vulnerari: quamvis natura teli sit vulnerare, & compungere, & forare. Passus quidem Dominus Jesus Christus dum cæditur, dum crucifigitur, dum moritur: sed in corpus Domini irruenti Passio, nec non fuit Passio, nec tamen naturam Passioni extrinsecus; cum & pœnalis ministerio illa deseruit, & virtus corporis sine sensu pœnæ, vni pœnæ in se deservienti excepta.

Profert autem rationem cur censuerit corpus Christi non esse vulnerabile, sicut nostra corpora, nempe quod longè excellentioris fuerit perfectionis, & formationis, quàm nostra corpora. *Habuerit sane illud, inquit, Domini corpus doloris nostri naturam, si corpus nostrum id naturæ habet, ut calceat undas, & super fluctus eat, & non degravetur ingressu, neque aqua insistentis vestigiis cedant; penetraret etiam solida, nec clauis domus obstaculis arceatur: at verò si Domini corporis ista natura sit, ut sua virtute, sua anima feratur in humidis, & insillat in liquidis, & extrusa transcurrat, quid per naturam humani corporis concepta ex Spiritu sancto caro judicatur, &c.* Quibus aperte significat illam indolentiam corporis Christi ex naturæ suæ statu, & conditione procedere; quapropter neque vim suam ferrum in illud exercere potuit, nec alia incutiendi doloris instrumenta quidquam nocummenti potuerunt conficere.

Quod autem ea fuerit sancti Hilarii sententia, aperte fateatur Claudianus Mammetus in lib. 2. de statu animæ, ubi loquens de sancto Hilario ait: *Inter complura præcellensurum disputationum iurium quiddam latius sentienti duo hæc veris advocata diffuisse: unum quod nihil incorporeum creatum dixit: aliud nihil doloris Christum in Passione sensisse, cujus si Passio vera non fuit, redemptio quoque nostra vera esse non potuit. Sed quando B. Hilarius opinionis hujusce vitium virtute confessionis abolevit, sic sustinet reprehensionis*

sanis stylis, quod non patitur detrimenta meritorum.

Verum eximii Theologiæ proceres hujus Ecclesiæ luminis, ac fidei defensores, & columinis doctrinæ sanæ, & integram servare eò laborant attentius, quòd audierint S. Hieronymum epistola 7. quæ est ad Lætam suadere, ut *Hilarii libros inoffenso decurrat pede*. Igitur Magister sententiarum dist. 15. & S. Thomas 3. par. qu. 13. art. 3. ad 1. sic explicant præfatam S. Hilarii sententiam, ut censent illius mentem esse, quòd Christus non senserit dolorem infligendum, propter peccatum; unde eum doloris causam, & meritum in se non habuerit, nec etiam excepit vim pœnæ cum sensu pœnæ: Hoc autem illius verbis expressum fuisse docent, cum ait: *Non habens naturam ad dolendum*: non enim natura illius æstimanda est ex conditione nostræ naturæ; cum ista inusitato modo procreata sit. *Alensis* verò qu. 17. memb. 1. art. 2. ita explicat, ut velit S. Hilarium nihil aliud docuisse, quàm quòd Christus non senserit dolorem, nisi ad arbitrium voluntatis; ita quòd nec dolendi, nec timendi necessitas in illo fuerit, qualis in nobis. Hinc dolorem sensui non invidit, sed voluntate susceptum. *Seraphicus Doctor* dist. 16. art. 1. quest. 1. ad 1. profert tres responsiones. *Primam* quidem, eam, quam tradit Magister sententiarum, nempe, quòd Hilarius non vult ostendere Christum non habuisse verum dolorem, sed non habuisse causam doloris: *alteram*, quòd Hilarius non excludat sensum doloris à Christo secundum naturam humanam, sed secundum divinam; unde verba illa referenda sunt ad Christi personam, intelligentia enim dictorum, inquit, ex causis est æstimanda dicendi. Hilarius enim in verbis præmissis excludere voluit errorem Arij, qui dicebat Christum secundum se totum passum fuisse.

Verum, si quis attentè consideretare velit Hilarii verba, non omnino illa quadrare in has interpretationes sentiet. Non quidem *primam*: Etenim si hoc tantum demonstrare voluisset Hilarius, naturam Christi corporis ejusmodi fuisse, ut ex se dolore nullum caperet, etsi confossum, perforatumque esset: cur non etiam negaret idem corpus fauciatum, ac trajectum fuisse? si quidem corpora gloriosa, & impassibilia non minis sunt vulneris expertia, quàm doloris.

Fraffen Theol. Tom. VII.

Deinde, si Christi corpus idcirco sentienti doloris fuit expert, quia doloris causam, nempe peccatum non habuit, cur igitur mortem pariter non effugit? Illa enim cruciatus quovis, & sensu acerbior, primum peccati stipendium est: non denegat autem Hilarius, nec Catholicus quivis Christum reverà mortuum fuisse, etsi peccatum mortis causam non habuerit: igitur nec sentite potuit ipsum fuisse doloris expertem, quòd peccato caruerit: Nec etiam *secunda* exceptio Hilarii menti quadrare potest; quamquam enim reverà ibidem pugnet adversus Arianos, qui dolorem Christi in ejus Divinitatem refundebant; nihilominus non Divinitatem ipsam, sed corpus vacuum doloris apertè pronuntiat Hilarius.

Malim igitur ingenuè manus dare cum *Bellaymino* lib. 4. de Christi anima cap. 8. & plurimis aliis, quos refert *Vasquez* dist. 59. cap. 1. reverà præclarum istud Ecclesiæ lumen hac in parte eclipsim passum esse, sed multiplicato demum luminis splendore radiantior per suam retractationem apparuisse; nam *Seraph.* Doctor *ibidem* refert, *Audivi Parisiensem Episcopum Guillelmum referre se librum retractationis Hilarii vidisse, & perlegisse*. Hoc ipsum de libello, in quocororem retractaverit Hilarius docent S. Thomas in 3. dist. 15. & Albertus *ibidem*, & Claud. Mammertus supra.

Licet autem hic retractationis liber modo non appareat, & temporum injuria perierit: Nihilominus S. Hilarius contrariam præiori assertioni, ac verè Catholicam sententiam tenuisse, colligere licet ex ipsius commentariis in Psalmos, nam explicans Psalmum 68. ad hæc verba, *Salvum me fac Deus, quoniam intraverunt aquæ usque ad animam meam*, ita scribit: *Introcumbis enim aquis usque ad animam, subiectus maris crucis fiebat, cum passionem universarum imperius usque ad mortem animæ perumperet*: Et paulo post; *Verum in euntium horum passionum non aliunde, quàm ex assumptione carnis, & virginitate, & potestas: non enim incidere in Deum hic infirmitatem nostrarum terror valebat; aut excutere se, nisi carne corporis nostri, tamquam subjacente materia, potenter passionis; Et iterum: Percussus & Dominus peccata nostra suscipiens, & pro nobis dolens, ut in eo usque ad infirmitatem crucis, mortisque percusso sanitas nobis per resurrectionem ex mortuis redderetur*. Item, *Omnis in eum & itor, inquit, delevit in nos*

Bb 3

tem.

temporali incubuit, &c. Tunc & pati cepit, & mori posse, per occasum mortis in ima descendens. Et infra: Non fuit ergo in Unigenito Dei naturalis infirmitas, sed assumpta, quia propter Deum hæc impropria suscepit passionem. Quibus verbis revera dolorem, ac timorem suscepisse Deum, non natura sua, sed in assumpta carne restatur sanctus Hilarius. Et rursus asserit carnem ejusdem naturæ cum Adami carne post peccatum infirmam Deum assumpsisse, ac verè doluisse. Non pepercerat autem, inquit, primo illi de terra limo Adæ, quem de Paradiso post culpam, ne ligno vitæ attingens in eternitatem pænæ maneret, eiecit, ut naturam corporis ejus Adami de calis secundus assumeret, parique morte percussus, eam rursus in vitam æternam, sine pænæ eternitatis revocaret. Hunc igitur ita à Deo percussum persecuti sunt, super dolorem vulnèrum, dolorem persecutionis hujus. addentes: pro nobis enim secundum Prophetam dolet, & idè est in doloribus assumptus: Vides uti manifestè non vulnera solum, idest perforationes: sed & vulnèrum dolores pertulisse dicatur: quod ei planè contrarium est, quod in decimi libri de Trinit. loco scripsit.

Nec refert, quòd nullus Veterum hunc errorem in Hilario notaverit, nec quòd Latam moneret S. Hieronymus, ut ejus filia, Athanasius Episcopus, & Hilarii libros in offensa decurrat pede, illorum tractatibus, illorum deleatur ingenii, in quorum libris pietatis fidei non vacillet: non enim omnes errores, in quos lapsi sunt aliqui ex Patribus, ab aliis notati sunt: Unde fieri potuit, ut illum etiam præterierit, nec observaverit S. Hieronymus. Vel dico frustra hunc errorem ab illis debuisse notari, quem ipse S. Hilarius propria retractatione, & contrariis documentis expunxerat: hac enim ratione à sequentibus SS. Patribus, & Ecclesiasticis Scriptoris non sunt notati, nec damnati omnes lapsus S. Augustini, quos ipse in libris Retractationum emendavit.

CONCLUSIO SECUNDA.

Christus non assumpsit privatas dominum defectus, ut sunt infirmitates, lepra, &c. Probat, Christus eos dumtaxat defectus assumpsit, qui conducebant ad opus redemptionis: sed privatas infirmitates, & languores ad opus redemptionis non condu-

cebant, imò plurimum officiebant, quia pe fuissent in causa, cur Christus non potuisset vacare hominum conversioni, & prædicationi Evangelii: igitur non debuit illos defectus assumere.

Deinde, speciales illi defectus oriuntur, vel ex imbecillitate virtutis formativæ, vel ex inordinatis actionibus, vel ex peccati vindicta: sed nullo ex iis capitibus potuerunt illi defectus in Christo reperiri.

Obijcies primò illud vaticinium Isaiæ 53. ubi de Christo ita loquitur, Verè languores nostros ipse tulit, & dolores nostros ipse portavit, & nos putavimus eum quasi leprosum, & percussum à Deo, & humiliatum. Ipse autem vulneratus est propter iniquitates nostras, attritus est propter scelera nostra.

Respondet propheta non esse intelligendum de languoribus morbidis, aut peculiaribus infirmitatibus, quæ ex humani corporis intemperie suboriuntur, sed de istis languoribus, ac doloribus, quos Judæorum sevitia cruentè inflisit exceptis tempore passionis: tot enim plagis, totque vulneribus sacrum ipsius corpus laniatum est, ut verè hominibus appareret quasi leprosus, nec erat in eo species, neque decor.

CONCLUSIO TERTIA.

Christus non habuit defectum deformitatis, sed eximia pulchritudine, ac venustate fuit illustris.

Probat, primò illis Scripturæ sacræ oraculis, quibus Christus prænuntiatur singulari pulchritudine donandus. Sic Gen. 49. Pulchriores sunt oculi ejus vino, & dentes ejus lacte candidiores. Sic Psal. 44. dicitur, Speciosus forma præ filiis hominum: quem textum sacri Interpretæ de Christi Domini corpore venustate explicant. Quod utique confirmat Nicephorus lib. 1. Historie cap. 40. ubi narrat Christum fuisse speciosum, & pulchræ figuræ, qualis virum decebat: ita ut ejus pulchritudo esset cum gravitate, & honestate conjuncta: quocirca S. Hieronymus ad caput 53. Isaiæ formam Christi elegantissimam, & pulcherrimam extitisse testatur, adeo ut solo aspectu omnes se potenti illecebra traheret, Fulgor ipse, inquit, & majestas divinitatis occulte, quæ etiam in humana facie relucebat, ex primo ad se videntes trahere poterat aspectu. Probari potest pariter hæc veritas, ex eo, quod ab pulchritudinem hæc tria solum desiderantur, tempera-

mentum optimum, membrorum proportio; & debitus color, quæ tria fuisse in Christo satis indicat divina ejus virtus formativa. Etenim, quod in Virgine natum est, de Spiritu sancto est.

Obijci possunt adversus hanc conclusionem aliqui SS. Patres, & veteres Theologi: imprimis verò Clemens Alexandrinus, qui in *Pædagogico*, post multa de vera pulchritudine disputata, demum exemplo Christi probat eam in animo, & virtute, non in corporis elegantia collocari debere: *Quippe Dominum ipsum, ait, aspectu deformem fuisse, per Esaiam testatur Spiritus. Et vidimus eum, & non habebat speciem, nec pulchritudinem: sed forma ejus indecora præter homines. Et quis est Domino præstantior? Verum non ille carnis pulchritudinem, quæ specie quadam illudiz; sed veram animæ, corporisque pulchritudinem attendit; animæ quidem beneficentiam, carnis verò immortalitatem.*

Et in tertio *Seromaton*; caput ipsum Ecclesia Christum in carne, ait, specie carentem, & deformem transisse, ut nos doceret ad divini principii experiri speciei, & corporis statum respicere. Et in 6. libro, *Dominus*, inquit, non frustra voluit uti forma corporis, ne quæ elegantiam, & pulchritudinem admirans, ab his, quæ dicuntur, abstergeret. Sic apud Origenem Celsus Epicureus obijcit Christi corpus dici fuisse pusillum, & deformem, ac minime generosum. Cui Respondet Origenes, extra controversiam scriptum esse, Jesu corpus deformem fuisse, non tamen minime generosum, ut exponit ille.

Tertullianus quoque in libro de carne Christi cap. 9. carni Christi pulchritudinem detrahit, atque hoc ipsum magis admirabilem illum fecisse: *Sed carnis, inquit, terrenæ non miræ conditio. Ipsa erat, quæ cætera ejus miranda faciebat; cum dicerent, Unde hic doctrina, & signa ista? Etiam despicientium formam ejus hæc erat vox. Adde nec humanæ honestatis corpus fuit, neque celestis claritatis. Tacentibus apud nos quoque Prophetis de ignobili aspectu ejus, ipsæ passionis, ipsæque contumeliæ loquuntur: passionis quidem humanam carnem; contumeliæ verò inhonestam probaverunt. An ausus esset aliquis ungue summo perstringere corpus novum, illam sputaminibus contomixare faciem, nisi merentem? Idem, & capite 4. libri 14. contra Judæos significat.*

Verum respondeo præfatos Patres, & ve-

teres Theologos, leviori argumento inductos esse, ut hæc de Christo assererent; nam ista locus, quo maxime in sua assertionem nituntur, de Christo patiente, ac vulneribus sauciato, & laniato, non verò de naturali ejus corporis forma intelligendus est, ut explicat S. Chrysostomus supra laudatus, cum ait, *Non enim miracula dumtaxat faciens admirabilis erat, sed etiam cum simpliciter aspiceretur, ingens abundabat gratia, a quæ hoc Propheeta significans canebat: Speciosus forma præ filiis hominum. Quod autem Esaias dicit, Non habebat speciem, neque pulchritudinem, vel ad divinitatis gloriæ arcanam illam, & inexplicabilem respiciens ita loquitur: vel ea narrans, quæ passionis tempore contigerunt, nempe debilitationem illam, quam in cruce pendens sustinuit, & abiectionem, quam per omnia toto vitæ suæ tempore præ se tulit.*

QUÆSTIO SECUNDA.

Utrum in Christo fuerit aliqua ignorantia, aut aliquis error.

Cum error, & ignorantia sint humanæ mentis per peccatum vitia, & generales, & communes defectus, inde merito quaeritur an quemadmodum Christus communes singulis hominibus corporis penalitates cum ipso corpore induit, sic pariter illum humani intellectus defectum assumpserit. Quod ut evidentiùs appareat,

Notandum primò, ignorantiam generatim distingui duplicem, nimirum *pura negativam*, & *prava dispositionis*. Ignorantia *pura negativationis*, est simplex quadam nescientia, seu carentia cognitionis alicujus rei, quæ ratione dicimur etiam ignorare ea, quæ scire non tenemur: ignorantia autem *prava dispositionis*, est carentia cognitionis alicujus objecti, de quo rectum iudicium fieri tenemur. Hæc iterum duplex, secundum carentiam duplicis scientiæ, speculativæ, & practicæ. Ignorantia *speculativa* dicitur, quæ intellectus errat circa res merè speculativas, quæ ratione plerumque contingit nos errare circa veritatem scientiarum speculativarum: *Practica* verò est, quæ intellectus perversè judicat de agentibus, prosequendis, & fugiendis. Et hæc rursus est duplex, nempe invincibilis, & vincibilis. *Invincibilis* dicitur, quæ quis aliquid ignorat, quod non est in potestate

te ejus scire: sic invincibiliter aliquis ignorat, quo mortis genere debeat interire, nisi Deus ipsi revelaverit: *Vincibilis* est, qua quis aliquid nescit, quod scire posset si omnem moralem diligentiam adhiberet. Hæc iterum est duplex, nempe *affecta*, & *crassa*. Prima est, qua aliquid sponte vult aliquid ignorare ne scilicet teneatur illud implere, de quo loquitur David, cum ait; *Noluit intelligere, ut bene ageret*. Crassa est, qua quis non vult adhibere studium, & laborem, ut aliquid sciat, quod scire debet. Quæritur autem, an Christus aliqua ex his ignorantia laboraverit.

Notandum secundò, errorem posse distinguere duplicem; nimirum unum in intellectu, alterum in sensu: quod utique contingere potest dupliciter: videlicet, aut ex aliqua indispositione intrinseca sensus externi, vel interni, ad cuius phantasmatum præsentiam, & similitudinem intellectus agens eudit species intelligibiles: vel ex aliquo extrinseco: sic plerumque contingit, quod ex vitioso medio, vel nimia objecti distantia res aliter obijciatur sensibus, quam reverà in se existat. Resolvendum est itaque, an Christus utroque modo ab omni prorsus errore liber fuerit.

Notandum tertio, plurimos hæreticos stultissime errasse circa Christi Domini cognitionem; nam, ut refert S. Irenæus lib. 1. adversus hæreses cap. 17. Gnostici, qui Valentiniani dicti sunt, asseriebant Christum didicisse alphabetum sub sæcula præceptoris, eumque plurima ignorasse, & quæ noverat ab hominibus didicisse. Hos subsecuti sunt Agnoitæ, quorum dux, & pater fuit Theomistius, à quo etiam dicti sunt *Theomistiani*, qui, ut refert Sophronius in epistola ad Sergium, fuit ignorantiz pater, qui Christum verum Deum nostrum diem judicii nescisse delirabat. Porro Agnoitæ non asseruisse Christum secundum propriam naturam Verbi, & divinitatem ignorasse diem judicii, sed solum secundum humanitatem, constat ex Nicephoro lib. 18. Historiz cap. 30. de illis enim ait: *Hi dicunt, Deum quidem Verbum omnia nosse, humanitatem vero secundum substantiam ei unitam, permulta ignorare: nescire sanè horam, & diem mundi totius consummationis, utpote Patre minorem. Propterea, quod in Evangelio secundum Mattheum, & Marcum dicatur, de die autem illo nemo scit, neque filius hominis*. His

hæreticis accesserunt Lutherani, & Calvinistæ, qui, ut notat Canisius 3. lib. de *Maria Deipara* cap. 22. non solum docent Jesum ignorare diem judicii, sed etiam in pueritia communem cum aliis pueris ignorantiam habuisse: ut ita more ceterorum, sicut corpore, sic etiam scientia, & notitia rerum, & animi dotibus creverit. Imò eo progressa est eorum effrenata dicendi licentia, ut etiam ipsi jam adulto errorem, & ignorantiam tribuant; asserentes ipsum deceptum fuisse cum accedens ad sculneam, & in ea quærens fructum, folia tantum invenit, & etiam in horto oravit Patrem, & suam orationem postea corripuit. Verùm hos omnes errores hæc unica conclusione perstringo.

CONCLUSIO UNICA.

Christus nullo prorsus ignorantie genere laboravit, etiam quatenus homo. Hujus conclusionis veritas sufficienter probata manet ex his, quæ diximus de plenitudine Christi Domini scientia, qui enim omnium rerum existentiam, & futuram, ac præteritarum perfectissimam habebat notitiam, vel in Verbo per scientiam beatificam, vel in genere proprio per insulam, nulla rerum notitiæ vacuitate laborabat.

Confirmatur insuper ex Clemente Alexandrino in lib. *Pædagogico* cap. 6. ubi de baptismo Christi sic loquitur. *Sapienter ergo rogemus, Christum beatè regeneratus jam nunc esse perfectum, an, quod est absurdissimum, ei aliquid deest? sed si ita est, ut aliquid disceres opus fuit? sed eum cum Deus esset, nihil didicisse fuit consentaneum*. Absurdum igitur existimas, Christum defuisse aliquid, ut discere ei opus fuerit, loqui autem Clementem de Christo secundum humanitatem, manifestum est: nam subdit. *Neque enim quis Verbo major fuerit, sed neque Magister, ac Doctus est ejus, qui solus est Magister? An non ergo, vel p. viti fatiebatur, Verbum perfectum ex perfecto Patre natum, ex æconomica præordinatione esse perfecte regeneratum? Et si erat perfectus, cur qui erat perfectus, tingebatur? Oportebat (inquiunt) implere humanam professionem publicè, ita enim dico, simul ergo à Joanne tingitur, si perfectus scilicet: nihil ergo ab eo didicit? Nequequam: solo autem lavacro perficitur, & Spiritus advenit sanctificatur*.

Eandem veritatem, ac rationem probat
Sc-

„Seraphicus Doctor dist. 15. arr. 2. quæst. 1.
 „Christus, inquit; non habuit defectum
 „ignorantiæ, quia nec ipsum decebat,
 „quia anima ejus debuit esse deiformis, ac
 „per hoc repleta luce sapientiæ, & recti-
 „tudine justitiæ; ignorantia autem priva-
 „tio est scientiæ, & potest esse via in er-
 „rorem, & obliuationem à rectitudine
 „justitiæ, ac per hoc Christo non compe-
 „tebat. Nobis etiam non expediebat,
 „quos venerat redimere, & dirigere. Si
 „enim defectum ignorantie habuisset,
 „nos redimere nescivisset, quia si cæcus
 „cæco ducatum præbeat, ambo in foveam
 „cadunt. Et ideo nec ipsum decebat, nec
 „nobis expediebat, nec talem defectum
 „assumeret. Concedendum est ergo Chris-
 „tum defectum ignorantie nequaquam in
 „se habuisse. Ita S. Bonaventura.

„*Obijciat primò*, Christus infans, quamvis
 „esset Verbum, Parris, habuit defectum
 „eloquentiæ, & diviniæ potentiæ; ergo pa-
 „ri ratione quamvis esset Dei sapientia, &
 „virtus, habuit defectum sapientiæ, &
 „scientiæ.

„*Negat. paritatem* Seraphicus Doctor, &
 „rationem disparitatis profert, quòd defectus
 „eloquentiæ, & virium cum esset exterior,
 „deserviebat sicut & cætera infantiles in-
 „firmittates ad manifestandam veritatem natu-
 „ræ assumptæ, defectus autem sapientiæ,
 „cum sit interior ad nihil omnino deservisset.
 „*Addit*, quòd priores defectus sint mate-
 „ria exercendæ virtutis, patientiæ, & forti-
 „tudinis; defectus autem cognitionis ad nul-
 „lam omnino virtutem deservire potest, imò
 „à virtutis exercitio revocat: igitur non est
 „inter utrumque defectum paritas.

„*Obijciat secundò*. Inquisitio veritatis sup-
 „ponit illius ignorantiam: sed Christus Do-
 „minus pluribus plura inquisivit; nam Joan.
 „11. à fororibus Lazari requisivit, ubi nam
 „esset ejus sepulchrum, dicendo, *Ubi posui-
 „stis eum?* Et Lucæ 24. à duobus Discipulis
 „ambulantis in via quaesivit. *Qui sunt hi
 „sermones, quos confertis ad invicem ambulan-
 „tes, & estis tristes?* Et Joann. 21. quali du-
 „bitans Petrum interrogat, an cum plus
 „diligat, quam cæteri Discipuli? dicens:
 „*Simon Joannis amas me plus his.* Et Matth.
 „21. *Videns fici arborem unam secus viam,
 „venit ad eam: & nihil invenit in ea, nisi fo-
 „lia tantum, & ait illi: Nunquam ex te fru-
 „ctus nascatur in sempiternum, & arborcula est
 „continuo ficulnea:* Prius ergo, quam acce-

deret ad arborem, nesciebat in ea non
 „esse fructum.

„Respondet Origenes in commentario ad
 „cap. 13. Matthæi; *Qui novit, quæ sunt in
 „cordibus hominum Christus Jesus, sicuti de hoc
 „decurt in Evangelio Joan. non ignorat interro-
 „gat, sed quoniam semel assumpserat hominem,
 „utitur omnibus, quæ sunt hominis, quorum
 „unum illud est interrogare. Nec mirandum si
 „id facit Servator, cum ipse etiam omnium
 „Deus, moribus hominum se e accommodans,
 „perinde ac si quis homo morem gerat filio suo,
 „percunctetur, velut in hoc: Adam ubi es?
 „Et ad Cain, Ubi est Abel frater tuus? Idem
 „docet S. Chrysostomus homil. 41. ubi agens
 „contra Judæos, qui Christi divinitatem
 „negabant, quòd de multis ignorantium
 „more sciscitatus esset, velut de Lazaro,
 „*Ubi posuistis eum?* contra eos præscribens
 „vicissim obijcit varia loca veteris Testa-
 „menti, in quibus Deus ignorantium more
 „interrogat: ex quibus concludit, non rectè
 „ignorantiam in illo ex ejus percuncta-
 „tione Judæos colligere, nisi eandem &
 „in Patre fuisse concedant. Verùm de Chris-
 „to, qua Deus est, videtur dumtaxat locu-
 „tus S. Chrysostomus. At de eodem, ut ho-
 „mo est, omnem ignorantiam speciem sic re-
 „moveret S. Cyrillus lib. 3. contra Nestorium:
 „*Credimus, inquit, ex ipso ventre, utroque
 „Virginis Emmanuel emisse ipsum; qui Deus erat,
 „hominem prodidisse plenum omni sapientia, &
 „gratia, quæ illi naturaliter inerat: quodnam
 „igitur incrementum caperet ille, in quo sunt
 „omnes thesauri sapientiæ, qui cælesti gratiæ
 „unà cum Deo Patre largior est?**

„*Obijciat tertio*. Admiratio supponit igno-
 „rantiam. Nam, inquit Arist. 1. Metaph.
 „cap. 2. *Propter admirationem, & nunc, &
 „primò caperunt homines philosophari, inqui-
 „rendo videlicet causas rerum, quas ignorabant:*
 „sed Christus Dominus pluribus habuit ad-
 „mirationem, nam Matth. 8. miratus fidem
 „Centurionis, & Matth. 13. fidem Chana-
 „næ mulieris intuitus, admirandus exclama-
 „vit: *O mulier! magna est fides tua:* Igitur
 „Christus habuit ignorantiam.

„*Respondenti* communiter Theologi, Chris-
 „tum miratum fuisse admiratione proceden-
 „te ex scientia experimentalis, secundum quam
 „plura particularia potuit discere, ut dixi-
 „mus suprâ. Verùm satis dicendum arbitror
 „cum S. Augustino epistola 101. duplicem
 „esse admirationem, unam, quæ provenit
 „ex admiratione causæ, cujus videtur esse

etus.

Atus, & hæc excitat in nobis desiderium vehementer inquirendi causam; aliam verò ex insolentia, & raritate alicujus rei, quam cum videmus, miramur cum delectatione, & delectamur cum admiratione, quæ quidem admiratio nihil aliud est, quam affectus delectationis ex rei magnitudine proveniens, & in laudem inclinans. Sic Christus, inquit S. August. *miratus fuit Centurionis fidem, neque enim cum ullius rei ratio potuit latere: sed admiratione pro laude posita est: cujus par in populo Hebræorum non apparuerat. Neque ideo reprehendenda est scientia, qua dictum est, Si ratio quæritur non erit mirabile: quoniam est aliud genus admirationis, etiam cum ratio est manifesta admiranti.*

Obijciunt quatuor præcipuum fundamentum, quo maxime nituntur hæretici, ut adstruant in Christo aliquam ignorantiam; nempe quosdam Scripturæ textus ab eis pravè intellectos: illi autem potissimum sunt, quibus asseritur Christus nescire diem judicii. Sic Matthæi 24. De die autem illa, & hora, ait ipsemet Christus, nemo scit, neque Angeli cælorum, nisi solus Pater; apud Marcum verò: De die autem illa, vel hora, nemo scit, neque Angeli in cælo, neque filius, nisi Pater: igitur Christum aliquid latet, subindeque in eo fuit ignorantia.

Respondeo primò: Christum reverà scire diem judicii, & quatenus Deus, quia ille diu cognitus est Patri, & quatenus homo: siquidem ad statum judicii necesse est nosse, quando judicium debeat ferre: Pater autem æternus, ut legimus Joan. 3. *potestatem ei dedit judicium facere, quia filius hominis est.* Adde quòd: ut argumentatur S. Chrysostomus hom. 71. in Matth. si Christo homini datum est, ut sciat qualiter oportet iudicare, quod majus est: multò magis datum est ei scire, quod minus est, scilicet judicii tempus. *Insuper,* qui prænuntiavit ceteras futuri judicii circumstantias, non potest dici circumstantiam temporis ignorasse: at ex iisdem Evangelii locis constat ipsum designasse, ac prænuntiassè alias futuri judicii circumstantias: igitur etiam noverat tempus, quo peragendum esset. Rursus: Christus Dominus, quatenus homo præcivit facta aliorum: ergo multò magis sua præscire debuit: ignorasset verò sua facta, si dicam, quo Judex Vivorum, & Mortuorum futurus est non cognovisset. Denique, ut argumentatur S. Gregorius lib. 8. epistolæ

epistola 42. exponens illud Joan. cap. 31. *Sciens Jesus, quia omnia dedit ei Pater in manus. Si omnia,* inquit Gregorius, *professus diem judicii, & horam, quis ergo nescit? ut dicat, quia accepit filius in manibus, quod nescit? Igitur vetera Christus etiam qua homo, novit diem judicii.*

Respondeo secundò, quòd quantum ad sensum verborum, quibus Evangelistæ testantur etiam filium hominis nescire diem judicii, variz sunt SS. Patrum explicationes, ac solutiones. *Primò,* namque S. Ambrosius lib. 5. de fide c. 7. & Hieronymus in cap. 24. Matthæi, asserunt particulam hanc, *neque filius,* additum fuisse in textu ab Arianis, postea verò à Catholicis expunctum; unde, ut notat Hieronymus in codicibus Græcis Adamantii, & in plerisque Latinis, illa particula *neque filius,* apud Mattheum nunquam fuit. Unde etiam nunc nec in vulgata reperitur. *Verum* ista solutio placere non potest, quippe cum illa particula apud Marcum semper fuerit, & etiam nunc legatur in vulgata editione, quæ auctoritate Concilii Tridentini fessè probata est, ut authentica.

Hæc placet cum nonnullis è SS. Patribus, asserere Christum nescire diem judicii, quia videlicet nescit per scientiam connaturalis, quæ humano studio, ac sensuum beneficio, & hominum magisterio comparatur: Sic S. Basiliius epistola ad Amphilo- chium, qui de caquæstione sciscitatus erat, responderet ignorasse Christum, ut hominem, judicii tempus: *Si quis,* ait, *ignorantiam illam ad Deum refert, qui dispensatione quadam omnia in se suscepit, & sapientia atque gratia apud Deum, & homines profecerit, non aberraturum à pio Scripturæ sensu.* Cui subferibit Gregorius Nazianzenus, Orat. 46. *Nesse quidem,* ait, *tanquam Deum, ignorare verò ut hominem, si quis quod apparuit in Christo ab eo scernat, quod mente percipitur.* Cyrillus item in refutatione Theodoretæ ad anathematismum 4. ait: *Igitur novit quidem ipse divinitus, utpote sapientia Patris: sed quoniam ignorantis humanitatis mensuram subit per dispensationem; & istud etiam cum aliis sibi tanquam proprium ascrivit: Unde lib. 2. de fide ad Imperatrices planissimè dicit illius ignorantiam ascribere humanitati Christi: Non enim,* inquit, *indecorum est creaturæ, nec inusitatum, divina ignorare mysteria.* Et infra. *Quid mirum est, si cum Angelis divinum hoc mysterium ignorare dicatur,*

quoniam

quavis sapientia sit, & virtus Dei? Verum hæc solutio eatenus placere duntaxat potest, quatenus significaret Christum diem iudicii ignorasse quæ homo, quia notitiam illam proprio studio non comparavit, sed habuit sibi divinitus infusam, qualiter etiam interpretatur S. Basiliius mox laudatus dicens ideo dictum esse Marci 13. *Neque filius nisi Pater, quia neque filius sciret, nisi à Patre data esset cognitio, omnia enim ipse à Patre accepit.*

Consent aliqui Christum dici nescire diem, & horam iudicii, quia non faciebat scire, iudicando nondum esse tempus illud revelandi, sicut Dominus etiam Gen. 18. dixit de Sodomitis; *Descendam, & videbo utrum clamorem, qui venit ad me, opere compleverint, an non est ita, ut sciam:* Quibus Dominus se ignorare profutetur, non quia reverà ignorabat, & scire cupiebat, sed quia tunc scire dicitur, quando jam est plenitudo temporis ad agendum, & puniendum peccata, sicut etiam Genes. 22. *Dixit Dominus ad Abraham, nunc cognovi, quod timeas Dominum,* non quia Deus tunc cepisset illud scire, sed quia tunc erat tempus, ut Abraham acciperet testimonium. Sic explicant S. Hilarius lib. 9. de Trinit. Ambrosius lib. 5. de Fide c. 7. præ cæteris autem S. Augustinus lib. 83. questionum quæ. 60. ubi hæc habet: *Sicut scire Deus dicitur, etiam cum scientem facit, sicut scriptum est: Tentat vos Dominus Deus vester, ut sciat si diligatis eum, non enim sic dictum est hoc, quasi nesciret Deus, sed ut ipsi sciant quantum in Domini dilectione profecerint, quod nisi tentationibus, quæ accedunt, non planè ab hominibus agnosceretur, & ipsum tentat pro eo positum est, quod tentari solet: Sic & cum dicitur scire, aut pro eo dicitur, quod non approbat, id est, in disciplina, & doctrina sua non agnoscat, sicut dictum est. Nescio vos, aut pro eo quod utiliter nescientes facit, id quod scire inutiliter est: ideo bene accipitur id quod dictum est solum scire Patrem, sic dictum esse, quia facit filium scire; & quod dictum est nescire filium, sic dictum esse, quia facit nescire homines, id est non prodit eis, quod inutiliter sciunt.*

Confirmat hæc omnia præclarissimè S. Ambrosius loco mox laudato, ubi cum demonstrasset reverà Christum novisse tempus futuri iudicii, quæ Deus, probat etiam id habuisse compertum quæ homo: quippe qui horam, & locum, & signa, & cau-

sas futuri iudicii expressit. *Horam* quidem, quippe Lucæ 17. ait: *In illa hora, qui fuerit in tecto, non descendat tollere vasa de domo sua; diem vero, quia ipse se dixit Dominum sabbati.* An poterat, inquit Ambrosius, Dominus diem ignorare, qui ipse dixit, quod filius hominis Dominus est sabbati? *Locum*, quando nimirum sibi templi structuram ostendentibus Discipulis dicebat: *Videtur hæc omnia? Amen dico vobis, non relinquetur lapis supra lapidem.* Matth. 24. *Signa,* Lucæ 21. *Videte ne seducamini, multi enim venient in nomine meo dicentes, quia ego sum Christus.* Et infra: *Terræ motus erunt magni per loca, &c.* Hoc verò supposito, sic concludit: Scivit ergo omnia; sed querimus, qua ratione designare momenta noluerit: si queramus, non ignorantia invenimus esse, sed sapientia, nobisenim scire non proderat, ut dum certa futuri iudicii momenta nescimus, semper tantquam in excubiis constituti, & in quadam virtutis specula collocati, peccandi consuetudinem declinemus, ne nos inter vitia dies Domini deprehendat. Et postea, ideo dixi, quod scire non proderat, imò proderat ignorare: ut ignorantia timeremus, ut observantes emendaremur. Et infra; Ab Apostolis, qui Filium Dei futura scire credabant, nam nisi hoc credidissent, nunquam interrogassent: interrogatus ergo quando restitueret regnum Israel; non se nescire dixit: sed ait, *Non est vestrum nosse tempora, & annos, quæ Pater posuit in sua potestate.* Attende quid dixerit, *non est vestrum scire,* lege iterum *non est vestrum, dixit, non meum.* Et infra; Solemnem ejus erga Discipulos claritatem etiam in hoc loco, & gratiam recognosco: mavult enim Dominus nimio in discipulos amore propensus petentibus his, quæ cognita inutilia iudicaret, videri ignorare, quod noverat, quàm negare: pliusque amat nostram utilitatem instituire, quàm suam potentiam demonstrare.

Igitur, quod quidam Patres asserunt Christum ut hominem, dixisse se ignorare iudicii diem, sic exponendum exillimo, non quasi negaverint illum in ipsa humanitate novisse iudicii diem, sed quia non ex ipsa cognovit, id est, non ex vi aut virtute humanitatis; quandoquidem gratus fuit illi divinitus infusa scientia.

QUÆSTIO TERTIA.

An Christus assumpsit defectus appetitus rationalis.

Appetitum rationale appello voluntatem humanam, qua homo, quæ rationi sunt consona, vel dissona pro libito insequitur, & desiderat. Ut autem illius voluntatis propensio in bonum, virtus est: sic & in objectum prohibitum motus, & inclinatio vitium ac peccatum reputatur. Hinc peccatum ipsum, necnon & peccaminosa propensio, sunt reverà defectus illius appetitus exorbitantes à recto rationis, & virtutis tramite. Quo circa merito hic quærent Theologi an Christus aut peccare potuerit, aut aliquam ad peccandum proclivem, quam vulgò peccati fomitem appellant, habuerit.

Notandum primò, fide certum esse Christum nullo unquam originali peccato fuisse inquinatum: ab ipso namque suæ formationis exordio donatus fuit omni gratiarum plenitudine, ut suprà fuscè probatum est. Hinc Angelus illius nativitatis prænuntius ad Virginem, ait Luc. 1. *Quod ex te nascetur sanctum*, quo significabat illum veluti nativam sanctitatem habere, ut præclare docet S. Basilus in Psalm. 44. explicans hunc versum, *Dilexisti iustitiam*, &c. *Pro eo*, inquit, *quòd est, ceteri quidem homines labore, exercitatione, & attentione animi hoc assequuntur, ut ad bonitatem bene sint effecti, & à malo averfi: tibi verò naturalis est quedam cognitio cum bono, & alienatio à malo*. Subscribit Cyrillus lib. 11. in Joan. *Sanctum*, inquit, *est illud omne, quod à mundi sordibus est immune; quidem naturaliter est in Christo, ad Patris similitudinem: adjectum verò, & adventitium inest SS. discipulis per sanctificationem, quæ est ex gratia*. Suffragatur etiam ratio: siquidem peccatum originale in eis dumtaxat viget, qui via feminali ab Adamo originem ducunt: Christus verò non fuit ab Adamo propagatus via feminali, quia non est conceptus ex virili semine, sed tantum ex Spiritu sancto, nec accepit ab Adamo activè humanam naturam, sed solum materiali-ter, quatenus videlicet visibilem carnis substantiam sumpfit ex carne Virginis, quæ via feminali ab Adamo propagata, ut ceteri homines, fuisset originali sordata pe-

cato, nisi divino interveniente beneficio extitisset præservata.

Difficultas igitur dumtaxat est de peccato actuali, an videlicet assumpta à Verbo humanitas in aliquod peccatum lapsa fuerit aut saltem labi potuerit, de potentia extraordinaria Dei. Licet autem ex antiquioribus hæreticis nullus fuerit in Christum ita blasphemus, & prociac, ut ei peccatum aliquod adscriberet; ex Recentioribus tamen, utpote impudentioribus, fuit quidam Apostata Præmonstratensis Ordinis, qui ausus fuit asserere Christum crucifixum in desperationem esse lapsum, cum dixit, *Deus Deus meus, ut quid dereliquisti me?* ideoque hanc ob rem cruciatibus inferni additum, ut reserunt Lindanus dialogo 2. & Hosius l. 1. de hæresibus nostri temporis. Calvinus etiam, ut narrat Suarez disp. 33. sect. 1. asseruisse fertur Christum in horto ita fuisse turbatum, & tentationibus agitatum, ut sine spiritu oraverit dicens, *Pater si possibile est, transeat à me calix iste*, & propterea quasi ad se rediens, inordinatam petitionem statim correxisset, suamque voluntatem Patris voluntati subiecisset. Quocirca operæ pretium est hic probare Christum nunquam ullo peccato actuali fuisse sordatum.

Notandum secundò, impeccabilitatem Christi Domini, ut hominis, posse considerari vel per comparisonem ad ejus libertatem præcisè, vel per comparisonem ad beatitudinem animæ, quam semper habuit à primo instanti creationis suæ; vel per comparisonem ad summam ejus gratiam habitualem, & alia dona supernaturalia illam concomitantia; vel denique per comparisonem ad unionem hypostaticam simpliciter, & præcisè sumptam. Movetur autem præsens difficultas tantum secundum ultimam considerationem; an scilicet ita impeccabilitas Christo, quatenus est homo, conveniat, ut remanente sola unionem hypostatica Verbi divini cum humanitate ejus, & scilicet aliis aliis donis supernaturalibus, adhuc esset impeccabilis, eique repugnaret committere aliquod peccatum, cum levissimum.

Notandum tertio, hæc duo distingui inter se, *habere potentiam, qua peccatur, & habere potentiam peccandi*. Primum enim importat habere voluntatem creatam, quæ eo ipso quo est creata, est defectibilis, si spectetur secundum se, & est id, quo peccatum committitur: secundum verò, hæc

primo superaddit aptitudinem ad committendum peccatum, & quasi propensionem in peccatum, quatenus voluntas creata est (ut ita loquar) labilis in peccatum. Hic non est sermo de potentia, qua peccatur, an illa sit in Christo Domino: cum enim hæc nihil sit aliud, quam voluntas creata, habuit locum in Christo Domino ut homine; sed tantum agitur de potentia peccandi, non quidem quatenus dicit propensionem in peccatum, sed prout dicit non repugnantiam; ita quod absque ulla contradictione Christus, non obstante unione hypostatica, absolute, & si Deus per extraordinariam dispositionem id permitteret, peccare posset.

CONCLUSIO PRIMA.

DE fide est Christum ne levissimè quidem unquam de fallo peccasse.

Probat per primo ex Scriptura sacra, quæ toties eximiam Christi sanctitatem, & innocentiam constantissimè testatur. Sic ipsemet Christus Joann. 8. Judæis suis obrectatoribus, & calumniatoribus ait; *Quis ex vobis arguet me de peccato?* Hoc ipsum pronuntiaverat Isaias cap. 53. dicens, quod iniquitatem non fecerit, neque dolus fuerit in ore ejus; Ad quem locum alludit S. Petrus Epist. 1. cap. 2. cum ait: *Qui* (scilicet Christus) *peccatum non fecit, neque inventus est dolus in ore ejus.* Hinc S. Paulus ad Hebr. 4. Non habemus Pontificem, qui non possit compati infirmitatibus nostris, tentatum per omnia pro similitudine absque peccato, &c. Quasi diceret: tentatum per omnia instar nostri, vel ad similitudinem nostri; ita tamen ut nunquam peccaverit. Et cap. 7. *Talis decebat, ut nobis esset Pontifex, sanctus, innocens, impollutus, segregatus à peccatoribus.*

Probat per secundò ex Conciliis, ut Ephesino Can. 10. definiente Christum non indiguisse oblatione pro seipso, quia peccatum omnino neccevit. Lateranensi sub Martino I. Can. 5. definiente nostram substantiam fuisse in Christo perfectè absque peccato. Hoc ipsum constantissimè testantur omnes SS. Patres, & veteres Theologi, qui Christi innocentiam, & immunitatem ab omni peccato tuerentur. Sic S. Basilus Epist. 65. Gregorius Nyssenus Orat. 14. August. lib. 5. contra Julianum cap. 5. &c.

Suffragatur etiam ratio. Prima quidem peti potest ex plenitudine gratiæ. Qui ha-

bet gratiæ sanctificantis plenitudinem, non potest ullum habere peccatum; siquidem gratia sanctificans, de via saltem ordinaria, cum peccato non subsistit, subindeque plenitudo gratiæ habitualis eliminat omne prorsus peccatum. *Secunda* peti potest à Christi beatitudine; siquidem nihil inquinatum intrabit in regnum celorum: Christus autem ab instanti suæ Conceptionis fuit Beatus: igitur nullo fuit sedatus peccato. *Tertia* tandem ratio petitur ex fine Incarnationis, in hoc enim apparuit Filius Dei, ut dissolveret opera Diaboli, nempe peccatum; idcirco enim Christus venit in mundum, ut peccatum omne elueret, essetque Agnus Dei tollens peccata mundi: hoc autem ministerium implere non potuisset, si reverà ipse peccato fuisset inquinatus. *Si enim* (inquit S. Arhanasius lib. de Incarnat. Christi parum à principio) *Filius hominis venit, ut dissolveret opera diaboli, quæ ratione in se habere possent peccatum, siquidem ipse venit, ut deleteret in nobis peccata?* Unde præclare S. Paulinus Panegyri, de obitu Celsi.

Nam neque deleteret culpas, nisi liber ab illis,

Nec laxare reos posset, Qu ipse reus.

*Nec peccatori mors cederet, ut ipse vin-
dum*

Peccati vinculis legitimè retinens.

Eandem rationem eleganter prosequitur S. Bernardus serm. 4. de Vigilia Nativitatis, his verbis; *Ecce agnus sine macula, agnus, qui tollit peccata mundi; quis enim peccata melius tolleret, quam is, in quem peccatum non cadit? Ille sine dubio lavare me potest, quem constat inquinatum non esse. Hæc manus opertum luto detergit oculum meum, quæ sola sine pulvere est. Ille mihi fuscilicam educat de oculo, qui non habet trabem in suo. Imò ille trabem educat de meo, qui nec exiguum pulverem habet in suo.*

Obijciunt heretici quoddam Scripturæ textus, quibus peccatum Christo tribui videtur: Sic Psal. 21. *Deus Deus meus respice in me, quare me dereliquisti? longè à salute mea verba delictorum meorum, quæ verba Psalmistam in persona Christi pronuntiasse extra controversiam est.* Unde S. Augustinus hunc Psalmum, non tam Prophetiam, quam Evangelicam historiam censet appellandum. Cum ergo Christus in his verbis aliqua delicta sua appelleret, non videtur esse expers peccati. Simile est illud Psal. 38. *A fa-*

cie peccatorum meorum, quod item dictum esse de Christo admittit S. Augustinus: Ad id potest testimonium Apostoli 2. ad Cor. 5. & ad Gal. 3. dicentis Christum pro nobis factum esse peccatum, & maledictum.

Respondeo negando exinde concludi posse aliquod in Christo fuisse peccatum. Non quidem ex testimonio Psalmistæ: nam hæc particula *delictorum meorum*, non significat in Christo aliquod fuisse peccatum, sed cum Christus ut fidei iussor sponderet se pro nobis satisfactorum Deo Patri: Psalm. 39. *Holocauftum pro peccato non postulasti; tunc dixi: Ecce venio, &c.* & Isaia 53. & sic suscepisset in seipso obligationem satisfaciendi pro omnibus hominibus, æternus Pater ab ipso exigebat satisfactionem pro universis hominum delictis, quæ ratione delicta illa tanquam ipsi propria longè eum faciebant à salute corporis, & liberatione, quam ex naturæ inclinatione petebat. Unde S. Augustinus expositione in hunc Psalm. ait: *Quorum delictum, de quo dictum est, qui peccatum non fecit, nec inventus est dolus in ore ejus? quomodo ergo dicit delictorum meorum, nisi quia pro delictis nostris ipse precatur, & delicta nostra delicta fecit, ut iustitiam suam nostram iustitiam faceret?*

Igitur delicta hominum vocat *sua* per appropriationem personalem, quia quod membris convenit, personæ capiti attribuitur, juxta regulam Iyconii receptam à S. Augustino lib. 3. de doctrina Christiana cap. 32. *Ea, quæ sunt membrorum tribuuntur capiti ab conjunctionem, quam habent cum illo; considerando caput, & membra per medium unius persone*: quæ tamen regula sic est intelligenda, modò ea, quæ sunt membrorum, non officiant eorum conjunctioni cum capite; alioqui sequeretur peccata fidelium, quæ in dies sunt, etiam posse tribui Christo, & quòd Fidelibus peccantibus ipse Christus peccaret. Unde in Concilio Basilienfi sess. 2. inter alias propositiones Augustini de Roma Archiepiscopi Nazareni sequens propositio damnatur ut scandalosa, & erronea, *Christus quotidie peccat*, & hæc similiter: *ex quo fuit Christus, quotidie peccavit*: Addit autem Concilium hæc verba: *Quantis de capite Ecclesie Christo Jesu Salvatore nostro dicat se non intelligere, sed ad membra sua, quæ cum Christo capite unum esse Christum esse asseruit*. Ad Apostolum dico, eatenus dici Christum factum esse peccatum, quia hostia pro peccatis est fa-

ctus: nam in antiqua lege sacrificia pro peccatis dicebantur peccata, juxta illud *Ulex 4. Peccata populi mei comedent*. Ita explicat S. Aug. in Enchiridio cap. 49. *Vel dicitur factus peccatum, quia factus est in similitudinem carnis peccati, propter corpus mortale, & possibile, necne? & propter penalitates peccato debitas, quas assumpsit*.

Objicies primò. Ille de via ordinaria peccare potest, in quo est liberum arbitrium flexibile ad bonum, & malum: sed Christus Dominus habuit liberum arbitrium ad bonum, & malum flexibile: igitur de via ordinaria peccare potuit.

Distinguo maiorem. In quo est liberum arbitrium flexibile ad bonum, & malum iam in actu secundo, quam in actu primo, tam extrinsecè, quam intrinsecè, concedo: solum in actu primo, & intrinsecè, nego. Minorem similiter distinguo. In Christo fuit liberum arbitrium flexibile ad bonum, & malum in actu primo, & intrinsecè transeat, in actu secundo, & extrinsecè, nego: Natura quidem humana Christi cum fuerit ejusdem rationis cum nostra, dempsit ignorantia, & peccato, habuit etiam facultatem liberam nostri similes in actu primo; non verò in actu secundo; quia libertas ejus ratione plenitudinis gratiæ, & unionis beatificæ, ita determinabatur ad bonum, ut nullatenus propendere posset in malum: Unde Christus habuit quidem potentiam, scilicet voluntatem liberam, quæ peccaret, non verò potentiam peccandi, seu propensionem in peccatum.

Objicies secundo, Christus potuit mereri: ergo & demereri: nam meritum, & demeritum versantur circa idem.

Nego consequentiam; Siquidem, ut dicemus disput. 3. agendo de merito Christi, ad rationem meriti non opus est, quòd quis possit demereri, & peccare: sed duxerit, quòd habeat liberam voluntatem gratia sanctificante instructam cum aliis conditionibus ad meritum necessariis.

CONCLUSIO SECUNDA.

Christus fuit omnino impeccabilis, nec ulatenus peccare potuit. Ita conveniunt omnes SS. Patres, & Theologi, licet invicem dissentiant in assignanda hujusce impeccabilitatis ratione; quidam enim cum SS. Thoma, & Bonaventura in 3. dist. 12. volunt eam esse repetendam præcisè ex vi
unio-

unionis hypostaticæ. Cæteri verò cum sub-
tili Doctore ibidem, illam præcisè repetunt
ex plenitudine gratiæ consummatæ, seu
gloriæ, quam habuit Christus ut beatus :
Ait enim Doctor *num. 2.* Dico quòd cum
„ Christus in primo instanti unionis ejus
„ cum Deo fuit beatus : & beatitudo ab-
„ stulit sibi omnem peccabilitatem, vel
„ possibilitatem peccandi, quæ potest au-
„ ferri per beatitudinem : licet cum hoc
„ dispensativè flaret potestas merendi,
„ plenitudo enim gloriæ, qua ipse fuit
„ conjunctus, non minus quàm alius Bea-
„ tus, licet potuerit mereri, æquè exclu-
„ dit omnem potestatem in eo avertendi
„ à fine, sicut in aliis, &c.

Quòd autem Christus non fuerit præcisè
impeccabilis, ratione unionis hypostaticæ,
probat Doctor ; quia unio hypostatica non
probat Christo tribuere impeccabilitatem,
nisi vel quatenus necessario ipsum efficeret
beatum : vel quatenus illa habet absolutam
impossibilitatem cum peccato : sed neu-
trum absolutè verum est. Non quidem pri-
mum, quia talis unio non habet neces-
sariò sibi adjunctam beatitudinem : ergo non
efficit necessario Christum beatum : Probat
antecedens Doctor dist. 2. qu. 1. nu. 3. *Pri-
mò*, quia prius potest esse sine posteriori :
sed unio hypostatica est prior fruitione,
& beatitudine ; sicut enim prius est natu-
ram esse personatam in se, quàm eam ope-
rari, & personalitas propria est prior,
quàm operatio, nec habet ita necessariam
connexionem cum operatione, quin opti-
mè posset esse natura personata personalitate
propria, absque ulla operatione ; ita
prius est naturam personari personalitate
aliena, quando propriam non habet, quàm
operari ; nec est ulla prorsus necessaria con-
nexio inter personalitatem alienam, &
operationem, ratione cujus non posset esse
personata aliena personalitate, quin ope-
retur : igitur unio hypostatica potest esse
absque visione, & amore beatifico, in
quibus consistit beatitudo.

Deinde : Non potest natura aliqua neces-
sariò fieri beata, nisi necessariò conjunga-
tur objecto beatifico : sed per unionem hy-
postaticam natura humana non necessariò
conjungitur cum Deo, quatenus est ob-
jectum beatificum ; quia inquit Doctor, nul-
la natura necessariò fruatur isto objecto, nisi
quæ necessariò immutatur ab eo ut præsen-
te : sed natura humana non immutatur ab

objecto beatifico, tam in ratione intelligi-
bilis, quàm in ratione fruibilis per unionem
hypostaticam ; tum quia objectum bea-
tificum tantum necessariò immutat intelle-
ctum sibi proportionatum, nempe divi-
num in ratione intelligibilis, & divinam
voluntatem in ratione fruibilis ; tum quia
per illam unionem Verbum est præsens natu-
ræ tantum personaliter, & in ratione
suppositi terminantis ipsius naturæ depen-
dentiam, & communicabilitatem ; non ve-
rò in ratione objecti movens ad sui no-
ticiam, & amorem : igitur, &c.

Denique operatio beatifica produci nequit
absque concursu effectivo Dei : ergo nisi
ille adsit concursus necessariò, quantum-
vis adsit unio hypostatica, nulla poterit esse
humanæ naturæ operatio beatifica : sed
concurfus ille ad operationem beatificam
non ita necessariò præstatur naturæ assump-
tæ, quin Deus possit illum denegare, &
suspendere : igitur potest esse unio hyposta-
tica absque illa beatifica operatione. Ante-
cedens patet : consequentià pariter. Probat-
ur verò subsumptum. Si concursus ille re-
quisitus ad operationem beatificam neces-
sariò præstaretur naturæ humanæ assumptæ,
maximè quia esset identificatus realiter actio-
ni unitivæ ipsius naturæ humanæ cum Ver-
bo, vel quia esset illius proprietatis, aut ac-
cidens necessariò ad ipsam consequens : sed
nullum horum rectè potest affirmari ; si-
quidem concursus ille ad operationem bea-
tificam potest esse sine unione hypostatica,
ut constat in licatis, qui habent ejusmo-
di concursum, etsi non sint uniti hyposta-
ticè Verbo : similiter Deus potest concur-
rere ad unionem hypostaticam, absque eo,
quòd necessariò concurrat cum natura hu-
mana ad operationem beatificam : tum quia
unio distinguitur realiter ab operatione :
tum quia nulla ratione probari potest con-
trarium, nempe quòd Deus non possit con-
currere ad unionem hypostaticam, absque
eo, quòd concurrat ad ipsam beatificam
operationem.

Probatur secunda pars : nempe quòd illa
unio non habeat absolutam impossibili-
tatem cum peccato, itaut implicet contra-
dictionem, quòd humanitas peccet quamdiu
remanet unita Verbo. Probat, inquam :
Voluntas humana Christi ex se tam est in-
differens, & libera ad bonum, ac malum,
quàm nostra : ergo æquè poterit peccare,
ac nostra nisi per aliquid aliud determi-

minetur ad non peccandum: sed non potest ita determinari ad non peccandum per unionem hypostaticam, quia si Deus vellet, posita tali unionem, peccare posset. Probatur. Si unio illa ita determinaret voluntatem ad non peccandum, quia si Deus absolveret vellet adhuc peccare posset, maxime quia illam sic determinaret, vel physice, vel moraliter: sed neutro modo id fieri potest. Non quidem physice, quia eatenus physice determinaret voluntatem ad non peccandum, quatenus physice concurreret ad actum incompatibilem cum peccato, sive in genere causæ efficientis, sive in genere causæ formalis, eo modo quo habitus, vel unus actus determinat facultatem ad alium actum: sed unio hypostatica, aut personalitas Verbi, ita non concurrat cum voluntate humanæ naturæ assumptæ. Non quidem unio, tum quia illa est respectus extrinsecus adveniens; quæ ex se non est effectiva, nec operativa; tum quia non subiectatur in voluntate præcisè, sed in tota humanitate: vel denique quia non proponitur ipsi voluntati objectivè, ut illam determinet ad operandum, vel non operandum. Nec etiam *personalitas Verbi*, quippe illa non habet rationem principii efficientis, sed dumtaxat suppositi terminantis humanitatem Verbi, nec ex se activa est ad extra. Adde quod etiam si, aut unio, aut personalitas possent determinare voluntatem ad non peccandum, quatenus concurrerent cum humana voluntate ad actum oppositum peccato, id non præstarent nisi Deo cum illis concurrente: sed Deus non ita necessarii debet cum illis concurrere, quin posset talem concursum ipsis denegare, & eum suspendere: igitur, &c.

Nec etiam unio hypostatica, aut Verbi personalitas possunt moraliter determinare voluntatem naturæ assumptæ ad non peccandum necessarii, & infallibiliter, quia non potest assignari ulla ratio cur eam ita determinarent moraliter, nisi vel quatenus proponerentur objectivè voluntati; & ita illam allicerent circa bonum, ut ab eo non posset averti: vel quatenus ipsæmet essent determinationes voluntatis, quæ ipsam afficerent, & ita determinarent: Vel denique, quatenus ex ordinatione divina haberent aliquam incompatibilitatem cum peccato: sed neutrum illorum rectè potest affirmari. Non quidem primum, nec enim unio, nec Verbi personalitas ita proponun-

tur objectivè voluntati naturæ assumptæ: Non etiam secundum, quia unio, & personalitas Verbi non possunt se habere per modum formæ sic afficientes, & determinantes humanam voluntatem. Non denique tertium, quia talis ordinatio divina absque fundamento assereretur: igitur nec Verbi personalitas, neque hypostatica unio possunt ex se præcisè ita determinare voluntatem naturæ assumptæ ad non peccandum, quin de potentia Dei absoluta, ipsa ita remaneat libera ad peccandum, ut reverà peccare posset, nisi aliunde quàm ab ipsa præcisè unionem hypostaticam redderetur impeccabilis.

Reponunt adversarii unionem illam impedire, ne Christi voluntas peccet, quatenus est incompatibilis formaliter cum peccato, sicut albedo cum nigredine, aut amor cum odio.

Contra. Alia formaliter non se expellunt, nisi quatenus possunt subiectari in eodem subiecto, vel occupari circa idem objectum: at unio, & personalitas non subiectantur in eodem subiecto, in quo potest inesse peccatum, nec versantur circa idem objectum, vel eundem terminum; alius est enim terminus actionis peccaminosæ, quæ posset fieri, & alius terminus unionis hypostaticæ. Adde quod peccatum, quia tale est, sit entitas moralis: absurdum est autem, quod aliqua forma physica habeat ex natura sua incompatibilitatem cum forma morali, quæ moralis est.

Reponunt secundò, unionem hypostaticam opponi peccato, quatenus necessarii exigit, quod Deus non concurrat ad peccatum, imò quod concurrat ad actum impossibilem cum peccato.

Contra. Si istud exigeret, maxime, vel physice, vel moraliter. Non physice, quia nulla entitas physica potest exigere necessarii concursum divinum, nisi quatenus ille esset necessarius ad illam entitatem conservandam pro eo tempore, vel instanti, quo illa existere debet: sed concursus ad actum oppositum peccato nequit esse necessarius ad conservationem unionis hypostaticæ, quæ permanere potest etiam absque ullo actu, & operatione: neque etiam negatio concursus ad peccatum videri potest necessaria, nisi quatenus ipsa haberet incompatibilitatem formalem cum peccato: hanc autem non habet, ut constat ex dictis: ergo id non exigit physice. Nec etiam id exigit moraliter,

ter, quia hoc solum exigeret, quatenus si Deus id non efficeret, faceret aliquid, quod maxime ipsi conseretur indignum: atquavis Christus ut homo ex hypothesi de facto peccaret, peccatum illud non redunderet, nec in Deum, nec in personam Verbi, ut patet in solutione objectionum: igitur, &c.

Obijciunt primò, adversarii varias SS. Patrum auctoritates, quibus probare nituntur impeccabilitatem Christi ex unione hypostatica præcisè esse repetendam, eò quod SS. Patres doceant Christum esse impeccabilem propter commercium, & unionem humanitatis cum Verbo. Imprimis verò proferunt Dionysium Alexandrinum in Epistola contra Paulum Samosatenum, ubi citata finem ait: *Nisi fuisset* (scilicet Christus) *idem qui erat Deus Verbum, non poterat esse alienus à potestate peccandi; nemo enim est, quin peccare possit, nisi unus Christus, sicut Pater Christi, & Spiritus, &c.*

Respondet primò, hanc auctoritatem nullius esse momenti: nam imprimis indiget expositione in omni sententia: videtur enim significare, quod B. Virgo indiguerit exercitatione, & certamine, ut liberaretur à peccato; & etiam quod de facto habuerit aliquem defectum peccaminosum; quod tamen est falsum. *Nec valet* reponere cum Vasquez B. Virginem non habuisse peccatum de facto; sed tamen non provenire ex sanctitate ipsius, sed ex Dei providentia, & cura; nam imprimis hoc non facit ad rem; nam S. Dionysius videtur dicere nullum esse præter Christum, qui non habeat peccatum, sive id proveniat ex iustitia, & sanctitate, sive aliunde.

Deinde, Sicut B. Virgo poterat esse aliena à peccato, & potestate peccandi, per providentiam Dei, quamvis non esset Deus: ita Christus poterat esse, à peccato immunis, & sic sola Deitas, & unio ipsius non esset causa, ob quam esset alienus à potestate peccandi: quod videtur esse contra hunc locum.

Respondet etiam possit cum Poncio, sensum hujus loci esse, quod ideo Christus D. de facto esset immunis à peccandi potestate, quia ejus humanitas esset unita personæ divinæ, & delibuta divinitate: quod equidem verum est, quamvis aliunde potuerit etiam esse immunis à peccato ex alijs capitibus, nimirum vel ex providentia, & protectione Dei speciali, aut ex eo quod

Fraßen Theol. Tom. VII.

ipsi tribuatur beatitudo animæ etiam si posset peccare de potentia absoluta: quoniam admodum enim posset dici, quod ignis comburat stupam applicatam ex natura sua, quod nulla alia sit ratio, ob quam comburat, nisi quia est talis naturæ, & virtutis: tamen inde non sequitur quin etiam si non haberet talem naturam, posset comburere, si nempe Deus daret ipsi calorem, sicut dare potest aquæ, quamvis eum non exigeret ex natura sua; nec etiam sequitur, quod ita necessariò debeat comburere, quin de potentia Dei absoluta fieri posset, ut non combureret. Idem à simili potest dici de Christo.

Obijciunt secundò Origenem lib. 2. Periarcon. cap. 6. ubi ait: *Ferrum natura succapax est caloris, & frigoris, si tamen semper intra fornacem ignis continetur, dici poterit incapax frigoris: hoc modo etiam illa anima, nempe Christi, quæ quasi ferrum in igne, sic semper in Verbo, semper in sapientia, semper in Deo posita est, omne quod agit, quod sentit, quod intelligit, Deus est; & ideo nec convertibilis, nec peccabilis dici potest, quæ inconvertibilitatem ex Verbi Dei unitate indissolubenter ignita possidet.* Ex quibus inferunt adversarii inconvertibilitatem animæ Christi ad peccatum, quam vocamus impeccabilitatem, ex ipsa Deificatione, quæ sit per unionem, procedere.

Verum respondeo, hoc exemplo potius nostram propugnari, quam impugnari sententiam: sicut enim quamvis connaturaliter ferrum in igne positum non possit frigidescere; posset tamen supernaturaliter suum frigus conservare, si Deus resita disponderet, quatenus nempe non concurreret cum igne, ut introduceret suum calorem in illud ferrum; vel si calorem simul cum frigore in ferro conservaret: sic à simili, quamvis connaturaliter impeccabilitas sequatur ex unione hypostatica, quia hæc habet annexam gratiæ sanctificantis plenitudinem; tamen, sicut de potentia absoluta Deus potest conservare simul gratiam cum peccato; ita per eandem potentiam posset Deus permittere, ut Christi humanitas in peccatum aliquod laberetur, perseverante tamen in eo unione hypostatica.

Obijciunt tertio auctoritatem sancti Gregorii Nazianzeni Orat. 36. quæ est quarta de Theologia, ubi de Christi voluntate loquitur: *Illius voluntas: cum tota deificata sit, & Deo procul dubio non adversatur: igitur*

Cc in

in deificationem voluntatis, quæ est ipsa unio hypostatica, refertur Christi impeccabilitas. Ipsi subscribit S. Epiphanius in Anchorato, ubi ait: *Si diximus Christum perfectum hominem ex Maria natum, nunquid suspicamus ipsum peccatis subiectum fuisse? Absit: peccatum enim non fecit, neque inventus est dolus in ore ipsius; si enim virtutem suam sanctis insufflavit, & is quibus inspiravit, testantur, quod erant sancti, iusti, progressi in diebus suis citra reprehensionem: quanto magis ipse, in quo omni Deitatis plenitudine habitare complacuit corporaliter, etiam si carnem veram accepit ex Maria semper Virgine, & animam verè humanam, & mentem, & si quid aliud est in homine, ipse in seipso habens universa continuit Deus existens non divisa ad malitiam, non fracta a maligno illo; non capta voluntate, non cadentia sub peccatum Adæ.*

Respondeo, his aut similibus auctoritatibus nihil aliud significari, quàm quòd hypostatica unio ex natura, & dignitate sua exigebat, ut conferretur, & conservaretur in Christo aliqua forma, nempe vel gratia sanctificans, vel beatus, qua Christus determinaretur ad non peccandum; non verò quòd illa unio præcise esset per se ratio illius impeccabilitatis.

Obijciunt pariter S. Hilarius lib. 10. de Trinit. ubi explicans illud Apostoli ad Rom. 9. de Christo Domino, qui dicitur factus in similitudinem carnis peccati, assit tam repugnare Christo peccare posse, quàm ei repugnet non esse Christum: *Ita homo Christus Iesus, inquit, & in veritate Nativitatis est dum homo est, & non est in proprietate peccati, dum Christus est; quia & qui homo est, non potuit non homo esse, quòd nativus est, & qui Christus est, non potuit armis se, quòd Christus est: atque ita dum homo Christus Iesus est, habet naturam hominis quia homo est, nec est in vitio hominis infirmitate, quia Christus est.* Ex quibus inferunt adversarii, quòd quemadmodum vi unionis hypostaticæ habet, quòd si aliquid constitutum ex personalitate Verbi, & humanitate: ita juxta mentem S. Hilarii, idem Christus Dominus habet vi ejusdem unionis hypostaticæ, ut non possit peccare. Similiter S. Augustinus lib. de Correctione, & Gratia cap. 11. ita loquitur: *Neque metuendum erat, ne isto ineffabili modo in unitate persone à Verbo Deo natura humano suscepta per liberum voluntatis peccaret. arbi-*

trium, cum ipsa susceptio talis esset, ut natura humana à Deo ita suscepta nullum in se motum voluntatis admitteret. Quibus S. Augustinus impeccabilitatem humanitatis Christi in ejusdem assumptionem à Verbo refundere videtur.

Clarissimè autem istud docere videtur Anastasius synaita cap. 2. *Deo sola* (inquit) *Christi mens, & sanctissima ejus anima, incapax, omnisque malicie nescia fuit; forma enim servi erat, quæ regebatur, & gubernabatur à divino Verbo in eadem hypostasi sibi conjuncta.* Rupertus etiam lib. de voluntate Dei cap. 11. ait: *Quòd humanitas Christi, non per creationem, sed per assumptionem facta est creatura, talis, quæ peccare non solum nollit, verum etiam non potest.* Idque probat ex verbis Christi Jo. 5. *Amen, amen dico vobis, non potest Filius à se facere quidquam, nisi quod viderit Patrem facientem.* Subdens: *Quid enim est quemquam à semetipso quidquam facere, nisi malum facere?*

Respondeo, his omnibus auctoritatibus nihil aliud significari, quàm quòd reverà Christus non possit de facto de via ordinaria in aliquod peccatum dilabi, ratione suæ unionis hypostaticæ, quæ secum habet annexam gratiæ sanctificantis plenitudinem, & beatitudinem animæ: quibus sit, ut illius humanitatis voluntas non possit ullatenus de via ordinaria à Deo per peccatum amoveri; quòd tamen non officit quin secundum absolutam Dei potentiam subsistere posset hypostatica unio etiam si Christi humanitas in aliquod peccatum rueret.

Urgebis: S. Hilarius docet, quòd tam impossibile sit Christum peccare, quàm non esse Christum: sed de potentia absoluta non potest non esse Christus, supposita unionem humanitatis cum Verbo: ergo pariter, illa supposita, impossibile est ipsum peccare.

Respondet, S. Hilarius solum velle, quòd si Christus posset peccare connaturaliter, sicut ceteri homines; inde reverà sequeretur, quòd non haberet unionem hypostaticam exigentem connaturaliter rationem impeccabilitatis, ac beatitudinis: atamen non sequeretur, quòd non esset Christus, si de potentia Dei absoluta non conferretur ipsi illa impeccabilitas, cujus negatione peccaret, aut saltem peccare posset.

Inflabis: Nullum absurdum sequi potest

ex eo, quòd Christus de facto peccaret, quòd pariter non sequeretur si de potentia Dei absoluta peccare posset: ergo quemadmodum ad illa absurda vitanda, rectè asseritur, quòd de facto non peccaverit; pari ratione dici debet, quòd etiam de potentia absoluta non potuerit peccare.

Nego antecedens; quia si de facto, ac secundum ordinariam Dei potentiam peccare posset, sequeretur, quòd etiam de facto non haberet beatitudinem animæ, nec aliquam Dei protectionem externam, illam scilicet, qua Virgo Deipara, necnon & beati facti sunt impeccabiles: sequeretur pariter, quòd unio hypostatica non exigeret connaturaliter illam impeccabilitatem: nullum autem ex his absurdis sequeretur, si esset dumtaxat impeccabilis de potentia Dei absoluta: ergo nulla est utrobique paritas.

Obijciunt tertio: Si Christus per absolutam Dei potentiam peccare posset, sequeretur peccatum illud Deo esse tribuendum: sed implicat contradictionem, quòd Deus peccare possit: ergo, &c. Sequela majoris patet; quod enim dumtaxat fit per ordinariam Dei potentiam, nec ullatenus fieri, nisi de potentia absoluta, & extraordinaria, Deus ad illius effectum concurreret, soli Deo attribuitur.

Nego sequelam majoris, & illius probationem dissolvo. Quod fit per potentiam Dei absolutam, soli Deo tribuitur, quando fit solum per concursum extraordinarium ipsius; puta cum operatur prodigia, & miraculosa facta, concedo: quòd fit per extraordinariam Dei potentiam præbentem concursum extraordinarium quidem, sed indifferentem; ita quòd concursus non determinet causam, cum qua agit, ad actum, sed ab ea determinetur; tunc actus ille soli Deo tribuendus est, nego: si autem Deus de potentia absoluta talem Christo præberet concursum indifferentem ad actus bonos, & malos, qualem per potentiam ordinariam præstat hominibus, si eo mediante extraordinario concursu humanitas Christi peccaret, non plus esset tribuendum peccatum istud Deo, ratione illius extraordinarii concursus, quam ipsi tribuatur peccatum aliorum hominum ratione concursus ordinarii. Sicut enim idcirco peccatum hominum Deo non tribuitur, licet actus peccaminosi fieri non possint nisi dependenter ab illius concursu, quia concursus ille ex se est

indifferens ad actus bonos, & malos; & tantum determinatur ad actus malos per voluntatem humanam: ita nec opera humanitatis Christi si ex hypothetici essent peccaminosa, non forent tribuenda Deo ratione illius concursus extraordinarii; quia hic ex se esset indifferens ad actus bonos, vel malos, & solum determinaretur per voluntatem humanam Christi ad illos actus peccaminosos.

Obijciunt quarto, Verbo divino ex vi unionis hypostaticæ incumbit obligatio gubernandi, & regendi humanitatem, eamque in officio continendi: ac proinde si humanitas assumpta peccaret, peccatum illud Verbo divino attribueretur; sed qua ratione implicat Deum peccare, eadem etiam repugnat Verbum divinum peccato infici; igitur, &c. Minor constat. Major probatur quantum ad primam partem; nempe quòd Verbo incumbat regere humanitatem: Nam S. Epiphanius in Anchorato cap. 3. *Verbum, inquit, virtute sua frenabat inferiorem naturam ab omni inutili carnali turba ... animam verò humanam, & mentem, & siquid est aliud, ipse in se se habens universa continuit Deus exiens non devota ad malitiam.* Et Anastasius Synaita c. 21. *Idcirco idem confirmat: Confitemur etiam animam, & corpus, quæ Verbo hypostaticè unita sunt, Verbo subjecti, simulque cum omnibus proprietatibus suis à Verbo magis regi, ac duci, quam ulla alia creatura eidem subijciatur, & ab eodem regatur, cum longè arctius cum Verbo conjuncta sint, quam ulla alia res creata.*

Probatur verò quantum ad secundam partem, nempe quòd peccatum illud Verbo tribueretur, quia quoties duo uniantur in aliqua natura, vel persona, inferius naturaliter subordinatur superiori, & consequenter superior tenetur inferiorem regere, & gubernare, sed ex vi unionis humanitatis ad Verbum, natura humana, & divina conveniunt in una Christi persona; ergo ratione hujus unionis tenetur divina natura gubernare, & regere humanam, & consequenter peccatum humanitatis unitæ tribueretur Verbo, nedum ut subsistenti in humanitate, sed etiam secundum se, & prout in divinitate subsistit.

Confirmatur primò, quia corpus est inferius anima, & per unionem conveniunt in una, & eadem natura, ex tali unionem induit anima obligationem corpus regendi; sed humanitas est inferior divinitate, &

ex vi unionis hypostatice convenit cum Deitate in eadem Christi persona: ergo ex vi hujus unionis incumbit divinitati specialis obligatio gubernandi humanitatem. Unde in 6. Synodo generali actione 8. sic dicitur: *Quemadmodum corpus nostrum regitur, & ornatur, atque ordinatur ab intellectuali, & rationali anima nostra: ita in homine Christo tota hominis ejus conspersio ab ejusdem Verbi divinitate semper, & in omnibus mota, Deo mobilis fuit.*

Confirmatur secundò. Cum in una, & eadem natura conveniunt superior, & inferior potentia, incumbit tali naturæ obligatio regendi potentiam inferiorem per potentiam superiorem, ut constar in natura humana, quæ naturali obligatione tenetur per voluntatem regere, & gubernare appetitum inferiorem; ergo pariter cum duæ naturæ conveniant in una, & eadem persona, confurgit in illa obligatio regendi inferiorem per superiorem naturam, & consequenter Verbo, in quo ex vi unionis humanitatis ad ipsum conveniunt natura divina, & humana, incumbit specialis obligatio regendi, & gubernandi naturam humanam per divinam; subindeque peccatum humanitatis unitæ attribueretur Verbo, non solum ratione voluntatis humanæ, sed etiam ratione voluntatis divinæ.

Nego majorem, & illius probationem, & confirmationes distinguo. Superior quisque tenetur inferiorem regere, & gubernare; ita quod ratione defectus illius directionis, & gubernii peccata inferiorum superiori tribuantur, quando id ei incumbit ex officio, & iustitia specialis, concedo; quando dumtaxat id ei incumbit ex concursu generali, & communi, nego; animæ quidem tribuuntur motus inordinati appetitus inferioris, non præcisè, quia istæ potentie rationalis, & sensitiva conveniunt in una, & eadem natura, & quia earum una est superior, alia verò inferior: sed præcisè, quia taliter invicem sunt unitæ, ut inferior non possit ad bonum honestum flecti, nisi per cognitionem, & directionem superioris; liquidem voluntate, & scientia hominis omnes ejusdem facultates, & potentie regi debent, & gubernari. Secus autem est de humanitate Christi respectu Verbi, nam humanitas Christi respectu Verbi, nam humanitas Christi non gubernatur peculiariter voluntate, & scientia Dei increata, sed dumtaxat communi, eo scilicet modo, quo ceteræ creaturæ gubernantur per primam causam;

suppositum enim Verbi non aliud præstat circa humanitatem per se præcisè, quàm quod præstaret propria personalitas terminando ejusdem naturæ communicationem, & dependentiam; unde licet illa humanitas ex hypothesi peccaret, peccatum istud non deberet attribui Verbo.

Ad auctoritates SS. Patrum assentientium Verbum regere humanitatem, sicut anima regit corpus, dico eos dumtaxat velle quodd, quemadmodum anima propter conjunctionem sui cum corpore influit in illud vitam, motum, & directionem naturalem; ita Verbum ex congruo in humanitatem suam influit vitam, & motum supernaturalem ratione abundantis gratiæ, & beatitudinis, quibus ipsam illustrat, & ejus affectus moderatur. Unde quemadmodum non obstante plenitudine gratiæ, & statu beatitudinis, Sancti, & Beati possent absque contradictione peccatum admittere; sic etiam absque repugnantia per absolutam Dei potentiam non obstante gratiæ plenitudine, & beatitudine, humanitas Christi posset peccare.

Urgens. Actiones sunt suppositorum, vel subsistentium, ut commune axioma docet: sed suppositum humanitatis assumptæ est suppositum Verbi, quatenus in illa subsistens: ergo si posset humanitas assumpta peccare, perseverante unione hypostatice, revera peccatum istud tribueretur Verbo.

Confirmatur. Humanitas Christi est instrumentum Verbi: sed actiones instrumentorum tribuuntur supposito, cujus sunt instrumenta: ergo peccatum humanitatis Christi esset tribuendum ipsi Verbo Christo.

Distinguo majorem. Actiones sunt suppositorum elicitive, nego; denominative, concedo. Cum enim communi axiomate asseritur actiones esse suppositorum, hoc non ideo dicitur, quia suppositum, *ut quod*, vel *ut quod* influit in operationes naturæ, sed quia sustentat naturam proximè operantem, *ut quod*, & *ut quod*. Unde actiones dicuntur suppositorum, non effecrive, sed tantum denominative. Ad minorem dico, quod si humanitas peccaret, dumtaxat peccatum in ipsam refulderetur, tanquam in principium elicivum illius actionis peccaminosæ, non verò in ipsum Verbum, nisi forte dumtaxat denominative, in quo certe nulla major apparet repugnantia, quàm quod idem Verbum divinum dicatur mortuum, &

crucifixum; non enim secundum rei veritatem magis pugnat denominatio peccantis Verbo divino cum sua sanctitate attributi, aut essentiali, quam repugnet denominationi mortui cum vita essentiali; tam enim mors repugnat vitæ, quam peccatum sanctitati: imò magis, quia mors opponitur physice vitæ, peccatum verò solum moraliter sanctitati.

Reponunt Thomista, disparitatem esse, quòd mors, sicut & quodlibet aliud malum pœnæ, à Dei iustitia infligitur, & ordinatur ad gloriam Dei; malum verò culpæ, seu peccatum, committitur per recessum ab actu divinæ sapientiæ, & ab ordine divinæ bonitatis, & ideo licet nulla sit indecentia, quòd Verbum in natura assumpta, seu ut subsistens in humanitate per communicationem idiomatum, passum, crucifixum, & mortuum denominetur; est tamen moralis indecentia, quòd Verbum etiam ut in humana natura subsistens, seu per communicationem idiomatum peccare dicatur, hoc enim pias aures offendit, & à majori Theologorum parte non admittitur.

Contra. Tam permissio peccati potest cedere in gloriam Dei, quam quodlibet malum pœnæ. Deus enim ordinare potest peccatum, tum ad commendationem suæ iustitiæ illud vindicando, & puniendo, quam ad manifestationem suæ misericordiæ illud relaxando, & gratis remittendo: ergo quæ ratione mala pœnæ cedere possunt in gloriam Dei, itidem cedere possunt peccata: neque unum magis offendit pias aures sapientum, quam aliud, quippe noverunt utrumque solum denominativè Deo tribui.

Nec refert, quòd sit quedam moralis indecentia, quòd Verbum dicatur peccare: hæc enim indecentia moralis non offit, quominus illa denominatio extrinseca ei convenire possit, sicut & denominatio mortui, & crucifixi, quæ cum sit physica, magis repugnat Deo, qui est per essentiam vita, quam quævis denominatio moralis.

Nec etiam refert, quòd peccatum sit aversio à Deo; repugnat autem Deum averti à se. Id, inquam, non obstat; nam hæc aversio est dumtaxat quid morale: mors autem est quid physicum, & physice oppositum vitæ, quam perimit; igitur si non obstante oppositione, seu recessu mortis à vita, Deus, qui est vita essentialiter, dici potest mortuus per denominationem extrin-

Fraffen Theol. Tom. VII.

secam ratione mortuæ humanitatis, cui hypostaticè unitur, quidni simili ratione dici posset peccans, & à se moraliter recedens ratione humanitatis assumptæ, si illa supponeretur peccare?

Ad confirmationem dico, quidquid sit de majore, distinguendam esse minorem. Actiones instrumentorum tribuuntur supposito, cujus sunt, quando habent dependentiam particularem ab illo, concedo; quando non habent, nego minorem. Necnon & consequentiam, quia actiones peccaminosæ voluntatis non majorem haberent dependentiam à supposito divino in illa hypotesi, quòd essent peccaminosæ, quam reverà haberent, si natura illa non esset unita ipsi. Ad quam responsionem, inquit Ponticius, aptissimum est exemplum de securi, quatenus est instrumentum artificis, quæ ex se scindere potest simul, & calefacere; nam scindendo lignum etiam calefacit: illa autem calefactio non attribuitur artifici, sed securi; scissio autem adscribitur artifici, quia ad eam per virtutem suam loco motivam coagit, & ab ipso principaliter dependet.

Insuper. Actiones non solum sunt suppositorum denominativè, sed etiam elicivè; siquidem Joannes Theologus in Concilio Florentino sess. 18. ex hoc communi Philosophorum effato, *actiones sunt suppositorum*, probavit Spiritum sanctum à Filio procedere, & essentiam in divinis non generare, sed Patrem ratione essentiz; at Pater divinus non denominativè tantum, sed etiam elicivè *ut quod* generat, media essentia ut principio *quo* generandi, & nullus ex Patribus Latinis, pro quibus disputabat, vel Græcis, contra quos agebat, in contrarium reclamavit; imò Græci, argumento Joannis Theologi convicti, Spiritum sanctum à Filio procedere confessi sunt: ergo illud principium ab universali Ecclesia tam Græca, quam Latina tacite fuit approbatum.

Nego antecedens, & ad ejus probationem dico, quòd (ut pluries diximus agendo de principiis constitutivis divinarum personarum, & de distinctione reali Spiritus sancti à Filio, quamvis ab ipso non procederet) omnes rationes philosophicæ, quas ipsemet Joannes Theologus assumpsit ad probandum, quòd Spiritus sanctus procedat à Filio, non sunt reverà probatæ à Concilio, siquidem plurimæ etiam ex illis rationibus in bona Philosophia deficiunt, ut ibidem observavimus, & insuper conveniunt omnes Theo-

logi, quod rationes, quæ in Conciliis proferuntur ab actoribus ad adstruenda dogmata fidei, non semper sunt de fide; imò aliquando principiis fidei dogmatibus contrariis nituntur, ut constat ex 7. Synodo, ubi ut probetur Angelos posse depingi, falsum affirmatur principium, nempe quod sint corporei. Concilium enim approbat tanquam dogma de fide, quod Angeli possint depingi, non verò quod sint corporei, hoc enim contrarium est fidei dogmatibus in sequentibus Conciliis traditis, in quibus probatum est Angelos esse substantias spirituales, ut probavimus in tractatu de Angelis.

Confirmantur hæc omnes nostræ responsiones, & rationes. *Primo*, quia natura humana secundum se esset sufficienter causa adequata suæ actionis peccaminosæ, etiam si Verbum in illam actionem physicè non influat in ratione supposito, non minus quam calor est causa efficiens suæ calefactionis, & anima separata causa suæ intellectiōis, & volitionis: ergo gratis asseritur, quod necessariò requiratur aliquis concursus suppositi divini ad eliciendam illam actionem.

Deinde, quamvis divinum suppositum concurreret partialiter effectivè ad actionem peccaminosam, non inde sequeretur, quod supposito imputari deberet illa actio tanquam causæ, quæ culpabiliter operaretur, quia quamvis suppositum Verbi concurreret physicè ad illam actionem: tamen determinatio proveniret à voluntate, penes quam est agere, vel non agere: actio autem peccaminosa, ut peccaminosa est, non attribuitur omni causæ concurrenti physicè ad entitatem actus; aliqui peccatum attribueretur Deo, qui physicè concurrat omnes actus sive bonos, sive malos; ergo licet suppositum Verbi concurreret physicè ad actiones humanitatis, quæ essent peccaminosæ, non propterea peccatum deberet illi attribui, quia non est causa determinativa ad illos actus. *Denique*, non potiori ratione Verbum influeret in illos actus humanitatis physicè, quam Pater, & Spiritus sanctus, quia opera Trinitatis ad extra sunt indivisa: sed actus peccaminosi, qui nunc eliciuntur ab hominibus, non tribuuntur Patri, nec Spiritui sancto: ergo pari ratione illi actus peccaminosi, qui elicerentur ab humanitate Christi, non essent attribuendi Verbo.

Obijciunt denique. Humanitas Christi sanctificatur, & redditur Deo grata per

unionem hypostaticam, etiam secluso omni dono gratiæ sanctificantis habitualis: ergo non potest habere ullum peccatum saltem mortale, tam actuale, quam habituale. Probatur consequentia, quia peccatum quodcumque habet impossibilitatem cum gratia sanctificante: ergo si unio hypostatica majorem habeat vim sanctificandi, quam gratia ex se, nullum poterit peccatum secum pati.

Confirmatur. Humanitas Christi substantialiter per Deitatem, & personalitatem Verbi sanctificatur substantialiter per sanctitatem infinitam, non quidem infinito modo, quia ejusmodi infinitæ sanctitatis creatura non est capax; sed in tantum, in quantum sanctificari potest aliqua creatura, ut omninò fiat incapax peccati etiam per absolutam Dei potentiam, si id non repugnet; sed non repugnat, quod aliqua creatura tantæ sit sanctitatis, ut etiam per absolutam Dei potentiam non possit ullum admittere peccatum: ergo hujusmodi est humanitas Christi.

Nego consequentiam, quia, ut diximus, nulla est gratia tantæ perfectionis, quæ physicè ita sit incompatibilis cum peccato, quin de potentia Dei absoluta possit cum illo subsistere; idem autem dicendum est de unione hypostatica, quatenus haberet vim sanctificandi.

Ad confirmationem, distinguit majorem Poncius. Natura divina, & personalitas tribuunt naturæ tantam sanctitatem, quantum recipere potest ab ipsis mediante illa conjunctione, concedit majorem; tantam tribuit sanctitatem, quantum potest recipere, tam ab ipsa natura divina, & personalitate, quam ab illis donis, negat majorem: quis enim dicat naturam esse quidem unitam, non tamen beatam, essentia sanctitate præditam, quantum haberet natura unita simul, & beata?

Ex his apparet, inquit idem Poncius in comment. num. 12. quam insulsa sit, & imprudens quorundam Theologorum censura: maximè autem *Capreoli*, dum ait, contra nostræ sententiæ Assertores, famosissimos, (quales sunt Durandus, subtilis Doctor, & omnes tam veteres, quam recentiores ejus Discipuli) non tam rationibus, quam flammis agendum esse, sed certè flammis, quibus ipse potius comburi deberet. *Adant quod* dicitur paulò modellius: sed satis immodestè tamen, „ eam

eam temerariam asserit. Vasquez noluit, ipse determinare censuram, sed ne non censuraret, aliqua eam dignam censura pronuntiari; Hæ autem censuræ, quam vanæ sunt, & sine fundamento, ac indignæ his Authoribus, facile patet ex dictis, & ex eo, quod ipsi moderni sua invicem de impeccabilitate Christi D. fundamenta expugnent, nec tamen ipsi impugnatores meliora, ac efficaciora statuunt.

Cæterum quanquam omnia hæc, quæ dumtaxat Theologicæ exercitationis gratia diximus probabilitate non careant; nihilominus moneo abstinentum esse ab his, & similibus propositionibus; *Christus fuit absolute peccabilis*; vel, *Christus secundum humanitatem per absolutam Dei potentiam peccare potuit*; maxime verò coram rudioribus, & imperitis, quibus non sunt pervia hujusmodi Theologicæ controversiæ; ne forte inde habeant animum cogitandi, & dicendi Christum eo modo fuisse peccabilem, quo ceteri homines iusti, quod sanè erroneum esset, & hereticum; nullusenim fortè iustus, ita fuit innocentiz tenax, si beatam Virginem excipias, qui in peccata saltem venialia non fuerit lapsus.

Ex his collige, his non obstantibus rectè inferri Christi impeccabilitatem ex unione hypostatica; non quidem per locum intrinsecum, ut volunt Thomistæ; sed per extrinsecum, quia scilicet expedit, & congruentissimum est, ut natura unita Verbo sit peccati incapax, tum propter illius sanctitatem personalem; tum propter visionem beatificam, quæ cum animam Verbo unitam primæ rectæ operationis regulæ conjungat, illam etiam reddit impeccabilem, & insuper vim, & efficacitatem habet reprimendi omnem inordinatum affectum appetitus sensitivi. Tum denique propter perfectionem, & plenitudinem gratiæ habitualis existentis in anima Christi, necnon & virtutum, quæ ab ea dimanant, cum enim gratia opponatur moraliter peccato; inde consequens est, quod gratiæ plenitudo abundantissima, qualis fuit animæ Christi, nullum peccatum locum relinquat. Unde radix illius impeccabilitatis maxime est ipsa Dei manutenzione, qua Christi humanitas, utpote Verbo unita personaliter, & Deo conjuncta per unionem beatificam, necnon & per gratiæ plenitudinem, ita in hoc triplici statu constantissimè servatur, ut nec per aliquid extrinsecum possit separari, nec

aliquid admittere, quod illam unionem hypostaticam, aut beatificam, aut gratuitam, seu sanctificativam dedecet, sicut reverè peccatum hunc triplicem statum moraliter summè dedecet. Unde de facto quidem utraque sententia tam Angelici, quam sub illis Doctoris convenit, Christi impeccabilitatem ab illa triplici unione ipsius animæ cum Deo esse repetendam, quod sufficit, tum ad fidem, tum ad doctrinam Sanctorum Patrum; an verò secus fieri posset de possibili, controversia est, purè ad philosophiam spectans.

Quæres, an Christus habuerit fomitem peccati, seu inclinationem appetitus sensitivi ad objecta sensibilia, contra dictamen rationis, quæ inclinatio vocatur fomes peccati; quia illius incentivum est, illudque fovet.

Respondet primò, nullatenus in Christo fuisse de facto illum fomitem peccati. Probaturque ex sexta Synodo generali, actione 11. & ex quinta, collat. 8. Can. 112. ubi definitur in Christo fuisse tantum *Passiones irreprehensibiles, & innoxias*, fomes autem peccati est passio noxia, reprehensibilis, inordinata, cum interdum vocetur à sacris litteris peccatum, non quod propriè sit peccatum, sed quod sit ex peccato, & ad peccatum inclinet, ut explicat Trident. Synodus sess. 5. in decreto de peccato originali.

Confirmatur ex Patribus, S. Leone, epistola 11. ita scribente; *Corpori sensus vigebant sine lege peccati, & veritas affectionum sub moderamine Deitatis, & moris, nec tandem sentiebatur illecebris; nec cedebat injuriis*. Similiter ex S. Damasceno 3. de fide cap. 20. dicente: Christum aliter fuisse tentatum à dæmone, quam primos parentes, quia primus parens tentatus est extrinsecè, & intrinsecè, Christus verò tantum extrinsecè. *Nec obstat*, quod Hebr. 4. dicatur, *Christus tentatus per omnia*, nam particula illa, *per omnia*, debet intelligi accommodatè ad naturam, & conditionem. Huic conclusioni favet ratio; quia ex Concilio Trid. fomes peccati remanet in nobiscum ad agoniam; non erat autem decens ejusmodi turpem agonem reperiri in Christo: ergo neque fomitem peccati.

Respondet secundò, fomitem peccati sublatum esse à Christo per virtutes, quashabuit in perfectissimo statu, & per excellens illud dominium, quod habuit in omnes suas potentias, necnon & per perpetuam

attentionem rationis, quæ præveniebat omnia objecta, quæ poterant ipsum appetitum movere ad peccatum. Probatur. Si iustitia, v. g. in statu innocentie ad id sufficiebat: ergo & hæc, cum superent vires illius, ad id sufficient.

Respondetur tertio, quod etiam de potentia Dei absoluta Verbum divinum assumere non potuit naturam humanam cum fomite peccati, non quod ad hoc fuerit repugnancia physica, sed quia sit repugnancia moralis propter dignitatem, & maiestatem suppositi divini. Quod utique probatur: nam si Verbum potuisset assumere naturam cum fomite peccati; maximè, vel quia potuit assumere naturam bruti, in qua potuerunt esse motus appetitus sensitivi ad objecta supra mensuram delectabilia, vel quia etsi potuerint esse tales motus in Christo, tamen poruit etiam illis non consentire, sicque illis uti ad agonem, & meritum; sed prima ratio nulla est, quia etsi in natura irrationali bruti non dicat fomes indecentiam, cum hæc natura non sit nata regi dictamine rationis; quia tamen in nostra natura, prout subest directioni partis superioris, est aliqua indecentia experiri imperfectionem talem, & cum status naturæ humanæ etiam in Verbo existenti debitus, suo modo sit rectus ad rationem, & sit indecorum turpes motus in se sentire, etsi consensus voluntatis in illis non sequatur, tamen propter ejusmodi indecentiam non debuit, nec potuit Verbum divinum assumere naturam cum fomite peccati. Secunda item ratio nulla est, nam quæ sunt in natura assumpta ad agonem, debent esse talia, ut nullam includant indecentiam ad statum, & conditionem Christi.

QUÆSTIO QUARTA.

An Christus Dominus assumpsit passiones animæ seu appetitus rationalis tam secundum portionem superiorem, quam inferiorem.

Notandum primò, ex Doctore in 2. dist. 24. quæst. unica, duplicem esse animæ portionem, superiorem videlicet, & inferiorem. *Portio superior*, sunt ipsæmet facultates animæ, nimirum intellectus, voluntas, & memoria, quatenus occupantur circa æterna, & spiritualia; *Portio* vero *inferior* sunt eadem facultates, qua-

tenus versantur circa temporalia. Ex quibus infert Doctor portionem non distinguere id, quod una sit contemplativa; & alia practica; ut voluit aliqui, quia tam speculativa, quam practica pertinent ad portionem superiorem: speculativa quidem quatenus intellectus solitarie speculari æterna: practica verò quatenus ille idem intellectus speculatur æterna, prout à nobis amabilia. Practica iterum quatenus voluntas, ut portio superior, quæ natura sua est facultas practica, vult amplecti, & prosequitur æterna.

Infert insuper portionem superiorem, & inferiorem intellectus, item superiorem, & inferiorem voluntatis non esse duas potentias. *Primò*, quia eadem potentia cognoscit principia, & conclusiones, aliter nulla potentia eadem cognosceret; cum non cognoscatur per se, nisi ex collatione ad principium; sed portio inferior intellectus, v. g. cognoscit conclusionem, & portio superior principium: nam S. Augustinus dicit portionem superiorem intendere regulis æternis, & superioribus contemplandis; inferiorem vero intendere temporalibus agendis secundum æternas regulas: ar ista circa quæ occupatur portio inferior, sunt conclusiones regularum æternarum: ergo portio inferior intellectus cognoscit conclusiones principiorum, quorum est portio superior ejusdem intellectus.

Confirmatur, quia idem habitus simpliciter non perficitur duas potentias: sed eadem charitas, v. g. perficit voluntatem superioris portionis; siquidem eadem charitas est in voluntate portionis superioris, qua Deus diligitur, nec non & in voluntate portionis inferioris, qua diligitur proximus, qui est objectum temporale, una enim, & eadem charitas se extendit ad omnia diligibilia: igitur cum unus, & idem habitus charitatis resideat in portione superiori, & inferiori ejusdem animæ, consequens est, quod illæ portiones non sint distinctæ facultates, & potentie.

Notandum secundò, undecim passiones appetitus sensitivi, seu portionis inferioris animæ solitò numerari à philosophis, quarum quinque resident in appetitu irascibili, videlicet spes, desperatio, timor, audacia, & ira: sex verò in appetitu concupiscibili, nimirum amor, odium, desiderium, gaudium, fuga, & tristitia. Certum est autem spem potuisse esse in Chri-

Chri-

Christo, utpote qui sperare potuit gloriam sui corporis, & liberationem ab illis omnibus poenalitibus, & cruciatibus, quibus illius humanitas agitata fuit tum tempore vitæ, tum tempore passionis: fuit similiter in eo desperatio, non quidem ea, quam impius sustinet Calvinus, qualem scilicet habent reprobi circa objectum beatitudinis: sed dumtaxat illa, quæ versatur circa malum sensibile inevitabile, cum enim nobis se offert malum aliquod non apprehensum ut inevitabile, fluctuamus inter spem, & desperationem, cum verò jam inevitabile proponitur omni spe evadendi adempta, desperamus: fuit pariter in eo audacia, quia habuit fortitudinem animi, & constantiam respectu mortis subeundæ, nec dumtaxat patienter sustinuit infictos cruciatum, & adversariorum insultum, sed etiam eis animosè ivit obviam, ut sacri Evangelistæ referunt. Similiter quantum ad portionem appetitus concupiscibilis, certum est habuisse *amorem*, & *odium*; quippe amore, & odio sensitivo aliqua prosequatur, puta conservationem propriæ vitæ, & aversionem mortis; habuit similiter *desiderium*, nam dicebat Discipulis: *Desidero desideravi hoc Pascha manducare vobiscum*; habuit pariter *fugam* mortis, & doloris cum exoravit Patrem: *Pater, si possibile est transeat à me calix iste*. Quamvis autem fuerit vir dolorum, & in laboribus à juvenute sua, nihilominus delectationem habuit, maxime de bonis spiritualibus; unde in ejus nomine canit Psalter Regius Psalm. 83. *Cor meum, & caro mea exultaverunt in Deum vivum*. Unde maxime contrahitur inter Theologos, an Christus habuerit passionem tristitiæ, timoris, & iræ, quocirca

Notandum tertio, ex Doctore in 3. d. 13. num. 12. eodem modo philosophandum esse de tristitia, & gaudio, sicut proportionem servata de delectatione, & dolore respectu appetitus sensitivi; quemadmodum enim dolor in corpore causatur ab objecto disconvenienti appropinquato, & applicato parti sensitivæ, ita pariter tristitia causatur ab objecto ingrato voluntati, unde S. Augustinus l. 14. de Civit. cap. 15. *Dolor carnis tantummodo est offensus animæ ex carne, & quadam ab eius passione dissensio: sicut animæ dolor, qui tristitia nuncupatur, est ejus dissensio ab his rebus, quæ nobis volentibus accidunt*: Accidit autem, inquit Doctor, ut multis modis voluntas se habeat circa objecta, à quibus po-

test tristitiam accipere: *Primo* namque contingit aliquid esse contrarium, non quidem actui elicitive ipsius, & appetitui libero, sed dumtaxat appetitui naturali; licet enim voluntas sit una simplex facultas, consideratur tamen aliquando, ut appetitus naturalis; aliquando verò ut appetitus liber: ut appetitus naturalis convenit cum omnibus aliis rebus naturalibus, quibus commune est habere aliqua objecta convenientia, & aliqua disconvenientia, seu contraria; quemadmodum aqua, verbi gratia cui calor est contrarius, sicut frigiditas est conveniens. Voluntas itaque spectata ut appetitus naturalis, naturaliter fertur in felicitatem, item naturaliter refugit miseriam; itaut etiam nullo dato actu elicito ab ipsa, censeatur naturaliter ferri in beatitudinem, & aversionem a miseria: quando igitur se se offert objectum ejusmodi disconveniens appetitui naturali voluntatis, inde sequitur tristitia. *Secundo*, causatur tristitia, quando aliquid accidit nolente voluntate nolitione elicita quidquid sit illud, quod non vult; exempli gratia, si quis nolit visitari, & visitetur; inde tristatur voluntas. *Tertio*, causatur tristitia ex conjunctione voluntatis cum affectu sensitivo; impossibile est enim facultatem sensitivam dolorem recipere, & ex eo non confluere tristitiam in voluntate. *Quarto* denique causatur tristitia ex quodam objecto, non quidem absolute, sed conditionate nolit; itaut propter istam nolletatem possit etiam tristiari voluntas, quomodo v. g. sumens aliquis potionem amaram, nollet sumere si posset, & propter istam nolletatem confluat tristitia in voluntate ejus.

Ex quibus colligit Doctor subtilis tristitiam residere formaliter in voluntate, sicut dolor sensibilis residet in appetitu sensitivo; & tristitiam non esse actionem aliquam voluntatis, sicut nec dolor sensibilis est actio appetitus sensitivi, quia omnis actio voluntatis est in potestate voluntatis, tristitia verò non est in potestate voluntatis saltem consequenter: ergo non est actio voluntatis: dico saltem consequenter, quia clarum est antecedenter esse in potestate voluntatis, quatenus scilicet volitio, & nolitio, ex quibus oritur tristitia, sunt in potestate voluntatis, tamen posita semel nolitione alicujus objecti, & accedente objecto illo actualiter nolito, non est in potestate voluntatis non tristiari.

Adde quòd experientia docet tristitiam non esse actionem aliquam, cum enim tristitiam experimur nos pati validè, ex qua passione sequitur aliquandò angor, idest passio mœrens, & melancholia, idest tristitia diuturnitate obfirmata; quæ quidem omnia passionem potius, quàm actionem, indicant.

CONCLUSIO PRIMA.

IN Christo Domino reverà fuerunt humane passionēs, non tamen cum ea imperfectiōne, qua in cæteris hominibus. Hæc est de fide determinata in 6. Synodo Act. 4. Et probatur variis Scripturæ textibus, quibus illi humani affectus, & motus asseruntur fuisse in Christo. Sic Joann. 2. de eo dicitur: *Zelus domus sue comedit me.* Marci 3. *Circumspiciens eos cum ira, tristatus est super cæcitate cordis eorum.* Matth. 26. *Tristis est anima mea usque ad mortem.* Id ipsum unanimi sententia testantur SS. Patres, Ambrosius lib. 1. de Fide cap. 3. Augustin. lib. 4. de Civitate Dei cap. 7. & S. Leo Epistol. 11. quæ est ad Julianum circa finem, ubi ita scribit: *Sensus corporei lugebant sine lege peccati, & veritas affectionum sub moderamine Deitatis, & mentis.* Idem docuit S. Damascenus 3. de fide cap. 20. de omnibus defectibus animæ nostræ, qui sunt à reprehensione alieni, inter quos enumerat metum, angorem, mortis recusationem. Favet etiam ratio, quia illi affectus appetitus sensitivi spectant ad vitæ humanæ conservationem, dignitatem, & exercitium: conferunt etiam ad satisfactionem pro hominum peccatis, ut constat de dolore, & tristitia.

Paret etiam secunda pars, nempe quòd passiones illæ aliter ficiunt in Christo, quàm in nobis, tum quoad objectum, tum quoad principium, tum quoad effectum. Primò quidem, quoad objectum, quia motus illi animi, plerumque in nobis feruntur ad illicita: at in Christo Dominor semper in bonum honestum tendebant, quia reverà fuit impeccabilis, & caruit ipso fomite peccati inclinante ad malum. Secundò, quantum ad principium, quia ejusmodi passiones in nobis sæpè præveniunt iudicium, & usum rationis: Sed in Christo semper oriebantur secundum dispositionem rationis, vel positivè moventis, vel providentis, & permittentis; unde

numquam prævenierunt ejus rationem; sed tantum in eo fuerunt ex deliberata voluntate, quando voluit, quamdiu voluit, & quomodo voluit: quod utique significavit Joannes quando cap. 11. ita ait de Christo Domino, *Inferamus spiritui, & turbavit semetipsum:* nam modus ille loquendi significat Christum Dominum liberè excitasse in seipso motum illum miserationis, & indignationis, ex quo ipse est turbatus, ut docet S. Augustinus, in tract. 40. in Joan. *In illius, inquit, potestate erat, sic vel non sic effici; Verbum enim animam suscepit, & carnem, totus hominis sibi coaptans in personæ unitate naturam.* Et paulò post: *Ubi similia potestas est, secundum voluntatis nutum trahitur infirmitas, hoc est, turbavit semetipsum.* Id pariter, probat S. Athanasius orat. contra Apollinarem ex eo, quod Christus Dominus Joan. 12. signanter dixit: *Nunc anima mea turbata est;* ait enim: *Ob eam causam dicebat Dominus, nunc anima mea turbata est, hæc autem particula nunc, idem est, quod quando voluit. Tertiò denique passiones illæ aliter fuerunt in Christo, quàm in nobis quantum ad effectum; nam in nobis quandoque trahunt rationem ad illicita, ut illis deordinatis motibus consentiat, nec consistunt dumtaxat in appetitu sensitivo, sed etiam appetitum rationalem ex se pelliciunt: secus autem fuit in Christo, cum enim ejus anima plenum haberet dominium in omnes suas facultates, & actus, non tantum ex simplici permissione, sed ex positivo consensu admitteret in se ipsas tales passiones; & cum haberet omnes thesauros sapientiæ in se reconditos, ac futura prævideret, facillè poterat cognoscere illud omne, quod appetitus ejus excitare poterat, & facere, ut hæ passiones nullo modo possent ad illicita pertrahere.*

Unde plerique Scholastici post S. Hieronymum in cap. 25. S. Matthæi dicunt in Christo quidem non fuisse *passiones*, sed *propassiones*, quia, inquit, propassionis nomine significatur affectio, quæ aliquam corporis motionem excitat, & movet quidem hominem, sed non dimoveat ejus rationem a recto, & libero suo exercitio, ut sit per passiones. Verum hoc discrimen tantum fuit penes Stoicos Philosophos, ac eorum Sectatores: nam apud Peripateticos, & SS. Patres nomen passionis, & propassionis idem planè significat, estque com-

mune tam ordinatis, quàm inordinatis affectibus.

CONCLUSIO SECUNDA.

Christus reverà habuit effectum tristitiæ: non quidem in portione superiori animæ præcise, & seorsim sumpta; sed quatenus est colligata cum appetitu sensitivo. Hæc conclusio duas habet partes: quarum prima constat ex illis Scripturæ textibus supra laudatis, quibus asseritur Christum reverà fuisse tristitum. Sic Matt. 26. *Tristis est anima mea usque ad mortem.* Et Luc. 22. *Factus in agonia prolixius orabat;* unde S. Ambrosius lib. 2. de Fide cap. 2. *Ut homo tristitiam habuit, suscepit enim tristitiam meam. Considerenter tristitiam nomine, qui crucem prædico.*

Eandem veritatem probat Seraphicus Doctor dist. 15. art. 2. quæst. 2. *Primo* quidem, quia ut legimus Lucæ 19. *Christus videns civitatem Jerusalem flevit super illam:* sed fletus est signum doloris, & mœroris: ergo Christus flendo animi angorem, & tristitiam testatur est. *Secundo*, Christus amabat, & desiderabat nostram salutem: sed qui amat aliquid tristatur de ejus amissione; ergo cum Christus multos videret suam salutem negligere, apparet, quòd in se senserit verum affectum tristitiæ. 3. Quànto sunt in aliquo majora viscera pietatis, tantò magis afficitur mœrore: sed Christus habuit abundantissima pietatis viscera: ergo de aliorum necessitatibus, & infirmitatibus maximam habuit tristitiam.

Secunda pars etiam constat, nempe quòd tristitia illa non fuerit in portione superiori voluntatis Christi, quia illa portio superior voluntatis non potest tristari, nisi ex eo, quòd aliquis nolle Deum esse, vel nolle eum habere aliquam perfectionem intrinsecam, voluntas enim ut portio superior, intendit rebus æternis: sed neutrum ex his motibus potuit habere anima Christi: Tum quia res æternæ non possunt ullam molestiam afferre; siquidem appetuntur appetitu naturali, quia naturaliter voluntas fertur in res æternas tamquam in summum bonum, & supremum commodum: appetuntur pariter appetitu elicito, quia voluntas non potest ordinatè refugere, quòd recta ratio dicat: at dicat consequendas esse res æter-

nas; & subinde voluntas non potest illas refugere appetitu elicito: Tum etiam quia Christi voluntas quamvis liberissima, propter eximium suum erga Patrem amorem, summo affectu ferebatur in id omne, quòd ab eo dectetur fuerat circa suam humanitatem. Hinc dicebat Joann. 4. *Meus cibus est, ut faciam voluntatem ejus, qui misit me, ut perficiam opus ejus;* unde instante mortis tempore, cum ejus anima secundum portionem inferiorem infligendos cruciatus perhorresceret, & idcirco rogasset Patrem; *Si possibile est transiet à me calix iste:* statim subdidit; *Verumtamen non mea, sed tua voluntas fiat.*

Pate denique *tertia pars*, nempe quòd tristitia fuerit in Christi anima, ut colligata appetitui sensitivo: tanta est enim animæ rationalis cum corpore connexio, & confederatio, ut sibi invicem proprias affectiones, & passiones communicent; hinc cum anima tristitia laborat, corpus languore deficit, & interdum omnino extinguitur. Unde præclare monet Ecclesiasticus 30. *Tristitiam longe repelle à te, multos enim occidit tristitia, & non est utilitas in illa.* Similiter cum corpus dolore premitur, anima tristitia laborat, unde non potest sentiri vehemens dolor in parte sensitiva, quin rationalis pars maxima tristitia afficiatur: est autem maximus dolor impressus corpori Christi tempore passionis; unde reverà tunc temporis animi angorem, & tristitiam passus est.

Tristitia autem illa quantumvis verissime in Christo fuerit, non tamen eodem modo fuit in illo, quo fuit in nobis; Nam (inquit S. Bonaventura loco initio hujus conclusionis laudato:) Est quædam tristitia, quæ est præter rationis imperium: & est tristitia, quæ est contra rationis judicium rectum: & est tristitia, quæ est subiecta rationis imperio, & judicio. Et illa tristitia præter rationis imperium, est quæ confurgit ex quadam necessitate, & surreptione, sicut motus primi: & hæc quidem communis est sapientibus, & insipientibus, bonis, & malis. Illa verò tristitia est contra rationis judicium rectum, in qua ratio subiecitur sensualitati, nec tantum turbatur, sed etiam perturbatur. Illa autem est secundum rationis imperium, & judicium, quando quis tristatur ratione distante, & suadente ipsum tantum,

„tüm, & taliter super aliquo debere tri-
 „stari. Dico ergo, quod in Christo fuit
 „tristitia tantum isto tertio modo: quia
 „de nullo tristatus fuit, nisi secundum
 „quod dictabat ei ratio. Et hoc idem
 „innuit Ioannes, ubi dicitur, Iesus au-
 „tem infremuit spiritu, & turbavit se-
 „metipsum: in quo ostenditur, quod tur-
 „batio, & tristitia rationi non præsi-
 „debat, sed subiacebat: primis autem
 „duobus modis non fuit in Christo tri-
 „stitia.

Petres primò. Cum tristitia sit motus ani-
 mi refugientis ea, quæ nobis nolentibus
 accidunt; eumque duplicem habere pos-
 simus nolitionem rei, quam refugimus,
 unam quidem conditionatam, & ex hy-
 pothesi; aliam verò absolutam, & simpli-
 citer: Petes, inquam, an tristitia, quam
 habuit Christus D. de morte futura, se-
 cuta fuerit ad nolitionem absolutam il-
 lius mortis.

Respondet Doctor dist. 15. num. 27. utram-
 que partem affirmantem, & negantem esse
 probabilem: Etenim quod Christus non
 habuerit tristitiam sequentem nolitionem
 absolutam, sed tantum conditionatam mor-
 tis; probat quinque rationibus, quas sic
 expendit Poncius in commentario. *Primò*,
 quia eadem potentia, qualis est voluntas,
 quoad portionem superiorem, & inferio-
 rem, non potest habere actus oppositos in
 summo: sed judicare passionem esse sim-
 pliciter volendam, est actus intellectus op-
 positus actui, quo iudicaret, quod non ef-
 fet simpliciter volenda: & velle simplici-
 ter, est actus oppositus nolle simpliciter:
 ergo quandoquidem Christus, quoad intel-
 lectum, iudicavit passionem simpliciter ef-
 fect volendam, & quoad voluntatem sim-
 pliciter eam voluit; non poterat, nec quo-
 ad intellectum judicare, quod esset sim-
 pliciter nolenda, nec quoad voluntatem
 eam simpliciter nolle.

Probat secundò, quia ex principio, &
 conclusione non sequuntur opposita: sed
 sequerentur, si non esset vera hæc asser-
 tio: ergo &c. Probat minor: quia con-
 clusio discursus practici, quo intellectus
 probat mortem esse volendam simplici-
 ter, est hæc: *Mors est volenda simpliciter*,
 & hæc conclusio sequitur ex his princi-
 piis: *Quod est necessarium ad finem ultimum,*
est simpliciter volendum: sed *mors est ad id*
necessaria: ergo *est simpliciter volenda*: sed

hæc ipsa conclusio deberet esse princi-
 pium, ex quo posset concludi per por-
 tionem inferiorem, quod mors esset no-
 lenda: ergo ex principio, & conclusio-
 ne sequerentur opposita, imò sequeretur,
 quod aliqua propositio posset esse princi-
 pium ad demonstrandum oppositum sui
 ipsius, quod implicat. Probat hæc ulti-
 ma sequela: quia conclusiones princi-
 piorum practico-um desumptorum a fine
 ultimo, sunt principia ad concludendum
 aliquid de finibus particularibus, qui or-
 dinantur ad finem ultimum: ergo illa
 conclusio, *mors est volenda*, esset princi-
 pium ad concludendum, quod esset no-
 lenda in ordine ad aliquem finem parti-
 cularem.

Probat tertio, independenter a doctrina
 supposita in ratione præcedenti; quia im-
 possibile est, quod simpliciter concludan-
 tur opposita de eadem conclusione, si-
 cut impossibile est, quod sit simpliciter
 ambulandum hic, & nunc, & quod non
 sit simpliciter ambulandum: ergo si ratio
 superior ex illis principiis ostendit mor-
 tem esse simpliciter volendam, ratio in-
 ferior non potest rectè concludere ex eis-
 dem principiis, quod non sit simpliciter
 volenda.

Probat quarto, quod ratio inferior non
 possit dictare mortem esse nolendam: Ra-
 tio inferior dictat mortem esse susten-
 tandam pro bono communi; quandoqui-
 dem bonum commune hominum depen-
 debat a morte Christi: ergo ratio in-
 ferior dictare poterat, quod mors susti-
 nenda esset pro illo bono; & conse-
 quenter non poterat judicare, quod ef-
 fet nolenda.

Dices: Aliud est, quod mors esset sus-
 tinenda, & quod esset volenda: ergo
 quamvis ratio inferior potuerit dictare
 mortem esse sustinendam, inde non se-
 quitur, quod poterat dictare eam esse
 volendam.

Contra: Quia si mors est sustinenda: ergo
 aut voluntas non vult id positivè, &
 sic non est conformis rationi; aut vult,
 & sic non potest absolute nolle mortem,
 quia si absolute nollet mortem, non vel-
 let sustinere mortem; sed fugeret ab ea
 quantum potest.

Addit duas alias rationes ex auctorita-
 te S. Augustini satis claras: hanc autem
 assercionem non absolute proponit tam-
 quam

quam suam, sed in eam mihi videtur magis propendere, Ita Poncius rationes Doctoris proponit, & expendit.

Alteram etiam partem, nempe quod *portio inferior potuit absolute nolle Passionem*, & consequenter de ea Christus tamquam de objecto absolute nolo tristatus fuerit. Probat n. 31. ex eo quod portio inferior non debeat considerare Passionem cum ordine ad finem ultimum, quia ea non occupatur circa aeterna, sed dumtaxat circa temporalia: ergo cum Passio non sit volenda simpliciter, & absolute, nisi ut conducens ad finem ultimum, qui dumtaxat apprehenditur per portionem superiorem, potuit Christus secundum portionem inferiorem absolute nolle Passionem. Deinde, solvit argumenta proposita pro confirmatione partis negantis. Verum quoniam hæc dumtaxat animi causa proponit Doctor in aliorum sententia, qui hanc partem velent amplecti, idcirco rectius dicendum arbitror, cum Gabriele, Cavello, & Poncio, Doctorem magis in priorem, quam in posteriorem partem propendere, nempe quod Christus tristatus fuerit, ex eo quod illius Passio fuerit conditionate nolita. Ut ut sit, certissimum est verè Passionem tristitiae in Christo fuisse.

Dices primo: Contraria nequeunt esse simul in summo in eodem subiecto: sed anima Christi habebat gaudium in summo propter beatitudinem: ergo non potuit habere tristitiam.

Respondet Doctor nu. 33. distinguendo minorem. Gaudium & tristitia sunt contraria, quando sunt de eodem objecto, concedit: quando sunt de diversis, negat: gaudium autem, & tristitia in Christo erant de diversis objectis, gaudium quidem de objecto beatifico, tristitia verò de morte, & cruciatibus subeundis. Quod autem tristitia, & gaudium de diversis objectis possint esse simul, probat à simili de scientia, & necessitudine, quæ possunt esse in eodem intellectu penes diversa objecta.

Inflabit. Summum gaudium sive circa idem, sive circa diversum objectum, excludit quamlibet tristitiam; quia impedit ex se considerationem aliorum objectorum, quæ possent tristitiam inferre; sed Christus habuit summum gaudium: igitur nullatenus potuit habere tristitiam.

Respondet Doctor distinguendo maiorem: Summum gaudium excludit omnem tristi-

tiam, directe, & formaliter negat: indirectè, concedit: hoc est, quamvis in anima Christi fuerit summa delectatio de facto, quæ naturaliter posset ex se impedire considerationem aliorum objectorum tristantium; tamen Deo ita disponente non impedivit, nec maximum gaudium in portione superiori voluntatis Christi excluderebat dolorem in appetitu sensuivo, nec etiam tristitiam in portione inferiori; quia illa delectatio non redundabat in portionem inferiorem. Unde hoc fuit factum per novum miraculum, quod gloria in portione superiori voluntatis non redundavit in corpus, sed permisit ipsum esse passibile, nec etiam redundabat in eandem potentiam, ut comparatur ad aliud objectum. Unde sicut per miraculum fuit, quod simul erat viator, & comprehensor: ita fuit miraculosum, quod ista gloria non redundabat in corpus, nec in vires inferiores, sicut in Beatis redundat.

Dices secundò: Impassibilitas corporis gloriosi non admittit, nec ferre potest in eodem corpore glorioso ullam Passionem à quacunque causa extrinseca, vel intrinseca: igitur nec beatitudo animæ potest admittere tristitiam, sibi repugnantem.

Nego consequentiam; & ratio disparitatis est, quod corpus gloriosum non habere duas portiones; ita quod penes unam possit esse impassibile, & passibile secundum alteram: anima verò Christi cum esset unita Deo, & corpori mortali, & passibili, duas habebat portiones, duosque affectus, quorum unus in Deum tendens ipsam summam voluptate, & beatitudine afficiebat: alter verò occupatus circa corpus passibile, merore angustia labor propter cruciatum ipsi corpori inferendos.

Dices tertio; Quia anima Christi conjungitur ultimo fini per cognitionem, & amorem beatificum, ideo peccare non potest etiam circa proximum: ergo etiam, quia ipsa anima Deo ut summo bono, & totius voluptatis, & gaudii oceano conjungitur, nullo modo tristari potest etiam ratione penalitatum, & cruciatuum corporis.

Nego consequentiam, & ratio disparitatis est, quod amor beatificus, quo anima unitur ultimo fini, eam determinat ad nihil faciendum, quod isti fini adversetur, ipsamque offendar: offenderetur autem si illa anima peccaret in proximum, quia

pec-

peccatum istud redundaret in Deum præcipientem proximi amorem, & prohibentem omnem offensam ipsi irrogandam: gaudium autem de objecto beatifico non impedit, quominus anima tristitia possit affici propter aliud objectum, maxime quando vivificat corpus adhuc passibile: quia tristitia illa nullo modo spectat, nec refunditur in Deum, quatenus est objectum beatitudinis.

Dices quarto: Tristitia est de iis, quæ nobis nolentibus accidunt: sed nihil passus est Christus, renitente voluntate. Nam legimus Isaia 53. *Oblatus est, quia ipse voluit*: igitur non habuit tristitiam.

Distingue maiorem: Tristitia est de iis, quæ accidunt nobis nolentibus vel absolute, vel conditionate, concedo: absolute tantum, nego: Christus autem, ut diximus, quamquam absolute voluerit Passionem maxime secundum portionem superiorem animæ, potuit illam nolle; imò etiam penes ipsam inferiorem portionem potuit illam Passionem nolle.

Obijciunt denique aliquos Scripturæ textus, quibus tristitia videtur à Christo arceri: maxime verò illud Isaia 42. ubi de Christo dicitur: *Non erit tristis, nec turbulentus*: Item illud Prov. 12. *Non contristabit iustum quicquid ei acciderit*. Cujus rationem hanc assignant Stoici, quia nullus tristatur nisi de jactura, & amissione suorum bonorum: iustus autem nulla sua bona reputat, nisi iustitiam, & virtutem, quas non potest amittere: sed Christus fuit maxime iustus; unde Jeremias 23. *Hoc est nomen, quo vocabunt eum, Dominus iustus noster*: ergo &c.

Respondet Seraphicus Doctor, Isaiam à Christo non excludere quamlibet tristitiam, sed duxat tristitiam perturbantem; unde dicitur Matth. 26. *Cæpit contristari, & mæstus esse*, quibus significatur Christum Dominum quamvis summa tristitia affectum, non fuisse tamen dejectum animo, nec ratione perturbatum, ut contingere solet in aliis hominibus, qui cum ingenti tristitia premuntur, omnem rationis usum, & animæ constantiam abiciunt. *Ad secundum* similiter respondet, Sapientem intelligendum esse de illa tristitia, quæ statum mentis evertit; non verò de illa, qua quis contristatur compatiendo aliis, vel etiam refugiendo aliquid malum sibi illatum.

CONCLUSIO TERTIA.

Passio timoris revera fuit in Christo. Probat ex Scriptura sacra, nam Marci 14. *Cæpit Jesus pavere, & tremere, & mæstus esse*. Unde S. Cyrillus lib. 4. in Joannem cum dixisset Verbum nihil timere secundum se, subdit; *Caro autem factum, permisit carni suæ ut propria patiatur: Ideo tamquam verus homo mortem in januis existentem pertimescit*. Idem docent ceteri Patres, Chrysostomus homil. 24. in Matth. 5. Leo, serm. 7. de Passione Domini. Ratio etiam suffragatur; quia timor est affectus naturalis homini passibili, cui imminet aliquid malum, & cum poenalis sit, deservire potest ad satisfactionem: Christus autem assumpsit id omne innoxium, quod maxime deserviebat ad demonstrandam assumpsit naturæ veritatem, necnon & ad satisfaciendum pro delictis nostris: igitur &c.

Dices: S. Hilarius lib. 10. de Trinit. Augustinus Enarratione in Psal. 21. & Hieronymus in cap. 27. Matth. negant in Christo fuisse timorem, quod confirmatur ex illo Prov. 28. *Iustus quasi leo confidens, oblique terrore erit*: ergo timor in Christo non extitit.

Nego consequentiam, & ad antecedens dico S. Hilarium eo modo à Christo excludere timorem, quomodo tristitiam, non quidem turbantem, sed perturbantem; qualiter etiam intelligendus est S. Hieronymus. *Ad sanctum Augustinum* dico, ipsum excludere timorem, qui impediret efficacem voluntatem moriendi; non verò etiam, qui voluntatem ipsam non adimeret.

Dices secundò: Timor non potuit stare cum animi fortitudine in gradu heroico: ergo cum in Christo virtus fortitudinis, sicut & aliz virtutes morales, fuerit in gradu heroico; in eo non potuit esse timor.

Respondet, actum inefficacem, & non absolutum unius passionis posse simul stare cum aliquo actu efficaci, & absoluto virtutis, ei aliquo modo oppositæ, ut patet in Martyribus, qui potuerunt habere actus inefficaces mortis evitandæ; quam tamen fortiter passi sunt. *Adde quòd* timor non oriebatur ex absoluto desiderio diutius vivendi; quin potius summo pere-

mor-

mortem optabat pro nobis: sed prove-
niebat tantum ex affectu inefficaci, &
quatenus sese offerebat mors tamquam
malum aliquod nature, tamen affectu ju-
stiniz longè anteponebat bonum redem-
ptionis nostræ.

*Dicitur tertio, ex Aristotele 2. Rhetorico-
rum cap. 3. Timor includit incertitudinem
mali apprehensi ut venturi, necnon & spem
aliquam illius evadendi:* atqui anima Chri-
sti ita mortem timuit, ut tamen certò
sciret eam hoc, & illo modo sibi even-
turam; unde etiam illam prædixit mul-
tis in locis. *Adde quòd noverat illam ef-
se pœnis decretam decreto quodam effi-
caci:* ergo propriè loquendo non habuit
timorem mortis.

Huic objectioni Varii variè respondent.
Primo enim S. Thomas, concessio antece-
dente, dicit ad consequentiam, timorem
quidem non fuisse in Christo secundum
perfectam, & exactam rationem timoris,
quia reverà, inquit, ut habet Aristoteles,
timor includit incertitudinem eventus. *Ri-
chardus* noster respondet non esse neces-
sariam incertitudinem ad timorem, quan-
do res, quæ timetur, est in potestate ti-
mentis, ut cum v. g. aliquis eligit scindi
sibi brachium, quia ejusmodi scissio est
in potestate ejus, non requiritur incerti-
tudo ad hoc, ut ille timeat futuram scis-
sionem: quapropter potuit Christus pro-
priè timere, etiam mors non esset in-
certa; quia erat in potestate ejus. Ad
Aristotelem verò dicit: Timorem inclu-
dere incertitudinem, quando eventus non
est in potestate timentis. Vasquez appro-
bat hanc solutionem, imò ulterius probat
incertitudinem nulla ratione deside-
rari ad timorem; quia, inquit, multi Pa-
tres, inter quos est S. Damascenus lib. 2.
de fide cap. 43. definiunt timorem absque
ulla eventus incertitudine.

Ad auctoritatem Aristot. respondet ipsum
non agere de omni affectu timoris, sed
de eo, ad quem Rhetores movere debent
Auditores: hic autem, inquit, non con-
tingit, nisi quando incertus est eventus:
quod confirmat ex eo, quòd Aristot. eo
loco loquatur de timore, qui locum re-
linquit consultationi, ejusmodi potest esse
solus timor includens incertitudinem
eventus; quando enim id, quod futurum
est, omnino certum est, & inevitabile,
non relinquitur locus consultationi.

Communior verò, & melior responsio est;
quòd sit duplex timor mali: unus efficax,
qui concomitatur desiderium efficax fu-
giendi malum, & conducit ad applican-
da media, quibus vitetur; alius inefficax,
qui concomitatur desiderium inefficax fu-
giendi malum, & non sufficit ad applica-
tionem mediòrum efficaciam ad ipsum
vitandum: ad illum priorem requiritur spes
evadendi, & propterea talis timor non
fuit in Christo; ad posteriorem non item,
qui propterea Christo tribuitur: *Ex his*
colligit ibidem Vasquez, Thomistas asse-
rentes in Christi voluntate non fuisse ti-
morem mortis secundum veram, propriam,
& integram rationem timoris, sed tantum
in appetitu illius, gravissimam notam me-
teri: est enim, inquit, non solum contra
communem Scholasticorum sententiam,
qui docent Christum habuisse voluntatem
non moriendi, ac proinde timuisse mor-
tem; sed etiam contra graves Ecclesiæ Pa-
tres, qui adversus Apollinarem probant
in Christo veram fuisse naturam huma-
nam, mente propria, & voluntate pradi-
tam, & contra Monothelitas in eo re-
verà fuisse voluntatem humanam, ex eo,
quòd Christus mortem timuit. Sic Atha-
nasius in lib. de Incarnatione arguens
contra Apollinarem, qui negabat in Christo
fuisse mentem humanam, ait; *Si id verum
esset, quomodo potuit dolere, vel anxius esse,
vel orare?* scriptum est enim, & conturba-
tus est Spiritu Jesus, &c. Ex quibus verbis
S. Damascenus 3. de fide cap. 23. probat
in Christo verum fuisse timorem: *Quòd
autem verè persuaseris,* inquit, *testis est Atha-
nasius.*

Similiter Gregorius Nyssenus lib. con-
tra Apollinarem sic urget: *Hujusmodi au-
tem sermonis bastationi una erit consolatio,
vera mysteriorum confessio: quoniam formidare qui-
dem in passione humana fragilitatis est, jux-
ta quòd Dominus ait: spiritum pròptium esse,
carnem autem infirmam: quoniam igitur
altera humana voluntas, & divina altera est,
loquitur quidem, ut homo, quòd infirmitati car-
nis congruit. Item Agatho Papa in Episto-
la ad Imperatores colligit ex illo Matt. 26.
Tristis est anima mea, &c. verè humanam
in Christo fuisse voluntatem, unde in 6.
Synodo Alio 18. in Edicto Constantini
Pogonati Imperatoris, quod approbavit
Leo secundus Pontifex, dicitur: *Cum enim
Salvator ad crucis passionem propria volun-
tate**

rate veniret, caput tristari, & anxari; hæc enim anima rationalis, & voluntatis proprietates existunt, ut persuadet nobis præclarus Pater Epiphanius in form. adversus Ariamianus, ita profectus; à carne enim, inquit, divinitati unita absque animo, & mente non fuit agonia.

Tandem sanctus Damascenus mox laudatus cap. 28. de Humana Christi voluntate sic loquitur; Permittente siquidem divina voluntate naturaliter ea; quæ ipsi propria erant, patiebatur; etenim cum mortem averfaretur, ac detestaretur eam, divina ipsius voluntate ita ferente, ac sincere naturaliter detestabatur, ac in mortis pavore, & trepidatione, versabatur: Subdit. Præterea ex infirmitate, & pavore Christi firmitatem, & fortitudinem nostram dimanasse. Hinc apparet minis testè Cajetanum in art. 7. quæst. 15. cum nonnullis recentioribus Thomistis asseruisse tristitiam, & timorem dumtaxat fuisse in appetitu sensuivo Christi: hoc enim constantissime pernegant SS. Patres, dum ex tristitia, & amore, veram in Christo fuisse mentem, & voluntatem humanam colligunt.

Porro sanctus Damascenus lib. 2. de fide orthodoxa cap. 15. sex enumerat species timoris, quas omnes affirmat in Christo fuisse: Prima est *Segnities*, quæ est fuga impendentes actionis, quam ut molestiam apprehendimus: hanc autem fuisse in Christo, constat, nam non solum ab aliis voluit pati tormenta; sed etiam coactus agere aliquod molestum, & laboriosum, ut portare crucem: potuit enim non solum timere tormenta ab aliis inferenda; verum etiam tadio affici de illa molesta actione facienda. Secunda species est *Pudor*, qui est timor impressus ob expectationem vituperationis, quem pudorem Christus habere potuit, non quod admiserit aliquas actiones vituperatione dignas; sed quia opprobriis, & vituperiis hominum erat cumulandus. Tertia species, est *Verecundia*, quæ est timor subortus ob dedecus: hunc autem timorem in Christo fuisse, constat ex eo, quod sæpe ab hominibus dedecus passus est; siquidem pro nobis factus est maledictus. Quarta est *Super*, qui nascitur ex ingenti imaginatione rei nocivæ, & disconvenientis, quifuit in Christo, maxime tempore passionis, cepit cadere, & missus esse. Quinta est *Terror* ex insæcta aliqua specie rei, quem

quidem terrorem in Christo fuisse colligitur ratione scientiæ experimentalis, qua ratione potuit secundum illam scientiam res acerbis brevi sustinendas, & patientias non solum mirari, sed etiam stupere. Sexta denique est *Agonia*, quæ est timor de improvviso malo, quod prævideri non potest: Hæc autem non potuit esse in Christo secundum rei veritatem, sed dumtaxat secundum signa apparentia, nisi forte agoniæ definitas cum quibusdam lingue latinæ peritis, dicendo, quod illa sit timor cum trepidatione membrorum; qualem in Christo reverà fuisse non dissentirem, utpote cum S. Lucas dixerit cap. 22. Factus in agonia prolixius orabat.

CONCLUSIO QUARTA.

IRA fuit in Christo D. Quod utique colligitur ex illo Joan. 2. ubi narratur cum fecisset flagellum de funiculis, & eiecisset vendentes, & ementes de templo. Addit autem Joann. Recordati sunt verò Discipuli ejus, quia scriptum est: Zelus domus tue comedit me: nam ut etiam refert S. Marcus cap. 3. cum Pharisei Christum observarent, si curaret sabbatis, ut damnarent illum, & accusarent quasi transgressorem, tunc ait homini habenti manum aridam: Surge in medium, & dicit ei: Licet sabbatis bene facere, an male? animum salvum facere, an perdere? at illi tacebant, & sic conspiciens eos cum ira, contristatus super cecitate cordis eorum, dixit homini; Extende manum tuam, &c. igitur reverà Christus habuit motum iræ.

Observat autem Seraphicus Doctor q. 3. art. 2. disp. 5. Quod ira uno modo dicitur, purè affectionem: & sic dicitur ira assectus detestationis alicujus mali, vel apparentis mali: alio modo ira dicitur affectum cum pœna: & sic ira habet perturbationem, & inquietationem annexam: hoc autem potest esse in triplici differentia, quia aut. perturbatio illa solum tangit potentias inferiores, & nullo modo tangit oculum mentis ad tempus turbando, sed non excedendo: aut oculum mentis attingit ipsum perturbando, & obnubilando, & secundum hæc, motus iræ in quadruplici differentia reperitur, secundum quod colligitur ex dictis Sanctorum. Uno modo purè dicit effectum detestationis, & hoc

modo potuisset esse in Adam in statu innocentiz. *Alio modo* dicit modum detestationis cum iniquitatione, & perturbatione partis sensualis, sine aliqua perturbatione mentis, & hoc modo fuit in Christo affectio i x: sicut enim dicit Evangelium, infremendo conturbavit se ipsum. *Tertio modo*, dicit affectum detestationis cum commotione, & perturbatione, non solum partis sensualis, sed etiam rationis ad tempus, & hoc modo reperitur in viris iustis, qui irascuntur ira per zelum, de quibus dicit Gregorius, quod inde mens perturbata proficit, ut clarescat; sicut oculus per collyrium immisum ad tempus turbatur, ut postmodum clarior efficiatur. *Quarto modo*, ira dicit affectum detestationis cum commotione sensualitatis, & etiam mentis; ita quod commotio illa habet secum perturbationem mentis annexam, vel ad illam est ordinata, & sic est ira per vitium, & reperitur in peccatoribus, & prohibetur a Domino.

*Finis primarum Disputationum de Verbi Divini Incarnatione
in hoc septimo Tomo Theologia nostre.*



I N D E X

Rerum, & Sententiarum, quæ in hoc Septimo Volumine continentur.

Prior numerus significat paginam, posterior verò columnam.

A

Accidens.

- A**ccidens potuit assumi à verbo median-
te natura. 165. 2
Accidens duplicem habere potest habitu-
dinem ad subiectum. ibid.
Etsi accidens non possit hypostaticè ter-
minari; attamen suppositum requirit,
quo existat. 166. 1
Sola accidentia realiter à subiectis separa-
bilia assumi possunt. ibid. 2
Duo accidentia ejusdem speciei, & solo
numero distincta non possunt esse in
eodem subiecto. 379. 2

Actio.

- Actiones Christi possunt esse ipsi Christo
Domino propriæ. 78. 2
Actiones elicite à Christo possunt conside-
rari secundum suum esse morale scilicet
physicum. 79. 1

Adamus.

- De fide est posteros Adami ejus criminis
reos esse. 57. 2

Adoptio.

- Unde deductum sit Adoptionis nomen,
& quid significet, quæve sit ejus defini-
tio. 226. 2
Quadruplex discrimen inter adoptionem
divinam, & creatam. 227. 1
Tres conditiones ad adoptionem deside-
rantur. ibid. 2
Non est de fide Christum non posse aliqua
ratione dici filium adoptivum. 235. 2

Agnitæ.

- Agnitarum Origo, & error circa intelle-
ctum Christi. 11. 2

Angeli.

- Angelorum ruina potuit per homines ju-
stos reparari. 49. 2
Angelos reparari non fuit absolutè ne-
cessè. 59. 2

Apollinariæ.

- Apollinariæ circa facultates animæ Chri-
sti erraverunt. 11. 2
Apollinaris affirmavit Deum Christum car-

nem sine anima suscepisse; & erroris illius,
hæreticæque capita varia afferuntur. 10. 2

Appetitus.

- Quid sit appetitus rationalis. 392. 1

Arbitrium.

- Christus Dominus non habuit liberum ar-
bitrium flexibile ad malum in actu secun-
do, & extrinsecè, sed ad summum intrin-
secè, & in actu primo. 394. 2

Arius.

- Arius, & ejus discipuli erraverunt circa
animam Christi. 10. 2
Novi Ariani in aliquibus nobiscum con-
veniunt. 211. 2
Proponuntur diverticula novorum Aria-
norum, & præcluduntur. 212. 2
Quam futilis sit novorum Arianorum re-
sponsio ad oracula S. Pauli, Christi di-
vinitatem asserentis. 216. 2
Duplex interpolatio primi capitis S. Joan-
nis Evangelistæ à novis Arianis excogi-
tata, ut Christi divinitatem oracula com-
probantia elevent. 218.
Eorum impium dogma aperte confuta-
tur. 220. 1

Assumptio.

- Assumptio non est actio. 176. 2
Assumptio fit videlicet per modum perso-
nationis, ut per modum sustentationis.
165. 2
Nulla fuit necessariò prærequisita dispo-
silio ex parte animæ ad assumptionem hu-
manitatis. 178. 2

C

Cajstanus.

- Cajstanus duplicem in humano corpore
sanguinem distinguit, nempe nutrimen-
talem, & naturalem. 256. 2

Carolus.

- Egregia Caroli Magni commendatio. 233. 2

Carpocrates.

- Carpocrates affirmavit Jesum, ex Joseph &
ex Mariæ conjugio ceterorum more pro-
genitum esse. 6. 2

Cæsa.

ET SENTENTIARUM.

Causa.

Quid sit causa efficiens, & quoduplex. 174. 1
Deus, ut Trinus est principalis causa Incarnationis. ibid.
Qualiter causa efficiens, & instrumentaria distinguantur. ibid. 2

Cerdon.

Cerdon, qui primus duos dixisse Deos fate-
tur, unum bonum, & alterum malum. 10. 1

Cerintus.

Cerintus discipulus Carpocratis. 6. 2

Christus.

Christus ut homo sumitur, vel reduplica-
tive, vel specificative. 81. 1

In Christo est quidem aliud, & aliud, non
verò aliud, & aliud. 132. 1

Cotpus Christi non fuit prius tempore for-
matum, quam assumptum. 177. 2

Christi Corporis organizatio non fuit per
varias alterationes. 178. 2

Christus venit in mundum, ut peccatores
salvos faceret. 193. 1

Christus prius à Deo decretus est, quàm
Creaturæ. 195. 2

Christus est prædestinatorum exemplar. 197. 2

Christus est redemptor vel præservativus,
vel liberativus. 206. 2

Christus venit, ut prorsus omnia peccata
deleteret. 207. 1

Christus præcipue venit ut originale pec-
catum eluceret. 208. 1

Christus venisset solo existente peccato
originali, secus autem si sola actualia
existissent. ibid. 2

Christus est verus Dei, verusque Æterni
Patris Filius. 213. 1

Christus ratione generationis æternæ Patrem
appellat, ratione verò generationis tem-
poralis cum nominat Deum. 216. 1

Christus, non solum recreator, sed etiam
creator est. 221. 1

Christus tamquam verus Deus fuit promif-
sus Ss. Patribus. 223. 1

Christus, Angelus, Mariam, ac Iosephum
allocutus Deum verum affirmavit. ibid.

Quamquam Christus sit mediator, non
propterea inferior est Deo. 224. 1

Christus unà cum Patre invocatur, & et-
iam Pater noster dicitur. ibid. 2

Christus quatenus Æterni Patris Filius est
ei consubstantialis. 226. 1

Christus ut homo non est Filius adopti-
vus. 228. 2

Qua ratione Christus dicatur inferior
Patre. 230. 2

Qualiter sit verum, quòd Christus, ut ho-
mo sit Filius Dei naturalis. 231. 1

Christus D. dici potest Patri subiectus tri-
pliciter. 243. 2

Christus tenebatur obedire mandato Pa-
tris. ibid.

Christus liberè mortuus, quia liberè voluit
implere præceptum Patris. 244. 2

Christus subiectus erat legi naturali, non
verò legibus humanis, neque etiam le-
gibus. ibid.

Christus D. est verè servus Dei servitute
naturali non verò legali. 249. 1

Christum D. hominem esse Scriptura Sacra
significat. 249. 1

Quomodo censetur Christus in simili-
tudinem hominum. 252. 1

Christi D. Corpus erat ejusdem materiæ cum
nostro. 253. 2

Corpus Christi non solum in Maria, sed et-
iam ex Maria fuit formatum. 255. 1

Qua ratione S. Paulus dixerit se cognosce-
re Christum secundum carnem. ibid. 2

Christus duplicem habuit intellectum di-
vinum, & humanum, duplicemque vo-
luntatem. 265. 2

Non fuit in Christo pugna voluntatum.
266. 2

Proprie dici non debet quòd Christus D.
incepit esse nec quòd sit homo deiser. 304. 2

Non etiam est dicendus homo Domini-
cus. 305. 1

Triplici modo Christus D. differt ab Ada-
mo. ibid.

Corpus Christi erat passibile. 350. 2

Cognitio.

Quid sit Cognitio comprehensiva. 350. 2

Communicatio.

Communicatio Dei alia est ad intra, alia ad
extra. 39. 1

Quid sit Communicatio idiomatum. 288. 1

In Christo est Communicatio vel natu-
rarum, vel proprietatum, vel operatio-
num. ibid.

Communicatio fit duobus modis. ibid. 2

Est in Christo communicatio idiomatum.
289. 1

Quinque regulæ, quibus cognosci, ac di-
scerni possit idiomatum communicatio.
290. 2

Per communicationem idiomatum attributa
divina non conveniunt humanitati for-
maliter, nec humana divinitati. 291. 2

Christus D. per communicationem idiomatum
Dd 2 rum

INDEX RERUM,

tum absolutè dici non posset Creatura. 300. 1

Concilia.
Rationes, quæ in Conciliis reperiuntur ad astruenda fidei dogmata, non semper sunt de fide. 401. 2

Concretum.
Qualiter in divinis concreta de concretis, & abstracta de abstractis prædicantur. 289. 1

Constantinus.
Quare Constantinus hæresis fuerit damnatus. 104. 1

Convenientia.
Convenientia duplex est, intrinseca, & extrinseca. 38. 2

Creatio.
Creatio sumitur duobus modis, propriè, vel impropiè. 299. 1
Christus non est dicendus propriè creatus. ibid.

Creatura.
Creatura duobus modis comparari potest ad Creatorem, sicut Creator ad Creaturam. 51. 2
Varia Creaturarum particio. 161. 1
Christus non est dicendus Creatura. 301. 1
Christus secundum se totum non est dicendus creatus, aut increatus. 302. 2

Cyillus.
Cyrillus quomodo generosè testetur Nestorio. 17. 1

D

Dæmon.
Dæmones Christum esse verum Messiam ex oraculis potuerunt agnoscere. 34. 2

Defectus.
Tres præcipuè defectus, nempe ignorantia in intellectu, pravitas in voluntate, morbi morisque in Corpore. 380. 2
Duplicis generis hominum defectus, privari, & communes. 381. 1
Non debuit Christus peccata damnatorum pati. ibid. 2
Repugnat infirmitas naturæ Divinæ, non humanæ assumptæ. 383. 2
Christus assumpsit defectus humanos ex more, non ex necessitate. 384. 1
Christus D. non assumpsit privatos hominum defectus. 386. 1

Deformitas.
Christus non habuit deformitates, eximia enim pulchritudine donatus erat. ibid. 2

Deus.
Nomen Dei accipitur vel essentialiter, vel hypostaticè. 224. 2
Aliter nomen Dei tribuitur Creaturis, & aliter Christo. 225. 2
Deus non est infinitè participabilis à Creatura determinata. 328. 1

Dona Spiritus Sancti.
Quot, & quæ sunt Dona Spiritus Sancti. 342. 1.
Non distinguuntur à virtutibus. ibid. 2
Christus D. habuit omnia Dona Spiritus Sancti non solum quoad habitum, sed etiam quoad actum. 343. 2
Donum Consilii non semper importat dubitationem. 344. 2
Donum timoris in Christo negaverat Abailardus, sed ejuravit. ibid.
Quid sit præcisè Donum timoris, & ad quam virtutem spectet. 345. 1
Non repugnat cum statu beatifico Christi. ibid.

E

Ebion.
Ebion Cerynthi Discipulus. 7. 1

Elxai.
Elxai Judæus sectam mediam Judæos inter, & Christianos instituit. ibid. 2

Error.
Errores, quos plerique in Christi filiationem evomerunt, annotantur. 23. 1
Quinam præcipui fuerint Nestorii, & Eutychie errores. 324. 2
Duplex distinguitur error. 388. 1

Esse.
Triplex est esse, essentiz, existentiz, & subsistentiz. 282. 2
Christus D. habet unicū esse personalem. 203. 1

Eutychniani.
Eutychnianorum hæresis expositio. 20. 1
Tria sunt præcipuè eorum dogmata. ibid.
Non sibi constabat Eutyches. 21. 1
Qualiter fuerit damnatus. ibid. 2

Essentia.
Duplex in Christo essentia, divina, & humana. 282. 2
Testimonia quædam adversus hanc Christi existentiam. 284. 1
Eò præcisè B. Virgo est Mater Dei, quia illud existens, quod genuit, fuit completum, & terminatum per subsistentiam Verbi. 285. 1
Fa-

F

Facultas.

Facultates animæ non sunt realiter ab ea distinctæ. 264. 1

Felix.

Felix, & Elipandus idcirco damnati in Concilio Francofordienti, quod Nestorianam hæresim instaurarent. 232. 2

Fides.

Fides variis modis accipitur. 311. 2

Fides, & spes duobus modis considerantur. 334. 2

Duo ad fidei motus requiruntur. 335. 1

Fides Theologica neque quoad actum, neque quoad habitum, fuit in Christo. ib. 2

Quare Christus D. potius habuerit magnificentiam quam fidem. 336. 1

Non erat in Christo pia motio voluntatis ad assensum fidei. ibid. 2

Filiatio.

Varie Auctorum sententiæ de Filiatione Christi. 236. 1

Filiatio fundari potest non solum in persona, sed etiam in natura. ibid.

Filiatio æterna, & temporalis Christi sunt reales. 238. 1

Dux Filiationes ejusdem generis possunt esse in eodem subiecto. ibid. 2

Filiatio non subiectioni necessario, & immediate in supposito sed in natura. 239. 2

Filiatio divina dici potest immediate esse in natura divina. 240. 2

Etsi Christus D. duas habeat Filiationes, nullum tamen inde sequitur absurdum. 241. 1

Christus post Resurrectionem eadem Filiatione fuit Filius hominis, qua antea. 242. 2

Femur.

Quid significet, nec dux de Femore ejus. 99. 2

Forma.

Forma infinita in potentia potest esse actu. 328. 1

G

Generatio.

Sunt duæ generationes in Christo, non solum activæ, sed etiam passivæ. 238. 2

Gentiles.

Plurimi Gentiles cognoverunt futurum esse Deum hominem. 35. 2

Frasen Theol. Tom. VII.

Græci.

Quamdiu Græcorum impiorum steterit, non ita certum est. 104. 1

Græcis non est infrequens astra Conciliorum interpolare. 279. 2

Gratia.

Quomodo Gratiæ, quam habebat Adamus innocens, correspondebat aliquis gloriæ gradus. 200. 1

Quadruplex in Christo Domino gratia distinguitur. 306. 2

Gratia habitualis est Divinæ naturæ imitatio, non verò realis communicatio. 313. 1

Quid sit gratia habitualis, & ob quos fines concedatur. 314. 1

Christus Dominus habuit gratiam habitualement. 315. 2

Qualiter sint intelligenda hæc Verba, plenum gratiæ. ibid.

Filiatio adoptiva est tantum secundarius effectus gratiæ habitualis. 319. 1

Christus Dominus potuit esse Deus per participationem ratione gratiæ. ibid. 2

Licet Gratia unionis eminenter contineat gratiam habitualement, tamen non potest illius effectus supplere. ibid.

Quamquam Christus D. sit summè Deo gratus per gratiam unionis, tamen potuit etiā esse gratus per gratiam habitualement. ibid. 2

Gratia habitualis fuit Christo necessaria ad Sanctitatem formalem. ibid. 2

Christus D. opus habuit gratia habituali ad eliciendos actus supernaturales conaturaliter, & meritorios. 319. 2

Gratia habitualis saltem secundario ordinatur ad operationem. ibid. 2

Frustranea Vasquesii, & Suarii contentio de ampliori significatione Christi D. per gratiam habitualement. 320. 2

Gratia Christi D. potest concipi esse infinita variis modis. 321. 1

Potest dici summa simpliciter, positive scilicet, & negative. ibid.

Christi D. Gratia non fuit de facto infinita. 322. 1

Gratia unionis ex se non est infinita. 323. 1

Christus D. habuit summam Gratiam. 324. 1

Quate potius fieri debuerit summa Gratia, quam summa natura. 327. 2

Gratia Christi Domini non potest augeri in infinitum. ibid.

Christi D. Gratia fuit summa, etiam positive. 329. 2

Qualiter Christus Dominus dicatur profecisse in Gratia. 328. 2

INDEX RERUM,

Gratia actualis fuit in Christo. 330. 2
Gratia gratis data.
 Quid fit gratia gratis data, & quod-
 plex. *ibid.* 2
 Difcrimen inter Grantias gratis datas, &
 gratum facientes. 331. 2
 Christus Dominus habuit omnes Grantias
 gratis datas. 332. 1

H

Hæresis.

Hæretici, qui Divinæ Naturæ cum huma-
 na in unitate Personæ unionem impu-
 gnarunt, omnium nequissimi fuerunt
 Nestoriani, & Eutyriani. 15. 1
 Distributio Hæresum Verbi Incarnationem
 impugnantium. 6. 1
 Quot, & qui Hæretici Christi Divinitatem
 impugnaverint his temporibus. Hæreti-
 corum diverticulum præcluditur dicen-
 tium Verbum idcirco appellari Deum,
 quod Dei vices impleverit. 220. 2
 Hæretici, qui animam rationalem Christo
 denegaverunt. 249. 1
 Quinam hæretici erraverint circa Christi
 Domini cognitionem. 388. 1
 Item, qui verum corpus in Christo esse
 negaverint. *ibid.*
 Varii Hæretici circa veram Christi hu-
 manitatem erraverunt. 381. 1
Hebdomades Danielis.
 Quare 70. hebdomades Danielis tres in
 partes distribuuntur. 104. 2
 Anni quibus hebdomades constant sunt
 solares, non lunares. *ibid.*
 Quare 70. hebdomades dicantur abbre-
 viatæ. 105. 2
 Varia, & multiplex auctorum sententia cir-
 ca initium illarum hebdomadarum. *ibid.*
 Nostra sententia circa hebdomadarum ini-
 tium. 107. 2
 Refellit sententia eorum, qui volunt
 hebdomadas esse incipiendas à vaticinio
 Iſaiæ. *ibid.*
 Nec valet eorum, qui numerant ab edi-
 cto Cyri. 108. 1
 Non eriam potest stare eorum sententia,
 qui volunt hebdomadas illas auspican-
 das esse ab edicto Darii Hystaspis. *ibid.* 2
 Clara explicatio nostræ sententiæ circa ini-
 tium hebdomadam. 109. 2
 Omnes Danielis oraculi particulæ de heb-
 domadibus rectè conveniunt Christo Do-
 mino. *ibid.*

Herodes.

Herodes potuit origine fuisse Judæus. 108. 1
 Herodes dicitur Idumæus. 102. 1

Hilarius.

Obijcitur gravis sententia Sancti Hilarii
 pro asserenda impassibilitate Corporis
 Christi. 384. 1
 Ejus mens verè catholica demonstratur à
 Magistro Sententiarum, & aliis. 385. 1
 Illæ salvationes non videntur congrue-
 re textui, & merito ejusdem, unde fa-
 tentur plerique cum in hac parte fuisse
 lapsum. *ibid.* 2
 Demonstratur eum sententiam retracta-
 se, itidem. *ibid.*

Homo.

Homo purus quid sit. 62. 2
 Homo purus non potuit condignè satisfacere
 pro peccatis omnium hominum. 63. 2
 Potuisset absolute satisfacere Deo ad æqua-
 litatem pro peccatis hominum. 64. 2
 Nulla est contraditio, quod homo pu-
 rus potuerit satisfacere de condigno,
 nec adversantur SS. Patres. 67. 2
 Homo majorem similitudinem habet quàm
 Angelus cum Deo.
 Idem homo potest esse debitor, & cre-
 ditor. 72. 1
 Homo prædicatur de Deo, ut est quid ab-
 solutum. 295. 2
 Hæc propositio, Deus est homo, est pro-
 piè dicta. 294. 2
 Prædicatio, Deus est homo, non est in
 materiali. 295. 2
 Item hæc propositiones Deus factus est
 homo, & homo factus est Deus, veræ
 sunt. 296. 2
 Sed quia hæc pariter utendum est, eam
 optimè explicat Seraphicus Doctor. 298. 2

Honorius.

Honorius duplicem epistolam ad Sergium
 scripsit. 271. 1
 Aliqui Catholici docent Honorium patro-
 trocinatum fuisse errori Monothelita-
 rum. 270. 1
 Honorius non est culpandus, quod ad
 Sergium scripsit. *ibid.*
 Nec etiam arguendus erroris propter do-
 ctrinam in suis ad Sergium litteris ex-
 pressam. 272. 2
 Honorius solius pacis servandæ causa vo-
 luit, quod taceretur assertio unius, aut
 duarum voluntatum in Christo, & ne
 novitatis argueretur, vel ne si duas ad-
 mitteret, Nestorio, si unicam, Eutyche-
 ti

ET SENTENTIARUM.

ti favere videretur. 274. 1
 Honorius non magis est hæresis arguen-
 dus, quàm Sophronius. ibid.
 Honorius disertè prohibet dici unicam
 operationem in Christo, sicut vetat di-
 ci duas. 275. 1
 Honorius in 6. Synodo non fuit hæreticis
 annumeratus. ibid.
 Sanctus Maximus Honorium ab hæresi vin-
 dicavit. 277. 1
 Hæreticorum dolo Honorii nomen infer-
 tum est inter patronos erroris Mono-
 thelitarum. 278. 1
 Cur Honorius, & Sergius anathemate per-
 cussi fuerint in septima Synodo. 280. 1
 Falsum est, quòd Honorius ab Agatho-
 ne damnatus fuerit. ibid. 2
 Epistola Leonis Secundi, quæ ad finem
 sextæ Synodi, in qua damnatur Hono-
 rius, est spuria, & falsa. ibid.

Humanitas.

Qua ratione humanitas Christi dicatur
 templum illius Divinitatis. 131. 2
 Verbum Divinum non assumit, nec ter-
 minat humanitatem per substantiam ab-
 solutam. 141. 1
 Humanitas non terminatur per substan-
 tiam absolutam, ut modificatam per
 Verbi personalitatem. 143. 1
 Verbum terminat humanitatem non quia
 illam continet virtualiter, sed quia est
 independents. 144. 1
 Si tantum esset unica in Deo persona pos-
 set humanam naturam assumere. 145. 1
 Aliqui SS. Patres Christi D. humanitatem
 instrumentum appellant. 267. 2
 Christi humanitas non est ubique. 289. 2
 Præcipuè humanitatis Christi dotes sunt
 grætiæ, virtutes, & scientiæ. 306. 1

I

Jacobus.

Summus Pontifex pio affectu B. Jacobum
 de Marchia alloquitur. 260. 2

Jesus.

Verè Jesus Christus erat Messias. 111. 2
 Jesus erat pauperimus. 112. 1
 Jesus traditus est in mortem pro triginta
 argenteis. ibid.
 Jesus resurrexit, in Cælum ascendit, & mi-
 sit Spiritum S. ibid. 2

Ignorantia.

Diversæ ignorantie species. 387. 2
 Nulla omninò ignorantia Christus labo-

ravit, etiam quatenus homo. 388. 2
 Christus interrogat, non quasi aliquid
 ignoret, sed ut communi hominum lo-
 quendi modo se conformet. 389. 1

Incarnatio.

Incarnatio variis vocabulis exponitur. 24. 1
 Non potest naturaliter evinci Incarna-
 tionis possibilitas. 26. 2
 Incarnatio potius dicitur à carne, quàm
 ab anima. ibid.
 Quantum Dæmon laboraverit, ut Incar-
 nationis veritatem perfunderet. 25. 1
 Incarnationis explicatio, & qualis sit illa
 denominatio, Deus est homo. 26. 1
 Utrum Incarnatio cognosci possit, vel
 ut possibilis, vel ut proxima, vel ut per-
 acta, 32. 1
 Nullus Intellectus creatus potest natu-
 raliter cognoscere mysterium Incarna-
 tionis. ibid.
 Divina revelatione supposita, potest In-
 carnatio suaderi. 36. 2
 Incarnatio Verbi extitit Deo conveniens.
 39. 2
 In mysterio Incarnationis quinque præcæ-
 teris propè infinitis fulgent præcellentiæ,
 scilicet, bonitas, omnipotentia, sapien-
 tia, justitia, & misericordia. 39. 40. 41.
 Incarnatio novam mirabilem Trinitatem
 exhibet. 40. 2
 Deum humiliari dedecet ratione sui
 non verò ratione sibi uniti. 43. 1
 Incarnatio Verbi convenientissima fuit hu-
 manæ naturæ. 44. 2
 Incarnatio Verbi conveniens fuit toti uni-
 verso. 47. 1
 Deus potuit incarnari variis modis. ibid.
 Quare conveniens fuerit Christum nasci
 ex Virgine. 51. 1
 Qualiter Divinis Personis aliquid pecu-
 liare attribuitur. 52. 1
 Conveniens fuit Filium potius incarnari,
 quàm Patrem, aut Spiritum sanctum. ib. 2
 Incarnatio potest considerari, vel effecti-
 vè, vel formaliter. 54. 2
 Magis decebat Filium subijci Patri ratio-
 ne humanitatis assumptæ, quàm Patrem
 Filio. ibid.
 Incarnatio appropriat effectivè Spiritui S.
 at formaliter soli Verbo. ibid.
 Tres assignantur differentiæ temporis, in
 quibus fieri potuit Incarnatio. 54. 2
 Variæ exceptiones temporis, quo peracta
 est Incarnatio. ibid.
 Non deceuit Incarnationem fieri initio

INDEX RERUM,

mundi. 55. 2
 Incarnatio non debuit differri ad finem mundi. 56. 1
 Incarnatio congruentius facta est in medio temporum. ibid.
 Incarnatio Christi non fuit absolute necessaria. 57. 2
 Si qua Deus impulsus necessitate fuerit, maxime consequentia. 58. 2
 Incarnatio non fuit absolute necessaria, etsi Deus hominem lapsum reparare voluerit. 59. 2
 Sancti Patres docent Deum potuisse hominem salvare absque incarnatione Verbi. 60. 2
 Potuit Deus irrogatam sibi ab hominibus injuriam gratis condonare. 61. 1
 Proferuntur rationes SS. Patrum, qui dicunt Incarnationem fuisse absolute necessariam, sed intelligendi sunt de necessitate consequente ex decreto Dei. 62. 1
 Incarnatio est omnium unionum perfectissima, non autem strictissima. 130. 2
 Incarnatio juxta diversam sui habitudinem diversis sortitur appellationes. 135. 1
 Incarnationis terminus potest dici aliquid creatum, & increatum. ibid. 2
 Reverti solus Filius ex Divinis Personis est incarnatus. 140. 1
 Incarnatio diversimode spectata, diversos habet terminos formales. 136. 1
 Non fuit iterata Incarnatio in Resurrectione. 171. 1
 B. Virgo non fuit instrumentum physicè concurrens ad Incarnationem. 175. 1
 Deus ut Trinus non est principalis causa efficiens Incarnationis. 174. 1
 Duplex excogitari potest dispositio ad Incarnationem, una ex parte corporis, alia ex parte animæ. 177. 1
 Quatuor in Incarnatione spectari possunt. ibid. 2
 Christus suam Incarnationem non meruit per opera, antecedentia prioritate temporis, nec prioritate naturæ. 180. 2
 Incarnatio fuit merè gratuitum Dei beneficium. ibid.
 Christus non meruit suam Incarnationem per opera illam consequentia. 182. 2
 Gratia, qua SS. Patres veteris Testamenti meruerunt Incarnationis circumstantias, fuit eis collata ob merita Christi prævisa. 184. 2
 Christus D. potuit mereri quasdam circumstantias sequentes Incarnationem, non

verò præcedentes, & concomitantes. 185. 1
 Etiam si nullum fuisset hominis peccatum, tamen revera Deus potuisset incarnari. 193. 2
 Patres veteris Testamenti non meruerunt de condigno Incarnationem. 191. 1
 Nec etiam de congruo quoad substantiam neque quoad circumstantias intrinsecas sed dumtaxat quoad extrinsecas aliquas. ibid.
 Non potuerunt mereri omnes effectus Incarnationis. 192. 2
 Varia sunt motiva Incarnationis. 193. 2
 Varia sunt instantia distinguenda in decreto futuræ Incarnationis. ibid. 2
 Deus ordinatè volens prius vult Incarnationem, quam velit omnes creaturas. 199. 1
 Quo sensu Sacra Scriptura, & SS. Patres astant Incarnationem fuisse peccatam propter peccata elicienda. 203. 2
 Quo Ordine Deus Incarnationem decreverit. 205. 2
 Quo sensu Verbum fuisset incarnandum ex vi præsentis decreti in Carne passibili, si nullum fuisset peccatum. 206. 2
Institutio.
 Institutio Senatus Sanhedrin, & quid significet. 96. 2
Irremediabile.
 Irremediabile exprimitur tripliciter. 50. 1
Israelita.
 Quotquot post captivitatem fuerunt superstites Israelitæ, dicti sunt Judæi. 98. 2
Judæi.
 Aliqui Judæi duos Christos admiserunt, unum pauperem, & alterum divitem. 92. 1
 Sceptrum Judaicum non fuit ablatum tempore captivitatis Babylonicæ. 93. 1
 Urgetur recentium Judæorum obediētia contra adventum veri Messie. ibid. 2
 Nonnulli contendunt Judaicum sceptrum, nondum defecisse, at fabulas narrare. 91. 1
 Nomine (Judæ) non intelligitur tota Hebræorum natio. 95. 2
 Ablatio Sceptri, ac Regiæ, & judicariæ potestatis Judaicæ extinctio paulatim fuit completa. 100. 2
Jus.
 Quid sit jus in ordine ad rem, & in ordine ad personam. 70. 1
Justificatio.
 Ad Justificationem tria requiruntur. 307. 1
Justitia.
 Sicut duplex meritum, morale, & legale, ita duplex est justitia. 69. 2
La.

ET SENTENTIARUM.

L

Lumen.

Lumen triplex, fidei, demonstrationis, & suasionis. 31. 2
Etiam si lumen gloriæ esset infinitum, tamen Deus non comprehenderetur à Beatis. 322. 2

M

Machabæi.

Machabæi non erant ex Tribu Juda secundum lineam paternam, neque secundum lineam maternam. 93. 2
Machabæi non regnarunt jure hæreditario, nec per usurpationem. 95. 1. 2
Machabæi dici possunt ex Tribu Juda, & nomine ejus tribus sceptrum tenuisse. 99. 1
Licet regnaverint Machabæi super Israelitas, non propterea quidquam dignitatis, & excellentiæ Tribui Judæ excidit. ibid. 2

Manes.

Manes, sive Manichæus affirmabat cum suis discipulis Christum fuisse serpentem. 106. 1

Marcellus.

Marcellus Ancyranus fuit Sabellii fautor. 8. 2

Marcion.

Marcion, qui ut negaret Christi nativitatem, negavit & carnem. 10. 1

Maternitas.

B. Virgo potuit mereri divinam Maternitatem, nec tamen inde sequitur, quod Christus etiam potuerit mereri. 185. 2
Divina Maternitas spectanda est præcipue ex circumstantiis Incarnationis. ibid.
Triplex sententia de modo, quo B. Virgo cam meruerit. 186. 2
B. Virgo varias habebat dispositiones ad Divinam Maternitatem. ibid.
B. Virgo non meruit de condigno, ut fieret Mater Dei. ibid.
Quamquam B. Virgo meruerit aliquid præstantius Maternitate, inde tamen non sequitur, quod illam meruerit. 187. 2
Non potuit B. Virgo mereri, ut prælegeretur ad Maternitatem Dei, sed tantum ut illa sui celsio executioni mandaretur. 190. 1

Medium.

Medium est duplex: ut quod, & ut quo. 167. 2
Partes fuerunt Medium quo assumptionis humanitatis. 168. 2

Messias.

Quid significet Messias nomen. 85. 1
Cui sint Messias characteres. ibid.
Christianis constantissimum esse debet, Messiam venisse. ibid. 2
Messias adventus dupliciter colligitur ex veteri Testamento. ibid.
Messiam venisse colligitur ex Jacobi Vaticinio. ibid.
Ahiæ Silonites non fuit Messias. 80. 2
Nabuchodonosor non fuit Messias. ibid.
Præcluduntur alia Judæorum diverticula, quibus utuntur contra adventum Messias. 90. 1
Dicunt aliqui Messiam promissum fuisse, sub conditione, quæ non fuit posita. 91. 1
Verè Jesus Christus erat Messias. 111. 2
Quam futilia sint, quæ adversus adventum Messias Judæi obtrudunt. 112. 2

Monothelita.

Monothelitarum hæresis circa voluntatem Christi. 12. 1
Quis fuerit Monothelitarum error. 263. 1
Monophitis fuerunt erroris Monothelitarum primi assertores, & variè ab eis dissentiebant. 265. 1
Monothelitis confectis, aut interpolatis SS. Patrum, aut Pontificum operibus suam hæresim tuebantur. 267. 1
Quidam Patres Monothelitis favere videntur. ibid.
Monothelitis falsitatis accusati. 269. 1
Præferunt Summi Pontifices Honorii successores, qui Monothelitis obstitērunt. 270. 1

N

Natura.

Deus humanam assumendo naturam, non illam in se recipit, sed tantum illi se communicat. 29. 2
Verbum divinum dependentiam naturæ humanæ terminat ratione personæ; at natura humana personam Verbi divini tanquam intrinsicum sui complementum in se recipit. ibid.
Naturæ Angelicæ, tum humanæ, ex se indigna erat, quæ divinitati uniretur. 47. 1
Natura humana debuic potius reparari quam Angelica. ibid. 2
Deccebat magis ut natura humana ex Adami propagine assumeretur, quam alia. 50. 2
Nominis Naturæ propria significatio. 125. 1
Quotuplex persona divina potuit humanam assu-

INDEX RERUM,

- assumere naturam. ibid.
 Una natura in unione hypostatica non
 est mutata in aliam. .
 Dux Naturæ divina, & humana, distin-
 ctæ in Christo perseverant. 130. 2
 Quomodo Natura dicatur individua sub-
 stantia. 132. 2
 Natura divina secundum se potest aliquo
 modo humanitatem assumere. 140. 2
 Repugnat Naturam Creatam esse infini-
 tam. 151. 2
 Scotus non negat Naturam divinam pos-
 se terminare naturam Creatam. 148. 1
 Tres Divinæ Personæ possunt simul ean-
 dem Naturam terminare. 150. 1
 Tres Divinæ Personæ non possunt ean-
 dem Naturam simul assumere immedia-
 tē. 151. 2
 Natura semel personata, non potest ulte-
 rius personari. 152. 1
 Natura non potest à pluribus simul de-
 pendere. ibid. 2
 Discrimen inter personam subsistentem,
 in Natura divina humana. 153. 2
 Tres divinæ personæ non possunt omnem
 suam vim exercere, ut eandem naturam
 assumant. ibid.
 Natura assumpta ab una personæ, non
 habet amplius potentiam obedientialem
 ad aliam personam, ut simul ab ea as-
 sumatur. 155. 1
 Natura assumpta non habet actualement
 inclinationem, ut terminetur ab alia per-
 sona. 154. 2
 Una natura non potest terminari à di-
 versis suppositis. 155. 1
 Natura cogitari potest dupliciter à perso-
 na creata assumi, effectivè scilicet, &
 terminativè. 157. 1
 Verbum divinum potuit plures naturas
 assumere absque ulla contradictione,
 & hominum multiplicatione. 156. 1
 Persona creata non potest ex se naturam
 alienam assumere, neque eam unire cum
 proprio, aut alieno supposito. 158. 1
 Angelus potest alienam naturam assume-
 re ex se. ibid. 2
 Persona creata potest alienam naturam
 assumere per extraordinariam Dei po-
 tentiam. ibid.
 Non est absolutè necessarium, quòd sup-
 positum terminans naturam sit independens.
159. 1
 Cur potius persona possit terminare plu-
 res naturas, quàm natura terminari à
 pluribus personis. 160. 2
 Natura terminata per personam creatam
 haberet terminum positivum. 161. 1
 Dupliciter natura aliqua est assumptibi-
 lis. ibid. 2
 Natura humana potius, quàm Angelica,
 assumi debuit à Christo. 162. 1
 Natura Angelica potuit assumi à Deo. ibid.
 Utrum quælibet natura, etiam irrationa-
 lis assumi poterit. 163. 1
 Natura irrationalis si fuisset assumpta à
 Deo, non diceretur Persona. 164. 1
 Partes reales possunt etiam assumi à Deo
 seorsim, sive sint separatæ, sive unizæ.
ibid. 2
 Natura jam affecta sua subsistentia potest
 assumi, non quidem aservata, sed pec-
 cante illa personalitate, & subsisten-
 tia. 172. 1
 Natura personata non potest assumi, reman-
 ente propria personalitate. ibid.
 Natura humana non debet dici filia Vir-
 ginis. 240. 1
 Qualiter dux naturæ perfectæ in Christo
 uniri poterint. 251. 2
 Non est conveniens, quòd Christus Do-
 minus plures naturas partiales assumpse-
 rit. 259. 1
 Dux perfectæ fuerunt in Christo natu-
 ræ. 267. 1
 Licet Christus duas habeat naturas non
 tamen potest dici duo. 286. 2

Necessitas.

 Necessitas quoduplex. 57. 2
 Necessitas duplex. ibidem.

Nestorius.

 Nestorii impii dogmatis assertor, quis fue-
 rit, qua arte Catholicos luserit, qui
 fuerunt illius errores. 15. 1
 Quæ fuerit prima illius hæresis propala-
 tio. 16. 2
 Quid pro suo tuendo estote molitus fue-
 rit Nestorius. 17. 1
 Dire in Catholicos savor. ibid.
 Convocatio Concilii Ephesini adversus
 Nestorium. 18. 1
 Quàm audaci fronte cum suis Fautoribus
 Concilio interesse detrectet. ibid.
 Ab universali Concilio damnatur. ibid. 2
 Quanta lætitia populus Ephesus hanc
 Nestorii damnationem exceperit. 19. 1
 Quas artes perfidè tenuerit Nestorius, ut
 Concilii sententiam cum suis assertatori-
 bus elevarit maxime apud Imperatorem.
ibid.

Obje.

ET SENTENTIARUM.

O

Obiectum.

Qualiter obiectum creatum videatur in Verbo. 350. 2

Offensa.

Offensa Dei crescit secundum proportionem Geometricam, non autem Arithmetica. 66. 1

Offensa Dei non est infinita. ibid.

Offensa Dei non punitur infinita pena. ibid.

Operatio.

Fuerunt in Christo duplicis generis operationes naturales, & supernaturales. 268. 1

Ordo.

Ordo duplex est in divina operatione, alius secundum inentionem, alius secundum executionem. 194. 1

Organizatio.

Christi Corporis organizatio non fuit per varias alterationes. 178. 2

P

Partes.

Partium substantialium varia, & multiplex divisio. 162. 1

Partes possunt comparari, vel in ordine ad se, vel in ordine ad humanitatem. 168. 2

Passibilitas.

Duplex distingui potest passibilitas. 205. 2

Pessio.

Undecim passiones appetitus sensitivi solito numerantur. 404. 2

Quas passiones habuerit Christus Dominus. 405. 1

Qualiter Christus Dominus habuerit tristitiam, & gaudium. ibid.

Tristitia formaliter residet in voluntate, quamvis non sit actio voluntatis. ibid. 2

Fuerunt in Christo passiones, non tamen cum ea imperfectione, qua sunt in hominibus. 406. 1

Has passiones, propassiones vocat S. Hieronymus. ibid. 2

Duplicem possumus habere nolitionem rei, quam refugimus, unam conditionatam, aliam absolutam, quam Christus habuerit, incertum videtur. 407. 2

Summum gaudium excludit omnem tristitiam directè, non autem indirectè. 409. 1

Diferimen inter corpus gloriosum, & beatum Christi. ibid. 2

Quid sit tristitia. 410. 1

Isaias excludit tantum à Christo tristitiam perturbantem. ibid.

Christus habuit timorem. ibid. 2

Quomodo timor includat incertitudinem obiecti. 411. 1

Verè fuit in Christi voluntate timor mortis. ibid.

Sex species timoris ex Sancto Damasceno. 412. 1

Christus habuit motum iræ. ibid. 2

Duplex ira. ibid. 2

Patres.

Sancti Patres præclare explicant quid significetur per, ante Luciferum genui te. 214. 1

Paulus.

Paulus Samosatenus unicum in Deo personam admittit, duplexque Verbum distinxit. 7. 2

Peccatum.

Peccatum non habet plus malitiæ, quam opus meritorium habere possit bonitatis. 65. 2

Peccata sunt quattuor generis. 208. 1

Peccatum originale, est minus grave intensivè, quam actuale, sed eo gravius extensivè. ibid. 2

Christus nullo unquam originali peccato fuit inquinatus. 392. 1

Impia hæreticorum blasphemia de Christi Domini impeccabilitate. ibid. 2

Quatuor modis potest considerari Christi impeccabilitas. ibid.

Diferimen est inter habere potentiam peccandi, & habere potentiam quâ peccatur. ibid.

Christus ne levissimè quidem peccavit.

Nec ullatenus peccare potuit. 393. 1

Christus non fuit præcisè impeccabilis ratione unionis hypostaticæ, quamvis id asserere videantur aliqui Sancti Patres. 395. 1

Si Christus posset peccare connaturaliter, sicut cæteri homines, non esset Christus. 398. 2

Quod sit solum per absolutum Dei concursum extraordinarium soli Deo tribuitur, non verò quod sit per indifferentem. 399. 1

Si peccaret humanitas, Verbum tamen peccati causa non esset. 400. 1

Natura humana secundum se est causa sufficiens suæ actionis peccaminosæ. 402. 1

Etiā si suppositum concurreret partialiter effectivè ad actionem peccaminosam, non esset tamen causa actionis peccaminosæ. ibid.

Nulla datur gratia tantæ perfectionis, cum qua non posset de potentia Dei absoluta stare peccatum. 402. 2

Re-

INDEX RERUM,

Rectè inferitur Christi impeccabilitas ex
 unionem hypostaticam, non per locum in-
 trinsecum, sed extrinsecum. 403. 1
 Nullatenus in Christo fuit peccati fomes,
 quæ sublata est per virtutes, quas ha-
 buit Christus in perfectissimo gradu. ib. 2
Personalitas.
 Quid sit personalitas, & quas communi-
 cationes neget. 157. 2
 Personalitas creata per se, & immediatè
 non potest assumi. 171. 2
Phoxinus.
 Phoxinus fuit Marcelli discipulus. 9. 1
Portio.
 Duplex animæ portio, superior, & infe-
 rior, & qualiter distinguantur. 404. 1
Possibile.
 Possibile duplex est. 26. 2
 Inter possibile, & impossibile nihil me-
 diat. 27. 2
Potentia.
 Potentia Dei ad agendum tam ad intra, quam
 ad extra, licet non esset trinus. 147. 1
Premium.
 Præmii congruitas duobus modis spectari
 potest. 191. 1
Principium.
 Principium meriti non potest cadere sub
 merito. 183. 1
Propositio.
 Propositiones quomodo, & in quibus
 fiant. 293. 1
 Qualiter usurpanda sit hæc propositio fa-
 ctam esse, vel fieri. 294. 1
 Propositionis falsitas non tollitur per il-
 lius reduplicationem, sed per specifica-
 tionem. 300. 1
Proprietas.
 Proprietates necessariò, naturam divinam,
 & humanam consequentes sunt in Chri-
 sto. 231. 2

Q

Qualitas.

Qualiter fiat argumentum qualitatibus. 321. 2

R

Redemptio.

Eò magis ob Redemptionem nostram per
 mortem Christi devincimur Deo, quòd
 aliter poterat nos redimere. 68. 2

Relatio.

Relatio dependentiæ humanitatis à Verbo

reduci non potest ad causam efficien-
 tem. 201. 2

Unde fit petenda relationum distinctio.
 157. 1

In Christo sunt duæ Relationes, una æ-
 terna ad Patrem, altera temporalis ad
 Matrem. 158. 1

Multiplicatio termini, & fundamenti par-
 tialis non semper inferit multiplicatio-
 nem relationis. 159. 1

Relationis varia divisio. 63. 1

Quomodo per Relationem aliquid prius
 alteri se habeat in ordine ad aliud, quam
 ad se. 119. 2

Duplex in Christo est relatio ad S. Tri-
 nitatem. 136. 2

Res.

Res dicuntur supernaturales, vel quoad
 substantiam, vel quoad modum. 31. 2

Restitutio.

Restitutio fieri nequit ex bonis, quæ sunt
 sub dominio creditoris, bene vgrò sa-
 tisfactio. 79. 1

Discrimen inter restitutionem, & satisfac-
 tionem. ibid.

Regnum Perfarum.

Valde incerta Regni Perfarum duratio.
 104. 2

Reg.

Circa numerum Regum Perfarum diver-
 si diversa sentiunt. 106. 1

Nostri sententia circa numerum Regum
 Perfarum. ibid. 2

S

Sabellius.

Sabellius unicam in Deo Personam agno-
 vit, negavitque Verbum divinum fuisse
 incarnatum. 9. 2

Sanctificatio.

Duplex est Sanctificatio, una à statu con-
 trario, alia à statu privativo. 307. 1

Sanctitas.

Quid sit Sanctitas. ibid. 2

Triplex est in Deo Sanctitas. ibid.

Multiplex authorum sententia circa San-
 ctitatem humanitatis Christi. 308. 1

Christus D. revera erat Sanctus Sanctita-
 te Personali. ibid.

Non est consequens, quòd si Christus
 licet sit Sanctus substantialis pari ratio-
 ne sit impeccabilis. 309. 1

Cur Christo potius tribuatur divina San-
 ctitas, quam alia attributa. ibid. 2

Que-

ET SENTENTIARUM.

Quenam Sanctitas naturæ rationali assumptæ tribueretur. 311. 1
 Substantialis Sanctitas, non petitur præcisè ab unione hypostatica. ibid.
 Sanctitas personalis Christi non est petenda præcisè à divinitate, nec à personalitate Verbi seorsim, sed conjunctim. ibid. 2
 Qualiter formalis Sanctitas à personali differat. 314. 2
 Personalitas divina non est sancta formaliter, sed tantum realiter. 315. 1
 Continentia eminentialis omnis Sanctitatis non sufficit ad satisfactionem formalem. *Sanguis.*
 Sanguis non est animatus. 257. 1
 Cravis controversia exorta de adoratione Christi sanguinis in triduo. ibid.
 Omnis sanguis humanitatis fuit à Verbo assumptus. 258. 1
 Non est de fide omnem humanitatis Christi sanguinem fuisse assumptum. 260. 1
 An particulæ sanguinis Christi ab ejus corpore separatæ in terra existant. 262. 2
Sanbedrin.
 Institutio Senatus Sanbedrin, & quid significet. 96. 2
 Quenam fuerit illius authoritas. ibid.
 Ex qua potissimum tribu Judices illius seligerentur. 97. 2
 Quandiu steterit, & esse desierit. ibid. 2
Satisfactio.
 Poterat Deus à quolibet homine debuiam satisfactionem repetere. 61. 1
 Si voluisset Deus, posuisset unus homo pro aliis satisfacere. ibid.
 Satisfactio quid sit. 62. 2
 Varia potest esse satisfactio. ibid.
 Vilitas personæ non semper minuit satisfactionem. 65. 2
 Gratuita acceptatio nihil detrahit justæ satisfactioni. 68. 2
 Christus Deo satisfecit pro peccatis hominum ex particulari motivo justitiæ legalis. 71. 1
 Quæ sit satisfactio ex justitia legali. ibid.
 Qualiter Christi D. satisfactio etiam sibi, ut Deo exhibita sit ad alterum. 72. 1
 Christi satisfactio fuit superabundans. 73. 1
 Christi satisfactio fuit condigna. 74. 2
 Ut Christi satisfactio esset undequaque completa egebat Dei acceptance. 75. 1
 Christus satisfecit ut Deus homo. ibid. 1
 Satisfactio Christi fuit summa, licet non fuerit infinita intrinsecè. 76. 1

Deus poterat satisfactionem Christi acceptare. ibid.
 Alia est ratio satisfactionis ex condigno alia ex rigorosa justitia. ibid. 2
 Conditiones satisfactionis ex rigorosa justitia. ibid.
 Satisfactio Christi habuit omnes conditiones ad satisfactionem ex rigore justitiæ. 77. 2
 Christus satisfecit per actiones creatas pro ut erant à persona Verbi. 78. 1
 Licet opera Christi fuerint sub alio dominio Dei, tamen per ea potuit ex stricta justitia pro nobis satisfacere. 79. 2
 Ad satisfactionem non est necesse, quod aliquid incipiat esse sub dominio creditoris. 80. 2
 Satisfactio Christi fuit ex bonis propriis. ibid.
 Satisfactio Christi facta est ex aliis indebitis. 82. 2
 Licet Christus sua opera Deo debuisset titulo gratitudinis; tamen poterat condignè satisfacere. 83. 1
 Satisfactio Christi reverà erat ad alterum. ibid. 2
 Alteritas secundum naturam sufficit ad satisfactionem. 84. 1
 Qualiter Christus Dominus sibi ipsi satisfecerit. ibid. 2
 Satisfactio Christi non potuit à Deo Patre non acceptari. 85. 1
Saturnilus.
 Saturnilus, seu Saturninus hæresim præceptoris propagavit, & Christum revera natura non fuisse docuit, sed tantum putativè. 9. 2
Saul.
 Saul habetur pro Messia, sed falso. 88. 2
Scientia, & Sapientia Christi.
 Quadruplex in Christo Scientia esse dicitur. 346. 1
 In Christo Domino duplex est Scientia creata, & increata. ibid.
 Christus de facto habuit Scientiam creatam. 347. 1
 Ad quid Scientia creata in Christo deservivit, cum per incretam omnia novisset. 348. 1
 Christi Domini intellectus humanus etiam de potentia absoluta non potuit fieri sapiens sapientia increata. ibid. 2
 Christus D. adhuc mortalis videbat Deum intuitivè, idque ab instanti suæ conceptionis. 351. 1
 Christi D. cognitio est perfecta, non tamen comprehensiva. 353. 1
 Ank.

INDEX RERUM,

Anima Christi D. fortè non videt omnia
possibilia. 354. 2
Cognitio, quæ actu versatur circa infinita
objecta debet esse infinita, secus verò si
versetur dumtaxat potestate. 356. 2
Qua ratione Doctor subtilis velit intel-
lektum creatum posse accipere infinitas nu-
mero cognitiones non verò producere. 357. 1
Intellectus Christi non videt omnia, quæ
Deus cognoscit scientia visionis. 357. 2
Qualiter intelligendus sit Doctor, cum
ait Christum Omnia videre habitualiter
in Verbo. 358. 1
Christus triplici scientiæ novit Creatu-
ras. 359. 1
Qualiter Scientia beatifica differat ab in-
fusa, & acquisita. ibid.
Christus D. habuit scientiam infusam cum
beata. 360. 1
Sex modos scientiæ distinguit Alensis in
Christo. ibid.
Quoniam scientia & opinio, non pos-
sint simul subsistere, tamen subsistere
possunt scientia beata, & infusa. 361. 1
Christus Dominus novit etiam per scienti-
am infusam omnia mysteria fidei. 282. 1
Novit etiam omnia entia per se superna-
turalia. 363. 1
Novit etiam cogitationes cordium, necnon
& futura etiam contingentia. 364. 2
Quibus modis futura contingentia cogno-
scentur. 366. 2
Quo sensu Doctor subtilis dicat futurum
contingens non posse cognosci. 367. 2
Illa scientia, per quam Christus novit futu-
ra contingentia, erat habitualis. 368. 1
Multiplices erant illius scientiæ secundum
diversitatem objectorum. ibid. 2
Scientia infusa præstantior est scientia An-
gelorum. 369. 1
Quid nomine scientiæ acquisitæ intelligen-
tur. ibid.
Scientia acquisita, & infusa per se non
distinguntur. 207. 1
Scientia experimentalis à scientia differt.
ibid. 2
Christus D. habuit scientiam acquisitâ. 367. 2
Novit essentias rerum naturalium ab in-
stanti conceptionis suæ per habitum sibi
infusum. 373. 2
Indiget homo sensibus, & phantasmati-
bus ad scientiam comparandam. 374. 2
Christus profecit in experientia non in
scientia. 377. 2

Perfectius est habere scientias per infusio-
nem, quam per acquisitionem. 378. 1
Christus novit omnia individua per scienti-
am sibi infusam. 379. 1
Nihil unquam Christus D. didicit ab An-
gelis, aut hominibus. ibid. 2
Major est perfectio discere à sensibilibus,
quam ab hominibus. 380. 1

Servitus.

Servitus quadruplex. 242. 2
Servitus non importat necessariò negatio-
nem communicationis in Anima. 243. 1

Simon.

Simon Magus.

Species.

Quare una species non possit plura ob-
jecta representare. 359. 2

Sper.

Christus D. non habuit spem circa obje-
ctum primum, neque circa secundarium.
337. 1

Duplex est inevitabilitas, & certitudo
respectu rei sperandæ. 338. 2

Status.

Duplex in Christo sunt Status. 350. 1

Subsistentia.

Duplex generatio subsistentia in Deo, ab-
soluta, & relativa. 145. 1

Quid sit subsistentia absoluta, & com-
munis. ibid.

Duplex est munus subsistentiæ creatæ. ibid. 2
Natura Divina per subsistentiam absolutam
posset humanitatem assumere. 146. 1

Natura divina habet virtutem indepen-
dentem ac subsistentem. ibid.

Subsistentia divina absoluta, & existentia di-
vina distinguuntur tantum ratione. 147. 1

Natura assumptæ per subsistentiam abso-
lutam non posset dici persona. ibid. 2

Subsistentia generatim sumpta, non debet esse
ultimus naturæ subsistentis terminus. ibid.

Sunt in Christo tres subsistentiæ substan-
tiales. 285. 2

Suppositum.

Quid sit suppositum, & qualiter à na-
tura distinguatur. 125. 2

Idem suppositum terminare non potest
duplicem generationem. 132. 2

T

Terminus.

Terminus actionis productivæ duplex est,
totalis, & formalis. 134. 1

Christus, ut Deus homo est terminus to-
ta-

ET SENTENTIARUM.

talis incarnationis, sed de termino formali magna est controversia. *ibid.* 2

Theodorus.

Theodorus Patriarcha Constantinopolitanus videtur Honorii nomen cum damnatis Hæreticorum patronis inseruisse. 279. 2

Theodorus.

Theodotus Romæ prædicavit Christum non esse Deum, sed nudum hominem. 7. 2

Theologus.

Theologus debet esse instructissimus. 25. 2

Timor.

Triplex est timor, naturalis, mundanus, & divinus. 343. 1

Timor divinus triplex est servilis, initialis, & filialis, qui etiam dicitur castus, & æverentialis. *ibid.*

Tribus.

Ita Tribus Benjamin, & Levi post divisionem Regni Israelitici ad hæserunt Tribui Judæ, ut unicam Tribum instituere. 98. 1

Trinitas.

Opera Trinitatis ad extra sunt indivisa.

V

Valentinus.

Valentinus docuit Christum habuisse corpus cæleste non terrenum. 9. 2

Valor.

Juxta duplex jus, duplex etiam statuitur valor. 70. 1

Qualiter valor operum Christi ex persona Verbi processerit. 78. 2

Verbum.

Qualiter Verbum uniatum in se hæc humanitati, cum nihil in se recipiat. 121. 2
Dependens humanitatis à Verbo, & in genere cause materialis. 122. 1

Licet Verbum dicatur *caro factum*, non propterea est mutatum in carnem. 128. 1

Qualiter sit intelligendum, quod Verbum divinum hominem assumpserit. 132. 2

Utrum Verbum terminet assumptionem humanitatis per aliquid personale, vel per aliquid essenziale. *ibid.* 2

Verbum divinum Animam rationalem, & corpus humanum verè assumpsit, & omnes eorum facultates eadem similitate temporis. 167. 2

Verbum dimisit totum humanitatis in tri-duo mortis. 170. 1

Verbum divinum non habuit aliquam efficientiam erga suam humanitatem. 178. 2

Verbum maxime est incarnatum ad ex-

pianda hominum peccata. 194. 2

Ex vi præsentis decreti Verbum fuisse incarnatum, etiam si Adamus non peccasset. 195. 2

Verbum divinum assumpsit verum corpus, & veram animam. 250. 1

Verbum non assumpsit hypostaticè capillos, ungues, nec partes excipientias. 262. 1

Quare de Verbo dici non possit, quod sit humanatum, nec quod sit Deificatum. 296. 1

Vigilius.

Vigilius Romanus Pontifex non fuit Monothelita. 268. 2

Virtus.

Virtus moralis generatim vel se ipsam, vel alium respicit. 69. 1

Triplex est Virtutum genus. 334. 1

Quid, & quotuplex sit Virtus Theologica. *ibid.*

Non omnis Virtus est admittenda in Christo. 336. 1

Christus non habuit Virtutem penitentiz. 339. 1

Quid sit Virtus moralis. *ibid.*

Virtutes morales possunt spectari in triplici statu. *ibid.* 2

Possunt infundi. *ibid.*

Omnes Virtutes morales, quæ nullam imperfectionem includunt, & connotant, reverà fuerunt in Christo. 340. 1

Quomodo Virtutes morales in Beatis perseverent. 341. 1

Christus D. habuit Virtutes morales in gradu heroico, idque per infusionem ab instanti suæ conceptionis. *ibid.* 2

Sicut Virtutes morales conferunt ad perfectionem voluntatis, ita & intellectuales ad perfectionem intellectus. 376. 2

Viso.

Viso beatifica conferri potest, absque eo quod gratia beatificans præcesserit. 379. 2

Unio.

Quàm variz fuerint hæreticorum sententiz circa Unionem hypostaticam. 113. 1

Varia nomina, quibus appellari solet Unio hypostatica. *ibid.* 2

Variz species Unionis. *ibid.*

Actio Unitiva extremorum est triplex. 115. 1

Triplex Authorum sententia circa Unionem hypostaticam. *ibid.*

Unio hypostatica est ens reale creatum realiter ab extremis distinctum. *ibid.* 2

Unio hypostatica non solum est actio unitiva extremorum, sed etiam productiva termini. 116. 2

Ter-

INDEX RERUM,

- Terminus Unionis hypostaticæ non est alius formaliter, quam ipsa formalis Unio. 117. 1
- Quomodo humanitas dependeat formaliter ab Unione. ibid.
- Unio humanitatis cum Verbo non est simplex in distantia ab eo. ibid.
- Sicque corpus & anima rationalis non Uniuntur scipulis immediatè, ita nec humanitas & Verbum. ibid. 2
- Quænam Unio mediet inter humanitatem, & Verbum. 118. 1
- Unio hypostatica est relatio extrinsecus adveniens. ibid. 2
- Quænam Unio hypostatica spectet ad complementum substantiale humanitatis, non tamen est substantiale. 119. 1
- Unio hypostatica dicitur substantialis, licet sit accidens. 120. 1
- Unio hypostatica reduci potest ad prædicamentum Passionis. ibid. 2
- Unio hypostatica est relatio non mutua, est etiam relatio disquisparentiæ. 121. 1
- Tres distinctæ actiones reperiuntur in Unione hypostatica. 122. 2
- Quomodo Unio animæ cum corpore adumbret Unionem humanitatis cum Verbo. 128. 2
- Refelluntur omnes modi Unionis, quos Nestorius excogitaverat. 131. 1
- Quot modis Unio dici possit immediata. In Christo vel Unio est nulla, vel parva, vel maxima. 137. 1
- Duo Uniri possunt in tertio duobus modis. ibid.
- Unio hypostatica est intrinsecè immediata. ibid.
- Quare Unio materiæ cum forma requirat mediam dispositionem, non verò Unio hypostatica. ibid. 2
- Discrimen inter unionem beatificam, & hypostaticam. 138. 1
- Unio hypostatica non est omnium maxima ex parte extremorum. ibid.
- Unio hypostatica censeri potest omnium maxima ratione personæ. ibid. 2
- Distantia naturarum non impedit Unionem maximam. 139. 2
- Proponitur sententia Durandi de Unionem humanitatis cum Verbo, & refellitur. 142. 1
- Etsi humanitas primariò terminetur à Verbo, & secundariò à natura divina, non tamen sequitur diversa Unio. ibid. 2
- Unio naturæ divinx cum humana per subsistentiam absolutam, non esset in unitate naturæ vel personæ, sed dumtaxat Unionis naturæ divinx cum humana. 149. 1
- Unio corporis, & animæ Christi in Resurrectione non fuit eadem omnino, quæ fuerat in ejus formatione. 185. 1
- Unio hypostatica secundum entitatem, est minus perfecta, quàm gratia. 311. 2
- Possibilitas naturæ humanæ cum Verbo. 26. 2
- Vocabulum.*
- Vocabulum, *factum*, non semper significat mutationem substantialem. 128. 1
- Voluntas.*
- Dux erant in Christo voluntates directrices, sed humana subiciebatur divinx. 253. 1

Finis Rerum Notabilium.





